





---

Ex Bibliotheca  
majori Coll. Rom.  
Societ. Jesu

43.4.17  
43  
D  
17





842.F.9

# THEOLOGIAE SCHOLASTICAE

SECUNDUM VIAM ET DOCTRINAM

D. THOMÆ AQUINATIS,

DOCTORIS ANGELICI,

In Celebris Archiepiscopali Benedictina Universitate

Salisburgensi, methodo & normâ ibidem usitatâ

publicè traditâ, & in IV. Tomos digestâ,

## TOMUS SECUNDUS

In primam secundæ Partis

Summæ Angelicæ

DE ACTIBUS HUMANIS, CONSCIENTIA,

PECCATO PERSONALI, ET ORIGINALI, DE LEGIBUS, ET PRIVILEGIIS.

Cum duplici Indice.



AUTHORE

Adm. Reverendo, Relig. & Clarissimo

P. PAULO MEZGER,

Ord. S. Benedicti ex Antiquissimo & Celeberrimo

Monasterio SS. Petri ibidem, Theologiæ Doctore & Professore

emerito, Celsiss. & Reverend. Principis, & Archiepiscopi Salisburgensis, &c.

Consiliario Ecclesiastico, nunc in eadem Universitate

S. Scripturæ Professore, & Procancellario.



Cum Licentia & Facultate Superiorum.

AUGUSTÆ Vindelicorum & DILINGÆ,

Sumptibus JOANNIS CASPARI BENCARD, Bibliopolæ.

ANNO M. DC. XCV.



THEOLOGICAL

AND

...

...

...

...

...

...

...

...

...

...

...

...

...

...

# INDEX TITULORUM, TOMI SECUNDI

## In primam Secundæ Partis Summæ Angelicæ.

### TRACTATUS IV.

#### DE ACTIBUS HUMANIS.

#### Disputatio I.

De fine humanarum operationum.

##### Articulus I.

Quid sit agere propter finem?

§. I.

*Varia divisiones finis.*

§. II.

*Definitio & divisio actus humani.*

##### Articulus II.

Per quos actus homo operetur propter finem.

§. I.

*Statuuntur actus humani propter finem.*

§. II.

*Solvuntur objectiones.*

§. III.

*Quomodo DEUS dicatur agere propter finem?*

##### Articulus III.

An & quomodo media ad finem habeant propriam bonitatem?

§. I.

*Finis intermediis causalitas finalis.*

§. II.

*An media habeant propriam bonitatem.*

§. III.

*Solvuntur objectiones.*

#### Disputatio II.

De ultimo fine hominis.

##### Articulus I.

An unus homo possit habere plures fines ultimos?

§. I.

*Præsupposita divisiones.*

§. II.

*Certiora præmittuntur.*

§. III.

*Resolutio questionis.*

§. IV.

*Solvuntur objectiones.*

R. P. Mezg. Theol. Schol. Tom. II.

#### Articulus II.

In quo mortaliter peccans constituat suum finem ultimum?

§. I.

*Statuitur doctrina Thomistica.*

§. II.

*Solvuntur objectiones.*

§. III.

*Hoc bonum proprium peccatoris est inordinatum.*

#### Articulus III.

In quo venialiter peccans constituat finem ultimum?

§. I.

*Præsupposita.*

§. II.

*Resolutio Thomistica.*

§. III.

*Solvuntur objectiones.*

#### Articulus IV.

An, quæcunque vult homo, velit propter aliquem finem ultimum?

§. I.

*An & quomodo in omni actu humano intendatur finis ultimus formalis?*

§. II.

*An etiam semper intendatur finis ultimus materialis?*

#### Disputatio III.

De hominis beatitudine. ad q. 2. & 3. D. Th.

##### Articulus I.

De obiectiva beatitudine hominis.

§. I.

*In quo consistat obiectiva beatitudo?*

§. II.

*Solvuntur objectiones.*

##### Articulus II.

An beatitudo formalis consistat in operatione creatâ?

§. I.

*Statuitur beatitudo formalis in operatione creatâ?*

§. 2. Rei-

# Index Titulorum.

<i>Rejctio aliarum opinionum.</i>	20	<b>Articulus V.</b>	
<i>Solvuntur objectiones.</i>	21	De consuetudinibus accidentalibus ad beatitudinem.	36
<b>Articulus III.</b>		<i>Exponuntur doses anime beata.</i>	36
In quam operatione rationali consistat beatitudo formalis?	23	<i>Doses corporis gloriosi.</i>	37
<i>Presupposita ad resolutionem questionis.</i>	23	<i>Anrcola Beatorum.</i>	38
<i>Excluditur actus voluntatis.</i>	23	<b>Disputatio V.</b>	
<i>Statuitur sola visio.</i>	24	De voluntario in genere. ad q. 6.	40
<i>Exponuntur auctoritates oppositae.</i>	25	<b>Articulus I.</b>	
<i>Rationes objectae.</i>	25	Quid & quomodo sit voluntarium?	41
<i>Corollaria.</i>	27	<i>Definitio &amp; subiectum voluntarii.</i>	41
<b>Disputatio IV.</b>		<i>Divisiones voluntarii.</i>	41
De proprietatibus beatitudinis.	27	<b>Articulus II.</b>	
<b>Articulus I.</b>		An detur voluntarium indirectum sine omni actu?	42
Quam necessitate Beati DEUM ament?	27	<i>Exponitur status questionis.</i>	43
<i>Astruitur necessitas tam exercitii quam specificationis.</i>	27	<i>Fundamenta sententiae negantis.</i>	43
<i>Solvuntur objectiones.</i>	28	<i>Objectiones solvuntur.</i>	44
<b>Articulus II.</b>		<i>Fundamenta sententiae affirmantis.</i>	45
An Beati sint ab intrinseco impeccabiles?	29	<i>Solvuntur objectiones.</i>	46
<i>Affirmatur sententia Thomistica.</i>	29	<i>Respondetur ad fundamenta sententiae oppositae.</i>	47
<i>Solvuntur objectiones.</i>	31	<b>Articulus III.</b>	
<b>Articulus III.</b>		An, ut omissio, ejusque effectus sit interpretative voluntarius, requiratur obligatio ponendi actum oppositum?	49
An, beatitudo sit ab intrinseco inamissibilis?	32	<i>Defenditur voluntaria omissio sine obligatione.</i>	49
<i>Astruitur inamissibilitas intrinseca.</i>	32	<i>Solvuntur objectiones.</i>	50
<i>Solvuntur objectiones.</i>	33	<i>Resolvitur questio de effectu ex omissione secuto.</i>	50
<i>Proponitur difficultas de indestructibilitate visionis.</i>	33	<i>Solvuntur objectiones.</i>	51
<i>Satisfit propositae difficultati.</i>	34	<b>Disputatio VI.</b>	
<i>Corollaria ex dictis.</i>	34	De voluntario libero.	52
<b>Articulus IV.</b>		<b>Articulus I.</b>	
Quale sit gaudium & fruitio Beatorum?	35	De existentia & essentia libertatis.	52
<i>Sitne delectatio Beatorum ab habitu charitatis?</i>	35	<i>Acceptiones libertatis &amp; indifferentiae.</i>	52
<i>Quodnam obiectum primum delectationis?</i>	35	<i>Existentia &amp; subiectum libertatis.</i>	52
		<i>§. 3. Eu.</i>	

# Index Titulorum.

§. III.  
Entitas & definitio Libertatis. 53

## Articulus II.

An inter necessaria requisita ad agendum  
sit prædeterminatio physica? 54

§. I.  
Sensentia Thomistica. 55

§. II.  
Auctoritas S. P. Augustini & D. Thomæ A-  
quinatis. 56

§. III.  
Fundamentum à ratione. 58

§. IV.  
Corollaria. 58

§. V.  
Solvuntur objectiones ab auctoritate S. Script.  
& PP. 59

§. VI.  
Objectiones ab Auctoritate D. Thomæ. 60

§. VII.  
Rationes objectæ. 61

## Articulus III.

An prædeterminatio tollat libertatem? 63

§. I.  
Explicatur necessitas antecedens. 63

§. II.  
Prædeterminatio non tollit libertatem. 64

§. III.  
Solvuntur objectiones. 65

## Articulus IV.

An positis omnibus requisitis ad agendum  
voluntas debeat in sensu composito  
posse agere, vel non agere, ut sit forma-  
liter libera? 66

§. I.  
Expositio sensus compositi & divisi. 66

§. II.  
Resolutio negativa. 67

§. III.  
Solvuntur objectiones. 68

## Disputatio VII.

De involuntario. ad q. 6. 70

### Articulus I.

An & quomodo violentia causet involun-  
tarium? 70

§. I.  
In actibus elicitis voluntatis nihil potest vio-  
lentia. 70

§. II.  
Solvuntur objectiones. 71

§. III.  
Violentia causa involuntarii. 71

### Articulus II.

An & quomodo metus causet involun-  
tarium? 72

R. P. Mexg. Theol. Schol. Tom. II

§. I.  
Prænotanda. 72

§. II.  
Metus causa voluntarii mixti. 73

§. III.  
Solvuntur objectiones. 73

§. IV.  
Corollaria. 73

## Articulus III.

An & quomodo concupiscentia causet in-  
voluntarium? 73

§. I.  
Resolutio Doct. Angelici. 75

§. II.  
Corollaria. 75

## Articulus IV.

An, & quando ignorantia causet involun-  
tarium? 75

§. I.  
Explicatio & divisio ignorantia. 76

§. II.  
Resolutio de ignorantia antecedente & con-  
sequente. 76

§. III.  
Resolutio de ignorantia concomitante. 76

§. IV.  
Corollaria. 77

## Articulus V.

An detur invincibilis ignorantia juris na-  
turalis. 77

§. I.  
Resolutio questionis. 77

§. II.  
Occurritur Adversariis. 78

## Disputatio VIII.

De actibus humanis in specie. 79

### Articulus I.

Quomodo voluntas moveatur ab intrin-  
secis principiis? 79

§. I.  
Influxus intellectus in voluntatem. 79

§. II.  
Influxus appetitus sensitivi. 80

§. III.  
Corollaria. 80

### Articulus II.

Quomodo voluntas moveatur? 81

§. I.  
Voluntatis influxus in alias potencias. 81

§. II.  
Voluntatis motus erga seipsam. 82

### Articulus III.

An voluntas moveatur à principio extrin-  
seco? 82

§. I.  
Ex-

# Index Titulorum.

§. I.	82	§. II.	93
<i>Excluditur motus à principio creato.</i>		<i>Species à circumstantiis.</i>	
§. II.	82	§. III.	94
<i>Statuitur motus voluntatis à principio in- creato.</i>		<i>Species à fine.</i>	
Articulus IV.		Articulus III.	
Quænam sit coordinatio actuum huma- norum?	82	An detur actus humanus indifferens in in- dividuo?	95
§. I.	83	§. I.	95
<i>Oeconomia humanorum actuum.</i>		<i>Resolutio questionis.</i>	
§. II.	84	§. III.	96
<i>Corollaria.</i>		<i>Solvuntur objectiones.</i>	
Articulus V.		Articulus IV.	
An voluntas possit eligere æquale, vel mi- nus æquale?	85	An idem numero actus possit transire de bono in malum?	97
§. I.	85	§. I.	97
<i>Resolutio negativa.</i>		<i>Affertio negativa.</i>	
§. II.	86	§. II.	97
<i>Solvuntur objectiones.</i>		<i>Solvuntur objectiones.</i>	
Articulus VI.		Articulus V.	
An supposita efficaci intentione finis vo- luntas necessitetur ad electionem me- dii unice necessarij ad consequendum finem?	86	An idem numero actus possit simul esse bonus & malus moraliter?	99
§. I.	86	§. I.	99
<i>Resolutio negativa.</i>		<i>Affertio negativa.</i>	
Articulus VII.		§. II.	99
De actu imperij.	87	<i>Solvuntur objectiones.</i>	
§. I.	87	§. III.	100
<i>Existencia imperij.</i>		<i>Corollaria.</i>	
§. II.	88	Articulus VI.	
<i>Definitio imperij.</i>		An actus sit bonus moraliter, debeat ho- nestas objecti directe & formaliter amari?	101
Disputatio IX.		§. I.	101
De moralitate humanorum actuum.	88	<i>Astruitur affirmativa.</i>	
Articulus I.		§. II.	102
In quo formaliter consistat moralitas ho- manorum actuum?	88	<i>Solvuntur objectiones.</i>	
§. I.	89	Articulus VII.	
<i>An moralisus in libertate consistat?</i>		An actus exterior superaddat novam bo- nitatem vel malitiam supra actum in- ternum?	102
§. II.	90	§. I.	102
<i>Removentur alie quedam opiniones.</i>		<i>Resolutio Thomistica.</i>	
§. III.	90	§. II.	103
<i>Resolutio questionis.</i>		<i>Solvuntur objectiones.</i>	
§. IV.	91	Articulus VIII.	
<i>Solvuntur objectiones.</i>		Quomodo ad bonitatem actus humani re- quiratur conformitas cum voluntate Divina?	103
§. V.	92	§. I.	103
<i>Corollaria.</i>		<i>Certiora promittuntur.</i>	
Articulus II.		§. II.	104
Unde actus humani speciem bonitatis aut malitiæ desumant?	92	<i>Resolutio S. Doctoris.</i>	
§. I.	92	§. III.	104
<i>Species essentialis ab objecto.</i>		<i>Solvuntur objectiones.</i>	

TRA-



TRACTATUS V.

DE CONSCIENTIA.

Disputatio X.

De Conscientia in genere. 105

Articulus I.

Quid sit conscientia? 106

§. I.

Definitio conscientia. 106

§. II.

Corollaria. 106

Articulus II.

Quotuplex sit conscientia? 108

§. I.

Varia divisiones & acceptiones conscientia. 108

Assignantur adaequata divisiones conscientia. 108

§. III.

Corollaria. 109

Disputatio XI.

De Conscientia recta & erronea. 109

Articulus I.

Unde conscientia sit vera & recta? 110

§. I.

Exponitur status questionis. 110

§. II.

Sententia desumens rectitudinem conscientia ab appetitu recto. 110

§. III.

Ultimata resolutio. 111

Articulus II.

De conscientia erronea. 112

§. I.

Astruitur invincibilis ignorantia facti & iuris positivi. 112

§. II.

An & quando dari possit invincibilis ignorantia iuris naturalis contra Jansenium? 113

§. III.

Propugnatur inculpabilis ignorantia iuris naturalis contra Jansenium. 114

§. VI.

Solvuntur objectiones. 115

Articulus III.

Quid sit obligatio conscientiae rectae & erroneae? 116

§. I.

Discrimen inter obligationes Conscientiae? 116

R. P. Mez. Theol. Schol. Tom. II.

§. II.

Solvuntur objectiones. 117

§. III.

Consecranea. 118

Disputatio XII.

De conscientia dubia. 119

Articulus I.

An & quando liceat operari cum conscientia dubia? 119

§. I.

Quid & quotuplex sit conscientia dubia? 119

§. II.

Resolutio questionis. 120

Articulus II.

An sufficiens titulus deponendi conscientiam dubiam in materia iustitiae sit possessio? 121

§. I.

Exponitur status questionis. 121

§. II.

Resolutio affirmativa. 122

§. III.

Corollaria. 122

Articulus III.

An melior sit conditio possidentis extra materiam iustitiae? 123

§. I.

Fundamenta sententiae negantis. 123

§. II.

Fundamenta praevocanda pro sententia affirmante. 125

§. III.

Proponitur & probatur sententia affirmans. 126

§. IV.

Solvuntur fundamenta sententiae negantis. 127

Articulus IV.

Quomodo in dubiis sit tutior pars eligenda? 129

§. I.

Hac regulae aliaeque Juris Canonice capitula exponuntur. 129

§. II.

Corollaria. 130

Disputatio XIII.

De conscientia scrupulosa. 132

Articulus I.

Quid sint, & unde proveniant scrupuli? 132

§. I.

Quid

# Index Titulorum.

<i>§. I.</i>	
<i>Quid sit, &amp; conscientia scrupulosa?</i>	132
<i>§. II.</i>	
<i>Quæ causa &amp; radices scrupulorum.</i>	133

## Articulus II.

<i>De remediis scrupulorum.</i>	133
<i>§. I.</i>	
<i>Generalia remedia scrupulorum.</i>	134
<i>§. II.</i>	
<i>Remedia pro scrupulosis in particulari.</i>	135

## Disputatio XIV.

<i>De conscientia probabilis.</i>	136
-----------------------------------	-----

## Articulus I.

<i>Quid, &amp; quibus modis aliquid sit probabile?</i>	136
<i>§. I.</i>	
<i>Definitio probabilis.</i>	136
<i>§. II.</i>	
<i>Solvuntur objectiones.</i>	137

## Articulus II.

<i>Quænam sint principia practicæ probabilis.</i>	141
<i>§. I.</i>	
<i>Principia intrinseca probabilis.</i>	141
<i>§. II.</i>	
<i>An a extrinsecam, probabilisatem sufficiat auctoritas unius Doctoris?</i>	141
<i>§. III.</i>	
<i>Nostre resolutiones.</i>	142

## Articulus III.

<i>An &amp; quomodo ex opinione probabilis possit formari Conscientia certa?</i>	143
<i>§. I.</i>	
<i>Fundamenta negantium probabilisatem sufficere ad prudentem assensum.</i>	143
<i>§. II.</i>	
<i>Contraria sententia adstruitur.</i>	144
<i>§. III.</i>	
<i>Corollaria.</i>	146

## Articulus IV.

<i>An sit possibilis electio opinionis probabilis in concursu æque probabilis, vel probabilioris.</i>	147
<i>§. I.</i>	
<i>Statuitur possibilitas eligendi probabiliorem in concursu minus probabilis.</i>	147
<i>§. II.</i>	
<i>Statuitur possibilitas eligendi æque probabilis.</i>	149
<i>§. III.</i>	
<i>Statuitur possibilitas eligendi opinionem minus probabilem.</i>	150

## Articulus V.

<i>An liceat sequi opinionem minus tutam minusque probabilem in concursu probabilioris.</i>	151
---------------------------------------------------------------------------------------------	-----

### §. I.

<i>Resolutio negativa in dubio facti &amp; valoris.</i>	151
---------------------------------------------------------	-----

### §. II.

<i>Statuitur licita sequela sententiæ probabilis minus tuta seu faventis libertati.</i>	152
-----------------------------------------------------------------------------------------	-----

### §. III.

<i>Statuitur solito sequela sententiæ minus probabilis, &amp; minus tuta in concursu probabilioris.</i>	154
---------------------------------------------------------------------------------------------------------	-----

### §. IV.

<i>Corollaria.</i>	156
--------------------	-----

## Articulus VI.

<i>Expediuntur argumenta adversariorum à ratione petita.</i>	157
--------------------------------------------------------------	-----

### §. I.

<i>Prima classis objectionum diluitur.</i>	157
--------------------------------------------	-----

### §. II.

<i>Diluitur classis secunda &amp; tertia objectionum.</i>	158
-----------------------------------------------------------	-----

## Articulus VII.

<i>An benigna sententia advoletur S. Scriptis SS. PP. &amp; SS. Canonum?</i>	160
------------------------------------------------------------------------------	-----

### §. I.

<i>Expenditur auctoritas S. Script.</i>	160
-----------------------------------------	-----

### §. II.

<i>Quid sentiendum de auctoritate SS. PP. &amp; SS. Canonum?</i>	162
------------------------------------------------------------------	-----

## Articulus VIII.

<i>An nostra sententia advoletur doctrinæ D. Thomæ ejusque Interpp.</i>	163
-------------------------------------------------------------------------	-----

### §. I.

<i>Proponitur auctoritas D. Th.</i>	163
-------------------------------------	-----

### §. II.

<i>Expenditur eadem auctoritas, &amp; exponitur.</i>	164
------------------------------------------------------	-----

### §. III.

<i>Corollaria.</i>	166
--------------------	-----

## Articulus IX.

<i>An liceat contra propriam sententiam sequi, vel consulere probabilem oppositam.</i>	167
----------------------------------------------------------------------------------------	-----

### §. I.

<i>Resolutio affirmativa.</i>	167
-------------------------------	-----

### §. II.

<i>Corollaria.</i>	168
--------------------	-----

## Articulus X.

<i>Quid sentiendum de Ministro Sacramenti Medico, Judice, Advocato?</i>	169
-------------------------------------------------------------------------	-----

*§. I. Quid*

# Index Titulorum.

## Disputatio XVII.

De constitutivo peccati formalis. 181

### Articulus I.

Sine in formali malitia peccati admittendum aliquid privativum. 182

#### §. I.

Affirmatur privatio debita rectitudinis ex parte formalis malitiæ. 182

#### §. II.

Diluitur solennis obiectio Adversariorum. 182

### Articulus II.

An ex autoritate sit probabilius formalem & essentialem malitiam peccati constitui per prædictam privationem? 183

#### §. I.

Autoritates sententiarum negantis. 183

#### §. II.

Statuitur sententia opposita. 184

#### §. III.

Refelluntur effugia Adversariorum. 185

#### §. IV.

Confutantur alia tres evasiones Adversariorum. 185

#### §. V.

Exponuntur opposita testimonia. 187

### Articulus III.

An formalem malitiam peccati consistere in privatione debite rectitudinis sit probabilius ex ratione? 178

#### §. I.

Ponitur primum fundamentum pro privatione peccati. 188

#### §. II.

Alterum fundamentum Theologicum. 189

#### §. III.

Corollaria. 191

### Articulus IV.

Fundamenta & rationes pro positivo peccati diluuntur. 192

#### §. I.

Prima fundamentalis ratio expenditur. 192

#### §. II.

Alia obiectioes Solvuntur. 193

## Disputatio XVIII.

De peccato omissionis. 195

### Articulus I.

An & quale peccatum sit actus omissionis culpabili coniunctus? 195

#### §. I.

Negatur malitia actus concomitantis tamen si inconcompossibilis. 195

†††

§. 2. 200

#### §. I.

Quid agendum Ministro sacramenti. 169

#### §. II.

Quid liceat Medico, vel chirurgo? 170

#### §. III.

Quid liceat Iudici & advocato. 170

#### §. IV.

Illationes Mercori depelluntur. 172

## TRACTATUS VI. DE PECCATO PERSONALI.

### Disputatio XV.

De contrarietate vitii & peccati. 173

#### Articulus I.

An vitium contrarietur virtuti? 147

#### §. I.

Contrarietas vitii cum virtute acquisita. 174

#### §. II.

Examinatur contrarietas vitii cum virtutibus infusis. 174

#### §. III.

Solvuntur obiectioes. 175

#### Articulus II.

De contrarietate vitii ad naturam. 167

#### §. I.

Thomistica assertio contrarietatis vitii cum natura. 176

#### §. II.

Solvuntur obiectioes. 176

#### §. III.

Contrarietas vitii adversus hominis naturam qua sensitivam. 177

#### §. IV.

Corollaria ex dictis. 178

### Disputatio XVI.

De quidditate & natura peccati. 188

#### Articulus I.

Quid sit peccatum? 178

#### §. I.

Definitio peccati. 179

#### §. II.

Solvuntur obiectioes. 179

#### Articulus II.

An omne peccatum sit idcirco malum, quia lege prohibitum? 180

#### §. I.

Statuitur affirmativa. 180

#### §. II.

Solvuntur obiectioes. 181

A. P. Metz. Theol. Schol. Tom. II.



# Index Titulorum.

<i>Qualis sit malitia in actu causante omissionem.</i>	196	Articulus III.	Unde defumenda sit gravitas peccatorum?	207
<i>Corollaria.</i>	197	<i>Regula agnoscendi gravitatem essentialem.</i>		207
Articulus II.		<i>Solvuntur objectiones.</i>		208
Quandonam fiat externum peccatum omissionis?	197	<i>Regula agnoscendi gravitatem accidentalem peccati.</i>		209
<i>Afferitur externum peccatum omissionis pro tempore quo ponitur.</i>	197	Disputatio XXI.		
<i>Solvuntur objectiones.</i>	198	De subiecto peccatorum.		210
Disputatio XIX.		Articulus I.	An præter voluntatem detur aliud subiectum formalis peccati?	210
De distinctione peccatorum. ad q. 72.	199	<i>Subiectum peccati etiam est intellectus sensitivus.</i>		210
Articulus I.		<i>Solvuntur objectiones.</i>		211
Unde sumatur specifica distinctio peccatorum?	200	Articulus II.	An motus concupiscentie sint culpabiles independentes a voluntatis influxu?	212
<i>Varia divisiones peccatorum.</i>	200	<i>Præsupposita.</i>		212
<i>Regula distinctionis specifica.</i>	200	<i>Afferio Catholica.</i>		212
<i>Solvuntur objectiones.</i>	201	<i>Solvuntur objectiones.</i>		213
<i>Corollaria.</i>	201	<i>Alterapars quasi in solvitur.</i>		213
Articulus II.		<i>Solvuntur objectiones.</i>		214
Unde defumatur numerica distinctio peccatorum?	202	<i>Corollaria.</i>		215
<i>Distinctio numerica ex objecto.</i>	202	Articulus III.	An peccatum morosa delectationis sit in ratione?	215
<i>Distinctio numerica ex interruptione actus.</i>	203	<i>Prænotanda.</i>		215
<i>Corollaria practica ex dictis.</i>	204	<i>Assignatur subiectum morosa delectationis.</i>		216
Disputatio XX.		Articulus IV.	An morosa delectatio, seu consensus in delectationem sit peccatum mortale?	216
De comparatione & gravitate peccatorum. ad q. 73.	205	<i>Prænotanda.</i>		217
Articulus I.		<i>Statuitur discrimen inter delectationem de cogitatione, &amp; re mala cogitata.</i>		217
An omnia peccata sint connexa?	205	<i>Consensus in delectationem veneream damnatur peccati mortalis.</i>		218
<i>Resolutio negativa.</i>	205			
<i>Solvuntur objectiones.</i>	206			
Articulus II.				
An omnia peccata sint æqualia?	206			
<i>Resolutio negativa.</i>	206			
<i>Solvuntur objectiones.</i>	206			
<i>Corollaria.</i>	207			

# Index Titulorum.

## §. IV.

Corollaria.

## Articulus V.

Quando advertentia requiratur ad peccatum morosæ delectationis?

### §. I.

Prænotanda ad statum questionis.

### §. II.

Resolutio questionis.

### §. III.

Solvuntur objectiones.

## Articulus VI.

An peccet mortaliter, qui negativè se habet ad insurgentes carnis tentationes?

### §. I.

Certiora præmittuntur.

### §. II.

Astruitur necessitas simplicis displicentia.

### §. III.

Astruitur probabilitas sententia requirentis efficacem resistentiam.

### §. IV.

Exponitur probabilitas sententia non requirentis efficacem resistentiam.

## Articulus VII.

Quasnam causas viceræ delectationis homo vitare teneatur?

### §. I.

Prænotanda.

### §. II.

Causa inducentes gravem malitiam.

### §. III.

Causa nullam inducentes malitiam.

### §. IV.

Causa sufficientes ad malitiam venialem.

### §. V.

Solvuntur objectiones.

## Articulus VIII.

An delectationes morosæ sint ejusdem speciei cum opere externo?

### §. I.

Eligitur sententia affirmans.

### §. II.

Solvuntur objectiones.

## Disputatio XXII.

De causis peccatorum.

## Articulus I.

An ignorantia causet, vel sit peccatum?

### §. I.

Ignorantia vincibilis causa peccati formalis.

### §. II.

Ignorantia vincibilis ipsa est peccatum.

### §. III.

Ignorantia vincibilis non causet peccatum.

### §. IV.

Corollaria.

## VIXX §. II.

Ignorantia vincibilis ipsa est peccatum.

## Articulus II.

An omne peccatum præcedat aliquis error in intellectu?

### §. I.

Astruitur sententia affirmativa D. Thoma.

### §. II.

Solvuntur objectiones.

## Articulus III.

An DEUS possit esse causa peccati?

### §. I.

Astruitur negatya.

### §. II.

Solvuntur objectiones.

## Articulus IV.

An materiale peccati physice vel moraliter sit à DEO?

### §. I.

Removetur causalitas moralis.

### §. II.

Astruitur causalitas asphyrica.

### §. III.

Corollaria.

## Disputatio XXIII.

De macula peccati, sive de peccato habituali personali ad q. 86.

## Articulus I.

An peccatum habituale consistat in peccato non retractato?

### §. I.

Prænotanda.

### §. II.

Refutatur sententia Scotistica.

### §. III.

Removetur non retractatio peccati.

### §. IV.

Solvuntur objectiones.

## Articulus II.

An macula peccati consistat formaliter in aliquo positivo, vel privativo?

### §. I.

Rejicitur entitas habitualis positiva.

### §. II.

Sententia Thomistica.

### §. III.

Solvuntur objectiones.

### §. IV.

Corollaria.

## Disputatio XXIV.

## Articulus I.

## §. I.

## §. II.

## §. III.

## §. IV.

## §. V.

## §. VI.

## §. VII.

## §. VIII.

## §. IX.

## §. X.

## §. XI.

## §. XII.

## §. XIII.

## §. XIV.

## §. XV.

## §. XVI.

## §. XVII.

## §. XVIII.

## §. XIX.

## §. XX.

## §. XXI.

## §. XXII.

## §. XXIII.

## §. XXIV.

## §. XXV.

## §. XXVI.

## §. XXVII.

## §. XXVIII.

## §. XXIX.

## §. XXX.

## §. XXXI.

## §. XXXII.

## §. XXXIII.

## §. XXXIV.

## §. XXXV.

## §. XXXVI.

## §. XXXVII.

## §. XXXVIII.

## §. XXXIX.

## §. XL.

## §. XLI.

## §. XLII.

## §. XLIII.

## §. XLIV.

## §. XLV.

## §. XLVI.

## §. XLVII.

## §. XLVIII.

## §. XLIX.

## §. L.

## §. LI.

## §. LII.

## §. LIII.

## §. LIV.

## §. LV.

## §. LVI.

## §. LVII.

## §. LVIII.

## §. LIX.

## §. LX.

## §. LXI.

## §. LXII.

## §. LXIII.

## §. LXIV.

## §. LXV.

## §. LXVI.

## §. LXVII.

## §. LXVIII.

## §. LXIX.

## §. LXX.

## §. LXXI.

## §. LXXII.

## §. LXXIII.

## §. LXXIV.

## §. LXXV.

## §. LXXVI.

## §. LXXVII.

## §. LXXVIII.

## §. LXXIX.

## §. LXXX.

## §. LXXXI.

## §. LXXXII.

## §. LXXXIII.

## §. LXXXIV.

## §. LXXXV.

## §. LXXXVI.

## §. LXXXVII.

## §. LXXXVIII.

## §. LXXXIX.

## §. LXXXX.

## §. LXXXXI.

## §. LXXXXII.

## §. LXXXXIII.

## §. LXXXXIV.

## §. LXXXXV.

## §. LXXXXVI.

## §. LXXXXVII.

## §. LXXXXVIII.

## §. LXXXXIX.

## §. LXXXXX.

## §. LXXXXXI.

## §. LXXXXXII.

## §. LXXXXXIII.

## §. LXXXXXIV.

## §. LXXXXXV.

## §. LXXXXXVI.

## §. LXXXXXVII.

## §. LXXXXXVIII.

## §. LXXXXXIX.

## §. LXXXXXX.

## §. LXXXXXXI.

## §. LXXXXXXII.

## §. LXXXXXXIII.

## §. LXXXXXXIV.

## §. LXXXXXXV.

## §. LXXXXXXVI.

## §. LXXXXXXVII.

## §. LXXXXXXVIII.

## §. LXXXXXXIX.

## §. LXXXXXXX.

## §. LXXXXXXXI.

## §. LXXXXXXII.

## §. LXXXXXXIII.

## §. LXXXXXXIV.

## §. LXXXXXXV.

## §. LXXXXXXVI.

## §. LXXXXXXVII.

## §. LXXXXXXVIII.

## §. LXXXXXXIX.

## §. LXXXXXXX.

## §. LXXXXXXXI.

## §. LXXXXXXII.

## §. LXXXXXXIII.

## §. LXXXXXXIV.

## §. LXXXXXXV.

## §. LXXXXXXVI.

## §. LXXXXXXVII.

## §. LXXXXXXVIII.

## §. LXXXXXXIX.

## §. LXXXXXXX.

## §. LXXXXXXXI.

## §. LXXXXXXII.

## §. LXXXXXXIII.

## §. LXXXXXXIV.

## §. LXXXXXXV.

## §. LXXXXXXVI.

## §. LXXXXXXVII.

## §. LXXXXXXVIII.

## §. LXXXXXXIX.

## §. LXXXXXXX.

## §. LXXXXXXXI.

## §. LXXXXXXII.

## §. LXXXXXXIII.

## §. LXXXXXXIV.

## §. LXXXXXXV.

## §. LXXXXXXVI.

## §. LXXXXXXVII.

## §. LXXXXXXVIII.

## §. LXXXXXXIX.

## §. LXXXXXXX.

## §. LXXXXXXXI.

## §. LXXXXXXII.

## §. LXXXXXXIII.

## §. LXXXXXXIV.

## §. LXXXXXXV.

## §. LXXXXXXVI.

## §. LXXXXXXVII.

## §. LXXXXXXVIII.

**Disputatio. XXIV.**

De Reatu pñæ. ad q. 87. 240

**Articulus I.**

Quid sit reatus pñæ? 240

**§. I.**

*Prænotanda.* 240

**§. II.**

*Affertio Thomistica.* 241

**Articulus II.**

An unum peccatum possit esse pñæ alterius? 241

**§. I.**

*Statuitur affirmativa cum distinctione.* 241

**§. II.**

*Solvuntur objectiones.* 242

**Articulus III.**

An peccatum mortale ab intrinseco inducat reatum pñæ æternæ? 242

**§. I.**

*Statuitur sententia affirmans.* 242

**§. II.**

*Corollaria.* 243

**Articulus IV.**

An peccatum veniale per accidens puniatur pñæ æternæ? 244

**§. I.**

*Resolutio negativa pro venialibus quoad culpam remissis in hac vitâ.* 244

**§. II.**

*Resolutio affirmativa pro venialibus nondum remissis quoad culpam.* 244

**Disputatio. XXV.**

De peccato veniali. ad q. 89. 245

**Articulus I.**

An, & quid sit peccatum veniale? 245

**§. I.**

*Præsupposita.* 245

**§. II.**

*Statuitur primaria differentia inter mortale & veniale.* 246

**Articulus II.**

An ex peccato veniali fieri possit mortale? 247

**§. I.**

*Statuitur negativa.* 247

**§. II.**

*Quomodo peccatum veniale sit dispositio ad mortale?* 248

**Articulus III.**

In quo formaliter consistat macula peccati venialis? 248

**§. I.**

*Prænotanda.* 248

**§. II.**

*Resolutio questionis.* 249

**Articulus IV.**

Quodnam sit subiectum remotum peccati venialis? 250

**§. I.**

*An Angelus, vel homo in statu innocentia peccaverit peccare venialiter?* 250

**§. II.**

*Solvuntur objectiones.* 250

**Articulus V.**

Utrum peccatum veniale possit consistere cum solo originali? 251

**§. I.**

*Statuitur obligatio in primo instanti ratione se convertendi in DEUM.* 251

**§. II.**

*Resolutio questionis.* 251

**§. III.**

*Solvuntur objectiones.* 252

**§. IV.**

*Expenditur gravis difficultas ex Tract. de gratia.* 252

**TRACTATUS. VII.**

**DE PECCATO ORIGINALI.**

*Prologium.* 253

**Disputatio. XXVI.**

De existentia peccati Originalis. 253

**Articulus I.**

An detur peccatum Originale? 256

**§. I.**

*Veritas Catholica.* 256

**§. II.**

*Solvuntur objectiones.* 257

**Articulus II.**

Quomodo peccatum originale sit voluntarium? 258

**§. I.**

*Prænotanda.* 258

**§. II.**

*Exponitur pactum DEI cum Adam.* 259

**§. III.**

*Resolutio questionis.* 259

**Disputatio XXVII.**

De transfusione peccati originalis. 260

**Articulus I.**

Quomodo Adæ peccatum traducatur in posteros? 266

**§. I.**

*Varij modi exponendi referantur, & refelluntur.* 266

**§. II. Sen-**

# Index Titulorum.

<i>Sententia Salmanticensium.</i>	§. II.	261
<i>Nostri sententia.</i>	§. III.	262
<i>Corollaria.</i>	§. IV.	263
<b>Articulus II.</b>		
<i>Quodnam Adæ peccatum sit causa trans-</i>		
<i>fusionis in posteros?</i>		264
<i>Statuitur sententia Thomistica.</i>	§. I.	264
<i>Solvuntur objectiones.</i>	§. II.	265
<i>Corollaria.</i>	§. III.	266

## Disputatio XXVIII.

De essentia peccati originalis. 267

### Articulus I.

Referuntur & refelluntur diversæ sententia de essentia peccati originalis? 267

*Rejiciuntur errores.* §. I. 267

*Expenditur opinio Catharinæ.* §. II. 268

*Sententia Durandi rejicitur.* §. III. 268

*Quædam sententia probabiles refelluntur.* §. IV. 269

### Articulus II.

In quonam formaliter consistat peccatum originale? 270

*Expositio iustitiæ originalis & resolutio qua-* §. I. 270  
*stionis.*

*Solvuntur objectiones.* §. II. 272

## Disputatio. XXIX.

De subiecto peccati originalis ad q. 83. 273

### Articulus I.

Quodnam sit proximum subiectum peccati originalis? 273

*Sententia D. Thomæ.* §. I. 273

*Statuitur affirmativa.* §. II. 274

### Articulus II.

Utrum Beatissima Virgo Maria contraxerit debitum peccati originalis? 274

<i>Præsupposita.</i>	§. I.	275
<i>Proponitur sententia negans debitum proximum.</i>	§. II.	276
<i>Præfertur sententia affirmans debitum proximum.</i>	§. III.	277
<i>Solvuntur rationes sententiæ oppositæ.</i>	§. IV.	281

## Disputatio XXX.

De effectibus peccati originalis, ad q. 85. 281

### Articulus I.

Quinam sint effectus peccati originalis? 282

*Effectus & defectus peccati originalis ex parte corporis.* §. I. 282

*Effectus peccati originalis ex parte animæ.* §. II. 282

### Articulus II.

Quas pœnas causet originale peccatum post mortem? 283

*An pœna damni sit effectus peccati originalis?* §. I. 283

*An parvuli sine Baptismo mortui patiantur pœnam sensus?* §. II. 283

*Solvuntur objectiones.* §. III. 284

*Aliqua quaestio resolvantur.* §. IV. 285

## TRACTATUS V.

### DE LEGIBUS.

#### Prologium.

## Disputatio XXXI.

De lege in communi ad q. 90. 286

### Articulus I.

Quid, & quod duplex sit lex? 286

*Sine lex formaliter actus rationis, vel voluntatis?* §. I. 287

*Legis causa finalis, & efficiens.* §. II. 287

*Legis definitio, & divisio.* §. III. 288

### Articulus II.

An, & quomodo promulgatio sit de essentia legis? 289

§. I. Ita

# Index Titulorum.

§. I.	389	Varia divisiones Legis scriptae.	303
Statuitur sententia affirmans.		§. II.	
§. II.	390	Potestas ferendi leges Civiles.	304
Solvuntur objectiones.		§. III.	
		Potestas ferendi leges Ecclesiasticas.	305
<b>Disputatio XXXII.</b>		<b>Articulus II.</b>	
De Lege æterna & naturali.	290	Quænam sit legis humanæ materia?	306
Articulus I.		§. I.	
Quid sit Lex æterna?	291	An actus interni sint legis humanæ materia?	307
§. I.		§. II.	
In quo actu formaliter consistat?	291	Corollaria.	308
§. II.		<b>Articulus III.</b>	
Subiectum & materia legis æternæ.	291	Quæ pertineant ad formam legis humanæ?	308
Articulus II.		§. I.	
Quid sit Lex naturalis?	291	Requisita generalia?	308
§. I.		§. II.	
Legis naturalis definitio, & essentia.	292	Quantitas promulgationis ad leges Civiles requisita.	309
§. II.		§. III.	
Rejectiones aliarum opinionum.	292	Quantitas promulgationis requisita ad leges Pontificias.	310
§. III.		§. IV.	
Distinctio juris naturalis, & juris Gentium.	293	An requiratur acceptatio populi?	312
Articulus III.		<b>Disputatio XXXV.</b>	
An Lex naturæ sit immutabilis?	295	De obligatione legis. ad q. 96.	313
§. I.		Articulus I.	
Præsupposita.	295	An leges humanæ obligent in conscientia?	313
§. II.		§. I.	
Resolutio questionis.	296	Statuitur affirmativa.	313
<b>Disputatio XXXIII.</b>		§. II.	
De Lege positiva, antiqua & nova. ad q. 98. & seq.	297	Quid de legibus tributorum & vectigalium?	314
Articulus I.		§. III.	
Quænam legis antiquæ, & novæ differentia.	297	Quid sentiendum de regulis SS. ordinum præscriptis S. P. Benedicti?	314
§. I.		Articulus II.	
Differentia antiqui, & novi testamenti.	297	Quando & quomodo obligent leges penales ad lubeundam præpam?	315
§. III.		§. I.	
Quotupliciter præcepta antiquæ legis?	298	Quid sentiendum de lege illativa pænæ spiritualis, & privativa juris acquirendi?	315
Articulus II.		§. II.	
De abrogatione, & cessatione antiquæ legis.	299	Quid de lege privativa juris acquisiti?	316
§. I.		Articulus III.	
An, & quando Lex antiqua fuerit abrogata?	299	De obligatione legis irritantis, & in præsumptione fundatæ.	316
§. II.		§. I. Præ-	
An tota Lex antiqua æqualiter sit moruata?	300		
<b>Disputatio XXXIX.</b>			
De lege humanæ scriptæ & positivæ secundum se. ad q. 91.	303		
Articulus I.			
In quibus residuat potestas condendi leges?	303		



# Index Titulorum.

<i>Prænotanda.</i>	§. I.	317
<i>Resolutio de lege irritante.</i>	§. II.	317
<i>Resolutio de lege in præsumptione fundata.</i>	§. III.	318
<b>Articulus IV.</b>		
<i>Quanta sit legis humana obligatio?</i>	§. I.	319
<i>Gravitas obligationis ex gravitate materia.</i>	§. II.	319

<i>Possitne in gravi materia dari levis obligatio?</i>	§. III.	321
<i>An, &amp; quando sit obligatio legis humana cum periculo visa?</i>		323

<b>Articulus V.</b>		
<i>Quinam obligentur lege humana?</i>	§. I.	324
<i>An Princeps teneatur suis Legibus?</i>	§. II.	324
<i>An Clerici teneantur Legibus Civilibus?</i>	§. III.	326
<i>An, &amp; quomodo legibus teneantur infantes, pueri, amentes, cæci?</i>		327
<i>Quomodo obligentur subditi existentes extra territorium?</i>	§. IV.	328
<i>Quomodo obligentur peregrini, advena, vagi?</i>	§. V.	329

<b>Disputatio XXXVI.</b>		
<i>De Interpretatione, cessatione, &amp; mutatione legis humanæ. ad q. 103.</i>		
<b>Articulus I.</b>		
<i>De cessatione &amp; abrogatione legis.</i>	§. I.	330
<i>Cessatio legis intrinseca ex cessatione finis.</i>	§. II.	330
<i>Cessatio legis extrinseca per abrogationem.</i>		332

<b>Articulus II.</b>		
<i>De consuetudine.</i>	§. I.	332
<i>Requisita ad introducendam consuetudinem.</i>	§. II.	333
<i>Quomodo possit introduci consuetudo contralegem?</i>		334

<b>Articulus III.</b>		
<i>De legum interpretatione, &amp; epikia.</i>		335

<i>Legum interpretatio.</i>	§. I.	335
<i>Epikia.</i>	§. II.	337

<b>Articulus IV.</b>		
<i>De dispensatione legis humanæ.</i>	§. I.	338
<i>Quid &amp; quotuplex sit dispensatio?</i>	§. II.	338
<i>Quibus, &amp; cum quibus conveniat potestas dispensandi?</i>		338

<b>Disputatio XXXVII.</b>		
<i>De Natura, essentia &amp; causis privilegii in genere.</i>		
<b>Articulus I.</b>		

<i>Quid sit privilegium?</i>	§. I.	340
<i>Definitio privilegii.</i>	§. II.	340
<i>Requisita substantialia ad privilegium.</i>		341
<b>Articulus II.</b>		
<i>Quotuplex sit privilegium?</i>	§. I.	342
<i>Divisio privilegii in reale &amp; personale.</i>	§. II.	342
<i>Exponuntur alia complures divisiones privilegii.</i>	§. III.	343
<i>Exponuntur quadam Clausule privilegiorum.</i>		344

<b>Articulus III.</b>		
<i>De Interpretatione privilegii.</i>	§. I.	345
<i>A quo &amp; quomodo facienda privilegii interpretatio?</i>	§. II.	345
<i>Quanam privilegia requirant amplam, vel strictam interpretationem?</i>	§. III.	346
<i>Corollaria.</i>		346

<b>Articulus IV.</b>		
<i>De extensione &amp; communicatione privilegiorum.</i>	§. I.	347
<i>De extensione privilegiorum.</i>	§. II.	347
<i>Quomodo tribuatur privilegium per communicationem?</i>	§. III.	348
<i>De communicatione Privilegiorum inter Religiosos.</i>	§. IV.	349
<i>Corollaria.</i>		349

Articu-

## Index Titulorum.

**Articulus V.**  
De causa efficiente & subiectiva privile-  
giorum. 350

§. I.  
*A quo, & cui privilegium concedi possit?* 350

§. II.  
*Quomodo aliquis privilegia uti possit aut de-  
beatur?* 351

**Disputatio XXXVIII.**  
De cessatione privilegiorum. 352

**Articulus I.**  
De modis, quibus cessant privilegia ex  
parte ipsius privilegii. 352

§. I.  
*Lapsus temporis.* 352

§. II.  
*Quando cessante causa finali cesset privile-  
gium?* 353

**Articulus II.**  
De modis, quibus cessant privilegia ex  
parte concedentis. 354

§. I.  
*Quomodo cessent privilegia per mortem pri-  
vilegiantis?* 354

§. II.  
*Quomodo cessent privilegia per revocatio-  
nem?* 355

**Articulus III.**  
De modis, quibus cessat privilegium ex  
parte privilegiati. 356

§. I.  
*Quomodo cesset privilegium per renuntia-  
tionem?* 357

§. II.  
*Quomodo amittatur privilegium per non  
usum, vel abusum?* 357

**Disputatio XXXIX.**  
De Privilegiis Clericorum & Religioso-  
rum. 358

**Articulus I.**  
De privilegiis Clericorum. 358

§. I.  
*Quid sit status Ecclesiasticus?* 358

§. II.  
*Origo status Ecclesiastici & privilegiorum  
Clericalium.* 359

**Articulus II.**  
An privilegium fori, & immunitas Eccle-  
siastica formaliter sit iuris divini? 359

§. I.  
*Certiora premissantur & status questionis  
exponitur.* 360

§. II.  
*Resolutio questionis.* 360

§. III.  
*Solvuntur objectiones.* 362

**Articulus III.**  
Quomodo acquiratur, amittatur, & mu-  
tetur privilegium fori? 363

§. I.  
*Acquisitio fori.* 363

§. II.  
*Amisio, & mutatio fori.* 365

**Articulus IV.**  
De privilegio Canonis. 366

§. I.  
*Quinam gaudeant privilegio Canonis?* 366

§. II.  
*A quibus, & qua actione incurratur censura  
excommunicationis inflicta per c. Si quis?* 367

*De absolutione a censura Canonis.* 368

**Articulus V.**  
De privilegiis Religiosorum. 369

§. I.  
*Privilegia & favores communes status Reli-  
gioso.* 369

§. II.  
*Resolvitur dubium de privilegiis S. Ordinis  
Benedictini.*



# THEOLOGIAE SCHOLASTICAE TRADITAE

Secundum Doctrinam Anglicanæ

## D. THOMÆ AQUINATIS, TOMUS II.

In primam secundæ Partis Summæ Anglicæ.  
PROLOQUIUM.

**I**N priori Tomo contemplabamur DEUM Opt. Max. tanquam optimum speculabile; & primò quidem, prout suis increatis perfectionibus nostrum intellectum absorbet; secundò prout est principium intranearum processionum, & ineffabile mysterium SS. Trinitatis complectitur; tertio prout est principium creaturarum ad extra, præcipuè creaturæ Anglicæ.

Nunc Eundem consideramus, tanquam finem ultimum, & summum bonum, quod nostris vel bonis actibus assequimur, vel vitiosis deperdimus; primamque Regulam omnis moralitatis. Unde primo loco de humanis actibus, eorum fine, & generalibus principiis disputamus, & recepto more præsentem Tractatum de actibus humanis inscribimus. De quibus etsi multa tractent Philosophi morales, hærent tamen arctati intra luminis naturalis angustias; Theologus verò Divinæ revelationis lumine instructus considerat creaturam rationalem, quatenus elevatam per gratiæ sanctificantis donum, ad ultimum finem supernaturalem; ideoque de humanis actibus, eorumque principiis ut ad ultimum finem supernaturalem relatis tractationem instituit, quamvis etiam Philosophiæ moralis principia tanquam ancillantia suis disputationibus intexat.

## TRACTATUS IV.

DE

ACTIBUS HUMANIS.

DISPUTATIO I.

DE

Fine humanarum operationum.

**S**Upponimus ex Philosophia nostra, finem *cuius gratiâ* [juxta definitionem Philosophi. 2. phys. to. 29.] *aliquid fit*, in actu secundo causare per objectivam alligantiam & attractionem ad sui prosecutionem, quam S. D. q. 22. de verit. 2. 2. in c. rectè vocat ipsum appetit, sic dicens: *Sicut influere causa efficientis agere est, ita influere*

R. P. Mezg. Theol. Schol. Tom. II.

A

influere

*influmere causa finalis est appetit.* Hinc fit, quòd cum hominis voluntati proprium sit formaliter trahi, & allici à fine, ceu primo in operabilibus quoad ordinem intentionis, eisdem quoque conveniat agere propter finem: prout concludit S. D. hic q. 1. a. 1. est- que ex S. Scriptura certum Psal. 118. *Inclinavi cor meum ad faciendas justificationes tuas in aeternum propter retributionem*, aliisque quàm plurimis locis. Nunc finis varias divisiones, & circa ipsum quæstiones discutiamus.

## ARTICULUS I.

*Quid sit agere propter finem?*

## SUMMARI A.

1. *Finis cui, & cuius gratiâ.*
2. *Finis qui, & quo.*
3. *Finis operis & operantis.*
4. *Finis ultimum, & intermedium.*
5. *Finis principalis & secundarius.*
6. *Alii actus hominis, alii humani, quoad substantiam, alii quoad modum.*
7. *Operatio voluntatis, alia elicitæ, alia imperata.*
8. *Deliberatio alia strictè, alia late accepta, alia formalis, alia virtualis.*

## §. I.

*Varia divisiones finis.*

1. **F**inis multifariam dividitur. Ex primò *cui & cuius gratiâ*. Finis *cuius gratiâ* est res illa, cuius adipiscendæ gratiâ voluntas operatur, ut sanitas, ratione cuius sumuntur amaræ potiones. Finis *cui*, est illud subiectum, in cuius commodum assumitur finis *cuius*, ut homo, cui per amaras potiones sanitas quæritur. Ex utroque integratur, & adæquatur totus finis. Ideòque præsens divisio est quasi totius in partes, ubi *finis cuius* formalis, finis verò *cui*, qui ab illo perficitur, estque susceptivum ipsius, subit rationem partis materialis.
2. Secundo dividitur finis in finem *qui, & quo*, sive in *objectivum & formalem*. In finem *ut res*, & in finem, *ut adeptio rei*. Finis *qui* igitur est id, quod amamus, & coincidit cum fine *cuius*. Finis *quo*, est eiusdem adeptio & consecutio.
3. Tertiò dividitur finis in finem *operis & operantis*. Ille est bonum, ad quod res vel actio ex se ordinatur, uti finis studiorum est scientia. Finis operantis est bonum, in quod operans ordinatur ea, quæ facit, ut gloria DEI, si ad illam studia tua ordines.
4. Quartò dividitur finis operantis in *ultimum & intermedium*. *Intermedium* est, qui quidem ratione sui appetitur, cum dependentia tamen, & subordinatione ad finem ulteriorem: veluti si navigatio propter delectationem, quæ exinde percipitur, assumpta, ulterius ordinetur ad locum aliqueum, ad quem navigans pervenire intendit. *Ultimus* est, qui non ad ulteriorem, sed ad ipsum omnia referuntur; & subdividitur in *ultimum simpliciter*, ad quem omnia in omni genere referuntur, & in *ultimum secundum quid*, ad quem omnia in uno rerum ordine referuntur, non autem in alio.
5. Quintò dividitur finis in *principalem & secundarium*. *Principalis* est, qui per se primò intenditur; *Secundarius* verò, qui non nisi consecutivè, & alio præsupposito fine, uti & officium Ca-

nonicum recites principaliter propter cultum Divinum, & secundariò propter fructus beneficii percipiendos.

## §. II.

*Definitio & divisio actus humani.*

**S**ciendum primò. Ex actibus, qui procedunt ab homine alios dici actus hominis, alios verò actus humanos. Actus hominis sunt, qui quomodocunque procedunt ab homine, quales illæ quoque actiones sunt, quæ homini conveniunt secundum gradum genericum, suntque ipsi communes cum brutis: ut crescere, progredi &c. Actus humani propriè sunt, qui conveniunt homini, in quantum est homo, hoc est, in quantum suæ rationalis naturæ gradu specifico excellit supra creaturas irracionales. Ex istis actibus humanis alii dicuntur humani quoad substantiam, alii quoad modum. Actus humanus quoad substantiam est omnis ille, qui ab ipso procedit, quatenus operante secundum gradum specificum & differentialem; ut sunt ridere, flere, motus voluntatis primò primi, & indeliberati &c. Actus humanus quoad modum est illa operatio, in qua reperitur modus operandi naturæ rationali proprius. Quod fieri potest dupliciter, primò quòd natura rationalis operetur cum perfecta cognitione finis. Secundo quòd operetur cum indifferentia & libertate. Primò modò, sic amor & fructio beatissima cognitione ultimi finis procedunt, appellari possunt nomine actus humani. Secundo modò, qui est proprius huius loci, & ad statum viatorum potissimum pertinet, sic definitur actus humanus à S. D. hic a. 1. in c. actio, cuius homo est dominus, sive, quæ ex deliberata voluntate procedit. Sub qua consideratione deinceps de actibus humanis agetur.

Sciendum secundò. Operationem posse duplici modo à voluntate procedere. Electivè videlicet & imperativè. Actio electivæ est, quæ immediate ex voluntate procedit, ut intentio, electio &c. Actiones imperativæ sunt actus aliarum potentialium, quatenus voluntatis motioni a se subijciuntur, ut sunt ambulare, ridere, comedere &c. qui actus licet propriè non sint humani, quatenus à suis potentiis proximè procedunt, & rationem præveniunt: sunt tamen, quatenus ex imperio rationis mediatè procedunt.

Sciendum tertiò. Deliberationem rationis, dividi primò in latè & strictè sumptam. Strictè sumpta significat præviam consultationem & inquisitionem de mediis idoneis ad consequendum



dum finem. Latè sumpta significat iudicium intellectus proponens objectum cum indifferentia, & sufficienti lumine ad discernendum inter bonum, & malum. Secundò dividitur in deliberationem formalem, quà ratio actû deliberat, & in virtuales seu interpretativas, quâ quis habens obligationem & potentiam ad deliberandum, omisâ formali deliberatione, iudicat hic & nunc aliquid esse agendum, vel omittendum.

Quocunque modo ex prædictis deliberatio accipiat, sufficit ad denominationem actûs humani: ita ut in definitione actûs humani *ly voluntas deliberata* nil aliud significet, quàm voluntatem regulatam per deliberationem sive strictam, sive latam, sive formalem, sive virtuales: unde etiam peccatum ex ignorantia vincibili est actûs humanus, quia procedit ex voluntate saltem virtualiter deliberata.

## ARTICULUS II.

### *Per quos actûs homo operetur propter finem?*

#### SUMMARIA.

1. Omnes actûs humani sunt propter ultimum finem.
2. Alia amari propter finem est ipsius inadequata tantum causalitas.
3. Amor finis alius formalis, alius causalis.
4. Quomodo actûs fuga & imperati finis propter finem?
5. Etiam fructio finis est propter ipsum.
6. Etiam necessarij actûs voluntatis comprehensurum sunt formaliter propter finem.
7. Creature irrationales formaliter non agunt propter finem.
8. Obiectio Gonetii solvitur.
9. Qualis determinatio voluntatis requiratur ad finis causalitatem.
10. Deus ex parte sui actûs habet rationem finalem, non causam.
11. Nihil creatum est finis ex parte Divina voluntatis.
12. Datur finalis ratio amoris essentialis, non notionalis in DEO.
13. Quomodo creature sint media?
14. Ordo intentionis & electionis in Divinis tantum probat media & fines ex parte volitorum.

#### §. I.

##### *Statuantur actûs humani propter finem.*

1. **Q**uestio non de fine operis sed operantis instituta sit **CONCLUSIO** Homo per omnes actûs humanos propriè formaliter agit propter finem. S. D. hica. i. in c. Ratio est: quia in omni actû humano reperitur propria causalitas finis, quæ est, ut ipse gratiæ sui, & alia appetantur propter ipsum. Aut enim actûs humanus est immediatè circa finem, ut amor & intentio finis; & tunc haud dubiè bonitas finis per tales actûs propter se, sive gratiæ sui appetitur: aut est immediatè circa media, & tunc ipsa media, quippe quorum bonitas essentialiter dependet à bonitate finis, amantur & eliguntur propter finem, ad quem consequendum ducunt.
2. Hinc colliges primò: Adæquatam causalitatem finis non in hoc consistere, ut alia amentur propter ipsum, siquidem fini per prius convenit, amari & appeti propter se, quàm alia propter ipsum. Unde cum S. D. 3. contr. gentes. c. 75. dixit: *Causalitatem finis in hoc consistere, quòd propter ipsum alia desiderantur*, de inadæquata tantum causalitate locutus fuit.

R. P. Mezg. Theol. Schol. Tom. II.

Colliges secundò. Omnia, quæ sunt propter finem, fieri ex amore finis, vel *formali*, vel *causali*, non autem semper *formali*. Ex amore *formali* est fieri ex actû ipso amoris extrinsecè præsupposito; ex amore *causali* est fieri ex bonitate finis obiectivè alliciente. Sic intentio finis est ex amore *causali*, electio mediorum etiam quandoque ex *formali*. Parùm differunt, qui dicunt, intentionem finis procedere ex amore finis non *transitive*, quasi aliquid derivatum ex amore *formali*, sed *intransitive*, h. e. quòd procedat ut ipse amor, quo modo calor ignem producere dicitur in virtute ignis, *ly in virtute* sumendo *intransitive*. Ita ut calor sit ipsa virtus ignis, non autem *transitive*, quasi ageret ex virtute superaddita.

Colliges tertio: Etiam actûs fugæ, quibus videlicet voluntas averfatur malum, & actûs imperatos, qui à distinctis potentiis eliciuntur, esse propter finem. Actûs fugæ quidem, quia voluntas nunquam averfatur malum, nisi in virtute boni ex opposito moventis & allicientis. Actûs verò imperatos, quia licet materialiter spectati, quatenus elicitivè procedunt ex potentiis à voluntate distinctis, non habeant pro objecto finem & bonum; spectati tamen formaliter, & quatenus à voluntate imperati, sic ab ipsa in finem referuntur.

Colliges quartò. Fruitionem ac delectationem de fine adepto esse actûs propter finem elictos; cum in istis quoque actibus reperitur propria motio, & intentionalis causalitas finis. Nam licet bonitas finis non moveat ad sui fruitionem, nisi ut posita in executione, atque adeò fructio tantummodò sequatur finem jam in executione habitum, ipsa tamen executio non est ratio movendi, (cum finis officium sit movere obiectivè, non activè, & executivè) sed tantum conditio necessariò requisita, ut finis obiectivè, & ut existens in intentione moveat, quatenus apprehenditur, & repræsentatur sub ratione boni præsentis & possessi, prout insinuat Angelicus D. q. 31. a. 1. ad 2. dicens: *Licet in eo, qui jam consecutus est bonum, in quo delectatur, cesset motus executionis, quo tendit in finem, non tamen cessat motus appetitiva partis, que sicut prius desiderabat non habitum, ita postea delectatur in habito. Licet enim delectatio sit quies quedam appetitus consideratæ præsentii boni delectantis, quod appetitus satisfaciit, tamen adhuc remanet immutatio appetitus ab appetibili. Inde fit, quòd quanto vehementior*

A 2

hementior præcessit apprehensio, ac desiderium boni, tantò solear esse intensior delectatio & fructio de bono obtento.

6. Colliges quintò. Omnes (1) actus liberos esse formaliter propter finem; (2) ex actibus verò necessarijs, illos solum actus voluntatis, qui à comprehensore eliciuntur, ut amor beatificus & fructio. Ratio primi est, quòd omnes illi actus ex deliberata voluntate & perfecta cognitione finis procedunt. Ratio secundi est: Ille actus est formaliter propter finem, qui procedit ex perfecta cognitione finis, repræsentante proportionem ipsius ad media, & ad ipsum appetentem. Sed ex actibus à voluntate necessariò elicitis soli actus comprehensoris, nimirum Amor & fructio procedunt ex perfecta, imò perfectissima cognitione finis, ipsa scilicet visione beatificæ Divinæ essentiz, tanquam Summi Boni adæquate satisfactionis voluntatem: econtrà actus necessarij viatoris; videlicet motus primò primi procedunt solum ex imperfecta cognitione finis, & ut loquitur S. D. tantum *habens suam quasi imaginatum*: ergò soli actus voluntatis à comprehensore necessariò elicti formaliter sunt propter finem.

7. Colliges sextò. Nullam creaturam irrationalem propriè formaliter agere propter finem. Ut hic a. 2. S. D. Cujus ratio est, quòd nec se ipsas propriè in finem moveant, nec bonitatem finis formaliter h. e. secundum rationem conveniant, & proportionem cum medijs, sed solum materialiter, hoc est, rem, quæ sibi bona est, apprehendant, de quo plura Philosophi,

## §. II.

### *Solvuntur objectiones.*

8. **O**bjicies primò cum Gonett contra Collig. 4. ex S. D. q. seq. a. 6. ad 1. Primò. Quod non distinguitur ab ipso fine, non est propter finem: sed juxta D. Thom. delectatio in bono, seu quietatio in ipso, non distinguitur à fine: ergò non est propter finem. Minor colligitur ex loco citato. *Delectatio*, inquit, *propter se, & non propter aliud appetitur, si ly propter dicat causam finalem*. Secundò. Quod per modum complementi connaturaliter sequitur ipsum finem, non ponit in numero cum fine, sed fructio & delectatio connaturaliter sequuntur possessionem finis. Tertiò. Finis, prout exercet munus causæ finalis est prima causarum, sed finis ut executus est ultimum: ergò ut sic non exercet munus causæ finalis in intentione: Atqui respectu fructiois & delectationis finis est executus: ergò respectu illorum actuum non exercet munus causæ finalis: nec proinde isti actus sunt propter finem.

Respondeo ad 1. cum Philippo à S. Trin. delectationem illo loco à S. D. non accipi formaliter, tanquam pro actu elicitò circa finem, de quo loquimur in præsentì, sed objective, prout habet rationem objecti appetibilis respectu alterius actus, quo appetitur, sub qua ratione & acceptione non ponit in numero cum ipso fine. Sicque patet responsio ad 2. nimirum complementum connaturaliter consequens finem, non ponit in numero cum fine, objective spectatum, concedo, formaliter sumptum, nego. Ad 3. Respondeo.

Finis ut executus, est ultimum respectu quorumcunque actuum, nego, respectu mediorum, eorumque actuum, qui ad executionem diriguntur, concedo, & similiter distinctò, consequente, nego primam & reliquas consequentias. *Inquit*. Posita executione cessat intentio finis; ergò tunc finis non amplius movet, & causat in intentione. Respondeo. Cessat finis intentio, prout intentio nominat efficacem prosecutionem finis determinantem ad electionem mediorum, concedo, prout intentio dicit esse apprehensum & intentionale, quod finis habet in intellectu, nego antecedens & consequentiam.

Objicies secundo, contra Colliges §. causalitas finis consistit in hoc, quòd moveat & determinet voluntatem ad sui amorem, sed DEUS clarè visus non movet aut determinat voluntatem ad sui amorem, quippe jam ex se, & ex sua natura ab intrinseco determinatam ac necessitatam ad amandum DEUM, ut infra dicitur. Sed Respondeo, distinguendo minorem. Non movet voluntatem liberè, quod unicum impugnat Adversarius, concedo, non movet, & determinat necessariò, nego. Item voluntas Beati est ab intrinseco determinata ad amandum DEUM, dependenter à visione Divinæ essentiz sub ratione Summi Boni, concedo, independentèr ab illa, nego. Gratià igitur assumit & supponit prædictus Author, tunc solum adesse motionem & causalitatem finis, quando voluntas ipsa se movet liberè & applicativè; ideòque negare cogitur, quòd respectu amoris beatifici DEUS propriè habeat rationem finis. Quæ sanè difficulter sustineri possunt primo: quia hac ratione nec actus charitatis, quem Angelus aut Adamus in primo instanti elicit, fuisset formaliter propter finem, siquidem fuit à DEO specialiter movente & applicante, & à voluntate solum ut eliciente. *Secundo*. Motio objectiva finis consistit juxta S. D. in appetitù gratiæ sui, sed si appetatur liberè, siue necessariò, appetitur gratiæ sui: ergò necessitas appetitionis non obstat causalitati & inotioni finis; modò sub ratione finis sit perfectè cognitus. *Tertiò*. Beatus non minùs habet judicium practicum de DEO super omnia diligendo, nec minùs allicitivè trahitur à bonitate Divina per claram visionem cognita, quàm aliquis Viator habet tale judicium, & trahitur à Divina Bonitate per fidem cognita: imò hæc omnia habet cum majori perfectione, quàm Viator: ergò si iste DEUM liberè amando operatur propter finem, etiam ille necessariò amando DEUM operatur propter finem. *Quarò*. Respectu illius actus DEUS obtinet formaliter rationem finis, per quem formalissimè attingitur sub ratione finis, sed per amorem beatificum, quo Beatus se & omnia refert in DEUM, formalissimè attingitur DEUS sub ratione finis, & quidem ultimi: ergò. Major est S. D. qui ex eo capite probat, quòd actus voluntarij sint propter finem, quia finis est objectum voluntatis. Minor per se patet.

## §. III.

### *Quomodo Deus dicatur agere propter finem?*

**R**espondeo. Operationem liberam DEI virtualiter transseuntem, ad extra considerati posse

posse vel ex parte actûs, & secundum quod operatio dicit in recto, vel ex parte termini extra se relictâ, & secundum quod operatio dicit in obliquo. Si primò modò consideretur, tunc sicuti illa operatio est identificata cum DEO & ipse DEUS, sic neque habet causam efficientem, neque finalem, utpote ens à se; habet tamen virtuale movivum, seu rationem finalem, quæ est ipsa increata bonitas DEI, prout dictum in Tract. de DEO. Ita S. D. 1. contr. gentes c. 87. *quamvis autem aliqua ratio Divina voluntatis assignari possit, non tamen sequitur, quòd voluntas ejus sit aliqua causa.* Si verò operatio DEI accipiat ex parte termini, tunc sicut ille terminus est ens creatum, ita habet verè causam finalem in DEO, nempe ipsum DEUM: omnia enim propter Semetipsum operatus est Dominus, proverb. 16. Dicitur tamen DEUS aliquando etiam habere aliquem finem creatum, veluti cum dicimus Verbum Divinum propter nos & propter nostram salutem descendisse de calis. Non ex parte actûs & suæ voluntatis, sed ex parte Rei Volitæ, in quantum unam rem creatam subordinat alteri; sic enim merita & perseverantiam electorum ordinat ad eorundem gloriam, tanquam media ad finem, prout dictum loco citato.

11. Colliges primò. Deum non habere aliquem finem creatum ex parte suæ voluntatis; siquidem increata voluntati debetur incrementum specificativum: sed tantum ex parte rei volitæ, in quantum unam creaturam ordinat in usum alterius; quâ de causa S. D. negat hanc propositionem esse veram: *DEUS vult hoc propter hoc*: istam verò probat: *DEUS vult hoc fieri propter hoc*: quia in priori propositione creatura ponitur pro fine ex parte ipsius voluntatis Divinæ, in altera verò pro fine ex parte rei volitæ. Vide, quæ diximus in Tract. de Deo uno, c. 2 §. 2. n. 4. & 6. 11. §. 2. n. 6.
12. Colliges secundo: Dari rationem formalem amoris essentialis DEI; non autem notionalis, quatenus virtualiter inadquate distinguitur ab essentiali. 1. partis, quæ est contra Gonet hic a. 4. Ratio est, quia ut operatio sit propter finem, seu rationem finalem, sufficit, quòd sit ex perfecta cognitione bonitatis suo modò objectivè alligantis. Sed amor essentialis DEI est ex infinita bonitate infinito modo secundum prioritatem virtutalem præcognita, ipsaque bonitas multo magis & perfectius DEO est ratio amandi seipsum, quam creaturas; ergo amor essentialis in DEO habet rationem finalem. Secunda pars probatur. Amor notionalis ut inadquate virtualiter distinctus ab essentiali, ratione suæ infinitæ fecunditatis, ita est productivus Spiritûs S. ut si per im-

possibile amor essentialis pro ratione finali non haberet Divinam bonitatem, adhuc tamen esset productivus ipsius: ergo ut sic & quatenus notionalis non habet rationem finalem.

Dices. Si vellet DEUS creaturas propter seipsum, tanquam finem, tunc istæ haberent rationem medij: sed hanc non habet, quia medium habet bonitatem utilitatis ad consequendum finem: atqui nulla creatura est DEO utilis ad consequendam suam bonitatem: ergo.

Respondeo. In medio duplicem habitudinem reperiri, utilitatis seu conducibilitatis ad finem, & ordinabilitatis, ac referibilitatis ad finem. Prima habitudo reperitur in mediis respectu creatæ voluntatis, quæ quia amat amore affectum, & trahitur ab objecti bonitate, ideoque supponit in objecto appetibilitatem, vel respicientiam utilitatis, si est medium, vel absolutam delectabilitatis, aut honestatis, si objectum est finis. Atqui in creaturis respectu Divinæ voluntatis tantum reperitur habitudo ordinabilitatis, secundum quam solam media dici possunt: nam omne bonum participatum est referibile ad bonum im-participatum, à quo emanat: Sed creaturæ amantur à DEO tanquam bona participata, amat quippe illas amore effectivo, non affectivo, communicandò ipsis bonitatem: ergo etiam amantur ut referabilia in infinitam suam bonitatem. Et sic in forma Respondeo ad argumentum, distinguendo sequelam majoris. Haberent rationem medij minus stricte, prout dicit suæ bonitatis referibilitatem in superioribus bonum, concedo, prout dicit rationem utilitatis, nego. Et ad probationem. Medium in ordine ad voluntatem creatam, & amore affectivum dicit bonitatem utilitatis, concedo, medium, quod est tale in ordine ad voluntatem increatam, & amorem effectivum, nego. Ratio constat ex dictis.

Instat Gibbon. Nihil solennius esse apud theologos, quam assignare in DEO ordinem intentionis, & electionis: sed electio debet esse circa medium. Item, omnes admittunt voluntatem prædestinativam: sed hæc definitur à D. August. de don. persever. c. 14. *prescientia & preparatio beneficiorum DEI* & c. h. e. juxta Ang. Doct. 1. p. q. 23. a. 1. *ordinatio mediorum, quibus creatura rationalis transmittitur in finem vite æternæ.* Et quis negat, DEUM velle nostra opera meritoria propter nostram beatitudinem? Respondeo. Plus ex his omnibus non probari, quam quòd DEUS creaturas velit tanquam media ex parte voliti, non autem ex parte suæ voluntatis, & per comparisonem ad suam increatam bonitatem, quòd ultro concedimus.

## ARTICULUS III.

*An & quomodo media ad finem habeant propriam bonitatem?*

TRia veniunt in questionem. Primò. An dentur fines intermedij, qui ita exerceant causalitatem finalem, ut tamen ad finem ulteriorem referantur, vel utrum omnis finis sit ultimus, vel simpliciter, & in omni genere, vel secundum quid, h. e. in certa aliqua serie alicujus actionis, vel artis. Posteriores Vasquez, priorem partem

Schola Thomistica cum communi Scholasticorum amplectitur. Secundò an media etiam quæ talia habeant intrinsecam bonitatem, seu appetibilitatem, vel utrum tantummodò per denominationem extrinsecam à bonitate finis sint & dicantur bona: Priorem doctrinam Thomistæ potiores, posteriorem Conradus & Medina sequuntur.



tur. Tertiò. An media pertineant ad objectum formale, vel materiale voluntaris? ubi primam partem docent Gabriel in 1. dist. 38. q. 1. a. 1.

## S U M M

1. Dantur fines intermedij.
2. Probatnr a paritate causarum efficientium.
3. Et inductione virtutum moralium.
4. Quorum objecta movent in virtute finis ultimi.
5. Sine idem appeti ut finem, & ut ultimum finem.
6. An finis sit, cuius gratia cetera fiunt.
7. Moralium virtutum objecta non sunt fines negativè ultimi.
8. Media habent intrinsicam bonitatem.
9. Et proportionem utilitatis.
10. 11. Objectionum solvuntur.
12. Media tamen non pertinent ad objectum formale, sed materiale voluntatis.
13. Sunt tamen objectum voluntatis materiale per se, & non per accidens.
14. An exclusus mediis finis debeat esse objectum formale omnium aliorum voluntatis?
15. Et alium virtutum moralium formaliter distinguuntur?
16. Obijciuntur paritas inter conclusiones & media.
17. Et comparatio finis ad media, sicut lucis ad colorem.
18. Finis omnes alium voluntatis specificat, vel ut quod, vel ut quo.
19. Bonitas mediorum specificat virtutes morales, non ipsam voluntatem.
20. Disparitas inter veritatem conclusionum, & appetibilitatem mediorum.
21. Color non videtur propter lucem, sicut media propter finem.
22. In bonitate finis & mediorum reperitur analogia proportionalitatis.

## §. I.

*Finis intermedij causalitatis finalis.*

1. **CONCLUSIO** Prima: Dantur fines intermedij, qui verè exercent causalitatem finis. Est expressa Philosophi 1. Eth. c. 7. admittentis finem, qui per se semper, & nunquam propter aliud expetitur, ut est felicitas; & alius, qui propter se, & rursus felicitatis gratia expetitur, adeoque est finis intermedius. Nec minùs Angelicus D. 1. 2. q. 12. a. 2. docet, quòd intentio non solum sit finis ultimi, sed etiam finis medij.
2. Ratio ex eodem S. Doct. desumpta est primò à paritate causæ efficientis: sic enim proportionaliter sibi fines subordinantur in finalizando, & obijcivè movendo, sicut causæ efficientes in agendo & effectivè movendo: Atqui datur ejusmodi subordinatio in agentibus, ut unius causæ operatio non excludat aliam, quin illa quoque exerceat munus causæ propriè efficientis etiam principalis, uti patet in subordinatione causæ primæ & secundæ: quid ergo obstat, quin etiam in finibus detur ejusmodi subordinatio, in qua finis ultimus admittat finem intermedium propriè moventem in genere causæ finalis cum dependentia tamen à fine ulteriori.
3. Ratio est secundò. Quod appetitur gratia sui, & alia propter ipsum, ita tamen, ut appetatur

Curiel, & Amicus disp. 1. scđ. 3. Posteriores tuentur Jorra. à S. Th. Ildephonsus Czarau. Marcus Seaa. 1. dub. 2. alijque Thomistæ.

## A R I A.

cum subordinatione ad ulteriorem finem, non est finis ultimus, sed intermedius; Atqui dantur multa objecta, qua appetuntur gratia sui, alia quoque propter ipsa, ut tamen in ipsis voluntas ultimato non sistat: ergò dantur fines intermedij. Major liquet, quia finis formaliter est, qui propter se, & alia propter ipsum appetuntur. Minor apparet in virtutibus moralibus, quarum objecta, & fines proximi habent honestatem per se appetibilem, ad cuius consecutionem etiam media idonea eliguntur: nec tamen sunt fines ultimi, cum contineant honestatem tantummodo creatam, cui ab intrinseco repugnat, ut sit finis ultimus.

Confirmatur. Sicut omne agens hoc ipso, 4. quod non moveat ut causa prima, mover in virtute causæ primæ; ita omnis finis hoc ipso, quòd non sit ultimus, mover in virtute finis ultimi: sed objecta proxima, & motiva virtutum non sunt ipse finis ultimus: ergò movent in virtute finis ultimi. Si hoc: ergo sunt fines intermedij.

Dices. Idem est appeti ut finem, & ut ultimum finem, non quidem ultimum positivè, hoc est, ad quem omnia referantur, ultimum tamen negativè, h. e. qui non referatur ulterius: ergò in terminis repugnat dari finem intermedium. Antecedens probatur. Bonum, quod refertur ulterius, diligitur & appetitur propter aliud; sed quod propter aliud diligitur, non diligitur ut finis, sed ut medium ad finem; ergò finis intermedius, qui refertur ulterius, non diligitur ut finis, sed ut medium ad finem: In hoc quippe finis à medijs discrepat, quòd ille sui gratia, ista verò propter finem diligitur. Ideoque licet objecta virtutum moralium non sint fines ultimi positivè, sunt tamen ultimi negativè.

Confirmatur. Illud bonum non potest appeti propter aliud, cuius gratia cetera fiunt: sed secundum Philosophum 2. phys. c. 3. textu 29. finis est, cuius gratia cetera fiunt: ergò finis non potest appeti propter aliud, & per consequens non datur finis intermedius.

Respondeo, negando antecedens: ad probationem distinguendo minorem. Quod propter aliud diligitur, non diligitur ut finis &c. sub ratione reduplicata conducibilitatis ad finem, concedo, sub ratione propriæ intrinsecæ honestatis, vel delectabilitatis, nego minorem: ergò finis intermedius, qui refertur ulterius, non diligitur ut finis sub reduplicata ratione illius relationis, & conducibilitatis, concedo, sub ratione propriæ intrinsecæ honestatis, vel delectabilitatis, nego consequentiam.

Res exemplo patebit. Egrotas? appetis sanitatem. En! finem per se utique appetibilem, nec tamen ultimato; nam si sapias, etiam sanitatem & vitam refers in obsequium creatoris. Nihilominus ipsa sanitas efficaciter intenta te movet ad querendas acidulas: adeoque exercet rationem finis (& quod exemplum magis tritum apud Philosophos, quàm sanitas?) Ipsa intrinseca



seca acidularum præstantia & virtus sanativa forte cum aliqua delectabilitate conjuncta te impellit, ut hunc locum præ altero eligas: ejus causâ iter suscipis, commoditas & delectabilitas equitationis tibi calcar addit, ut equum compares, cujus ornandi studio, propter gratiam & formam, quâ te oblectat, cultiorem scellam, frænumque infernis &c. ubi cernis media medijs, fines finibus subordinatos, nam sanitas obsequio creatoris, sanitati acidula, acidulis equitatio, huic equus, equo ornatus, nummi &c. serviunt, ita, ut in quolibet medio reperitur tamen propria aliqua delectabilitas & bonitas, quæ propter se moveat ad ulteriora media inquirenda, donec ad ultimum perveniat.

Ad confirmationem Respondeo. Finis est, cujus gratiâ cætera fiunt, cætera absolute & in omni genere, nego, idem finis positivè ultimo solummodo competit, cætera in aliqua rerum serie, concedo. Audi Doctorem Angelicum l. 2. phys. l. 1. sic loquentem: *Ne aliquis credat, quod solum, quod est ultimum, sit causa, sicut cujus gratiâ, propter hoc, quod nomen finis ultimum quodammodo videtur esse. Est igitur omnis finis ultimum non simpliciter, sed respectu alicujus.*

7. Neque potest satisfacere responso Vasquezij, quod objecta virtutum moralium sint fines negativè ultimi; siquidem istæ virtutes sunt electivæ, habentque pro actu primario electionem, quæ versatur circa media ad finem: adeoque motiva, circa quæ versantur, semper positivè ordinant ad altiore & ultimum finem. Imò in omni actu humano reperiri motionem finis positivè ultimi in seq. disputatione probabimus ex doctrina D. Th. q. 22. de Verit. 2. 2. dicentis: *sicut D. E. m. propter hoc, quod est primum efficiens, agit in omni agente; ita propter hoc, quod est ultimus finis, appetitur in omni fine.*

## §. II.

*An media habeant propriam bonitatem?*

8. **CONCLUSIO** secunda. *Media habent sibi propriam intrinsecam bonitatem.* Ratio est primò. Voluntas est tantum boni, sed voluntas est etiam mediorum, sive eorum, quæ sunt ad finem: ergo etiam media habent sibi propriam intrinsecam bonitatem. Major est D. Th. hic q. 8. a. 1. minorem habet a. 2. in c. dicens: *Ratio boni non solum invenitur in fine, sed etiam in his, quæ sunt ad finem.* Et patet ex actu electionis, qui tantum est circa media.

9. Ratio est secundò. Quia intrinseca proportio, quam media habent ad finem, & ratione cujus eliguntur, est ipsi intrinseca: sed illa proportio est utilitas, & respectiva bonitas propria mediorum: ergo media habent propriam sibi intrinsecam bonitatem. Minor probatur. Convenientia cum voluntate, qua movetur appetitus, est bonitas, sed media per illam proportionem cum fine habent convenientiam cum voluntate, ideòque quanto major est proportio, tantò avidius media appetuntur: ergo illa proportio est vera intrinseca bonitas.

10. Oppones primò. Bonum & finis juxta Arist. & D. Thomam inter se convertuntur: ergo ratio boni intrinsecè non invenitur in medijs. Secun-

dò. *Utilia non habent in se, unde desiderantur*, inquit S. D. 1. p. q. 5. a. 6. ad 2. Media sunt utilia: ergò. Tertiò. Movere & allicere appetitum est propria causalitas finis: sed bonitas actualis in hoc consistit: ergò bonitas actualis est soli fini propria.

Respondeo ad primum. Illam autoritatem ita procedere de bono simpliciter, & absolute, quod cum fine convertitur, item de bonitate primaria & absoluta, non secundaria & respectiva, quarum illa fini, hæc medijs est propria. Ad 2. similiter Respondeo, Angelicum Doctorem non negare, quòd media aliquo modo desiderantur, sed quòd non desiderantur gratiâ sui. Idcirco addit: *sed desiderantur solum ut sunt ducentia ad alterum.* Ad 3. Respondeo, Movere & allicere gratiâ sui, & propter se, ita, ut in illo sistat, & quiescat appetitus, est causalitas finis, concedo, secus, nego.

**CONCLUSIO** Tertia. *Objectum formaliter 12. & adequatè specificativum voluntatis est sola bonitas finis: media verò sunt objectum materiale per se.* Ita colligitur ex S. D. in 1. d. 45. a. 2. ubi dicit: *Ea, quæ sunt ad finem, habent se materialiter ad objectum voluntatis.* & q. 23. de ver. a. 1. ad 3. *Principaliter voluntas est finis, qui est ratio volendi omnia alia; secundario autem est eorumdem, quæ sunt ad finem.*

Ratio est: quia objectum formale specificativum est, quod ratione sui, & per se primò attingitur, alia verò ratione ipsius: sed sola bonitas finis ratione sui, & per se primò attingitur; media verò ratione finis: ergò objectum specificativum adæquatum voluntatis est bonitas finis: media verò sunt objectum secundarium & materiale.

Dixi tamen in conclusione, esse objectum materiale per se, non per accidens: quia nempe licet media non attingantur primario, & ratione sui, verè tamen attinguntur in seipsis, & secundum suam propriam intrinsecam bonitatem: objectum verò materiale per accidens est, quod ne quidem in se ipso, & secundum aliquid sibi proprium attingitur: quemadmodum substantia Te habet respectu visus, à quo non in seipsis, & secundum aliquid sibi intrinsecum, sed præcisè in alio, nempe colore attingitur.

Confirmatur. Si media pertinerent ad objectum formale voluntatis, non esset adæquata ratio S. D. quòd ideò omnes actus humani sint propter finem, quia finis est objectum voluntatis; daretur enim aliud objectum formale voluntatis, quod non est finis, adeoque actus ad illud terminati non deberent esse propter finem.

## §. III.

*Solvuntur objectiones.*

**O**bjicies. Si finis esset adæquatum specificativum voluntatis, tunc esset etiam objectum formale omnium actuum voluntatis: sed hoc non est, quia electio, consensus & usus sunt actus voluntatis ex objecto formaliter distincti ab actu intentionis: sed objectum formale consensus, electionis, usus, sunt media, sicut objectum intentionis est finis: ergò finis non est objectum formale omnium actuum voluntatis.

Confirmatur 1. Virtutes morales una cum suis

suis actibus formaliter à se invicem distinguuntur penes diversa objecta formalia: sed hac objecta sunt diversa media: siquidem istæ virtutes sunt electivæ, & versantur circa media ad finem.

16. Confirmatur 2. Ita se habet finis & media ad voluntatem, sicut principia & conclusiones ad intellectum: ergo sicut ad objectum formale intellectus non tantum pertinet veritas principiorum sed etiam conclusionum 3 sic etiam ad objectum formale voluntatis pertinet non tantum bonitas finis, sed etiam bonitas mediorum.

17. Confirmatur 3. à S. D. q. 8. a. 2. dicente: ita se habere finem ad media, sicut lux ad colorem: ergo sicut lux non impedit, quin color pertineat ad objectum formale visionis, ita bonitas finis non impedit, quin media pertineant ad objectum formale voluntatis.

18. Respondeo, distinguendo sequelam majoris. Finis esset objectum specificativum omnium actuum voluntatis, vel ut quod, vel ut quò, concedo, utroque modo, nego. Sed non est objectum specificativum electionis, consensus &c. ut quod, concedo, ut quo, nego minorem, & consequentiam. Ratio & sensus est, quòd equidem diversa media possint formaliter diversificare diversos actus voluntatis, quia tamen ipsorum bonitas est respectiva essentialiter subordinata bonitati finis, à qua voluntas per se primò movetur ad intentionem, & primò hanc mediante ad electionem mediorum, ita ut bonitas finis sit imbibita in ipsa bonitate mediorum, ideò finis est objectum formale quod, seu ratio formalis, sub qua media appetuntur: quemadmodum contingit in habitu alicujus scientiæ, ubi licet variæ conclusiones ex diversitate particularium objectorum formaliter terminantium & specificantium specie (ut aiunt) materiali distinguantur; illa tamen diversitas in ordine ad habitum scientiæ se habet materialiter, eò quòd omnia illa objecta particularia referantur ad unum primum

totale, & sub unius principij & abstractionis lumine convenient.

Unde ad primam Confirmationem Respondeo. 19. Virtutes morales unà cum suis actibus distinguuntur penes diversa objecta formalia, subordinabilia ad finem voluntatis, concedo, non subordinabilia, nego: ergò bonitas mediorum pertinet ad objectum formale ipsarum virtutum & habituum moralium, concedo, voluntatis, nego consequentiam.

Ad 2. confirmationem, quamvis Joa. à S. 20. Thoma neget primum membrum consequentis (& tunc paritas est ipsis Adversariis solvenda) expeditius tamen Respondeo cum Salmanticensibus negando adæquationem paritatis, eò quòd veritas tam conclusionum, quam principiorum sit de primaria intentione intellectus; è contrà appetibilitas mediorum non sit de primaria intentione voluntatis, cum non nisi propter aliud possint esse appetibilia.

Ad 3. confirmationem, esse aliquam, non 21. autem omnimodam paritatem inter finem respectu mediorum, & lucem respectu colorum. Paritas est, quòd sicut color videtur dependenter à luce, & habet intrinsecam visibilitatem; ita media appetuntur secundum intrinsecam suam bonitatem dependenter à bonitate finis. Disparitas est, quòd color non videatur propter lucem, & quasi sit via conducentis ad videndam lucem, sed propter semetipsum visum terminat. Econtrà media amantur propter finem, tanquam via ad ipsum, unde obtento fine non amplius appetuntur.

Colliges ex dictis. Bonitatem fini, & medijs 22. competere analogicè secundum analogiam proportionalitatis; quia hæc dicuntur analogi proportionalitatis, in quibus omnibus ratio analogi intrinsecè reperitur, ita tamen, ut uni principali analogato conveniat primariò, alijs secundariò dependenter ab illo: sed bonitas primariò reperitur in fine, secundariò & tamen intrinsecè reperitur in medijs: ergò.

## DISPUTATIO II.

DE

### Ultimo fine hominis.

**I**Nter fines humanæ vitæ finis ultimus primatum tenet, quippe à quo cæteri fines in movendo dependent. Hunc dari clara S. Scripturæ authoritas evincit, ut Prov. 16. *Omnia propter semetipsum operatus est Dominus. Apoc. 1. Ego sum Alpha & omega, Principium & finis.* De quo eodémque non partiali, secundum quid, & in aliquo rerum ordine, sed totali & simpliciter ultimo sit

## ARTICULUS I.

*An unus homo possit habere plures fines ultimos?*

### SUMMARIA.

1. Finis ultimus alius verus, alius apparens.
2. Alius formalis & in communi, alius materialis & in particulari.
3. Apud RR. alius positivè, alius negativè ultimus.
4. Conversio in ultimum finem, alia actualis, alia habitualis.
5. Alia in actu signato, alia in actu exercito.
6. Poteest accipi tendentia in fines ultimos plures copulativè, vel disjunctivè.

7. Vel



7. *Vel formalis, vel virtualis.*
8. *Vel efficax, vel inefficax.*
9. *Non appetuntur plures fines ultimi formales.*
10. *Ratio S. D. ad demonstrandam necessitatem finis ultimi.*
11. *Quomodo intelligendum axioma: Bonum est diffusivum sui.*
12. *Succesivè voluntas potest habere plures fines ultimos.*
13. *Implicantiæ plurium finium ultimorum ex auctoritate & ratione.*
14. *Extenditur etiam ad appetentiam plurimum diffusivè.*
15. *Nec potest unus ultimus finis actualiter, alter habitualiter intendi appetitum efficaci.*
16. *Nec potest unus simul esse positivè, alter negativè ultimus.*
17. *Nec unus formaliter, alter virtualiter simul intensus.*
18. *Possunt tamen esse ejusdem voluntatis duo fines ultimi, unus simpliciter & efficaciter, alius secundum quid, & inefficaciter.*
19. *An gentiles in cultu plurium Deorum habuerint plures fines ultimos?*
20. *An in intellectu dentur plura prima principia?*
21. *Quomodo peccator per virtutem spei tendat in Deum ut finem ultimum?*

## §. I.

*Præsuppositæ divisiones.*

1. **F**inis simpliciter ultimus dividitur primò in verum, & apparentem, quorum ille est, qui à parte rei continet omne bonum, estque adzquatè satisfaciens voluntatis, nempe DEUS opt. Apparens est, qui falsò talis apprehenditur, de quo §. sequenti.
2. Dividitur secundò in finem ultimum formalem in communi vel abstracto, quod est bonum ut sic, & beatitudo in communi, abstrahens ab ijs rebus & finibus in particulari, in quibus determinatè reperiri possit: & in finem ultimum materiale seu in particulari, qui est bonum adzquatè satisfaciens in re determinata constitutum. Præsens questio procedit de fine ultimo, prout abstrahit à vero & apparenti, & de fine ultimo in particulari: cum certum sit, finem ultimum in communi, hoc ipsò, quòd sit abstractus, etiam esse unicuique & juxta infra. pendenda, trahere hominis voluntatem ad sui prosecutionem necessitate quoad specificationem, eò quòd in ipso nulla ratio mali admixta reliceat.
3. Dividitur 3. in ultimum positivè, & negativè. Illum appellant, in quem omnia tanquam in optimum desiderabile referuntur; istum ad quem licet non omnia referantur, ipse tamen nullius ulterioris finis gratià appetitur.
4. Intereà varij sunt modi, quibus finis ultimus appeti potest. Primò actualiter, vel habitualiter. Actualiter homo est conversus in ultimum finem, cum formalis actus in ipsum tendit. Habitualiter, cum vi præteriti actus est inclinatus & determinatus ad ultimum finem, tamen nullo actu de facto in ipsum tendat, uti homo peccator dormiens, vel faciens aliquod opus moraliter bonum est habitualiter conversus in creaturam tanquam ultimum finem.

R. P. Mezg. Theol. Schol. Tom. II.

Secundò potest alicui objecto ab homine operante tribui ratio finis ultimi vel in actu signato, vel in actu exercito. In actu signato tribuit, cum explicite & expresse judicet, suam summam felicitatem in tali objecto esse constitutam. In actu exercito tribuit, quando ex ipso modo operandi ita se habet, ac si suam summam felicitatem in tali objecto collocaret. Quòd modò ordinariè peccator ultimum finem constituit in creatura, quatenus videlicet Legem DEI, & bonum increatum posthabendo bono creato, neque istud referendo in DEUM, interpretativè judicat (non speculativè, formaliter & in actu signato, aliàs quilibet peccans esset hæreticus, vel ethnicus) illud bonum creatum esse suum finem ultimum.

Tertiò tendentia voluntatis in plures fines ultimos potest accipi de pluribus vel copulativè, vel disjunctivè sumptis. Copulativè, si feratur in plures simul v. g. voluptatem, opes, honorem &c. Disjunctivè, si alterutrum divisim & indeterminatè velit, v. g. vel voluptatem, vel honorem &c.

Quartò appetitus ultimi finis potest esse vel formalis, hoc est, actualis intentio ipsius, vel virtualis, h. e. tendentia causata ex præterita intentione, & relicta in aliquo suo effectu, tamen si actu de fine non cogitetur.

Quintò potest volitio finis ultimi esse efficax vel inefficax. Efficaciter ultimus finis tunc est volitus, quando quis se & omnia sua (sicque etiam omnem habitualem relationem) convertit in ultimum finem. Inefficaciter est volitus, quando quidem ex vi operis nec actu, nec virtute refertur ulterius, non tamen omnem etiam habitualem relationem operantis in se convertit, & ab omni alio fine avertit, sicuti licet finis ultimus à venialiter peccante intensus nec actu, nec virtute referri possit in DEUM, quia tamen non destruit habitum charitatis, per quem homo se toto est habitualiter relatus in DEUM, ideo non est efficaciter, sed inefficaciter tantum intentus.

## §. II.

*Certiora præmittantur.*

**C**ertum sit primò. Non dari, aut appeti plures ultimos fines in communi: iste enim cum sit abstractus, etiam est unicuique, & cum in ipso nulla ratio alicujus mali, vel molesti reliceat, à voluntate amatur necessariò quoad specificationem, prout infra pluribus.

Certum sit secundò. Dari aliquem finem ultimum humanæ vitæ, esse per rationem demonstrabile. Et quidem ratio Doctoris Angelici a. 4. est. In causis per se subordinatis non datur processus in infinitum: Unde sicut necesse est, perveniri ad primum movens, quia ultima & proxima causa non potest movere nisi in virtute primæ, adeoque si nullum daretur primum movens, nullus omninò daretur motus; ita similiter necesse est perveniri ad ultimum finem, quia si finis proximi & immediati non movetur, nisi in virtute finis ultimi, adeoque si non daretur finis ultimus, etiam nulla daretur finis morio.

Confirmatur. Sicut in executione voluntas à medijs, sic in intentione à fine incipit: sed implicat, ut in executione voluntas operetur, nisi

B

decet.

detur primum medium, ergo etiam implicat, ut in intentione operetur, nisi detur finis ultimus.

Dixi: in *causis per se subordinatis*; quia in finibus, qui tantum per accidens conjunguntur, cessat ratio conclusionis, ideò que nihil impedit, quin successivè & syncategorematicè plures fines disparati appeti possint in infinitum.

11. Neque dicas: bonum esse diffusivum sui, adeòque quilibet finis, utpote bonum quoddam debet in ulteriorem finem diffundi, sicque nunquam pervenietur ad finem ultimum, sed dabitur processus in infinitum. Nam istud axioma triplicem admittit sensum & expositionem. Primò. Quòd sit diffusivum alliciendo & trahendo voluntatem. Ita S. D. 1. p. q. 5. a. 4. ad 2. Secundò virtute, non actu. Tertiò. Secundum capacitatem termini, unde implicante infinitate creatorum finium, & implicat infinita diffusio. Quilibet ex his expositione fatiscit objectioni.

12. Certum sit tertiò. Possè eandem voluntatem successivè habere plures fines ultimos. Ita enim homo ex peccatore modò iustus, modò ex iusto fit peccator transferendo finem ultimum vel à creatura in DEUM, vel à DEO in creaturam. Difficultas est primò, an voluntas pro eodem tempore plures fines totales positivè vel negativè ultimos copulativè, vel disjunctivè actualiter, vel habitualiter, formaliter, vel virtualiter possit appetere? ubi aliter Thomistæ, aliter Scotistæ, & RR. sentiunt.

### §. III.

#### *Resolutio questionis.*

13. **CONCLUSIO:** *Voluntas non potest simul tenere efficaciter in duos fines totales ultimos.* Ita S. D. hic a. 5. cum suis Discipulis, & non obscurè deducitur ex Verbis Christi Matth. 7. *Nemo potest duobus Dominis servire, non potestis DEO servire, & Mammona.* Item ex 1. Reg. 18. ubi Elias Israelitas objurgans: *Usquequò claudicatis in duas partes? Si Dominus est Deus, sequimini illum.* Cui objurgationi populus naturali lumine convictus, nec verbum ausus opponere contigit. *Et non respondit populus ei verbum.*

Ratio est: quia, si appeterentur ejusmodi fines, simul essent simpliciter ultimi ex suppositione, & simul non essent: quia finis simpliciter ultimus appetitur per modum adæquate satiativi, quasi nihil extra ipsum appetendum relinquatur. Finis quoque simpliciter ultimus dicitur 1. Eth. c. 2. qui ita propter se appetitur, ut cætera omnia propter ipsum appetantur; sed si appeterentur duo ultimi fines, finis A, & finis B, tunc extra finem A, adhuc aliquid apprehenderetur, ut satiativum appetitus, nempe finis B. idem dixeris de fine B, neuter quoque ex istis duobus ad alterum referretur: ergo neuter esset finis simpliciter ultimus.

Confirmatur primò. Non possunt secundum meliorem Philosophiam dari simul 2. causæ totales ejusdem generis in ordine ad eundem effectum; sed duo ultimi fines essent 2. causæ totales ejusdem generis respectu ejusdem appetitus; ergo.

Confirmatur 2. Primum principium cujuslibet generis debet esse unum, sicut & ipsum ge-

nus: sed finis ultimus est primum principium in genere appetibilem: ergo debet esse unus. Hinc ad reliquorum solutionem

Inferes primò. Plures ultimos fines non solum copulativè, sed ne quidem disjunctivè simul appeti posse; Nam etiam si disjunctivè appeterentur, neuter eorum referretur ad alterum, nec appeteretur ut simpliciter satiativus, & bonum perfectum: sed hoc est contra rationem ultimi finis totalis: ergo.

Inferes secundò. Nec fieri posse, ut homo sit efficaciter conversus in unum finem ultimum actualiter, & in alium habitualiter. Nam efficax conversio necessariò destruit habitualem conversionem in alium finem, siquidem per illam homo se & omnia sua refert in finem; sed si remaneat habitualis conversio in alium finem ultimum, hoc ipsò actualis illa conversio non est efficax.

Inferes tertiò: contra Suar. tract. 1. de ad. 16. hum. disp. 3. se. 2. ne quidem simul consistere possè duos fines, quorum unus sit positivè, & alter negativè ultimus, vel quorum uterque tantum sit negativè ultimus. Non primum, quia cum finis positivè ultimus dicatur ille, ad quem omnia referuntur, & qui super omnia appetiatur, jam finis positivè ultimus non esset positivè ultimus, si præter se haberet finem negativè ultimum, quippe qui ad ipsum nullatenus foret relatus. Non etiam secundum, quia voluntas debet habere aliquem finem simpliciter & positivè ultimum, quem super omnia diligit, ut partim constat ex num. 3. partim infra §. 6. dicitur.

Inferes quartò. Nec simul dari posse duos fines ultimos, quorum unus sit formaliter, alter virtualiter intentus, vel enim uterque appeteretur ut completè satiativus, vel non: vel ordinarentur ad se invicem, vel non. Quidcunque dicatur, cessat ratio finis ultimi, juxta super, dicta: ergo.

Inferes quintò. Non repugnare simul in voluntate duos fines ultimos, quorum unus in ratione finis ultimi sit simpliciter, & efficaciter; alius verò inefficaciter, & secundum quid volutus. Constat primò: quia peccator in statu peccati mortalis constitutus, potest facere opus moraliter bonum, v. g. dare elemosynam: sed tunc ratione peccati mortalis est habitu conversus in creaturam: aliàs hoc opus jam non esset moraliter bonum: ergo tunc simul habet duos ultimos fines, non quidem utrumque efficaciter, sed unum efficaciter, & alterum inefficaciter intentus. Constat secundò. In homine iusto venialiter peccante, nam cum peccatum veniale tantumquam malum morale nullò modò sit ordinabile in DEUM, venialiter peccans pro ultimo fine habebit creaturam, non quidem efficaciter, sed inefficaciter intentam, & tamen per habitum charitatis, qui per veniale non destruitur, homo tunc efficaciter, habitualiter tamen est conversus in DEUM, ut ultimum finem simpliciter & efficaciter intentum.

### §. IV.

#### *Solvuntur objectiones.*

**O**bjicies primò: Gentiles & Pagani de facto existimant esse plures DEOS; & in ipsum cultum

ultimum se & omnia sua referunt : ergo de facto habent plures fines ultimos : quia quicquid apprehenditur in ratione DEI, apprehenditur in ratione summi boni, & finis ultimi.

Respondeo. Cum gentiles profanos Deos coluerint, & colant propter temporalem aliquam felicitatem, honores, divitias &c. potius in sua commoditate, quam in ipsis Dijs finem suum ultimum constituere, posito tamen, quod etiam in cultum deorum omnia sua referant, aut retulerint, tunc finem ultimum collocasse in omnibus Dijs simul sumptis, quorum uni frugum ubertatem, alteri tempestatibus, alij maris, voluptatum &c. patrocinium & gubernationem tribuebant. Ideoque plures Deos tanquam ultimos fines parciales colebant. Ad probationem Respondeo, quicquid in ratione DEI secundum veram & adequatam rationem Deitatis apprehenditur, illud apprehenditur sub ratione summi boni, concedo, quicquid apprehenditur sub falsa & partiali solum ratione Deitatis, nego.

20. Obijcies secundò. Dantur in intellectu plura prima principia, in quæ omnia alia resolvuntur; nec ipsa ad se invicem referuntur : ergo etiam in voluntate possunt dari plures fines saltem negativè ultimi, qui ad se invicem non referantur, ut si quis disparatim in voluptate & divitijs summam suam felicitatem collocet,

Respondeo negando antecedens. Omnia enim principia intellectus speculativi reducuntur ad istud : quodlibet est, vel non est; & omnia principia intellectus practici ad illud : declina à malo, & fac bonum.

Obijcies tertio. Qui mortaliter peccat, non ideo amittit Theologicam virtutem spei, per quam tendit in DEUM, ut nostrum finem ultimum, & beatitudinem objectivam : ergo peccatum præter finem ultimum, quem sibi peccando constituit, insuper habet DEUM pro ultimo fine.

Respondeo. Distinguendo alterum membrum 21. antecedentis, tendit inefficaciter in DEUM, concedo, tendit efficaciter, nego. Item tendit in Deum ut finem ultimum aliquando consequendum & possidendum, concedo, ut hic & nunc super omnia appetiendum, nego antecedens & consequentiam. Quia spes non tendit in DEUM sub ea ratione, ut voluntas ipsum super omnia appetiando se & omnia sua in ipsum convertat; hoc quippe proprium est charitatis, quæ DEUM respicit, sub qua ratione est super omnia amabilis, adeoque non tantum ut objectum & finis operis, sed etiam ut est ultimus finis operantis. Spes autem solum tendit in DEUM, ut aliquando mediantibus Divinis auxilijs possidendum,

## ARTICULUS II.

### *In quo mortaliter peccans constituat suum finem ultimum?*

#### SUMMARI A.

1. Peccans pro fine simpliciter ultimo habet bonum creatum.
2. Idque formaliter est proprium commodum peccantis.
3. Authoritas D. Augustini, 4. & D. Thomæ.
5. Natura viciata seipsam ultimam respicit.
6. Peccatum ex indifferetio zelo & ignorantia vincibili non habet DEUM pro ultimo fine.
7. Quomodo fieri possit, ut DEUS ametur plus, quam creatura, nec tamen sit finis ultimus?
8. Proprium commodum per reflexionem in suppositum peccantis sit finis determinatus.
9. Animus statim respiciendi non tollit, quò minus peccans efficaciter habeat creaturam pro fine ultimo.
10. Sententia Gonetii.
11. Eliguntur contraria, dicent, finem ultimum peccantis esse bonum proprium inordinatum.
12. Quia juxta SS. PP. ultimus finis peccantis est bonum commutabile.
13. Idque objective malum.
14. Responderetur ad objectiones Gonetii.

#### §. I.

##### *Statuitur doctrina Thomistica.*

1. Suppono, quod omnis peccans mortaliter, quantum ad affectum & interpretativè, constituat suum finem ultimum simpliciter in bono creato. Ita S. D. q. 28. d. Verit. a. 1. peccator, inquit, quantum ad affectum præponit creaturam creatori diligens plus creaturam, quam creatorem. Et crebro indicatur in S. Scriptura, ut

R. P. Mexg. Theol. Schol. Tom. II.

Deut. 32. Dereliquit DEUM factorem suum, & recessit à DEO salutari suo. Is. 1. *Va genti peccatrici, dereliquerunt DEUM, abalienati sunt retrorsum.* Jer. 2. *Me dereliquerunt fontem aquæ vivæ, & foderunt sibi cisternas dissipatas &c.* In hunc eundem sensum loquuntur SS. PP. & D. Augustinus l. 2. de libero arbit. c. 19. definiunt peccatum mortale, quod sit aversio ab incommutabili bono, & conversio ad commutabilia bona. Ac rursus 15. de Trinit. Peccatum ordine neglecto amantes præte, quod est conditum propter te.

Et ratio est; actio, quæ quis mortaliter peccat, est actio honesta, adeoque propter aliquem finem ultimum determinatum, ut deinceps dicetur; sed non est propter verum & increatum finem ultimum : ergo est propter finem ultimum apparentem & creatum.

Dubium est. Quodnam sit illud bonum creatum, in quo peccans sibi ultimum finem constituit. Nam Vasq. disp. 5. c. 1. & 3. existimat, ultimum finem saltem negativum peccantis esse ipsum objectum circa quod peccati mortalis, ut est voluptas respectu libidinis, pecunia respectu furti. Curiel existimat peccantis ultimum finem esse aggregatum ex omnibus bonis creatis, circa quod homo peccat. Alij aliter. Thomistarum & nostra est

CONCLUSIO. *Finis ultimus totalis mortaliter peccantis in concreto est ipsemet peccator, ita quidem, ut persona peccantis sit finis cui; proprium vero bonum seu commodum proprij suppositi sit finis cuius, ad quem referuntur, in eoque adstantur*

partis-

B 2



particulares & proximi fines intermedii quorumlibet peccatorum, lucrum avari, voluptas libidinosi &c. Ita communis Thomistarum.

3. Probatur primò autoritate Divi Augustini l. 15. de civit. c. 28. dicentis: quòd sicut amor DEI adificat civitatem celestem, & que ad contemptum sui; ita amor sui adificat civitatem terrenam usque ad contemptum DEI. Ubi indicat, originem peccatorum esse pravum amorè sui ipsius, ita ut impleat peccator per inordinatum sui amorem sit primum movens in intentione, ex quo consequuntur operationes pravorum ad contemptum DEI. Prout etiam indicavit Apostolus ad I. philip. 2. de peccatoribus dicens: Omnes querunt, quæ sua sunt, non quæ Jesu Christi. Ipse etiam Aristoteles l. 9. Eth. c. 4. & 8. asseruit: Pravi sui gratia agit, & tanto magis, quanto pravius est.

4. Probatur secundò autoritate Doct. Angelici in 2. dilt. 42. q. 2. 1. 1. dicentis: *Finis ultimus in amore communis illius bonorum est ipse homo, propter quem omnia alia querit.* Et intra q. 77. 2. 4. *Inordinatus amor sui est causus omnis peccati.* & q. 81. a. 2. *Finis in omnibus temporalibus acquirendus est, ut homo per illa quamdam perfectionem singularem & excellentiam habeat.*

5. Probatur tertio ratione. Illud habet rationem finis ultimi, cujus intuitu cetera omnia diliguntur, sed intuitu commodi & boni proprii à peccatore cetera omnia diliguntur: ergò. Minor præter autoritates præallegatas probatur. Omnis inclinatio tendit in bonum naturæ, in qua radicatur, est enim appetitus secundum naturam: sed affectus peccatoris est inclinatio naturæ sibi relictæ: ergò tendit in bonum proprium: uti e contra affectus iusti, quia est ex gratia & charitate, est inclinatio naturæ participativæ Divinæ, ideoque tendit in bonum Divinum.

## §. II.

### *Solvuntur Objectiones.*

6. Obijcies primò: Potest aliquis peccare mortaliter, & nihilominus plus DEUM quam creaturam diligere: ergò peccator non semper constituit finem ultimum in creatura. Antecedens probatur multipliciter. Nam primò peccant aliqui est indiscretio zelo, existimantes, se obsequium præstare DEO. De quibus Apostolus Rom. 10. dicit, quòd zelum quidem habeant, sed non secundum scientiam: Atqui talis creaturam DEO non præferret; siquidem peccaret ex nimio studio placendi DEO.

Secundò datur etiam peccat. m ex ignorantia vincibili, quo quis facit actionem mal. m, existimans, se per illam implere præceptum DEI: ut, si vincibili errore quis existimans se facere obsequium pietatis, occidat seipsum, uxorem aut liberos, ne veniant in partem infidelium. Quo casu similiter non peccat ex affectu inordinato erga creaturam, sed potius erga DEUM.

Tertiò, sit quis paratus furari, ita tamen, ut pro furto nolit se exponere periculo vitæ: qui tamè sit paratus etiam cum periculo vitæ profiteri fidem; is utiq. plus DEUM amat, quam creaturam; siquidem vitam postponit DEO, non autem lucro pecuniario. & Christus ipse Jo. 13. dixit, quòd nemo

habeat majorem charitatem, quam ut animam ponat pro amicis: & tamen iste peccat mortaliter per voluntatem furandi.

Respondeo, negando antecedens, & ad 1. probationem nego minorem. Nam etiam, qui peccant ex imprudenti zelo, ex inordinato sui amore, inducuntur in eam Judicii pertinaciam, ut negligant disquirere, quam sit voluntas Dei beneplacens & perfecta: unde non omnis, qui dicit Domine, Domine, & quomodocumq. honorè Dei pro objecto suæ actionis præfigit, sed, qui eò modo præfigit, quo Lex Divina præscribit, ille est dilectione DEI operatur: alioquin seipsum magis, quam Deum amare convincitur. Eadem est responsio ad 2. probationem. Illa quippe negligentia legem & obligationem inquirendi radicatur in proprio amore, virtualiter prælato Legi Divinæ.

Ad 3. probationem Respondeo. In illo casu homo plus diligit DEUM sub ratione boni particularis, quatenus est finis operis, & proximus objectum fidei, concedo, sub ratione finis ultimi, & ut est finis operantis, nego. Item diligit plus DEUM, quam creaturam, quæ est lucrum, utilitativum, concedo, quàm creaturam, quæ est proprium commodum, nego. Si enim Deum plus diligeret, quàm proprium commodum, legem DEI amore proprii commodi non transgrederetur. Ad authoritatem ex Jo. 13. Respondeo, Hoc verum esse, quando quis animam, h. e. vitam ponit ex appetitivo amore DEI super omnia: non autem, quando ex sola firma adhesionem ad virtutem fidei (quamvis ut in Tract. d. 11. dicitur, Divina providentia non facillè permittat martyrium, nisi ex charitate imperatum, tunc enim locum haberet illud Apostoli Cor. 13. Si tradidero corpus meum, ita ut ardeam, charitatem autem non habuerò, nihil mihi prodest.

Obijcies secundò. Finis simpliciter ultimus peccatoris debet esse determinatus: sed bonum, proprium satiativum non est finis ultimus formalis in communi, quem omnes æquè iusti & iusti appetunt: nemo enim est, qui non velit sibi bene & beatè esse: ergò non est finis determinatus in particulari.

Respondeo distinguendo minorem. Bonum proprium satiativum in communi, ut præcisum à deordinata est recurva reflexione in proprium suppositum est finis ultimus formalis in communi non determinatus, concedo, bonum, vel potius commodum proprium deordinatè reflexum & restrictum ad proprium suppositum cum subtractione à regula superiori, nego minorem. Atque per ly proprium intelligimus illam recurvam ac deordinatam reflexionem boni convenientis ad proprium suppositum, in quo peccator cum subtractione à Divina regula & vero fine ultimo pravè acquiescit.

Obijcies tertio: qui peccatum committeret, nimo statim resipiscendi, non efficaciter converteretur in creaturam ut finem ultimum, & tamen peccaret mortaliter: ergò non in omni peccato mortali creatura est finis simpliciter ultimus efficaciter intentus. Antecedens probatur à pari. Qui ageret pœnitentiam animò brevi iteum peccandi, non serio converteretur in DEUM ut finem ultimum: ergò pariter, qui committe-

ret peccatum animò statim resipiscendi, non serió converteretur in creaturam ut ultimum finem.

Respondeo, negando primum membrum antecedentis, & pariter probationis. Disparitas est, quòd, ut quis ultimum finem interpretativè, & quoad affectum simpliciter ponat in creatura, satis est, quòd pro unico instanti Deum, ejusque legem & amicitiam creaturæ postponat, grave præceptum transgrediendò, ut autem efficaciter converteretur in Deum, tanquam finem simpliciter ultimum, debet habere propositum efficax Deo semper & pro semper adherendi, ejusque legem servandi, quale non habet, qui poenitentiam agit, vel potius simulat cum animò statim iterum peccandi.

## §. III.

*Hoc bonum proprium peccatoris est inordinatum.*

**M**ANet ergò, bonum illud creatum, in quo voluntas peccatoris ultimato quiescit, esse bonum proprium. Non eodem tamen modo hoc bonum proprium Thomistæ explicant Gonet de peccatis. disp. o. a. 2. cum Salinanticens. Vult esse bonum proprium & perfectivum naturæ appetentis, prout abstrahit à creato & increato, honesto & delictabili, connotat tamen privationem gratiæ & charitatis. Et in hunc finem, ait, omnes actus peccatoris sive malos, sive moraliter bonos referri cum hoc discrimine, quòd mali seu peccaminosi sistant in bono proprio, causando simul privationem gratiæ & charitatis, actus verò moraliter boni præscindant ab illa privatione. At verò Jo. à S. Th. hic a. 7. Gibbon disp. 3. dub. 4. §. 2. docent, ultimum finem peccatoris consistere in bono proprio creato inordinato & contrario legi Divinæ, sive prout habet conjunctam privationem debite ordinationis in regulam Divinam & rectæ rationis.

Hanc posteriore sententiam amplector & probò primò. Nisi ultimus finis peccatoris esset bonum proprium inordinatum, amor sui & superbia non rectè dicerentur *radix & initium omnis peccati*. Consequens est contrarium S. Scripturæ & D. Th. infrà q. 84. a. 2. & 22. q. 162. a. 1. sequela quoad 1. membrum probatur: velle bonum, quod abstrahit ab inordinato, ut sic non est initium peccati: sed amor sui esset velle sibi bonum tali modo abstrahens: ergo non esset initium peccati. Ideo S. D. q. 8. de malo. a. 1. ad 19. dicit: *capitæ vitiarum includunt inordinatum sui amoris*. Eadem sequela quoad 2. membrum probatur. Peccatum superbiæ est appetitus excellentiæ inordinatæ & indebitæ, ut constat ex dictis in Tract. de Ang. c. 8. §. 3. *de peccato Angelorum*: ergo si radix omnis peccati est superbia, debet affectus peccatoris respicere excellentiam, seu bonum proprium inordinatum.

Probatur secundò. Ex modo loquendi SS. PP. homo per mortale peccatum avertitur ab increato & incommutabili bono, & convertitur ad bonum commutabile: sed bonum proprium ut abstrahens à creato & increato, non est bonum creatum commutabile: ergo ut sic non est ultimus finis peccantis mortaliter.

Confirmatur primò. Ultimus finis peccantis est irreferibilis in Deum; sed bonum proprium hominis ut sic non est irreferibile in DEUM: ergò.

Confirmatur secundò. Illud bonum proprium vel admittit, vel excludit ordinem debitum in finem superiorem. Si admittit, jam nec est finis ultimus, nec peccaminosus. Si excludit, hoc ipsò est bonum inordinatum.

Unde non dicas cum Gonet loco citato, finem mortaliter peccantis exinde satis esse irreferibilem in DEUM, quòd connotet privationem gratiæ & charitatis.

Nam contrà est: quòd ideò connotat gratiæ & charitatis privationem, quia causat, & excludit: sed non causat & excludit, quam quia est bonum contrarium ordini charitatis & legis Divinæ: ergò.

Probatur tertio hac ratione: Finis ultimus per actum peccati ultimato intentus debet esse objectivè malus; sed bonum proprium ut abstrahens ab honesto & inhonesto non est finis objectivè malus: ergò nec est finis ultimus mortaliter peccantis. Minor est certa. Major probatur. Actus rationem boni vel mali moralis non tantum accipit ab objecto, sed etiam ex fine, ut hic a. 3. docet S. D. & ex dicendis constabit: sed finis ultimus non minùs exercet rationem finis, quàm alij fines proximi & intermediij: ergò si isti sunt objectivè mali & inordinati, etiam finis ultimus peccantis debet esse objectivè malus & inordinatus, præsertim cum in ultimo fine reperatur prima ratio finalizandi, à qua omnes intermediij fines in finalizando dependent.

Confirmatur. Finis quantumvis secundum se & ex objecto bonus, e. g. largitio elemosinæ, tamen in actu exercitio efficitur objectivè malus, quando est ratio eligendi malum medium v. g. furandi; ergò quantumvis bonum proprium secundum se abstractè consideratum non sit inordinatum, tamen quia in actu exercitio hic & nunc est ratio finalis ultima eligendi finem proximum mortaliter peccaminosum, & mortaliter malum, etiam erit objectivè malum & inordinatum.

Dices primò. Bonum inordinatum referri potest ulterius, ut si fureris ob dandam elemosinam: sed ultimus finis peccantis non potest referri ulterius: ergò bonum inordinatum non est ultimus finis peccantis.

Secundò sequeretur, quòd omnes actus elicitii in statu peccati mortalis, etiam ex objecto morali boni essent peccata mortalia: quia haberent pro fine simpliciter ultimo bonum proprium peccatoris inordinatum.

Respondeo ad 1. Bonum inordinatum particulare, ut est in proposito lucrum furtivum inordinatum potest referri ulterius, concedo, bonum proprium præscindens ab hoc vel illo in particulari, quod dicimus esse finem ultimum peccantis, nego majorem; & pariter distincto consequente, nego consequentiam.

Ad 2. nego sequelam & probationem distinctam. Illi actus moraliter boni pro fine ultimo tantum habitualiter intento habent bonum proprium inordinatum, concedo, actualiter in

tento, nego: Sed actus habentes pro fine ultimo actualiter intento bonum proprium inordinatum, sunt moraliter mali, concedo, tantum habitualiter intento, nego minorem & consequentiam.

Si petas, in quem igitur finem ultimum referatur

ad actio peccatoris moraliter honesta, ut est largitio elemosynæ?

Respondeo, referri inefficaciter in DEUM, ut ultimum finem secundum quid. Quorum ratio patebit ex a. sequenti.

## ARTICULUS III.

### *In quo venialiter peccans constituat finem ultimum?*

#### SUMMARIA.

1. *Statum controversia.*
2. *Quo sensu admitti possit, venialiter peccantem habere creaturam pro fine ultimo negative?*
3. *Quid sit, omnia habitu referri in finem ultimum?*
4. *Venialiter peccantis finis ultimus est proprium commodum inordinatum.*
5. *Inefficaciter intentum.*
6. *Ideo non est ultimus finis simpliciter.*
7. *Ad finem simpliciter ultimum sufficit, ut in ipsum omnia referantur actu, vel habitu.*
8. *Peccatum veniale non dicitur fieri propter DEUM.*
9. *Peccans venialiter inharet bono temporali, non ut fruens, sed utens.*
10. *Quo sensu veniale peccatum non sit contra legem DEI.*
11. *Quid sentiendum de peccatore faciente opus moraliter bonum.*

#### §. I.

##### *Præsupposita.*

1. **F**ACTUS duplici hypothesi, primò, quòd homo quolibet actu humano feratur in aliquem finem ultimum, etiam determinatum & materialem, ut in art. seq. dicemus. Secundò, quòd peccatum veniale cū malum morale sit irreferibile in DEUM, nec tamen destruat habitum gratiæ & charitatis, quo iustus habitualiter est conversus in DEUM ut ultimum finem, exurgit non levis difficultas, an non venialiter peccans simul & semel habeat duos fines simpliciter ultimos, unum nempe DEUM vi gratiæ & charitatis, alterum bonum proprium, vi peccati venialis irreferibilis in DEUM.

2. Et quidem Suarez, Vasq. Gibbon affirmant, venialiter peccantem pro fine negativè ultimo habere illam creaturam, cuius gratiā à lege defleat, licet enim in illam non omnia referat, ipsam tamen non refert ulterius, quæ sententia si per creaturam seu finem negativè ultimum, intelligat bonum proprium inordinatum, quod sub ratione finis actualis, & ex parte operis nec actu, nec virtute refertur in DEUM, bene tamen habitu, & ex parte operantis, in re est nostra sententia, & solo loquendi modo differt. Si verò intelligat objectum peccati venialis, quod ulterius nec actualiter, nec habitualiter refertur, sustineri non potest.

Primò. Quia hac ratione DEUS non esset finis simpliciter ultimus peccantis venialiter: sed hoc est absurdum: ergo. Sequela probatur. Finis simpliciter ultimus requirit, ut quæcunque appetuntur, aliquo modo in ipsum referantur: sed illæ creaturæ & objecta peccatorum venialium, seu fines negativè ultimi nullo modo referuntur in DEUM: ergo

Secundò. Potest unum objectum peccati venialis referri ad aliud, uti cū quis propter vanam gloriam leviter mentitur: ergo objecta peccatorum venialium non sunt fines negativè ultimi.

Tertio. Omnis inclinatio à natura proveniens (ut ante dictum), ultimato tendit in bonum illius naturæ: ergo etiam peccatum veniale ultimato non sistit in bono & objecto particulari, quod appetitur, sed ulterius in bonum proprium ordinatur.

Pro huius difficultatis solutione notandum est ex S. D. infr. q. 83. a. 1. ad 7. & 3. 2. 2. q. 24. a. 10. ad secundum, q. 7. de malo a. 1. ad 4. ad rationem ultimi finis simpliciter sufficere, ut omnia in ipsum referantur, si non actu vel virtute, saltem tamen habitu, & sic in homine iusto peccata venialia, eorumque objecta habitu referri in Deum. Porro hæc habitualis relatio plus non dicit, quàm quòd veniale peccatum ex vi sua non destruat, sed relinquat habitum charitatis, qui suis apte naturæ est efficax ad omnia actu referenda in Deum, quæcunque sunt referibilia in ipsum. Et quia ex habitu charitatis homo ita est affectus erga DEUM tanquam finem ultimum. ut sit paratus omne bonum creatum, etiam id, cuius gratiā venialiter peccat, deserere, si propterea Divinam gratiam se amissuram sciret, idè ratione huius habitualis affectus in DEUM, adhuc ipsum, quantumvis venialiter offendat, appetitativè amet super omnia, & præfert cuiusque bono creato, ac proinde habet pro fine ultimo simpliciter; sicut ex opposito, si peccator facit aliquid opus moraliter bonum, illud ipsum opus habitualiter refertur in bonum proprium tanquam ultimum finem simpliciter, quia per illum actum non aufertur efficax dispositio voluntatis, quâ pro amicitia Divinæ recuperatione non vult recedere à bono proprio, quod inordinate diligit, sicque creaturam interpretativè & appetitativè plus quàm DEUM diligit. Quo posito

#### §. II.

##### *Resolutio Thomistica.*

**C**ONCLUSIO. *Finis ultimus actualis peccantis venialiter est [1] ipsius bonum proprium inordinatum, [2] inefficaciter intentum, [3] quod proinde est finis ultimus non simpliciter, sed secundum quid.*

Primæ partis ratio est: Omnis actus moraliter mali finis ultimus est bonum proprium inordinatum: sed peccatum veniale est actus humanus moraliter malus, præsertim si non sit veniale ex defectu deliberationis: ergo. Major ex dictis in a. præcedenti deducitur: Inclinatio naturæ non quiescit ultimato in aliquo bono particulari



lari, quod non potest apprehendi ut satiativum appetitus, sed refleditur tandem in proprium commodum, idque inordinatum, siquidem est exclusivum saltem actualis relationis in DEUM: sed peccatum veniale est talis inclinatio: ergo.

5. Secundæ partis ratio est: Illud bonum est sub ratione ultimi finis efficaciter volitum, quod omnem relationem operantis non solum actualem, & virtuale, sed etiam habitualement in se convertit, ideoque appetitativè diligitur super omnia: sed bonum proprium, in quod homo per peccatum veniale convertitur, non ita in se rapit omnem habitualement relationem operantis, ut vi istius operationis omnis habitualis ordinatio in alium finem ultimum destruat: ergo in ratione finis ultimi non est efficaciter volitum.

6. Tertiæ partis ratio est ex dictis: quia finis simpliciter ultimus est, qui appetitativè diligitur super omnia, atque omnia propter ipsum; sed bonum proprium non ita à venialiter peccante diligitur, siquidem peccato veniali gratia & charitas, quibus homo habitualiter ordinatur in DEUM, non destruantur. E contra finis secundum quid, & in ratione finis actualis ultimus est, qui ex vi præsentis volitionis neque actu, neque virtute refertur in alium finem: sed ita se habet bonum proprium inordinatum in peccato veniali: ergo.

### §. III.

#### *Solvuntur objectiones.*

7. **O**bjicies primò: Ad finem simpliciter ultimum requiritur, ut voluntas se & omnia in ipsum referat: sed peccans venialiter non se & omnia sua refert in DEUM: ergo non habet DEUM pro ultimo fine simpliciter, minor probatur. Peccatum veniale est irreferibile in DEUM: ergo peccans venialiter non omnia sua refert in DEUM.

Respondeo distinguendo majorem. Requiritur, ut voluntas se & omnia in ipsum referat, vel actu, vel habitu, concedo; actu semper, nego. Sed peccans venialiter se & omnia sua non refert actu in DEUM, concedo, in habitu, nego minorem & consequentiam. Ad probationem concessio antecedente, similiter distinguendo consequens: ergo peccans venialiter non omnia refert in DEUM, actu concedo, habitu, nego consequentiam.

Inquis. Implicat illud, quod est essentialiter irreferibile in DEUM, quocunque modo referri in DEUM: sed peccatum etiam levissimum est essentialiter irreferibile in DEUM: ergo nec actu, nec habitu potest referri in DEUM. Quomodo ergo peccans venialiter omnia sua habitualiter refert in DEUM?

Respondeo. Implicat quocunque modo peccatum veniale referri in DEUM positivè, & ex parte actus, concedo, negativè & ex parte suppositi, nego. Sensus est, quod homo iustus per habitum gratiæ & charitatis ita sit conversus in DEUM, & in illa animi dispositione constitutus, ut nolit quicquam eorum committere, quo sciat violandum esse conversionem & amicitiam cum DEO: Unde si sciret per aliquod peccatum ven-

niale Divinam amicitiam esse destruendam, mallet illud intermittere, quam Divinam amicitiam violare. Voluntas igitur hominis iusti gratiæ & charitate instructi absolute vult omnia sua opera tendere ad conservandam charitatem & amicitiam cum DEO, vel positivè, in quantum est parata elicere actus bonos referibiles in DEUM, & conducibiles ad augmentum charitatis; vel negativè, in quantum in actibus defectuosus & irreferibilibus in DEUM, ita tamen timore & amore DEI temperat & refranat affectum, ut virtualiter & interpretativè malit ab isto actu desistere, quam Divinam amicitiam violare. Ex qua voluntatis dispositione adhuc DEUS manet appetitatus super omnia. Et hanc posteriorem relationem habitualement vocamus negativam, quia est habitualis dispositio voluntatis causans negationem nimis adhesionis ad objectum creatum, quâ violari posset amicitia Divina. Illam priorem vocamus relationem positivam, quia est dispositio in actus virtuosos positivè inclinans.

Dices. Actus, qui sunt propter DEUM, sunt moraliter boni: sed peccatum veniale fit propter DEUM; quia habitualiter saltem refertur in DEUM: ergo erit moraliter bonum. Respondeo negando minorem. Neque enim habitualis relatio præfertim negativa secundum superiorem explicationem tribuit actui moralitatem: neque ratione ipsius finis formaliter, vel virtualiter insuit in actum.

Objicies secundò: Qui peccando venialiter in ordinatè amat aliquod bonum creatum, v.g. pecuniam, lusum &c. vel amat illud, ut fruens vel utens, quia juxta regulam D. Augustini l. 83. q. q. omnis qui amat aliquid, aut amat utens, aut fruens. Sed si utitur, non peccat, quia usus rei utendæ non est inordinatus. Si fruitur, tunc in illo collocat finem ultimum saltem negativè.

Respondeo S. D. infr. q. 88. a. 1. ad 3 qui venialiter peccat, inhæret bono temporali, non ut fruens, sed utens. Ad probationem in contrarium Respondeo. Usus strictè acceptus non dicit inordinationem, concedo, usus latè acceptus pro quolibet amore directè vel indirectè relato in alium finem, nego. Sic enim est malus, & dicitur abusus.

Inquis. Si peccans venialiter habet pro fine ultimo bonum proprium, tunc illo fruitur: quia amor finis ultimi est fructio: sed frui rebus utendis est proprium peccati mortalis: ergo. Respondeo. Fruitur bono proprio, prout fructio latius accepta significat amorem exclusivum actualis relationis in alium finem ultimum. Non fruitur bono proprio, prout fructio strictius accepta excludit omnem etiam habitualement relationem in alium finem ultimum.

Inquis. Si peccatum veniale habet pro ultimo fine bonum proprium, non tantum esset præter, sed contra legem DEI, sed hoc est contra doctrinam S. D.

Respondeo. S. D. in eo sensu negare, quod peccatum veniale fit contra legem DEI, quasi nimis destruat ordinem, finem & legem charitatis. non autem quasi non contineat inordinationem aliquam repugnantem legi Divinæ.

Inferes;

11. Inferes. Hactenus dicta proportionaliter esse accommodanda ad actum moraliter bonum ab homine in statu peccati mortalis constituto elicatum. Tunc enim vi habitualis adhaesionis efficacis ad bonum creatum & commutabile etiam actus moraliter bonus, actualiter, sed inefficaciter relatus in DEUM habitu & negativè refertur in finem ultimum proprii commodi, eò quòd illa conversio sit nimis debilis, quam ut possit eradicare habitualement relationem ad finem malum super omnia appetitatum.

Sed quid dicendum, si constitutus in statu peccati mortalis peccet venialiter? Respondeo tunc peccatum veniale per se inefficaciter actu referri in bonum proprium inordinatum, quia ex se non est sufficiens destruere habitum charitatis; per accidens tamen etiam habitu efficaciter convertitur in finem ultimum inordinatum, quia nimis per accidens est in subiecto, quod se & omnia per antecedens peccatum mortale retulit in bonum proprium inordinatum: neque illum actum sufficienter revocavit.

## ARTICULUS IV.

*An, quaecunque vult homo, velit propter aliquem finem ultimum?*

### S U M M A R I A.

1. Homo in omni sua operatione intendit finem ultimum formalem.
2. Saltem implicitè & interpretativè,
3. Imò etiam formaliter, vel virtualiter.
4. Quid sit actus otiosus?
5. Bonum creatum, etiam dum inordinatè appetitur, servat habitudinem ad bonum in communi.
6. Omnis actus humanus est propter aliquem ultimum finem determinatum.
7. Efficacia intentionis duplex acceptio,

### §. I.

*An & quomodo in omni actu humano intendatur finis ultimus formalis?*

1. Certum est primò: hominem in omni sua operatione finem ultimum formalem, h. e. bonum & felicitatem in communi appetere: *Omnis enim*, (ut præclare Boëtius l. 2. de consol. prof. 2.) *mortalium cura, quam multiplicium studiorum labor exercet, diverso calle procedit, sed ad unum beatitudinis finem nititur pervenire.* Atque in hoc appetitu homines omnes conveniunt, quoniam verum est, (inquit D. Aug. l. 13. de Trinit. c. 5. quod omnes homines beati esse velint, idè, unum ardentissimo amore appetant, & propter hoc cetera quaecunque appetant. Et ita D. Th. a. 7. Quantum ad rationem ultimi finis omnes conveniunt in appetitu finis ultimi, quia omnes appetunt suam perfectionem adimpleri, quæ est ratio ultimi finis, ut dictum est. Sed quantum ad id, in quo ista ratio invenitur (nempe finem ultimum materialem in particulari) non omnes conveniunt in ultimo fine. Hæc S. D.

Et Ratio est: quòd cum bonum sit adæquatum voluntatis objectum, quicquid appetit voluntas, vel appetit per modum boni perfecti, vel per modum boni tendentis ad perfectam beatitudinem. Si primum, jam appetit ipsam suam beatitudinem; & secundum, fertur in illud bonum propter suam beatitudinem; sive ut expleat appetitum, sive in omni suo actu beatitudinem inquirat.

2. Unde certum est secundò, voluntatem in omni suo actu non quidem explicitè & actualiter, saltem tamen implicitè & interpretativè (quod aliqui, licet minus propriè, appellant virtualiter ex parte operis) tendere in finem hunc

ultimum. Non semper actu tendit, quia, ut docet experientia, non semper actu cogitamus de fine ultimo, quoties circa objecta particularia occupamur. Tendit tamen saltem interpretativè & implicitè: ad hoc enim sufficit, quòd voluntas feratur in bonum imperfectum, quòd tanquam pars & inchoatio boni perfecti ad illud suapte naturà referatur: atqui voluntas in omni sua operatione saltem tendit in aliquod bonum imperfectum, bono perfectè satisfactivo subordinatum, sive tam bonis, quàm malis commune est, ut tendant in suam beatitudinem: nam & qui malus est, malus non esset, nisi inde se beatum esse posse speraret, inquit D. August. tract. de Epicur. c. 3.

Verùm, etià in omni suo actu humano hunc ultimum finem formaliter vel virtualiter (ly virtualiter propriè sumendo pro intentione influente per aliquam virtutem & effectum à se relictum) intendit? Negat Contentosus & existimat, aliquando tantum tacitè quærì beatitudinem, & finem ultimum in aliquo suo radio, quatenus per omnem actum in omni objecto quæritur aliquid pertinens ad beatitudinem, puta honestas, delectatio, pax, &c.

Sed Respondeo & dico, finem ultimum formalem in omni actu humano vel formaliter, vel virtualiter intendi: Ratio est. Tunc homo in omni sua operatione deliberata formaliter vel virtualiter agit propter ultimum finem in communi, quando omnem ipsius operationem deliberatam præcedit formalis intentio finis ultimi in communi, & absque morali interruptione in aliqua sua virtute effectus, & determinatione perseverat: sed hoc sit: ergò, Minor probatur. Quotiescunque homo aliquid de novo incipit operari, ad quod non erat determinatus ex præcedenti volitione finis in communi, toties de novo electionem finis in particulari præcedit formalis intentio finis in communi; sed hoc modò omnem operationem humanam propter aliquem finem in particulari præcedit intentio finis ultimi in communi, vel formaliter vel virtualiter influens: ergò, Major, in qua est difficultas, probatur in primis ex D. August. 11. d. Trinit. c. 6. dicente: *Omnis ista æterna voluntas propriis finis habent, qui referuntur ad finem illum voluntati, quæ volumus beatè vivere.* Deinde ex D. Th.

ex D. Th. infr. q. 9. a. 6. ad 3. ubi hæc habet : *DEUS movet voluntatem hominis, sicut universalis motor ad universale obiectum voluntatis, quod est bonum, & sine hac universali motione homo non potest aliquid velle.* Ex quibus sic ducitur argumentum. Nunquam homo seipsum de novo movet & applicat ad volitionem finis in particulari, nisi prius à DEO moveatur ad volitionem finis in communi; ergo priusquam homo seipsum determetur ad volitionem finis, & boni in particulari, moveatur ad volitionem finis in communi. Major est doctrina Doct. Angel. alibi pluribus expendenda. Minor probatur. Proprius operandi modus in homine est, ut procedat ab universalibus ad particularia, sæpè etiam intentio finis in particulari est mala & peccaminosa, quæ proinde à DEO ut speciali motore provenire non potest: ergo tantum intentio finis in communi est à DEO ut speciali motore.

4. Sed dices primò: Hac ratione nullus actus humanus erit otiosus: quia otiosus est, qui ad nullum finem ordinatur: sed si omnis actus humanus refertur ad beatitudinem, nullus caret suo fine: ergo.

Respondeo, negando sequelam, ejusque probationem distingo: Actus otiosus est, qui ad nullum finem proximum convenientem & honestum ordinatur, concedo, ad nullum finem ultimum, nego. Nam ne actus sit otiosus, SS. PP. requirunt piam utilitatem, aut justam necessitatem: finis autem ultimus in communi, in quem voluntas necessàriò fertur, cum de se sit indifferens, ut applicetur ad finem particularem honestum, vel turpem, nullam actui tribuit moralitatem.

5. Dices secundo. Tamen si bonum creatum, ex cuius inordinato amore homo peccat, sit quædam participatio Divinæ bonitatis, non tamen illud appetendo dicimus hoc interpretativè & impliciter velle propter DEUM: ergo licet bonum particulare sit pars & inchoatio quædam boni ut sic, non sequitur, quod homo amando bonum particulare, illud interpretativè velit propter bonum ut sic.

Respondeo, negando consequentiam & paritatem, quia bonum creatum, quatenus à peccatore inordinatè diligitur, sicque substat malitiæ morali, non ampliùs est participatio Divinæ bonitatis, sed eidem opponitur, sitque irreferibile in illam: E contra etiam, ut substat

malitiæ, servat habitudinem ad bonum & beatitudinem in communi: quia non alia ratione à peccatore appetitur, nisi ut satiet & expleat appetitum: quæ appetitùs expletio est ipsa hominis beatitudo, & finis ultimus in communi.

## §. II.

*An etiam semper intendatur finis ultimus materialis.*

**A**d huc dubitatur. An omnis actus humanus sit insuper propter aliquem finem ultimum materiale, sive determinatum in particulari formaliter vel virtualiter intentum? Respondeo cum Gonet contra Contentsonum aliòsque plures, & dico esse. Nam licet actus aliquis inefficax simpliciter complacentiæ versari possit circa ultimum finem in communi & abstracto, efficax tamen intentio fertur in aliquem finem ut obinendum; atqui finis ultimus obtineri non potest ut in communi & abstracto, sed ut determinatus ad certum subjectum: ergo efficax intentio finis ultimi fertur in illum ut determinatum in particulari: Sed omnis operatio hominis deliberata est vel ipsa intentio efficax finis ultimi, vel ex illa derivatur: ergo omnis operatio hominis deliberata est propter finem ultimum etiam determinatum, & in particulari.

Sed dices. Si omnis actus humanus est vel ipsa efficax intentio, vel derivatur ex intentione efficaci finis ultimi: quomodo peccans venialiter pro fine ultimo inefficaciter volito habebit bonum proprium, veluti in Art. præcedenti affirmavimus? Respondeo efficaciam actus posse dupliciter sumi, primò pro vi determinativa ad electionem mediorum pro consecutione finis utilium, & sumimus ita in præfenti; Secundo pro vi exclusiva omnis habitudinis in alium finem simpliciter ultimum, sive pro vi appetitiva finis ultimi super omnia, quo sensu accepimus efficaciam in §. præced.

Potest igitur aliquod peccatum veniale efficaciter versari circa ultimum finem, quatenus habet vim determinativam ad electionem mediorum pro consecutione ipsius; potest etiam sub alia ratione inefficaciter versari, quatenus videlicet non habet vim appetitivam ultimi finis super omnia, neque exclusivam omnis alterius habitudinis in alium finem ultimum.

## DISPUTATIO III.

DE

## Hominis beatitudine.

Ad q. 2. &amp; 3. D. Th.

**C**onsiderato fine ultimo hominis in communi, designandum est illud bonum, in quo finis ultimus, & veræ naturæ rationalis Beatitudo consistat, quam Boëtius 3. de consol. appellat *statum omnium bonorum aggregatione perfectum*. D. Augustinus

stinus 5. de civit. c. 1. *verum omnium optandarum cumulatam plenitudinem.* Formalius Angel. Doct. hic a. 1. *Bonum totaliter quietans & satians appetitum.*

Dividitur beatitudo sic accepta primò in naturalem, quam in statu Naturæ puræ, vel integræ solis naturæ viribus homo potest consequi; & in supernaturalem, ad quem non nisi per supernaturalia auxilia evehitur, de qua nobis sermo. Secundò in essentialem, & accidentalem, quarum illa occupatur in summo Bono per se primò & essentialiter satisfactivo; ista verò in bonis & objectis inferioribus & accessoriis, ut humanitate Christi, gloria corporis &c. Tertiò in formalem & objectivam, quæ simul sumptæ beatitudinem adæquatè constituunt. Formalis est operatio, quæ assequimur summum Bonum, quod totaliter explet, & satiat appetitum. Nunc primò de beatitudine objectiva, tum de formali, ejusque proprietatibus; tandem de accidentali inquiramus. Unde sit

## ARTICULUS I.

### De Objectiva beatitudine hominis.

#### S U M M A R I A.

1. *Fides docet, beatitudinem hominis consistere in bono increato.*
2. *Status questionis.*
3. *Existentia, attributa, & substantia relative intrinsecè pertinent ad constitutionem objecti beatifici.*
4. *Visa essentia parit connaturale desiderium videndi necessaria adjuncta.*
5. *Disparitas inter existentiam coloris respectu oculi, & existentiam Divinam essentiam respectu visionis beatificæ.*
6. *Alia est in Deo ratio primi principii, & finis ultimi.*
7. *Relationes pertineant ad objectum beatificum, sufficit, quod sint termini intrinseci Divinæ essentie.*
8. *Absoluta sunt priora relativis sola virtuali prioritate a quo.*
9. *Beatitudo non dicit perfectionem secundum omnia sibi intrinseca.*
10. *An si per impossibile DEUS non esset Trinus, nihilominus foret objectum beatificum?*
11. *Prioritas originis in DEO non impedit simultaneam cognitionem.*
12. *Quomodo Pater æternus habeat à se ipso beatitudinem?*
13. *Sola Divina essentia est objectum formale visionis, ut est cognitio, non ut est beatificæ.*

#### §. I.

##### In quo consistat objectiva beatitudo?

1. **C**ertum est ex S. Script. Hominis objectivam beatitudinem consistere in solo bono increato. Ita Psal. 16. dicitur. *Satiabor, cum apparuerit gloria tua.* Psal. 12. *Quid mihi est in celo, & a te quid volui super terram?* Unde eleganter D. August. I. de Mor. Eccl. c. 8. *Bonorum summa DEUS nobis est, DEUS est nobis summum Bonum &c.*

Ratio est. In illo solo bono consistit objectiva beatitudo, quod solum potest satiare rationalem appetitum: sed solum bonum increatum Divinæ Essentie potest satiare hominis rationalem appetitum: ergò Minor probatur primò. Solus ultimus finis potest ultimò explere, & satiare appetitum, quia quicquid propter aliud appetitur, non ultimò satiat appetitum: sed solum bonum increatum est hominis finis ultimus; sicut est primum principium ipsius: ergò. Secundò potentia respiciens bonum universale, non satiatur aliquo ob-

jecto mutilato & particulari, sed intellectus & voluntas sunt potentie respicientes objectum universale, & amplissimum; ille verò, ista boni ut sic: ergò satiari non possunt ab ulla creatura, quæ est bonum mutilatum, particulare, deficiens; sed ab illo solo expleri possunt, qui est ens per essentiam, in se continens omne verum, & omne bonum. Neque refert, quod intellectus & voluntas hominis sint potentie finitæ: sunt enim potentie subjectivæ & entitivæ finitæ, objectivæ tamen infinitæ; idèoque petunt expleri ab objecto infinito, non tamen modo infinito.

Aliam subtilem & metaphysicam questionem 2. excitant Scotistæ: an existentia & Trinitas Personarum ingrediatur metaphysicè essentialiter objectum beatitudinis supernaturalis, ita, ut si per impossibile, (nam possibile esse visionem Divinæ essentie sine existentia & Personalitatibus negavimus in Tract. de DEO) visio Divinæ essentie non attingeret exercitiam rationem existentie, neque subsistentias relativas Personarum, adhuc tamen Divina essentia esset objectum verè beatificum; sicque rationes existentie & personalitatum non sint de primario & essentiali, sed secundario, vel integrali tantum conceptu objecti beatifici.

**CONCLUSIO.** Non solum essentia, sed etiam 3. Trinitas sive subsistentia relativa Personarum & attributa pertinent intrinsecè ad constitutionem objecti beatifici. Ita communiter Thomistæ cum S. D. 2. 2. q. 1. a. 8. ad 3. Ratio fundamentalis est, quod de ratione metaphysica objecti beatifici est, quod satiet & expleat omne justum desiderium, & appetitum Beati; sed essentia Divina præcisa ab existentia, attributis & personalitatibus non satisfiat omne justum desiderium & appetitum Beati: ergò. Minor probatur. Beatus desiderat Deum videre quidditivè & intuitivè, ut in se est, & subsistit: sed si tantum videret Divinam essentiam præcisa ab existentia & relationibus, non videret illam ut in se est, tum quia non videret esse, quod est quidditivum constitutivum Divinæ essentie & distinctivum visionis intuitivæ ab abstractiva cognitione; tum quia non videret modos & terminos, in quibus essentia Divina subsistit.

Adde, quod visio essentie est connaturale desiderium ad videndas proprietates cum essentia necessario & formaliter connexas; sed attributa & proprietates relativæ necessario & formaliter



maliter cum Divinæ essentiz sunt connexæ: ergo Beatus habet connaturale desiderium videntis relativæ proprietates. Vide, quæ diximus loc. cit.

## §. II.

*Solvuntur objectiones.*

5. **O**bjicitur primò Si Deus destructo colore conservaret visionem ipsius; oculus adhuc tam bene recrearetur visione pulchri coloris non existentis, quàm recreabatur visione illius existentis: ergo etiam intellectus tam bene potest recreari visione Divinæ essentiz tantum objectivè existentis, quàm nunc recreatur visione ejusdem exercitè existentis.

Respondeo primò, negando antecedens; quia, quidquid sit de possibilitate talis visionis, destructo colore visio non eodem modo perficeret oculum, quo prius, siquidem non maneret intuitiva, nec repræsenteret colorem, ut in se est, sed fieret quodammodo abstractiva, in quantum repræsenteret colorem præcisè secundum aliquod esse terminativum & objectivum in oculo.

Respondeo secundò, Existentiam non esse intrinsecum constitutivum coloris, sicut est constitutum Divinæ essentiz; neque objectum oculi essentialiter exigere, ut sit adæquatè satiativum, hoc est autem prædicatum essentiale Divinæ essentiz in ratione objecti beatifici, ut sit adæquatè satiativa; non autem esse adæquatè satiativa, nisi esset clarè visa, ut in se est.

6. **O**bjicitur secundò. Ad rationem objecti beatifici satis est, quòd se Divina essentia exhibeat tanquam ultimum finem, & summum Bonum, sed essentia Divina etiam præcisè personalitatibus exhibet se ut summum Bonum, ergo, Minor probatur. In tantum DEUS habet rationem ultimi finis, in quantum habet rationem primi principii; sed ratio primi principii DEO convenit, ut est unus, non ut est Trinus, adeoque præcisè relationibus; ergo etiam hoc modo ipsi convenit ratio ultimi finis & summi Boni.

Confirmatur 1. Relationes Divinæ in nostra sententia, tradita in disp. de DEO Trino, non superaddunt perfectionem ad essentiam: ergo essentia Divina præcisè relationibus habet rationem summi Boni beatificantis.

Confirmatur secundò. Ratio summi Boni & beatitudinis pertinet ad perfectiones absolutas; sed perfectiones absolutæ sunt priores relativis: ergo etiam per prius convenit Divinæ essentiz ratio summi boni & beatitudinis, quàm concipiantur proprietates relativæ.

Respondeo negando majorem; Licet enim idem ens, quod est primum principium, sit etiam finis ultimus, & hæc duo inter se convertantur, in quantum ex se mutuo inferuntur, non tamen eadem sunt formalia prædicata beatitudinis, & ultimi finis, quæ sunt formalia prædicata primi principii, cum ratio beatitudinis, & finis simpliciter ultimi importer essentiam DEI clarè & quiditative in se visam, ideoque omnimodè satiativam, at ratio primi principii tantum importer perfectionem naturali lumine cognoscibilem.

7. **A**d 1. confirmationem nego consequentiam, ut enim personalitates relativæ intrinsecè perti-

ntineant ad rationem objecti beatifici, satis est, quòd sint termini intrinseci, in quibus essentia Divina subsistit, & sine quibus, ut in se est, quiditative videri naquit.

**A**d 2. confirmationem Respondeo. Ratio summi Boni pertinet ad perfectiones absolutas, quæ tamen necessariò includant aliquid relativum, concedo, quæ non includant, nego. Rursus Absoluta sunt priora relativis, præcisè secundum virtutem prioritatem à quo, concedo, secundum virtutem prioritatem in quo etiam in cognoscendo, nego.

Inflabis primò. Beatitudo dicit perfectionem, relationes non dicunt perfectionem: ergo ratio beatitudinis convenit Divinæ essentiz independentè à relationibus.

Respondeo cum distinctione. Beatitudo secundum se totam & adæquatè sumptam, nego, inadæquatè sumpta, & secundum rationem magis primariam, concedo. Nam adæquatè sumpta includit terminos intrinsecos, in quibus subsistit.

Inflabis secundo. Si per impossibile DEUS tantum esset unus, & non Trinus in Personis, adhuc essentia Divina esset objectum beatificum: ergo personalitates non sunt de ratione intrinsecæ ipsius.

Respondeo, quòd in hac hypothesi impossibili 10. Divina essentia esset objectum beatificum alterius rationis, quàm nunc est; quia enim tunc aliter subsisteret in se, quàm nunc subsistit, etiam posset esse aliò modò clarè visa.

Objicitur terriò. Pater æternus est beatus 11, visione suæ essentiz, quatenus præcisè à personis: ergo personalitates non pertinent ad objectum beatificum. Antecedens probatur. Pro illo priori originis, quo Pater æternus cognoscendo suam essentiam producit Filium, Filius non ingreditur objectum cognitionis, quia pro illo priori essentia nondum intelligitur Filio communicata, nec Filius intelligitur productus, & tamen pro illo priori Pater æternus intelligitur beatus visione suæ essentiz: ergo est beatus visione suæ essentiz quatenus præcisè à personalitatibus.

Confirmatur 1. Pater habet beatitudinem à se ipso independentè à Personis; ergo Personæ non pertinent ad objectum beatificum ipsius.

Confirmatur 2. Sola essentia Divina, ut virtualiter distincta à personalitatibus & attributis est objectum formale tum increatæ, tum creatæ visionis: ergo etiam se solà præcisè personalitatibus & attributis potest esse objectum beatificum.

Respondeo, negando antecedens, ejusque probationem, quia, ut dictum in disp. de DEO, ordo sive prioritas originis non impedit, sed exigit similitudinem durationis & cognitionis. Ideoque etiam pro illo priori originis, quo Pater producit Filium, natura Divina intelligitur communicata, & Filius productus pro posteriori originis, h. e. ut accipiens naturam communicatam à Patre.

**A**d 2. confirmationem distinguo antecedens. 12. Pater habet beatitudinem à seipso principiativè, h. est. per exclusionem alterius principii, à quo illam accipiat, concedo, objectivè, h. e. per exclusionem alterius Personæ concurrentis in ratione objecti, nego.

13. Ad 2. Confirmationem Respondeo inprimis per illam nimium probari; cum enim essentia Divina sit etiam motivum formale comprehensionis visionis, sequeretur, quod DEUS seipsum posset comprehendere non visis Personis, quod nemo concesserit. Secundò dicitur distinguo antecedens. Est objectum formale visionis, ut est cognitio, concedo, ut est beatifica, nego. Nam

visio sub ratione cognitionis exigit pro objecto formali motivo id, ratione cuius omnia in DEO sunt intelligibilia, sed hoc est essentia Divina, cuius essentiale constitutum est ipsum intelligere actualissimum. At verò sub ratione beatifica exigit pro formali objecto id, quod est summè satiativum & certificativum, quod non est, nisi essentia Divina ut in se clarè visa.

## ARTICULUS II.

### *An beatitudo formalis consistat in operatione creata?*

#### SUMMARI.

1. *Varia sententia de beatitudine.*
2. *Beatitudo formalis ponenda in operatione creata.*
3. *Quæ non est partis sensitivæ, sed rationalis.*
4. *Christi humanitas non beatificatur formaliter per unionem hypostaticam.*
5. *Increata DEI visio, non potest esse beatitudo formalis.*
6. *Neque substantialis illapsus Divina essentia in animam beati.*
7. *Neque gratia sanctificans, vel lumen gloria.*
8. *Neque potest a solo DEO procedere.*
9. *Exponitur modus loquendi SS. PP.*
10. *Disparitas inter hypostasin & visionem.*
11. *Substantia animæ est beatificabilis mediâ.*
12. *Beatitudo formalis est maxima perfectio sub ratione actualitatis ultima affectivæ summi boni.*
13. *Quid sit gratia consummata?*
14. *An homo beatificet seipsum?*
15. *An Christus formaliter sit beatus per unionem hypostaticam?*

DEI vita æterna. Et Joan. 17. *Hæc est vita æterna, ut cognoscant te solum verum DEUM.* Sed vita secunda hominis est operatio ipsius: ergò.

Secundò. Ultima hominis perfectio in genere vitæ intellectualis, affectuionis & possessionis Summi Boni, est operatio vitalis ipsius: sed beatitudo est ultima hominis perfectio in genere vitæ intellectualis. Major probatur. Quamdiu homo est in potentia perfectibili per actum secundum in genere vitæ intellectualis, tamdiu non habet ultimam perfectionem ejusdem generis; sed, si crearet operatione vitali, est in potentia perfectibili per actum secundum in genere vitæ intellectualis: ergò.

Tertiò. Affectuio & possessio Summi Boni formaliter affectuiva Beati non potest intelligi absque vitali operatione ipsius; sed beatitudo formalis est adeptio & possessio Summi Boni formaliter affectuiva: ergò. Tandem sequenti §. constabit beatitudinem formalem consistere in actu visionis; sed hic est operatio vitalis: ergò.

Ex quo inferes 1. Hanc operationem vitalem non esse partis sensitivæ, sed rationalis, siquidem hæc sola est capax attingendi DEUM, ut finem ultimum & supernaturalem, uti pluribus insinuat in Traç. de DEO.

Inferes secundò: Quamvis unio hypostatica sit absolutè major perfectio, quàm visio beatifica, sitque fundamentum ipsius, quia Christo ratione unionis hypostaticæ debetur visio beatifica, Christum tamen non esse beatum formaliter per unionem hypostaticam, sed per visionem beatificam. Ratio ex dictis est: quòd unio hypostatica non sit operatio vitalis, nec unio affectuiva Summi Boni, qualem tamen esse visionem, mox dicemus.

#### §. II.

##### *Rejectio aliarum opinionum.*

Inferes tertiò: Beatitudinem formalem non posse consistere in increata visione DEI, quæ ipse est beatus. Ratio ex dictis patet: quia visio increata DEI non potest denominare Beatum vitaliter operantem, & videntem, ipsumque in genere naturæ intellectualis intrinsecè ac ultimatò perficere; sed hoc totum requiritur ad beatitudinem formalem: ergò.

#### §. I. *Statuitur beatitudo formalis in operatione creata.*

1. **V**aria fuerunt de hoc puncto Antiquorum placita: nam Henricus Gandavensis, Hugo de S. Victore, & quidam DD. Parisienses contendeant, beatitudinem formalem consistere in intimo illapsu Divinitatis intra animam beati. Qui illapsus quadruplicem paritur expositionem. Primò, quòd ipsa DEI essentia intimè penetrans substantiam Beati, illam quodammodò in se transformet, sicut ignis ferrum candens. Secundò, quòd DEUS intimè unitus intellectui Beati eundem per suammet increatam visionem faciat & denominet videntem beatum. Tertiò [prout Amicus Henricum exponit disp. 2. sec. 4.] quòd ipsa animæ substantia per donum habituale gratiæ consummata fiat unita Divinæ essentiz. Quartò, quòd solus DEUS actum visionis & fruitionis beatificæ in anima Beati efficiat, ista passivè solum se habente.
2. **V**era & communis Duce Divo Thoma hic art. 1. & secundò, sententia est, beatitudinem formalem creaturæ rationalis consistere in ipsius propria, creata, & elicita operatione. Cujus ratio est primò. Beatitudo formalis hominis est vita secunda ipsius juxta illud Rom. 6. *Gratia*

Inferes

6. Inferes quartò. Beatitudinem formalem non posse consistere in illapso Divinæ essentiz in substantiam animæ, nisi per illapsum intelligas concursum Divinæ essentiz per modum speciei intelligibilis ad causandam beatificam visionem. Ratio est eadem, quia illapsum ille non est vitale exercitium & operatio Beati. Adde, quòd ille illapsum non sit perfectior in ratione unionis, quam sit unio hypostatica, quæ tamen animam Christi beatam formaliter non reddit.

7. Inferes quintò: Beatitudinem non posse consistere in lumine gloriæ, aut alio dono habituali, quia habitus nec dicit ultimam actualitatem & perfectionem, neque affectionem Summi Boni, quam essentialiter dicit beatitudo.

8. Inferes sextò. Neq; per absolutam Dei potentiam fieri posse, ut beatitudo formalis procedat à solo DEO, anima Beati tantum se habente passivè. Sic enim non esset operatio vitalis Beati, neque posset ipsum denominare videntem & viventem, aut vitaliter consequentem Summum Bonum, quod repugnat beatitudini formali.

Neque opponas antiquum illud: posse Deum se solò, quidquid potest cum causis secundis efficientibus: hæc enim propositio fallit, quotiescunque effectus habet essentialiem dependentiam à causa creata, & quoties causa creata non solum habet rationem causæ efficientis, sed etiam formalis vel subiectivæ & materialis respectu sui effectus: atqui visio tanquam ex propria differentiali ratione vitale exercitium videntis & viventis vitæ intellectivæ, habet essentialiem dependentiam à principio conjuncto creato, nequè tantum dicit habitudinem effectus ad videntem tanquam ad suum principium effectivum, sed etiam habitudinem formæ informantis ad subiectum à se connaturaliter actuabile: hæc quippe duo sunt necessaria requisita ad vitam creatam in actu secundo, primò, ut sit actus vitæ elicitus à principio intrinseco vitali, secundo, ut in eodem recipiatur; vivere enim est moveri ab intrinseco, & à cooperari.

Nec obstat, quòd in visione beatifica verbum intellectuale creatum, quod aliàs ab actu intelligendi dependet, à DEO suppleri dicimus: non enim suppletur secundum adæquatam rationem verbi, nempe tam quoad rationem expressionis, tam quoad rationem speciei representantis, sed secundum inadæquatam rationem speciei representantis, quæ sufficit ad terminandum actum visionis, estque absolutè ab actuali expressione sive ab habitudine ad visionem experientem separabilis. At verò si DEUS se solo produceret visionem, intellectu Beati solummodo passivè & subiectivè se habente, deberet illam producere sub adæquata ratione operationis & visionis vitalis; cum aliàs talis visio Beatum nec determinaret videntem, nec viventem, nec proinde sufficeret ad beatitudinem, hoc autem implicare ex dictis constat.

Pecus. An saltem visio, aut alius actus vitalis v.g. amor secundum inadæquatam rationem qualitatibus, non verò operationis vitalis, à solo DEO produci, & in intellectu poni posset? Citantur pro hac sententia Capreolus & Cajetanus ab Amico hinc disp. 2. sect. 5. Verius tamen existimo,

non posse: quia implicat poni in rerum naturæ genus, non positus differentijs specificis & individualibus v.g. poni animal Platonium, quod nec esset homo, nec brutum: sed poni visionem, aut actum alium/vitalem præcisè secundum rationem qualitatis, non secundum rationem actus vitalis, nihil est aliud, quam poni rationem genericam (qualitatis) non positus differentijs specificis (vitalitatis intellectivæ) ad determinatam speciem contrahentibus: ergò. Minor probatur. De ratione specifica actus vitalis est, esse actum secundum, à principio intrinseco, esse tendentiam potentiz in suum objectum &c. Ratio verò qualitatis est ipsi generica, & communis cum non vitalibus: ergò.

Confirmatur. Implicat rem poni, non positâ suâ essentiâ; sed essentiâ actus vitalis est esse vitalem, esse tendentiam in objectum à principio intrinseco, præsertim in actu amoris, qui per essentiam est voluntarius, & consequenter à principio intrinseco: ergò implicat actum vitalem poni à principio purè extrinseco, relicta ratione vitalitatis.

### §. III.

#### *Solvuntur objectiones.*

**O**bije. 1. SS. PP. communiter affirmant, in visione & amore beatifico animam transformari in DEUM, sicut ferum candens in ignem, & diaphanum in lucem, ita ut anima cum suis potentijs appareat, quasi aliquid Divinum; atqui hic modus loquendi significat substantialem quendam illapsum & unionem ipsius esse, vel intelligere Divini cum anima Beati.

Nec est assignabilis implicantiâ talis unionis, Nam quomodo de facto personalitas Verbi Divini cum natura humana Christi, & secundo essentia Divina in ratione speciei intelligibilis immediatè unitur cum intellectu Beati. quid ergò repugnat increata DEI intellectionem seipsâ uniri intellectu creato ad ipsum formaliter constituendum in esse intelligentis & videntis Divinam essentiam?

Respondeo: SS. PP. esse exponendos de transformatione partim participativa per lumen gloriæ, quo eleventur ad Divinum modum intelligendi, partim intelligibili per contemplativam defixionem in Divinam essentiam sibi in ratione speciei intelligibilis intimè unitam. Ratio verò implicantiz petite est, quòd illa unio substantialis Beatum redderet ex hypothesi, & non redderet vitaliter videntem, fruentem &c. Siquidem implicat Divinam essentiam vel operationem vitaliter conjungi aut radicari in anima, vel potentia Beati, aut ab illo vitaliter procedere.

Hinc patet, quid sit dicendum ad positas instantias & paritates. Neque enim vel personalitas Verbi in humanitate, vel species intelligibilis in intellectu Beati habet rationem exercitij & operationis vitalis, sed illa termini hypostatici, ista motivi determinativi, & objecti determinativi intelligibilis: atqui beatitudo formalis ex propria ratione est exercitium vitale, & operatio vitalis Beati, ideoque debet in ipsa natura Beati tanquam principio immanenti radicari & originari.

Dices. Non minùs intelligere Divinum est infinitum in genere operandi, & eminenter continet omnem creatam operationem, quàm esse Divinum sit infinitum in genere essendi, & suppositandi, & eminter continet omnem hypostasim creatam: ergò si personalitas Divina potest per seipsam uniri naturæ, & supplere hypostasim ipsius, etiam Divinum intelligere poterit per se ipsum uniri intellectui creato, & supplere creatam intelligentiam ipsius.

Respondeo, negando consequentiam & paritatem. Non enim hypostasis sic originatur in ipsis naturæ visceribus, sicuti potentia & operationes, è quarum diversitate cognoscitur naturæ diversitas: unde sicut natura Divina substantialiter & immediatè cum creata natura non potest uniri, vel eandem supplere, sic neque Divina operatio humanæ naturæ immediatè uniri, aut creatam operationem potest supplere. Quæ eadem causa est, quòd olim PP. & Concilia ex diversitate operationum, diversitatem voluntatum & naturarum in Christo contra Eutychianos, & Monothelitas intulerint.

11. Obijciunt 2. Anima non tantùm secundùm suas potentias, sed etiam secundùm suam substantiam est beatificabilis, sed hoc modo tantùm beatificatur, vel per illapsum ipsius Divinitatis, vel per gratiam sanctificantem: ergò.

Confirmatur 1. Beatitudo est perfectissima animæ unio cum DEO: sed unio essentia Divinæ per illapsum cum substantia animæ est perfectior, quàm illa, quæ fit cum potentia per modum objecti: ergò.

Confirmatur 2. Perfectissimæ formæ debetur perfectissimum subiectum: sed animæ substantia est subiectum perfectius, quàm sint potentia: ergò beatitudo, quæ est forma perfectissima, debet recipi immediatè in ipsa substantia animæ.

Respondeo ad 1. negando minorem. Nam per visionem Divinæ essentia potentia quidem ut quod & immediatè beatificantur, ipsa verò substantia animæ mediare & ut quo beatificatur.

Ad confirmationem primam Respondeo, Beatitudo est perfectissima unio in genere consecutionis, concedo, in genere unionis, nego. Aliàs deberet esse unio hypostatica: sed unio Divinæ essentia cum intellectu Beati videntis DEUM, est unio perfectissima in genere unionis transeat, in genere assecutionis, nego minorem & consequentiam.

Ad 2. distinguo majorem. Perfectissimæ formæ debetur subiectum perfectissimum absolutè, nego, juxta formæ proportionem, concedo: sed animæ substantia est subiectum absolutè perfectius, concedo, juxta proportionem formæ recipiendæ, nego. Hæc enim cum debeat esse vitalis operatio, pro suo immediato & proportionato susceptivo perfectissimo debet habere potentiam vitalem perfectissimam.

Obijcies tertio. Formalis beatitudo est o-12, minium maxima perfectio in ordine perfectionum supernaturalium, sed maxima perfectio supernaturalis est gratia sanctificans: habitus quoque supernaturales sunt perfectiores ipsis actibus, quos producant: ergò gratia sanctificans, aut aliud habituale donum potius habet rationem beatitudinis formalis, quàm aliqua operatio vitalis.

Confirmatur. Gratia consummata est ejusdem rationis cum gratia habituali sanctificante: sed gloria est gratia consummata: ergò consistit in ipsa gratia sanctificante.

Respondeo distinguendo majorem, est omnium maxima perfectio sub ratione ultimæ actualitatis assecutivæ summi boni, concedo, sub quacunque ratione, nego: sed gratia & habitus supernaturales sunt perfectiores suis operationibus, sub ratione entitatis, & principij productivi, transeat, sub ratione actualitatis ultimæ, & assecutivæ summi boni, nego minorem & consequentiam.

Ad confirmationem nego majorem: nam 13. gloria idè vocatur gratia consummata, quòd sit illa supernaturalis operatio, in qua tanquam ultimato fine & termino consumantur omnes gratiæ in hac vita concessæ, & hæc est supernaturalis operatio.

Obij. 4. Si beatitudo consisteret in vitali operatione, cujus principium elicivum & effectivum foret ipsemet Beatus, tunc sequitur, quòd homo præmiaret & beatificaret seipsum: sed hoc est absurdum; cum præmium æternæ beatitudinis debeat esse à DEO tanquam præmiante.

Respondeo ad 1. membrum primò; sequitur, quòd homo præmiaret seipsum, ut quo, concedo, ut quod, nego. Præmium ut quod nihil est aliud, quàm assecutio præmij ut quod, & hæc utique est ab illo, qui præmiatur. Præmium verò ut quod, nempe ipsum summum Bonum beatificum est à præmiante. Secundò negando utrumque membrum sequelæ: ut enim homo præmiaret & beatificaret seipsum, deberet principia & media eliciendi actum assecutivum summi Boni habere in sua potestate: atqui illa dantur à DEO, nempe lumen gloriæ, & ipsa Divina essentia concurrens in ratione speciei intelligibilis.

Colliges ex dictis: quamvis Christus Dominus 15. præter visionem beatificam Divinæ essentia habuerit unionem hypostaticam, non tamen fuisse beatum formaliter per ipsam hypostaticam unionem, sed per visionem Divinæ essentia: quia nimirum, licet unio hypostatica sit major perfectio, quàm visio, & fundamentum ipsius visionis, in quantum ipsa debebatur animæ Christi per hypostaticam unionem, non tamen hæc unio, sed visio fuit unio assecutiva summi Boni, quæ est essentialis ratio formalis beatitudinis.





## ARTICULUS III.

*In quam operatione rationali consistat beatitudo formalis?*

## SUMMARI A.

1. Varij actus Beatorum.
2. Beatitudo accipitur vel integraliter, vel formaliter.
3. Varietas sententiarum.
4. Removetur a beatitudine formalis actus voluntatis primò ex naturâ & induktione actuum voluntatis.
5. Secundò ex naturâ amoris.
6. Tertiò ex natura beatitudinis objectivâ.
7. Quarto ex natura consecutionis illius.
8. Eliditur responsio Adversarj.
9. In sola visione consistere beatitudinem formalem ostenditur autoritate.
10. Essentiale requisitum beatitudinis formalis, quòd sit primordialis consecutio & possessio Summi Boni convenit soli visioni.
11. Item quòd sit primò distinctiva status patrie à statu viæ.
12. Finis aliquando significat acquiescere in re possessâ.
13. Quo sensu comprehensio pertineat ad voluntatem?
14. D. Augustinus loquitur de beatitudine integrali.
15. Beatitudo formalis est intima unio consecutiva, non profectiva.
16. Quomodo beatitudo formalis adequatè debeas satiare naturam intellectualem?
17. An & quomodo beatitudo teneat suum objectum?
18. Viso quòmodo DEUM assequatur sub ratione Summi Boni?
19. An visio sit perfectissima operatio?
20. Qualis esset beatitudo hominis in purâ naturâ.
21. An & qualis datur beatitudo in hac vitâ?

## §. I.

*Præsupposita ad resolutionem Questionis.*

1. Notandum primò. Plures esse actus, quos Beati circa suum objectum beatificum eliciunt. Primus est clara & intuitiva DEI visio; de quâ 1. Jo. 3. *Videbimus eum sicuti est.* Secundò eliciunt actum amoris & charitatis, unde 1. Cor. 13. dicitur: *Charitas nunquam excidit.* Tertiò. Gaudium & delectationem: ideò *Matth. 131. Servus bonus & fidelis juberetur invitare in gaudium Domini sui.* Quia verò duplex est amor, videlicet amor amicitie seu benevolentie, quo amatur divina bonitas ut bona DEO; alter concupiscentie, quo amatur Divina bonitas ut bona videnti; ideò huic amorì duplici responder gaudium duplex, unum quo gaudet de omni bono DEI, quatenus est bonum ipsius DEI; alterum, quo gaudet de eodem, quatenus à se possessio.
2. Notandum secundò. Beatitudinem dupliciter posse considerari. Primò integraliter, prout dicit statum collectum ex omnibus bonis, quibus Beatus perficitur, Secundò formaliter & essentialiter, prout dicit primam assecutionem Summi Boni; ex quâ seu fonte primordiali ex-

tera bona cuncta promanant. Si primo modo accipiat, certum est, in illa actus tam intellectus, quàm voluntatis includi, quâ de causa in S. Script. & SS. PP. modò visionis, modò fruitionis, modò gaudij nomine nuncupatur. Si accipiat modo posteriori, variè sentiunt Authores, quorum sententiæ (ut jam exoletas relinquam) præcipue sunt tres.

Prima, quæ est Alberti M. D. Bonaventuræ, 3. Suarezij, Amici. Disp. 2. sect. 6. docet beatitudinem formalem consistere in actu utriusque potentie, intellectus & voluntatis, nempe simul in visione & amore. Altera est Scoti in 4. d. 49. q. 1. dicentis, illam in solo actu voluntatis, & quidem in amore amicitie consistere. Tertia est D. Thomæ, ejusque sequacium, qui illam in solâ clarâ visione Divinæ essentie adequatè collocant, & reliquos actus amoris, delectationis; fruitionis tanquam proprietates inseparabiles consequi docent.

## §. II.

*Excluditur actus voluntatis.*

CONCLUSIO prima. *Beatitudo formalis, nec adequatè, uti vult Scoptus, nec inadæquatè; uti vult prima sententia, consistit in actu voluntatis.* 4.

Ratio est primò. Actus voluntatis non potest esse consecutio Summi Boni: ergò in illo nec adequatè, nec inadæquatè consistit beatitudo formalis. Consecutiva patet: Anteced probatur. Omnis actus voluntatis circa ultimum finem, aut est desiderium illius, aut gaudium, delectatio & fruitio ipsius, aut simplex amor: sed nullus ex istis actibus potest esse consecutio illius ultimi finis. Ergò. Major patet ex sufficienti enumeratione: vel enim finis seu bonum est absens & sic est desiderium ipsius, vel est præsens, sicque est gaudium de ipso, vel fruitio ipsius, vel abstrahitur à præsentia & absentia, sicque est simplex amor. Minor probatur: Desiderium est de bono absenti, ergò non est consecutio ipsius: Delectatio & fruitio tendunt in bonum jam possessum; ergò supponunt consecutionem & possessionem boni: Amor simplex præcindit à præsentia: ergò nec ipse dicit possessionem.

Probatur Secundò. Amor amicitie, quo delectamur de bono DEI, quatenus bona DEI sunt, (in quo Adversarij vel totam beatitudinem formalem, vel partem illius collocant) non potest esse forma, quâ Beati consequuntur, & beatificè possideant illud bonum, quod amant; ergò nulla ratione potest in illo beatitudo formalis constitui. Anteced. prob. Beatitudo formalis cum sit consecutio & possessio Summi Boni consistit in illo actu, qui est forma conjungens Beato bonum infinitum: sed amor amicitie non est talis forma: Ergò: Minor prob. Amor qui sistit in bono amici; ut bonum amici est, non est forma conjungens illud bonum cum amante, sed amor amicitie sistit in bonis DEI, ut sunt bona ipsius: ergo

ergo non est forma conjungens illa bona cum Beato.

6. Probatur tertio. Operatio, in qua formalis beatitudo consistit, debet esse adeptio objecti beatifici, sed qua ratione DEUS est objectum amoris amicitiae, non est objectum beatificum: ergo. Min. prob. DEUS rationem objecti beatifici non obtinet prout est nostrum Summum Bonum, sui possessione rationalem appetitum adaequatè satians; & atqui amor amicitiae non tendit in DEUM, quatenus est nostrum, sed quatenus est suum Summum Bonum: ideo etiam posito amore amicitiae non sequitur amantem beatificari; ut patet in viatore, qui licet per actum charitatis specie & numero indistincta à charitate patriae feratur in DEUM, inde tamen ne quidem partialiter beatificatur. Confirm. Ea ratio DEUS est nostra Beatitudo objectiva in patria, qua ratione per actum spei ad ipsum tendimus in viam: sed per actum spei tendimus ad ipsum, prout est nostrum Summum Bonum, nos sui possessione beans: ergo ut sic, & non ut est suum Summum Bonum est beatitudo objectiva.

7. Probatur Quarto. Operatio praesupponens consecutionem Summi Boni, uti non est prima illius consecutio, ita nec beatitudo formalis: atqui amor amicitiae praesupponit consecutionem Summi Boni; ergo. Minor probatur. Amor amicitiae ex se abstrahit à praesentia vel absentia objecti, estque indifferens ad actum desiderii, vel gaudii: Si enim bonum sit absens, gignit desiderium; si sit praesens, parit gaudium. Ergo quod magis pariat gaudium, quam desiderium, quodque sit conjunctus cum Summo Bono, potius quam se junctus, non habet ex propria natura, sed ex suppositione alterius actus, quo obtinetur possessio, & praesentia Summi Boni.

8. Respondent Adversarii: quod amor amicitiae praesupponat quidem in Beatis consecutionem, & possessionem Summi Boni in genere intellectivo, & sub ratione Summi Veri, non tamen in genere affectivo, & sub ratione Summi Boni.

Sed contra est primo. Ad genus affectivum non pertinet consequi, sed prosequi objectum: quia voluntas, quae tam est boni absentis, quam praesentis, non habet ex propria ratione, ut faciat sibi objectum praesens, illud trahat, teneat, consequatur, sed ut ab objecto trahatur & alliciatur, atque in illud inclinetur: ergo ne quidem in genere affectivo amor potest esse prima consecutio Summi Boni.

Contra est secundo. Quod etiam si actus voluntatis esset aliquo modo consecutivus sui objecti, tamen in praevio actu intellectus tanquam in radice contineretur, atqui essentia metaphysica beatitudinis formalis dicit illam primam consecutionem Summi Boni, quae alias operationes circa illud radicaliter continet, & tanquam proprietates effundit: ergo essentia beatitudinis formalis non in actu voluntatis, sed intellectus quaezri & reperiri debet.

Contra est tertio. Quod licet ratio, sub qua intellectus fertur in objectum, non sit ratio boni, sed veri, tamen intra rationem primi Veri, quod intuetur intellectus Beati, etiam continetur ratio ultimi finis & Summi Boni; haec enim omnia re-

praesentantur per claram DEI visionem: ergo Beatus videndo DEUM, etiam illum consequitur secundum rationem finis ultimi, & Summi Boni. Nam secundum omnem illam rationem (ita ut termini reduplicativi non designent rationem motivam sub qua, sed terminativam quae) Beatus DEUM consequitur, quae ipsi repraesentatur in visà DEI essentia; sed etiam ratio finis ultimi & Summi Boni adaequatè & inamissibiliter satiati, ipsi repraesentatur in visà DEI essentia: ergo etiam secundum hanc rationem Summi Boni DEUM per visionem consequitur. Igitur.

### §. III.

#### Statuitur sola visio.

CONCLUSIO secunda. Beatitudo formalis in solo actu intellectus, nimirum clara DEI visione consistit. Ita S. D. hic a. 4. Conformiter Sacrae Scripturae quae saepenumero hanc visionem cum vitam & mercedem aeternam proponit: Jo. 17. *Hac est vita aeterna, ut cognoscant te solum DEUM verum.* Matth. 5. *Beati mundo corde, quoniam ipsi DEUM videbunt.* 1. Jo. 3. *Cum apparuerit, similes ei erimus, quia videbimus eum, sicuti est.* Jo. 17. *Pater, quos dedisti mihi, volo ut ubi sum ego, & illi sint mecum, ut videant claritatem meam, quam dedisti mihi.* Consonant in eandem sententiam SS. Patres. Nazianz. Or. ad plag. grand. *Regnum celorum est contemplatio Trinitatis.* Ambros. l. 2. de offic. c. 2. *Scriptura Divina vitam beatam in cognitione posuit Divinitatis.* Praecipue D. Augustin. lib. 1. de Trin. c. ult. *Visio, qua contemplabimur immutabilem DEI substantiam, sola est Summum Bonum.* Soliloq. cap. 36. *Hac est plena beatitudo, & tota glorificatio hominis, videre faciem DEI sui.* Et paulo post. *Visio ergo tua est tota merces, & totum gaudium, quod expellamus.*

Probatur ratione primo. Illa operatio essentialiter constituit beatitudinem formalem, quae ex suo intrinseco conceptu est prima consecutio & possessio Summi Boni, ex qua velut radice & fonte aliae operationes & potentiarum perfectiones promanant. Sed una sola clara DEI visio est ab intrinseco prima consecutio & possessio Summi Boni, quae alias operationes & potentiarum perfectiones radicaliter continet, & cum proprietates effundit: ergo illa sola formalis beatitudinem constituit.

Minor quoad 1. membrum probatur. Illius potentiae actus per se primò consequitur objectum, cuius proprium munus est objectum ad se trahere, & facere intimè praesens; sed hoc facit actus intellectus, utpote potentiae repraesentativae, qui objectum ad se trahit, & intimè conjungit intelligenti, vel in esse intentionali & objectivo, si illud objectum uniatur mediante specie distincta, vel in esse reali, si illud per se ipsum obeat munus speciei intelligibilis. Econtrà actus voluntatis potentiae caecae & nullatenus repraesentativae, non facit objectum sibi praesens, sed est pondus & inclinatio in objectum, à qua voluntas trahitur. Jam verò talis actus intellectus, in proposito, est clara DEI visio: ergo illa

sola

sola est prima consecutio & possessio Summi Boni. Alterum membrum ejusdem minoris facillè patet: quia visio est radix amoris necessarii, summæ delectationis, omnimodæ impeccabilitatis, aliarumque perfectionum, quæ ad eandem per modum proprietatum consequuntur.

11. *Probatur secundò.* Per illam operationem beatitudo formalis essentialiter constituitur, per quam status termini ac patriæ per se primò distinguitur à statu viæ; sed hoc fit per solam claram visionem DEL. Ergò. Minor probatur. Amor est ex se indifferens ad statum viæ & patriæ, & eadem est charitas in patriâ, quæ est in viâ: *Charitas enim*, teste Apostolo, *nunquam excidit*. Rursus, si per possibile, vel impossibile videns DEUM non amaret ipsum, tamen esset comprehensor, & extra statum puri viatoris, econtrâ si amans DEUM non videret ipsum, non ideò esset comprehensor, & extra statum viatoris: ergò id, per quod status patriæ per se primò distinguitur à statu viæ, non est amor, sed clara DEL visio.

#### §. IV.

*Exponuntur authoritates oppositæ.*

12. **O**bjicies quasdam authoritates, quibus videtur evinci, partim quòd fruitio pertineat ad essentiam beatitudinis, partim quòd essentia Beatitudinis pertineat ad voluntatem. Nam primò D. August. *L. 8. de Civ. c. 9.* inquit: *Nemo Beatus est, qui eo, quod amat, non fruitur*. Secundò Doctor Angelic. *hic quæst. 11. a. 3. ad 3.* dicit: *DEUS est ultimus finis, sicut res, qua ultimò quæritur, fruitio autem sicut adeptio hujus ultimi finis*. Et quæst. 4. a. 3. ad 2. *Sicut ad voluntatem pertinent spes & amor, ita & comprehensio & delectatio*.

Respondet ad 1. Fruitionem ibi non accipi stricte, quo sensu citatus S. Pater *Lib. de Doctrina Christ. cap. 4.* dicit: *Frui est amore adhaerere alicui rei propter seipsam*; sed late, prout significat fructum capere, vel acquiescere in re possessâ, ex qua fructus percipitur. Quo modo fruitio pertinet ad ipsam visionem, quia Beati videndo DEUM maximo suo fructu illum possident. Eâdem responsione satisfit ad 2. nisi malis dicere, S. Doct. loqui de adeptione completivè non formaliter sumptâ, quo sensu verum est, quòd fruitio pertineat ad complementum beatitudinis & adeptionis.

13. Ad 3. dico, ibidem ly *comprehensio* non accipi pro actu, quo DEUM consequimur, sed pro habitudine voluntatis ad finem jam habitum & possessum, sub quâ acceptione pertinet ad doctes animæ inf. referendas: ita enim se exponit iplmet S. D. in *respons.* ad 3. dicens: *Comprehensio non est aliqua operatio præ visionem, sed quadam habitudo ad finem jam habitum*.

14. *Obijciunt etiam Scotistæ authoritatem S. P. Augustini.* Nam primò *L. 10. confess. cap. 22.* inquit: *Hæc sola est vita æterna gaudere ad te, de te, propter te*, subdit cap. 23. *Beata vita est gaudium de veritate*, Rursus *scm. 53.*

*R. P. Mezg. Theol. Schol. Tom. II.*

*de temp. dicit: Charitas est summum premium in celo; quia in perenni gaudio nihil gratius, nihil dulcius habent sancti perfectio amore DEL.*

Respondet, D. Augustinus, aliosque P. P. aliquando loqui de beatitudine integraliter acceptâ & omnibus numeris absoluta; mentem verò hujus Sancti D. satis constare è textibus pro nostrâ conclusione allegatis, & ex illo ipso *Sermone 53. de tempore*. Ubi post verba ab Adversariis citata, hæc subdit: *Quem quia præsensentem vident, suavius diligunt, dulcius fruuntur*. En! quemadmodum S. Pater dilectioni & fruitioni præsupponat DEUM clarâ visionem præsentem & præobtentum.

Obijciunt secundò. Beatitudo formalis est intimâ unio cum Summo Bono; sed talis unio est amor. Ergò. Min. probatur: quia amor à D. Dionysio appellatur *virtus unitiva*. à D. Augustino *L. 8. de Trinit. cap. 10. Junctura quedam duo aliqua copulans, vel copulare appetens*: Ex quâ amicis vocari solet, alter ego.

Respondet, distinguendo majorem. Beatitudo formalis est intimâ unio cum DEO consecutiva, & quasi effectiva, quæ pertinet ad intellectum, concedo. prosecutiva & affectiva quæ pertinet ad voluntatem, nego. Illa facit objectum præfens, ista supponit; sicut enim objectum debet supponi conveniens subiecto, ut illud voluntas appetat, ita debet supponi unitum, ut in illo quiescat. Unde cum SS. PP. amorem appellant unionem, affectivam illam & prosecutivam intelligunt.

#### §. V.

*Rationes objectivæ.*

**O**bjicies ex ratione primò. Beatitudo formalis debet adæquatè satiare naturam intellectualem in quantum est satiabilis: sed sola visio non ita adæquata faciat naturam intellectualem: ergò. min. probatur. Natura intellectualis non tantum est satiabilis secundum potentiam intellectivam sed etiam appetitivam; sicut Summum Bonum non tantum est natum objectivè explere intellectum, sed etiam voluntatem. Atqui visio solummodò satiat intellectum non autem voluntatem, quæ non nisi suo proprio actu satiari potest: ergò sola visio non faciat naturam intellectualem, in quantum est satiabilis.

Respondet. distinguendo majorem. Beatitudo formalis debet adæquatè satiare naturam intellectualem in quantum est satiabilis, secundum omnes potentias æqualiter, nego. Secundum unâ formaliter; secundum alias causaliter seu radicaliter, concedo, & pariter dist. min. nego consequentiam: & ad probationem dist. min. visio tantum satiat intellectum non voluntatem formaliter concedo; causaliter & radicaliter nego. Ergò non satiat totam naturam intellectualem secundum omnes potentias formaliter, concedo secundum intellectum formaliter, secundum voluntatem causaliter & radicaliter, nego consequentiam. Ratio est: quòd solus intellectus est satiabilis per se primò per modum affectionis & possessionis

D

suâ

fui objecti : voluntas verò etiam si suo modo fiat formaliter per actum proprium , non ramen est satiabilis per modum affectionis & possessionis objecti , sed ex ipsa visione , tanquam affectione & possessione Summi Boni , amor ipsius , quo voluntas satiatur , connaturaliter sequitur ; & sic visio etsi non formaliter , tamen causaliter & radicaliter etiam satiat voluntatem.

17. Instabis. In illo actu consistit beatitudo formalis , quo tenemus & adipiscimur objectum beatificum. Atqui Summum Bonum non tantum tenetur actu visionis , sed etiam amoris , siquidem DEUS non est objectum amoris sub ratione Summi Boni minus quam objectum visionis sub ratione Summi Veri & intelligibilis. Ergo non minus in actu amoris , quam visionis consistit beatitudo formalis.

Respond. vel neg. min. Quia ut dictum per actum amoris non tam voluntas tenet & possidet objectum , quam ipsa tenetur & possidetur ab objecto. Vel Dist. min. Summum Bonum non tantum tenetur actu visionis ; si tentio improprie accipiat pro quacunque tendentiâ in objectum concedo. Pro affectione & possessione ipsius , nego. Unde licet Summum Bonum sit æque objectum amoris , quam visionis , & per utrumque actum utramque potentiam expleat , non ramen est objectum æquali modo : quia objectum visionis est ut assequibile , & sic in actu visionis fundatur rationem beatitudinis formalis ; objectum verò voluntatis & amoris est ut prosequibile , & sic præsupponit beatitudinem formalem tanquam possessionem sui per visionem intellectualem.

18. Urgebis ex Amico. DEUS non tantum est assequibilis sub ratione primi Veri , sed etiam sub ratione Summi Boni ; sed sub ratione Summi Boni est objectum amoris & voluntatis , siquidem ratio Summi Boni pertinet ad sphaeram voluntatis , non intellectus : ergo. DEUS non tantum est assequibilis prout est objectum visionis & intellectus ; sed etiam prout est objectum amoris & voluntatis.

Respond. dist. maj. DEUS est etiam assequibilis sub ratione Summi Boni , in quantum tò sub ratione reduplicat formalem rationem qua ipsius assequibilitatis & Summi Boni , concedo. In quantum reduplicat rationem sub qua utriusque , sic nego maiorem. Sed sub ratione Summi Boni tantum est objectum amoris , in quantum ly ratione Summi Boni reduplicat rationem qua est assequibilis nego : in quantum reduplicat rationem sub qua est assequibilis , concedo minorem , & nego consequentiam.

Secus est : Summum Bonum potest formaliter considerari prout est formalis terminus alicujus actus , & hoc est secundum rationem qua , & rursus prout est motivum formale alicujus actus , & hoc est sub ratione sub qua. Itaque secundum priorem considerationem & reduplicationem DEUS etiam sub ratione Summi Boni est assequibilis ; siquidem Beati per actum visionis DEUM cognoscunt ut suum sum-

um Bonum , & cognoscendo assequuntur & possident : sed tunc ratio boni tantum habet vim terminativam , formalem verò rationem motivam habet ratio veri , quia Summum Bonum videtur , non ut ad se alliciens & trahens intellectum ( quæ est ratio formalis sub qua ipsius boni , sicut ejus ratio attrahibilitatis est ratio formalis sub qua ipsius Veri ) sed ut per ipsam visionem attractum & representatum in intellectu : unde in ipso summo bono ratio assequibilitatis adhuc pertinet ad rationem veri non ad rationem boni. Secundum posteriorem verò rationem , & prout Summum Bonum est formale motivum actus , sic est objectum amoris & voluntatis , quia ut sic habet allicientiam & attractionem appetitus , & sic prosequibilitatem , quod non pertinet ad rationem veri , sed ad rationem boni ut sic , & sub hac consideratione non est assequibile sed prosequibile. Patet igitur , DEUM sub ratione Summi Boni esse assequibilem , in quantum etiam infinita sua bonitas in sua essentia representata visionem terminat , non verò est assequibilis in ratione Summi boni , sed tantum prosequibilis , in quantum sua bonitate ad sui prosecutionem allicit : sic enim sui affectionem & prosecutionem jam præsupponit.

Obijcies secundò , Beatitudo formalis consistit in perfectissimâ operatione naturæ rationalis : sed hæc est amor amicitiae. Ergo. Min. probatur inprimis autoritate D. Augustini 15. de Trinit. cap. 19. dicente : *In donis DEI nihil majus esse charitatis deinde* : Illud est melius & perfectius , cuius oppositum est pejus : sed odium DEI , quod opponitur charitati , est pejus , quam privatio visionis , quæ opponitur claræ visioni DEI ergò. Secundò voluntas tanquam potentia formaliter libera , & aliis modis ad operandum , est nobilior , quam intellectus : ergò etiam actus voluntatis est nobilior , quam actus intellectus. Tertio quod ad aliud ordinatur est minus nobile , quam illud ad quod ordinatur : sed visio ordinatur ad DEI amorem : quia ideò Beati DEUM vident , ut toto affectu in ipsum rapiantur. Ergò. Quarto. Ordo Seraphim , qui denotatur ab ardore charitatis , est perfectior quam Ordo Cherubim , qui denotatur à plenitudine sapientiae : ergò præstantior est actus charitatis , quam cognitionis. Quintò. Perfectio hominis maxime fatiatiua illa censeri debet , quam homo ipse maxime desiderare debet , & quam DEUS ab homine petit maxime desiderari , sed hæc est perfectissimus amor DEI in patria. ergò.

Respondetur. Nego min. & ad autoritatem D. Augustini ; illum loqui de donis hujus viæ , quæ sunt virtutes Theologicæ ; & sic secundum Apostolum major horum est charitas. Ad rationem disting. maj. Illud est melius , cuius oppositum est specialiter pejus concedo. Secundum quid , & in aliquo tantum genere , nego. Sed odium DEI est pejus quam carentia visionis , in genere moris concedo. Specialiter & in genere physico nego min. & consequen-



quentiam. Ad secundum quoque similiter disting. antecedens : voluntas est nobilior secundum quid & quatenus in genere causæ efficientis alias potentias applicans concedo : specialiter nego. Nam ut voluntas secundum suam libertatem subordinetur intellectui tanquam dirigenti & radicaliter libero, iste tanquam superior & director voluntatis specialiter est nobilior. Ad tertium disting. maj. quod ordinatur ad aliud seu medium intrinsecum ad finem, est minus nobile, concedo, seu essentia ad proportionem nego. Sed visio ordinatur ad amorem ut essentia ad proportionem concedo : ut medium ad finem, nego minorem & consequentiam. Ad quartum respondeo. Istas denotationes Seraphini & Cherubini tribui non ab amore & cognitione patriæ, sed ab amore & cognitione viæ ; ubi verum est quod amor sit perfectior, quam obscura cognitio viæ. Ad quintum. Nego minorem. Nam homo specialiter desiderat, & DEUS ab ipso petit desiderari vitam æternam, non physicè secundum suam essentialem & primariam rationem, sed ut est in se, & secundum suam adæquatam integritatem, & ut sic primario visionem, secundario includit charitatem.

## §. VI.

## Corollaria.

10. Colliges ex dictis primò. Quod si homo non fuisset elevatus in finem supernaturalem, ipsius formalis beatitudo naturalis consisteret in solâ contemplatione DEI quâ auctoris naturæ. Ratio est : quia beatitudo formalis est

actualis consecutio finis ultimi, ex quâ aliæ operationes naturæ rationalis perfectivæ dimanant ; sed consecutio DEI ut ultimi finis in statu naturæ non elevatæ in finem supernaturalem alia non esset, quàm perfectissima cognitio & contemplatio DEI seu primi intelligibilis & Authoris naturæ, ex quâ consequeretur connaturaliter amor ipsius : ergo beatitudo naturalis consistit in naturali & purissimâ contemplatione Deitatis. Minor ex dictis constat, quia primum intelligibile non alio actu consequimur, quàm quo illud facimus nobis intelligibiliter præsens ; sed hoc non aliter fit, quàm per actum intellectus. Ergo.

Colliges secundò. Beatitudinem hujus viæ, apud Matth. c. f. octo gradibus distinctam, esse beatitudinem in spe, ut habet S. Doctor. 1. 2. q. 89. a. 1. & magis in sensu causali, per modum causæ & meriti, quàm in sensu formali. Præter quam tamen beatitudinem datur in hac vitâ quædam participatio & inchoatio futuræ beatitudinis, quasi formalis, & hæc consistit in actu divinæ contemplationis, ut habet idem S. D. in 2. 2. q. 8. a. 4. quo intellectus prævio charitatis impulsu raptus & per donum sapientiæ elevatus intendit in imaginem divinæ bonitatis (non intuitam sed abstractam) quatenus super omnia appetibilis. Quæ altissima contemplatio perfectiorum propria, & nobilissima unio animæ cum DEO, quæ haberi potest in hac vitâ, est quidam prægustus æternæ gloriæ, possessio divinitatis, & ut inquit cit. S. D. quædam inchoatio beatitudinis, quæ hic incipit, ut in futuro continetur.

## DISPUTATIO IV.

## DE

## Proprietatibus beatitudinis.

Consideratâ beatitudinis essentiâ, nunc illius consecutanea & parerga inspicimus. Ea sunt vel necessariò connexa, vel in ornatum adjuncta. Primi generis sunt necessitas & inamissibilitas. Secundi generis sunt dotes animæ & corporis, ac demum aureolæ. Nunc de singulis singillatim.

## ARTICULUS I.

## Quâ necessitate Beati DEUM ament ?

## SUMMARIA.

1. Status questionis de necessitate exercitii.
2. Defenditur necessitas exercitii.
3. Expenditur Locus Doct. Angelici.
4. Non potest Beato imponi preceptum desistendi ab amore beatifico.
5. Necessitas non variat speciem actus.
6. Quando nam diversarum applicationis inducat diversitatem objecti ?
7. Quomodo actus amoris in Christo fuerit liber ?

R. P. Mexg. Theol. Schol. Tom. II.

8. Necessitas reperitur tam in amore concupiscentia, quam benevolentia.

## §. I.

Assumitur necessitas tam exercitii, quàm specificationis.

Consequitur clarum DEI visionem amoris suavissimus. Sicut enim DEUS in illa beatitudine (teste D. Augustino l. ult. de civit. cap. ult.) sine fine videbitur, ita sine fastidio amabitur, sine fatigatione laudabitur.

*In sacula faculorum laudabunt se.* Inquit Psalmista Ps. 83. Sed an etiam necessariò? Duplex in nostræ voluntatis actibus necessitas distinguitur: una, quæ vocatur specificationis, quando voluntas potest quidem actum circa tale objectum suspendere; posito tamen, quòd in actum prodire velit, non potest non actum talis speciei elicere: quo modo voluntas viatoris licet non sit occupata in jugi exercitio amandi beatitudinem in communi, si tamen circa illam versari velit, non potest non amare, ideòque est necessitata quoad specificationem.

2. Altera est necessitas exercitii, quâ voluntas arctatur, ut ne quidem actum possit suspendere, vel ab eo desistere. Beatorum voluntatem quoad specificationem necessariam ad amandum DEUM faciliè consentiunt Theologi: quæ enim umbra mali posset apparere in clarâ visione Summi & infiniti Boni, ut voluntatem Beati ab amore transferret in odium? Restat igitur sola quaestio de libertate exercitii, ubi Scotistæ liberati, Thomistæ ex opposito favent favorabili & felicissimæ necessitati amandi DEUM.

CONCLUSIO. Beati sunt necessitati ad amandum DEUM etiam necessitate exercitii.

Ratio est, sublatâ potentia suspendendi exercitium amoris, inducitur necessitas exercitii; sed per claram DEI visionem auferitur potentia suspendendi exercitium amoris: ergo per illam inducitur necessitas exercitii. Minor probatur. Potentia suspendendi vel omittendi actum amoris fundatur essentialiter in indifferenti propositione, quâ & ipsum exercitium amandi sub aliquâ ratione molesti, ejusque intermissio sub aliqua ratione operabilis representatur: sed est impossibile, ut clara DEI visio, quâ Beatus suam summam, æternamque beatitudinem in hoc ipso exercitio consistere perspicue videt & judicat, tali indifferenti propositione exercitium DEUM amandi sub ratione molesti erroneè repræsentet: Cùm enim ad fontem vite devenerimus, erit nobis delectabiliter impressa sitis simul & satietas; sed longe aberit a siti necessitas, longe a satietate fastidium, quia sitientes saturabimur, & saturi sitiemus. Teste D. Gregorio in moral. Ergo est impossibile, ut Beatus habeat potentiam suspendendi actum & exercitium amoris.

Confirm. Quando totaliter expletur & adæquatur potentia ab objecto, tunc non manet in illâ facultas resistendi, aut ad aliquid divertendi: In eo quippe liberi agentis operatio à necessarii agentis operandi modo discernitur, quòd istius vis & potentia operandi ita adæquatur ab objecto proposito, ut non sit in manu ipsius, illud respuere, aut in oppositum divertere, dum econtrâ liberi agentis facultas non ita adæquatur & subigitur ab objecto proposito: sed ab essentia Divina clarè visa totaliter expletur potentia Beati: nam objectum voluntatis adæquatum est bonum. DEUS autem clarè visus est omne bonum, & ut sic cognitum, unde dictum Exod. 33. Ego ostendam tibi omne bonum. Ergo,

## §. II.

## Solvuntur objectiones.

Objicies primò authoritatem D. Thomæ, 3. infra q. 10. a. 2. in c. dicentis, quòd voluntas quantum ad exercitium à nullo objecto ex necessitate movetur.

Respond. Sermonem S. D. esse de objecto creato vel increato, tantum abstractivè, non autem intuitivè cognito, uti colligitur ex adjuncta ratione: Quia, inquit, cogitationem à tali objecto avertere possumus, quòd Beati tamen non possunt.

Objicies secundò. Posset Beato imponi præceptum desistendi ab amore; ergo tunc Beatus posset liberè cessare ab amore, quia materia præcepti debet esse libera.

Dico. Adversariis incumbere probationem possibilitatis istius præcepti, hoc ipso quippe quòd negatur libertas actus, etiam negatur illius contentibilitas sub præcepto: unde hæc possibilitas ad probandam libertatem non rectè assumitur. Ratio ulterior, cur tale præceptum sit impossibile, est primò; quia implicat, à DEO prohiberi & effici moraliter objective malum, quòd per essentiam est supernaturaliter & moraliter bonum, ac honestum, sed amor beatificus DEI super omnia est per essentiam supernaturalis & honestus, ergo. Secundò, quia sequeretur, quòd quis posset amando DEUM peccare, quòd non modò absurdum, sed & ridiculum est, nempe averti à DEO, dum in ipsum efficaciter ut in ultimum finem convertitur; habere contentum, cum super omnia appetat; offendere dum diligit.

Objicies tertio. Idem specie est actus charitatis in viâ, qui est in patriâ; ergo sicut ille non inducit necessitatem, ita nec iste.

Respondetur primò. Inde nimis probari, quia probatur, quòd amor patriæ etiam debet esse liber quoad specificationem, cùm tali modo charitas viatorum sit libera. Respondetur secundò ad 3. nego consequent. quia libertas & necessitas non pertinent ad speciem actus.

Objicies quarto. Diversitas applicationis non causat diversitatem objecti, sed fides & visio tantum sunt diversæ applicationes ejusdem objecti, nempe DEI ut Summi Boni: ergo non causant diversitatem objecti: ergo sicuti DEUS liberè est volutus & amatus in viâ, sic etiam erit liberè amatus in patriâ.

Respondeo distinguendo majorem. Diversitas applicationis non causat diversitatem operandi, in agente habente eundem modum operandi, concedo: in agente habente duplicem modum operandi, liberum & necessarium, nego: tunc enim diversa applicatio objecti facit, quòd objectum, antè cum indifferentiâ repræsentatum, non ampliùs cum indifferentiâ iudicii repræsentetur, adeoque actum liberum terminare non possit.

Objic. quinto. Amor Christi D. quamvis regulatus scientiâ visionis, fuit liber quoad exercitium, quia fuit meritorius; ergo etiam amor beatorum potest esse liber quoad exercitium.

Respon-

Respondeo, quod actus charitatis in Christo fuerit libet & meritorius, non quatenus regulabatur per lumen gloriæ, & scientiam visionis, sed quatenus regulabatur lumine scientiæ infusæ: prout suo loco dicitur.

1. *Inferes ex dictis. Necessitatem amandi Deum*

in Beatis non tantum esse quoad amorem benevolentiam, sed etiam quoad amorem concupiscentiæ; Siquidem exercitium amandi DEUM, etiam ut suam beatitudinem, absque ulla admixtione molestiæ, & consequenter absque in-differentiâ Beatis repræsentatur.

## ARTICULUS II.

### *An Beati sint ab intrinseco impeccabiles?*

#### SUMMARIUM.

1. *Beati de potentia ordinariâ sunt impeccabiles.*
2. *Varietas sententiarum de potentia absolutâ.*
3. *Beatitudinis status ab intrinseco excludit proximam peccandi potentiam ratione summa felicitatis.*
4. *Inamissibilitatis.*
5. *Securitarii ab omni penâ, & impossibilitate cum amissione finis ultimi.*
6. *Visio beatifica ab intrinseco causaliter excludit omne peccatum mortale.*
7. *Etiâ veniale.*
8. *Non tantum actuale, sed etiam habituale.*
9. *Visio beatifica etiam formaliter excludit peccatum mortale.*
10. *Imò & veniale.*
11. *Quod extenditur etiam ad visionem transennentem.*
12. *Visio beatifica formaliter excludit potentiam peccandi.*
13. *Disparitas, cur tristitia componi possit cum visione, non autem peccatum.*
14. *Exponitur modus oppositionis inter visionem & peccatum.*
15. *Ratio disparitatis: cur auxilium actuale non tollat potentiam peccandi, tollat verò visio.*
16. *Ad visionem essentialiter requiritur gratia sanctificans.*
17. *Compositio libertatis cum impeccabilitate.*

#### S. I.

#### *Adstruitur sententia Thomistica.*

1. **C**ertum est, Beatos de facto nec peccare, nec secundum viam & potentiam ordinariam posse peccare, prout habetur tum ex *Apoc. 21. Non intrabit in eam (civitatem celestem) aliquid inquinatum, aut abominationem faciens, & mendacium. It. 35. Via sancta vocabitur, & non transibit per eam pollutus. Hebr. 12. Pacem sequimini, & sanclimoniam, sine qua nemo videbit DEUM,* tum ex communi doctrinâ Catholica, quæ purgatorium adstruit, quo residua post hanc vitam peccatorum macula delectantur, ut animæ possint in celum recipi. Tum ex ratione S. D. petita è communi ratione beatitudinis. Beatitudo includit rectitudinem voluntatis, sed rectitudo voluntatis excludit omne peccatum: ergo etiam beatitudo excludit omne peccatum. Major inde constat, quia beatitudo est consecutio Summi Boni, & unio creaturæ rationalis cum ultimo fine, sed ista includit rectitudinem voluntatis, sine qua creatura rationalis esset deordinata ab ultimo fine. Min. pariter constat: Ex eod voluntas est & dicitur recta, quod quicquid amat, illud amat sub ordine ad debitum ultimum

finem: sed amare viam sub ordinē ad verum finem ultimum, non stat cum peccato, quod essentialiter est deordinatio & aversio à debito fine ultimo: ergo rectitudo voluntatis non stat cum peccato. Quæstio superest, an ipsa exclusio peccati sit tanta, ut ab intrinseco etiam de potentia absoluta excludat omne peccatum actuale, vel habituale, vel etiam potentiam ipsam peccandi.

Circa quam quæstionem triplex potissimum est authorum sententia. Prima docet, Beatos extrinseco DEI favore, ipsos ad sui amorem perenniter excitantis, non autem ex intrinsecis principijs reddi simpliciter & proxime impeccabiles. Ita *Scorus in 1. dist. 1. q. 4 & dist. 49. q. 6.* Secunda docet, Beatos etiam ab intrinseco esse impeccabiles, cujus tamen causa non sit ipsa visio, sed amor fructivus subsequens visionem, ita ut sublato illo amore posset peccatum cum visione componi. Hanc tenet *Ægidius de present. & tribuitur Capreolo, & Soto.* Tertia docet, Beatos esse ab intrinseco simpliciter impeccabiles potentia tam proximâ, quàm remotâ, ex naturâ ipsiusmet visionis non tantum radicaliter, sed etiam formaliter repugnantis cum omni peccato tam actuali, quàm habituali, tam mortali, quàm veniali, tam in sensu composito, quam diviso visionis. Ita *B. Thom. 3. cont. Gent. c. 62. & hic q. 4. a. 4.* quem præter ejus Discipulos ex Rec. sequitur *Suar. disp. 10. solut. 1. n. 9. Lorca, Martinez, alijque.*

**CONCLUSIO prima.** *Beati sunt proxime impeccabiles ab intrinseco & ex naturâ beatitudinis.* Ratio est primò. Beatitudo est status omnium bonorum aggregatione completus; ac proinde quemadmodum ab intrinseco afferre omnem felicitatem, & omne bonum, ita proferibit omnem miseriam, & omne malum: sed quis nescit, peccatum esse magnum imò maximum malum, miseriam & infelicitatem, eum etiam D. Augustino teste, *nihil sit infelicius felicitate peccandi:* ergo Beati ex ipsius beatifici status intrinsecâ exigentiâ excludunt proximam peccandi potentiam: proximam, inquam; nam remota cum nil aliud sit, quàm naturalis defectibilitas, in operando consequens naturam creatam ex nihilo, adeoque defectibilem in essendo, per statum beatificum minimè tollitur. Quæ ratio non tantum probat repugnantiam peccati actualis, sed etiam habitualis, nec tantum mortalis, sed etiam venialis; eum non minus habituale & veniale, quàm actuale & mortale peccatum sit magnum malum, & magna miseria.

Secundò. Beatitudo est ab intrinseco inamissibilis, ut sequenti articulo ostendemus: ergo

ab intrinseco excludit omne id, per quod amitti potest: sed admissa possibilitate peccandi posset amitti beatitudo: ergo beatitudo ab intrinseco excludit possibilitatem peccandi. Subsumptum constat: quia amissa rectitudine voluntatis & perfectâ felicitate, quam beatitudo includit, eandem quoque amitti necesse est: sed per peccatum tanquam summam miseriam & voluntatis perversionem amittitur felicitas & rectitudo voluntatis: ergo.

Tertiò. Beatitudo ab intrinseco excludit omnem poenæ metum: ergo & omnem culpam: nam reatus poenæ pressò pede culpam consequitur, unde si culpa cum statu beatifico componi posset, beatitudo ab intrinseco neque culpæ, neque poenæ metum auferret.

Quartò. Specialiter probatur de peccato mortali. Implicat simul consistere ejusdem ultimi finis adeptionem & amissionem: sed beatitudo formalis, ut dictum, est ultimi finis adeptio: peccatum verò mortale est ipsius amissio: ergo implicat simul consistere peccatum mortale cum formali beatitudine.

**CONCLUSIO** secunda. *Visio beatifica non tantum radicaliter & causaliter, in quantum fundat amorem fructivum, ab intrinseco excludit omne peccatum actuale, & habituale, tam mortale, quam veniale, sed etiam formaliter.*

Prima pars de radicali & causali repugnantia cum omni peccato mortali facile ostenditur: Amor beatificus intrinsecè & essentialiter excludit omne peccatum, tanquam formalis amicitia formam odibilis, tanquam vita mortem spirituale, tanquam concursio efficax aversionem, & directe quidem excludit peccatum actuale, indirectè verò habituale seu necessariam sequelam alterius terminativè voluntariam, ut suo loco dicitur: Sed visio beatifica ab intrinseco necessitat ad ejusmodi amorem tam quoad specificationem quam quoad exercitium juxta dicta præcedenti articulo. Ergo etiam ab intrinseco necessitat radicaliter & mediâtè ad exclusionem peccati.

Confirmatur Primò. Implicat gratiam sanctificantem consistere cum peccato mortali tam habituali quam actuâli: Sed actus charitatis inseparabiliter conjungitur cum gratiâ sanctificante: ergo nequit consistere cum peccato tam actuâli, quam habituali.

Confirmatur secundò. Implicat voluntatem efficaciter converti in duos fines simpliciter ultimos: sed si unâ cum actu charitatis consisteret peccatum mortale sive actuale, sive habituale, converteretur voluntas efficaciter in duos fines simpliciter ultimos. Ergo.

7. Secunda pars de repugnantia causali visionis cum omni peccato veniali pariter probatur: Omne peccatum veniale includit inordinatum affectum ad creaturas, sed visio beatifica per amorem fructivum excludit omnem inordinatum affectum ad creaturas, siquidem per visionem beatificam necessitat voluntas ad DEUM in exercitio super omnia perpetuò diligendum, & (ut loquitur *S. Doctor*) omnia alia sub ordine ad ipsum, sed implicat aliqua diligi inordinatè, & tamen diligi sub ordine ad DEUM.

Neque existimes hinc tantum probari repugnantiam cum peccato veniali actuâli, non item cum habituali, seu macula per peccatum veniale relicta. Contra enim est, quòd macula peccati venialis juxta ea, quæ dicemus in Tra&t. de peccatis, formaliter consistit in privatione extensivi fervoris charitatis, quâ nempe habitus charitatis propter inordinatam adhesionem ad res creatas à peccatis venialibus relicta circa illorum objecta est minùs expeditus ad eliciendos vel imperandos actus virtuosos. Sed ista privatio extensivi fervoris repugnat cum beatificâ visionem: ergo. Min. probatur. Nam visio beatifica sicuti repræsentat DEUM ut Summum Bonum super omnia appetibile, ita etiam determinat voluntatem ad omnia alia &c. DEUM amandum propter DEUM, sive ut loquitur *S. Doctor* sub ordine istius summi finis: Atqui ista determinatio formaliter excludit omne impedimentum inordinatæ adhesionis ad res creatas, adcoque omnem extensivam tepiditatem charitatis.

Tertia pars est, quòd visio beatifica etiam præscindendo ab amore formaliter excludat omne peccatum. Ita sentit Iñdorus lib. 1. de lummo bono c. 12. dicens: *Quamvis Beati sint mutabiles naturâ, non tamen finit eos concupiscentia mutari divina.* Et Anselmus noster de casu diab. c. 7. *Angeli boni sunt adepti quidquid potuerunt velle, nec plus vident, quam plus velle possint, & ideo peccare non possunt.* Ratio de peccato mortali est primò, quòd implicet, adeptionem & possessionem ultimi finis simul consistere cum ejus amissione: sed visio beatifica formaliter est ultimi finis adeptio & possessio: ex opposito peccatum mortale est essentialiter ejus amissio: ergo visio beatifica formaliter excludit omne peccatum mortale.

Ratio est secundò, quòd peccatum mortale sit mors animæ causaliter, si est actuale; formaliter si est habituale, visio verò beatifica *vita æterna*. Illud extinguat omnem supernaturalem Dei similitudinem; ista efficiat simillimum ac penè divinum: cum enim apparuerit, similes ei erimus, quoniam videbimus eum, sicuti est; illud includat distortam voluntatis inclinationem in bonum creatum & amorem sui, hæc radicaliter contineat & essentialiter inclinet in ordinatissimum amorem DEI. Illud evertat totum ordinem supernaturalem gratiæ & charitatis; ista essentialiter pertineat ad ordinem supernaturalem ac præsuppositivè includat gratiam sanctificantem: unde etiam vocatur gratia consummata: nam assimilatio creaturæ rationalis cum DEO, & participatio secundum perfectissimam operationem suæ intelligibilis, non tantum essentialiter præsupponit participationem virtutis proximæ intellectivæ sed etiam radicalis, quæ est gratia sanctificans. Sed per visionem creatura rationalis DEO assimilatur secundum perfectissimam operationem vitæ supernaturaliter intellectualis. Ergo.

Ratio est tertio. quòd sit impossibile, ut Deus hominem admittat ad visionem suæ essentiae, quin ipsum diligit, sitque eidem pacatus: nam primò si divinx suæ amicitie argumentum Christus posuit Divinorum mysteriorum communicationem,



tionem. *Joan. 15. Jam vos dixi amicos, quia quacunq; audivi a patre meo, nota feci vobis. Quanto maius argumentum amicitie est manifestare seipsum, intimamque essentiam inspiciendam non tantum offerre, sed intellectui videntem intelligibili unione conjungere?* *Secundo.* DEUS diligit justum effectivè, ipsi communicando jus ad hereditatem; ergo etiam tribuendo ipsam hereditatem visionis æternæ. *Tertio;* etsi visio non sit ipsa forma amicitie & charitatis, tamen illam radicaliter continet, & ita voluntatem reddit inclinatum, & dispositam ad amandum DEUM, ut sine miraculo extraordinarie potentie voluntas ab amore diverti non possit: sed ejusmodi amor radicalis non stat sine dilectione DEI. DEUS enim diligentes se diligit, & prior diligit. Jam verò DEUS diligit infundendo bonitatem h. e. gratiam gratum facientem & destructivam omnis peccati habitualis: ergo hoc ipso, quod homo etiam constitutus in peccato admitteretur ad visionem Divinæ essentiae, destrueretur omnis macula peccati habitualis.

10. Ratio est quartò, universaliter probans de omni peccato etiam veniali: Omne peccatum includit practicum errorem, & defectuosum dictamen rationis, ut suppono ex Tract. de pecc. Sed visio beatifica formaliter excludit omnem errorem practicum & dictamen defectuosum, ac practica fufationem alicujus objecti inordinabilis in DEUM; siquidem est per essentiam infalsificabilis, & formaliter determinat voluntatem ad DEUM super omnia perpetuò diligendum, & omnia propter ipsum.

Ratio est quintò. Quòd si visio per absolutam potentiam staret cum peccato, deberet DEUS miraculosè conservare peccatum, sicque conservatio (quòd tamen nec in fieri, nec in conservari potest dependere à DEO) ipsi ut auctori specialis adscriberetur, quod est absurdissimum.

11. Inferes ex dictis, etiam visionem tantummodo transuentem communicatam, repugnare cum omni peccato tam actuali, quàm habituali: nam & ista, cum repræsentet DEUM ut Summum Bonum, hic & nunc practice amabile super omnia, sitque efficax consecutio finis ultimi, ideo est mediata, & virtualis retractio omnis cujusunque, peccati: neque, ut dictum, potest absque gratia homini communicari.

Neque obstat, quòd juxta doctrinam D. Th. visio transiens non destruat habituale donum fidei: nam habitus fidei, cum sit entitas positiva, non destruitur nisi per habitum positivum, aut actum induktivum habitus oppositi, qualem non est lumen & visio transiens: at verò habituale peccatum, ut dicemus in *Diff. de vit. & pecc. et* moralis & voluntaria privatio gratiæ, quam visio, seu virtualis & radicalis retractio peccati, essentialiter supponens gratiam sanctificantem, mediatè saltem expellit.

12. CONCLUSIO tertia. *Visio beatifica formaliter ab intrinseco excludit proximam potentiam peccandi*

Ratio est potentia proxima peccandi essentialiter fundatur in indifferentia judicii proponentis

aliquid objectum amabile etiam neglecto ordine debiti finis ultimi: sed visio beatifica essentialiter repugnat cum tali indifferentia judicii. Ergò. Majorem suppono ex dicendis de libertate. Min. probatur ex sup. art. quia clara DEI visio DEUM repræsentat & judicat Summum Bonum etiam in exercitio super omnia amabile, & quidquid attingit, attingit sub ordine ad istum ultimum finem: sed ejusmodi iudicium excludit prædictam indifferentiam ergò.

Confirmatur ex hæcenus dictis. Ubi est intrinseca repugnantia peccandi, ibi non est proxima potentia peccandi; sed visio beatifica affert intrinsecam repugnantiam peccandi, ergò tollit proximam potentiam peccandi.

## §. 11.

*Solvuntur objectiones.*

Objicies primò. Quamvis actualis tristitia, repugnet cum statu beatifico, tamen per absolutam potentiam fuit conjuncta in Entitate Christi, ergò tametsi per se repugnet actuale peccatum cum statu beatifico, tamen per absolutam DEI potentiam conjungi poterit.

Respond. nego consequentiam: quia dolor & tristitia repugnant beatitudini integrali in aliqua sua perfectione accidentali: peccatum verò repugnat beatitudini formali & essentiali, quatenus est inamissibilis adeptio Summi Boni eundem repræsentans & judicans amabilem appetitativè super omnia.

Objicies secundò. Si visio non posset per absolutam potentiam conjungi cum peccato: tunc esset inter utrumque oppositio: sed non est: ergò. Min. probatur. Nam primò visio & peccatum sunt in diversis subiectis, visio nimirum in intellectu; & peccatum, si sit actuale, in voluntate; si habituale, in ipsa substantia animæ. Secundò peccato tanquam privationi gratiæ non opponitur nisi gratia sanctificans; ergò si DEUS elevans hominem in peccato existentem ad beatificam visionem nollit infundere gratiam sanctificantem, remaneret in peccato habituali: privationes verò non destruerentur nisi per formam oppositam.

Respond. nego min. & ad 1. probationem distinguo antecedens. Sunt in diversis subiectis quoad aliquam rationem concedo, quoad omnem nego. Ergò visio beatifica non opponitur formaliter peccato quoad omnem rationem in se, vel in peccato repertam, concedo: Quoad aliquam, nego. Itaque visio beatifica formaliter directè opponitur peccato, quatenus istud includit erroneum & defectuosum dictamen rationis, secundum quod est in eodem subiecto proximo, in quo est visio: quatenus verò peccatum dicit formalem & malitiosam conversionem voluntatis in bonum commutabile, sic opponitur in directè & causaliter, determinando videlicet voluntatem ad perenne exercitium amoris DEI super omnia. Rursus peccato habituali formaliter directè non opponitur, ut est actus intellectus sed ut est formaliter perfecta vita supernaturalis, præsuppositivè & essentialiter connotans gratiam sanctificantem tanquam vitam radicalem in substantia animæ. Unde patet

Respon-

responsio ad secundam probationem. Nam concessio antecedente nego consequentiam : eò quòd visio beatifica ipsam gratiæ vitam ex natura relexigat, tanquam essentiali suæ radicem.

15. Obijcies tertio: Non obstante, quòd actuale auxilium gratiæ sit impossibile cum actu odii, nihilominus stat cum ipso potentia ad odium: dicendum ergò etiam, non obstante quòd visio beatifica sit intrinsecè impossibilis cum peccato, non ideo destruit potentiam peccandi.

Respondeo negando consequentiam: non enim adæquata ratio, cur visio ab intrinseco tollat potentiam peccandi, est ejus impossibilitas cum peccato, sed quia formaliter tollit omnem errorem practicum, & indifferentiam judicii representantis aliquod objectum amplectendum, quod sit irreferribile in DEUM. Econtrà auxilium efficax non tollit istam indifferentiam judicii, sed eadem relicta voluntatis libertatem modo libertæ naturæ consentaneo in actu redigit.

16. Obijcies quartò. Non videtur impossibile, ut gratia habitualis suppleatur per auxilium actuale sicut actus fidei, quamvis sit vitalis vitalitate supernaturali, tamen potest elici à peccatore, in quo desinente gratia manet fides: demus ergò, quòd DEUS per auxilium actuale intellectum peccatoris eleveat ad sui visionem, macula peccati remanebit cum visione; quippe quæ non tollitur nisi per formam oppositam gratiæ sanctificantis, quam in hoc casu abesse supponimus.

Respondeo: visionem quantumvis transeuntem essentialiter præsupponere vitam gratiæ sanctificantis, quia est operatio perfectissima & ultima actualitas vitæ intellectualis supernaturalis, præsupponens unionem essentiae divinæ cum

intellectu Beati; eundem subtractione speciei intelligibilis completis in actu primo, & determinantis ad actum secundum visionis: quæ cuncta supponunt naturam Beati per gratiam sanctificantem jam collocatam radicaliter in gradu & statu vitæ intellectualis supernaturalis, & participativæ divinæ. Instantia de fide non est ad rem; quia fides, tanquam prima inchoatio & remota dispositio ad vitam inchoativè divinam, potest esse inchoativè tantum idèòque imperfectè vitalis vitæ supernaturali: dum econtrà visio seu consummata perfectio vitæ supernaturalis debet esse perfectè & consummative vitalis.

Obijcies quintò. Si DEUS potest Beato <sup>17</sup>inungere præceptum de aliquo actu (v. g. custodia hominis) liberè implendo, tunc Beatus potest peccare: sed DEUS hoc potest: ergò & Beatus potest peccare. Sequela probatur. In illa hypothese, quæ Beatus ex divino præcepto liberè custodiret hominem, posset etiam non custodire, sed non custodiendo peccaret, ergò posset peccare.

Respondeo: admittà possibilitate talis præcepti, nego sequelam; ad cuius probationem vel nego consequentiam, quia fit transitus à sensu diviso posito in majori, ad sensum compositum in minori. Vel distingo maj. posset non custodire rō non custodiare accipiendo præcisivè & pro sensu diviso præcepti, concedo: accipiendo privativè, neg. maj. Sed non custodiendo peccaret, accipiendo non custodiam privativè & pro sensu composito præcepti, concedo, accipiendo præcisivè & pro sensu diviso præcepti, nego min. & consequentiam. Sed de hoc ex instituto in Tract. de Incarnatione, ubi de merito & impeccabilitate Christi agitur.

## ARTICULUS III.

### *An Beatitudo sit ab intrinseco inamissibilis?*

#### SUMMARIA.

1. *Doctrina fidei contra Origenem.*
2. *Visionis intrinseca inamissibilium deducitur ex ejus virtute satiativa.*
3. *Et indicativa.*
4. *Quomodo differant visio perpetua, & non perpetua.*
5. *Visioni non repugnat anxietas circa partem beatitudinis accidentalem; bene circa essentialem.*
6. *Visio beatifica debet per se & non ratione alicujus extrinseci satiare appetitum.*
7. *An ex inamissibilitate sequatur indestruibilitas visionis?*
8. *Responsio quorundam de physicā indestruibilitate.*
9. *Impugnatur.*
10. *De essentia visionis est, ut videat se duraturum in æternum.*
11. *Perpetuitas est pradicatum essentialē Beatitudinis.*
12. *Denominatio beatitudinis contingenter pradicatur de creaturā.*
13. *Responsio ad difficultatem.*
14. *Instantia depellitur.*
15. *Judicium virtuale visionis est infalsificabile.*
16. *Necessitate consequenti DEUS Visionem beatificam tenetur conservare in æternum.*
17. *Alicuius creaturæ visio in divinā essentia est necessaria.*

#### §. I.

##### *Adstruitur inamissibilitas intrinseca.*

**P**erpetuitatem & inamissibilitatem beatitudinis fides docet declarata in Concil. Lateran. c. firmiter. de Sum. Trin. contra Origenem lib. I. periarth. c. 5. affirmantem, nec damnatorum supplicia, nec beatorum præmia æternum duratura. Illam perspicuis verbis tradit S. Script. cum Matth. 25, Jo. 22. Petr. 5. appellat vitam æternam gaudium, quod nemo tollet à nobis, hereditatem, & coronam incorruptibilem, incontaminatam, immarcescibilem. Nullo enim modo, inquit August. 15. de Trin. c. 8 esse poterit vita veraciter beata, nisi fuerit sempiterna. Verum uti prius de impeccabilitate, ita nunc controversatur



tur de inamissibilitate, an illa beatitudini ab intrinseco, & ex ejus natura, an solum ab extrinseco favore, & gratia DEI voluntate proveniat? ubi contra deotum in 4. dist. 49. q. 6.

2. **CONCLUSIO.** *Beatitudo est ab intrinseco inamissibilis.* Ita S. D. hic q. 5. a. 4. in c. Ratio est primò. Beatitudo ab intrinseco, & ex sua essentia est forma perfectè quietans & satians appetitum naturæ rationalis : sed nisi ratione sui & ab intrinseco esset inamissibilis, etiam ratione sui & ab intrinseco non satiare & quietaret appetitum. Ergò nec foret beatitudo. Minor probatur : Appetitus rationalis non solum intendit possessionem Summi Boni, sed etiam possessionis in securitatem, quâ non habitâ est constitutus in anxietate & formidine illam amittendi : ergò forma, quæ ratione sui & ab intrinseco habet latiare & quietare appetitum, debet ab intrinseco, & ratione sui afferre securitatem de non amittenda Summi Boni possessione ; quod non facit, nisi secum afferat suimet intrinsecam inamissibilitatem.

3. Ratio est secundò. Tunc beatitudo est ab intrinseco inamissibilis, quando est de ipsius essentia, ut judicet, se in perpetuum duraturam : sed est. Ergò. Major probatur. Implicat, ut iudicium beatitudinis sit falsum. Ergò si est de essentia beatitudinis, ut judicet, se perpetuò duraturam, hoc ipso est de essentia ipsius, ut in perpetuum duret. Minor etiam probatur. Beatitudo formalis consistens in actu visionis intellectualis iudicativo, virtualiter satiat per modum iudicii, nisi judicet se perpetuò duraturam, cum aliàs relinquat locum formidini suæ amissionis, Ergò.

### §. II.

#### *Solvuntur objectiones.*

4. **D**ices primò. Visio perpetua & non perpetua sunt ejusdem rationis ; ergo, si perpetua ad beatificandum sufficit, sufficit etiam non perpetua.

Respondeo. Sunt ejusdem rationis in ratione visionis & operationis, concedo in ratione quietantis & beatificantis, nego. De quo statim infra.

5. **D**ices secundò. Non est de ratione beatitudinis, ut depellat omnem anxietatem ; aliàs Christus Dominus summè pressus anxietate, non fuisset verè beatus. Ergò etiam non est de ratione beatitudinis, quòd sit inamissibilis. Consequenter, quia hanc assignamus rationem inamissibilitatis, quòd aliàs beatitudo non pelleret omnem anxietatem.

6. **O**bjic. terciò. Sufficenter ex parte Beati tollitur omnis formido & anxietas, si is cognoscat suam visionem fore perpetuam ; sed hoc fieri potest, si Beatus cognoscat decretum divinum de perpetuanda visione, tamen visio beata ab intrinseco non afferat hanc perpetuitatem : ergò tamen visio beata non sit ab intrinseco inamissibilis, adhuc sufficienter tolli potest omnis formido & anxietas.

Respondeo. Tollitur illo casu omnis formido per se, & ex vi beatitudinis, nego ; per acciden-  
tiam, concedo. Est autem beatitudini essentiale, latiare perfectè appetitum, & consequenter per se debet omnem oppositam formidinem depellere.

R. P. Mez. g. Theol. Schol. Tom. II.

### §. III.

#### *Proponitur difficultas de indestruibilitate visionis.*

**H**inc tamen emergit non levis difficultas, quomodo destruitibilitas intrinseca visionis beatæ componi possit cum intrinseca inamissibilitate, h. e. ipsa indestruibilitate ipsius nec enim aliter beata visio, quàm sui destructione amitti potest. Porro visionem beatam esse intrinsecè & simpliciter destruitibilem, videtur deduci ex communi consensu PP. & Theologorum docentium contra Ariagam disp. 11. phys. se. 2. Omnem creaturam esse ab intrinseco destruitibilem & defectibilem, ut insinuat Sap. 11. *Quomodo aliquid posset manere, nisi suum voluisset, aut quod & se vocatum non esset conservari?*

Cujus Ratio est : Quòd rerum conservatio sit earundem continuata productio : ergò, sicut implicat, creaturam, quæ essentialiter est ens ab alio, & contingens secundum existentiam, habere intrinsecam necessitatem essendi in fieri & produci ; ita similiter implicabit, ut habeat intrinsecam necessitatem essendi in conservari ; & sicut cum producit, existentia ipsi contingenter convenit, ita contingenter convenit, cum conservatur. Vide, quæ pro hac sententia doctè & fuse proponuntur à Magnif. D. P. Benedicto Pettschacher in thes. de act. hum. lib. 4. concl. 3.

Existimant nonnulli Thomistæ, se huic difficultati satisfacere, si dicant : visioni beatæ convenire ab intrinseco indestruibilitatē physicā ex principiis intrinsecis, correspondentem ordinariæ potentie DEI, quemadmodum & animæ rationali, & Angelis, & cælis convenit, præsertim cum juxta alibi dicta, visio beata mensuretur æternitate participatā : Non autem convenire intrinsecam indefectibilitatem, aut indestruibilitatem logicam ab extrinseco correspondentem potentie DEI extraordinariæ, quæ sola repugnat creaturæ.

Contra quom tamen responsum esse facere videtur primò. Quòd, juxta hunc dicendum modum, de ratione visionis beatæ tantum foret radicalis & exigitiva perpetuitas, h. e. connaturalis exigentia & inclinatio ad sui perpetuitatem, orta ex principiis intrinsecis ipsius visionis : sed hæc radicalis perpetuitas non sufficit, primò, quia etiam visio transeuntis communicata connaturaliter habet hanc exigentiā, & tamen quia per extraordinariā DEI potentiam actu non perpetuatur, ideo non beatificat videntem. [Et certè quis neget, majorem indefectibilitatem esse de ratione beatitudinis, quam quæ conveniat Angelo, animæ rationali, cælo? sed indefectibilitas memorata est his omnibus communis. Secundò. Non satis est, quòd beatitudo certificet de potentia intrinsecā suæ æternitatis & non amissionis, sed debet etiam certificare videntem de actuali suæ æternitatis, & non amissionis, aliàs enim non omnimodò depellit omnem formidinem & anxietatem ; siquidem stante inclinatione & aptitudine connaturali ad perpetuitatem, adhuc potest per absolutam DEI potentiam destrui, prout de visione transeuntis dictum est, & sicuti stante connaturali exigentia & aptitudine accidentis ad inhærendum in subiecto, potest tamen actualis inhærentia destrui. Unde

Contra

*Contra* est secundò. Prædicata essentialia ne quidem logicè & per absolutam DEI potentiam à essentiali separari possunt; sed inamissibilitas sumpta pro perpetuatione durationis est essentialiale prædicatum beatitudinis: ergò nec per absolutam potentiam à beatitudine separari potest. ergò beatitudo nec per absolutam potentiam est destruibilis. Minor partim fuit ostensa, partim ex subijciendis constat.

## §. IV.

*Satisfit proposita difficultati.*

10. *A* Necquam proposita difficultati respondeam, prænotandum primò. De essentiali visionis beatificæ quæ talis esse, ut repræsentet se duraturam in æternum, quod sit, in quantum in Divina essentiali repræsentat decretum, quo DEUS decrevit, se beato communicare per totam æternitatem, sicque virtualiter reflectitur supra seipsam. Hæc videtur esse mens expressa S. D. hic q. 9. a. 4. in c ubi dicit: *Requiritur igitur ad veram beatitudinem, quòd homo certam habeat opinionem, bonum, quod habet, nunquam se amissurum.* Et ratio sapienti insinuata est, quòd de essentiali visionis beatificæ, quæ talis, est, ut ex propria ratione sit depulsiva omnis anxietatis, atque perfecta possessio summi boni; sed tunc tandem est depulsiva omnis anxietatis & perfecta possessio summi boni, quando omnimodè certificatur de summi boni possessione, nunquam amittenda, adeoque de sui perpetuitate, æterna Duratione, ergò. Major est D. Augustini loco supra cit. dicentis: *Vita æterna beatissima esse non potest, nisi de sua fuerit æternitate certissima.* Minorem habet idem S. P. paulò post ita loquens: *Etiā ipse iustus non vicit, ut vult, nisi eò pervenerit, ubi mori, falli, offendi non possit, eique sit certum, ita esse futurum.*

11. *P*re-notandum secundò. Perpetuitatem esse prædicatum essentialie beatitudinis perfectæ, ne quidem diviniús dispensabile: Sublata quippe perpetuitate, imò & certificatione ipsius, secundum hæcenus dicta, appetitus & voluntas omnimodè contenta, quiesca, & satiata esse non potest, unde remota perpetuitate, beatitudo esset & non esset talis.

12. *P*re-notandum tandem tertio. Denominationem & prædicatum beatitudinis nulli creaturæ ex principiis ipsius intrinsicis convenire posse, atque adeò esse beatam & beatificam, de ipsa visione DEI non nisi contingenter prædicari: quia ex opposito manifestè sequeretur, quòd aliqua creatura esset ab intrinseco indestruibilis etiam per absolutam DEI potentiam, quod in propositione difficultatis sup. n. 4. dici non posse, rectè probatum est. Constat etiani, aliquam visionem DEI (qualis est, quæ est specialis DEI privilegio quibusdam sanctis viatoribus probabiliter fuit communicata,) transeunter communicaram, non fuisse beatam, adeoque hoc prædicatum à visione esse separabile quamvis interea inficiandum non sit, visionem DEI radicaliter saltem ex natura rei esse beatificam, eò quod per essentiam sit adeptio & affectio summi boni. His positis,

13. *R*espondeo, visionem beatificam esse ab intrinseco indestruibilem, si formaliter & in sensu reduplicativo sumatur, quatenus est beatifica:

sin verò sumatur materialiter, & in sensu specificativo secundum physicam & creatam entitatem visionis, quæ est beata, sic esse ab intrinseco ad modum ejuscunque alterius creaturæ, destructione Logicæ per subtractionem divini conservativi concursus, non physicæ, ex principiis intrinsicis oritæ, destruibilem. *Rationem dubitandi*, quòd omnis creatura sit intrinsecè destruibilis, distinguo: est intrinsecè destruibilis ratione suæ intrinsicæ entitatis, concedo; ratione formæ ejuscunque ab extrinseco sibi contingenter superadditæ, nego. Nam beatitudo est formalis denominatio, visioni beatificæ per extrinsecum DEI decretum, quo illam gratuitò ad statum beatificum elevar, contingenter superaddita.

*Dices:* etiam beatitudo est forma creata, & sic 14. visio beatifica quæ talis est quid creatum: ergò adhuc sequitur, aliquam creaturam esse ab intrinseco indestruibilem. *Resp.* est forma creata subjective (quatenus est participata beatitudo) transeat; objective, nego; quia pro objecto habet essentialiam divinam & in illa decretum de perpetua sui communicatione.

*Instabis.* Etiam visio in esse visionis est objective infinita, quia terminatur ad essentialiam DEI clarè visam, nec tamen est intrinsecè indestruibilis. *Resp.* terminatur ad essentialiam divinam, ut summum bonum præcisè adeptum, concedo; ut summum bonum inamissibiliter adeptum & possessum, nego; hoc enim ipsi convenit præcisè quatenus est beatifica.

## §. V.

*Corollaria ex dictis.*

*I*nseres ex dictis primò. Judicium virtuale visionis beatificæ, quo se judicat æternum duraturam, esse intrinsecè infalsificabile. *Primò.* Quia si esset falsificabile, visio beatifica quæ talis non esset simpliciter indestruibilis; sed hoc est falsum ex dictis, ergò. *Secundò.* Quia fides est intrinsecè infalsificabilis, ergò multò magis visio: quæ de indestruibilitate possent obijci, solves ex dictis.

*I*nseres secundò. Non posse à DEO productionem ut beatificam, quin DEUS decreverit eandem conservare in æternum, idque decretum videntur manifestet. *Ratio primi* est: quia alias visio esset & non esset beatifica, utpotè destituta omnimodà certificatione suæ perpetuitatis. *Ratio secundi* est: quia inamissibilitas visionis beatæ est inamissibilitas cognita & judicata, cum visio non possit videntem aliter asseruere & certificare de suâ inamissibilitate nisi modo cognoscitivo & enuntiativo; sed nisi manifestaretur decretum divinum de suâ conservatione, illa inamissibilitas non esset cognita & judicata, cum decreverim, sicuti Beato est ratio videnti alia creata, ita maxime suam visionem, ejusque perpetuitatem.

*I*nseres tertio. Licet absolute dari possit visio divinæ essentialis in tam tenui gradu, ut nulla ex creaturis tam actualibus quam possibilibus distinctè & determinatè appareat, secundum ea, quæ dixi in disp. de DEO, cap. 6. §. 3. tamen visionem beatam dari non posse, quia aliquam



liquam creaturam, videlicet seipsam in divinâ essentia conspiciat, siquidem ex hæcenus dictis est essentiale visioni quâ beatz, ut sit in se virtualiter reflexa, seque judicet duraturam in æternum. Neque hinc sequitur, aliquid creati admiscen-

dum fore primario objecto visionis, sed tantum objecto secundario, quamvis tantâ necessitate, ut nisi perpetuitas visionis exhiberetur, nec divina essentia esset æqualiter beatitudo objectiva, nec visio formalis. Patet ex dictis.

## ARTICULUS IV.

### Quale sit gaudium & fruitio Beatorum?

#### SUMMARIA.

1. Quid & quoniam sit gaudium, vel delectatio.
2. Amor amicitie & concupiscentia in Beatis non distinguuntur.
3. Gaudium Beatorum ab habitu charitatis.
4. Cur in hac vitâ amor concupiscentie pertineat ad virtutem spei?
5. Objectum primum & directum gaudij est solum DEUS.
6. Diluitur instantia de amore proximi.

#### §. I.

*Sine delectatio Beatorum ab habitu charitatis?*

**N**otandum primò. Quòd omnis Inclinatione in bonum, illius boni obtentu & possessione quietatur. Sicut ergo ad motum & inclinationem lapidis quies sequitur, quamprimum ille pervenit ad suum centrum, ita cum natura rationalis possidet suum bonum & finem, quam desideravit, gaudet & delectatur de illo; quæ delectatio si sit de fine ultimo, fruitio nominatur. Hoc in Beatis est duplex, velut & ipse amor Summi Boni: nam amorem amicitie seu benevolentie, quo DEUS amatur ut in seipso & sibi ipsi summè bonus consequitur gaudium & delectatio de bono divino ut est bonum ipsius DEI: & exprimitur per illa verba *Apoç. 19. Quoniam regnavit Dominus DEUS noster omnipotens, gaudeamus, & exultemus, & demus gloriam ei.* Amorem vero concupiscentie, quo amatur DEUS, ut est summum bonum, & æterna felicitas ipsius Beati, sequitur etiam gaudium & delectatio de DEO, ut est summa felicitas & beatitudo animæ, quod expressit Regius Psaltes Ps. 15. *Adimplebis me latitiam cum vultu tuo.*

**2.** Notandum secundò. Utrumque amorem amicitie & concupiscentie in Beatis probabilius non distingui: Ratio est: Amor sequitur cognitionem: sed eodem actu visionis formaliter repræsentatur Divina bonitas, ut est DEO, & ipsi Beato summè bona: ergo eodem quoque amoris actu voluntas poterit ferri in bonitatem divinam ut DEO & ut Beato bonam: ergo idem actus erit amor amicitie, & concupiscentie. Quæstio nunc est, à cuius virtutis habitu procedat delectatio, quæ sequitur amorem concupiscentie, & quodnam sit objectum primum ac divinum ipsius: nam quòd delectatio & fruitio consequens amorem amicitie pertineat ad virtutem charitatis divinæ, sicut & ipse amor, facile consentiunt Auctores.

**3.** CONCLUSIO prima. *Delectatio Beatorum, quâ gaudent de DEO tanquam Summo Bono beatz, P. Mez. Theol. Schol. Tom. II.*

tificante & à se possessio, procedit ab habitu charitatis. Ita communis Thomistæ. Ratio est. Eiusdem virtutis est amor & delectatio nata consequi amorem: sed amor concupiscentie, quo DEUS ut finis ultimus & objectum beatificum perfecte satians à Beatis diligitur, est actus charitatis Minus probatur, partim quia, ut not. 2. dixi, amor amicitie & concupiscentie in Beatis probabilius non distinguuntur; partim quia non est alia virtus Theologica assequibilis, cui debeat tribui amor concupiscentie. Non enim fidei, quæ est in intellectu, ut per se patet. Non spei, quia spes non manet in patriâ, partim quia tendentia ac via desinunt obtento termino atque spes est via & tendentia ad beatitudinem radicata in ipsâ fide: ergo obtentâ beatitudine & sublatâ fide spes desinit; partim quia ablato formali motivo virtus non subsistit: sed motivum & objectum formale spei, quod est obtinenda beatitudo seu bonum arduum auxilio divino assequibile, non manet in patriâ, ergo nec manet spes, quâ de causa Apost. Rom. 8. *Spes qua videtur, inquit, hæc, cuius objectum non jam ut assequendum creditur obscurè, sed ut possessum videtur clare, non est spes, nam quod videt quis, quid sperat?*

Dices, Amor concupiscentie, quam habemus in viâ pertinet ad virtutem spei, Respond. negando consequent. Quia in hac vitâ amor concupiscentie est ipsum desiderium, quo beatitudinem appetimus tanquam bonum arduum & absens: atqui in patriâ cessat ratio desiderij, absentie, & arduitatis, unde beatitudo actum spei amplius terminare non potest.

#### §. II.

*Quodnam objectum primum delectationis?*

**C**ONCLUSIO secunda. *Objectum immediatum & primum & divinum huius delectationis est ipse DEUS.* Ratio est primò. Illud est objectum primum & divinum tam amoris, quam delectationis, quod primario & directè per claram visionem repræsentatur ut summè amabile & delectabile; sed solus DEUS primariò & directè sic repræsentatur, ut suprà ex dictis de visione, ergo. Ratio est secundò. Objectum primum & directum virtutis Theologicæ est quid divinum & increatum, prout ex instituto dicitur in Tract. de fide: sed amor & delectatio patriæ sunt actus virtutis Theologicæ, & quidem charitatis secundum dicta; ergo habent pro objecto primario & directo visionem & beatitudinem formalem, quæ est aliquid creatum; sed DEUM & beatitudinem objectivam, tanquam objectum increatum.

Dixi objectum primum & directum; sicut enim ipsa visio secundario repræsentat seipsam, sic etiam amor concupiscentiæ & delectatio poterit secundario & indirecte terminari ad visionem; quemadmodum spes istius vitæ secundario fertur in adeptionem Summi Boni tanquam objecti primarii.

6. Dices: Etiam si actus primarius alicujus virtutis Theologicæ directe debeat terminari ad objectum increatum & divinum: non tamen necesse est, ut actus secundarius ita terminetur: sic enim dilectio hominis propter DEUM, quæ est actus secundarius charitatis; habet proximum pro objecto terminativo. Sublimo. Sed delectatio est actus secundarius charitatis: ergo nihil obstat, quod minus pro objecto directe & immediate terminante habeat creatam visionem.

Respondeo dist. majorem: nisi ille actus in accipiendo objectum terminativum totaliter dependeat ab actu primario, concedo. Si totaliter ab

illo dependeat, nego: sed delectatio est actus secundarius charitatis, ita tamen ut totaliter ab amore concupiscentiæ, qui est actus primarius, dependeat, concedo. Ut non totaliter dependeat, nego min. & consequentiam. Cum enim nullatenus possit esse delectatio, nisi de objecto, quod amatur: ideo necesse est, illud objectum directe obijci delectationi, quod obijcitur amori: atqui amori concupiscentiæ in patriâ directe obijcitur DEUS: ergo & delectationi. Ex quibus datur disparitas ad instantiam: quia amor proximi propter DEUM ab amore DEI dependet quidem in accipiendo objectum motivum, cum utriusque sit idem motivum, dum & DEUS propter se & proximus amatur propter DEUM, non verò accipiendo objectum terminativum; quia amor proximi non ita sequitur amorem DEI per modum proprietatis necessarii emanantis, sicuti delectatio & gaudium consequitur amorem boni possessi.

## ARTICULUS V.

### *De consuetudinibus accidentalibus ad beatitudinem*

#### SUMMARIA.

1. Cur dotes assignentur animæ beatæ?
2. Definitio dotium.
3. Numerus dotium.
4. Consistunt non in operatione, sed habitu.
5. Objecta auctoritas D. Thomæ exponitur.
6. Cur gratia sanctificans non constituat dotem?
7. Cur dotes non sint in Angelis?
8. Neque in Christo?
9. Quid sit dos corporis?
10. Exponitur impassibilitas.
11. In quo consistat subtilitas.
12. Quid sit dos agilitatis?
13. Quid sit dos charitatis?
14. Dotes redundant ex gloria animæ.
15. Definitio aureole.
16. Ternarius aureolarum offenditur.
17. Cur aureola non respondeat voluntaria paupertati & obedientia?
18. Requisita ad aureolam virginitalis.
19. Corollaria inde deducta.
20. Requisita ad aureolam Martyrii.
21. Corollaria exinde deducta.
22. Requisita ad aureolam Doctoratus.
23. Aureola principaliter subijciatur in voluntate.
24. Christus non habet aureolas.
25. Nec Angeli.
26. Reunio corporum non pertinet ad essentialem.
27. Bene ad accidentalem & extensivam perfectionem beatitudinis.

#### §. I.

*Exponuntur dotes animæ beatæ.*

1. Notandum priore. Cum in æternâ beatitudine spirituale quoddam matrimonium inerat inter animam & DEUM: ideo animæ tanquam sponsæ communiter à Theologis af-

signari quasdam dotes, per analogiam ad illam dotem, quæ in matrimonio carnali sponsæ assignatur partim in matrimonii solatium & onerum sublevationem, partim in ipsius sponsæ ornatum. Prout dicitur L. Doti. ff. de jure dotium.

Notandum secundò. Dotem animæ à S. D. in 4. d. 19. q. 4. a. 1. sic defini: *Dotes ornatu animæ, vitæ sufficiens, in æternâ beatitudine jugiter perseverans.* Ubi significantur tres condiciones ad rationem dotis requisitæ. Primò quòd conferatur à Christo Sponso vel totâ sanctissimâ Trinitate ad ornatum & jucunditatem animæ: neque enim ulla ibi sunt onera matrimonii, pro quibus sustinendis in matrimonio carnali dos tribui solet. Secunda est, ut conveniat in patriâ, seu beatitudine æternâ, quia tunc solum sponsa in domum sponsi introducit, sitque indissolubile matrimonium inter animam & Christum, quâ de causâ dicitur Apoc. 19. *Venerunt nuptiæ agni, & uxor ejus præparavit se, & datum est illi, ut cooperaret se byssino splendenti & candido.* Tertiò requiritur habitudo ad Sponsum Christum, quia debet esse donum sufficiens ad suavem unionem cum Christo. His positis in numero dotium facile conveniunt Auctores: potissima discrepantia reperitur in exponenda illarum entitate: dum aliqui volunt illas in actu, ut Vasquez & Martinez; alii in habitu, ut communiter Thomistæ; alii in utroque constituunt, ut Lorca hic disp. 22.

CONCLUSIO prima. *Tres sunt dotes animæ beatæ, videlicet, visio, comprehensio, & fructio.* Ita Thomistæ ex S. D. hic q. 4. a. 9.

Ratio est: Illa dona sunt dotes animæ beatæ, quæ ita sufficiunt ad ornatum animæ, suavemque ejus unionem cum Christo, ut simul respondeant dotibus animæ justæ, quibus in hac vita

vita spirituales atrimonium inchoatur, & ad futurum disponitur: sed tria sunt ejusmodi dona videlicet; visio; quæ respondet fidei, & tollit cognitionis obscuritatem; comprehensio, quæ succedit spei, & tollit ipsius anxietatem; & fructio, quæ respondet charitati, eique superaddit quietem in bono posseto.

4. **CONCLUSIO** secunda. *Dotes animæ non consistunt in operatione, sed in aliquo dono habituali: & quidem [1.] dos visionis in lumine gloriæ; quatenus est habitualis clarificatio intellectus, eundem proxime disponens ad intimam unionem cum divinâ essentia in ratione speciei intelligibilis: [3.] dos comprehensionis in eodem habitu luminis gloriæ quatenus fundante relationem præsentia ad DEUM cum bonum possetum: [4.] Dos verâ fructuionis consistit in habitu charitatis ut causante beatificam fructuionem.*

Ratio primæ partis ex S. D. in Suppl. q. 95. a. 2. inc. est: quod nomine dotis non intelligitur ipsa unio & conjunctio. cum DEO, sicuti neque in matrimonio carnali dotis nomine significatur copulatio ipsa matrimonii: sed dos significat ornatum & dispositionem animæ ad intimam unionem cum DEO: acqui operationes beatificæ visionis & fructuionis significant ipsam actualem unionem & conjunctionem cum DEO: ergo dotes beatæ animæ non in operatione, sed in aliquo habitu ad illam operationem disponente & influente debent consistere.

Ex quo ceteræ partes conclusionis facile sequuntur, nam sicuti actualis visio & comprehensio Summi Boni est actus ipse visionis, sic habitualis est lumen gloriæ, sub diversâ tanten formalitate; nam visio dicitur, quatenus clarificat intellectum, eumque proxime disponit ad unionem divinæ essentia sub ratione speciei intelligibilis: comprehensio verò dicitur, quatenus in anima causat relationem intimæ præsentia cum divinâ essentia cum bono posseto. Rursus: sicuti fructio actualis primaria est actus charitatis seu amor tum benevolentia tum concupiscentia. Secundaria est delectatio consequens amorem, sic fructio habitualis nil est aliud; quam habitus charitatis, ex quo summa tum dilectio Summi Boni, tum delectatio de ipso promanât.

5. Dices primò S. D. hic q. 4. a. 3. animæ dotes explicat nominibus importantibus operationem, Rursus Loco cit. ad 2. dicit, quod sicut ad voluntatem pertinet spes & amor, ita etiam comprehensio & delectatio. Ergo comprehensio non est lumen gloriæ.

Respondeo. Aliquando operationem exprimimus per vocem significativam principii habitualis: uti cum actus voluntatis per *voluntas* in S. Scriptura frequenter exprimitur: aliâ verò & converso per nostram operationem significativam habitus exprimitur; eò quod habitus connotent operationes à quibus significantur. Et sic in præsentî per nostram operationem exprimentia significatur quid habituale. Ad secundum Respondeo primò, quod secundum S. D. comprehensio ad voluntatem pertinet obiectivè & terminativè, non autem subjectivè; h. e. quod dos comprehensionis non sit intrinsecè re-

cepta in voluntate: sed quod per ipsam Summum Bonum jam comprehensum fiat obiectum voluntatis, & terminus amoris fructivi.

Respondeo secundò, comprehensionem ad voluntatem pertinere consecutivè, non formaliter, h. e. quod jam suppositâ formali & intellectivâ comprehensione, etiam in voluntate resultet relatio præsentia ad DEUM; quæ non est ipsa dos animæ, sed eandem ex parte intellectus jam præsupponit.

Obijces secundò, Gratiâ sanctificans non constituit dotem in patriâ: quia illam anima etiam possidet in viâ. Ergo neque charitas, cum sit etiam communis viâ & patriâ:

Respondeo, negandò causalem antecedentis: nam ratio, cur gratia sanctificans non constituit dotem, hæc est: quia in supernaturalibus se habet per modum naturæ & primæ radiciis supernaturalium bonorum; adeoque sicut in naturalibus natura nec dotem nec matrimonium constituit: sic neque gratia in supernaturalibus, sed utrique præsupponitur.

Colliges primò. Cur prædicta dona supernaturalia in Angelis non appellantur dotes, cum tamen æquè in ipsis, quam in beatis animabus reperiantur? Quia nimirum dos dicitur habitudinem ad Christum tanquam Sponsum: sed hæc dona in Angelis non dicuntur habitudinem ad Christum tanquam Sponsum; nam Sponsus cum sponsâ debet habere similitudinem naturæ, acqui Angelici spiritus dissimilem habent naturam cum Christo.

Colliges secundò. Cur eadem dona, quamvis excellentissimè posseta à Christo, in ipsis tamen non habebunt appellationem dotis? Quia videlicet ipse est Sponsus, & respectu suorum electorum non acceptor, sed dator bonorum supernaturalium.

## §. II.

### *Dotes corporis gloriosi.*

Corporum resurrectionem, seu resurrectionem. Cnem fides docet, in quâ iustorum corpora eadem quidem numero, ut erant in hac vitâ, accidentaliter tamen erunt longè perfectiora, omni nimirum defectu & deformitate absoluta, prout indicatur ad Ephel. 4. *Donec occurramus omnes in virum perfectum &c.* Unde D. Aug. 22. de Civ. c. 19. *Non est macula, pinguisque metendum, ne ibi etiam tales sint, quales si possent, nec hic esse voluissent.* Nempe: cum ad multarum operationum sibi connaturalium exercitium anima corporis consortio indigeat, æquum erat, ad beatitudinem omni ex parte complendam etiam corpus animæ sociari; & quidem eò decore & perfectione instructum, quæ competunt animæ beatæ dignitati; & statui omnium bonorum aggregatione perfectio. Porro speciales illæ corporum gloriosorum perfectiones etiam à Theologis dotes nominantur; & communiter quatuor recensentur, videlicet: impassibilitas, subtilitas, agilitas, & claritas, his versibus enumeratæ:

Clarî, subtile, agiles, impassibilesque,  
Omnes quadruplici gaudebunt dote Beati.

Rationem congruentiæ dat S. D. 4. contra gentes c. 86. Sicut anima beata elevatur ad gloriam



riam celestium spirituum, ita congruum est corpus Beati elevari ad proprietates celestium corporum; sed quatuor potissimum sunt proprietates corporis celestis; quod nempe sit clarum, impassibile, facillimè loco mobile, expers elementarium s&cum & impuritatum: ergo corpus gloriosum quatuor istas proprietates participabit. Restat inquirere, in quo consistant enumeratæ dotes corporis gloriosi. Unde

Quæres primò. In quo consistat impassibilitas? Respond. In omnimodâ exclusionecujuscunque læsivæ, aut corruptivæ qualitatís causatâ ex perfectâ subiectione corporis ad animam. Sicut enim radix corruptivæ alterationis est imperfecta subiectio materiæ ad suam formam, ita vice versâ radix incorruptionis est perfecta subiectio materiæ ad formam: uti patet in corporibus celestibus. Hanc impassibilitatis dotem indicavit Jo. Apoc. 21. *Mors ultra non erit, neque luctus, neque clamor, neque dolor erit ultra.*

Quæres secundò. Quid sit dos subtilitatis? Respond. Esse immunitatem ab omni crassitie terrenæ concretionis, & s&cibus operationum valde materialium vitæ vegetativæ, quæ in nostro mortali corpore reperiuntur: quâ de causâ corpus gloriosum Apostolus *corpus spirituale* appellavit 1. Cor. 15. dicens: *Seminatur corpus animale, surgit corpus spirituale.* Neque, tamen ut quidam malè existimant, ex dote subtilitatis habebunt corpora gloriosa virtutem corpora solida penetrandi, ut docet S. D. in 4. dist. 44. q. 2. a. 2. Siquidem subtilitas non aufert à corpore glorioso quantitativam dimensionem, ex quâ impenetrabilitas, sit&que distinctio connaturaliter promanant. Unde penetratio, quâ gloriosum Christi corpus clauso sepulchro exivit, per clausas fores intravit, non ad dotem subtilitatis, sed specialem & miraculosam operationem divinæ virtutis est referenda: ex quâ pariter clauso virginis utero corpus ipsius passibile & mortale exivit.

11. Quæres Tertiò. Quid sit dos agilitatis? Respond. Esse promptissimam facilitatem, quâ ad omnem motum localem voluntari & potentie executivæ Beatorum sua corpora obediunt, quæ significata reperiuntur Is. 40. *Assumens pennas ut aquila, currens & non laborabunt &c.* Sap. 3. *Tanquam scintille in arundine discurrent.* Dices: corpora Beatorum non amittent gravitatem; siquidem erunt etiamnum mixta: atqui gravitas impedit corpora, ne pro lubitu sursum moveri possint. Respond. Etiam si aliqua gravitas (longè tamen minor quàm nostrorum corporum) in corpore glorioso forè in actu primo remaneat, gravitationem tamen in actu secundo per dotem agilitatis impediri, quotiescunque beato placuerit moveri motu levitationis.

13. Quæres quartò. Quid sit dos claritatis? Respond. Esse lucidam qualitatem ejusdem rationis cum luce solis, quia præstat eundem effectum formalem. Illam exhibuit Christus clarificatus in monte Thabor, quando *facies ejus splenduit sicut sol.* Matt. 17. Ipsius quoque mentio fit Sap. 3. *surgensut justissimus sol &c.* & 1. Cor. 15. *Seminatur corpus in ignobilibus, surgit in gloria &c.*

Sed erintne Beatorum corpora etiam transparentia & perlucida, ita ut non minùs in profundo

luceant, quàm in superficie? Respond. affirmat. & imò colligitur ex illo Job. 28. *Non adequabitur ei aurum vel vitrum.* In quæ verba S. Greg. 18. Moral. c. 31. *patet*, inquit, *corporalibus oculis ipsa etiam corporis humani harmonia, h. e. interna constitutio.* Idque videtur convenientius tam pro ornatu & pulchritudine corporum, quàm pro voluptate aspicientium. Neque refert, quòd corpora gloriosa sint servatura suum colorem: neque enim color præcisè impedit transparentiam, aut causat opacitatem, cum reperiuntur vitra & gemmæ coloratæ, quæ tamen transparent.

Quæres quintò. Unde promanent dotes corporis gloriosi? Respond. Promanare ex gloriâ animæ, per ejusdem redundantiam in corpus. Ita S. D. 4. cont. gentes. c. 86. & ratio congruentiæ est, quòd ex gratiâ tum viæ tum patriæ promanent virtutes infusæ morales, quibus corporeæ vires subjiciuntur imperio rationis: ex gratiâ innocentie promanabat donum integritatis, quo appetitus sensitivus contineatur sub obedientia partis rationalis. Ergo similiter ex gratia consummata promanant perfectiones propriæ statui corporis gloriosi. Nec refert, quòd istæ sint materialis; gratia verò sit qualitas spiritalis: nam etiam potentie corporeæ & sensitivæ ex animâ rationali, quantumvis spiritali resulant in corpore.

### §. III.

#### Aureola Beatorum,

Quæres primò. Quid sit aureola? Respond. 15.

Ex S. D. in 4. dist. 49. q. 5. a. 5. *esse privilegium præmium privilegiatæ victorie respondens.* Sive: accidentale gaudium de operationibus à se factis, quæ habent rationem excellentis victoriæ.

Explicatur. Sicuti præmium essentiale visionis beatificæ Corona appellatur; Trin. 4. quia tribuitur legitime certantibus, post superata mortalis vitæ certamina; sic etiam gaudium & præmium aliquod accidentale correspondens alicui speciali pugne & victoriæ, corona nominatur, sed tum ad distinctionem Coronæ seu præmij essentialis appellatur nomine diminutivo Aureola, hoc est, quasi Corolla aurea. Contra Occasionem Theologi sumpserunt ex c. 25. Exod. ubi postquam DEUS præcepit mensam tabernaculi ornari coronâ aurâ, præcepit eidem supponi aliam coronam aureolam, ubi Glossa in sensu analogico per primam coronam auream intelligit præmium essentiale Beatorum, per aureolam verò præmium accidentale.

Quæres secundò. Quæ & quot sint aureolæ? 16. Respond. Tres esse aureolas, videlicet, Virginitatis, Martyrij, & Doctoratûs.

Ratio est: Tot sunt aureolæ, quot sunt præmia & coronæ accidentales de aliqua operatione heroicâ habente rationem excellentis victoriæ, si etiam in certo aliquo pugne genere, præstantissimæ, sed ejusmodi victoriæ est triplex: ergo etiam est triplex aureola. Min: probatur: Pugna spiritalis est triplex, juxta triplex genus appetitus, nimirum concupiscibilis, irascibilis, & rationalis. Prima est contra carnem, altera contra mundum, tertia contra Dæmonem. Sed contra carnem

nem



nem perfectissima victoria est perpetua virginitas, contra mundum, martyrium, contra Dæmonem doctoratus. Ergo. Min. Explicatur & probatur. In genere appetitus concupiscibilis non est major hostis quam concupiscentia carnis, contra quam quoditiana pugna, rara victoria. Ergo etiam in hoc genere præstantissima victoria competit virginitati, quæ triumphat de concupiscentia carnis.

Secundò. In genere appetitus irascibilis non est major victoria contra superbiam mundi terrentis quam in illo heroico actu fortitudinis, quo maximum malum tollatur ad persistendum in bono virtutis: sed non est majus malum secundum inclinationem appetitus irascibilis propulsandum, quam ipsa mors: ergo in illo actu quo mors ipsa tollatur ex motivo retinendæ virtutis, est perfectissima hujus generis victoria. Tertiò In genere appetitus rationalis contra Dæmonem, illa est perfectissima victoria, quæ non tantum proprius, sed etiam alienus intellectus perficitur in agnitione divinæ veritatis, ut exinde superet errores, quibus dæmon intellectum inficere, & his mediandibus voluntatem nititur avertere ab ordine ultimi finis: sed hæc victoria obtinetur per Doctoratum. ergo.

17. Dices. Votum perpetuæ paupertatis, quo superatur amor divitiarum, nec non victoria propriæ voluntatis per votum obedientiæ, sunt etiam actus heroici habentes rationem excellentiæ: ergo etiam ipsis debetur aureola, & consequenter non sunt tantum tres aureolæ.

Respondéo. Etiam si istis quoque heroicis operationibus & victoriis in cælo speciale gaudium præmiūque respondeat, hoc tamen non dici aureolam, quo neutra victoria est in suo genere difficilissima & præstantissima: nam sicut concupiscentia carnis longè major est, quam concupiscentia divitiarum; ita etiam victoria, quæ omnis illa carnis concupiscentia superatur per virginitatem perpetuam, in genere pugnae contra appetitum concupiscibilem major & perfectior est, quam victoria, quæ per votum voluntariæ & perpetuæ paupertatis superatur amor divitiarum. Rursus sicut in genere pugnae contra appetitum irascibilem fugientem difficultates occurrentes in prosecutione virtutis, bonum virtutis conjunctum cum iacturâ vitæ, & tolerantia tormentorum usque ad mortem, est bonum magis arduum quam sit bonum virtutis & confortatio cum divinâ voluntate conjuncta cum abnegatione propriæ voluntatis; ita etiam victoria, quæ per martyrium obtinetur contra terrores mortis impediens à bono virtutis, est major quam victoria propriæ voluntatis per obedientiam: quamvis & ista propter quandam similitudinem cum priori spirituale martyrium appelletur à sanctis.

18. Quæres Tertiò. Quid requiratur ad obtinendam aureolam Virginitatis? Respond requiri perpetuam carnis incorruptionem ab omni voluntariâ delectatione venerè non tantum in actu, sed etiam in proposito. Ita deducitur à D. Augustino Lib. de virginit. c. 3. ita deficientie virginitatem. quodd sit in carne corruptibili incorruptionis perpetua meditatio, h. e. propositum perpetuo se continendi.

Unde sequitur primò. **Filiam Jephthæ** quæ levit suam virginitatem, & **Abelem**, qui si supervixisset, habuisset præceptum nubendi, SS. quoque **Innocentes Martyres** pro Christo ocellos non positi aureolâ virginitatis; siquidem non habuerunt propositum perpetuæ continentia.

Sequitur Secundò. **Esti Beatissima Virgo** cauerit omni inclinatione fomitis, non tamen caere aureolâ virginitatis: quia quodd ipsa pugnam & rebellionem carnis non senserit, evehit ex heroica præstantia gratiæ & virtutis: Atqui præstantia gratiæ & virtutis non tollit præmiū, sed auget

Sequitur Tertiò. **Frigidos & eunuchos** non desitit aureolâ virginitatis, si habeant voluntatem, etiam si forent potentes, nihilominus servandi virginitatem: tum quia impedimentum per accidens obortum non impedit actum virtutis; tum quia etiam isti possunt tentari à dæmone ad actus venereos.

Sequitur quartò. Quamvis per interruptionem interni propositi servandæ virginitatis non ita perdatur aureolâ virginitatis, quin per penitentiam & renovationem propositi conjunctam cum externâ corporis incorruptione in finem vitæ recuperari possit: ab eotamen, qui voluntariè corporis corruptionem est passus, recuperari non posse: siquidem essentialis materia, circa quam virginitas versatur, est voluntaria corporis incorruptio, quo sensu Hier. dixit, *Cum DEUS omnia possit, virginem tamen lapsam reparare non posse.*

Sequitur quintò. Involuntariam aut voluntariam corporis corruptionem aureolâ Virginitatis non obesse: Unde D. Lucia ad Tyrannum dixit: *si me invitam iussis violari, castitas mihi duplicabitur ad coronam* h. e. per toleratam violentiam novum addetur præmiū.

Quæres quartò. Quanam sint requisita ad obtinendam aureolam martyrii?

Respond. primò. Requiritur mors actualiter secuta, vel naturaliter secutura, nisi fuisset divinitus immodita, ut in S. Joanne Evangelistâ, qui in ferventis olei dolium immisus ab Ecclesiâ ut Martyr colitur, quamvis inde illæsus exierit. Ratio est, quodd prærogativa desumitur ex verbis Christi: *Qui perdidit animam suam propter me, inveniet eam.* Sed anima h. e. vitæ propter Christum perditio significat mortem. Secundò requiritur, ut quis puniatur propter fidem vel aliam virtutem relata ad fidem: non enim tantum *paua*, inquit D. August. *sed causa martyrem facit.* Et deducitur tum ex superiori textu tum ex altero Matt. 10. *Qui confitebitur me coram hominibus, confitebor & ego eum coram Patre meo.* Quæ Christi sive verbalis, sive realis & ipso opere exhibita confessio significat aliquam protestationem fidei in Christum, sive explicitam & directam, sive indirectam & implicitam, quando mors sequitur ex motivo virtutis supernaturalis è revelatione divinâ & fidei assensu derivato. Tertiò requiritur in adulto voluntas saltem habitualis moriendi propter fidem, siquidem de viâ ordinariâ nulli adulto confertur gratia secundum proprii arbitrii dispositionem, prout laicus deduxi in Tr. de sacr. bapt. Hinc

11. Hinc sequitur primò. Si exilium & carcer cum acceleratione mortis propter Christum sustineantur usque in finem vitæ, sufficere ad aureolam martyrij.

Sequitur secundò. Diuturnas persecutiones non sufficere ad aureolam martyrij, si quis postea in pace moriatur. Sequitur tertio. Quamvis infantes propter Christum occisi non habuerint voluntatem moriendi pro Christo, tamen habere aureolam martyrij: quia in ipsis non requiritur major voluntas ad martyrium, quàm ad baptismum. Sequitur quartò. Milites contra infideles pugnantes si occidantur, non consequi aureolam martyrij; quia non vincunt mortem voluntariè sustinendo pro Christo: sed potius pro viribus à se repellunt. Sequitur quintò. Beatissimæ Virgini competere aureolam martyrij, quia gladius compassionis sub Cruce, quæ causabatur à summâ dilectione vivacissimâ fide quam ipsa profitebatur stans sub cruce, ita pertransivit animam ipsius, ut, nisi fuisset miraculosè servata, mori debuisset.

12. Quæres quintò. Quidnam requiratur ad obtinendam aureolam Doctoratûs? Respond. ut quis non solum ipse sit illustratus doctrinâ divinâ, sed eandem quoque frequentatis adibus in alios derivet, rectâ intentione alijs prædicando divina mysteria, & quæ docuerit, opere implendo; nam qui fecerit & docuerit, hic magnus vocatur in regno cælorum: Ita indicatur Dan. 12. *qui autem docti fuerint, fulgebunt quasi splendor firmamenti, & qui ad justiciam erudiunt multos, quasi stelle in perpetuas æternitates; ubi docti, hoc est habentes in se doctrinam, splendori firmamenti comparantur, qui verò ad justiciam (h. e. sanctitatem supernaturalem) alios erudiunt, splendori stellarum, qui cælestem incomparabilitatem superat.*
13. Colliges primò. Aureolam tanquam gaudium accidentale principaliter subiectari involuntate, ita tamen ut exinde decor specialis redundet in corpus, è quo excellentis victoriæ prærogativa dignosci possit. In quo verò decor iste consistat incertum est, & in alterâ vitâ patebit.

14. Colliges secundò. Christum D. non habere aureolas, quia aureolæ significant aliquod præmium diminutum, ijs competens, qui per imitationem aliquid participant de plenâ & perfectâ Christi victoriâ: unde dicitur. Apoc 3. *Qui vicerit, dabo ei sedere mecum in throno meo, sicut & ego vici.* Unde Christus non acceptor sed distributor au-

reolarum longè excellentius habet insigne suæ victoriæ, quàm sit aureola Beatorum.

Colliges tertio. In Angelis non dari aureolas, nam de aureola virginitalis & martyrij per se patet: de doctoratûs aureolâ inde constat: quia homines docere & illuminare est ipsis commune, non speciale; nec ad ipsorum meritum, sed officium pertinet.

Quæres tandem: An reunio corporum in resurrectione pertineat ad animæ beatitudinem? Respond. non pertinere ad essentialem, bene autem ad accidentalem & extensivam perfectionem beatitudinis. Prima pars, cui aliquando contradixit Joannes XXII, tanquam Doctor privatus, existimans, animas defunctorum ante resurrectionem non pervenire ad suam beatitudinem, & clarâ DEI visionem, est definita in Flor. & Trid. Sess. 25. in Decret. de ven. SS. deducitur è S. Script. Luc. 23. cùm Christus ad latronem dixit: *Hodie mecum eris in paradiso.* Nam cùm de loco paradisi id nequeat intelligi, siquidem Christus post mortem descendit ad limbum, tantum intelligi potest de paradiso gloriæ; nam, ut S. August. ep. 57. *Generale paradisi nomen est, ubi feliciter vivitur.* Item ex Apostolo Philip. 1. *Desiderium habens dissolvi, & esse cum Christo:* & 2. Cor. 5. *Scimus, quoniam si terrestri domui nostra huius habitationis dissolvatur, quod adificationem ex DEO habemus, domum non manu factam, æternam in cælis* &c. Eph. 4. *Ascendens Christus in altum, captivam duxit captivitatem, h. e. animas Patrum è limbo liberatas, quâ de causâ etiam dicitur spoliâsse infernum.* Ratio congruentiæ ex S. D. est duplex: quia aliàs non esset facilius modus intrandi cælum post passionem Christi, quàm ante, si resurrectio corporum ad beatificam visionem foret expectanda. Secundò, quia animæ in peccato mortali decedentes ante corporum resurrectionem statim rapiuntur ad infernum: ergo cùm aliàs DEUS sit liberalior in præmiando, quàm severus in puniendo, etiam animæ iustorum ad gloriam acquirendam non expectant corporum reassumptionem.

Secundæ partis ratio est: quia licet ipsi visioni beatificæ nulla major intensiva perfectio accedere possit ex corporis unionem, tamen animæ gloria redundabit in corpus, & anima plures operationes sibi connaturales exercebit in corpore, quod sufficit ad maiorem extensivam gloriæ & beatitudinis perfectionem.

## DISPUTATIO V.

DE

### Voluntario in genere.

ad. q. 6.

**E**xpedito sine ultimo, nunc propiùs ad ipsos humanos actus accedimus, eorumque rationem genericam, in quâ omnes conveniunt, nempe rationem voluntarij cum Angelico Doctore expendimus. De quo

## ARTICULUS I.

*Quid & quoruplex sit voluntarium?*

## SUMMARI A.

1. *Acceptio voluntarij.*
2. *Definitio voluntarij.*
3. *Excluduntur motus naturales cognitionis ex-  
pertes.*
4. *Item actus intellectus primò primi.*
5. *Perfectum voluntarium etiam reperitur in a-  
ctibus necessarijs voluntatis :*
6. *Quamvis in actibus liberè voluntas magis se  
moveat applicativè.*
7. *Imperfecta cognitio causas voluntarium imper-  
fectum.*
8. *Unde aliud est voluntarium perfectum ; aliud  
imperfectum.*
9. *Aliud necessarium, aliud liberum.*
10. *Divisio voluntarij in formale, habituale, vir-  
tuale.*
11. *In physicum, & morale.*
12. *In expressum, & interpretativum.*
13. *In voluntarium in se, & in alio.*
14. *In directum, & indirectum.*

## §. I.

*Definitio & subiectum voluntarij.*

1. **N**Otandum. Licet tò voluntarium aliquan-  
do strictius pro libero, aliquando latius  
pro objecto volito, aut omni illo quod est gra-  
tum & conforme inclinationi sive elicitæ sive in-  
natæ accipiat ; hoc tamen loco & propriè ac-  
cipi pro spontaneo motu voluntatis seu appe-  
titus vel elicitò, vel imperato, à quo etiam  
effectus subsecuti denominationem voluntarii  
fortiuntur. In quâ acceptione est voluntarii  
definitio à S. D. hic q. 6. a. 1. tradita, &  
nostra

2. **CONCLUSIO.** *Voluntarium est, quod  
est à principio intrinseco, cum cognitione finis.*

Ratio est : Per id benè definitur volun-  
tarium, per quod adæquatè distinguitur ab in-  
voluntario & non voluntario tanquam extre-  
mo adæquatè opposito : sed per datam defini-  
tionem ita distinguitur. ergo. Min. probatur.  
Involuntarii privativi & negativi duæ sunt cau-  
sæ, violentia & ignorantia : sed utraq; exclu-  
ditur per datam definitionem, violentia, quòd  
sit à principio intrinseco, cum violentum sit à  
principio extrinseco ; ignorantia verò, quia est  
cum cognitione finis : ergo per datam definitio-  
nem voluntarium rectè distinguitur à suo extre-  
mo opposito. Hinc

3. Colliges primò. Voluntarium non reperi-  
ri in motibus naturalibus gravium, levium, &  
animæ vegetativæ : licet enim sint à princi-  
pio intrinseco, non tamen præsupponunt co-  
gnitionem.

4. Colliges secundò. à ratione voluntarii ex-  
cludi illos actus intellectus qui præveniunt vol-  
untatis imperium ; tales quippe actus quamvis  
possint ex alio actu intellectus procedere, uti  
R. P. Alex. g. Theol. Schol. Tom. II.

conclusio ex præmissis, non tamen procedunt  
à voluntate operante ex cognitione finis.

Colliges Tertiò. Perfectum voluntarium re-  
periri in omni actu voluntatis conjuncto cum  
perfecta cognitione finis : siquidem omnis il-  
le actus perfectè participat definitionem volun-  
tarii, sive sit actus liber, sive necessarius ; un-  
de etiam amor beatorum elicitus cum perfe-  
ctissima cognitione ultimi finis est perfectè vo-  
luntarius ; siquidem tò à principio intrinse-  
co non significat liberam sed solum intrin-  
secam propositionem in actum quæ vel ma-  
ximè reperitur in amore fructivo beatorum, in  
quo voluntas omnes suas vires impendit in ac-  
tum.

Neque dicas : Voluntas liberè operans se-  
ipsam magis movet ad actum, quàm voluntas  
necessariò operans : ergo actus liber est magis  
& perfectius voluntarius, quàm actus necessa-  
rius. Nam Respond. dist. antec. se magis mo-  
vet applicativè, transeat : elicitivè, nego. At-  
qui ut actus sit à principio intrinseco, æquè  
habetur, si sit à principio elicitivè, quàm si sit  
applicativè.

Colliges quartò. In actibus necessarijs ap-  
petitus habentibus imperfectam cognitionem fi-  
nis, reperiri voluntarium tantummodò imper-  
fectum : quia nimirum imperfectè voluntarii  
definitionem participant : Unde motus neces-  
sarii voluntatis, qui vocantur primò primi, quia  
non desistuntur omni etiam imperfectà cog-  
nitione finis, habent voluntarium imperfectum :  
imò juxta S. D. a. 2. aliqui motus brutorum  
procedentes saltem ex imperfecta cognitione fi-  
nis materialiter sumpti dici possunt imperfectè  
voluntarii.

## §. II.

*Divisiones voluntarij.*

**V**oluntarii divisiones sunt variz & multæ. Et  
primò dividi in voluntarium perfectum,  
quod est cum perfecta ; & imperfectum, quod est  
cum imperfecta cognitione finis.

Secundò. In necessarium & liberum : Illud  
est quod procedit à voluntate ut determinata ad  
unum ; Istud verò, quod procedit à voluntate  
indifferenti ad utrumlibet.

Tertio in formale seu actuale, habituale, & vir-  
tuale. Formale est, quod pendet à voluntate  
ut actu influente : habituale, quod semel actu  
volitum non est retractatum, quo modo aliqua  
intentio dicitur habitualiter perseverare, quam-  
diu non est retractata. Virtuale, quod pen-  
det ab actu præterito non retractato, perma-  
nente in aliquo suo effectu, vel determi-  
natione. Sic v. g. Missæ celebratio est for-  
maliter voluntaria, quando formalis intentio  
celebrandi physicè durat, tunc est volunta-  
ria



ria virtualiter, quando ipsa quidem formalis intentio actu præterijt, per aliquam distractionem interrupta, non tamen fuit retractata, sed relinquit aliquem effectum ex se causatum, ut est progressio, lectio &c. Unde ad voluntarium virtuale requiritur primò non retractatio aliùs; secundò permanentia intentionis in aliquo effectu subsecuro. Ac Tertiò, ut docet Laym. Th. Mor. l. 1. tr. 2. c. 3. ut operans maneat in eà animi dispositione, in quà talis operatio sub ejus liberum arbitrium cadere possit. Unde consecratio prolata à Sacerdote, qui post intentionem conferendi incidit in amentiam vel ebrietatem, non est virtualiter voluntaria.

- II. Quartò dividitur voluntarium in *physicum* & *morale*. Illud est, quod physicè; istud, quod moraliter & imputativè procedit à voluntate. Ac rursus subdividitur in morale proprià & alienà voluntate. Morale proprià voluntate est actus præteritus, non retractatus, & in prudentum judicio quoad aliquem effectum perseverans, donec relaxetur, ac dissolvatur: sic vota, promissiones, contractus moraliter manent ratione obligationis, quam pariunt, quousque hæc relaxentur. Sic peccatum præteritum non retractatum moraliter perseverat in peccatore.

Morale voluntarium alienà voluntate est illud, quod ex alterius quidem suppositi voluntate procedit, hic & nunc tamen reputatur pro actu propriæ voluntatis. Et hoc fieri potest quadrupliciter. Primò, si quis consentiat, ut alius agat suo nomine, uti sit in procuratore: tunc enim actus procuratoris reputatur voluntarius ipsi principali. Secundò, cum quis auctoritate superioris, vel juris pro altero constituitur: sic voluntas tutoris habetur pro voluntate pupilli in ordine ad alliciendum. Tertiò, cum voluntas naturaliter subijcitur voluntati alterius, quo modo voluntas patris censetur voluntas filij impuberis. Quartò, cum quis ex pacto, & sub certa conditione aliquid acceptat pro se, & in se contentis: quo modo Adami

peccatum est omnibus posteris moraliter voluntarium; quia Adamus tam pro se, quam pro omnibus suis descendentibus in se contentis acceptavit iustitiam originalem, propagandam, si non peccaret; & consequenter non propagandam, sed denegandam posteris, si peccaret.

Quintò dividitur voluntarium in *expressum* & *tacitum*, seu interpretativum: Illud est, quod actu expresso & formali à voluntate procedit: istud, quod prudentum judicio, vel fictione juris censetur à voluntate procedere. Sic actus subditi censetur interpretativè voluntarius Superiori, quando illum, sciens & potens impedire, non impedit.

Sexto dividitur voluntarium in voluntarium in se, & in alio. In se voluntarium est, quod seipso terminat voluntatem. In alio est, quod licet in seipso non sit formaliter volitum, sequitur tamen ex alio formaliter volito, ut potuerit & deberit provideri secuturum ex ipso. Sive deinde contineatur in altero tanquam in causà, uti rixa dicitur esse voluntaria in causà, cum quis ebrius rixatur, sciens se habere consuetudinem rixandi in ebrietate. Sive contineatur tanquam inferius in superiori, aut pars in toto: Sic infanticidium est voluntarium in alio, cum quis prægnantem occidit, sciens, vel culpabiliter ignorans esse prægnantem.

Septimò dividitur voluntarium in *directum* & *indirectum*. Directum est, quod procedit ex positivo voluntatis influxu, sive procedat immediatè, ut furtum à fure, sive mediatè ut mors ex veneni porrectione. Indirectum (quo nomine Moralistæ sæpè appellant voluntarium in causà) propriè illud est, quod licet à voluntate positivè non exeat, eidem tamen imputatur, quasi exiret; quia ab habente facultatem vel obligationem impediendi non impeditur, quà ratione destructio exercitùs & interitus militum est indirectè voluntarius illis Ministris, qui cum possent & deberent necessariam commectum providere, suà tamen negligentia providere intermittunt.

## ARTICULUS II.

### *An detur voluntarium indirectum sine omni actu?*

#### SUMMARIA.

1. Ad voluntariam omissionem requiritur actus intellectus.
2. Datur in voluntate pura ommissio negativa.
3. Non datur libera ommissio omnium prorsus actuum collectivè.
4. Triplex modus, quo ommissio cum actu conjungitur.
5. Status quaestionis.
6. Auctoritas D. Th. pro sententia negativa.
7. Ratio prima petita ab exercitio vitali.
8. Ratio secunda à transiitu in actum secundum.
9. Ratio Tertia à connexione cum voluntate.
10. Exponuntur objecta auctoritates.
11. Quo sensu pura ommissio sit extrinsecum libertatù?
12. Quomodo possit voluntas ab aliquo objecto necessitari?
13. In denegatione concursus ommissio tantum foret negativa.
14. Quid si DEUS præciperet, semper aliquid operari.
15. Quæ sit distinctio inter præcepta affirmativa & negativa?
16. An liberum indirectum requirat puram omissionem.
17. Auctoritas D. Tho. pro possibilitate pura omissionis libera.
18. Ratio ex naturà libertatis contradictionis.
19. Et indifferentia ad suspendendum actum.
20. Voluntarium indirectum pluri non requirit, quam non agere, cum posses & debes agere.



21. *Ratio, cur dari possit pura omisso peccaminosa, non autem meritoria.*
22. *Non datur pura omisso indifferens in indivisibile.*
23. *Non sequitur, quod Angelus potuisset in primo instanti peccare per puram omissionem.*
24. *Voluntas per puram omissionem mutat ultimam finem negativè & interpretativè, & ipsa mutatur theologicè non physicè.*
25. *Exponitur autoritas S. D. de actu remoto & intellectus.*
26. *Exercitium vivale morale potest esse sine actu.*
27. *Imò non omne exercitium libertatis est vivale.*
28. *Voluntas per puram omissionem moraliter transit ab actu primo ad actum secundum.*
29. *Non omne voluntarium positivè procedit à voluntate.*
30. *Quomodo in pura omissione voluntas se habeat humano modo.*

## §. I.

*Exponitur status questionis.*

**E**Adem quæstio proponi solet his terminis: utrum dari possit pura omisso libera sine omni voluntatis actu? Ubi

1. Suppono primò. Non posse dari puram omissionem liberam & voluntariam absque omni actu intellectus: nam ubi nulla est cognitio finis, ibi non est voluntarium. Et ubi non est propositio indifferens, ibi non est liberum: sed ubi nullus est actus intellectus, ibi neutrum reperitur ergo.
2. Suppono secundò. Posse dari in voluntate puram omissionem alicujus, vel omnis actus, quæ sit merè negativa, nec proinde voluntaria: quando nimirum nullum objectum vel prosequendum vel fugiendum voluntati proponitur veluti quotidiana experientia in amentibus & dormientibus testatur.
3. Suppono Tertiò. Non posse voluntatem esse libere & privatè suspensam ab omni actu circa omnia objecta collectivè sumpta: Nam ad hoc requireretur, ut voluntas præsuppositivè esset in actu primo proximo constituta ad eliciendos omnes actus circa omnia objecta collectivè: sed hoc est impossibile; cum nec intellectus omnia illa objecta possit simul proponere.
4. Suppono quartò. Triplici modo posse aliquem actum cum omissione conjungi. Primò, ut actu interiori voluntatis directè tendat in omissionem, v.g. ut instante præcepto audiendi Sacrum, dicat: Volo omittere Sacrum. Secundò, ut voluntariè ponatur actus exterior, ex quo prævidet aliquis securam omissionem actus præcepti, quamvis ille actus exterior non comitetur, sed antecedit omissionem: v.g. si quis in suò nocumentò protrahat porum, lulum, studium &c. ex quo prævidet, se deinde matutino tempore, quo Sacrum deberet audire, non evigilaturum. Tertiò, ut voluntariè ponat actum, qui simul est impossibilis cum auditione Sacri: v.g. ut studeat, ludat, &c. quo tempore scit, aut possit & deberet scire, se esse obligatum ad audiendum Sacrum. Primo modo omisso est directè & immediatè in se vo-

luntaria. Secundo modo est mediatè voluntaria & in causà. Tertio modo est indirectè vel etiam interpretativè voluntaria.

Nullum ex tribus prædictis modis esse determinatè necessarium, & quemlibet ad voluntariam omissionem sufficere in comperto est: Controversia tamen est, an voluntas aliquando, proposita sibi per intellectum facultate & obligatione exercendi aliquem actum, illum purè omittendo, & nullum alium actum ponendo, qui sit directè vel indirectè causa vel occasio illarum ejusmodi omissionis (quamvis aliquem actum merè per accidens & concomitanter se habentem fortè conjungat) tamen voluntariè illum actum omitat, sicque peccaret peccato omissionis saltem interpretativè voluntario. e. g. si quis sacerdos videns hominem submergi cogitet de impertiendà absolutione, & tamen nec velit nec nolit illum absolvere, sed supposito utroque actu simpliciter omitat absolutionem, sitne hæc omisso voluntaria? In hujus quæstionis resolutione quia reperitur Thomistæ Thomistis contrarij. Pro negativa stant Philipp. à S. Trinit. Jo. à S. Tho. Gonet, Salmantic. Magnificus P. Perschacher in Thef. de act. hum. Th. II. cum Mag. Sent. Bonav. Capreolo, quæ & mihi placuit in Thef. de Act. hum. c. 3. §. 2. Affirmativam tuerent Medina, Sylvius, Curiel, Corneio, Godous hic dist. 21. §. 2. Illustriss. Redinus q. 3. a. 1. Controv. 5. Eandem tenent Durandus, Marfilus, Suarez, Valentia, Iambertus q. 71. disp. 6. a. 2.

## §. II.

*Fundamenta sententia negantiæ.*

**S**ententia negans possibilitatem puræ omissionis. Enis liberæ nititur primò auctoritate D. Th. inf. q. 71. a. 5. dicentis: *Si in peccato omissionis consideretur id, quod per se pertinet ad rationem peccati, sic aliquando est omisso absque omni actu tam exteriori, quam interiori: si vero in peccato omissionis intelligantur etiam causæ, vel occasiones omittendi, sic non est omisso absque aliquo actu.* Ubi sensus est, quòd, licet omisso quæ talis, & ex natura omissionis, non requiratur aliquem actum, quasi constitutivum sui, sic enim formaliter est carentia actus, tamen ex parte operantis, & quatenus ipsi voluntaria requiratur aliquem actum, qui saltem sit causa vel occasio ipsius: sicuti multa alia non possunt poni sine altero, quod tamen non est de intrinseca essentia ipsius, uti volitio poni non potest sine voluntate, essentia sine exitentia &c. Sic ipse claris verbis exprimit q. 2. de malo a. 1. in c. loquens: *Per se loquendo potest esse aliquod peccatum, ad quod non requiritur aliquis actus, qui sit de essentia peccati. Si autem consideretur id, quod requiritur ad peccatum, ut causa peccati, sic oportet, quòd ad quodlibet peccatum etiam omissionis aliquis actus requiratur, & c.* Ad hoc ergo, quòd omisso sit peccatum, requiritur quòd omisso causetur ex aliquo actu voluntario.

Probatur secundò ratione. Exercitium vivale, non potest esse sine omni actu; sed libera omisso includit exercitium vivale; ergo includit aliquem

quem actum. Major probatur, quia exercitium vitale essentialiter est motus ab intrinseco: motus autem ab intrinseco non est sine aliquo actu voluntatis. Minor etiam probatur: exercitium libertatis formaliter est exercitium vitale: sed libera omisso est exercitium libertatis. Ergo. Major probatur: Potentia formaliter libera est potentia formaliter vitalis: ergo & exercitium potentie formaliter liberæ est exercitium formaliter vitale.

Nam potentie specificantur & denominantur ab actibus; ideo si actus & exercitium potentie liberæ non esset formaliter vitale, etiam potentia formaliter libera non esset, & denominaretur formaliter vitalis. Antecedens verò ex hoc constat, quod libertas sit perfectio, & proprietates vitæ, essentialiter includens & supponens vitam, seu potentiam sese movendi ab intrinseco.

*Confirm.* Si voluntas in actuali exercitio suæ libertatis esset suspensa ab omni actu, haberet se modo mortuo; sed hoc est absurdum. seq. prob. Si voluntas non vivat in actu primo, etiam habet se modo mortuo in actu primo: ergo si non vivat in actu secundo, habebit se modo mortuo in actu secundo: Atqui non vivit in actu secundo, sine omni suo motu & actu, cum vivere vitæ secundæ sit moveri ab intrinseco. ergo.

*Neque dicas.* Puram omissionem esse exercitium libertatis non physicum, sed morale: ideoque non necessario includere actum vel motum vitæ. Nam *contra* est. quod implicat esse exercitium vitale, quod non sit physicum: cum vita sit per essentiam perfectio physica: sed exercitium libertatis, sive sit contrarietatis, sive contradictionis, semper est exercitium vitale: ergo semper est exercitium physicum. Minor probatur: libertas in actu primo sive sit contrarietatis, sive contradictionis, semper est perfectio vitalis: ergo etiam libertas in actu secundo, sive exercitium illius, semper est exercitium vitale.

8. Probatur Tertiò. Ratione S. D. insinuata in cit. q. de malo. Ut omisso fiat in actu secundo voluntaria, & peccaminosa omittenti, necesse est aliquid assignari, per quod omisso ex voluntaria in potentia fiat voluntaria in actu, & ipsa voluntas ab actu primo & potentia omittendi intrinsecè transeat ad actum secundum omittendi: sed hoc aliud esse non potest, quam actus voluntatis: ergo. Min. probatur: nam, quicquid extrinsecum assignaveris, non sufficit ad voluntarium, cum voluntarium essentialiter requirat causam intrinsecam. Quicquid autem est intrinsecum, illud æquè adit in actu primo, nempe proposito indifferens in intellectu, & voluntas suspensa ab actu.

9. Probatur quartò. Omne voluntarium debet à voluntate positivè procedere: sed pura omisso sine omni actu non potest à voluntate procedere. ergo. Min. probatur. Nihil potest à voluntate procedere, nisi voluntas ad hoc ipsum sit inclinata & determinata à suo adæquato objecto; neque enim ulla potentia fertur extra suum objectum: sed voluntas sine omni suo actu non potest esse ab objecto suo adæquato & specificativo determinata. ergo. Min. probatur. Voluntatis objectum adæquatum est bonum & finis, sed

hic non trahit & determinat voluntatem sine suo actu: tum quia causalitas finis est appeti, & in multorum Thomistarum sententiâ est ipse actus amoris; tum quia non potest intelligi voluntatem immutari & trahi à fine, sine intrinsecâ & passivâ immutatione sui. ergo.

Confirmatur. Voluntas nunquam refugit malum ex motivo retrahente nisi in virtute boni attrahentis per amorem sui: Atqui omisso voluntaria est quædam fuga actûs præcepti propositi sub motivo retrahente; v. g. omisso sacri est fuga ipsius quatenus impediens actum studij, lusus &c. Ergo præsupponit amorem boni, qui in proposito est affectus erga studium, lulum &c.

### §. III.

#### *Objectiones solvuntur.*

**O**bjicies primò è S. Script. ubi Luc. 12. im-10: *putatur peccatum scienti bonum facere, & non facienti.* Adeoque significatur omissionem actûs conjunctam cum advertentia, esse sufficienter voluntariam.

*Secundò* authorit. S. D. 2. z. q. 79. a. ult. ad ult. & pluribus locis dicentis, quod aliquod peccatum possit esse absque omni actu.

*Respond.* ad 1. Eo loco, & similibus significari, quod ratio peccati, propter quod aliqui puniuntur, consistat in omissione boni, non autem, quod illa omisso sit absque omni actu.

Ad secundum quoque dico, S. Doctoris mentem esse, peccatum omissionis, secundum id, quod in peccato per se consideratur, esse sine actu: non autem secundum ea, quæ per modum causæ, vel occasionis etiam per accidens conjuncta in peccato omissionis spectantur: quo modo S. Doctor seipsum exposuit *loc. sup. cit.*

Objicies ex ratione primò. Quod libertas im-11: mediâtè respicit pro suo extremo, potest esse exercitium libertatis; sed libertas contradictionis pro suo extremo immediâtè respicit puram omissionem; ergo. Minor probatur. Libertas contradictionis respicit contradictoriè opposita, sicut libertas contrarietatis respicit contrariè opposita: sed contradictoriè opposita sunt actus & ejus pura omisso, sive agere & non agere: ergo libertas contradictionis pro suo altero extremo respicit puram omissionem.

Respond. negando minorem, & ad ejus probationem dist. min. Contradictoriè opposita sunt actus & ejus pura omisso, quæ sit pura omisso respectu omnis actûs, nego: respectu determinati actûs & objecti, concedo minorem: & similiter distinctio consequente, nego consequ. Rursus. Contradictoriè opposita, quæ respiciuntur à libertate contradictionis, sunt agere & non agere, prout non agere dicit negationem omnis actûs, nego: prout dicit negationem alicujus determinati actûs, concedo. Ratio ex dictis est, quia voluntas libera respicit suum exercitium, prout natum est causari & egredi ex voluntate: sed negatio vel omisso actûs non est nata & apta causari à voluntate, nisi ratione alicujus actûs, & quatenus omisso actûs determinatur, non quatenus omni actui voluntatis opponitur. Ergo etiam ut sic à libera voluntate respicitur.

Objicies secundò. Voluntas creata à nullo 12. obiecto

objecto potest in hac vita necessitari quoad exercitium: ergo sicuti voluntas potest suspendere suum actum circa determinatum objectum: ita poterit suspendere omnem actum circa quodlibet objectum.

Respond. Imprimis nego consequentiam; quia proceditur à sensu distributivo ad collectivum. Secundò. dist. antec. à nullo objecto determinatè sumpto potest quoad exercitium necessitari, concedo. A nullo objecto indeterminatè & vagè sumpto, quasi voluntati sit liberum, ut in exercitio suæ libertatis omnem omnium objectorum collectionem deferat, sic nego. Hoc enim tam est impossibile, quàm impossibile est voluntati ferri extra suum objectum.

13. Obijcies tertio. Posset DEUS denegare voluntati concursum ad ullum actum: ergo in eo casu voluntas purè omitteret actum oppositum.

Respond. In illo casu puram omissionem non fore voluntariam & privativam, sed inere naturalem & negativam.

14. Obijcies quartò. Posset DEUS facere præceptum semper exercendi aliquem actum: sed hujus præcepti transgressio non foret alia, quam pura omisso libera. Ergo posset dari pura omisso libera.

Respond. Quòd cum DEUS non possit nisi bonos actus præcipere, violatio illius præcepti non fieret per puram omissionem, sed vel per actum malum, vel omissionem actui non bono conjunctam.

15. Obijcies quintò. Si non daretur pura omisso libera, præcepta affirmativa non sufficienter distinguerentur à negativis, cum utrumque præceptum foret de actu positivo.

Respond. negando sequelam. Quia distinctio inter præcepta negativa & affirmativa non ex hoc sumitur, quòd negativa præcipiant puram negationem, cessationem, & suspensionem ab omni actu, sed quòd per se & directè præcipiant omissionem actus determinati (quemadmodum & affirmativa præcipiunt actum determinativum) eo modo, quo voluntarie causari & poni potest: quæ cum liberè & voluntarie sine aliquo actu vagè & indeterminatè sumpto causari non possit, mirum non est, si præcepta negativa indirectè & per accedens, nempe non ex conditione objecti sed subiecti aliquem actum, non determinatè, sed vagè sumptum, seu causam vel occasionem ipsius omissionis præcipiant.

16. Obijcies sextò. Ad hoc, ut voluntas non agat, cum potest & debet agere, nullus actus requiritur: sed voluntarium indirectum in hoc consistit, quòd voluntas non agat, cum posset & deberet agere: ergo voluntarium indirectum non requirit aliquem actum.

Respond. voluntarium indirectum in hoc consistere, quòd voluntas cum posset & deberet agere, liberè non agat: atqui liberè non agere, absque interventu alicujus actus, ipsam non posse, abundè ostensum est.

#### §. IV.

*Fundamenta sententiæ affirmantis.*

17. **CONCLUSIO.** Probabilius est, dari posse puram omissionem liberam sine omni voluntatis

actum causaliter, vel occasionaliter conjuncto cum illa.

Fundamentum ex autoritate D. Th. est primò, hic q. 6. a. 3. in arg. sed contra ista arguentis: *Illud cuius domini sumus, dicitur esse voluntarium*, sed nos domini sumus ejus, quod est agere & non agere, velle & non velle: ergo sicut agere & non agere est voluntarium, ita & non agere & non velle. Et in c. *Quia igitur voluntas volendo & agendo potest impedire hoc, quod est non velle & non agere, imputatur vi, quasi ab ipsa existens, & sic voluntarium potest esse absque actu: quandoque quidem absque actu exteriori cum actu interiori, sicut cum vult non agere: aliquando autem & absque actu interiori, sicut cum non vult.*

Et ad primum dicit voluntarium esse à voluntate indirectè, sicut à non agente. Et infra.

Similia habet q. 2. de malo a. 1. ad. 2. & 4. præsertim verò in 2. sent. d. 35. q. 1. a. 3. ubi sic habet: *Quidam autem dicunt, quod in peccato omissionis semper oportet aliquem actum esse, per quem aliquis retardatur ab impletione præcepti, vel mandati, seu interiorum voluntatis, ut cum aliquis vult præcepto non obedire, vel exteriorum, ut cum aliquis facit aliquem actum per quem ab expletione præcepti impeditur: & ponitur exemplum de illo, qui nimis vigilat, & non potest surgere horà debita, sed ista opinio non videtur necessitatem habere; cum enim voluntas libera sit, nec ad aliquid faciendum vel non faciendum determinetur, potest pratermittere aliquid, nihil de opposito cogitando, nec de aliquo, quòd sit impedimentum ejus. Denique in 2. ad Annibald. dist. 35. q. un. a. 2. ad 2. Omisio, inquit, non de necessitate voluntaria dicitur propter voluntatis actum, sed propter hoc quod in potestate voluntatis consistit.*

A ratione fundamentum est primò Illud po. 18. test esse exercitium, quòd libertas pro suo extremo immediatè respicit: sed libertas contradictionis pro suo extremo immediato respicit puram omissionem: ergò. Min. probatur: sicut libertas contrarietatis immediatè respicit opposita contrariè, sic libertas contradictionis immediatè respicit opposita contradictoriè: sed opposita contradictoriè sunt actus & ejus negatio, hoc est agere & non agere; ubi non agere tanquam actui contradictoriè oppositum est pura omisso; ergò libertas contradictionis puram omissionem actus immediatè respicit.

Secundò. De ratione libertatis est, ut proposi. 19. to quocunque objecto sub indifferentia possit voluntas circa illud actum elicere, vel omittere: ergò proposito v.g. objecto & præcepto dilectionis DEI potest circa illud suum actum suspendere & intermittere.

Neque dicas: quamvis circa hoc determinativum objectum possit actum suspendere, necessarium tamen esse, ut circa aliud objectum aliquem actum exerceat, ad hoc ut ista omisso fiat saltem indirectè voluntaria. Nam contra est: quòd non sit major ratio de uno, quàm de altero objecto: unde si voluntas potest suspendere suum actum circa objectum dilectionis DEI, non est ratio, cur non possit etiam suspendere circa aliud objectum. Contra est etiam clara autoritas S. D. in 2. ad Annibald. d. 35. q. un. a. 2. ad

ad 3. dicentis: *Omissio non de necessitate voluntaria dicitur propter voluntatis actum, sed propter hoc, quod in potestate voluntatis consistit.*

Confirmatur. Est quod voluntas simul occupetur in alio actu, quando omittit actum præceptum v. g. dilectionis vel contritionis, tamen fieri potest, ut ille actus sit planè disparatus, & nullam habeat incompossibilitatem cum actu præcepto, quo casu merè concomitanter, materialiter, & per accidens se habet ad omissionem, ita enim adest, ac si abesset: e. g. in casu quo sacerdos videns aliquos subnervi, negligit ipsos absolvere, in casu quo solemniter ministrat sacramentum cogitans se esse in statu peccati mortalis, negligit elicere contritionem, ibi neque aspectus subnervi, neque administratio sacramenti est causa, vel occasio omissionis, cum utraque sit compossibilis cum actu opposito, ergo saltem in tali casu omissio illa voluntaria & peccaminosa egreditur è solâ libertate voluntatis absque aliquo actu; ratione cuius dici possit voluntaria, ac proinde est pura omissio. Quæ enim per accidens adsunt, ita adsunt, ac si non adessent: sed uterque actus in ordine ad omissionem se habet per accidens: ergo ita se habent, quasi abessent: nec proinde puram omissionem impediunt.

20. Terriò. Ad hoc ut voluntas non operetur, cum possit operari, nullus actus requiritur: sed voluntarium indirectum, ut est omissio libera peccaminosa, consistit in hoc, quod voluntas non operetur, cum potest & debet operari: ergo voluntarium indirectum, ut est omissio libera, haberi potest sine actu.

Confirmatur primò. Ad voluntarium interpretativum & morale sufficit, aliquid reduci in voluntatem tanquam causam suo modo moraliter concurrentem: ut constet in ignorantia vincibili: sed pura omissio aliquando reducitur in voluntatem tanquam causam, ergo pura omissio potest esse interpretativè voluntaria: Min. probatur. Illud reducitur in voluntatem tanquam causam moralem, quod ab ipsa dependet tanquam domina, sed pura omissio ita ab ipsa dependet: quia voluntas quæ est domina sui non agere & non velle, quam sui agere & velle: sicuti in gubernatorem tanquam causam reducitur cessatio gubernationis, quia in ipsius potestate non minùs est cessare à gubernando, quam gubernare navim.

Confirmatur secundò. Volitio interpretativa nihil aliud est, quam ipsa voluntas ita se habens circa aliquid ac si vellet illud, sive quod voluntas sit in eâ dispositione, ut prudenter possimus interpretari, voluntatem hoc velle: sed ita contingit, cum voluntas habens plenam advertentiam actus præcepti est negligens in operando, quamvis nullum alium actum adhibeat: ut patet in gubernatione navis primùm adductâ in exemplum. Sicut enim rectè dicimus, gubernatorem velle omittere gubernationem navis, vel nolle gubernare navim: sic etiam in aliis omissionibus rectè dicitur aliquem voluisse sacrum, brevium &c. omittere.

#### §. V.

##### *Solvuntur objectiones.*

21. **O**bjicies primò. Si daretur pura omissio libera & voluntaria, tunc etiam daretur pura

omissio bona & meritoria, vel certè indifferens in individuo: consequens non videtur consentaneum doctrinæ S. D. & repugnat doctrinæ à nobis inferiùs docendæ, uti nunc supponitur. Ergò. Sequela probatur. Pura omissio actus præcepti potest esse mala, quia potest esse interpretativè voluntaria; ergò etiam pura omissio actus prohibiti poterit esse bona & meritoria, quia poterit esse interpretativè voluntaria: si enim sufficit ad voluntarium interpretativum in omissione actus præcepti æquivalentia puræ omissionis cum voluntate omittendi, quæ sufficit in omissione actus prohibiti, v. g. furandi, æquivalentia omissionis cum voluntate omittendi furtum, quæ est bona moraliter.

Si dicas: idèò deesse bonitatem moralem, quia bonitas & honestas ex objecto non refunditur in exercitium voluntatis nisi directè ametur; tunc saltem sequeretur altera pars & membrum sequelæ maj. nam per se talis omissio non est bona, defectu bonitatis objectivæ directè moventis voluntatem. Sed neque est mala: quia per omissionem furti impletur præceptum non furandi, neque ipsa repugnat regulis rationis: ergò est indifferens.

Resp. Nego utramque sequelam: & ad primæ prob. Respond. disparitatem esse: quod malum tanquam aliquid defectuosum ex se idoneum sit terminare voluntarium tam directum quam indirectum, idèòque etiam venenum suæ qualitatis refundat in puram omissionem indirectè voluntariam: ut inquit S. D. 1. 2. q. 71. a. 5. ad 1. *Peccatum potest contingere, sive aliquis faciat, quod non debet, sive non faciendo quod debet: atqui bonum honestum ex natura boni tantum communicat voluntati suam bonitatem, in quantum directè amatur.*

Ad alterius sequelæ probationem quamvis aliqui concedant sequelam, existimantes solam positivum libertatis exercitium non posse esse indifferens, quia tantum ex suppositione, quod voluntas operari velit, tenetur operari ex fine naturæ rationali quâ tali consentaneo, qui non admittit puram indifferenteriam.

Meliùs tamen cum Godoy q. 71. tr. 1. d. 2. 1. 2. 2. §. 8. sequela negatur, & dicitur, omnem puram omissionem esse vitiosam, quia omne exercitium voluntatis, ipsi quâ rationali proprium, est subiectum regulis naturæ rationalis quâ talis: atqui istæ non minùs prohibent otiosam omissionem, quam commissionem, cûnque exercitium pure negativum voluntatis sit otiosum, utpotè non ordinatum in bonum finem, hoc ipso etiam erit vitiosum.

Neque refert, quod per omissionem furti, v. g. impleatur præceptum negativum non furandi, sicut enim istud præceptum negativum potest impleri etiam per omissionem furti elicitam ex pravâ intentione, & tamen non idèò fit moraliter bona: sic etiam per puram omissionem ex nullo fine formaliter procedentem præceptum furandi impleatur, potest esse vitiosa, eò quod voluntas in libero suo exercitio, quod ipsi quatenus naturæ rationali competit, omittit opponere debiti finis honesti circumstantiam, de quo plura inferiùs.

Neque



Neque ex hoc solo potest fortiri bonitatem, quod sit omisio actus prohibiti; cum ut sic sit indifferens, ut procedat ex voluntate tantum vel male regulara.

Obijcies secundò. Ex purâ omissione sequetur, quod Angelus potuisset peccare in primo instanti peccato puræ omissionis, sed hoc est contra dicta in Tr. de Angelis. Ergo. Sequela probatur: quia in primo instanti habuit libertatem contradictionis, quæ pro altero extremo respicit puram omissionem; potuisset igitur in primo instanti purâ saltem omissione omittere dilectionem DEI super omnia: sed sic omittendo peccasset; siquidem in primo jam instanti habuit præceptum amandi DEUM super omnia.

Respond. neg. sequelam. Et quidem ex duplici capite: primò, quia primum practicum iudicium indifferentiæ non potuit esse defectuosum, utpotè à DEO immisum: sed iudicium illud præcedens omissionem fuisse defectuosum, quippe conjunctum cum practica negligentia advertendi ad debitum finem & præceptum. Secundò, quia in primo instanti Angelus à DEO movebatur motu vitæ supernaturalis, & circa ultimum finem supernaturalem; sed iste est motus positivus & bonus bonitate supernaturali. Ergo. Neque refert, quod in primò instanti Angelus habuerit libertatem contradictionis: habuit enim illam ut posset omittere actum dilectionis potentia antecedente, & pro sensu diviso tum efficacis motionis, tum præcepti dilectionis, concedo. Habuit potentia consequente & pro sensu composito præcepti & efficacis motionis à DEO ut causa speciali causatæ, nego.

Obijcies tertio. Si quis posset peccare per puram omissionem, tunc voluntas absque omni suo actu posset mutare suum finem ultimum: sed hoc videtur absurdum, Ergo.

Sequela est certa: nam qui peccando mortaliter sit ex iusto injustus, mutat suum finem ultimum: sed per puram omissionem aliquis peccaret mortaliter; ergo per puram omissionem absque ullo voluntatis actu posset aliquis mutare suum finem ultimum. Minor probatur. Voluntas non mutat ultimum finem, nisi tendat & se suæque convertat in finem ultimum; sed sine suo actu non tendit, nec & sua convertit in finem ultimum: ergo.

Confirmatur primò. Voluntas non potest mutare finem, nisi ipsa fuerit intentionaliter attracta & mutata à fine: sed hoc sine aliquo ipsius actu non potest intelligi, ergo.

Confirmatur secundò. Voluntas, dum peccat & mutat finem ultimum, mutatur: sed non mutatur sine suo actu ergo.

Respond. vel negando minorem, vel dist. majorem: posset absque omni suo actu formali mutare finem ultimum, concedo. Absque omni suo actu formali, quàm interpretativo, nego majorem. Et pariter dist. min. nego consequentem. Itaque cum voluntas post plenam advertentiam negligit elicere actum præceptivum, purè omitendo ipsum, in prudentem affirmationem ita se habet, ac si vellet ipsum omittere, non obstantem præcognitâ legis transgressione, & jacturâ divinæ amicitiae, ideoque hæc pura omisio

virtualiter, sive æquivalenter & interpretativè habetur pro actu, nempe voluntate, omittendi, & contemptu legis divinæ.

Ad probationem min. disting. maj. Voluntas non mutat ultimum finem positivè, nisi tendat in ipsum, concedo: non mutat negativè & interpretativè, sic nego.

Similiter ad primam confirmationem. Voluntas non mutat ultimum finem positivè nisi quando ab ipso attracta, concedo: non mutat negativè, nego. Et similiter distingo consequentem, nego consequentiam.

Ad secundam confirm. disting. maj. mutatur moraliter & theologice, concedo: in quantum nempe peccaminosam omissionem ex necessitate consequitur subtradio & privatio gratiæ & charitatis, per quam homo prius erat habitualiter ordinatus in DEUM: mutatur physicè quasi per entitativam mutationem aut gratiæ expulsionem, nego.

## §. VI.

### *Respondetur ad fundamenta opposita sententia.*

**A**D primum ex autoritate D. Th. desumptum 2. s. respondeo, S. Doct. loqui de occasionibus vel causis tantum remotis; & sic verum est, quod aliquis actus voluntatis accedat, saltem ille, quo voluntas applicat vel incipit applicare intellectum practicum ad proponendam sibi obligationem actus præceptivi, qui tamen non obstat puræ omissioni & suspensioni actus.

Ad secundum respond. primò disting. maj. 26. Nullum exercitium vitale physicum & positivum potest sine omni actu, concedo. Nullum exercitium vitale, morale, & negativum, nego maj. sed omisio libera est exercitium libertatis vitale negativum & morale, concedo. Physicum & positivum, nego minorem & consequentiam. Ratio est: quod vitale exercitium negativum, est ipsa negatio exercitii vitalis positivi, dependens tamen à voluntate, quæ, ut inquit S. Doctor, sicuti est domina sui agere, ita etiam sui non agere.

Respond. secundò cum Godoy loc. sup. cit. ne 27. gando min. quod omne exercitium libertatis, sit vel includat exercitium vitale. Cujus ratio est: quia, licet voluntas, etiam ut libera libertate contradictionis, adæquate sit entitas positiva; non tamen est adæquate principium activum, sed est etiam principium non activum, seu principium negationis actus. Ex quo sequitur non omne exercitium voluntatis, ut libera libertate contradictionis, esse quid positivum; sed prout comparatur ad ipsam ceu principium agendi, sic esse positivum; prout ad ipsam comparatur ceu principium non agendi, sic esse exercitium negativum, seu omisivum. Unde, quod voluntas sit potentia volendi, non est adæquatus sed inadæquatus conceptus ipsius; cum sit æque potentia non volendi.

Ad probationem nego paritatem inter libertatem habitualement & exercitium ipsius, seu libertatem actualem: nam libertas habitualis seu potentialis adæquate sumpta pro uno sal-

tem

tem extremo semper respicit actum positivum & viralem, atqui exercitium libertatis cum tantum terminet unam inadæquatam rationem libertatis, potest esse formaliter non vitale, siquidem voluntas ut libera libertate contradictionis, sicut secundum unam inadæquatam rationem est principium volendi, & sic exprimit vitalitatem; ita secundum alteram inadæquatam rationem etiam est principium non volendi, & sic non exprimit vitalitatem. Inquis: ergo voluntas, dum peccat per puram omissionem, habet se modo mortuo?

Respond. Si nil aliud intelligas per esse mortuum, quam carentiam actus vitalis ipsius potentie peccantis, sic non esse absurdum, quia tunc idem significat, ac voluntatem peccare nihil agendo; ipse tamen homo non dicitur peccare se habendo modo mortuo: tum quia non caret vita radicali, à principis proximis operandi vitaliter, tum etiam quia non caret actu vitali intellectus, ratione cujus voluntas sit proxime expedita ad actum secundum.

28. Ad tertium Respond. Voluntatem non quidem physice, sed moraliter transire de actu primo ad actum secundum, & omissionem fieri voluntariam in actu, in quantum voluntas, per praxiam advertentiam constituta in actu primo & potentia proxima ad ponendum actum ex intrinseca sua efficacia conjungitur cum omissione opposita illi actui hic & nunc eliciendo, si voluntas maluisset se positive ad actum, quam negative determinare ad actus omissionem.

Dices: omisso opposita actui jam erat in actu primo voluntatis, siquidem nihil aliud est, quam carentia actus: ergo ratione hujus omissionis non recte dicitur voluntas transire ab actu primo ad actum secundum.

Confirmatur. Ut omisso actus de novo fiat, necesse est illam fieri ex aliquo suo opposito tanquam termino à quo, sed nullum oppositum est assignabile; siquidem negatio & omisso actus sunt potius eadem quam opposita.

Resp. negando antecedens, & ad ejus probat. dist. antecedens, omisso actus nihil est aliud quam carentia ut egrediens à voluntate habente potentiam proximam actus oppositi, concedo: quam carentia actus absolute, sic nego: priori modo est mera negatio voluntatem ceu subiectum connotans, modo posteriori est privatio actus voluntatem ceu principium connotans, sub priori ratione est in voluntate, sub posteriori à voluntate.

Ad confirmationem nego min. & dico, quod omisso actus fiat ex sui negatione, seu non esse: nam in priori instanti & actu primo, antequam voluntas se negative determinaret ad actus omissionem, sic præcindebat tam ab actu, quam ejus omissione.

Instabis: Non datur negatio negationis, ergo si negatio actus sit ex sui negatione, sit ex affirmatione alicujus positivi.

Respond. negatio negationis absolute est affirmatio, concedo: negatio negationis sub certa ratione, nimirum, ut egrediens à voluntate, nego maj. atqui omisso actus sit ex negatione sui absolute, nego: ex negatione sui ut egrediens

ad voluntatem, concedo min. & nego consequentiam. Nam inter negationem negationis ut à voluntate egredientis & inter ipsum actum datur medium, nempe negatio existens in voluntate & ab ipsa non egrediens.

Ad quartum respondeo negando majorem: 29. cum enim pura omisso non procedat à voluntate ut est principium agendi & volendi, sed ut est principium non agendi & non volendi, idcirco ab ipsa non positive sed negative, non physice sed moraliter procedit.

Ad probat. min. pariter dist. maj. Nihil potest à voluntate positive & ut à volente procedere, nisi ad hoc voluntas sit mota & inclinata à fine, concedo: nihil potest negative & omisso ab ipsa, tanquam à non volente procedere, nego. Sicut enim tunc omisso pura est à voluntate tanquam à non agente, ita etiam à fine, tanquam à non movente: solum enim, quando voluntas movetur, petit à fine moveri.

Ad confirm. Respondeo primò. Illam nimis probare: quia probat omnem omissionem esse directe voluntariam: Non fuga mali, ut est odium v. g. in virtute boni oppositi, est directe voluntaria, sed omisso esset fuga mali in virtute boni oppositi; ergo.

Respondeo secundò negando suppositum, quod pura omisso sit fuga mali, & ex motivo retrahente: sed est omisso boni non adæquantis capacitate appetitus, idque non ex attractione motivi, sed ex intrinseca potestate voluntatis fundata in indifferenti propositione intellectus.

Dices. Voluntas in nullo suæ libertatis exercitio ferri potest extra suum objectum adæquatum, quod est bonum: sed non potest versari circa bonum nisi tendendo in illud. Respond. dist. min. non potest versari circa bonum positive nisi tendendo in illud, concedo. negative & omisso, nego.

Instabis. Voluntas per omissionem peccans: 30. debet se habere humano modo, & non brutali: atqui non omitendo finem non se habet modo humano. Ergo. Min. proinde probatur, quia ex eo distinguitur à modo brutali operandi quod operatur propter finem.

Respondeo, debet se habere humano modo penes inadæquatum distinctivum à modo brutali operandi, concedo: penes adæquatum, nego majorem, & pariter distingo min. & nego consequentiam. Duplici quippe titulo homo liberè operans distinguitur à brutali modo operandi, primò titulo libertatis, secundo titulo agendi propter finem, unde cum liberè mittit, distinguitur à modo operandi brutorum ex uno & inadæquato titulo libertatis, non autem ex altero agendi propter finem.

Adhuc dices: ut voluntas omitteret humano modo, debet omittere rationabiliter: ergo, minor probatur. Quia omittere rationabiliter est ita omittere, ut interroganti possit reddere causam & motivum suæ omissionis, quod non potest nisi omittat propter finem.

Respond. neg. min. & ad ejus probationem dist. rationabiliter omittere est ita omittere in aliquo sensu, concedo: in omni nego. Quia ly ratio-



rationabiliter potest habere triplicem sensum, primò ut significet omittere conformiter ad rationem : Secundò, omittere ex motione finis. Tertiò omittere omissione supponente & conno-

tante pro regula iudicium rationis indifferens : quamvis ergò primo & secundo modo pura ommissio non sit rationabilis, est tamen in tertià & postrema acceptione.

## ARTICULUS III.

*An ut omisio, ejusque effectus sit interpretatiue voluntarius, requiratur obligatio ponendi actum oppositum?*

## SUMMARI A.

1. Status questionis exponitur.
2. Ut omisio sit imputabilis requiritur obligatio ponendi actum oppositum.
3. Non item ut sit voluntaria.
4. Eliditur evasio Advers. de dominio in potentia.
5. Quomodo actus sit debitus inesse subjecto, ut ejus omisio sit privativa?
6. Nullius rei omisio est voluntaria, nisi evinsatur advertentia.
7. Ut effectus ex omissione sentius sit voluntarius omittere requiritur obligatio.
8. Ratio a priori.
9. 10. Ratio ab absurdis.
11. Objectiones 12. solvuntur.

## S. I.

*Defenditur voluntaria omisio sine obligatione.*

1. **D**uplex & distincta est questio, una de omissione, altera de effectu, quæ ex omissione sequitur. Et queritur de utroque, an aliqua legis obligatio ad hoc sit necessaria, ut vel omisio, vel effectus inde secutus accipiant rationem voluntarii. v. g. an illi, qui nullam habet obligationem audiendi Sacrum, omisio Sacri sit voluntaria, si illo tempore deambulet, videns ex hæc suâ deambulatione securam omissionem Sacri : Nam si illa omisio non cognoscatur, nullum erit voluntarium, cum hoc necessario requirat cognitionem. Ad neutrum obligationem requirit Amicus, Rasler & Th. Sanchez. Ad utrumque Medina & Gonet. Ad effectum omissionis voluntarium requirit obligationem, non ad voluntariam omissionem Jo. à S. Th. Gibbon, Contensonus, Godoy, Rhedings. Ubi totus cardo questionis vertitur in assignandâ illâ ratione, vi cuius omisio, & effectus inde secutus habeant connexionem & dependentiam à voluntate, ut voluntarii dici possint. De quo sit
2. **CONCLUSIO prima.** *Ut omisio sit imputabilis in culpam, requiritur, ut voluntas debuerit agere : ut verò sit voluntaria, sufficit, quod non egeris, cum tamen proxime poterit agere.*  
Ratio primæ partis est : quia ubi nulla est prævaricatio legis, nulla est imputatio in culpam : sed ubi nulla est obligatio legis, nulla potest esse prævaricatio ipsius : ergò tunc etiam nulla potest esse imputatio in culpam.
3. Ratio secundæ partis est ex S. D. hic. Illud est voluntarium cuius domini sumus, & quod est in nostrâ potestate : atqui etiam sine obli-

gatione Sacrum omittere, v. g. tempore quo studemus, est in nostrâ potestate, nosque sumus domini illius omissionis : ergò hæc omisio est voluntaria.

Respondent : cuius actu Domini sumus, illud nobis esse voluntarium in actu, & illud cuius Domini sumus in potentia, etiam esse nobis voluntarium in potentia : & sic omissionem Sacri esse voluntariam student illo tempore in potentia, quia nimirum continetur in potestate voluntaris tanquam in causâ ; non autem esse actu voluntariam, quia voluntas sine obligatione nullam exercet causalitatem respectu ipsius, ac proinde non facit illam à se actu dependere.

Sed contra est primò. Ut aliqua negatio fiat indirecte voluntaria, sufficit, quod necessario connectatur cum actu directe voluntario, ex quo secutura cognoscitur : sed etiam si absit obligatio, omisio Sacri necessario connectitur cum actu studendi, & cognoscitur ex illo secutura. Ergò, Major probatur : Hoc ipso quod generans inducit formam in materiam, quæ est incompossibilis cum omni aliâ formâ, causat in materia indirecte absentiam & privationem aliarum formarum. Item hoc ipso malicia alicuius actus sit indirecte volita, quia infallibiliter connectitur cum objecto delectabili directe volito. Ergo dum voluntas liberè & cum cognitione causat actum impossibilem cum auditione Sacri, etiam indirecte & actu causat omissionem Sacri.

Contrà est Secundò. Omisio non potest fieri actu indirecte voluntaria ratione alicuius quod est extrinsecum voluntati : sed obligatio est extrinseca voluntati, & tenet se ex parte legis : ergo obligatio non potest esse ratio, cur omisio fiat actu voluntaria.

Contrà est Tertiò. Obligatio supponit voluntarium liberum : ergo non causat :

Neque dicas : Supponit voluntarium in potentia, concedo, actu, nego. Nam moralitas quæ nascitur ex obligatione præsupponit voluntarium etiam in actu : potest enim actus concipi voluntarius & liber priusquam concipiatur bonus vel malus, nisi concipiatur etiam actu voluntarius & liber : ergo etiam prius concipitur voluntarium indirectum actu, quam concipiatur obligatio ; siquidem ista non est constitutum voluntarii, sed moralitatis.

Contrà est quartò, præsertim in suppositione putæ omissionis : Ideo omisio est voluntaria, quia pendet à voluntate, quæ propter libertatem

tatem contradictionis æquæ est domina sui non velle, quàm sui velle; sed hoc dominium & libertatem habet independentem & præsuppositivè ad obligationem. Ergo.

## §. II.

*Objectiones solvuntur.*

5. **O**bjicies primò. Ut aliqua omisio sit indirectè voluntaria, debet interpretativè contineri in aliqua actione, quæ est impossibilis cum actu opposito omissionis, v. g. ut omisio Sacri sit indirectè voluntaria, debet contineri in actu lusus, vel studii, qui simul sit impossibilis cum auditione Sacri. Sed hoc fieri non potest sine aliqua obligatione. Ergo. Major inde videtur admittenda, quia hoc est indirectè voluntarium, quod habet connexionem cum alio directè voluntario; sed nisi omisio Sacri saltem interpretativè contineatur in actu studii v. g. non apparet aliqua connexio, ergò. Minor quoque probatur: ut omisio Sacri contineatur in actu studii sique non merè negativa sed privativa, tunc debet actus oppositus, nimirum auditio Sacri, esse debitum inesse subjecto; nam aliis actus studii haberet se merè concomitanter & per accidens ad auditionem Sacri; & omisio Sacri non esset absentia formæ debitæ inesse subjecto, sed si absit obligatio audiendi Sacrum, studium merè concomitanter se haberet ad omissionem, & ipsa omisio non esset absentia formæ debitæ inesse subjecto, ergò.

Respond. primò ex hypothese sententiæ admittentis puram omissionem, negando maiorem tam argumenti quàm probationis. Quia ut omisio sit indirectè voluntaria, sufficit, ipsam connecti cum voluntate suspendente & retrahente influxum directum in actum oppositum, ad quem hic & nunc fuit proximè expedita.

Respond. secundò, permittèsa maiore negando minorem; & ad probationem dist. maiorem; debet actus oppositus, nimirum auditio Sacri esse debitum inesse subjecto, per ly debitum intelligendo debitum legale, vel morale obligationis, nego. Hoc ipsum enim est in questione: intelligendo debitum quasi naturale physice dispositionis, & proximè possibilitatis, concedo. Nam privatio à Philosopho definitur absentia formæ in subjecto apto, sed quado subjectum, nempe voluntas est disposita ad aliquem actum per præviam advertentiam, jam est proximè apta habere aliquem actum, & sic omisio opposita jam est absentia formæ in subjecto apto.

Instabis. Ista dispositio tantum facit, ut voluntas possit agere; atqui secundum S. D. hic q. 6. a. 3. ut omisio sit indirectè voluntaria, non sufficit posse, sed requiritur insuper debere agere: *Voluntas*, inquit, *volendo, & agendo potest impedire hoc, quod est non velle & non agere, & aliquando debet*; ideo non velle & non agere imputatur ei, quasi ab illa existens.

Respond. S. Doctorem manifestè loqui de voluntario indirecto non quà libero, sed insuper quatenus imputabili in culpam.

6. **O**bjicies secundò. Si impossibilitas omissionis v. g. studii cum auditione Sacri esset suf-

ficiens causa, quòd omisio Sacri esset voluntaria studenti, penè infinitarum rerum omissiones eidem essent voluntariæ, tot nimirum actuum, quot sunt impossibiles cum actu studii: sed hoc videtur ridiculum, ut v. g. homini dormitum concedenti voluntariæ sint omissiones omnium actuum, qui vigiliam requirunt.

Respond. negando sequelam; quia illorum solummodo actuum omissiones sunt voluntariæ, quorum ut mox possibilem adest in intellectu practica confusa vel explicita advertentia, quod enim nullo modo cognitum, etiam non est voluntarium: unde, qui voluntariè somnum capit, indirectè tantum vult omissionem illorum actuum, quos saltem confusè cognoscit hic & nunc somno impediendos.

Instabis. Illa advertentia tantum proponit auditionem Sacri v. g. ut possibilem eligi, non ut actu eligendam, sique tenet se ex parte potentie & actus primi: ergò non potest esse ratio, cur omisio Sacri sit magis voluntaria in actu, quàm in potentia.

Respondeo neg. antecedens: nam advertentia rationis proponit auditionem Sacri pro sequenti instanti etiam actu eligendam, non ex obligatione, sed ex suppositione, si ita voluntas se determinaverit: unde etiam distingui potest consequens. Ergò advertentia ut præsupposita ad actuale impedimentum audiendi Sacrum non facit voluntarium in actu, concedo: ut conjuncta cum actuali & voluntario impedimento, nego: tunc enim omisio jam est indirectè à principio intrinseco nempe voluntate, & cum cognitione finis, nimirum cum advertentia rationis.

## §. III.

*Resolvitur questio de effectu ex omissione secuto.*

**CONCLUSIO** secunda. *Ut effectus ex omissione secutus verè sit indirectè voluntarius omissæ actioni, requiritur præceptum & obligatio ponendi actum, ex cuius omissione sequitur ejusmodi effectus.*

Probant aliqui autoritate S. D. hic q. 6. a. 3. in c. dicentis: *Sciendum, quod non semper id, quod sequitur ad defectum actionis, reduci- tur sicut in causam in agens ex eo quod non agit, sed solum tunc cum potest & debet agere*; Ergo ex mente D. Th. non sufficit proxima potentia ad agendum oppositum, sed ulterius requiritur debitum seu obligatio ponendi actum oppositum omissioni.

Verùm hæc autoritas parum favet, cum enim S. D. hoc ipsissimo loco non tantum loquatur de effectu secuto, sed etiam de ipsa omissione, sequeretur quòd etiam ad omissionem voluntariam obligatio requireretur, quod tamen paulò antè negavimus. Igitur S. D. ibidem tantum loqui videtur de voluntario imputabili in culpam.

Probatur ergo ratione primò. Quando ex parte voluntatis nullum reperitur principium intrinsecum, quo physice vel moraliter influat in aliquem effectum, cumque reddat voluntarium,



rium, recurrendum est ad aliquod principium extrinsecum, ratione cuius saltem moraliter & interpretativè talis effectus à voluntate procedat & dependeat; sed in voluntate omittente aliquem actum indebitum nullum reperitur ejusmodi principium: ergo recurrendum est ad aliquod principium extrinsecum, ratione cuius effectus ille connexionem ac dependentiam moralem à voluntate accipiat. Atqui nullum ejusmodi est assignabile, præterquam obligatio præcepti ad ponendum actum oppositum omissioni: ergo sine hæc effectus non potest esse voluntarius. Major claretur ex terminis. Minor probatur. In primis negationes non habent virtutem physicam causativam effectus ut per se patet; sed neque moralem: hæc enim alia non esset, quàm quòd daretur sufficiens fundamentum prudenter arbitrandi, quòd talis effectus v. g. submersio navis à voluntate dependeat: sed absque obligatione præcepti nullum est tale fundamentum: ergo minor probatur: sublata obligatione effectus non sequitur ex vi omissionis, estque præter imò sæpe contra intentionem omittentis: v. g. submersio navis, quæ directè sequitur ex violentiâ fluctuum, non sequitur ex omissione gubernationis in eo qui non habet obligationem, quantumvis artem gubernandi calleat; ergo nullum est fundamentum, cur censetur à voluntate procedere, vel dependere. Tam antecedens quàm consequentia deducitur ex doctrina Thomistarum adversantium; qui omnes negant DEUM esse causam peccati per denegationem auxiliorum efficacium, quantumvis videat iis denegatis hominem infallibiliter peccaturum, eò quòd peccatum non sequatur ex vi negationis auxiliorum sed ex vi liberi arbitrii defectuosè operantis: ergo similiter submersio navis (eadem est ratio de aliis) non potest adscribi voluntati tanquam causæ, in eo qui nullam habet obligationem navim gubernandi, eò quòd submersio non sequatur ex vi omissionis, sed cum ea solum per accidens conjungitur. Unde

9. Probatur secundò ab absurdis. Sequitur enim, omnia peccata hominum & Angelorum esse DEO voluntaria, quod tamen piz aures abhorrent; siquidem ea per auxilium gratiæ efficacis impedire poruisset.

Respondet Amicus, non esse absurdum, cum addito directè, peccata permissivè esse DEO voluntaria. Sed contra. Tamest permittenti & impedire omittenti permissio sit voluntaria, hæc tamen est insufficiens ut propterea res permissa dicatur voluntaria permittenti, cum multi defectus à Superioribus ex rationabili causa permissi sint ipsis prorsus involuntarii, uti & peccata DEO. Vel ergo per rō permissivè voluntarium intelligis permissionem esse voluntariam, & tunc exera rem: vel ulterius intelligis præter permissionem ipsa peccata esse voluntaria, & tunc manet absurditas sequelæ.

10. Insuper sequitur, eum qui omitteret aliquam

actionem ad quam nullo præcepto obligatur, v. g. cilicium, disciplinam, quæ posset impedire impuros motus, ex quibus pollutio sequitur, eundem peccaturum peccato mollietati. Sequela probatur: omnis voluntaria pollutio est peccaminosa & intrinsecè mala: sed in hoc casu pollutio esset voluntaria secundum fundamenta Adversariorum; ergo esset intrinsecè mala & peccaminosa. Unde à fortiori sequitur, eum qui prosequeretur actionem honestam, cujus prosequendæ jus habet, cum periculo tamen securæ pollutionis absque suo consensu, nihilominus peccaturum moraliter, eò quòd non removeat causam, ex quâ effectus iste per accidens sequitur, quod tamen est contra communem Theologorum. Dices fortè: pollutionem directè voluntariam esse intrinsecè malam, non item voluntariam indirectè. Contrà est: quòd etiam indirectè voluntaria sit intrinsecè mala, quando subest proximum periculum consensu; quia tunc adest obligatio præcepti ad omittendum actum, aliàs ex sua specie licitum: ergo quòd aliquando non sit mala, ideo est, quòd non sit voluntaria, non quòd sit voluntaria indirectè.

## §. IV.

*Solvuntur objectiones.*

**O**bjicies primò. Qui vult causam & antecedens, vult etiam effectum cum causa connexionem, si videat illum exinde securum: sed omissio est suo modo causa effectus subsecuti: quia sine eà non sequeretur, & illa posita prævidetur securum: ergo, cui omissio est voluntaria, eidem quoque effectus ex tali omissione secutus est voluntarius.

Respondeo primò, distinguendo majorem: si effectus sequatur per se, & ex vi illius causæ vel antecedentis, concedo majorem; si non ex vi illius antecedentis, sed alterius causæ, & per accidens, nego majorem; & sic distinctà minore, nego consequentiam. Secundò nego minorem enim, ut aliquid sit causa, sufficit, quòd sine ea effectus non sequeretur.

Objicies secundò. Ut effectus omissionis sit imputabilis in culpam, sufficit illum fuisse prævisum in omissione conjuncta cum obligatione non omittendi actum oppositum: ergo ut sit sine imputabilitate voluntarius, sufficit ipsum fuisse prævisum in omissione non conjuncta cum obligatione non omittendi.

Resp. negando consequentiam: nam sine obligatione non solum deest sufficiens principii imputabilitatis, sed etiam voluntarii interpretativi, ut antea ostendimus. Si dicas: in omissione imputabilitas ad peccatum præsupponit voluntarium: ergo etiam in effectu, Respondeo disparatè esse, quòd in omissione adest principium intrinsecum idque necessariò præsuppositum; nempe vis dominativa voluntatis, in effectu verò nullum intrinsecum haberi potest, sed tantum extrinsecum & morale, quod est obligatio.



## DISPUTATIO VI.

DE

## Voluntario libero.

**V**oluntario in communi & genericè considerato, subnectimus præcipuam speciem ipsius, nempe voluntarium perfectum & liberum, actibus hominis proprium, cujus præliminaris notitia multum conducit ad expediendas difficultates in Tract. de gratia & merito occurrentes.

## ARTICULUS I.

## De existentia &amp; essentia libertatis.

## SUMMARIÀ.

1. Triplex acceptio libertatis juxta oppositionem cum servitute, coactione, necessitate.
2. Quid indifferentia contrarietatis & contradictionis?
3. Quid indifferentia privativa & negativa?
4. Quid indifferentia potentialis & actualis?
5. Activa, non passiva indifferentia est de essentia libertatis.
6. Doctrina fidei de existentia liberi arbitrii.
7. Libertas est formaliter in sola voluntate.
8. In intellectu verò radicaliter.
9. Est formaliter etiam in actu voluntatis.
10. Libertas potentialis adequatè identificatur cum voluntate.
11. Nec minus libertas actualis est adequatè intrinsicè actui voluntatis.
12. Et identificata cum illo.
13. Deducitur doctrina de actu dilectionis in Christo.
14. Vindicantur Bannes & Alvarez à calumnia.
15. Definitio libertatis.

## §. I.

## Acceptiones libertatis &amp; indifferentia.

- I. **N**omen libertatis triplici sensu accipitur. Primo prout opponitur servituti, sive civili, de qua loquuntur jura, sive morali servituti peccati, de qua 2. Petr. 2. Ille est servus peccati, qui facit peccatum. Et Rom. 6. Libertas a peccato servi falli estu justitia.

Secundò, prout opponitur coactioni ab extrinseco, quâ libertate gaudent omnes actus voluntatis elicti, quantumvis necessarij; siquidem omnes spontanei sunt & voluntarii.

Tertiò propriè hoc loco accipitur, prout opponitur necessitati, sicque essentialiter dicitur quandam indifferentiam ad actus, terminos, objecta contrariè (si est indifferentia, vel libertas contrarietatis, & quoad specificationem) opposita, ut amorem & odium, bonum & malum &c. vel ad terminos & objecta contradictionis (si est indifferentia vel libertas contradictionis, & quoad exercitium) opposita, ut agere, non agere; amare, non amare.

- Ipsa quoque indifferentia variè dividitur:

nam ut prætermittam modò insinuatam divisionem in indifferentiam contrarietatis & contradictionis, indifferentia aliquando est passiva, si sit indeterminatio ad aliquid recipiendum: aliquando activa, si ad aliquid agendum: aliquando partim activa, partim passiva, si sit utroque modo indeterminata uti voluntas humana respectu suorum actuum elictorum.

Secundò dividitur indifferentia in privativam 3. & negativam, quæ posterior aliquando etiam positiva, vel objectiva vocatur. Negativè indifferens dicitur, quod ex se non magis est determinatum ad hoc objectum quàm ad illud, uti DEUS in priori signo rationis ante decretum creandi mundum, potest concipi negativè indifferens, eò quod ex se non sit magis determinatus ad productionem quàm non productionem mundi. Privativa indifferentia dicitur carentiam utriusque actus oppositi, v.g. volendi, nolendi. Negativa verò consistit cum ipsomet actu.

Tertiò dividi potest indifferentia in potentialem & actualem. Potentialis incidit cum privativa, & dicitur puram potentiam sive actum primum indeterminatum ad actus oppositos. Indifferentia actualis (de qua potissima est difficultas) dicitur actuale exercitium liberi arbitrii ad alterutrum oppositum.

Si jam quæras: quænam indifferentia ex modo relatis sit essentialis libertati? paucis cum Alvarez lib. 12. de auxil. & com. Thomist. Respondendo. Non passivam vel potentialem sed activam & actualem, non privativam sed negativam, contradictionis non contrarietatis, esse de ipsius essentia. Ratio est: Libertas, tanquam perfectio simpliciter simplex, formaliter & secundum suam essentiam reperitur in DEO: sed indifferentia passiva & potentialis non reperitur in DEO, velut ostendimus in Tract. de DEO: reperitur verò indifferentia negativa, activa, actualis, contradictionis. Ergo non illa sed ista est de essentia libertatis.

## §. II.

## Existentia &amp; subiectum Libertatis.

**D**ari liberum hominis arbitrium, & ex illo actum liberum, non tantum prout opponitur



natur coactioni, sed etiam necessitati, fides docet, definita inprimis contra Stoicos & Manichæos; inevitabili necessitati fatalis jugo omnia subiectentes, in Concilio Bracharenfi 1. c. 9. & contra Lutherum & Calvinum liberum arbitrium peccato Adami extinctum asserentes, in Trident. Sess. 6. can. 5. Fundamentum primum est à S. Scripturæ locis plurimis, ut Deut. 30. v. 19. Gen. 4. Eccl. 31. v. 10. &c.

Ratio est primò à priori: Voluntas tanquam potentia cæca sequitur ductum intellectus; ita ut si intellectus exhibeat omnimodum rationem boni (quod adæquatum est voluntatis objectum) totum quoque trahat appetitum: si non exhibeat omnimodum, sed aliquam admixtam rationem mali, hoc ipso non trahit totum appetitum: atqui intellectus non repræsentat in objectis particularibus omnimodam rationem boni, cum nulla ex istis habeat necessariam connexionem cum bono in communi, & hoc ipsum experientia doceat: Ergò etiam voluntas circa nullum objectum particulare necessitatur.

Ratio est secundò à posteriori: si non daretur liberum arbitrium, nulla essent hominum merita vel demerita: sed consequens est absurdissimum, & contra omnem mortalium sensum, teste D. Augustino lib. de duab. anim. c. 11. Unde dicerem, neminem vituperatione, supplicio dignum, qui id non faciat quod facere non potest. Nonne ista cantant & in montibus Pastores, & in theatris Poetæ, & docti in circulis, & docti in Bibliothecis, & Magistri in scholis, & Antiquarii in sacris locis, & in orbe terrarum genus humanum.

7. Porro liberum arbitrium seu libertas formaliter in solâ voluntate, radicaliter verò reperitur in intellectu. Ratio primi est, quòd illi potentie competit formalis libertas, quæ ex suapte natura invenit in proprio objecto objectivam indifferentiam: sed hanc in suo objecto connaturali invenit voluntas, non autem intellectus; ergo. Minor probatur: Bonum contractum ad inferiora in particulari habet objectivam indifferentiam; eo quòd semper habeat admixtam rationem mali, cæsi, quâ parte trahit, ex altera terreat appetitum. Sed voluntas per suos actus versatur circa bonum particulare & contractum: Ergò.

Adde, quòd nullibi magis resplendeat libertas, quàm in electione, qui est proprius actus voluntatis; & quòd independenter ab actu & influxu voluntatis nullus actus denominationem liberi sortiatur.

8. Cæterum, quòd libertas in intellectu formaliter reperiri non possit, Ratio est: quia objectum intellectus perfectè cognitum, non relinquit indifferentiam ad assensum, vel dissensum, vel utriusque omissionem. Aut enim objectum apparet omnino verum, aut falsum, aut dubium, aut probabile. Si omnino verum, intellectus est determinatus ad assentiendum: si plane falsum, est determinatus ad dissensum: si dubium, tunc hæret inter assensum & dissensum: si probabile, tunc ambiguitas intellectus tollitur per impulsum voluntatis. Radicaliter nihilominus indifferentia reperitur in intellectu: quia

voluntas tanquam cæca potentia non alia de causa ferretur indifferenter in suum objectum, nisi quia illud ab intellectu partim sub ratione boni, ex quâ possit appeti, partim cum defectu bonitatis, ex quo respui possit, proponitur; ideoque formalis indifferentia voluntatis originatur & radicitur in iudicio intellectus indifferenter proponente objectum.

Non autem minùs formaliter libertas reperitur in actu quàm in potentia voluntatis. Nam primò: Non minùs actus liber intrinsecè differt à necessario, quàm potentia libera intrinsecè differt à necessaria: ergò sicuti libertas est intrinsecè potentie, sic etiam actui. Secundò: Libertas divina est actui divino adæquatè intrinsecè, ut dictum in 1. p: ergo etiam creata libertas in actu secundo est actui adæquatè intrinsecè. Tertiò: In actu secundo debet relucere perfectio, quæ continetur in actu primo, ideoque, & actus potentie necessariæ habet intrinsecam necessitatem, & actus potentie vitalis intrinsecam vitalitatem: ergò etiam exercitium actuale potentie liberæ quâ talis debet esse formaliter liberum.

### §. III.

#### Entitas & definitio libertatis.

Hinc intelliges, libertatem potentialem & in actu primo aliud non esse, quàm virtutem & efficaciam electivam voluntatis ab ipsa realiter indistinctam, quæ in obliquo connotat objectivam iudicii indifferentiam, tanquam radicem essentialem, ac proinde esse voluntati adæquatè intrinsecam. Ratio est, quia posita objectivâ rationis indifferentiâ, hoc ipso formaliter & secluso omni alio voluntati ab intrinsecò competit independentia dominativa & electiva, ut possit vel per prosecutionem in illud tendere, vel illud fugiendo respiciere; siquidem ipsius intrinsecæ proportio & capacitas à tali objecto non expletur: sed hæc dominativa & electiva independentia est ipsamet libertas: ergò.

Sed quid dicendum de libertate actuali, quæ videlicet reperitur in actibus elicitis voluntatis? Molina vult esse denominationem extrinsecam; Thomistæ communiter, esse perfectionem intrinsecam, quam multi in censum referunt entitatum modalium. Respondeo cum Gibbone disp. 9. dub. 4. esse perfectionem actui voluntatis adæquatè intrinsecam, & ab illo indistinctam, ita ut in recto dicat actum voluntatis, in obliquo verò connotet electivam & dominativam voluntatis efficaciam regulatam per iudicium objectivè indifferens, vi cuius iste actus voluntatis potuisset absolute non poni.

Ratio est primò. Actus principii necessarii habet intrinsecam necessitatem, & actus potentie vitalis habet intrinsecam vitalitatem, quia in actu secundo debet intrinsecè relucere perfectio, quæ continetur in actu primo: ergo ex eodem capite actus potentie intrinsecè liberæ habet intrinsecam libertatem.

Secundò. Non minùs actus liber intrinsecè differt à necessario, quàm potentia libera differt à necessaria: sed ista differt intrinsecè: ergò & ille.

Terriò. Libertas divina, tanquam perfectio simpliciter simplex & adæquatè increata, est actui divino adæquatè intrinseca (cùm non detur in DEO libertas per modum actus primi, ut ostendimus in tract. de DEO.) ergo etiam libertas participata in actu secundo est actui adæquatè intrinseca.

12. Hanc ipsam porro perfectionem esse realiter indistinctam ab actu libero, præter universalem rejectionem entitatarum (quam ex Philosophia, suppono,) probatur: Sicuti potentia activa formaliter constituitur agens in actu secundo per ipsum exercitium agendi, ita potentia in actu secundo libera formaliter constituitur per exercitium libertatis: sed exercitium libertatis habetur & concipitur pro illo instanti, pro quo concipitur actus egrediens à potentia indifferenti, & regulata per indifferens iudicium rationis præsuppositivè ad quemcunque modum vel respectum &c. Ergo totus conceptus libertatis in actu secundo salvatur per ipsummet actum elicium, quatenus connotat iudicium indifferens, seu essentialem suam regulam & radicem, quæ ablata mox definit tribuere denominationem liberi. Sicut ergo in multorum Philosophorum sententia veritas est intrinseca perfectio cognitionis, quæ tamen in recto nihil dicit ab ipsa cognitione distinctum, sed hoc ipso, quod objectum extra cognitionem existens ita se habeat, prout cognitio illud enunciat, tribuit denominationem veri; si aliter existat, tribuit denominationem falsi: ita libertas est intrinseca perfectio in actu elicito voluntatis, ut nihil in recto dicat ab ipso actu realiter distinctum: sed actus ipse, quamprimum connotat propositionem indifferentem intellectus, tribuit denominationem liberi; hæc remota tribuit denominationem necessarij. Unde sicut in illorum Philosophorum sententia, mutata connotatione objecti, idem actus potest ex vero transire in falsum, ita idem actus voluntatis, mutato iudicio intellectus seu necessario connotato, potest ex necessario in liberum, vel ex libero transire in necessarium: veluti cùm moribus primò primis accedit deliberatio; vel cùm actus charitatis in ultimo vitæ instanti liber necessariò continuatur in patriam.

13. Hinc intelliges primò: cur multi Theologi probabiliter admittant, eundem actum dilectio-

nis in Christo, simul fuisse & liberum, quatenus erat actus vatoris, regulatus lumine scientiæ infusæ; & necessarium, quatenus erat actus comprehensoris regulatus lumine gloriæ. Eadem quippe entitas juxta diversa connotata potest tribuere diversas denominationes: unde si in Christo compossibile fuit duplex iudicium, unum, quo sine indifferentia vi luminis gloriæ; alterum, quo cum indifferentia vi scientiæ infusæ repræsentabatur amabilitas Divinæ bonitatis, non est, cur juxta hæc diversa connotata idem actus dilectionis non possit simul tribuere denominationem liberi & necessarij.

Intelliges secundò. Ab Ylamberto & Petro à S. Joseph immeritò imponi Bannes & Alvarez, quasi totam liberi arbitrii indifferentiam collocarent in indifferentia iudicii, non autem in voluntate: non enim formalem sed radicalem solum indifferentiam tribuunt iudicio intellectus, ut ex ipsorummet verbis ostendit Illustrissimus Rhedings hic q. 3. a. 2. controv. 2. a. 6. & 7.

Sic exposita humani arbitrii libertate nunc definitionem inspiciamus. Definiunt Thomistæ, quòd sit *Dominium sui actus ad opposita, vel facultas voluntatis & rationis ad utrumlibet*. Cujus definitionis sensus est; quòd libertas importet independenciam agentis ab objecto, vi cuius potest versari, vel actu ita versatur circa unum objectum, ut æquè possit versari circa oppositum. Unde juxta hanc definitionem, actus liber ille erit, qui procedit a facultate, seu a voluntate indeterminata ad utrumlibet.

Communior est altera definitio; libertas est *facultas, qua possit omnibus requisitis ad agendum potest agere, & non agere*. Et actus liber est, qui procedit a suo principio, ut possit omnibus prærequisitis potuerit non procedere. Quæ quidem definitio duas includit difficiles & celebres quæstiones. Primò, quænam sint illa requisita ad agendum, & an inter illa divina physica præmotio sit computanda? Secundò, utrum ly posse agere & non agere, sit accipiendum in sensu composito, vel diviso? ad quas quæstiones dum Thomistæ & Molinistæ diversissime respondent, etiam hæc data definitio ab utraque parte in certo sensu acceptatur, in alio repudiatur: ut utrique difficultati satisfaciat, sit

## ARTICULUS II.

*An inter necessaria requisita ad agendum sit prædeterminatio physica?*

### SUMMARIÆ.

1. In quibus RR. cum Thomistis conveniant & discrepent?
2. Expositio physica prædeterminationis.
3. Adstruitur prædeterminatio auctoritate S. Scripturæ & Conciliorum.
4. Expenditur efficacia illarum auctoritatum.
5. Motio asserta a Script. & Concil. non est simultanea:
6. Nec tantum moralis,
7. Locus S. August. contra motionem moralem,
8. Et simultaneum tantum concursum.
9. Prima conditio prædeterminationis, ut sit applicatio virtutis ad operandum, ostenditur ex D. Th.
10. Item secunda conditio, ut sit prævia,
11. Ac tertia, ut non sit tantum moralis, sed physica.
12. Fusi-



12. *Fundamentum prædeterminationis est essentialis & physica dependentia omnis entis creati à causa prima.*
13. *Et causalitas physica cause prime.*
14. *Certitudo prædestinationis, & efficacia gratia.*
15. *Prioritas dignitatis & universalitatis non salvat dependentiam cause secundæ.*
16. *Neque decretum applicativum omnipotentia.*
17. *Prædeterminatio se habet per modum qualitatis fluentis.*
18. *Thomistica doctrina prædeterminationis toto calo distat à Calvinismo.*
19. *Concursus indifferens inutilis & implicatorius.*
20. *Exponitur objecta authoritas S. Script.*
21. *Expenditur locus Jo. Damasceni :*
22. *Et D. Augustini.*
23. *Ad objectus querelas Corozaitarum respondetur.*
24. *Adversariorum replica eliditur.*
25. *Querelam istam jam D. Augustinus amovit.*
26. *Objecta quedam loca ex S. D.*
27. *Aut nihil probant, aut nobiscum contra Adversarios loquuntur.*
28. *Prædeterminatio non obstat divinis exhortationibus :*
29. *Nec est causa desperationis.*
30. *Prædeterminatio nū est determinatio causalis, ita est casualiter, non voluntaria formaliter.*
31. *Insufficientia concursus moralis ostenditur.*

## S. I.

## Sententia Thomistica.

1. **P**RO melius penetrando statu quæstionis sciendum, in quibus Thomistæ defensores prædeterminationum, cum Molinistis & Scientiæ medix assertoribus conveniant, in quibus discrepent. Conveniunt primò, quòd aliquod liberum decretum DEI circa nostras liberās actiones sit necessarium. Secundò, quòd operatio libera debeat aliquo modo dependere à causa prima. Terriò, quòd DEUS concurret physicè concursu simultaneo. Quartò, quòd ad bonam actionem voluntas à DEO moraliter præmoveatur. Quintò, quòd ipsa voluntas creata se determinet ad operandum. Hæc omnia certa sunt inter Catholicos D. D.

Discrepant autem primò, quòd Thomistæ divinis decretis tribuant intrinsecam & absolutam ex parte actus efficaciam, quā independentem ab omni suppositione consensūs, vel liberæ determinationis nostræ in scientia media prævisæ, DEUS liberās nostras actiones prædestinat. Quod negant scientiæ medix Patroni. Secundò quòd illi velint ejusmodi efficaci decreto in tempore respondere efficacem executionem, seu motionem divinam, quæ non tantum simul cum voluntate operetur, sed eandem præterea efficaciter excitet ad operandum. Unde terriò docent, quòd ista motio sit verè realis & physica, naturā prior quā libera operatio: utpote causalitas causæ primæ, ratione cujus operatio creata à primo agente dependet. Quam eā de causā quòd liberam voluntatis determinationem

prioritate naturæ præveniat, antiquò & minimè novo nomine prædeterminationem appellant. Hæc autem omnia pro paradoxis libertatis humanæ impediementis habentur à Molinistis.

Ne porro nescio quòd spectrum live mon-  
strum tibi imagoeris in physica præmotione seu prædeterminatione ( tam gratiosè mirum aliquando prædeterminatio à suis impugnatoribus depingitur ) en ! genuinam ipsius descriptionem. Est physica & realis motio, à solo DEO procedens, causa creata transiēnter impressa, & prioritate natura præcedens ipsius operationem, per quam causa creata efficaciter excitatur & applicatur ad operationem, conformiter suæ naturæ eliciendam.

Dicitur primò, physica motio, ut distinguatur à motione tantum morali & objectiva, quæ tantum est propositio objecti ad modum consilii vel suasionis.

Dicitur secundò, à solo DEO procedens: quia est causalitas causæ primæ quā talis, realiter ab actu voluntatis aut alterius causæ creatæ distincta; unde differt à concursu simultaneo, qui non distinguitur ab operatione causæ creatæ, sed simul ab ipsa procedit. Dicitur terriò, transiēnter impressa: ut significetur, illam non se habere per modum qualitatis & principii permanentis, sese tenentis ex parte actus primi, sed per modum virtuosæ motionis, quæ pro immediato termino respicit operationem & pertinet ad actum secundum. Dicitur quartò, prioritate natura præcedens: quia cum se teneat ex parte actus secundi, sitque ipsa applicatio virtutis activæ ad operandum, secundum temporis durationem semper cum ipsa operatione conjungitur. Dicitur quintò, causam creatam efficaciter applicans; quo indicatur, quòd præmotio non de posse operari, sed illud supponat sitque unicuique ipsius munus, ut causam, præcipue liberam, reducat ad actum secundum operandi. Dicitur sextò, convenienter suæ naturæ, nempe ad liberè operandum, si est causa libera; (& tunc propriè vocatur prædeterminatio) ad necessariò operandum, si est causa necessaria: prædeterminatio quippe nec dat nec tollit posse liberè operari. Non dat, quia supponit, & est posterior ipso posse: non tollit, quia ex se infert & causat actum convenientem naturæ liberæ, qualis est tantum actus elicitus cum indifferētia & potentia ad utrumlibet. Hispositis

**CONCLUSIO.** Ad omnem actum liberum 3. essentialē requisitum est physica prædeterminatio. Ita Schola Thomistica, & plurimi quos referunt & sequuntur Salmanticenses in p. tr. 3. d. 10. dub. 8. Probatur primò S. Scripturæ & Conciliorum autoritate. Nam Proverb. 21. dicitur: *Cor regis in manu DEI, sicut divisiones aquarum, quocunque voluerit, vertet illud.* Ezech. 36. *Spiritus meus ponam in medio vestri, & faciam, ut in preceptis meis ambuletis.* &c. Philip. 2. *DEUS est, qui operatur in nobis velle & perficere.* Consilium Arausicanum Can. 9. *Quoties, inquit, bona agimus, DEUS in nobis & nobiscum, ut operemur, operatur.* Tridentinum contra Calvinum & Lutherum Sess. 6. can. 4. anathema dicit, *si quis dixerit, liberum hominis arbitrium, à DEO*

DEO motum & excitatum, non posse dissentire si velit. Accedit autoritas Catechismi Romani autoritate ejusdem Concilij Tridentini editi, qui p. 1. de primo Symboli artic. ita habet. *Non solum autem universa, quae sunt, providentia sua tuetur, atque administrat, verum etiam, quae moventur & agunt aliquid, intimam virtutem ad motum atque actionem ita impellit, ut quamvis causarum secundarum efficientiam non impediat, praeveniat tamen: cum ejus occultissima vis ad singula pertingat & quemadmodum Sapiens ait: Attingit a fine usque ad finem fortiter, & disponit omnia suavis.*

4. Quorum autoritatum omnium vis in tale argumentum contrahitur: Motio, quā DEUS nostras voluntates efficaciter vertit & trahit quō voluerit, facit ut faciamus, operatur ut operemur, excitat & movet ad operationem infallibiliter consequentem, praeveniendo impellit ad actionem, est ipsa, quam tuemur, praedeterminatio physica; sed ejusmodi motionem adstruunt praedictae autoritates: ergo etiam adstruunt nostram physicam praedeterminationem. Major probatur. Hæc motio, de quā loquuntur Scriptura, & Concilia, nec est simultanea, nec moralis tantum: ergo est prævia & physica & consequenter ipsamet praedeterminatio.

5. Primum membrum antecedentis probatur primò: quia simultaneus concursus non vertit & flectit voluntatem, sed potius ipse flectitur ad voluntatis arbitrium, cum idē DEUS cum hac numero & specie actione concurrat; quia se volutus ad illum determinavit, ut ex decursu amplius constabit: sed neque concursus simultaneus excitat, movet, impellit ad operandum, nec per illam DEUS operatur ut operemur, neque praevenit efficientiam causæ secundæ: siquidem iste concursus hanc operationem & efficiētiā solummodo concomitatur, neque in recto ab ipsa operatione distinguitur, neque ipsam pro suo termino respicit: sicuti, cum duo homines concursu simultaneo movent lapidem, non dicitur unus alterum impellere, ad movendum excitare, praevenire motionem, &c. sed tantummodo juvare.

Secundò. In illo sensu Concilium Araucanum affirmat hanc motionem, in quo illa negabatur a Pelagianis & Semi-Pelagianis, contra quos agebatur. Rursus in hoc sensu Tridentinum affirmat, liberum arbitrium a DEO motum posse dissentire; in quo sensu Calvinus & Lutherus hoc ipsum negabant; quia illorum hæresin retundere Concilio propositum erat: sed neque Pelagianis negabant concursum simultaneum, ut probat Alvar. L. 1. de auxil. disp. 1. nec erat discrepatio cum Lutheranis & Calvinistis, an arbitrium posset resistere motioni concomitanti, quæ jam supponit ipsam operationem; & latentibus Advers. à Calvinistis neque tunc neque modò deducitur in controversiam. Ergo Concilia tantum poterant præviam motionem intelligere, quippe à quā fatale jugum libero arbitrio imponi isti hæretici calumniose querebantur; in hoc quidem pares, quod ex ista prævia motione iudicium libertatis falsè sequela deducerent; in hoc impares, quod Pelagianis & Semipelagianis

in gratiam liberi arbitrii mallerent gratiam prævenientem examinare; Calvinistæ verò in gratiam efficacis præmotionis mallerent arbitrii libertatem evertere.

Alterum membrum antecedentis probatur in primis hæc ipsa ratione: nam neque Pelagianis negabant motionem præviam moralem, quemadmodum patet ex verbis Pelagii à D. Augustino L. de gratia Christic. 7. relatis. *Nos multiformi & ineffabili dono gratia cœlestis illuminat* Et c. 10. *Revelatione sapientia in desiderium DEI suspentem suscitavit voluntatem.* Quod etiam ex hoc patet: quia Pelagianis & Semi-Pelagianis negabant illam motionem, quam existimabant inferre præjudicium libertati, & fatalem necessitatem inducere: sed hæc non est motio moralis, ut nemini dubium est sed neque nostrorum temporum hæreticis venit in mentem, ut negarent, posse liberum arbitrium resistere ejusmodi motioni, quæ in solo consilio, susatione & objecti propositione consisteret. Secundò. Per motionem moralem non rectè dicitur DEUS habere in manu sua cor hominis, & quocunque voluerit, illud vertere; ergo debet intelligi motio physica. Antec. prob. tam ex D. Augustino quàm D. Th. Nam ille in l. de corr. & grat. affirmat, *DEUM magis habere in sua potestate voluntatis hominum, quàm ipsi suat*: ergo non minùs DEO competit potestas physicè movendi voluntatem ad actus liberos, quam conveniat ipsi homini. Iste in 3. contr. gen. c. 89. hunc eundem Scripturæ locum exponens: *hec ipsum, inquit, quod Salomon dixit, cor Regis in manu DEI, &c. ostendit non solum divinam causalitatem ad potentiam voluntatis extendi, sed etiam ad actum ipsius.* Atqui physica DEI causalitas extenditur ad potentiam voluntatis: ergo juxta expositionem S. D. Salomon vult physicam DEI causalitatem, h. e. motionem, influere in actum voluntatis.

## §. II.

*Autoritas S. P. Augustini & D. Thomæ Aquinatis.*

PROBatur assertio nostra secundò autoritate 7. S. P. Augustini lib. d. grat. & lib. arb. c. 16. *Certum est, non velle, cum volumus, sed ille facit, ut velimus bonum, de quo dictum est, quod præparatur voluntas à Domino.* Et postea: *Certum est nos facere cum facimus, sed ille facit ut faciamus, præbendo vires efficacissimas voluntati, qui dicit: Faciam, ut in justificationibus meis ambulatis.* Sed per concursum simultaneum DEUS non facit ut faciamus, non facit ut velimus, non præparat voluntatem; per moralem etiam motionem non præbet vires efficacissimas, cum illa sit intrinsecè fallibilis, & impedibilis per voluntatem, neque infallibilitatem ex scientia media (ut aliunde suppono) habere possit. Rursus epist. 2. ad Simplicianum: *Illud autem nescio, quomodo dicatur, DEUM frustra misereri, nisi nos velimus; si enim DEUS miseretur, etiam volumus: ad eandem quippe DEI misericordiam pertinet, ut velimus; DEUS est enim qui operatur in nobis & velle & operari pro bonâ voluntate.* Atqui si per motionem moralem DEUS miseretur, non sequitur infallibiliter: Si DEUS miseretur, non

non sequitur infallibiliter; si DEUS miseretur, etiam volumus, cum morali DEI motioni sæpius resistamus.

8. Concursum quoque simultaneum ut insufficientem jam rejecit prædictus S. Pater loc. cit. ad simplicem, dicens: *Si propietera solum dictum est: Non est volentis, neque currentis, sed miserentis DEI, quia voluntas sola non sufficit, ut iuste recteque vivamus, nisi adjuvetur misericordia DEI; potest hoc modo dici: Igitur non miserentis est DEI, sed voluntatis est hominis, quia misericordia DEI sola non sufficit, nisi consensus nostre voluntatis addatur: illud autem nescio, quomodo dicatur &c.* Ita S. Pater.

9. Probatur tertiò autoritate D. Thomæ, quæ quidem in proposito tam ex claritate, quam copiâ textuum, totiusque doctrinæ Angelicæ consequentiâ tam manifesta esse videtur, ut non sine magna violentia trahi possit in partem oppositam. Ita breviter ostendo: *Omne agens creatum à DEO movetur ad suam operationem* (sic habet 1. p. q. 105. a. 5. & 1. 2. q. 109. a. 1. aliisque pluribus locis) & quidem tali motione, quæ habet omnes conditiones ad physicam prædeterminationem requisitas, ergò juxta doctrinam D. Thomæ DEUS physicè prædeterminat omnes causas secundas, etiam liberas, ad operandum. Antecedentis pars altera, in qua est difficultas, probatur: *Conditiones prædeterminationis physicæ sunt tres.* Primò, ut non sit mera conservatio virtutis activæ, sed vera quædam impressio, motio, & applicatio virtutis ad agendum. Secundò, ut non sit tantum simultanea, sed prævia. Tertiò, ut non sit tantum moralis, sed etiam physica. Et ecce primam conditionem in terminis habet S. D. 1. 2. p. 109. a. 1. *Alitio, ait, cuiuscumque agentis creati dependet à DEO quantum ad duo: uno modo, in quantum ab ipso habet perfectionem sive formam (virtutem operandi) alio modo, in quantum ab ipso movetur ad agendum.* Et q. 3. de pot. a. 7. Tertiò modo, inquit, dicitur una res esse causa actionis aliter, in quantum eam movet ad agendum; in quo non intelligitur collatio, aut conservatio virtutis activæ, sed applicatio virtutis ad actionem; sicut homo est causa incisionis cultelli ad incidendum, movendo ipsum. Et hoc ipso modo, subdit, moveri à DEO creaturas: Sic ergo DEUS est causa applicationis cuiuslibet, in quantum dat virtutem agendi, & in quantum applicat actioni. Viden, utrobique distingui motionem & applicationem virtutis à collatione formæ & virtutis operativæ.

10. Secunda conditio constat primò ex modò dictis: neque enim causa simultanea dicitur alteram concausam movere & applicare, sed juvare. Secundò, quia ita D. Th. habet in terminis 3. contr. gentes. c. 149. dicens: *Quòd motio moventis præcedit motum mobilis ratione & causa.* Tertiò, quia loco sup. cit. comparat hanc motionem cum motione causæ principalis ad incisionem cultelli & 1. p. q. 103. a.

R. P. Metzger, Theol. Schol. Tom. II.

8. cum impressione, quæ à sagittante determinatur inclinatio sagittæ in scopum: sed motio, quam artifex vel causa principalis imprimit instrumento, est prævia & prior naturâ, ergò. *Quartò: Quia* (sunt verba S. D. loc. cit. de pot. a. 3.) *in operatione, quâ DEUS operatur movendo naturam, non operatur natura: Atqui in simultaneo concursu simul operatur natura.* Quintò, quia ut habet q. 22. de verit. a. 8. *Alitio voluntatis non tantum est à voluntate ut immediatè agente, sed à DEO ut primo agente, qui vehementius imprimit: sed ratione concursus simultanei non foret à DEO ut primo agente, ut deinceps latius expendemus.* Sextò, quia juxta eundem S. D. in 1. p. q. 105. a. 2. ad 1. hac motione DEUS *creaturam tangit secundam virtutalem constantem: quod est in se recipere impressionem divinam, & immutari à DEO, ut ex alibi dictis suppono.*

Tertia tandem conditio ostenditur primò: *11;*

Movere moraliter, est movere ex parte objecti, & movere physicè est movere ex parte voluntatis: sed ex doctrina D. Th. DEUS utroque modo movet voluntatem, & maxime ex parte voluntatis: ergò DEUS movet voluntatē non tantum moraliter, sed etiam physicè. Minor habetur in 1. p. 105. a. 4. *Utrouque modo proprium est DEO, movere voluntatem; sed maxime secundo modo, interius eam inclinando.* Eadem habet q. 106. a. 2. inc. & q. 21. de verit. a. 1. *Secundò S. D. loc. cit. de ver. dicit: Solum DEUS potest inclinationem voluntatis transferre de uno in aliud, secundum quod vult: atqui voluntatem movere moraliter non est soli DEO proprium; siquidem & Angelis & hominibus convenit: ergò S. D. intelligit motionem physicam.* Tertiò: ista motio est à DEO ut primo agente, & tanquam causalitas ipsius, juxta sup. cit. q. 22. de ver. a. 8. sed DEUS non tantum est primum agens morale, verum etiam physicum. Ergò etiam motio debet esse physica. *Quartò: Persuam motionem DEUS cuiuslibet agentis adest interius quasi in ipso agens (opus. 2. c. 130.) sed causa moralis per motionem moralem nihil intrinsecus agit in voluntate.* Quintò: quia DEUS voluntatem movet efficaciter, infallibiliter, immutabiliter; ita ut (sunt verba D. Th. 1. 2. q. 10. a. 4. ad 3.) *Si DEUS movet voluntatem ad aliquid, impossibile est poni, quòd ad illud voluntas non moveatur.* Eadem habet q. 6. de malo. a. 1. ad 3. & 2. 2. q. 24. a. 11. Sed hæc omnia de motione morali, utpote intrinsecè impediibili, & saltem metaphysicè fallibili salvari nequeunt. Sextò: Dantur secundum D. Tho. decreta intrinsecè efficacia & prædefinitiva actuum liberorum; ergò DEUS physicè movet voluntatem ad actus liberos. Antecedens fuit ostensum in *disputa. de DEO. cap. 19. §. 4. n. 4.* consequentia probatur: decretum independentem à scientiâ mediâ, intrinsecè efficax & metaphysicè certitudine infallibile, debet continere in sua virtute positionem mediæ & executionis metaphysicè infallibilis: atqui tale medium non est motio moralis,

realis,

H



ralis, quippe quæ moralis certitudinis limites non excedit. Ergo debet esse motio physica, quæ sola infallibiliter certitudine metaphysicâ infert actum liberum.

## §. III.

*Fundamentum à ratione.*

12. **P**robatur ulterius ratione: DEUS tanquam causa prima, ens primum, & primum liberum debet exercere causalitatem physicam tam respectu actuum liberorum, quam necessariorum; atqui causalitas physica est prædicta determinatio. Ergo, Major patet: quia non minus actus liber, etiam quoad ipsam libertatem, & omnis determinatio causæ liberæ est quidam effectus creatus, ab alio, & physice dependens à DEO ut causâ primâ, quàm actus necessarius. Causa etiam, quanto est efficacior, tantò magis se extendit ad omnes reales differentias sui effectus; cum ergo causa prima sit infinitæ efficaciz etiam in ordine physico: physica quoque causalitas ipsius sese debet extendere ad omnem cujuslibet entis perfectionem ac differentiam, qualis differentia & perfectio est libertas.

13. Minor probatur: Motio physica, naturâ prior quam actus liber, est ipsamet prædeterminatio: sed causalitas physica causæ primæ & primi moventis, est motio physica naturâ prior quàm actus liber; quia ratione hujus causalitatis & motionis actus liber velut effectus causæ primæ subordinatur, & ab illâ dependet. Quis autem Philosophorum unquam dubitavit, causam formaliter in ratione causæ esse priorem; effectum verò, propter dependentiam ac subordinationem quam habet ad suam causam, esse posteriorem naturâ quàm sua causa?

14. Adde, quod sublata physica prædeterminatione rueret certitudo divinæ prædestinationis (prout in Tract. de DEO expendimus) & efficaciam gratiæ divinæ, de qua alio loco & tempore. Nunc ad præcludendas Adversariorum responsiones sint sequentia.

## §. IV.

*Corollaria.*

15. **C**olliges primò: Dependentiam causæ secundæ in causando à causa prima non salvari per prioritatem dignitatis, universalitatis, & quoad subsistendi consequentiam. Nam causalitas causæ est prior prioritatem naturæ quàm suus effectus: atqui causa secunda in esse causæ secundæ actu causantis, & causa libera, secundum ipsam suam liberam determinationem & exercitium libertatis, est effectus causæ primæ, ens creatum & ab alio, movens motum &c. Ergo causalitas causæ primæ est ipsâ quâ tali prior secundum prioritatem naturæ.

Præterea: quia inter DEUM & creaturam reperitur subordinatio in perfectione & dignitate, ideo inter illos reperitur ordo prioritatis quoad dignitatem: ergo, quia inter illos reperitur subordinatio quoad causalitatem, etiam dabitur ordo prioritatis quoad causalitatem: an enim subordinatio sine ordine, ordo poterit esse sine prioritatem?

Rursus: Non alio ex capite inter divinas personas non datur prius aut posterius, & sola admittitur prioritas originis, quàm quia nulla datur unius erga alteram causalitas & dependentia; ita ut si per impossibile una foret causa alterius, hoc ipso una esset physica causalitate prior, & altera posterior: ergo cum omnis creatura essentialiter dependeat à DEO tanquam causâ primâ eiusque causalitate, eo ipso necesse est, quòd causalitas DEI exerceat prioritatem physicam in causando respectu omnis creaturæ.

Colliges secundò: Actus liberi dependentiam à DEO non salvari per hoc, quòd DEUS per decretum in actu primo applicet suam omnipotentiam causæ creatæ, sive quòd habeat decretum concurrendi ad actum liberum, ad quem seipsam voluntas creata determinaverit. Ratio est: quòd vi istius decreti causa secunda formaliter in ratione causæ secundæ & actu operantis, non intelligitur dependere à DEO: sed est necesse, ut etiam in ratione causæ formaliter & ut actu operantis, sive ratione causalitatis in actu secundo, per quam formaliter constituitur in esse causæ, à DEO ejusque causalitate dependeat: ergo per illud decretum non sufficienter salvatur actus liberi dependentia à DEO.

Colliges tertio: Prædeterminationem non habere per modum qualitatis & principii permanentis, sed esse quandam realem motionem, per modum qualitatis fluentis, habentis esse incompletum, quæ in voluntate subjectivè recipitur. Ideoque à S. D. appellari solet *intentio*, quo nomine etiam appellat virtutem seu motionem ab agente principali instrumento impressam. Ratio est: quòd prædeterminatio est applicatio agentis ad actum, pro objecto ac termino respiciens ipsum actum transeuntem, & se tenens ex parte actus secundi, adeoque transit cum ipso actu.

Colliges quarto: Hanc Thomistarum doctrinam de prædeterminationibus toto celo dissolvere à sententia & errore tum Lutheri, tum Calvini. Nam primò Lutherus vult liberum arbitrium se solummodò habere passivè. Secundo Calvinus admittit quidem aliquam ipsius activitatem, vult tamen illud solummodò spontaneè, non etiam liberè consentire. Ac tertio negat voluntatem prædeterminatam ad consensum posse dissentire, aut esse in potestate hominis obtemperare, vel refragari: dum contra Thomistæ docent & efficaciter probant primò, etiam stante prædeterminatione ipsam hominis voluntatem seipsam liberè determinare ad actum proprium, eumque cum formali indifferentia producere: cum sit ipsamet applicatio, quâ voluntas effectivè excitatur ad actum, juxta modum suæ naturæ convenientem: unde secundo, quia causa non aufert sed infert suum effectum, hæc prædeterminatio non solum creatam libertatem nequaquam offendit, sed insuper causat, ac tertio relinquit in voluntate ad consensum prædeterminatâ potentiam ad non consentiendum, seu posse dissentire, non quidem in sensu composito, sed diviso. Cujus quidem celeberrimi distinctionis sensus non ex adversantium partiali & subinde minis æquâ relatione,



zione, sed ex constanti ipsorum Thomistarum explicatione & doctrinâ, quam paulò inferiùs referemus, peti debet.

39. Colliges quindò. Concursum indifferenter non tantum esse inutilem ad salvandam dependentiam causæ secundæ à causâ primâ, sed etiam impicatorium & indignum DEO. Ratio primi est: quia ut salvaret dependentiam actûs liberi & determinationis creatæ à causâ primâ, deberet actus liber & talis determinatio ab illo concursu procedere; sed non procedit: tum quia à causâ indifferenti non procedit determinatus effectus; tum quia ille concursus est naturâ posterior quàm determinatio humanæ voluntatis: cum enim ex se sit indifferens ad utrumlibet, ad odium vel amorem, consensum vel dissensum, ut potius sit ad consensum quàm ad dissensum, accipit ex determinatione humanæ voluntatis, ac proinde istius ultimam resolutionem expectare debet.

Ratio secundi est primò: quia per illum concursum indifferenter DEUS exco & ignorantimodo concurreret, cum vi ipsius non posset scire, an potius ad consensum vel dissensum, odium vel amorem concurreret: unde secundò divina prædestinatrix scientia careret omnimodâ certitudine: medium quippe cerò videntur futurum effectum esse certâ & infallibilis causæ præparatio, ut in Tract. de DEO probavimus: sed concursus indifferens non est certa, inò est nulla causæ præparatio, hocipso quòd non sit præviùs: igitur non est medium idoneum, per quod DEUS futurum effectum & actum liberum possit cognoscere. Tertiò, quia per concursum indifferenter non salvatur dignitas gratiæ efficacis: hæc enim è S. Script. & D. Augustini stylo facit, ut faciamus: hæc aptat nos in omni bono, Hebr. c. 13, hæc mutat, convertit, subjicit voluntatem, eamque sibi facit obsequentem: facit ex nolente volentem, auferit cordis duritiem, est invicta, insuperabilis, dat vires efficacissimas, agit intus in voluntate. Quæ omnia concursui indifferenti accommodari non posse perspicuum est, & aliunde supponitur.

### §. V.

*Solvuntur objectiones ab auctoritate  
S. Script. & P. P.*

20. Obijciens primò auctoritatem S. Script. & SS. PP. Nam primò Eccl. 15. dicitur: *DEUS ab initio constituit hominem, & reliquit eum in manu consilii sui; adjecit mandata & præcepta sua, si volueris mandata servare, conservabunt te, apposui tibi ignem & aquam, ad quod volueris extendere manum tuam.* Subsumis: at non reliquisset hominem in manu consilii sui, si eundem ad omnes suos actus prædefinisset ac prædeterminasset.

Respondet S. D. q. 3. de pot. 7. ita obijciens: Eccl. 15. dicitur: quòd DEUS fecit hominem & reliquit eum in manu consilii sui: *Non autem reliquisset, si semper in voluntate operaretur, ergo non operatur in voluntate operante.*

R. P. Mezg. Theol. Schol. Tom. II.

& ad 12. Ita respondet: *DEUS non dicitur dereliquisse in manu consilii sui, quia in voluntate operetur, sed quia voluntati hominùs dedit dominium sui actûs, ut non esset obligata ad alteram partem contradictionis, quod quidem dominium natura non dedit, cum per suam formam sit determinata ad unum.* Adeòque juxta S. D. ratio, quòd homo dicatur relinqui in manu consilii sui, est, quia ita DEUS operatur in voluntate eandem movendo, ut tamen voluntas ex se non sit determinata ad unum, quo modo formæ naturales sunt determinatæ, sed retineat dominium & indifferetiam. Hoc ipsum clarissimè confirmat in responsi. ad 13. *Voluntas, inquit, dicitur habere Dominium sui actûs non per exclusionem causæ primæ, sed quia causâ primâ non ita agit in voluntate, ut eam de necessitate ad unum determinet, sicut determinat naturam, & idèò determinatio actûs relinquitur in potestate, & voluntate actûis.* Vides, quemadmodum operatio & motio divina in voluntate, non impedit liberam determinationem voluntatis; quod tamen Adversarii falsò subsumunt, & inferunt.

Obijciens secundò: D. Jo. Damasc. l. 2. de fid. c. 30. inquit: *Illud scire interest, DEUM omnia quidem præscire, sed non omnia præfinire; præscit enim ea quæ in nostrâ potestate atque arbitrio sita sunt, at non ita ea præfiniri.*

Respondeo primò: Omnino DEUM non ita præfinire ea quæ sunt in nostrâ potestate, sicuti præscit: præscit enim nostros actus tam bonos quàm malos; at solum bonos præfinit, malos verò quoad formale non præfinit.

Respondeo secundò, ex S. D. qui hanc ipsam auctoritatem sibi obijcit in 3. contr. gent. c. 90. & t. p. q. 23. a. 3. ad 1. illam prædeterminationem à D. Damasceno negari, quæ est cum impositione necessitatis, sicut est in rebus naturalibus, quæ sunt prædeterminate ad unum &c.

Obijciens tertiò: D. Augustinus l. 3. de lib. arb. c. 18. ita loquitur: *Brevissimum tene, quacunque ista causa est voluntatis, si non potest ei resisti, sine peccato ceditur.* Sed, inquit, physica prædeterminationi non potest resisti; ergò. Secundò. Idem S. Pater l. de spir. & litt. c. 13. *Legimus, non est potestas nisi à DEO, non autem legimus, non est voluntas nisi à DEO; & rectè non scriptum est, quia verum non est.* Et Tertiò l. 7. de civit. *DEUS administrat res, quas condidit, ut eas suos motus agere sinat.* Quarò. Divina motio, quâ humanam voluntatem movet, crebrò appellatur à S. Augustino vocatio, excitatio, suasio, quæ non sunt motiones physica, sed morales.

Respondeo ad primum: D. Augustinum non loqui de causâ increatâ movente juxta modum nature convenientem; sed de causâ secunda & creatâ. Ad secundum respond. nempe dari etiam voluntatem malorum, quæ non est à DEO, sed ab homine defectuose operante. Ad tertium patet responsio ex dictis, quòd nimirum physica prædeterminatio non impediatur, quin voluntas creatâ ipsam determinet ad operandum. Ad quartum Respond. D. Augustinum ita agnoscere moralem motionem, ut simul etiam agnoscat physica.

physicam : quomodo aliàs illam posset appellare efficacissimam, iuvicam, insuperabilem ? &c.

23. Obijecit etiam tritum illud, quod immerito Christus Marth. 11. exprobasset Corozaitis : si in Tyro & Sidone facta essent virtutes, quæ facta sunt in vobis, olim in cilicio & cinere poenitentiam egissent. Potuissent enim Corozaitæ jure optimo respondere : Quid nobis exprobras Tyrios & Sidonios ? quid mirum, si illi visis tuis miraculis egissent poenitentiam, cùm tu illos ad agendam poenitentiam physicè prædeterminasles. Quod si tu nos ipsis pares fecisses in prædeterminando, utrique & nos poenitentiam ageremus : sed non erat in nostrâ potestate facere, ut nos prædeterminares. Non minùs Judæi auditâ exprobratione If. 5. *Quid ultra debui facere vineæ meæ &c.* potuissent te excusare & dicere : Domine, ultèrius tibi aliquid faciendum fuisset : nimirum danda physica prædeterminatio, sine quâ (inquit de Lugo.) impossibile erat fructum ferre pietatis.

*Respond. primò.* Hanc objectionem etiam in Adversarios retorqueri posse : posset enim Corozaitæ etiam conqueri, & dicere : Domine, Tyrii & Sidonii visis tuis signis ideo in te credidissent, quia tu illa patrâles in talibus circumstantiis, in quibus per scientiam mediam eos consensuros fore prævidisti : age, & in similibus circumstantiis hæc signa apud nos operare, in quibus nos per eandem scientiam mediam consensuros esse noscis, & nos quoque in te credemus.

24. Videtur quidem Clarissimo P. Ilfeng in vindic. controv. 14. v. 6. hæc retorſio esse telum sine viribus : quia, inquit, licet permittatur, his positâ circumstantiis non fuisse in potestate Corozaitarum, ut haberent alia auxilia gratuita, in quibus per scientiam mediam prævisi fuissent credituri, tamen in illorum potestate fuisset, ut cum his auxiliis conjungerent fidem in Christum ; atqui si necessaria ipsis fuisset prædeterminatio physica, quam habere non fuit in illorum potestate ; tunc hoc ipso non habuerunt, nec in illorum potestate fuit habere potentiam proximam & completam ponendi fidem ac poenitentiam &c.

Verùm hæc responsio nondum enervat vim retorſionis ; quia assumit & supponit ; potentiam proximam sine prædeterminatione physica non esse completam ; quod melioris notæ Thomistæ nullus concesserit, & supponenti probandum incumbit. Manet ergo firma vis & paritas retorſionis : Corozaitæ, in sententia Recentiorum, non habent justam causam suæ excusationis ; quia licet in his circumstantiis (quarum positio vel mutatio non est in potestate ipsorum) positi, nunquam sint credituri, aut poenitentiam adhuri, tamen viribus liberi arbitrii, gratiâ sufficiente instructi, posset agere poenitentiam : ergo iidem non habent legitimam excusationem suæ infidelitatis in sententiâ Thomistarum, quia licet, suppositâ carentiâ physicæ prædeterminationis, quâ habere non est in illorum potestate, nunquam sint credituri vel poenitentiam adhuri, tamen reverâ viribus liberi arbitrii, gratiâ sufficiente instructi, possunt credere & poenitentiam agere.

25. Respond. secundò. Similem excusationem & querelam olim à Pelagianis D. Augustino fuisse oppositam ; dicebant enim (prout ipse refert

In L. de corrept. & grat. c. 7.) *cur corripimur, arguimur, reprehendimur, accusamur ? obedientiam (motionem intrinsecè efficacem & prædeterminativam ad obediendum) non accipimus : quid ergo corripimur, quasi eam nobis dare possimus ?* Respondet verò S. P. c. 7. *Perseverantia est quidem donum DEI, justè tamen corripimus eos, qui cùm bene viverent, non perseverarunt, ex bonâ quippe in malam vitam suâ voluntate mutati sunt.* Itaque juxta prædictum S. Patrem, qui non obediunt, nec perseverant, ideo justè reprehenduntur, quia propter auxilia sufficientia, quæ acceperunt, potuissent obedire & perseverare, & propriæ voluntatis malitiâ non perseverarunt, quantumvis ipsi donum perseverantiæ, sine quo nemo perseverat, & quod ipsis DEUS minimè conferre tenebatur, non receperint. Pari modo Corozaitæ nullam habebunt excusationem, quia, licet prædeterminationem sibi indebitam, vi cujus actu poeniterent aut crederent, non acceperint, acceperunt tamen auxilia sufficientia, ut credere & poenitere potuerint ; nam prædeterminatio non dat posse, sed illud supponit. Sic neque Judæi sub vineæ parabola adumbrati, habebunt justam excusationem, cur fructum legis non attulerint ; saltem enim est, quod ipsis sine physica prædeterminatione fuerit impossibile hunc fructum afferre ; cùm pollerent libero arbitrio, auxiliis sufficientibus, quæ nemini DEUS denegat, instructo.

#### §. VI.

##### Objectiones ab auctoritate D. Thoma.

*Obijci tertio auctorit. D. Th. & quidem pri- 26. mò ex 1. 2. q. 9 a. 6. ad 3. ubi dicit : DEUS movet voluntatem hominis, sicut universalis motor, ad universale obiectum voluntatis quod est bonum ; sed homo per rationem se determinat ad volendum hoc, quod est verè bonum vel apparet bonum &c.*

Secundò ibidem q. 10. a. 4. dicit : *DEUS ita movet voluntatem nostram ex se indifferenter, ut non ex necessitate illam ad unum determinet.*

Tertiò q. 3. de pot. a. 7. ad 13. *determinationem alicui, ait, relinqui in potestate rationis & voluntatis.*

Quartò in 3. contra gent. c. 66. docet, *concursum causæ primæ determinari & specificari per causam secundam.*

Quintò in q. 6. de malo. a. un. in c. inquit. *Si ex necessitate moveamur ad volendum, tollitur deliberatio, exhortatio, præceptum, & puniitio, laus & vituperium.*

Sextò in 2. dist. 37. q. 1. a. 2. ad 5. dicit, *quod ideo agentia libera per se agant, quia per propriam naturam & per proprium iudicium actus suos determinant.*

Respond. ad primum : Illo loco non excludi à 27. determinatione causæ creatæ præviam motionem universalis motoris, sed tantum motionem specialem ; sic enim DEUS ad actus malos non movet creatam voluntatem, sed tantum ad bonos. Prout verbis statim subsequentibus indicavit S. D. dicens : *Sed interdum DEUS movet aliquos ad aliquid determinatè volendum, sicut in his quos movet ad gratiam.*

Ad 2. Resp. Hoc ipsum esse, quod omnes Discipuli



Discipuli D. Th. asserunt, & Adversariis probandum incumbere, quòd, si DEUS prædeterminando movet, moveat ex necessitate.

Ad. 3. Resp. Determinationem voluntatis aliam esse causalem, aliam formalem. Causalis est motio divina à solo DEO procedens, tantùm libera ut quo. Formalis est ipse actus voluntatis liber ut quod; & de hac loquitur S. D. quòd sit in hominis potestate. Ad. 4. Resp. Mentem S. D. esse, quòd concursus causæ primæ determinetur per concursum causæ secundæ non activè [sic enim everteretur subordinatio causarum.] sed objectivè & specificativè: quia, cùm prævia motio pro suo termino immediato respiciat creatam operationem, ab illa quoque extrinsecè specificatur: & si operatio est supernaturalis, etiam prædeterminatio est talis; sin naturalis, etiam præmotio crit ordinis naturalis. Ad 5. Responsio est eadem sicut ad 2. Neque enim prædeterminatio imponit fatalem necessitatem. Ad 6. miror, illum locum ab Advers. in suum favorem adduci, cùm ibidem S. D. disertè asserimet, hanc ipsam determinationem, quæ se agentia libera determinat, in DEUM ut primum agens esse reducendum, quod sine prævio influxu fieri non potest. Verba accipe: *Dicendum, quòd operatio illius agentis, qui per se agit, oportet, ut in primum agens sicut in causam educatur: quamvis enim huiusmodi entia per se agant, quia per propriam naturam, & NB. per proprium iudicium alius suos determinat, NB. non tamen a se habent, quòd agant, sed à primo agente, quòd eis à esse & posse, NB. & agere confert.* Hæc S. D.

## S. VII.

### Rationes objectæ.

28. **O**bjicies quatuor. Prædeterminatio physica non relinquit locum divinis exhortationibus, quibus monetur declinare à malo, & facere bonum. Nam cuiuslibet exhortanti ad penitentiam occurri poterit: Quid me mones ad penitentiam, cùm ad hoc necessaria sit prædeterminatio, quam si haberem, utique perciperem, nec tuâ admonitione indigerem? Rursus hæc ipsa prædeterminatio hominem inducit in desperationem; & sic enim licebit discurrere: Aut sum prædefinitus & prædeterminatus ad finaliter perseverandum, aut non sum prædeterminatus? si sum, quicquid nunc mali egero, perseverabo & salvabor: si non sum, quicquid nunc boni egero, non perseverabo nec salvabor. Ergo prædeterminatio tanquam bonis moribus nociva merito est eliminanda.

Respond. Utrumque absurdum jam pridem à D. Augustino depulsum fuisse, nec aliam habere difficultatem, quàm quæ priùs in secunda objectione fuit proposita & resoluta. Negatur igitur sequela: nam sicut in sententia Adversariorum non sunt frustraneæ adhortationes; quia, etsi sine positione in iis circumstantiis, in quibus me DEUS ab æterno consensurum vidit, nunquam operabor consensum, tamen hæc ipsæ forsitan sunt illæ circumstantiæ, in quibus me DEUS consensurum prævidit; sicque malè quæpiam responderet: Fac ut ponar in iis circumstantiis, in quibus me DEUS benè acturum præ-

vidit; ita pariter in nostrâ doctrinâ non sunt frustraneæ adhortationes, quia forsitan, positis istis mediis adhortationum, DEUS hominem prædeterminare ab æterno decrevit.

Ad dilemma oppositum dico, illud in omni 29. Catholicorum sententiâ solvendum esse: & pridem à D. Augustino de bono persever. c. 17. solutum fuisse, quemadmodum in tract. de DEO retulimus. Non igitur prædeterminatio potest aut debet esse causa desperationis, imò ipsa, seu medium potentissimum nostræ salutis, sperari, peti, & precibus à DEO obtineri debet. In illo quoque dilemma subsumptum semper est falsum: non enim, si es prædeterminatus ad perseverandum, quicquid boni, malive egeris, perseverabis; quia ipsum beneficium prædeterminativum perleverandi sic aliquando DEUS donat, ut velit ad illud per præcedentia bona opera præveniri; & aliis iusto iudicio denegare, quia per mala opera sese illo indignos reddiderunt. Si ergo probabiliter in statu gratiæ, bene spera, quia habes media sufficientia ad perseverandum, nec DEUS deserit sperantes in se. Time nihilominus; & si stas, vide ne cadas, quia nescis an post lapsum habiturus sis efficacem motionem ad respiscendum, quantumvis haud dubiè sis habiturus sufficientem: fuge verò tanquam à facie colubri peccatum, & si es in statu peccati, convola maturè ad remedium penitentiae, cùm tibi non constet, an non forte hoc ipsum peccatum futurum sit ultimum, quo DEUS iustissime offensus, tibi vitæ filium, antequam legitime percuiteris, abscindat.

Objicies quintò. Repugnat voluntati determinari à principio extrinsecò in suis liberis actibus: ergo nulla datur prædeterminatio physica: Antec. probatur. Omnis determinatio voluntatis ad liberam operationem debet esse vitalis, libera, & voluntaria: sed principium extrinsecum non est vitale, & liberum: ergo voluntas ad actum liberum à principio extrinsecò determinari non potest. Major videtur certa; quia nisi voluntas habeat vitalem & liberam determinationem ad operandum, etiam operatio ab ipsa vitaliter, liberè & voluntariè prodire non potest. Minor etiam probatur, & in primis quoad primum membrum: quia vitale agens in hoc differt à non vitali, quòd à seipso moveatur & determinetur ad agendum, sicque in seipso habeat suæ operationis principium. Ergo si determinatio procedat à principio extrinsecò, non potest esse vitalis.

Quoad secundum membrum sequitur ex priori; quia nisi principium sit vitale, non potest esse principium liberæ operationis; sed vitale non est, nisi sit intrinsecum: ergo nisi sit intrinsecum, non potest esse liberæ operationis principium.

Confirm. Determinatio libera debet esse in potestate voluntatis: atqui determinatio à principio extrinsecò, qualis est prædeterminatio, non est in potestate arbitrii, cùm nec acquiri, nec impediri possit à nobis: ergo.

Quoad tertium membrum probatur. Voluntarium est à principio intrinsecò cum cognitione, sed determinatio, quæ est à principio extrinsecò,

trinfeco, neque cognoscitur, neque à voluntate seu principio intrinfeco procedit. Ergò non est voluntaria.

Respond. neg. antec. ejusque probationem distinguo primò. Omnis determinatio voluntatis formalis debet esse vitalis, voluntaria, libera concedo. Determinatio causalis, nego. Ergò voluntas non potest determinari à principio extrinfeco, determinatione formali, concedo; causalis, nego consequentiam. Secundò omnis determinatio voluntatis ad actum liberum debet esse vitalis, libera, voluntaria, vel formaliter & ut quod, vel causaliter & ut quod, nego; sed determinatio à principio extrinfeco non est vitalis &c. ut quod, concedo; ut quo, nego. Vel subdistinguo; illa quæ provenit à principio creato, concedo; ab increato, nego min. & consequ. Ratio est, quòd quilibet determinatio vitalis & libera, etiam in esse vitalis & liberæ dependet essentialiter à causa prima & primo libero tanquam prima radice omnis vitalitatis ac libertatis, ideoque supponit causæ primæ determinationem, quæ in se virtualiter contineat & effectivè tribuat ipsas perfectiones vitalitatis ac libertatis, sitque proinde libera & vitalis ut quo.

Hinc patet *responsio ad probationem Minoris*; & quidem ad primi membri probationem dist. maj nisi sit vitale, (subintellige ut quod) non potest esse principium proximum operationis vitalis, concedo; non potest esse remotum, nego. Ergò principium extrinfecum non potest esse principium operationis vitalis proximum, concedo; remotum, nego consequ. Rursus ad confirm. determinatione libera ut quod & formalis debet esse in potestate voluntatis, concedo; determinatio libera ut quo & causalis, nego.

*Ad secundum membri probationem* dist. maj nisi sit vitale, (subintellige ut quod) non potest esse principium proximum operationis vitalis, concedo; non potest esse remotum, nego. Ergò principium extrinfecum non potest esse principium operationis vitalis proximum, concedo; remotum, nego consequ. Rursus ad confirm. determinatione libera ut quod & formalis debet esse in potestate voluntatis, concedo; determinatio libera ut quo & causalis, nego.

*Ad tertium membri probationem* similiter Resp. voluntarium formale & ut quod, est à principio intrinfeco cum cognitione, concedo; voluntarium causale & ut quo, nego.

1. *Objectiones sextò.* Dependèntia humanæ voluntatis à causa prima, necnon efficax DEI motio sufficienter salvatur per concursum moralem; ergò nulla est necessitas ponendi præmotionem physicam. Antec. *quoad primam partem* probatur. Quamvis voluntas tantum habeat influxum moralem in potentias inferiores, tamen istæ concipiuntur habere sufficientem dependèntiam à voluntate: ergò etiam vi moralis influxus creatura in suis actibus sufficienter dependebat à DEO.

*Quoad secundam partem* probatur primò: Quia

tentationes voluntatem tantum movent moraliter, & tamen homo absque gratia speciali non potest gravi tentationi resistere. *Secundò*: Ex efficaci intentione finis infallibiliter & necessariò sequitur electio mediis unicè necessariis, quamvis in multorum sententiâ intentio physice non determinet ad electionem. *Tertiò*: Visio beatifica necessitat ad amorem, nec tamen movet physice. *Quartò*: Sapè causa creata efficaciter suadet; quamvis suasio tantum sit causalitas moralis. Cur ergò DEUS suasionem & tractionem moralem non possit efficaciter & infallibiliter movere voluntatem.

Respond. negando antecedens: & ad primæ partis probationem Disparitas est, quòd potentia inferiores habent moralem subordinationem & dependèntiam à voluntate, quæ proinde per influxum moralem commodè salvatur: Atqui creata operatio & libertas actualis seu physica perfectio & effectus dependet à causa prima etiam in esse physico, unde ulterius indiget influxu physico. Ad secundæ partis probationem Respond. ex dictis: quamvis poneretur motio moralis tantæ efficaciz, ut semper infallibiliter inferret effectum, tamen esset insufficiens ad salvandam causalitatem causæ primæ: tum quia ab hac creata cuncta dependent in ordine & genere physico; tum quia causa prima est infinitæ efficaciz, ac proinde requirit infallibilitatem intrinsecam & metaphysicam, qualis tamen moralis efficacia esse & dici non potest. Deinde ad primam probat. Respond. Illam impotentiam moralem, quæ homo sine gratia speciali gravem tentationem superare non potest, non provenire ex sola efficacia tentationis, sed insuper ex debilitate naturæ lapsæ in suis potentiis vulneratæ, ut docetur in Tract. de grat. unde ex hoc non probatur infallibilitas motionis moralis.

Needicas: etsi motio moralis absolutè esset fallibilis, non tamen esse fallibilem, quatenus est attemperata libero arbitrio in talibus circumstantiis, in quibus DEUS per scientiam mediam prævidit, illud liberè cooperaturum. Nam & scientiam mediam, cui hæc explicatio innititur, in Tract. de DEO refutatam suppono, & istam attemperationem, seu contrariam Augustinianæ & intrinsecæ efficaciz gratiæ, quæ debet esse ex se invicta, insuperabilis, auferre duritiam cordis, facere de nolentibus volentes, sibi que humanam subijcere voluntatem, alibi refutandi locus erit.

Ad secundam Resp. Electionem mediis unicè necessariis habere intrinsecam connexionem cum efficaci intentione finis, ideoque ex natura rei ad istam consequi: at nullius objecti particularis bonitatis habet intrinsecam connexionem cum hominis voluntate; unde nec ista ullius objecti particularis propositione quæ est ipsa moralis motio) infallibiliter flecti potest.

Ad tertiam Resp. DEUM clarè visum habere intrinsecam connexionem cum bono in communi, unde ad æquat totum hominis appetitum, nec locum indifferenti propositioni relinquit: hoc autem de aliis objectis dici non potest.

Ad quartam Resp. efficaciam suasionis non esse

inf



nisi metaphoricè talem : nam propriè & simpliciter efficax non est, quod est simpliciter impedibile suoque effectu frustrari potest : sed omnis

suasio, quæ sit per propositionem alicujus objecti particularis, est talis : ergò.

## ARTICULUS III.

*An prædeterminatio tollat Libertatem?*

## SUMMARI A.

1. Exponitur necessitas absoluta & conditionalis.
2. Necessitas suppositionis, non semper obest libertati.
3. Quid sit necessitas antecedens.
4. D. Anselmus nomine necessitatis antecedentis non intelligit omnem illam, quæ oritur ex suppositione antecedenti.
5. Sed quæ orta ex causis naturalibus non relinquit locum indifferentiæ.
6. Nostra libertatis radix remota & proxima.
7. Concordia prædeterminationis cum libertate ex sententia D. Augustini, 8. Properi. 9. & Doctoris Angelici.
10. Et ex ratione ostenditur.
11. Solvitur obiectio necessitatis antecedentis ex S. Anselmo.
12. Inimpeabilitas antecedentis non semper infert necessitatem.
13. Calvinii inepta illatio necessitatis ex inimpeabilitate divina causalitatis.
14. Prædeterminatio tollit indifferentiam potentialem, non actuale.

## §. I.

*Explicatur necessitas antecedens.*

- x. **I**nter potissima argumenta, quibus physica prædeterminatio impugnatur, est illatio absurdi, quòd illà posita tolleretur libertas arbitrii, & fatalis ejusdam necessitatis jugum creaturæ rationali imponeretur. Postquam igitur ex natura entis primi, ex intrinseca & essentiali dependentia causæ secundæ & effectus creati à causa prima, tanquam à priori necessitatem physicæ prædeterminationis deduximus, illam cum arbitrii libertate concordare, & Adversariorum fundamentis occurrere, operæpretium erit. Pro quo

*Notandum est primò.* Necessitatem dividi in absolutam seu simpliciter, & in conditionalem, seu ex suppositione, & secundum quid. Absoluta est, quæ oritur ex necessarià habitudine extremorum ad invicem, uti necesse est hominem esse animal rationale, & totum esse majus suà parte. Conditionalis est quæ oritur ex suppositione alicujus tertii, sicut non est absolute necesse Socratem moveri, est tamen necesse illum moveri, ex suppositione quòd currat. Prior necessitas Angelico Doctore est necessitas consequentis ; posterior est necessitas consequentis.

2. Ex his prima, videlicet absoluta necessitas, semper præjudicat libertati, quia ubi est necessaria habitudo extremorum ad invicem, non relinquitur locus indeterminationi & indifferentiæ. Necessitas verò suppositionis non semper officit libertati, veluti ex DD. Augustini & Thomæ

Aquinas, doctrina clarè deducitur : nam ille in *Enchirid.* c. 103. inquit : *Nullus sit salvus, nisi quem DEUS voluerit. Quem locum explanans Doctor Angel. 1. p. q. 19. a. 8. ad 1. dicit : Per illud verbum Augustini intelligenda est necessitas in rebus volitis à DEO non absoluta, sed conditionalis : necesse est enim hanc conditionalem veram esse : Si DEUS hoc vult, necesse est hoc esse. Similia habet in 1. dist. 47. a. 1. ad 2. Hujus ratio est : quòd potest aliquid necessario inferri & sequi ex suppositione, quæ sit causaliter vel formaliter libera, h. e. vel causativa ipsius : sed neutra suppositio tollit libertatem : ergo necessitas ex suppositione non semper tollit libertatem. Major probatur : Ex suppositione, quòd quis efficaciter intendat finem, necessario sequitur electio medii unicè necessarij, & tamen electio medii est libera, & potest esse meritoria. Item ex hypothesi, quòd se homo liberè determinaverit ad cursum, sequitur necessario, quòd moveatur, & tamen liberè movetur : ex suppositione, quòd DEUS aliquid sciat vel fieri velit, necesse est illud esse vel fieri, ut supr. ex S. D. vidimus ; & tamen sit aliquando contingenter & liberè. Ergò quòd necessitas ex suppositione vel liberè causata non obstat libertati, libenter ab omnibus conceditur : quòd suppositio libertatem causans eandem non impedit, videtur æquè certum ; quia per quod aliquid ponitur & perficitur, per illud non destruitur ; sed suppositio, quæ causat libertatem, illam ponit & perficit : ergò non destruit.*

*Notandum secundò.* Necessitatem, juxta communem doctrinam Theologorum desumptam est D. Anselmo in l. 2. *Chr DEUS homo* ? c. 18 dividi in *Antecedentem*, & *consequentem*, quarum illa admittit libertatem, non ista. Necessitas omnis, orta ex naturali connexionе causarum ac terminorum, est antecedens, ideoque contraria libertati : uti e contra omnis illa, quæ oritur ex suppositione alicujus effectus impeditibilis & consequentis liberam hominis determinationem, est consequens & innoxia libertati ; At verò, an necessitas proveniens ex aliqua suppositione inimpeabili & antecedente liberam nostræ voluntatis determinationem, hoc ipso sit necessitas antecedens, non ita liquet, affirmantibus scientiæ medix patronis, contradicentibus Thomistis, & Catholicis fautoribus prædeterminationum.

Quod attinet ad mentem D. Anselmi, is certè, nomine necessitatis antecedentis non potuit intelligere omnem illam, quæ ortum trahit ex aliqua suppositione antecedente determinationem liberam voluntatis, ab eaque inimpeabili. Nam ipsemet loc. cit. asserit, necessitatem, quæ oritur

ex suppositione divinæ voluntatis, non tollere libertatem à nostris actibus. Ita enim inquit : *Quando DEUS vult effectum sequi voluntatem, tunc necesse est voluntatem esse liberam, & esse quod vult.* Ubi primò ponit necessitatem conditionalem, secundò libertatem, ac terciò quidem suppositionem divinæ voluntatis antecedentem, & inimpedibilem. Dubitas de hoc ultimo ? At non dubitat Angelicus Doctor, qui in 1. p. q. 19. a. 8. hanc ipsam suppositionem antecedentem, tacito Anselmi nomine, per modum objectionis sibi terciò loco proponit, ita loquens : *Illud, quod habet necessitatem NB. ex priori, est necessarium absolute, sicut animal mori est necessarium ; quia est ex contrariis compositum : sed res creata comparatur ad voluntatem divinam, sicut NB. ad aliquid prius.* Omnis autem conditionalis vera est necessaria : sequitur ergo, quòd omne, quod DEUS vult, sit necessarium absolute. Hoc est ipsissimum argumentum, quod ex autoritate D. Anselmi nobis opponunt Adversarii, cui, ut ad ipsum mentem satisfaceret, debuisset negare minorem, quòd res creatæ liberæ, h. e. actus liberi & determinatio voluntatis creatæ comparentur ad divinam voluntatem, tanquam ad aliquam suppositionem antecedentem. Verùm ipse longè aliter respondit ad 3. ita dicens : *quòd posteriora habent necessitatem à prioribus (exce suppositionem priorem, antecedentem !)* secundum modum prius, unde & ea, quæ sunt à voluntate divina, talem necessitatem habent, qualem vult DEUS ea habere, (quia nempe omnipotentissima DEI voluntas non tantum continet virtute & causat actum, sed & modum ac libertatem ipsius) scilicet vel absolute, vel conditionalem tantum, & sic non omnia sunt necessaria absolute.

5. Quam igitur necessitatem antecedentem intelligit D. noster Anselmus ? Illam, quæ ex causis naturalibus orta, facit causam secundam absque rationis indifferentia, consensu, & deliberatione operari : sive deinde hæc necessitas sit absoluta, sive ex aliquâ suppositione proveniens : nam si v. g. ex suppositione eclipsis naturaliter sequatur mors hominis, etsi hæc necessitas sit ex suppositione, erit nihilominus antecedens ; quia hæc suppositio infert naturalem determinationem sine rationis deliberatione. Hæc mens D. Anselmi colligitur ex ipsiusmet verbis & allato exemplo de motu cæli. *Necessitas, inquit, præcedens causat necessitatem, sicut necesse est cælum volvi : præcedens & efficiens necessitas est, cælum volvi : quia necesse est ut volvatur.* Et post pauca : *Violentia naturalis conditionis cogit cælum volvi, ite verò nulla necessitas facit loqui.* Suppositio verò divinæ voluntatis & prædeterminationis necessitatem antecedentem inducere nequaquam potest, ut præter alia loca quàm plurima, luculenter in L. de corr. & grat. c. 14. indicat D. Augustinus : *Cui volenti, inquit, saluum facere, nullum humanum resistit arbitrium.* (Hic exhibetur necessitas suppositionis, sive infallibilis actus ex suppositione quòd DEUS vult) sic enim velle, vel nolle in volentis, aut volentis est potestate, (indicat concordiam huius suppositionis cum libertate) ne divinam voluntatem non impediat, (declarat in-

impedibilitatem & antecedentiam suppositionis) nec superet potestatem. In eundem sensum paulò post : *Non est itaque dubitandum, voluntati DEI, quin in cælo & in terra omnia quæcumque voluit, fecit, (exce prioritate causalitatis !)* & quicquid illa, quæ futura sunt, fecit, humanas voluntates (en infallibilitatem !) non posse resistere, quominus faciat ipse, quod vult, quandoquidem etiam de ipsis hominum voluntatibus, quod vult, facit. Tandem in fine capituli : *DEUS, inquit, magis habet in potestate voluntates hominum, quam ipsi suas.* Ex quo ultimo D. Augustini pronuntiatio scilicet argumentari : voluntas causæ primæ magis inhuit in actum liberum, eumque tam parum impedit à deliberatione & indifferentiâ, (quia magis habet in sua potestate, &c.) quàm voluntas causæ secundæ ; sed suppositio voluntatis, seu determinationis factæ a causâ secundâ non facit actum antecedentem sed tantum consequenter necessarium ; ergo & suppositio voluntatis, seu determinationis à voluntate DEI non causat necessitatem antecedentem sed consequentem.

Notandum tercio. Radicem nostræ libertatis, esse duplicem ; unam extrinsecam & remotam, nempe efficaciam divinæ voluntatis, cuncta creata non tantum secundum substantiam, sed etiam omnem suum modum & perfectionem attingentis ; alteram proximam & intrinsecam, quæ est indifferentia cognitionis. Ratio primæ radices, ut in Tract. de DEO advertimus, est quòd voluntas divina, juxta D. August. liberrima, inviolissima, fortissima, sit prima radix & causa omnis creatæ perfectionis, infinite efficaciz, ex se profundens totum ens & omnes ejus differentias, ita ut ex ipsa voluntate divina originetur necessitas & contingentia in rebus, inquit S. D. in 1. perih. lect. 14. nec alia radix contingentiz sit assignabilis, ut loc. cit. dixit. Ratio secundæ radices est, quòd voluntas tanquam cæca potentia in tantum potest habere, quòd in operando sit determinata, vel indifferens, in quantum regitur determinatâ, vel indifferenti cognitione : ergo proxima & intrinseca radix, è quâ promanat libertas voluntatis, est cognitio indifferens. His ita præliminariter positis plena est ad nostram assertionem via.

## §. II.

*Prædeterminatio non tollit libertatem.*

CONCLUSIO. Prædeterminatio non tollit, sed causat actualem libertatem voluntatis. Et hoc sanè evincunt autoritates SS. Augustini & Thomæ Aquinatis pluries relatæ. Si enim juxta D. August. modò cit. *DEUS magis habet in sua potestate voluntates hominum, quam ipsi suas*, perfectius dominium DEO convenit in actus creatæ voluntatis, quàm ipsi homini : ergo, si ratione dominii in suos actus voluntas se ipsam determinando & applicando non destruit sed causat actualem libertatem, etiam vi infinite perfectioris dominii DEUS humanam voluntatem determinando & applicando non destruit sed perficit & causat actualem libertatem.

Accedat Magistro Discipulus D. Prosper, qui 8. l. 2. de voc. gen. c. 71. ita loquitur : *Quos voluit DEUS velle, voluerunt, quia ad obediendum*

dum sibi ipsum velle sic donat, ut etiam à per-  
severaturis illam mutabilitatem, quâ possunt nolle,  
non auferat. Ergo DEUS dando ipsum  
velle actuale [quod nonnisi prædeterminando  
fieri posse ostensum est] non auferit potentiam  
& mutabilitatem in oppositum, nec proinde tollit  
libertatem.

9. D. Thomæ verò autoritas, præter jam adductas, clarissima est in 1. p. q. 83. a. 1. ad 3. ubi hæc habet: *DEUS est prima causa movens & naturales causas & voluntarias, & sicut naturalibus causis, NB. movendo eas, non auferit quin actus earum sint naturales: ita movendo causas voluntarias, non auferit quin actiones earum sint voluntaria, sed potius NB. hoc in eis facit, operatur enim in unoquoque secundum ejus proprietatem. & in 1. 2. q. 10. a. 4. in c. Quia igitur voluntas est actionum principium, non determinatum ad unum, sed indifferenter se habens ad multa, sic DEUS ipsam movet quod non ex necessitate ad unum determinat, sed remanet motus ejus contingens, & non necessarius, nisi in his ad quæ naturaliter movetur. Movet igitur DEUS voluntatem indifferenter [ideo etiam quia indifferens est] non tamen ex necessitate determinando ad unum. Cur hoc? Adversarius dicit; quia offert concursum simultaneum & relinquit puram determinationem voluntati. Minime; sed quia movet ipsas causas ad actum voluntarium, & hoc in eis facit, in ipsis operatur ut actus liberè procedant: ipsa quoque voluntas seu principium indeterminatum indiget moveri & determinari.*

10. Probatur etiam ratione primò. Causa libertatis actualis quâ talis, eandem non potest destruere: sed prædeterminatio physica est causa libertatis actualis. Ergò, Minor probatur: Libertas actualis, seu perfectio creata, actus secundus, & exercitium liberi arbitrii, in ipso suo fieri & egredi essentialiter subordinatur causæ primæ ut actu causanti & influenti; sed non nisi ratione physice præmotionis potest subordinari, quâ solâ influxum causæ primæ, & applicationem causæ secundæ ad agendum salvari posse ostendimus: ergò.

Secundò. Implicat, actum voluntatis ab indifferenti cognitione procedentem non esse liberum; sed præmotio physica non impedit cognitionem indifferenter: ergo etiam non impedit actus libertatem. Major probatur: Si voluntas, posita cognitione indifferente, necessariò tenderet in suum objectum, tunc operaretur sine cognitione; sed hoc implicat: ergò. Sequela probatur. Tunc voluntas operatur sine cognitione, quando actus ab illa procedens non dirigitur aliquâ cognitione: non enim dirigeretur à cognitione necessaria, quia nulla supponitur: non ab indifferente, quia cognitio indifferens non est idonea regula actus necessarii.

Confir. Actus voluntatis procedens à cognitione determinatà ad unum non potest esse indifferens: ergo etiam actus procedens ex cognitione indifferente non potest esse necessarius.

R. P. Mexg. Theol. Schol. Tom. II.

## §. III.

## Solvuntur objectiones.

**O**bjicies primò. Suppositio antecedens determinationem liberi arbitrii est causa necessitatis antecedentis; sed suppositio prædeterminationis antecedit determinationem liberi arbitrii: ergo est causa necessitatis antecedentis. Major probatur è S. Ansel. citato, & de concord. prædest. c. 1. & 2. ubi factâ distinctione inter necessitatem antecedentem & consequentem, antecedentem dicit esse illam, quæ causa est, ut res sit; consequentem, quam facit ipsemet operans; & primam dicit præjudicare libertati, non autem secundam. Pariter S. D. l. 2. phys. lect. 15. dicit: quòd illa sit necessitas absoluta, quæ provenit ex causis prioribus; & illa conditionata, quæ orta est ab eo quod est posterius in esse.

Resp. ex dictis: Suppositio antecedens, quæ ex latet non infert aut causat libertatem, inducit necessitatem antecedentem, concedo: quæ infert & causat, nego, & similiter distinctâ minore, nego consequ. Ratio responsi patet ex dictis in Not. 2.

Ad probat. ex D. Anselmo & S. D. patet solutio ex ibidem dictis: necessitas antecedens igitur est, quæ causa est, ut res sit cum indifferentiâ, nego: per inodum naturæ cum determinatione ad unum, concedo. item: est antecedens, quæ provenit ex causis prioribus, continentibus & dantiibus ipsum modum libertatis & contingentie, nego: non continentibus, concedo. Ita enim SS. DD. ex ipsorum verbis explicari & intelligi oportet.

Objicies secundò. Quicquid ex antecedente inimpedibili in existendo per necessariam consequentiam sequitur, est necessarium & inimpedibile; sed prædefinitio & prædeterminatio sunt antecedens inimpedibile in existendo; ergo actus qui exinde sequitur est necessarius.

Resp. Hoc argumentum vix non in terminis sibi ipsi à S. Doctore objectum & solum esse cit. q. 19. a. 8. ita enim habet: *Omnis causa que non potest impediri* (hoc est antecedens inimpedibile) *ex necessitate suum effectum producit; sed voluntas DEI non potest impediri* [est inimpedibilis] *dicit enim Apostolus: voluntati ejus quis resistit? ergo voluntas DEI rebus volitis necessitatem imponit.* Respondet: *Ex hoc ipso, quòd nihil divina voluntati resistit, sequitur, quòd non solum fiant ea que DEUS vult fieri, sed quòd fiant contingenter, vel necessariò, que fieri vult.* Ideo ad mentem D. Thomæ in forma, vel nego, vel disting. maj. à illud antecedens non sit causa libertatis, concedo: si sit, nego.

Instabis primò. Non potest DEUS hominem liberè operantem magis necessitare ad operandum, quàm imprimendo illam præviâ qualitatè, quæ instat vinculi adamantini constrigat ad operandum. Ergo per illam non datur sed auferitur libertas.

Resp. neg. antec. quia prius deberet auferri cognitio indifferens, quâ stante impossibile est, ut actus ex ejus directione elicitus, non sit formaliter indifferens. Nec est adamantinum vinculum, quod ipsam libertatem reducit in actum: cum sit executio divinæ providentiæ, quæ



quæ licet attingat omnia fortiter, simul tamen disponit omnia suaviter.

13. *Adhuc infabii.* Calvinus cum suis non negat cognitionem indifferentem, quam docet experientia, & tamen ex prædeterminatione infert, aufertur potentiam ad utrumlibet.

*Resp.* Quid tum? In hoc ipso peccavit non tantum malus Theologus sed etiam Philosophus, quod ex motione causæ primæ, relinquente indifferentiam cognitionis, intulerit iacturam libertatis & indifferentiæ in voluntate. Exprobrabit Thomista Calvinus, urgenti necessitatem, illud D. Hieronymi in ep. ad Ctesiphont. contra Pelag. Injuriam tibi fieri putas, & destrui arbitrij libertatem, si ad DEUM semper auctorem recurras, si ex illius pendeas voluntate? &c. Et l. 3. adv. Pelagium: Ego liberum tollo arbitrium, qui in tota disputatione mea nihil aliud egi, nisi ut omnipotentiam DEI cum libero arbitrio conservarem?

14. *Obijci tertio.* Prædeterminatio tollit indifferentiam voluntatis, quia determinat ad unum: ergo tollit libertatem.

*Respond.* Prædeterminatio tollit indifferentiam voluntatis potentialem & privativam tantum, concedo: actuale & negativam, nego. Rursus: determinat ad unum cum directione cognitionis indifferentis, concedo: per modum naturæ & sine tali directione, nego.

Inquis: Illa determinatio tollit indifferentiam actuale, quæ adimit potentiam oppositi; sed prædeterminatio illam adimit: ergo.

*Resp.* quæ adimit potentiam oppositi in sensu tam composito quam diviso, concedo: quæ tan-

tum in sensu composito tollit potentiam oppositi; nego.

*Infabii.* Voluntas prædeterminata ad consensum nec in sensu composito nec diviso potest ponere dissensum; ergo nullam prorsus habet potentiam ad dissensum, & consequenter non est libera. Antec. prob. Ponere dissensum in sensu diviso prædeterminationis est illum ponere non coexistentem prædeterminationi, sed talem dissensum voluntas ponere non potest: ergo. Minor prob. In cujus potestate non est ponere unum extremum, in ejus potestate etiam non est alterum extremum cum ejus existentia componere vel non componere: Sicuti, quia existentia Petri non est in potestate Solis, ideo non est etiam in potestate Solis, ponere lucem coexistentem vel non coexistentem Petro: sed non est in potestate voluntatis ponere prædeterminationis existentiam; ergo etiam non est in ejus potestate cum illa dissensum componere vel non componere: sive ponere dissensum ut coexistentem, vel non coexistentem.

*Resp.* neg. antec. & minor. probationis, ultimamque probationem distinguo. In cujus potestate non est ponere unum extremum &c. nisi illud extremum causet ipsam potestatem & indifferentiam, transeat: si causet, nego. & pariter distincta min. nego. conseq. Nec instantia de Petro quicquam probat; nam Petrus non est essentialis causa lucis ponendæ, uti est contra prædeterminationem essentialis causa electionis à voluntate liberè pondendæ.

Sed quia de potentia dissentendi in sensu composito hoc loco specialis est difficultas, ideo sit

## ARTICULUS IV.

*An possitis omnibus requisitis ad agendum voluntas debeat in sensu composito posse agere, vel non agere, ut sit formaliter libera?*

### SUMMARIA.

1. Alia prærequisita ex parte actus primi, alia ex parte actus secundi.
2. Genuina explicatio sensus compositi & divisi.
3. Negatio sensus compositi non tollit simultatem potentia, sed potentiam simultatis.
4. Negativa assertio probatur duplici ratione.
5. Et multiplicibus exemplis.
6. De ratione libertatis est, cum omnibus requisitis ad operandum posse non operari in sensu diviso.
7. Adversarii fallaciter argumentantur à sensu composito ad divisum.
8. Exponitur mens Concilij Tridentini.
9. Voluntas promota ad amorem est æquè potens ad odium, quam ad amorem.
10. Prædeterminatio removetur ab actu primo.
11. Agere & non agere sumitur æqualiter in definitione libertatis potentialis, non actualis.
12. Quando nam posito possibili in actu nullum sequatur inconveniens.
13. Mala acceptio sensus compositi destruitur.

### §. I.

#### *Expositio sensus compositi & divisi.*

EX prærequisitis ad agendum alia sunt, quæ pertinent ad actum primum, seu ad posse agere, alia ad actum secundum, seu ad ipsammet agere. Ad actum primum liberi arbitrij, præter ipsam potentiam voluntatis, pertinet indifferens propositio objecti viresque sufficientes, quas in ordine supernaturali ad actus bonos DEUS per auxilium sufficiens, quod à D. Augustino vocatur *auxilium sine quo non*, suppledat. Ad actum secundum pertinet tum ipsa intrinseca liberi arbitrij determinatio, tum [in Thomistarum doctrina] decreta prædesinentia, de quibus alio loco dictum, & prædeterminatio physica, de qua modo egimus.

Porro ante resolutionem questionis ante omnia sciendum, quid sensus compositi & divisi nomine Thomistæ intelligant? Itaque cum ly *posse* distinguunt per sensum compositum & divinum, e. g. homo sedens potest ambulare in sensu diviso,



vifo, non autem in sensu composito, nequaquam hoc volunt (ut male ipsis quandoque imponitur) quod homo habeat potentiam ad ambulandum sessione ablata, hæc autem posita non habeat hanc potentiam: cum dicunt: Prædestinatus in sensu diviso potest damnari, non autem in sensu composito, non est sensus, quasi ablata primum prædeterminatione homo habeat potentiam perseverandi in peccatis, sicque incidendi in damnationem æternam, non autem, quamdum prædestinatio est cum ipso conjuncta. Pariter, cum dicunt: Homo prædeterminatus ad consensum potest dissentire in sensu diviso, non in sensu composito, non hæc mens est, quod absente prædeterminatione habeat potentiam dissentiendi, non autem hæc præsentis: hunc, inquam, istius distinctionis sensum, seu sanæ & catholicæ defensionis libertatis minus consentaneum, Thomistæ refugiant. Genuinus autem & verissimus ipsius sensus est: quod homo sedens etiam posita sessione retineat quidem potentiam ad absolute non sedendum, ita tamen ut posita seu supposita sessione, non possit simul cum ipsa componere actum ambulandi: sic enim posset simul sedere & non sedere, quod manifestè inopieat. Ita in reliquis exemplis, dum dicunt: Prædestinatus potest in peccatis perseverare in sensu diviso, mens est: Prædestinatus unâ cum prædeterminatione habet potentiam ut perseveret in peccatis: non tamen est possibile, ut perseverantia in peccatis, seu finalis impotentia conjungatur cum prædeterminatione: sic enim esset, & non esset prædestinatus. Item dicendo: Prædeterminatus ad agendum, potest non agere in sensu diviso, sensus est: Prædeterminatus ad actum habet veram potentiam, ut absolute non agat, aut ut agat oppositum; non tamen possibile est, ut negatio actus conjungatur cum prædeterminatione: quia, cum prædeterminatio sit efficax DEI motio in uno eodemque reali instanti existens, quo actus existit; jam esset, & non esset efficax, voluntas quoque simul ageret & non ageret, quod implicat.

3. Itaque distinctio & negatio sensus compositi non afficit ipsam potentiam sed terminum potentie, h. e. actum, ejusque oppositum; neque negat simultatem potentie cum prædeterminatione, sed potentiam simultatis & compositionis inter negationem actus & prædeterminationem ad actum oppositum. His ita positis

## §. II.

*Resolutio negativa.*

4. **CONCLUSIO.** *Non est de ratione libertatis, ut voluntas cum omnibus requisitis ad operandum possit componere actum oppositum, vel negationem actus.* Ita Alvar. l. 12. de aux. D. 115. cum alijs Thomistis. Probatur primò. Etsi voluntas non possit componere oppositum actus cum omnibus prærequisitis ad agendum, adhuc salvatur rota ratio libertatis: ergo illa potentia componendi non est de ratione libertatis. Antec probatur. Quamdum actus procedit à principio indifferente, tandum salvatur libertas ipsius, sed etiam voluntas non possit componere oppositum cum omnibus prærequisitis ad agendum, adhuc actus procedit à principio indifferenti ad utrumlibet: quia tandum voluntas est formaliter

ter indifferens ad utrumlibet, quamdum operatur ex prævio indifferenti dictamine intellectus; in quo libertas formalis essentialiter radicatur: sed operatur ex prævio indifferenti dictamine, ut supponitur: ergo.

Secundò. Impossibile est, ut cum omnibus prærequisitis ad actum liberum ex parte actus secundi, voluntas componat oppositum: ergo hoc non est de ratione libertatis. Antec. prob. Si voluntas cum omnibus prærequisitis ad amorem v. g. posset componere negationem amoris, tunc posset simul esse & non esse actuale principium amoris: sed hoc implicat: ergo. Sequela probatur. Prærequisita ex parte actus secundi constituunt voluntatem in ratione principij actualis ipsius amoris: sed si hæc in sensu composito posset non amare, jam non esset principium actuale: ergo posset simul esse & non esse principium actuale.

Probatur tertio exemplis. & primò. Inter si prærequisita ad liberè operandum est ultimum judicium practicum intellectus; neque enim voluntas fertur in incognitum, sed priusquam eligat, præsupponit consilium & ultimam sententiam de agendis: sed cum ultimo judicio practico imperante actum voluntas non potest componere negationem actus; sic enim operaretur voluntas absque prævio ductu rationis, quod implicat.

Secundò. DEUS liberrimè creavit mundum, nec tamen poterat cum omnibus prærequisitis ad liberam creationem componere non creationem mundi: ergo hæc potestas componendi non est de ratione libertatis. Alterum membrum antecedentis probatur: Inter prærequisita ad liberam creationem mundi est voluntas creandi mundum, quia *quæcunque voluit, fecit*: sed erat impossibile DEO cum voluntate creandi componere non creationem mundi: ergo.

Tertiò. Unum ex necessariis prærequisitis ad liberè operandum, est efficax prædeterminatio & prædeterminatio: sed cum hac non potest stare oppositum operationis: ergo non est necessarium, ut cum omnibus prærequisitis ad operandum voluntas possit oppositum ponere in sensu composito. Majorem quoad 1. partem in Tract. de DEO, quoad alteram partem in cap. præsentii probavimus. Minor exinde probatur, quod si cum prædeterminatione & prædeterminatione ad actum, posset componi oppositum, jam DEI voluntas non esset omnipotens & infinitè efficax, cum videlicet intentio voluntatis divinx, in ista motione contenta, per creatam hominis voluntatem impediri posset, quemadmodum advertit D. August. in *Enchirid.* c. 95. dicens: *DEUS noster in celo & in terra, omnia quæcunque voluit, fecit; quod nique non est verum, si aliqua voluit, & non fecit: & (quod est indigenum) ideo non fecit, quia, ne fieret quod volebat Omnipotens, voluntas hominis impedivit.* Nec minus S. D. 2. 2. q. 112. *Præparatio secundum quod est à DEO movente, habet necessitatem ad id, ad quod ordinatur à DEO, non quidem coactionis, sed infallibilitatis, quia intentio DEI deficere non potest.*

Quarta

*Quarid.* Interprærequisita ad actum liberum supernaturalem, v. g. charitatis, est efficax gratia & motus Spiritus sancti; sed cum ista motione voluntas non potest componere oppositum: ergo. Major est de fide. Minor est D. Thomæ in c. 2. 2. q. 24. a. 11. in c. dicentis: *Impossibile est, hac duo simul esse vera, quod Spiritus S. velit aliquem movere ad actum charitatis, & quod ipse charitatem amittat peccando.*

6. Est nihilominus de ratione libertatis, ut cum omnibus requisitis ad operandum voluntas possit non operari in sensu diviso: aliàs quippe voluntas nullam haberet indifferentiam, & actum produceret modo solum spontaneo, non etiam libero, cum sublatâ facultate ad utrumlibet pereat definitio & essentia libertatis. Atqui consequens est à fide Catholica alienum: ergò. Neque hanc facultatem auferat nostra prædeterminatio; nam, ut suprà ex D. Prospero advertimus, *DEUS ad obediendum sibi ipsum velle sic donat, ut perseveraturus illam mutabilitatem, quâ possunt nolle, non auferat.* Divina quippe motio, seu primæ causæ influxus ipsam humani arbitrii libertatem reducit in actum, unde quemadmodum illa determinatio, quâ semetipsam voluntas creata ad operandum determinat, non destruit potentiam in oppositum, sed causat, ut actus in alterutrum ex oppositis liberè tendat; ita hoc ipsum causat & præstat prædeterminatio, quæ sibi humanam determinationem subordinat.

### §. III.

#### *Solvuntur objectiones.*

7. *Obijcies primò.* Resistere, dissentire divinæ motioni, est componere resistentiam & dissentium cum divina motione: sed homo, positus omnibus requisitis ad agendum, ipsâque divinâ motione, potest resistere motioni, & gratiæ pervenienti: ergo potest componere cum illa resistentiam ac dissentium. Major probatur *primò*: assentiri & cooperari gratiæ dicit sensum compositum, ac rursus posse assentiri & cooperari gratiæ verificatur tam in sensu composito quam diviso: ergò etiam resistere, dissentire, ac posse resistere verificatur in sensu composito.

*Secundò*: quia ridiculum esset dicere, exercitum Cæsaris posse resistere exercitui Turcico in sensu diviso ipsius, h. e. ex suppositione, quòd Turcicus exercitus non existat: posse hominem resistere tentationi, ex suppositione, quòd tentatio non existat; posse abjicere pecunias, ex suppositione, quòd illæ non adsint &c. Minor patet ex Tridentino, ubi sess. 6. can. 4. damnatur hæc propositio tanquam hæretica: *Libero arbitrio DEO excitanti atque vocanti non posse dissentire, si velit.* Etc. 5. dicitur: quòd homo, Spiritus S., inspirationem recipiens, posset illam abjicere.

*Responderi potest primò*, negando consequentiam: nam fallaciter ab actu secundo & sensu composito, qui sumitur in majori, proceditur ad sensum divinum & actum primum, qui significatur in minori. Veluti si sic inferres: præ-

destinatum damnari est damnationem componi cum prædeterminatione: sed prædestinatus potest damnari: ergo potest prædeterminatio cum damnatione componi &c. quæ consequentia est vitiosa.

*Respond. secundò*, Negando Majorem, si sermo sit de motione efficaci. Et ad primam ejus probationem disparitas est, quòd motio, hoc ipso quòd sit efficax, est infallibilis causa cooperationis & consensûs, simul in eodem rebus temporis instanti coexistentis: unde mirum non est, quòd cooperari & consentire verificetur in sensu composito. Econtrâ verò illa motio non est actualis causa dissensûs: imò cum sit actualis causa liberi assensûs, eo ipso etiam est causa, quòd dissensus assensui repugnans, pro illo instanti liberè non eliciatur.

Ad duas primas instantias in secunda probatione adductas, *Respond.* posse resistere illi non verificari in sensu composito exercitûs Turcici, & tentationis efficaciter sed solum inefficaciter coexistentis, aliàs quippe essent & non essent efficaces, si simul cum ipsis resistentia componi posset. Ad tertiam instantiam *Respond.* Me non posse abjicere pecunias, quas actu habeo, nisi in sensu diviso, siquidem repugnat pro eodem instanti simul abjicere & retinere pecunias.

Porrò Concilii Tridentini principale intentum fuit, libertatis cum gratia efficaci concordiam ac coexistentiam asserere, quæ per hoc optine salvatur, quòd gratiæ & præmotionis divinæ efficacia potentiam dissentendi in sensu diviso in libero arbitrio relinquat, *Instabit.* Frustranea est potentia, quæ non redigitur in actum: sed pro eo instanti, pro quo voluntas est efficaciter præmota, potentia resistendi non potest redigi in actum: ergo est frustranea & nulla. *Respond.* Quæ non redigitur in aliquem actum, concedo: quæ non redigitur in omnem actum, nego; alias quippe potentia creandi alium mundum etiam foret frustranea in DEO.

*Obijcies secundò.* Si voluntas cum omnibus requisitis v. g. ad amorem, non posset simul ponere odium, vel omissionem amoris, sequeretur, quòd voluntas non esset æquè potens ad odium vel omissionem amoris, quàm ad amorem: sed consequens præjudicat libertati: ergò & antecedens. Sequela probatur: Voluntas non habens omnia requisita ad actum, non est æquè potens, quàm habens omnia requisita ad actum: sed in factâ hypothesi voluntas haberet omnia requisita ad amorem, non autem ad odium, vel omissionem amoris: ergò. Minor quoad secundum membrum probatur: Voluntas, præmota ad amorem, non habet præmotionem ad odium, multo minus carentiam præmotionis ad amorem: sed inter requisita ad odium est præmotorio; inter requisita ad omissionem amoris, est absentia præmotionis ad amorem oppositum: ergò voluntas præmota non habet omnia requisita ad odium, vel omissionem amoris.

*Respond.* Negando sequel. ejusque probationem distinguo. Voluntas non habens omnia requisita se tenentia ex parte actûs primi, non est æquæ



æque potens, concedo: voluntas non habens omnia requisita se tenentia ex parte actus secundi, nego: sed voluntas præmota ad amorem, non habet omnia requisita ad odium &c. se tenentia ex parte actus secundi ipsius odii, concedo. Ex parte actus primi, nego min. & conseq. Nam præmorio, seu applicatio & actualis reductio potentia in actum secundum, non se tenet ex parte posse & actus primi sed ex parte ipsius actus secundi, quemadmodum & apud Advers. actualis determinatio, quæ voluntas se determinat ad operandum, est prærequisitum ex parte actus secundi, non primi. Sed instabis &c.

10. Obijcies tertio. Prædeterminatio tenet se ex parte actus primi: ergo tollit potentiam in oppositum. Antecedens prob. *primò*: quicquid antecedit actum secundum, pertinet ad actum primum, quia inter actum primum & secundum non datur medium: atqui prædeterminatio antecedit actum primum, ergo. *Secundò*: Complementum & applicatio principii operativi pertinet ad actum primum; sed prædeterminatio est complementum & applicatio principii operativi: ergo. Major patet in applicatione ignis ad lignum, quæ pertinet ad actum primum. *Tertio*: sine quo potentia non potest operari, illud pertinet ad actum primum, seu ad ipsum posse: sed absque determinatione voluntas non potest operari: ergo pertinet ad actum primum, seu ad ipsum posse.

*Respond.* Negando. Antec. ad cuius primam probationem distinguo. Antec. quicquid antecedit actum secundum prioritate temporis, & per modum virtutis operative, concedo: prioritate naturæ, & tantum per modum exercitii casualis, nego. Rursus: non datur medium inter actum primum, & secundum tam causalem quàm formalem, concedo: actum secundum formalem tantum, nego. inter hunc enim & actum primum mediat actus secundus casualis, antecedens prioritate naturæ, non temporis. *Ad 2.*

*prob. dist. major.* Complementum principii operativi in esse principii habitualis se tenet ex parte actus primi, concedo: complementum ipsius, vel potius constitutum causalem, in esse principii actualis, nego maj. & sub datâ distinct. nego consequentiam. Iterum: applicatio ad operandum, quæ non est ipsum exercitium operandi saltem causale, pertinet ad actum primum, concedo: secus, nego. *Ad 3. probat.* Absolutè nego min. Si dicas: Nulla causa potest procedere in suum actum, nisi moveatur a DEO. (S. D. 1. p. q. 109. a. 1.) ergo sine prædeterminatione non potest operari.

*Respond.* Ex eodem S. D. q. 1. de pot. 2. ad 1. Illam propositionem esse veram, si particula exceptiva nisi referatur ad actum secundum: ut faciat hunc sensum: fieri non potest, ut aliqua causa operetur, nisi fuerit præinita, & prædeterminata ad operandum; & tunc negatur consequentia: non autem esse veram, si referatur ad actum primum & ipsum posse, faciatque hunc sensum: Nulla causa habet potentiam producendi actum, nisi sit prædeterminata: plurimum enim effectuum potentiam habet cau-

sa creata, quàm ad quos actum ponendos est prædeterminata a DEO.

*Obijcies quarto.* Cum libertas definitur: ita. Quod sit facultas, quæ positis omnibus requisitis ad agendum voluntas potest agere vel non agere; utrumque membrum, agere & non agere, æqualiter sumitur: ergo si positis omnibus requisitis ad agendum voluntas potest agere in sensu composito, ita etiam poterit non agere in sensu composito.

*Confirmo. primò.* Posito possibili in actu nullum sequitur inconveniens: sed positis omnibus requisitis ad agendum, possibile est voluntatem non operari, aliàs in voluntate non remanebit potentia ad non operandum; cum impossibile non detur potentia: ergo posito, quod voluntas positis omnibus requisitis non operetur, nullum sequetur inconveniens.

*Confirmatur secundò.* Illud potest voluntas, ad quod tenetur, sed aliquando, positis omnibus requisitis ad agendum, tenetur non agere: ergo etiam positis omnibus requisitis ad agendum potest non agere. Minor probatur: quoties quis peccat peccato commissionis, toties pro eo instanti, quo habet omnia requisita ad actum peccati, tenetur omittere actum peccati; aliàs quippe pro illo instanti non peccaret: ergo etiam pro illo instanti potest actum omittere.

*Respond.* Distingueudo antecedens: in definitione libertatis potentialis & privative ly agere & non agere ita æqualiter sumitur, ut voluntas positis omnibus requisitis utrumque æqualiter possit in sensu composito, concedo: in definitione libertatis actualis, & positis omnibus requisitis ex parte actus secundi, nego. Tunc enim quia potentia jam supponitur actu agere, necessariò excluditur sensus compositus non agendi.

*Ad 1. confirm. Respond.* Posito possibili in actu, quæ ratio est possibile, nullum sequi inconveniens; non autem si ponatur in actu, quæ ratio non est possibile. Positis igitur omnibus requisitis ad agendum, possibile est voluntatem non operari in sensu diviso, sive absolute, potentiâ antecedente, & nullius rei impossibile factâ hypothesi, concedo: in sensu composito, sive potentiâ consequente, & factâ hypothesi actus secundi, nego. Jam enim sequeretur magnum inconveniens, quod voluntas simul ageret & non ageret. Impossibile non dari potentiam verum est, si sint absolute impossibilia, non autem, si tantum impossibilia ex suppositione, ut patet è pluribus exemplis: ita enim datur in DEO potentia creandi alios mundos: nec tamen supposito decreto de non creando altero mundo, est possibile alium creari &c.

*Ad 2. confirm. Respond. primò.* Hoc argumentum nimium probare contra ipsos Adversarios, quod nimirum etiam posito actu & concursu simultaneo, homo posset ponere actum contrarium, vel omissionem actus, siquidem pro illo instanti tenetur non peccare.

*Respond. secundò.* Illud quis potest ad quod tenetur, potentiâ antecedente, vel consequente, concedo: utraq; semper, nego. Ergo pro

pro illo instanti, quo peccat, & habet omnia requisita ad operandum, potest non operari potentia antecedente, h. e. absolutâ & præscindente ab hypothesei impossibili, concedo: consequenter & involuente talem hypothesein, nego consequentiam.

13. *Obijcies quinto.* Ideo voluntas prædeterminata ad amandum posset non amare in sensu diviso, quia si præmotio auferatur, vel ponatur opposita, potest actum oppositum, vel negationem amoris ponere: atqui hoc non sufficit ad salvandam libertatem & potentiam proximam in oppositum: nam causa quoque necessaria, v. g. ignis potest non comburere, si quod est prærequisitis ad agendum ab ipso removeas. Hæc etiam ratione Beatus ad DEUM odio habendum, damnatus ad amandum, habent potentiam proximam; quia ille in sensu diviso visionis posset odio habere, iste autem in sensu diviso, h. e. remoto statu damnationis, posset DEUM amare.

*Resp.* negando majorem: quæ procedit ex malo intellectu sensus compositi & divisi. Ratio igitur est: quia positis omnibus requisitis ad agendum, ipsa quoque prædeterminatione, voluntas regulata per indifferentem cognitionem habet verissimam potentiam ad oppositum: ita scilicet ut vi indifferentis istius propositionis æque posset in oppositum tendere, nisi suppleretur jam in actu secundo opposito [quæ supposito conditionalem necessitatem inducit] per divinam motionem causaliter, per propriam quoque determinationem formaliter constituta: qualem indifferentem propositionem nec in igne, aliâve causâ naturaliter agente, nec in Beatis, aut damnatis reperies. Solet etiam obijci, quod ex prædeterminatione sequatur, DEUM fieri auctorem peccati, quam tamen sequelam in disputationem de peccato, ibi commodius refutandam, remittimus.

## DISPUTATIO VII.

DE

### Involuntario ad. q. 6.

**I**nvoluntarium in præsentem accipimus non negativè, pro non voluntario, sed positivè, & contrariè, ejusque causas discutimus; quarum 4. communiter enumerantur, juxta 4. modos, quibus voluntas vel ex parte sui, vel ex parte cognitionis à motu voluntario impediri potest. Nam cognitio requisita impeditur vel ignorantia, vel passione concupiscentiæ; influxus verò voluntatis impediri potest, vel metu, vel violentiâ. Unde 4. sunt causæ involuntarij, violentia, metus, concupiscentia, & ignorantia.

### ARTICULUS I.

#### *An & quomodo violentia causet Involuntarium.*

#### SUMMARIA.

1. *Violenti expositio.*
2. *Involuntarium aliud simpliciter, aliud secundum quid.*
3. *Alium imperati patiuntur violentiam.*
4. *Non alium elicit.*
5. *Neque cessatio ab illis.*
6. *Potest odium proprii esse fieri voluntarium.*
7. *Stante indifferenti propositione obiecti non potest voluntas necessitari ad actum.*
8. *Subversio divini concursus ad comburendum igni Babylónico non fuit violentia.*
9. *Alium imperati & coacti quomodo sint à principio intrinseco?*
10. *Violentia simpliciter causat involuntarium.*
11. *Qua coacti sunt, neque ad meritum, neque ad demeritum valent.*
12. *Baptismus adultro collatus per violentiam est invalidus.*
13. *Violentia non est moraliter violentia, si in resistendo non adhibeas debitam diligentiam.*
14. *Regula ad dignoscendum, quanta sit adhibenda resistencia?*

#### §. I.

*In actibus elicitis voluntatis nihil potest violentia.*

1. **V**olentium dicunt Philosophi esse ab extrinse-

co, passio renitente. Unde distinguitur violentum à necessario, coacto, & involuntario. A necessario; quia hoc reperitur in quolibet actu determinato ad unum, licet ille sit à principio intrinseco, & quàm maximè voluntarius: veluti de amore beatifico dictum est. A coacto; quia licet istud semper sit conjunctum cum violentiâ, tamen propriè dicitur tantum de cognoscentibus, ideoque minus latè patet, quàm violentum, quod etiam dicitur de non cognoscentibus. Ab involuntario; quia istud etiam ex ignorantia causari potest, ideoque latius patet, quàm violentum. Cæterum violentia vel est simpliciter talis, vel tantum secundum quid. Simpliciter talis est, si provenit ab agente extrinseco, passio totis viribus resistente. Violentia secundum quid erit, cum equidem provenit ab agente extrinseco, passio tamen non omnem possibilem ac debitam resistantiam adhibente, adeoque vel formaliter, vel virtualiter cooperante.

Rursus Involuntarium aliquando est simpliciter tale, cum nempe, consideratis omnibus circumstantiis, voluntas aliquid absolute respuit; secundum quid tale est, quando illud voluntas in his circumstantiis absolute quidem vult, conditionate tamen, & si tales circumstantiæ abessent, illud non veller, veluti mercator ad servandam vitam



vitam vult absolute merces in mare projicere, quas tamen nolle abijcere, si vitæ periculum abesset. His positis

3. **CONCLUSIO prima.** *Voluntas in actibus à se imperari potest pati violentiam.* Ratio est: quia possunt potentie externæ subjectæ voluntatis imperio per vim extrinsecis illatam cogi ad actus imperio & inclinationi voluntatis contrarios, vel vice versâ impediri ab actibus à voluntate imperatis: ut si virgo per vim stuprum patitur: si quis vinculis injectis ab alicujus loci accessu arceatur: sed hoc modo voluntas patitur violentiam, siquidem resistit effectui à principio extrinsecò illato. Ergo voluntas in actibus imperatis pati potest violentiam.

4. **CONCLUSIO secunda.** *Voluntas in actibus elicitis, aut in cessando ab illis, non potest pati violentiam.* Prima pars constat autoritate & ratione insinuatâ à D. Anselmo l. de lib. arbit. c. 6. dicente: *In vitis nemo potest velle aliquid, quia non potest nolens velle.* Nimirum omnis actus elicitus voluntatis est vel inclinatio ipsius, ab eadem tanquam principio conjuncto & intrinsecò proveniens, vel oritur ex ipsâ inclinatione voluntatis, si est actus fugæ: sed neutro modo potest esse violentus; siquidem violentia requirit principium merè extrinsecum, & simul resistantiam passivam.

5. Secundæ partis ratio est: In tantum voluntas pati deberet violentiam in cessatione sui actus, in quantum propter subtractionem divini concursus non posset continuare actum sibi maximè proportionatum, ut si DEUS denegaret concursum ad amorem fructivum animæ videnti Deum: sed voluntas in tali casu propriè non patitur violentiam: ergò. Minor probatur: Causa inferior non aliter inclinat in suos actus, nisi ut exercendus cum dependentia ab influxu causæ superioris, unde, cessante motu causæ superioris, cessat etiam inclinatio causæ inferioris in suum actum: Atqui in prædicto casu cessaret influxus causæ superioris: ergo pariter cessaret inclinatio causæ inferioris in suum actum, & consequenter illa cessatio non esset contra inclinationem, & renitentiam voluntatis.

## §. II.

*Solvuntur Objectiones.*

6. **Obiicies primò.** Si DEUS determinaret voluntatem ad proprium esse odio habendum, tunc actus odii esset contra inclinationem naturæ & simul à principio extrinsecò: ergo esset violentus.

*Respondet.* Non posse determinari voluntatem ad proprium esse odio habendum, nisi sub ratione alicujus miseriz, quo casu actus odii erit simpliciter voluntarius.

7. **Obiicies secundò.** Si DEUS circa objectum in intellectu indifferenter propositum necessitaret voluntatem ad actum determinatum; tunc ille actus erit necessarius & contra connaturalem inclinationem voluntatis: ergo erit violentus.

*Respondet.* negando, quod stante indifferenti propositione objecti in intellectu DEUS possit necessitare ad actum voluntatis; siquidem illa objectiva indifferencia est radix essentialis ipsius

libertatis in voluntate; unde actus ex vi talis objectivæ indifferentiæ elicitus hoc ipso est liber.

**Obiicies tertio.** Non minus est contra inclinationem voluntatis si ipsi subtrahatur concursus ad amandum DEUM clare visum, quam fuerit contra inclinationem ignis Babylonici subtrahio concursus ad comburendum: sed ignis Babylonicus passus est violentiam: ergo etiam patietur voluntas violentiam in cessando ab amore.

*Respondet* negando maiorem; & quòd subtrahio concursus ad comburendum fuerit contra omnem ignis inclinationem: licet enim fuerit contra ipsius inclinationem particularem, non tamen contra universalem secundum quam causæ primæ & universali obediencialiter subijcitur. Unde in meliori philosophia negatur, à DEO ulli creaturæ propriè inferri violentiam; quia DEO supra naturam operanti omnis creatura obedit, & tunc inclinatio in bonum particulare cedit inclinationi in bonum universale. Ideo de igne Babylonico Sap. 16. dicitur: *Ignis, ne nutriveretur iusti, etiam sua virtutis oblitus est: creatura enim tibi fallaci deserviens exardescit in tormentum adversus injustos &c.* D. August. lib. 26. contra Faust. *DEUS Creator & Conditor omnium creaturarum nihil contra naturam facit: id enim est cuius naturale, quod ille facit, a quo est omnis numerus, motus, & ordo nature.*

**Obiicies quarto.** Etiam actus imperati à voluntate sunt à principio intrinsecò, & secundum inclinationem potentie; v. g. visio per oculos violentè apertus est à potentia visiva, motus progressivus per violentum impulsus est à potentia loco-motiva & juxta inclinationem ipsius: ergo etiam in actibus imperatis voluntatis non reperitur propriè violentum.

*Resp.* actus imperati & coacti sunt à principio intrinsecò comparative ad potentiam elicientem, concedo: ad potentiam seu voluntatem imperantem, (quæ in definitione voluntarij nomine principij intrinseci intelligitur) nego. Ergo non sunt violenti, quatenus præcise sunt à principio proximo eliciente, concedo: quatenus sunt contra voluntatem repugnantem, nego.

## §. III.

*Violentia causa involuntarij.*

**CONCLUSIO tertia.** *Violentia simpliciter causat involuntarium simpliciter.* S. D. hic q. 10. 6. a. 5. Ratio ex dictis quidem est à principio purè extrinsecò, voluntate nihil de suo conferente, imò pro viribus resistente, hoc est simpliciter involuntarium: sed ita se habet violentum simpliciter: ergo violentum simpliciter causat involuntarium simpliciter. Hinc

*Colliges primò.* Ea quæ coactè & ex violentia sunt, neque ad meritum valere, neque ad demeritum; seu peccatum; quia deest voluntarium, sine quo neque merito, neque demerito potest esse locus. Unde, si quis violentè cogereetur ad reverentiam & cultum sive vero sive falso DEO exhibendum, neque per priorem actum haberet meritum, neque per actum posteriorem haberet peccatum.

*Colliges secundò.* Baptismus per violentiam collatus adulto renitenti esse invalidum; nam ad

ad validam hujus susceptionem in adulto prærequiritur voluntas & intentio saltem habitualis illum recipiendi: atqui violentia tollit etiam habitualem voluntatem: ergo.

13. *Colliges tertio.* Vim illatam ad aliquem actum illicitum extorquendum, non censi moraliter violentam, sed interpretativè voluntariam, si voluntas intermitat adhibere resistantiam, illasque vires & modos, quibus hic & nunc tenetur impedire actum intentatum. Quia tunc effectus aliquis censetur interpretativè voluntarius, & ex causa vel omissione moraliter subsecutus, quando voluntas potest ac tenetur illum impedire, ne tamen impedit.
14. Cæterùm ad discernendum, quanta sit adhibenda resistantia ad impediendum aliquem actum violenter intentatum, Corneio hic disp. 2. dub. ult. tradit hanc regulam, ut nimirum attendatur, utrum ad illum impediendum obligetur præcepto negativo, vel affirmativo. Nam si quis teneatur tantum præcepto affirmativo, non statim imputatur in culpam, etiam si non adhibeat

omnem resistantiam possibilem: sed sufficit, ut adhibeat convenientem attentè ratione damni, siquidem præcepta affirmativa ordinariè non obligant cum periculo famæ vel vitæ. Si verò obligetur præcepto negativo evitare & impedire actum intentatum, tunc est obligatio ad omni morali possibili modo repellendum talem actum. Unde, si quis compellatur adorare idolum vel illi sacrificare, non sufficit contrà protestari, & habere contrariam voluntatem, sed tenetur etiam cum famæ & vitæ iactura repugnare: quia ille actus repugnat præcepto negativo non adorandi Sculptile. Pariter, si mulier in casu pudicitie per vim violandæ probabiliter timeat de consensu in actum, tenetur etiam cum vitæ & famæ periculo clamare; quia tunc obligatur præcepto negativo non fornicandi: si verò prudenter existimet se consensum non præbituram, tenetur viribus corporis aggressorem repellere quantum potest, sine vitæ tamen aut famæ suæ detrimento, quia tunc obligatur [ut inquit citatus author] præcepto affirmativo custodiendi suam integritatem.

## ARTICULUS II.

### *An, & quomodo metus causet involuntarium?*

#### S U M M A R I A.

1. *Definitio metus.*
2. *Metus gravis & levis.*
3. *Metus antecedens & concomitans.*
4. *Quatuor actus concurrentes cum aliquo sit ex metu.*
5. *Actio ex metu facta est simpliciter voluntaria.*
6. *Involuntaria secundum quid.*
7. *Quomodo penitentia ex metu gehenne non sit involuntaria secundum quid?*
8. *Contritus & vota ex metu facta non sunt irrita defectu voluntarii.*
9. *Transgressio legis humana ex gravi metu saepe est tantum materialis.*
10. *Metus non impedit validitatem de jure naturali in matrimoniis, permissionibus, votis.*
11. *Irritantur tamen jure positivo ejusmodi actus.*
12. *Metus aliquando per accidens excusat à peccato.*
13. *Plerumque præcepta humana non obligant in gravi metu.*
14. *Præcepta naturalia negativa obligant etiam in gravi metu.*
15. *Præcepta naturalia positiva aliquando probabiliter non obligant in gravi metu.*
16. *Præcepta Divina positiva quandoenam obligent in gravi metu?*

#### §. I.

##### *Prænotanda.*

1. **N**otandum primò. Metum definiri ab Ulpiano l. 1. ff. de eo, quod metus causa. Quod sit, instantis periculi vel futuri causa, mentis trepidatio. Item ex S. D. l. 2. q. 41. a. 1. & 2. quod sit passio animi, quæ refugium malum futurum, cui resisti non potest, vel saltem difficulter. Unde differt metus à violentia, quod ista effectivè &

physicè impellit ad actum voluntatis inclinationi contrarium, ille verò objectivè & moraliter, in quantum voluntati ingerit aliquod objectum liberè impulsivum ad faciendum aliquem actum, quem vi alterius motivi extra casum mali intentati voluntas non elegerit. e.g. in casu Latrocinii metus mortis aliàs subeundæ, dum voluntati proponit enlargementem pecuniarum tanquam necessarium medium ad conservandam vitam, eandem impellit, ut pecunias Latroni tradat, quas extra intentionem mortis ob affectum erga pecunias non tradidisset.

Notandum secundò. Hic sermonem esse non de levi, sed de gravi metu cadente in virum constantem. Levis metus est, qui de levi malo concipitur, & ex quo quis operans non effugit notam inconstantie, ut si brevioris somni causa frangas jejunium. Metus gravis est, qui de aliquo magno malo concipitur, quod in judicio prudentis & constantis viri merito potest præponderare alteri malo, quod pro illo eligendum proponitur, ut est metus mortis, infamie, exilii. Ex quo prudenter aliquis præligit iacturam pecuniarum, quam vitæ &c.

Notandum tertio. Metum dupliciter ad actum humanum se habere posse, nempe antecedenter seu causaliter; & concomitanter. Antecedenter se habet, quando ex ejus impulsu & objectiva motione procedit actio, veluti si mercator metu naufragii & mortis projicit merces in mare. Concomitanter se habet, quando ita conjungitur operationi, ut tamen non sit causa ipsius. Quemadmodum passioni Christi, Sanctorumque Martyrum metus mortis potuit sic esse conjunctus, ut tamen nequaquam ex metu mortis paterentur. Antecedens metus vel est causa



causa totalis adionis, cum nimirum ipso absente actus non poneretur, ut in exemplo naufragij; vel est tantum partialis, ut quidem cum aliis causis impellat ad actum, sic tamen, ut etiam sine ipso vi aliarum causarum actus poneretur. Quæstio procedit in priori sensu; nam metus tantum partialiter concurrere non potest esse causa involuntarii.

- Notandum quartò. Cum aliquid sit ex gravi metu, quatuor plerumque actus concurrere: nam in exemplo mercatoris metu mortis suas merces in mare proijciens reperitur inprimis amor mercium, qui durat, etiam quo tempore merces in mare proijcit. Secundus actus est amor & desiderium vitæ conservandæ, qui priori præponderat. Tertius est efficax electio proijciendi merces pro conservandâ vitâ. Quartus est inefficax & conditionata voluntas non proijciendi merces, si periculum abesset, quæ etiam nolleitas appellatur, & causat tristitiam post mercium abiectionem. His positis sit

## § II.

5. **CONCLUSIO.** *Actio ex metu facta est simpliciter voluntaria, & involuntaria secundum quid, ideòq; dicitur voluntarium mixtum.* S. D. q. 6. a. 6.

Ratio primæ partis est: quod procedit ex efficaci voluntate & intentione operantis, est simpliciter voluntarium (quippe ab intrinseco principio cum cognitione finis) sed quæ sunt ex metu, ut est v. g. projectio mercium ex metu naufragij, procedunt ex efficaci voluntate, & intentione finis; nam revera mercator, sciens volens merces in mare proijcit, ut hoc medio vitam salvet, ergò.

Confirmatur primò. Quæ ex metu sunt, possunt esse peccata, ut cum quis ex metu mortis sacrificat idolis, & cum ex simili metu Petrus Christum negavit. Ergò etiam sunt voluntaria, quia nihil peccatum, quin voluntarium.

Confirmatur secundò. Metus non tollit liberum, ergò nec voluntarium. Antecedens probatur. Quia Martyribus, non obstante metu mortis, erat liberum, fidem Christi profiteri, vel sacrificare idolis.

6. Ratio secundæ partis est: quia ad involuntarium secundum quid sufficit inefficax renisus voluntatis: sed, ut dictum, cum aliqua ex metu sunt, reperitur inefficax renisus voluntatis. Ergò etiam reperitur involuntarium secundum quid.

## § III.

*Solvuntur Objectiones.*

7. **O**bjicies primò. Si, quæ sunt ex metu, essent secundum quid involuntaria, propter inefficacem renisum voluntatis, ille, qui de suis peccatis dolet propter metum gehennæ, non eliceret actum honestum, siquidem ille actus foret vitiatus per adjunctam voluntatem conditionatam non dolendi de peccatis, si gehennæ periculum abesset: Atqui sequela est contra definitionem Trid. Sess. 6. Can. 8.

*Resp.* neg. sequel. & ejus causalem. Tunc enim ea, quæ sunt ex metu, sunt involuntaria secundum quid, habentque adjunctam nolleitatem, R. P. Maxg. Theol. Schol. Tom. II.

quando malum, ex cuius metu aliquis operatur, non causatur ex ipso affectu & voluntate operantis: uti contingit in illo, qui dat suas pecunias latroni ex metu amittendi vitam, quia hoc periculum non causatur ab ipsius affectu, sed plane ab extrinseco advenit. Econtrà, si malum, ex cuius metu quis operatur, causatur ab ipso affectu operantis, impossibile est, ut ex illius metu quis efficaciter operetur, quin simul deponat illum affectum, è quo infallibiliter causatur illud malum. Ita contingit in poenitente, is enim, quia cognoscit sibi gehennæ periculum imminere, causatur ex ipso peccaminoso affectu ad bonum creatum, non potest ex illius metu effociater operari, quin hoc ipso deferat affectum erga illud obiectum peccaminosum, tanquam radicem & infallibilem causam istius mali: siquidem dolor erit ipsi simpliciter sine admixtione involuntarii voluntarii. Quòd si peccator ita sit affectus, ut habeat conditionatam voluntatem non desistendi à peccato, si gehenna non esset, hoc ipso dolor, tanquam serviliter servilis, ut vocant, carebit debita honestate morali.

*Objicies secundò.* Si metus non causaret involuntarium simpliciter, tunc contractus ex metu initi, vota quoque metu extorta non essent ipso jure irrita ex defectu voluntarii; sed sunt irrita, uti patet ex Tit. de his quæ vi metus &c. causæ sunt, ergò.

*Resp.* dist. sequel. maj. non essent ipso jure irriti ex defectu voluntarii jure naturali, & ex defectu voluntarii simpliciter, concedo: jure positivo & ex defectu voluntarii puri, nego. Non igitur ipso jure naturæ, sed jure positivo irritantur aliqui contractus initi ex metu injustè incusso, non quòd ipsi desit absolute sufficiens voluntarium (cum libertas, quæ sufficit ad peccatum mortale, ordinariè sufficiat ad contractum & votum; ad peccatum verò mortale sufficit voluntarium ex metu, ut supra dictum) sed quia tum ad plura evitanda inconvenientia, tum in poenam illius, qui metum injustè incussit, Legislatores ejusmodi contractus irritare consultò voluere. De quo §. sequenti.

*Objicies tertio.* Si metus non tollat voluntarium simpliciter, tunc qui ad evitandum grave malum omitteret audire Sacrum die festo, vel non servaret jejunium, non excusaretur à peccato gravi: sed consequens est falsum: ergò. Sequel. prob. Voluntaria transgressio legis est peccaminosa: sed non obstante metu hic esset voluntaria legis transgressio: ergò.

*Resp.* neg. seq. ejusque probat, dist. Voluntaria & formalis transgressio legis, nempe hic & nunc obligantis, est peccatū, concedo; materialis transgressio legis, hic & nunc non exercentis obligationem, nego. In dicto autem casu cessat legis obligatio, eo quòd leges positivæ humanæ, & aliquando Divinæ ordinariè non obligent, quando sine gravi incommodo servari non possunt.

## § IV.

*Corollaria.*

**I**nferes ex dictis primò. Quoscumque contractus, etiam matrimoniales, promissiones, vota metu etiam gravi injustè incusso facta, ex se, stando in jure

jure naturali esse valida. Ita contra Molinam & quosdam alios Richardus, Sotus, Castrop. Jo. à S. Th. cum alijs, quos citat & sequitur Rhedingus q. 4. s. 1. n. 34. & seqq. Ratio est: ut jure naturali subsistat contractus, sufficit legitimus titulus ad contractus substantiam requisitus, & voluntarium simpliciter: sed in contractu quantumvis ex gravi metu inito potest intervenire legitimus titulus, adest quoque voluntarium simpliciter, quod nullo metu quantumvis gravi tolli potest. Ergo contractus ex metu gravi initus vi juris naturalis non est irritus. Confirmatur. Voluntarium mixtum & ex metu sufficit ad peccatum mortale: ergo etiam ad contractum & votum.

*Dices.* Iniquum est, ut, qui injuste metum inveniendi ab alio consensum extorsit, ex sua injustitia commodum reportet: ergo contractus & consensus metu injuste incusso extortus ipso jure naturæ est invalidus.

*Respond.* neg. consequentiam: hinc enim solummodo sequitur, quod secundum juris æquitatem debeat laeso competere remedium & beneficium rescissionis, ita ut ipso nolente contractus à Judice sit irritandus, ipso verò volente stare contractui, pars altera, quæ metu consensum extorsit, nequeat resistere. *p. l. dolo. ff. de inutilibus stipul.* ubi hæc habentur: *Dolo vel metu adhibito a lio quidem nascitur (quæ utique supponit validitatem contractus) per doti tamen, vel metus exceptionem summoveri petiti debet.*

11. *Inferes tamen secundò:* Ex æquitate in jure naturali fundatà per leges positivas quosdam contractus & vota ex metu gravi facti irritari. Sic irritantur primò matrimonialia contracta ex metu injuste incusso per c. 1. *de his, quæ vi metusve causâ fiunt.* Tertiò: Jurisdictio data, vel propagata ex metu l. 2. *ff. de Judiciis &c. ubi periculum & ceterum de elect. in 6.* Quariò: ptemissio, vel solutio dotis, ex l. si mulier. 2. l. §. si dos ff. de eo, quod metus causâ. Quintò: autoritas tutorum l. 2. §. ult. ff. de auctor. tutorum. Sextò: absolutio ab excommunicatione data ex metu, c. un. *de his quæ vi metusve causâ in 6.* Septimò: Testimonium in testamentis metu extorta à testibus l. 4. ff. de testamentis.

12. *Inferes tertiò.* Merum nonquam per se, aliquando autem per accidens excusare à peccato. Non excusat per se: quia, cum non tollat voluntarium, etiam non aufert liberum: per accidens tamen quandoque excusat, vel quia turbando rationem non relinquit locum perfectæ deliberationi, vel quia ob gravitatem mali imminents hic & nunc cessat alicujus præcepti obligatio, veluti cum Amico observat Rhedingus l. cit. n. 19.

13. *Inferes quariò.* Præcepta humana tam Ecclesiastica, quam civilia plerumque tam graviter non obligare, ut metus gravis ab iisdem non excuset: neque enim legislator præsumitur tantum onus subditis imponere voluisse. Et sic lex jejunijs, audiendi Sacri &c. non obligat cum periculo salutis corporalis. *per c. de observ. jejuniorum.* In triplici tamen casu etiam præcepta humana posi-

tiva obligant non obstante gravi metu. *Primò:* quando hoc exprimitur in ipso præcepto, & sic Carthusiani obligantur ad abstinendum à carnibus etiam in periculo mortis.

*Secundò,* quando metus incutitur eo fine, ut quid fiat in contemptum præcepti, tunc enim communis boni ratio exigit legis observantiam etiam cum jactura boni particularis: Ac tertiò, quoties actus præceptus respicit bonum commune: veluti est præceptum de non legendo Sacro sine luminari, sine sacris vestibus, de aquâ in calice miscendâ vino, tunc enim etiam ob magnum periculum & necessitatem non licere præcepto contrariari, propter bonum commune Religionis in tali præcepto principaliter intentum, docet Castropal. cum alijs, quamvis aliqui etiam contrarium opinentur.

*Inferes quintò.* Præcepta naturalia negativa, ut est de non fornican-do, de non faciend-o sacramento invalido &c. Obligare in quocunque gravi metu: quia actus ejusmodi præceptis oppositi sunt intrinsicè mali, adeoque nullo metu vel casu excusabiles, aut à malitia separabiles.

*Inferes sextò.* Transgressionem præcepti naturalis positivi metum mortis incutientis probabiliter aliquando excusari posse, prout docet Sotus, Navarr. Jo. à S. Th. disp. 3. a. 2. quia præcepta affirmativa non sunt prohibitiva actionis intrinsicè malæ, sed præceptiva actionis intrinsicè bonæ & secundum moralem honestatem necessariæ, quæ cum quidem obliget semper, non tamen pro semper, ideo poterit dari aliqua circumstantia, in quâ ipse transgressio excuset. Et ideo Ildefonsus Bapt. à peccato excusat puellam, quæ non habens proximum periculum consensum in actum, negativè promittit sui deflorationem, quam sine vitæ suæ discrimine impedire non posset: eò quòd ista propriæ defensionis omisso adverteretur solum præcepto affirmativo, quo tenetur suam pudicitiam contra invasorem ipsius defendere.

*Inferes septimò.* Præcepta divina positiva in metu gravi non obligare: sic enim habentur exempla in S. Script. primò Jos. 5. præceptum circumcissionis per quadraginta annos itineris Israelitis non obligabat, quia circumcisi propter laborem itineris de vita fuissent periclitari. Secundò quamvis omnibus laicis panes Propositionis fuerint interdicti, licuit tamen Davidi cum socijs in extremâ famis necessitate illos comedere. 1. Reg. 21. Christus quoque Matt. 12. suos Discipulos fame urgente spicas vellentes in die Sabbathi contra Judæos præceptum observantiæ obijcientes memorato exemplo Davidis excusat & defendit. Ut porro dignosci queat, quandomam grave periculum vel metus excuset, quando non; sequentem regulam tradit Rhedingus l. cit. n. 27. quando nimirum præcepta divina respiciunt propriam operantis utilitatem, tunc urgente gravi metu vel periculo non obligant, & ita aliquando non obligat præceptum materialis integritatis in confessione: quando verò præceptum in sui observantia respicit commune bonum religionis, tunc obligare in quocunque metu vel periculo, sic obligat sigillum confessionis, consecratio sub utraque specie, confessio Eucharistiæ in pane triticeo &c.



## ARTICULUS III.

*An & quomodo concupiscentia causet Involuntarium.*

## SUMMARI A.

1. Notio & divisio concupiscentia.
2. Concupiscentia aliquando minuit & tollit voluntarium perfectum.
3. Anger tamen voluntarium imperfectum.
4. Nunquam per se causet involuntarium.
5. Causat tamen aliquando per accidens.
6. Motus primus primus non sunt peccaminosi.
7. Diversitas inter passionem metus & concupiscentia.

## §. I.

*Resolutio Doct. Angelici.*

1. **C**oncupiscentia hoc loco est passio appetitus sensitivi circa bonum, sive pertineat ad partem concupiscibilem, quæ est circa bonum simpliciter, ut amor, desiderium, gaudium: sive ad partem irascibilem, quæ est circa bonum arduum, ut ira, spes, audacia, excepto timore. Dividitur in antecedentem & consequentem [intellige respectu voluntatis actualis] Antecedens est actus appetitus sensitivi circa bonum sensibile suum vehementiam secum rapiens voluntatem ad idem bonum amplectendum. Consequens est actus appetitus sensitivi circa bonum sensibile, excitatus & imperatus ab ipsa voluntate præviè operante. Ista nunquam causet involuntarium, siquidem ab ipso voluntatis actu causatur. De illà verò institutione quaestione

2. **CONCLUSIO.** *Concupiscentia.* [1.] est aliquando minuat, aut omnino tollit voluntarium perfectum, seu liberum, [2.] anger tamen voluntarium imperfectum, [3.] & nunquam per se causet involuntarium etiam secundum quid. Ita S. D. hic 2, 7.

*Ratio primi* est: quia passio vehemens ita potest turbare iudicium rationis, ut parum vel penitus non attendat ad proportionem finis & mediorum, imò ut ne quidem amplius habeat cognitionem indifferentem: sed in priori casu minuitur, in posteriori tollitur voluntarium perfectum seu liberum.

3. *Ratio secundi* est, quia actus, cum majori intentione procedens à voluntate, est magis voluntarius secundum rationem voluntarii saltem imperfecti, quæ plus non requirit, quàm procedere ab appetitu cum aliqua cognitione finis. Atqui voluntas ex impulsu concupiscentiæ tendens in

aliquod objectum, cum majori intentione in illud fertur, quàm si nulla passione moveretur: ergò.

*Ratio tertii* est: quia voluntarium etiam secundum quid, tantum potest provenire ex aliqua fuga mali adversantis voluntati: atqui concupiscentia nullam rationem mali offert voluntati, sed præcisè inducit in amplexum boni delectabilis: ergò.

Dixi tamen, *per se* non causari involuntarium; per accidens quippe causari potest, ut primò, si quis ex ira, vel amore eligat media molesta & amara, ducat noctes insomnes, committat se periculis, &c. Secundò, si operando ex concupiscentia causet remorem conscientie; hoc tamen involuntarium respectu concupiscentiæ censetur esse per accidens, quia non oritur ex formali ratione objecti delectabilis quod concupiscentia respicit, dum econtrà tristitia, quam quis patitur ob merces in mare projectas, oritur ex formali ratione objecti, hoc est, mali, quod metus respicit.

## §. II.

*Corollaria.*

**C**olliges primò. Viciosos motus primò primos voluntatis ex passione concitatos non esse peccaminosos, quamdiu non accedit vel formalis vel interpretativa advertentia rationis: tunc enim deest ipsis libertas: quamprimò verò accedit advertentia rationis, sunt peccaminosi, nisi quanto citius ratio contradicat; quia tunc non tantum sunt voluntarii voluntario imperfecto, sed etiam libero, ipsæque passionis sunt ex antecedentibus consequentes & voluntariæ saltem interpretativæ.

Colliges secundò. Diversitatem inter modum quo voluntas operatur ex metu & ex concupiscentia. Nam metus est per se inductivus voluntatis ad electionem minoris mali præ majori malo: unde cum malum per se displiceat voluntati, in ipsa causâ nolleitatem illius mali quod eligitur. Econtrà concupiscentia est inductiva voluntatis ad electionem boni quatenus suam bonitatem & suavitatem allicientis, quæ per se non est apta fundare nolleitatem, aut tristitiam, sed tantum rationem alicujus mali per accidens conjuncti, quod concupiscentia superare non potest.

## ARTICULUS IV.

*An & quando ignorantia causet involuntarium?*

## SUMMARI A.

1. Ignorantia antecedens.
2. Ignorantia consequens.
3. Ignorantia concomitans.
4. Ignorantia antecedens est causa involuntarii simpliciter.
5. Ignorantia consequens non causet involuntarium simpliciter, 6. Sed secundum quid.
7. Objectiva diluuntur.
8. Ignorantia concomitans causet involuntarium.
9. Objectiva solvuntur.
10. Ignorantia consequens alleviat gravitatem peccati.
11. Ignorantia invincibilis tam antecedens, quàm concomitans excusat à culpâ.
12. Ad ignorantiam invincibilem requiritur inculpabilis oblivio vel inadvertentia.
13. Invincibilis ignorantia quandoenam invalidas contrarium & vota?

## §. I.

*Explicatio & divisio ignorantie.*

1. Ignorantia dividitur in antecedentem, consequentem, & concomitantem. Antecedens [alio nomine invincibilis, inculpabilis, probabilis] est illa quæ antecedit actum voluntatis, & omni morali ac debitæ diligentie adhibita vinci non potuit, ut proinde nec directè nec indirectè sit voluntaria, sed tamen suo modo, nempe removendo prohibens, sit causa, quod actus fiat, qui absente hac ignorantia nullo modo fieret: e. g. Petrus nullâ intermissâ necessariâ & debitâ inquisitione, num hodie sit dies jejuniij, tamen ignorat esse diem jejuniij, sicque carnes comedit, non comesturus, si sciret esse diem jejuniij: hic non observantia præcepti causatur ab ignorantia antecedenti, quia per ipsam inculpabiliter removetur scientia præcepti, quæ si adfuisset, carnium comestionem impediisset.

2. Consequens ignorantia [aliâs etiam vincibilis, culpabilis, improbabilis] est quæ sequitur actum voluntatis vel formalem, vel interpretativum, estque proinde directè, vel indirectè voluntaria. Directè voluntaria erit, si sit affectata, ut cum quis studio intermitte inquirere obligationem, quod liberius peccare possit, ad modum illius, Ps. 25. *Noluit intelligere, ut bene ageret.* Indirectè voluntaria est, cum quis non adhibet diligentiam ad deponendam ignorantiam, quantum potest & debet adhibere, estque aliquando crassa, & supina, cum nullam vel valde modicam diligentiam adhibuit; aliâs non crassa, cum quidem aliquam, sed insufficientem diligentiam adhibuit.

3. Concomitans ignorantia dicitur, quæ cum actu voluntatis per accidens conjungitur; ita ut neque sit causa actus, neque effectus: ut si explosione bombardæ occidas inimicum, quem invincibiliter existimas esse feram, eundem tamen nihilominus occisurus, si scivisses adesse. Quibus positis expedita est præsentis quaestio resolutio. Unde

## §. II.

*Resolutio de ignorantia antecedente, & consequente.*

4. CONCLUSIO prima. Ignorantia antecedens causas involuntarium simpliciter, S. D. hic a. 8. Ratio est, quod causat effectum repugnantem virtuali saltem & interpretativæ voluntati, causat involuntarium simpliciter: sed ignorantia antecedens causat effectum omnino repugnantem saltem interpretativæ voluntati; quia si adesset notitia, talis actus nullo modo poneretur: ergo ignorantia antecedens causat involuntarium simpliciter.

5. CONCLUSIO secunda. Ignorantia consequens non causat involuntarium simpliciter, sed secundum quid.

Ratio primi est: quod qui vult antecedens, etiam vult consequens natum ex illa sequi, & qui est causa causæ quæ talis, etiam est causa causati; sed ignorantia vincibilis est directè vel indirectè voluntaria; ergo etiam effectus ex illa secutus est voluntarius.

Ratio secundi est: quia ad involuntarium secundum quid sufficit, quod sit contra aliquam inclinationem voluntatis: sed actus proveniens ex vincibili ignorantia sæpe est contra aliquam inclinationem voluntatis; nam & qui ex vincibili ignorantia occidit amicum, existimans esse feram, dolet se occidisse: ergo actus ex vincibili ignorantia proveniens poterit esse involuntarius secundum quid.

Dices primò. Actus quem causat ignorantia antecedens, v. g. explosio bombardæ, & comestio carnium, est simpliciter voluntarius: ergo ignorantia antecedens causat voluntarium.

Secundò. Non minùs ignorantia consequens removet scientiam effectus, & facit, quod operans non poneret effectum, si haberet notitiam ipsius, quàm ignorantia antecedens: ergo non minùs causat involuntarium simpliciter.

Resp. ad 1. quod ille actus sit quidem voluntarius quoad substantiam actus, & in ratione explosionis seu fericidii, & alter actus in ratione comestionis, neuter sit tamen voluntarius in ratione circumstantiæ vel effectus invincibiliter ignorati, qualis in primo actu est homicidium, in altero non observantia præcepti: Atqui actus sub priori ratione non est propriè causatus ex ignorantia.

Ad secundum dist. anteced. Non minùs hoc facit ignorantia consequens, quàm antecedens, ita tamen ut sit indirectè volita, concedo; ut non sit indirectè volita, nego anteced. & conseq.

## §. III.

*Resolutio de ignorantia concomitante.*

CONCLUSIO tertia. Ignorantia concomitans nec causat voluntarium, nec causat privativè, vel contrarie involuntarium, sed negativè non voluntarium. Ita S. D. hic a. 8. Ratio est: quod sit ex ignorantia concomitante, nec est cognitum, nec contra aliquam inclinationem formalem, vel interpretativam voluntatis: sed quod non est cognitum invincibiliter, non potest esse voluntarium; quod non est contra aliquam inclinationem voluntatis, non potest ulla ratione esse contrarie involuntarium: ergo quod sit ex ignorantia concomitante, nec est voluntarium, nec contrarie aut privativè involuntarium. Restat ergo, quod tantum sit negativè non voluntarium.

Dices primò. Ut ignorantia consequens causet involuntarium secundum quid, sufficit, quod voluntas ita sit disposita, ut non poneret talem effectum, si haberet ejus notitiam: ergo etiam ut ignorantia concomitans causet voluntarium saltem secundum quid, sufficit, quod voluntas ita sit affecta, ut causaret, & poneret effectum, si haberet scientiam ipsius: e. g. ut occidens feram ita sit dispositus, ut etiam occideret inimicum, quem inculpabiliter existimaret esse feram.

Secundò. In ordine ad subjectum capax non datur medium inter formam & privationem: sed voluntarius & involuntarium respectu actus voluntatis opponuntur tanquam forma & privatio: ergo inter illa non datur medium, sicque quilibet actus, aut erit voluntarius aut involuntarius contrarie.

Resp.

Resp. ad. 1. neg. consequent. & paritatem: quia ad involuntarium secundum quid non requiritur cognitio, sed sufficit, quod sit contra propensionem operantis: Ad voluntarium verò secundum quid necessaria foret aliquis advertentia, & cognitio, quam tamen ignorantia concomitans tollit.

Ad. 2. nego suppositum consequentis, quod in præsentii actus voluntatis sit capax voluntarii & involuntarii: cum enim sit destitutus necessaria scientia objecti, non est capax voluntarii, & cum non sit conjunctus cum aliqua resistentia circa tale objectum, etiam non est capax involuntarii.

## §. IV.

## Corollaria.

10. **Colliges primò.** Ignorantiam consequentem [ nisi sit affectata ] esse circumstantiam alleviantem peccatum, quia facit actum involuntarium secundum quid. Hinc primò peccans ex ignorantia consequente levior meretur poenam, quam is qui peccat ex scientia: quantitas enim poenæ debet esse commensurata quantitati culpæ. **Secundò.** Si poena sit lata contra scienter & temerè prævaricantes, non comprehenduntur delinquentes ex ignorantia non affectata. Neque **tertiò** incurritur censura ab his, qui illam saltem non crasse ignorant: siquidem in iis non præsumitur formalis, aut virtualis contumacia, quam censura [ excepta irregularitate ] præsupponit.

11. **Colliges secundò.** Ignorantiam invincibilem, non tantum antecedentem, sed etiam concomitantem excusare à culpa, & consequenter à poenis ac censuris contra ejusmodi transgressiones latis, ubi enim non est liberum aut voluntarium,

ibi nec potest esse peccatum. Neque refert, quòd habens ignorantiam concomitantem, sit in ea animi dispositione, ut hunc ipsum effectum posuisset, v. g. inimicum occidisset, si adesse scivisset: DEUS quippe homini non imputat peccata, quæ faceret, sed quæ facit: neque habitualis illa dispositio hic & nunc in actum influit.

**Colliges tertio.** Ad ignorantiam antecedentem pertinere inculpabilem oblivionem aut inadvertentiam, ut si cui nulla prorsus cogitatio aut scrupulus in mentem veniat, quo animus ipsius ad investigandam veritatem excitetur. Inde fit, quòd ab hæresi formali excusentur multi homines simplices, in terris hæreticorum nati & educati, quibus de fidei veritate nullus unquam scrupulus aut dubitatio oritur. Similiter excusantur à peccato, qui negotiis distracti ex naturali oblivione aliquas preces, v. g. horas canonicas, ad quas recitandas obligabantur, omittunt.

**Colliges quarto.** Per invincibilem ignorantiam aliquando contractus & vota reddi invalida; cum videlicet error & ignorantia afficiat ipsam contractus & voti substantiam, vel circumstantiam talem, quæ in substantiam redundat: ut e. g. si vitrum pro gemma emisti: si existimastes promittere matrimonium Catharinæ, promissisti Magdalene: si existimastes ordinem Carthusianorum esse facillimum, vovisti illum ingredi, &c. Cujus ratio est, quòd quatenus contractus est involuntarius, eatenus est nullus: sed si ignorantia afficiat substantiam contractus, fit etiam quòd substantiam involuntarius: ergo etiam fit in seipso, & quoad substantiam nullus. Quòd si ignorantia tantum cadat super aliquam circumstantiam accidentalem contractus, sicuti quoad substantiam remanet voluntarius, ita manebit etiam validus.

## ARTICULUS V.

*An detur invincibilis ignorantia juris naturalis.*

## SUMMARI A.

1. Quid ignorantia juris & facti?
2. Utraque potest esse invincibilis & excusare à peccato.
3. Datur etiam invincibilis ignorantia juris Divini.
4. Non datur invincibilis ignorantia juris naturalis quoad universalissima principia morum.
5. Datur quoad præcepta secundaria.
6. Excusat à peccato.
7. Exponuntur objecta auctoritates.
8. Juris & præcepta ad alienius officium pertinentia invincibiliter non ignorantur.

## §. I.

*Resolutio questionis.*

1. Ignorantia dividitur in ignorantiam juris & facti: quorum ista est de rei existentia: v. g. sitne hoc animal, quòd vides, homo: sitne hic homo Clericus: sitne hæc mulier consanguinea, &c. Altera est ignorantia de legis prohibentis vel obligationis existentia, v. g. sitne hic contractus illicitus, sitne hic dies jejuniij, vel festivus, sitne hoc impedimentum dirimens &c.

Dari invincibilem ignorantiam tam juris quam facti, quæ propter defectum voluntarii à peccato excuset, communis est inter Doctores. Neque refert, quòd in foro externo non facillè audiatur, qui ignorantiam juris præterdit per Reg. 13. Juris in 6. ignorantia facti non juris excusat. Hoc enim solum contingit ex præsumptione, quæ post debitam legum promulgationem nemo facillè leges ignorare præsumitur. Hanc tamen præsumptionem si quis per invincibilis ignorantie probationem sufficiens possit elidere, etiam erit in foro externo audiendus, ut colligitur ex c. cum in tua: qui matrimonium accusare possunt: & inde constat, quòd forum externum conformetur foro interno conscientie, quamdiu præsumptio non est in contrarium.

Nec tantum juris humani positivi, sed etiam divini dari invincibilem ignorantiam ex eo liquet, quòd aliqui fidem, quæ est juris divini, invincibiliter ignorent propter defectum prædicantis, ideoque sint infideles negativi, quibus hæc infidelitas negativa in peccatum imputari non



non possit, prout Pius V. Greg. XIII. & Urbanus III. definiverunt contra Michaëlem David, & deductur è S. Script. Rom. 10. *quomodo credent ei, quem non audierunt? quomodo autem audient sine predicante?* & Jo. 15. *Si non venissem, & locutus fuisset eis, peccatum non haberent &c.* Controversiam cum Janzenio movent rigidiores quidam Theologi de præceptis Juris naturalis, utrum illa invincibiliter ignorari possint? de quo fit

4. **CONCLUSIO.** *Etiamsi Jus naturale ab homine rationis compote quoad prima principia moralia universalissima non possit invincibiliter ignorari: datur tamen invincibilis ignorantia in præceptis secundariis morum partialiter directis, ita S. D. infra q. 94. 2. 6.*

Primæ partis ratio est: quia jus naturale est inscriptum in tabulis cordis, & in ipso dictatorio rationis & luminis naturalis, juxta illud Ps. 4. *Signatum est super nos lumen vultus tui Domine.* Sicut ergo ratio & lumen naturale per peccatum non omnino fuit extinctum, quamvis fuerit notabiliter obscuratum, ita etiam est impossibile, ut in adulto rationis usu prædico non supersint universalissima morum præcepta: uti sunt: Bonum sive honestum esse prosequendum, malum fugiendum; & illud: Quod tibi non vis fieri, ali ne feceris. De quo D. Augustinus in Ps. 57. *hoc & antequam lex daretur, nemo ignorare permixtus est, ut esset unde judicaretur, & quibus lex non esset data*

5. Ex his porro primis principiis aliqua præcepta naturalia quasi per se consequuntur & facillime discursu intertunt, uti sunt præcepta decalogi, quæ proinde & ipsa saltem ad longum tenus invincibiliter ignorari non possunt, nisi aliqua notabili circumstantia efficiantur, per quam actus malitia & inhonestas occultetur vel excusetur. Ita licet perspicuum sit, non esse licitum interficere innocentem, vel seipsum; non esse licitum mentiri: non tamen æquè perspicuum est, utrum non liceat mentiri pro salvandâ vitâ proximi, sibiipsum necem inferre pro conservandâ pudicitia, vel evitandis gravissimis tormentis, interficere hominem sine spe vitæ cum gravissimis doloribus luctantem, &c. Unde in istis etiam præceptis aliquando intervenire posse ignorantiam invincibilem patet.

Secundæ partis ratio: In iis potest intervenire ignorantia invincibilis, quæ non faciliè pervidentem ratiocinationem deducuntur è primis principiis morum, & in quibus non apparet connexio & resolutio ad primas regulas per se notas: sed in præceptis naturalibus secundariis rudiores ac simpliciores non faciliè perscipiunt hanc connexionem, neque ex principiis morum istas conclusiones expeditè deducunt: igitur nil obstat, quare simpliciores habeant ejusmodi præceptorum invincibilem ignorantiam; nam invincibilis ignorantia ex duplici capite evenire potest, vel quia animum nullus scrupulus & cogitatio alicujus obligationis pulsata, vel quia post cogitationem de tali præcepto adhibita est moralis diligentia ad illud investigandum, nec tamen potuit apprehendi: sed utroque modo contingit præcepta juris naturalis ignorari. Primo qui-

dem modo, quia confessarii per experientiam deprehendunt, adolescentes ignoranter aliqua subinde committere contra jus naturæ, quorum scrupulum primum post majorem judicii maturitatem conceperunt. Sic inter rusticos multa quandoque superstitiosa deprehenduntur, quæ à parentibus accepta sine scrupulo & bona fide prædicantur.

Secundo etiam modo datur invincibilis ignorantia, quia de facto sunt plurima juris dubia in quibus ad certitudinem deveniri non potest. Ita disputatur in utramque partem, an liceat Judicem damnare vel occidere reum, qui secundum allegata & probata est nocens, privatâ tamen Judicis scientiâ est innocens. An census redimibilis sit usurarius? Utrum justè damnatus ad sumendum venenum possit illud propriâ manu ori infundere? Olim quoque tempore Concilij Lateranensis erat utrinque controversum, an montes pietatis essent liciti vel usurarii?

## §. II.

### Occurritur Adversariis.

**O**bjicies. Si daretur invincibilis ignorantia juris naturalis, tunc excusaretur à peccato: sed non excusat: ergo. Sequela patet ex dictis: quia ubi non est voluntarium non est peccatum: sed ignorantia invincibilis tollit voluntarium: ergo. Minor probatur variis auctoritatibus: primo è S. D. quodlibet. 3. a. 10. dicente: *Nul- lus excusatur, si sequatur erroneam opinionem alicujus Magistri*: [ loquitur autem de ignorantia juris naturalis ] *in talibus enim ignorantia non excusat.* Secundo ex Tertullio de pecc. c. 10. *Nunquam excusatur, quod DEUS damnat. Nusquam & nunquam licet, quod semper & ubique non licet, &c.* sed quod est contra jus naturale, nunquam licet, est à DEO damnatum: ergo nunquam excusatur. Tertiò Gratianus 1. q. 4. *Ignorantia juris naturalis omnibus adultis damnabilis est.* Quarto D. August. ep. 104. *Siquis bonum esse putaverit, quod malum est, hoc putando utique peccat.* Ea sunt omnia peccata ignorantie, quando quisque bene fieri putat, quod malè fit.

Respondeo negando minorem. Ad cujus primam probationem dico, S. Doct. ibidem manifestè loqui de ignorantia & errore vincibilis non tantum juris naturalis, sed fidei, quia ex recursum ad S. Script. & Ecclesie auctoritatem deprehendi ac deponi potuit: veluti indicant hæc sequentia illius verba: *Qui ergo assensit opinioni alicujus Magistri contra manifestum Scripturæ testimonium, sive contra id quod publicè tenetur secundum Ecclesie auctoritatem, non potest ab erroris vitio excusari.* Ad 2. Resp. Verba Tertulliani tantum velle, quod lex naturæ sit immutabilis, ita ut per se nunquam fiat licitum, quod est jure naturali prohibitum, quamvis per accidens aliquando ratione ignorantie; quæ superari non potest, legis illius materialis transgressio excuset. Ad 3. Resp. Gratianum esse intelligendum de primis & notissimis principiis juris naturalis. Ad 4. Resp. S. Doctorem loqui de vincibilis adeoque culpabilis ignorantia: nam mens ipsius abundè constat ex alibi dictis ep. 48. *Nulius crimen maculat nescientem, & 1. de 2. animabus. Nemo peccat in eo, quem-*



quem vitare non potest. Et: Non tibi imputatur ad culpam, quod invitum ignores. Acl. de vera relig. c. 14. Usque adeo peccatum voluntarium est, ut nullo modo sit peccatum, si non sit voluntarium. Et hoc ita manifestum est, ut nulla indoctorum turba discentiat.

8. Colliges ex dictis. Illorum jurium & legum ignorantiam non reputari invincibilem, quarum cognitio pertinet ad alicujus officium, & adhibita morali diligentia obtineri potuit. Unde non excusantur per ignorantiam Christiani nescien-

tes, quæ pertinent ad hominis Christiani officium: neque Clericus aut Religiosus ignorans obligationes statûs Clericalis aut Religiosi, &c. cum enim susceptioni alicujus officii annexa sit obligatio procurandi sufficientem notitiam omnium obligationum ad munus illud ritè obeundum pertinentium, hoc ipso quod quis debitam diligentiam in hac notitia procuranda intermitat, legum transgressiones ipsi efficiuntur indirectè & interpretativè voluntariæ.

## DISPUTATIO VIII.

DE

### Actibus humanis in specie.

**Q**Uæ S. D. à q. 9. usque ad 20. inclusivè disputat, hanc disputationem complectimur; & primò modum, quo voluntas ad actum procedit; quo vel seipsam mover, vel ab aliis principiis tum intrinsicis tum extrinsecis movetur; denique ipsorum humanorum actuum naturam, distinctionem, Oeconomiam, & coordinationem contemplamur.

## ARTICULUS I.

### Quomodo voluntas moveatur ab intrinsicis principiis.

#### SUMMARIA.

1. Impossibile est, ut voluntas appetat malum sub ratione mali.
2. Non datur in voluntate affectus neuter.
3. Intellectus movet voluntatem in genere causa finalis, & formalis extrinsecæ.
4. Diluvitur obiecta.
5. Appetitus sensitivus in voluntatem insinuat indirectè quoad specificationem actûs.
6. Auctoritates S. Script. non evincunt efficaciam effectivam.
7. Implicat voluntatem ferri in incognitum.
8. Amor mysticus non est sine operatione intellectûs.
9. Ad actum deliberatos requiritur judicium rationis.

#### §. I.

##### Influxus intellectûs in voluntatem.

1. Suppono primò ex dictis in 1. disp. adequatum obiectum voluntatis esse bonum, ita ut nullâ ratione possit appetere in alium sibi ab intellectu propositum sub ratione mali: sicut enim est impossibile ut intellectus assentiat falsò quâ tali, quia adequatum ipsius obiectum est verum; ita neque possibile est voluntatem profectivè tendere in malum, cum adequatum obiectum appetitûs sit appetibile, h. e. bonum.

2. Suppono secundò contra Scotum, non dari in voluntate affectum neutrum, ut vocat. h. e. talem actum, qui nec sit de fine, neque de mediis ad finem. Nam bonum vel appetitur propter se, vel propter aliud: sed in omni actu voluntatis reperitur appetitus boni tanquam objecti adequati; ergo vel illud bonum appetitur propter se, vel propter aliud; si propter se, tunc est boni-

tas finis; si propter aliud, est bonitas mediòrum. Confirmatur. Omne bonum vel est honestum, vel delectabile, vel utile; si honestum, vel delectabile, tunc habet bonitatem finis; si utile, tunc habet bonitatem mediòrum ad finem. His positiss quaritur quomodo & in quo genere causa voluntas moveatur ad suum actum ab aliis potentiis à se distinctis, nempe ab intellectu, & ab appetitu sensitivo. Pro cujus resolutione sit

CONCLUSIO prima. Intellectus per obiectum 3. à se propositum in genere causa finalis & formalis extrinsecæ specificantis insinuat in actum voluntatis, S. D. hic q. 9. a. 1.

Ratio est: Motio objectiva, quâ voluntas per ostensionem boni & finis ad actum allicitur, & ad certam speciem actûs determinatur, pertinet partim ad genus causæ finalis, partim ad genus causæ formalis extrinsecæ: sed intellectus voluntatem non aliter movet ad suum actum, quàm proponendo & præsentando ei suum obiectum, ut docet S. D. in c. ergò.

Dices primò. Imperium efficax est actus intellectûs: sed iste efficienter & executivè determinat voluntatem; ergo intellectus etiam efficienter voluntatem determinat ad suos actus.

Secundò. Voluntas habet causam efficientem suorum actuum non tantum quoad exercitium, sed etiam quoad specificationem: sed ipsa non est causa efficiens suorum actuum quoad specificationem; neque enim ipsa potest esse ratio, cur actus sit hujus potius, quàm illius speciei: ergo intellectus est causa efficiens actuum voluntatis quoad specificationem.

Resp. ad. 1. dist. min. efficienter determinat volun-

voluntatem vi efficaciz sibi impressz per prævium voluntatis actum, concedo; sine illo, nego: ergo intellectus efficienter movet voluntatem, ex propria solum ratione, nego; ex efficacia ipsius voluntatis sibi communicatâ, conc. Ad 2. nego min. & probationem distinguo: Voluntas præcisè secundum se sumpta non potest esse ratio, cur actus potius sit hujus quàm illius speciei, concedo: suppositâ indifferenti propositione objecti, nego: tunc enim ex intrinseca sua electiva & dominativa virtute habet, ut se determinet efficienter tam ad exercitium quàm ad speciem actûs.

## § II.

*Influxus appetitus sensitivi.*

5. **CONCLUSIO** secunda. *Appetitus sensitivus in voluntatem tantummodo influit ex parte objecti indirectè & quoad specificationem actûs.*

Ratio est: Passio, vel affectus appetitus sensitivi est remota ratio, quod objectum proponatur ut conveniens vel disconveniens: sed objectum propositum ut conveniens vel disconveniens specificat actus voluntatis: ergo passio vel affectus ab appetitu sensitivo proveniens est remota ratio, cur voluntas hujus vel illius speciei actus producat: & hoc est indirectè & remotè influere in specificationem actûs. Major constat per experientiam: quia quo modo aliquis est per affectum & passionem dispositus, taliter solet de objecto indirectè judicare.

6. Dices, S. Script. & S. D. tribuunt passioni vim abstractam & impulsivam voluntatis: sed hoc secundum proportionem objectorum significat effectivam impressionem in voluntatem: ergo. Maj. patet ex ep. ad Rom. 7. *Video aliam legem in membris meâ repugnantem legi mentis meæ, & captivantem me in lege peccati* Jac. 1. *Unusquisque tentatur a concupiscentiâ suâ abstractâ & illud. Dan. 13. Concupiscentia subvertit cor tuum.* Et S. D. q. 26. de Ver. a. 6. *Ex concupiscentia voluntas inclinatur ad consentiendum concupiscibili, vel ex ira ad volendum vindictam.* & a. 7. *passiones, inquit, impellunt voluntatem.*

Resp. Cunctis hisce autoritatibus tantum significari impulsivum & motionem illektivam seu allectivam (ut ostendunt verba Jacobi) tenentem se ex parte objecti, non proximè, sed remotè in quantum intellectus propter passionis vehementiam remissius proponit honestatem objecti, & efficacius proponit delectabilitatem objecti concupiscibilis.

## § III.

*Corollaria.*

7. Colliges ex dictis primò: Nec per absolutam DEI potentiam fieri posse, ut voluntas in incognitum tendere, sive sine præviâ cognitione quicquam velle possit: ut docet S. D. a. 1. juxta commune axioma: *Nil volitum, quin præcognitum:* & *Ignoti nulla cupido.* Et D. Aug. l. 8 de Trin. c. 4. *Nulla modo potest amari ignotum, licet possit sciri, quod non diligitur.* Et l. 10. c. 2. *Rem prorsus ignotam nemo diligere potest.* Ratio ex dictis est: Implicat voluntatem vitaliter operari, priusquam habeat objectum, à quo moveatur &

specificetur: sed absque præviâ cognitione non habet objectum: ergo. Min. probatur: Objectum voluntatis est bonum determinatum objective alliciens, & ad certam speciem objective determinans: sed hoc non est bonum incognitum: neque bonum aliter allicit & ad hanc speciem actûs determinat, nisi quia est ab intellectu propositum sub ratione convenientis: ergo.

Unde non sunt audiendi, qui ex eo quod Mystici Theologi cum S. Dionysio in 1. de Theol. myst. asserant, supremam unionem hujus viz cum DEO, fieri per dectam ignorantem & ablationem omnium operationum sensuum & intellectûs, eamque idcirco appellent caliginosum amorem, otium intellectûs &c. inferunt, mysticum illum amorem, & ecstaticum perfectissimæ dilectionis actum, quo sanctiores animæ in hac vita DEO uniuntur, fieri absque ulli cognitione: nam, ut contrâ astruit comm. Scholastic. & Mystic. teste Augustino à V. M. tr. de char. disput. 26. q. un. & Hericx in p. 2. disp. 2. q. 4. Jo. à I. M. de Theol. Myst. dub. 11 D. Dionysii, aliorumque ita loquentium mens est, quod in illo sublimi amore intellectus quiescat à negotiosa conversione ad phantasmata, conceptuum, discursuumque laboriosa indagine; non autem negant, quin voluntatis actum præeat fixa quædam & tranquilla divinæ bonitatis contemplatio: aliâ certè sacerdotis ille actus charitatis, cum non procederet ex cognitione, neque liber esset, ac proinde nec meritorius: nec foret participatio divini, & beatifici amoris, qui secundum dictâ, præviâ visionem supponit.

Colliges secundò. Ad imperfectos & indeliberatos actus voluntatis sufficere simplicem apprehensionem objecti: ad actus verò deliberatos requiri judicium rationis. Ratio 1. p. est: quia potentia naturaliter inclinata ad bonum, movetur, si ipsi bonum appetibile debite repræsentetur, sicuti objectum sensibile sub ratione convenientis vel disconvenientis, per simplicem notitiam sensûs repræsentatum sufficienter movet appetitum sensitivum: sed potest voluntati per simplicem apprehensionem repræsentari objectum sub ratione boni sibi convenientis: ergo potest voluntas ceu appetitus naturaliter inclinatus in bonum suppositi per simplicem apprehensionem objecti moveri ad aliquos actus imperfectos & primò primos.

Neque dicas: Voluntas non potest moveri nisi sit certa de bonitate actûs: sed ante judicium non est certa: ergo. Resp. negando vel dist. maj. nisi sit certa vel exercitè vel signatè, transferat: nisi sit certa signatè, seu in actu signato, nego. Sed sine judicio non est certa signatè, concedo: exercitè & ex modo tendendi, in quantum fertur in objectum sine admixtâ dubietate & incertitudine, nego min. & conseq.

Ratio 2. p. est: quia in actu libero reperitur notitia eligibilitatis unius rationis pro aliâ: sed ejusmodi notitia est formale judicium: ergo ad actum liberum & perfectum voluntatis requiritur judicium.

Neque dicas: Potest DEUS absque specie intermediâ determinare intellectum ad claram suâ visionem in patria: ergo etiam potest voluntatem Beat

tem Beati per seipsum determinare ad sui amorem absque cognitione præviâ.

Nam Reip. negando conseq. quia divina essentia potest esse & est per seipsam intelligibilis

in actu sine specie superaddita: non autem potest sine repræsentatione intellectuâli inducere rationem objecti finaliter moventis & specificantis, secundum dicta.

## ARTICULUS II.

### Quomodo voluntas moveat?

#### SUMMARIA.

1. *Voluntas executivè movet potentias subiectas.*
2. *Triplex differentia potentiarum in subiectione ad voluntatem.*
3. *Potentia vegetativa non sunt in arbitrio voluntatis.*
4. *Sensus quoque externi non nisi applicativè & indirectè subsunt arbitrio voluntatis.*
5. *Intellectus in plerisque actibus subijcitur voluntati.*
6. *Appetitus sensitivus subijcitur voluntati politice non despotice.*
7. *Potentia loco-motiva subijcitur appetitui despotice.*
8. *Voluntas executivè movet seipsam.*
9. *Perfectius est movere directè, quam effectivè.*
10. *Voluntas non habet influxum in alias potentias a suis actibus distinctum.*

#### §. I.

##### *Voluntatis influxus in alias potentias.*

1. **CONCLUSIO** prima. *Voluntas movet alias potentias sibi subditas quoad exercitium in genere causa efficientia.* S. D. I. cit. q. 9. a. 1. Ratio ipsius est: Potentia habens pro objecto finem & bonum universale, movet executivè potentias habentes pro objecto media, vel bona particularia: veluti dux in exercitu movet imperio minores præfectos & milites: sed voluntas habet pro objecto finem, & bonum universale; aliz verò potentiz subditæ pro objecto habent bona particularia ordinabilia ad illum finem: ergo voluntas executivè movet alias potentias sibi subditas.

Confirmatur. Illa potentia movet alias quoad exercitium, quæ primò movetur à fine: sed voluntas primò movetur à fine: ergò. Maj. probatur. Cum omne agens agat propter finem, principium huius motionis est ex fine: sed non est ex fine nisi per motionem illius potentiz, quæ primò movetur à fine: ergo quod qualibet potentia aliquo modo agat propter finem, habet ex motione voluntatis.

2. Dixi: voluntatem efficienter movere potentias sibi subditas: sunt enim potentiz in triplici differentia: alizque non subduntur in suis actibus voluntatis impulsui: alizque subsunt ipsius imperio politico, alizque despotico. Ubi illæ dicuntur despotice subijci, quæ absque ulla resistendi facultate ad nutum obediunt, uti servus obedit domino: politice subijciuntur quæ licet pareant imperanti, tamen aliquamdiu volunt resistere, & subinde rebellionem movent imperanti.

3. Itaque primò potentiz pertinentes ad vitam vegetativam quoad suos proprios actus non sunt in arbitrio voluntatis; quamvis enim applicatio materiæ sit in potestate voluntatis, hæc tamen se-

mel applicatâ potentia nutritiva, augmentativâ: generativa suos actus independenter à voluntate & necessariò exercent: ideoque nec laudis nec vituperii sunt capaces. Cum enim ad suos actus, in quibus non apprehensionem & appetitum rationalem, sed formam & appetitum naturalem sequuntur, sint naturaliter determinatæ, aliâ potentia determinante non indigent.

Neque Dicat: Etiam circa actus vitæ vegetativæ dantur vitæ virtutes, unde & actus abstinentiæ ac castitatis sunt laude digni: ergo etiam isti actus sunt sub regimine voluntatis. Nam Reip. Virtutes & vitæ circa actus vitæ vegetativæ nonnisi remotè versari; proximè verò circa actus animæ & vitæ sensitivæ, qui ad actus vitæ vegetativæ ulteriùs ordinantur, & servant mediocritatem in delectationibus cibi, potus &c.

Secundò, Sensus externi, etsi quoad applicationem ad sua objecta mediatè & indirectè pareant voluntati, secundum quam applicationem etiam sunt moraliter boni vel mali [ nisi oculum ab aspectu curioso cohibeas ] tamen immediatè & directè secundum ipsorum actuum elicientiam non pendent à nutu voluntatis, cum sint naturaliter determinati ad suos actus: unde etiam repugnante voluntate extorqueri possunt.

Tertiò, Intellectus exceptâ primâ finis repræsentatione, & subitis apprehensionibus objectorum, quæ non sunt in nostrâ potestate, subijcitur imperio voluntatis: neque in cæteris actibus est ex seipso determinatus, Ideoque ut liberè fiant, indigent voluntatis determinatione.

Quartò, Appetitus sensitivus in motibus primò primis, qui consequuntur imaginationem & rationem præveniunt, voluntati non subijciuntur, quâ de causâ dixit Apostolus Rom. 7. *Non quod volo bonum, hoc ago, sed quod odi, malum.* Quoad reliquos tamen actus, sicut etiam quoad continuationem primorum motuum, postquam accessit advertentia rationis subijcitur voluntatis imperio, uti dicitur Gen. 4. *Sub te erit appetitus tuus, & tu dominaberis illius:* passiones quippe appetitus sensitivi aliarum specierum applicatione & objectorum consideratione à ratione impediuntur. Nihilominus ipsa subiectio non est despotica sed politica: quia ut experientia docet, & testatur Apostolus, in naturâ lapsâ, & corruptâ per peccatum sæpe motus sensitalitatis etiam contradicente & repugnante ratione insurgunt, quod inde contingit, quia motus concupiscentiæ sequuntur sensitivam cognitionem; quæ aliquando per alterationem corpoream rationis imperio nequaquam subiectam excitatur: ideoque illi motus etiam prohibente ratione quandoque perdurant.

7. Quintò. Potentia loco - motiva despotice subest appetitui tam rationali quàm sensitivo: quia non tantùm homo, sed etiam bruta pro suo libitu ab uno loco in alium moventur.

## §. II.

*Voluntatis motio erga seipsam.*

8. CONCLUSIO secunda. *Voluntas etiam executive movet seipsam.* S. D. 2. 3. Ratio est: Illa potentia movet seipsam, quæ seipsam per propriam & præviam operationem determinat ad alium actum eliciendum, sicque seipsam redigit de potentia in actum: sed voluntas per præviam intentionem finis seipsam applicat & determinat ad electionem mediorum: ergo voluntas movet seipsam.

9. Dices primò. Perfectior potentia effective movet potentiam minùs perfectam: quia movere est perfectius, quàm moveri: sed intellectus est potentia perfectior, quàm voluntas: ergo non intellectus à voluntate, sed voluntas ab intellectu efficienter moveri debet.

Resp. negando maj. quia perfectius est movere directè, quàm effective: cùm igitur intellectus directè moveat voluntatem in genere causæ formalis extrinsecæ, est in genere movendi simpli-

citer perfectior, quàm voluntas. Et sic ad probationem, movere perfectius est quàm moveri, in quo genere movetur, concedo; in alio, nego. Et sic voluntas in genere causæ efficienter movens est perfectior, quàm intellectus: quia tamen in genere causæ directivæ voluntas movetur ab intellectu, ideo intellectus est absolute perfectior quàm voluntas, cùm totum genus motionis directivæ sit perfectius genere motionis effectivæ.

Dices secundò. Causa efficiens agit per physicum influxum; sed voluntas non habet physicum influxum in alias potentias, ergo ipsas non movet efficienter.

Resp. disting. min voluntas non habet physicum influxum in alias potentias, à proprio actu distinctum, & formaliter transeuntem, concedo, indistinctum, & tantùm virtualiter transeuntem, nego. Neque enim necesse est fingere novum modum vel motum aliis potentiis à voluntate impressum, ut facit Gonet hic disp. 4. a. 1. cùm ex hoc aliæ potentie à voluntate sufficienter moveri & determinari intelligantur, quòd anima per actum voluntatis seipsam determinat ad eliciendas operationes aliarum potentiarum, quæ in eadem animæ substantiâ voluntati connaturaliter subordinatæ radican- tur.

## ARTICULUS III.

*An voluntas moveatur à principio extrinseco.*

## SUMMARI A.

1. Status questionis.
2. Voluntas non potest physice moveri à principio creato.
3. Voluntas à DEO movetur ad primum actum.
4. Hæc motio est physica.
5. Estque concursus non tantùm generalis, sed specialis.
6. Ille primus actus voluntatis semper est bonus.
7. Nec inde voluntati inferitur necessitas.
8. Obiectum primæ volitionis est bonum ut sit.

## §. I.

*Excluditur motus à principio creato.*

1. Dupliciter potest intelligi quæstio. Primò: utrùm ad omnem operationem voluntatis requiratur, ut voluntas præmoveatur à DEO, tanquam principio exteriori, per physicam prædeterminationem? Secundò: utrùm omnium prima operatio voluntatis [constat enim ex dictis, quòd voluntas in suis operationibus ad invicem subordinatis possit seipsam movere ab uno actu ad alium] reducenda sit in DEUM ab extrinseco specialiter moventem & excitantem? Intentio S. D. hic a. 6 procedit in secundo sensu. Unde, suppositâ doctrinâ prædeterminationis physicæ jam priùs traditâ, pro secundæ quæstionis resolutione sit

2. CONCLUSIO prima. *Non potest voluntas physice moveri ab aliquo principio extrinseco creato.* S. D. a. 6. in c.

Ratio ipsius est: Sicuti motus naturalis, qui est à principio intrinseco naturæ, non potest esse ab

aliquo principio extrinseco, quod non sit causa ipsius naturæ, (ideo motus gravium v. g. generanti adscribitur) sic etiam motus voluntarius, qui similiter est à principio intrinseco, non potest esse effective ab alio principio extrinseco, quàm quod sit causa voluntatis, eandem in se virtute continens: hoc ipso enim potest dare & rationem entis & rationem voluntarii: atqui nulla creatura est causa humanæ voluntatis: ergo nullus motus voluntatis effective potest esse ab aliquo exteriori principio creato.

## §. II.

*Statuitur motus voluntatis à principio increato.*

CONCLUSIO secunda. *Voluntas ad primum actum, seu volitionem efficienter movetur à DEO.* S. D. ibid. Ratio est: Voluntas vel movetur à seipsa, vel à DEO: non à seipsa, ergo à DEO. Minor probatur. Intantum aliquid movet, inquantum est in actu; sed respectu suæ primæ volitionis voluntas non est constituta in actu: ergo ad primam volitionem non movet seipsam. Min. constat: quia voluntas est in actu ratione alicujus proprii actus: sed primæ volitioni nullus actus præsupponitur: ergo. Adde, quòd primus motus adscribitur generanti: ergo & prima volitio adscribitur DEO.

Hinc sequitur primò: Hanc motionem esse non tantùm moralem sed physicam. Primò: quia voluntas ad primam volitionem nec physice nec moraliter est in actu. Secundò: quia iste



Instinctus DEI (ita appellat S. D. motionem diversam) supplet influxum, quo voluntas seipsam applicat ad operandum: sed ille influxus non est tantum moralis, sed physicus: ergo etiam illa prima motio & influxus DEI. Tertiò: quia præmotio, quæ DEUS seu causa prima causas secundas ad operandum determinat, est physica: sed ista DEI motio est talis præmotio: ergo.

5. Sequitur secundò: DEUM ad primam volitionem non tantum concurrere concursu generali, sed etiam speciali: quia tunc est concursus specialis, quando in nullam aliam causam moventem & applicantem effectus reducitur: sed prima volitio non potest reduci in aliam causam quam DEUM: ergo DEUS specialiter causat primam motionem voluntatis. Unde

6. Sequitur tertiò. Primum actum voluntatis semper esse bonum: quia DEUS non potest esse specialis author actus mali, prout supra in tract. de Ang. fuit dictum. Nec obest, quòd homo in primo instanti usus rationis aliquando peccet, non enim peccat in primo instanti initiato usus

rationis, sed completo. Ut ibidem explicui.

Sequitur quartò. Illam DEI motionem nullam inferre necessitatem; quia, ut inquit S. D. q. 10. a. 4. ad 1. voluntas divina non tantum se extendit, ut aliquid fiat per rem, quam movet, sed ut etiam eo modo fiat, quo congruit natura ipsius.

Sequitur quintò. Illam primam volitionem, ad quam DEUS specialiter movet, esse de bono ut sic: prout docet S. D. q. 9. a. 6. ad 3. DEUS, inquit, movet voluntatem hominis, sicut universalis motor ad universale objectum voluntatis, quod est bonum: & sine hac universalis motione homo non potest aliquid velle &c.

Dices: Si DEUS movet ut motor universalis, ergo non ut causa specialis. Resp. DEUS ad mentem S. Doctoris movet ut motor universalis, universalitate sui, qui nempe est amor boni in communi & universaliter sumpti communis omnibus hominibus, concedo; universalitate causalitatis, prout motor universalis denotatur à concursu cum omni physica causalitate causæ secundæ, sic nego.

## ARTICULUS IV.

### Quenam sit coordinatio actuum humanorum?

#### SUMMARIA.

1. Tres actus voluntatis circa finem.
2. Totidem circa media ad finem.
3. Simplex complacentia.
4. Efficax intentio.
5. Consilium.
6. Consensus.
7. Electio.
8. Imperium practicum intellectus.
9. Usus.
10. Fructio.
11. In brutis nulla intentio & consilium.
12. De speculabilibus non est consilium.
13. Neque de certis.
14. In DEO consilium datur tantum quoad sententiam de agendis.
15. Angelis convenit consilium quoad inquisitionem in supernaturalibus.
16. Eodem actu possunt attingi finis & media.

#### §. I.

##### Oeconomia humanorum actuum.

1. Voluntatis actus, diversis actibus intellectus intermixti, alii sunt circa finem, alii sunt circa media ad finem. Tres sunt circa finem, videlicet *simplex volitio*, *intentio*, *fructio*; quia tot diversis modis voluntati finis obijci potest. Nam primò finis vel præcisè ratione bonitatis cognitæ movet voluntatem, & sic terminat simplicem volitionem: quia simpliciter actus potentia est in id, quod est secundum se objectum potentie: hoc autem est bonum propter se volitum. Secundò finis obijci potest voluntati sub formali ratione finis, prout est ratio volendi media; sicque terminat intentionem. Tertiò potest esse objectum voluntatis tanquam obtentus & præfens, quo modo terminat actum delectationis & gaudii, qui, si sit de fine perfecto & ultimo, propriè vocatur fructio.

R. P. Alex. Theol. Schol. Tom. II.

Tres sunt pariter actus voluntatis circa media ad finem: *consensus*, *electio*, & *usus*. Vel enim voluntas in intentione amplectitur media per intellectum proposita simpliciter & absolute absque comparatione vel assumptione unius medii præ alio: vel amplectitur cum tali comparatione & assumptione. Si primum, dicitur consensus; si secundum, dicitur propriè electio: vel tandem impellit & applicat in executione potentias sibi subditas ad ponenda media: & hæc applicatio dicitur usus.

Ut porro perspiciatur melius natura istorum actuum, & ordo, quem in iis voluntas tenet, primam finis cognitionem sequitur *simplex volitio*, quæ sæpe voluntas, & simplex complacentia vocatur; actus inefficax, quo *virtus* & in *hoste* probatur; *pietas* laudatur, & *alget*: ipsique improbi virtutis pulchritudinem demirantur, nec tamen ad illam prosequendam efficaciter permoventur. Rectè describitur: Actus complacentiæ, quo voluntas amat finem secundum se, sine ordine ad media.

Secundò: Repræsentationem cum ordine ad media consequitur *efficax intentio finis*, quæ est actus voluntatis tendens in finem, ut est ratio volendi media, seu quatenus est assequibilis per illa. Unde in intentione finis ipsa quoque media virtualiter appetuntur. Et quanquam SS. PP. in modo loquendi videntur aliquando intentionem actibus intellectus annumerare, uti cum Bernardus inquit, *affectio in voluntate*, *intentio in ratione consilii*, hoc tamen non est intelligendum subjective, sed præsuppositivè, quia intentio actum intellectus præsupponit; vel aliquando metaphorice, quòd, sicut attentio rationis dirigit operationes, ita intentio voluntatis bonitatem, aut malitiam derivet in humanas actiones.

Intentio prædicta determinat rationem ad consultandum.

ſultandum de medijs, unde ſequitur conſilium, quod eſt diſcurſus rationis practice inquirentis media ad obtinendum finem, ac de eorum convenientiâ judicantis. Unde conſilium completum & perfectum non tantum inquisitionem, ſed etiam judicium & ſententiam de agendis complectitur: ideo ſicut ad diſcurſum ſpeculativum concurrit duplex virtus intellectualis, ſcilicet intelligentia quoad principia, & ſcientia quoad conſuſionem; ſic ad practicum diſcurſum & conſultationem concurrunt duæ virtutes, eubulia, quæ ad bene conſiliandum & inquirendum de medijs conducit; deinde ſyneſis, ſeu gnome, quæ de mediis convenientia fert ſententiam.

6. **CONSILIO ſuccedit conſenſus approbans media, eaq; acceptans tanquam conducentia ad finem preintantum.** Porro conſenſus late poteſt & ſtriſſe accipi. Si late accipitur, ſignificat quemcumque actum voluntatis, quo obiectum a voluntate propoſitum liberè acceptatur; unde in hoc ſenſu conſenſus etiam haberi poteſt circa finem bonum vel malum, & abſque hoc conſenſu nunquam peccatur. Striſſe hoc loco accipitur, pro acceptatione mediorum, quæ intellectus per conſultationem præviã amplectenda propoſuit, & deſcribitur à S. D. q. 15. a. 3. *Applicatio appetitivi motus ad determinationem conſilij h. e. actus voluntatis, quo acceptantur media ab intellectu conſiliata.*

7. Poſſunt autem per conſultationem media triplici modo amplectenda proponi: primò ut unicum medium; vel ſecundò ſimul plura media ſine comparatione; tertio ut cum comparatione ad unicum repræſententur, & feratur ſententia, quodnam ex illis ſit conducentius ad finem: ſi primo & ſecundo modo, tunc propriè eſt conſenſus; ſi tertio modo, qui priorem conſequitur, tunc propriè eſt electio, quæ rectè deſinitur, affectus rationalis, quo voluntas unum medium præ alio acceptat in ordine ad finem: ubi indicatur primò, quod electio ſtraictus elicetus voluntatis, quippe quæ ſit motus voluntatis in bonum, in quo maximè reſplendet libertas actualis, & ratione cujus dantur in voluntate habitus electivi: & ſecundò, quòd ſit circa media, quia ſequitur conſultationem de medijs. Tertio, quòd ſit acceptatio unius medij præ altero, in quo diſcernitur à conſenſu, qui ſimpliciter acceptat media, nec ſpeciale comparationem rationis inter media connotat. Ex quo etiam facile inferes, nec conſenſum, nec electionem reperiri in brutis, quippe quæ conſilio, & mediorum quæ talium cognitione ſunt deſtituta. Et iſtis quidem actibus ordo intentionis abſolvitur.

8. Sequitur ordo executionis, in quo efficax electio unius, vel plurimum mediorum applicat intellectum ad actum imperij, quo intimatur executio mediorum, vocaturque imperium monaſticum, quod ad mentem S. D. rectè deſinit, quòd ſit *preceptiva intimatio cum motione quãdam, alicujus operis faciendi.* Ubi indicatur primò, quòd actus imperij pertineat ad intellectum; ſecundò, quòd diſtinguatur ab actu judicii, quia non intimat obiectum voluntati per modum conſilij, aut ſententiæ, ſed per modum præcepti, eſtque actus intellectus practici per verba imperativi modi, *fac hoc*, exprimi ſolitus.

Tertio, quòd ſit efficax ad movendam voluntatem efficaciâ derivatâ & participatâ ab actu electionis præſuppoſito. Unde non ſufficit ad operationem ſecta inquisitio & judicium intellectus, dicente illo: *video meliora, probòq; Deteriora ſequor.* ſed, cum nova plerumque in executione ſe difficultas opponat, opus eſt ſpeciali actu intellectus, qui executionem imperet, & voluntatem ad uſum determetur.

Eſt igitur uſus actum imperij ſubſequens, de genere uſus activi non paſſivi, actus, quo voluntas applicat, & movet ſubjectas potentias ad executionem mediorum. Ubi primò intelligitur, uſum pertinere ad voluntatem, quippe cujus eſt, ſubjectas potentias movere quoad exercitium, in ordine ad aſſecutionem ſui finis. Intelligis ſecundò, diſtingui à conſenſu & electione, quia iſti actus reſpiciunt media, prout ſunt in intentione, junguntque voluntatem cum obiecto tantum affectivè habito: uſus verò reſpicit media prout ſunt in executione, jungitque voluntatem cum volito in eſſe reali.

Tandem ordinem executionis claudit fruitio, quæ eſt voluntatis quies in fine obrento, eſſi pro ſuavi delectationis experimento in quovis fine obrento ſumatur, veluti Sap. 2. *Venite, fruamur bonis.* Rom. 5. *Si vobis primum ex parte fruitus fuerit, accipitur latiori ſenſu: ſi verò ſumatur pro gaudio & quiete in ultimo fine poſſeſſo, tum propriè fruitio dicitur. De quâ ſuprà de gaudio & fruitione Beatorum, in diſp. de Beatitudine, aliqua diximus.*

## §. II.

### Corollaria.

**Colliges primò.** In brutis non eſſe intentionem, nem, neque conſilium; quia in iſtis nec eſt formalis cognitio finis, neque inquisitio, aut cognitio de convenientia mediorum cum fine.

**Colliges ſecundò.** Quamvis de ſpeculabilibus detur inquisitio, non tamen dari conſilium; quia conſilium ex nominis impoſitione & moralium Philoſophorum placito non eſt niſi de agendis. De credendis tamen poteſt eſſe conſilium, quia fides piam motionem voluntatis includit, nec eſt ſolum ſpeculativa, ſed practica.

**Colliges tertio.** Conſilium non eſſe niſi de duobus, cum de iis, quæ certa ac determinata ſunt, vana ſit quaſtio.

**Colliges quarto.** In DEO non eſſe conſilium quoad inquisitionem, ſed ſolummodò quoad certiffimum judicium & ſententiam de agendis, quo ſenſu dicitur *omnia operari ſecundum conſilium voluntatis ſuæ.* Eph. 1. Et S. D. r. p. q. 22. a. 1. ad 1. *Iſta ratio rerum agendarum conſilium in DEO dicitur, non propter inquisitionem, ſed propter certitudinem cognitionis, ad quam conſilantes inquirendo deveniunt.*

**Colliges quinto.** Angelis convenire conſilium etiam quoad inquisitionem [tamen abſque diſcurſu] in ſupernaturalibus, quorum non habent plenam notitiam, ut inſinuat Iſ. 63. & Plal 23. *Quis eſt qui venit de Edom? Quis eſt iſte Rex gloria?*

**Colliges ſexto.** Fieri poſſe, ut uno realiter, actu voluntas tendat in finem & in media, quando nimi-

do nimirum vel in finem directè & in media indirectè, vel directè in media & indirectè fertur in finem, prout indicat S. D. q. 8. a. 3. *Finis*, inquit, *ut est ratio volendi medium, eodem actu appetitur quo medium*. Et ratio est: quòd eum plura objecta ad invicem subordinantur, & unum est ratio attingendi alterum, ibi potentia potest utrumque objectum uno eodemque actu attingere; unum quidem ut quod, alterum verò ut quo; unum directè, & alterum indirectè: ergo potest voluntas uno eodemque actu finem direc-

tè, & media indirectè attingere. Maj. constat inductione: nam visus eodem aspectu colorem percipit & lucem, & intellectus in principio conclusiones intelligit. Dixi posse uno actu attingi finem & media, ita ut unum directè, alterum indirectè attingatur. Nam si utrumque directè & ut quod attingitur, necesse est ut actus intentionis & electionis sint distincti; siquidem unus actus non potest habere duo adæquata objecta specificativa.

## ARTICULUS V.

### *An voluntas possit eligere æquale, vel minus bonum?*

#### SUMMARIÆ.

1. Status questionis.
2. Resolutio negativa.
3. Fundamentum petitur ex natura voluntatis tanquam potentia cæca.
4. Non ideo tollitur libertas electiva voluntatis.
5. Nec velle infertur suppositio simpliciter antecedens.
6. Ipsum judicium practicum pendet a libera applicatione & intentione voluntatis.
7. Absurdus oblectio remouetur.
8. An Divina voluntas eligat media minus bona?

#### S. I.

##### *Resolutio negativa.*

1. **C**ontingere potest primò, ut intellectus voluntati duo media repræsentet quasi in æquilibrio appensa, ut ex neutrà parte appareat major ratio boni vel mali, neque in ultimo practicæ rationis judicio majorem bonitatem uni quàm alteri parti adjudicet: quo casu dubitatur, an possit voluntas suâ, quâ pollet, libertate, alterutrum ex duobus in practicæ rationis æquali balance appensis & repræsentatis bonis pro libitu eligere? Secundò frequenter & ferè semper contingit, ut inter duo media unum appareat majoris, alterum levioris ponderis & bonitatis in ordine ad consequendum finem: ubi rursus dubitatur, an ista sit liberæ voluntatis potentia, ut relicto meliori, minus bonum possit amplecti? Affirmativam tuncur Richardus in 2. dist. 38. a. 2. Suarez in metaph. disp. 19. sect. 6. quem sequuntur Amicus, Salus, Ysambertus hic disp. 9. a. 1. Negativam Capreolus in 1. dist. 25. a. 3. Cajetanus. Vasq. & cum Jo. à S. Th. communiter Thomistæ.

2. **CONCLUSIO.** *Voluntas non potest ex duobus æqualibus mediis alterutrum aut ex inæqualibus minus bonum eligere.* Ita communis Thomistæ. Et colligitur è S. D. q. 13. a. 6. ad 3. ubi dicit: *Nihil prohibet, si aliqua duo æqualia proponantur secundum unam considerationem, quin circa alterum consideretur aliqua conditio, per quam emineat, & magis flectatur voluntas in ipsum, quàm in aliud.* Ubi apertè concedit & supponit S. D. voluntatem flecti propter eminentiam unius boni præ alio, ita ut possit æqualitate bonorum intel-

lectus in uno inveniat aliquam considerationem & circumstantiam, ratione cujus voluntas magis in hoc, quàm in aliud propendat.

Ratio utriusque est. Voluntas tanquam cæca, potentia nihil potest eligere, priusquam illud ab intellectu judicetur eligendum: neque potest respicere objectum, quod intellectus præviè non dicat esse respondendum: sed stante judicio practico æquilibrii inter duo bona neutrum proponitur & practicè judicatur ut eligendum, vel respondendum: stante quoque judicio practico majoris bonitatis & convenientiæ in uno, quàm altero bono, minus bonum practicè non judicatur respondendum: ergo voluntas in priori casu neutrum, in posteriori minus bonum non potest amplecti.

Confirmatur. quoad 1. partem primò. A causa indifferente quâ tali non procedit determinatus effectus: sed voluntas inter media æqualiter repræsentata est indifferens; quia suspensa inter utramque partem: ergo ut sic ab ipsa non procedit determinata electio.

Confirmatur secundò. Voluntas non potest absolute velle, nisi proponatur ab intellectu ut absolute bonum: ergo etiam voluntas nil potest magis velle, nisi proponatur ab intellectu ut magis bonum. Sed hoc non fit, cum duo bona vel media æqualiter repræsentantur: ergo.

Confirmatur specialiter quoad secundam partem primò. Si voluntas eligeret minus bonum relicto majori, vel eligeret quia in ipso invenio rationem boni, vel quia invenio rationem mali. Non hoc posterius: quia malum non est objectum prosecutionis, sed aversionis. Non etiam prius: quia in majori bono minor est ratio aversionis, & major prosecutionis.

Confirmatur secundò. Sequeretur ex Adversariorum doctrinâ, quòd prava electio in voluntate posset consistere cum recto judicio practico in intellectu: sed hoc est contra communem præsertim Thomistarum assententium, voluntatem nunquam peccare, nisi practicus error in voluntate præcesserit: ergo. Sequela patet: quia non obstante, quòd ratio dicaret v. g. furtum esse medium minus bonum pro sustentatione, tamen posset voluntas amplecti & eligere furtum pro fine sustentandæ vitæ.

## §. II.

*Solvuntur Objectiones.*

4. **O**bjicies primò, Ex dictis sequitur, quòd voluntas non possit pro libitu alterutrum eligere ex duobus bonis, vel mediis: sed hoc est absurdum, cum nullibi magis, quàm in actu electionis relucere debeat libertas voluntatis. Sequela probatur: Quodcumque voluntas instituit electionem inter plura media, tunc illa vel representantur aequalia, vel inæqualia: si aequalia, tunc neutrum ex iis potest eligere: si inæqualia, tunc non potest eligere nisi quod melius est: ergo nunquam poterit voluntas pro suo libitu se ad aliquod medium eligendum determinare.

Resp. neg. sequelam, & ad probationem dist. illatum: ergo voluntas nunquam potest pro suo libitu se determinare ad aliquod medium eligendum, independenter à iudicio practico, concedo; dependenter ab illo, nego.

5. Dices: Suppositio antecedens infert necessitatem: sed suppositio iudicii practici antecedit actum electionis: ergo non relinquit locum libertati. Resp. Suppositio antecedens omnem determinationem humanæ voluntatis vel formalem vel causalem, infert necessitatem, concedo: suppositio tantum aliquam determinationem antecedens, nego. [tunc enim est absolute suppositio consequens] sed suppositio iudicii practici antecedit actum electionis, ut tamen dependeat à libera applicatione voluntatis, concedo; ut non dependeat, nego min. & consequentiam.

6. Instabis: Illa applicatio, quâ voluntas intellectum applicaret ad ferendum iudicium practicum de bonitate mediorum, proveniret ex efficacia præcedentis intentionis: sed inde non provenit; quia intentio præcedens potest determinare voluntatem non tantum ad amplectendum medium utilissimum, sed etiam ad quodcumque medium utile & sufficiens pro consequendo fine: ergo efficacia intentionis per iudicii practici applicationem non determinat voluntatem ad melius medium eligendum.

Resp. negando min., & antecedens probationis distinguendo: si intentio determinet voluntatem ad electionem late sumptam, prout idem est cum consensu, concedo; ad electionem strictè sumptam, pro acceptione nimirum unius me-

dij pro alio, sic nego antecedens. Et eodem modo dist. consequ. neg. consequentiam. Ratio est: quòd priori modo ex vi intentionis non præcedit electionem formalis consultatio & comparatio unius medij cum altero; ideoque voluntas quæcumque medium utile amplecti potest. Posteriori autem modo ex vi ipsius intentionis sequitur consultatio comparativa unius medij cum altero: Unde si ex illa consultatione intellectus practice inferat, unum medium esse alteri præferendum, eo ipso vi præviæ intentionis voluntas determinatur ad eligendum utilius medium, quamdiu illud medium manet invariabile, quod tamen accedente novâ applicatione voluntatis & inquisitione rationis variari, adeoque etiam electio mutari poterit.

Instabis secundò: Sequitur ex nostra sententia, 7. quòd sicut famelicus duo panes proponeretur, ejusdem planè bonitatis, tunc voluntas deberet manere suspensa, & ipse non obstante famis importunitate neutrum panem posset eligere, quod sanè ridiculum est.

Resp. negando sequ. nam tunc famis impetus inutilis deliberationis moram præcinderet, adeoque voluntas relicta comparativâ electione ad proximum quemcumque panem arripiendum se determinaret, vel certè exercitium ipsius libertatis ex parte motivi conjunctum cum bonitate unius panis illum faceret eligibiliorē præ altero.

Instabis tertio: Divina voluntas de facto eligit media minus bona relictis melioribus: ergo hoc etiam potest voluntas & libertas creata, tanquam participatio illius. Antecedens probatur: quia DEUS ad suam gloriam hunc mundum condidit, cum potuisset alios plures & perfectiores condere in infinitum; mediis quoque ac modis inæqualibus producit homines in finem salutis æternæ, cum sciat & videat potuisse melioribus ac perfectioribus viis ad eundem finem produci.

Resp. dist. antecedens: eligit media minus bona materialiter ex parte rei volitæ, concedo: [sic enim una creatura est] & potest esse alterâ in entitate præstantior: [minus bona formaliter, & ex parte motivi volendi, quod est ipsi sua bonitas, suarumque divinarum perfectionum ostensio, sic nego: omnia quippe à DEO facta & ordinata prout substant divinæ bonitatis motivo, non possunt non esse optima.

## ARTICULUS VI.

*An supposita efficaci intentione finis voluntas necessitetur ad electionem medij unice necessarii ad consequendum finem?*

## SUMMARI A.

1. Status questionis.

2. Resolutio negativa.

3. Voluntas etiam necessitatur ad exercitium electionis medij unice necessarii ad finem efficaciter intentum.

4. Quæ necessitas non obstat libertati meritoria.

5. Conditionatè potest voluntas necessitari à bono limitato.

## §. I.

*Resolutio negativa.*

**T**ria supponuntur in statu questionis: primo, quòd adit & continuetur efficax intentio finis consequendi. Secundò, quòd electio accipitur late, non autem strictè pro acceptione unius medij præ alio. Tertiò, quòd adit iudicium



dicium practicum, quo dicitur hoc unicum medium dari ad consequendum finem intentum. Quibus suppositis quaeritur, an voluntas necessario debeat amplecti ejusmodi medium, vel an illa efficaci intentione non obstante medium possit respuere.

2. **CONCLUSIO.** *Stante efficaci intentione finis voluntas necessitatur ad amplectendum illud medium, quod hic & nunc videtur unice necessarium ad obtinendum finem.* Ita colligitur ex S. D. hic q. 13. a. 4. Et in 1. p. q. 19. a. 3. ubi dicit, quod ea quae sunt ad finem, non ex necessitate volumus, nisi talia sint, sine quibus finis haberi non possit, sicut necessario volumus cibum, volentes conversationem vite.

Ratio est primò. Voluntas non potest efficaciter velle objectum quod cognoscitur & iudicatur impossibile: sed obtinere finem sine medio unice necessario, e. g. conservare vitam sine cibo, die festivo audire Sacrum, non accedendo Ecclesiam, est objectum impossibile cognitum ut tale: ergo voluntas finem sine medio unice necessario non potest efficaciter intendere & appetere.

Secundò. Talis voluntas esset & non esset efficax. Esset ex suppositione: non esset, quia efficaciter intendere finem, est illum intendere quatenus per media obtinendum: uti econtra inefficaciter velle, est complacentiam habere in fine, & nolle media ad illum obtinendum necessaria.

Tertiò. Voluntas non potest abicere illud objectum, in quo intellectus nullam invenit rationem mali: sed in medio unice necessario nullam invenit rationem mali, sed potius boni; siquidem medii bonitas est ipsius conducibilitas

ad obtinendum finem; sed in medio unice necessario reperitur adaequata voluntas & conducibilitas: ergo.

Colliges ex dictis primò: Ex suppositione, 3. quòd voluntas efficaciter determinetur ab intentione finis ad actuale executionem ipsius, eandem voluntatem necessitari ad eligendum medium unice necessarium, non tantum quoad specificationem, sed etiam quoad exercitium: quia, cum executio incipiat à positione mediorum, esset omnino impossibile, ut voluntas procederet ad executionem, nisi prius in intentione medium, sine quo illa haberi nequit, actu elegerit.

Colliges secundò. Prædictam necessitatem 4. non obstat electionis libertati ad rationem meriti vel demeriti requisitam: quia necessitas ex suppositione efficax intentionis à ipsa voluntate liberè positæ, non est antecedens, sed consequens, utpote procedens ex ipsa libertate voluntatis: sed hæc necessitas est talis: ergo. Unde si voluntas impediret intentionem finis, ut potest, etiam posset electionem mediæ impedire.

Dices: Voluntas à nullo bono limitato necessario potest: sed illud medium unice necessarium est tantummodò bonum limitatum: ergo voluntas ab illo necessitari non potest.

Resp. dist. maj. Voluntas à bono creato necessitari non potest necessitate absoluta & antecedente, concedo; necessitate conditionali & consequente, nego maj. & pariter distinctò consequente, nego seq. Absolute enim necessitari voluntas nequit à bono limitato, quia illud non adæquat voluntatis capacitatem: potest tamen necessitari ex suppositione, quia quandoque habet necessariam connexionem cum alio bono à voluntate efficaciter, liberè tamen intento,

## ARTICULUS VII.

### De actu imperii.

#### S U M M A R I A.

1. *Acceptio & motio imperii.*
2. *Actus imperii probatur autoritate.*
3. *Et ratione.*
4. *Subsequitur electionem.*
5. *Et distinguitur a iudicio precedente actum electionis.*
6. *Definitio imperii.*
7. *Subiungitur in intellectu practico.*
8. *Estque efficax.*

#### §. I.

##### Existencia imperii.

1. Imperium aliquando latius accipitur pro impulsu habitus aliquis seu virtutis, aliarum inferiorum virtutum & habituum actus referentis in suum proprium finem: quæ ratione charitas dicitur imperare actus aliarum virtutum. Strictiori sensu accipitur à S. D. hic q. 17. a. 1. & a. 3. ad 1. pro actu intellectus, quo voluntati intimatur operis executio: De cuius existencia sic
2. Conclusio prima. Datur actus imperii consequens electionem & determinans voluntatem ad applicationem potentiarum. Ita S. D. loc. cit.

Prima pars probatur primò autoritate. Nam. D. Aug. 1. 8. confess. c. 9. *Imperat, inquit, animus, & movetur manus, & tanta est facilitas, ut vix à servitio discernatur imperium.* Et Philosophus 1. Eth. c. ult. *appetitus, inquit, obedit rationi: ergo rationis est imperare.* Ex quo

Probatur secundò ratione. Actus potentie 3. imperantis est imperium: sed ratio imperat hoc ipso quòd alie potentie secundum supra dicta ipsi obediunt: ergo ratio habet actum imperii.

Confirmatur. Datur imperium politicum & regale in Superiore ad gubernandos subditos: ergo etiam datur in ratione imperium monasticum quo regat & gubernet potentias sibi subditas. Consequentia probatur: Sicut in principe datur prudentia politica, ad hoc ut subditos dirigat in bonum commune; Sic datur in homine prudentia monastica, ad hoc ut dirigantur inferiores potentie in bonum particulare: ergo sicuti actus prudentie politicæ in principe est imperare politicè, ita actus prudentie monasticæ est imperare monasticè.

Secunda pars probatur primò: quia actus qui 4. pertinet

pertinet ad executionem, & à quo incipit executio, debet esse posterior electione pertinente ad ordinem intentionis: sed ab actu imperii incipit executio, siquidem per ipsum voluntas determinatur, ut applicet alias potentias ad operandum: ergo sublequitur electionem. Secundò: Sæpe contingit, aliquem bene judicare, opinari, eligere, non tamen bene operari, juxta illud: *Videō meliora, probō, Deteriora sequor*.

Dices: Judicium præcedens electionem non tantum dicitur media esse eligenda, sed etiam exequenda: ergo est sufficiens ut voluntatem determinet ad executionem mediorum.

Resp. Judicium præcedens electionem dicitur media etiam ut exequenda remotè, concedo; proximè, nego. Nam actus proponens media ut hic & nunc exequenda, debet illa proponere ut electa, non ut eligenda: atqui hoc non facit actus judicii præcedens electionem.

5. Probatur secundò. Voluntas tanquam cæca potentia non operatur nisi ut regulata per intellectum: ergo etiam usus voluntatis, quo subditas potentias applicat ad operandum, debet habere proximam regulam in intellectu: sed talis regula non est solum judicium, quippe quod sapius ab executione separatur: ergo est ille actus, quo ratio præceptivè dicitur, opus esse aggrediendum per verba imperativi modi: *Fac hoc*.

## § II.

### Definitio imperii.

6. CONCLUSIO secunda. *Actus imperii rectè definitur: Preceptiva intimatio operis faciendi vel omittendi cum quadam motione.*

Bonitas definitionis ex eo liquet, quòd per omnes ipsius partes sufficienter exponitur natura imperii, & ab omni alio actu distinguitur.

7. Dicitur ergo primò *preceptiva intimatio*: quo

significatur, actum imperii esse actum intellectus non per modum simplicis sententiæ, vel consilii, sed per modum præcepti ordinantis voluntatem ad operis executionem: ideoque exponi solet per verba imperativi modi: *Fac hoc*.

Neque refert primò. Quòd imperium non tantum dicat intimationem, sed etiam motionem, adeoque saltem ratione motionis ad voluntatem pertinere videatur. Nam sufficit quòd pertineat ad voluntatem præsuppositivè & connotativè, à quâ nimirum derivatur efficacia movendi, non verò quòd formaliter ad voluntatem pertineat: imperare quippe, præcipere, loqui, intimare, ordinare, sunt formaliter officia & actus intellectus prædici, & pertinent ad prudentiam, quæ est virtus intellectus prædici.

Neque refert secundò. Quòd ad eandem potentiam pertinere videtur imperium, ad quam pertinet dominium: sed dominium pertinet ad voluntatem, in eaque subjectivè recipitur: ergo etiam imperium subjectivè est in voluntate. Nam dist. maj. ad quam pertinet dominium quoad vim denuntiandi, dirigendi, intimandi, & ordinandi, concedo; quoad vim movendi, nego. Et similiter dist. min. neg. consequentiam.

Tertiò. Quòd voluntas sit primum movens ad exercitium: ergo non indiget ad exercitium moveri per actum intellectus. Nam distinguo consequens, Non indiget moveri motione imparticipatâ à voluntate, concedo; participatâ, nego consequentiam.

Dicitur ulterius in definitione *cum quadam motione*, quibus verbis significatur efficacia istius actus ad excitandam voluntatem, quam tamen efficaciam participat à consensu vel electione voluntatis essentialiter præsuppositâ, quæ efficacia pariter exprimitur per voces *operis faciendi vel omittendi*.

# DISPUTATIO IX.

DE

## Moralitate humanorum actuum.

**T**Andem ad ipsam moralitatem, quæ in actibus humanis est potissimæ considerationis, accedimus. Supervenit illa nostris actibus in esse naturæ & ordine physico spectatis, eosque modò bonos, modò malos, meritorios, demeritorios reddit. Igitur ipsius primò quidditatem, tum principia, denique species discutiemus.

## ARTICULUS I.

### In quo formaliter consistat moralitas humanorum actuum?

#### SUMMARIA.

1. *Varia acceptiones moralitatis.*
2. *Varia predicata in actu morali.*
3. *Libertas non est constitutum moralitatis, sed illi præsupponitur.*
4. *Exponitur locus D. Thoma.*
5. *Posita libertate moralitas tantum ponitur casualiter, non formaliter.*
6. *Libertas & moralitas habent idem specificationem materialiter, non formaliter.*
7. *Moralitas non est denominatio extrinseca:*
8. *Neque relatio rationis.*
9. *Neque relatio predicamentalis.*
10. *Nec entitas modalis.*
11. *Quadam obiectivum*
12. *Diluvium.*
13. *Moralitas*

13. *Moralitas non consistit in habitudine ad voluntatem :*
14. *Sed in actuali tendentia voluntatis ad obiectum.*
15. *Quomodo malitia sit species moralitatis?*
16. *Omissio voluntaria est saltem interpretativa tendentia voluntatis in obiectum.*
17. *Actus est artificiosus per denominationem intrinsecam.*
18. *Disparitas inter esse vitale, vel naturale, & inter esse morale.*
19. *Moralitas est identificata cum actu.*
20. *Quid sit obiectiva moralitas.*
21. *Divisio moralitatis in bonitatem & malitiam non est adequata, cum etiam indifferentia sit species moralitatis.*
22. *Duplex regula actuum humanorum, remota & proxima.*
23. *Natura rationalis tantum est regula morum radicalis.*

## §. I.

*An moralitas in libertate consistat?*

1. **N**otandum primò. In latissimâ acceptione morale dici, quod aliquo modo pender à ratione & libero arbitrio. Sic primò valor monetæ dicitur moralis, quia ratione & liberâ voluntate rempubl. administrantium fuit impositus. Causa dicitur moralis, quia mediante solùm propositione rationis & intellectus inluit in voluntatem. Servitutes, dominia, jura dicuntur entitates morales, quia liberis hominum moribus, placitis, consuetudinibus sunt introductæ. Actus humani sunt morales, quia dependent à regulis rectæ rationis liberè eliciuntur. Ipsi denique mores, à quibus nomen moralitatis derivatur, hominum actus, qui liberè & ex ratione fiunt, appellantur; ideoque hoc nomen in brutis non reperitur. In præsentî agimus de moralitate.

2. **N**otandum secundò. Plura reperiri prædicata in actu morali, de quibus disceptari potest, quodnam ex iis actui moralitatem formaliter tribuat? Est primò libertas, eaque actualis; neque enim sola conjunctio cum potentia habitualiter & privativè liberâ sufficit ad tribuendam moralitatem, ut patet in motibus primò primis, qui non sunt morales, hoc ipso, quòd illos voluntas liberè non producat. Secundò passiva regulabilitas, & extrinseca denominatio à lege & ratione regulante. Est tertio ordo & habitudo ad potentiam operantem & subjectam regulis morum; est etiam habitudo actus ad ipsam rationem, & legem. Est demum habitudo ad obiectum substantis regulis morum; quam ipsam habitudinem aliqui volunt esse relationem rationis; alii prædicamentalem, alii transcendentalem, & modaliter distinctam ab actu.

Quæritur ergo: per quodnam ex istis prædicatis actus humanus formaliter constituitur moralis, seu in esse moris? & primò quidem Scotus in 2. dist. 40. q. un. n. 3. Suarez tract. 3. de act. hum. Ferrar. in 3. contra gent. c. 10. aliique sentiunt, moralitatem humanorum actuum formaliter constitui per libertatem; contra quos sit

6. **CONCLUSIO** prima: *Moralitas actuum non consistit formaliter in ipsa libertate: quamvis canon. R. P. Mæz. g. Theol. Schol. Tom. II.*

dem essentialiter præsupponat. Ita Jo. à S. Th. Gonet, Amicus disp. 12. sect. 1. & comm. Thomist. ; Ratio est primò: quia potest concipi actus liber, quin concipiatur moralis; ergo libertas non est prædicatum formaliter constitutivum moralitatis. Anteced. prob. Positâ indifferentiâ agendi, & ablatâ sive per possibile sive per impossibile omni lege & regulâ operandi, actus esset liber, & tamen non esset moralis, cùm sublatâ regulâ morum nulla sit moralitas: ergo essentia actus liberi consistit sine moralitate.

Secundò. Perfectio præsupposita ad ordinem & genus moris, non constituit actum in esse moris: sed libertas est perfectio præsupposita ad ordinem & genus moris; quia est perfectio naturalis pertinet ad ordinem naturæ, eumque reddens proximè capacem, ut per morum regulas dirigatur. Imò tertio. Idem physicè actus recipit diversas species & differentias moralitatis, quin recipiat diversas species aut differentias libertatis, uti si in eodem actu reperitur malitia furti & sacrilegii. Ergo libertas non constituit moralitatem.

Dices primò Juxta doctrinam D. Thomæ eadem sunt proprietates actus liberi, & actus moralis: ergo eadem esse utriusque naturæ, idem constitutivum. Antecedens probatur: Proprietates actus moralis sunt esse dignum laude, vel vituperio, præmio, vel supplicio: sed eadem sunt proprietates actus humani & liberi per S. D. hic in 1. 2. q. 21. a. 2. dicentem: *Nihil aliud est laudari, vel vituperari, quàm imputari alicui malitiam, vel bonitatem sui actus. Tunc enim actum imputari agenti, quando est in potestate ipsius (en libertatem); ita quòd habeat dominium sui actus.*

Respondeo: Eadem sunt proprietates actus moralis & liberi, & diverso modo, concedo; eodem nego. Igitur actui quâ libero competit esse dignum laude, vel vituperio, remotè, radicaliter, & causaliter, concedo; (nisi enim actus foret liber, etiam non esset proximè regulabilis) proximè, & formaliter, nego: prout ex dictis constat, & ampliùs constat ex dicendis. Unde & verba S. Doct. plus non evincunt, quàm quòd actus liber & moralis pro statu hujus vix sint idem entitativè, materialiter, & concomitanter, non autem formaliter.

Dices secundò. Positâ libertate ponitur, sublatâ tollitur, imminutâ minuitur moralitas actuum (neque enim aliâ de causâ peccatum veniale ex indeliberatione commissum, non est actus perfectè moralis, nisi quia non est perfectè liber) imò solâ positâ libertate, secluso omnî alio, actus est regulabilis per regulas morum: ergo moralitas formaliter in libertate consistit.

Respondeo distinguendo antecedentes. Positâ libertate ponitur causaliter moralitas actuum, concedo; formaliter, nego. Unde etiam peccatum veniale, defectu libertatis plenæ, tantùm causaliter habet minus moralitatis, non autem formaliter: ratio formalis autem est imperfecta tendentia in obiectum disforme rectæ rationi. Esto etiam quòd libertas faciat actum proximè regulabilem per regulas morum, tamen illa regulabilitas passiva non est ipsa moralitas: nam veluti alicujus operis esse artificiale non consistit in passiva



passiva regulabilitate, sed in actuali subiectione ad regulas artis; ita esse morale debet consistere in actuali subiectione ad regulas morum.

6. Instabis: Idem obiectum specificativum habet actus moralis & liber, nempe finem: ergo eandem quoque habet rationem formalem.

Respondeo dist. antec. Habent idem specificativum materialiter, concedo; formaliter, nego. Finis igitur specificat actum morale sub ratione conformis vel difformis cum regulis morum; actum verò liberum quā talem specificat sub ratione indifferenter propositi, quæ sunt rationes formaliter diversæ.

### § II.

*Remouentur alie quadam opiniones.*

7. **CONCLUSIO** secunda. *Moralitas formaliter non consistit in aliqua denominatione extrinseca.* Ita Thomistæ communiter contra Vasq. & Amicum loc. cit.

Ratio est primò. Quia libertas, quam ceu essentialem sui radicem moralitas præsuppositivè includit, est perfectio intrinseca actui, prout supra ostendimus disp. 6. a. 1. ergo & moralitas.

Secundò. Quia forma, a quā plura aliqua analogicè & extrinsecè denominantur per attributionem ad analogatum principale, intrinsecè inest analogato principali: sed quæcunque spectant ad genus moris, ut voluntas, lex, dictamen rationis, dicuntur moralia per ordinem & attributionem ad actum voluntatis; ratio, quia dirigit; lex, quia præcipit; voluntas, quia causat actum morale: ergo moralitas, à qua extrinsecè denominantur, intrinsecè est in actu voluntatis.

Tertiò. Bonitas moralis in habitibus virtutum est ipsis intrinseca: hinc enim etiam in esse moris specie inter se distinguuntur: ergo similiter bonitas moralis, & consequenter moralitas est intrinseca actibus.

Quartò. Veritas est intrinseca actui intellectus, bonitas artificialis actui artificioso, bonitas naturalis rebus physicis: ergo etiam bonitas moralis actui humano.

8. **CONCLUSIO** tertia. *Moralitas formaliter non consistit [1] in relatione rationis, [2] aut prædicamentali, [3] aut aliqua habitudine modaliter ab actu distincta.*

Ratio primæ partis est: quia malitia & bonitas inveniuntur in actibus voluntatis, independentes ab ulla fitione intellectus, posita solum liberatenditiā in obiectum conforme vel disforme rectæ rationi.

9. Ratio secundæ partis est primò. Quia relatio prædicamentalis requirit existentiam sui termini, cum tamen obiectum actus moralis sæpissimè solum in intentione existat. Secundò: relatio prædicamentalis non exprimit perfectionem, nec imperfectionem, ut dictum in Tract. de Trinit. e contra moralitas in suis speciebus exprimit perfectionem, si actus est bonus; imperfectionem, si est malus: ergo.

10. Ratio tertie partis est primò, quòd modalitates sint essentialiter superflue, ut suppono. Secundò, quòd ante modum superadditum jam intelligitur actus liberè elicitus iuxta vel contra regulas morum, adeoque moralis.

Oppones primò. Ex eo actus est moralis, t. q. quòd reguletur per rationem, præcipiatur per legem, &c. sed hæc nihil ponunt intrinsecum in actu: ergo non denominatur intrinsecè moralis.

Secundò. Moralitas obiectiva vel est denominatio extrinseca, vel ad summum relatio rationis: ergo etiam moralitas actuum.

Tertiò. Esse morale in dignitatibus, officiis, valore monetæ, & pretio rerum venalium nihil intrinsecum ponit in rebus ita denominatis: ergo nec esse morale in actu voluntatis est quid intrinsecum.

Quartò. Moralitas actus consistit in habitu dine ad obiectum, tanquam ad suam mensuram: sed habitudo mensurabilis ad mensuram est relatio prædicamentalis: ergo.

Respondeo ad primum negando, vel dist. ant. 1. teced. Est propterea moralis causaliter, & tanquam propter condiciones necessario requisitas, concedo; formaliter, & tanquam propter rationem proximam, nego. Ad 2. & 3. Permissio anteced. nego conseq. quia esse morale in obiecto accipitur per attributionem ad actum quem terminat, & coexistentiam legis sibi extrinsecæ. Similiter valor monetæ, & pretium rerum venalium præcisè, directè, & immediatè sumuntur à voluntate humana ita taxante & acceptante: ac verò esse morale in actibus voluntatis, etsi supponat legem, immediatè tamen non à lege, sed ab ordine ad obiectum legi subiectum accipitur: qui ordo est ipsis intrinsecus. Ad quartum dist. major. consistit in habitudine fundamentali seu radicali ad obiectum ceu mensuram, concedo; in formali, nego. Cum enim actus intelligatur bonus, vel malus moraliter, priusquam formalem respectum ad obiectum habeat, vel habere possit, non in ordine formali, sed radicali ad obiectum moralitas poterit consistere.

### §. III.

*Resolutio questionis.*

**CONCLUSIO** quarta. *Moralitas actuum humanorum non consistit in habitudine actus ad voluntatem.*

Ratio est primò: quia moralitas per prius est in actu, quàm voluntate, voluntas enim propter attributionem & habitudinem ad actus est & dicitur moralis. Actus quoque per prius subi-ciuntur legi, quàm voluntas, cum leges & præcepta dentur propter actus humanos. Secundò. Quia actus & motus non specificatur à suo principio; sed actus humani sunt quidam veluti motus & tendentiæ ad sua objecta, etiam in esse moris: ergo ex obiecto accipiunt speciem boni vel mali in esse moris, non à suo principio. Sed unde non accipiunt speciem in esse moris, inde nec ipsum esse moris accipiunt; siquidem genus includitur in speciebus: ergo, cum non accipiant speciem boni vel mali à principio sive voluntate, etiam inde non accipiunt ipsam moralitatem.

**CONCLUSIO** quinta. *Moralitas formaliter est ipsa actualis tendentia voluntatis in obiectum, subiectum regulæ morum, indistincta ab actu.* Ita communiter Thomistæ, quorum tamen plerique in hoc discrepant, quòd velint istam habitudinem esse ab actu modaliter distinctam.

Probat

Probatur primò inductivâ refutatione aliarum opinionum: ut enim hæcenus est ostensum, moralitas actuum humanorum non consistit in ipsa libertate; non in denominatione extrinsecâ à regulis rationis, vel voluntate moraliter operante; non in relatione prædicamentali, vel rationis; non in habitudine ad ipsam voluntatem: superest ergo ut constitutivum moralitatis sit actualis ordo & tendentia voluntatis ad objectum.

Probatur secundò autoritate, & ratione S. Doct. unde actus humanus accipit speciem tam infimam quàm subalternam moralitatis, inde etiam accipit rationem genericam moralitatis; quia genus in specie imbibitur: sed actus humanus recipit speciem tam subalternam boni, vel mali moralis, quàm infimam huius virtutis aut vitii ab objecto; *prima enim bonitas actus* [inquit S. D. hic q. 18. a. 2.] *moralis attenditur ex objecto convenienti*: ergo actus humanus etiam accipit genericam rationem moralitatis ab objecto. Sed si extrinsecè accipit genus moralitatis ab objecto, eo ipso intrinsecè accipit ex ordine sive habitudine sua intrinsecâ in objectum secumque identificata [sive appelles transcendentelem, sive fundamentalem respectum, perinde est] sicuti habitus qui ab objectis specificatur extrinsecè, specificatur intrinsecè per respectum sibi intrinsecum & identificatum, h. e. per naturalem inclinationem in objectum.

Confirmatur primò. Habitus morales sumunt genus moralitatis ab objecto, ergo & actus. Consequentia probatur: quia actus & habitus reducuntur ad idem genus, & habitus non nisi ratione suorum actuum ab objectis specificantur.

Confirmatur secundò. Motus & actus physicè spectatus tam specificam quàm genericam rationem accipit ab objecto in esse physico: ergo etiam actus morales rationem tam genericam quàm specificam accipiunt ab objecto in esse moris. Conseq. prob. Non minùs actus moralis est quædam via & tendentia ad objectum, quàm actus physicè consideratus: ergo sicut ille speciem accipit ab objecto, sic & iste.

#### §. IV.

##### *Solvuntur Objectiones.*

15. **O**bjicies primò. Si moralitas formaliter consisteret in tendentia actus humani ad objectum subsans regulis morum, tunc etiam species moralitatis in illa consistere: nam quod dicitur de genere, dicitur etiam de specie, genus enim in specie includitur, imò cum illa identificatur: atqui aliqua species moralitatis, nimirum formalis malitia actus humani non consistit in positiva tendentia ad objectum; siquidem dicimus illam formaliter consistere non in positivo, sed in privativa carentia debitæ rectitudinis: ergo.

Confirmatur. Aliqua omisso est moraliter mala: sed hæc moralitas non potest consistere in tendentia ad objectum, præsertim si supponatur pura omisso: ergo non omnis moralitas consistit in habitudine ad objectum subsans regulis morum.

R. P. Mez. Theol. Schol. Tom. II,

Respond. ad hoc argumentum (quod est principale & palmarium contra sententiam de privativo peccati) distinguendo min formalis malitia in abstracto, & quantum ad rationem malitiæ, non consistit in positivo, concedo; formalis malitia in concreto (hoc est malum morale, quod propriè est species moralitatis, non ipsa malitia abstractivè sumpta) & quatenus est moralis, nego. Sic enim saltem de connotato & substrato importat positivam tendentiam voluntatis; aliàs quippe potius esset pura negatio, quàm moralis privatio rectitudinis. Similiter distinguo consequens: ergo aliqua species moralitatis formaliter non consistit in positiva habitudine & tendentia, quoad omnia inclusa in specie, concedo; quoad aliqua, nego consequentiam. Nam mutuo & reciprocè ad invicem ista se habent, ut actus moralis non esset formaliter malus, nisi esset privatus debitâ rectitudine; & ipsa privatio non esset vel in genere, vel in certa specie moralitatis, nisi subiectaretur in actu liberè tendente in objectum dissonantem regulis rationis.

Ad confirmat. Resp. dist. min. hæc moralitas non potest consistere in formali tendentia in objectum, concedo; in interpretativa & virtuali tendentia, nego min. ergo non omnis moralitas consistit in prædicta habitudine & tendentia tantum formali & positiva, concedo; vel formali vel interpretativa, nego consequentiam. Unde ly *habitudo* est accipiendum in sensu accommodo pro subiecta materia, ita ut, si moralitas sit in actu humano, sit positiva habitudo ad aliquod objectum; si autem sit in omissione, sit quasi habitudo negativa, & tendentia tantum interpretativa in objectum. Sicut enim tunc omisio solum est interpretativè voluntaria, sic etiam non aliam requirit quàm interpretativam tendentiam voluntatis in objectum, vel finem.

Objicies secundò. Ita se habet actus humanus ad regulas moris, sicut ad regulas artis: sed tantum extrinsecè denominatur artificiosus per regulas artis: ergo similiter denominatur extrinsecè per regulas moris.

Respondeo permittâ maj. negando min. nam, ut dictum, ex hoc actus artificis est artificiosus, quod est in se commensuratus & conformis cum regulis artis. Denominatio quippe extrinsecæ regulæ artis tantum tribuit actui quod sit subiectus regulæ, non verò quod sit vel conformis vel difformis eidem.

Objicies tertio: Actus est & dicitur naturalis, vel vitalis non per habitudinem ad objectum, sed per habitudinem ad principium naturale, vel vitale, à quo procedit: ergo etiam actus est ideo moralis, quia procedit à voluntate tanquam principio morali. Neque obstat diversitas specifica actuum in genere moris desumpta à diversitate objectorum: nam etiam actus & motus naturales vel vitales ex objectis inter se specificè distinguuntur, qui tamen genericè sunt naturales aut vitales propter habitudinem ad naturam, vel vitam, à qua procedunt.

Respond. disparitatem esse, quod naturalitas & vitalitas per se primò reperiuntur in linea substantiæ, quæ in se omnimodè absoluta non specificatur per habitudinem ad quid extrinsecum:

contra

econtra moralitas pertinet ad lineam operationis, quæ ex sua natura est apta specificari à termino & objecto extrinseco propter intrinsecum respectum ad ipsum.

## §. V.

## Corollaria.

19. Colliges ex dictis primò. Prædictam habitudinem actus ad objectum, in qua moralitatem formaliter collocamus, non esse realiter (modaliter non distingui aliunde suppono) distinctam, & superadditam actui. Posita quippe liberà tendentiâ actus ad objectum subsistens regulis morum, & remoto omni altero, hoc ipso intelligitur actus esse moralis.
20. Colliges secundò. Objectivam moralitatem nihil aliud esse, quàm ipsum objectum, quatenus connotat rationem & regulam mensurantem, juxta quam per actum voluntatis in debitum finem ultimum rationali naturæ consentaneum referri possit.
21. Colliges tertio. Divisionem moralitatis in bonum & malitiam moralem esse divisionem generis in species. Siquidem moralitas ut sic est prædicatum superius abstrahibile à bono & malo consentaneo & dissentaneo regulis rectæ rationis. Sed esse etiam adæquata divisio? Resp. cum Jo. à S. Th. negativè, quia licet in individuo & actu exercito non detur aliquis actus, qui non sit vel bonus vel malus moraliter, prout declarabitur, datur tamen actus secundum speciem suam & ex meritis proprii objecti indifferens, ideoque indifferentia rectè dicitur constituere tertiam speciem moralitatis. Ut enim actus humanus sit moralis plus non requiritur, quàm ut liberè tendat in objectum ut subsistens regulis morum: quia alia est regula præceptiva, alia pro-

hibitiva, alia permissiva. Licet igitur actus indifferens, ut est v. g. ambulare, non tendat in objectum præceptum, vel prohibitum, tendit tamen in objectum lege & ratione permissum. Unde *desiderat*: Actus vel est conformis, vel difformis regulis rectæ rationis: ergo vel bonus, vel malus. Resp. dist. antec. est conformis regulis semper præcipientibus vel prohibentibus, nego; aliquando permittentibus concedo; & nego consequentiam.

Colliges quartò. Duplicem potissimum esse regulam morum; Remotam, & proximam. Remota est lex DEI æterna; à qua omnes aliæ leges derivantur; proxima est dictamen propriæ conscientiæ, quo mediante lex DEI nobis innoscitur. Ratio primi est ex S. D., quòd prima regula est regula indefectibilis, in quam omnes aliæ reducuntur, sed hæc est lex DEI æterna & in mente ipsius existens, quam S. D. describit q. 91. a. 1. quòd sit ratio gubernationis rerum in DEO, sicut in principe universitatis existens.

Ratio secundi est, quòd illa est proxima regula nostrorum actuum, quæ in virtute primæ regulæ nostros actus morales proximè dirigit: sed ejusmodi regula est dictamen nostræ conscientiæ, seu radius ab æternâ lege derivatus. Juxta illud Pl. 4. *Signatum est super nos lumen vultus tui Domine.* Unde

Colliges quintò. Naturam rationalem, quatenus antecedit legem conscientiæ, non esse formalem regulam moralitatis: neque enim per modum regulæ moralis præcipit, vetat, &c. sed tantum inclinât in bonum rationis, idque non tantum in bonum morale, sed etiam in bonum naturale. Unde non tam regula morum, quàm radix exigitiva talis regulæ dirigentis in finem ultimum, naturæ quæ rationali proprium, sive regulæ radicalis dici debet, de quo alibi plura.

## ARTICULUS II.

Unde actus humani speciem bonitatis aut malitiæ desumant?

## SUMMARI A.

1. Quid intelligatur nomine objecti?
2. Objectum non specificat, nisi prout subest judicio practico rationis.
3. Actus humani essentialem speciem moralitatis capiunt ab objecto.
4. Variæ objectiones.
5. Actus indifferens ex objecto habet speciem essentialem indifferentiam.
6. Quodnam sit objectum fortitudinis?
7. Actus externus accipit ab interno speciem bonitatis ut est in executione.
8. Quodnam sit objectum hujus actus: Volo honestè vivere.
9. Numerus circumstantiarum.
10. Circumstantia semper tribuit aliquam bonitatem vel malitiam moralem.
11. Circumstantia afferentes novam conformitatem vel diffinitatem cum objecto tribuit novam speciem moralitatis.
12. Et tunc transiunt in conditionem objecti.
13. Finis semper tribuit aliquam speciem moralitatis.
14. Aliquando essentialem, aliquando accidentalem.
15. In eodem actu humano dantur plures species bonitatis, aut malitiæ.

## §. I.

## Species essentialis ab objecto.

TRIA sunt principia moralitatis, videlicet objectum, circumstantiæ, & finis. Nunc de objecto.

Notandum primò. Objecti nomine hoc loco accipi illud bonum, ad quod ex proprio modo tendendi actus humanus per se primò ordinatur, ut est v. g. in actu elemosynæ subvenire indigenti, ad hunc quippe finem elemosynæ largitio per se ordinatur, quamvis extrinsecè & ex fine operantis ad alios bonos, vel malos fines ordinari possit. Unde objectum sæpe distinguitur à fine operantis,



operantis, semper tamen coincidit cum fine operis, ut patet in allato exemplo.

2. Notandum secundò. Ut actus ab objecto accipiat speciem moralitatis, pro necessaria conditione connotare practicam representationem & iudicium rationis: neque enim objectum præci- ut in se est, sed ut substat cognitioni practicæ, speciem tribuit; quâ de causâ ignorantia invincibilis sæpenumero aufert malitiam, quam actus alioquin ex objecto contraxisset: e. g. in adoratione hostiæ non consecratæ, quæ tamen per invincibilem ignorantiam putatur esse consecrata, à parte rei est adorabilitas hostiæ non consecratæ, quæ simpliciter est prohibita & objectum idolatriæ: quia tamen hoc objectum non stat sub practica representatione intellectus, sed e contrario adorabilitas Christi sub hostia, quæ invincibiliter & prudenter consecrata iudicatur, existentis est hujus adorationis objectum hic & nunc representatum & practice iudicatum, idcirco actus adorationis ab hoc objecto specificatus est honestus, & procedit ex virtute religionis. His positis sit

3. CONCLUSIO prima. *Actus humani speciem essentialem bonitatis vel malitiae accipiunt ex objecto.* S. D. q. 18. a. 2. dicens. *Sicut res naturalis habet speciem ex sua forma, quæ dat speciem ei; ita & prima bonitas actus moralis attenditur ex objecto convenienti.* Colligitur Of. 9. ubi de peccatoribus dicitur: *facti sunt abominabiles, sicut ea, quæ dilexerunt.* Unde & D. August. tr. 2. in Jo. *Si terram diligis, terra es: si DEUM diligis, quid dicam?* DEUS eris.

Ratio est indicata à S. Doctore: Ita se habet objectum ad actum in specificando extrinsecè, sicuti forma naturalis habet se ad compositum in specificando intrinsecè: sed forma naturalis dat composito primam & essentialem speciem intrinsecè: ergo etiam objectum dat actui primam & essentialem speciem extrinsecè: naturalem quidem, si spectetur in esse naturæ; moralem, si spectetur in esse moris.

4. Obijcies primò. Datur actus moralis indifferens saltem secundum speciem; sed iste non habet ex objecto speciem boni, vel mali moralis. Nam objectum v. g. ambulationis ut sic est delectabile exercitium corporis à regulis rationis neque præscriptum neque prohibitum, sed purè permixtum, adeoque indifferens ad bonum & malum: ergo actus indifferens speciem boni vel mali non accipit ab objecto.

Secundò. Juxta S. D. in 2. 2. q. 124. a. 3. actus fortitudinis speciem suæ honestatis non accipit ab objecto, quod est tolerantia passionis, vel mortis, nisi accedat aliquis finis extrinsecus altioris virtutis, v. g. religionis, aut iustitiæ.

Tertiò. Actus interioris objectum est actus externus, v. g. objectum hujus actus, *volo furari*, est ipsiusmet furtum exterius: sed actus externus non potest interiori dare malitiam aut bonitatem; siquidem ipse suam bonitatem aut malitiam omnem accipit ab actu interno voluntatis: ergo non omnis actus humanus speciem suæ moralitatis accipit ab objecto.

Quartò. Objectum hujus actus, *volo honeste vivere*, est in confuso materia omnium virtutum;

sicut & objectum istius actus, *volo peccare*, est indeterminatè materia & objectum omnium vitiorum: sed hoc non potest speciem determinatam actui tribuere: ergo.

Respond. ad 1. juxta suprà dicta actum indifferenter secundum speciem, habere ex objecto essentialem speciem indifferentiæ, quæ deinde per accessum finis & circumstantiarum in individuo trahitur ad speciem boni, vel mali moralis.

Ad 2. Respond. mentem S. Doctore esse, quòd objectum fortitudinis requirat connexionem finis extrinseci alterius virtutis per modum conditionis & connotati extrinseci, non autem per modum specificativi formalis: licet enim sufficientia passionis vel mortis absolute non habeat honestatem, nisi connotet alium honestum finem, ad quem ordinetur: posita tamen tali conditione etiam ex propria materia habet specialem honestatem, quæ non relucet in honestate finis adjuncti, nimirum ratione peculiaris difficultatis in cujus victoria specialis honestas reperitur.

Ad 3. neg. min. ejusque probationem dist. actus externus accipit suam bonitatem formalem ab interno & ut est in executione positus, concedo; accipit bonitatem, vel malitiam objectivam, & ut est in intentione, nego, de quo plura infra.

Ad 4. nego maj: nam objectum istius actus, *volo honeste vivere*, est finis ultimus naturæ rationalis quâ talis, nempe vel bonum honestum naturale conveniens naturæ rationali quatenus elevatè in finem supernaturalem. Similiter iste actus, *volo peccare*, habet pro objecto ultimum finem inordinatum, nempe proprium commodum inordinatum, in quod fertur depravatus appetitus naturæ sibi relicte.

## §. II.

### Species à circumstantiis.

Notandum primò. Circumstantias actus humani communiter illo trito versiculo enumerari. *Quis, quid, ubi, quibus auxiliis, cur, quomodo, quando?*

Cujus numeri ista est ratio. Tot sunt circumstantiæ, quot sunt speciales modi extrinsecè afficiendi actum humanum: (hoc quippe significat circumstantia tanquam extra substantiam actus constituta, eumque circumstans) sed ejusmodi sunt septem: ergo. Min. probatur: Actus afficitur extrinsecè vel secundum seipsum, vel secundum suam causam, vel secundum aliquem suum effectum. Actum ipsum afficit vel modus agendi, vel mensura ipsius. Modus agendi constituit circumstantiam *quomodo?* mensura est circumstantia *temporis & loci*, ceu *quando & ubi*.

Ratione causæ actus afficitur, vel quia aliquid est causa finalis ipsius, & est circumstantia *cur?* vel quia est causa efficiens principalis, & est circumstantia *quis?* vel quia est causa instrumentalis, & hæc est circumstantia, *quibus auxiliis?* vel quia est causa materialis, & est circumstantia, *quid?* quæ etiam ex parte effectus considerari potest. Ex his circumstantiis potissima est finis, non finis operis; quia iste non distinguitur ab objecto, de quo art. præced. sed finis operantis, quæ est motivum voluntatis, ideoque peculiarem habet considerationem. E. g. si quis occidat Clericum

cum ex intentione prædandi pecunias, objectum actus & finis operis est injusta vitæ ablatio, tam præcepto charitatis quam iustitiæ repugnans. Circumstantia *cui* & finis operantis est injusta ablatio rei alienæ contra virtutem iustitiæ. Circumstantia *quid* ex parte causæ materialis est violatio personæ sacræ repugnans virtuti & præcepto religionis.

10. Notandum secundò. Extra dubium esse, quòd actus humanus accipiat moralem bonitatem aut malitiam ex circumstantiis, nam Gen. 4. reprobatur sacrificium Caini propter admixtam circumstantiam odii erga fratrem. Matth. 6. reprehenduntur dantes elemosynam ex fine vanæ gloriæ. Magnitudo personæ peccantis aggravat peccatum ut ex lîdoro habet S. D. q. 73. a. 10. Ratio est: quia bonitas & malitia humanorum actuum attenditur secundum conformitatem vel diffinitatem ad regulas morum: sed circumstantiæ faciunt actum aliquando absolute conformem vel diffinem, aliquando magis vel minus conformem aut diffinem ad regulas morum: ergo circumstantiæ tribuunt actui humano aliquam bonitatem, vel malitiam. Superest quæstio, an & quæ circumstantiæ actui humano tribuant novam speciem bonitatis, vel malitiæ, distinctam à specie quam actus accipit ab objecto.

11. CONCLUSIO secunda. *Ille circumstantia tribuunt novam & distinctam speciem bonitatis aut malitiæ, quæ afferunt novam conformitatem, vel novam diffinitatem & repugnantiam cum regulis morum.*

Ratio est: quia ut dictum, bonitas moralis consistit in conformitate, malitia verò in diffinitate cum regulis morum & rectæ rationis: ergo illæ circumstantiæ tribuunt novam speciem bonitatis, quæ afferunt novam conformitatem; illæ verò novam speciem malitiæ, quæ afferunt novam diffinitatem cum regulis morum & rectæ rationis: cæteræ verò circumstantiæ solummodò tribuunt vel augmentum, vel diminutionem bonitatis aut malitiæ. E. g. furatur aliquis calicem aureum die festivo ex fine fornicandi, in hoc actu, præter speciem furti vel iniustitiæ quæ ab objecto accipitur, circumstantia finis tribuit novam speciem fornicationis, propter novam repugnantiam cum virtute & præcepto castitatis. Item circumstantia *quid*, sive materiæ sacræ tribuit novam speciem sacrilegii propter novam & specialem repugnantiam cum virtute & præcepto Religionis. Circumstantia verò pretiositatis, quòd calix sit aureus, item quòd furtum committatur die festivo, seu circumstantia temporis, quia non inducunt aliquam specialem diffinitatem vel repugnantiam cum distincto præcepto & virtute, propterea sunt species tantummodò aggravantes, non autem speciem mutantes.

12. Dices: Actus humani specificantur ab objecto, sed circumstantiæ non pertinent ad objectum; siquidem per modum accidentium illi jam præsupposito superveniunt: ergo actus humani non accipiunt speciem à circumstantiis.

Respond. dist. min. Circumstantiæ non pertinent ad objectum, quatenus comparantur ad primum & essentialem speciem, quam actus recipit ab objecto, concedo; quatenus comparantur ad

actum, quem trahunt ad novam speciem moralitatis, nego min. ergo non accipiunt novam speciem à circumstantiis sub prima consideratione, concedo; sub secunda, nego consequentiam. Igitur circumstantia potest dupliciter considerari, primò, quatenus supervenit actui in sua specie constituto, & sic habet se per modum accidentis & servat rationem circumstantiæ: secundò, prout fundat in objecto novam objectivam repugnantiam cum recta ratione, ex qua actus peccaminosus sortitur novam speciem peccati & sic non manet pura circumstantia, sed transit in conditionem objecti.

### §. III.

#### *Species à fine.*

CONCLUSIO tertia. *Actus humanus semper* 1. 3. *accipit aliquam speciem moralitatis à fine.* Ita constat ex præcitato c. 6. Matth. Ratio est: quia tunc actum humanorum bonitas & malitia aliquo modo pendet ex fine, quando eorum esse pendet ex fine: sed omnium actuum humanorum esse pendet ex fine: ergo etiam illorum bonitas vel malitia. Min. constat: Sicut enim finis operantis est motivum voluntatis, ita necessariò semper est causa actus voluntarii, & consequenter esse actus humani & voluntarii à fine dependet.

Dixi, aliquo modo actum humanum accipere suam speciem à fine: quia pro diversitate actuum aliquando accipit speciem essentialem, aliquando accidentalem.

Nam actus internus vel est merè elicitus circa 4. finem, estque ipsa finis intentio, vel ex prævia intentione imperatus, ut electio mediocum ad consequendum finem: si est merè elicitus, tunc accipit à fine operantis speciem essentialem, cum iste actus pro immediato & specificativo suo objecto respiciat ipsum finem operantis: si verò sit imperatus, tunc est distinguendum: vel enim accipitur reductivè, quatenus nimirum imperatur, & tunc speciem essentialem accipit à fine operantis, quem ut sic per se primò respicit: Si autem sumatur specificativè, tunc ab objecto proximo tanquam fine operis sumit speciem essentialem, à fine verò accidentalem. Utrumque inducit S. Doctor, & primum quidem q. 1. de virtut. a. 10. *Actus alicujus habitus, prout imperatur ab illo habitu, accipit speciem moralem, formaliter loquendo de ipso actu; unde cum quis fornicatur non fornicatur, alius ille licet materialiter sit intemperantia, tamen formaliter est avaritia.* Alterum expressit hic q. 18. a. 2. dicens: *Sicut prima bonitas rei naturalis attenditur ex sua forma, quæ dat speciem ei, ita & prima bonitas alius moralis attenditur ex objecto convenienti.* Idem proportionaliter est de malitiis. Et ratio ulterior est, quòd quæ in actu se habent variabiliter, sunt contingentiæ: sed bonitas & malitia ex fine operantis habent se variabiliter in actu: nam furtum v. g. semper habet speciem iniustitiæ, quòd autem habeat malitiam fornicationis, est ipsi per accidens: ergo.

Colliges ex didis. In eodem physicè actu plures bonitates, vel malitias specie distinctas reperiri posse. Hoc ipso, quòd idem physicè actus possit habere plures conformitates vel diffinita-

vates ad regulas rectæ rationis. Unde etiam quadruplex bonitas naturalis seu transcendentalis, quæ sequitur actionem ut actio & ens est, eaque non minus actui malo, quàm bono communis est. Secunda est bonitas moralis essentialis,

quæ sumitur ex objecto. Tertia est bonitas moralis accidentalis desumpta ex circumstantiis. Quarta est eadem bonitas moralis desumpta ex fine, tanquam causa & motivo ipsius actus.

## ARTICULUS III.

### *An detur actus humanus indifferens in individuo?*

#### SUMMARIA.

3. Dantur actus indifferentes secundum speciem.
4. Non dantur in individuo.
5. Quomodo species salvari debeat in individuo.
6. Quâ lege homo obligetur omnia opera ordinare in finem honestum.
7. Sitne homo obligatus omnem suum actum ordinare in finem supernaturalem?
8. An in casu invincibilis ignorantia, aut in sequela Scotistica sententia detur actus indifferens?

#### S. I.

##### *Resolutio questionis.*

1. **S**uppono ex dictis, dari aliquos actus indifferentes, qui secundum speciem & præcisè ex meritis objecti, ad quod ab intrinseco referuntur, sunt indifferentes: siquidem deambulatione v. g. habens pro objecto exercitationem corporis, delectabiliter lege permissam, ex vi objecti nec est bona, nec mala, sed indifferens; siquidem objectum ex se est prorsus indifferens, ut voluntas illud referat in finem honestum, & naturæ quâ rationali consentaneum, cum ex se solummodo dicat proportionem & commensurationem cum bono naturæ humanæ quâ sensitivæ. Questio est, utrum non solum secundum metaphysicam abstractionem & in statu essentie, ut vocant, sed à parterei, in statu realis exercitii & in individuo prout actus à voluntate egreditur, detur actus aliquis humanus indifferens, qui neque sit bonus, neque malus moraliter?

2. **CONCLUSIO:** *Non potest dari actus humanus indifferens in individuo.* Ita contra Scotum S. D. hic q. 18. a. 9. Conformiter D. Augustino ep. 19. dicenti: *Cavendum esse, ne quadam falsa hominum media dicamus inter recte facta & peccatum.*

Probatur primò autoritate legis Evangelicæ damnantis malitiæ verbum otiosum: sed eadem est ratio de actu indifferente, tanquam otioso: ergo & iste est damnabilis & consequenter non manet indifferens.

Min. probatur: verbum otiosum est & dicitur tale, non quia in nullum, aut malum finem proximum ordinatur, sed quia non ordinatur in debitum finem: atqui actus indifferens etiam non ordinatur in debitum finem; adeoque æquè, imò magis est vituperabilis, quàm verbum otiosum. Minor probatur: finis delectationis & commoditatis sensibilis non est debitus neque commensuratus naturæ rationali quâ tali: atqui actus indifferens juxta explicationem Adversariorum ordinaretur in finem delectationis & commoditatis sensibilis: ergo.

Probatur secundò autoritate Theologorum communi consensu divinam providentiam adquate dividendum in providentiam approbationis circa opera bona, & permissionis circa opera mala: Sed hæc divisio non esset adæquata, si darentur opera indifferencia; siquidem pro istis tertius modus divinæ providentiæ deberet assignari.

Probatur tertio autoritate Philosophorum, secundum quos non dantur habitus indifferentes: nam de natura habitus est bene vel male disponere subiectum: ideoque Philosophus 2. Eth. dicit: quòd per habitum morales homo fiat melior, vel deterior. Atqui non est assignabilis disparitas, quare non deberent admitti habitus indifferentes generati ex actibus indifferenteribus si darentur, cum admittendi sint habitus virtuosus generati ex actibus studiosis, & habitus vitiosus generati ex actibus vitiosis.

Probatur quarto hæc ratione. Omnis actus humanus, quicumque nec formaliter nec virtualiter dirigatur in finem honestum, est malus: sed actus, quem vocant indifferenterem, non dirigatur in finem honestum formaliter aut virtualiter, (aliàs quippe foret honestus & bonus moraliter:) ergo est moraliter malus & inhonestus. Major, de qua est status questionis, probatur: Actus humanus qui deficit à fine sibi quâ tali debito est malus moraliter: sed actus humanus non ordinatus in finem honestum, deficit à fine sibi quâ tali debito: ergo actus humanus non relatus in finem honestum hoc ipso est malus. Major constat: quia actus moraliter malus nil aliud est quàm actus deficiens à fine & regula sibi debita. Minor probatur: Actui creaturæ rationalis quâ talis debetur finis honestus & consonus rectæ rationi, referibilis in debitum finem ultimum: hoc solo quippe finis in suo modo agendi homo differt à brutis animantibus, quæ & ipsa feruntur in bonum delectabile sensui accommodatum: Atqui actus humanus non relatus in finem honestum, deficit ab hoc fine: ergo etiam actus humanus non relatus in finem honestum, deficit à fine actui creaturæ rationalis quâ talis debito.

Confirmatur primò. Finis non subordinatus ultimo fini naturæ rationalis est deordinatus, & consequenter etiam actio tendens in tunc finem: atqui solum bonum honestum est subordinatum ultimo fini naturæ rationalis: cum bonum delectabile ut sic præcisè respiciat ultimatò proprium commodum & bonum naturæ sensitivæ: ergo.

Confirmatur secundò. Operari modo bruti est operari dissimiliter regulis prudentiæ, utpote distantis, omnia esse ordinanda in finem congruum: sed qui hæret in bono delectabili, non respiciendo

respicendo altiore & honestum finem creaturæ rationali proprium, operatur modo & more bruti: ergo.

Confirmatur tertio. Invertere ordinem à DEO auctore naturæ operationibus præstitutum, est inordinatum & defectuosum: sed operari propter delectationem [quod fit in actibus indifferentibus Scotistarum, utpote comestione, deambulatione, fricatione &c.] est invertere ordinem à DEO auctore naturæ nostris operationibus præstitutum: ergo. Min. est S. D. supra q. 4. a. 2. ad 2. dicentis: *Divinus intellectus, qui est institutor naturæ, delectationes posuit propter operationes*; nimirum ut istæ suavis & facilius elicerentur: ergo non delectatio debet esse finis operationis, sed operatio delectationis. Et hinc est, quod sententia docens, non esse peccatum comedere ad satietatem solius delectationis causâ, quia licitè potest appetitus naturalis suis actibus frui, & conjuges actum conjugii exercentes solius voluptatis causâ non peccare venialiter, fuerit damnata ab INNOCENTIO XI. Anno 1679. n. 8. & 9.

## §. II.

*Solvuntur Objectiones.*

3. **O**bjicies primò. Omnis species salvatur in aliquo suo individuo: sed datur sub genere moralitatis species indifferentiæ: ergo hæc salvari debet in individuo.

Respond. dist. maj. debet salvari in individuo secundum prædicata essentialia convenientia pro statu reali, concedo maj. secundum prædicata convenientia pro statu essentia & metaphysicæ præcisionis, nego maj. ergo indifferentia debet salvari in individuo secundum prædicatum convenientis pro statu reali, nempe tendentiæ positivæ in objectum delectabile lege permissum, concedo; secundum prædicatum negativæ indifferentiæ ad bonum & malum, quod convenit secundum statum metaphysicæ præcisionis, nego consequ. ergo datur in individuo actus indifferens, nec bonus nec malus, nego consequentiam. Sicut enim est impossibile dari hominem à parte rei, qui non sit contractus ad individuum hominis, ita est impossibile dari actum humanum, qui non sit ex determinato fine & motivo, homini quâ tali vel proprio, vel non proprio: si ex fine proprio, jam actus induit bonitatem; si ex non proprio, induit malitiam moralem.

Dices. Species contrahitur, non destruitur, per superadditas differentias à parte rei: ergo etiam actus indifferens secundum speciem manet talis à parte rei, neque transit in distinctam speciem moralitatis. Respond. dist. maj. species physicè talis non destruitur à parte rei, & secundum prædicata realia, concedo; species quæ tantum est talis secundum metaphysicam abstractionem, nego anteced. & consequentiam. Siquidem indifferentia non est physica species moralitatis, quæ à parte rei reperitur in pluribus individuis, uti species hominis, &c. sed tantum metaphysica, & secundum metaphysicam abstractionem, in quantum intellectus præcendens ab omnibus principiis moralitatis specificam moralitatem constituentibus, considerat actum quatenus præcisè terminatum ad aliquod objectum lege per-

missum: cum tamen à parte rei fieri non possit ut illud objectum per conventionem debiti vel indebiti finis non trahatur ad determinatam speciem bonitatis, aut malitiæ objectivæ.

Objicies secundò. Ubi non est lex, ibi nec prævaricatio: atqui nulla lex obligat, ut homo in omni sua operatione quærat honestum finem: ergo. Minor probatur primò: quia non potest ostendi, ad quodnam præceptum decalogi hæc obligatio pertineret. Secundò. Non est assignabilis virtus, è cuius motivo lex illa procederet.

Tertio. Praxis fidelium tenet, quod nullum sibi de ejusmodi actibus scrupulum faciant, neque de his sese in confessione accusent. Quarto. Non esset ratio, cur non homo æquè foret obligatus, ut omnem suam operationem referret in ultimum finem supernaturalem; siquidem natura rationalis de facto non tantum est ordinata ad finem honestum naturalem, sed etiam ad ultimum finem supernaturalem: atqui hoc nimis foret scrupulosum, & moraliter impossibile.

Respond. neg. min. est quippe lex naturalis aliorum præceptorum naturalium quasi fundamentum, ne homo in suo proprio modo operandi deficiat ab ordine & fine sibi ab auctore naturæ præscripto & in ipsa natura radicato: Unde actus à fine honestatis deficiens saltem mediâtè contrariatur præcepto negativo charitatis, quâ homo tenetur, ne ullam suam operationem subtrahat à relatione ad DEUM ut ultimum finem. Ex quo patet responsio ad primam & secundam probationem.

Ad tertiam probationem Respond. Ideo apud fideles non esse usitatum, ut se accusent de ejusmodi operationibus, quia ut plurimum sunt indeliberatæ, & præcisè ex impulsu naturæ provenientes. Facillimè etiam isti actus saltem virtualiter ab homine in gratia & charitate constituto referuntur in DEUM: quia, ut inquit hic S. D. *hoc ipsum, quod aliquis agit ordinatè ad sustentationem vel quietem sui corporis, ad bonum virtutis ordinatur.*

Ad 4. nego sequelam. Quia ordinatio hominis in finem honestum est intrinseca naturæ rationali, & in ipsius principiis intrinsecis fundata, ordinatio verò seu elevatio in finem supernaturalem est ab extrinseco DEI decreto, quod non præsumitur humanæ naturæ obligationem tam gravem, & servatu fermè impossibilem voluisse imponere.

Objicies tertio: Si quis invincibiliter ignoraret hoc præceptum, vel sequeretur sententiam probabilem Scoti in eliciendo actum qui ex objecto indifferens est, is neque faceret actum honestum & bonum, neque actum moraliter malum: ergo in hoc casu faceret actum indifferentem. Anteced. probatur: quia actum honestum non elicit, nisi qui intendit directè finem honestum: at iste non intendit, quia vult & putat se facere actum indifferentem. Rursus non facit actum moraliter malum: quia, ut supponitur, vel laborat invincibilis ignorantia malitiæ actui conjunctæ, quæ ipsi consequenter non est imputabilis in culpam; vel sequitur sententiam verè probabilem totius Scholæ Scotisticæ, quam qui sequitur prudenter & sine peccato operatur.

Respond.



Respond. In tali casu operationem fore simpliciter honestam & licitam: quamvis enim operans iudicio remoto & speculativo, sive in actu signato, existimaret, se elicere actum indifferenter, qui tamen in iudicio practico & proximo iudicatur se licite & prudenter operari, ita ut licit-

ritas objecti ejusque conformitas cum regulis prudentiæ sit ipsi proximum motivum operandi, propterea in actu exercito amplecteretur motivum verè honestum conveniens rectæ rationi, adeoque eliceret actionem bonam & honestam.

## ARTICULUS IV.

*An idem numero actus possit transire de bono in malum?*

### SUMMARIA.

1. Status questionis.
2. Non potest idem numero actus transire de bono in malum.
3. Variæ instantiæ in contrarium.
4. Disparitas de motibus primò primis.
5. Disparitas de transitu actus necessarii in liberum.
6. Disparitas de actu charitatis manente in patria.
7. Disparitas de actu intellectus transiente de vero in falsum.
8. Actus externus semper mutatur in esse moris, quoties fit ex bono malus.

#### §. I.

##### *Affertio negatiua.*

1. Certum est actum externum & imperatum, si spectetur in genere naturæ, posse de bono in malum transire: quia bonitas vel malitia moralis accedit naturæ actus externi: unde iisdem variatis ipsa tamen naturalis entitas non variatur. e.g. cœna ante mediam noctem ex honesto sine inchoata, & ultra mediam noctem, à qua incipit obligatio jejunandi, cum ejusdem advertentia continuata, quamvis initio fuerit moraliter honesta, deinde tamen incipit esse mala. Quæstio igitur est de actu interno elicitio voluntatis, à quo etiam actus externus moraliter bonus vel malus denominatur, an ille invariata sua individua & numerica entitate possit transire de bono in malum? ubi affirmativam tuerentur Capreol. in 2. dist. 40. Cajetanus hic q. 19. a. 1. Vasq: alique.

Quæritur ergo inprimis: utrum eidem numero actui interno voluntatis entitative & physice invariato bonitas & malitia moralis successive convenire possit, seu an possit transire de bono in malum? Deinde, an saltem actus ex fine malus possit secundum quid esse bonus ex objecto, vel e converso, malus ex objecto esse bonus secundum quid ex fine, vel alia circumstantia? Sicuti videmus in naturalibus & artificialibus aliquid esse ex una principali parte album, rectum, pulchrum, quod tamen secundum quid & ex aliqua parte est nigrum, deforme, distortum. Primam partem in præsentem, alteram resolvemus in articulo sequenti.

2. CONCLUSIO. Non potest unus idemque numero voluntatis actus etiam entitative spectatus successive transire de bono in malum. Ita Sorus q. 20. a. 6. & Rhedingsus q. 8. a. 3. controversi. 3. Ratio est: Quoties mutatur objectum formale motivum & specificativum actus, toties entitative mutatur actus voluntatis: sed quoties actus

voluntatis transit de bono in malum, toties mutatur objectum specificativum actus voluntatis: ergo. Minor probatur: Objectum specificativum actus boni est bonum honestum directe movens voluntatem ad sui prosecutionem, objectum verò specificativum actus mali est bonum sensibile habens conjunctam objectivam honestatem seu difformitatem cum regulis rationis, quod ratione suæ delectabilitatis directe, ratione verò inhonestatis tantum indirectè fit volitum: sed ista sunt objecta formaliter diversa, utpote in ipsa virtute & efficacia movendi inter se differentia, quorum unum est intrinsecè referibile, alterum verò irreferibile in Deum ut finem ultimum.

Confirmatur primò. Est impossibile, ut idem numero actus modò sit actus virtutis, modò sit actus habitus vitiosi: cum isti habitus inter se contrariantur, & consequenter producant actus contrarios: sed actus honestus & studiosus est actus virtutis, econtrà actus inhonestus est actus vitiosus: ergo.

Confirmatur secundò. Est impossibile, ut actus malus transiret successive in actum bonum: ergo similiter est impossibile, ut actus bonus transiret in malum. Eadem quippe, ut dici solet, est via Athenis Thebas, & Thebis Athenas. Anteced. videtur certum, quia actus malus secundum suam entitatem procedit à voluntate, ut ab illa pendeat non tantum ut à principio efficienti, sed etiam deficiente, & in ipso suo fieri deficienter tendat in objectum quatenus habens adjunctam objectivam difformitatem cum regulis rationis: ergo, nisi voluntas contrario modo se habeat in productione sui actus, non poterit elicere actum bonum: sed hoc ipso non manebit eadem entitas actus mali & peccaminosi.

Confirmatur tertio. Actus bonus voluntatis secundum suam entitatem saltem ut plurimum pendet ab auxilio speciali, & quidem supernaturali, si fiat ex motivo supernaturali: econtrà impossibile est, actum malum pendere ab auxilio speciali: ergo si actus bonus in malum transiret, necesse est mutari entitatem actus, mutato videlicet concursu & influxu conservativo utriusque.

#### §. II.

##### *Solvuntur objectiones.*

Dices primò. Idem numero actus voluntatis, videlicet moris primò primus, potest fieri de necessario liber, de non morali moralis, & de non malo malus: ergo etiam idem numero actus voluntatis potest successive transire de bono in malum. Consequentia probatur: quia si deo in

priori casu manet idem numero actus, quia tantum variatur propositio & representatio objecti, non autem ipsum obiectum: sed hoc ipsum contingit in secundo casu: e. g. habeat aliquis voluntatem celebrandi missam, quando nulla indispositione vel precepto est impeditus, & maneat in ista voluntate, etiam dum est impeditus v. g. fractione jejuniij, vel interdicto Ecclesiæ &c. hic tantum variatur propositio objecti; quia primitus celebratio sacri representabatur sine impedimento, & postea representatur cum impedimento prohibitionis.

Secundò Idem numero actus charitatis, qui erat in via, manet & continuatur in patria; quia nimirum diversitas solum se tenet ex parte propositionis & iudicii intellectus: ergo intendendum de actu bono transeunte in malum; ut cum quis habens voluntatem possidendi rem aliquam, quam invincibiliter putat esse suam, hanc voluntatem continuat, etiam cum advertit esse alienam.

Terriò. Sicuti se habet verum & falsum ad actum intellectus, ita se habet bonum & malum ad actum voluntatis, inquit S. D. cit. q. 19. a. 2. sed idem numero actus intellectus potest transire de vero in falsum propter solam extrinsecam mutationem objecti: ergo idem numero actus voluntatis potest transire de bono in malum, per unius inordinatæ circumstantiæ additionem.

4. Respond. ad 1. permissa maj. negando consequentiam. Disparitas est primò; quia motus primò primus consideratur in esse naturæ, ut specificatus per bonum representatum sub materiali ratione finis & boni. Cum igitur moralitas supponat naturam actus, eique tanquam subiecto superveniat, ideo motus primò primus non destruitur & mutatur entitative, sed trahitur solum ad genus moralitatis, superaddita cognitione indifferente objecti quatenus substantias regulis morum; Unde nec obiectum specificativum istorum motuum propriè mutatur, sed potius completur & perficitur, in quantum id, quod prius in modo specificandi habet se modo imperfecto & tanquam finis solum materialis, accedente deliberatione rationis habet se tanquam finis formalis completè specificatus.

Econtrà actus bonus non habet se ut subiectum & dispositio ad actum malum, sed ex vi sui proprii objecti formaliter motivi contrariatur actui malo; & ita secundum naturam contrarium succedente actu malo destruitur.

5. Disparitas est secundò inter transiunt ab actu necessario in liberum, & à bono in malum, quod libertas & necessitas non pertinent ad speciem actus humani, sicuti bonitas & malitia, sed ad accidentale modum tendendi in obiectum; Unde, mutata propositione iudicii circa idem formaliter obiectum, in eodem actu variari possunt: bonitas autem & malitia moralis pertinent ad speciem actus voluntatis, nec sine mutatione formalis objecti variari possunt.

Dices. Esto, quod bonitas & malitia moralis pertineant ad speciem actus in esse moris, non tamen pertinent in esse naturæ: ergo licet actus in esse moris varietur mutata bonitate ipsius, non tamen est necesse ipsum mutari in esse naturæ.

Respond. distinguendo antecedens: non pertinent ad speciem actus in esse naturæ directè & per se primò, concedo; indirectè & per quandam necessariam connexionem ac redundantiam in esse naturæ, sic nego. Quia licet secundum primum conceptum esse naturalis metaphysicè abstractum, actus voluntatis, v. g. actus dilectionis, præcisè concipiatur per modum liberæ tendentiæ in obiectum amabile; quia tamen à parte rei voluntas movetur ab obiecto amabili, non tantum ratione amabilitatis naturalis, sed etiam amabilitatis moralis nempe honestatis, ac proinde in ipsa elicitiâ sui actus non tantum est principium physicum, sed etiam morale, idcirco esse morale istius actus sic imbibitur in esse naturali ipsius, ut sine destructione entitativa ipsius actus mutari non possit.

Ad probationem dico, variatà propositione objecti, non variatur actus, quando ex diversa propositione non resultat diversum specificativum voluntatis, concedo; quando resultat ut sit in proposito, sic nego. Et ex his patet responsio ad 2. cum enim actus charitatis, qui fuit in via, continuatur in patria, est idem specie actus tam in esse naturæ, quam in esse moris; adeoque diversa propositio & regulatio intellectus non redundat in diversitatem objecti.

Ad 3. multi negant min. quâ tamen permissa, Resp. Etiam in hoc sit paritas, quod, sicuti obiectum specificativum intellectus est verum, ita voluntatis sit bonum, & sicuti veritas & falsitas, sic bonitas & malitia contrariantur: in hoc tamen esse disparitatem, quod veritas & falsitas præcipuè pertineant ad ordinem naturæ, econtrà bonitas & malitia ad genus moris. Item, quod bonitas & malitia actus desumuntur per commensurationem ad obiectum non prout est extra intellectum, sed prout est voluntati per practicam rationem propositum, econtrà veritas & falsitas actus intellectus sumuntur per commensurationem ad res ut sunt extra, non ut sunt intra intellectum; ex quo jam patet ratio disparitatis: nam, quia actus intellectus ut sic specificatur ab obiecto quatenus existente intra intellectum, & ut vocant, in actu signato, secundum rationem veritatis aut falsitatis aut denominatur ab obiecto ita se habente, vel non habente extra intellectum in actu exercito; idcirco manente eodem specificativo, potest tamen mutari obiectum veritatis & falsitatis, & consequenter etiam manente eodem actu potest variari veritas & falsitas ipsius. E. g. si intellectus dicat: Petrus currit, obiectum specificativum huius actus est cursus Petri, representatus ut coexistens huic enumerationi: quo obiecto adeoque etiam actu durante potest aliquando Petri cursus à parte rei coexistere, & tunc actus erit verus; poterit etiam aliquando non coexistere, & tunc actus erit falsus. Econtrà specificativum actus boni est bonum representatum & practicè iudicatum intra intellectum, quod specificativum semper mutatur, quoties actus transit de bono in malum, juxta suprà dicta.

Colliges ex dictis. Actum externum & imperatum à voluntate in esse moris semper mutari quoties fit ex bono malus: quia actus externus denomi-

denominationem extrinsecam bonitatis & malitiae moralis sumit ab actu interno voluntatis: sed

iste mutatur secundum dicta; ergo etiam mutatur moralitas actus externi.

## ARTICULUS V.

*An idem numero actus possit simul esse bonus & malus moraliter?*

## SUMMARI A.

1. Status questionis.
2. Assertio negativa.
3. Finis amittit bonitatem ex malitia objecti.
4. Objectum amittit bonitatem ex malitia finis.
5. Mala circumstantia destruit bonitatem objecti.
6. Non est possibile praeceptum prohibitivum actus supernaturalis non directi in finem charitatis.
7. Habitus misericordiae non augetur positivè per eleemosynas datas ex malo fine.
8. Intentio suscipiendi Sacramentum ex fine venialiter malo non est moraliter bona.
9. Potest impleri praeceptum per actum externum tantum materialiter bonum.
10. Intentio bona vitatur per malam electionem per se conjunctam.
11. Et electio bona per malam intentionem.
12. Non vitatur bona intentio, si mala electio per accidens coniungitur.
13. Intentio boni finis diminuit malitiam prava electionis.
14. Exorbitans affectio erga aliquem finem reddit intentionem vitiosam.

## §. I.

*Assertio negativa.*

1. **N**on est dubium, actionem humanam, quae ab operante ordinatur in malum finem, aut malà circumstantià vitatur, esse simpliciter malam, quantumvis ipsius objectum sit bonum: ut enim D. Th. hic a. 4. ad 3. *Non est actio bona simpliciter, nisi omnes bonitates concurrant, quia quilibet singularis defectus causat malum: bonum autem causatur ex integra causa, ut Dionysius dicit 4. cap. de divin. nomin.* Controversia igitur solum est, an saltem secundum quid, actus ex fine malus possit esse bonus ex objecto; an vice versa malus ex objecto, bonus ex fine, aliàve circumstantià? quemadmodum in naturalibus & artificialibus videmus, aliquid esse ex una & principali parte album, pulchrum, rectum, & secundum quid, sive ex aliqua parte nigrum, deformem, distortum.

2. **C**onclusio. Impossibile est, ut idem numero actus habeat oppositas species moralitatis unam simpliciter, alteram secundum quid: ut sit [2] bonus ex fine, & malus ex objecto; [3] vel malus ex fine, & bonus ex objecto; [4] vel bonus ex objecto, & malus ex circumstantià. Ita Jo. à S. Th. contra Cajetanum, Serram, & alios. Videtur esse doctrina clara S. D. hic q. 19. a. 7. ad 2. & 3. & in 2. dist. 38. q. 1. a. 4. ad 4. Ubique habet: *Cum aliquis vult dare eleemosynam propter inanem gloriam, hic est unus actus voluntatis, & hic actus totus malus est, licet non ab omni eo, quod inest, malitiam habeat.*

R. P. Metz. Theol. Schol. Tom. II.

Ratio primae partis & universaliter ex praedictis est: quia specificativum bonitatis & malitiae moralis ita sibi contrariantur, ut ne quidem successivè eundem numero actum voluntatis possint efficere; ergo non potest fieri ut unus idemque actus sit simul moraliter bonus & malus. Neque valet dicere, posse esse bonum secundum quid, quia non minus bonitas & malitia actus, quam veritas & falsitas consistunt in indivisibili; est enim bonitas commenturatio actus cum objecto non solitariè considerato, sed ut vestito omnibus debitis circumstantiis, quas dicitur regula rectae rationis. Unde si una harum deficiat, jam actus est difformis regulis rectae rationis, & consequenter tota bonitas evanescit: siquidem non amplius subsistit prudens & practicum dictamen ac iudicium honestatis, quod ad moralem bonitatem necessariò praequiritur.

Secundae partis ratio specialiter est: quando objectum actus est malum, finis verò bonus, tunc finis definit esse bonus: ergo nullam actui potest tribuere bonitatem. Antec. probatur: Finis ut sic est ratio volendi media: sed ratio volendi medium malum, est malum; ergo etiam finis operantis, ut movens ad electionem mali objecti, est malus.

Tertiae partis ratio est: Medium ordinatum ad finem malum, est malum; atqui licet actus terminetur ad objectum, quod esset ex se bonum, si tamen ordinat ad finem malum, jam illud appetit tanquam medium relatum in finem malum, & ut causam finis mali in executione: ergo appetit illud ut malum; ideo S. D. in 2. dist. 38. q. 1. a. 4. ait: *Cum aliquis vult eleemosynam propter inanem gloriam, hic est unus actus voluntatis, & hic actus totus malus est, &c.*

Quartae partis ratio est: tunc actus non potest habere bonitatem ex objecto, quando bonitas objectiva destruitur: sed quoties actus fit malus & vitiosus ex mala circumstantià, toties bonitas objectiva destruitur: ergo Min. probatur: quoties actus fit malus ex circumstantià, transit in rationem & conditionem objecti: sed non potest in objecti conditionem transire nisi illud informando & communicando suam malitiam: ergo quoties actus est malus ex circumstantià, toties objectum induit malitiam, ac proinde amittit objectivam bonitatem.

## §. II.

*Solvuntur Objectiones.*

**O**bjicies primò: Si DEUS homini praeceptum imponeret, ut nullum actum supernaturalè eliceret, qui dirigeretur in finem charitatis, tunc homo transgrediendo tale praeceptum eliceret actum simul bonum & malum moraliter; bonum; quia



## ARTICULUS VI.

*An, ut actus sit bonus moraliter, debeat honestas objecti directè & formaliter amari.*

## SUMMARI A.

1. Status quæstionis exponitur.
2. Defenditur sententia exigens directum amorem honestatis.
3. Probatur ab absurdis contraria sententia.
4. Inductione aliorum actuum intentionalium.
5. Eliditur paritas petita ab inhonestate objectiva.
6. Et a pura omissione.
7. Solvitur argumentum de martyrio.

## §. I.

*Adstruitur affirmativa.*

1. **N**Otandum primò. Aliquod objectum à voluntate amari posse vel directè, vel indirectè. Directè voluntas tendit in objectum, quando bonitas objecti per practicam cognitionem representata est ratio movens & alliciens, ut voluntas proprio actu in ipsam inclinet & tendat: & siquidem voluntas sistat in illa bonitate, tunc erit bonitas finis, sin illam ulteriùs ordinet, erit formaliter bonitas medii. Indirectè voluntas tendit in aliquod objectum, quando ipsum quidem non habet in se rationem & bonitatem, quam per suum actum directè inquirat voluntas, conjungitur tamen cum objecto per se voluto, & sic conjunctum representatur per practicam cognitionem. Unde

Norandum secundò. Malitiam objectivam five inhonestatem objecti & repugnantiam cum recta ratione nunquam esse directè, sed semper indirectè solum intentam & volitam: siquidem malum quò tale nullo modo est objectum motuum voluntatis, & prosecutionis, sed ex sua natura tantum est idoneum terminare actum fugæ: Unde actus malus voluntatis accipit malitiam ex inhonestate objecti indirectè volitâ, quatenus voluntas directè fertur in aliquod objectum delectabile, cui inhonestas conjuncta per practicam cognitionem voluntati proponitur.

Status igitur quæstionis est: utrum simili modo possit honestas quatenus tantum cognita & conjuncta cum aliquo objecto directè intento honestatem formalem refundere in actum voluntatis, sicuti certum est, quòd inhonestas taliter indirectè volita refundat malitiam formalem & moralem in actum voluntatis? e. g. si quis moveatur ad ambulandum propter delectationem actus, representetur tamen practicè honestas conjuncta ambulationi, in quantum deservit ad visitationem templi, utrum voluntas ambulandi propter honestatem ita cognitam, nec tamen directè volitam contrahat moralem honestatem.

2. **CONCLUSIO:** *Honestas objectiva non refundit honestatem formalem in actum, nisi ametur formaliter & directè.* Ita communiter Thomistæ contra Salas & Ovedum.

Probatur primò. In tantum honestas objectiva specificat actum, cuique tribuit speciem hone-

statis & bonitatis moralis, in quantum per se ipsam movet voluntatem ad sui amorem: sed ut sic directè & formaliter amatur: ergo in tantum honestas objectiva refundit honestatem formalem in actum, in quantum directè quæritur, & amatur. Maj. de qua est quæstio, probatur. Omnis bonitas objectivè movens & specificans actum voluntatis, directè movet voluntatem ad sui amorem: sed honestas est quædam bonitas, siquidem bonum in communi dividitur in honestum, delectabile, & utile: ergo. Maj. probatur. In tantum bonitas movet appetitum, in quantum ratione appetibilitatis sibi intrinsecè appetitur & amatur: sed hoc est movere directè ad sui amorem.

Confirmatur primò inductione. Nam voluntas ad actum dilectionis directè & formaliter movetur ab objecto delectabili, ad actum electionis ab objecto utili & eligibili: ergo similiter directè movetur ad actum honestum ab honestate objecti.

Confirmatur secundò. Malum quò tale, quia est ex sua natura objectum fugæ, propterea formaliter & directè terminat actum fugæ: ergo à sensu contrario, quia bonum quò tale essentialiter est objectum prosecutionis, formaliter & directè movet & terminat actum prosecutionis.

Confirmatur tertio. Ideo inhonestas objectiva indirectè volita & amata inhonestatem formalem refundit in actum, quia ipsa non est apta directè movere ad sui prosecutionem, & voluntas tenetur illam fugere non tantum ut est in se ipsa, sed etiam ut est & cognoscitur conjuncta cum alio objecto: ergo ex opposito, quia honestas objectiva est per essentiam idonea ut seipsa directè moveat voluntatem, estque objectum proportionatum ipsius, etiam per se ipsam directè movet voluntatem.

Probatur secundò ab absurdis: Si ad formalem honestatem actus sufficeret sola cognitio practica honestatis objectivæ, sufficeret ad actum charitatis, ut directè amaretur aliquod objectum indifferens, v. g. comestio cumognitione bonitatis divinæ; item, haberet supernaturalem & sufficientem dolorem ad Sacramentum poenitentiae, qui doleret propter hesternam crapulam, quia causavit dolorem capitis, dummodo simul cognosceret detestabilitatem crapulæ propter oppositionem ad virtutem sobrietatis: sed hæc sunt absurda, & contra communem Theologorum: ergo.

Probatur tertio ab inductione aliorum actuum intentionalium. Nam omnes alii actus potentialium internarum directè moventur à suo objecto formali & specificativo, ut visio, auditio, cognitio &c. ergo etiam actus honestus movetur & specificatur directè à suo objecto specificativo, quod est honestas objectiva.



tas, quippe in qua omnis moralitas radicitur: atqui libertas actibus externis non convenit intrinsecè, sed solum per denominationem extrinsecam à libero actu interno voluntatis: ergo pari modo ipsi convenit bonitas, vel malitia. Minor constat: quia membra externa & executiva virtutis despotice voluntatis imperio parent absque ullâ sibi propriâ indifferentiâ.

Secundò: si bonitas moralis & acceptabilitas ad præmium essentialia actui externo ratione sui & intrinsecè convenirent, tunc posset aliquis invitus spoliari præmio essentiali: quotiescunque nimirum violenter impediretur ab aliquo opere bono externo: sed hoc est absurdum: neque enim dona gratiæ alieni arbitrii potestati sunt subiecta: ergo.

6. Dixi tamen: nullam bonitatem, simpliciter & in ordine ad præmium essentialia, ab actibus externis superaddi: addunt quippe bonitatem, vel malitiam secundum quid, & in ordine ad præmium, vel penam accidentalem; veluti patet in aureola Martyrii, quæ non tribuitur propter solam voluntatem Martyrium sustinendi, sed propter ipsum Martyrii laborem & difficultatem specialem.

## §. II.

## Solvuntur Objectiones.

7. **O**bjicies primò authoritatem D. Augustini & D. Th. Nam ille l. 13. de Trinit. c. 5. ait: *Malâ voluntate vel solâ quisque miser efficitur, sed miserior potestate, quâ desiderium malæ voluntatis impletur.* Et l. 22. contra Faustum c. 27. definit peccatum, dictum, vel factum, vel concupitum contra legem æternam. Angelicus Doctor quoque q. 72. a. 7. dividit peccatum, in peccatum cordis, oris, & operis: ergo non tantum actus interni, sed etiam externi nempe facta & opera, ut distincta à peccatis internis, rationem peccati adeoque peccatariam distinctamque malitiam obtinent.

Respond. ad 1. *Authorit.* Sensum non esse, quòd quis fiat miserior alicujus malitiæ novæ accessione, sed partim quia actus internus externo conjunctus solet esse intensior aut diuturnior, partim quia actus exterior malorum effectuum miserias & vestigia post se relinquit, quæ non re-

linquit actus interior, uti sunt scandala, censuræ, major proclivitas ad malum, obligatio restitutionis, reatus majoris poenæ accidentalis, &c.

Ad 2. & 3. *Authorit.* Respond. utrâque divisione hoc tantum indicari, quòd aliqua sint peccata, quæ solo actu interno continentur, & vocantur *peccata cordis*: aliqua verò, quæ etiam externè in verba vel opus prorumpunt, & vocantur *dicta*, vel *facta*, peccata *oris* & *operis*: quæ ipsa tamen non nisi ab actus interni malitiâ extrinsecus denominante formaliter mala sunt.

*Objicies* ex ratione primò. Actus externi & interni vetantur distinctis præceptis, ut ex Decalogo patet: ergo habent distinctas malitias.

Secundò. Nisi actus externi haberent distinctam malitiam ab actus interni malitiâ, non essent necessariò in confessione explicandi: sed hoc est absurdum: ergo. Sequela probatur: Circumstantiæ solum aggravantes juxta communem & probabilem sententiam non sunt necessariò confitendæ: sed actus externus, nullam superaddens novam malitiam, haberet rationem meræ circumstantiæ aggravantis: ergo.

Tertiò. Malitia præsupposita actui interno est distincta à malitiâ actus interni: sed malitia actus externi est præsupposita actui interno: ergo. Minor prob. Malitia actus externi dat speciem actui interno, tanquam objectum ipsius: ideo quippe voluntas furandi est mala, & non è converso: ergo actui externo convenit specialis & distincta malitia.

Respond. ad 1. negando consequ. quia actus internus, v. g. concupiscentia uxoris alienæ, non ideo distincto præcepto prohibetur, quàm prohibetur ipsum opus externum adulterii quia habet peculiarem distinctamque malitiam, sed quia majori facilitate ruunt homines in ejusmodi peccata etiam interna.

Ad 2. nego sequelam, & quòd actus externus sit mera circumstantia: licet enim per solam denominationem extrinsecam à voluntate interna malitiam trahat, pertinet tamen ad ipsam substantiam actus, estque individuale substantium, in quo actus internus completur, & ultimato terminatur. Ad 3. distinguo min. ejusque probationem: malitia objectiva actus externi est præsupposita actui interno, eique dat speciem, concedo; malitia formalis, nego.

## ARTICULUS VIII.

## Quomodo ad bonitatem actus humani requiratur conformitas cum voluntate Divina?

## SUMMARIUM.

1. Triplex modus habendi conformitatem cum voluntate Divina.
2. Non est obligatio conformitatis quamdiu voluntas DEI est ignota.
3. Neque cum voluntate consilii tantum.
4. Voluntas ut est natura, licet dissentiat à voluntate Divina in volito materiali.
5. Voluntas humana tenetur conformari in volito formali.
6. Non in volito materiali.
7. Imò tenetur aliquando velle oppositum.
8. Dissensit in Beatis.

9. Tenetur tamen voluntas esse conformis divina voluntati in volito materiali prout subsistat formali.
10. Qualem concordiam voluntatum requirit lex amicitia?

## §. I.

## Certiore præmittuntur.

**P**Ræcipua bonitatis & rectitudinis moralis regula est voluntas divina, quippe per essentialiam recta & sancta. Unde voluntas creata non potest

potest in suis actibus esse recta, nisi aliquo modo sit divinæ voluntati conformis. Rectum cor habet [inquit August. in Ps. 32.] qui vult quod DEUS vult. Potest autem hæc conformitas haberi tripliciter. Primò, ut velimus, quod DEUS vult nos velle, idque vel consulendo, vel præcipiendo. Secundo ut velimus hoc ipsum quod DEUS vult, quæ conformitas dicitur esse in *volito materiali*. Tertiò, ut velimus modum & rationem, sub qua DEUS aliquid vult fieri; & hoc est conformari divinæ voluntati in *volito formali*. Quibus positis

2. *Certum est primò*: quamdiu divina voluntas DEI non est nota, non esse obligationem, ut voluntas humana conformetur divinæ, quia nulla regula obligat, priusquam sit debitè promulgata, sed ante notitiam divina voluntas homini non est debitè promulgata: ergo.

3. *Certum est secundò*: non esse obligationem, ut homo velit, quod DEUS vult ipsum velle solum voluntate consilii, bene autem, quod vult ipsum velle voluntate præcepti; quia videlicet tenetur homo in omnibus divinis præceptis obedire. S. D. 2. 2. q. 104. a. 4. ad 3.

4. *Certum est tertiò*: Posse non tantum appetitum sensitivum, sed etiam rationalem, h. e. voluntatem dissentire à voluntate divina in *volito materiali*, prout voluntas est natura sive inclinatio totius naturæ. Unde & Christus Dominus secundum voluntatem hoc modo consideratam refugiebat mortem, dicens: *Pater, si possibile est, transeat à me calix iste*.

Procedit ergo questio, an humana voluntas, circa alia motiva liberè operans, teneatur conformari voluntati divinæ in *volito materiali*, vel *formali*.

## §. II.

### Resolutio S. Doctoris.

5. **CONCLUSIO** S. Doct. hic q. 19. a. 10. est: *Voluntas humana tenetur conformari voluntati divinæ in volito formaliter, tenetur enim velle bonum divinum & commune, sed non materialiter.*

Ratio 1. partis est *primò*. Conformari voluntati divinæ in *volito formali*, est intendere sive formaliter sive virtualiter eundem scopum & finem, quem divina voluntas intendit, nempe suæ divinæ bonitatis, aliarumque increatarum perfectionum ostensionem: sed voluntas humana in suis operationibus ab hoc fine licetè discrepare non potest: ergo tenetur se divinæ voluntati in *volito formali* conformare.

*Secundò*. Omnis conversio in finem honestum, est quædam implicita saltem conformatio cum divina voluntate in *volito formali*; siquidem honestas creata est participatio honestatis & bonitatis increatæ: Atqui homo in omni sua operatione tenetur converti in finem honestum: ergo tenetur etiam se conformare divinæ voluntati in *volito formali*.

6. *Secunda pars probatur primò* auctoritate D. Augustini in *Enchirid.* c. 101. dicentis: *Aliquando bona voluntate homo vult aliquid, quod*

*DEUS non vult; tanquam si bonum filium patrem vellet vivere, quem DEUS bonæ voluntate vult mori.*

Probatur secundò ratione. Potest DEUS aliquid velle, quod per rationes æternas & universales DEO tanquam causæ universali pertinet apparet bonum, secundum particulares verò rationes, secundum quas creatæ voluntati representatur, apparet malum: sed hoc casu creata voluntas non tenetur conformari voluntati divinæ in hoc objecto & *volito materiali*, imò tenetur velle contrarium: ergo. E. g. Vult DEUS parentem mori vel damnari ex fine universali sibi cognito; non ideo filius licetè potest appetere mortem, vel damnationem proximam; sicut & iudex intuitu boni communis licetè vult occidere latronem, cuius tamen occisionem uxor aut filius, qui bonum privatum familie intuentur, licetè non potest appetere. Sic licetè petimus, & oramus, ut DEUS à nobis pestem, famem, bellum, morbum, frigus, aliæque mala avertat, imò DEUS vult, ut ista velimus, & media his avertendis idonea adhibeamus, & tamen hæc mala nobis divinæ voluntatis altioris finem intuentis immisione contingunt.

## §. III.

### Solvuntur Objectiones.

8. *Dices primò*. Beati in cælo conformantur divinæ voluntati non tantum in *volito formali*, sed etiam in *materiali*; ergo hoc idem facere debent viatores in terra: siquidem instrui-mur DEUM orare, *ut suas voluntas ejus faciat in cælo, & in terra*. Respond. negando consequentiam, & paritatem, quia Beati in patria cognoscunt divinæ voluntatis volitum materiale secundum rationes æternas & superiores, viatores verò solummodo secundum rationes particulares & inferiores.

9. *Dices secundò*: Non datur volitum formale divinæ voluntatis in abstracto, sed in concreto: ergo si creata voluntas tenetur esse conformis divinæ voluntati in *volito formali*, tenebitur etiam esse conformis in *volito materiali*, quod unà cum *formali* constituit integrum concretum volitum.

Respond. distinguendo consequens: tenetur esse conformis divinæ voluntati in *volito materiali*, quatenus illud substat *formali*, concedo; absolutè, nego. Quo eodem sensu petimus in oratione Dominicæ fieri voluntatem DEI sicut in cælo & in terra.

10. *Dices tertiò*. Lex amicitie requirit concordiam voluntatum: ergo creata voluntas ne quidem in *volito materiali* debet discordare à voluntate divina.

Respond. ex S. D. q. 24. de verit. a. 8. ad 2. quod concordia voluntatum, quam præscribit amicitia, magis consistat in convenientia & conformitate quoad finem volitum, & rationem volendi, quam quoad ipsa volita, adeoque magis in conformitate ratione voliti *formalis*, quam *materialis*.

# TRACTATUS V.

## DE CONSCIENTIA. PROLOQUIUM.



Rduam & salebrofam de conscientia Disputationem Tibi porri-  
go, Amice Lector, camque Thomæ Sanchez judicio, gravissi-  
mam, sive difficultatem spectes, sive utilitatem. Difficilis est,  
quia continet celeberrimam de usu & sequela opinionis probabilis  
controversiam, multis thesibus, epistolis, apologiis, dialogis, vo-  
luminibus hoc tempore calidissimè agitatam. Habet hic conscientia, ut aliàs  
solet, suos stimulos & aculeos: dum nimirum partium concertantium duces  
sua argumenta in Satyricas invectiones exacuunt, cæsim & punctum feriunt.  
Quamcunque teneas aut tentes viam, non evades aculeatos hos hystrices &  
herinaccos. Insidiantur præterea paritatum laquei & labyrinthi paralogismi,  
si usquam, in hac materia ex varia terminorum acceptione & æquivocatione  
frequentes. Auget præ omnibus difficultatibus discrimen, à regia & media  
virtutis ac veritatis via in periculosas extremitates deviandi, ne vel ex una parte  
nimio rigore constringantur, vel ex altera parte nimia indulgentiâ laxentur  
conscientiæ, & remotis Divini timoris repagulis aperiatur porta ad innumeras  
in morum materia exorbitantias, meritò à gravioribus Theologis improbatas,  
& Summorum Pontificum decretis fulminatas.

Est tamen hæc ipsa de *conscientia* Disputatio ex materiæ dignitate, &  
utilitate quoque gravissima, quia (ut appellat Jul. Mercorus) *basis totius*  
*Theologiæ Moralis*, omnibus quæcunque in humanis actibus occurrunt,  
difficultatibus substruenda. Ideo post Actus Humanos hunc quoque de pro-  
xima illorum regula Tractatum tibi offero, in quo gravissimorum Doctorum  
tam intra, quàm extra Scholam D. Thomæ rationes & auctoritatem secutus,  
secure & conscientiosè, non tamen nimis rigidè de Conscientia sentire & loqui,  
nihil à sanis, & sanctis morum principiis alienum dicere volui. Tuum de hoc  
esto judicium. Vive & vale.

## DISPUTATIO X.

DE

### Conscientia in genere.

DImissis Conscientiæ variis acceptionibus à proposito alienis, hoc loco nomine con-  
scientiæ intelligimus intrinsecam & proximam Regulam morum, quâ nobis, quid  
hic & nunc lege præceptum, vetitum, aut permissum, quid licitum, vel illicitum  
sit, innotescit. Ejus mentionem facit Eccles. c. 7. *Scit enim Conscientia tua, quia & tu*  
*crebrò maledixisti aliis. c. 13. Bona est substantia, cui non est peccatum in conscientia.* Rom. 2.  
*Testimonium reddente ipsis conscientia eorum.* Sic appellatur, vel quia est *cordis conscientia*, soli



homini patens; juxta D. Bernard. l. 2. de conscientia. Vel quia, ut D. Antonino videtur, est *concludens scientia*, eò quòd consistat in quadam practica conclusione, & illativo judicio de agendis vel omittendis, vel quia est *cum alio scientia*. Dum, ut inquit D. Th. 1. p. q. 79. a. 13. & de verit. q. 17. a. 2. addit *supra scientiam applicationem scientia ad actum particularem*. Hujus nunc definitionem & divisionem videamus.

## ARTICULUS I.

### Quid sit conscientia?

#### SUMMARI A.

1. *Opinio Antiquorum.*
2. *Definitio conscientia.*
3. *Respondetur ad fundamenta Antiquorum.*
4. *Conscientia non consistit in habitu.*
5. *Non in actu Synteresis, aut scientia moralis.*
6. *Non in actu imperii, sed judicii practice practici.*
7. *Conscientia non tantum respicit actus futuros, sed etiam presentes & prateritos.*
8. *Diſtamen conscientia pertinet ad habitum, vel prudentia vel imprudentia.*
9. *Quandonam diſtamen prudentia sit conscientia?*
10. *Ad conscientiam formandam possunt haberi diversi concurrere.*
11. *Judicium de bonitate vel malitia formali actum formandum per respectum ad conscientiam.*

#### §. I.

##### Definitio conscientia.

1. Quorundam Antiquorum, ut Henrici quodl. 1. q. 18. & Alensis in 2. p. q. 77. fuit opinio, conscientiam non tantum includere actum intellectus, sed etiam voluntatis, eò quòd alia sit Conscientia bona, alia mala; bonum autem & malum morale principaliter ad voluntatem pertinet. Instigare enim ad bonum voluntatis est proprium; sed quis nescit hoc esse munus conscientie? ergo voluntas quoque conscientiam sibi vendicat. Verum cum Angelico Doctore conscientiam intellectui adæquatè tribuimus, eamque definimus.

2. Conscientia est *diſtamen*, seu *judicium practicum intellectus*, *diſtans quid hic & nunc considerans omnibus circumstantiis sit vel agendum, vel fugiendum*. Sive: est *regula justis vel iniquis indicans creatura rationali, quid appetendum, quidve fugiendum sit*.

Dicitur primò: *diſtamen seu judicium practicum*: Conscientia quippe, seu proxima regula humanorum actuum, est intimatio æternæ legis, tanquam remotæ, & supremæ regulæ, à qua omnis morum honestas dependet: sed talis intimatio sit per judicium non speculativum, sed practicum, nempe per sententiam enuntiativam, sive hac operatio & executio hic & nunc bona, vel mala, concessa vel inconcessa: ergo Conscientia est judicium vel diſtamen practicum.

Dicitur secundò, *intellectus*; nam & ipsum nomen scientiæ, à quo conscientia, & varia conscientie munia, ut sunt, intimare, judicare, præcipere, dirigere, accusare, testari, non ad voluntatem, sed intellectum pertinent. Additur tertio, *quid hic & nunc* &c. quia objectum proximæ

regulæ est operatio humana ut exequenda, adedque ut omnibus suis circumstantiis vestita.

Ad Henrici primum fundamentum Respondetur. Conscientia alia est bona, alia mala extrinsecè & objectivè, vel etiam causaliter & directivè, concedo; in quantum videlicet regulat & dirigit operationem bonam vel malam moraliter, ut mox dicitur: intrinsecè & subjektivè, tanquam in ipsa moralis bonitas vel malitia intrinsecè recipiatur, nego: atqui bonum & morale, quatenus intrinsecè denominant & specificant, pertinent ad voluntatem. Similiter ad secundum distinguo majorem: Instigare impulsivè pertinet ad voluntatem, concedo; directivè, intimativè, & præceptivè, nego majorem: sed instigare præceptivè est munus conscientie, concedo; impulsivè nego minorem & consequentiam.

#### §. II.

##### Corollaria.

EX præmissis deduces primò. Conscientiam formaliter (1) non consistere in aliquo habitu (2) neque in actu Synteresis (3) aut scientiæ moralis.

Non primum, tum quia judicium, regula, præceptum, sententia, non habitum sed actum nominant: tum quia habitus vel est innatus, & à natura inditus, ut habitus primorum principiorum, & hic est invariabilis, utpote in ipsa natura rationali radicans: Conscientia autem est variabilis, & quandoque mutatur de opinabili in certam, de erronea in veram. Vel est acquisitus, quo utimur cum volumus: & sic rursus conscientie non convenit, quippe quæ etiam obliſcentes impellit, arguit, remordet. Vel est infusus; sed conscientia etiam pertinere potest ad ordinem naturæ, & est aliquando falsa & culpabiliter erronea, ac proinde à DEO infundi nequit.

Non secundum & tertium. Quia actus Synteresis sunt prima morum humanorum principia à circumstantiis particularibus præcisa & præcepta communissima, ut DEUM colere, neminem ledere, honestè vivere, quod sum est, unicuique tribuere. Inſtit. de Jur. & Justit. illudq. Matth. 7. Quod tibi non vis fieri, alteri ne feceris. Actus vero scientiæ moralis, tamen possit esse conclusio particularis ex illis principiis communibus deducta, tamen non judicat, neque regulat actum particularem, ut hic & nunc sub his numero circumstantiis causæ, loci, temporis exequendum. Exempli gratia deliberas, an tibi hic & nunc liceat solvere jejuniū Ecclesiasticum? scientia moralis



moralis format hunc discursum: Lex Ecclesiastica non ligat cum gravi incommodo: sed periculum probabile sanitatis est grave incommodum: ergo Ecclesiastica lex jejunii cum tali periculo sanitatis non ligat. Iste discursus, quia nondum proximè respicit ipsius personæ individuum operationem hic & nunc exercendam, nondum habet rationem conscientie; sed oportet adhuc particulariùs subsumere; atqui mihi hic & nunc instat probabile periculum sanitatis, vel ex propria experientia, vel medici judicio: ergo hic & nunc præceptum jejunii Ecclesiastici me non ligat: ergo comedere est licitum: qui deum actus, cum proximè regulat honestatem moralem operationis ut hic & nunc exercendæ, rationem conscientie obtinet. Unde

6. Deduces secundò. Conscientiam formaliter non consistere in actu imperii practici, qui exprimitur per verba imperativi modi, *fac hoc*; sed in illo judicio practico, quod est conclusio consultationis, & præcedit electionem voluntatis. Nempe priusquam voluntas procedat ad operis executionem, duo actus antecedunt ex parte intellectus: judicium seu sententia de agendis, & imperium; ille actus præcedit & dirigit consensum, & electionem voluntatis; iste verò usum & executionem; ille consistit in conclusione & sententia, quæ inferitur ex practico discursu consultativo de electione mediorum ad prosequendum finem; iste verò in determinativa & præceptiva intimatione, quæ intellectus mandat voluntati operis executionem, ideoque non per modum sententiæ & judicii enuntiativæ, sed per modum præcepti exequendi. & per verba imperativi modi, *fac hoc*, exprimitur, veluti cum S. Doct. q. 17. in Tract. de act. hum. annotavimus.

Conscientia igitur non consistit in hoc posteriori actu imperii; primo, quia actus imperii tantum est de re futura; Conscientia verò, ut mox dicitur, etiam de præsentis & præteriti. Secundo: quia sequeretur nunquam peccari contra conscientiam, eo quod motionem imperii practici infallibiliter sublequatur exercitium & executio operis, nisi extrinsecus impediatur. Consistit verò in judicio practico præcedente electionem operis, hic & nunc inspectis omnibus circumstantiis exequendi. Quod etiam *practicè practicum* appellatur comparativè ad illa judicia, ex quibus deducitur, hæc enim tanquam ad antecedens practici discursus pertinentia, & ipsam particularem operis electionem non regulantia dicuntur speculativa, vel speculativè practica.

7. Deduces tertio: Quamvis Conscientia primaria respiciat actus futuros, eandem tamen secundariò etiam respicere actus præsentis & præteritos, respectu quorum magis est speculativa, quam practica. Ratio est: quia Conscientia ex primario munere & significato est regula morum, dictans, num actus sit ponendus, vel omitteendus, ex quo tamen secundariò consequitur, ut vel in ipso opere, vel post opus peractum ipsa sit testis rei bene vel malè gestæ; ibi approbatrix, hic acculatrix: *frenum ante peccatum, flagrum post peccatum*. Quo sensu Apostolus 1. Cor. 1. *Gloria nostra hæc est, testimonium conscientia nostra*. Et illud antiquum: *Conscientia mille testes*.

R. P. Maxg. Theol. Schol. Tom. II.

Et quia hoc conscientie testimonium etiam habitualiter perseverat, ideo homines iusti & probi, quibus illa felicitas contigit: *Nil confere sibi, nulla pallefcere culpa*, homines bonæ conscientie; alii contrà quos de perperam actis vermis conscientie rodit; *Occultum quatiens animo tortore singellum*, homines malæ conscientie vocantur. In quem sensum habitualem sui Scoti conscientiam explicat Hierinck disp. 4. sect. 2.

Deduces quarto: Rectè conscientie dictamen pertinere ad habitum prudentie: uti contrà dictamen conscientie non rectè ad habitum imprudentie. Nam prudentia est *recta ratio agibilium*, & ab ipsa dirigente provenit omnis honestas operis sub particularibus circumstantiis exercendi; unde quotiescunque operatio est recte & virtuosè à voluntate elicitæ, vel imperata, priùs prudentia, vel naturalis vel supernaturalis communia morum principia ad hæc particulariter circumstantias applicans determinat, quid hic & nunc licitè fieri possit, aut debeat, quæ determinatio est ipsa, de qua loquimur, conscientia. Hinc porro ulterius procedit ad ultimatum imperium operis exequendi, nisi voluntatis contra conscientiam operantis malitià impediatur. Quia verò contingit aliquando conscientiam errare, & illud licitum pronuntiare, quod à parte rei licitum non est, attendi debet, an error sit inculpabilis, qui adhibita omni diligentia vinci non potuit? an verò culpabilis, qui adverti ad obsequium vinci potuit ac debuit? Si primum; judicium conscientie adhuc erit à prudentia derivatum, veluti si hostiam, quam rationabiliter consecratam existimas, adorandam iudices, quamvis à parte rei non sit talis. Si secundum: illud judicium conscientie falsè erit actus imprudens.

Non ideo tamen quodlibet dictamen morale prudentie vel imprudentie est conscientia sed tunc solummodò, quando ex participatione & intimatione legis præscribit agenda, vel omittenda. Ita qui contra conscientiam operando peccat, quamvis ante peccatum habeat judicium imprudens, quo se determinat ad actum peccaminosum (omnem quippe actum peccati in voluntate præcedit error practicus in voluntate) non tamen habet falsam conscientiam, quia objectum malum, quod erroneè prosequendum proponitur, non proponitur per illud judicium, tanquam ex aliqua obligatione vel permissione legis, sed tanquam ex aliqua commoditate, delectabilitate, &c. prosequendum, alias simul respectu ejusdem actus consistentem duæ conscientie oppositæ, quod dici non potest.

Deduces quintò. Ad antecedens seu præmissas illius discursus practici, ex quo prudentia infert practicum conscientie dictamen posse varios habitus concurrere; unde juxta Doct. Angel. conscientia dicta, tanquam applicatio scientie ad particularem operationem. Patet exemplo superius insinuato num. 2. in hoc discursu: Cui ex jejuniis incumbit probabile periculum sanitatis, licitè non jejunat: sed mihi ex jejuniis hic & nunc incumbit probabile periculum sanitatis: ergo hic & nunc licitè non jejunò. Ecce! Major propositio est actus & conclusio scientie moralis, deducta

deducta ex illo principio, quod leges positivæ cum gravi incommodo ordinariæ non ligent. Minorem format vel scientia experimentalis, vel medica, vel fides humana, quâ quis assentitur medico periculum affirmanti; conclusionem tandem & conscientiam format prudentia.

11. Deduces sextò: In dijudicanda formali honestate, aut malitia operationum non tam esse attendendum ad condiciones actuum prout sunt à parte rei independenter à conscientia operantis, quam prout per conscientia dictamen exhiben-

tur: cum enim impossibile foret, ut non regula remota Divinæ & æternæ legis in plurimis occurrentiis esset à nobis invincibiliter ignorata, ideo dictamen propriæ conscientia, quod à nemine ignoratur, pro regula proxima immediata ordinatum fuit, ut per illam lex Divina & æterna applicaretur, &, quid legi conforme vel disforme esset, indicaretur. Unde in operatione nunquam potest esse peccatum formale contra legem, nisi cum legis obligatio relucet in conscientia.

## ARTICULUS II.

### *Quotuplex sit conscientia?*

#### SUMMARIÆ.

1. *Vulgaris divisio conscientia in 5. membra.*
2. *Conscientia certa, vera, erronea, probabilis duplex acceptio.*
3. *Aliter conscientia appellatur ex objecto, assensu, & iudicio præsupposito.*
4. *Conscientia ex objecto adequatè dividitur in bonam & malam.*
5. *Ex modo assentiendi in certam & opinativam.*
6. *Ex seipsa in veram & falsam.*
7. *Conscientia dubia non est formaliter conscia.*
8. *Deposito dubio conscientia tantum potest esse extrinsecè dubia.*
9. *Reductio conscientia timorata & scrupulosa.*

#### §. I.

##### *Varia divisiones & acceptiones conscientia?*

1. **V**ariæ sunt divisiones conscientia. Communior est in quinque membra, in veram, quam etiam appellant rectam & certam, in erroneam, dubiam, probabilem seu opinativam, & scrupulosam. Cui addi potest divisio conscientia in bonam & malam. Vera conscientia est, quæ est conformis objecto & iudicat esse licitum, quod est licitum. Erronea, quæ est diffors objecto, & iudicat licitum, quod est illicitum, vel contrà. Dubia, quæ circa utramque partem contradictionis suspendit assensum, & si hoc ex nullius motivi pro utraque parte apparentiâ, dicitur *negativè dubia*; si ex æqualibus mediis & motivis positivis pro utraque parte, dicitur *positivè dubia*. Probabilis seu opinativa est, quæ uni parti contradictionis adheret, cum formidine tamen oppositi. Scrupulosa est, quæ ex nullis vel ex levissimis fundamentis concipit formidinem peccati. Bona conscientia eadem & recta est, quæ præscribit honesta; mala est, quæ erroneè præscribit, aut tolerat inhonesta & illicita. Ad discriminanda hujus divisionis membra, & bonitatem discutiendam
2. Observandum est primò: conscientia certæ, veræ, erroneæ, probabilis significationem in duplici sensu accipi posse. Nam certa conscientia potest significare vel certitudinem ex parte objecti, & sic coincidit cum conscientia vera, & opponitur falsæ; vel certitudinem ex parte assensus, & sic opponitur opinativæ, quæ habet formidinem oppositi. Conscientia vera potest dici talis

vel solum formaliter & practicè, vel materialiter & formaliter, speculativè & practicè simul. Vera erit formaliter & practicè tantum, quando habet iudicium conforme cum objecto practicè considerato, prout substat rationabili opinioni & iudicio intellectus, licet objectum à parte rei aliter se habeat: ut si Sacerdos iudicet poenitentem absolvendum, quem rationabiliter iudicat esse contritum, quamvis à parte rei non sit verè contritus. Erit etiam vera materialiter, & speculativè, si sit conformis objecto, ut est à parte rei. Tandem conscientia duplici modo potest dici opinativa, probabilis, dubia, nempe propriè, & ex ipso conclusionis assensu, vel secundò improprie ex iudicio præsupposito.

Primo modo conscientia opinativa, vel dubia nunquam est sufficiens regula operandi, ob incertitudinem assensus, & actualem vel radicalem formidinem peccati. Secundò modò potest esse regula operandi, quia cum dubio & opinione speculativa ex parte iudicii præsuppositi, stare potest iudicium certum & fixum de honestate operationis, ut ex decursu patebit.

Observandum est secundò: conscientia appellationem & divisionem accipi posse tripliciter: inprimis ex objecto, deinde ex modo assentiendi objecto, tertio ex iudicio præsupposito, ex quo descenditur ad ipsam conclusionem conscientia. Si conscientia spectetur ex objecto, tunc alia est vera, alia falsa, alia bona, alia mala. Ex modo assentiendi & tendendi in objectum, alia est certa, quæ certum sine formidine præbet assensum; alia dubia, quæ suspendit; alia opinativa, quæ quidem etiam præstat assensum, sed cum formidine oppositi. Ex iudicio speculativo præsupposito solet conscientia frequenter appellari affirmativa, vel probabilis, non quia ipsum ultimum iudicium conscientia sit merè opinativum habens formidinem oppositi, sed quia iudicium speculativum præsuppositum, in qua ultimum conscientia iudicium radicatur, est tantum probabile. His positis quaritur, quænam divisio conscientia sit adequata?

#### §. II.

##### *Assignantur adequatæ divisiones conscientia.*

**D**icendum primò. Conscientia ex parte formalis objecti, à quo specificatur, adequatè dividi-

dividitur in bonam & malam. Nam conscientia regular & dirigit operationem humanam sub ratione bonitatis & malitiæ moralis, quæ proinde in operatione subiectata conscientiam extrinsecè specificat. Sicut ergo non datur medium inter operationem humanam bonam vel malam in individuo, prout aliunde suppono; ita non datur medium inter conscientiam bonam, de qua Apost. 1. ad Timoth. c. 5. & 19. & malam, quam Apostolus etiam vocat *caneriatam*, & *inquinatam*. ibid. c. 4. & 2. & ad Tit. 1. 15.

5. Dicendum secundò: Ex modo assentiendi, adæquatè potest conscientia dividi in certam & opinativam. Nam assensus ultimatus conscientiæ aut est cum formidine, aut sine formidine oppositi; [cùm enim hæc sint contradictoriè opposita, inter illa non datur medium] si sine formidine, conscientia est certa (intellige ex modo assentiendi) si cum formidine, est opinativa.

Neque dicas: assensum posse esse dubium. Nam contrà est. Vel intelligis per dubium suspensionem determinati iudicii, uti propriè & rectè loquendo debet intelligi, & tunc nequidem est assensus, contra hypothesin. Vel intelligis assensum determinatum ad alteram partem contradictionis, cum formidine tamen oppositi & tunc abuteris voce dubii, illudque confundis cum assensu opinativo & probabili.

6. Dicendum tertio: Intrinsecè & adæquatè conscientia dividitur in veram & falsam. Aut enim operatio est talis, qualis dicitur per consequentiam, aut non est talis, nec datur medium: si est talis, conscientia est vera; si non, conscientia est falsa. Quòd si conscientia vera rigorosiùs accipiat pro illa sola, quæ est conformis operationi, tam formaliter quam materialiter spectatæ, tunc habet pro membro opposito omnem conscientiam seu vincibiliter seu invincibiliter erroneam. Si verò sic conformis operationi solum formaliter spectatæ, tunc conscientia invincibiliter erronea pertinebit ad conscientiam veram & rectam, illiusque oppositum erit solummodò conscientia vincibiliter erronea.

### §. III.

#### Corollaria.

7. EX dictis infero primò: Conscientiam dubiam non esse propriè & formaliter, sed tantum

reductivè conscientiam, &, ut Layman vocat, *umbram conscientia*: quia conscientia formaliter consistit, in practico iudicio, dictamine, regula operandi: atqui dubitans nihil concludit, nihil iudicat, assentitur, dicitur. præcipit, sed hæret ambiguus: ergo dubitans, antequam deponat dubium, non formatur propriè & formaliter conscientiam. Reductivè tamen dici solet conscientia, quia saltem potest esse inchoatio discursus practici, ad aliquod illativum dictamen tendentis & conantis.

Infero secundò. Cùm conscientia ex depositione dubii vel formidinis transit in certam, non amplius propriè & intrinsecè, sed tantum secundum quid & extrinsecè appellari dubiam, vel probabilem; non enim amplius hæsitatio, vel formido se tenet ex parte ultimi assensus practici, quem supponimus esse certum, sed ex parte iudicii præluppositi, quod respectu illius ultimi tantummodò est speculativum, nec impedit certitudinem, ut ex dicendis constabit.


Infero tertio. Conscientiam timoratam, suspiciosam, scrupulosam facile reduci posse ad dubiam, vel erroneam. Nam quatenus conscientia timorata & suspiciosa ex levibus fundamentis dubitat, utrum aliqua operatio sit licita, pertinet ad conscientiam dubiam, & siquidem deposita suspicione & dubio, remanente solum aliqua speculativa anxietate, operetur, erit conscientia intrinsecè certa: si autem vi illius fluctuationis ad nullum determinatum iudicium procedat, erit intrinsecè & formaliter dubia: Rursus scrupulosa vel ex levissimis fundamentis falso iudicat, aliquam operationem esse illicitam, sicque est erronea; vel nihil iudicat, sed tantum hæsitat inter utrumque sicque est conscientia dubia, eique superaddit accidentalem differentiam anxietatis. Unde patet, vulgarem illam conscientia divisionem in quinque membra, rigori Dialectico non esse admensam, nec ideo tamen rejiciendam, cò quòd omnes modos circa formandam dictamen conscientia comprehendat, sitque communi usu loquendi recepta.

## DISPUTATIO XI.

DE

### Conscientia recta & erronea.

UTramque in unam considerationem jungimus: nam & in obligatione con-  
nunt, & erronea, si ex invincibili errore procedat, est practice certa & recta,  
ac tandem oppositorum eadem est disciplina.



# ARTICULUS I. Unde Conscientia sit vera & recta?

## S U M M A R I A.

1. Conscientia dirigens honestatem operationis moralis debet esse certa tanquam actus prudentia.
2. Et participatio legis Divinae.
3. Ad hoc sufficit certitudo moralis.
4. Quam aliqui desumunt ab objecto.
5. Alii verius per habitudinem ad appetitum rectum.
6. Dupliciter considerari potest iudicium conscientiae.
7. Primum dictamen rationis unde habeat suam rectitudinem?
8. Enuntiatio ut speculativa habet veritatem ex objecto, non ut practica.
9. Imò habet etiam ut practica, sed ut considerata in esse regulabilis.
10. Ex quo non sequitur circulus vitiosus.
11. Conscientia invincibiliter erronea est nihilominus recta.

### §. I.

#### Exponitur status questionis.

1. Quidquid in humana operatione honestum, ut virtuosum est, à prudentia omnium virtutum directrice regulatur, ideoque necesse est, ut illa conscientia, quæ proximè dirigit honestatem operationis moralis, sit infallibiliter recta, vera, & certa certitudine tam objectivâ, seu ex parte objecti, ut nempe illud sit licitum, quod dictatur licitum; quàm formali, excludente omnem formidinem oppositi ex parte assensûs; liquidem prudentia seu virtus intellectualis, quâ anima verum dicit affirmando, aut negando, juxta Philos. in 6. Eth. requirit actum & objectum certum, ne cum opinione confundatur: sed conscientia, quæ est proxima regula actus liciti & honesti, est actus prudentiæ: ergo debet esse certa & vera.
2. Præterea conscientia recta est participatio legis Divinæ, & ab illa tanquam à sua causa exemplari derivata & exemplata; juxta illud Psal. 4. Signatum est super nos lumen vultûs tui Domine. In quæ verba Doct. Angel. Quasi diceret lumen rationis, quod in nobis est, in tantum nobis potest ostendere bona, & nostram voluntatem regulare, in quantum est lumen vultûs tui, id est, à vultu tuo derivatum. Atqui regula exemplata debet esse conformis suæ regulæ exemplanti: cum ergo regula exemplaris Divinæ legis sit infallibilis, vera, & certa, talis etiam est conscientia recta.
3. Certitudo tamen ista ad prudens rectæ conscientiæ dictamen requisita, non debet esse logica, physica, aut metaphysica; ita ut inspectis omnibus rationibus impossibile sit rem aliter se habere, sed moralis, ut nempe attentis hominum moribus, usu, consuetudine, iisque, quæ ut plurimum eveniunt, viz sit possibile rem aliter se habere, quamvis juxta communes rationes res seculi possit accidere, aut de facto aliquando, sed raro aliter accidat. Ita attestatio publici Notarij, vel proprii Parochi in scripto parit certitudi-

nem moralem, quia, licet utique non repugnet, ipsum falsum dicere, tamen Notarius ut persona publica, & Parochus ut Pastor animarum ad attendendum in re gravi requisiti, fallere & mentiri non præsumuntur. Hanc moralem certitudinem conformiter ad mentem Philos. in 1. Eth. c. 1. agnovit & requisivit in moralibus Doctor Angelicus in 1. 2. q. 60. a. 3. ad 1. dicens: In humanis actibus invenitur aliqua certitudo, non quidem sicut in demonstrativis, sed secundum quod convenit tali materie.

Hinc verò exoritur dubium, undenam petenda sit veritas, & rectitudo conscientiæ? Pluribus quos citat Ildefons. Casaraug. q. 19. disp. 103. videtur esse desumenda ab objecto: nam omnis iudicii enuntiativi veritas sumitur per ordinem ad objectum; ex eo enim, quod res est, vel non est, enuntiatio redditur vera vel falsa; absolute pronuntiat Aristot. 1. 1. periherm. c. 8. sed conscientia est quoddam iudicium enuntiativum: ergo.

Nec refert, quod sit practicum, nam etiam in medicina, Philosophia morali, Theologia [quæ formaliter non tantum est speculativa, sed etiam practica] veritas enuntiationis desumitur per habitudinem seu conformitatem ad res. Hæc tamen opinio non potest subsistere; nam qui operatur ex conscientia invincibiliter erronea, rectè, honestè, virtuosè operatur: ergo etiam ex prudenti dictamine Conscientiæ rectæ operatur: atqui istud dictamen non est conforme objecto; dictat enim, objectum esse licitum & consonum legi æternæ, vel etiam à lege præceptum, quod tamen à parte rei est illicitum, dissonum legi æternæ, & ab illa prohibitum: ergo rectitudo conscientiæ non semper accipi potest ex conformitate ad objectum. Antecedens ex communis Theologorum sententia est certum, saltem in conscientia errante ex invincibili ignorantia facti: ita enim honestè, justè & laudabiliter Jacob accessit ad Liam, quam invincibili errore deceptus existimabat esse suam.

### § II.

Sententia desumens rectitudinem conscientiæ ab appetitu recto.

Aliorum igitur verior sententia est, veritatem & rectitudinem conscientiæ non esse desumendam per habitudinem ad objectum, seu ad ipsas res, sed per habitudinem ad appetitum rectum. Ita Aristot. 1. 6. Eth. c. 2. dicens: Activa mentis veritas est consentanea appetitui recto. Quem exponens Doct. Angel. lect. 2. Bonum, inquit, practici intellectus non est veritas absoluta, sed veritas consequenter se habens, id est, concorditer ad appetitum rectum. Et in 1. 2. q. 111. a. 3. ad 2. In his autem, quæ sunt ad finem, rectitudo rationis consistit in conformitate ad appetitum finis debiti.

Ratio petitur ex differentia, quæ est inter iudicium speculativum & practicum: nam veritas iudicii



judicii speculativi non est causa & mensura veritatis in suo objecto, uti econtrâ veritas judicii practici est causa & mensura veritatis in suo objecto. e. g. artefactum & ideatum habet suam veritatem per conformitatem ad regulas artis & exemplar ideæ; ipsa verò idea vel regula artis non habet suam veritatem per conformitatem ad artefactum & ideatum, sed ad finem intentum ab artifice. Cum ergo conscientia sit judicium practicum prudentiæ, regula & mensura actuum humanorum, non tam ipsa rectitudinem ab actu præscripto, vel objecto ipsius, quàm actus & objectum à recta conscientia accipit: unde illa voluntas dicitur recta, quæ est conformis dictamini rectæ rationis.

Habet igitur pro sua mensura redificante appetitum rectum non qualemcumque, ne committatur vitiosus circulus, si dicatur electio alicujus operis esse recta propter rectam conscientiam, & conscientia esse recta propter rectam electionem; sed (exponente S. D. ubi supra) appetitum finis debiti, & quidem vel maximè finis ultimi, ita ut illud judicium dicatur rectum [ prout explicat Jul. Mercurius p. 1. a. 3. ] quod invincibiliter infertur ex principiis moralibus ab homine sincerè affecto erga finem ultimum, & invincibiliter existimante, tale opus esse conforme Divinæ legi creaturam rationalem dirigenti in finem ultimum.

6. Unde actus conscientiæ sub duplici ratione considerari debet. Primò ut est judicium enuntiativum intellectus, sicque speculativo modo consideratur, & adinstar aliarum cognitionum veritatem habet per commensurationem ad objectum, eritque conscientia speculativè vera, si objectum secundum se est tale, prout enuntiatur; erit speculativè falsa, si objectum non sit tale. Secundò consideratur ut est regula proxima intimativa & applicativa Divinæ Legis ad particularem operationem, sicque consideratur modo practico cum dependentia à voluntate debiti finem intendente, & sub hac consideratione habet rectitudinem & veritatem practicam per commensurationem ad debitam intentionem finis: sicque *Ha* erit conscientia recta, quæ ex applicatione voluntatis debitum finem intendentis rationabiliter & invincibiliter judicat, talem actum & objectum esse medium proportionatum illi fini intento. e. g. Jacobi conscientia dictans accessum ad hanc feminam sibi esse licitum, recta erat, quia ex rectâ intentione finis ultimi, & studio obsequendi divinæ voluntati invincibiliter judicavit procreationem liberorum ex hac femina hic & nunc esse licitam, & conformem voluntati divinæ.

7. Inquis. Ipsa voluntas vel appetitus finis ultimi, unde habet rectitudinem nisi à prævia regula intellectus & rationis, cujus munus est dirigere? Et unde illa regula habet rectitudinem? si ab appetitu finis ultimi, committitur circulus; si ab objecto, ergo rectitudo conscientiæ etiam haberi poterit ab objecto. Respondetur: Quòd primum dictamen rationis regulans appetitum finis ultimi accipiat suam rectitudinem per commensurationem ad legem divinam, à quâ derivatur & exemplatur, quemadmodum aliæ quoque

formæ ideatæ & exemplatæ suam veritatem ab exemplari recipiunt.

Ad fundamentum contrariæ sententiæ n. 3. relata Respondet, omnem enuntiationem etiam practicam, ut est enuntiatio & judicium quoddam speculativum modo se habens [ quales etiam sunt actus Theologice, Jurisprudentiæ, scientiæ moralis &c. ] veritatem suam obtinere ex conformitate ad objectum, non autem omnem enuntiationem practicam, ut practica est. Nam inter practicas aliquæ sunt, quæ versantur circa objectum in universali, ac proinde nulli mutationi subiectum, veluti sunt veritates scientiarum practicarum: e. g. *dare elemosynam est honestum, fornicari est illicitum* &c. aliæ verò sunt, quæ habent objectum particulare, & versantur circa res contingentes & singulares. v. g. nunc actus poenitentiae est elicendus, nunc est jejunandum, hic poenitens est absolvendus, hæc hostia odoranda, hic & nunc est licitus &c. Illæ, quia respiciunt objectum immutabile, ad modum aliarum cognitionum intellectus speculativi suam veritatem accipiunt à conformitate ad objectum. Illæ, quia respiciunt objectum effectum aliquâ singulari circumstantiâ & connotatione particularis exercitii, quod subjacet mutationi à conformitate ad objectum, immobilem & infallibilem rectitudinem, qualem tamen requirit prudentia, habere non possunt: ideoque illam accipiunt à conformitate ad finem intentum, quo modo regula artificis suam rectitudinem non accipit ab artefacto, sed ex conformitate ad finem artificis: neque enim regula adificandæ domus, est recta propter conformitatem cum domo, sed propter conformitatem ad finem architecti, quia nempe architectus, judicans domum taliter extruendam, format judicium proportionatum ad finem domus extruendæ à se præintantum.

### §. III.

#### *Ultimata resolutio.*

9. **C**larior, minori obscuritate, consequenter ad suprà dicta, & ad utramque opinionem concordandam dices, veritatem & rectitudinem Conscientiæ desumi ab objecto non materialiter in esse rei & quoad se considerato, sed formaliter in esse objecti regulabilis & quoad nos, uti scientia veritatem accipit ab objecto speciato in esse objecti scibilis: tunc enim regulabilitas objecto superaddit connotationem ad intellectum practicum, tali objecto primam regulam Divinæ legis applicantem, & invincibiliter existimantem tale objectum esse proportionatum rectæ intentioni finis ultimi. Sic Conscientia Jacobi dictans, accessum ad Liam, quam invincibiliter existimabat esse uxorem, hic & nunc esse licitum, vera & recta erat, etiam per ordinem ad objectum: quia licet hoc objectum, nempe accessus ad Liam materialiter, absolutè & à parte rei non esset licitus, nec conformis legi Divinæ, cum Lia hic & nunc non esset sua uxor, & sic etiam conscientia Jacobi fuerit speculativè falsa, tamen hoc ipsum objectum formaliter consideratum in esse regulabilis, erat licitum, honestum, justum, quia ut sic sublebat apprehensioni intellectus, accessum ad Liam invincibiliter representantem tanquam

tanquam à DEO concessum, & proportionatum Divinæ legi.

10. Dices primò. An hinc non sequatur vitiosus circulus, si opus sit rectum per ordinem ad regulam Conscientiæ, ipsa quoque Conscientia sit recta per ordinem ad opus rectum, tanquam proprium objectum? Respondeo non esse circulum vitiosum, quia in diverso genere, modoque causandi. Opus quippe rectum denominatur, quasi passivè à conscientia regulante in ordine causæ idealis & directivæ, uti fit in artefactis. Conscientia verò denominatur recta ab objecto in genere causæ objectivæ, & quasi activè, in quantum conscientia ipsa in objecto regulativè causat conformitatem cum lege æterna: cum enim omnis veritas sit quædam conformitas cum objecto, etiam practica veritas debet esse talis; hæc tamen cum differentia, quòd practica activè quasi sibi conformatur, speculativa quasi passivè conformatur objecto.
11. Dices secundò. Conscientia tanquam regula secunda, regulata & exemplata à prima regula, non potest esse recta, nisi sit conformis primæ regulæ, seu legi divinæ: sed non est conformis, quando est invincibiliter erronea: tunc enim lex

Divina actum prohibet, & dicitur esse illicitum, quem econtra conscientia dicitur esse licitum: ergò tunc non potest esse recta. Respondeo distinguendo minorem: non est conformis divinæ legi ut absolute respiciens talem actum vel objectum, concedo; & ideo est speculative falsa: non est conformis divinæ legi respicienti talem actum ut substantem tali invincibili representationi, nego. Sic enim dicitur, hunc actum formaliter esse honestum & licitum. Unde, si Jacobus Lix, invincibiliter existimatur uxori, debitum denegasset, contra Divinam legem justitiæ peccasset.

Sed nunquid hac ratione Conscientiam invincibiliter errantem malè appellamus erroneam, cum potius deberemus appellare rectam juxta hæcenus dicta? Respondeo, quamvis Conscientia invincibiliter erronea à parte rei semper sit recta, utum tamen obtinuisse, ut omnis illa Conscientia dicatur erronea, quæ continet errorem sive practicum, sive speculativum, ideoque in divisione conscientiarum in veram & erroneam, ly vera solet accipi pro veritate tam speculativa quam practica. Est verò aliquando loquendum cum multis.

## ARTICULUS II. De Conscientia erronea.

### SUMMARIA.

1. Exponitur Conscientia erronea.
2. Datur invincibilis ignorantia facti.
3. Item Juris positivi Civilis & Ecclesiastici.
4. Item Juris Divini positivi.
5. Non datur ignorantia invincibilis juris naturalis universi, & quoad notissima principia.
6. Datur quandoque in præceptis naturæ, quæ facili discursu ex primis principiis deducuntur.
7. Datur in præceptis naturæ, quæ obscurius ex primis principiis deducuntur.
8. Confirmat hanc ignorantiam experientia.
9. Absurda oppositæ sententiæ.
10. Invincibilis ignorantia in jure naturali inculpabilitas ostenditur.
11. Impugnatur doctrina Jansenii.
12. Quo sensu Scripturæ & P.P. ignorantiam appellant peccatum?
13. Objectiones Wendrochii.
14. S. D. loquitur de vincibili ignorantia fidei.
15. Tertullianus & D. Augustinus exponitur.
16. Invincibiliter errans dirigit suos actus secundum legem justitiæ.
17. Nec est dissimilis Divino judicio quoad formalem bonitatem operationis.

#### §. I.

#### Adstruitur invincibilis ignorantia facti & juris positivi.

1. Conscientia erronea dividitur in invincibiliter & vincibiliter erroneam. Error vel ignorantia vincibilis, quam in Tract. de Actib. hum. etiam consequentem diximus, est, quæ hic & nunc poterat & debet adverti, seu quæ adhibito debito studio ac diligentia superari potuit,

eaque de causa sicuti non tollit voluntarium, ita neque actum peccaminosum à se indirectè causatum excusat à culpa; & sic pariter conscientia ex vincibili ignorantia dictans licitum, quod est illicitum, nunquam potest esse regula rectæ operationis, neque ab operatione sibi conformi malitiam tollit; sive sit ignorantia juris h. e. legis prohibentis aut obligationis existentis, ut si ignores, si ne usura illicita, si ne iste articulus fidei, si ne impedimentum dirimens consanguinitatis in quarto gradu &c. ? sive sit ignorantia facti; ut si ignores, hunc, quem percutis, esse Clericum, hunc diem esse festivum, hanc fœminam esse consanguineam, hoc animal, quod vides, esse hominem, hunc reum in judicio esse innocentem &c. Invincibilis ignorantia sive juris sive facti est, quæ adhibito debito studio ac diligentia superari non potuit. De qua ad subsequendum notitiam meliorem occurrunt plura ponderanda.

Et primò quidem dari ignorantiam invincibilem facti in confesso esse apud omnes contra Guiliel. Paris, tract. de Legibus c. 21. citatum à Sairo thes. l. 2. c. 9. quia tunc datur invincibilis ignorantia, quando in mente nulla suspicio, dubietas, aut confusa saltem notitia oritur; sed in facto, vel aliqua facti circumstantia, etiam ad jus naturale pertinentibus hoc frequenter contingit, quæ cum in aliquo particulari & contingenti consistant, facili possunt hominis etiam sagacis notitiam fallere. Ita Jacobus, quantumvis sciret, jure naturali vetitum esse accessum ad fœminam non suam, non tamen peccavit, Liam sibi pro Rachele vera uxore suppositam cognoscens, quia nullam habuit rationem dubitandi, an illa esset

esset sua uxor. Ita secundum S. Th. 1. 2. q. 75. a. 3. qui patrem occideret, invincibiliter ignorans esse patrem, etsi non ab homicidio, à culpa tamen parricidii absolveretur.

Ita si quis innocenter emit rem furtivam, comedit aut comedendum apponit cibum venenatum, quando bona fide rem furtivam, aut cibum venenatum esse ignorat, & juxta hominum prudentium nec venditor de re, an sit furtiva, nec medicus de cibo, an sit venenatus, solet consuli, nec alia rationabilis causa dubitandi suboritur. Quo casu esse conscientia invincibilis dictamine operans, semper inculpate, imò si alia debita requisita adsint, honestè operatur, quippe cui malicia operationis per ignorantiam antecedentem redditur penitus involuntaria & necessaria, nec proinde aliqua lege (quæ pro materia requirit voluntarium liberum) hic & nunc vetita vel imputabilis; nullius enim crimen maculat nescientem, inquit S. August. tr. 89. in Jo. & non tibi deputatur ad culpam, quod invitus ignoras, sed quod negligis querere, quod ignoras. l. 3. de lib. arbit. c. 19.

3. Idem secundò dicendum de Juris positivi, Civilis, vel Ecclesiastici ignorantia: nam licet in foro externo non facile audiat, qui juris ignorantiam præterdit. Per Regul. 13. Juris in 6. ignorantia scilicet, non juris excusat, id tamen contingit solum ex præsumptione, quâ quis post debitam legum promulgationem non facile illas ignorare præsumitur. Nihilominus cum humanæ leges & statuta sint satis multa, quæ scire nec omnibus possibile est, nec necessarium, facile contingit, eorum aliqua, nullâ subortâ dubitatione ignorari, quam ignorantiam si quis legitime probet, ut si ostendat, se tempore factæ promulgationis absentem, furiosum vel amentem fuisse, etiam in foro externo audiendam & acceptandam fore colligit Sylvius ex c. cum in tua: qui matrimonium accusare possunt.

Unde hæc queque Juris ignorantia invincibilis à peccato, & censuris illam consequentibus excusat.

4. Tertiò satis receptum est, etiam Juris Divini positivi ignorantiam invincibilem dari, eamque excusare à peccato. Nam juxta D. August. tract. 89. in Jo. & epist. 10 ad Xystum. & Doct. Angel. 2. 2. q. 10. a. 1. doctrinam, datur infidelitas negativa in iis, qui vel inter infideles nati, & educati, vel Pastorum defectu aut negligentia, vel propriâ hebetudine de fidei nostræ mysteriis nihil audierunt, nihil intellexerunt, quæ infidelitas non est peccatum, sed pœna peccati (saltem originalis) quomodo enim credent ei, quem non audierunt? quomodo autem audient sine prædicante? Rom. 10. Ideo Christus Joan. 15. Si non venissem, inquit, & locutus fuisset eis, peccatum non haberent. Si opera non fecissem in eis, quæ nemo alius fecit, peccatum non haberent &c. Et D. August. loc. cit. in Joan. respondens, an, ad quos non venit Christus &c. habeant excusationem non de omni peccato suo, sed de hoc peccato, quo in Christum non crediderunt.

Rationem dedit idem S. P. sup. n. 2. Oppositam sententiam damnaverunt Sum. Pontific. Pius V. R. P. Alex. g. Theol. Schol. Tom. II.

Gregor. XIII. & Urbanus VIII. in hac propositione Bay. Infidelitas purè negativa in iis, quibus Christus non est prædicatus, peccatum est.

## § II.

An & quando dari possit invincibilis ignorantia juris naturalis?

Necquid negari potest, etiam dari invincibilem ignorantiam Juris seu legis naturalis: nam licet certum sit, non dari invincibilem ignorantiam in adulto, quoad universam naturæ legem, & quoad prima notissima & universalissima præcepta naturæ, quale est illud: Quod tibi non vis fieri, alteri ne feceris; de quo D. August. in Psal. 57. hoc & antiquam lex daretur, nemo ignorare permixtum est, ut esset, unde judicarentur, & quibus lex non esset data. Unde D. Th. 1. 2. q. 94. a. 6. de istis præceptis: quantum ad præcepta communia, quæ sunt omnibus nota, lex naturalis nullo modo a cordibus hominum deleri potest in universali: nihilominus magnum est discrimen inter præcepta naturæ, quæ ex iis moralibus notissimis principiis per discursum deducuntur. Nam aliqua ita facile & per se ex illorum notitia consequuntur, ut absque supina negligentia eorundem consequentia ignorari non possint: alia verò difficiliore discursu obscurius deducuntur, & vis consequentia non nisi à Sapientioribus penetratur, prout agnoscit S. D. 1. 2. q. 100. a. 11.

Primi generis præcepta absolute considerata saltem ad longum tempus (nam ad breve tempus fortè in pueris ad pleniorum usum rationis tardè venientibus etiam hæc præcepta invincibiliter ignorantur) ignorari non possunt: nam esto, quòd pravâ consuetudine furtum reputetur licitum, tamen modicâ discurrendi facultate ex illo notissimo principio: quod tibi non vis fieri &c. absque labore infertur: Non furtum facies. Dixi: absolute considerata: nam ut optime advertit Sylvius 1. 2. q. 76. a. 3. quæ. 2. Conclus. 3. Si illa quoque præcepta notabili circumstantia à peccato excusante afficiantur, ab aliquibus etiam longo tempore invincibiliter ignorari possunt, eò quòd ex tali circumstantia efficiantur obscura, quæ ex se clara videbantur. E.g. clarum est, mendacium, furtum, homicidium, perjurium esse peccata, sed non ita clarum est, sine peccato falsâ calumniâ falsam calumniam depellere, pejorare, mentiri ad servandam vitam propriam, amici, Principis, occidere seipsum ad vitanda tormenta gravissima, castitatem conservandam, interficere hominem sine spe vitæ cum gravissimis doloribus luctantem, & interfici rogantem, prout Amalecites Saulem interfecit.

Secundi generis præcepta in hominibus non tantum infidelibus, sed etiam fidelibus aliquando invincibiliter ignorantur, non enim ita sunt obvia, ut non etiam Sapientissimi aliquando de illorum veritate dubitent, vel omnino negent. Nam primò æquè Sapientissimus ac Sanctissimus P. Augustinus [referente Esparza append. p. 1. a. 2. & Herinck p. 2. disp. 1. q. 7. num. 60.] l. 1. de Serm. Dom. in monte, dicitur, an uxor à marito dimissa committat peccatum mortale, si alteri marito priori adhuc vivente copuletur? Dicit enim: Si autem dimittatur à viro, cum quo esse



*esse cupiebat, mœchatur quidem, qui eam duxerit secundum Domini sententiam, sed utrum & ipsa tali crimine teneatur incertum est.* Relato deinde miserabili casu, quod Antiochiæ debitor in vincula compactus à creditore mortem minitante, ni solveret, uxori suæ licentiam dederit, ut pareret sollicitationi hominis prædivitis, pecuniam pro mariti liberatione offerentis, si ipsa una nocte sui copiam faceret; non audet scæminam de adulterino concubitu condemnare: *nihil hic, inquit, in alteram partem disputo, liceat cuique estimare, quod velit.* Cassianus & Marulus [teste Sylvio quæst. 2. conclus. 4.] aliiq; tradiderunt, mendacium officiosum esse licitum. Durandus in 4. dist. 33. quæst. 2. Stando in jure naturali fornicationem non esse graviter veritam existimavit. Quid quod Jura quoque Civilia permiserint marito necem uxoris in adulterio deprehensæ, tanquam ex justa indignatione illatam, quæ in hoc puncto à Jure Canonico corriguntur? ut nil loquar de sapientioribus Ethnicis, è quibus Plato dicebat mendacio utendum esse tanquam helleboro, hoc est, tanquam remedio contra gravissimum, quod è confessione veritatis oritur, discrimen. Cicero de offic. l. 1. agnoscit licitam esse injuriæ illatæ vindictam. Et Tuscul. quæst. 1. fas esse sibi mortem consciscere ad graviorem miseriam declinandam. Ex quibus hoc fit manifestum, quædam præcepta juris naturalis non adeò perspicuè etiam à sagaciori intellectu è primis morum principiis derivari; ac proinde saltem à rudioribus, ad Christianæ legis, morumque instructione destitutis absque alia negligentia suæ culpa ignorari.

8. Confirmat eandem ignorantiam experientia Confessoriorum, qui deprehendunt, aliqua ab adolescentulis alioquin DEUM timentibus, ignoranter contra legem naturæ patrata, quorum scrupulus nonnisi post aliquod tempus & majorem judicii maturitatem suboritur. Vasq. disp. 122. c. 2. affirmat, visum à se rusticum, qui se opus pietatis committere existimabat, si ægrum mortis angoribus pressum, in alteram partem versaret, quò citius animam exhalaret; atque se sufficenti examine hunc errorem inculpabilem in rustico deprehendisse. Ipsemet in Scholis experimur difficultatem in usuræ, duelli, suicidii (ut vocant) malitiâ, perspicuè ex solutis objectionibus ostendendâ. Viguerunt pariter & vigent etiamnum inter sapientissimos Doctores gravissimæ controversiæ de veritatibus ad jus naturæ pertinentibus. Ita plurimi cum Doct. Angel. affirmant, reum ex privata Judicis sententia innocentem, secundum allegata & probata nocentem, licitè, imò obligatoriè, capitali sententia damnari: alii negant. Censuræ utrinque redimibilis à quibusdâ velut usurarius rejicitur, ab aliis ut justus & legitimus admittitur. Reum justè damnatum ad sumendum venenum, ad pugionem pectori insigendum, posse tanquam executorem justæ sententiæ propriâ manu applicare venenum calicem, insigere pugionem pectori cum Haynoldo defendunt plures graves Doct., alii contrâ negant. Olim ante Concilii Lateran. declarationem sess. 10. magna erat disceptatio, num montes pietatis essent liciti, vel

usurarii &c. Et quis alterutrius partis Doctores culpabili errori subiciat, nihil temerè sed rationibus utrinque maturo judicio expensis suâ opinionem pronuntiantes? quod tamen est faciendum iis omnibus, qui juris naturalis invincibilem negant ignorantiam.

Adde varia absurda. Nam quæ ampliùs inter rudiores erit securitas in ineundis contractibus, si quantumvis approbent viri docti, Pastores, Doctores & licitum censeant, tamen fieri possit, ut à parte rei contractus sit illicitus, & juri naturæ contrarius? tunc enim nec contrahentem, nec consulentes bona fides & ignorantia excusabit, quin culpabiliùs legem naturæ ignoraverint, adeoque peccârint. Sed neque Theologi poterunt ampliùs casus resolvere, neque Judices sententiam ferre, ne alios involvant periculo agendi contra jus naturæ, quod per Adversarios nemini invincibiliter ignorare concessum est. Datur ergo etiam juris naturalis invincibilis ignorantia, quippe quæ humano studio superari non semper potest.

### §. III.

#### *Propugnatur inculpabilis ignorantia juris naturalis contra Janjenium.*

Hinc consecutè inferitur contra Janjenium 10. Sinnichium in Saule Ex- Rege n. 360. & seqq., & scititum illum Theologum Salisburgensem Wendrochium, invincibilem ignorantiam juris naturalis modò assertam, esse *inculpabilem*, & à peccato formali excusare. Ad rationem namque peccati pertinet voluntarium & liberum; sed transgressio legis naturalis invincibiliter ignorata nec est voluntaria, nec libera: ergo non est peccatum. Major est implicitè definita à Pio V. Greg. XIII. & Urbano VIII. damnantibus hanc propositionem Bay nostræ contradiçtoriè oppositam, *Ad rationem & definitionem peccati non pertinet ratio voluntarii*: Et istam: *Homo etiam peccat damnabiliter in eo, quod necessario facit.* Est etiam Divi Augusti pluribus locis. In lib. de 2. animab. refert illam propositionem tanquam omnibus notam & decantatam. *Nemo peccat in eo, quod visare non potest.* Et l. 3. de lib. arbit. supra cit. c. 19. quem locum allegat, simulque disertè hanc sententiam tradit D. Th. q. 7. de pot. a. 7. a. 3. his verbis: *Dicendum, quod ignorantia, quæ est omnino involuntaria, non est peccatum. Et hoc est, quod Augustinus dicit, non tibi imputatur ad culpam, si invisi ignores.* Rursus idem D. Augustinus l. de verit. Relig. c. 14. *Usque adeò, inquit, peccatum voluntarium est, ut nullo modo sit peccatum, si non sit voluntarium. Et hoc ita manifestum est, ut nulla indoctorum turba dissentiat.* Accedit, quòd juxta Trid. Sess. 6. can. 6. *si in potestate hominis vias suas malas facere, neque DEUS præcipiat impossibilia*: sed evitare id, quod invincibiliter ignoratur, non est in hominis potestate, neque proinde à DEO præcipitur: ergo, si homo ex illa invincibili ignorantia operetur, non facit vias suas malas, neque Divino præcepto [formaliter] contrariatur. Major est certa, quia quod nullo modo cognitum, illud non est liberum aut voluntarium: ipso assentiente Janzenio l. de grat.

Christi



Christi c. 36. & illud solum dicente *esse in nostra libera potestate, quod sit a voluntate cum plena advertentia rationis.* Unde in Tract. de Ad. hum. dictum: per ignorantiam invincibilem causari involuntarium simpliciter.

- II. Hinc colliges, falsam esse causalem Jansenii, quod ideo ignorantia Juris naturalis sit potius peccatum, quam ignorantia Juris positivi, quia illa est pena peccati originalis, non ista. Nam primo: non minus ignorantia juris naturalis potest esse invincibilis, quam juris positivi: sed hæc non est peccaminosa, quia ratione invincibilitatis est antecedens, necessaria, involuntaria: ergo nec illa. Secundo, etiam ignorantia juris positivi est quoddam vulnus intellectus, & miseria naturæ: ergo & ipsa est pena & effectus originalis peccati. Tertio, ignorantia legis Evangelicæ est ignorantia juris positivi: sed in infidelibus negativæ, qui nihil audierunt de Evangelii prædicatione, infidelitas est pena originalis peccati: ergo aliqua ignorantia Juris positivi est pena originalis peccati. Quarto, lequeretur, hanc ipsam infidelitatem negativam, uti & motus concupiscentiæ, consensum rationis prævenientes, imò & eidem repugnantes esse peccata, cò quod sint pena & effectus peccati originalis, quorum utrumque est contra definitionem Ecclesiæ, & doctrinam D. August. ac D. Thomæ. Nam quod infidelitas negativæ non sit peccatum, definiunt Summi Pontifices sup. n. 3. relati: docuit quoque D. August. epist. 10. dicens: *In illis, qui non audierunt, neque potuerunt, pena peccati est non credere, non autem peccatum.* Et D. Th. 2. 2. q. 10. a. 1. *Si infidelitas accipiat secundum negationem veram, sicut in illis, qui nihil audierunt de fide, non habet rationem peccati, sed magis pena: quia talis ignorantia ex peccato primi parentis consecuta est.* De concupiscentiæ motibus Trid. Sess. 1. c. 5. *Concupiscentiam nocere non posse non consentientibus.* D. August. l. 1. De civitate cap. 25. *Illa concupiscentialis inobedientia, quanto magis absque culpa est in corpore non consentientis, si absque culpa est in corpore dormientis?*

12. Si quando igitur Scriptura, vel PP. ignorantiam peccatum appellant, id faciunt vel nomine peccati metonymicè significando effectum peccati (quo sensu scimus concupiscentiam ab Apost. peccatum appellari) ut agnoscit D. Augustinus l. 3. de lib. arbit. c. 19 dicens: *Non solum peccatum illud dicimus, quod proprie vocatur peccatum, libera enim voluntate, & a scientie committitur* ] sed etiam illud, quod jam de huius supplicio consequatur, necesse est. Vel est sermo de peccato materialiter, non formaliter accepto: vel intelligitur ignorantiam vincibilem, & consequentem, de qua D. Bernard. epist. 77. *Multa scienda nesciuntur, aut sciendi incuria, aut sciendi desidria, aut vecordia inquirendi, & quidem ejusmodi ignorantia non habet excusationem.* Ideo, cum Levit. 5. præcipiuntur Sacrificia à Pontifice offerenda pro sua & populi ignorantia. Cum David Psal. 24 orat: *Delicta juventutis meæ, & ignorantias meas non memineris.* Cum Lucæ 12. ignorantibus pena indicitur: *Qui non cognovit, (voluntatem Domini) & fecit digna plagis, vapulabit paucis, de vincibili adeoque culpabili*

R. P. Mezg. Theol. Schol. Tom. II.

ignorantia Scriptura loquitur: prout hunc Lucæ textum exponit Theodoretus à D. Thoma in Catena super Lucam relatus. *Sed cur puniuntur ignorans? quia, cum ipse potuisset, noluit, sed pigritans ipse fuit ignorantia sua causa.*

#### §. IV.

##### Solvuntur Objectiones.

Opponit tamen Wendrothius primò celebre illud effatum Angel. Doct. quodl. 3. a. 10. *Nullus excusatur, si sequatur erroneam opinionem alicujus magistri, in talibus enim ignorantia non excusatur.*

Secundò. Illud Tertull. de spectac. c. 20. *Nunquam excusatur, quod DEUS damnat, Nusquam & nunquam licet, quod semper & ubique non licet. Hæc est veritatis integritas, &c. omnia penes veritatem DEI fixa sunt.*

Tertio. Felix III. Pontifex Max. affirmat, non esse in hominum potestate, contra legem æternam agentes peccato liberare: ita enim inquit epist. 7. *Quod se decipit ipse, quia fallit, nihilque per nostram facilitatem tribunalis excelsi judicio derogari, cui illa sunt rata, quæ pia, quæ vera, quæ iusta sunt.*

Quartò. Augustinus epist. 104. *Si quis bonum putaverit esse, & nod malum esse, hæc putando nitiqne peccat.* Et: *Ea sunt omnia peccata ignorantia, quando quis bene fieri putat, quod male fit.* Unde Gratianus 1. quæst. 4. *Ignorantia Juris naturalis omnibus adultis damnavilis est.*

Quintò. August. Serm. 44. de diversis c. 6. *Nisi quis secundum justitiæ regulam direxerit actus suos, in errorem iniquitatis impingitur.* Subjicitur: sed qui ex ignorantia aliquid agit contra legem DEI, non dirigit actus suos secundum justitiæ regulam: ergo in errorem iniquitatis impingitur.

Sextò. Illud: *Iustus ex fide vivit.* Rom. 1. omne, quod non est ex fide, peccatum est. c. 14. quibus significatur [exponit Wendrothius] tum demum iustas ac vivas hominis adiones, cum lumine fidei diriguntur, malas esse, si non diriguntur. Sed qui falsam opinionem sequitur, ratione fortasse vivit, fide non vivit, quia fides falsa, fides non est, inquit D. Bernard.

Septimò. Nil crebrius in S. Scripte, quam quòd omnes via DEI veritas, Psal. 118. alia esse judicia DEI, alia hominum. *Esse viam, qua homini videtur recta, cuius novissima ad mortem deducunt.* Proverb. 16. Christus ipse Jo. 12. Sermo, quem locutus sum, ipse judicabit eum in novissimo die. Quæ omnia ostendunt, vitam non ad humanas opiniones, sed legis Divinæ normam exigendam, nec excusandum fore, qui propriâ perluasione in ignorantiam & errorem abductus à semita æternæ veritatis deflexerit.

Respondedo. Omnia hæc argumenta nimium 14. probare, ipsismet adversariis solvenda: Probant quippe, nec juris positivi, præsertim Divini ignorantiam à peccato excusare. Et ad 1. constat S. D. loqui de vincibili erronea opinione, non tantum Juris naturalis, sed fidei, cujus falsitas ex recurlu ad S. Scripte, & Ecclesiæ auctoritatem deprehendi potuit, ut patet ex sequentibus ipsius verbis: *Qui ergo assentit opinioni alicujus magistri*

P 2

contin

contra manifestum scripturæ testimonium, siue contra id, quod publice tenetur secundum Ecclesiæ auctoritatem, non potest ab erroris vitio excusari.

15. Ad secundum. Locus ille Tertulliani tantum probat, legem naturalem esse immutabilem, ex quo tamen non sequitur, ad culpam imputari, quod ex invincibili ignorantia contra illam committitur: tale enim factum nec DEUS damnat, qui non aliter ad sequendam suam legem nos obligat, nisi quantum illa per rationem est intimata atque proposita.

Ad tertium. Felix Papa sufficienter declarat, sibi de vincibili falsitate sermonem esse, cum illam facilitatem, h. e. nimis facilem credulitatem & assensum appellat.

Ad quartum. D. Augustinus seipsum in textibus supra allegatis satis explicat, & de vincibili ignorantia intelligendum insinuat. Idem dixeris de sententia Gratiani, quamvis etiam videatur juris naturalis nomine intelligere prima vel notissima morum dogmata, quæ nec vincibiliter, nec inculpate ignorari, ultro concedimus.

16. Ad quintum nego, quod, qui cum invincibili errore contra naturæ legem operatur, non diri-

gat actus suos secundum iustitiæ legem, cum non alia sit operantis intentio, quam velle operari, quod omnibus bene pensatis hic & nunc Divinæ iustitiæ & regulæ consentaneum arbitrat: quamvis in istius regulæ applicatione ipsum falli contingat.

Ad sextum: si quid ille locus Apostoli in præ-<sup>17</sup> sens probaret, etiam illud hæreticum dogma probaret: Omnes infidelium operationes esse iniustas & peccaminosas, quippe influxu fidei destitutas. Primus igitur locus plus non probat, quam primum vitæ spiritualis initium fidem esse. Alter locus sequenti articulo exponetur.

Ad septimum. Haud dubie alia sunt judicia DEI, quam hominum, siue homo vincibiliter siue invincibiliter, siue in materia Juris naturalis, siue positivi à regula Divinæ legis exorbitet; hoc tamen discrimine, quod invincibili errore aliud est iudicium DEI tam de materiali, quam de formali bonitate operationis; in errore verò invincibili est aliud tantum quoad materiale ejus bonitatem, non autem formalem, estque proin-  
diforme iudicio hominis speculativo, non autem practice practico.

## ARTICULUS III.

### *Quæ sit obligatio Conscientiæ rectæ & erronea?*

#### SUMMARI A.

1. Conscientia semper obligat negativè.
2. Erronea obligat per accidens.
3. Invincibiliter erronea positivè, vincibiliter erronea tantum obligat negativè.
4. Quid in casu, quo conscientia vincibiliter erronea dicat esse peccandum?
5. Perplexitas orta ex conscientia vincibiliter erronea non excusat à peccato.
6. Disparitas inter iudicium conscientia vincibiliter & invincibiliter erroneæ.
7. Agere contra conscientiam non est speciale peccatum.
8. Conscientia proponens obligationem sub veniali excusat à mortali.
9. Quid si Conscientia proponat objectum sub generali ratione prohibiti?
10. Perplexitas ex invincibili errore excusat à peccato.
11. Obligatio Conscientiæ est indispensabilis.
12. Magis obsequendum Conscientiæ, quam præcepto Superioris.

#### §. I.

##### *Discrimen inter obligationes Conscientiæ.*

1. Conscientiam consulentem, quæ dicat aliquid agendum, vel omittendum per modum consilii, nullam parere obligationem, certum est. Atqui, cum Conscientia dicat aliquid tanquam ex præcepto faciendum, vel omittendum, siue sit recta, siue erronea, semper obligat, ne quis contra ipsam operetur. Ita S. D. 1. 2. q. 19. a. 5. universaliter affirmans: Omne, quod est contra Conscientiam, peccatum est. Et quodl. 3. a. 27. Omnis conscientia siue recta, siue erronea, siue per se malis, siue indifferentibus est obligatoria, ita ut,

qui contra Conscientiam facit, peccet. Probat ex Apostolo Rom. 14. dicente, omne quod non est ex fide, peccatum est. Ubi ex S. D. & communi Interpretum acceptione ly ex fide, idem est, quod ex dictamine Conscientiæ: neque enim Apostolus loquitur ex fide Divina, speculativa, supernaturali [ ut testatur Tirinus allegans in hunc sensum S. Chrysostomum, Ambrosium, aliosque PP.] sed humana, morali, particulari, hoc est, illa credulitate & assensu practico, quo mihi persuadeo, id licere, quo hic & nunc tali modo operor. Loquitur namque Divus de Conscientia erronea quorundam Neo- Christianorum, qui cibos Judæis in antiqua lege prohibitos, etiam sibi in nova lege interdictos existimantes, iisdem nihilominus vesciebantur.

Ratio est: quod lege naturali cautum sit, ne quis operetur contra præceptum DEI, quod revera est, vel esse existimatur, & hoc ipso hominem peccare necesse sit, si eligat objectum sibi propositum tanquam moraliter malum; sed quisquis agit contra conscientiam, agit contra præceptum DEI, quod revera est, si conscientia sit recta, vel tale existimatur, si conscientia sit erronea: ergo peccat contra legem naturalem secundo objectum, quod sibi hic & nunc inhonestum, & vetitum apparet.

Est tamen duplex valde notabile discrimen inter 2. obligationem conscientia rectæ & erroneæ. Nam primò: Recta (inquit S. D. q. 17. de Verit. a. 4.) ligat simpliciter, & per se, erronea autem secundum quid, & per accidens. Dico autem ligare simpliciter, quia ligat absolute, & in omnem eventum: erronea ligat ex suppositione, & sub conditione, quod credatur esse recta.

Secun-

3. Secundò, Recta & invincibiliter erronea non tantùm obligat negativè, h. e. ne agamus contra conscientiam, sed positivè, ut illam sequamur, & faciamus, quod illa præcipit: atqui vincibiliter erronea tamen obliget negativè modo prædicto, non tamen obligat positivè, ut illam sequamur, & faciamus, quod illa præcipit, prout contra Medinam Jo. à S. Th. Ildefonsi, Cæsaraug. bene docet cum D. Bonavent. Vasquez, Valentia, Tannerus, Sylvius q. 19. a. 5.

Ratio differentie est, quòd in conscientia recta & erronea invincibili non datur medium inter positivè operari juxta conscientiam, & operari contra conscientiam, ideoque quisquis obligatur non operari contra conscientiam, hoc ipso debet operari juxta dictamen illius conscientie. In conscientia verò vincibiliter erronea datur medium inter operari juxta conscientiam, & non operari contra conscientiam, nempe deponere conscientiam. Unde, tamen habens conscientiam vincibiliter errantem teneatur non agere contra illam, non ideo tamen tenetur illam sequi, sed deponere. Aliàs certè quis posset obligari lege ad actum imprudentem, formaliter vitiosum, quod est impossibile; tum quia DEUS esset moralis causa formalis malitiae; tum quia talis actus esset conformis, & non conformis legi Divinæ; conformis, quia consonus obligationi legis Divinæ; non conformis, quia formaliter malus, adeoque difformis. Sequela probatur. Actus, quo quis sequitur conscientiam vincibiliter errantem, est imprudens & formaliter inhonestus: sed si conscientia vincibiliter erronea positivè obligat, ad est obligatio legis Divinæ ad talem actum hic & nunc operandum, siquidem conscientia non obligat nisi in virtute legis Divinæ, seu quædam intimatio, & participatio ipsius: non enim conscientia dicitur, aliquid esse faciendum hac ratione, quia sibi videtur; sed hac ratione, quia à DEO præceptum est, ait Angelicus Doctor in 1. dist. 39. a. ult. ad 3. ergo in hac hypothesis lege Divina obligat ad actum imprudentem formaliter malum & vitiosum.

## § II.

## Solvuntur Objectiones.

4. Obijcies, Sit invincibiliter erronea conscientia, quæ dicitur esse pejerandum ad servandam vitam proximi; per hanc obligatur aliquis ad non agendum contra illam; ergo obligatur ad non omittendum perjurium: sed non omisio perjurii est ipsum perjurium: ergo obligatur positivè ad ipsum perjurium.

Respondeo distinguendo majorem: obligatur ad non agendum contra conscientiam indeterminatè vel sequendo conscientiam, vel agendo quod conscientie opponitur, concedo; tantùm determinatè omittendo rem præceptam, nego: ergo obligatur ad non omittendum perjurium, nisi sit obligatus ex parte conscientie, ad illam deponendam, concedo; secus, nego hanc alteramque consequentiam.

Igitur, cum dicimus, teneri quemlibet non agere contra conscientiam, volumus, quòd sit obligatus, ne simul habeat conscientiam prohibentem & actum oppositum, vel conscientiam præci-

pientem, & omissionem rei præceptæ: ideoque si conscientia non potest deponi, obligatio non agendi contra conscientiam tota est ex parte actus præcepti, vel prohibiti. Cum verò potest & debet deponi, tum obligatio se tenet ex parte conscientie deponendæ, non actus ponendi.

Nec refert, quòd hac ratione homo in vincibili ignorantia constitutus foret perplexus, & necessitatus ad peccandum; quia, si pejeret ad servandam vitam proximi, si non pejeret, peccabit, inde violando præceptum non pejerandi, hinc agendo contra conscientiam. Hæc enim perplexitas non est simpliciter sed secundum quid, & necessitas peccandi non est nisi consequens, & ex suppositione malitiosæ voluntatis, conscientiam errantem, cum posset, deponere nolentis: quo modo etiam parochus potest necessitatem peccandi incurere, si, cum ex iustitia vel charitate tenetur administrare Sacramentum, nolit se per præviam dispositionem in gratia statum [à quo excidisse se meminit] reponere: tunc enim, si administrat, si non administrat Sacramentum, peccabit; illa quippe necessitas, cum sit consequens ex suppositione prævæ voluntatis, operantem à peccato non excusat.

Inquis. Non minùs iudicium rationis invincibiliter, quàm vincibiliter errantis est contrarium legi Divinæ, dum ista prohibet v. g. perjurium quod illud præcipit; utraque verò conscientia si vincibiliter siue invincibiliter erronea proponit obiectum tanquam præceptum vel prohibitum Lege Divina: Unde S. D. q. 19. a. 5. ad 1. *Quamvis rationis errantis iudicium non derivetur a DEO, tamen ratio errans illud suum iudicium proponit tanquam derivatum à DEO*: ideoque conscientia erronea etsi non per se, per accidens tamen obligat in virtute præcepti Divini: ergo vel utraque conscientia, vel neutra obligat positivè.

Respondeo disparitatem esse utrinque: nam rationis invincibiliter errantis iudicium speculativum quidem discordat à lege Divina, non autem practicum: at rationis vincibiliter errantis iudicium tam speculativum quàm practicum à lege Divina discordat. Dictamen conscientie invincibiliter erroneæ est prudens & practice verum, ideoque in virtute præcepti Divini ad talem materiam prævio iudicio speculativo erroneè applicati, positivè per accidens obligat. Dictamen verò conscientie vincibiliter erroneæ est imprudens, & practice falsum, nec proinde etiam per accidens in virtute præcepti Divini ad se positivè sequendum obligare potest. Utraque quidem conscientia proponit suum obiectum tanquam lege Divina præceptum, aut verum; sed invincibiliter erronea prudenter, altera imprudenter. Ideo Lex Divina dicitur quidem contrarium illius, quod dicitur conscientia invincibiliter errans, materialiter & speculativè, non autem formaliter & practice sumpta: Non enim errat formaliter obiectivè, seu quantum ad rationem formalem, errat autem quantum ad materiale, inquit S. D. q. 17. de verit. a. 4. Errat, inquam, conscientia dicens, pejerandum ad servandam vitam proximi, quod est iudicium speculativum & materiale; non errat, iudicans se per hoc, implendo



plendo præceptum charitatis, honestè operari, quod est iudicium formale & practicum, attingens observantiam legis tanquam rationem formalem obiecti: sub priori ratione non est à DEO, nec derivatur à lege Divina: sub posteriori est à DEO & lege Divina, quæ præcipit, legi obsequendum.

## §. III.

*Conscientia.*

7. **T**ransgressio tamen huius obligationis, quam conscientia inducit, seu agere contra conscientiam, non est speciale peccatum, distinctum à transgressione præcepti, quod per conscientiam observandum proponitur: e.g. conscientia dicitur, esse sacrum audiendum ex præcepto Ecclesiastico; non audiendo Sacrum non committis duo peccata, sed unum contra præceptum Ecclesiæ per conscientiam propositum.

Ratio est primò: quia generalis conditio, quæ pleraque peccata comitatur, non causat distinctam malitiam: sed agere contra dictam conscientiam est generalis quædam conditio, quæ comitatur omnem actum peccati directè, & voluntarium formaliter: ergo.

Secundò: quia promulgatio, intimatio, & applicatio legis non constituit distinctum præceptum, aut speciem moris ab ipsa lege, quæ per illam proponitur: sed conscientia est quædam promulgatio & intimatio præcepti, siquidem ipsa ostendit & dicitur, quidnam sub præcepto sit faciendum, vel omittendum: ergo ipsa non constituit distinctam obligationem vel præceptum ab illo, quod observandum proponitur, adeoque ipsius transgressio non causat distinctum peccatum. Ideo species malitiæ moralis in peccato contra conscientiam defumenda est à specie obiecti, circa quod actus versatur, e.g. non audiendo Sacrum, quod ex præcepto esse audiendum monet conscientia, peccas contra virtutem religionis, sub cuius motivo illud audiendum præcipitur: non pejorando ad servandam vitam proximi, cum jubet conscientia erronea, peccas peccato homicidii contra charitatem proximi, cuius obligatio tibi hic & nunc per conscientiam proponitur.

8. Hinc etiam contingit, ut, si conscientia proponat alicujus præcepti obligationem sub mortali, agere contra conscientiam sit mortale; si sub veniali, sit veniale peccatum: nisi per vincibilem errorem levis obligatio videatur, quæ de se gravis est; tunc enim agens contra conscientiam non excusabitur à mortali.

9. Sed quid si conscientia representet obiectum sub generali ratione prohibiti & mali, nil determinando, effictne graviter vel leviter, mortaliter vel venialiter malum, an tunc mortaliter vel venialiter peccabit, qui contra conscientiam operatur? Navarrus & Valentia existimant, peccari solum venialiter, eo quod apprehensio malitiæ in genere sit apprehensio malitiæ adhuc imperfectæ in genere mali. Alii, ut Vasquez, Sairus verisimiliter censent, peccari mortaliter; quia, qui

taliter operatur sine ulteriori discussione, & examine malitiæ, temerè se committit periculo peccandi mortaliter. Nihilominus videtur esse attendendum ad duo: primum est, an operans in confuso saltem suspicatus fuerit aliquod periculum gravioris peccati? Alterum, an soleat frequenter peccare mortaliter, fueritque constitutus in ea animi propensione, & præparatione, ut, licet adverteret gravitatem peccati, nihilominus opus præstiturum perficeret; & tunc agere contra conscientiam, erit peccatum mortale, quia taliter operans est paratus committere peccatum qualecunque sit, sive mortale, sive veniale; atque hoc ipso se committit probabili & proximo periculo peccandi mortaliter, & amittendi amicitiam Divinam. Si verò operans sit timoratur conscientia, & soleat abhorre à gravibus offensis DEI, nec ipsi aliqua suspicio gravioris offensæ in mentem venit, non esset ideo condemnandus peccati mortalis, quod contra conscientiam fecerit, siquidem in his circumstantiis non censetur se voluisse committere proximo periculo peccandi graver.

In casu autem perplexitatis, quo per invincibilem errorem utraque pars contradictionis iudicatur esse prohibita & peccaminosa, e.g. si parochus post Sacrum jam celebratum adveniente magna populi multitudine, & die festivo Sacrum expectante, iudicet utrumque esse malum, & populum dimittere sine Sacro, & Sacrum iterare, non peccabit eligendo alteram partem, in qua putat minorem malitiam reperiri; tunc enim debet sequi illam regulam, quod è duobus malis minus est eligendum: & defectu sufficientis libertatis ad evitandum peccatum, electio illius partis ad peccatum non poterit imputari.

Ceterum tanta est Conscientia vis obligandi, ut agere contra conscientiam (1) nec Divinitus sit dispensabile: & (2.) cum propria conscientia dicitur aliquid oppositum præcepto Superioris, potius conscientia, quam præcepto sit obsequendum; nisi forte conscientia sit vincibiliter erronea, & ex illo principio, tutum esse sequi mandatum Superioris, facile deponi possit.

Ratio primi est: Quòd in re intrinsecè mala DEUS dispensare non potest: atqui agere contra conscientiam est intrinsecè malum, quia est velle obiectum cognitum sub ratione mali. Implicat etiam, DEUM simul obligare, & deobligare. Obligaret autem per conscientia dictamen, deobligaret per dispensationem, si daretur.

Ratio secundi est: quia obligatio legis Divina præponderat obligationi præcepti & legis humanæ: *Obedire enim DEO oportet magis, quam hominibus.* Act. 5. nec Legislator inferior derogare potest legi Superioris: sed obligatio conscientia est virtualiter obligatio legis Divina: Ergo præponderat præcepto humano Superioris; dixi tamen: *nisi sit conscientia vincibiliter &c.* Quia cum subditus habet conscientiam vincibiliter erroneam, ut plerumque contingit, quoties præceptum Superioris non continet manifestum errorem, tenetur illà deposità Superioris mandato se conformare.



## DISPUTATIO XII.

DE

## De Conscientia dubia.

**D**uo hîc veniunt potissimum ponderanda. Primum est, an cum conscientia dubia sit licitum operari? alterum, quibus modis, & è quibus principiis conscientia dubia deponi possit? ubi plura incidunt, quæ ad noticiam sequentium de conscientia probabili viam sternunt.

## ARTICULUS I.

*An & quando liceat operari cum conscientia dubia?*

## SUMMARI A.

1. Divisio dubii in negativum & positivum.
2. In speculativum & practicum.
3. In dubium Juris & facti.
4. In vincibile & invincibile.
5. Licet operari cum conscientia speculative dubia.
6. Non licet operari cum conscientia practice dubia.
7. Solvuntur objectiones Poncii.
8. Quid agendum practice dubitanti?
9. Quid scrupulosa.

## §. I.

*Quid & quotuplex sit conscientia dubia?*

1. **D**ubiam conscientiam illam tantum appellamus, quæ in neutram partem contradictionis assensu determinato inclinatur. Unde etiam tantum improprie, vel inchoative conscientiam esse supra diximus. Dividitur juxta varias dubii divisiones: Sicque primò dubium aliud est negativum, aliud positivum. Negativum est, suspensio judicii proveniens ex defectu medii & rationis probabilis est ex utraque parte, uti in speculativis est, an alia sint paria: in practicis, si ne hora noctis duodecima obligans ad jejunandum? si ne recitatur hora Canonice, quando ex præcedenti crapula non recordaris pridie actorum &c. Positivum est, suspensio judicii proveniens ex æqualitate mediorum, seu motivorum pari pondere in utramque contradictionis partem inclinantium, ita ut intellectus velut in æquilibrio pendens, neutri parti determinatè assentiat: ut si propter oppositas rationes Doctorum dubites, si ne licitum, habere plures præbendas, nec ne? & neque ausis affirmare esse licitum, neque illicitum.

2. Secundò. Dubium aliud est speculativum, aliud practicum. Speculativum dicitur, non quòd aliquo modo non sit practicum, sed quia modo magis universali procedit, non determinando ipsum exercitium operis, cum omnibus circumstantiis consideratum, à quibus exercitium operationis hic & nunc dependet. Practicum est de operatione prout hic & nunc exercenda. E.g. dubitas absolute, si ne licitum die jejunii comedere ova, laetitia? speculative dubitas. Si dubitas, an tibi in hac provincia, hoc loco, itinere, in hoc servitio, occupatione, occasione constituto id liceat? practice dubitas. Constat autem frequenter, ut cum dubio specula-

tivo consistat conscientia certa de rectitudine suæ operationis, quando operatio separatim à determinatis circumstantiis accepta non esset certò licita, sit autem licita ex accessu novæ rationis, vel circumstantiæ, velut rectè advertunt Cajetanus, Medina contra Vasquez. Sic enim, quod est speculative illicitum, sit practice licitum ex superventu novæ circumstantiæ: e.g. Davidi ob extremæ necessitatis circumstantiam fas erat comedere panes propositionis, quos alioquin Laicis lex interdixerat. Eadem circumstantia licitam reddit administrationem Sacramentorum in materia dubia, aliàs vetitam. Pari ratione, quod est speculative dubium an liceat, ex novæ rationis, fundamenti, circumstantiæ accessu certum potest fieri, quòd liceat. Sic miles potest habere dubium speculativum, an bellum, quod à suo principe geritur, sit justum, & interim practice certò judicare sibi licitum esse, principi ad bellum vocanti parere, cum ipse non sit, determinare, an bellum sit justum. Judex speculative dubitans, an liceat secundum allegata & probata damnare, quem scit innocentem, practice potest formare judicium, id sibi licere, quia hoc cum S. Doctores sentiunt esse licitum plurimi docti & graves Auctores.

Tertio. Dubium aliud est juris, & aliud facti. Dubium juris est, cum dubitatur de Lege, censura, impedimento, obligatione, licetitate, valore actus, &c. e.g. si ne talis contractus usurarius; si ne testamentum validum, professio legitima, &c. Dubium facti est, cum dubitatur de existentia actus, vel circumstantiæ alicujus, an v.g. emisseris votum, confesseris deiectioni, fueris confessus peccatum, recitaveris horas, &c. Sæpius tamen questio ac dubium facti intermiscetur dubio juris. Nam questioni, an lex obliget, admiscetur illa facti, fueritne promulgata: Questioni de validitate dispensationis admiscetur illa, an Summus Pontifex fuerit veraciter informatus: Questioni de validitate Professionis, an habuerit ætatem præscriptam: Questioni, an obligeris præcepto jejunii aut impleveris annum 21. &c.

Tandem dubium omnibus istis modis acceptum vel est vincibile, quod adhibita diligenti inquisitione deponi potest; vel invincibile, quod post diligentem inquisitionem deponi & veritas certa obtineri non potest.

## §. II.

*Resolutio quaestionis.*

5. **CONCLUSIO PRIMA.** *Licet operari cum conscientia speculative dubia, quando dubio speculativo subnectitur iudicium practice certum de honestate operationis. Ita communis DD.*

Ratio est: Quod toties quis licite operatur, quoties prudenter iudicat, se licite & honeste operari: Sed potest quis habens dubium speculativum de honestate operationis adhuc prudenter iudicare, se licite & honeste operari, ut patet ex instantia militis §. Superiori adducta: Ergo. Licet enim dubium practicum regulariter & per se loquendo oriri solear ex dubio speculativo, tanquam proprietas ex essentia, & virga ex radice, & effectus ex causa, & propositio subalternata ex subalternante; e. g. Si dubitas speculative, an sit licitum iter agere die festivo, etiam per se loquendo practice dubitabis, si tibi hoc festivo die licitum iter agere. Dubitas speculative, an res sit tua? etiam dubitabis practice, an illam hic & nunc licite retinere possis. Nihilominus ex speciali ratione, titulo, circumstantia aliquando dubium speculativum, eiusve influxus in dubium practicum per accidens tollitur: ita miles, non obstante dubio speculativo de iustitia belli, ex speciali ratione, quod, cum ipse non sit hoc dubium determinare, stare possit iudicio Principis vel Reipublice, format certum iudicium, sibi hic & nunc licitum esse bellare. Possessor non obstante invincibili dubio, num res sit sua, format certum iudicium ex titulo possessionis, sibi licitum esse rem illam retinere. Medicus cum dubio speculativo, num medicina sit profutura, parochus cum simili dubio, num materia sit valida, uterque certo iudicat, sibi hic & nunc licitum esse applicare medicinam, materiam dubiam, emergente speciali circumstantia necessitatis præbente novum & certum fundamentum discursui practico: in casu necessitatis potius est adhibendum probabile & dubium medium, quam negligenda salus proximi. Sic ergo.

6. **CONCLUSIO SECUNDA.** *Nunquam licet operari cum conscientia practice dubia. Ita communis DD.*

Et ratio est primò: Illa operatio non est honesta & licita, cui deest proxima prudentialis regula honestatis moralis, unde Apost. cit. dixit, *quod non est ex fide*, hoc est, actuali consensu & credulitate, quod aliquid sit licitum, *peccatum est*: Sed operationi, quæ exercetur ad practice dubitante de honestate ipsius, deest illa regula proxima, ut patet: Ergo.

Secundò: Committere se proximo periculo peccandi est intrinsece malum, juxta illud Eccles. 3. *Qui amat periculum, peribit in illo*: eodem quoque præcepto, quo prohibetur aliquod opus, prohibetur pariter occasio proxima ipsius: sed practice dubitans committit se proximo periculo peccandi; neque enim est securus, an hic & nunc non offendat DEUM: cum non habeat majus fundamentum credendi, se DEUM offendere, quam non offendere: ergo exercet operationem intrinsece malam.

Tertiò. Dubitanti de honestate operationis, malitia ipsius est interpretivè voluntaria; nam perinde ipsi est, sive adio sit honesta, sive turpis; & qui eligit operationem, interpretativè eligit & vult illa, quæ prævidet posse comitari vel consequi talem operationem: Sic, qui eligit lufum, dubius de lucro vel damno, censetur interpretativè esse contentus, sive lucretur, sive perdat. Agrotus sumens medicinam, & dubius, si tene profutura, vel obfutura, censetur esse contentus, cuique imputatur, si medicina potius obsit, quam profuit.

Tamet si talis operatio esset planè per accidens: neque honestas objecti refunditur in operationem, nisi sit directè volita, ut communiter docetur in Tract. de Act. humanis.

Obijcit tamen Poncius in 2. dist. 39. q. 2. a. 1. 7. Dubium speculativum potest consistere cum licita operatione: Ergo & practicum.

Secundò. Nulla cognitio sufficit ad malè operandum, nisi quæ proponit objectum ut malum: Sed conscientia practice dubia objectum non proponit ut malum: Ergo non sufficit ad peccandum.

Tertiò. Non peccat, qui eligit operationem minùs probabiliter licitam: ergo neque peccat, qui eligit operationem dubie licitam. Consequentia probatur: operatio minùs probabiliter licita apparet magis illicita quam licita, turpis quam honesta: at operatio dubie licita tantum apparet vel æqualiter, vel nullo modo licita: ergo si illam, etiam istam licet amplecti.

Respondet ad 1. insinuatam disparitatem esse, quod cum dubio speculativo possit stare iudicium prudentiæ rectum & certum, non item cum practico.

Ad 2. Distinguo majorem: nisi quæ proponit objectum ut certè vel dubie malum [nam utroque modo proponit, ut practice vitandum] concedo, tantum ut certò malum, nego: sed conscientia dubia non proponit objectum ut certò malum, concedo; ut dubie malum, nego minorem & consequentiam. Nam, cum per conscientiam dubiam malitia actus dubie proponitur, hoc ipso accedit aliud iudicium certum conscientia rectæ ex synteresi deductum, quo dicitur, fas non esse, ingerere se periculo proximo offendendi DEUM.

Ad 3. Nego consequentiam, probationem, de qua inferiùs plura, distinguo: operatio minùs probabiliter licita, apparet magis illicita materialiter & speculative, transeat, formaliter & practice, nego. Formaliter enim & practice apparet omnino licita juxta defensores minoris probabilitatis, quod qualiter contingat, infrà suo loco dicitur.

Quid ergo agendum practice dubitanti? Respondet, vel deponendum est dubium, atque in certam conscientiam reducendum, vel abstinendum ab operatione, illique celebratissimæ regulæ obsequendum: *In dubiis tutior pars est eligenda.* Dubium porrò non temerè & pro libitu deponi debet ac potest, neque ad levem alicujus favorabilis rationis apparentiam, sed vel post diligentiam adhibitam compertà veritate rei, vel si certitudo veritatis haberi nequeat, & dubium sit invinci-

vincibile, ex doctorum piorumque consilio, vel ex aliquo titulo juris, vel gravi rationum pondere, quæ prudentum judicio ad rationabilem dubii depositionem sufficient, aliis quippe prudens judicium conscientię formari non possit.

Minora autem fundamenta requiruntur pro scrupulosis [ qui ex nullis vel levissimis fundamentis dubitant ] quàm pro aliis : quibus ad deponendos scrupulos in dubio juris satisfacere de-

beret ille discursus à Pono adductus loc. cit. Illud probabiliter licitè operor, quod nulla ratione vel autoritate mihi constat esse malum, sed nullà ratione mihi constat, hoc esse malum : ergo. In dubio verò facti sufficeret iste consimilis : Hoc probabiliter non feci, quod ex nullo fundamento mihi constat, me consensisse, voluntariè distractum fuisse, &c. ergo. Alias, dixi, abstinendum esse ab operatione, & obsequendum regulæ juris. De qua infra,

## ARTICULUS II.

### *An sufficiens titulus deponendi conscientiam dubiam in materia justitia sit possessio?*

#### SUMMARI A.

1. Quid sit bona fidei possessio?
2. Fundamentum sententię negantię.
3. Affirmativa probatur ex Regula 65. juris in 6.
4. Ex presumptione in foro externo.
5. Ex absurdo vitiosi circuli.
6. Solvuntur fundamenta opposita.
7. Citata regula juris non est limitanda ad forum exterium.
8. Notatur inconsequentia in doctrina Fagnani.
9. Negligentia in deponendo dubio parit obligationem restituendi.
10. Possessor dubius quomodo sit obligatus abstinere ab usu & alienatione rei possesse?

#### §. I.

##### *Exponitur status questionis.*

1. DEFINIUNT Jurisperiti possessionem ex l. 1. & 3. ff. de acquirenda vel amittenda, poss. quod sit, Detentio rei, corporis & animi jurisque adminiculo sustenta. Ubi ly corporis ad rei corporeę possessionem pertinet : si verò possessio generatim accipitur, prout comprehendit non tantum corporalium, sed etiam incorporealium possessionem, illa particula redundat. Justa possessio, quæ sola ad deponendum dubium sufficere potest, præter voluntariam detentionem rei tanquam suę, requirit bonam fidem cum justo titulo, quales sunt donationis, emptionis, hæreditarię successionis, &c. Est autem bona fides credulitas, quā quis prudenter sibi persuadet, rem, quam possidet, esse suam, vel saltem non esse alienam. Alii brevius, sed mihi distinctè vocant sinceram rei alienę ignorantiam.

Hæc credulitas & existimatio in initio possessionis debet esse positiva, ita ut capiens possessionem rationabiliter existimet, se rem ejusmodi justo titulo tanquam suam possidere. Unde si dubites, num res sit fortè aliena, possessio ipsi nequaquam suffragabitur, sed manebit malę fidei possessor obnoxius restitutioni, veluti cum Molina Tract. 2. disp. 61. conclus. 1. docent communiter DD. eò quod taliter dubitans non habeat aliquem probabilem titulum juris, sine quo non datur justa possessio. In continuatione verò possessionis dubium exortum, quod adhibita diligentia vinci non potest, non tollit aut interrumpit bonam fidem, sed ad illam salvandam sufficit, quod possidens non habeat conscientiam

rei alienę, sive quòd ipsi non constet, rem, quam possidet, esse alienam : neque enim omnia ad alicujus rei inceptionem necessaria requiruntur ad continuationem illius, veluti [omissis circumstantiis Philosophicis] pater in civili possessione, quæ conservatur per solam animi detentionem, cum tamen solus animus detinendi ad illam inchoandam nequaquam sufficiat. Ita communiter DD. deducunt ex C. fin. de præscript. ubi ad bonam fidem præscribentis requiritur, ut in nulla temporis parte rei habeat conscientiam alienę. Adeoque positiva solum existimatio de re tanquam aliena videtur excludi. & ex C. si Virgo 34. q. 1. ubi D. Augustinus dicit : In jure prædiorum tam diu unusquisque bonę fidei possessor rectissime dicitur, quamdiu possidere se ignorat alienum ; cum verò sciverit, nec ab aliena possessione recesserit, tunc male fidei perhibebitur, tunc justè injustum vocabitur.

Quæritur ergo, an in casu, quo possessor dubitat de jure dominię, seu proprietatis, nec potest adhibita diligentia dubium vincere, nihilominus ex titulo possessionis certam conscientiam depositio dubio formare possit, sibi licitum esse rem possellam retinere, illà uti, alienare, &c.

Negativam secuti sunt Adrianus 4. de restitut. & Sotus l. 4. de just. q. 2. ult. his adductis fundamentis. Qui se exponit periculo utendi re non suã, peccat contra justitiam : sed possessor dubitans de jure proprietatis, si rem dubiam retinere, vel alienare vellet, exponeret se periculo utendi re non suã : ergo peccaret contra justitiam.

Secundò. Cum super eadem re duo habent æqualem juris prætensionem, res est potius dividenda, quàm alterutri tota adjudicanda, ut servetur æqualitas : sed inter duos dubitantes de dominio rei, is, qui non est possessor, æquè habet jus dubium proprietatis, quam possessor dubius : ergo res non debet à possessore tota retineri, sed inter utrumque dividi.

Tertiò. Si quis uti possit re, quam cum dubio possidet, sequeretur, conjugem de valore matrimonii dubitantem, eodem uti, adeoque debitum non tantum reddere, sed etiam petere posse : consequens pugnat contra c. Dominus : de secundis nuptiis, & C. inquisitioni de sentent. excommun.

Quartò. In dubiis tutior pars est eligenda, per c. juvenis, de Sponsal & c. ad audientiam de homicid: sed tutius est restituere, quàm retinere, cum in retentione possit subesse peccatum, non autem in restitutione: ergo.

## §. II.

*Resolutio affirmativa.*

3. **CONCLUSIO.** *Possessio legitima in materia Justitiæ est sufficiens titulus ad dubiam conscientiam de licita retentione, & usu rei possessæ practicè deponendam. Deducitur & probatur primò ex Reg. 5. in 6. In pari delicto & causa melior est conditio possidentis, eò quòd possessor ultra jus dubium proprietatis, in quo convenit cum domino incerto, insuper habet jus possessionis, quæ, cum suapte natura sit exercitium quoddam, & complementum domini, pro possessore parit præsumptionem juris seu evidentem probabilitatem, quòd res possessa sit in dominio possessoris: atqui si possessorrem, de cujus dominio dubitatur, teneretur alteri simul dubitanti restituere, vel cum ipso dividere, jam non esset melioris conditionis: ergo juxta illam regulam juris potest rem possessam licitè retinere, eaque uti.*

4. Secundò: Quoties forum externum non innititur falsæ præsumptioni, toties internum conformatur foro externo, uti tenent Sotus l. 4. de Just. q. 5. a. 3. Covarr. in c. cum esses n. 7. de testam. Thom. Sanch. l. 1. de matrim. disp. 5. n. 10. aliiq; plurimi: sed in foro externo possessio legitima protegit possessorem, estq; titulus sufficiens, ut præsumptus rei possessæ dominus protegatur in sua possessione, nec ad aliquam restitutionem, vel divisionem obligetur: ergo eadem possessio [nisi constet de falsitate præsumptionis] erit titulus sufficiens ad licitam rei possessæ retentionem & usum in foro interno, ac proinde possessor depositò dubio prudenter formabit talem conscientiam certam: *Qui præsumitur dominus rei, estq; melioris conditionis præ omni alio competente, retinere rem illam, eiq; utitur: sed ego jure possessionis præsumor esse dominus hujus rei, & sum melioris conditionis præ omni alio competente: ergo licitè retineo & utor re ista.*

5. Tertiò: Patet absordo; nam pone, dubitantem de dominio & proprietate rei teneri ad restitutionem & deferendam possessionem illius, ut sic in dubio sequatur partem tutiorem, seque eximat periculo peccati, cui restituit? utique illi, qui de jure proprietatis competit & contendit cum illo. Sed & iste versatur in dubio: ergo pariter vel tenebitur reciprocè restituere possessori, sique ibitur in vitiosum circulum, vel res erit ab utroque deferenda, aut danda pauperibus, quod nec jure præceptum, nec ullà praxi receptum est.

Necne dicas cum Soto, rem esse dividendam: cum enim possessor habeat meliorem titulum & conditionem quoad totum, non est, cur illo titulo privari, & competenti dubio æquiparari debeat.

6. Ad primum vel nego minorem, vel distinguo majorem: Qui se exponit periculo solum materialiter utendi re aliena, peccat contra justitiam, nego majorem [quia habet sufficiens fundamen-

tum practicè judicandi rem esse suam] periculo formaliter utendi re aliena, concedo. Sed possessor dubitans de proprietate rei committeret se periculo materialiter utendi re non suâ, transeat & formaliter, nego minorem & consequentiam. Cum enim, ut suppono, dubium sit invincibile, æquivaleret ignorantiz invincibili: unde sicut ex invincibili ignorantia retinens rem alienam, non peccat contra justitiam, nec formaliter se exponit periculo: ita neque cum dubio speculativo practicè depositò retinens rem alienam committit se formaliter periculo peccandi contra justitiam, vel utendi re aliena.

Ad secundum distingo majorem: Si omnimodè habeant æqualem juris prætensionem, res est dividenda, concedo; si in uno tantum genere, non in altero, sic nego. Sed inter duos dubitantes uterque habet jus dubium proprietatis, & in peritorio, concedo; jus dubium possessionis, seu in possessorio, nego. Nam quia ex parte possessoris accedit jus certum possessionis, quo alter caret, jam inæqualis & melior istius conditio efficitur præ conditione alterius; siquidem præsumitur esse rei dominus, quousque jus possessionis contrariis probationibus elidatur.

Ad tertium, concessâ sequelâ de dubio invincibili, dico, jura citata non adversari, quia loquuntur in casu, quo pars dubitans non est in possessione bonæ fidei, vel quia possessio fuit inchoata cum dubio; ita enim in c. dominus, est sermo de conjugio contracto nondum habitâ obstantia conjugii certitudine, ac proinde in ipso initio bona fide deficiente: vel quia diligentia ad dubium deponendum nondum omnis fuit adhibita; licet enim c. inquisitioni indistinctè loquatur, ratio tamen cogit distinguere, ne bonæ fidei possessor ab usu rei suæ in perpetuum abstinere cogatur.

Ad quartum Respondeo, in dubio practico, ubi est periculum formalis injustitiæ & peccati, & ubi pars altera non tantum comparative, sed adversative est tutior, tunc partem tutiorem esse eligendam: non autem in dubio speculativo tantum, cum adest ratio sufficiens illud practicè deponendi, sicque consequenter abest periculum formalis injustitiæ & peccati, de quo in sequentibus plura.

## §. III.

*Corollaria.*

Inferes ex dictis primò: Illam regulam juris, 7. quòd melior sit conditio possidentis, non tantum habere locum in foro externo judiciali, seu in foro fori, sed etiam in foro interno & conscientiz, uti docet comm. DD. contra Prosp. Fagnanum, qui in c. ne imitatus n. 191. & 195. contendit, hanc regulam esse limitandam ad forum fori, & in suam sententiam immeritò citat Saurum in Clavi Reg. l. 1. c. 13. nam is, licet in hoc conveniat cum Fagnano, quòd hæc regula solum in materia justitiæ locum habeat, tamen eandem expresse admittit & extendit ad forum conscientiz, n. 9. & 14. idque probat a paritate fori externi. In nullo judicio, inquit, condemnaretur ille a iudice ad restituendam rem illam: ergo nec in foro interiori ad illam restitutionem obligatur. Rationem



tionem addit : *Quia iudex pronuntiando sententiam non confert ius in conscientia, sed solum explicat, quantum pars habeat ius.* Et est sanè tam contra communem doctrinam Auth. quàm praxin fidelium, ut quis post sententiam in iudicio & foro externo pro se obtentam, remque, de cuius proprietate est dubius, sibi ob meliorem possessionis conditionem adjudicetam, nihilominus debeat & teneatur in conscientia sese re adjudicatâ abdicare, eamque vel cum colligante vel pauperibus dividere : quod tamen manifestè sequitur ex opinione Fagnani : non enim in foro conscientie possessori suffragatur illa regula, quòd in dubio melior sit conditio possidentis, sed unicè sequenda est illa : In dubiis tutor pars est eligenda : cùm ergo tutius sit rem dubiam dimittere sine periculo peccati, quàm retinere cum periculo peccati, etiam post sententiam iudicis, res possessa foret dimittenda à dubio domino.

8. Nec videtur satis consequenter loqui prædictus Author, cùm seq. n. 225. ubi concessit, quòd possit aliquis sequi opinionem probabiliorem etiam minùs tutam, hanc causam subiungit : quia tunc nullo modo versamur in dubio, sed flectimur ad illud extremum, quod probabilius iudicamus, & sumus moraliter certi, nam & opinio vehemens pro certitudine habetur, &c. Sacri quoque Canones non arctant ad electionem securioris opinionis, nisi cùm res dubia est, ut contingit, cùm quis iudicat, utramque opinionem æque probabilem. Ita prædictus Author. Subsumo : sed is, qui pro se habet ius possessionis, habet pro se opinionem probabiliorem ; nam legitima possessio, quæ suâ naturâ est complementum & signum dominii, est magnum argumentum pro astringendo rei dominio ; ergo tunc poterit seposito dubio habere vehementem opinionem, quòd res sit sua, neque in conscientia ardebitur per SS. Canones ad electionem securioris opinionis ; quippe cùm pro utraque parte non sit æqualis probabilitas, ob pravalentem titulum possessionis.

Inferes secundò : Si quis in inceptione possessionis specularivè dubitet, num res sit sua ; si ve, dubio in continuatione possessionis exorto, omitat debitam diligentiam pro assequenda veritate, eaque negligentia causam ponat, ut deinceps in veritatis notitiam venire non possit, teneri ad restitutionem rei pro quantitate dubii ; siquidem ex tali dubio & negligentia constituitur possessor malæ fidei : ut cum Molina tom. 3. tr. 2. disp. 722. Laymann tr. 1. c. 5. §. 3. & communi tradit Less. l. 2. c. 14.

Inferes tertio : Possessorem, antequam pro assequenda veritate debitam diligentiam adhibuit, teneri ab usu & alienatione rei possessæ abstinere ; nisi fortè sit paratus pretium illius usus deductis expensis domino compensanti, qui rationabiliter de tali usu invitus esse non potest, restituere, ut habet Vasquez 1. 2. q. 66. c. 7. Retinebit tamen licitè rem possessam, quamdiu durat veritatis investigatio, per modum depositarii : sic enim utiliter gerit negotium domini, qui proinde ad talem retentionem invitus esse non potest. Si verò post debitam diligentiam adhibitam dubium vinci, & certus Dominus reperiri non possit, rem possessam non modò licitè retinebit, sed etiam alienabit, & utetur pro libitu ; cùm aliqui legitima possessio ipsi non tantùm foret inutilis, sed onerosa & perniciofa ; cùm multa sint, quæ absque detrimento diu conservari non possint. Tenebitur tamen venditor rei dubiæ, emptorem admonere de dubio, quando est periculum, ne certus ei Dominus compareat : ex tali quippe dubio res efficitur periculo restitutionis obnoxia, adeoque vitiosa, & minori pretio alienabilis, veluti tradunt Molina loc. cit. & Sair, Clav. Reg. l. 10. tract. 2. c. 3. n. 29. quòd si possessio est nullius, res est dividenda inter dubitantes juxta proportionem dubii, aut si sit indivisibilis, uni adjudicanda cum obligatione, ut aliis exinde satisfaciatur. Ut habent Less. l. 2. c. 6. dub. 3. Ildesolf. Cæsaraug. disp. 209. dub. 5.

## ARTICULUS III.

### *An melior sit conditio possidentis extra materiam justitiæ ?*

#### SUMMARIA.

1. *Varia rationes pro sententia negativa.*
2. *Argumenta Prosperi Fagnani.*
3. *Obijciunt absurditas lingui de possessione inter DEUM & hominem.*
4. *Alia quedam absurda.*
5. *Authoritas SS. Canonum & D. Augustini.*
6. *Lex Divina altu non obligat nisi mediante conscientia.*
7. *Exponitur iudicium ac forum conscientie.*
8. *Ejusque analogia cum foro externo.*
9. *Quomodo vox possessionis rectè applicetur libertati & innocentie ?*
10. *Statuitur sententia tribuens locum possessioni, tam intra, quam extra materiam justitiæ.*
11. *Offenditur identitas rationis intra & extra materiam justitiæ.*
12. *Ex æquitate naturalis derivata.*
13. *Prima regula cognoscendi, pro qua sit possessio.*  
R. P. Mezg. Theol. Schol. Tom. II.
14. *Altera regula pro dubio falsi.*
15. *Corollaria ex hinc deducta.*
16. *Possessio accipitur strictiori & latiori sensu.*
17. *Pars, pro qua fiat possessio, non est minùs tanta adversative.*
18. *In instanti usu rationis tenetur servare præcepta, quæ sunt debite intimata.*
19. *Iura Loventia de possessione rectè extenduntur ad forum internum.*
20. *Idem est allegare præsumptionem ac possessionem innocentie.*
21. *Exponitur authoritas, & mens D. Thomæ.*
22. *Offenditur, absurditates à Fagnano objectas falsi in supposito.*

#### §. I.

##### *Fundamenta sententiæ negantis.*

**S**ententiam negantem tunc et acriter propugnanc

pugnant post Vasquez, Sairum, Salas, Vincent. Baron. Fagnanus in c. *ne innitatur* a. n. 191. Mercurius prob. 2. a. 29. Gonet in dissert. de opinione prob. 2. §. eorumque fundamenta sunt à ratione, primò: Possessio est de rebus, quarum haberi potest dominium, sed res, quarum haberi potest dominium, pertinent ad materiam iustitiæ: ergo etiam possessio pertinet ad materiam iustitiæ. Secundò: Vera possessio fundatur in vero jure: sed jus continetur intra objectum iustitiæ: ergo etiam possessio. Tertiò: Ideo in materia iustitiæ melior est conditio possidentis, quia in dubio possessor præsumitur esse verus dominus, nam ut plurimum, qui rem suam alienat, solet eam tradere, & verum dominum in ejus possessionem immittere: unde, si quis rem possidet, signum est, eandem non fuisse alienatam: atqui in aliarum virtutum v. g. religionis, temperantiæ materiâ possessio non facit præsumptionem pro parte, quæ possidet, cum non sit ibi signum alicujus juris & domini: ergo tunc possessio non facit meliorem conditionem possidentis.

2. Oppugnat secundò favorem possessionis pluribus argumentis Prosper Fagnanus d. loc. Prætor, inquit, tuetur possessorem in interdicto, *uti possideris*, vel *retinenda*, ne in sua possessione turbetur à ligatore l. 1. in princip. ff. *uti possideris*. Vel cum duo contendunt de possessione. Bar. in d. l. §. *hujus autem interditi*: ergò solum habet locum in materia iustitiæ, quæ est ad alterum, non in aliis virtutibus, quæ sunt in ordine ad se ipsum. quia nemo à se ipso turbatur, aut secum litigat. n. 194.

Secundò non est auditum apud Jurisconsultos, ut in criminalibus allegaverint possessionem: ergo multò ineptius allegatur in foro conscientiæ. n. 205. Imò, quæ pertinent ad illam regulam de favore possessionis, nullatenus verificantur in foro conscientiæ, sed in materia iustitiæ, & in foro fori duntaxat, ac propterea in dubio tenetur quis sequi partem tutiorem tantummodo in foro pœnitentiali, vel quasi pœnitentiali, &c. n. 196.

Tertiò: Idcirco magnum est discrimen inter iudicium forense, & iudicium conscientiæ; in illo nemo debet condemnari, nisi appareant manifesti indicia de malitia alicujus: *At verò circa seipsum homo debet dubia interpretari in peiorem partem secundum illud* Job. 9. Verebare omnia opera mea, eò quòd cum debemus nostris malis adhibere medium, expedit ad hoc, ut securius remedium opponatur, ut supponatur id, quòd est deterius, ut habet D. Th. in 2. 2. q. 60. a. 4. Ita n. 199.

Quartò: Pro certa lege stat possessio: sed est certa lex juris Divini naturalis, quò prohibemur nos exponere periculo offendendi DEUM: ergo pro ista lege stat possessio: sed quoties est dubium, ex parte minus tuta est periculum offendendi DEUM: ergo tunc semper est possessio pro lege vetante susceptionem talis periculi.

Quintò: Tunc stat possessio pro DEO & lege, quando in ipso instanti, in quo homo incipit habere usum rationis, & esse doli capax, reperitur ligatus nexu obligationis servandi præcepta Divinæ legis, & consequenter non se committendi periculo illius legis violentiæ: sed hoc fit: ergo.

Sextò. Sicut ex duobus malis, quorum unum necessariò est eligendum, minus eligere debemus, ita ex duobus objectis, quorum unum certò non est peccatum, alterum verò dubium, an sit peccatum, eligendum est illud, quòd certò non est peccatum. Et ideo illa regula, in dubiis tutior pars est eligenda, fundatur in jure Divino naturali prohibente periculum peccati.

Adducit præterea tertiò varias oppositæ sententiæ absurditates, ut vocat, & ineptias: etiam si admitteretur ista possessio, tamen non esset illa pro libertate, sed pro obligatione, quia primò lis de possessione ageretur inter DEUM & hominem, & quis inter utrumque erit iudex? & quomodo succurreret DEO succumbenti?

Secundò. Regula de possessione locum habet, cum partium jura sunt obscura, at quomodo potest aliquid esse obscurum ex parte DEI, cui omnia sunt plana & aperta? c. *Deus omnipotens*, 2. q. 1.

Tertiò: Possessio titulata quantumcunque junior præfertur non titulata, quia magis est iustificata per punctum rationis; c. *licet causam de probat.* possessio autem ex parte DEI est antiquior, semper conjuncta cum titulo iusto, & bona fide, quia *Domini est terra, & plenitudo ejus*, Psal. 23. quomodo igitur homo possessionem allegabit contra DEUM?

Quartò. Illa regula non obtinet, nisi cum jura utrinque paria sunt. l. in *pavi causa*. ff. de R. l. c. in *pavi*. eodem in 6. sed impossibile est, ut sit par causa inter DEUM præcipientem, & libertatem hominis, cum nemo possit ipsum resistere *voluminati*, Genes. 30.

Quintò. Interdictum *retinenda* non datur contra supremum Superiorem. Menoch. de *relin.* q. 2. & quis DEO superior?

Sextò. Datur vero possessori quantumcunque injusto, quia etiam prædò est in sua possessione manu tenendus, c. in *litteris cum materia de restit. spoliat. l. res alienas*, c. de *rei vendit.* Poteritne verò cadere in mentem hominis, ut quis contra DEUM sit manu tenendus in possessione peccati mortalis? Hæc ferè Fagnanus n. 205.

Alia tandem absurda videntur sequi ex hac sententia. Primò: Quòd sit licitum operari cum conscientia absolutè dubia, quòd est contra manifestum SS. Canonum testimonium, &

& unanimum Theologorum & Canonistarum sententiam, inquit cit. Fagnan. Secundò: Illud celeberrimum præceptum, quòd in dubiis tutior pars sit amplectenda, exponeretur ludibrio, cum vix unquam daretur casus, in quo quis teneretur eligere partem tutiorem. Tertiò: Ex hac sententia & ratione fiunt plures inconvenientes decisiones plurimarum gravissimarum questionum, ut quòd voti dubius non teneatur voto; quòd dubius de excommunicatione, non teneatur se gerere pro excommunicato; dubius de reservatione possit absolvere; dubius de commissione peccati possit illud reticere; dubius de media nocte Jovis possit carnes comedere, &c.

Potissimum verò fundamentum negandi extensionem possessionis extra materiam iustitiæ petitur ex doctrina SS. Canonum, ubi pro variis decisionibus in dubio tam juris quàm facti tradi-

tur

tur & adhibetur relicto favore possessionis illa regula: quod in dubiis debemus eligere partem tutiorem. Sic Primò: in c. *Ad audientiam de homicid.* cum dubitaretur, an quidam ex occasione vulneris decussilet, statuitur, ut presbyter, qui vulnus inflixerat, non ministraret SS. Ordinibus, cum in dubio semitam debeamus eligere tutiorem.

Similiter secundò, in c. *Significasti* 18. eod. in dubio homicid. dicitur, quod tanquam homicida debet haberi sacerdos, & à sacerdotali officio abstinere: Cum in hoc casu cessare sit tutius, quam temerè celebrare: pro eo, quod in altero nulum, in reliquo verò magnum periculum timeatur.

Etertio in c. *Petitio penult. eodem.* Sacerdoti de homicidio dubitanti precipitur, ut à ministerio altaris reverenter abstineat, cum sit consultus, in huiusmodi dubio abstinere, quam temerè celebrare.

Quartò: in c. *illud de Cler. excomm.* deciditur, Episcopum, qui solà famà se noverat excommunicatum & de sententia contra le lata dubitabat, debuisse se potius abstinere, quam Sacramenta Ecclesiastica pertrahere, quia in dubiis via est tutior eligenda.

Quintò, in cap. *Juvenis. de Spons. & Matr.* Pontifex dissolvit matrimonium juvenis initum cum consobrina illius puellæ, quam prius septennem duxerat, addita ratione: *Quia in his, quæ dubia sunt, quod certius existimamus, tenere debemus.*

Sextò. In c. *Inquisitioni. 44. de sent. excomm.* conjunx dubitans de impedimento conjugii permittitur reddere, & prohibetur exigere debitum matrimoniale.

Septimò. In *Clement. Exivi. §. item quia. de verborum significatione.* Clemens V. motà quæstione, & dubio juris à Fratribus Ordinis Minorum, utrum ad omnia illa, quæ verbis præceptivis in sua Regula continentur, tanquam de præcepto teneantur? in Concilio Viennensi ita respondit: *Attendentes, quod in his, quæ anime salutem respiciunt, ad vitandos graves remorsus conscientie, pars securior est tenenda &c. expedit. quod ad ea, sicuti ad equipollentia præceptis se noverint obligatos, quæ hic inferius annotantur: ergo non obitante possessione innocentie, quam in primis 4. casibus presbyteri & Episcopus allegare poterant, vel possessione matrimonii, quæ stabat in 5. & 6. casu, vel possessione libertatis, quam prætereundere poterant Religiosi D. Francisci, voluit Sum. Pontif. etiam contra possessionem sequendam esse illam regulam, in dubiis tutior pars est eligenda.*

Accedit octavò Authoritas D. Augustini c. *si quis. de pœnit. dist. 7.* dicentis: *Tene certum, dimitte incertum.* Sed pars tutior est certa, minus tuta incerta de violatione legis: ergo relicto favore propriæ libertatis hæc relinquenda, illa est eligenda. Hæc sunt potissima, quæ reperire potuit, fundamenta sententiz negantis, quibus hoc epiphonema superaddit præcitatús Fagnanus: *Ineptissima est hæc contentio de prioritate possessionis inter DEUM & hominem, & ideo nihil obstat regula SS. Canonum de optione partis tutioris.*

## §. II.

*Fundamenta prænota pro sententia affirmante.*

UT sententia affirmans bene intelligatur, prænotandum est primò ex jam dictis, quòd, licet honestas operationis moralis principaliter pendear & reguletur ab æterna DEI lege, proxima tamen regula & immediata lex sit lex & regula conscientiz, ita quidem, ut voluntas ceu potentia cæca nullatenus ab illa lege adu obligari possit, nisi quatenus ipsius obligatio à conscientia proponitur & intimatur voluntati: unde si obligatio per judicium conscientiz proponatur certa, certa erit, si repræsentetur dubia, erit dubia: parum enim refert ad honestatem operationis, quid lex ipsa in se jubeat, nisi debite sit operanti per conscientiam dictamen promulgata. Hinc in omni Theologorum doctrina ex D. Aug. & D. Th. deducuntur infideles negativi, & hæretici materiales; quia, licet fides omnibus adultis non tantum sit de necessitate præcepti, sed quoad aliquos articulos etiam de necessitate medii, tamen defectu sufficientis notitiz & promulgationis ex parte conscientiz, aliqui totam fidem inculpate ignorant, suntque infideles negativi; aliqui nonnullos fidei articulos ad salutem non tam explicite necessarios inculpate nesciunt, vel non credunt, suntque hæretici materiales.

Ex hoc notandum secundò. Cum vis proxima declarandi & imponendi obligationem voluntati residat in conscientia, hinc merito, per analogiam ad judicem externum, conscientiam dici judicem nostrarum actionum, ipsius consultationem & sententiam rectè appellari forum, judicium, tribunal internum: quia, sicut in foro externo Judex, cognito delicto & sufficienter probato per actorem, reum obligat ad certam pœnam, ita conscientia in foro interno ex sufficienti cognitione legis voluntatem obligat ad culpam. Unde ulterius sequitur, quòd, sicut, actor non probante contra innocentiam rei, merito reus à judice absolvitur, & tamdiu præsumitur innocens, donec probetur nocens, ita quamdiu non sufficienter probatur obligatio legis contra libertatem voluntatis, tam diu conscientia rectè judicet pro libertate voluntatis: quia, sicut homo jure naturæ possidet suam innocentiam, h. e. [quicquid sit de termino possessionis] habet æquam prætensionem ut pro innocenti habeatur, quamdiu illa prætensio contrario delicto non eliditur; ita non minus ex parte voluntatis possidet libertatem, h. e. habet æquam prætensionem liberè ponendi vel omittendi operationem absque imputatione ad culpam, quamdiu per contrariam obligationem illa libertas ad positionem vel omissionem actus non restringitur. Præterea sicut in dubio delicti possessio innocentie prævalet, nec ad innocentem pœnā dammandum factis est, delictum à parte rei fuisse commissum, & aliis cognitum, sed requiritur, ut ipsi judici sententiam ferenti sit legitime notum; ita pariter ad auferendam voluntati liberam operandi facultatem non sufficit, obligationem legis esse à parte rei, eamque à DEO vel Angelis cognosci; sed necesse est, eam in conscientia judicio esse cognitam; cum in hac causa ipse DEUS potestatem judicandi conscientiz commiserit, veluti in conscientia invincibiliter erronea ad oculum patet, ut rectè expendit Gabriel Beatus de consc. dubia,

bia, q. 18 quæ omnia sanè sunt tam clara, ut probatione non egeant.

8. Notandum tertio : Quemadmodum in iudicio externo iudex inter reum & actorem medius, utriusque partis momenta expendit ; sic in interno iudicio, quod practicâ consultatione peragitur, diversas noticias ceu partes ligantes in dubio sibi invicem opponi, quarum una præten- dit voluntatis nativam libertatem, altera legis obligationem, v. g. dubitas dubio facti num 21. ætatis annum expleveris, & ex consequenti etiam dubio juris, num lege jejunii tenearis ? adest ex una parte noticia libertatis, quæ præten- dit voluntatem lege jejunii hæcenus solutam, & in hac possessione libertatis imperturbatam ; ex altera parte adest alia noticia intellectus proponens legem jejunii ætate competente servandam. Has inter confligentes noticias prudens ratio ceu iudex, arbitra, & dictatrix operum utriusque partis momenta & argumenta expendit, perque ultimam conscientie sententiam dubium practicæ tollit, ac vel in favorem legis obligantis, vel favorem libertatis, juxta naturalis, ac Divini luminis instinctum litem decidit, ut mirer summo- pere, mirari viros doctos, & explodere istud conscientie iudicium, quo de obligatione legis, & retentione libertatis disceptatur, quasi sit iudicium sine iudice, in quo DEUS actoris, homo rei partes subeat, suæque possessionis obtentu jus Divinum elidat, an eludat ? Non ita crude loquuntur, & sentiunt viri doctissimi : DEUM iudicem & Auctorem omnium adorant & venerantur, actorem non expetunt, coram quo non justificabitur omnis vivens. neque ipsi de suo jure litem movent, cujus si adsit sufficiens noticia, omnes colla submitunt, & suavi jugo suam subijciunt libertatem : sed hoc demum volunt, quòd, cum sciant, non minùs ipsam agendi libertatem, quàm legis obligationem à DEO esse, in dubio, an libertati naturaliter possessæ prævaleat legis obligatio, in fluctuantis utrinque rationis consilio, aut iudicio, prudens conscientia, imò DEUS per conscientiam tanquam substitutum iudicem sententiam ferat, & regulas honestæ operationis definat. Hinc

9. Notandum quartò : Nomen possessionis latiori sensu, appositè tamen accipi à sententiæ affirmantis Authoribus, & transferri ad possessionem innocentie & libertatis. Scimus ab initio possessionem à pedum positione dictam à Civilistis in rebus solum corporeis agnitam, sed ob paritatem rationis à Canonistis, fatente Fagnano, rebus etiam & juribus incorporeis applicatam fuisse. Cur ob eandem rationis paritatem, imò identitatem, non liceat hanc ipsam vocem [siquidem cum Criticis de vocibus contendendum est] etiam innocentie & libertati hominis applicare ? Dicitur quis esse dominus & possessor fundi, beneficii, famæ, honoris, quamdiu nullum obstat factum, jura, leges, quæ dominium aut possessionem illam inhiunt ; tenet quippe hæc omnia tanquam sua, si non corporis, saltem animi jurisque adminiculo suffultus. Et non poterit dici Dominus & possessor innocentie, & libertatis suæ, quando illa nullò contrariò factò, vel jure infirmatur ; siquidem illam penes se habet, tenet

jure naturæ contraditam ? Vocæ, per me licet, retentionem, habitationem, idem in re sentiemus, voce discrepabimus. Esto sanè, quæ circa corpoream possessionem hinc inde jura decernunt, hinc, de qua loquimur, possessioni non omnia quadrent : quis nescit, in quibusdam alias esse rei corporeæ, ac incorporeæ conditiones ? sint igitur aliqua possessioni rei corporeæ propria, [ut quòd injustus possessor & prædo usque ad plenioram cognitionem sit manutentendus] ubi tamen ex eodem rationis lumine & dictamine naturalis æquitas tam in incorporeæ & spiritualia, quàm corporeæ jura, tam in interni, quàm externi fori iudicium pariformiter derivatur, quis vetet, voces, & jura possessionis corporeæ, etiam innocentie & libertati adaptari, & exinde, quid fas & æquum sit, decerni ?

### § III.

*Proponitur & probatur sententia affirmans.*

**D**icit itaque prædictis hæc fundamentis affirmans sententia, etiam extra materiam justitiæ huic regulæ locum esse : *in dubio melior est conditio possidentis*, ita, ut ex illa depositò dubio recta conscientia formari, & pars quæ videbatur speculative minùs tuta, in praxi tanquam tuta eligi possit : e. g. dubitas invincibiliter intra materiam temperantiæ, num sis obligatus lege jejunii, eò quòd nescias, utrùm vigesimum primum ætatis annum expleveris, potes talem formare conscientiam : in dubio melior est conditio possidentis : sed in hoc dubio lex non est in possessione obligantis ; ergo sum in possessione quietæ meæ libertatis : ergo mea conditio est melior ; & sic depositò dubio concludo : ergo jejunare non obligor. Hanc sententiam in terminis tenet Navarr. Suar. Sanch. M. Jo. Martinez de Prado l. 1. q. q. moral. c. 1. q. 9. n. 3. Joan à S. Thoma disp. 12. a. 4. n. 8. Herinck disp. 4. q. 4. Rosmer de conscientia dubia. Cæsaraug. disp. 209. dub. 9. referens plurimos DD.

Ratio est primò : Eadem est ratio possessionis tam extra, quàm intra materiam justitiæ, tam in foro interno, quàm externo : ergo si titulus possessionis intra materiam justitiæ, & in foro externo est sufficiens ad deponendum dubium, etiam est ad hoc sufficiens extra materiam justitiæ, & in foro interno, quod externo conformatur, quando istud ex æquitate procedens non innititur falsæ præsumptioni. Et si in materia justitiæ potest titulus possessionis partem speculative minùs tutam, facere practicè tutam, poterit hoc ipsum extra materiam justitiæ. Antecedens probatur. Ideo intra materiam justitiæ in pari causa melior est conditio possidentis, quia possessor præter titulum juris utrinque dubium, habet pro se certum titulum possessionis, ac proinde præsumitur pro ipso ; unde si re possessa privaretur, committeretur inæqualitas : sed etiam voluntas in casu legis dubiæ habet certam possessionem suæ libertatis, in casu delicti dubii habet certam possessionem suæ innocentie, & utrobique pro ipsius vel libertate, vel innocentia præsumitur, donec vel inde obligatio legis, vel isthinc delictum probetur : ergo præter dubiam obligationem habet pro se certam possessionem, sicque ex dictamine luminis



luminis naturalis, quod duplex vinculum magis stringat, quàm simplex, & duplex titulus præponderet simplici, melior erit conditio voluntatis suam libertatem possidentis, & si in dubio proprietatis possessor non est spoliandus re possessâ, voluntas quoque in dubio obligationis non est spolianda suâ libertate.

12. Ratio est secundò: quod prædicta Regula fundetur in æquitate naturali, quæ æqualiter habet locum tam extra quàm intra materiam iustitiæ, in foro tam interno quàm externo; dicitur quippe æquitas naturalis, quòd in dubio nemo præsumi debet obligatus. gloss. in c. cum iunt, de regulis juris in 6. quòd causa incerta non parit certum effectum, nec proinde lex dubia, de cuius existentia, promulgatione, extensione dubitatur, certam obligationem: quòd debitum incertum non exigit certam solutionem, quòd factum non præsumitur, donec probetur, quòd cum partium iura sunt obscure, Reo potius est favendum, quàm aëtori, &c. quæ omnia dictamina in hac una regula, melior est conditio possidentis, implicitè continentur. Nam da dubitantes, si tunc voto obligatus, quia invincibiliter dubitat, num votum emiseric? Respondunt plurimi Auctores negativè: rationem rogati dicunt, quia factum non præsumitur, donec probetur: votum est aliquod factum vovens: ergo, nisi probetur, non præsumitur. Rursus: Lex incerta tam parum gignit certam obligationem, quam causa incerta certum effectum: sed votum dubium est lex & causa incerta: ergo. Item debitum incertum non exigit certam solutionem: sed voti dubii est incerta obligatio: ergo. Nil aliud, quàm paulò post compendiosius volunt, qui dicunt: non te teneri voto dubio, quia tu es in possessione libertatis, & pro te stat præsumptio. Unde enim es in possessione, nisi quia certum est tibi competere & competiisse libertatem operandi; incertum illud ne existat, quod obesse potest libertati? Ais: In favore libertatis est periculum peccati, ideoque ceu pars non tuta deserenda. Contrà: In materia iustitiæ non est periculum peccati formalis, si titulo possessionis rem retineas, licet illa fortè sit aliena: ergo etiam in materia Religionis & voti non peccabo, si ex titulo possessionis libertatem retineam, tamen si fortè à parte rei eandem meam libertatem voto constrinxerim.

13. Dubium tamen est, unde extra materiam iustitiæ cognosci debeat, pro qua parte stet possessio, pro lege, an pro libertate? pro delicto, an pro innocentia? Duplicem viam tradit P. Rosmer de consc. dub. quarum una magis deservit in dubio juris & legis, altera in dubio facti. Prima est, attendendum esse, an constet, id, quod inducere potest obligationem, esse positum, antequam dubium sit exortum, vel non? si prius, tunc ejus obligationi non derogatur per subsequens dubium, siquæ possessio stat pro obligatione legis, quæ certò existere præsumitur. Si posterius, possessio stat pro libertate, cui certum onus & obligatio ex incerta causa, lege, voto, imponi non debet. E.g. dubitas de solutione voti, quod emisisses non dubitas? possessio stat pro voto, quia ejus existentia antecedit tuum dubium, ac proinde teneberis implere votum: si verò dubi-

tas, num votum emiseric, possessio est pro tua libertate, quæ dubium antecedit, & tunc non teneberis ad voti solutionem.

Altera regula potissimum pro dubio facti tradita à Th. Sanch. l. 1. in decal. c. 16 n. 13. est, pro illo stare possessionem, pro quo stat juris præsumptio, quæ solet pro illo stare, qui onus probandi transfert in Adversarium. Cujus regulæ ratio est: quòd ille prudenter judicat, se esse in legitima possessione rei, vel actionis alicujus, adeoque suam conditionem esse meliorem, qui pro se habet tam verisimilem conjecturam, quæ meliori probatione non adductâ, habeatur pro veritate, & sufficiat ad faciendam fidem: sed talis est præsumptio juris: ergo. Quòd etiam juris præsumptio stet ex illa parte, cui non incumbit probatio, inde est, quòd ipsa præsumptio habeatur pro veritate; quâ de causâ probatio seu opinio veritatis incumbit alteri parti, quæ pro se non habet juris præsumptionem.

Unde primò dicitur quis esse in possessione suâ innocentie, donec delictum probetur, *delictum, enim & defectus non præsumitur, sed demonstrari debet, & affirmanti incumbit probatio* l. 2. ff. de prob. Secundò in dubio edicti voti, vel juramenti, vel conditi testamenti non censetur aliquis vovisse, jurâsse, testamentum condidisse; nam *factum in dubio non præsumitur, sed demonstrari debet, ut colligitur ex l. in bello. §. facta. ff. de capivv.* Tertiò, qui vovit, dubitat verò, an cum sufficienti liberatione, vel animo se obligandi voverit, teneatur voto; quia tunc uti præsumptio, ita possessio est pro voto; juxta R. l. quæ habetur in gloss. l. in contrahenda. ff. de regulis j. *factum in dubio præsumitur, si illud de jure faciendum erat, aut communiter fieri solet, aut ex natura inest.* Sicuti in solito casu ex natura & communi humano modo operandi inest, ut homo in gravi negotio, & oneris susceptione, uti est votum, deliberatè procedat. Si porro de possessione & præsumptione utriusque sit dubium, quod vinci, aut rationabiliter deponi non possit, tunc recurrendum est ad Regulam juris: In dubiis paritior est eligenda. de qua infra §. 4. n. 17. Huic sententiæ tanquam veriori & dictamini rationis undequaque consentaneæ, & in praxi securæ subscibo. Nunc contraria fundamenta discutiemus.

#### §. IV.

*Solvuntur fundamenta sententiæ negantis.*

Ad argumenta ex ratione petita & ad l. II. & 16. III. Respondeo, quòd possessio strictius accepta sit de rebus, quarum haberi potest dominium, etiam strictè acceptum: possessio communiter accepta sit de rebus, quarum haberi potest dominium, etiam latius acceptum; sicque homo est suo modo dominus & possessor propriæ libertatis & innocentie: sic pariter possessio strictè accepta fundatur in vero & rigoroso jure, quod opponitur debito legali, idque continetur intra obiectum iustitiæ: possessio communiter accepta fundatur in jure latius, & communiter, quod opponitur debito morali, & pervagatur materias omnium virtutum. Possessor possessione strictè accepta præsumitur verus dominus dominio stri-

at

Ad sumptum : possessor verò possessione latè sumpta præsumitur verus dominus dominio latè sumpto : nam sicut ideo possessor rigorosè sumptus præsumitur verus dominus dominio rigoroso , quia possessio est effectus & signum domini , sic ideo possessor innocentie & libertatis præsumitur esse latè dominus , h. e. constitutus in potestate se gerendi pro innocente , & liberè operandi : quia possessio actualis innocentie vel libertatis consequitur hanc naturalem facultatem ; ideoque est signum ipsius.

17. Ad quartum & sextum fundamentum Fagnani negatur suppositum , quòd pars , pro qua stat possessio , sit minus tuta ( si ly tuta sumatur adversativè pro non tuta , ut lumi debet ) quòdque in illa sit periculum peccati formalis , seu formaliter operandi contra legem : nam titulus possessionis ritè intellectus & explicatus , fundatus in lumine & æquitate naturalis est sufficiens , ut quis prudenter deposito dubio formet certam conscientiam de honestate & rectitudine operationis.

18. Ad quintum distinguo majorem : Tunc stat possessio pro lege , quando homo in instanti usus rationis obligatur servare præcepta Divinæ legis , sibi debitè promulgata , & intimata , concedo ; secus , nego . Sed obligatur tunc ad illa servanda , quatenus sunt debitè intimata , & promulgata , concedo ; secus nego minorem & consequentiam.

19. Ad 1. impugnationem Fagnani , nego consequentiam . Licet enim jura , quæ de possessione loquuntur , principaliter respiciant materiam justitiæ , & forum externum ; quia tamen descendunt ex lege , ratione & æquitate naturali , quæ non tantum militat pro foro externo , sed etiam interno , non tantum pro materia justitiæ , sed etiam aliarum virtutum ; idcirco quando nulla subest falsa præsumptio , locum etiam habent in foro interno , & materia aliarum virtutum , in quatenus nullus sit strepitus fori contentiosus , est tamen quandoque litigium inter oppositas notitias & rationes fluctuantis & dubitantis conscientie , modo explicato in §. præced.

20. Ad secundum dico : Cum reus in criminalibus pro se allegat præsumptionem innocentie , donec probetur nocens , idem est , ac si pro se alleget possessionem innocentie . Hoc ipsum intelligimus in foro conscientie . Quòd verò Regula de favore possessionis soli foro externo , altera de sequenda parte tutiori solo foro interno sit præfixa , neutiquam tolerari potest . Non illud prius : quia , ut dictum , forum internum conformatur externo , cum illud non innititur falsæ præsumptioni . Non hoc posterius : quia si ullibi , certè in tribunalibus judicum pars tutior & probabilior est eligenda , ut dicitur infra . Unde hoc pronuntiatum non modò non tutius , aut probabilius , sed ne quidem tutum , vel probabile existimo .

21. Ad tertium , nego adductum discrimen inter judicium forense & conscientie , quòd in judicio conscientie debeamus dubia interpretari in peiorem partem . Autoritas S. Th. est extra propositum , & non eget explicatione , sed fideli relatione : nam cit. q. 60. a. 4. cum quæstioisset in titulo artic. *Utrum dubia sint in meliorem partem*

*interpretanda* ( & quæstio est de dubiis circa proximum ) objecerat sibi tertio loco : *homo debet diligere proximum , sicut seipsum : Sed circa seipsum debet dubia interpretari in peiorem partem , secundum illud Job. 9. Verebar omnia opera mea , &c. ergo . Et subjicit : sed contra est , quod Rom. 14. super illud : Qui non manducat , manducantem non judicet , dicit Glossa : Dubia in meliorem partem sunt interpretanda .* Deinde ad objectionem tertio loco positam Respondet : *interpretari aliquid in deteriorem vel meliorem partem contingit dupliciter : uno modo per quandam suppositionem ; & sic cum debemus aliquibus malis adhibere remedium , sive nostris , sive alienis , expedit ad hoc , ut securius remedium apponatur , quòd supponatur id , quod est deterius : quia remedium , quod est efficax contra majus malum , multo magis est efficax contra minus malum : ( & ita viri boni volentes efficax remedium adhibere pro peccatis commissis , timent cum B. Job. ne etiam in bonis artibus à debita rectitudine deflexerint . Sed quid hoc ad rem ? ) alio modo interpretamur aliquid in bonum vel malum , diffiniendo vel determinando : ( & hoc est ad rem ) & sic in verum judicio debet aliquis niti ad hoc , ut interpretetur unumquodque secundum quod est . Nec nos aliud dicimus , vel volumus fieri in judicio conscientie .*

Porrò ad lamentationes Fagnani & absurditates 22. tes objectiones Respondeo , illas omnino vagari extra propositum , & in supposito falli : Reos nos agnoscimus coram DEO , non auctore , sed iudice : his non agitur inter DEUM & hominem , sed inter legem dubiam & libertatem : neque enim lex dubia DEUS est , sed statutum , de quo ipso queritur , sitne hic & nunc verè lex DEI , aut à Divina lege descendens . Si enim liquidum foret , DEUM hoc velle , præcipere , imperare , frustra nec sine grandi peccato nostram opponeremus libertatem , sed cum hoc ipsum versetur in dubio , detur ne de facto Lex DEI hic & nunc me obligans , DEUS ipse prudenter conscientie judicio hoc relinquit determinandum , & quod ista prudenter judicaverit , ipse quoque suo Divino calculo ratum ac firmum habet . Unde in hoc Conscientie tribunali DEUS quoque judicium exercet , mediante conscientia nos obligans , turpia vetans , discernens dubia , honesta decernens . Sit v. g. pictor dubitans , an die festo licitè possit pingere ? Scit esse legem DEI & Ecclesiæ , abstinendum ad opere servili , & si sciret pingere esse opus servile , frustra contra DEUM , ejusque legem suam obtenderet libertatem . Sed quia nescit , an pingere sit opus servile , pariter dubitat , an verè DEUS die festivo prohibeat actum pingendi : neque controversia vertitur inter DEUM & pictorem , quasi pictor velit excutere legis Divinæ jugum , aut litem movere de potestate jubendi ( quod nullissimum æque foret , ac impiissimum ) sed inter legem ex una parte dubiè representatam , & libertatem ex altera parte de sui possessione certò representatam . In quo litigio conscientie munus est litem terminare , ex quid honestè agendum sit , definire , quod si rectè & prudenter fecerit , DEUS ipse fecisse censetur .

Ad 1. Itaque Judex in hac controversia est conscientia . DEO apud se nihil est obscurum . ( ad 2. )

(ad 2.) est tamen nobis sæpe obscurum, quid DEUS velit. Lex quoad se & ex parte DEI cognoscens potest esse certa, quoad nos tamen incerta: nec ideo obligabit, nisi nobis sit sufficienter cognita & promulgata. (ad 3. & 5.) non sumus Titanes, qui DEO de cæli & terræ ac totius creaturæ dominio ac possessione velimus movere quæstionem. Supremum & antiquissimum Dominum quis nisi atheus dubitet? (ad 4.) paritatem cum Catholicis A Catholicis quæsierunt, cum DEO nullus. (ad 6.) hominem manutenendum esse contra DEUM in possessione peccati mortalis verè nunquam cecidit in mentem hominum, nisi

forfan adversarii objicerent. Ad quid ergo hæc lamenta? nec reliqua absurda n. 4. objecta sunt majoris momenti. Nam licitum esse operari cum conscientia practicè (quod addendum fuisset Fagnano) dubia nemo ex nostræ sententiæ Authoribus unquam dixit. Effatum illud Pontificium, in dubiis tutiorem partem esse eligendam, ludibrio non exponitur, neque à frequentî praxi excluditur: quò modò autem sit intelligendum in allegatis auctoritatibus SS. Canonum, mox art. seq. dicemus. Utrùm quæstiones ex regula possessionis sint rectè, vel, ut adversarii videtur, ridiculè decise, patebit ex §. 2. sequenti.

## ARTICULUS IV.

### Quomodo in dubiis sit tutior pars eligenda?

#### SUMMARIUM.

1. *Ille regula, quòd in dubiis sit pars tutior eligenda, non est tantum particularis, vel de consilio.*
2. *Sed etiam de præcepto in certa acceptione.*
3. *Respondetur ad c. ad audientiam, & alia de homicidio.*
4. *Respondetur ad c. illud de Cler. excommunic.*
5. *Exponitur c. juvenis, de sponsalibus.*
6. *Exponitur c. inquisitioni, de sentent. excomm.*
7. *Respondetur ad Clement. Exivi.*
8. *Concordia diversarum Juris regularum.*
9. *Quid dicendum in dubio legis & censura?*
10. *Quid in dubio solutionis, depositi, perdit?*
11. *Quid in dubio obligationis ratione tenuis beneficii?*
12. *Quid in dubio, an beneficium vacaverit mense Papali.*
13. *Quid in dubio etatis requisitæ pro SS. ordinibus, aut jejunio?*
14. *Quid in dubio legitimationis?*
15. *Quid in dubio temporis pro inchoando, vel finiando jejunio?*
16. *Quid in dubio peccati commissi, vel confessi?*
17. *Quid in dubio reservationis, vel jurisdictionis?*
18. *Quid in dubio baptismi, ordinationis, consecrationis?*
19. *Quid in dubio impedimenti?*

#### §. I.

##### *Hæc regula aliâq. Juris Canonici capitula exponuntur.*

1. **V**OLUNT aliqui, hæc regulam juris continere solummodo consilium, non præceptum. Ita Suar. tr. 5. de censur. disp. 40. sect. 6. n. 9. Malderus 1. 2. q. 19. a. disp. 87. Moura de incantat. op. 1. sect. 1. c. 5. n. 2. Alii hæc regulam limitant ad casus in Jure expressos, quod Naldo & Viguero tribuit Diana t. 4. tra. 3. resolut. 3. Neutra opinio satisfacit. Non prima: quia sic ista regula non magis esset data pro dubiis, quàm pro certis: cum etiam in certis, ubi pars utraque est tuta & recta, de consilio sit, facere, quod tutius, melius, perfectius est: atqui jura dant istam regulam pro sedandis & componendis conscientijs dubiis, ad vitandos graves remorsus conscientie: ergo. Non secunda: quia hæc regula in Jure traditur, ceterum remedium universale pro componendis [ut dictum] dubijs conscientijs: ut e-

nim frequentissimè contingit, conscientias fluctuare; ita pariter opus est regulâ quâdam universali, quâ conscientia dubitanti consularur.

Dico igitur cum Joan. à S. Thoma discipulo. 1. 2. a. 4. n. 12. & Casaraugust. disp. 209. dub. 5. n. 1114. aliisque, hæc regulam debite intellectam esse de præcepto. Intelligenda autem est primò, de parte tutiori, non comparative per respectum ad partem tutam, sed adversativè per respectum ad alteram partem non tutam. Nam in parte non tuta est periculum peccandi: sed quisque tenetur vitare periculum peccandi: ergo tenetur eligere partem adversativè tutiorem, & relinquere partem non tutam, sed adversativè minùs tutam. Quia vero nemo obligatur amplecti meliora, certiora, perfectiora; ideo non est præcepti, sed consilij sequi partem comparative tutiorem. Intelligenda est secundo in dubio practico, quia in hoc una pars semper habet annexum periculum peccati formalis, quæ proinde relinqui debet. Tertiò in dubio speculativo, priusquam ad illud vincendum, vel deponendum debita diligentia fuit adhibita; vel Quarto: Cùm non adest sufficiens ratio dubiam conscientiam prudenter & practicè deponendi; tunc enim sequens partem minùs tutam committeret se periculum peccati. Quintò: Cùm electio partis tutioris expressè à jure præcipitur, ut in c. ad audientiam de homicidijs &c.

Unde etiam colliges, quid ad jura contra nostram sententiam adducta sit dicendum. Nam ad dictum c. ad audientiam. c. significasti, c. petitorio, de homicidijs. Respondeo 1. cum Herinck propter reverentiam SS. ordinum & ministerij altaris specialiter constitui, ut tunc dubitans, an ex sua percussione sit secuta mors percussi, se gerat tanquam irregularem, non obstante possessione innocentie, quæ dispositio tanquam odiosa ad alios casus non debet extendi, siquidem *id est restringi, & favores convenienti ampliari, & in panis benignior interpretatio est facienda.* per Reg. 168. ff. de R. I. Afferit autem Summus Pontifex in prædictis capit. illam regulam, *In dubijs &c.* non tanquam legem necessariam hic & nunc ita statuendi, sed tanquam rationabile motivum illum irregularem declarandi, qui alium percussit, quamquam dubium esset, an ex ejus idè obisset.

R

Respon-

Responderi potest secundò cum Arriaga & Joa. Sanch. apud Bosl. n. 1205, in illo dubio homicidii possessionem non sterilem pro libertate vulnerantis, sed potius pro lege irregularitatis; siquidem propter certum vulnus præsumptio potius erat pro lege contra vulnerantem. Unde cum dubium rationabiliter deponi non posset, meritò locum habuit illa regula: *In dubiis &c.*

4. Ad c. illud de *Cler. excomm.* Respondeo quòd Episcopus, de quo est mentio, fuerit prædicte dubius de sua excommunicatione, nec fuerit bonæ fidei possessor suæ innocentiae; quia partim se ex fama noverat excommunicatum, partim veritatis investigandæ diligentiam necdum adhibuerat.

5. Ad c. *juvenis de sponsal.* Respondeo, ibidem agi de valore sequentis matrimonii, quod in illo casu certius erat esse irritum, propter impedimentum publicæ honestatis: Unde Summus Pontifex non utitur voce *tutum*, sed *certum*, adeoque contrahens non erat bonæ fidei possessor matrimonii.

6. Ad c. *inquisitioni* Respondeo, ibidem agi de dubio matrimonii, ad quod vincendum vel deponendum necdum tuit adhibita sufficientis diligentia: unde conjunx pro debito petendo non poterat bonæ fidei possessionem prætere.

7. Ad *Clement. Exivi.* Respondeo primò Si Summus Pontifex voluisset tutiorem sequi, debuisset de omnibus in Regula præcipivè contentis judicare, quòd obligent, cum hæc sit pars tutior, & tamen fecit contrarium. Respondeo secundò: ibidem supponi dubium prædicum; cum enim Religiosi D. Francisci se conferent ad ea, quæ sub verbis imperativi modi, vel æquipollentibus in sua regula continentur, ex declaratione Nicolai III obligatos, & ex una parte difficile videretur, tot obligationes subire, ex altera verò non adesset sufficientis fundamentum, unam potius, quàm alteram materiam similibus verbis comprehensam eximendi, pro dubii declaratione ac conscientie tranquillitate obtinenda summam sedem adierunt: sicque partem securiorem, dubium juxta Summi Pontificis declarationem deponendo, elegerunt.

Ad auctoritatem D. Augustini negatur suppositum, quòd, qui titulo possessionis in favorem libertatis eligit partem comparative minus tutam, eligit partem incertam: est enim certa & tuta. Adde, quòd S. P. loquatur de remedio poenitentiae non nimium differendo, ex quo nihil contra nos inferitur.

8. Habet igitur locum illa regula: *In dubiis tutior pars est eligenda*; habet & ista: *In pari causa melior est conditio possidentis*: nec illa per istam destruitur, imò, ut Jo. à S. Th. d. loc. hoc ipso, quòd aliquis ex titulo possessionis vincat ac deponat dubium, partem tutiorem eligit: quia operari prudenter deposito dubio, est pars tuta, & adversativè tutior, quàm operari non deposito dubio, quod nunquam fit sine peccato. Utraque regula est utilis & sufficientis ad dubium deponendum, quibus accedit tertia: *ex duobus malis minus est eligendum*, quæ tunc deservit ad praxin, cum urget necessitas unum eligendi ex duobus, quorum utrumque habet repugnantiam cum lege, v. g. *negligere moribundum, vel die festivo neg-*

*ligere Sacrum*; tunc enim dubitans illam partem, ex qua minor apparet convenientia, tenetur eligere; quia propter necessitatem operantis ex illa parte cessat legis obligatio. Ad istas regulas aliæ facili negotio reducuntur; ut in dubiis *Res potius favendum, quàm actori*: reducit ad regulam de possessione. *In obscuris minimum est sequendum*: pertinet ad hanc: Minus malum est eligendum. *In obscuris respicimus id, quod verisimilius est, vel plerumque fieri consuevit*, pertinet ad illam, In dubiis tutior pars est eligenda.

## §. II.

## Corollaria.

Inferes ex dictis primò: Invincibiliter dubitans tantem an præceptum, vel lex aliqua sit lata, vel promulgata, non teneri tali præcepto. Henricq. Sanch. l. 2. de matr. disp. 41. n. 36. Suar. 1. 5. in 3. p. disput. 4<sup>a</sup>. sect. 5. num. 15. teneri verò si certus de existentia legis solum dubitat, sitne justa, rationabilis, abrogata? &c. Idem de voto suprà diximus. Ratio primi ex dictis est primò: quia lex non obligat, nisi legitime promulgata: sed in dubio non est legitime promulgata: ergo. Secundò: quia in dubio existentie legis, possessio, & præsumptio non est pro lege, sed pro libertate. Nam ante hæc dubium bonæ fidei possidebatur libertas, & dubium superveniens, quod solità diligentia vinci nequit, non tollit bonam fidem, ut probat Covarruv. *Reg. possessor.* 2. p. §. 7. Tertiò: quia facta non præsumuntur, nisi probentur: legislatio & promulgatio est quid facti: ergo. Quartò: Lex invincibiliter ignorata non obligat: ergo nec invincibiliter dubia: quia invincibile dubium videtur æquivalere ignorantie invincibilis. Ratio secundi est: quia circumstantiæ, quæ solent comitari actum, præsumuntur, & neganti incumbit onus probandi; unde si certum est præceptum, votum &c. præsumptio & possessio est pro præcepto, voto &c. adeoque obligat. Pariter si constat, censuram esse latam, dubium verò est, an Superior habuerit causam sufficientem ad illam ferendam, censura ligabit, quia possessio stat pro obligatione censura, nec defectus circumstantiæ præsumitur, nisi probetur. Suar. 1. 2. tr. 3. disp. 12. sect. 5. n. 7.

Inferes secundò. Debitorem de debito certum, de solutione incertum, teneri ad solutionem: cum creditor sit in certa possessione sui juris. At verò depositarium vel commodatarium, si dubitet, an res deposita suâ culpâ perierit, non teneri ad ejus restitutionem; quia restitutionis obligatio supponit culpam; culpa verò non præsumitur, donec probetur.

Inferes tertiò: Beneficium dubitanti, antequam teneatur recitare Divinum Officium, eò quòd beneficium sit tenue, obligari ad illud recitandum, quia beneficium, adeoque etiam annexa obligatio recitandi officium certa est; dubium verò est, an beneficarius ob fructuum tenuitatem excusetur. Vasquez 1. 2. disp. 65. num. 11.

Inferes quartò. Si sit dubium, utrum beneficium vacaverit mense Pontificis, vel Ordinarii, cum v. g. beneficiarius mortuus fuit circa mediam noctem ultimæ dici Maji, qui supponitur esse



esse mensis Pontificis, & est dubium, an ceperit prima dies Junii, qui est mensis Ordinarii, beneficii provisionem pertinere ad summum Pontificem. ut habent Layman l. 1. tr. 1. v. 5. §. 4. n. 16. Bonac. de contract. d. 1. q. 2. punct. 2. Ratio est: quia professio & præsumptio est pro reservatione & jure Summi Pontificis non pro jurisdictione Ordinarii, de qua dubium est, an inceperit. Desitio quoque potestatis & reservationis Pontificis est aliquid facti, quod non præsimitur, sed demonstrari debet. *L. in bello, §. facta. ff. de captivis & postliminio.*

13. Inferes quintò: Dubitantem, an. 21. ætatis annum compleverit, esse obligatum abstinere à suscipiendis SS. Ordinibus, non tamen obligatum ad observantiam jejunii Ecclesiastici. *Ratio primi est*, quia lex prohibens susceptionem SS. Ordinum ante expletum 21. ætatis annum est in possessione, & suscipiendi SS. Ordines incumbit legitimæ ætatis probatio. Ratio secundi est: quia tunc de existentia legis & obligationis est dubium [neque enim lex illa incipit esse & obligare, nisi supposita ætate debitâ] possessio verò est pro libertate. Sanch. l. 2. de inatrim. disp. 41. n. 40. Layman l. 1. tr. 1. cap. 5. §. 4. qui probabiliter affirmat, etiam Sacerdotem dubitantem, an post mediam noctem aliquid cibi vel potus sumperit, die sequenti sacrificare posse.

14. Inferes sexto. In dubio, an quis sit legitimus vel illegitimus, habendum esse pro legitimo. Est enim ille in sui honoris possessione, donec contrarium probetur. Unde etiam cum aliis fratribus legitimis hereditatem adire poterit; si tamen hereditatem jam ab aliis aditam, & possessam vellet præterdere, probare deberet se esse legitimum, quia tunc pro aliis staret possessio, nec ipse esset reus, sed actor; cum verò partium jura sunt obscura, reo potius est favendum, quam actori juxta præcit. Reg. Juris. Castrop. tr. 1. disp. 3. p. 1. Sair. l. 1. c. 13. n. 19.

Inferes tamen septimò. Cum de infante exposito dubitatur, an sit legitimus, vel illegitimus, habendum esse pro illegitimo; quia tunc præsumptio est contra ipsum, cò quòd illegitimi regulariter ita exponi soleant: Neque refert, quòd delictum non præsimitur, donec probetur; id enim verum est, cum abest alia rationabilis causa, & fundamentum inducens præsumptionem & probabilitatem delicti: quale fundamentum probabile illegitimitatis in proposito est expositio infantis, qui proinde si sit aliquando promovendus ad SS. Ordines, prius debet dispensationem petere irregularitatis ortæ ex defectu natalium. Suar. disp. 50. de Cens. sect. 3. n. 4.

15. Inferes octavò. Dubitantem invincibiliter in nocte feriæ quintæ, an elapsa sit hora duodecima, licitè posse carnes comedere; dubitantem verò in nocte Sabbathi non posse licitè illas comedere. Ratio est, quòd in priori casu lex jejuniæ, præsупponens horam 12. completam, est dubia, & dubitans est in possessione libertatis. In posteriori verò casu obligatio jejunandi in die Sabbathi est in possessione, dubium verò est de finita hac obligatione & recuperata libertate non jejunandi. Layman loc. cit. num. 35.

16. Inferes nonò. Si quis dubitet, an peccatum

commisum fuerit confessus, teneri ad confessionem; quia tunc lex certa confitendi peccata commissæ est in possessione. At quid si dubitet, an aliquod peccatum commiserit? Non teneri ad confessionem docent Gabr. Beatus. q. 12. n. 15. cum Ægidio Coninck t. 2. de Sacramento. disp. 7. dub. 3. & nonnulli alii, quæ quidem sententia pro scrupulosos servire poterit. In praxi verò longè probabilior est sententia, docens obligationem confitendi peccata dubia, non quidem ut certa, sed ut dubia, quæ est S. D. in 4. dist. 17. q. 2. a. 2. ad 3. D. Bonavent. Alensis. & communis DD. Cujus ratio est primò: Quòd praxis Fidelium & communis DD. illud præceptum Tridentini Sess. 14. cap. 5. ut pœnitentes confiteantur omnia peccata mortalia, quorum post diligentem sui discussionem conscientiam habent, interpretatur etiam de peccatis dubiis existentibus in conscientia dubia. Secundò: quia cum Sacramentum Confessionis & pœnitentiæ sit subrogatum præcepto & remedio contritionis, est essentialiter reconciliativum, & non minùs obligat ad positivè querendam & asserendam moraliter reconciliationem cum DEO, quàm ante institutionem pœnitentiæ obligabat præceptum contritionis: sed istud obligat & adhuc in casu necessitatis obligat ad contritionem de peccatis dubiis: ergo etiam Sacramentum pœnitentiæ obligat ad confessionem de peccatis dubiis. Minor probatur: quia, quamdiu quis est dubius, an cum DEO redierit in gratiam, tamdiu non satisfacit præcepto dilectionis & pœnitentiæ obtinendi ad positivè querendam & asserendam reconciliationem cum DEO: at, quamdiu quis continetur de peccato dubio, tam diu non est securus, sed dubius, num cum DEO redierit in gratiam: ergo. Tertiò: quia, cum agitur de applicando remedio pro salute animæ, applicanda sunt media tutiora & probabiliora, sicuti pro sanitate corporis applicandæ sunt medicinæ tutiores: ergo ex lege charitatis, quæ homo tenetur diligere seipsum, tenetur procurare remissionem peccati dubii. Neque huc facit possessio vel præsumptio pro libertate, utraque enim est pro lege charitatis, pœnitentiæ & Tridentini. Neque hic factum præsimitur, sed tantum sub dubio in confessione exponitur, idque non ad imponendam odiosam obligationem, sed favorabilem absolutionem pœnitentis.

Inferes decimò. In dubio, an peccatum reservatum fuerit commissum, non necessario ad eundem esse Superiorem; quia dubium facti non præsimitur, donec probetur, & cum reservatio sit odiosa, non est extendenda ad peccata dubia. Jo. Præposit. in 3. p. qu. de integritate confessionis. Henriq. in Summ. l. 8. c. 45. Sed & Confessarius dubitans, an aliquis casus sit reservatus, potest ab illo absolvere; cum enim sit dubium facti, rationabiliter potest præsumere, casum non esse reservatum. Dubitans verò de jurisdictione sibi data non potest absolvere, quia & jurisdictionis collatio non præsimitur, donec demonstretur, & aliunde lex certa de non impertienda absolutione à non habente jurisdictionem legitimam est in possessione. Suar. de cens. d. 4. sect. 6. n. 4. Emmanuel Sà v. casus reservat. n. 5.

18. Inferes undecimò, Sacerdotem ordinatum ab Episcopo incognito, de quo dubitatur, an sit Episcopus, iterum esse ordinandum. per c. *presbyterus*, disp. 68. Dubitantem de baptismo non prius ordinandum esse, quam sit iterum sub conditione baptizatus, per c. *veniens*, de *presbytero non baptizato*. Ecclesiam esse consecrandam, de qua dubitatur, an sit consecrata. per c. *solemnitates*, de *consecrat.* d. 1. quia dubia de baptismo, ordinatione, consecratione sunt dubia facti, quæ non præsumuntur, donec probentur: præter alia pericula, & inconvenientia, quæ sequerentur ex nullitate Baptismi, Ordinis &c.
19. Inferes duodecimò. Dubitantem invincibiliter de impedimento matrimonii licitè sine dispensatione posse contrahere matrimonium, quamquam melius, & in futurum cautius faciet, si pro meliori esse dispensativam declarationem petat. Uterque Sanch. & Casaraugust. disp. 119. dub. 10. Prohibitio quippe contrahendi fundatur super impedimento, quod non præsumitur, donec probetur, ac proinde contrahens est in possessione suæ libertatis. Dubitantem verò de morte conjugis prioris, nec licitè contrahere, nec durante tali dubio invincibili licitè posse petere

debitum, per c. *dominus de secund. nupt.* quia cum mors conjugis sit aliquid facti, non præsumitur, donec probetur, ideoque contrahens nunquam constituitur possessor bonæ fidei. Permittitur tamen reddere debitum, quia cum alter conjugum sit in bona fide [ut supponitur] non est suo jure fraudandus: Quamdiu verò unus conjugum non est bonæ fidei possessor, vel quia cum vincibili dubio impedimenti contraxit, vel dubium durante matrimonio exortum vincere neglexit, prohibetur à petendo debito, per c. *inquisitioni de sent. excomm.* nam possessor dubitans vincibiliter, quamvis possit rem retinere, quousque veritatem investigaverit, aut dubium ex vincibili invincibile effectum fuerit, tamen illa activè uti, eamve alienare non potest: atqui petens debitum activè utitur matrimonio: ergo durante tali dubio, debitum conjugale exigere non potest. In redditione verò debiti cum sit quasi usus passivus servitutis, idcirco compartem in bona fide constitutam illà fraudare non potest. Quòd si dubium fiat invincibile, non tantum reddi, sed etiam peti posse debitum, cum possessor bonæ fidei non sit privandus usu activo rei possessæ, dictum est supra.

## DISPUTATIO XIII.

DE

### Conscientia scrupulosa.

Quamvis Conscientia scrupulosa non constituat speciem conscientiæ essentialiter ab aliis distinctam, sed solum accidentaliter, ideoque ad alias Conscientiæ species juxta supra dicta, facile revocari possit, quia tamen timoratis etiam piisquæ animabus, nec non earum Curatoribus & Confessariis crebro multum facessit negotii, tricas & cruces accumulat, operæ pretium censui de scrupulorum causis & remediis ex probatis Authoribus aliqua specialius tractare. Sit igitur

## ARTICULUS I.

### Quid sint, & unde proveniant scrupuli?

#### SUMMARIA.

1. Quid sit scrupulus?
2. Scrupuli differentia à dubio.
3. Scrupuli differentia à scientia & fide.
4. Potest scrupulus consistere cum conscientia certa & probabili.
5. Scrupulus tam de præteritis est, quam futuris.
6. Indicia, e quibus cognoscitur scrupulosus.
7. Radices scrupulorum ex parte animæ.
8. Et ex parte corporis.
9. Causæ extrinsecæ scrupulorum.

#### §. I.

##### Quid sit Conscientia scrupulosa?

1. PRIMò: Scrupulus à quo Conscientiæ scrupulosæ denominatio, est quædam inanis ex levi vel nullo fundamento orta suspicio, quæ cum animi anxietate timetur, vel creditur alicubi subesse peccatum, ubi nullum subest. Unde duo sunt, quæ ad rationem scrupuli pertinent: primò, ut sit quædam saltem suspicio apprehensiva peccati, vel periculi ipsius, quæ in voluntate ge-

nerat anxietatem. Secundò: ut sit ex levi, vel nullo fundamento; si enim sit ex rationabili fundamento, constituet verum dubium. Inchoativè scrupulus est in apprehensione peccati ex levi, vel nulla ratione; completè & formaliter in judicio, assensu & actuali credulitate peccati, quæ illam apprehensionem consequitur, unde animi anxietas & perplexitas generatur.

Differt igitur primò scrupulus à dubio propriè sumpto, quia hoc relinquit animum suspensum ab assensu utriusque partis; scrupulus verò potest consistere cum duplici assensu, uno practico, quo per conscientiam certam judicat aliquid sibi esse licitum; altero speculativo, quo sine rationabili fundamento ex parte judicii speculativi leviter credit & timet se peccare. E.g. Clericus infirmus format conscientiam practicè certam, quòd licitè omittat recitationem Breviarii, quia Confessarius & Medicus ita judicant, & ipse licitè sequitur eorum consilium, idque suæ privatæ opinioni præfert. Nihilominus patitur anxietatem,

tatem, eò quòd ex parte iudicii speculativi sine sufficienti fundamento existimat infirmitatem non esse tantam, ut excuset à recitatione breviori.

3. Differt secundò à scientia, opinione, & fide. A scientia quidem, quia hæc nititur evidentibus fundamentis, & excludit omnem formidinem oppositi. Ab opinione; tum quia ista semper habet conjunctum assensum, scrupulus verò aliquando in sola apprehensione consistit; tum quia opinio non necessariò infert animi anxietatem & perplexitatem. Similiter differt à fide, quia hæc semper habet determinatum assensum, nec de se affert animi perturbationem.

4. Hinc Colliges primò. Posse scrupulum consistere cum conscientia certa & probabili; nam potest quis formare Conscientiam practicè certam de honestate operationis, quamvis ex parte iudicii speculativi tantum habeat opinionem cum formidine oppositi, ut seq. Disput. latius expendemus: ergo pariter potest formari iudicium practicum & conscientia certa de honestate operationis, ut tamen in iudicio speculativo maneat non tantum formido, sed etiam anxietas de inhonestate ipsius ex levi vel nulla ratione, quod est scrupulus.

5. Colliges secundò. Scrupulum aliquando esse de præterito, aliquando de peccato futuro. De præterito, ut si absque alicujus ponderis ratione dubites, an consenseris tentationi; an fueris voluntariè distractus; an absolveris horas Canonicas? &c. De futuro, ut si similiter dubites, vel existimes, te esse obligatum ad repetendam aliquam Horam, ad confessionem alicujus peccati, quod nullum est, ad reiterandam confessionem, ad omittendam S. Communionem &c.

6. Colliges tertio. Quibus indicis cognosci possit, an aliquis sit scrupulosus? Generalis itaque modus cognoscendi scrupulosum, est, si Pater spiritualis deprehendat aliquem in una, vel pluribus materiis crebrò sine aliqua rationabili causa suspicari se peccare, vel peccasse, ubi nullum subest peccatum. Quibus plura addit Josephus Roselli in præclaro libello de praxi deponendi Conscientiam c. 11. si quem videat de rebus notis, facilibus, planis & indubitatis frequenter dubitare. Si post responsum à Viro docto & prudente acceptum, necdum sit animo composito & quieto. Si extraordinarià cautela, motibus, modis, & gestibus ridiculis peccata & imperfectiones etiam leves fugiat: e. g. concutiendo caput, suspirando & cælum aspiciendo, frontem sæpe signando &c. si, quæ antea non habebat pro peccatis, modò habere incipiat; si occurrente alicujus præcepti executione, v. g. recitatione Horarum, administratione Sacramentorum, ita patiatur se perturbari anxietatibus, ut penè red-

datur ineptus, vel amenti similis: si adiones exequendas ob instantem scrupulum modò intermittat, modò resumat &c. si peccata jam antè per absolutionem remissa, identidem in confessionibus repetat, quasi antehac non satis exposuisset, vel insufficientem dolorem eliciuisset &c.

## §. II.

*Quæ causæ & radices scrupulorum?*

Causæ seu radices scrupulorum aliz sunt intrinsecæ, aliz extrinsecæ. Intrinsecæ rursus vel sunt ex parte animæ, vel corporis. Ex parte animæ solet esse primo cervicosa quædam superbia, & proprii iudicii tenacitas, nolentis alienis monitis & prudentium consiliis acquiescere; quamdiu enim abest ejusmodi pertinacia, facilis est remedio locus, & conscientia magis erit timorata, quàm scrupulosa. Est secundò immoderatus amor sui, quo quis movetur, ut cum nimia perturbatione adhibeat cautelam fugiendi quæcunque peccata metu pænæ pro illis in altera vita solvendæ. Unde contingere solet homini scrupuloso, quod alicui vertigine laboranti, qui per alia loca incedens, quantò magis aspiciet & apprehendit altitudinem, tantò magis augeat vertiginem: ita quippe scrupulosus ex nimia sollicitudine evitandi peccata venialia, vel expiandi commissa, tantò magis augeat scrupulosam sollicitudinem & anxietatem. Est tertio ignorantia intellectus nescientis distinguere inter iudicium practicum & specularium, inter tentationem & consensum, inter gravem & levem culpam, vel obligationem legis.

Ex parte corporis est inprimis complexio melancholica in timiditatem & suspiciones proclivis. Item corruptio seu infectio humorum in anteriore parte cerebri, ubi vis imaginativa residet. Inde fit, ut homo imaginationibus obnoxius, & ad sinistram vergens, sæpe pro malis apprehendat, quæ talia non sunt.

Causæ extrinsecæ sunt primò. DEUS ipse volens vel tepidos stimulare ad perfectionem, vel servidos amplius probare & expurgare. Secundò tentatio dæmonis scrupulosi immittentis & exaggerantis, ut hominem à multis bonis impediat, ipsi tædium virtutis ingeneret, adigat ad desperationem. Tertio. Conversatio & familiaritas cum scrupulosis, sumuntur enim à conversantibus mores, & animus socij mala sua affricat. Item lectio Authorum præcepta DEI & Ecclesiæ omnia in severiorem partem interpretantium, relicto benigniori sensu & epikia, quo etiam pertinet usus Confessarii & Directoris scrupulosi, qui cum ipse ex hoc morbo laboret, difficile ab illo liberabit penitentem, & audiet illud antiquum: Medice cura te ipsum.

## ARTICULUS II.

*De remediis scrupulorum.*

## SUMMARI A.

1. Primum remedium generale scrupulorum, oratio.
2. Secundum, obsequij consilij prudentium.

3. Tertium, rejicere scrupulum in primis initiis.
4. Quartum, credere, quod debeat contra scrupulum sequi sententiam minus suram, aut probabilem.

R 3

5. Quintum.

5. *Quintum. In dubio, an aliquid sit scrupulus vel dubium, presumere, quod tantum sit scrupulus.*
6. *Sextum. Meditatio obsectorum consolationem & fiduciam afferentium.*
7. *Septimum. Cogitare, quid ipse aliis in simili consilii daret?*
8. *Observanda ex parte Confessarii.*
9. *Remedia pro anxio de consensu dato in sententia.*
10. *Remedia pro anxio, an rite fuerint peccata confessi?*
11. *Remedia pro anxio de recitatione Horarum Canonicarum, & prolatione forma sacramentalis.*
12. *Sentendum de Domino in bonitate.*

## §. I.

*Generalia remedia scrupulorum.*

**R**emedia scrupulorum alia sunt ex parte ipsius scrupulosi, alia ex parte Confessarii, seu directoris. Ex parte scrupulosi primò remedium generale est, adhibere suam, aliorumque orationem, quod remedium suggerit Jac. c. 1. *Si quis indiget sapientia, postulet a DEO, qui dat omnibus assuetus, & non improperat, & dabitur ei.* Et Rex Josaphat 2. Paralip. c. 20. sic orans: *Cum ignoremus, quid agere debeamus, hoc habemus solum residui, ut oculos nostros dirigamus ad te.*

2. Alterum generali scrupulorum radici oppositum est submittere suum iudicium prudentum & bonorum virorum consilio ac directioni, & credere firmiter, fieri non posse, ut curetur à scrupulis, nisi parendo consilii confessorii. Cum enim scrupulus procedere soleat ex levibus fundamentis, & vehementi imaginatione, & scrupulosum conijciat in periculum corporis & animæ; ideo dummodo pars opposita sit probabilis, debet illam scrupulosus tanquam probabiliorem & tutiorem amplecti, neque peccabit, tamen si a parte rei contingeret sententiam esse falsam: cum opinio, quæ ex se est minus probabilis, in concursu scrupuli, sive respectu scrupulosi propter periculum est scrupulosi emergentia fiat securior & probabilior. Cum igitur probi & docti viri, vel confessorii consilium jam faciat sententiam probabilem respectu scrupulosi, ideo si moneat agere oppositum illius, quod scrupulus dicitur, potius confessorio, quam scrupulo est obsequendum, & sive scrupulosus operetur deposito scrupulo, sive agat contra scrupulum, semper licite operabitur, cum non obstante scrupulo ex parte iudicii speculativi habeat conscientiam practicè certam, sibi hic & nunc licitum esse contra scrupulum operari. E.g. scrupulus tibi dicat, non possite accedere sacram Communionem, nisi prius repetita confessione, in qua putas, vel dubitas, te aliquod peccatum, vel circumstantiam omisisse, Confessorius verò te jubet etiam non repetita confessione Sacramentum accedere, obsequi debes confessorio, credendo, licitam tibi esse S. Communionem, quidquid scrupulus contra obmurmeret, quod adeò verum est, ut homo vehementer scrupulis agitur licite sequatur contrariam opinionem Confessorii, tamen si putet, se posse jurare, quòd v. g. aliquod peccatum non sit confessus, quòd con-

senferit &c. Ita Navarr. Rodrig. Bossi. Rosselli. aliique, qui etiam rectè moneant, scrupulosum postquam à Confessorio, vel alio viro docto & prudente consilium accepit, non debere vago discursu plurium consilia expetere; id quippe magis augendis, quam minuendis anxietatibus delerviret.

Tertium est. Scrupulo pulsanti in primis initiis aditum occludere, cogitationem ad alia, & à causis, unde scrupulus generatur, divertendo.

Quartum est, ut firmiter sibi persuadeat, se posse sententiam probabilem, etiam si minus tutam & probabilem deposito scrupulo, vel contra scrupulum sequi, tamen si contraria argumenta Doctores non possint solvere. Siquidem sententia ex se minus tuta & probabilis, respectu scrupulosi sit tutior, & probabilior.

Quintum est. In dubio, an aliquid sit scrupulus, vel verum dubium, posse scrupulosum presumere & judicare, quòd sit merus scrupulus, eumque deponere, cum hoc opinandi sufficiens sit fundamentum, quòd sciat, esse se scrupulosum. Imò quoties advertit scrupulum, potest securè agere contra illum. E.g. scrupulus dicat, repetendam esse horam Canonicam, quòd fueris voluntariè distractus; noli repetere: scrupulus jubet repetere confessionem, eò quòd aliquam circumstantiam omiseris, noli repetere, &c.

Sextum est. De gloria cælesti, de bonitate Divina, de quæ aliis, quæ ad ipem erigendam, animique tranquillitatem conducunt, colloqui & meditari, prætermisiss, quæ terrorem, metumque ingerunt, quemadmodum etiam vitanda est cum scrupulosis conversatio.

Septimum pro viris doctis est, ut cogitent quid consilii aliis hominibus sese accedentibus in simili casu darent, frequenter enim contingit, erga alios clementes & lenes, sibiipsis nimium esse rigidos.

Ultiùs ex parte Confessarii observandum, ut curet præmemorata remedia à scrupuloso in praxin deduci. Ideo ostendat ipsi obligationem deponendi scrupulos & obediendi Confessorio ob gravia damna, quæ ipsi è scrupulis eveniunt. Sit resolutus & cordatus in consulendo, aliàs quippe pœnitens etiam in deponendis scrupulis vacillabit. Dubia scrupulosi explicet in benigniorem partem, ejusque credulitatem quantumvis levem de non commissio peccato &c. pro certitudine accipiat; siquidem contra scrupulum, ex inani imaginatione omnia in majus attollentem hæc præsumptio. Ideo si scrupulosus ambigat, an aliquod peccatum commiserit, vel confessus sit, eundem ab ulteriori examine & investigatione dehortetur; nec permittat ejusmodi dubia peccata confiteri.

Insuper suadeat verè scrupuloso, ne credat se peccasse, vel aliquod peccatum esse mortale, nisi de hoc tam sit certus, ut jurare possit. Imò si nimie foret scrupulus absorptus, tamen si esset paratus jurare de commissio peccato, tamen non deberet ipsi credi, neque ejusmodi peccatorum confessio permitti, cum experientià constet, tantam esse istorum hominum obligationem, ut etiam jurare sint parati, dummodo permittatur ipsis



ipsis reiteratio confessionis, uti tradit Bosius p. 3. tit. 1. §. 54. & Joa. Sanch. disp. 41. n. 24.

Non permittatur multum loqui de suis scrupulis, & si consilii causa aperire velit, Confessarius illos pro nugis & ineptiis habeat, & abscondat sermonem. Et ne identidem à recurso scrupulis molestiam patietur, præscribat ipsi regulas, secundum quas possit se expedire ab occurrentibus scrupulis. Si pro materia confessionis nil nisi scrupulos afferat, sine absolutione mittatur ad S. Communionem. Denique Confessarius cum omni patientia scrupulosum tractet, neque de ipso desperet, pro conditione tamen subiecti, modò asperiori, modò leniori utatur modo, ut quæ tantò sit efficacior in persuadendo, periculum scrupulosi in se recipiat, & promittat pro ipso respondere in extremo iudicio.

Sed quid si scrupulosus fallatur in obsequendo consiliis Confessarii, & verè omisit Horam Canonicam, non expresserit in confessione peccatum, consenserit &c. peccabitne poenitens? Peccabit enim verò materialiter, non formaliter, cum status scrupulositatis, & prudens iudicium Confessarii sufficientem, imò majorem faciant probabilitatem practicam, ex qua practicè certum iudicium format, sibi hîc & nunc sequendam esse sententiam Confessarii.

#### §. II.

##### *Remedia pro scrupulosis in particulari.*

9. **S**unt igitur primò, qui graves animi anxietates patiuntur, ex dubitatione, an alicui tentationi v. g. blasphemix, impudicitix &c. consensum dederint, qui si sint conscientix timorati [non enim est sermo de hominibus laxæ vitæ, qui passim impuris voluptatibus ex consuetudine se inquinant, & in proximas peccandi occasiones conjiciunt, quisi dubitant, an consenserint, propter malam consuetudinem meritò pro se possunt præsumere] pro se debent præsumere, & judicare, quòd non consenserint. Cujus signum evidens est horror & diplicitia, quam habent de ejusmodi tentationibus & peccatis; siquidem & Christus D. S. Theresiæ [ut refert Josephus Rossell cit.] revelavit, horrorem peccati, quem quis habet, esse signum charitatis peccatum excludentis. Cum igitur scrupulosi etiam umbram peccati sollicitè abhorreant, quis credat, eos tentationi facile consensisse? Secundò: Si sæpius repetere soleat propositum, nunquam DEUM graviter offendendi, eique in omnibus placendi. Tertiò: Si ex interna tentatione non processit in actum externum, cum è consensu interno facillima sit via etiam ad actum externum.

10. Secundò. Plurimi patiuntur scrupulos, quòd nunquam ritè & integrè fuerint confessi, quòd numerum aut circumstantias peccatorum non debite expresserint, quòd requisitum de peccatis dolorem, aut efficac propositum emendationis non elicerint: ideo imaginantur, priores confessiones fuisse invalidas, easque identidem volunt repetere, aut generalem confessionem de tota vita instituere, unde novo scrupulorum labyrintho sese intricant. Audiant isti Ludovicum Granaensem monentem: Confessio Sacramentalis non

fuit instituta ad injiciendos conscientix laqueos, sed ad eam pacandam, & sepelienda peccata, moraliter diligentia manifestata, & scrupulos inde ortos. Postquam igitur scrupulosus sua peccata cum morali diligentia fuit confessus, debet juxta prudentis Confessarii iudicium acquiescere, neque permittendus est peccata jam exposita denuo repetere, aut Confessionem generalem instituere, sed neque nimis exactà diligentia in peccata inquirere, multò minùs, an priores Confessiones fuerint validæ, debet examinare. Sciat quoque ad percipiendam de peccatis absolutionem non esse necessariam contritionem, sed sufficere attritionem, quæ facili negotio obtineri potest: nec requiri necessariò explicitum & formale propositum non peccandi de cætero; sed sufficere virtuale & implicitum, quod in efficaci dolore imbibitur.

Tertiò. Multi vexantur scrupulis in recitando Officio Canonico, aut proferenda forma Sacramentorum, vel quòd existiment se debità intentione, aut attentione caruisse, vel verba non integrè pronunciassè &c. ideo inani studio de novo recitare, & pronuntiare incipiunt, & nullum quasi repetendi finem faciunt.

Isti quoque consilium docti & prudentis viri, quæ ipsis ostendat, quid ad implendum præceptum sufficiat, pro regula habeant. Non credant, se aliquid omisissè, quamvis omnimodam certitudinem non habeant de aliqua hora, aut psalmo recitato, dummodo alias consuetudinem habeant Horas integrè recitandi.

Sint contenti intentione virtuali, vel exercitâ, qualis illa est, dum librum breviori in manus accipiunt, & incepturi cruce se signant, sintque in ea dispositione, ut interrogati, quid hîc & nunc agere vellent? responsum darent, velle se obligationi recitandi breviori satisfacere. Neque mentis evagationes & distractiones graviter nocere existiment nisi cum plena advertentia, & datâ operâ mentem ad alia diverterint.

Denique universum scrupulosi & de sua salute anxii animum sæpius applicent ad recogitandam infinitam DEI bonitatem & amabilitatem, qui non vult mortem peccatoris, nec deleturatur in ejus perditione. Sentiant de Domino in bonitate, & audiant Christi invitantis vocem: *Venite ad me omnes, qui laboratis & onerati estis, & ego reficiam vos*, Matth. 11. Sanè ad omnem anxietatem depellendam sufficere poterit immensa DEI misericordia, & pietatis recogitatio, prout devotè expendit Venerabil. noster Bosius de consolat. pusill. c. 17. §. 2. Nulla, inquit, mororis magnitudo, nulla angustiarum acerbitas, nulla defectuum multitudo, nulla scelerum enormitas, nulla peccatorum turpitudine de desperationem, nimiamque pusillanimitatem adducat. *Quantumcumque peccaveris, semper DEI misericordia in infinitum tuas iniquitates excedit, quantumcumque infirmus sis, semper illius benignitas parata est adjuvare tuam fragilitatem.* Et §. 3. *Quantumvis magni peccatores & imperfecti homines simus, quare non cum humili & plena fiducia ad DEUM convertimur, qui est abyssus inexhaustæ pietatis, cujus natura bonitas, cui proprium est semper misereri & parcere?*

tivi est tanta, ut necessariò connectatur cum veritate, & ita se habet apparentia veri, in qua fundatur fides Theologica. Tertiò. Datur apparentia veri fallibilis & incerta, quæ tamen sæpius connectitur, quàm non connectitur cum veritate. Quarto. Datur apparentia veri incerta & fallibilis, quæ tamen sæpius conjungi solet cum falsitate, quàm veritate. Prima apparentia constituit motivum scientificum, cui intellectus obiecti evidentia convictus necessariò absque voluntatis impulsu assentitur. Secunda constituit motivum fidei Divinæ, cui intellectus absolutè, sed non nisi imprudenter dissentiri potest, ideoque ad assensum requiritur impulsus & pia motio voluntatis. Tertia constituit motivum probabile, quod liberè, rationabiliter tamen, trahit ad assensum, sive quod juxta prudentum ælimationem est dignum assensu, ideoque eget impulsu voluntatis per prudentiam directæ. Quarta constituit motivum improbabile, quia ostendit obiectum fallibile in tali statu, ut de ejus veritate non possimus prudenter considerare: ideoque ad illius assensum movetur Voluntas non nisi imprudenter & temerè, aliqua passione & pravo affectu impulsâ. Prima generat scientiam, altera fidem, tertia opinionem probabilem, quarta improbabilem.

3. Notandum secundò. Ex prædictis opinionem probabilem rectè definiri ab Honorato Fabri, quòd sit opinio, quæ circa certitudinem rationabilis fundamento nititur. Genus hujus definitionis est opinio circa certitudinem, hoc est, assensus determinatus [quo discriminatur à dubio propriè sumpto] fallibilis tamen [unde discernitur à scientia, & fide Divina] cum formidine oppositi. Differentia, per quam ab opposita specie opinionis improbabilis distinguitur, est, quòd nitatur gravi & rationabili, non levi rationis [si sit probabilis intrinseca] vel autoritatis [si sit probabilis extrinseca] pondere. Rationabile autem fundamentum dicimus, quod ex prudentum judicio habetur dignum assensu, seu quod prudentia & recta ratio dignum existimat, ut voluntas intellectum ad assensum ipsius applicet absque temeritatis nota.

4. Hæc definitio tanquam definito commensurata, idque distinguens non tantum à scientia, sed etiam ab improbabili opinione, est bona, & longè melior illâ Vincentii Baronii, quâ, ut hostem sibi fingeret, quem impugnaret diip. 1. c. 2. a. 2. ita descriptit opinionem probabilem: "Probabile dicimus illud, cujus cum veritate aut falsitate prænotitia ignorantia, & rei inevidentia nil certo nobis constet, aliquam verisimilitudinem habet, cui assensum damus formidolosum, ne forte falsum subfit &c." Peccat enim hæc definitio, quòd opinionem probabilem non distinguat ab improbabili, imò ab ipsâ hæret: quis enim nescit, & hæretico formali suum errorem, & temerè opinanti suum obiectum apparere verosimile? Unde nil mirum, si isti auctores probabilitatem nostram in ore & stylo habeant, quando veram probabilitatem cum improbabilitate confundunt, atque hunc monstruosum scopum suis impugnationibus præfigunt.

R. P. Mezger, Theol. Schol. Tom. II.

## § II.

## Solvuntur objectiones.

Oppones tamen auctoritatem Aristotelis, qui 1. 2. Prior. c. 27. & 1. 2. Rhet. c. 2. probabilē definit, quod plerumque contingit, vel quod ferè semper solet fieri. Quæ definitio videtur repugnare nostræ: Nam in nostra, cum utraque pars contradictionis possit habere gravia motiva, quæ merentur prudentum assensum, utraque potest esse probabilis, quia repugnat, ut contradictorium ejus, quod plerumque contingit, ipsum quoque plerumque & ferè semper contingat; cum contradictorium ejus, quod ferè semper contingit, necesse sit, raro contingere. Sed optime advertit Esparza, & explicat Arist. Append. p. 1. 2. 91. & seqq. quòd loquatur de probabili argumentativo & universaliter sumpto, quod est medium syllogismi Topici, unde sicuti posuit principia per se intelligibilia in genere scibilium & certorum, ita posuit principia per se credibilia & probabilia in genere opinabilium, quale est illud: Omnis mater amat filium suum. Non verò de probabili in singulari & proximè practico, quod non dicitur probabile, eo quòd sit medium universale idoneum ad arguendum & probandum [quo sensu Philosophus loquitur] sed, quod dignum sit, ut ex alio prudenter inferatur, & in actionem singularem deducatur: sive [ut vult Esparza] quod probari vel approbari merito potest. Cum igitur Philosophus loquitur de probabili, sumit probabilitatem activè, & relatè ad conclusionem, quæ in illa continetur, pro principio probationis. Theologi in præsentia accipiunt probabilem opinionem passivè pro termino bonæ & validæ probationis. Cui proinde Philosophi definitio nequit accommodari, veluti exemplificat prædictus Esparza ex D. Th. in 4. dist. 45. q. 2. a. 2. quæstione. 1. ad 5. ubi ex supposita veritate illius relationis, quòd D. Gregorius orans pro anima Trajani audierit vocem divinitus allapsam: Vocem tuam audivi, & veniam Trajano do: duplicem modum affert, quo hoc fieri potuerit, utrumque probabile, vel quòd B. Gregorii precibus fuerit ad vitam revocatus, sicque per poenitentiam salvatus, & antecederet, secundum superiores causas, quibus prævidebatur ad vitam revocandus, non finaliter in inferno deputatus, vel quòd anima Trajani non fuit simpliciter à reatu pœnæ æternæ abluta, sed ejus pœna fuit suffensa ad tempus, scilicet usque ad diem judicii &c. ubi vides, neutram partem esse plerumque ex contingentibus, quamvis utraque Divo Thomæ videatur probabilis.

Opponit secundò Vincent. Baron. hæc definitione præ principium, quia de hoc ipso vertitur controversia, an assensus opinionis probabilis sit prudens? hoc enim concessio negari vix poterit, quin electio & usus talis sententiæ, quippe prudenti judicio regulatus, sit concessus & licitus.

Verum neganti incumbit probatio. Definitio ista, quam benignioris sententiæ DD. pro fundamento habent, non petit principium, sed est ipsummet principium & axioma, è quo alia deducuntur, quemadmodum quælibet scientiæ & disciplinæ habent sua determinata prima principia, quæ non tam probant, quàm supponunt. Nihilomi-

In totius veritas istius definitionis amplius dilucidabitur art. seq. & ex hoc patere potest, quod alias probabilis sententia ab improbabili non sufficienter discerni possit. Nam ut exemplum & pariter ducamus à Scholasticis & experimentalibus : Dantur & agnoscuntur in scholis sententiæ speculative & contradictoriè oppositæ, quarum utraque est aliquando probabilis. Cur? quia habet argumenta, non quidem convincentia, gravia tamen, quæ ita merentur assensum, ut quilibet cuicumque ex iis assentiens non temerè, sed prudenter & rationaliter assentiri censetur. Aliquæ verò dicuntur improbabiles non alia de causa, quàm quia non habent fundamenta tanti ponderis, ut non maneant ex adversa parte facile convicta, nec proinde merentur prudentem assensum. Rursus : Si quis assentiatur novis relictis, tum propter competentem referentis auctoritatem, tum propter conjecturas graves, quæ sint ex se potentes persuadere assensum, dicitur prudenter, & non temerè illa credere; aliàs si vel absque auctoritate, aut motivis sufficientibus facile credit, dicitur temerè & imprudenter credere. Igitur opinio prudens est, quæ nititur rationabili motivo, quod sit dignum prudenti assensu: opinio imprudens, quæ nititur levi & insufficienti motivo. Illa propterea est probabilis, hæc improbabilis; ut in speculativis, & civilibus, ita & in practicis & moralibus.

7. Uti verò motiva probabilitatis sunt magis minùsve efficacia, ita etiam probabilitas suos distinctos gradus habet. Supremus gradus videtur esse opinionis probabilissimæ vel probabiliter certæ, cùm tanta est motivorum efficacia, ut opinio opposita relinquatur solum probabiliter probabilis ex nimia inaxialitate motivorum, non verò omnino, ut improbabilis damnari possit, eò quod saltem aliquo non omnino levi rationis & auctoritatis pondere fulciatur. Probabilior est, quæ graviore nititur fundamentis vel extrinsecis ab auctoritate DD. vel intrinsecis à pondere rationum, quæ rursus potest esse in majori, vel minori excessu. Probabilis alia est certò probabilis, quia certò nobis constat, illam habere gravia & ponderosa fundamenta, quibus assentiens culpam velut imprudens nemo possit, & quia ut probabilis habetur, & agnoscitur ferè ab omnibus doctis, sive illam sententiam amplectantur, sive non amplectantur. Alia est probabiliter tantum probabilis, quia licet aliqui ceu probabilem agnoscant, sunt tamen alii, vel plures qui existimant improbabilem, in qua proinde opinio minimus gradus probabilitatis reperitur. Ceterum sicuti opinio quoad nos minus probabilis, ex novæ auctoritatis vel rationis accessu potest fieri magis probabilis; ita è converso magis probabilis fit quandoque minus probabilis; imò probabilis potest ob Ecclesiæ & Concilii definitionem fieri improbabilis, siquidem plures propositiones, quæ antiquis habebantur probabiles, modo non tantum improbabiles, sed etiam hæreticæ habentur.

8. Opinio probabilis dividitur rursus in *speculativæ* & *practicæ* probabilem: speculativè probabilis communiter illa dicitur, quæ habet rationes alienius momenti pro veritate objecti, secundum

substantiam, & abstractè ab omnibus circumstantiis vel particulari exercitio considerari. Practicè probabilis est, quæ habet rationabilia motiva pro honestate actus omnibus consideratis hic & nunc exercendi. In qua acceptione contingit, aliquam opinionem esse speculative probabilem, practicè improbabilem, e.g. probabilis est opinio, posse Sacramentum Baptismi confici in aqua ex sale resoluta; est tamen speculative solum probabilis, quia nulla dantur motiva, quæ suadeant honestam confessionem Baptismi, seu applicationem talis materis extra casum necessitatis hic & nunc exerceri posse. Si verò opinionem speculative probabilem cum Joa. Sanch. illam intellegas, quæ in universali judicat de honestate actus, relatè ad omnes circumstantias [quamvis melius diceretur iudicium speculativum de opinione practicè probabili, quàm opinio speculative probabili]; & practicè probabilem, quæ in particulari hic & nunc relatè ad actuale exercitium judicat de honestate actus; tum fieri vix poterit, ut opinio speculative probabilis, non sit etiam practicè probabilis; siquidem in hoc sensu practicè probabilis est subalternata speculative probabili, & in illa tanquam particularis propositio in universali continetur: e.g. in hoc modo loquendi, iudicium, quo sine certitudine assentior, hominem Christianum in extremis confitutum absque omni signa contritionis, posse sub conditione absolvi, est speculativum: istud verò, quo judico, Petrum hic & nunc in tali casu deprehensum a me posse absolvi, est practicum. Si illud est probabile, etiam hoc debet esse probabile, quia quod dicitur de omni, dicitur de quolibet contento sub illo. Si probabile est, nullum Clericum teneri ad restitutionem superfluum, etiam est probabile, Episcopum, Canonicum &c. non teneri. Si probabile est, contractum censùs Germanici quinque pro centum, non esse usurarium sed licitum, est etiam probabile, hunc contractum ab hac Ecclesiâ, sive &c. initum esse talem.

Potest etiam aliquid esse *probabile quoad se*, quin tamen sit *probabile quoad nos*; & vicissim esse *probabile quoad nos*, quod sit *improbabile quoad se*. Probabile quoad se est, quod à parte rei habet motiva sufficientia ad prudentem assensum; probabile quoad nos, quod in intellectu assentiens habet motiva prudentem assensum suadentia. Contingit autem aliquando, nobis motiva probabilitatis, quæ reverà dantur, debere non innotescere, quemadmodum hominibus in hæresi natis & educatis motiva credibilitatis Catholice fidei non innotescunt: & tunc non obstante, quod opinio in se sit probabilis, erit improbabilis, vel potius non probabilis quoad nos. Aliàs verò motiva probabilitatis pro una parte ita apparent, & repræsentantur iudicanti, ut non appareant rationes vel motiva oppositæ partis, quorum pondere prior opinio eliditur & fiet improbabilis, prout contingit in prædictis hæreticis materialibus; qui cùm nullis fidei Catholicæ rationes, sed solummodo auctoritatem & argumenta suis erroribus tævencia percipere potuerint; ideo ipsorum rationes quoad se penitus improbabiles, quoad illos tamen sunt probabiles.

Tandem potest aliquid esse *probabile directè* & *indirectè*.

*indirecte, vel quasi reflexe.* Directa probabilitas est fundata in ipsa natura objecti. v.g. *probabile est, quod liceat artificiosè pingere die festo, quia probabile est, picturam artificiosam non esse opus servile.* Probabilitas indirecta est, quæ petitur vel ex reflexione supra directam probabilitatem, ut quod sit sententia valde probabilis, licitum esse, sequi opinionem probabilem, vel ex aliqua

circumstantia extrinsecus adjecta : ut quod sibi licitum sit bellare ; quia præsumi potest pro Principe, quod gerat iustum bellum : quod licitum sit hanc rem retinere, quia sit in possessione ; quod liceat hunc actum exercere, eo quod dubia prohibitio non sit sufficienter promulgata & consequenter non obligatoria &c.

## ARTICULUS II.

*Quenam sint principia practicæ probabilitatis?*

## SUMMARIUM.

1. Loci intrinsecæ probabilitatis.
2. Improbatur argumentum à pari.
3. Et inutile ostenditur.
4. Fundamenta docentium unius Doctoris auctoritatem sufficere ad probabilitatem.
5. Argumenta sententia opposita.
6. Limitationes, quibus adversarii suam sententiam restringunt.
7. Sufficit auctoritas unius Doctoris in materia nondum ventilata.
8. Item pro homine indolito.
9. Non pro omni casu, aut contra communem aliorum.
10. Solvuntur rationes oppositæ.
11. Pœnitentes possunt ordinariè acquiescere consilio Confessarii.

## §. I.

*Principia intrinsecæ probabilitatis.*

1. **P**incipia & locos, è quibus motiva probabilitatis practicæ petuntur, non difficulter reperies. Sunt, ut referunt Jo. à S. Th. Honoratus Fabri, aliiq̃ue, inprimis lex ejusdemque explicatio, & concordia circa legem. Consuetudo, quæ non solum legis interpres, sed & pro lege reputatur. Possessio, quæ conditionem possidentis in dubio meliorem efficit. Necessitas, quæ non habet legem, & multa facit licita, quæ alioquin illicita fuissent. Effectus, damna, absurda, quæ ad aliquam operationem sequuntur, aut secutura prudenter timeantur. Adde finem, naturam, proprietates, alicujus objecti.

2. Argumentum verò à pari, si absint cætera, tanquam inefficax & infidum Theologo [ut appellat Esparza in præcæm. Theolog.] nullo modo sufficiens existimo, ad practicam probabilitatem in morum materia conciliandam; quamquam enim ad exercenda ingenia in Scholasticis concertationibus sit idoneum, tamen [inquit profundissimus prædictus Theologus] *plerumque est & inefficax ad persuadendum, & permolestum respondentis, præsertim glorioso, nempe ob defectum cognitionis rationum utrobique differentialium &c.* Unde etiam videmus, Angelicum Doctorem, aliosque antiquos ad sua dogmata stabilienda argumento à pari rarissimè usos fuisse. Præsertim verò, quia paritates ad laxandam morum disciplinam faciliè viam aperire videntur: uti constare potest ex illa opinione in Theolog. fundam. à Caramuele disputativè proposita, & ab Alexandro VII. prohibita: quod unico officio possis satisfacere duplici præcepto pro die præsentis & crastino. Quodnam

R. P. Mez. g. Theol. Schol. Tom. II.

enim expectas hujus egregiæ opinionis fundamentum? paritas est: possum uno jejunio satisfacere voto, Ecclesiæ, vel Confessarii præcepto; ergo etiam uno matutino possum satisfacere præsentis & sequentis diei præcepto &c.

Insuper inefficacia hujus argumentationis ex eo liquet, quod argumentum à pari non nititur connexionem aut repugnantiam subjecti & prædicati consequentis cum aliquo tertio, sed tantam prædicatum antecedentis transfert ad subjectum consequentis, eodem modo, quo posicum fuerat in antecedenti propter solam similitudinem & uniformem comparisonem subjectorum utriusque propositionis quoad illud prædicatum. Unde nec est ad efficaciam & vim concludentem paritatis, ut illi arguunt; superaddatur ratio ulterior efficax communis antecedenti & consequenti, quæ reddet inutile, certè minimè necessariam paritatem; quia perinde accommodari poterit, & cum eadem vi soli consequenti, relicto antecedenti. F. g. ut hæc paritas probet: *Aqua est corruptibile*; ergo & terra, oporteret accipere rationem & terminum utrique communem: quia est æquè elementum: Cur ergo non dicis: *Omne elementum est corruptibile*: sed terra est elementum; ergo. Unde vides inutilitatem paritatis.

## §. II.

*An ad extrinsecam probabilitatem facias auctoritas unius Doctoris?*

**M**ajor est in extrinsecæ & authentica probabilitate statuenda difficultas. Sunt enim primò, qui cum Caramuele, utroque Sanch. Palao, to. 1. tr. 1. disp. 2. p. 1. affirmant, unius Auctoris moderni, gravis & docti placitum, etiam communi DD. opinioni contrarium, sufficere ad constituendam opinionem probabilem; ita, ut quis illam tuta conscientia sequi possit.

Probant primò. Quod asserunt plures, quàm 16. Auctores, est probabile: sed unius Doctoris gravis & pii auctoritatem sufficere ad extrinsecam probabilitatem, docent plures, quàm 18. Auctores, ut est videre apud citatos Auctores: ergo.

Secundò. Sententia probabilis est, quæ non levi nititur fundamento: sed auctoritas unius viri docti & pii non est leve fundamentum, cum cuiuslibet sit in sua arte credendum: ergo.

Tertiò. Potest quis privato consilio ejusmodi Doctoris moveri ad agendum: ergo etiam potest sequi ipsius consilium typis vulgatum.

Quartò. Discipulus securè sequitur sententiam sui magistri, & subditus Superioris: ergo à fortiori



fortiori poterit aliquis ſe conformare ſententiæ typis mandatæ, & ab aliis approbatæ.

Quintò. Eccleſiæ DEI adhuc quotidie illuminatur, & interdum revelatur minori, quod major nescit, ut dicit gloſſa in c. ad noſtram de conſuetudine. D. Bened. in Reg. c. 3. & colligitur ex c. ſi habes. 24. q. 3.

Sextò. Sic introductæ ſunt apud Theologos plures ſententiæ Antiquioribus incognitæ, cum D. Thomas, Durandus, Scotus, alique ſimiles cœperunt contra omnes opinari.

5. Sed in contrarium eſt primò conſtitutio Alexandri VII. qui hanc ipſam ſententiam damnavit anno 1665. quòd, *ſi liber ſit alicujus junioris & moderni, debeat opinio cenſeri probabilis, dummodo non conſtet reſectam eſſe a Sede Apoſtolica.*

Secundò. Proverb. 3. dicitur: *Ne innitatur prudentiæ tua, nec ſis ſapiens apud te metipſum,* quod tamen facit, qui ſui capitis placitum omnium retrò antiquiorum doctrinæ anteponit.

Tertiò. Authoritas Vincent. Lirinens. in l. contra profanas vocum novitates: *Quiſquis univerſitati [communi DD. ſenſui] contradicit, cenſeri debet vel animoſè laborare inſectiâ, vel arrogantem conſidentiâ ingeniî, vel malignâ decipiendi voluntate.*

Quartò. Plus velle ſapere, quàm alii omnes, præſumptuoſum eſt, & temerarium: ſed qui tradit ſententiam ſingularem contra alios omnes, vult plus ſapere iis omnibus: ergo talis ſententia potiùs præſumptuoſa & temeraria, quàm probabilis cenſeri debet; præſertim cum præſumptio prudentiæ & ſanæ doctrinæ ſemper ſtet pro antiquitate, ſive authoritate DD. Sanctitate, doctrinâ, & experientia præſtantium, juxta Spiritûs ſancti teſtimonium. Eccleſ. 8. *Ne deſpicias narrationem præſbyterorum ſapientium, & in proverbiiſ eorum converſare, ab ipſis enim diſces ſapientiam intelligentiſ &c. Non te prætereant narratio ſeniorum, ipſi enim didicerunt a Patribus ſuis &c.*

Quintò. Quia facile eſt, ſpecie viti docti & pii alios decipere, & in animæ periculum inducere.

Sextò. Quia hujus ſententiæ Authores ipſi inter ſe diſſident, & variis limitationibus ſuæ opinionis diſſidentiam manifeſtant.

6. Nam Caramuel in Theol. fundam. fundam. 7. requirit primò, ut ejuſmodi Doctor non ſit promotus in aliqua univerſitate, in qua obvii quicunque promoveri ſolent, & quæ de ſuis promotis juxta commune adagium dicunt: *Maneat ejus argentum apud nos, & aſinus lauteatus revertatur in patriam.* Palao n. 4. addit ſecundò: *Ut non conſtet ejuſmodi ſententiam ab Apoſtolica ſede tanquam improbabilem eſſe reſectam.* Sed quia iſtæ limitationes adhuc videntur nimis amplæ, limitat tertiò Laym. l. 1. tit. 1. c. 5. *Si ille Doctor non temerè, ſed poſt diſſolutas aliorum opiniones ſuam ſingularem ſententiam proponat.* Et ulterius quartò: *ut illam opinionem exſtituto, non tantum incidenter, & ex occaſione v. g. in ſolutione alicujus argumenti tractaverit, quia, ut dicit Maſcardus de prob., quæ dicuntur incidenter, fortè ad colorem, non verò ad probationem dicuntur.* Quintò: *ut calleat Theologiam moralem, quia notitia ſpeculativæ Theologiæ*

non eſt ſufficiens argumentum de notitia moralium. Sextò: *ut ſententiam proponat jam maturâ conſideratione, non præcipitanter, non ſtudio novitatum; neque ſoleat receptis ſententiis datâ operâ contrariare, & principia ponere, quibus præceptiva poteſtas Eccleſiæ, & morum diſciplina enervatur.* Septimò: *ut illa ſententia à comuni aliorum non reprobetur ut ſingularis & improbabilis.* Octavò. *Ne oppoſita ſit recepta in praxi & communi Eccleſiæ conſuetudine, quæ habet vim legis.*

### §. III.

#### *Noſtræ reſolutiones.*

Inter hæſce DD. opiniones non videtur una & univerſalis regula poſſe ſtatuî. Unde Dico primò: quando communis aliorum Doctorum non eſt in contrarium, ſive quando materia talis doctrinæ nondum fuit ventilata, aut in quæſtionem deducta, poteſt unus vir doctus facere ſententiam probabilem; ſi firma ratione moveri intelligitur. Neque exiſtimo, quòd hæc aſſertio habeat contradicctorem, cum ſatente Jo. à S. Th. q. 18. diſp. 12. a. 3. n. 33. plerumque in antiquis hoc modo opiniones probabiles ex rationibus & dictis SS. PP. ab uno, aut altero inſigni Doctore deductæ & introductæ fuerint.

Dico ſecundò. Ad formandam conſcientiam præctice probabilem homini imperito vel indocto, qui non poteſt nec tenetur ſcire, quid hinc inde Doctores ſentiant, ſufficiat authoritas unius viri ſecundum prudentem exiſtimationem docti & pii. Neciſſa conſcluſio patitur difficultatem. Nam primò: Illa authoritas ſufficit ad probabilitatem extrinſecam, quæ ſufficit ad faciendam prudentem fidem humanam: ſed homini ſimplici & indocto ad faciendam prudentem fidem humanam ſufficit authoritas viri, qui communi exiſtimatione vel invincibili opinione conſultentis habetur doctus & pius: ergo. Minor probatur: quia in viro docto & pio, ex parte doctrinæ prudenter præſumitur veracitas in cognoscendo, quâ falli facile non poſſit, & ex parte probitatis veracitas in dicendo, quâ fallere non velit: ſed hoc eſt ſufficiens motivum prudentis fidei: ergo. Secundò: Eſſet onus nimium grave, & communi fidelium praxi contrarium, ſi plurium opiniones explorare, & quænam ex iis communes, quæ ſingulares forent, inquirere tenerentur.

Dico tertiò. Unius Authoris ſive Antiqui, ſive Recentioriſ ſingulariſ ſententia contra communem aliorum, non facit univerſaliter pro communi uſu & praxi ſufficientem probabilitatem, priuſquam aliorum DD. in eadem materia expertorum judicio habeatur pro probabilis, & cenſeatur niti gravibus ac firmis fundamentis. Ita Jo. à S. Th. d. loc. num. 33. & Ildeſonſ. Cæſarug. diſp. 208. dub. 1. n. 411. Ratio eſt: ſi ſententia ſingulariſ eſt antiqua contra communem aliorum, hoc ipſo eſt relictâ & antiquata, nec proinde probabilis: ſi eſt ſententia alicujus Recentioriſ, vel eſt fundata in authoritate & rationibus Antiquorum, vel non eſt. Si primum, jam non eſt ſimpliciter nova & ſingulariſ. Si ſecundum: ergo vel habet rationes & fundamenta gravia, vel non habet. Si non habet, hoc ipſo eſt rea temeritatis,

ritatis, quòd absque gravi fundamento à communi aliorum doctrina recedat, idque probant rationes pro secunda sententia adductæ: si habet, de illis legitime constare debet, quòd non sint ex proprio scribentis iudicio [suum enim cuique pulchrum] sed ex aliorum in eo scribendi genere versatorum sententia. Atque ita conciliabis plerosque Autores circa hoc punctum sibi in speciem oppositos.

10. Neque obstant rationes pro prima sententia adductæ. Non prima: partim quia major est falsa: non enim Authorum numerus, præsertim cum non nisi ab aliis relata referunt, imò [ut Jo. à S. Th.] per se loquendo sola personæ Authoritas non facit probabilitatem practicam, nisi præsumptio sit fundata de iis, quòd non leviter & superficialiter res serias tractant, sed cum fundamento & pondere, sive deinde sint plures, sive pauciores: partim quia licet plures Autores doceant, quòd ad probabilitatem practicam sufficiat unius Doctoris autoritas, id tamen affirmant non sine limitationibus & distinctionibus præmissis.

Non secunda, quia Autoritas viri docti & pii absolute spectata non est leve fundamentum, concedo; comparata cum omni retrò antiquitate & universitate Doctorum, nego.

Non tertia & quarta: Quia Autoritas unius Doctoris respectu alicujus Personæ privæ simplicis & indoctæ potest esse grave fundamentum; non tamen respectu totius communis, eorumque, qui sciunt aut scire possunt & debent, talem

sententiam esse singularem, & communi aliorum doctrinæ contrariam. Nec ad rem facit approbatio impressis Authoribus adjuncta; neque enim approbantium intentio regulariter esse solet, sententiis approbatis practicam probabilitatem asserere, vel conciliare: sed solummodo testari, nihil inibi Ecclesiæ constitutionibus, sanæ fidei, ac morum doctrinæ contrarium contineri.

Non quinta: Neque enim Ecclesiæ DEI illuminatur, sed potius obfuscatur novis doctrinis, quibus in nimiam vitæ licentiam conscientiæ laxantur: sed per deductionem aliarum, & aliarum conclusionum ex SS. PP. principiis communis Catholicorum consensu stabilitis: quo modo Angelicus Doctor suas omnes doctrinas tradidit & conscripsit.

Inferes ex dictis: Pœnitentes aut parochianos ordinariè non obligari, ut post acceptum à Confessario, vel paroco consilium, alios interrogent: siquidem prudenter possunt præsumere, ad hujusmodi officium non nisi doctos & idoneos à Superioribus deputari. Quòd si de contrario constaret [uci etiam si dicas, Authorem aliquem impressum continere multas sententias damnatas & improbabiles, vel non fideliter citasse & referre Autores] non satis tuto operarentur, si ejusmodi consilium, non requisito alterius viri pii & docti, classicæ Authoris consilio & placito, sequerentur: siquidem non adesset sufficiens persuasio de dicentis veritate, quæ ad prudentem credulitatem requiritur.

## ARTICULUS III.

### *An & quomodo ex opinione probabili possit formari*

*Conscientia certa?*

#### SUMMARIA.

1. Status questionis.
2. Primum fundamentum sententiæ negantis, quòd in probabilitate desit certitudo de honestate actionis.
3. Impugnatur responsio.
4. Secundum fundamentum, quòd probabilitas non possit esse regula honestæ rationis.
5. Tertium, quòd sit conjuncta cum vincibili ignorantia obligationis.
6. Formari posse rectam & certam conscientiam ex iudicio probabili, ostenditur ex Sancto Thoma.
7. Probatur ex perpetua praxi.
8. 9. Ex ipsius principii adversariorum.
10. Probatur ratione a priori.
11. Ad formandam conscientiam concurrunt iudicium directum & reflexum.
12. Ex conscientia formaliter & intrinsecè probabili non licet operari.
13. Opinionis tantum probabiliter probabilis usus non est licitus.
14. Nec sufficit quicumque tenuis gradus probabilitatis.
15. Operans ex opinione probabili tantum habet formidinem ex parte iudicii remoti & speculativi.
16. Iudicio opinativo accedit novitate persuadens operationem esse licitam.

17. Probabilitas regulata per prudentiam est regula remota humane operationis.
18. Qui errat in sequela sententiæ probabilis, habet invincibilem ignorantiam.

#### §. I.

*Fundamenta negantium probabilitatem sufficere ad prudentem assensum.*

PRIMA utriusque & benignæ & rigorosæ sententiæ fundamenta disquirenda suscipimus. 1. Habent igitur sententiæ probabiles defensores, qui ad honestatem operationis certum conscientie iudicium requirunt, pro primo quasi principio & axiomate, quòd opinio practicè probabilis fundet prudentem assensum, ex quo deducunt, quòd sequens opinionem probabilem prudenter & licite operetur. Negant rigidæ sententiæ patroni, & ceu petitionem principii rejiciunt, opposcentes [sua opinione] è diametro contrariam regulam: Probabilitas [quippe conjuncta cum formidine erroris] non potest esse regula humane operationis: qui cum opinione probabili operatur, dubiè, imò, imprudenter operatur. Itaque hujus fundamenti veritatem discutimus in præfati. Et quidem Anton. Merenda in tr. de Conscientia, usum probabilitatis universaliter impugnât,

nat, tanquam illum, ex quo prudens conscientia formari non possit. Quem de quacunque probabili favente libertati contra præceptum sequuntur. Vincent, Baron. Contens, Mercorus. Nam

2. Primo. Conscientia recta seu regula Divinitus derivata, & adus prudentiæ debet esse judicium certum de honestate operationis [ut dictum in præced. art.] sed operans ex conscientia probabili non habet judicium certum de honestate operationis; ergo non habet conscientiam rectam & certam, adeoque peccat. Minor probatur: qui operatur cum formidine, ne peccet, non habet certum judicium de honestate operationis; sed operans ex conscientia probabili habet formidinem, ne peccet: quia hoc est de essentia assensus probabilis & opinativi, habere formidinem obiecti.

3. Neque dicas: Esse tantum formidinem speculativam de obiecto, non autem practicam de operatione, quam quis cerò judicat esse licitam.

Nam contra est, quale est judicium de obiecto, tale est regulariter de operatione, nisi nova circumstantia, vel ratio accedat: sed judicium speculativum de obiecto est cum formidine oppositi: ergo tale est etiam judicium practicum de operatione. Major probatur: quia judicium practicum de operatione inferitur ex speculativo tanquam conclusio ex præmissa, adeoque sequitur conditionem ipsius, ut si illa sit cum formidine, sit etiam ista, præsertim cum conclusio sequatur partem debiliorem. Ita v. g. sit discursus: *Opus non servile possum die festo licite exercere: sed pingere probabiliter non est opus servile. namvis forte sit opus servile propter rationes, & auctoritates oppositas: ergo possum illud licite die festo exercere.* Ecce! minor, quæ est assensus speculativus de obiecto, cum sit tantum probabilis opinio cum formidine oppositi, seu præmissa influit in ultimum & practicum dictamen de operatione, ac proinde formidinem de ipsa operatione in illud derivat.

Confirmatur. Conclusio non habet majorem certitudinem, quam præmissæ, & à qualitate universalis affirmativæ est necessaria consequentia ad qualitatem suæ particularis: sed practicum dictamen conscientie de operatione in ordine ad judicium speculativum de obiecto, se habet sicut conclusio ad præmissam, & sicut particularis ad universalem. Unde si sit formido in judicio antecedente, num iste contractus sit usurarius, erit etiam formido in consequente, num sic contrahendo committam usuram. Si sit formido, num Clerico liceat venari, erit etiam formido, an ego Clericus venando peccem.

4. Probatur secundò: Probabilitas non potest esse regula humanæ operationis: ergo conscientia probabilis non est recta. Antecedens probatur. Judicium, quod ex se non est magis conforme, quam difforme legi æternæ, & ex proprio modo tendendi intellectum non magis ducit ad verum, quam ad falsum, non est regula rectæ rationis, quæ tanquam exemplata à suprema regula legis æternæ debet eidem conformari: sed judicium probabile ex se non est magis conforme, quam difforme legi æternæ. quippe dubium & formidolose de transgressione legis & errore falsitatis; ergo,

Quartò. Posito, quod Cajus ex conscientia probabili ponat operationem illicitam à parte rei, & sic erret, tunc peccat: ergo conscientia probabilis non potest esse recta regula humanæ operationis. Antecedens probatur: qui errat ex vincibili ignorantia, peccat: sed Cajus ex ignorantia vincibili errat: ergo. Minor probatur. Ille errat ex vincibili ignorantia, qui tenetur cavere errorem, eumque aliquo modo prævidet; sed qui habet conscientiam probabilem, ratione formidinis prævidet aliquoties errorem, eumque tenetur vitare ex hypothesi: ergo.

## §. II.

### Contraria sententia adstruitur.

His tamen nequaquam obstantibus certissimi. 6. Hum esse debet, posse ex opinione vete probabilis [abstrahendo à concursu æque aut magis probabilis] formari prudens ac certum judicium conscientie rectæ. Ita colligo ex S. D. in quodlib. 2. a. 13. ubi instituta quaestione, num peccet, qui sciens contrarias in utramque partem opiniones DD. nihilominus judicat. sibi licitum esse habere plures præbendas? cum distinctione respondet: *Aut in quandam dubitationem inducitur ex contrarietate opinionum, & sic si manente tali dubitatione plures præbendas habet, periculo se committit, & sic procul dubio peccat. Aut ex contrariis opinionibus in nullam dubitationem adducitur, & sic non committit se discriminari, nec peccat.* Supponit itaque S. D. fieri posse, ut quis ex contrarietate opinionum probabilium, quales sunt in posito casu, nullam habeat practicam dubitationem, adeoque ut cum probabili opinione conjungatur judicium certæ & rectæ conscientie, sufficientis ad licitam & honestam operationem.

Probatur prin.º. N si ex probabili opinione 7. posset formari certa & recta conscientia, vix quicquam licite fieret, ex omnibus, quæ quotidie fiunt & practicantur in Curia Principum, in tribunalibus judicum, Consistoriis Episcoporum, & cum pleræque sententiæ non nisi probabilibus nitantur fundamentis, & rarissima sit in casuum emergentium decisionibus certitudo. Pervolve Theologos Scholasticos, Morales, Antiquos, Novos Celeberrimos Sacri Civilisque Juris interpretes, sanè pro fori interni externique directione pauca invenies certa, pleræque documenta probabilia. Circumstantias intra eandem speciem aggravantes non necessariò subjungendas confessioni, innocentem privatà scientià & notitià, sed secundum allegata & probata nocentem, etiam capitali sententia damnari posse, opinio tantum est, eaque probabilis: utramque tamen tradit D. Th. non pro schola, sed foro & judicio tum interno poenitentiali, tum externo, aliis Doctotibus contrarium sentientibus. Si ex hac probabili D. Thomæ Doctrina secuta & certa conscientia formari non potest, quæ, ex quamvis Authorum doctrinâ formari poterit? an ipse S. D. excusari poterit, pro usu & praxi tradens metissimam opinionem, quæ [utpote in certæ conscientie dictamen juxta adversariorum principia non reducibilis] in usum & praxin licitè deduci non potest? Sed de hoc plura paulò inferius. Ipse Summi Pontifices

hæc cum maturo consilio vel in solenni Religio-  
nis voto, vel in matrimonio rato dispensant,  
non nisi probabilem opinionem sunt secuti, cum  
de facto multi graves DD. præsertim Thomistæ  
censeant, utrumque vinculum esse indispensabi-  
le: nec absque reuerentia dici potest, ipsos teme-  
re, & absque prudenti conscientia dictamine in  
re tam gravi processisse.

8. Probatur secundò argumento ad hominem ex  
ipsiusmet adæriorum principiis: *Sententiam, cui nihil obstat, & ex alio medio positivè est proba-  
bilis, possum tuta conscientia sequi* [Ita concedit  
Jul. Mercor. p. 1. a. 15.] ergo potest ex tali sen-  
tentia probabili formari iudicium prudens con-  
scientia. Omnino, inquit; sed ea ratione, quæ  
nihil ei obstat, concedo; ratione mediæ præcise, quò  
dicitur probabilis, nego. Contra: quòd nihil ob-  
stet, non facit, quòd minus sententia ex medio pro-  
babili deducta sit opinio, contenta intra limites  
probabilitatis; neque enim ex hoc intellectus e-  
videnter convincitur, & necessitatur ad præstan-  
dam assensum; e. g. ex hoc, quòd habeant signa  
probabilia, è quibus iudicem penitentem esse  
contritum, & nulla adsint motiva positiva in  
contrarium, non sequitur, quòd certò iudicem  
illum esse contritum; non enim [ut argumento  
adversariorum utar] plus potest esse in assensu,  
quam in motivo: atqui motivum est mere pro-  
babile: sequitur ergo, quòd vel sententiam pro-  
babilem, etiam cui nihil obstat, non possum tuta  
conscientia sequi; vel quòd ex opinione proba-  
bili certificari possit conscientia, quorum utrum-  
que repugnat doctrinæ adversariorum.

Confirmatur. Quoties habeo sententiam verè  
probabilem positivè, toties nihil obstat: ergo  
possum illam licitè sequi, adeòque ex illa formare  
iudicium certum conscientia. Antecedens pro-  
batur. Vel obstat alia sententia æquè vel ma-  
gis probabilis, vel lex, vel illa regula, in dubio  
tutor pars est eligenda.

Primum non obstat dicemus §. 5. seqq. nec  
obstat lex, quia illa esset lex dubia, cui prævalet  
possessio libertatis [ut dictum in præced.] nec ob-  
stat illa regula; quia hæc locum habet in parte  
adversative tutori, quæ opponitur non tutæ:  
atqui sententia verè probabilis est verè tuta, ut  
dicemus.

9. Rursus. Quisquis prudenter disponit formi-  
dinem practicam, format certam & prudentem  
conscientiam, sicuti qui prudenter deponit du-  
bium practicum, format prudentem conscientiam:  
sed habens opinionem verè probabilem  
potest prudenter deponere formidinem practi-  
cam; ergo. Minor probatur. Depositio formi-  
dinis practicæ, seu certificatio facile potest ha-  
beri per media extrinseca, ut sunt *Autoritas Do-  
ctorum, assensu, consuetudo, præscriptio, præsumptio,  
possessio, tolerantia, exemplum* &c. [Mercor. 1. p.  
a. 14.] Et: *Si qui debet operari, est rudis, facile  
potest certificari consilio Confessarii, vel proprii Pa-  
rechi, vel alterius viri docti & probi, quorum Au-  
thoritas sufficit, ut tuto operari possit* &c.

Sed, quisquis habet opinionem verè probabilem,  
habet illi hæc media præmemorata: & motiva  
extrinseca, quòd sibi sit licitum sequi in praxi sen-  
tentiam verè probabilem, ut latius expendemus

in sequentibus: ergo potest deponere formi-  
dinem practicam.

Confirmatur 1. Omnia hæc media extrinseca  
prædicta non transcendunt limites verè probabi-  
litate: ergo per ipsos Adversarios probabilitas  
practica sufficit ad certificandam conscientiam,  
sicut plus conceditur, quam petitur.

Confirm. 2. ex ipso Fagnano n. 99. *Si rationes  
probabiles sunt plures, & tanti ponderis atque mo-  
menti, ut illis intellectum sine ulla formidine acquie-  
scat, & iudices, remissa se habere, hæc est moralis  
certitudo, quæ sufficit ad recte operandum.* Ergo  
habens opinionem probabilem potest deposita  
formidine practica formare iudicium conscien-  
tia moraliter certum.

Probatur tertio fundamentaliter ratione a priori.  
Quisquis operatur ex conscientia verè probabili,  
potest ex certis præmissis deducere ultimum iu-  
dicium conscientia practice practicum: ergo  
potest formare conscientiam certam. Antecedens  
probatur: Sit, qui deliberet, an pro hone-  
sto rei domesticæ incremento liceat sibi inire  
contractum census utrinque redimibilis: is ex  
suppositione, quòd opinionem de licetitate huius  
contractus habeat pro verè probabili, sic poterit,  
si non semper formaliter & explicitè, saltem  
virtualiter & implicitè ratiocinari: *Illum con-  
tractum hic & nunc licite in eo, quem prudenter  
censeo esse licitum, vel qui mihi prudenter appare-  
re licitus: sed contractum census utrinque redimibi-  
lis prudenter censeo esse licitum: ergo contractum  
census redimibilis licite in eo.* Major est certa:  
nam ex prudenti assensu intellectus sequitur pruden-  
ter electio voluntatis, quæ veluti cæca potentia  
undequeque à prævio intellectus dictamine regu-  
latur. De minoris propositionis forsitan veritate  
& certitudine dubitat? nam quo pacto certa  
est, quam omnes oppositæ sententiæ Authores  
negant? opinativè, inquit, censeo illum contra-  
ctum esse licitum: ergo non prudenter; opinio-  
quippe includit formidinem, ne contractus non  
sit licitus, prudentia excludit: illa versatur circa  
objectum opinabile, ideoque incertum; hæc  
circa objectum infallibile & certum. Verum, si  
rem bene inspicias, etiam hanc præmissam vide-  
bis esse certissimam: nam illud prudenter censeo  
esse licitum, quòd bonâ fide adhibita diligentia  
debita ex motivis gravibus, & ad prudentem as-  
sensum sufficientibus censeo esse licitum: ergo  
prudenter censeo esse licitum. Major ex termi-  
nis claret; alias motiva essent ad prudentem as-  
sensum sufficientia, & non essent. Minor est æ-  
què certa; nam motiva opinionis verè probabi-  
lis non aliunde sunt distincta à motivis sententiæ  
improbabilis, vel tantum probabiliter probabilis,  
nisi quòd illa sunt tam ponderosa & gravia, ut  
prudens & recta ratio iudicet illa digna assensu  
[propositio probabilis, inquit Mercor. est, pro qua  
stat motivum urgens & grave] ista verò non sunt  
tanta, ut prudens ratio æstimet digna assensu, nec  
alia est ratio, cur in speculativis aliquis pruden-  
ter existimet, hanc sententiam esse veram, cur  
Confessarius prudenter existimet, penitentem  
esse contritum, cur prudenter existimet, hanc  
hostiam esse consecratam, nisi quia prudens & re-  
cta ratio dicit, adesse motiva digna assensu. Cum  
enim



enim in innumeris veritatibus tam speculativis quam practicis motiva non sint convincentia, ideoque necessarius sit voluntatis impulsus, quo intellectus applicetur ad hujus vel illius opinionis assensum, ad prudentem & rectam rationem seu arbitram pertinet, inspectâ motivorum dignitate sententiam ferre, an absque temeritatis vitio voluntas intellectum ad assensum hujus opinionis applicare possit, & si judicet posse, hoc ipso voluntas prudenter applicabit, intellectus prudenter assentietur; & [siquidem processus fiat ad dirigendam operationem] ex prudenti assensu prudens dictamen conscientie derivabitur. Sicuti ex eo, quod prudentia dicitur, in his circumstantiis hostiam esse habendam pro consecrata, sequitur illam esse adorandam. Unde ista propositio: *Hunc contractum prudenter censeo esse licitum*: non est opinativa, sed prudentialis & certissima, quantumvis originari possit in alia præsupposita opinativa tantum, quâ judicem absolute, hunc contractum esse licitum. Quod ut fiat planius.

11. Advertendum est, in practica consultatione, quâ Conscientia ex probabilibus formatur, posse intervenire formaliter vel virtualiter duplex, aut triplex judicium: Primum remotum, inchoativum & directum est, quo cum formidine oppositi intellectus vi talium motivorum prudenter [hoc est juxta directionem prudenter] opinatur contractum esse licitum; alterum est proximum conscientie, sed reflexum & certum, cum nempe intellectus supra opinionem reflexus, judicat illam verè probabilem & prudentem, quod est judicium certum & propositio non absoluta, sed modalis, modum prudentialitatis & probabilitatis includens: Hinc reflexioni potest accedere altera; si cogites usum veræ probabilitatis communissimo ac diutissimo DD. consensu & doctrina, Academicarum præsertim in Consiliis formandis, virorum æque doctissimorum ac piissimorum usu & praxi receptum esse, quod principium infra amplius stabilendum etiam ex Adversariorum confessione sufficit ad conscientiam moraliter certificandam. Unde vides, tamen si remotum judicium [quod comparatione ad proximum speculativum dicimus] sit opinativum; quia tamen proximum & practicum, ex quo conscientia inferitur, est moraliter certum: ideo ex probabilis opinione certam conscientiam deduci posse.

### §. III.

#### Corollaria.

12. EX dictis inferes primò. Quo sensu verum sit, quod quis ex conscientia probabilis licite operetur. Nam vel conscientiam vocas probabilem formaliter & intrinsecè, videlicet ex actu formali conscientie proximè dirigente operationem, & sic falsum est, quod liceat operari ex conscientia probabilis; quia actus conscientie, qui est regula honestæ operationis, debet esse certus & prudentialis; assensus verò probabilis est intrinsecè opinativus & incertus, includens formidinem oppositi. Vel vocas probabilem tanquam extrinsecè, præsuppositivè, & originativè, quia nempe originatur in speculativo judicio probabilis & opinativo, tamen ex parte ultimati assensus sit con-

scientia certa absque formidine oppositi, & tunc licet operari ex conscientia probabilis: tunc enim operans supponitur practicam formidinem deposuisse, & formare prudens dictamen conscientie, quod hæcenus ostendimus. Nec refert, quantumvis ex parte judicii præsuppositi remaneat formido [quam latiori sensu etiam dubitationem appellant] obest operanti. Debet igitur operaturus ex probabilis opinione, modis prædictis formidinem practicam deponere, quod si negligat, non exculabitur à peccato, quippe qui malâ fide & imprudenter operatur, ac temerè sese ingerit periculo peccandi: neque per ignorantiam invincibilem excusatur.

Inferes secundo: Non posse formari judicium certum rectè conscientie ex opinione tantum probabiliter probabili: neque proinde [nisi excusante necessitate] talis sententie usum & electionem licitam fore. Ita Honoratus Fabri, Terrillus, Beatus, & plerique tam Theologi, quam Canonistæ contra Caramuelem, Tamburinum, & nonnullos alios. Ratio est: quia ut possit formari judicium certum conscientie, debet adesse prævium aliquod judicium certum, quale ostendimus adesse, cum conscientia formatur ex opinione verè ac certò probabili: sed tale nullum adest: ergo. Ais: Adesse illud: quod opinioni probabilis prudenter assentior. Contrà. Ideo prudenter assentior opinioni probabilis, quia juxta prudentem & rectam rationem est digna assensu, sive quia habet talia motiva, quæ prudenter judicantur digna assensu: sed hoc solummodo convenit sententie verè & practice probabilis: quia quamdiu non certò constat, quod motiva sint digna assensu, tamdiu non potest judicari opinio esse digna assensu: sed quamdiu opinio habet conjunctam formidinem improbabilitatis [uti fit in opinione tantum probabiliter probabilis] tamdiu non certò constat, quod motiva sint digna: ergo etiam quamdiu opinio habet conjunctam formidinem improbabilitatis, tamdiu non potest prudenter judicari digna assensu.

Accedit primò. Illa motiva non merentur prudentem assensum, quæ de hoc ipso sunt dubia: sed motiva, quæ faciunt aliquam opinionem probabiliter probabilem, sunt dubia, num mereantur prudentem assensum, eò quod opposita motiva sunt tanta, ut faciant suam opinionem probabiliter certam: ergo non merentur prudentem assensum.

Accedit secundo. Quod in probabilitate tam latè accepta vix appareat discrimen à laxitate conscientie & sententiarum, unde quaque ab utriusque tam benignè, quam rigidè sententie authoribus merito impugnata, Pontificis quoque decretis frequenter fulminata: ubi hoc tamen merito improbandum, quod à iustis non adeò multis quidam DD. ardentiori zelo pro morum disciplina correpi, dum vellent ac deberent laxitatem, universam probabilitatem, cuius nomine illa palliata intraverat, oppugnare cœperunt; cum potius probabilitatem, sine qua inter homines nec vivere, nec vivi potest, furto usurparam laxitati eripere, suæ integritati restituere, & verè à fucatis distinguere debuissent.

Inferes

14. Inferes tertio. Quemcumque probabiliter gradum nequaquam sufficere, ut exinde recta conscientia & honesta operatio deriveretur; nam tenuissimus probabiliter gradus reperitur intra opinionem etiam tantum probabiliter probabilem: sed ista non sufficit ad rectam conscientiam, juxta prædicta; ergo nec ille. Opposita sententia damnata merito, & rejecta est à Summo Pontifice D. N. Innocentio XI, in nuperrimo decreto edito anno 1679, n. 3.

15. Ad rationes in contrarium, & ad 1. Respondeo negando minorem, probationem distinguo: qui habet formidinem practicam & ex parte judicii proximi, non habet conscientiam certam, concedo; qui habet formidinem tantum speculativam, & ex parte judicii remoti, nego: Sed operans ex opinione probabili habet formidinem speculativam, concedo; practicam, nego minorem & consequentiam.

16. Ad secundum Respondeo. Ut ex opinione probabili formetur recta conscientia, esse necessarium, ut ad judicium opinativum de objecto accedat nova ratio, quæ certo persuadeat, operationem esse licitam, quod fit tum reflexione supra judicium opinativum modo explicatum, tum etiam supra communem praxin, auctoritatem & possessionem libertatis. Et ad illum discursum: *opus non servile &c.* dico illum esse virtualiter reflexum supra probabilitatem opinionis, propter ly *probabiliter* positum in minori, & facere hunc sensum: *Opus, quod mihi prudenter apparet non servile, possum licite die festo exercere: sed pingere prudenter mihi apparet opus non servile: ergo possum illud hoc die festo licite exercere.* Ubi ex utra-

que præmissa certa & evidenti sequitur similis conclusio. Sicut si in simili dicas: *Hunc penitentem prudenter absolvo, qui mihi prudenter apparet contritus, etsi forte non sit talis: sed iste mihi prudenter apparet contritus: ergo.* Hinc patet responso ad Confirm. nam conclusio non habet majorem certitudinem, quam præmissæ proximæ, concedo; remotæ, nego.

Ad tertium Respondeo. Probabilitas non potest esse regula humane operationis formalis, proxima, & antequam sit regulata per prudentiam, concedo; occasionalis, remota, vel quatenus regulata per prudentiam, nego.

Ad quartum respondeo. Si Cajus erraret in se, quando opinionem probabilem, non peccare ex ignorantia vincibili, qui non adhibuit omnem diligentiam, quam potuit adhibere ad cavendum errorem: sed Cajus adhibuit omnem diligentiam, quam potuit adhibere, quia certitudinem in objecto merè probabili reperire non potuit; etiam quam debuit, quia ad plus non tenetur, quam ne temerè & imprudenter assentiat objecto. Ad probationem Respondeo: Ille vincibiliter errat, qui tenetur cavere errorem, adhibendo diligentiam debitam in veritate investiganda, eumque prævidet, tanquam ex omissione debita diligentiae eventurum, concedo; alias quomodocunque eventurum, nego. Sed habens conscientiam probabilem ratione formidinis aliquo modo prævidet errorem, ut quomodocunque possibilem evenire, concedo; ut ex omissione debita diligentiae eventurum, nego minorem & consequentiam.

## ARTICULUS IV.

*An sit possibilis electio opinionis probabilis in concursu aequè probabilis, vel probabilioris?*

### SUMMARI A.

1. Status questionis.
2. Fundamenta Mercori negantis hanc possibilitatem.
3. Impugnatur hoc singularis sententia.
4. Rationes pro possibilitate eligendi probabiliorum.
5. Solvuntur rationes Mercori.
6. Fundamenta sententia negantis possibilem assensum opinionis aequè probabilis.
7. Impugnatur hac sententia.
8. Et probatur opposita.
9. Respondetur ad rationes sententia contraria.
10. Rationes sententia negantis posse intellectum assentiri opinioni minus probabili.
11. Impugnatur hac sententia & opposita statuitur.
12. Respondetur ad opposita fundamenta.

### §. I.

*Statuitur possibilitas eligendi probabiliorum in concursu minus probabili.*

1. Convenit inter omnes, posse quempiam eligere opinionem magis tutam, faventem præcepto, sive illa sit magis, aequè vel minus probabilis, quam opposita: tunc enim ex indubia honestate

objecti movetur ad operandum, & formandum rectæ conscientie judicium. Nec minus convenit, licitum esse sequi probabilem opinionem, cum in intellectu opinantis contradictoria nulla opponitur. Quæritur ergo, an, cum duæ opiniones contradictoriè oppositæ, quarum una tutor, & favens præcepto [asserens actum illicitum] altera favens libertati [v. g. asserens actum licitum, nullam esse obligationem &c.] eidem intellectui obijciuntur, fuitque ex gravibus motivis probabiles, possit intellectus minus tutæ, sive magis, sive æqualiter, sive minus probabili assensum præbere: & eò quidem sententiæ rigidæ argumenta provehantur, ut non tantum contendant, intellectum hoc licitè & prudenter non posse, sed ne quidem defectu sufficientis libertatis physicè posse, ita neminum ut intellectus utriusque partis motivis seu vinculis impeditus in neutram partem resolvitur. Hanc partem præsentis, priorem sequentibus §§. disquirimus. Unde

Quæritur primò. An possit intellectus assentiri opinioni probabiliori in concursu, & sensu contra oppositam opinionem minus, sed verè probabilem? Et contra communem aliorum opinionem & experientiam Responder Jul. Mercorus p. 2. art. 7. negativè.

negativè. Et argumentatur primò: Intellectus de utraque parte contradictionis dubius, de neutra potest opinari: sed intellectus, cui una pars apparet magis, altera minùs probabilis, est dubius: ergo de neutra potest opinari. Major constat; quia in hoc differt opinio à dubio, quod istud suspendit; illa absolutum, quamvis formidolosum præbet assensum. Minor probatur: motivum grave & urgens causat dubium formale: sed opinio verè probabilis, tamen habet motivum urgens & grave: ergo causat dubium, & retrahit intellectum ab assensu propositionis probabilioris.

Secundò. Nemo opinatur, qui non solvit argumenta contraria, quemadmodum fert omnium Scholasticorum consuetudo & methodus: sed cum simul opinioni probabiliori alia probabilis in intellectu opponitur, istius argumenta non sunt soluta; si enim forent soluta, jam non esset probabilis: ergo non potest intellectus de probabiliori opinari.

Tertiò. Si quis in bivio constitutus ignoraret viam, quæ ducit ad prætæ, vel ad nemus, in quo sunt leones, & interrogaret obvius, virum maturum & sceminam, & vir diceret, tene dexteram; scemina, tene sinistram; licet testimonium viri ratione sexus esset probabilius, non obstante viator ratione periculi imprudenter istud sequeretur: ergo similiter dic de intellectu constituto inter sententiam minùs probabilem, & probabiliorem, quarum alterutra certò ducit ad falsitatem.

3. Contra hanc tamen singularem sententiam est primò. Quòd cum ipsam traderet Author illius, sanè non secutus est magis, sed minùs probabilem; quippe contra torrentem aliorum Authorum tam pro benigna, quàm rigida sententia scribentium: neque solvir graves rationes ipforum; & tamen solvere sibi visus fuisset, non ideo potuisset de tali solutione certificari, ut non illæ fervarent efficaciam suam, & virtutem inclinativam in assensum; neque enim ipsius vel autoritas, vel rationes sunt tanti momenti, ut non maximo excessu superentur ab oppositæ sententiæ motivis & autoritate. Contra est secundò omnium inter duas contradictionis partes probabiles consultantium, & de alterutra determinantium experientia: quibus frequentissimum est, allatis utrinque rationibus ita adherere probabiliori, ut tamen fateantur oppositam esse probabilem. Ita reperies in Thomistis scribentibus contra Scotistas, & econtrà. Imò nec S. Thomas aliter sententias probabiles tractavit & tradidit: Longissimè enim abest ab ipsius modestia, ut sententias oppositas, tamen minùs probabiles, semper voverit, aut aliquando potuerit improbabilitatis damnare.

4. Dicendum igitur est: posse, imò adu assentiri intellectum opinioni probabiliori in sensu composito alterius minùs probabilis. Ratio à priori est primò: Certissimum est, intellectum posse opinari, & sapissimè opinari de parte magis probabilis: sed quoties de illa opinatur, toties eidem assentitur in sensu composito alterius etiam probabilis: ergo Minor probatur. Opinari est assentiri cum formidine oppositi: sed qui

assentitur cum formidine oppositi, agnoscit alterius partis oppositæ motiva esse probabilia; si enim illa non apparent probabilia, sed improbabilia opinanti, jam intellectus alterius sententiæ motivis & evidentia convictus, certum, non opinativum præstaret assensum: ergo qui quis opinatur de sententia magis probabilis, illi assentitur in sensu composito alterius etiam probabilis, non tantum pro alterius, ut vult Mercorius, sed etiam pro suomet intellectu. Sic Thomista, tenens materiam primam non posse divinitus existere sine omni forma, adhæret huic sententiæ tanquam probabiliori, etiam relatè ad argumenta contradicentium, quæ etiam in sensu composito suarum rationum judicat esse probabilia, eò quòd intellectus illa argumenta tantum probabiliter solvat, nec maneat illis rationibus & solutionibus convictus.

Ratio est secundò. Quando veritas objecti non est evidens, tunc potest intellectus à voluntate liberè applicari ad assensum: sed veritas minùs probabilis objecti non est evidens: ergo poterit intellectus à voluntate liberè applicari ad assensum probabilioris, non obstante oppositæ probabilis, maxime cum in partem probabiliorem major sit intellectus propensio; &

Confirmatur 1. Non obstant motiva evidenter probabiliora, quin voluntas subinde applicet intellectum ad iudicium temerarium ex levissimis motivis ferendum, quantò minùs obstant minùs probabilia, quin applicet intellectum ad assensum opinionis probabilioris?

Secundò. Voluntas [ut Adversariorum utat instantia] non impeditur à minori bono, quin eligat majus bonum: ergo nec intellectus à vero minùs probabilis, quin feratur in magis probabile, cum non minùs connaturali propensione feratur in verum, quàm voluntas in bonum.

Ad 1. nego minorem & majorem probationis; non enim formido cum dubio formali & propriè sumpto confundi debet: Qui dubitat, nihil determinatè judicat; qui formidat, judicat determinatè, ut tamen metuat de veritate oppositæ: ut si dicas: *Credo, quòd Titius mittet pecuniam, quam promissit, etsi timeam, ne forsè per oblivionem non sit missurus.*

Ad 2. distinguendo majorem: solvit argumenta contraria probabiliter, transeat; (hoc enim locum habet solummodo in opinante docto, qui motiva utriusque partis funditus examinat) evidenter, nego. Aliàs jam sententia non esset probabilior, sed certa, quod est contra hypothesin.

Ad 3. Respondeo: Hac paritate non probari intentum, quia non probatur, intellectum non posse simpliciter amplecti probabiliorem [ut contendebat Mercorius] sed tantum prudenter. Respondeo secundò, retorquendo paritatem: nam pone abesse periculum leonum, & viatorem quærere solum de via ducente ad terminum intentum, certè poterit & quidem prudenter sequi consilium viri gravis, relicto consilio sceminæ; ergo & intellectus poterit & quidem prudenter sequi motiva opinionis probabilioris relictis motivis opinionis minùs probabilis. Respondeo 3. disparitatem esse, quòd ille itinerans non progrediendo à periculo se servat incolumem, quòd progre-

progreſſu verifimiliter incurreret. At intellectus ſuſpendendo iudicium, omnem veritatem circa objecta opinabilia reſpueret, quod eſt grave malum ipſius: cum enim in pauciſſimis habere poſſit evidentiam, eſt ipſi longe optabilius cum aliquo errandi periculo probabilem veritatem amplecti, & in ſuum connaturale bonum, meliori, quo poſſeſt, modo ferri, quam eodem totaliter deſtitui.

## § II.

*Statuitur poſſibilitas eligendi æque probabilem.*

**Q**Uæritur ſecundò. An poſſit intellectus aſſentiri opinioni probabili in concurſu æque probabilis? Et videtur quòd non. Nam primò intellectus inter motiva æqualiter movetia eſt velut in balance æqualiter librata conſtitutus: unde in neutrá partem præponderare poſſeſt.

Secundò. Voluntas inter duo media æqualia pendens neutrum poſſeſt eligere, juxta communem Thomiſtarum cum S. D. 1. 2. q. 13. 2. 6. ad 3, ergo & intellectus inter motiva æqualiter probabilia conſtitutus, neutri poſſeſt aſſentiri.

Tertiò. Intellectus agnoſcens æqualem probabilitatem inter utramque partem contradictionis, eſt inter utramque dubius: ergo de neutra poſſeſt opinari. Antecedens eſt D. Th. de verit. q. 13. 2. 1. *Quandoque, ait, intellectus, non inclinatur magis ad unum, quam ad aliud, vel propter defectum movetium, vel propter apparentiam æqualitatem eorum, quæ movent ad utramque partem; & iſta eſt dubitatio diſpoſitio, qui ſuſtinetur inter duas partes contradictionis.*

Quartò. Tunc intellectus non poſſeſt dare determinatum aſſenſum, quando ex parte objecti non videt majorem rationem aſſentiendi, quam diſſentiendi: ſed intellectus in noſtra hypotheſi ex neutra parte videt majorem rationem aſſentiendi, quam diſſentiendi: ergo neutri parti dat aſſenſum. Minor probatur. Uri ratio diſſentiendi eſt falſitas, ita ratio aſſentiendi eſt veritas: ſed in æquali probabilitate ex neutra parte apparet major veritas vel falſitas; imò utrinque quantum intellectus ſperat de veritate, tantum meruit de falſitate: ergo ex neutra parte intellectus invenit majorem rationem aſſentiendi, quam diſſentiendi.

Quintò. Non eſſet ratio, cur intellectus non daret aſſenſum utrique parti contradictionis; ſiquidem tanta eſt efficacia motivorum ex una parte, quam ex altera.

Sextò. Hoc ipſum variis exemplis comprobatur. Neque enim iudex in pari cauſa parium ferre poſſeſt ſententiam pro una parte determinatam. Neque ſi emptor tibi exhiberet duas æquales monetas, quarum unam ſcires certò falſam, alteram pro pretio rei venditæ eligeres. Neque alteram ex duabus navibus, quarum utraque apparet æqualiter tuta, altera tamen certò naufragura: neque unum à duobus poculis æqualibus, quorum alterutri ineſſet venenum &c. Applica hæc intellectui, qui inter duas partes contradictionis æqualiter probabiles medius, ſcit uni ipſarum ſubſiſſe falſitatem, quæ eſt deceptio, malum, naufragium, venenum intellectus &c.

Contra tamen ſunt pleraque, quibus priorẽ conclusionem firmavimus. Nam ſententia æque probabilis non minùs eſt digna aſſenſu, quam probabilior, & cum non habeat motiva evidentia, non convincit intellectum, ſed relinquit ipſum à voluntate determinabilem: ergo ſicuti à voluntate poſſeſt intellectus applicari ad aſſenſum probabilioris; ita & ad aſſenſum æque probabilis, & ſicuti non poſſunt motiva opinionis minùs probabilis illam applicationem impedire, ita nec poterunt impedire motiva opinionis æque probabilis &c.

Dicendum igitur eſt: Poſſe intellectum à voluntate applicatum aſſentiri uni opinioni probabili, reliquã alterã, quam cenſet æqualiter probabilem; quamvis hoc rarò videatur contingere; ut adeò omnimoda æqualitas inter motiva ex utraque parte ponderantia reperitur, quin vel ab extrinſeca authoritate, vel à ratione partim directã, partim reflexa pars altera præponderet. Et ratio eſt: tunc poſſeſt intellectus aſſentiri in actu ſecundo uni ex duabus opinionibus, quarum utraque repræſentatur æqualiter probabilis in actu primo, quando poſſeſt à voluntate liberè ad alteram determinari: ſed poſſeſt; ergo. Major patet: nam in defectu evidentie objecti voluntas ſuo impulſu intellectum determinat. Minor probatur. Quoties voluntas invenit motivum potiùs inclinandi in unam quam alteram partem, toties poſſeſt illam eligere, ſubditasque potentias ad illam determinare: ſed in æquali probabilitate duarum opinionum voluntas invenit motivum, ut magis uni, quam alteri adhxreat, & ad ejus aſſenſum intellectum determinet: ergo. Minor probatur. Quando voluntas eligit unam ex duabus opinionibus ſub æquali probabilitate repræſentatis in actu primo, ad æquata ratio eligendi non eſt ſemper probabilioris, ſed v. g. emolumentum aliquod temporale rei domeſticæ, quatenus conſeſſum: ſed tunc voluntas præter probabilitatem invenit aliud motivum trahens ad electionem: ergo. Res patet exemplo. Deliberas, an licitè emas cenſum? & ex una parte probabiliter licitus, ex altera ſub æquali probabilitate apparet contractus illicitus: ſimul verò repræſentatur rei domeſticæ emolumentum, ſi emas; diſpendium, ſi emptionem negligas. Ex utraque parte adeſt ſufficiens probabilitas, ut prudenter eligas; ex altera etiam motivum utilitatis domeſticæ, quo ſit, ut voluntas magis inclinet in iudicium, quo iſte contractus affirmatur licitus, quam quo illicitus.

Et ſanè ſi voluntas non obſtante majori probabilitate, credibilitate, imò morali certitudine parvis oppoſitis frequenter impellit, & determinat intellectum ad aſſenſum temerarium, hæreticum: cur non poterit determinare intellectum ad aſſenſum opinionis probabilis, non obſtante æque probabilis oppoſit? Aiſ: Imprudenter determinaret. Contra Quærimus in præſenti, an ſimpliciter & phyſicè poſſit? hoc enim, aut parum, aut nihil probant argumenta Adverſariorum. An licitè & prudenter? videbimus §. ſeq.

Ad fundamenta oppoſita & ad .Reſpondeo, 9. bilancem tamdiu manſuram in æquilibrio, quamdiu ex parte altera nullum novum pondus. vel

T a impul-



impulsus accedit. Atqui in æquali probabilitate accedit ex altera parte impulsus voluntatis, ut dictum. Hinc etiam patet ad 2. nam adæquatum motivum voluntatis est bonum representatum: unde nisi apparet major bonitas in una parte, quàm in altera, non est, cur in unam potius, quàm in alteram inclinet: atqui motiva probabilia, hoc ipso, quòd non sint evidenter, non sunt tota ratio trahendi intellectum, sed relinquunt determinationem libero imperio, & impulsui voluntatis.

Unde ad tertium. Intellectus est dubius inter utramque partem æqualiter probabilem, antecedenter ad determinationem voluntatis, transeat: consequenter ad illam, nego. Et hoc sensu loquitur S. D.

Ad 4. nego minorem. Invenit enim voluntas ex una parte rationem & motivum, ex quo magis intellectum determinat ad assensum quàm dissensum, vel contra. Est quidem ratio assentiendi veritas, & dissentiendi falsitas, ut conjuncta cum motivis voluntatem inclinantibus, concedo; ut secundum, nego. Ergo intellectus ex neutra parte invenit majorem rationem assentiendi, præcisè vi veritatis probabiliter representatæ, transeat, vi alterius motivi conjuncti, quo voluntas inclinatur ad imperandum assensum, nego consequentiam.

Ad 5. Nego sequelam; neque enim adæquata ratio extorquendi assensum sunt illa motiva probabilia, sed etiam impulsus voluntatis.

Ad 6. Respondeo. Illa exempla non probare impossibilem assensum opinionis æquè probabilis, ut patet, quòd tamen hic controversitur. Sed neque probant imprudentem assensum. Non exemplum de Judice, is enim ex iustitia obligatur sententiam ferre juxta merita causæ, quæ si sint utrinque æqualia, poterit utrique parti satisfacere, vel rei divisione, vel partium compositione. Alii inter opiniones probabiles de honestate actus nullus compositioni, aut divisioni locus; nulla juris alicujus nedum iustitiæ obligatio, ut neutri parti accedas; cum ex hoc maximum damnum, nempe dispendium plurimarum veritatum probabilem, sine quibus oportet ignorantem vivere, incurreres. Reliqua etiam exempla à Mercero concionatorie allata nil evincunt, cum errent in supposito consequenti; neque enim periculum qualecunque erroris aut falsitatis invincibilis [qualis est cum post diligentem investigationem certa veritas inveniri non potest] est illud vulnus, venenum, naufragium &c. quòd dicitur, non probatur. Præstat aliquando falli inculpabiliter, ut plurimarum veritatum probabilem notitiâ, & necessariâ civiliû commerciorum commoditate fruaris, quàm timidum ac desidem intellectum à probabiliû veritatum assensu suspensum tenere, & plurima ignorare, ne pauca ignores.

### §. III.

*Statuitur probabilitas eligendi opinionem minus probabilem.*

10. **Q**Uæritur tertio: Fierine possit, ut intellectus opinioni minus probabili adhæreat illâ relicta, quæ sibi hic & nunc apparet probabilior?

e. g. an intellectus habens motivum vehementius incitans ad credendum, quòd sibi non sit licitum pingere die festo, quàm quòd sit licitum, possit nihilominus flecti in assensum posterioris opinionis? Et rigidioris sententiæ Patroni (quibus in hac parte accedit sparsa a. 112. & sequent.) consequenter ad superiora respondent negative.

Probant primò Argumentis contra assensum opinionis æquè probabilis n. 6. adductis, & in hac rem facile accommodandis.

Secundò. Impossibile est, ut intellectus existimet illam sententiam esse veram, quæ sibi magis apparet falsa, & e converso, ut abiciat illud obiectum, quòd sibi magis apparet verum; sicut est impossibile, ut quis judicet esse nigrum, quòd sibi magis apparet album, & contra: sed opinio minus probabilis magis apparet falsa, & contra magis probabilis magis apparet vera: ergo est impossibile, ut intellectus existimet sententiam minus probabilem in concursu probabilioris esse veram, utque proinde ipsi assensum præbeat.

Tertiò. Quilibet potentia naturaliter tandit in suum obiectum, quantum potest, & tantum abhorret à suo opposito; veluti patet in gravibus & levibus, quæ, quantum possunt, tendunt in suum centrum: sed verum est obiectum intellectus, ita ut in judicando connaturaliter querat dicere veritatem, & istud magis resplendet in magis, quàm minus probabili opinione: ergo intellectus connaturaliter ferri debet in magis probabilem opinionem. Confirmatur: Connaturalis inclinatio intellectus in verum facit, ut illa potius amplectatur, quæ magis, quàm quæ minus conducunt ad assensionem hujus finis: sed assentiendo opinioni magis probabili, existimare se facilius consequi veritatem, quàm assentiendo minus probabili: ergo.

Quartò. Voluntas non potest eligere minus bonum, relicto præstantiori: imò bonitas præstantior extinguit & supprimit bonitatem debiliorem: ergo pariter intellectus non potest adhæreere opinioni minus probabili in concursu probabilioris; imò illa probabilitas per assensionem majoris probabilitatis absorbetur & oblietatur.

Contrà tamen est, quòd motiva opinionis probabilioris non elidunt efficaciam motivorum opinionis minus probabiles, neque sunt evidentiæ & convincentiæ, adeoque adhuc intellectus subest liberæ applicationi voluntatis non tantum quoad exercitium, ut possit suspendere probabilioris assensum, sed etiam ut ad ejusdem impulsu possit elicere opinionis minus probabiles assensum. Adipulatur pariter experientia: nulla enim opinio probabilis tanto excessu superat probabilem oppositam, quanto excessu fides Catholica superat quancunque hæresin, & scdam oppositam: sed stantibus motivis potioris credibilitatis pro assensu fidei Catholicæ, etiam relictis ad motiva faventia hæresi, quæ cognoscuntur esse longè minoris momenti, quàm illa pro assensu fidei Catholicæ, adhuc potest voluntas intellectui imperare assensum hæreticum: ergo multò magis stantibus motivis majoris probabilitatis, potest voluntas imperare intellectui assensum sententiæ minus probabiles.

Adde

Adde quòd hæc quæstio & controversia tam declamata: *An homo peccet sequendo minus probabilem in concursu probabilioris?* esset de subiecto non supponente; siquidem homo non posset ex mente adversariorum mentem detorquere ad assensum minus probabilis cognitæ ut talis, sicque cessaret omne litigium.

12. Nec difficilis est responsio ad objecta: nam argumentis ex n. 6. applicabilibus satisfactum est n. 9. Ad 2. distinguo majorem. Impossibile est, ut intellectus iudicet sententiam esse absolute veram [ut loquitur Jo. à S. Th.] quæ sibi magis apparet falsa, concedo; ut iudicet esse veram apparet, & probativè, nego. Ut enim bene advertit prædictus Jo. à S. Th. disp. 12. a. 3. n. 46. & Gabriel Beatus q. 5. n. 19. assensus probabilis non iudicat suum objectum esse verum absolute & in esse, sed cum restrictione, & in appere; scilicet quantum est ex vi motivi, quod habet ad talem assensum. Cum igitur motiva opinionis probabilioris non impediunt, quò minus motiva sententiæ verè, sed minus probabilis faciant illam appere veram, nil obstat, quin illa ex vi talium motivorum vera iudicari possit. Instantia de nigro & albo non est ad rem, quia, quod magis apparet album, non habet incertitudinem de albedine, sicuti quò magis apparet verum, habet incertitudinem de veritate: tam enim falsitas potest subesse magis, quàm minus probabilis opinioni: neque dantur motiva suadentia aliquid esse nigrum, quod magis apparet album, dum contrà dantur motiva suadentia esse verum, quod oppositis motivis magis representatur falsum.

Ad 3. distinguo majorem. Quilibet potentia naturaliter tendit in suum objectum, quantum potest, potentia vel absoluta, vel morali & proportionatè subiecto, concedo; potentia simpliciter & absolute, nego. Alias argumentum probaret, quòd intellectus deberet omni possibili in-

tensione ferri in suum verum, sicuti Lapis fertur in centrum, ad quod naturaliter est determinatus. Cum ergo modus connaturalis, & humanæ naturæ accommodatus sit, ut in defectu evidentia per liberam voluntatis applicationem sectetur verum, quod prudenter apparet tale, satisficiet connaturali inclinationi, si sectetur verum probabile, tamen minus tale. Ad confirmationem distinguo majorem; si media sunt certa ad consecutionem veritatis, & intellectus à sola objecti veritate trahatur, transeat; si sunt incerta, ut in probabilibus, & insuper accedat impulsus voluntatis, nego.

Ad quartum nego in primis paritatem. Nam ideo voluntas non potest eligere minus bonum in concursu maioris, quia minus bonum, quatenus dicit privationem maioris boni, est aliquod malum voluntatis; sed verum minus probabile nullam dicit privationem veritatis maioris & probabilioris: tum quòd veritas consistat in indivisibili, nec recipiat magis & minus ut bonum; tum quòd utrumque verum seu magis seu minus probabile adjunctam habeat formidinem falsitatis. Deinde retorqueo paritatem. Cum plura sunt media inæqualiter conducentia ad eundem finem, potest voluntas eligere medium minus utile, dummodò per illud speret consequi suum finem, & aliunde accedat illi medio aliqua bonitas, quæ voluntatem allicit, ut si præ calibe, & religiosa vita statum sæcularem utilem quidem, sed minus certum ad consecutionem salutis eligas, isque videatur tuo genio & inclinationi magis accommodus: ergo pariter intellectus poterit assentiri opinioni licet minus probabilis, dum ex alterius motivi instinctu accedit voluntatis impulsus. Manet ergo, nullum esse physicum defectum libertatis, ut intellectus opinioni probabilis, in concursu minus, æquè, vel magis probabilis nequeat assentiri.

## ARTICULUS V.

*An liceat sequi opinionem minus tutam, minusque probabilem in concursu probabilioris?*

### SUMMARIA.

1. *Quid intelligatur per opinionem minus tutam?*
2. *Distinguendum inter opiniones probabiles circa honestatem actionis, & circa res ipsas vel factum.*
3. *Cum agitur de valore rei, vel damno reali, sequenda est pars tutior.*
4. *Licet sequi sententiam probabilem minus tutam.*
5. *Exemplo & auctoritate Doctoris Angelici.*
6. *Etiam praxi Summorum Pontificum.*
7. *Patrum, Tribunalium, & Scholarum.*
8. *Licet sequi minus probabilem & minus tutam etiam in concursu probabilioris.*
9. *Major probabilitas non tollit opposita sententia probabilitatem.*
10. *Inefficax adversariorum paritas inter bonum & verum.*
11. *Praxis Summorum Pontificum pro sententia minus probabili.*
12. *Responsioni adversariorum occurrunt.*
13. *Opposita sententia inutilitas ad praxin.*
14. *Ipsi adversarii suæ praxi probant nostram sententiam.*
15. *Probantur ab absurdis, quæ sequuntur ex contraria sententia.*
16. *Probatur rationibus reflexis & indirectis.*
17. *Inferitur licitus usus opinionis æquè probabilis.*
18. *Aliquo sensu omnis sententia probabilis est æqualiter tuta.*
19. *In praxi ferè semper sequimur probabiliorē, quatenus sequimur probabilem.*
20. *Opinio Terilli refellitur.*

### §. 1.

*Resolutio negativa in dubio facti & valoris.*

Notandum primò. In hac quæstione illam opinionem, quæ inter contrarias Doctorum opiniones, an aliquid sit licitum, nec ne? negat esse licitum, & stat pro legis obligatione, communiter appellari *extremam*, eò quòd tali opinio-

ni adherentes, dum ab omni operatione abstinere, nulli se periculo vel formaliter, vel materialiter, contra legem operandi committunt; cum econtrâ qui sequuntur oppositam opinionem, libertati & commodo sive privato sive communi faventem, saltem in periculo versentur, ne materialiter peccent contra legem, cum forsân à parte rei talis actus legi Divinæ non sit conformis: ideoque opiniones libertati faventes, quæ actum licitum affirmant, minùs tutæ appellari solent, quamvis revera sint simpliciter tutæ, quatenus carent omni periculo inhonestatis formalis. Nam bene distinguendum est inter inhonestatem formalem & materialem. Formalis est, quæ actus, quatenus ab operante procedit, est diffinis re&te rationi, ei&que imputabilis in culpam. Materialis, quæ actus secundum se est diffinis legi, quamvis fortè ab invincibilem ignorantiam hujus diffinitivitat operanti in culpam imputari non possit.

2. Notandum secundò. Majorem probabilitatem intrinsecam [quæ majoribus à ratione fundamentis nititur] non esse adeò peripicuum; neque enim consistit in indivisibili, cum pro dispari ingeniorum conditione hæc pars uni, illa alteri, ista Thomistæ, opposita Scotistæ probabilior videatur: neque de majori minorive probabilitate, nisi à litteratis, qui rationum pondera utrinque exactè appendunt, judicium ferri possit. His positis nemini dubium est, esse rem optimi consilii, amplecti tutiora, & à periculo vel materialiter tantum legem DEI transgrediendi remota. Quæritur verò si ne præceptum & obligatio, in omnibus tutiora [ita sentiunt Vincent. Baron. Jul. Mercor. Wendrochius, & in materia juris naturalis Sinnichius] vel certe probabiliora [ut Joan. Bapt. Gonet. Vincent. Contenson, alii&que sententiæ rigorosæ Patroni] sectandi. Ubi distinguendum est inter opiniones contrarias; nam aliquæ versantur circa actiones & quæ, aliæ circa res vel factum. Illæ sunt, quæ præcisè in utramque partem disputant, an aliqua actio sit præcepta vel prohibita; licita vel illicita? v. g. *sine licito pingere die festo? sine necessaria attentione in recitando Divino officio?* Istæ, quæ disputant, utrum à parte rei hæc actio sit valida, vel non? an sequatur ex tali opere tale damnum, vel non? v. g. *an accusatus sit nocens? an hæc medicina sit obscura?* &c. Multum enim inter utramque interest: quia re&ctitudo & honestas formalis actionis non tam desumitur ex eo, quod est à parte rei, quàm quòd apparet inculpabiliter operanti; unde potest quandoque contractus in se usurarius, tamen esse licitus propter bonam fidem, & invincibilem ignorantiam operantis; at verò valor Sacramenti, veritas alienius periculi & damni non desumitur ab eo, quòd ita vel aliter appareat operanti, sed quia à parte rei ita se habet. Unde licet tibi forma aliqua ad Sacramentum sufficiens videatur, sit tamen à parte rei non sufficit, nullum conficis Sacramentum; cum ipsius valor non à tua opinione, sed à Christi institutione dependeat.

3. CONCLUSIO PRIMA. *Cum opiniones contrariae versantur circa valores rei, & questionem facti, ubi intervenit speciale præceptum charitatis,*

*justitia, vel religio, quo tenemur abstinere ab actione, quæ prævidetur probabile damnum temporale, vel spirituale proximi, aut nullitas Sacramenti, tenemur sequi partem tutiorem, quæ sola in talibus casibus est practice probabilis.* Ita communiter Authores utriusque sententiæ tam benignæ, quàm rigorosæ. Et ratio est: Illa solum opinio est practice probabilis, ex qua possum formare certam conscientiam de honestate, & deponere practicam formidinem de formali inhonestate meæ operationis: sed sola opinio tutior in proposito est talis; ergo. Minor ostenditur: formalis inhonestas operationis in hoc casu confurgit ex proximo periculo damni proximi, vel invaliditatis Sacramenti &c. sed qui non sequitur tutiorem, committit se tali periculo proximo, cum non sit certus, ne ex sua actione sequatur tale damnum, vel invaliditas Sacramenti. Major probatur. Eadem lege charitatis, justitiæ, religionis, quæ prohibetur damnum proximi, vel præcipitur confectio veri, & certi Sacramenti, prohibetur proximum periculum damni, vel non conficiendi verum Sacramentum: sed est certa obligatio charitatis, justitiæ, religionis ad vitandum damnum, conficiendum verum Sacramentum &c. ergo est etiam certa obligatio ad vitandum periculum &c. Neque hic suffragatur possessio libertatis, lex enim est certa, & in possessione, dubium verò est, num partem solum probabilem & minùs tutam sequendò tali obligationi satisfacias, ideoque nullum habes fundamentum practicam formidinem deponendi, quamdiu tutiora non sequitur. Particularem hujus doctrinæ applicationem infra dabimus.

## § II.

*Statuitur licita sequela sententiæ probabilis minùs tuta, seu faventis libertati.*

CONCLUSIO SECUNDA. *Cum questio est de honestate actionis, prudenter & licite eligitur sententiæ verè probabilis, quantumvis sit minùs tuta & favens libertati.* Ita Authores benignæ sententiæ paulò inferius allegandi contra Jul. Mercor. & Vinc. Baron. qui contendunt, ne quidem licitum esse usum opinionis probabilioris, & sit minùs tuta, &

Probatur primò. Opinio verè probabilis gignit prudentem assensum, ut §. 4. ostendimus, ex prudenti assensu formatur conscientia re&ta, ex ista sequitur licitus usus ejusmodi opinionis: sed opinio, quantumvis minùs tuta, est verè probabilis, ut supponitur. Ergo illi prudenti assensum, eamque bonè conscientia sequimur.

Secundò. Si non possemus sequi probabilem opinionem, vel probabiliorem minùs tutam, esset vel periculum peccati, vel præceptum, quod in dubiis tutior pars sit eligenda: sed neutrum dici potest: ergo. Non primum: quia nulla est obligatio evitandi peccata materialia; talis enim lex & obligatio foret de re impossibili, inutili, nociva, nec amplius ignorancia invincibilis excusaret, ut tu se deducit Esparza à q. 22. ad 25. & claudit cum D. Augustino l. de utilit. cred. c. 12. dicente: *Multa possunt afferri, quibus ostendatur, nilominus humanae societatis incolumitas remanere;*

*finis*

*nil credere* [opinative judicare] statuerimus, quod non possumus tenere perceptum. [hoc est, certo cognitur] de quo illo libro. Non secundum: quia quoddam illa regula non continuatur vim præcepti, nisi in dubio prædico, & ubi non est sufficiens fundamentum dubietatem aut formidinem deponendi, dictum est disp. 12. a. 4.

5. Probatur tertio ab absurdis à Mathia de Moya late congestis tr. 1. de opin. prob. q. 5. sequitur enim primò contra illos Thomistas, qui usum probabilioris minùs tutæ interdiciunt, nullam sententiam à D. Thoma, vel Scotò in re morali & opinativa traditam, nisi legi faveat, ad praxin servare posse: quia, esto sit probabilior, erit minùs tuta. Quis autem nescit, ab utraque Scholæ Angelicæ, & subtilis Principe multas opiniones esse traditas, quæ non legi, sed libertati favent? Vingt exempla è D. Thoma affert cit. de Moya, è quibus unum duntaxat alterumq; delibò. Docet S. D. in 4. dist. 17. q. 3. a. 4. q. 1. in c. fictè (hoc est absque dolore sufficienti ad remissionem mortaliū, quæ clavibus subijcit) confesum non teneri ad iterandam confessionem, sed tantum ad fictionem suam postmodum confitendum. Circumstantias notabiliter aggravantes intra eandem speciem non necessariò subijciendas confessioni. ibid. dist. 16. q. 3. a. 2. q. 5. Non esse obligationem subveniendi extreme indigenti ex bonis ad decentiam statūs conservandam simpliciter necessariis 2. 2. q. 32. a. 6. quæ sententiæ utpote non legi, sed libertati faventes, sunt minùs tutæ, habentque oppositas opiniones tam ab auctoritate, quam ratione probabiles. Sinilia exempla è Seraph. Doctore D. Bonavent. & subtili Scotò affert Herincx q. 1. §. 2.

6. Sequitur secundò. Summos Pontifices mortaliter peccasse, quoties in voto solenni cum Religiosis professis dispensarunt, in ordine ad contrahendum matrimonium, vel in matrimonio rato non consummato, vel quoties sententiam minùs tutam in ferendis sententiis fuit secuti, quam sequelam concedere vix non est temerarium. Sequela probatur: nam SS. Pontifices in ejusmodi dispensationibus secuti sunt sententiam probabilē minùs tutam, & siquidem secundum principia Advers. minùs probabilem, siquidem egerunt contra doctrinam S. Th. in cujus sententia vorum solenne Religionis est indispensabile: sententia autem D. Th. aut est [ut vult Vinc. Baron.] omnino moraliter certa, aut probabilissima. quòd verò ita dispensarint, & sententiam dixerint, constat ex probatissimis auctoribus, qui cum Baronio ad annum 1041. referunt Alexandrum III. Honor. II. Cælestinum III. Clementem II. in voto solenni Religionis dispensasse. D. Gregor. VII. Marc. V. alique complures leguntur in matrimonio rato dispensasse contra tutiorem & probabilem, imò ut Sanchez vocat l. 2. de matr. disp. 14. n. 1. probabilissimam Scotistarum aliorumque DD. affirmantium, matrimonio rati vinculum nullā dispensatione esse solubile. Similiter Summi Pontifices aliquando ex opinione, & quidem minùs tutā, dedisse responsa etiam contraria satis colligitur ex c. licet de Sponsa duorum. Ubi Alexander III. mandat, insiti matrimonio rato prius contracto, etsi posterius initum fuisset cum altero

consummato, addens: *Quamquam aliter à prædecessoribus nostris sit aliquando judicatum.*

Et Innocent. III. c. Tuas fin. eodem. tractans de consuetudine Ecclesiæ Mutinensis adhuc contraria prædicto c. licet, non damnat contracta, sed in matrimoniis [inquit] de cetero contrahendis illud [quod in c. licet decernitur] Te volumus observare, in quod cap. Covarr. in 4. Decret. c. 7. §. 3. n. 5. citatus ab Herincx l. cit. *Ponit autem illa consuetudo, si rationabilis à viris doctis censetur, à peccato excusare, etiam in Divino iudicio, & sic in foro conscientie.* Leo X. & PP. Concilii Lateranensis declararunt licitos esse Montes pietatis relicta tutiori opinione Cajetani & aliorum, quæ favebat legi naturali, eosque illicitos affirmabat.

Sequitur tertio Omnes Summas & libros de 7. rebus moralibus tractantes fore prohibendos, tanquam perniciosos & materiam peccandi legentibus ministrantes, eò quòd vix ulla in iis reperitur opinio pro libertate, quæ non habeat probabilem oppositam faventem legi, adeoque tutiorem.

Sequitur quarto. Non rectè in materiis controversis fidei vel morum à Summ. Pontif. usque ad ulteriorem Ecclesiæ declarationem permitti libertatem opinandi pro qualibet parte, cum tutius esset suspendere iudicium, ut quis ab omni periculo circa fidem vel mores errandi esset immunus. Et tamen contraria praxis est luce meridiana clarius, & patet ex c. Capellanus de feriis. & c. Litteras de rebus, spoliatorum.

Sequitur quinto. Nec tolerandas esse Scholas unius Doctoris v. g. Angelici, vel Subtilis auctoritati addictas, nec posse amplius vel Thomistam, vel Scotistam jurare in verba Magistri: siquidem impossibile est, ut in tot sententiarum invicem confligentium, copia non sint aliquæ faventes libertati, & hoc ipso minùs tutæ.

Sequitur sexto. Damnandos etiam esse SS. PP. & S. Scripturæ interpretes, qui in expositione S. Script. secundum probabile iudicium opiniones contrarias (in quibus periculum falsitatis subest, cum ex duabus oppositis altera necessariò debeat esse falsa) tradiderunt, & sæpe proprias mutarunt, revocarunt; cum utique tutius & ab omni falsitatis periculo remotius egissent, si iudicium suum suspendere maluissent.

Sequitur septimò. Nec subditos rectè parere Superioribus juxta benigniorem opinionem jubentibus aut permittentibus, nec Superiores bene præcipere, vel permittere, nisi quæ sint strictiora & rigidiora; Leges quoque ipsas & consuetudines, quippe frequenter in probabili & minùs tutā opinione fundatas, de suo vigore suspectas fore.

Quibus omnibus rectè pensatis sic firmatur nostra assertio. Illud ex omnium confessione certo prædenter, & licitè sequor, quod est conforme communi Summorum Pontif. & Ecclesiæ, Tribunalium, Doctorum sanctitate & pietate præstantium, integritatem Religionum, & Academiae praxi: sed operari secundum sententiam verè probabilem, quamvis minùs tutam est conforme prædicto modo & c. ergo opinionem verè probabilem relicta tutiori licitè sequor. Sed etiam ne, si illa opinio sit minùs probabilis?



## §. III.

*Statuitur licita sequela sententiae minus probabilis & minus iusta in concursu probabilioris.*

8. **CONCLUSIO TERTIA.** *Licet in praxi sequela sententiae minus iustae & minus probabilis relictâ probabiliori.* Ita Auctores iidem. Probatur primò ex fundamentis propositis. Omnem opinionem verè practice probabilem prudenter eligo: sed opinio quamvis minus iusta & minus probabilis est tamen verè probabilis: ergo illam prudenter eligo.

9. Occlamat Mercorus, & ex hoc Vinc. Baron. hanc probationem esse paralogismum, & continere fallaciam compositionis, dum nempe transitur à probabili opinione simpliciter, & non impedita, ad probabilitatem minorem, & impeditam. Sed Contra est, quòd minorem probabilitatem in concursu probabilioris dicunt esse impeditam, non probant. non enim motiva potiora alterius partis auferunt vim & efficaciam probabilitatis motivis minus vehementibus, aliâs quilibet opinio minus probabilis in sensu composito probabilioris fieret improbabilis, quod est falsum; siquidem, ut ipse Mercorus in §. præced. relatus fatetur, sententia minus probabilis non obstante probabiliori potest esse verè probabilis, & niti gravibus motivis. Sed neque admittit libertas assentiendi, ut in §. præced. deduximus.

10. Dicunt quidem adversarii: Ita se habet minus verum ad intellectum, sicut minus bonum ad voluntatem: sed minus bonum in comparatione majoris boni non movet voluntatem: ergo nec minus verum in comparatione majoris veri trahit intellectum. Sed iste Achilles Advers. (Ita appellat M. Ildesons Czaraug. paulò modestius, quàm Gonet §. 1. oppositum fundamentum appellans *clypeum sive aminem*) non urget: nam ut dictum, & suppositum minoris veri est falsum, & paritas permixta non concessa pugnat contra Advers. nam quod comparative ad aliud est minus bonum, si aliunde addatur ratio boni, potest movere voluntatem: ergo etiam, quod apparet minus verum, si aliunde addatur motivum illam opinionem amplectendi, potest trahere intellectum.

Contra est secundò. Quòd Summ. Pontif. non posset concedere licentiam in materia fidei & morum liberè opinandi utrumque oppositum; nam altera pars aut erit manifestè probabilior, aut saltem erit dubium, quoniam ex iis sit probabilior, cum utramque aequè probabilem esse rarissime contingat, & tamen concedit hanc licentiam, e. g. liberè opinandi (non tamen disputandi & scribendi) pro vel contra Immaculatam Conceptionem B. V. donec Ecclesia Catholica aliquod certi definierit.

Contra est tertio. Praxis DD. in Scholis, qui licet alicui opinioni seu probabiliori adhaereant, fatentur tamen etiam oppositam esse verè & practice probabilem.

11. Probatur secundò. Vel esset obligatio sequendi probabiliorem, quia est tutior, vel quia rationabilior. non quia tutior, hoc enim suprâ rejecimus, & constabit amplius ex §. seq. non quia rationabilior, quia nemo tenetur operari, quod prudentius & rationabilius, sed quod prudenter

& rationabiliter fieri posse existimat. Confirmatur probationibus prioris partis facile ad hanc accommodandis: nam inter opiniones probabiles invicem oppositas, non tantum est necesse, aliquas esse minus tutas, sed etiam minus probabiles: sed permittitur licitus usus opinionum oppositarum, approbatur, practicitur à Summ. Pontif. Permittitur: nam hoc tempore utique probabilior est, B. V. esse sine originali labe conceptam, eoque titulo meritò venerandam [En! materiam fidei & morum; morum, quia agitur de prudenti & licito cultu hujus festivitatis; fidei, quia agitur de exceptione ab universali illa lege, quòd in Adam omnes moriuntur] & tamen permittitur cuius, donec Ecclesia aliter ordinarit, opinari contrarium.

Approbatur: nam ante Concilium Lateranense fecerat controversum, an Montes pietatis essent usurarii, nec ne? Leo X. unâ cum PP. illius Concilii definiit esse licitos, nihilominus utriusque oppositæ sententiæ studia (e quibus altera negans esse licitos, erat tutior, altera affirmans, erat ab Auctoritate plurium Pontiff. antecedentium, qui eos approbaverunt, extrinsecè probabilior) his verbis commendavit: *Alterius quidem parvis iustitia zelum, ne vorago aperiretur usurarum: alterius pietatis & veritatis amorem, ut pauperibus subveniretur & utriusque verò partis studium commendantes.* Practicitur, quia tamen Labat to. 7. tr. 3. d. 6. dub. 4. affirmet, Adrianum VI. probabiliorum Thomistarum sententiam seculum negasse, sibi competere potestatem dispensandi in matrimonio rato, tamen etiam in solenni Religionis voto [cujus indispensabilitas est sententia D. Th.] dispensasse.

Ajunt. Ipsos speculativam probabilitatem secutos per ignorantiam invincibilem à peccato excusari

Sed contra est primò. Si per Advers. ad honestam operationem non sufficit minor practica probabilitas, quomodo sufficit speculativa? Imò Sinnichius in Saule Exregæ §. 260. refert ex Dominico Soro, prædictum Adrianum VI. in matrimonio rato contra propriam opinionem dispensasse, postquam sententiam Cajetani pro dispensatione audisset.

Contra est secundò. Quòd per Advers. si sequens opinionem minus probabilem errat, vincibiliter errat, ut patet ex quarto argumento Metcori suprâ, §. 1. n. 5. relato. Addit Arsedekin p. 3. tr. 2. ex c. *laudabilem, de frigidis & maleficis*, concessionem Cælestini III. quia permisit conjugibus naturaliter frigidis cohabitationem usque in triennium, cum tamen post copulam per biennium frustra tentatam longè probabilior sit, esse impedimentum impotentiae, sicque tutius foret à conjugali toro abstinere.

Probatur tertio. Obligatio sequendi opinionem, quæ operanti apparet directè probabilior, est inutilis ad praxin; adeoque aliena à veritate. Antecedens probatur. Vel foret utilis pro indoctis & illiteratis, vel pro doctis & literatis; non pro indoctis, isti enim non tenentur insinuare comparisonem inter momenta auctoritatum, vel rationum; sed satisfaciunt suæ obligationi, & formant securam conscientiam, si obsequantur consilio

consilio Confessarii, vel alterius gravis & docti viri. Non pro litteratis: quis enim omnia alicujus sententiae fundamenta ita exadè ponderavit, ut non meritò & prudenter dubitare possit, ne forè opposita, quæ ipsi videtur minùs probabilis, sit probabilior: cum in conflictu contrariarum opinionum verè probabiliū nunquam desint, quibus probabilis apparet, quod aliis minùs probabile, ipsa quoque probabilitas mutationi subjaceat, ut accessu novæ rationis, vel autoritatis id modò videatur magis probabile, quod priùs censebatur minùs probabile, vel quod ab intrinseco est probabilis, minùs probabile efficiatur oppositæ sententiæ autoritate. Quod Thomistæ est probabilis, non ideo probabilis videtur Scotistæ. Absolutio conditionata Catholici moribundi subito sensibus delituri vix aliquando probabilis habebatur, nec potest dubitari, quin opposita ab intrinseco & speculativè sit multò probabilior; nihilominùs per autoritatem D. Augustini, tum etiam Gregorii XV. & plurium Ritualium, ac praxin variarum diocesium practicè facta est probabilior. Ipsimet Doctores gravissimè frequenter suum mutant & mutantur iudicium, cum ad novæ rationis aut fundamenti apparentiam id modò improbandum, quod priùs probabatur, Ex quibus omnibus sic arguo: In tantum sequela opinionis probabilioris esset utilis homini litterato, in quantum & ipse posset in suis actionibus de practica veritate certificari, & rursus aliorum, quos dirigit, conscientias certificare: sed ad hoc non est utilis: ergo, minor probatur fundamento Adversè. Qui dubitat, non certificatur: sed vir litteratus, qui scit opinionum probabilium diversitates, dubitat tum de veritate probabilioris [neque enim hæc est certa, sed cum contineatur intra limites opinionis, habet adjunctam periculum falsitatis] tum de ipsa majoritate probabilitatis, siquidem nec ita potest ipsi videri certa, aliis affirmantibus, aliis negantibus: ergo.

14. Probatur quartò à praxi Adversè. Nam inprimis Vincent. Baron. 1. p. Theolog. mor. contra Caramuel, disp. 2. se. 4. negat, divites obligari, ut redimant captivos apud Turcas redemptione maxime indigentes, & tamen opposita sententia, quam tuerentur Leander, Cajetanus, Major, Azor, Filliucius & alii, est tutior pro lege charitatis, imò & practicè probabilior: quia sententia, quæ non est tuta, non est practicè probabilis: sed sententia asserta à Baronio non est tuta: ergo nec practicè probabilis. minor eruitur ex ipsiusmet verbis loc. cit. scribentis: *Id, quod agitur contra legem, semper esse malum, nec excusari per hoc, quòd sit secundum conscientiam quacunq; probabilitate munitam.* Cum ergo hæc ipsa sententia possit esse contra legem charitatis, poterit esse mala, & cum peccato conjuncta; quomodo ergo tuta?

Deinde Jul. Mercor. p. 3. a. 24. concedit, Titium, qui novit, se, cum decies ad domum Bertæ accessisset, quinque cum ea peccasse, posse ad eandem domum redire, siqua alicujus temporalis boni exigat necessitas, quæ opinio, uti non est tutior, ita juxta ipsius principia nec probabilior, cum damnum temporale postponendum sit damno spiritali, nec intuitu commodi temporanei liceat minùs tutam etiam magis probabilem eligere, relicta tutiori etiam minùs probabili.

R. P. Mexg. Theol. Schol. Tom. II.

Tandem Prospero Fagnano objicit Caramuel relatus ab Honorato Fabri Dial. 11. n. 94. quòd cum Urbanus VIII. eundem jam oculis captum Correctoris S. Pœnitentiariæ officio privasset, idque per Diploma Pontificium D. Annibali Albano contulisset, eò quòd per Bullam Pii V. decretum esset, ut Corrector S. Pœnitentiariæ per se ipsum litteras corrigere, is post mortem Urbani VIII. sub Innocentio X. pro sua causa scripturam didicerit, quâ probare conatur, eum qui per alium corrigit, per seipsum corrigere censendum esse. Quod stante illà Bullà vix æquè probabile nedum probabilis censi potest.

Sinnichius in Saule Exrege l. 1. §. 260. admittit, posse quem contra propriam opinionem secundum probabilem sententiam operari, & adducto exemplo Adriani VI. *Neque enim*, inquit, *pejoris conditionis censi debent Summi Pontifices, quam ceteri homines, quibus subinde licitum est in praxi procedere secundum probabilem sententiam, ei etiam adversam, quam speculativè reputant veriore.*

Probatur quintò. Sequeretur ex opposita sententia primò, quemlibet teneri in suis operationibus investigare sententiam probabiliorē: sed hoc est nimis scrupulosum & onerosum: ergo. Minor negat quidem Baronius concessa majori, Theolog. moral. disp. 2. se. 2. sed concedit Mercor. p. 2. art. 28. & negat sequelam. Hanc probò ex doctrina ejusdem. Quilibet tenetur omni meliori modo quærere veritatem, & evitare periculum peccati seu legem transgrediendi, quantum potest: sed non evitat, si negligat investigare probabiliorem: cum enim meritò suspicari possit, ne sit aliqua sententia probabilior, quam quæ ipsi hic & nunc proponitur, non excusabitur per invincibilem ignorantiam, si opinio opposita illi, quam hic & nunc sequitur, sit probabilior.

Sequeretur secundò. Quemlibet fore obligatum ad mutantem sententiam, quoties ex opposita parte aliqua nova ratio, vel autoritas accederet, quæ videretur utriusque opinionis æquilibrium tollere; nam major probabilitas oppositæ sententiæ probabilitatem extinguit. Unde si hodie sentire, licitam esse pluralitatem beneficiorum, eò quòd sententia affirmans apud te habeat novem fundamenta probabilitatis, & opposita tantum octo: si crastinà die duo nova fundamenta apparent pro negativa, tenereris priorem relinquere, & si post horam aliud novum pro favorabili opinione occurreret, posses eandem resumere &c. quod rationi & experientiæ adversatur.

Sequeretur tertio. Illicitum esse, in scholis legere & docere sententiam minùs probabilem, eamve aliis consulere: sed hoc est contra communem sententiam & experientiam: dum aliqui etiam tenentur subinde docere opinionem v. g. D. Thomæ, vel Scoti, tametsi sibi minùs probabilis videatur, aut saltem de majori probabilitate dubitent.

Sequeretur quartò. Subditum non teneri ad obediendum Superiori, imò nec posse licitè obedire, quoties ipsi res præcepta minùs probabilis apparet: nam si conscientia dicat esse illicitum,

U

quod

quod Superior jubet, subditus obedire non potest: sed quotiescunque Superior præcipere aliquid, quod minus probabile apparet, toties conscientia dicitur subdito, quod res præcepta foret illicita: ergo.

16. Probatur sexiò Rationibus reflexis & indirectis [1.] prudenter & licite amplectimur sententiam probabiliorē: sed est sententia probabilior, quæ docet, usum opinionis minus tutæ & minus probabilis esse licitum: ergo licet & prudenter hanc sententiam amplectimur, nosque eadem conformamus. Majorem admittunt adversi, paucissimis exceptis, qui tamen sibiipsis male concordant, ut contra Vincent. Baron. observat. cit. *Marth de Meja*. minor probatur. Sententia, quæ firmiter nititur fundamentis, est probabilior: sed hæc benigna nititur firmiter motivis, tum extrinsecis [de quibus infra] tum intrinsecis partim directis, nempe naturæ probabilis, libertate assentiendi, continuæ Ecclesiæ, Doctorum, Universitatum praxi, oppositæ sententiæ morali impossibilitate & inutilitate &c. partim indirectis: nam [1.] lex dubia, quam probabilius est non dari, quam dari, non obligat: sed lex sequendi in omnibus partem faventem legi, vel probabiliorē, est dubia, eamque est probabilius non existere, quam existere: siquidem multo plures sunt, qui hanc legem negant, quam admittunt, neque adversarii hanc legem probant argumentis, non facile solubilibus: ergo ejusmodi lex & obligatio non datur. Major constat: Lex non sufficienter promulgata non obligat: sed lex dubia non est sufficienter promulgata: ergo. Unde [3.] in dubio melior est conditio possidentis in omni materia virtutis, [ut disp. 3. a. 3. probavimus] sed lex obligans ad tutiorem & probabiliorē est dubia, per se sibi verò stat pro libertate: ergo melior est conditio libertatis, ad quæ quam liberè tam licitè amplectimur sententiam minus tutam, & minus probabilem [4.] si daretur ejusmodi lex, nostra sententia non esset probabilis, quia contra legem non potest dari practica probabilitas: sed Adversarii negare non possunt, quia nostra sententia sit saltem probabilis: ergo iidem debent concedere non dari certam legem in contrarium. [5.] Incredible videtur, ut lex pertinet ad jus & legem naturalem in Ecclesiæ Catholica à pluribus, iisque piis, ac doctis ignoretur, quam agnoscatur: sed lex ista sequendi tutiora & probabiliora pertinet ad legem naturæ, quæ tamen à pluribus iisque doctis ac piis in Ecclesiæ Catholica ignoratur, quam agnoscitur: ergo ejusmodi lex non datur. [6.] Lex evitandi peccata materialia est pro statu naturæ lapsæ moraliter impossibilis, magis nociva, quam profusa communi bono: sed ideo obligaremur sequi probabiliorē, quia tenemur evitare periculum peccati materialis: ergo. Imò cum etiam opinio probabilior, si faveat libertati, conjunctum habeat periculum peccati materialis, etiam non liceret sequi probabiliorē, ut putat Mercor. supra refutatus. [7.] Veritatem invincibiliter ignorant error ad culpam imputari non potest: sed constitutus inter duas sententias oppositas, si adhibita diligentia debita non inveniatur certam veritatem, invincibiliter

ignorat, ex qua parte sit veritas, tamen si una opinio sit probabilior altera: ergo tamen erret in eligendo, ille tamen error ad culpam imputari non poterit.

#### §. IV.

##### Corollaria.

Inferes ex dictis primò. Prudentem & licitum 17. Esse usum opinionis minus tutæ, & æquè probabilis: nam argumenta, quæ probant licitum usum minus probabilis, multo magis evincunt usum opinionis æquè probabilis.

Inferes secundò. Si ly *tutum* capias pro eo, 18. quod excludit periculum formalis peccati, sic omnem sententiam verè probabilem esse equaliter tutam, quia qualibet excludit periculum hic & nunc DEUM offendendi, siquæ neutra ex oppositis erit magis vel minus tuta.

Inferes tertio. In praxi vix posse contingere, 19. ut quis sequatur opinionem probabilem, quàm extrinsecis, tam directis, quàm indirectis, & reflexis non videatur probabilior operanti. Nam licet in judicio speculativo & ex vi directi morali aliqua opinio minus probabilis appareat: si tamen accedat extrinseca, & indirecta, ut quod dubia lex non obliget, quod melior sit conditio possidentis, quod prudens assensus licitè reducat in praxin &c. jam opinioni major probabilitas conciliatur. Ex quo tale iudicium certum consentiæ deduci potest: *Probabilis est omnis pensata esse licitum usum opinionis verè practice probabilis, etsi illa secundum motiva directa videatur esse minus probabilis, & minus tuta: sed hæc opinio v. g. pingere dicitur esse licitum, est talis: ergo probabilis est, illius usum esse licitum: sed quod probabilis est esse licitum, est evidenter & absolute licitum*: ergo.

Nec tamen probo opinionem Terilli, 20. existimantis, opinionem minus probabilem ex ipso assensu & iudicio opinantis evadere probabiliorē, eo quod cuilibet suam opinionem sit probabilis. Nam contra est primò. Quod proprium iudicium nec pertinet ad intrinsecam [cùm non sit aliqua ratio assentiendi] nec ad extrinsecam probabilitatem, quæ accipitur ab extrinseca dicentis autoritate quam nemo fecit sibi ipsi: quomodo ergo faciet maiorem probabilitatem? Secundò. Iudicium proprium opinantis non habet maiorem probabilitatem, quàm accipiat à motivis, cùm ex se sit indifferens, ut sit prudens, vel imprudens: ergo ipsum non potest tribuere novum gradum probabilitatis. Tertio. Sequeretur, quod quanto vehementius est iudicium, tanto major exinde probabilitas confurgeret, quod est falsum: cùm iudicii vehementia sæpe ex passione proveniat, quæ recta ratio magis turbatur, quàm juvatur, & hæretici sæpenumero suis erroribus maximam iudicii pertinaciam [nec ideo prudentius sed imprudentius] adhaerent. Suum quidem, ex communi verbo, cuique pulchrum, ac non ideo probabilis: cùm facillimè aliquo affectu, & passione abducatur à vero: unde & medici ægotantes proprium placitum prætermittunt, & alienis debent consiliis obsequi.

## ARTICULUS VI.

*Expediuntur argumenta adversariorum à ratione petita.*

## S U M M A R I A.

1. *Primò arguitur ex incertitudine inhonestatis.*
2. *Respondetur. Incertitudinem & formidinem, tantum esse speculativam ex parte iudicii remoti, & motivi directi.*
3. *Secundo arguitur ex periculo peccandi.*
4. *Respond. Tantum esse periculum materialis peccati, non formalis.*
5. *Nemo potest sequi sententiam, quam putat erroncam in iudicio proximo, & in sensu composito ipsius, bene autem in sensu diviso.*
6. *Obijciunt paritas de fide Divina.*
7. *Assignatur duplex disparitas de fide & religione universim sumpta.*
8. *Obijciunt repugnantia probabilitatis cum lege charitatis.*
9. *Respondetur, DEUM non offendi per veniam legis transgressionem.*
10. *Plures instantie moralibus cumulate.*
11. *Diluantur.*
12. *Absurditates obiecta errant in supposito.*

## §. I.

*Prima classis objectionum diluitur.*

1. **A**uthoritatem & fundamenta extrinseca postea discutiemus: nunc rationes examinemus, quarum quidem sat multas in præcedentibus præoccupavimus, nunc reliquas juxta Vincentii Baronii modum in tres classes compendio colligemus. Prima ergo classis argumentorum est, quæ petuntur ex communibus prudentiæ & conscientiæ principiis. Et arguitur primò, Judicium & dictamen ultimum conscientiæ, quo operatio honesta dirigitur, debet esse certum, juxta illud Eccles. 37. *Ante omnia opera verbum verax præcedat te, & ante omnem actum consilium stabile.* Sed sequens opinionem minùs probabilem faventem libertati non habet judicium certum & firmum, quo excludatur formido oppositi: ergo sequens opinionem minùs probabilem faventem libertati non habet conscientiam certam & regulam honestæ operationis. Minor probatur: De illa opinione intellectus non potest habere judicium moraliter certum, contra quam magis urgent rationes, quòd sit falsa, quàm propria suadeant motiva, quòd sit vera: sed contra opinionem minùs probabilem plures urgent rationes, quòd sit falsa, quàm quòd sit vera: ergo intellectus de illa non potest habere moralem certitudinem.

Confirmatur 1. Inde non potest intellectus certificari, ex quo magis inducitur in dubitationem, cum quælibet probabilis generet formidinem, & quidem minùs probabilis majorem formidinem oppositi: ergo ex probabilitate præsertim minori intellectus non potest certificari.

Confirmatur 2. Qui habet in intellectu conjuncta motiva pro sententia minùs & magis probabili, vel dubitat de minùs probabili, vel non dubitat? Si non dubitat, agit imprudenter & temere; siquidem habet majora motiva suspicandi falsitatem, quàm judicandi veritatem. Si dubi-

tat: ergo non habet conscientiam certam, nec licitè ex tali opinione operatur.

Confirmatur 3. Judicium magis disforme, quàm conforme veritati & honestati, non potest esse regula humanæ operationis: sed tale est judicium opinativum minùs probabile: ergo.

Respondetur ex fundamentis in art. 1. 3. & 2. præcedent. præsuppositis, à quibus istarum rationum solutio pendet, negando minorem. probationem distinguo: De illa opinione intellectus non potest habere judicium certum, contra quam urgent &c. judiciu certum speculativu, & stando præcisè in motivis directis, concedo; prædicum, & adjunctis motivis indirectis, vel reflexis, nego.

Ad 1. Confirmationem distinguo minorem. Intellectus ex consensu duarum probabilitatum inducitur in dubitationem speculativam & remotam, concedo; proximam & prædicam, nego. Ergo inde non potest certificari ex parte iudicii remoti speculativi, concedo; proximi & prædici, nego consequentiam.

Ad 2. Confirmationem Respondeo: Habentem motiva pro utraque parte opposita dubitare speculativè, dubitare latè accepta, non dubitare prædicè modo superius explicato.

Ad 3. Confirmationem: Aut concedo totum; neque enim asserimus judicium opinativum esse regulam humanæ operationis, sed initium quoddam & occasionem ipsius: aut distinguo majorem: Judicium magis disforme &c. non potest esse regula humanæ operationis, proximè directiva, concedo; inchoativa, & instar remotæ occasionis, nego.

Arguitur secundò. Qui se committit periculo peccandi, peccat: sed qui sequitur minùs probabilem, committit se periculo peccandi: quia illa opinio apparet propior errori, & transgressioni Divini præcepti, quàm ab illa remotior: ergo peccat. Nec potest excusari per invincibilem ignorantiam, cum periculum peccandi in motivis retrahentibus sufficienter prævisum sit.

Confirmatur primò. Nemo potest tutè conscientia sequi sententiam, quam prudenter judicat esse erroncam, & inducentem in peccatum: sed sententiam æquè vel minùs probabilem & faventem libertati aliquis prudenter judicat erroneam & inducentem in peccatum: ergo. Minor probatur: Illam sententiam prudenter judico erroneam, contra quam stant gravia motiva, quæ suadeant dissensum & judicium falsitatis, sicuti in nostris fundamentis illam sententiam prudenter judico veram & licitam, pro quo stant gravia motiva suadentia assensum: sed contra opinionem minùs probabilem stant gravia motiva suadentia rationabilem dissensum: ergo.

Confirmatur 2. Si probabilitas reflexè cognita in aliqua opinione possit excludere formidinem malitiæ formalis in aliqua operatione, sequitur, quòd assertio esset causa negationis, & quòd ideo non haberem formidinem de aliquo, quia habeo formidinem: consequens est absurdum: ergo. Sequela patet, quia formido est de



intrinsicca ratione opinionis probabilis, nam ut D. Th. q. 14. de Verit. a. 1. *Tunc est dispositio opinantis, quando intellectus accipit quidem unam partem, sed de opposita dubitat.* Et 1. p. q. 79. a. 9. *opinio significat actum intellectus, qui fertur in unam partem contradictionis cum formidine alterius.*

4. Respondeo, distinguendo maiorem, qui se committit periculo formaliter peccandi, peccat, concedo; materialiter, nego. Nulla est enim obligatio vitandi omnes materiales errores & transgressionem legis, ut dictum.

5. Ad paralogismum Confirmationis distinguo maiorem. nemo potest sententiam, quam prudenter actu iudicat esse erroneam, tutâ conscientia sequi in sensu composito, & ex vi talis iudicii, concedo; quam potentia & in actu primo iudicat esse erroneam, non potest sequi in sensu diviso talis iudicii, vel ex vi alterius principii & iudicii distincti proximi, nego. Habeam igitur in opinione probabili motiva suadentia prudenter dissentium, ex quibus possum prudenter iudicare esse erroneam. Quod si ita iudicem, & stante tali iudicio, atque ex vi ipsius velim procedere ad operandum, non potero illam opinionem sequi, quam practicè iudico illicitam. At verò, si ex oppositis motivis actu inducar in opinionis assensum, quod prudenter fieri posse probavimus art. antec. vel non obstante iudicio speculativo ex aliis principiis efformem certum iudicium de licita sequela hujus opinionis, quam ego speculativè sive in habitu censeo falsam, tunc & prudenter illam sequor in praxi. De quo paulò infra.

Ad 2. Confirmationem distinguo maiorem. Si probabilitas reflexè cognita, & præcisè relata ad objectum, posset excludere formidinem malitiz, sequeretur illud absurdum, transcat; si probabilitas relata ad prudentiam, quâ regulatur, illam posset excludere, si nego. E.g. probabilitas de consecratione hostiæ, de contritione poenitentis præcisè ut relata ad suum objectum, non excludit formidinem, an hostia sit adoranda, poenitens absolvendus &c. bene autem ut relata ad prudentiam, quia exinde resultat certum iudicium, *hostia, quam prudenter iudico consecratam, est adoranda; poenitens, quem prudenter iudico contritum, est absolvendus &c.* & unde prudenter? quia illud prudenter iudico esse tale, quod in defectu certitudinis probabiliter apparet tale. Sic pariter probabilitas reflexa de honestate operationis excludit malitiz formalis formidinem; quia hoc prudenter sequor in praxi, quod prudenter iudico licitum; & hoc in defectu certitudinis prudenter iudico licitum, quod per gravia motiva probabiliter apparet licitum. Alias sanè ex nulla probabili sententia possem certam conscientiam formare, cum hæc argumentatio omnem cuiuscunque opinionis usum impugnet, quod in art. 3. & 4. refutavimus, & ipsis adversariis est solvendum.

## §. II.

*Diluitur classis secunda & tertia objectionum.*

6. Altera classis est argumentorum, quæ à paritate variorum officiorum in humana & Chri-

stiana vita occurrentium ducuntur. Et primò occurrit fides, ex qua sic arguitur. Si licet in materia morum sequi minus probabilem, & minus tutam opinionem, idipsum pariter licebit in materia fidei: sed consequens est absurdissimum, hinc enim sequitur, vis ullum amplius formalem hæreticum reperiri, quæ enim est scdâ, vel hæresis, quæ non habeat aliqua motiva probabilia lux opinionis faveant, & insuper auctoritatem viro- rum, qui inter suos doctores soliditate, & vite modestiâ commendatur? Sequela probatur: quia non minus homo errando in materia morum aberrat ab ultimo fine, quàm errando in materia fidei: ergo sicuti hoc non obstante sequi potest opinionem, quæ sibi apparet minus probabilis in morum materia, sic etiam poterit in materia fidei. quam sequelam ex Caramuele pluribus urget Gonet §. 3. n. 11.

Respondeo, vel esse sermonem de materia si-7. dei in particulari, quoad unum alterumve articulum ad materiam fidei pertinentem, v. g. *sintne hæretici baptizandi? an animæ Bearorum admittantur ad beatificam visionem ante diem iudicii?* &c. vel de materia fidei in universum? *Sintne Religio Catholica præferenda Gentilismo, Mahometismo, Calvinismo?* &c.

Si primum; concessâ sequelâ, negatur absurditas; nam quamdiu non constet, per Ecclesiæ definitionem, aut evidentem illationem aliquem articulum esse revelatum, licet cuique opinari, quod sibi probabile visum fuerit, ut patet quàm plurimis exemplis: ita antiquitus D. Cyprianus, antequam Ecclesiâ oppositum definiret, censebat, hæreticos esse rebaptizandos. An animæ Bearorum ante extremum iudicii diem clarè videant Divinam essentiam, olim ante Florentini & Tridentini definitionem disputabatur in utramque partem. Pius II. in Bulla *ineffabilis* datâ Anno 1464. relinquît in sua probabilitate opinionem negantem unionem sanguinis cum Verbo in triduo passionis, donec Romana Sedes aliud definierit. De sacro libera est opinandi facultas de auxiliis Divinæ gratiæ, de universalitate illarum Scripturarum: *DEUM nemo vidit unquam, In Adam omnes moriuntur.*

Si verò sit Sermo de fide in universum, negatur sequela, & paritas. Primò: quia licet tantum una opinio ex contradictoriis possit esse vera, sicut una tantum est vera fides; tamen possunt duæ opiniones oppositæ esse veræ & evidenter probabiles; cum econtrâ tantum una fides sit veræ & evidenter credibilis ac probabilis: unde hoc ipso, quòd alicui fides Catholica appareat probabilior, debet oppositam habere suspensam de improbabilitate, nec proinde poterit ipsi ulterius adherere: sed si una opinio appareat probabilior, non ideo opposita amittit suam probabilitatem, aut fit de improbabilitate suspecta.

Secundò. Cum fides vera, ut in se est, sit de necessitate medii, & detur certa fidei regula, ac evidentia credibilitatis, qui recederet à probabili-  
tati, simulque exponeret se periculo amittendi medium unice necessarium ad salutem: at verò objecta, de quibus utrinque discipetur, sintne licita, vel illicita, non sunt de necessitate medii, neque

neque potest [ut supponitur] in iis deveniri ad certitudinem veritatis; neque tribuunt adibus bonitatem, ut in se, sed ut sunt in conscientia & cognitione, ideo in materia fidei semper oportet amplecti partem securiorem, non semper in morum materia.

8. Secundò. Usus probabilitatis videtur solvere jura charitatis & amicitiz tum DEO, tum sibi ipsi debitz; Deo debitz; nam lex amicitiz erga DEUM juxta S. D. 2. 2. q. 23. a. 1. nos adstringit, ut quantum possumus, ei velimus bonum honestum, nempe ejus honorem, & obedientiam ad mandata ipsius: sed qui sequitur & consult opinionem minus probabilem, hoc nequaquam facit: cum enim eligat opinionem faventem libertati contra præceptum, putat, se hic & nunc posse agere contra Divinum præceptum.

Confirmatur: Qui probabilius crederet ex tali opinione amicum graviter offendendum, quam non offendendum, nec tamen vellet ab illo desistere, ad quod nulla illum urget necessitas, convinceretur de violatis legibus amicitiz, cum non curet amici offensam; sed hoc ipsum agit, qui sequitur minus probabilem; quippe quam videt DEO magis displicere, quam placere. Solveret etiam jura charitatis sibi debitz: tum quia sequendo minus probabilem, causat sibi graves remorsus conscientiz; tum quia se ipsum defraudat maximo bono spirituali veritatis, & conjicit se in periculum falsitatis. Unde si peccat Medicus, extra necessitatem prescribens, infirmus acceptans medicinas probabiliter, aut probabilius nocituras, Sacerdos administrans Sacramenta operando ex sententia minus probabili, probabiliter credens ex incerta materia aut forma posse emergere nullitatem valoris; non minus peccabit, qui sequendo vel suadendo sententiam minus probabilem seipsum vel proximum conjicit in periculum erroris, & peccati.

9. Respondeo, usum probabilitatis non solvere jura charitatis DEO vel sibi debitz. Non DEO debitz: nam lex charitatis non obligat nos ad volendum, quantum possumus DEO bonum honestum, & obedientiam mandatorum, quæ dubia sunt, sed quæ certa sunt: & ideo eligens sententiam minus probabilem non violat legem amicitiz, quia sequitur opinionem faventem libertati contra præceptum dubium, non contra certum.

Ad Confirmationem nego minorem. Nam qui operatur ex sententia etiam minus probabili, operatur ut certus de DEO non offendendo, quippe qui non offenditur materiali suæ legis transgressione [cujus evitatio stante isti fragilitate humanæ naturæ est moraliter impossibilis] sed formali. Non etiam solvuntur jura dilectionis sibi ipsi ad proximo debitz: neque enim potest esse remorsus, ubi est certitudo conscientiz, quam asserimus; neque est probabile periculum notabilis damni, sicut est, si applicentur medicinæ dubiz; materia aut formæ Sacramentorum dubiz &c. Nam materiali falsitas, & transgressio legis non est grave damnum animæ, cujus tantummodo aliquale periculum subesse potest.

10. Opponunt ulterius quædam exempla, & paritates à moralibus petitas, ex quibus videtur usus opinionis minus probabilis rectæ rationi & pru-

dentiz refragari. Nam (1.) imprudenter quis comederet fructum, quem probabilius judicat veneno infectum. (2.) Imprudenter Imperator prælium iniret, quo tempore & loco probabilius se vincendum existimaret. (3.) Imprudenter viator viam eligeret, quam probabilius crederet leonibus aut latronibus infectam (4.) Imprudenter imò & injuste iudex pro parte minus probabili sententiam ferret. Quomodo ergo excusabitur homo sequens opinionem cum periculo peccati, & falsitatis probabilius conjunctam? (5.) Certè Princeps aliquis non esset contentus cum suo ministro, si is ageret, quæ probabilius existimat adversari mandato Principis. Et DEUS debet nobiscum esse contentus, si illa sequamur, quæ probabilius judicamus à DEO prohibita?

Respondeo ad primas instantias ut supra, non esse in sequela opinionis minus probabilis periculum peccati formalis, sed tantum materialis, cujus evitandi obligatio in consequente supponitur quidem ab adversariis, non autem probatur. In allatis verò primis instantiis est periculum gravis damni, quod evitare præcipit certa lex charitatis. Quarta instantia de iudice, ut supra quoque advertimus, non est ad rem; ille enim ex officio, & certa lege justitiæ tenetur judicare secundum merita causæ: nihil horum in conscientiz judicio, ubi alia obligatio non est, quam illud judicandi licitum, quod prudenter apparet licitum; hoc autem in defectu certitudinis etiam probabili opinioni convenire, jam antea multis ostendimus. Ad 5. instantiam de Principe Respondeo, illum non habere justam causam indignandi, si minister, cum non habet facultatem petendi interpretationem & certitudinem mandati [quod raro contingit] ea faciat, quæ rationaliter existimat mandato non comprehendendi, quamquam non desint rationes & motiva, quæ oppositum suadeant; sibi enim imputet Legislator, si obscure loquitur. Quia verò plerumque minister ad determinata negotia omni meliori modo perficienda deligitur, etiam à Principe non communis sed exacta diligentia solet exigi, quæ ad securiorem mandati observantiam minister adstringitur. Et sic etiam homines in quibusdam certis materiis ad securiora sectanda obligantur, ut infra dicemus. Universum verò tantum adstringuntur, ut tuto, prudenter, rationaliter operentur.

Tertia classis est argumentorum, quæ à posteriori, sive ab absurdis obijciuntur: nempe totius [ut aiunt] Moralis Disciplinæ, vitæque Christianæ sanctitas per probabilissimum periculum, dum ex probabilitate innumeræ opiniones laxissimæ [quas magno numero accervat Fagnanus, Gonet, Baronius, Conson] oriuntur, quibus in omni materia, legum reverentia & obsevancia eliminatur, mores enervantur, jamque non secundum virtutem & veritatem, ut Christus docuit, sequæ ipsum in exemplum proposuit, sed secundum aliquam veritatis larvam, & probabilitatis commentò fucatam speciem vitam institui-mus. Verum omnes illæ objectiones tantis contentionebus declamatz extra scopum vagantes laxitatem tantum, aut illimitatam probabilitatem impugnant, unde istem immorari non va-

cat. Limitata verò probabilitas tantùm abest à laxanda morum disciplina, ut Mercorus ipse p. 3.

a. 8. fateatur, Joannem à S. Th. cujus doctrinam unice sequimur, à sua sententia non dissentire,

## ARTICULUS VII.

### *An benigna sententia adverteretur S. Script., dictis SS. PP.*

& SS. Canonum?

#### SUMMARI A.

1. Textus S. Script. pro rigida sententia.
2. Textus soliti allegari pro benigna.
3. Utrique facile explicantur ab Adversariis.
4. Opponuntur exempla S. Script. contra opinionem probabilem, Adamus, Saul, Roboam, Judai.
5. Adamus inepte proponitur in exemplum minoris probabilitatis.
6. Neque Saul habuit sententiam probabilem.
7. Neque Roboam sequens inconsultum consilium juniarum.
8. Judai non arguuntur à Christo, quòd sequerentur probabilem opinionem Phariseorum.
9. Exempla Scriptura pro usu sententia minùs probabilis adducta.
10. Non habent magnam efficaciam.
11. Obijcit textus à S. Bernardo & D. Chrysostomo.
12. Exponuntur.
13. Triplex locus ex S. Augustino contra benigniorem sententiam.
14. Ostenditur differentia sententia probabilis ab Academica opinabilitate, de qua loquitur S. August.
15. Ostenditur mens S. Augustini pro benigna sententia.
16. Quid de SS. Canonibus sentiendum?

#### §. I.

*Expenditur auctoritas S. Script.*

1. AD probabilitatem extrinsecam & auctoritates convertitur. Ubi adversarii magnam benignæ sententiæ invidiam concire nituntur, dum illam novum Casuistarum dogma, *neotericorum commentum* &c. appellant, S. Scripturæ & SS. PP. sensui difforme, cujus in antiquis & celebratissimis Ecclesiæ Doctoribus nullum extet vestigium. Verùm, quod ad S. Scripturam attinet, exilissimo, neque pro rigida, neque pro benigna sententia claram auctoritatem afferri posse. Pro rigida afferuntur inprimis quædam S. Scripturæ dogmata, velut Deut. 26. ubi DEUS præcipit, custodiri & impleri sua mandata ex toto corde, & ex tota anima, h. e. juxta Interpretes, impleri, quantum quis scit, & potest implere. Psal. 118. *Tu mandasti mandata tua custodiri nimis*, h. e. omni possibili studio, & observantiâ Matth. 7. *Quam angusta porta & arcta via est, quæ ducit ad vitam?* sed sententia benigna illam facit latam & spatiosam. 1. Thess. 5. *Omnia probate, quod bonum est tenete, ab omni specie mala abstinete vos* &c. Ephes. 4. *Ne simus parvuli fluctuantes omni vento doctrinæ.* Christus Joan. 14. *Ego sum veritas, non, ego sum probabilitas*, &c.
2. Reponuntur pro benigna sententia inprimis illud Christi, Matth. 11. *Jugum meum suave est, & onus meum leve*, quod tamen vehementer ag-

gravatur per rigidam sententiam, quâ imponitur obligatio ubique tutiora & probabiliora sectandi, quod vix est possibile. Et Matth. 22. ubi arguuntur Pharisei, quòd *alligent subditis onera gravia & importabilia* &c. quale onus est illa ipsâ obligatio. Act. 15. *Visum est Spiritui S. & nobis, nil ultra imponere vobis oneris, quam hæc necessaria.* Deut. 4. *Non additis ad verbum, quod vobis loquor, nec auferetis ex eo* h. e. ut explicat Gerson. p. 2. de Reg. moral. sub tit. de Sup. *Ambulandum est in virtutis doctrina viâ regis, ut nec stricte fiat DEI mandatum, nec latius, quam ipse mandaverat.*

Respondent sententiæ rigidæ Patroni, has auctoritates ad se non pertinere, quòd sensus sit, jugum Christi fieri suave non libertate opinandi, sed condimento charitatis, quæ omnia facit levia amanti. Et quòd Pharisei per suas traditiones imposuerint hominibus obligationes, repugnantes legi Divinæ: sententia verò rigorosa flet pro lege Divina &c.

Sed respondent patiter sententiæ benignæ patroni, nec illos Script. textus contra se congestos ad se pertinere; quia illic non jubemur mandata dubia, & quæ nescimus, implere ex toto corde, & custodire nimis, sed quæ scimus, & in quantum scimus, ut ipsimet Adversarii interpretantur. Via quoque Evangelica non dicitur arcta propter obligationem vitandi quædam pericula peccati materialis, sed propter certissimas & notissimas Evangelii sanctiones, quibus præcipitur inimicos diligere, benefacere his, qui oderunt nos, damnata occulta cordis concupiscentia, & morosa delectatio, prohibetur quævis in proximum iracundia, &c. quæ vitiatæ per peccatum naturæ tam arcta & adversa apparent; ut teste Esparza art. 38. Averroës exclamavit, *Lex Christianorum, lex impossibilem*, & Mandarinum Chineses illâ auditâ dixerint, *non esse legem pro hominibus, sed pro spiritibus*. Speciem quoque malam, & fluctuationem usus veræ probabilitatis excludit, dum conscientie certitudinem ab omni formalis inhonestatis formidine immunem admittit. Etiam si quoque Christus non dixerit: ego sum probabilitas, non ideo sequitur: ergo non licet ex probabilis opinione operari: aliàs neque ex fide liceret operari, cum Christus non dixerit: Ego sum fides.

Exempla quoque à S. Script. pro rigida sententia proponuntur. Et primò Mercorus p. 1. a. 18. ex Gen. 2. opponit: Adamum, & Evam, qui poterant probabiliter credere, se non graviter peccaturos ob parvitatem materiæ, vel quòd lex tantum esset pœnalis, adeoque non obligans nisi ad culpam civilem, & tamen hac probabilitate non obstante peccarunt.

Secun-

Secundò. Saul Rex Israëlitarum, ut habetur 1. Reg. 15. graviter peccavit, à DEO propterea objugatus, reprobus, regno & vitâ exurtus, quòd contra DEI præceptum, quo dicebatur: *Vade, & percuti Amalec, & demolire universa ejus; non parcas ei, & non concupiscas ex rebus ipsius aliquid, sed interfice à viro usque ad mulierem, & parvulum, & aique lactentem, bovem & ovem, camelum & asinum;* nihilominus pepercit Agag, & optimis gregibus ovium, &c. & tamen Saul pro se habebat opinionem probabilem, quòd liceret Regem Agag reservare pro magnificentia triumphi, & pecora DEO in sacrificium immolanda; quid enim intererat, an illa gladio de moliretur in bello, vel igne consumeret in altari? &c.

Tertiò reprehenditur Roboam 3. Reg. cap. 12. quòd relicto consilio Sapientum magis probabili secutus sit consilium Juvenum minus probabile, qui exponente Lyrano dicuntur juvenes, tantùm comparativè ad consiliarios Salomonis, absolute verò erant viri adulti coætanei Regis, qui suscepto regno jam erat annorum 41.

Quartò [ut opponit Sinnich. n. 371.] Judæi sequentes falsas Scribarum & Phariseorum interpretationes de non subveniendi parentibus, non satisfaciendo creditoribus, fuissent excusabiles propter extrinsecam saltem probabilitatem, cùm tamen Christus etiam illos peccati condemnaret, dicens de Phariseis: *Cæci sunt, & duces cæcorum &c.* Matth. 23.

5. Sed quòd ad primum attinet, mirum est, posse à Thomista primos parentes in probabilitatis exemplum adduci, cùm D. Th. ex professo doceat in q. 18. de verit. 2. 6. in statu innocentiz nullum ulli opinioni nedum falsæ & minùs probabili locum fuisse. Ita inquit in c. ex quo patet, quòd non solum in eo nulla opinio falsa fuisset, sed penitus nulla opinio in eo fuisset, & quicquid cognovisset, secundum certitudinem cognovisset. Et unde obsecro, probabile videri poterat primis parentibus, se non peccaturos, vel non morituros transgrediendo præceptum DEI? ab autoritate forsan mendacissimi æquè ac fallacissimi serpentis? Sed neque à ratione; cùm nec Serpens deceptor ullam attulerit, nec ipsi pravicatorum DEO objurganti in sui peccati excusationem ullam obtenderint, nec pornetur aliqua probabilis opinio locum habere, ubi primi parentes erant à DEO specialiter illuminati, ut certitudinem præcepti obligantis in conscientia, ejusque gravitatem, cùm totius posteritatis salus exinde penderet, dissimilissimè cognoscere. Et ita sentit expressissimè D. Augustinus compluribus locis ab Esparza a. 2. citans, præsertim l. 14. de Civit. c. 11. *Ille autem (Adam) ab unico natus consortio dirimi, nec in communione peccati, nec ideo minùs reus, sed sciens prudensq; peccavit.* Minimè igitur probabilem sequuntur opinionem adversarii, dum primorum parentum peccato probabilitatem assignant.

6. Sed neque Saul [quod erat secundum] ullam habuit rationem verè probabilem, quâ persuaderetur, ut parceret Regi Amalec, & armentis ipsius, cùm verba Divini præcepti fuerint meridianâ luce clariora, & si de ejus obligatione dubitasset,

ipsum interpretationem à Propheta Samuele quem, cùm vellet, ad manum habebat, non ex vulgi affectu & opinione petere debuisset. Unde & ipse ingenuè fateatur, se ex timore populi contra præceptum DEI peccasse v. 24. *Peccavi, quia pravicatorum sum sermonem Domini & verba sua, timens populum, & obediens voci eorum.*

Ad 3. exemplum Roboami Respondeo, illud 7. consilium juvenum non fuisse verè probabile ut satis clarè colligitur ex Scriptura: fuit quippe datum ab hominibus ad adulationem compositis, rerum inexpertis, & cum Rege in delictis enutritis, nec sufficientem cautelam de damno evitando adhibentibus, nec ullo vel in speciem rationabili motivo sapientissimum consilium seniorum solventibus.

Ad 4. exemplum ex Terillo Respondeo, vel 8. plebem Judaicam vincibiliter vel invincibiliter fuisse seductam. Si vincibiliter: tunc argumentum adversariorum nihil probare, quia procedit de subiecto non supponente; non enim illis probabile erat, suos parentes, templi intuitu, potuisse privari filiorum subventionem. Si invincibiliter: tunc argumentum pugnare contra Adversarios; siquidem ex probabili fundamento poruissent in invincibilem ignorantiam legis naturalis induci, ex qua [ut ante probavimus] etiam à formali peccato fuissent excusati. Imò, inquis, non fuissent excusati, quia Christus dixit, *esse cæcos, & in foveam cadere.*

Respondet Terillus: Hæc verba non dici de plebe Judaica, ex eo præcisè, quòd sequerentur doctrinam Phariseorum, cùm Christus ipse Matth. 23. dixerit, *Super cathedram Moysi sederunt Scribæ & Pharisei: omnia ergo quæcumque dixerint vobis, servate & facite.* Sed [veluri ex textu patet] quia superstitiosis observationibus Phariseorum erant imbuti, qualis erat: non manducare, nisi loti manibus [de quibus illo loco Christus loquitur] ideoque frequenter contra conscientiam peccabant, quoties tales ceremonias omittabant.

Pro benigna sententia Caramuel ex S. Script. 9. producit primò exemplum Machabæorum, qui, non obstante communi opinione, quòd confictus die Sabbathi esset illicitus [ut est 1. Mach. 2.] & tertio Decalogi præcepto contrarii, probabili ratione ex præsentis necessitate ducti judicârunt, litteræ rigorem ad talem casum se non extendere, quòd & olim à Davide factum, cùm fame pressus panes propositionis, sibi tanquam laico alioquin vetitos à Sacerdote poposcit.

Addi potest secundò: quòd iidem Machabæi non obstante Divinâ prohibitionem Exod. 34. n. 12. *Cave, ne nunquam cum habitatoribus terra illius jungas amicitias.* Et v. 15. *Ne intas pactum cum hominibus illarum regionum.* Et increpatione Regis Josaphat, quòd cum impio Rege Ochozia fœdus pepigisset 2. Paralip. 19. *Impio præbes auxilium, & his, qui oderunt Dominum, amicitia jungeris?* Suadente probabili ratione ac temporum conditione cum Romanis & Spartiatis fœdus inierat, ut constat ex 1. Mach. 8. & 12. qui super ejusmodi fœdere nequaquam reprehenduntur.

Tertium exemplum ponit Terillus ex B. V. & S. Jo.



S. Iosepho, qui ad Christum servandum alendumque quam maxime obligati, illum Hierosolymis reliquerunt, & postquam fuissent progressi unius diei iter, inter cognatos & notos requirebant, non certâ sed probabili ratione & quidem falsa à parte recte, prudenter tamen induciti, existimantes eum esse in comitatu: quâ probabilitate excusabantur, quòd puerum JESUM citius non inquisiverint.

10. Nihilominus etiam ista exempla non videntur habere magnam efficaciam: quia prima duo loquuntur de casu necessitatis, in quo ex duobus malis minus est eligendum, & per epikiam aliquis interpretari potest, legis obligationem ad ralem casum se non extendere. Nec desunt apud Sinichium n. 189. qui de isto cum Gentilibus fœdere Machabæi redarguant, & finistros eventus, quos post illud fœdus S. Scriptura commemorat, non in aliam causam refundant, quam quòd Machabæi fiduciam à Divina potentia, cuius præsentissimam opem toties experti fuerant, in humanam potentiam, cuius tunc laude Romani florebant, transfulerint. Probabilitas quoque, quam B. V. & S. Iosephus fuerunt secuti, quia erat solitaria, & non in concursu alterius æquæ vel magis probabilis, vel magis tutæ, facile sufficiebat ad bonam fidem, & prudentem assensum, ideoque videtur parum conducere ad præsentem questionem, ubi agitur de opinione probabili in concursu tutoris, & æquæ vel magis probabilis.

## § II.

### Quid sentiendum de Autoritate SS. PP. & SS. Canonum?

11. Solent etiam rigide sententiæ Patroni quædam SS. PP. loca, tanquam nobis contraria adducere: & primò ex D. Bernardo in l. de præcepto & disp. c. 17. *Ut interior oculus verè simplex sit, duo illi esse arbitror necessaria, charitatem in intentione, & in electione veritatem.* Subiungunt: sed eligens opinionem minus probabilem & minus tutam, non habet in electione veritatem: ergo. Secundò ex D. Chrysost. hom. 44. in Matth. *An non oportet populum circuire omnes Doctores, & inquirere, ubi sincerè veritas Christi venundatur, & ubi corrupta, & veritatem eligere, plius quam vestimentum?*
12. Sed neutro testimonio quicquam probatur: non primo; nam vel Adversarii volunt à D. Bernardo intelligi certam veritatem etiam speculativam, vel tantum prædicam. Si speculativam, nequæ licebit sequi probabiliorem, cum nec ista sit sine periculo falsitatis, quod plerique ex ipsis negant, & satis rejectum est. Si prædicam, nihil contra nos arguitur. Imò verò eodem loco c. 18. D. Bernard. agnoscit, malum, quod probabili opinione bonum creditur, & piâ intentione seu bonâ fide exercetur, bonum esse. *Et quidem, inquit, laude dignam dixerim, vel solam intentionem piâ; nec planè condignâ remuneratione fraudabitur in opere quoque non bono ipsa bona voluntas: attamen sine malo quocunque [erroris non imputabilis in culpam] non eris decepta simplicitas.* Unde cum postea tale opus peccatum nominat, de peccato materiali est intelligendus, ne ipsum in eodem capite sibi contradicere asseramus.

Alterâ D. Chrysost. authoritas, [si tamen Chrysostomi, quæ tantum est authoris operis imperfecta] si loquatur de veritate moralis honestatis in nostris actionibus, non potest significare præceptum, sed purè consilium: aliâ contra adversarium probaret, quòd quilibet è populo teneretur diversas DD. opiniones investigare. Videtur verò magis loqui de Veritate fideli, & verâ Christi doctrinâ, quæ cum sit de necessitate mediæ ad salutem, certamque habeat regulam veritatis, ac evidentiam credibilitatis, obligat ut securiori viâ queratur, & eligatur.

Potissimum verò adducitur tertio in medium I<sup>o</sup> D. Augustinus, disputans contra Academicos, eorumque placitum, cum agit quicque, *quod ei probabile videtur, non peccat, nec errat*, ex eo potissimum inopugnans, quòd ex hac doctrinâ via aperitur ad omne flagitium: *Id enim audiens adulescens insidiabatur pudicitia uxoris alienæ, &c. l. 3. contr. Acad. c. 16.* Urget etiam Sinichius illud l. 6. de nihil. cred. c. 11. *Tria sunt velut firmita sibi in animu hominum distinctione dignissima, intelligere, credere, opinari, quæ si per se ipsa considerentur, primum sine vitio est, secundum aliquando cum vitio, tertium nunquam sine vitio.* Ubi S. P. omnem opinionem vitiositatis damnare videtur. Tertio in l. 1. de bapt. contr. Donat. c. 3. loquens de Donatista volente ad Catholicam transire Ecclesiam, & dubitante, an licitè possit in parte Donati recipere baptismum, quem in Ecclesia Catholica licitè recipi posse non dubitat, ita respondet: *Accipere itaque in parte Donati, si incertum esse peccatum, non ibi potius accipere, ubi certum est non esse peccatum.* Ergo, infert Wendrochius, qui in negotio suæ salutis scatur opinionem incertam, & minus tutam, reliquâ certâ & tutiori, tertio peccat.

Verum & ista sunt præter scopum, & sicut est 14. acerba probabilissimi ad Academicismi similitudinem appellatio, ita proorsus inepta similitudinem Academicæ ad probabilitatem Catholicam accommodatio: differentia pulcherrimè & fusillimè descripta ab Esparza a. 72. & seqq. in hoc consistit, quòd Academicum probabile est omnè opinabile absque ulla distinctione, sive prudenter sive imprudenter, & temerariè tale: unde Academici speciem cum genere, opinionem cum probabilitate confundebant, docentes, quòd quilibet posset agere, quod hoc modo probabile [potius opinabile] videretur, dummodo in neutram partem assensum determinaret. *Id probabile, inquit D. Augustinus l. 2. contra Acad. c. 11. vel verisimile Academici vocant, quod ad agendum sine assensione potest invitare.* Ex qua monstruosa probabilis & improbabilis confusione, enata est illa monstruosissima ad omnem morum perversitatem aperendam regula, non peccare quemquam, qui ageret, quod ipsi hoc modo probabile videretur. At nostrum probabile temerario & improbabili oppositum illud solùm est, quod ex gravibus motivis prudenter meretur assensum, unde toto cælo differt ab illo Academicum probabili, nec ulla D. Augustini argumenta contra Academicos nos oppugnant.

Opinio quoque, quam S. Augustinus dicit, *nunquam esse sine vitio*, non est assensus imbecillia

illis cum formidine oppositi, quot enim aliis doctrinæ Adversariorum [imò hæc ipsa, quæ nobis dissentiant] forent vitiois, quis absque peccato S. Eucharistiam accederet, cum non nisi de statu gratiæ probabiliter opinari possit? sed est prava animi dispositio, quæ quis scire se putat, prava nescit, & objecto fallibiliter apparenti ex temerario voluntatis affectu firmum præbet assensum. Ita se explicat ipse S. D. qui cum dicto lib. *ira genera hominum merito improbanda dixisset: Primum, inquit, est opinantium, id est eorum, qui arbitrantur scire, quod nescimus.* Neque tertio loco D. Augustinus est nobis contrarius, qui ibidem loquitur de Donatista prædicæ dubitante, & ex una parte habente certitudinem, ex altera verò non habente prædicam probabilitatem honestatis, ubi certa incertis præferenda ultro concedimus.

15. Multò clariora sunt in rem nostram S. S. PP. testimonio & exempla. Nam prædictus D. Augustinus l. 1. de adulteris, conjug. c. 16. inter oppositas sententias, quarum una dicebat catechumenos subito paroxismo oppressos, quo baptismum petere, & ad interrogata respondere prohibentur, esse baptizandos; altera, sensibus & signis destitutum non posse licite baptizari contendebat, ipse benigniorem amplectitur, nec tamen damnat oppositam, sed illam in sua probabilitate relinquit. Moz. c. 18. eandem doctrinam ad illos, qui viventium conjugii copulati retinent adulterina consortia, extendit, rationem dans: *quis enim novit, utrum fortassis adulterina carnis illecebræ usque ad baptismum staterant detineri?* Tandem eodem cap. id ipsum affirmat absque distinctione de Sacramento Pœnitentiæ: *Que autem baptismatis, eodem reconciliationis est causa, si forte pœnitentia in finiende vitæ periculum præcupaverit, neque ipsos ex hac vitâ sine artha sua pacis exire velle debet mater Ecclesia.* Ubi tametsi loqui videatur de pœnitente, non tamen loquitur de illo, cujus pœnitentia per signa manifestatur, sed ex vita vel fide Christiana præsumitur, aliâ ipsius dicta non concordant. Ecce! hic in secundo saltem & tertio casu D. Augustinus

amplectitur opinionem plurimorum præsertim nobis adversantium iudicio minùs tutam, & minùs probabilem? & quamvis amplecteretur magis probabilem, quia tamen oppositam non condemnat, etiam illam putat esse tutam & probabilem.

De S. Cypriano suprà mentionem fecimus, qui decrevit, ab hæreticis baptizatos, cum ad Ecclesiam redirent, esse rebaptizandos: quæ opinio [nunc damnata & erronea] propter bonam fidem & probabilem persuasionem sanctissimi Martyris excusatur, quantumvis esset minùs probabilis, utpote communiore Ecclesiæ consuetudini contraria. Zacharias Papa à D. Virgilio admonitus, quòd D. Bonifacius quosdam, ex imperitia baptizantis in nomine Patriæ, & Filiæ, & Spiritus Sancti baptizatos rebaptizasset, factum reprehendit, sed de peccato nequaquam accusat, haud alia de causa, nisi quòd Pontifex D. Bonifacium bonâ fide in probabili ratione fundatâ crederet excusatum. Hinc mediâ viâ nec minis arctando, nec laxando conscientias incedendum est, & fugienda zeli exorbitantis indiscretio juxta D. Ambrosii monitum in Pl. 118. serm. 5. *Sunt etiam in nobis, qui habent timorem DEI, sed non secundum scientiam, statuentes duriora præcepta, quæ non possit humana conditio sustinere. Timor in eo est, quia videntur sibi consilium discipline, opus virtutis exigere, sed inscitia in eo est, quia non compatiuntur naturæ, non asstant possibilitatem.*

Ad rescripta SS. Pontiff. & Canones, qui ex corpore juris opponuntur disp. 12. a. 4. §. 1. responsum est: qui benignæ sententiæ & nostræ favent, sup. art. §. 3. n. 5. & 6. referuntur. Ad do monitum Leonis Papæ in cap. sicut quedam, dist. 15. ut in iis, quæ vel dubia fuerint, aut obscura, id noverimus sequendum, quod nec præceptis Evangelicis contrarium, nec decretis SS. PP. inveniantur adversum. Cum ergo ex hæcenus dictis & disputatis constet, doctrinam sententiæ probabilis à nobis explicatam, neque præceptis Evangelicis contrariam, nec SS. Patrum decretis esse adversam, licet illam sequemur in pœni.

## ARTICULUS VIII.

*An nostra sententia adversetur doctrinæ S. Th. ejusque Interpretum?*

### SUMMARI A.

1. Adversariorum opinio de antiquitate sue sententiæ.
2. Textus, qui opponuntur ex S. D.
3. Ostenditur, expositionem rigorosâ sententiæ esse contrariam menti D. Thomæ.
4. Erruitur genuinus sensus & mens D. Th. in primo textu.
5. Exponuntur reliquæ autoritates.
6. Firmatur expositio autoritatis antiquorum Thomistarum.
7. Adducuntur plures DD. ex Schola D. Thomæ pro benignâ sententiâ.
8. Ex quibus colligitur, benigniorem sententiâ esse verè Thomisticam:
9. Nullo modo novitium dogma, sed ratio, & auctoritate potiorum.
10. Nostra sententia ex principiis adversariorum secuta in praxi.
11. Est licita etiam in articulo mortis.
12. Regula reperendi certam probabilitatem.
13. Sententiâ benignâ etiam à Spiritu S.

### §. I.

*Proponitur autoritas D. Th.*

Potissimum oppugnationis robur collocant adversarii in D. Thomæ, Scholæque Thomisticæ autoritate, cui benignam sententiâ adversari, & hanc opiniorum Probabilistarum sententiâ

centiam antiquis omnibus suspectam fuisse didi-  
cant. Imò Dominicanam familiam, inquit Vin-  
cent. Baron. à S. Doctore, in cuius verba jurant,  
hoc dogma inconcussum habere, quod agitur contra  
legem, semper esse malum, nec excusari per hoc,  
quod sit secundum conscientiam, quacunque proba-  
bilitate munita, quæ incertitudinem nunquam sit  
evasura, quamdiu reclamabunt Doctores graves,  
& contra stabunt rationum momenta, Jul. Mercor-  
us plus audet, & p. 2. a. 26. antiquitatem sen-  
tentiz rigorosæ refert adusque tempora Aposto-  
lorum, quod exinde probat: *Quia quatuor ul-  
timis sæculis elapsis S. Thomas, Scotus, S. Antoninus,  
Gerson, Jo. Major, Adrianus, & alii docuerunt, non  
licet sequi minus tutam, seu minus probabilem:  
non est autem verisimile, huiusmodi Doctores vo-  
luisse scribere contra regulam, quæ communiter  
tunc habebatur in Ecclesia.* Nunc igitur primò  
Angelici Doctores, cujus illibatam doctrinam, ex  
perpetuo nostræ Universitatis instituto & more,  
per me sententiz regula & cynofura colloco,  
verba & ex his mentem inspicimus.

2. Primus igitur & præcipue considerationis lo-  
cus est ex quodl. 8. S. Th. a. 13. ubi instituta quæ-  
stione, utrum ille, qui habet plures præbendas, pec-  
cet? sic resolvit. *Aut ille, qui facit contra opi-  
nionem Magistrorum, nupte habendo plures præ-  
bendas &c. in quandam dubitationem inducitur ex  
contrarietate opinionum, & sic, si manente tali du-  
bitatione plures præbendas habet, periculo se com-  
mittit, & sic procul dubio peccat, nupte magis a-  
mans beneficium temporale, quam propriam salu-  
tem.* Aut ex contrariis opinionibus in nullam du-  
bitationem adducitur, & sic se non committit disci-  
mini, nec peccat. Ex quo videtur inferendum:  
sed qui sequitur opinionem probabilem, præter-  
im minus probabilem contra alteram faventem  
legi, hoc ipso in dubitationem adducitur: ergo  
committit se periculo peccandi: ergo peccat.

Accedit, quod ibidem in c. art. dicat S. D.  
Illud autem, quod agitur contra legem, semper est  
malum, nec excusatur per hoc, quod est secundum  
conscientiam. Subsumitur: sed qui sequitur mi-  
nus probabilem contra legem, exponit se pericu-  
lo agendi contra legem: ergo exponit se pericu-  
lo peccandi: & si alius reverà sit contra legem,  
peccabit, non excusandus per conscientiam pro-  
babilem.

Adducuntur præterea alii duo textus ex quodl.  
9. a. 18. in corp. error, quoniam non creditur peccatum  
mortale, non excusatur a toto, licet forte à tanto. Ergo  
sequens partem minus tutam, si erret, ex mente  
S. D. non excusatur à toto &c. Et rursus ibid.  
omnis questio, in qua de peccato mortali qua-  
ritur, nisi expresse veritas habeatur, periculose de-  
terminatur. Sed si liceret utramque opinionem  
prohiberi sequi, non esset tam operose & scrupu-  
losè defudandum in resolutione quæstionis: ergo.  
Tandem quodl. 3. a. 10. In his, quæ perti-  
nent ad fidem & bonos mores, nullum excusatur, si  
sequatur erroneam opinionem alicujus Magistri, in  
talibus enim ignorantia non excusatur.

## §. II.

Expenditur eadem auctoritas, & exponitur.

3. **E**xistimo tamen, D. Thomam non satis Tho-  
mistice in rigorosæ sententiz patrocinium

trahi, cum explicatio & applicatio istorum tex-  
tuum ab adversariis facta videatur ipsi S. D. con-  
tradictore, & eundem contradictionis arguere.  
Nam adversarii dicunt, & ex textu, ut putant,  
colligunt: *Qui in contrarietate opinionum judi-  
cat sibi licitum esse habere plures præbendas, sem-  
per in dubietatem inducitur, & ideo peccat, & nun-  
quam sequi potest minus tutam faventem commo-  
do.* D. Thomas tellet Jo. à S. Th. disp. 12. a. 3.  
n. 14. dicit: *Non semper aliquis ex contrarietate  
opinionum in dubietatem adducitur, nec proinde  
peccat.* Ita habet, vel potius supponit cit. quodl.  
8. a. 13. in fin.

Item S. D. ibidem decernit, quod sequens opi-  
nionem faventem commodo contra legem ha-  
bendo plures præbendas, quæ est pars minus tu-  
ta, & fortè minus probabilis, modo non habeat  
dubitationem, non peccet. Adversarii dicunt,  
& colligunt sua opinione ex S. D., errantem  
contra legem in jure naturali nunquam excusari  
à peccato, vel quia invincibilis error non excuset  
in jure naturali, ut vult Jansenius cum suis col-  
lateralibus; vel quia non deat invincibilis ig-  
norantia juris naturalis, ut volunt Sinnich. Fag-  
nanus, Vincen. Baron. Contenson.

D. Thomas affirmat omnem invincibilem er-  
rorem excusare à peccato, neque distinguit inter  
ignorantiam juris naturalis & positivi. Ita enim  
inquit cit. quodl. 8. a. 18. *Error conscientia  
quandoque habet vim absolventi, seu excusandi,  
quando scilicet procedit ex ignorantia ejus, quod  
quis scire non potest, vel scire non tenetur.* Et in  
talibus casibus quamvis factum sit de se mortale, tamen  
intendens peccare venialiter, peccaret venialiter.  
Et hoc ipsum docet ex instituto 1. 2. q. 6. a. 8. &  
q. 17. de verit. a. 3. & 4. Quod verò deat ju-  
ris naturalis, eaque inculpabilis & invincibilis  
ignorantia, ex fundamento ejusdem S. D. distin-  
guentis inter præcepta naturalia primaria & se-  
cundaria, & antiquiorum Thomistarum senten-  
tia dictum est in disp. 2. §. 2. Aut ergo adver-  
sarii D. Thomam contra suam mentem expli-  
cant, aut faciunt ipsum contradicentem sibi.  
Neutro sanè modo Thomistice.

Genuinum igitur sensum & mentem D. Th. 4  
tum ex ipsomet contextu, tum ex antiquiorum  
Thomistarum interpretatione eruamus. Illa est  
mens & assertio Divi Thomæ, quam ponit in cor-  
pore articuli per modum scopi ac centri, quo to-  
tus articulus discursus collimatur, illa non est assertio  
D. Thomæ, quam sibi ipsi solvendum objicit: sed  
opinionem & principalem scrupulum adver-  
sarium sibi ipsi objicit. Ita enim inquit cit. a. 13.  
circa 3. sic proceditur. *Videtur, quod ille, qui ha-  
bet plures præbendas, peccet ex hoc ipso, quod opi-  
niones Magistrorum sunt in contrarium. Qui-  
cunque enim committit se discrimini in his, quæ  
sunt ad salutem, peccat: sed iste committit se dis-  
crimini, ut videtur, cum faciat contra multorum  
peritorum sententiam: ergo videtur, quod peccet.*  
En! ipsissimam adversariorum argumentatio-  
nem! Concludit verò corpus articuli verbis su-  
prà allegatis distinguendo: *Aut ex contrarietate  
opinionum in dubietatem ductus manente du-  
bitatione habet plures præbendas, & sic peccat: aut  
in nullam dubitationem adducitur, & sic non com-  
mittit*

*aut se discrimini, nec peccat.* Ethoc est, quod nos asserimus, videlicet illum, qui non deposito dubio cum practica formidine sequitur sententiam minus tutam, peccare; qui verò practice & rationabiliter non dubitat, vel formidat, ut in conspectu duarum adversarum opinionum probabilium, [hæc enim est hypothesis articuli] fieri posse expressè supponit S. D. tum in corp. tum in arg. Sed contra, quod per omnia respondet cum ultimata resolutione, illum non peccare. In adversariorum autem doctrina S. D. hanc questionem tali modo resolvere nequaquam potuisset; nam per ipsos hærens inter duas opiniones probabiles non potest alteri parti dare determinatum assensum; non potest non practice dubitare de honestate actionis; non potest non versari in periculo peccati eligendo partem minus tutam æque vel minus probabilem, qualis hic est, habere plures præbendas: nec potest in hoc peccato, utpote versante in materia Juris naturalis operans per bonam fidem & invincibilem ignorantiam excusari. Debuisset igitur Anglicus Præceptor à suis discipulis aliam respondendi viam discere, & dicere, inter contrarias Magistrorum opiniones constitutum, nisi viam tutiorem eligat, & reliqua beneficiorum pluralitate sese peccandi periculo eximat, peccare.

5. Altera autoritas ex quodl. 9. a 15. vel loquitur de errore invincibili, & sic nimium probat: quia etiam invincibilem ignorantiam facit inexcusabilem, quod nec adversarii extra partes Jansenii admisserint. Si de vincibili [uti exponi debet] nostram sententiam non oppugnat.

Tertia ex eodem loco est ipsius adversariis solvenda. Si enim in controversia de peccato mortali, semper contra libertatem ad evitandum periculum peccati [ita volunt Adversarii] quod in materia juris naturalis per ignorantiam invincibilem, & auctoritatem magistrorum non evitatur, ferenda est sententia, non est scrupulosa indagatio, & deliberatio de sententia determinatione instituenda. Cur ergo est periculosa determinatio? Est respectu ipsius Magistri docentis, ex una parte, ne plausibiles aliquas & fucatas rationes pro solidis & probabilibus prehensens ad laxitatem viam apcriat; ex altera parte, ne onera indebitè multiplicans sit causa, ut homines contra conscientiam peccent, quod ex rigida adversariorum sententia facile evenire potest.

Quarta ex quodl. 3. a. 10. in sensu adversariorum cursus nimium probat, ut primum in responsione ad 2. auctoritatem diximus, subsistit verò in sensu D. Th. quæmvis se explicans & concludens statim subjungit: *Qui ergo assensu opinionioni alicujus Magistri contra expressum Scripturæ testimonium, sive contra id, quod publice tenetur secundum Ecclesiæ auctoritatem, non potest ab erroris vitio excusari.* Vides, D. Th. loqui de sequela opinionionis non probabiles, de qua disputamus, sed improbabilis, utpote quæ est contra expressam Scripturam, Ecclesiæ auctoritatem &c. unde & confirmat suam doctrinam; alioquin immunes à peccato fuissent, qui secuti sunt opinionem Arii, Nestorii &c. qui utique non probabiles, sed maxime improbabiles & hæreticas sententias docuerunt. Unde cum exceptio firmet regulam, sic potius

R. P. Mæz. g. Theol. Schol. Tom. II.

contra adversarios vertitur argumentum: Qui contra expressum Scripturæ vel Ecclesiæ testimonium sequitur erroneam opinionem. Magistri, non excusatur: ergo à sensu contrario si non fit contra expressum Scripturæ testimonium &c. excusatur.

Addipulantur antiqui DD. & præclara Scho- 6. læ Thomistice lumina, in primis D. Antoninus, qui locum è quodl. 8. objectum pridem ita resolvit. 1. p. tit. 3. cap. 10. §. 10. *Hæc verba D. Thome [quod agitur contra legem, semper est malum &c.] non possunt intelligi nisi de his, ubi manifestè patet ex Scriptura, vel Ecclesia determinatione, quod sit contra legem DEI, & non de illis intelligi, ubi non apparet: alias sibi contradiceret in eodem libro.* Ad illud, quod D. Th. dicit, peccare mortaliter, qui operatur manente dubitatione, an sit peccatum mortale, dicit *verum esse, sumendo proprie & strictè dubitationem, videlicet prout rationes sunt æque ponderantes ad utramque partem, neque magis declinat quis ad unam, quam ad aliam, & quod ille, qui ex contrariis opinionibus in nullam dubitationem adducitur, operando non peccet, causam subiungit: quia talis non operatur in dubio mortalis, sed secundum opinionem probabilem.* Itane dicunt Baronius, Contenson, &c. Eadem est explicatio Joannis à S. Th. loc. cir. in omni D. Thomæ doctrina profundissime versati, & ex eo quoque capite in hac materia suspiciendi, quod Philippo IV. Regi Hispaniæ fuit à Confessionibus, tantoque magis variarum opinionum & practicum casuum, quorum nullibi major, quam in aulis copia, peritus. Ita pariter exponunt D. Thomam Sylvestrum in Summa V. opinio q. 1. & M. Joannes Nider in consolatatorio timorata confescent, p. 1. c. 11. & plures, quorum verba relata à Terillo, & à Marth. de Moya tr. 1. q. 6. §. 4. brevitate causa prætermittit.

Licetum quoque opinionis minus tutæ, tamen- 7. si minus probabilis, delectum suadent auctoritatem & gravissimi ex eadem D. Thomæ Schola Magistri & Doctores, relati magno numero à prædictis Terillo, de Moya, & Stephano de Champis in quæst. facti. quos inter præcipui sint Barthol. Ledesma in tr. de Sacram. poenit. diff. 14. Didacus Alvarez Archiepisc. Trancensis in t. 2. disp. 80. asserens, quod hanc sententiam teneant, Magister Medina, & alii doctissimi Thomistæ, Dominicus Bannez, in 1. 2. q. 10. a. 1. dub. 1. conclu. 4. dicens: *Dicimus, quod de opinionibus prioris generis [quæ versantur circa actionem exercendam, ut an aliquis contractus sit licitus?] verum est, posse hominem sequi probabilem opinionem relicta tutiori & probabiliore.* Petrus Ledesma, 40. annis Theologiæ Professor, licitum usum sententiæ minus probabilis ad ipsum usque Judicem extendit in Summ. p. 2. tr. 8. cap. 22. M. Prado to. 1. Theolog. Moral. cap. 1. q. 4. §. 3. n. 12. excusat à peccato amplectentem opinionem minus tutam æque probabilem ac est contraria: *Nam in practica, inquit, habet certitudinem moralem, quod rectè operetur, quia quasi à veritate, quantum potuit, finem erret, invincibiliter ignorat.* Expressissime nostram sententiam tuerentur Jo. Ildesofus, Bapt. Czfaraug. in Commentariis super 1. & 2. jussu Capituli Generalis anno 1644. Romæ congregati editis, disp. 208. dub. 8. fragm. 2. n. 677. X a & ad.



*Et addit seq. fragm. 3. n. 684. sequens opinionem probabilem, nulli se exponit periculo peccandi, nam etsi illa esset falsa, & revera esset peccatum, ipse excusatur ab illo, sequendo quod probabile censet. Non minus Jo. à S. Th. cit. disp. 12. a. 3. n. 10. expresse dicit: Posita ista probabilitate practica & prudenti, quacunque dubitationes speculative insurgant, [que omnino insurgunt, dum non datur evidentia de opposito] aut etiam si altera pars securior & tutior, seu probabilior videatur, non tenemur id sequi, aut omittere id, quod absolute & simpliciter prudens est, & prudenter regulatum.*

8. Nunquam igitur orbi litterario Adversarii persuadebunt, sententiam de licito usu minus tutam, minusque probabilem opinionis intra debitos cancellos restrictam, esse D. Thomæ, aut Thomisticæ doctrinæ contrariam; quippe quam ad doctrinæ Thomisticæ consequentiam multo magis accommodam docent Thomistæ omni exceptione majores, autoritate & numero potiores, ut proinde si trahatur in controversiam, an benigna vel rigida sententia sit magis Thomistica, ex ipsorummet Adversariorum principiis pro nostra & benigna sit standum, quippe pro qua militat consequentia doctrinæ D. Thomæ, ac tot tantique Thomistæ per tot annos Scriptis Angel. Doct. immerissimi, & antiquiores, qui in media litterarum pace nullis etiamnum apologeticis satyris lacessiti, cum de sinistro affectu aut passione nullatenus possent esse suspecti, pacatissimo animo suam dixere sententiam, ut penè nefas sit dubitare, quin magno excessu sit probabilius, benignam sententiam esse quam non esse Thomisticam. Multo minus Adversarii persuadebunt, hanc de probabilitate sententiam esse novitum dogma, & neotericorum commentum; oppositum quippe contra ut dictis constat, partim ex eo, quod Terillus Autores à se inspectos à tribus sæculis, ultra 130., & in istis sanctitate & pietate conspicuos Albertum Magnum, D. Antoninum, D. Bonaventuram, Joannem Niderum, Joannem Gersonem &c. recenscat, & i super provocet adversarios, ut vel unum ex antiquioribus referant, qui hanc communem D. Antonini, Gersonis, Nideri sententiam impugnarent. Addit Stephan. de Champs, Siquos antiquiores in suas partes vocant adversarii, illos vel loqui de dubio vero & practico, vel de ignorantia vincibili, velin particulari casu, in quo vitandum est damnum proximi ex lege justitiæ, vel charitatis.

9. Non est igitur nova hæc nostra sententia, sed noviter agitata, postquam sententiarum probabilitas dæfexit in laxitatem, & quorundam in tempestivus rigor utramque confudit in unum. Limitata, quam propugnamus, probabilitas, mediâ ideoque securâ incedit viâ, quam apud Elspartz. append. 2. 213. (super D. Bonaventuram. *Cavenda est conscientia nimis larga, & nimis stricta, nam prima generat presumptionem, secunda desperationem. Item prima dicit sepe malum bonum, secunda contra bonum malum. Item prima sepe salvat damnandum, secunda vero damnat salvandum.* Hæc S. D. In eundem sensum loquuntur D. Antoninus sup. cit. & Jo. Gerson l. de vit. spirit. lect. 4. coroll. 11. *Ex his, inquit, elicio pro Doctoribus Theologis doctrinam saluarem, ne sint fa-*

*ciles asserere, actiones aliquas, aut omissiones esse peccata mortalia. Rationem dat: Quia per tales assertiones publicas nimis duras, generales, & strictas, præsertim in non certissimis, nequaquam eruntur homines à luto peccatorum, sed in illud profundius quia desperatius, immerguntur. Quid prodest, imò quid non obest contrare plus justo mandatum DEI, quod est latum nimis? quid expedit amarius, graviusque, reddere illud Christi jugum, quod suave est, & onus leve? &c.*

Obsequimur huic monito, imò ipsorum adversariorum principiis, dum sequimur benignam sententiam, seu ratione, & multo maxime autoritate probabiliorum: quam à pluribus sæculis, viri litteris & pietate clarissimi suâ praxi & doctrinâ comprobârunt, quam in omni gradu, statu, Religione, Academicis undequaque celeberrimis doceri Summo Pontif. sciente, tolerante æternimus. Docuit illam ex Sorbona Parisiensis Isambertus, & Gamachæus; ex Lovaniensi [teste de Champs] Joa. Malderus; ex Duacena Sylvius; ex Salmanticensi Basilius Poncius, Petrus Cornejo &c. ex Complutensi Petrus de Lorta; ex Ingolstadtensi Haunoldus, Erhard, Illung; ex Græcensi Amicus, Rosmer. Docuerunt [ut jam relatus ex D. Dominici familia Thomistas, & DD. Societatis J. de quibus constat, præteream.] ex ordine S. Benedicti Abbas Panormitanus ad c. Capellanus, de feriis n. 6. dicens: Notandum ex hac glossa fit intellecta, quòd non peccat non servans jus præcepti, ubi sunt variz opiniones; licet postea appareat contrariam opinionem fuisse veram, & aliam, quæ tenebatur, non subtiliter investigatam. Et pro hoc adducitur &c. Carumel, Sairus, Illustriss. Reding. Ex D. Augustini prædictus Poncius, Michael Saloniis, & Gibbon; ex Carmelitis Cornejo. Jo. Bapt. de Lezana & alii; ex Cisterciensibus prædictus Petrus de Lorta, Petrus à S. Joseph, Fulienis. Ex Carthusianis Josephus Rosell. Ex D. Francisci familia, subtili Doctori addicta, Josephus Angles, Jo. Poncius, Petrus Marchantius, Guilielmus Herinx; ex Capucinis Eligius Bassæus, Ludovicus Caspenis; ex Clericis Regularibus Zacharius Pasqualigus, Antoninus Diana, & alii, de quibus vide Stephan. de Champs loc. cit.

### §. III.

#### Corollaria.

Inferes ex dictis primò. Nostram de probabilitate sententiam etiam secundum principia adversariorum esse securam in praxi. Nam juxta Fagnanum sententia probabilior est moraliter certa: nostra est probabilior; tamen enim ex rationum motivis non esset, fieret tamen multò probabilior ex pondere autoritatis: ergo. Rursus Mercorus p. 3. art. 7. confedit, licitum usum sententiæ minus probabilis faventis libertati, si nomine partis probabilis intelligatur pars iusta, & nomine probabilioris tutior, seu, ut alii dicunt, nomine partis probabilis intelligatur ea pars, quam si quis eligeret, esset prudens, si verò oppositam probabiliorē eligeret, esset magis prudens, quo modo [inquit] probabilitas accipitur, ut est constitutiva objecti prudentiæ. Sed hoc, & nil aliud est, quòd dicimus, & sentimus. Is ipse post pauca idem concedit.

concedit, si minus probabilis ex motivo intrinseco favens libertati, per motiuv extrinsecum reddatur moraliter certa. Exemplum ponit de existimante ex rationibus intrinsecis probabilius esse, sibi non licere in die festo opus servile per horam: is tamen si advertat, quod persona Religiosa, doctæ, & DES timorem habentes faciunt laborare suos famulos per horam in die festo extra casum necessitatis, ex hoc tanquam extrinseco motivo potest sequi sententiam, quæ ipsi apparet minus probabilis ex motivo intrinseco. Sed quis dubitet, nostram sententiam doceri, teneri, & praticari à personis Religiosis, doctis, DEUM timentibus &c.? ergo nostra sententia, tametsi foret per intrinsecas rationes minus probabilis, adhuc ex motivo extrinseco juxta Mercorum fieret probabilior, imò moraliter certa.

11. Inferes secundò. Usus sententiæ certò, quamquam minus probabilis, etiam esse licitum in articulo mortis: nam articulus mortis ex licito non facit illicitum, & si sententia fœd fuit prudens, secunda, & remota à periculo offendendi DEUM, erit etiam talis in articulo mortis. Ideo beneficiarius, qui sententiam probabilem secutus, non restituit, quæ de proventibus Ecclesiasticis sibi superflua in profano usus expendit, non est cogendus ad restitutionem; nec mercator ad rescindendos contractus probabiliter licitos &c.

12. Inferes tertio. Non esse difficile, ut quidam existimant, reperire, an aliqua sententia sit certò probabilis, nec ne? Tres regulas tradit Terillus, & ex illo Erhard in thes. de opinione probab. Prima est: Illa opinio est certò probabilis, quæ talis ab omnibus aut plurimis asseritur, nemine

contradicente. Vel si qui pauci contradicant, aliorum tamen rationes non solverunt, nec rationes convincentes attulerunt: tunc enim certa probabilitas talis opinionis manet in possessione, usque dum per argumenta convincentia evertatur. Secunda: Ratio communis, quam frequenter Authores in libris, vel Magistri in Scholis tradunt, tamdiu manet certò probabilis, quamdiu nullus probabilem esse negat, nec assert rationes convincentes in oppositum, tunc enim probabilitas certa rursus est in possessione. Tertia: Illiteratus & indoctus illam opinionem potest habere pro certò probabilis, quæ ipsi tanquam vera vel certò probabilis suadetur à viro docto & probo, & nihil aliud occurrit in contrarium. Nam ad prudens judicium certæ probabilitatis id sufficit in homine illiterato, quod sufficit ad prudentem fidem: sed authoritas viri docti ac pii sufficit ad prudentem fidem, ut aliàs dictum: ergo.

Inferes quartò. Sententiam benignam non 12. esse à carne & sanguine, & concupiscentiæ fovendæ inveniam, sed à Spiritu S., quia, quod majori Ecclesiæ parti probatur, & ab illa in praxim deducitur, probabilis est à Spiritu S. seu Spiritu Veritatis, à quo omnis rationalis cogitatio & pro conscientia formanda ratiocinatio sumit exordium: atqui talis est sententia benigna: ergo. Non item à Spiritu Veritatis & Charitatis edocet, nec tutam vel probabilem [ ut optime advertit Herincx. disp. 4. de consc. q. 3. §. 1. n. 26. ] opinionem secuti sunt rigide sententiæ Authores, quando benignæ probabilitatis Patronos, viros doctrinæ & pietate conspicuos, laxones, palpones, novatores appellarunt, aliisque, quæ referre piget, convitiis, non minus in veritatis, quàm charitatis Christianæ præjudicium onerarunt.

## ARTICULUS IX.

*An liceat contra propriam sententiam sequi, vel consulere probabilem oppositam?*

### SUMMARIA.

1. Licet contra propriam sententiam sequi oppositam probabilem.
2. Nec propterea simul stant in intellectu judicis contradictoria.
3. Licet aliquis dat consilium secundum alienam sententiam probabilem.
4. Nec propterea loquitur contra mentem propriam.
5. Idem dicendum de Confessario.
6. Monitum pro Confessario.
7. Penitenti contrariam sententiam probabilem tenenti à Confessario non potest denegari absolutio.
8. Judex licet sequitur sententiam alienam, quæ æquior apparet.

#### §. I.

*Resolutio affirmativa.*

1. CONCLUSIO. Licet contra propriam sententiam sequi oppositam, quam quis judicat verè probabilem. Ita Dom. Sotus, Thomas Sanch, &c.

in Decal. c. 19. n. 14. citans plurimos Authores, Eandem ut probabilem admittit in exercenda potestate Avium, & exemplificat per Adrianum V. superius relatum & Joann. XXII. Sinnichius §. 260. Contrariam tenent Esparza & Scildere.

Ratio est: Ille licet operatur, qui habet & sequitur judicium certum prædicum de honestate suæ operationis: sed qui operatur secundum sententiam probabilem, quam speculativo vel habituali judicio æstimat esse falsam, potest habere certum & prædicum judicium de formali honestate suæ operationis: ergo, minor probatur: quandoquaque adfunt principia sufficientia, ex quibus formalis honestas alicujus operationis potest inferri, tunc potest formari certum judicium prædicum de tali honestate: sed si sententiam ex propria opinione, & judicio speculativo talem contractum esse licitum, si non esse licitum, adfunt principia sufficientia indirecta vel reflexa, ex quibus potest inferri formalis honestas talis

X 3

contractus

contractus hic & nunc ineundi: ergo si speculativè sentiam esse licitum, sive illicitum, possum formare certum iudicium practicum de honestate formali talis contractus; adeoque non obstantem meâ opinionem contrariâ possum alterius oppositam sententiam sequi. Minor probatur. Tametsi sentiam hunc contractum esse usurarium, adhuc tamen possum judicare, & si opposita videatur verè probabilis, de eo prudenter judicare, etiam oppositæ sententiæ motiva esse digna assensu: sed ex hoc principio formatur & inferitur iudicium practicum certum de formali honestate operationis: e.g. secundum illam sententiam licite operor, quæ est digna prudenti assensu: sed hæc sententia, quæ docet hunc contractum non esse usurarium, per rationabilia motiva, quæ habet, est digna prudenti assensu, quantumvis meâ opinione id contra sit: si usurarius: ergo secundum hanc sententiam licite operor.

- a. In quo casu non sunt simul in intellectu hæc duo contradictoria iudicia, contractus est usurarius, contractus non est usurarius, sed disparata, & nequaquam opposita: contractus est verisimiliter usurarius: & est probabile, contractum non esse usurarium. Et verò si dubium & formido ex parte iudicii speculativi non obest certitudini iudicii practici, quippe cui aliud obiectum respicienti tantum remotè præsupponitur, ita nec iudicium speculativum de materiali inhonestate potest obesse iudicio certo & practico de formali honestate actus, cum & ista iudicia diversa obiecta respiciant, & iudicium practicum ex speculativo proximè non inferatur.

## §. II.

### Corollaria.

3. Hinc inferes primò: Possè consultum respondere & consilium dare consultanti non tantum secundum propriam, sed etiam juxta alienam sententiam verè practice probabilem. Sic Medina, Suarez, Sairus, Thomas Sanchez, Layman, alique quos citat, & sequitur Ildesonsi, Bapt. Celsar. disp. 203. dub. 14. fragm. 2.

Sequitur primò ex assertione præced. quia quod quis ipse licite sequitur, hoc etiam licite suadet alteri, cum nemini incumbat major obligatio alienam conscientiam curandi, quam propriam: sed, ut dictum, potest quis licite sequi alienam sententiam contra propriam: ergo. Secundò: Illam sententiam aliquis licite suadet; quam consultans licite exercet; tunc enim satisfecit intentioni consultantis, suæ quæ obligationi [neque enim videtur curare consultans, nisi aliud exprimat, quæ sit mens ipsius consulti, sed potius quid sibi hic & nunc possit esse licitum] sed consultans licite sequitur opinionem verè probabilem: ergo.

4. Dices. Consultus in tali casu loquitur contra propriam mentem, quod non licet. Respondetur. Non loqui contra mentem, quia cum speculativo dissensu de licetitate actus ex motivis directis stare potest iudicium practicum, & assensus de probabilitate opposiri, quod sufficit, ut quis possit oppositam sententiam sequi, vel alteri suadere. Dixi: nisi consultans aliud exprimat, quia, ut rectè notat Jo. à S. Th. si quis Doctor de

propria sententia, vel de probabiliori requiratur, quid nimirum ipse, vel quid plures & doctiores de aliquo puncto sentiant, tenetur juxta propriam mentem, & probabiliorē respondere; alias quippe interrogantem decipiendo peccaret contra veracitatem & fidelitatem.

Inferes secundò. Hactenus dicta extendi debere ob identitatem rationis ad Confessarium. Unde primò potest Confessarius à pœnitente interrogatus v.g. an sit obligatus ad jejunium &c. respondere secundum quamcunque opinionem verè practice probabilem, etiam contra propriam, ut est communis sententia, & fatetur Sinnich. loc. cit. Secundò, cum duz sunt opiniones, quarum una rigida obligat ad jejunandum, altera favorabilis non obligat, non videtur consultum, ut Confessarius pœnitentem obliget ad jejunandum, primò, quia sic non respondet juxta intentionem interrogantis, qui tantum videtur esse sollicitus, quid sibi liceat, non quid Confessarius, vel rigidiore Authores tutius esse sentiant: secundò, quia videtur loqui contra propriam mentem; etsi enim impletur oppositam opinionem, quæ ad jejunandum obligat, veram esse speculative censet, nihilominus debet judicare, pœnitentem non peccare sequendo illam opinionem verè probabilem, quæ deobligat ad jejunandum. Unde tertio conijceret pœnitentem in periculum formaliter peccandi contra conscientiam, si existimans se lege jejunii obligatum, non jejunaret.

Prudentissimè tamen Confessarius suo officio 6. satisfaciat, si, ut optimè monet clarissimus P. Erhard in Thef. Non quidem dicat pœnitenti, quodd sit obligatus ad jejunandum, suadeat tamen, & horretur ad peccatiora, ostendendo occasionem meriti &c. At quid si Confessarius advertat, pœnitentem versari in errore, existimando aliquam opinionem verè probabilem, quæ non est talis? tunc enim verò prudentia didabit Confessario, an ex gravibus causis, & ad evitanda graviora mala expediat pœnitentem in bona fide relinquere, vel potius errorem [quod per se loquendo faciendum, præsertim si error sit crassus] adimere.

Inferes tertio. Pœnitenti, qui juxta sententiam probabilem judicat, aliquid esse licitum, quod Confessarius secundum propriam sententiam judicat esse illicitum, non posse à Confessario denegari absolutionem. Nam Confessarius tenetur impetiri absolutionem pœnitenti ritè disposito: sed in casu, quo pœnitens habet alia omnia debita requisita, & tantum non acquiescit opinioni Confessarii propter oppositam sententiam, quam etiam licite esse verè probabilem, est ritè dispositus, nam sequela contrariæ opinionis probabilis, seu culpâ vacans non impedit debitam dispositionem. Ita Jo. à S. Tho. disp. 12. a. 6. cum communi.

Ais. Confessarius est Superior respectu pœnitentis: ergo pœnitens tanquam subditiis tenetur sequi opinionem Confessarii. Respondetur. Est Superior quoad illa, ad quæ potestas clavium extenditur, transeat [est enim potius iudex, quam Superior] quoad alia, nego. sed actio, quæ probabiliter licita videtur pœnitenti, non est clavibus subicienda.

Inferes

8. Inferes quartò. Etiam Judicem in judicio licet sequi opinionem alienam, quæ sibi æquior apparet: sic enim intentioni Reipubl. suoque officio magis satisficit, quàm si propriam sententiam sequeretur. Nam intentio Reipubl. ac litigantium, officii quoque obligatio non exigit, ut iudex proprii capitis placitum pertinaciter se-

quatur, sed ut illud agat, & pronuntiet, quæ delictibus & æquitati conformius judicaverit: eum igitur aliena sententia apparet æquitati conformior, iudex rectissimè faciet sese illi conformando in praxi, imò eandem sequi tenebitur, si suam videat esse minùs probabilem. Ita communi Ildefonsi, Casaraug. n. 978.

## ARTICULUS X.

### *Quid sentiendum de Ministro Sacramenti, Medico, Judice, Advocato?*

#### SUMMARIA.

1. *Pramittitur status questionis.*
2. *Minister Sacramenti tenetur sequi tutiorem.*
3. *Casu necessitatis exceptio.*
4. *Praxis Ecclesiæ facit sententiam simpliciter tutam.*
5. *Non tenetur sequi probabiliorum in controversia jurisdictionis.*
6. *Medicus per se obligatur adhibere remedia certiora.*
7. *In casu desperatæ salutis licet adhibere medium dubium.*
8. *Exponitur controversia de Judice.*
9. *Licet Judici amplecti sententiam minùs probabilem faventem jurisdictioni.*
10. *Item reo faventem in causa criminali.*
11. *Non licet sequi minùs probabilem probabilitate circumscriptum.*
12. *Tenetur etiam sequi probabiliorum probabilitate Juris.*
13. *Ratio fundamentalis.*
14. *Absurda, quæ ex opposito sequerentur.*
15. *Quid Judici faciendum in juri aequalitate?*
16. *Aliud de Advocato dicendum.*
17. *Paritates à Mercore è nostris Corollariis formata.*
18. *Depelluntur.*

#### S. I.

##### *Quid agendum Ministro Sacramenti?*

1. **D**icendum est art. 5. §. 1. tutiorem sententiam [quæ sola tunc practicè est probabilis] esse sequendam, cum opiniones contrariæ versantur circa valorem rei, & questionem facti, dependentis non ab estimatione morali operantis, sed à physica positione causæ, ut contingit in Sacramentis, quorum valor in institutione Christi fundatus tunc obtinetur, cum adsunt, & à parte rei ponuntur essentialia requisita à Christo determinata, non à Ministro tantum existimata. Quam doctrinam ut compendiosè per modum Corollarii applicemus ad particulares conscientias, ponimus Ministrum Sacramenti, Medicum, Judicem, Advocatum, & de primo quærimus, an vel quando sit obligatus sequi sententiam tutiorem? ubi Nota, quod probabilitas speculativa possit esse vel circa substantiam, vel circa ritum, & cæremónicas accidentales, vel circa dispositionem suscipientis, vel administrationem Sacramentum, vel circa jurisdictionem Ministri?

2. Dico & infero primò. Extra casum necessitatis circa substantiam & ritum Sacramentorum

Minister Sacramenti sequi debet opinionem tutiorem, vel in Ecclesiæ praxi receptam, esto opposita speculativè sit probabilior. Ita comm. DD. Et ratio ex dictis loc. cit. est, quod illud tantum licitè operamur, quod est practicè probabile: sed in administratione, & confessione Sacramentorum illa sola sententia est practicè probabilis, quæ vel est tutior [hoc est de validitate Sacramenti certior] vel Ecclesiæ praxi recepta, tunc enim efficitur simpliciter tuta: ergo in administratione, vel confessione Sacramentorum oportet sequi tutiorem, vel praxi Ecclesiæ receptam. Minor probatur. Sententia minùs tuta, & opposita Ecclesiæ contrariatur certo præcepto, primò Religionis, quo jubemur in re tam gravi operari secundum institutionem Christi, ac proinde cavere periculum frustrandi institutionem Christi, quod fieret, apponendo formam, vel materiam, quæ in re ipsa non esset conformis institutioni Christi; secundò Charitatis, quo jubemur vitare damnum non minùs spirituale, quàm temporale proximi, cui tamen is ex dubio valore Sacramenti exponitur; Tertio Tridentini, quod sess. 7. can. 13. decrevit, *receptos & approbatos Ecclesiæ Catholicæ ritus in Sacramentorum administratione non posse contemni, aut sine peccato à Ministris pro libitu omitti &c.* Atqui sententia certæ legis obligationi contraria non potest esse practicè probabilis: ergo.

Dixi primò: *extra casum necessitatis*; quia in extrema necessitate [prout Ecclesiæ praxis comprobatur] favor & reverentia Sacramenti cedit favori periclitantis animæ: finis quippe est principalior, quàm media: sed Sacramenta sunt instituta pro salute animæ; ideoque salus animæ principalis debet respici, quàm valor Sacramenti; præsertim cum reverentia Sacramenti appositione conditionis, v. g. *si es debite dispositus, te absolvo*, sufficienter consulatur.

Dixi secundò: *vel in Ecclesiæ praxi receptam*; quia Ecclesiæ praxis, ut dictum, facit sententiam absolute tutam, & moraliter certam, quamvis illa absolute spectata minùs accedat ad securitatem Sacramenti. Ita actualis intentio ministri, & contritio penitentis haud dubiè magis accedunt ad certitudinem, illa conficiendi, ista recipiendi Sacramentum. Et tamen, quia praxis Ecclesiæ approbat etiam intentionem virtuales, & sententia Ecclesiæ in Tridentino approbat attentionem cognitam ut talem, sess. 14. c. 4. *quævis sine Sacramento Penitentia per se ad justificationem perducere*



*ducere peccatorem nequeat; tamen cum ad DEI gratiam in Sacramento Penitentiae impetrandam disponit, idcirco illa licite utitur Minister Sacramenti, hac poenitens.*

5. Verum etiamne tenetur Minister sequi sententiam probabiliorē, quando de iurisdictione controversitur? Probabiliter negat Jo. à S. Tho. dict. l. n. 51. Lessius, Sanch. alique plurimi apud Dicastillo disp. 10. dub. 8. nam cum quis habet titulum coloratum & probabilitatem suae iurisdictionis, tunc etiam si a parte rei non habuisset iurisdictionem, tamen pro illo casu suppletur ab Ecclesia, sicut suppletur, quae simili modo sunt a iudice in foro externo. ex l. *Barbarius, ff. de offic. Pratoris*, ac proinde valor Sacramenti non ita periclitatur, sicuti si tantum probabili formā, vel materia Minister utatur.

### § II.

*Quid liceat Medico vel chirurgo?*

6. Dico & infero secundò. Medicum vel chirurgum per se loquendo esse obligatum in conscientia, ad applicanda media certa relictis incertis, & probabiliora relictis minùs probabili-  
bus.

Ratio est primò: quia certa lex charitatis obligat, ut vitemus, quantum possumus, proximi grave damnum ex nostris actionibus probabiliter eventurum: sed cum medicina incerta & minùs probabili jungitur periculum gravis damni probabiliter secuturi.

Secundò, quia Medicus adhibens incertiora medicamenta non satisfacit suo muneri: nam ut Arist. 1. top. c. 2. *nec Rhetor omni ex modo persuadebit, neque Medicus sanabit; sed si ex iis, quae contingunt, nihil omiserit, iussitque disciplinam eum habere dicemus*. Et Boët. de Trinit. *Neque enim Medicus semper agis avertit sanitatem, sed nulla culpa erit medentis, si nihil eorum, quae fieri oportebat, omiserit*.

Tertiò. Quia facit contra tacitum contractum, qui inter aegrotantem & ipsum intercedit. nam aeger eā se conditione praesumit permittere Medico, ut sibi meliori & securiori modo de salute prospiciat: nam si aegrotantibus compertum foret, Medicum adhibere medicinas incertas, fallaces, certioribus praetermissis, omnes ejusmodi Medicum desererent, imò nec prudenter suam sanitatem eidem credere possent.

7. Dixi per se loquendo. Nam in casu, quo salus aegroti est desperata, isque certò moriturus praesumitur, nisi medium, de quo dubium est, sitne potius obfuturum, quam profuturum, applicetur, licebit illi applicare, quia dubia & probabilis spes salutis est praefenda certae morti: atqui non applicato medicamento supponitur mors certa moraliter, illo verò applicato est spes probabilis salutis: ergo. Neque refert, si aegrotus exinde decedat: id enim est praeter intentionem medicī, & aegrotus aliunde erat moriturus. Vide Sanch. in Summ. & P. Rosmer de Conscientia.

### § III.

*Quid liceat Judici & Advocato?*

8. Non levis etiam est questio, quomodo iudex inter probabiles opiniones constitutus con-

scientiam formare debeat? ubi distinguendum est primò inter opinionem probabilem de iurisdictione, & inter opinionem probabilem de ipsa causa litigantium, de qua ferenda est sententia: secundò inter causam criminalem & civilem: tertio inter opiniones circa factum, us an delictum sit sufficienter probatum? & opiniones circa jus, ut an testamentum tempore pestis conditum cum minori numero testium sit validum? Quartò inter maiorem probabilitatem, quae oritur ex vi & efficacia iuridicae probationis, quā unus litigantium alteri praevalet in iudicio: vel quae oritur ex diversis interpretationibus & sententiis autorum.

Et quidem communis DD. benignae sententiae, in hoc convenit, quòd liceat Judici amplecti sententiam minùs probabilem faventem iurisdictioni, argumento sup. n. 2. pro Ministro Sacramenti adducto, & quia tunc non est periculum de damno proximi, neque aliquod praecipuum iustitiae vel charitatis stat in oppositum.

Convenit secundò inter auctores, iudicem in criminalibus licite amplecti minùs probabilem, quae reo favet, tunc enim maximè locum habet illa Juris regula: quòd reo potius sit favendum, quam alicui, per 11. Reg. j. in 6. & quia in criminalibus ad condemnandum reum requiruntur probationes luce meridiana clariores, quales non sunt, quamdiu defensio rei adhuc manet probabilis.

Convenit tertio ferè inter omnes in civilibus, cum probabilitas est circa factum, & ex vi ipsarum probationum iuridarum, puta testium, instrumentorum &c. Iudicem non posse pro libitu ferre sententiam secundum opinionem minùs probabilem, ita exigente officio iudicis, ut procedat secundum merita causae; sed utique is, qui efficacius probavit, habet maiora merita suae causae. Opposita sententia tanquam aequitati naturali, & bono communi contraria, ac penè nullo nixa fundamento meritò improbabilis iudicatur à P. Ethard de opin. prob. n. 57.

Cum verò probabilitas versatur circa jus, et 12. quae oritur ex interpretatione legum & opinionibus Doctorem, non desunt graves Auctores, qui existimant, iudici esse concessam libertatem in causis civilibus ex opinione minùs probabili proferendi sententiam definitivam juris. Ita Medina p. 2. q. 19. a. 6. Jo. Sanch. d. 44. n. 40. Diana p. 2. tit. 13. Longè tamen probabilior est sententia opposita, cum qua Dico & infero tertio: Iudicem tam in controversiis juris quam facti teneri relictā minùs probabili secundum probabiliorē opinionem [ si sic notabiliter probabilior, nam aliās pro aequali habebitur ] iudicare. Ita praeter rigidae sententiae Auctores Soto l. 3. de Just. q. 6. a. 5. ad 4. Bannez, Valentia, Laymann, Thomas Sanchez, alique quos citat & sequitur Ildefons. Bapt. Cæsaraug. d. 208. dub. 16. n. 971. Oppositam Terillus q. 24. Esparza p. 2. a. 124. Ethard loc. cit. iure merito censent improbabilem.

Facit pro hac sententia imprimis auctoritas D. Ambrosii Serm. 20. in ps. 119. *Bonus iudex nihil ex arbitrio suo facit, & domestica proposito voluntatis,*

tatis, sed juxta leges & jura pronuntiat, statim quoque juris obtemperat, non indulget propria voluntati. Nil paratum & meditatum domo defert, sed sicut audit, sic judicat, & sicut se habet negotii natura. Præterea in l. ob carmen. ff. de testibus dicitur: *Confirmabit Iudex motum animi sui ex argumentis, & testimoniis, quæ & rei aptiora, & vero proximiora esse comperit, in l. rem non novam, c. de judiciis §. hodie, dicitur, Iudices jurare se facturos, quod eis iustius & melius visum fuerit.*

- ij. Ratio fundamentalis petitur ex ipso officio Judicis. Judicis quippe officium est, ut tanquam lex viva & jus animatum inter partes litigantes æqualitatem constituat, ideoque propendere debet in illam partem, in quam jus & æquitas inclinat: sed jus & æquitas inclinat in partem probabiliorem; quæ ceu victrix & præponderans jus ad sententiam pro se ferendam sibi vendicat: ergo officium judicis exigit, ut ferat sententiam pro parte probabiliore. Aliàs sanè Iudex dicit mendacium perniciosum, si pro parte minùs probabili pronuntians dicat, illam esse victricem, quæ victa; potiore, quæ infirmior & inferior est. Majorem probant præsumpta Reip. judicem constituentis voluntas, ipsorum litigantium implicitum pactum, consensus gentium ac populorum, demum ipsa Judicis conscientia. Voluntas Reipubl.; quia [ut rectè Cæsaraug.] respublica bene instituta nil aliud magis intendit & optat, quàm ut Iudices judicent juxta id, quod verisimilius & probabilius est; Iudex quoque superior sententiam inferioris rescinderet, eumve ab officio amoveret, si sciret ipsum secundum proprium commodum & affectum & non secundum æquitatis inclinationem procedere.

Probat, inquam, implicitum pactum ipsorum litigantium, qui non alià conditione censentur se, sua jura, & fortunas sententiæ judicis permittere, & acquiescere velle sententiæ ipsius, nisi ut Iudex sit reciprocè obligatus, non juxta favorem, sed merita causæ, & æquitatis dictamen procedere. Certè sicut medicum passim incertiora pharmaca præscribentem execrantur ægroti; ita & judicem secundum minùs probabilem opinionem in judicio procedentem execrantur litigantes. Probat populorum & gentium communis sensus, qui iustitiæ simulacrum pingunt velatis oculis cum bilance in manu, ut designent judicis iustitiam administrantem id unicum munus esse, ut absque respectu amicitie commodique proprii causam solummodò ad juris & rationum momenta appendat, & ubi majus pondus adverterit, illic furum quoque judicium inclinat. Ideo D. Th. 2. 2. q. 60. a. 2. ad hoc, quòd iudicium sit actus iustitiæ, requirit, ut procedat ex inclinatione iustitiæ. Probat demum ipsa judicis conscientia: quis enim Iudicum audeat publicè profiteri, se aut tulisse, aut velle ferre sententiam in favorem partis minùs probabilis? imò quis iudicium sibi ipsi talem optaret iudicem, qui minùs probabilem opinionem in judicando sequeretur? Patet ergo, quòd Iudex pro parte minùs probabili ferens sententiam, peccet contra notissimam naturæ rationalis principia: *Quod tibi non vis fieri, alteri ne feceris.*

R. P. Alex. Theol. Schol. Tom. II.

Et verò si Iudici libera sit facultas juxta minùs probabilem pro libitu judicandi, Iudices potius erunt domini rerum, quàm declaratores iustitiæ, cum bona, de quibus litigatur, dare possint cuique voluerint litigantium: aperitur vis ad acceptionem munerum, & personarum: nec erit victor in judicio, qui fuerit majori juris & rationum, sed numerorum præsidio, aut amicitie titulo munitus. Econtrà claudetur porta portusque iustitiæ miserabilibus personis, pauperibus, pupillis, viduis; quippe quos divitiis, potentiæque destitutos major probabilitas tueri non poterit. Quod quantum fit in Christiana Republ. absurdum, quis non videt? Rectè proin affirmat Terrillus, oppositam sententiam nec intrinsecè, neque [hoc saltem tempore] extrinsecè esse probabilem. Non intrinsecè: quia Theologi, qui hanc propositionem defendunt, vix aliud argumentum afferunt, quàm quod à paritate rationis deducitur: illud autem ex sua natura est debile &c. in contrarium verò pro nostra sententiâ sunt solidissima argumenta tum à priori, tum à posteriori, quæ talia sunt, ut in comparatione eorum rationes & paritates illæ prorsus evanescent. Non extrinsecè: quia Theologi, qui illam docuerunt, paucis lineis rem tantum momenti expederunt, & à paritate tantum rationis argumentati sunt &c.

Sed neque si in causis civilibus jura partium creduntur æqualia, licet iudici pro libitu causam parti, cui voluerit, adjudicet: id enim probant ferè omnes rationes primùm n. super. additæ: quo pacto enim poterit Iudex abique violatione iustitiæ in æqualitatem inducere, ubi ipsa iustitia & ratio ostendit jura partium esse æqualia? aut sine mendacio affirmare, hanc partem esse victricem & superiorem, quam credit esse æqualem? Tenebitur itaque vel partes ad compositionem inducere, vel rem, de qua litigatur, inter litigantes dividere, prout docent Bannez 2. 2. q. 63. a. 4. Suar. Saurus, Laymann, Thomas Sanchez, Ildef. Cæsaraug. & alii.

Aliud dicendum est de Advocato: is enim non tantum inter duas partes æquè probabiles potest utramlibet defendendam suscipere, sed etiam causæ, quæ sibi minùs probabilis videtur, patrocinari. Nam officium Advocati, in hunc finem à Republ. constituitur, est, ut pro suo cliente iudici repræsentet rationes, ex quibus cognoscit, quidnam sibi secundum jura & æquitatem sit definiendum: sed huic officio satisficit, si ve patrocinetur parti magis, si ve minùs probabili, ideoque gaudet eadem libertate, quâ alii, sequendi sententiam verè probabilem, tametsi sit minùs probabilis, præsertim cum advocatus sit adiutor, & quasi vicarius litigantis, ut nempe actor per advocatum Iudici exponat bonitatem suæ causæ; cum ergo actor jus habeat suas rationes probabiles in foro externo exponendi, hoc ipsum licet per advocatum fieri poterit, quia hoc quis potest per alium, quod potest facere per seipsum, ut habetur Reg. Jur. 86. in 6. Accedit, quòd inter litigandum frequentur occurrant novæ rationes, quæ causam reddunt probabiliorem, eademque rationes, quæ causidico videntur minùs efficaces, iudici possint videri efficaciores. Nec urget argumentum Valentis, quòd nemo possit licetè alteri suadere,

Y

suadere,

suadere. quòd faciendū peccat: sed Advocatus, patrocinans causā minùs probabili suadet iudici, ut pro illa causa decidat, quòd sine peccato in nostra sententia non potest: ergo. Nam nego minorem: quia Advocatus non inducit iudicem ad sententiam pro sua parte ut minùs probabili ferendam, sed tantum proponit momenta causæ, & rationes expendendas. Limitat prædicta Terrillus, nisi aliqua opinio sit certò minùs probabilis, & iudices semper contra illam iudicent: tunc enim Confidicus advocando pro sententia minùs probabili deciperet clientem, eumque ad expensas frustratorias incitaret. Sed in tali casu videtur opinio jam non certò probabilis, sicque variatur status quæstionis.

## §. IV.

*Illationes Mercori depelluntur.*

17. **E**X hæcenus dictis rectè videtur sibi inferre Mercorus p. 3. a 14 & seq. contra nostram sententiam de licita sequela opinionis minùs rectæ, minùsque probabilis, primò. Sacerdos peccat contra charitatem, si in administratione Sacramenti non operatur juxta opinionem tutiorem & probabiliorem faventem eorum validitati: ergo similiter peccabit contra charitatem Confessarius, si pœnitenti consulat, vel alius quicumque amplectens minùs probabilem in materia morali, quia similiter vel exponit, vel exponitur periculo magni damni spiritualis, nimirum operandi erroris.

Secundò. Medicus tenetur adhibere pharmacatutiora, & certiora: ergo etiam Confessarius tanquam Medicus animarum in regulandis pœnitentum conscientiis tenetur sequi sententiam tutiorem, ne similiter pœnitentem coniciat in periculum aberrandi à via virtutis, quod est magnum malum spirituale, ideoque est actus misericordiæ, & elemosyna spiritualis, *docere ignorantes*.

Tertiò. Iudex in sententiis ferendis tenetur sequi probabiliorem: sed quisque est iudex suæ conscientiæ, an actus, qui occurrit, sit licitus: ergo quisque in ferendo iudicio practico, an actus hic & nunc sit licitus, tenetur sequi probabiliorem relicti à minùs probabili.

18. Verum ad omnes istas paritates, præsertim primam & secundam satis ex dictis, quòd minister Sacramenti non sequens tutiora vel certa faventia validitati Sacramenti exponit Sacramentum periculo realis nullitatis, proximum periculo rea-

lis damni; quemadmodum & Medicus dubia applicans medicamenta, & Iudex ferens sententiam pro minùs probabili, ideoque utrique hic & nunc obstat lex certa tum Religionis, tum charitatis, tum iustitiæ. Atqui homo in controversia honestatis moralis amplectens opinionem certò, quanquam per directà motiva minùs probabilem, nec se, nec alium conicit in periculum gravis damni, nam incertus error materialis & invincibilis non est grave damnum [ ut fingunt adversarii ] cum certa veritas haberi non potest: neque aliquam legem naturalem evitandi quascunque materiales legis transgressiones Adversarii hæcenus ostenderunt.

Tertiam paritatem de iudice, quam specialiter urget Mercorus, in primis retorquo in autorem: nam iudex publicus tenetur ferre sententiam in favorem rei possidentis, cum probationes sunt obscuræ: ergo similiter conscientia debet in favorem libertatis ferre sententiam, cum incerta & obscura est legis obligatio. Deinde opinio speculativè & ex moribus directis minùs probabilis, sit tamen practicè probabilior iunctis motivis indirectis & reflexis: ergo cum iudex debeat iudicare secundum opinionem magis probabilem, poterit, imò juxta principia Mercori tenebitur in conscientia benigniorem sententiam ex motivis directis minùs probabilem amplecti.

Disparitas igitur est, quòd iudicium forense sit institutum ad lites terminandas, partibus jus suum tribuendo, prout merita causæ & inclinatio iustitiæ requirit. Unde cum æquitas inclinet in partem probabiliorem, iudex officii sui, & iustitiæ certæ obligationi adversatur, si pro parte minùs probabili fert sententiam: neque potest ista sententia & iudicium aliquam moralem honestatis probabilitatem, nedum certitudinem adipisci. At iudicium internum conscientiæ est divinitus institutum ad regulandam voluntatem, ne in suis operationibus à Divina lege deflectat, ipsi intemando, quid hic & nunc licitè vel illicitè operetur. Cum ergo adsint principia certa, vel saltem probabiliora, quòd practicè liceat sequi opinionem, quæ speculativè per directà motiva minùs probabilis apparet, nec aliquod præiudicium tertii immineat, exinde certum & prudens conscientiæ iudicium formari potest. Hic finio, atque hæcenus dicta & disputatas Ecclesiæ iudicio submitto, DEI ter Opt. Max. gloriæ, Deiparæ, ac D. Thomæ Aquinatis honori consacro.



# TRACTATUS VI.

## DE PECCATO PERSONALI.

**P**Eccati Tartaream Larvam & infame monstrum Tibi ob oculos pono, Amice Lector, omnemque ejus ortum, partum, patriam, & (ut sic loquar) Genealogiam. Facies ipsius hoc ipso summe deformis est, quia informis, in qua nec lucis radium, nec boni alicujus colorem, nec lineam entis reperiās. Umbra est omnibus inferni umbris tetrior, atque umbrosior: *Sub umbra dormit, protegunt umbræ umbram ejus.* Job. 40. Ortus ipsius (ut monstris solet) abortus est. Nascitur refugo, & velut ad Thyestæas epulas lucem suæ gratiæ retrahente æterno sole. Qui possent obscuriores esse natales? Ita etiam cum prodit in lucem, perdit lucem & perimit, lucifugæ mentis, cæcæ voluntatis partus tenebrosus. Hinc claros scilicet agnosce parentes: Sunt cæcitas, error, ignorantia, tenebræ, nox. Nec ipsum tamen, ut alia monstra, sterilitate damnatur. Ampliissimum peccati genus prò in quantas familias, species, numerosque diffunditur! *Multiplicata sunt super capillos capitis,* Psal. 39. Sedem porro non alibi figit hoc lethale, & illætabile monstrum, quam in creatæ voluntatis à DEO deviæ, & in perplexos errores intricatæ Labyrintho. Hæc ipsi avita domus, sedes, & patria. Quid jam mirum, si in hoc Labyrintho labor intus? cum peccati collactanei comites sint *Terribiles visu formæ, Lethumque labosque?* Comites, inquam, & appendices terribiles, macula, & reatus pœnæ æternæ: Illa mors animæ, hic labor & dolor sine fine: ex illa *malum*, ex ista *amarum est dereliquisse Dominum DEUM*, Jer. 2. Ex hac caudâ draconem, ex ovo aspidem æstima, & vel fuga, vel fuge peccatum *tanquam faciem colubri*, Eccli. 21. Quod ut posses, cum S. D. à q. 71. primò vitii, quod moralis malitiæ proximus fons est, dein ipsius peccati totam deformitatem ob oculos ponimus. Et nunc quidem de personali peccato, quod propriâ voluntate perpetratur; sequenti ac speciali Tractatu de peccato originali disputabimus.

## DISPUTATIO XV.

DE

### Contrarietate vitii & peccati.

**V**itium sive à vitiando, sive sit à vituperando dictum, juxta diversos oppositionis terminos comparari potest, vel ad subjectum, in quo recipitur, vel ad virtutem quam oppugnat; eamque vel supernaturalis ordinis, & divinitus infusam, vel ordinis naturalis, & nostris actibus acquisitam. Sub prima consideratione quaeritur, an vitium contrarietur hominis naturæ, ei que vel ut rationali, vel ut sensitivæ? Sub secunda quaeritur, an vitium contrarietur virtuti tum acquisitæ, tum infusæ? Nunc sit



## ARTICULUS I.

## An vitium contrarietur virtuti?

## SUMMARIA.

1. Datur proprie dicta contrarietas inter vitium & virtutem acquisitam.
2. Quomodo virtus in medio?
3. Bonum & malum opponuntur & privative & contrariè.
4. Quomodo unum uni contrarietur?
5. Triplex opinio de contrarietate vitii cum virtute.
6. Vitium virtuti infusa non directè,
7. Sed indirectè opponitur.
8. Diversa motiva non semper tollunt contrarietatem.
9. Quando nem habitus contrarii possint in gradibus intensis simul consistere.

## §. I.

*Contrarietas vitii cum virtute acquisita.*

1. **CONCLUSIO.** *Vitium opponitur virtuti contrarietate proprie dictâ S. D. q. 71. a. 1.*

Ratio est: Contraria proprie sunt, quæ sub eodem genere maximè distant, & sequè ab eodem subiecto mutuo expellunt: sed virtus & vitium in genere moris & qualitatis maximè distant, nam virtus secundum Philosophum in 7. phys. est dispositio perfecti ad optimum, vitium autem juxta D. Aug. L. de perf. just. c. 2. est qualitas secundum quam malus est animus. Insuper sese mutuo ab eodem subiecto expellunt: neque simul consistere possunt in gradibus intensis: neque enim simul aliquis est temperans, & intemperans, sed vel per actus frequentatos fit ex temperanti intemperans, vel per actus oppositos fit ex temperanti intemperans. Ergo vitium & virtus proprie contrariantur.

Dixi tamen in genere moris vitium & virtutem maximè distare: quia licet duo vitia extrema, v. g. prodigalitas & avaritia à se invicem magis distant, quàm à virtute liberalitatis in genere physico, non tamen in genere moris, & sub consideratione honesti, vel inhonesti; sic enim utrumque vitium continetur sub genere inhonesti, dum contra virtus liberalitatis pertinet ad lineam honesti.

2. Dices primò. Virtus etiam in genere moris spectata consistit in medio: sed extrema à se invicem magis distant, quàm à medio: ergo vitia etiam in genere moris à se magis distant, quàm à virtute.

Respond. Virtus in genere moris spectata consistit in medio, connotativè [hoc est, in quantum ex parte objecti & materiæ, circa quam versantur, connotat medium inter excessum & defectum] concedo; subiectivè & essentialiter [quasi ipsa in se foret media inter utrumque vitium] nego: sic quippe utrumque vitium extremum constituit unam adequatam inhonestatem, virtutis adæquate honestati oppositam.

3. Dices secundò. Inter bonum & malum non est oppositio contraria, sed privativa, siquidem malum formaliter dicit absentiam bonitatis debite: atqui vitium & virtus sibi opponuntur ceu

bonum & malum: ergo inter illa non est oppositio contraria, sed privativa.

Respond. disting. major. Bonum & malum secundum abstractam rationem mali sibi privativè opponuntur, concedo; secundum concretam rationem mali, nego: ergo vitium & virtus privativè opponuntur, secundum abstractam rationem vitiositatis, concedo; secundum concretam, nego consequentiam. De quo mox plura.

Dices tertio. *Unum nisi unum contrariatur,* inquit Philosophus 10. Metaph. tex. 17: atqui virtuti opponuntur duo extrema vitia: ergo inter vitium & virtutem non est vera & proprie dicta contrarietas.

Resp. Unum uni contrariatur secundum unam rationem concedo; secundum alias & diversas, si in se plures includat, nego. Cum igitur virtutis adæquatum motivum plures inadæquatas includat, quarum una prohibet excessus, altera defectus, nihil obstat, quin duplici vitio contrariari possit.

## §. II.

*Examinatur contrarietas vitii cum virtutibus infusis.*

Circa contrarietatem vitii cum virtute infusa triplex est Doctorum opinio. Prima negat dari ejusmodi contrarietatem, quam tenet Suarez, Curjel, & Lorca in pl. disp. 2. Secunda docet oppositum, cui favent Zumel, & Alvarez, disp. 12. Tertia ex hypothesi, quod habitus infusus non tantum dent simpliciter, sed etiam faciliter posse, distinguit inter vitia producta per actus directè recedentes ab honestate & rectitudine virtutis supernaturalis, prout est odium DEI, & inter vitia producta per actus directè recedentes tantum à motivo & honestate virtutis naturalis. Prioris generis vitia, dicit, habitibus virtutum supernaturalium directè contrariari; sic enim certum est, odium DEI per adum charitatis formaliter expelli; posterioris generis vitia docet non opponi contrariè, saltem directè. Ita Montefinos hic q. 1. n. 16.

**CONCLUSIO.** *Vitium, quantumvis non directè recedat à motivo & honestate virtutis infusæ, habet nihilominus cum ipsa contrarietatem (1.) non quidem directam (2.) sed indirectam, ita Godoyus hic 17. 3. disp. 15. §. 1.*

Prior pars est expressa S. D. in 4. dist. 14. q. 2. a. 2. ad 4. dicentis. *Dicendum, quod sicut in 3. L. dictum est, virtus infusa & acquisita non sunt ejusdem speciei: unde cum habitus ex frequentia operum peccati generatus, virtutis acquisita contrarius sit, non contrariatur directè virtutis infusæ, quæ habet oppositionem cum peccato ex parte illa, quæ est offensiva DEI, unde non oportet, quod statim virtutibus infusis resistunt, habitibus vitiorum totaliter tollantur, quantumvis impediuntur, & diminuantur.* Hæc S. D. Unde formatur duplex ratio: Contrarietas directæ non est nisi per ordinem ad unum idemque formale objectum; sed non est unum

unum idemque objectum formale virtutis acquirat & infusa, siquidem specie distinguuntur; cum virtus acquisita habeat motivum honestatis ex lege & ratione naturali derivatæ, infusa verò motivum honestatis derivatæ ex lege supernaturali, & regulatæ perlumen fidei: ergo non potest vitium exercere directam contrarietatem adversus utramque virtutem. Contra quam igitur pugnat? Contra illam, à cuius motivo directè recedit, & hæc est virtus acquisita.

Secundò. Illi virtuti directè contrariatur vitium, cum cuius motivo directè pugnat actus vitii: habitus quippe sunt propter actus, & ab illis proximè specificantur: atqui actus vitii directè pugnat cum motivo virtutis acquiratæ, non infusæ: ergo non virtuti infusæ, sed acquisitæ directè contrariatur.

7. Altera pars æquè probatur autoritate & ratione S. D. Inter illos habitus intercedit aliqua contrarietas indirecta; cum enim sint inter se incompatibiles, debet illa incompatibilitas reduci ad aliquod genus oppositionis; nec potest facile ad aliud reduci quàm positivæ contrarietatis, siquidem utrumque extremum esse positivum.

Confirmatur primò. Virtus, quæ diminuit habitum vitii, habet aliquam oppositionem contrariam cum illo: sed virtus infusa per suum actum tamen non omnino destruat, diminuit tamen habitum vitii, & facit ut sit in statu corruptionis, ita affirmante Doctore Angelico q. 1. de Virt. in comm. a. 10. ad 16. *Dicendum, quòd licet per unum actum simplicem non corrumpatur habitus virtutis acquisitæ, tamen actus contritionis habet hoc, quòd corrumpat habitum vitii generatum ex virtute gratiæ, unde in eo, qui habet habitum intemperantiæ, cum contritum, non remanet enim virtute temperantiæ infusa habitus intemperantiæ in ratione habitus, sed in via corruptionis, quasi dispositio quedam, dispositio autem non contrariatur habitui perfectæ.*

Confirmatur secundò. Peccatum avertens hominem ab ultimo fine naturali, indirectè etiam avertit à fine ultimo supernaturali, & vice versa; quia ultimus finis naturalis, quantumvis diversè ordinis, est tamen subordinatus ultimo fini supernaturali, & efficax conversio in finem ultimum supernaturalem est impossibilis cum aversione ab ultimo fine naturali: ergo pariter inclinatio in peccatum [h. e. vitium] indirectè contrariatur cum inclinatione in actum virtutis infusæ, qui est mediata vel immediata, formalis vel virtualis conversio in ultimum finem supernaturalem.

### §. III.

#### *Solvuntur Objectiones.*

8. Objicies primò. Habitus inclinantes in actus oppositos tantum materialiter, sive circa objectum materiale, sub diversis tamen mediis aut

motivis formalibus, sibi invicem non contrariantur: sed vitium & virtus infusa inclinant tantum in actus oppositos, sub motivis formaliter diversis: ergo non contrariantur. Major probatur: Sic habitus erroneus circa physicam demonstrationem rotunditatis terræ, non contrariatur mathematicæ demonstrationi ejusdem: quia licet circa objectum materiale habeant oppositionem, procedunt tamen ex motivis formaliter diversis.

Respond. negando vel dist. Maj. si illa diversitas motivorum sit sufficiens tollere effectus privativè oppositos, concedo; si non sit sufficiens, sed illos potius causet, nego majorem: & sic distinguam. nego consequentiam. Unde ad probationem nego assumptum; nam intellectus per habitum erroneum redditur obscurus & incertus de terræ rotunditate, per scientiam verò mathematicam efficitur clarus & certus, quia effectus formaliter oppositi non tolluntur sed potius causantur per diversa motiva formalia: prout in simili loquuntur Thomistæ in 2. a. cum probent habitus fidei supernaturalis, & scientiæ naturalis circa idem objectum materiale simul in intellectu componi non posse, quantumvis sint diversè ordinis & procedant ex diversis motivis.

Objicies secundò? Contraria sunt, quæ se mutuo expellunt ab eodem subiecto, ideoque in gradibus intensis non possunt simul consistere: atqui virtus infusa quantumvis in gradu valde intenso consistit in homine recènter justificato unà cum vitio per actus frequentatos generato & opposito honestati virtutis naturalis: ergo inter se non contrariantur.

Respond. distinguendo majorem. Quæ se mutuo expellunt &c. quando sunt in gradibus intensis tam quoad substantiam, quàm quoad modum habitus, concedo; tantum quoad substantiam, nego maj. sed in homine recènter justificato reperitur virtus infusa in gradu intenso quoad substantiam habitus, concedo; quoad modum habitus, hoc est, quoad rationem difficultatis mobilis, nego: sic & vitium reperitur quoad substantiam in gradu intenso, non autem quoad modum; jam enim, ut docebat Ang. D. cit. est in via corruptionis, est facilis mobile, ideoque habet modum dispositionis. Sed cur virtus infusa in recèntes justificatos non habet modum habitus? Quia propter imbecillitatem subiecti facile amittitur potest.

Inquis. Hæc ratio per unicum actum peccati, quo virtus infusa unà cum gratia sanctificante expellitur, vitium restitueretur tam quoad modum, quàm quoad substantiam habitus, quod videtur absurdum. Respond. Restitueretur per se, quasi dando novum esse, nego sequelam; per accidens, removendo videlicet inclinationem supernaturalem, quæ frænabatur illa prava inclinatio, concedo, quod tamen nequaquam est absurdum.

## ARTICULUS II.

## De contrarietate vitii ad naturam.

## SUMMARI A.

1. *Statim questionis.*
2. *Vitium est contra naturam hominis, ut homo est.*
3. *Etiā cum opponitur virtuti infusa.*
4. *Varia instantia solvuntur.*
5. *Potentia peccandi non probat inclinationem naturæ ad peccandum.*
6. *Quomodo virtutes infusa dicantur perfectiones naturæ?*
7. *Non requiritur innata aversio, ut aliqua vitia sint contra naturam.*
8. *Duplex consideratio appetitus sensitivi in homine.*
9. *Appetitus sensitivus prout natu subijci imperio rationis.*
10. *Opponitur vitio.*
11. *Non prout est homini brutis, communis.*
12. *Differentia inter intellectum conjunctum luminis gloria, & appetitum conjunctum rationi.*
13. *Peccatum in genere moris est simpliciter pejus, quam vitium.*
14. *Alius vitiosus potest consistere cum virtute in statu imperfecto.*

## §. I.

1. **N**otandum Tò *contra naturam* in duplici sensu posse intelligi, primò prout opponitur illi, quod est à natura, & sic violentum est contra naturam; Secundò prout opponitur illi quod est secundum naturam. Illud porrò dicitur esse secundum naturam hominis, quod est conveniens ipsius formæ, & naturæ, in quantum est homo, sive sit debitum naturæ, ut perfectiones naturales; sive indebitum, ut perfectiones supernaturales, nam & istæ tamen naturæ ut sic sint hentiquam debita, quia tamen eandem maximè perficiunt; rectè dicuntur esse secundum naturam hominis. Quia verò ipsa hominis natura non tantum includit appetitum naturalem, sed etiam sensitivum, in quo aliqua vitia & peccata subiectantur, idcirco oritur questio, an vitia adversentur naturæ hominis non tantum ut homo est & secundum inclinationem rationalem, sed etiam ut sensitivus est, & ut secundum inclinationem sensitivam? Nunc de prima contrarietate contra naturam hominis ut homo est, sit

2. **CONCLUSIO.** *Vitium tam ut directè oppositum virtutibus acquisitis, quam ut indirectè vel indirectè oppositum virtutibus infusis, est contra naturam hominis, ut homo est.* Ita S. D. a. 2.

Prima pars non est admodum controversa. Nam quod est contra perfectionem & inclinationem naturalem hominis ut homo est, illud est contra naturam hominis, sed vitia directè opposita virtutibus acquisitis ita se habent: homo quippe secundum appetitum rationalem naturaliter appetit bonum honestum, tanquam bonum rationis, ad quod per virtutes acquisitas tanquam perfectiones naturæ rationali proprias ordinatur, atque deducitur: sed vitia prædicta oppugnant

bonum honestum, & virtutes, quæ circa illud versantur; ergo.

Secunda pars, quæ includit etiam illa vitia, quæ & quatenus sunt opposita virtutibus infusis, probatur inprimis autoritate S. P. Augustini, qui indiscriminatim & ex ipsa genericatione vitii docet, omne vitium esse contra hominis naturam. Sic l. 3. de lib. arb. c. 13. docet: *Omne vitium, eo ipso quod vitium est, contra naturam est.* Erl. 12. decivi. c. 1. *Omne vitium, inquit, natura nocet, ac per hoc contra naturam est.*

Ratio quoque est: Illud est contra naturam hominis, ut homo est, quod est contra perfectionem naturæ rationalis, quæ talis: sed vitia etiam prout contrariantur virtutibus infusis, sunt contra perfectionem naturæ rationalis, quæ talis: quis enim dubitet, naturam rationalem per virtutes infusas summopere perfici? ergo vitia, etiam ut opposita virtutibus infusis, sunt contra naturam hominis, ut homo est.

## §. II.

## Solvuntur Objectiones.

**O**bjicies primò contra rationem nostræ assertionis. Tunc ex contrarietate vitiorum ad virtutes acquisitas non rectè probatur contrarietas vitiorum cum humana natura, quando admissa illà oppositione, tamen non est necesse, ut vitia sint contra inclinationem naturæ: sed non est necesse; quod probatur. Est quòd voluntas matrimonii opponatur cum voluntate virgininitatis, quæ est secundum inclinationem naturæ rationalis quæ talis, non sequitur, quod voluntas matrimonii sit contra innatam inclinationem naturæ rationalis quæ talis. Mors, est quòd sit contraria vitæ, quam natura naturaliter appetit, non tamen est contra naturam, sed potius secundum inclinationem & exigentiam naturæ: Mors sursum esto sit oppositus motui deorsum, in quem natura lapidis inclinat, non tamen est contra naturam, quando ascendit lapis ad impedendum vacuum, &c.

Respond. negando min. ad cujus probationem & instantias adducas Respond. In allatis instantiis utrumque terminum oppositum comprehendit sub adæquato termino naturalis appetitus: atqui vitium nullo modo continetur sub adæquato termino appetitus rationalis, quod est bonum rationis, seu honestum. Ita matrimonium non est contra naturam hominis ut rationalis, quia est bonum honestum, neque sub hac ratione opponitur cum virginitate: mors est homini naturalis, quia licet non sit secundum appetitum naturalem in adæquatum ex parte formæ, est tamen secundum appetitum in adæquatum ex parte materię: motus sursum licet non sit secundum naturam lapidis, in particulari ut lapis est; est tamen secundum appetitum & naturam ipsius communem, ut est pars universi, &c.

Objicies secundò. Vitia sunt secundum inclinationem

clinationem naturæ humanæ, ergo non sunt contra naturam humanam. Consequentia tenet ex nostra ratione. Antecedens probatur: Ubi datur naturalis potentia, ibi etiam datur naturalis inclinatio: sed in natura rationali creata datur naturalis potentia ad peccandum, siquidem est de essentia ipsius posse peccare: ergo datur in illa naturalis inclinatio ad peccatum, & consequenter ad vitium.

Respond. negando antec. ejusque probationem distinguo: Ubi datur naturalis potentia effectiva & perfecta, ibi est naturalis inclinatio, concedo maj. ubi est potentia defectiva, nego maj. & pariter distincta min. nego consequentiam. Rursus si sit naturalis, h. e. fluens ex positiva radice naturæ, concedo majorem; si naturalis, eò tantum quod adhzreat naturæ quatenus creata ex nihilo, adeoque secundum aliquam negativam radicem, nego majorem: atqui potentia peccandi naturæ rationali non aliter convenit, nisi quatenus creata ex nihilo, adeoque ut principio defectibili.

6. Obijciens tertio. Illud non est contra naturam hominis, quod non est contra perfectionem naturalem ipsius: sed vitia ut opposita virtutibus infusus non sunt contra perfectiones naturales ipsius naturæ; cùm neque natura habeat innatum appetitum ad virtutes infusas, nec ipsæ recipiantur in natura, prout est natura, sed prout est potentia obedientialis.

Respond. neg. vel dist. maj. quod non est contra perfectionem naturalem, hoc est perfectionem quæ sit conveniens naturæ tamque perficiens, quo modo ordo gratiæ non destruit sed perficit naturam, concedo maj. contra perfectionem naturalem, h. e. ortam ex principiis naturæ, vel terminum innati appetitus, nego maj. sicque distincta minore, nego consequentiam.

7. Obijciens quarto. Si vitia opposita virtutibus infusus essent contra naturam rationalem, tunc daretur in naturâ aversio innata ab ejusmodi vitiis, abhorret enim natura rationalis omnem suam imperfectionem: sed hoc admitti non potest: Nam ab iis solum datur aversio naturalis, quæ per vires naturæ vitari possunt: sed ejusmodi vitia per naturæ vires vitari non possunt: actus quippe per quos generantur, opponuntur præceptis supernaturalibus, quorum adimpletio requirit gratiam specialem & supernaturalem, veluti si urgeat præceptum credendi, sperandi, diligendi, &c. ut aliunde supponitur.

Respond. negando sequelam maj. nam sicuti ad hoc, ut virtutes infusus sint secundum naturam, sufficit quod ipsæ perficiant bonum rationis, ad quod nativo appetitu fertur natura rationalis, quantumvis ipsas virtutes infusus non appetat, ita pariter, ut vitia, directè vel indirectè opposita virtutibus infusus, sint contra naturam, sufficit, quod per ipsa imminuatur bonum rationis, quantumvis natura nativâ aversione illa non abhorreat.

### §. III.

*Contrarietas vitii adversus hominis naturam quâ sensitivam.*

3. **A**ppetitus sensitivus in homine considerari po-

test primò secundum prædicata generica, in quibus convenit cum appetitu sensitivo bruti, & præcisè respicit bonum delectabile absque connexionem cum honestate & bono rationis; in qua acceptione certum est, vitium non esse contra naturam hominis quâ sensitivam; quia vitium inclinatur in bonum delectabile: sed in hoc etiam inclinatur natura hominis quâ præcisè sensitiva; ergo inter se conveniunt, non contrariantur vitium & natura quâ sensitiva hominis.

Rursus considerari potest idem appetitus, 9. prout actu subijcitur imperio & ordini rationis, quo sensu non minus certum est, vitium esse contra naturam sensitivam hominis; nam appetitus actu subiectus ordini rationis tendit in bonum delectabile ut subordinatum & conjunctum cum bono honesto; e contra vitium tendit in bonum delectabile ut deordinatum à bono honesto & ordine rationis, quæ sunt tendentiæ & inclinationes contrariæ. Quæstio igitur est, utrum vitium sit contra naturam sensitivam hominis, in quantum appetitus sensitivus propter conjunctionem cum appetitu rationali in eodem supposito est habitualiter seu potentialiter conjunctus cum bono honesto, & natus aptus obsequi imperio rationis? Et

CONCLUSIO EST AFFIRMATIVA. Ratio 10. est: quia natura sensitiva hominis sub hac consideratione habet intrinsecam inclinationem in virtutes morales tanquam connaturales perfectiones appetitus sensitivi, quæ in ipso subiectantur; sed vitium adversatur ejusmodi inclinationi, & per suos actus virtutes morales expellit ab appetitu sensitivo: ergo naturæ sensitivæ taliter acceptæ vitium contrariatur. Quæ contrarietas etiam extendenda est respectu virtutum moralium per se infusarum, per quas subiectio appetitus sensitivi ad bonum & ordinem rationis perficitur, juxta suprà dicta.

Dices: Vitium non est contra naturam sensitivam hominis secundum se, & secundum rationem genericam communem cum brutis: ergo neque contra naturam sensitivam prout conjunctam cum altiori & rationali appetitu. Consequentia probatur: Nulla elevatio vel conjunctio cum altiori natura facit, ut aliqua potentia feratur extra suum obiectum: sed obiectum appetitus & naturæ sensitivæ secundum se est pure bonum delectabile, non verò bonum honestum: ergo ex conjunctione cum appetitu rationali non habet ut feratur & inclinet in bonum honestum. Atqui propter istam rationem vitium non contrariatur appetitui & naturæ sensitivæ secundum se, unde nec peccatum datur in appetitu sensitivo sic considerato: ergo neque contrariatur appetitui sensitivo conjuncto cum ratione & nato obedire rationi.

Confirmatur. Sequeretur, quod bonum honestum contineretur intra latitudinem obiecti naturæ sensitivæ secundum se: sed hoc est absurdum: ergo. Sequela probatur: eò quod per conjunctionem cum lumine gloriæ intellectus elevatur ad videndam divinam essentiam, bene colligitur, quod essentia divina contineatur intra latitudinem obiecti intelligibilis: ergo si per conjunctionem cum ratione appetitus sensitivus elevatur



vatur ad prosequendam honestatem rationis, rectè inferitur quòd bonum honestum contineatur intra sphæram objecti sensibilis.

Repondeo negando consequentiam. Ad probationem dist. min. objectum naturæ sensitivæ secundum se, h. e. abstractivè à differentiali contractione ad speciem humanam est purè bonum delectabile, concedo; ipsius ut contrariè ad speciem humanam, nego min. & sic dist. consequente, nego consequentiam, vel subdistinguo ex conjunctione cum ratione non habet natura sensitiva ut actu feratur in bonum rationis, concedo; potentià, & dependentur ab imperio rationis, nego. Ideoque, sicuti conjunctio cum ratione dat appetitui sensitivo, non actu obedire, sed posse obedire rationi, ita dat etiam posse tendere in bonum rationis.

12. Ad Confirmationem nego paritatem: quia lumen gloriæ tantum dat proximam potentiam ad videndam divinam essentiam, prout est in se; adeoque supponit in intellectu potentiam radicalem & remotam videndi divinam essentiam, quæ proinde contineri debet iuxta latitudinem ipsius objecti: atqui conjunctio cum ratione dat naturæ sensitivæ potentiam remotam attingendi bonum rationis, quod ipse secundum genericam prædicatam non convenit.

#### §. IV.

##### *Corollaria ex dictis.*

13. Colliges ex dictis primò. Peccatum in genere moris simpliciter pejus esse, quàm vitium, ut habet S. D. a. 3. Cujus ratio est primò: quia habitus est moraliter malus propter actum malum, in quem inclinatur, & à quo proxime specificatur, sed propter quod unumquodque tale illud magis tale in genere causæ formalis & finalis, secundum Philosophos; ergo actus peccati moraliter magis est malus, quàm vitium.

Secundò. Illud est moraliter pejus, quod magis repugnat cum statu gratiæ & charitatis: sed

peccatum magis repugnat cum statu gratiæ & charitatis, siquidem iste per peccatum destruitur; non autem per habitum vitiosum.

Tertiò. Quia vitium non demeretur, actibus autem vitiosis demeretur: ergo peccatum est simpliciter pejus, quàm vitium. Dixi, simpliciter: nam secundum quid vitium potest esse pejus, quàm peccatum: primò, quatenus est causa efficiens saltem inadæquata peccati: secundò ratione majoris diuturnitatis & extensionis; nam actus peccati transit, vitium permanet, atque ad plures actus malos extenditur.

Colliges secundò cum S. D. a. 4. Actum vitiosum, seu peccatum bene posse consistere cum virtute in statu imperfecto, non autem in statu perfecto. Virtus in statu perfecto dicitur, quæ hominem optimè disponit in ordine ad ultimum finem, ita ut actus ipsius acceptentur à DEO, tanquam digni vitæ æternæ, & sic virtus in statu perfecto semper est conjuncta cum gratiâ & charitate. Virtus autem in statu imperfecto est habitus ex objecto bonus & honestus, qui tamen actus meritorios vitæ æternæ producere non potest. Cujus generis sunt habitus acquisiti virtutum moralium, & ex virtutibus supernaturalibus infusus fides, & spes, quæ cum ex sua natura sint præviz dispositiones ad gratiam & justificationem, non necessariò præsupponunt ipsius infusionem, & sine gratia possunt consistere. Ex quo facile patet ratio Corollarii: quod habet necessariam connexionem cum gratiâ & charitate, illud cum peccato non potest consistere, econtrà, quod non habet necessariam cum gratia & charitate, potest cum peccato consistere: sed virtus in statu perfecto habet, in statu verò imperfecto non habet necessariam connexionem cum gratia & charitate: ergo illa non potest, ista potest cum peccato consistere; & per consequens illa destruitur, ista non destruitur per peccatum. Unde habes, quæ de vitii contrarietate sunt dicta, proportionaliter esse applicanda peccato.

## DISPUTATIO XVI.

### DE

## Quidditate & natura peccati.

Quamvis nihil sit exploratius, quàm existentia, tamen nihil obscurius & difficilius indaginis, quàm natura peccati: Hanc tamen etsi lucis vacuum, præfenti disputatione ex Angelicæ doctrinæ Lumine in lucem eruere conabimur, & de peccati commissionis definitione primùm, deinde ejus constitutivo tractabimus.

### ARTICULUS I.

#### *Quid sit peccatum.*

#### SUMMARIA.

- |                                                             |                                                       |
|-------------------------------------------------------------|-------------------------------------------------------|
| 1. <i>Varia acceptiones peccati.</i>                        | 5. <i>Objectiones.</i>                                |
| 2. <i>Divisio peccati in actuale &amp; habituale.</i>       | 6. <i>Solvuntur.</i>                                  |
| 3. <i>Definitio Augustiniana peccati.</i>                   | 7. <i>Diversa nomina &amp; applicationes peccati.</i> |
| 4. <i>Convenit etiam peccato veniali, &amp; omissionis.</i> |                                                       |

## §. I.

## Definitio peccati.

1. Notandum primò. Nomen peccati accipi posse figuratè, & propriè. Figuratè, seu metonymicè accipitur primò pro pœna vel effectu peccati, ut Levit. 20. *Portabunt ambo peccatum suum.* Secundò pro causa vel occasione peccati. Sic de vitulo aureo, qui Hebræis fuit causa idololatriæ, dicit Moyses Deut. 9. *Peccatum vestrum, quod feceratis, accipiens ignis combussit.* Terriò accipitur tam pro causa, quam pro effectu, quo sensu Apostolus Rom. 7. *concupiscentiam* appellat peccatum, parim quia trahit ortum à peccato originali, parim quia inclinatur in peccatum. Quartiò pro hostia, & sacrificio expiatio peccati, ut Os. 4. *Peccata populi mei comedens*: h. e. sacrificia, quæ offeruntur pro peccato, & 2. Cor. 5. de Christo dicitur, quòd *DEUS eum, qui non noverat peccatum, pro nobis peccatum fecerit*, h. e. hostiam pro peccato.

Propriè accipitur peccatum pro actu deviante & aberrante à sua regula. Unde juxta diversitatem regularum aliud est peccatum naturæ, nempe actus vel effectus devians ab ordinaria via & regula naturæ, uti partus monstruosus; aliud peccatum artis, nempe actus devians à regula artis, veluti mendosa pictura; vel scriptio aliud tandem peccatum morale, quod est actus voluntatis devians à regulis morum; sive deinde sit actus formaliter, sive reductivè, æquivalenter & interpretativè; quo modo etiam omissiones peccaminosæ inter vitiosos actus in moralibus computantur, & de hoc, quod absolute peccatum, vel culpa dicitur, nobis deinceps sermo.

2. Notandum secundò. Peccatum dividi in habituale, & actuale. Habitale est macula ex actu peccati transiente relicta; & actuale verò est ipse actus, vel ommissio actualiter aut virtualiter à voluntate dependens. De illo inferiùs; de isto agimus in præsentia.

3. CONCLUSIO: *Peccatum à D. Augustino rectè definitur Lib. 22. contra Faustum c. 27. Dilectum, factum, vel concupitum contra legem æternam.* S. D. 2. 6.

Ratio est: quia hæc definitio explicat totam peccati essentiam: & quidem per istas voces, *dilectum, factum, concupitum* substantia actus peccaminosi exprimitur, quæ se habet tanquam materiale [neque enim *Tò dilectum, factum, concupitum* significant objectum & rem, quæ dicitur, sit, vel concupiscitur, sed ipsam dictionem, factionem, &c.] Per *Tò contra* verò exprimitur id, quod est in peccato formale, nimirum repugnantia cum lege DEI æternæ, quæ à S. Augustino describitur esse ratio æterna, seu voluntas DEI ordinem naturalem conservari jubens, perturbari vetans.

4. Neque dubites, an prædicta definitio etiam peccato veniali, quod S. D. dicit esse non contra, sed præter legem; item peccato omissionis, quod nihil sit, vel dicitur, sed solum omittitur, conveniat? Convenit utrique, & in primis veniali, de quo non in hoc sensu negatur, quòd sit contra legem DEI, quasi non sit actus æternæ DEI lege prohibitus; sed quia non est perfectè contra or-

R. P. Meng. Theol. Schol. Tom. II.

dinem, aut finem legis, qui est charitas: neque enim ordo legis evertitur, aut charitas destruitur per veniale peccatum. Ita seipsum explicans S. D. q. 7. de malo a. 1. ad 1. *Etsi, inquit, in aliquo recedat ab ordine legis, non tamen ipsum corrumpit, quia non corrumpit dilectionem, quæ est plenitudo legis.*

Convenit etiam peccato omissionis, quia licet omissio non sit dictum, factum &c. formaliter, est tamen reductivè, vel virtualiter, & æquivalenter. Reductivè, quia negatio reducitur ad genus affirmationis, & sic per dictum, factum &c. subintelliguntur negationes oppositæ. Virtualiter & æquivalenter, quia in moralibus negationes aliquando pro facto reputantur, sicuti retinere alienum, quamvis physicè in omissione consistat, moraliter tamen pro facto reputatur.

## §. II.

## Solvuntur objectiones.

Dices tamen primò. Regula humanorum actuum non est sola lex æterna, sed etiam rectorio. Secundò: Multa sunt peccata, non quod æternæ DEI lege, sed humanæ & temporali sint prohibita. Terriò: Ratio voluntarii, & aversionis ab ultimo fine est de essentia peccati; & tamen in hac definitione, neque de regula rectorio, neque de lege humanâ, neque de voluntario, & aversione sit ulla mentio: ergo hæc definitio non videtur esse adæquata. Quartiò. Concupiscere & dicere est quoddam facere, unde sunt peccata commissionis: ergo in definitione peccati redundant illæ voces: *concupitum, dilectum.*

Resp. ad 1. non fieri specialem mentionem de 7. regula rectorio, tum quia lex æterna est regula prima, & universalissima, quæ alteram eminenter continet, & per illam ceu radium à se derivatum intimatur; tum quia repugnantiæ peccati cum rectorio ratione magis pertinet ad considerationem Philosophi moralis; oppositio verò cum lege æterna [ex qua peccatum sortitur rationem injuriæ & offensæ contra DEUM] magis pertinet ad considerationem Theologi.

Ad 2. Resp. Hoc ipso, quòd aliqua ex iusta causa & sine lege humanâ sint vetita, etiam adversari æternæ legi existent in mente DEI, à quâ vim obligandi sortiuntur; licet enim antecederent ad legem humanam, & in sensu diviso ipsius, lex æterna non contineat materiam præcepti, vel vetitæ, continet tamen illam, suppositâ accessione legis humanæ, seu in sensu composito ipsius, ut proinde non possis legem humanam juxta latam transgredi, quin hoc ipso transgrediaris æternam.

Ad 3. Resp. Utramque rationem, & voluntarii, & aversionis in data definitione contineri implicitè: voluntarii quidem, quia nihil sit formaliter contra legem, nisi fiat voluntariè, cum materia legis tantum sit actus liber & voluntarius: rationem aversionis, quia hoc ipso, quòd aliquis declinet à lege æternæ DEI, etiam deviat & avertitur à fine ultimo, sive efficaciter per peccatum mortale, sive inefficaciter per peccatum veniale.

Ad 4. Resp. Majoris claritatis gratiâ actus  
Z internus

internos ab externis distinguendos fuisse præcipue ad duplicis erroris exclusionem, quorum unus fuit veterum Rabbiorum, existimantium, actus internos non esse peccata: Secundus aliorum ex opposito dicentium, actionibus externis nec bonitatem, nec malitiam convenire.

7. Colliges ex dictis. Juxta diversas habitudines & comparationes peccato quocumque tribui diversa nomina, quæ tamen ad prædictam definitionem facile revocantur. Itaque per comparationem ad regulam & legem æternam, cui contrariatur, dicitur prævaricatio, & inobedientia; per comparationem ad finem à quo deviat, sic propriè appellatur peccatum: quia peccatum consistit in actu deviante à debito ordine ad finem propter quem agitur, inquit S. D. suprà q. 21. a. 1. per ordinem ad principium liberum defectuose ope-

rans dicitur culpa, quia culpa vocatur ratione imputabilitatis, nulla verò actio est imputabilis in vituperium nisi libero agenti. Per ordinem ad subiectum vocatur malum, quia privat ipsum debito ordine in suum finem, simulque omnibus bonis gratiæ & supernaturalium infusarum virtutum, præterquam fidei & spei. Per comparationem ad effectum, nempe poenam, cui peccantem reddit obnoxium, dicitur reatus, quo nomine intelligitur passiva obligatio ad sustinendam poenam à iudice taxatam. Per ordinem ad præmium, quo operantem privat, dicitur demeritum. Per comparationem ad DEUM, quem offendit, dicitur offensæ, injuria. Per ordinem tandem ad instrumenta, per quæ patrat, dicitur dictum opere, factum opere, concupitum corde &c.

## ARTICULUS II.

*An omne peccatum sit ideo malum, quia lege prohibitum.*

### SUMMARIA.

1. Status quæstionis.
2. Variæ leges.
3. Sententia D. Thoma.
4. Probatur authoritate S. Script. & SS. PP.
5. Probatur ex ratione mali, & c. actus moralis.
7. Exponitur, quomodo actus intrinsecè mali sint prohibiti, quia mali.
8. Actus dissentanei Divinis perfectionibus præsuppositivè ad legem concipiuntur mali fundamentaliter, non formaliter.
9. Non tamen potest DEUS in iis dispensare.

#### §. I.

*Statusque affirmativa.*

1. **H**UIC quæstioni occasionem præbent actus intrinsecè mali, ut mendacium, odium DEI, &c. quos propter intrinsecam & essentialem suam repugnantiam cum divinis perfectionibus, & rectè ratione existimant Amicus, Vasquez cum Durando, Richardo Lycheto, independentè à lege prohibente esse formaliter malos. D. Th. verò hic q. 71. à 6. in c. Albert. M. S. Bonavent. imò & Scotus citatus à Mastro in 2. disp. 6. q. 1. a. 1. docent esse de quidditivè ratione cujuscuque peccati, quod sit contra legem æternam. Pro cuius quæstionis solutione
2. Notandum, Legem dividi in æternam, naturalem, & positivam. Lex æterna est ratio divina sapientia, secundum quod est directiva nostrorum actuum in suos fines: Lex naturalis est rectum iudicium humanæ rationis de vitandis, vel faciendis. Lex positiva est, quæ sub expressis verbis est posita, eaque rursus vel divina vel humana. Lex divina est prima & remota, lex verò humana est proxima actuum humanorum regula. Hoc posito, sit
3. **CONCLUSIO.** Omne peccatum ideo formaliter est peccatum, quia lege prohibitum, adeo ut si per impossibile nulla foret lex prohibens, nullum quoque foret peccatum. Ita Thomistæ ad mentem S. D. hic a. 6.

Probatur primò authoritate S. Script. ubi peccatum appellatur prævaricatio ps. 118. *Prævaricantes reputavi omnes peccatores terre: atqui ubi non est lex, ibi nec prævaricatio* secundum Apostolum Rom. 4. ergo si non esset lex, nullum quoque foret peccatum.

Probatur secundò authoritate SS. PP. Nam primò juxta definitionem S. Augustini acceptam à Doct. Angelico, & priori articulo defensam, omne peccatum est formaliter tale propter oppositionem ad legem, eò quod sit contra legem DEI æternam: sed lege cessante cessat etiam oppositio ad legem: ergo cessante lege cessaret etiam formalis ratio peccati. Secundò. Idem S. P. Lib. 2. de consil. Evang. peccatum nominat transgressionem legi. Lib. 2. de peccat. merit. c. 2. *peccatum non erit, si quid tamen erit, si non divini ius jubeatur ut non sit.* Tertiò. D. Ambr. 1. de parad. c. 8. definit peccatum, quod sit *divina legi prævaricatio, & celestium inobedientia mandatorum.*

Probatur tertiò ratione. Malum morale consistit formaliter in deviatione à regulis morum: sicuti malum artificiale consistit in deviatione à regulis artis: sed si nulla foret lex, nulla quoque foret deviatio à regulis morum, siquidem regula & lex sunt synonyma: ergo etiam, si nulla foret lex, nullum foret peccatum.

Probatur quartò. Non potest actus concipi formaliter malus, priusquam concipiatur constitutus in genere moralitatis: nam species præsupponit genus: bonum verò & malum sunt species moralitatis: atqui sublata lege nullus actus foret formaliter moralis: ergo cessante lege nullus actus esset malus moraliter. Min. probatur: ubi nulla est lex, nulla est habitudo ad regulas morum: sed prout in pr. Tract. ostendimus, moralitas actus humani consistit in habitudine ad regulas morum: ergo.

#### §. II.

## §. II.

*Solvuntur Objectiones.*

7. **O**bjicies primò. Si omne peccatum esset ideo tale, quia lege prohibitum, tunc falsa foret antiqua Theologorum distinctio, quâ dicunt, aliquos actus ideo esse malos, quia prohibitos [quales sunt actus ex se indifferentes, v. g. comedere carnes die Veneris, qui primùm propter legem positivè prohibentem inducunt rationem mali] alios verò probitos, quia malos, quales sunt actus intrinsecè mali, ut odium DEI, mendacium &c. sed consequens est absurdum: ergo. Seq. probatur: quia in adibus ideo prohibitis, quia malis, malitia præsupponitur legi prohibenti: sed si omne peccatum est formaliter tale quia lege prohibitum, lex præsupponitur malitiæ: ergo.

Respond. Illam causalem Theologorum tantum habere locum & sensum de prohibitione legis positivæ, non autem legis æternæ, vel naturalis. Ita ipse S. D. hica. 6. ad 4. *Illud, inquit, intelligitur de prohibitione facta per jus positivum; si autem referatur ad jus naturale, quod continetur primo quidem in lege æternâ, secundariò verò in naturali iudicatorio rationis humana, tunc omne peccatum est malum, quia prohibitum.*

8. **O**bjicies secundò. Quod est dissentaneum rectæ rationi & divinis perfectionibus, est moraliter malum: sed actus intrinsecè mali præsuppositivè ad omnem prohibitionem sunt dissentaneum rectæ rationi ac perfectionibus divinis: ergo præsuppositivè ad omnem legem prohibentem sunt moraliter mali. Minor constat, quia mendacium v. g. præcindendo ab omni lege pugnat cum veracitate tam divinæ naturæ, quam humanæ: Major probatur: quia præcindendo ab omni lege isti actus sunt & cognoscuntur à DEO per necessariam scientiam suæ simplicis intelligentiæ vel boni, vel mali moraliter: sed non cognoscuntur ut boni, quod ipsis repugnat: ergo cognoscuntur ut mali moraliter. Resp. dist. maj: est malum moraliter vel formaliter vel fundamentaliter, concedo; semper formaliter, nego maj: ergo isti actus intrinsecè mali præsuppositivè ad omnem legem sunt moraliter mali, fundamentaliter concedo; formaliter, nego consequentiam.

Sensus & ratio distinctionis est, quòd illi actus, quos vocamus intrinsecè malos, eò quòd repugnant divinis perfectionibus, atque hoc ipso sint incapaces bonitatis moralis, præbeant fundamentum, ut DEUS per suam æternam legem, & exinde derivata ratio naturalis præscribat, ejusmodi actus esse fugiendos. Unde in priori signo rationis, in quo concipimus istos actus tanquam divinis perfectionibus oppositos, dicuntur fundamentaliter mali, in posteriori verò signo, in quo concipimus oppositos legi prohibenti, sunt formaliter moraliter mali. Unde ad probationem maj. Resp. Per necessariam scientiam simplicis intelligentiæ istos actus cognosci ut malos & fundamentaliter & formaliter, fundamentaliter quatenus illos attingit ut oppositos suis Divinis attributis; formaliter quatenus illos attingit ut oppositos legi suæ æternæ.

Instabis: si per impossibile DEUS mentiretur, tunc peccaret, & tamen non peccaret contra legem, siquidem nullum habet se superiorem: ergo essentia peccati non dependet à lege prohibente, Resp. nego min. quia in illa hypothese impossibili DEUS etiam impossibiliter non esset sua regula, & sic rursus per novam impossibilitatem haberet regulam se superiorem.

Objicies tertio. Si actus intrinsecè mali 9. ideo forent mali, quia æternâ DEI lege prohibiti, tunc DEUS posset illos aliquando permittere, aut in illis dispensare: sed consequens est absurdum: ergo. Sequela probatur à paritate legis humanæ, in quâ legislator dispensare potest; siquidem actus tantum dependerent à legis prohibitione est malus.

Resp. negando sequel. tum quia permissionis vel dispensationis obiectum debet esse saltem aptitudinaliter bonum; sed actus intrinsecè mali propter intrinsecam repugnantiam cum divinis perfectionibus ex se sunt incapaces bonitatis moralis, & fundamentaliter mali: tum quia permissio & dispensatio tantum fit in obiecto legis liberæ, non necessariæ; atqui lex æterna DEI prohibens actus intrinsecè malos non est libera, sed necessaria. Unde patet disparitas ad instantiam, nam lex humana, v. g. prohibens comedere carnes, est libera.

## DISPUTATIO XVII.

## DE

## Constitutivo peccati formalis.

**P**eccatum tanquam aliquod compositum morale & accidentale duo includit; aliquid materiale, quod in peccato commissionis est actus humanus & voluntarius, in peccato omissionis voluntaria omisso; aliud formale, quod est ipsa formalis malitia, ex quâ actus malus & peccaminosus denominatur. De hac diversæ & intra ipsam Doctoris Angelici Scholam oppositæ sunt DD. sententiæ. Diversitatis causa est partim ipsa peccati obscuritas, partim doctrinæ Angelicæ incertitudo, dum variis in partibus S. Doctor modò in unius, modò in alterius oppositæ sententiæ favorem quasi problematicè loqui videtur, ut ex adducendis textibus constabit. Pro clariori expeditione negotii certiora præmittimus.



## ARTICULUS I.

*Sitne in formali malitia peccati admittendum aliquod  
privativum ?*

## S U M M A R I A.

1. *Refellitur Sententia Perezii & Esparza.*
2. *Astruitur in malitia formali peccati privatio debita restitutions.*
3. *Probatnr inductione.*
4. *Prima solutio ad argumentum ordinarium Adversariorum.*
5. *Non exhaerit difficultatem.*
6. *Refellitur instantia de talpa.*
7. *Restitutio est debita inesse alicui, debito morali, non naturali.*
8. *Tamest sit intrinsecè malum.*
9. *Alia plures privationes comitantur peccatum.*

## §. I.

*Affirmatur Privatio debita restitutions ex parte formali malitie.*

1. **N**ondum loquimur de formali constitutivo ipsius malitiæ, sed de his quæ ex parte formali malitiæ sive primariò, sive secundariò, sive constitutivè, sive consecutivè reperiuntur. Et quidem Anton. Perez citatus ab Esparza q. 19. agnoscit in peccato aliquod privativum, quod sit privativa de termino voluntatis in priori naturæ antecedens actum positivum, essentialiter tamen connexa cum existentia actus ut futuri pro posteriori naturæ; ipse verò Esparza admittit ulterius privationem restitutions debitz inesse non actui, sed voluntati. Neutra tamen explicatio satisfacit, quia privationem querit, aut statuit extra ipsummet peccatum ex parte principii ut Perez, vel subiecti, ut Esparza: cum tamen ratio mali intrinsecè reperiatur in ipso peccato, nec voluntas aliter sit & denominetur mala, quàm propter ipsum peccatum. Igitur, cum sit de natura mali, quòd careat aliquà perfectione & bonitate, carentia & privatio ejusmodi perfectionis intra ipsum peccatum ostendi debet. Quà de causâ D. Th. in 2. 2. q. 128. a. 5. in c. inquit: *Omne peccatum ex hoc ipso quod est malum, consistit in quadam corruptione, seu privatione boni.* Ethica. 6. *Habet actus humanus, quòd sit malus ex eo, quòd caret debita commensuratione.* Unde sit

2. **CONCLUSIO.** *In peccato commissionis datur aliqua malitia privativa, quæ sit carentia restitutions debita inesse alicui.* Est recepta inter Discipulos S. Thomæ, etiam illos, qui constitutivum peccati collocant in positivo, contra Almayn. tra&. 5. moral. c. 13. & Vasq. in præf. disp. 95. c. 6. qui licet in peccatis ideo malis, quia prohibitis admittant privationem alicujus formæ debitz, eandem tamen negant in peccatis intrinsecè malis, ut odio DEI, mendacio &c. Nostram tamen assertionem probant omnes auctoritates S. Script. PP. & Doctoris Angelici a. 3. pro nostra sententia referendæ.
3. Ratio est: Omne malum ideo est malum & defectuosum formaliter, quia habet defectum bo-

ni, & deest ipsi aliqua bonitas & perfectio debita: sive [ut habet S. D.] quia deficit ei aliquid de plenitudine essendi: ergo omnis malitia formaliter importat aliquem defectum privativum bonitatis debitz, prout constat inductione naturæ & artis: naturale quippe malum, v. g. monstruositas, cæcitas, formaliter includit carentiam alicujus perfectionis naturaliter debitz; malum artificiale dicitur formaliter carentia debitz restitutions artificialis: adeoque etiam malum morale formaliter includit privationem alicujus perfectionis moraliter debitz. Atqui bonitas actui humano debita est restitutio honestatis moralis, quâ destituitur peccatum secundum formalem rationem malitiæ: ergo in formali malitia peccati reperitur privatio restitutions debitz. Subsumptum quoad 2. membrum est certum, quoad 1. probatur: Cuilibet actui humano ex deliberatâ ratione, ex primis principiis prædictis syntetis, & amore ultimi finis in communi procedenti, debetur bonitas & restitutio rationis, à qua procedit, ideoque in via D. Th. non datur actus indifferens in individuo, eò quòd omnis actus humanus debeat elici conformiter ad finem proprium hominis ut homo est, nempe ad bonum honestum; sed peccatum commissionis est actus humanus ex deliberata ratione procedens: ergo ipsi debetur bonitas, restitutio, & ordo rationis.

## §. II.

*Diluitur solennis objectio Adversariorum.*

**O**rdinariis Achilles, & solennis objectio nostram assertionem sic oppugnat: Privatio est absentia formæ debitz & in subiecto apto illam habere: sed absentia restitutions moralis in actibus intrinsecè malis, v. g. mendacio, odio DEI non est absentia formæ debitz, & in subiecto apto, siquidem isti actus habent intrinsecam incapacitatem & repugnantiam cum honestate, suntque prohibiti, quia mali; ergo saltem in istis actibus non reperitur privatio debitz restitutions.

Communi objectioni occurrit communis responsio & diffinitio: privatio est carentia formæ debitz vel ratione gradus communis, vel specifici, concedo; tantum ratione gradus specificis, nego: sed actus intrinsecè mali nullam habent capacitatem honestatis ex ratione specifica, concedo; sicut probat argumentum; ex ratione communi & generica, nego min. & consequentiam.

Verum, ut observant Salmanticenses, hæc solutio nondum omnem exhaerit difficultatem. Nam in primis ad privationem non sufficit mera capacitas non repugnantiz secundum gradum communem; alias equus haberet privationem rationalitatis, siquidem ex parte gradus communis & generici, ut est animal, non repugnat esse rationale. Neque secundò dici potest, formam oppositam deberi secundum gradum communem: quia prædicatum, quod generi debetur secundum

eundem gradum communem, non potest destrui per differentiam specificam superadditam: hæc quippe est sui generis perfectiva, non destructiva, & quæ de genere dicuntur, pariter dicuntur de qualibet specie contenta sub illo: siquidem genus est radix suarum proprietatum, & in suis speciebus actu includitur: quocirca esse sentitivum, quod convenit animali ut sit, prædicatur de ipso in omnibus speciebus contentis sub illo. Igitur, si rectitudo esset debita actui peccaminoso secundum gradum communem actus humani, etiam foret debita in specie peccati intrinsecè mali: consequens est absurdum: ergo & antecedens.

6. Exemplum de talpa allatum non videtur esse ad rem, primò quia visus ipsi non tam secundum specificam, quam individualement differentiam, ac materialem indispotionem repugnat: imò talpa [inquit S. D. l. 3. de anima lect. 1.] videtur habere oculos sub pelle: sed propter hoc, quòd conversatur sub terrâ, non fuit ei necessarius visus: & si haberet oculos discooperitos, ejus oculos offenderet. Secundò, quia nec animali secundum gradum communem debetur visus, cum animalium alia sint perfecta, alia imperfecta: quorum ista non requirit virtutem sentiendi per omnes sensus externos.

7. Igitur ad replicæ secundam partem Resp. formam oppositam, nempe rectitudinem deberi secundum gradum communem debito non physico & naturali, sed legali morali, quo modo pariter distinguo probationem: Prædicatum debiti debito naturali secundum gradum communem, non potest destrui per differentiam specificam, concedo; debito legali, vel morali, nego. Ratio differentie inter debitum physicum seu naturale, & inter debitum legale, seu morale hæc est: Physicum est, quod fundat qualibet natura secundum sua principia physica respectu eorum, quæ ab ipsa dimanant, uti sunt proprietates ipsi-

us: debitum legale vel morale est, quod ab extrinseco, nimirum à lege extrinsecus mensurante provenit. Illi opponitur privatio physica, huic moralis. Quod debetur gradui communi debito physico per modum naturalis proprietatis, non destruitur per differentiam specificam ob rationes adductas; potest verò destrui, quod debetur debito morali: quia potest lex præcipere, ut ex propositione quòd voluntas procedat ad actum deliberatum circa determinatam materiam, procedat secundum ordinem rationis & in finem honestum, seu consonum rationi, ex quo actui secundum illud prædicatum commune actus humani debetur rectitudo & ordo rationis debito non physico & naturali, sed morali: quo non obstante potest voluntas ab isto ordine deficere, & actum inordinatum elicere, cui potentiâ consequenti repugnet rectitudo & ordo rationis, qui potentiâ antecedente, & juxta gradum communem actus humani fuerat debitus.

Instabis. Lex non est nisi de possibilibus: sed 8. est impossibile, ut mendacium v. g. sit honestum, ergo per nullam legem huic actui deberi potest rectitudo honestatis.

Respond. Est impossibile potentiâ consequente, ut mendacium quò tale ut peccaminosum sit honestum, concedo; est impossibile potentiâ antecedente ut mendacium, quatenus actus humanus habeat honestatem, nego antec. & consequentiam.

Colliges: Plures alias privationes cum peccato 9. conjungi, vel actu, vel potentiâ. Nam primò in intellectu pratico reperitur privatio debiti directionis, quæ causa est, quòd voluntas defectuose operetur. Secundò, si actus oppositus sit sub præcepto, tunc in voluntate per peccatum causatur privatio actus oppositi. Tertiò, per peccatum mortale causatur privatio gratiæ sanctificantis, quæ etiam dicitur macula peccati seu peccatum habituale, de quo infra ex instituto.

## ARTICULUS II.

*An ex autoritate sit probabilius, formalem & essentialem malitiam peccati constitui per prædictam privationem?*

### SUMMARI A.

1. Exponitur Sententia negans.
2. Ejus fundamentum ex S. Script. & Patribus.
3. Fundamentum ex D. Thoma.
4. Contraria sententia statuens formalem malitiam in privatione asseritur.
5. Probatur Autoritate S. Script. & SS. PP.
6. Probatur multiplici testimonio Angelici D.
7. Prima evasio de sensu metaphorico
8. Refellitur.
9. Secunda evasio de sensu naturæ substantiali
10. Impugnatur.
11. Tertia evasio de aversione & defectu contrario
12. Evertitur.
13. Quarta evasio de sensu causali
14. Depellitur.
15. Quinta evasio de malo respectivo
16. Enervatur.
17. Sexta evasio de privatione in se

18. Præcluditur.
19. Exponuntur objecta S. Script. & SS. PP. testimonio.
20. Malitia moralis dividens moralitatem in genere, sumenda concretè.
21. S. D. admittens formam positivam in peccato, loquitur de illo concretè & specificativè sumpto.
22. Ordo positivus quomodo pertineat ad formalem peccati.
23. Respondetur ad ultimum testimonium ex S. D.

### §. I.

*Autoritates Sententiæ negantis.*

IN hac quæstione ipsi etiam Thomistæ inter se dividuntur. Tamen enim nullus inficiatur, aliquam privationem debiti rectitudinis & mensura-

mensurationis ad rectam rationem reperi in peccato, multi tamen insignes DD. tam ex auctoritate quam ratione probant, illam privationem ad constitutionem formalis malitiae insufficientem esse, quippe quæ per positivam tendentiam in objectum lege prohibuit jam constituta præintelligitur & præsupponitur privationi debitz rectitudinis, eamque causat. Ita Jo. à S. Th. Gonet, Godoyus, aliiq., quos citant & sequuntur Salmanticenses Tract. 13. de pecc. disp. 6. dub. 4.

1. Probant primò auctoritate S. Script. & SS. PP. Nam S. Scriptura peccatum tam in communi quam in particulari sæpe explicat nominibus positivis *transgressionis*, *pravicationis*, *abominationis*, *fornicationis* & *conversionis* &c. Jer. 8. *Apprehenderunt mendaciam, & noluerunt reverti, omnes conversi sunt ad cursum suum* &c. Ezech. 8. *Conversi sunt ad irritandum me.* Job. 15. n. 15. *Tendit adversus DEUM manum suam*, &c. n. 16. *Cucurrit adversus eum crecto collo.* Item Jer. 2. *factis clarè significatur præter malitiam privativam in peccato dari etiam positivam: Me, inquit, dereliquerunt fontem aquæ vivæ [quod est averti à DFO] & foderunt sibi cisternas dissipatas, quæ continere non valent aquam, ubi significatur conversio positiva in bonum commutabile.*

Similis est modus loquendi SS. PP. S. Basil. 2. *Hexam quid igitur est dicendum? Nempe malum non essentiam viventem, animâq. præditam esse, sed affectionem animæ virtutis contrariam.* Ambrosii, L. de parad. peccatum vocat divina legis pravicationem, & inobedientiam celestium mandatorum. & maxime D. August. in definitione peccati jam præmissa: *Disium, factum, vel concupitum contra legem DEI.* D. Naz. Oras 40. *malum morale vocat affectionem animæ virtutis contrariam.*

3. Doctor vero Angelicus multis in partibus suæ doctrinæ videtur affirmare positivum peccati malitiam. Ipsius testimonia sunt triplicis generis. Primi generis sunt, quibus docet, malum morale esse quid bonum & positivum. Ita q. 1. de malo a. 1. ad 12. *Malum, inquit, positive aliquid dicit, secundum quod alius voluntatis denominatur malum a voluntate q. 2. a. 11. ad 13. peccatum, inquit, non est privatio pura, sicut tenebra, sed est aliquid positivum.* & .p. q. 48. a. 1. ad 2. *Malum, quod est differentia constitutiva in moralibus, est quoddam bonum adiunctum privationi alterius boni.* Hæc S. D.

Secundi generis testimonia sunt, in quibus docet inter peccatum seu malum, & inter bonum morale dari oppositionem contrariam, quæ utique est positiva. Nam 2. 2. q. 6. a. 2. docet: *Deformitas [peccati] non solum importat privationem debite forme, sed contrariam dispositionem.* Et q. 1. de malo. a. 1. ad 4. *alium voluntatis, in quantum fertur in malum, recipit rationem mali, & hoc malum contrariatur proprie bono; & hæc contrarietas ex altibus in habitu transit in quantum alium & habitum simulantur.*

Terti generis sunt, quibus docet peccatum specificari per aliquod positivum: ita hic q. 72. a. 9, dicit, peccatum non sortiri speciem ex parte privationis, vel aversionis, sed ex conversione, h. e.

ordine transcendentali actus ad objectum: sed idem est constitutivum, quod specificativum: ergo constitutivum peccati est positivum. Addit quartò Godoyus tr. 3. disp. 2. f. 6. locum D. Th. ex 2. ad Annib. d. 34. q. un. a. 1. ad 1. ubi docet: *Ad 1. dicendum, quod cum aliquis puniatur pro malo quod facit, non puniatur pro nihilo, sed pro hoc quod facit in sua actione nihilum, id est inordinationis defectum.* Ex quibus infertur: ergo aliquis puniatur pro actu in quantum causante inordinationem: ergo actus seu tendentia in objectum quatenus causans privationem pro aliquo priori est mala moraliter.

## §. II.

### Statuitur Sententia opposita.

**CONCLUSIO PRIMA.** *Ex auctoritate pro-Abilium est formale malitiam peccati constitui per aliquod privativum, quod sit privatio debite rectitudinis.* Ita Capreolus, Fecrar. Sylv. Philipp. à SS. Trin. Illustriss. Reding. Reverendissimus Maurus Oberascher disp. de act. hum. c. 3. §. 2. Contensonus to. 3. dist. 5. c. 2. spec. 2. affirmans esse perpetuum & constantem D. Thomæ doctrinam, & plures extra scholam D. Th. Hanc ipsam sententiam tenet Scotus subtilis in 2. dist. 37. dicens: *quod peccatum sit formaliter privatio boni, & D. Bonav. in eod. dist. 34. q. ult. ubi dicit. Contingit loqui de malo, siue peccato abstracte [hoc est, formaliter secundum rationem mali] & hoc modo malum siue peccatum in recto, siue predicatione formali non est aliud, sed nihil; quia non est ens, nec bonum, sed privatio boni.*

Probat primò auctoritate S. Script. & SS. PP. Nam in S. Textu peccatum perpetuò significatur nominibus privationem experimentibus. Ita Amos 6. vocatur nihilum. Il. 42. cæcitas. Joan. 3. tenebra. Plal. 77. Jer. 2. & 14. *aversio.* Plal. 4. *vanitas & mendacium.* &c. E SS. verò Patribus, D. Dionysius c. 4. de divin. nomin. *Ex, quæ sunt, omnia quatenus sunt, & bona sunt, & à bono: quatenus autem privata sunt bono, nec bona sunt, nec constant.* Non igitur in Demonibus, aut in nobis malum ierit, quæ si sit aliquid malum, sed quod perfectione bonorum propriorum & accommodationum sit privatio. Concludit: *Relinquitur ergo, malum imbecillitatem atque privationem boni esse.* D. Gregor. Nazianz. Orat. 40. *Crede, inquit, nullam mali essentiam esse.* Fulgent. 1. de fide ad Petrum. c. 11. *Malum nihil aliud est, nisi boni privatio.* Damasc. 1. 2. c. 24. *Neque aliud quicquam est malum, quam boni privatio, hæc secum nimirum, ac tenebra nihil aliud sunt, quam luminis orbitas.* D. August. 11. de civit. c. 9. *Mali nulla natura est: sed amissio boni mali nomen accepit.* D. Anselmus noster, l. de concept. Virg. c. 5. *Sicut iniustitia non est aliud, quam absentia debite iustitiæ, ita malum non est aliud, quam absentia debiti boni.* Nulla autem essentia, quamvis mala dicatur, est nihil, nec malum esse est illi esse aliquid. Nulli enim essentia est aliud, malum essentiam esse, quam deesse illi bonum, quod debet habere, &c. Plura ejusmodi testimonia vide apud Sylv. Petavium, aliosque.

Nunc D. Thomæ quoque quam etiam receptissimam fuisse in Schola D. Thomæ, & Ecclesiæ DEI

DEI sententiam, loculento testimonio confirmat id, quod refert Pallavicinus in hist. Concil. Trid. l. 7. c. 8. n. 3. cum disceptaretur de essentia peccati originalis, plerique probant, id quod F. Balbasar Eredia ex Ordine Predicatorum Episcopus ex S. Thoma etiam depromebat: nimirum, quod licet omne peccatum universaliter loquendo, principaliter consistat & velut formaliter in privatione NB debita rectitudinis oppositae, secundum quam partem non est effectus, sed defectus, nihilominus subiectum talis privationis [sicut omnium aliarum privationum] est res verè subsistens. Pari modo igitur essentia peccati originalis. &c. Ubi videtur, hunc præclarum Thomistam ex suo S. Doctore pro explananda privativa essentia peccati originalis, fundamentum posuisse, quod quodlibet peccatum secundum suum formale, quo defectum nominat, in privatione consistit: idque probantibus plerisque Concilii PP.

## §. III.

*Refelluntur effugia Adversariorum.*

7. Respondent igitur primò ad auctoritatem S. Script. peccatum appellari nihilum in sensu metaphorico & morali, id quod sit nullius valoris & exilimationis apud DEUM, quo sensu in S. Script. etiam peccatores quandoque dicuntur ad nihilum redigi.

8. Sed contrà est primò, quòd S. Script. & PP. etiam peccatum comparant *cacitati* & *tenebris*, quæ voces non tantum morale, aut metaphoricam, sed veram privationem significant, atque secundum communem Theologorum regulam verba S. Script. sunt in sensu literaliter accipienda, quandoque nullum sequitur inconveniens.

Contra est secundò, quòd SS. PP. dicant, peccati nullam esse essentiam, vel naturam: sed nullitas essentia & naturæ non est mera nullitas moralis & metaphorica, sed est vera formalis carentia & privatio: ergo.

9. Respondent alii secundò. Cum SS. PP. dicant, mali seu peccati nullam esse naturam vel essentiam, ipsos loqui contra Manichæos & velle significare, quòd malum non sit aliqua natura per se subsistens; non autem negare, quòd sit aliqua entitas & habitudo positiva.

10. Sed contrà est primò. Qui vellet negare, quòd accidens sit natura per se subsistens, ineptè diceret, accidentis nullam esse naturam, vel essentiam: ergo etiam SS. PP. si tantum vellent negare, quòd malum sit natura substantialis, ineptè dicerent, mali seu peccati nullam esse naturam, vel essentiam.

Contra est secundò. SS. PP. insuper dicunt, malum & peccatum esse meram boni absentiam, amissionem, privationem, ideoque comparant cum tenebris & cæcitate. Sed ex eo quòd aliquod ens non sit substantia, nequaquam sequitur esse meram boni absentiam & amissionem, nihil esse aliud quàm boni privationem: particulæ enim universaliter negantes sunt malignantis naturæ, ut vocant Dialectici, & negant omnem essentiam ac bonitatem.

Contra est tertio, quòd plures è SS. PP. allegatis, ut Greg. Damasc. Anf. nullum habent negotium cum Manichæis.

Contrà est quartò. Natura tam accidentaliter, quàm substantialiter est à DEO formale peccati non est à DEO: ergo tam patum est natura accidentaliter, quàm substantialiter.

Respondent alii tertio. Defectum & aversionem aliquando accipi contrariè, aliquando privativè. Contraria aversio consistit in positiva tendentia contra DEUM, quæ in peccatis oppositis virtutibus Theologicis reperitur formaliter, in aliis verò virtualiter & interpretativè. Cum igitur S. Script. & PP. docent, peccatum esse defectum & aversionem à DEO, intelligendum hoc esse de defectu & aversione contrariè, non privativè.

Sed contrà est primò: quòd hæc explicatio sit 12. contra institutionem & usum utriusque termini, nempe defectus, & aversionis. Defectus quippe ex ipsa notione vocis significat absentiam alicujus debite perfectionis, aversio quoque formaliter non significat tendentiam in aliquid sed potius recessum & fugam ab aliquo; unde & frequenter in S. Script. dicitur *recessus*, *derelictio*, *abalienatio*, *aberratio* Jer. 2. Deut. 32. & pl. 77. exponitur per *non servationem pæli*, *avertentur se*, & *non servaverunt pælium*. Quòd verò Salmanticenses dicunt, aversionem non tam ab avertendo, quàm aversando accipiendam, quod nominat quid positivum, gratis dicitur, neque ad Grammaticam crisin subsistit. Imò hinc sequitur, quòd omne peccatum formaliter consistet in positivo actu fuge, & non in conversione, quod est contra ipsos Salmanticenses.

Contra est secundò, quòd illa positiva & contraria aversio non sit ad mentem S. D. nam S. D. peccati aversionem ab incommutabili bono contraponit conversioni ad bonum commutabile, tanquam formale contra materiale: atqui aversio contraria Adversariorum nihil est aliud quàm conversio ad commutabile bonum, nam secundum ipsorum explicationem consistit in positiva tendentia in objectum divinæ legi contrarium: quæ illa aversio contraria juxta mentem S. D. non est formale sed materiale peccati. Maj. liquet tum è testimoniis præallegatis, tum ex 3. p. q. 86. a. 4. ad 1. ubi dicitur: *Culpa mortalis utrumque habet, aversionem à DEO, & conversionem ad bonum creatum: sed aversio à DEO est sicut formale, conversio autem ad bonum creatum, est sicut materiale.*

Contra est tertio. Illa contrarietas constituit formalem rationem peccati, quæ significatur in Augustiniana definitione, *distium*, *fallium*, vel *concupitum contra legem DEI*: sed hæc non est quid positivum; nam S. D. hic a. 6. in c. docet: quòd per ly *contra legem* significetur carentia debite commensurationis, quæ se habet ut formale.

## §. IV.

*Confutantur alia tres evasiones Adversariorum.*

Respondent quartò maxime ad clarissimas auctoritates è S. D. cæcitate, tenebras, privationem rectitudinis, bonitatis, commensurationis dici de peccato in sensu causali, non autem formali: quòd nempe peccatum sit radicaliter privatio, in quantum ipsa tendentia in objectum distonum



dissonum rationi sit radix, ad quam in posteriori  
naturæ consequatur & resulet privatio debitz  
commensurationis cum regulis rationis. Nihilom-  
minus ipsum formale peccati jam haberi in priori  
instanti antecedente resultantiam hujus priva-  
tionis, in quo nimirum actus concipitur tendere  
in obiectum disforme recte rationi.

14. Sed contrā est primò, quòd ad explicandam  
alicujus reſſentiam & naturam fallaciter & æqui-  
vocè adhibetur ſenſus cauſalis: niſi fortè per ſo-  
los effectus deveniri poſſit in naturæ cogniti-  
onem. At ſs. PP. & Angelici Doctōris propoſi-  
tum fuit explicare formaliffimam naturam & eſ-  
ſentiam peccati: non ergo in ſenſu cauſali, ſed  
formali prædicatum privativum attribuire pec-  
cato.

Contrā eſt ſecundò. Qui affirmat aliquid  
prædicatum in ſenſu cauſali, non ideo cum veri-  
tate poſſe de ſubjecto negare omne aliud prædi-  
catum formale: e. g. qui in ſenſu cauſali diceret  
humanæ naturæ differentiam eſſe riſibilitatem  
[ ſubintelligendo radicaliter ] non ideo poſſet  
cum veritate dicere, humanæ naturæ differentiam  
prorſus nihil aliud eſſe, quàm riſibilitatem, hoc  
ipſo enim riſibilitas prædicaretur de differentia  
humanæ naturæ etiam formaliter: atqui ſs. PP.  
removent à peccato omne aliud prædicatum po-  
ſitivum, cum dicunt, nullam eſſe mali eſſen-  
tiam, malum nihil aliud eſſe, quàm boni priva-  
tionem &c: ergo non in ſenſu cauſali, ſed forma-  
li loquuntur: aliàs quippe nullum relinquerent  
prædicatum formale conſtitutum peccati.

Contrā eſt tertio. Quòd termini reduplican-  
tes, ac præcipuè Tò formaliter faciunt ſenſum  
formalem, non cauſalem: atqui S. D. cum de  
peccato affirmat privationem, utitur terminis re-  
duplicativis, atque ipſo Tò formaliter: ergo.  
Minor conſtat ex præallegatis textibus: dicitur  
enim, in quantum aliquid aliquid deſicit deſcitur  
deſcitur eſſendi, in tantum dici malum: ex hoc actum  
humanum eſſe malum, quòd caret debita com-  
menſuratione: omne peccatum formaliter con-  
ſiſtere in averſione: privationem boni ſe habere  
formaliter, & converſionem ad bonum commu-  
tabile ſe habere materialiter in peccato: pecca-  
tum in quantum habet rationem peccati ex pri-  
vatione reſtitutionis, dici per privationem debi-  
tæ formæ.

Contrā eſt quartò, quòd hanc explicationem  
expreſſe rejicit S. D. q. 2. de malo, a. 9. ad 2. pec-  
catum, inquit, eſt mors animæ effectivè, eſſentialiter  
verò eſt actus deformis & inordinatus. Ergo juxta  
doctrinam S. D. inordinatio, h. e. privatio debiti  
ordinis eſſentialiter & formaliter in quid prædi-  
catur de peccato: id autem, quòd effectivè, ſeu  
cauſaliter de ipſo dicitur, eſt mors animæ, h. eſt,  
privatio gratiæ & charitatis, ſeu macula, quæ re-  
manet poſt peccatum.

Contrā eſt quinto, quòd in 2. Sent. diſt. 34.  
a. 2. ad 4. dicit: Sicut albedo formaliter facit al-  
bum, ita etiam formaliter privatio & corruptio  
corruptis: malum verò per ſe ſumptum eſt ipſa  
privatio: unde non ſequitur quòd ſit ens poſitive  
diſtinctum. Quæ ſanc verba & comparatio cum al-  
bedine omnem præcludunt exitum eſſugio Ad-  
verſariorum.

Celebris eſt evaſio Adverſariorum, quā diſtin-  
guunt malum in abſolutum & reſpectivum. Il-  
lud, ajunt, nihil prorſus bonitatis includere;  
iſtud verò includere aliquam bonitatem, & ita  
eſſe malum reſpectu alicujus naturæ, ut tamen  
poſſit eſſe bonum reſpectu alterius, veluti calor  
quavis ſit malus reſpectu aquæ, in quantum eſt  
frigoris deſtructorius, aliā tamen ratione eſt bo-  
nus. Hoc poſito dicunt, in peccato reperiri ra-  
tionem utriusque mali, & quidem per ſe primò  
rationem mali abſoluti. Malum reſpectivum  
eſt, in quantum eſt habitudo & tendentia in ob-  
jectum diſſonum rationi, & hoc eſt ipſi prima-  
rium ac eſſentialē: Malum abſolutum eſt, in  
quantum in ſe habet carentiam & privationem  
debitæ commensurationis, quæ tamen cum præ-  
ſupponat actum jam conſtitutum in genere &  
ſpecie mali moraliſ, non eſt ipſum formale con-  
ſtitutum peccati, ſed accidentale complemen-  
tum illius. Cum ergo S. D. dicit, peccatum eſſe  
malum, in quantum eſt privatum debita rectitu-  
dine, ipſum [ ſicut & ſs. PP. ] intelligendum eſ-  
ſe de peccato ſub ratione mali abſoluti, & ſimpli-  
citer, non autem ſub ratione mali reſpectivi, &  
hanc malitiam bene poſſe dici formalem, non  
quidem eo ſenſu, quaſi peccatum in ratione pec-  
cati formaliter & primario conſtituitur; ſed quia  
peccatum in ſua eſſentia jam conſtituto ſuperve-  
niens, idque formaliter denominans, illud forma-  
liter ſecundario & conſecutivè conſtituit in  
ratione mali ſimpliciter.

Contra hanc evaſionem eſt primò. Quòd,  
juxta uſitatum acceptionem illa propriè ſunt ma-  
la reſpectiva, quæ in ſe quidem ſunt formaliter  
bona, & à DEO cauſata, ſunt tamen & dican-  
tur mala ſolùm reſpectu alterius ſubjecti, cui cau-  
ſant aliquem deſectum & privationem ſuæ per-  
fectionis, quemadmodum calor in ſe bonus, re-  
ſpectu aquæ dicitur malus, in quantum in ipſa  
deſtruit connaturalē perfectionem frigoris.  
Et malum pœnæ dicitur reſpectivè malum, in  
quantum in eo qui puniunt tollit aliquod bonum  
ideoque propriè conſeſcit à DEO, juxta illud  
Amos 3. Si eris malum in civitate, quod non ſe-  
cit Dominus. Sicque idem eſt eſſe reſpectivè, ac  
cauſaliter malum. Atqui peccatum non tan-  
tummodo eſt malum cauſaliter, quia tollit à ſub-  
jecto perfectionem debitam, nempe gratiam &  
charitatem, ſed intrinſecè in ſeipſo formaliter, &  
quidem formaliter in ſeipſo eſt à DEO odibile,  
& ineffabile: ergo non eſt malum reſpectivum,  
ſed abſolutum.

Contrā eſt ſecundò. Ratio mali ut ſic in ge-  
nere eſt formaliter privativa: ergo etiam forma-  
lis ratio peccati. Antecedens eſt recepiſſimum  
apud Philoſophos, ſs. PP. & D. Th. Conſe-  
quentia probatur: Ratio generis analogi nuſ-  
quam magis reperitur quàm in principali analo-  
gato: ſed peccatum ſub genere mali eſt principa-  
le analogatum, ſive appelletur abſolutum, ſive re-  
ſpectivum: ipſum quippe eſt peſſimum pellis-  
ſimum, quòd à DEO nullo modo cauſari, nec in  
ſe cognosci, nec in ipſum referri poſſe: ergo  
etiam ratio peccati debet eſſe privativa.

Contrā eſt tertio. Peccatum vel ideo vocat  
malum reſpectivum, quia eſt aliquis ordo & ha-  
bitudo

bitudo ad objectum, vel quia illi ordini superadditur aliquis defectus. Non primum; quia totus ordo ad objectum est ens positivum, de genere predicamenti, à DEO effectibile: non secundum; quia defectuositas, quodcumque subiectum informet, & intrinsecè denominet, sive illud sit absolutum, sive respectivum [quod est ipsi planè per accidens] illud absolute malum, & defectuosum denominat: e.g. defectus claudicationis, qui est in motu tanquam ente respectivo, què motum ribiz in seipso absolute defectuosum denominat, quàm gibbositatis defectus tergum, quod est ens absolutum, absolute defectuosum denominat. Cum ergo peccatum sit malum ratione defectuositatis sibi intrinsecè, etiam dicendum est absolute malum.

17. Contrà est quartò. Dato non concessio, quòd peccatum rectè dicatur malum respectivum propter inclusam habitudinem ad objectum; tamen malum absolutum etiam per Adversarios formaliter consistit in privatione boni, quia non tantum causat, sed est in seipso formaliter malum, & exclusivum boni: sed non minus peccatum est in seipso formaliter malum, priusquam causet aliquid malum: neque enim, ut dictum, proprietates & characteres mali alibi magis, quàm in peccato reperiuntur: ergo.

Sexta denique responsio, parum differens à priori est, quà distinguunt privationem, & dicunt aliam esse privationem in fieri, aliam in facto esse. Privatio in fieri in recto est aliquid positivum, causat tamen privationem in facto esse, quæ in recto non est aliquid positivum, quo modo dicunt morbum lethalem esse privationem in fieri, mortem subsecutam esse privationem in facto esse. Cum ergo S. D. dicit, peccatum formaliter constituitur per privationem, ajunt ipsum loqui de privatione in fieri, quæ nimirum est positiva tendentia in objectum prohibitum, ex qua causatur privatio tum rectitudinis debet, tum ipsa mors animæ, quæ sunt privationes in facto esse.

Sed contrà est primò, quòd hæc responsio non nisi in modo loquendi differt à præcedentibus: nam juxta hanc explicationem tantum esset privatio causalis, quatenus nempe causaret privationem, & esset malum respectivum, quod in recto diceret positivam essentiam, quæ omnia primùm sunt refutata.

18. Contrà est secundò, quòd juxta mentem S. D. q. 2. de malo a. 9. in c. etiam privatio in fieri non dicit in recto aliquid positivum, sed negativum, & hoc solo distinguitur à privatione in facto esse, quòd ista [quam vocat ibidem puram privationem] tollit totum bonum oppositum, ut mors; illa verò [quam vocat privationem non puram, quæ concipitur per modum tendentiz ad puram privationem] relinquit aliquid de bono opposito, & conjungitur cum aliquo positivo. Ideoque respondens ad objectionem Stoicorum, dicentium omnia peccata esse æqualia, eò quòd privationes non recipiant magis, & minus, dicit hoc axioma Philosophorum esse intelligendum de puris privationibus quæ privant totò bono opposito, non de privationibus non puris, quæ conjunguntur cum aliquo actu, & relinquant aliquid de bono opposito; peccatum autem pertinere ad

genus privationis non puræ. Sicut ergo, inquit, non omnis deformitas corporis est æqualis, sed quædam est alià major, secundum quod privantur plura ad decorem pertinentia, vel aliquid principalius; ita non omnis deformitas, vel inordinatio animæ est æqualis, sed quædam est alià major. Ita S. D.

Ex his, sicut etiam ex solutione testimoniorum quæ pro opposita sententia adducuntur, liquet, sententiam stantem pro privativo peccati majori autoritatis pondere esse subnixam.

### §. V.

#### Exponuntur opposita testimonia.

AD testimonia partim è S. Script. partim è 19. SS. PP. in contrarium adducta prompta est responsio, illa omnia loqui de materiali peccati, quod formaliter malitiz subternitur: certum quippe est, in omni peccato commissionis reperiri aliquem voluntatis actum, qui sit conversio in bonum commutabile, qui tamen ipse carentiz debet rectitudinis & ordinis ad incommutabile bonum subternitur. At verò testimonia à nobis adducta cum non possint exponi de materiali peccati [quis enim somniat, extra peccatum commissionis materiale peccati esse quid privativum?] accipienda sunt de formali.

Pro expositione testimoniorum, quæ adducuntur è S. D. recolendum est, quod initio hujus disputationis dixi, peccatum commissionis, & malum morale non dicere solam malitiam abstractè, sed esse quoddam concretum accidentale ex actu tanquam materiali, & malitià tanquam formali. Unde sicut album significat subiectum habens albedinem, ita peccatum significat actum seu tendentiam in objectum habentem deformitatem malitiz. Et quando moralitas dividitur in bonitatem & malitiam tanquam species subalternas, malitia non abstractè & solitariè, sed quatenus recepta in actu & tendentia voluntatis accipitur. Unde.

Respondeo, tria prima testimonia è S. D. op. 21. posita loqui de malo concretè, non abstractè; specificativè, non reduplicativè, seu sub ratione mali accepto: quo sensu verum est, malum & peccatum esse quid positivum ex parte substrati, & materialis: item esse quid bonum, & habere contrariam oppositionem cum actu bono & honesto, & ut sic accipere speciem ex parte positivæ conversionis. Ita loquitur ipse S. D. hic q. 75. a. 1. ad 1. *Peccatum non solum significat ipsam privationem boni, quæ est inordinatio, sed significat actum sub tali privatione, quæ habet rationem mali.* Et q. un. de virt. in com. a. 2. ad 5. *Malum non constituit speciem ratione privationis, sed ratione ejus, quod privationi subternitur.*

Ad subsumptum Resp. Idem est formale constitutivum peccati quod est specificativum in ipsum in esse mali moralis & peccati ut sic, nego; in esse talis mali, & in tali determinata specie constituti, concedo. Cuius responsionis fundamentum est in S. D. in 2. dist. 34. a. 2. ad 3. ubi docet: *Malum per se, vel abstractè sumptum non est differentia specifica, sed malum per accidens, vel concretè sumptum.* Et rursus: *Malum aliis specificatur ex ordine ad finem indebitum, cui admissetur privatio finis debiti, ex quo ratio mali incidit*

*Ec.* Similiter D. Bonaventura in a. d. 42. a. 3. q. 1. *Est aversio de conversione, quod sit peccatum, conversio tamen dat aversioni, quod sit tale peccatum.*

21. Dices: Ex quo peccata formaliter distinguuntur, ex eo etiam formaliter constituuntur, idem quippe est formaliter constitutum, quod formaliter distinctum: atqui peccata per positivum transcendentalem ordinem ad obiectum à se invicem formaliter distinguuntur: ergo etiam per eundem ordinem formaliter constituuntur.

Respond. ut prius dist. maj eo formaliter constituuntur in esse talis determinati peccati concedo; in esse peccati ut sic, nego.

Instabis. Id, quo peccatum formaliter constituitur in esse talis peccati, non pertinet ad materiale, sed ad formale peccati: sed hoc ex concessis est ordo positivus ad obiectum: ergo adhuc formale peccati est ordo positivus ad obiectum. Respond. dist. maj. pertinet ad formale peccati concretè & specificativè sumpti, concedo; ad

formale peccati abstractè & reduplicativè sumpti quantum ad rationem peccati, nego: nam ille ordo & tendentia comparativè ad ipsam malitiam, adhuc se habet tanquam aliquod substratum ipsius.

Ad 4. testimonium nego utramque consequentiam. Non enim S. D. dicit, aliquem propterea puniri, quia per suam actionem, aut illà median- te, sed quia in suà actione causat nihilum, quod nihil aliud est dicere, quàm peccatorem ideo puniri, quia per suam voluntatem defectuoso ratio- nis iudicio regulatam ponit actionem defectuo- sam, ita ut ille defectus [quem S. D. appellat ni- hilum, quia est privativus] à cum ipsa actione procedat à voluntate defectuosa, adeò ut sicuti voluntati tanquam effectivo principio respondet illud omne quod est in actu physicam, sic ipsi tan- quam principio defectivo & privativo respon- deat illud omne, quod est in actu deforme & de- fectuosum.

## ARTICULUS III.

*An formalem malitiam peccati consistere in privatione debitæ recti- tudinis sit probabilius ex ratione?*

### SUMMARIUM.

1. Prima ratio pro privatione peccati petita ex in- trinseca natura defectus.
2. Depellitur responsio Adversariorum.
3. Confirmatur paritate peccati habitualis.
4. Ratione principii privativè defectivi.
5. Ab absurdo.
6. Fundamentum Theologicum ex incausabilitate a Domino DEO.
7. Impugnatur principalis distinctio Adversar. de sensu implicito & explicito.
8. Tanquam difformis doctrina Concil. & PP.
9. Non potest esse tantum distinctio quoad conce- ptum explicitum.
10. Hac distinctio non subtrahit divinam causalitatem formalem deformitatem peccati.
11. Altera responsio adversariorum.
12. Impugnatur.
13. Positiva tendentia in obiectum prohibitum non fundat privationem peccati.
14. Quomodo illa privatio ponatur per accidens?
15. Perfectiones vitalitatis, libertatis &c. etiam qua tales sunt a DEO.
16. Impugnatur silitia præcisio Divina causalitatis ad extra.
17. Paradoxa paritas a Mysterio SS. Trinitatis.
18. Retorquetur.
19. Directè solvitur.

### §. I.

*Ponitur primum fundamentum pro priva- tivo peccati.*

1. Fundamentum primum in prædictis insinua- tum, est: Omnis defectus formaliter consti- tuitur per abentiam & privationem perfectionis debitæ, sed peccatum & malum morale est qui- dam defectus moralis: ergo formaliter constitui- tur per privationem moralis perfectionis sibi de-

bitæ. Major, quæ probari potest inductione omnium defectuum tam naturalium, quàm arti- ficialium, etiam hæc ratione probatur: Vel enti- tas positiva habet omnia sibi in suo genere debita, vel non habet; si habet, eo ipso concipitur ut per- fectum; quia perfectum est, cui nihil sibi in suo genere debitum deest; si non habet, per hoc ipsum per se primò concipitur defectuosum, quod ali- quid perfectionis sibi debita deest, & hoc utique est privatio: atqui perfectio actui humano in ge- nere moris debita est relictio moralis: ergo ac- tus peccati per hoc formaliter constituitur de- fectuosus, quod ipsi deest perfectio, adeoque quod sit privatus moralis rectitudine.

Dices iterum: In signo antecedente privatio- nem actum peccati concipi defectuosum contra- riè, non privativè: sed præter impugnationes hujus distinctionis superius adductas contrà est, quod intrinsecè in seipso est malum & intrinsecè in seipso caret perfectione sibi debita, non tan- tum contrariè aut causaliter, sed formaliter & privativè est defectuosum: sic enim malum tam naturale, quàm artificiale & intrinsecè tale con- stituitur per defectum privativum perfectionis sibi debitæ: aut enim habet omnia sibi debita, & est perfectum, aut non habet, & quâ ratione non habet, habet privationem alicujus debitæ per- fectionis: atqui peccatum pro omni signo quo concipitur formaliter in ratione peccati, est in seipso intrinsecè formaliter malum, & intrinsecè in seipso irreductum carens perfectione moralis sibi debita, Deo odibile, indecibile, improducibile à DEO, irreferibile in DEUM: ergo etiam est pri- vativè defectuosum.

Confirmatur primò. Peccatum habituale, quia est macula & deformitas habitualis, forma- liter consistit in privatione honestatis & rectitu- dinis

dinis habitualis; ergo quia peccatum actuale est quædam deformitas actualis, constituit formaliter in privatione debitæ rectitudinis actualis.

4. Confirmatur secundò. A principio privativè defectivo quâ tali habetur etiam effectus seu terminus privativè defectivus: atqui peccatum procedit à principio formaliter & privativè defectivo, nempe à voluntate destituta debitâ regulâ practicâ rationis: ergo est defectus formaliter privativus. Major constat inductione: nam à principio respectivo quâ tali procedit effectus respectivus, ab absoluto absolutus, à positivo positivus.

5. Confirmatur terciò. Malitia peccati non potest sequi ex vi alicujus entitatis positivæ: ergo multò minùs potest formaliter consistere in positivo, & identificari cum illo. Antecedens probatur: si malitia sequeretur ex vi positivæ entitatis, tunc DEUS esset causa peccati formaliter: sed hoc dicere est impium & damnatum à Trid. sess. 6. can. 6. Sequela probatur: quia qui est causa causæ formaliter, etiam est causa causati: sed si malitia peccati sequitur ex vi entitatis positivæ, tunc DEUS est causæ causæ peccati formaliter, nempe entitatis, ex vi cujus peccatum sequitur: ergo etiam esset causa peccati formaliter; sicuri, si ex vi denegationis aut subtrahitionis gratiæ sequeretur peccatum, DEUS, qui subtrahit gratiam, esset & diceretur causa peccati.

## §. II.

### *Alterum fundamentum Theologicum.*

6. Ratio secunda principalis & Theologica est: Omnis entitas positiva præter DEUM est à DEO: peccatum formaliter non est à DEO: ergo peccatum formaliter non est entitas positiva. Maj. nemo Catholicorum DD. negat, minor constat ex Trid. sess. 6. can. 6. ergo.

Confirmatur primò, quicquid positivæ entitatis in tempore ponitur, illud est ideatum in æternâ DEI scientiâ causatrice rerum: sed est impossibile, ut formale peccati sit ideatum in scientiâ æternâ DEI, rerum omnium causatrice: ergo. Majorem suppono ex communi præsertim Thomistarum in Tract. de DEO uno. Min. verò probatur: quicquid est ideatum in DEI scientiâ rerum causatrice [ut argumentatur Illustrissimus Reding] ad illud scientia DEI habet se affirmativè & positivè, non negativè, vel aversativè; ideoque pertinet ad scientiam approbationis sitque objectum voluntatis beneplaciti: sed ista de formali peccati verificari non possunt: siquidem hæc scientia & voluntas beneplaciti est tantummodo de bonis; & formale verò peccati est essentialiter malum & objectum divinæ abominationis, nec cadit nisi sub scientiam & voluntatem permissionis, veluti loco citato dictum est: ergo.

Confirmatur secundò. Quamvis materia prima in Thomistarum sententia crearet omni proprio actu, nec sit ratione sui appetibilis, tamen quia est vera positiva entitas, verè causatur à DEO, estque participatio entitatis divinæ: ergo æquè formale peccati causatur à DEO, estque participatio entitatis divinæ, si consistat in positiva & quidem actuali entitate, eamque essentialiter includat.

Respondent Adversarii primò. Omne ens positivum est à DEO, & ideatur in scientia affirmativa seu approbativa DEI, secundum rationem enritatis & bonitatis in ipso transcendentaliter ac implicite inclusum, concedo; secundum omnem rationem etiam explicitam ipsius, nego: sed peccatum formaliter non est à DEO, secundum rationem implicitam & transcendentalem entis, nego; secundum rationem explicitam deformitatis & malitiæ, concedo, & nego consequentiam.

Sensus distinctionis est, quòd quidem deformitas malitiæ sit aliquid positivum identificatum cum entitate actûs; formalitas tamen deformitatis sit virtualiter secundum conceptum explicitum & implicitum distincta ab ipsâ entitate, quemadmodum ens, unum, verum, bonum inter se distinguuntur, & ira enritas quidem implicite inclusa in deformitate peccati sit à DEO; formalitas tamen deformitatis & malitiæ explicita non sit à DEO.

Sed contrà est primò: quòd hic modus respondendi non est conformis doctrinæ Concil. PP. & DD. antiquorum universim negantium, DEUM esse auctorem peccati quoad formale ipsius; secundum hanc autem doctrinam esset auctor etiam quoad formale, & tantum non quoad conceptum explicitum.

Contrà est secundò: Vel ponis intrinsecam distinctionem virtualem inter entitatem & deformitatem formalem peccati, vel tantum connotativam & extrinsecam. Non intrinsecam; siquidem illius fundamentum est intrinseca perfectio, & eminentia entitatis, ut fatentur Salmanticenses, quæ in peccato seu malo morali nullum habet locum. Si verò extrinsecam, tunc alia esse non potest, nisi propter connotationem diversi principii, in quantum peccatum, ut est entitas, sic connotat principium effectivum; ut est malitia, sic connotat principium defectivum. Atqui hæc connotatio probat distinctionem realem, non virtualem: ergo nulla est hæc distinctio virtualis. Subsumptum probo: A principio quâ defectivo non sequitur nisi effectus privativus, cum defectuositas ex parte principii sit etiam privativa, ut jam primò ostensum est: ergo si malitia distinguitur ab entitate peccati propter connotationem principii defectivi, distinguitur ab illo tanquam effectus privativus ab effectu positivo, adeoque tanquam non ens ab ente: sed hæc est realis non virtualis distinctio: ergo. Anteced. confirmo ab exemplis: tibia quâ curva, h. e. privata naturalis rectitudine & conformitate, causat claudicationem non quatenus motus est, sed quatenus carens debitâ rectitudine & conformitate ad exigentiam potentie progressivæ, manus ut destituta regulis scribendi causat scriptionem, non ut scriptio est, sed ut est privata debitâ rectitudine characterum, & conformitate ad regulas scribendi: ergo pariter voluntas ut destituta rectâ regulâ rationis causat peccatum non ut effectus est & positiva tendentia, sed ut est privativus defectus & carentia moralis rectitudinis.

Contrà est terciò, quòd datâ non concessâ hæc

A a a

virtuali



virtuali distinctione adhuc etiam explicita ratio peccati esset à DEO, nec proinde salvaretur, quòd DEUS non esset author peccati formalis. Antecedens probatur: Causa quæ dat esse, dat simul omnia prædicata identificata cum illo esse; sed DEUS daret esse malitiæ formali: ergo etiam daret omnia prædicata identificata cum illo esse, quorum præcipuum est reductiva ratio malitiæ & deformitatis. Maj. patet ex recepto Philosophorum axiomate: Qui dat esse, dat etiam consequentia ad esse: quòtò ergo magis dat identificata cum ipso esse? &c.

Confirmatur. Quòtò efficacior virtus est in aliquo agente, tantò efficacius penetrat omnes differentias & modos entis: si ergo causa creata, quæ est finitæ virtutis & efficacis, suà operatione productivà attingit non tantum prædicata identificata cum effectu producto, sed etiam proprietates ipsius; multò magis hoc convenit agenti divino, quòd est infinitæ efficacis.

11. Respondent secundò præcipuè ad hanc impugnationem: Causa seu agens attingit omnia prædicata identificata cum esse effectus, si illa continentur intra spheram activitatis illius agentis; concedo; si non continentur, nego. Sed deformitas peccati est prædicatum, quòd nequaquam continetur intra spheram divinæ activitatis, quippe agentis effectivi, sed tantum intra spheram liberi arbitrii, quatenus agentis defectivi: sed sic non sequitur, illud attingi à DEO. Si petas: quare illa moralis deformitas sit extra spheram activitatis divinæ? dicent: eò quòd non sit referibilis in DEUM ut finem ultimum.

12. Sed præter nullitatem distinctionis virtualis, quam hæc responsio supponit, impugnatur primò, quòd hoc modo respondetur idem per idem; idem quippe est dicere, esse extra spheram activitatis, ac non esse producibile ab aliquo, de quo ipso disputatur. Illud certè continetur intra spheram activitatis divinæ, quòd continetur intra adequatum objectum omnipotentis & prædicæ scientiæ DEI: sed si peccatum secundum suum formale est ens positivum, tunc continetur intra adequatum objectum omnipotentis divinæ; hoc enim est ens ab alio in tota sua latitudine, sed formale peccati est ens ab alio, quia utique non est ens à se; ergo pertinet ad objectum omnipotentis divinæ.

Neque irreferibiles in DEUM solvit difficultatem, nam eadem est difficultas, cur peccati malitia sit irreferibilis in DEUM, cum tamen sit entitas positiva; ac cur non sit producibilis à DEO; siquidem entitates rerum tantum supposito emanatione ex divina omnipotentia & participatione entitatis divinæ sunt referibiles in DEUM, atque in DEO rationes primæ causæ & ultimi finis sunt inter se convertibiles.

Impugnatur secundò. Illud omne ens pertinet ad spheram activitatis divinæ, & consequenter est referibile in DEUM, ad quòd extenditur causalitas causæ primæ: sed ista extenditur ad explicitam formalitatem malitiæ; si peccatum formaliter consistat in positivo; ergo. Min. probatur: Ad omnem illam formalitatem causalitas divina extenditur, in qua formalis terminus ipsius, nempe ratio entis, essentialiter reperitur: sed

iste reperitur in explicita ratione malitiæ: ergo. Major à pari, & inductione constat: nam ad explicitas rationes relationis, libertatis, Visionis, &c. causalitas divina extenditur, quia in ipsis implicita ratio entis essentialiter & formaliter inclusa reperitur.

Impugnatur tertio. Si divina causalitas non attingeret explicitam rationem malitiæ & deformitatis, vel attingeret communem rationem entis ut sic, vel illam ut contra ad ultimam differentiam specificam. Primum est absurdum; quia communis & abstracta ratio entis est minùs producibilis, quàm idea platonica. Si secundum; ergo attingitur explicita ratio malitiæ, quippe quæ mediante analogia ratio entis intimè inclusa ad determinatam speciem malitiæ deferatur.

Conf. Implicat per Divinum concursum attingi genus, quin attingatur specifica differentia: ergo implicat quoque produci analogam rationem entis, quin eodem concursu producatur ultima differentia malitiæ, cum genus analogum in ultimis differentis formaliter includatur.

Adhuc instabis: Etiam si DEUS sit causa omnis entitatis positivæ, non ideo est causa & author omnis explicitæ formalitatis in illà contentæ: ita e.g. ipse actus peccati, & formalis tendentia in objectum legi divinæ contrarium causans & fundans privationem debitæ rectitudinis, est à DEO, & tamen non est à DEO quatenus exprimit fundamentum & causalitatem hujus privationis, non enim minùs est absurdum, admittere, quòd DEUS sit causa formalis malitiæ quæ talis, quàm quòd sit causa malitiæ fundamentalis quæ talis. Secundò. Actus vitalis ratione suæ entitatis est à DEO, & tamen non est à DEO secundum prædicatum explicitæ vitalitatis, quia actus quatenus vitalis est à principio immanenter conjuncto. Idem dixeris de actu libero aut visionis quæ tali: ergo etiam in peccato formalis, tamen si illud consistat in positivo, non sequitur, quòd si DEUS sit causa positivæ entitatis, sit pariter causa omnis formalitatis explicitæ, & in illà contentæ.

Respond. neg. min. & probationis majorem: neque enim est ulla positiva formalitas in rerum natura, quæ non sit reductibilis in DEUM ut causam primam. Ad primam instantiam nego suppositum, quòd actus & tendentia fundent vel caudent privationem; hoc quippe oritur ex mala imaginatione, quasi privatio ita debeat resurgere ex positione alicujus fundamenti, sicut relatio.

Dices: Privatio rectitudinis non ponitur nisi ad positionem actus & tendentiæ in objectum; ergo illa tendentia est fundamentum ipsius. Antecedens probatur: quod tantum per accidens producitur, id producitur ad positionem alterius, tanquam in aliquo priori naturæ præsupposito, uti patet in relatione: sed privatio tantum produci potest per accidens: ergo producitur ad productionem vel positionem alterius in priori naturæ.

Respond. dist. antecedens: non ponitur nisi ad positionem actus, tanquam ex ipso in posteriori naturæ resultans; nego; tanquam in eodem signo

figno naturæ concomitans eumque veluti suum substratum materiale informans, concedo antecedens, & nego consequent. Ad probationem antecedentis nego absolutè maiorem: nam ad rationem causæ per accidens sufficit, quòd præter ipsius intentionem sequatur effectus, sive deinde ille effectus sequatur ad productionem alterius effectus, sive producat per modum remotionis prohibens. Sic v. g. ut in aëre resultent tenebræ, sufficit solem recedere, aut lumen extinguì, nullo posito effectu ex parte aeris, ipsoque aëre non se habente per modum fundamenti sed tantum subiecti recipientis. Ita pariter privatio debetæ reductiōis actum non respicit tanquam fundamentum, sed tanquam subiectum & substratum. Et unde hoc? quia principium est defectuosum, nempe voluntas est destituta recto iudicio & regulâ operandi. Unde ipsa ratio deficiens in regulando se habet tanquam removens prohibens, removens nimirum debitum distamen & regulam, quam si voluntas habuisset, etiam rectam operationem eliciuisset. Hæc verò destituta non nisi defectuosè operatur, quemadmodum defectus claudicationis in tibia reducitur in defectum virtutis motricis, quæ si haberet omnem sufficientiam, etiam motus tibie esset rectus, & consequenter illius deformitatis fundamentum & radix non est motus, sed carentia debite virtutis.

15. Ad cæteras instantias nego, actum vitalem, liberum, visionis, &c. quâ talem non esse à DEO: sunt quippe à DEO secundum omnem reale perfectionem, absurdum quippe est dicere, aliquas creatas perfectiones esse à se & incausas: sed explicitæ rationes vitalitatis, visionis, &c. sunt perfectiones & quidem simpliciter simplices: ergo sunt à DEO.

Dices, Actus vitalis quâ talis procedit à principio conjuncto, quod immanenter perficit: sed DEUS non est tale principium: ergo quâ talis non procedit à DEO. Respond. dist. maj. procedit sic à principio conjuncto & dependenter à primo principio, concedo; independenter nego: ergo quâ talis non procedit à DEO, nego consequentiam.

Instabis, Actus non est vitalis nisi per ordinem ad principium quod intrinsicè perficit: sed hoc non est DEUS: ergo non est vitalis per ordinem ad DEUM. Ergo quatenus vitalis non est à DEO. Respond. primò, neg. maj. nam hoc totum, quòd procedat à principio conjuncto, idque immanenter perficiat, habet dependenter ab influxu causæ primæ. Respond. secundò, gratis dist. maj. actus non est vitalis nisi per ordinem ad principium quod immanenter perficit; non est denominativè, h. e. non denominatur vitalis, concedo; non est entitativè & productivè, hoc est non terminat productionem, nego: & similiter distincto consequente, nego consequentiam. Nam aliud est esse, aliud denominari: perfectio duplicata vitalitatis uti & libertatis, visionis, &c. est dependenter tam à causa prima, quàm secunda, non tamen causam primam denominat vitaliter operantem, videntem, &c. quia ipsam non intrinsicè perficit. Et sic ad summum probaret Advers. quòd DEUS non diceretur peccare concurrente ad formale peccati, non tamen proba-

ret, quòd non esset causa peccati; siquidem divina causalitas non minùs in peccato formali reperiret suum formalem terminum nempe rationem entis quàm in vitalitate, libertate, &c.

## §. III.

## Corollaria.

Colliges primò. Nullatenus esse admittendam virtutem præcisivam divinæ causalitatis, & productionis ad extra, quam Adversarii confingunt ad salvandas difficultates, & per quam dicunt in eadem indivisibili entitate attingi unam formalitatem, quin simul attingatur altera formalitas identificata cum ipsa. Nam primò ex dictis, productio rei attingit terminum ut est, & quantum est efficator, tantò plura attingit, non solum identificata, sed etiam consequentia ad esse ipsius: ergo, cum causalitas divina sit infinitæ efficaciz in effectu, attingit omnia realiter identificata cum ipso. Secundò. In sententia Thomistarum ipsa DEI scientia est causa rerum: sed scientia DEI non est præcisiva: ergo neque causalitas. Min. probatur: tum quia virtus præcisiva cognitionis, qualis reperitur in nostro intellectu, non ex sola perfectione, sed etiam imperfectione cognitionis oritur: atqui in DEI scientia nulla est imperfectio: tum quia scientia comprehensiva attingit absque præcisione omnia prædicata etiam virtualiter distincta: sed DEI Scientia respectu rerum creaturarum est talis: ergo. Tertiò. Quia si causalitas divina attingeret solum rationem entitatis, produceret ens ut abstractum à suis differentiis, quod implicat.

Dices. Etiam si Divinæ personæ cum natura, intimè identificentur, tamen virtus productiva personæ non est productiva naturæ, ut supra ex Tract. de Trin. quia nempe natura est extra sphaeram virtutis productivæ: ergo pariter, quia reduplicata deformitas peccati est extra sphaeram productivam divinæ omnipotentiz, potest illa producere entitatem non productâ deformitate peccati.

Respond. primò retorquendo argumentum. 18. Si per impossibile virtus productiva in Patre pro formali & adæquato termino respiceret ens Divinum in tota suâ latitudine, non minùs natura, quàm personalitates cum ipsa identificatæ producerentur: ergo cum Divina Omnipotentia pro formali & adæquato termino respiciat totum ens creabile in tota sua latitudine sub communissima ratione entis, etiam producit quicquid est identificatum cum ente. Rursus: Natura in divinis vi productionis saltem communicatur; atqui formale peccati ne quidem à DEO communicari potest. Item argumentor ad hominem contra Gonettum: si deformitas peccati essentialiter identificat sibi positivam entitatem, ab eaque solum virtualiter distinguitur, tunc factâ quâcunque reduplicatione, & sub explicito conceptu, essentialiter est ens creatum: ergo etiam sub explicito conceptu est à DEO. Antec. prob. ex prædicto Authore in Tr. de Trin. Disp. 3. a. 2. §. 1. in fin. De quocunque affirmatur ens & negatur ens Divinum, affirmatur ens creatum, non solum in respectu factâ quâcunque reduplicatione: alio-

Aa 3

quin

quia Divina relationes sub tali reduplicacione essent purum nihil, aut merum ens rationis. [Sunt verba ipsiusmet Gonet] sed de formali peccati, juxta Advers. affirmatur ens, & negatur ens Divinum: ergo de formali peccati non solum in re, sed facta quacunque reduplicacione affirmatur ens creatum: aliis sub tali reduplicacione esset purum nihil, aut merum ens rationis: ergo formale peccati facta quacunque reduplicacione est à DEO. Rursus, ut habet idem Author loc. cit. *Reduplicatio, & virtualis distinctio relationis Divine ab essentia non impedit, quin de illa essentialiter prædicetur ratio entis ut sic, & consequenter unum ex membris dividendis, nempe ens Divinum*: ergo etiam reduplicatio & distinctio virtualis deformitatis peccati à positiva tendentia actus in objectum, non tollit quin de ipsa essentialiter prædicetur ratio entis ut sic, & consequenter unum ex membris dividendis, nempe ens creatum & productum.

19. Respondeo secundò directè ad objectam paritatem, negando causalem adductam [imò quid est in Divinis esse extra sphaeram virtutis productivæ, quam non esse terminum illius virtutis? ab illa non posse produci? cujus ipsius danda est ratio?] ratio enim, cur natura Divina non producat, est, quòd principium producens principaliter respicit formam pro termino assimilationis seu communicationis, esse verò personale pro termino productionis. Cum ergo in Divinis ob infinitatem absolutæ perfectionis forma seu natura aliter quam per identitatem communicari non possit, ideo natura non producit, sed identicè communicatur, hypostasis verò, in qua oppositio relativa reperitur, illa producit. Quæ cum in nullo creato, minùs in peccato re-

periantur, ruit totum fundamentum illius gigantes paritatis.

Colligens secundò. Formalem malitiam peccati omissionis non posse consistere in positivo. Sequitur ex dictis; nam malitia omissionis vel nullum, vel non nisi remotè & indirectè requirit aliquem actum indeterminatum, qui saltem per accidens sit causa vel occasio omissionis; & ergo formalis malitia peccati commissionis, quòd tamen per se & directè pro suo substrato requirit aliquem actum positivum determinatum, consistit in privativo, multò magis malitia peccati omissionis consistit in illo, & quidem non solum in privatione relictindinis, sed in privatione ipsius actus præcepti.

Dices primò. Etiam malitia peccati omissionis est aliqua species moralitatis: sed species moralitatis est quid positivum: ergo. Secundò. Liberum & voluntarium sunt denominationes & formalitates positivæ: atqui peccatum omissionis est liberum & voluntarium: ergo.

Respond. ad primum. est aliqua species moralitatis indirectæ, & reductivè, concedo; per se directè, nego: sed species moralitatis directæ per se est quid positivum saltem ratione sui substrati, concedo; indirectæ, nego minorem & consequentiam.

Ad secundum quoque dist. maj. Liberum & voluntarium directum sunt denominationes positivæ concedo; liberum indirectum, nego: atqui malitia tam in peccato omissionis, quam commissionis est solummodò libera indirectæ; siquidem nemo intendens malum operatur, cum hæc tamen distinctione, quòd in peccato commissionis habeat de substrato actum directè liberum voluntarium, quem non requirit in peccato omissionis,

## ARTICULUS IV.

### Fundamenta & Rationes pro positivo peccati diluuntur.

#### SUMMARIA.

1. Primum fundamentum Adversar. à prioritate positiva tendentia.
2. Responso de malitia fundamentali
3. Impugnatur.
4. Negatur fundamentalis malitia & prioritas positiva tendentia.
5. Altera Objectio Philosophica
6. Retorquetur.
7. Solvitur.
8. Bonitas & malitia formalis sumpta concretè dividunt genus moralitatis.
9. Tertia objectio ex contrarietate cum lege
10. Retorquetur.
11. Solvitur.
12. Quarta objectio ex contrarietate boni & mali
13. Solvitur.

#### §. I.

Prima fundamentalis ratio expenditur.

1. Potissimum contrariæ sententiæ fundamentum est primò. Priùs concipitur actus formaliter malus, quam privatus debitâ relictitudine;

ergo formalis malitia non consistit in hac privatione. Anteced. probatur: Pro illo signo & instanti rationis actus concipitur formaliter malus, pro quo concipitur difformis rectæ rationi: sed pro signo antecedente privationem debitæ relictudinis actus jam concipitur difformis rectæ rationi: ergo. Minor iterum probatur: In quo signo actus concipitur tendere in objectum dissonum rectæ rationi, in illo signo concipitur difformis rectæ rationi: sed in signo antecedente privationem concipitur actus tendere in objectum dissonum rectæ rationi; quamprimum enim actus concipitur exire à voluntate cum advertentiâ inhonestatis objectivæ, jam hoc ipso concipitur tendere in objectum dissonum rectæ rationi: ergo.

Respondeo neg. antecedens. Ad cujus probationem plerique respondent, posse quidem in signo antecedente privationem concipi tendentiam actus in objectum dissonum rectæ rationi, sed tunc concipi malum & difformem rectæ rationi, non formaliter, sed fundamentaliter.

Verum

1. Verum hæc responsio varias patitur difficultates. Contrà enim est primum. Pro quo signo rationis concipitur actus tendere in obiectum consentaneum rectæ rationi, pro eodem signo secundum Adversarios est formaliter bonus: ergo etiam pro quo signo actus concipitur tendere in obiectum dissonantem rectæ rationi, est formaliter malus & difformis rectæ rationi.

Contrà est secundum. Pro illo signo tendentiæ in obiectum dissonum rectæ rationi actus est in certa specie morali constitutus, v. g. voluntas furandi, pro quo signo tendit in acceptionem rei alienæ lege & ratione prohibitam, jam est in specie iniustitiæ constituta: ergo etiam est constituta in specie subalterna mali moralis, cum sit impossibile, aliquid esse in specie in finima constitutum, priusquam sit in specie subalterna, e. g. implicat aliquam substantiam esse hominem, priusquam sit in gradu animalis constituta.

Contrà est tertio. Vel DEUS est causa istius fundamentalis malitiæ, consistentis in positiva tendentiâ, vel non est. Non primum: tum quia sic DEUS esset saltem mediata causa formalis peccati; qui enim esset causa causæ, etiam esset causa causati, unde etiam DEUS non potest esse causa habitus vitiosi: tum quia illa tendentiâ non aliâ ratione esset fundamentum malitiæ, nisi quatenus à voluntate deficiente procedens: sed comparative ad DEUM non est ut à principio deficiente: ergo fundamentalis malitiæ DEUS author esse non potest. Non etiam secundum dici potest: quia si datur fundamentalis malitia in positivo consistens, quæ tamen formaliter explicite non sit à DEO, tunc falsum est illud principium, in quo fundamur, quod nempe omnis entitas positiva etiam secundum explicitas formalitates sibi identificatas sit à DEO, & eodem jure licebit dicere, formalem malitiam, tamen consistit in positiva tendentiâ, secundum explicatam tamen rationem malitiæ quatenus connotantis principium deficiens, sic non esse à DEO.

4. Relictâ igitur hæc responsione, nego min. tam argumenti quam probationis. Et dico cum Philipo à SS. Trin. disp. 6. dub. 3. ad 2. quod in eodem signo, in quo concipitur actus exire à voluntate cum sufficienti advertentiâ ad inhonestatem obiecti, eo ipso quoque inordinatè & defectuosè exire concipitur; siquidem exit à voluntate non tantum ut à principio efficiente, sed etiam deficiente. Unde nego, dari aliud fundamentum aut radicem proximam malitiæ, quàm voluntatem destitutam debitâ directione rationis prædictæ. Ita S. D. verbis perspicuis hic q. 75. a. 1. Provenit, inquit, defectus ordinis in actu ex defectu directionis in voluntate. Voluntas sine adhibitione regulæ rationis, vel legis divine est causa peccati. Unde non debet concipi privatio rectitudinis resultare ex actu contrariante legi & rectæ rationi, sicuti concipimus relationem resultare ex fundamento, quasi actus exerceret aliquam causalitatem emanativam respectu hujus privationis, sed ipsa concomitatur actum, quem informat, in ipso suo elici.

Instabis. Ideo actus est privatus debitâ rectitudine, quia tendit in obiectum dissonum rectæ rationi: ergo actus per prius tendit in obiectum

dissonum rationi, quàm sit privatus rectitudine.

Respond. dist. anteced. ideo est privatus rectitudine, quia tendit in obiectum tendentiâ defectuosâ includente privationem rectitudinis, concedo; tendentiâ prescindente ab illa, sic nego anteced. & consequent. nam ly ideo non semper significat consequentiam causalitatis, sed aliquando tantum illationis. Ut si dicas: *Leo ideo est animal, quia est brutum; sum rationalis, quia sum homo.* Nam & ratio bruti animalitatem, & humanitas rationalitatem includit. Pari sensu dicitur, actus est privatus debitâ rectitudine, quia tendit &c. tendentiâ nimirum includente, non causante irreductibilem privativam.

Si dicas. Actus bonus per suam positivam tendentiâ est rectus & bene ordinatus: ergo actus malus moraliter per suam positivam tendentiâ est irrectus, & inordinatus. Respond. negando consequentiam: quia esse rectum & commensuratum, seu prædicatum positivum & respectivum, bene potest convenire positivæ tendentiæ; at irreductio & inordinatio cum sit prædicatum privativum [ut potest formaliter exclusivè debiti ordinis, & inefficibilis à DEO] non potest idem esse cum tendentiâ positiva secundum dicta.

## §. II.

### Alia objectiones solvuntur.

Ratio secunda Philosophica est: Quicquid; dicitur de genere, id dicitur de qualibet specie contentam sub illo; sic quia de animali prædicatur esse sensitivum, prædicatur etiam de qualibet specie animalis: sed de moralitate ipsi diximus illam consistere in positivâ habitudine ad obiectum: ergo idem dicendum de speciebus moralitatis. Atqui immediatæ species moralitatis sunt bonitas & malitia moralis, & quidem non materialiter sed formaliter sumptæ: ergo non solum bonitas, sed etiam malitia moralis formalis consistit in positivo.

Respond. primò retorquendo argumentum 6. ad hominem: quicquid dicitur de genere, dicitur de quolibet contento sub illo: sed de malo absolute in genere affirmatur quod sit privativum: ergo etiam affirmandum est de quolibet contento sub genere mali. Atqui peccatum seu malum morale est aliqua species contenta sub malo ut sic: ergo est quid privativum. Negant quidem Salmanticenses disp. 6. dub. 4. §. 7. dari communem rationem mali, in qua omnia mala conveniant. Ratio, addunt, perspicua est: quia positivo & privationi nihil potest esse commune.

Sed quid si & nos diceremus, non dari communem rationem moralitatis respectu bonitatis & malitiæ formalis, sed [ut plures loquuntur] tantum respectu bonitatis & malitiæ fundamentalis, hæc ipsa de causa, quia positivo & privativo nihil potest esse commune. Nunquid dicerent, responderi per id quod est in questione, nempe an constitutivum formalis malitiæ sit aliquid privativum? Quod igitur ipsi nobis, hoc & nos ipsis in eodem loquendi modo solvendum repominus.

Respondeo secundò concedendo totum, Subsumptum distinguo, sed malitia moralis concretè sumpta



sumpta est species moralitatis, concedo; abstracte, nego subsumptum: & pariter distinctio consequente, nego consequentiam. Itaque sic res est intelligenda: moralitas generica est habitudo ad obiectum substantialem regulis morum, quæ adhuc præciscit an illa habitudo habeat conformitatem vel difformitatem cum regulis morum. Species hujus generis divisiæ sunt bonitas moralis concretè sumpta, h. e. habitudo habens conformitatem cum regulis morum; & similiter malitia moralis concretè sumpta, h. e. habitudo actus habens difformitatem cum regulis morum, quam dicimus esse deordinationem privativam & carentiam debitæ rectitudinis. Atque ita etiam malitia moralis est quid positivum non adæquatè & ex parte malitiæ formalis abstracte & divisiū sumptæ ab ipsa habitudine, sed inadæquatè ex parte habitudinis, quæ formalis malitiæ per modum partis genericæ & materialis subternitur. Sic etiam quilibet species animalis est & dicitur sensitiva, non ratione gradus speciei superadditi v. g. rationalitatis, sed ratione gradus generici & materialis, nempe animalitatis.

8. Porro id, quod additur in objectione: species divisiæ moralitatis in genere sunt bonitas & malitia *formalis*, rursus distinguo: in hoc sensu, quod sint bonitas & malitia *formalis* abstracte, & præcisè ab habitudine actus, sic nego; concretè sumptæ, hoc est ut receptæ in ipsa habitudine actus, sic concedo. Nam species moralitatis non sunt nisi quatenus voluntariæ, voluntariæ autem sunt propter actum & liberam tendentiam voluntatis: quo stante habitudo & tendentia adhuc se habent tanquam materiale respectu malitiæ formalis ut sic, quia est receptivum, & substratum ipsius.

9. Ratio tertia opponitur: In illo formaliter consistit malitia peccati, in quo peccatum legi & præcepto contrariatur: siquidem peccatum definitur per oppositionem ad legem: sed aliquando peccata contrariantur legi in aliquo prohibito: ergo etiam eorum malitia formaliter consistit in positivo. Minor probatur: Peccata intrinsicè mala, ut v. g. mendacium opponuntur præcepto negativo non mentiendi: sed huic opponuntur per aliquid positivum: ergo. Minor probatur: Objectum hujus præcepti non mentiendi est negatio mentiendi: sed negationi mentiendi opponitur actus positivus mendacii, non enim negatio per negationem tollitur: ergo oppositio cum præcepto non mentiendi fit in aliquo positivo.

10. Respond. primò. Hoc argumentum facile retorqueri posse in Adversarios: hinc enim sequitur honestatem moralem consistere in privativo, vel negativo; siquidem illud, cui peccatum opponitur & quod lege præcipitur, est honestum: atqui negatio mendacii opponitur mendacio, & præcipitur lege non mentiendi: ergo. Atqui consequens pugnat contra Adversarios, qui & ipsi admittunt, ad honestatem exercitii voluntarii requiri directam motionem honestatis objectivæ, prout in priori Tract. ostendimus.

11. Respondeo secundò, dist. maj. In illo formaliter consistit malitia peccati, in quo peccatum legi contrariatur, quoad honestatem præceptam,

concedo; quoad materiam præceptam, nego. Sed peccata intrinsicè mala contrariantur legi negativæ in positivo, quoad rem, hoc est negationem præceptam, concedo; quoad honestatem præceptam, nego minorem & consequentiam. Similiter distinguo probationem: Præceptum non mentiendi habet pro objecto negationem mendacii, quoad materiam & rem præceptam concedo; quoad honestatem, nego: ergo oppositio cum præcepto non mentiendi fit in aliquo positivo, quantum ad oppositionem cum materia & re præcepta, concedo; cum honestate præcepta, nego consequentiam. Ad alteram probationem, quod negationi non opponatur negatio, distinguo maj. negationi ut negatio est, concedo; ut substantia honestati virtutis & est voluntaria, nego.

Sensus & ratio distinctionis est: quòd eundem præcepta negativa pro materia præcepta connotent negationem, pro fine tamen intrinseco & formali respiciant honestatem determinatæ virtutis, ad quam pertinent. Unde voluntas materialiter quidem conformatur ejusmodi præceptis, per negationem seu omissionem actus prohibiti, quo modo etiam dormientes & amentes dici possunt servare talia præcepta; ut autem voluntas dicatur formaliter moraliter conformari & habere rectitudinem præcepti, oportet ut etiam conformetur quoad honestatem præcepto intentam, quod nunquam contingit absque intentione & actu voluntatis. Cum igitur aliquis per actum intrinsicè malum transgreditur præceptum negativum, actus ipse ex parte suæ positivæ tendentiæ opponitur materiæ præceptæ, e. g. mendacium negationi ipsius: ex parte verò honestatis & rectitudinis moralis opponitur per privativam negligentiam & defectum tum rationis tum voluntatis, non conformantis se honestati & rectitudini præcepti per rationem prædicam representatæ.

Quarta ratio Philosophica solvenda superest: Extrema contrariè opposita consistunt in positivo: sed bonum & malum morale contrariè opponuntur secundum Philosophum 2. Eth. c. 7. & 8. idque propriè dicta contrarietate, quia dicitur *bonum & malum, studiosum & vitiosum, justitiam & injustitiam* opponi sicut *album & nigrum, dulce & amarum*, &c. unde & Doctor Angelicus inter virtutem & vitium, quod ex actibus peccaminosis generatur, agnoscit strictè & propriè dictam contrarietatem.

Respondeo eadem distinctione, ut primò: opponuntur contrariè & quidem contrarietate propriè & strictè sumptæ bonum & malum morale, virtus & vitium, sumpta concretè, concedo; abstractè & quoad ipsam formalem rationem malitiæ aut vitiositatis, sic nego: ita enim opponuntur contrarietate solum latè accepta, hoc est privativè sicuti prima contraria. Quam esse genuinam mentem D. Thomæ ostendunt testimonia ipsius in præcedentibus accumulata.

Ex dictis constare potest, sententiam, quæ formalem malitiam peccati in privatione debitæ rectitudinis constituit, esse oppositā sententiæ tam intrinsicè quam extrinsicè probabiliori. Extrinsicè, quia conformior dictis Conciliis, SS. scriptis & PP.

& PP. & D. Th. quorum testimonia perquam difficili extricatione solvunt Defensores positivæ malitiæ. Intrinsecè; quia procedit potissimum ex fundamento Theologico sanctitatis Divinæ;

cùm sententia opposita fermè nitatur philosophicis rationibus, quæ non admodum difficilem habent solutionem.

## DISPUTATIO XVIII.

DE

## Peccato omissionis.

**Q**uamvis secundùm dicta in Tract. IV. probabiliter dari possit pura ommissio peccaminosa, sine omni actû, ferè semper tamen aliquis actûs non tantùm internus, sed etiam externus cum omissione connectitur. Quæ connexio potest esse vel causalis, si nempe actûs per modum causæ, motivi, vel occasionis influat in omissionem, ut si ludendi gratiâ omittas Sacrum præceptum audire. vel concomitans, si nimirum ommissio ex alio capite sequeretur, quamvis ille actûs nullo modo conjungeretur omissioni, ut si tardio pluvie tempestatis decrevisse manere domi, quo tempore urget præceptum adeundi Ecclesiam: & tamen, ne sis otiosus, eodem tempore studes. Igitur post examinatam malitiam in peccato commissionis, nunc de malitia tam omissionis, quàm actûs cum illa conjuncti disputamus, quam pariter in privativo consistere, & esse inordinatam omissionem actûs præcepti, jam in priori Disputatione deductum supponimus.

## ARTICULUS I.

*An, & quale peccatum sit actûs Omissioni culpabili conjunctus?*

## SUMMARIÆ.

1. Omissio vitiat actûm, qui est causa, vel Occasio illius.
2. Actûs tantùm concomitanter conjunctus omissioni, per illam non vitatur.
3. Exponitur Authoritas S. Doctorû.
4. Quomodo actûs omissioni concomitanter conjunctus, fiat tempore indebitus?
5. Actûs tantùm concomitans omissionem, est impedimentum naturale, non morale actûs præcepti.
6. Actûs causans omissionem culpabilem, per se contrahit solum omissionis malitiam.
7. 8. Solvuntur objectiones.
9. Quando nam in confessione debeat exprimi actûs omissioni conjunctus?
10. Aliquando somnus conjunctus omissioni culpabili non est peccaminosus.
11. Distractio bonorum, qua sunt obnoxia restitutioni, est speciale peccatum.
12. Potest esse obligatio studendi, tempore quo urget præceptum audiendi Sacrum.

## §. I.

*Negatur malitia actûs concomitantis, tametsi impossibilis.*

1. Certum est, si actûs, omissioni culpabili conjunctus, sit causa vel occasio illius, vitari per malitiam omissionis, tametsi foret ex objecto bonus, vel indifferens, ut studium, conversatio &c. Cujus ratio est, quia quod assumitur à voluntate tanquam formalis vel virtualis causa peccati, est moraliter malum: sed, quando actûs est causa

vel occasio omissionis culpabilis, hoc fit: ergo. Unde eodem præcepto, quo obligamur ponere actûm, etiam jubemur remove causas, è quibus prævidemus secuturam omissionem actûs, nisi moralis difficultas & impossibilitas excuset.

Quæritur ergo de actû solum concomitanter conjuncto, quamvis aliàs impossibili cum actû præcepto, ut est v. g. lusus tempore audiendi Sacrum, utrùm per conjunctionem cum omissione actûs præcepti malitiam contrahat, præsertim si sit actûs ex sua specie vel objecto honestus, ut est studium; nam si sit actûs malus, e. g. furtum, habere propriam speciem malitiæ in comperto est.

Affirmativam tuentur Valentia, Lorca, Grana-  
do; negativam Alvarez, Cornejo, de la Serra,  
Suarez, quos citat & sequitur Godoyus hic disp.

12. §. 1.

**CONCLUSIO PRIMA.** Actûs omissioni culpabili tantùm concomitanter conjunctus, & supponens firmam omittendi voluntatem, nullam exinde malitiam per se contrahit. Ita Auth. cit.

Ratio est; quia non aliâ de causâ actûs conjunctus omissioni culpabili malitiam contrahit, nisi quia per modum causæ formalis aut virtualis in illum influat: sed actûs qui merè concomitanter se habet, neque est causa formalis neque virtualis respectu omissionis, siquidem illa sequitur vi alterius causæ & voluntatis præsuppositæ, & sequeretur, quantumvis ille actûs, studii v. g., non poneretur: ergo nullam contrahit malitiam.

Confirmatur, Si actûs omissioni culpabili tantùm

tantum concomitanter conjunctus contraheret malitiam, tunc, qui omittit sacrum, melius ageret cum abstinendo ab omni opere bono, quam aliquid boni faciendo: imò peccaret tunc aliquid orando, vel legendo: sed consequens est absurdum: ergo.

3. Obijcies primò. S. D. q. 2. de malo a. t. ad 7, inquit: *Hoc ipsum, quod est laudare DEUM ore, potest male fieri, si hoc fiat quando non debet, quando scilicet homo alia facere tenetur.*

Respondeo, S. Doctorem ibidem loqui de oratione vocali, quatenus est causa, vel occasio omittendi rem præceptam, ut si Parochus velit vacare orationi potius, quam administrare Sacramentum, tempore, quo tenetur.

4. Obijcies secundò. Opus, quod fit tempore indebito, est malum: sed studium, quod fit tempore audiendi Sacrum, quamvis concomitanter tantum, fit tamen tempore indebito: ergo est malum. Major patet: quia inter circumstantias actus humani est etiam circumstantia temporis; unde hæc viciatur, etiam actus viciatur.

Respondeo distinguendo majorem. Quod fit tempore privative indebito, h. e. prohibito, est malum, concedo majorem; quod fit tempore solum negativè indebito, h. e. non quidem præcepto, sed neque prohibito, est malum, nego majorem. Sed studium tempore audiendi Sacrum fit tempore negativè indebito concedo; privative indebito, nego min. & consequentiam. Nam illi, qui studet, tempore quo ex alia causa omittit Sacrum, studium pro tunc non est prohibitum: vel enim esset prohibitum ratione sui, vel ratione omissionis tanquam causa ipsius: non ratione sui, cum ex objecto sit opus honestum; non ut causa omissionis, cum supponatur omissioni tantum concomitanter & per accidens conjungi.

5. Obijcies tertio. Præcepto audiendi Sacrum v. g. prohibetur illud omne, quod impedit auditionem Sacri, estque impossibile cum illo: sed studere impedit auditionem Sacri, estque cum illo impossibile: ergo studium prohibetur præcepto audiendi Sacrum, & consequenter qui studet tempore Sacri, agit contra præceptum audiendi Sacrum.

Respondeo distinguendo majorem. Prohibetur illud omne quod impedit auditionem Sacri formaliter & moraliter, concedo maj. quod impedit materialiter & physicè, nego maj. sed studere impedit auditionem Sacri materialiter & physicè seu impossibilitate materiali & physicè concedo; impossibilitate formali & morali, nego min. & consequentiam. Sensus est, quod ille actus studii non ex vi voluntatis connectentis inferat omissionem Sacri, adeoque non moraliter & formaliter, sed tantum propter naturalem impossibilitatem simul studendi & audiendi Sacrum.

Unde si dicas: Posito actu studii, necessariò sequitur omisso Sacri: ergo studium est causa hujus omissionis. Respond. vel negando consequentiam, vel dist. anteced. Sequitur ex vi alterius causæ, concedo; sequitur & ex vi ipsius studii, nego, vel subdivinguo anteced. physicè & materialiter loquendo, concedo; formaliter & moraliter nego anteced. & consequentiam.

## §. II.

*Qualis sit malitia in actu causante omissionem?*

**CONCLUSIO** secunda. *Actus conjunctus b. cum omissione culpabili per modum causa, vel occasiois, si ex se sit bonus, vel indifferens, non habet malitiam moralem specie distinctam à malitia omissionis, quam causat.* Ita commun.

Ratio est: Ubi non est nova & distincta oppositio cum aliqua virtute & præcepto, ibi non est nova, & distincta malitia: sed in actu bono vel indifferente ex objecto, v. g. studio causante omissionem Sacri præcepti, non reperitur alia nova & distincta oppositio cum aliquo præcepto, vel virtute, quam quæ reperitur in ipsa omissione: ergo neque ibidem reperitur distincta malitia. Min. probatur: quia, qui propter studium omittit Sacrum, non peccat contra aliam virtutem & præceptum, quam religionis, cum quo ipsa omisso habet oppositionem, nec magis peccat, quam si merè otiosus illud omitteret. Unde secundum fideliem praxin nemo se in confessione solet accusare, an ex effectu studii, lusu, vel otii Sacrum omiserit, quod tamen utique faciendum foret, si illi actus distinctam malitiam haberent à malitia omissionis.

Obijcies primò. Actus, qui provenit ex inordinato affectu, est malus: sed actus studii impediens auditionem Sacri provenit ex inordinato affectu erga studia: ergo est malus. Respond. disting. min. Actus studii provenit ex inordinato affectu erga studia, inordinatione opposita virtuti religionis, concedo; opposita virtuti studiositatis, nego: neque enim actus studii propterea est malus, quod sit defectuosus circa propriam materiam & objectum studiositatis prohibentis excessum aut defectum in studio, sed quia est defectuosus circa objectum & præceptum Religionis, quæ sibi præcipit auditionem Sacri, ita prohibet actum impeditivum auditionis Sacri.

Dices: Actus carens rectitudine ipsius studiositatis, habet malitiam & deordinationem tenentem se intra objectum & materiam studiositatis: sed studium causans omissionem Sacri, caret rectitudine ipsius studiositatis: ergo in se habet deordinationem tenentem se intra materiam studiositatis, eique oppositam. Major sequitur è nostris principiis: siquidem peccatum formaliter constitutum in privatione debitæ rectitudinis: ergo actus carens debitâ rectitudine studiositatis habet formalem malitiam oppositam virtuti studiositatis. Minor verò constat ex dictis in Tract. de act. hum. Ubi negavimus, eundem actum simul posse esse bonum, & malum: Atqui si studium simul haberet rectitudinem studiositatis, & simul malitiam omissionis, idem actus esset bonus & malus: ergo.

Respondeo. Actus carens rectitudine studiositatis ex directâ oppositione cum virtute studiositatis habet malitiam se tenentem intra materiam studiositatis, concedo; carens hæc rectitudine ex indirectâ oppositione cum virtute & præcepto religionis, nego maj. & sic distinctâ min. nego consequentiam.

Instabis. Ille actus studii caret debitâ circumstantiâ

stantiâ temporis; ergo adhuc est contra virtutem studiositatis. Respondeo. Caret debitâ circumstantiâ, carentiâ ortâ ab extrinseco, & ex motivo religionis, concedo; carentiâ ortâ ab intrinseco & ex motivo studiositatis, nego antecedit. & consequent.

8. Obijcies secundò. Peccatum commissionis habet distinctam malitiam à peccato omissionis: sed studium, quo causatur omisio Sacri, est peccatum commissionis: ergo. Minor probatur: peccatum, quod opponitur præcepto negativo, est peccatum commissionis: sed studium prædictum opponitur præcepto negativo non impediendi auditionem Sacri: ergo.

Resp. vel negando, vel gratis dist. maj. peccatum commissionis, in quo *Tò commissio* formaliter & moraliter accipitur, habet distinctam malitiam, transeat; in quo *Tò commissio* solum materialiter & physicè lumitur, nego: sed studium est peccatum commissionis *Tò commissio* solum accipiendo materialiter & physicè concedo; moraliter & formaliter, nego min. & consequentiam. Et ad probationem dist. maj. Peccatum, quod opponitur præcepto negativo formaliter & explicitè tali, concedo; præcepto negativo, quod implicitè includitur in affirmativo, & respicit motivum ejusdem virtutis, nego. Sed studium opponitur præcepto negativo non impediendi auditionem Sacri, ita ut hoc ipsum sit inclusum in affirmativo præcepto audiendi Sacrum, sitque proinde virtualiter affirmativum [nam hoc ipso quòd aliquis actus præcipitur, implicitè prohibent impedimentum ipsius] concedo; ita ut sit explicitè & formaliter tale, nempe ex speciali motivo distinctæ virtutis, nego minorem & consequentiam.

## §. III.

## Corollaria.

9. Colliges ex dictis primò. Per se loquendo, nullam esse obligationem, in confessione exprimendi actum, qui est causa omissionis culpabilis, quia nullum constituit peccatum specie, vel numero distinctum à peccato omissionis: sicuti propterea neque actus externus nec internus sunt specialiter & distinctè exprimendi. Dixi tamen *per se loquendo*. Nam per accidens esse potest obligatio primò: quando actus est ex objecto malus, ut si causa furandi Sacrum omittitur. Se-

cundo: si affectus ad actum, v.g. ad veniendum est tantus, ut ejus causa sis paratus quamlibet DEI legem transgredi; talis quippe affectus habet specialem repugnantiam cum virtute charitatis. Tertiò: Cùm voluntati omittendi aliquid præceptum, ipsa externa omisio non adæquatur: nam tunc voluntas sæpius omittendi est specialiter exprimenda, eò quod diversitas objecti aliam numero malitiam refundat in voluntatem omittendi, quàm reperiatur in ipsa externa omisione. Ita si habuisti voluntatem totâ septimanâ omittendi Breviarium, & unâ tantum die omisisti, debes utramque specialiter exprimere: sicuti quî habuisset propositum totâ Quadragesimâ comedendi carnes, & tantum primâ Septimanâ comedisset, propter numericam diversitatem malitiæ actûs interni & externi deberet utrumque distinctè exprimere. *Quartò*: Si actus omissioni conjunctus auferat potentiam etiam in posterum implendi præceptum, propter quam impotentiam actûs novam inducit malitiam: ut si nolens restituere rem alienam, illam hoc animo dilapidas; si, ne debeas in longa navigatione orare Breviarium, illud in aquam projecis. Dixi, *in posterum*; nam actus, qui observantiam præcepti tantum facit impossibilem de præsentî, exinde nullam specialem malitiam contrahit, cùm non sit verisimile, quòd pro tali tempore homo sit mutaturus tuam voluntatem.

Colliges secundò. Illum, qui cum firma voluntate non audiendi Sacrum somno se daret paulò ante horam duodecimam, quâ instat præceptum illud audiendi, non peccatum capiendo somnum: quia non est verisimile, intra tam modicum tempus mutare velle suum propositum. Ita Godoyus cum Suarez sect. 3.

Colliges tertiò. Si quis, obligatus ad restituenda aliqua bona, datâ operâ illa distrahat, ne possit restituere, peccare per illam distractionem, quia reddit se impotentem ad præceptum actum restituendi.

Colliges quartò. Si quis haberet votum studendi eo tempore, quo domi non est occupatus, obligari ad studium, quando ex alio fine omittit audire Sacrum & domi remanet: quia supponitur possibilis & honesta actio studii, quæ ex omissione Sacri hic & nunc per accidens conjuncta non vitiatur.

## ARTICULUS II.

## Quodnam fiat externum peccatum omissionis.

## SUMMARI A.

1. Externa omisio præcepti est culpabilis, manente potentia descendendi ab illâ impeditivo.
2. Non est peccatum post retractatam voluntatem, quâ ponitur impotentia implendi præceptum.
3. Est peccatum, si voluntas non sit retractata non obstante impotentia servandi præceptum.
4. Authoritas S. D.
5. Ratio triplex.
6. Exponitur Clement. si furiosus.
7. Quomodo omisio in se sit libera & peccaminosa?  
R. P. Mez. Theol. Schol. Tom. II.
8. Solvuntur instantia quadam & paritates morales.
9. Cur ad meritum non sufficiat indirecta libertas?
10. Per omissionem completur voluntarium.
11. Idem sentiendum de effectibus voluntariis in causa.

## §. I.

Quæritur non de internâ voluntate omittendi, sed de ipsa omissione externa, quæ est effectus

Bb a



fectus & complementum voluntatis internæ. De qua

- Suppono primò. Peccari externo peccato omissionis, quo tempore urget obligatio præcepti, & non impletur, si post causam omissionis liberè posita adhuc est in parte omittentis, ut posset ab actu impeditivo operis præcepti desistere, & implere præceptum. Veluti cum quis tempore audiendi Sacrum dat operam ludo, venationi, &c.
2. Suppono secundò. Non peccari externo peccato omissionis, sed solà internà voluntate omittendi, quando prima voluntas omittendi fuit seriò retractata, & non est amplius in parte omittentis omissionem impedire. Ita si quis Clericus ex voluntate non recitandi Breviarium in itinere nautico Breviarium in aquas proiecerit, & postea seriò debeat de tali projectione, sequens omisso Breviarii non amplius ipsi imputatur in culpam; siquidem per retractationem primæ voluntatis abruptum moralis influxus voluntatis in illam omissionem, sicque definit esse voluntaria in causa. Unde status quæstionis est pro illo casu, quando quis liberè posuit causam omissionis, neque voluntatem omittendi retractavit, interea tamen ad implendum præceptum factus est impotens, v. g. per somnum aut ebrietatem, quâ ligatur usus rationis, utrum peccet peccato omissionis non illo solùm tempore, quo liberè posuit causam omissionis, [de quo nullum est dubium] sed etiam quo omittit præceptum, quamvis illo tempore præceptum implere non possit?

3. CONCLUSIO. Quando omisso externa manet voluntaria in causa, peccatur eo quoque tempore, quo fit omisso præcepti, non obstante impotentia implendi præceptum, v. g. per somnum vel ebrietatem.

4. Authoritas D. Thomæ q. 76. a. 2. ad 3. dicens: *Sicut in peccato transgressionis [h. e. commissionis] peccatum non consistit in solo actu voluntatis, sed etiam in actu volito, qui est imperium à voluntate;* ita in peccato omissionis non solùm actus voluntatis est peccatum, sed etiam ipsa omisso, in quantum est equaliter voluntaria. Et in 2. 2. q. 7. §. 2. 1. habet: *Dicendum, quòd omisso ei imputatur ad culpam, quando fuit tempus operandi, tamen propter causam precedentem, ex qua omisso sequens redditur voluntaria.* Unde

5. Ratio conclusionis est primò. Ad peccatum sufficit voluntarium in causa: sed externa omisso prævisa in causa liberè posita est voluntarium in causa: ergo est peccatum. Ultraque præmissa constat à paritate aliorum peccatorum: nam & homicidium in ebrietate prævisum, & pollutio in somnis causata per præcedentes impuras cogitationes sunt vera peccata.

Secundò. Qui Sacrum præceptum omittit in somno, cui se liberè tradidit, prævidens probabiliter in illo futuram omissionem Sacri, is peccat peccato externo omissionis: sed non peccat peccato formali & completo omissionis, quo tempore causam ponit, & se somno tradit: ergo illo tempore, quo Sacrum actu omittit. Major videtur certa, quia peccat contra præceptum affirmativum audiendi Sacrum, & tenetur in foro penitentiali se non de sola voluntate, vel posita causa omittendi, sed ipsa etiam omitti: ac

sare, & si qua censura actuali omissioni foret annexa, haud dubiò illam incurreret; sicut & Beneficiarius tali modo omittens Breviarium tenetur ad restitutionem. Minor quoque probatur: quia pro illo tempore, quo causa omissionis ponitur, potius peccatur contra præceptum negativum non ponendi causam omissionis, quod virtualiter includitur in præcepto positivo audiendi Sacrum. Neque propter illius causæ positionem posset in confessionali se accusare, quòd Sacrum omisisset: ergo eo tempore non peccat formaliter & completo peccato omissionis. Unde S. D. loc. proximè cit. *Si quis, inquit, per vim excitatus, & abstractus à somno compelleretur audire Sacrum, talis non peccaret peccato omissionis, idcirco non incurreret penam, si qua forent impositæ omittentibus.*

Ratio est tertio. Si ipsa omisso Sacri, tempore somni liberè & cum prævisione secuturus omissionis præsentis, non esset mala, neque voluntas omittendi esset mala: consequens est absurdum: ergo. Sequela probatur primò: quia voluntas, quæ non fertur in obiectum malum, non est mala: sed per Adversarios ista omisso non esset mala: ergo neque voluntas omissionis. Secundò: quia desiderare tantum effectum alicuius peccati, non est malum: sed qui veller omissionem Sacri præcepti causam in somno, juxta Adversarios tantum veller effectum peccati: ergo illa voluntas non esset mala. Major probatur exemplis: quia licet mulieri desiderare partum prolis per adulterium conceptæ, licet etiam desiderare effectum sanitatis & nutritionis è carnibus comestis contra interdictum Ecclesiæ, quorum uterque effectus provenit ex causa peccaminosa.

## §. II.

### *Solvuntur Objectiones.*

Obijci primò. In Clement. si furiosus, de 5. de homicidio, dicitur, quòd homicidium factum à puero, furioso, insano, aut dormiente non inducat irregularitatem. Et de incestu à Loth Patriarcha in ebrietate commissio dicit D. Aug. l. 22. contra Faust. c. 24. *Inebriaverunt Loth filie ejus, & e nescienti misceverunt, quapropter culpandus est Loth, non tamen quantum illi incestus, sed quantum illa meretur ebrietas.* Ex quibus videtur inferri; id quod fit in somno aut ebrietate non esse peccatum, sed effectum peccati.

Respondeo, Clementinam loqui in casu homicidii non prævisi, adeoque nec in se, nec in sua causa voluntarii. Similiter Loth excusatur à peccato incestus, siquidem iste nullo modo fuit ab ipso prævisus.

Obijci secundò. Eo modo habetur ratio peccati, quo modo habetur ratio liberi & voluntarii: sed omisso non libera est & voluntaria in se, sed in causa: ergo pariter non est peccaminosa in se, sed in sua causa.

Respond. datà, non concessà maj. dist. min. Omisso non est libera in se, h. e. libertate immediate accepta à voluntate, concedo; non est libera in se, h. e. libertate nec mediata in se derivatà, nego, ergo non est peccaminosa in se, quasi ratione peccati immediate accepta concedo; nec mediata in se recepta, nego consequent.

Dices.

Dices. Peccatum actuale requirit voluntarium actuale: sed illa omissio non est actu voluntaria: ergo nec est actuale peccatum. Respond. requirit voluntarium actuale, actualitate voluntarii vel formalis, vel virtualis, concedo; solum formalis, nego. Illud consistit in presenti actu voluntatis; istud verò in permanentia actus praeiuncti in aliquo suo effectu.

In talibus. Qui non habet potentiam implendi praeceptum, non peccat contra praeceptum; nam ad impossibile nemo tenetur; sed in somno vel ebrietate nemo habet potentiam implendi praeceptum; ergo tunc nemo peccat.

Respond. dist. maj. qui non habet potentiam tam antecedentem, quam consequentem, non peccat, concedo; qui non habet potentiam consequentem, nego. hæc enim cum sit ab ipsa voluntate causata, non impedit liberum voluntarium, nam etiam te lex obligat cum non potes, si per te stieris, quod non potes.

8. Obijci est tertio. Votum in ebrietate emissum non valet; neque formæ sacramentorum in somno, vel ebrietate pronuntiatæ; tamen quis prævideat, se in somno talia verbaliter locuturum, vel habeat intentionem ejusmodi verba proferendi supra debitam materiam, & faciendo quod facit Ecclesia; ergo neque omissio facta tempore somni vel ebrietatis imputari potest in peccatum.

Respondeo negando consequentiam. Et ad primum disparitas est, quod votum ad sui substantiam requirit formalem & directam voluntatem se obligandi, quæ non reperitur in verbis tantum materialibus à dormiente vel ebrio prolatis; e contra ad peccatum sufficit voluntarium indirectum, virtuale, & in causa. Ad secundum ratio disparitatis est, quod Christus ad esse sacramentale elevavit verba formaliter significantia, qualia non sunt verba ab ebrio & dormiente more pſittaci prolata: item voluit, ut Minister in Sacramento conficiendo haberet moralem certitudinem debitæ materiæ, qualem habere non potest constitutus in tali statu.

9. Dices. Ad merendum non sufficit libertas indirecta; ergo neque ad peccandum. Respon-

deo negando consequentiam. Disparitatem dat S. D. hic q. 71. a. 5. ad primum dicens: *Plura requiruntur ad bonum, quam ad malum, eo quod bonum contingit ex integra causa, malum verò ex singularibus defectibus.* Et ideo peccatum potest contingere, siue aliquis faciat, quod non debet, siue non faciendo, quod debet: sed merium non potest esse, nisi aliquis faciat voluntarie, quod debet. Hæc S. D. Quorum sensus & ratio ulterior est: quod honestas nunquam est voluntaria, nisi voluntas directe moveatur ab honestate objecti, prout in Trađ. priori ostensum est, & consequenter meritum & honestas non reperitur nisi in voluntario directo; at verò malitia, cum nec sit nec proprie possit esse directe & motive voluntaria, cum nemo intendens malum operetur, tantum possit esse & sit voluntaria terminative; atqui voluntarium terminativum duplici modo fieri potest, siue faciendo quod non debet, h. e. directe faciendo actum prohibitum, siue non faciendo quod debet, h. e. omittendo actum praeceptum, quod est voluntarium indirectum, & indirecte terminans voluntatem.

Colliges ex dictis primò. Omissionem vel effectum aliquem non ideo dici voluntarium in causa, quasi tota ratio voluntarii absolvatur in causa, sed quia ipsi ratio liberi & voluntarii convenit per denominationem extrinsecam à causa in effectum derivata, ita ut in ipso terminetur, ac consummetur voluntarium. Unde etiam peccatum omissionis inchoative quidem est in causa, consummative verò in ipsa omissione externa.

Colliges secundò. Quod de omissione diximus, ob paritatem rationis etiam esse dicendum de positivis effectibus voluntariis in causa. Ideoque non sufficit in confessione exponere causam malam, è qua sequitur effectus malus, sed oportet insuper exprimere effectum, qui in illa prævisus fuit, aut prævideri debet, e.g. non sufficit se accusare de impuris cogitationibus, quæ fuerunt causa turpium motuum in somno secutorum, sed etiam oportet ipsos motus exprimere, in quibus impuritas in voluntate inchoata consummatur.

## DISPUTATIO XIX.

DE

### Distinctione peccatorum.

ad q. 72.

IN spemur naturam peccati secundum communem ipsius rationem, ut est in se ipsa, nunc ad magis particularem & specificam ipsius rationem cum S. D. progredimur, & principia, unde specifica peccatorum distinctio peti debeat, statuimus. Addimus etiam ob materiæ connexionem regulas, ex quibus numerica peccatorum distinctio cognosci queat, quas aliqui differunt ad Tractatum de penitentia.

## ARTICULUS I.

*Unde sumatur specifica distinctio peccatorum?*

## SUMMARI A.

1. Divisio peccati in originale, personale, actuale, habituale, mortale, veniale, commissionis, omissionis.
2. Divisio peccati in carnalia, spiritalia, cordis, oris, & operis.
3. Divisio peccati in ea, quæ contra DEUM, proximum, & seipsum.
4. Divisio peccati in ea, quæ sunt ex infirmitate, ignorantia, & malitia; in propria & aliena.
5. Distinctio specifica peccatorum sumitur ab objectis specie distinctis.
6. Item ex formalis diversitate præceptorum.
7. Quid sit diversitas præceptorum ex parte rei præceptæ?
8. Quomodo malitia privativa peccati possit specificari ab objecto.
9. Quo sensu lex divina & humana sint specie diverse?
10. Peccata omissionis indirectè accipiunt speciem ab objectis.
11. Diverse species peccatorum reperiri possunt in eodem physice actu.
12. Divisio peccati in mortale & veniale non semper est essentialis.
13. Peccata commissionis & omissionis in genere moris non semper essentialiter distinguuntur.
14. Cur Sacrum contemnere, & omittere sint peccata specie distincta.
15. Peccata per excessum & defectum opposita specie distinguuntur.
16. Divisio in peccata spiritalia & carnalia est adequata & essentialis.
17. Circumstantia mutantes speciem transseunt in conditionem objecti.

## §. I.

*Varia divisiones peccatorum.*

1. Juxta varias comparationes peccatorum ad objectum, principium, subiectum, circumstantias &c. diversæ quoque sunt peccatorum divisiones. Dividitur ergo primò in peccatum originale, & personale. Illud est, quod per originem, seu generationem ab Adam in posteros transfunditur: istud, quod propria peccantis voluntate committitur. Secundò in actuale, & habituale. Illud est actus malus difformis regulis morum; istud est macula, quæ à peccato præterito in anima relinquitur. Tertiò in mortale, & veniale. Illud est & dicitur, quod animæ mortem infert privando ipsam gratiæ & charitate, & inducendo reatum pœnæ æternæ: istud est, quod tantum diminuit fervorem charitatis, & solum inducit reatum pœnæ temporalis. Quartò in peccatum omissionis, & commissionis, de quibus suprâ.
2. Quintò in peccata carnalia, & spiritalia. Carnalia sunt, quæ in delectatione carnali perficiuntur, ut gula, & luxuria. Spiritalia, quæ perficiuntur in delectatione spiritali; h. e. mentali; quamvis etiam versentur circa aliquod ob-

jectum corporeum, & materiale, ut superbia, invidia, avaritia &c. Sextò in peccata cordis, oris, & operis, juxta varios gradus, quibus ab sui consummationem peccata ascendunt: nam primò peccatum concipitur cogitatione, deinde manifestatur locutione, tandem completur opere.

Septimò dividitur in peccata contra DEUM, 1. proximum, & seipsum: nam licet generaliter loquendo omnia peccata partim sint contra DEUM, in quantum sunt transgressionem legis æternæ, partim contra nosipsum, in quantum nobis nocent, specialiter tamen ratione, petita ex formalibus objectis & motivis illarum virtutum, quibus peccata opponuntur, illa dicuntur peccata contra DEUM, quæ contrariantur illis virtutibus, quibus rectè disponimur in ordine ad DEUM per nostras actiones attingendum: qualia peccata sunt blasphemix, impoenitentix, desperationis, &c. quæ adversantur virtutibus Theologicis, item pœnitentix & religionis. Illa dicuntur peccata contra proximum, quæ opponuntur iis virtutibus, quibus rectè disponimur in ordine ad proximum, qualia peccata sunt homicidium, furtum, &c. quæ pugnant contra justitiam & partes ipsius. Tandem illa peccata dicuntur contra nosipsum, quæ adversantur illis virtutibus, per quas in moderandis nostris passionibus nos rectè habemus erga nosipsum, & ejusmodi peccata sunt Luxuria, gula, timiditas, &c. quæ sunt contra temperantiam, fortitudinem, &c.

Octavò dividitur in peccatum ex infirmitate, ignorantia, & malitia. Primi generis sunt, quæ oriuntur ex gravi tentatione, & motione appetitus sensitivi tum irascibilis, tum concupiscibilis. Secundi generis, quæ ex ignorantia culpabili, vel vincibili orrum trahunt. Terti generis; quæ vel ex sola malitiosa determinatione voluntatis, nullâ passione, vel ignorantia præventæ committuntur. Tandem dividuntur peccata in propria, & aliena. Illa sunt adus ipsius peccantis; ista, quæ licet sint actus alterius suppositi, nobis ramen imputantur ratione consilii, suasionis, convenientiæ, &c. Ex his præmissis divisionibus cum certum sit, aliquas tantum esse accidentales; Quæritur, unde nam defumenda & agnoscenda sit specifica distinctio peccatorum?

## §. II.

*Regula distinctionis specifica.*

CONCLUSIO PRIMA. Peccata sumuntur; specificam distinctionem ab objectis specie distinctis, quæ respiciunt. S. D. q. 72. a. 1.

Ratio est primò. Inde peccata sumuntur specificam distinctionem, unde accipiunt speciem: sed hanc accipiunt ab objecto: ergo. Minor probatur. Adus humanus sumit speciem ab objecto, veluti ex priori Tract. suppono: sed peccatum est actus humanus: ergo.

Ratio est secundò. Species actus humani & voluntarii magis accipitur ex eo, quod per se, quam

quàm quod per accidens à voluntate intenditur: sed quod à voluntate per se intenditur, non est inordinatio, & averſio, quæ non niſi indirectè, & per accidens intendi poteſt; ipſa verò converſio & tendentia in obiectum perſe intenditur: ergo ſpecificatio peccati magis debet accipi ex obiecto, & habitudine ad illud, quàm ex inordinatione, quæ vel in obiecto, vel in actu reperitur.

6. **CONCLUSIO SECUNDA.** *Diverſa formalis peccatorum etiam cognoscitur ex diverſitate præceptorum, ſi ſint diverſa ex parte rei præcepta, non verò, ſi tantum ſint diverſa ex parte præcipientis.* S. D. a. 2.

7. Notandum. Tunc præcepta eſſe diverſa ex parte rei præceptæ, quando præcipiuntur actus ad diverſa virtutum motiva pertinentēs; ita præceptum jejunandi, & Sacrum audiendi die feſtivo ſunt diverſa ex parte rei præcepta, quia prius pertinet ad motivum temperantiæ, poſterius ad motivum religionis. Præcepta diverſa ex parte præcipientis & principii ſunt, quæ ab alio & alio Superiore, aut legiſlatore imponuntur. Quo modo diſtinguuntur præcepta in Juris divini, naturalis, Eccleſiaſtici, Civilis, &c. Hoc poſito

Ratio primæ partis eſt. Quoties præcepta ſunt diverſa ex parte rei præceptæ, toties peccata oppoſita habent diverſas deordinationes & repugnantias cum diſtinctis motivis virtutum: ſed tunc peccata habent ſpecificam diſtinctionem, ut patet ex præcedenti conſeſſione: ergo ſpecifica diſtinctio peccatorum rectè deſumitur & agnoſcitur ex diverſitate præceptorum; ſi ſint diverſa ex parte rei præceptæ.

Ratio ſecundæ partis eſt: Quia diſtinctio ex parte præcipientis, eſt tantum materialis, neque formalis diſtinctio motus ſolet peti ex parte principii, ſed ex parte termini: ſed actus humanus, & conſequenter peccatum, eſt quidam motus & tendentia ad obiectum; ergo ipſius formalis diſtinctio non debet peti ex parte principii, quod eſt præcipiens; ſed ex parte termini, qui eſt obiectum. Et ideo deſiderium furandi & ipſum furtum, quamvis diſtinctis præceptis in Decalogo prohibeantur, imò licet ipſum furtum ſit jure divino, naturali, civili prohibitum, nihilominus formaliter non diſtinguuntur.

### §. III.

#### *Solvuntur Objectiones.*

8. **O**bjices contra primam conſeſſionem. Privationes diſtinguuntur penes formas oppoſitas: ſed peccatum in noſtra ſententia formaliter eſt privatio: ergo ipſius formalis diſtinctio poſſius debet peti à forma, h. e. rectitudine oppoſita, quàm ab obiecto.

Conſirmatur. Diſtinctio formalis & ſpecifica non debet accipi à principio materiali, ſed formalis: atqui converſio ad obiectum tantum pertinet ad materiale, econtra rectitudinis privatio ad formale peccati: ergo diſtinctio ſpecifica peccatorum magis eſt accipienda ex privatione, quàm ex converſione ad obiectum.

Reſpond. juxta ſup. dicta diſtinguendo minus: peccatum ſecundum reduplicatam & abſtractam rationem peccati & malitiæ eſt formaliter privatio, concedo; peccatum ſecundum ad-

quam rationem mali in concreto, nego: ergo formalis diſtinctio peccati ſecundum reduplicatam rationem malitiæ accipi debet à rectitudine oppoſita, concedo; ſecundum rationem malitiæ in concreto & adæquate ſumptam, nego.

Ad confirmationem quoque diſting. min. Converſio ad obiectum ſeorsim accepta & comparata ad malitiam formalem, pertinet ad ipſius materiale, concedo; accepta concretè & in ſenſu composito ipſius, nego.

Objices contra ſecundam conſeſſionem primò. Diſformitas ad legem conſtituit malitiam peccati: ergo diſformitas ad leges ſpecie diſtinctas conſtituit diſtinctam ſpeciem malitiæ: atqui lex divina, humana &c. ſunt leges ſpecie diſtinctæ: ergo.

Secundò. Inobediencia contra legem divinam eſt alterius ſpeciei, quàm inobediencia contra legem humanam: ergo etiam peccata contra legem divinam ſpecie diſſerunt, à peccatis contra legem humanam.

Reſpondeo ad 1. diſtinguendo antecedens: Diſformitas ad legem ut eſt regula actus humani, conſtituit malitiam peccati, concedo; ut eſt actus legiſlatoris, nego. Sed lex divina & humana ſunt leges ſpecie diſtinctæ, conſideratæ tanquam actus legiſlatoris, concedo; tanquam regulæ actus humani afferentes determinatæ virtutis honeſtatem, nego min. & conſequent. Ad 2. nego conſequentiam. Diſparitas eſt, quod reſpectu inobedienciæ præceptum & lex pertineat ad obiectum, ſitque terminus ad quem; reſpectu verò aliorum peccatorum tantum ſit terminus à quo receditur, unde ipſis non inducit diſtinctionem ſpecificam.

### §. IV.

#### *Corollaria.*

**C**olliges ex dictis primò. Etiam peccata omiſſionis ſpecificam diſtinctionem indirectè accipere ex obiecto, nimirum ratione actuum oppoſitorum. Nam peccatum omiſſionis eſt privatio actus præcepti; ille quippe peccat peccato omiſſionis, qui non facit, quod præcipitur. Cum igitur forma peccato omiſſionis oppoſita ſit aliqua actus virtutis, qui ſuam ſpeciem ſumit ab obiecto; ideo mediatè & indirectè etiam peccatum omiſſionis ſuam ſpeciem accipit ex illo obiecto: ſiquidem negatio & affirmatio reducuntur ad idem genus, & privationes diſtinctionem accipiunt à formis oppoſitis.

Colliges ſecundò. In eodem quocunque actu reperiuntur diverſas ſpecies peccatorum, phyſice reperiuntur repugnantia cum diſtinctis motivis diverſarum virtutum, vel ſaltem diverſarum rectitudinum & honeſtatum ejusdem virtutis; ſic v. g. adulterium à perſona ſacra commiſſum triplicem inducit malitiæ ſpeciem: quia tribus præceptis formaliter diſtinctis, ac tribus motivis diſtinctis diverſarum virtutum adverſatur: primò motivo & præcepto caſtitalis de non accedendo ad non ſuam; ſecundò motivo & præcepto Religionis, de non violando votum; ac terciò motivo & præcepto juſtitiz de non injurioſè uſurpandi rem alienam.

Colliges terciò. Divisionem peccati in mor-  
tale



tale & veniale non esse essentialem, nisi cum peccatum est ex genere suo veniale, S. D. a. 5. Ratio t. est: quia diversitas essentialis & specifica sumitur ex formali diversitate objecti: sed peccatum veniale, quod est tale ex defectu sufficientis deliberationis, vel ex parvitate materiæ, ut leve furtum, habet idem objectum formale cum peccato mortali: ergo specie essentiali non distinguuntur.

Ratio 2. partis est: quia peccatum veniale ex genere suo semper habet objectum formaliter distinctum a peccato ex genere suo mortali, ut v. g. verbum otiosum a contumelia, &c.

13. Colliges quartò. Peccatum commissionis & omissionis per se loquendo in genere moris non semper essentialiter distingui; quia possunt habere eandem oppositionem cum proximo motivo ejusdem virtutis. Exemplum dat S. D. a. 6. Avarus sive non det suum, cui debet, quod est peccatum omissionis; sive auferat alienum, quod est peccatum commissionis, semper exercet eandem oppositionem cum virtute iustitiæ, quæ ex eodem motivo proximo servandi æqualitatem inter jus unius & debitum alterius, non minus vetat auferre alienum, quàm præcipit reddere alienum. Dixi, *in genere moris*: Nam physicè quidem differunt propter diversum modum tendendi non formalem & moralem, qui attenditur ex repugnantia cum motivo virtutis, sed materiale & entitativum, siquidem commissio est actus, omisso autem carentia actus.

14. Dices: Sacrum contemnere est peccatum specie distinctum ab omissione Sacri, & tamen utrumque peccatum opponitur eidem virtuti Religionis: ergo peccatum commissionis & omissionis specie distinguuntur.

Resp. Distinguendo alterum membrum antecedit, utrumque peccatum opponitur eidem virtu-

ti secundum diversa motiva proxima, concedo; secundum idem, nego antecedit, & consequentiam. Nam motivum proximum prohibendi contemptum Sacri est intrinseca & naturalis exigentia reverentiæ, quam merentur res DEO sacræ: ac motivum proximum præcipiendi aditionem Sacri est congruitas quadam, ut reverentiam DEO debitam tali tempore, & per talem determinatum actum exhibeamus.

Colliges quintò. Peccata per excessum & defectum commissa, e. g. prodigalitatibus, & avaritiæ semper esse specie distincta, quia semper habent diversam repugnantiam cum diversâ rectitudine & honestate virtutis v. g. liberalitatis S. D. a. 8.

Colliges sextò. Divisionem peccatorum in spiritualia & carnalia esse adæquatam & essentialem: nam omne peccatum in delectatione perficitur: Vel ergo delectatio est carnalis, vel spiritualis. Carnalis delectatio est vel in cibo & potu, & hinc oritur peccatum gula; vel in venereis, & est peccatum luxuriæ. Si est delectatio spiritualis, h. e. quæ consummatur in apprehensione alicujus rei ad votum habitæ, ut inquit S. D. a. 3, & sic peccata spiritualia rectè enumerantur, superbia, invidia, avaritia, ira, acedia: nam licet hæc quoque peccata versentur circa res corporeas, tamen in illis non corporea, sed spiritualis delectatio quaritur.

Colliges septimò. Speciem essentialem peccatorum non diversificari ex circumstantiis, nisi cum transeunt in rationem objecti, ut habet S. D. a. 9. quia quamdiu non transeunt in rationem objecti ex speciali repugnantia cum honestate virtutis, [ubi appellantur circumstantiæ speciem mutant] tandiu sunt mera accidentia actus humani: sed accidentia non diversificant speciem essentialem: ergo.

## ARTICULUS II.

### Unde desumatur numerica distinctio peccatorum.

#### SUMMARIA.

1. Quando nam plura objecta causent distinctas malitias?
2. Responderetur ad objectas instantias.
3. Interruptio moralis causat individualement distinctionem in peccatis.
4. Regula cognoscendi moralem interruptionem.
5. Sola non retractatio non sufficit ad constituendam unitatem internam, & opus externum.
6. Quid agendum in nimia frequentatione peccatorum.
7. Quando nam explicanda sit in confessione mora temporis?
8. Explicanda in confessione probabilis pluralitas objectorum.
9. Plures actus externi subordinati intra unam speciem non necessario exponuntur in confessione.
10. Sacerdos in statu peccati plures absolvens committit plura peccata.
11. Instantia de consecratione & dispensatione pluvium hostiarum depellitur.

12. Quando nam diuturna detentio rei aliena sit unum numero peccatum?

#### §. I.

##### Distinctio numerica ex objecto.

Notandum, quòd malitia moralis aliquando in pluribus, aliquando in uno solo physico actu sapius multiplicetur, aliquando verò in pluribus actibus servet moralem unitatem. Queritur ergo, unde agnosci debeat individualis & numerica distinctio peccatorum exprimenda in confessione? pro cuius practicæ & perutilis questionis solutione sit.

CONCLUSIO 1. Tot sunt numero distinctæ malitiæ etiam in eodem physice indivisibili actu, quot sunt objecta actus ejusdem rationis, inter se tamen nullam unitatem moralem, connexionem, sive subordinationem habentia; e. g. si quis uno actu occidat tres homines, committit tria distincta homicidia exponenda in confessione, siquidem iria iura distincta,

*distincta, quod singuli habebant in suam vitam & membra, violavit.*

Ratio est. Malitia actus attenditur secundum ordinem ad objectum reſtæ rationi diſſonum: unde, ubi est ſpecifica diverſitas objectorum, ibi reperitur ſpecifica diverſitas peccatorum: ergo pari modo, ubi reperitur individualis diſtinctio objectorum, ſimiliter reperitur individualis diſtinctio peccatorum.

2. Dices primò. Voluntas dandi eleemoſynam 10. pauperibus, non habet tot diſtinctas numero bonitates: ergo etiam voluntas occidendi, vel ſpoliandi 10. homines non habet diſtinctas 10. malitias. *Secundò.* Non poſſet determinari, quot malitias haberet actus, quo quis vellet extinguiſcere integram familiam, vel evertere integram turrim, in qua ſunt multi homines, quorum tamen numerus determinatus ignoratur. *Tertiò.* Sequeretur, quòd voluntas occidendi infinitos homines contraheret infinitas malitias. *Quartò.* Sequitur, auferentem 100. aureos committere 100. peccata mortalia.

Reſpondeo ad 1. Si in voluntate dandi 10. eleemoſynas intendatur una ſolùm honeſtas, ita ut numerus accipientium ſe tantùm per accidens habeat, tunc fore unam ſimpliciter & formaliter bonitatem, æquivalenter tamen multiplicem, ſiquidem reiſpā æquivalēt 10. largitionibus eleemoſynarum. Si tamen per ſe & directè intendatur ſingulæ honeſtates largitionum, tunc & bonitatem fore formaliter multiplicem, quia honeſtas directè, non autem indirectè volita ſuam bonitatem reſundit in actum, prout dixi in ſup. Tract.

Ad 2. Reſpond. tot fore individualiter diſtincta peccata, quot ſunt perſonæ illius familiæ non invincibiliter ignoratæ: tot quippe ſunt objecta malæ voluntatis per ſe completa & integra, quot ſunt perſonæ, quibus vult mortem inferre. Nec reſert, quòd illa in una domo, aut familia contineantur; nam ſi in illa domo vel familia eſſet mater delinquentis, & diverſæ perſonæ etiam Clericales non invincibiliter ignoratæ, illa voluntas contraheret etiam ſpecie diſtinctas malitias contra pietatem parentibus debita, & contra virtutem religionis.

Dices: Qui gregem ovium abigeret, non ideo committeret tot peccata, quot ſunt oves, qui comburitur totam domum, non committit tot peccata, quot ſunt partes domus: ergo neque is, qui vult occidere totam familiam, habet tot malitias diſtinctas, quot ſunt perſonæ, cum & ipſæ ſint partes unius familiæ.

Reſpond. negando conſequentiam: Nam familia tantùm eſt una ſiſtione juris, quæ unitas non tollit, quo minùs quolibet perſona habeat jus completè diſtinctum à jure alterius in ſuam vitam. Atqui in domo, gregē, acervo nummorum, &c. partes omnes ita ſunt aggregatione unum, ut in ſingulis non reperitur aliquid juſ ſpeciale, & completum, quale eſt in ſingulis hominibus.

Ad 3. Reſpond. Cùm infinitas perſonarum non niſi ſyncategorematicè apprehendatur in intellectu; idcirco ejusmodi actum, quo aliquis vult infinitis hominibus nocere, tantum contra-

here malitiam interpretativè & æquivalenter infinitam. Ad 4. negatur ſequela ex dictis: quia centum aurei bene poſſunt coaleſcere in unam pecuniæ ſummam, non autem diſtincta hominum jura, quæ per homicidium v.g. violantur.

## §. II.

### *Diſtinctio numerica ex interruptione actus.*

CONCLUSIO 2. *Voluntas peccandi moraliter interrupta cauſat diſtinctionem individua-*  
*lem in peccatis tam internis, quam externis. Ita*  
*communis DD.*

Ratio eſt: Tunc peccata numericè multiplicantur, cùm deſtruitur moralis unitas ipſorum: ſed quoties voluntas peccandi moraliter interruptitur, toties deſtruitur illorum moralis unitas: ergo. Minor probatur. Mutato principio, à quo actus tam interni quàm externi in ſuo eſſe morali & voluntario dependent, mutantur moraliter ipſi actus: ſed tale principium eſt voluntas: ergo mutata voluntate mutantur actus voluntarii ſive interni, ſive externi. Subſumo, Atqui per moralem interruptionem mutatur & diſtinguitur individualiter actus voluntatis: ergo ſimiliter mutantur & diſtinguuntur cæteri actus ſive interni, ſive externi, qui ſuum eſſe morale ab actu voluntatis derivant.

Si petas, quandonam cenſeri debeat voluntas 4. moraliter interrupta? Reſpond. Quando actus voluntatis nec in ſe formaliter, nec in aliquo effectu virtualiter, nec in prudenti hominum exiſtimatione moraliter perſeverat. Id porro contingit multipliciter. Primò cum ſucceſſivè ponuntur plures actus circa plura objecta completè & totaliter diſtincta, ut ſi, poſtquam percuſiſſi Petrum, percuſis Paulum. Secundò, cùm prior voluntas revocatur, aut per pœnitentiam retrahatur. Tertiò, cùm quis deliberatà voluntate ceſſavit ab aliquo actu, veluti ſi quis moroſam delectationem ex aſpectu ſeminis conceptam, voluntariè deſerat, & poſtea ſive ex longo ſive ex parvo intervallo repetat. Dixi, ſi quis voluntariè deſerat; nam, ſi indeliberatè ex aliqua diſtractione animum aliò diverſat, & mox ad eandem delectationem redeat, cenſebitur unum numero peccatum. Quartò, cùm inter plures actus nullo voluntatis præcedentis effectu inter ſe connexos tantum temporis intercedit, ut prudentum judicio diſcontinuari cenſeantur: non enim quolibet interruptio phyſica actum in genere moris diſcontinuat: ita prandium moraliter non interruptitur per leſionem novorum, brevem ſcriptionem litterarum, aut alterius negotii expeditionem: neque Miſſa per horarium concionem; neque recitatio Breviarii per brevem interlocationem &c. Quintò, ſi actiones externæ ad ſe invicem ſubordinationem aut dependentiam habent: ita impudici tactus fornicariam copulam præcedentes, & ex ipſius intentione aſſumpti non conſtituunt diſtinctum peccatum ab ipſa fornicatione, quia ad ipſam tanquam partes & diſpoſitiones ordinantur, & explicato peccato fornicationis, etiam ipſi ſufficienter intelliguntur. At ſi exercentur abſque intentione fornicandi, etiamſi poſtea ſequatur fornicatio, conſtituunt

Cc

diſtinctam

distinctam malitiam imperfectæ mollietis in confessione specialiter exprimendam. Similiter raptus copulam consequentes constituunt distinctum peccatum specialiter in confessione exprimendum, quia non ex natura rei, sed malitiâ operantis copulam consequuntur; suntque dispositiones ad novam fornicationem.

## §. III.

*Corollaria practica ex dictis.*

5. Colliges ex dictis primò. Solam temporis unitatem, vel primam voluntatis non retractatæ habituales perseverantiam non sufficere ad constituendam unitatem numericam inter actum voluntatis internum, & opus externum: aliàs quippe qui primo anni die habuisset voluntatem furandi, eamque non retractatam ultimo anni die expleret, committeret unum numero peccatum; quod est prudentum existimationi contrarium.
6. Colliges secundò. Quamvis per se loquendo ad confessionis integritatem requiratur, ut poenitens exponat probabilem numerum peccatorum internum, quæ sola interruptione & repetitione voluntariâ multiplicatur, ut v. g. odii interni, morosæ delectationis, cum tamè propter nimiam frequentationem ejusmodi actuum sæpe sit impossibile illorum peccatorum numerum inire: ideo juxta communem doctrinam poenitentem satisfacere, si moram temporis in confessione explicet, quâ fuit versatus in statu habituato ad similia peccata, v. g. si quis dicat, se per annum, tot & tot menses, vel hebdomades odium & inimicitiam contra aliquem gessisse, & quoties aspectus vel memoria ipsius occurrit, actus odii elicitus. Si meretrix dicat, se tot & tot annis quæstum meretricium cum cujusvis generis hominibus promiscuè exercuisse, &c.
7. Colliges tertio. Quamvis mora temporis per se loquendo pertineat ad circumstantias mere aggravantes, quæ secundum probabilem sententiam non necessariò sunt explicandæ in confessione; tamen si quis longiori temporis spatio in aliquo peccato interno se hæsisse existimat, consultissimum esse [ut monet Cardin. de Lugo de Sacr. poen. disp. 16. sect. 4.] ut probabilem moram temporis in confessione exprimat; quia perdifficile est, ut homo longiori tempore ita sit defixus in unum aliquod objectum, quin aliquando plenâ libertate ab ejus cogitatione, affectuque discedat.
8. Colliges quartò. Cum malitia moralis in actu voluntatis toties multiplicetur, quoties opus volitum est multiplex: ideo in confessione exponendam esse probabilem objectorum pluralitatem, e. g. si habuisti voluntatem totâ Quadragesimâ non jejunandi, non satisfacis, te simpliciter accusando de voluntate non jejunandi, una enim omisso jejunii cum altera nullam habet moralem connexionem. Nec femina satisfacit, si dicat, se habuisse animum carnaliter peccandi, si se pluribus voluit prostituere. Si conjugatus peccat cum conjugata, exprimere debet circumstantiam conjugatæ, quia non tantum violat fux conjugis, sed etiam mariti illius, cum cujus uxore peccat, quæ sunt jura & objecta distincta. Ita si

pluribus scandalum dedisti, vel injuriam, detrahendo, furando, &c. intulisti, exprimendus est probabilis numerus, cum singularum personarum jura, vel detrimenta nullam inter se habeant moralem connexionem.

Colliges quintò. Non necessariò exponendum esse numerum illorum actuum externorum, qui ex una voluntate peccaminosa circa idem objectum, & intra eandem speciem repetuntur: ut si ex uno impetu itæ ejusdem speciei blasphemiz, contumeliz, &c. circa eandem personam, vel eodem tractu plura falsa juramenta super eadem se repetantur.

Colliges sextò. Sacerdotem in statu peccati mortalis scieñter plurius confessionis successivè expientem, tot committere sacrilegia, quot poenitentes absolvit, cum enim singulorum poenitentium confessio & absolutio constituat unum integrum & completum Sacramentum poenitentiz, tot pariter sunt distinctæ sacrilegiæ administrationes Sacramenti. Nec obstat, quòd Sacerdos eadem intentione, sine, loco, situ, & tempore continuatò istas confessiones audiat: hæc quippe omnia nequaquam sufficient ad tribuendam iis administrationibus poenitentiz unitatem moralem, cum ex parte objecti nulla sit connexio & coordinatio, aliàs qui in pugna injusta plures successivè occideret, qui eadem nocte & lecto cum pluribus feminis carnaliter peccaret, qui in Navitate D. tres Missas in statu peccati mortalis consequenter legeret, unum tantum mortale peccatum committeret.

Dices: Hinc sequitur, quòd Sacerdos in statu peccati mortalis simul unâ consecratione consecrans mille hostias, committat mille peccata mortalia, cum quælibet hostia consecrata sit integrum & completum Sacramentum Corporis Christi. Item, quòd pluribus dispensans sacram Eucharistiam in statu peccati, toties peccaret, quot sunt communicantes; sed hoc videtur absurdum: ergo.

Respond negando utramque sequelam. Et ad 1. dico, objectum consecrationis esse materiam consecrabilem, supra quam hic & nunc verificantur demonstrativæ voces, *hoc est, hic est, &c.* Hæc autem materia est una, etiam si ex pluribus particulis aggregetur. Nec refert, quòd illæ particulæ post consecrationem propter divisionem specierum dici possint multa Sacramenta; esto enim sint multa ut in facto esse, non tamen sunt multa, prout considerantur in fieri, seu quatenus subsistant uni eidemque actioni consecratiæ, cujus unitas à temporis & significationis unitate desumitur: neque consecratio ex multitudinem hostiarum contrahit novam deformitatem & repugnantiam cum virtute religionis.

Ad secundam sequelam Respond. Dispensationem 5. Eucharistiz se habere sicut distributionem ciborum in convivio, quæ five multis, five paucis convivis exhibetur, tamdiu servat suam unitatem, quamdiu tempus convivendi, & ceremoniz convivales moraliter non interrumpuntur: atqui actio judicialis, qualis est sacramentalis absolutio poenitentis, completur & absolvitur, quoties super eum sententia pronuntiatur; cum ergo, quot poenitentes absoluntur, tot

pronun-

pronuntientur distinctæ sententiæ, constat diversorum pœnitentium absolutiones nullam habere subordinationem, aut unitatem moralem.

11. Colliges septimò. Illum qui longo tempore omittit restitutionem rei alienæ injustè detentæ, non nisi unum peccatum committere, quamdiu voluntas detinendi rem alienam per contrariam

voluntatem non revocatur, cùm prima voluntas in ipsa rei detentione, ceu effectu voluntario virtualiter remanere, & omissionem restitutionis causare censeatur, donec illa voluntas per revocationem interrumpatur, vel moralis influxus ipsius per subsecutam impotentiam restituendi discontinuetur.

## DISPUTATIO XX.

DE

### Comparatione & gravitate peccatorum.

ad q. 73.

**I**N peccatis ad se mutuò comparatis consideratur inprimis connexio, deinde æqualitas vel inæqualitas peccatorum in gravitate tum essentiali, tum accidentali, quæ omnia Anglicæ doctrinæ ordine paucis discutimus.

## ARTICULUS I.

### An omnia peccata sint connexa?

#### SUMMARIA.

1. *Affertio negativa probatur auctor. S. Script.*
2. *Et ratione.*
3. *Quomodo secundum D. Jacobum offendens in uno sit omnium reus.*
4. *Discrimen inter virtutes & vitia.*
5. *Irrermissibilitas unius peccati sine altero non probat nisi similitudinariam connexionem.*

#### §. I.

##### Resolutio negativa.

1. **CONCLUSIO.** Non est ea peccatorum connexio, qui unum commisit, etiam contrahat malitiam cæterorum.

Probatum primò auctoritate S. Script. 3. Regum c. 15. ubi dicitur, quòd David non declinaverit ab omnibus, quæ preceperat ei DEUS, excepto sermone Uria, h. e. peccato adulterii, quod commisit cum Bersabea uxore Uriæ, & homicidio commissio in cæde ipsius Uriæ: ergo licet David fuerit reus homicidii & adulterii, non tamen fuit reus aliorum peccatorum.

2. Probatum secundò ratione. Si omnia peccata inter se haberent connexionem, tunc etiam objecta peccatorum haberent connexionem, siquidem unitas & distinctio peccatorum ex objecto desumitur, quod per se terminat intentionem peccantis: sed objecta peccatorum non habent inter se connexionem, siquidem sunt bona sensibilia inter se disparata, imò quandoque contraria, Unde.

Probatum tertio. Peccata, sicut & vitia quandoque sunt inter se contraria, veluti constat in avaricia & prodigalitate: sed inter contraria nulla est connexio; ergo.

#### §. II.

##### Solvuntur Objectiones.

3. **O**bjicies primò. Tunc peccata sunt inter se connexa, quando quis unius peccati reus, sit

reus omnium peccatorum, sed ita sit, affirmante D. Jacobo ep. c. 2. *Quicumque totam legem servaverit, offendit autem in uno, factus est omnium reus.*

Respond. distinguendo maj. quando fit reus omnium peccatorum formaliter & ex parte conversionis, concedo; si similitudinariè, aut ex parte averfionis, nego majorem. Unde textus D. Jacobi hæc est explicatio, quòd, qui in uno offendit contra legem, fiat omnium reus, non quasi omnia peccata contrahat, sed quia æquè averfitur à DEO ultimo fine, amittit gratiam, & charitatem, sitque reus pœnæ æternæ, ac si alia quocunque peccata mortalia commisisset. Item dicitur omnium reus, quia offendit contra charitatem, unde pendent omnia, & quæ est finis totius legis, ut exponit D. Aug. ep. 29. vel etiam, quia est reus violatæ legis divinæ, quæ est collectio omnium præceptorum.

Objicies secundò. Quantumvis virtutes habeant objecta inter se diversa, tamen inter se sunt connexæ: ergo etiam non obstante diversitate objectorum, vitia & peccata inter se sunt connexa. Consequentia probatur: Virtutes inter se habent connexionem, quia reducuntur ad unum principium amoris DEI: ergo etiam vitia & peccata habent connexionem, quia reducuntur ad unum principium amoris proprii & propriæ commoditatis.

Respondeo, disparitatem esse, quòd virtutes earumque actus, quomodocunque objecta sint diversa, per prudentiam coordinantur ad unum finem, & bonum rationis; econtrà vitia & peccata ordinantur ad fines disparatos, & quandoque oppositos. Ad probationem responderet S. Doctor. ad 3. quòd peccata reducuntur ad sui perverum amorem, tanquam ad principium disgregativum, quia amor sui disgregat affectum hominis in diversa, prout scilicet se homo amat

C c a appeten-



appetendo sibi bona temporalia, quæ sunt varia & diversa. Virtutes e contra reducuntur ad amorem DEI tanquam ad principium congregativum à multis in unum, ac propterea virtutes connexionem habent, non autem vitia.

- f. Obijcies tertio. Unum peccatum mortale non potest remitti sine altero: ergo habet connexionem, cum illo. Consequentia probatur: Quia una virtus non infunditur sine altera, rectè inferitur, quòd virtutes infusæ ad invicem habeant

connexionem: ergo etiam ex eo, quòd unum peccatum non remittitur sine altero, rectè inferitur, quòd habeant connexionem ad invicem.

Respondeo distinguendo consequens: ergo peccata sunt inter se connexa similitudinariè & ex parte averſionis, in quantum scilicet unum avertit à DEO & inducit reatum poenæ æternæ, sicut alterum, concedo; propriè & formaliter, quasi committendo unum committeretur & alterum, nego consequentiam.

## ARTICULUS II.

### *An omnia peccata sint æqualia?*

#### SUMMARIA.

1. *Peccata sunt inæqualia.*
2. *Propter inæqualem repugnantiam cum bono rationis.*
3. *Quandonom una privatio possit esse major altera?*
4. *Genus quomodo equaliter participetur ab inferioribus?*
5. *Peccatum non est infinitum in ratione malitiae.*
6. *Peccatum actuale causaliter est mors animæ.*
7. *Peccata omissionis sunt inter se inæqualia.*
8. *Item peccata habitualia.*

#### §. I.

##### *Resolutio negativa.*

1. **E**RROR Stoicorum fuit, quòd omnia peccata sint paria; contra quem est communis sententia, & nostra

**CONCLUSIO.** *Peccata sunt inæqualia tam ratione culpe, quam poenæ. S. D. a. 3.*

Utraque pars est de fide. Prima habetur Thren.

4. *Major effusa est iniquitas populi mei peccato Sodomorum, &c.* Et Joan. 19. *Qui me tradidit sibi, majus peccatum habet.* Altera pars habetur Matth. 11. *Tyro & Sidoni remissum erit in die judicii, quam vobis.*
2. Ratio primæ partis est: Quantitas malitiæ moralis desumitur ex quantitate repugnantie cum honestate virtutis & bono rationis: sed hæc est inæqualis, sicut & ipsa honestas: ergo pariter quantitas malitiæ est inæqualis. Minor constat, quia ut mox dicitur, juxta præstantiam & honestatem virtutis crescit gravitas inhonestatis oppositi vitii & peccati.
- Ratio secundæ partis ex prædicta est: quia juxta regulam justitiæ vindictivæ quantitas poenæ commensuratur quantitati culpæ: ergo, cum quantitas culpæ sit inæqualis, etiam erit inæqualis mensura poenæ.

#### §. II.

##### *Solvuntur Objectiones.*

3. **O**BJICES PRIMÒ. Una privatio non est major altera: sed malitia formaliter consistit in privatione: ergo unius peccati malitia non est major malitiâ alterius peccati.

Respondeo negando, vel distinguendo maj. privatio quæ tollit totam formam oppositam, non est major altera, transeat major: quæ non tollit totam, nego majorem. Sed peccati malitia

formaliter consistit in privatione non tollente totam formam oppositam, concedo; tollente, nego min. & consequentiam.

Inquis: Forma opposita est restitutio: sed malitia peccati tollit totam restitucionem, aliàs quippe actus simul esset bonus & malus habendo unam restitucionem, & non habendo alteram: ergo malitia peccati tollit totam formam oppositam.

Respondeo negando minorem: nam licet malitia peccati nullam secum restitucionem formalem compatiatur, illam tamen solum restitucionem formaliter tollit, cui ex malitiosa tendentia voluntatis opponitur: aliarum verò bonitatum & restitucionum absentia tantum negativè, materialiter, & concomitanter conjungitur.

Obijcies secundò. Genus æqualiter participatur à suis speciebus: sed ratio peccati est generica respectu omnium peccatorum: ergo æqualiter in omnibus participatur.

Respondeo distinguendo majorem. Genus æqualiter participatur, quantum ad præcisam rationem generis, concedo [si tamen sit genus univocum;] quantum ad differentiam superadditam, nego. nam, ut S. D. q. 2. de malo a. 9. ad 16. *Omnia animalia sunt æqualiter animalia ut homo, non tamen sunt æqualia animalia; sed unum animal est altero majus & perfectius.*

Obijcies tertio. Unum infinitum non est majus altero: quodlibet peccatum est infinitum: ergo nullum peccatum est majus altero.

Respondeo vel neg. vel dist. min. Peccatum est infinitum in ratione offensæ, transeat; in ratione malitiæ, nego. ergo peccata sunt æqualia in ratione offensæ, transeat; in ratione malitiæ, nego consequentiam. Rationem disparitatis dant, qui tuentur infinitatem offensæ simpliciter dictam, quòd quantitas offensæ in peccato desumatur à quantitate personæ offensæ, ut in se est, hæc autem est simpliciter infinita; e contra quantitas malitiæ desumitur à quantitate objecti quatenus apprehensi per intellectum; hæc autem apprehensio semper est finita & inæqualis.

Obijcies quarto. Peccatum est, & dicitur mors animæ per analogiam ad mortem corporalem: ergo sicuti mors corporalis est æqualis in omnibus morientibus, ita peccatum in peccantibus.

Respondeo, peccatum actuale, de quo hic sermo,

mo, esse mortem animæ causaliter, sive ut loquitur S. D. effectivè, in quantum causat privationem gratiæ & charitatis; unde non est paritas cum morte corporis formali, consistente in pura privatione vitæ corporalis.

## §. III.

## Corollaria.

7. Colliges primò. Etiam peccata omissionis inter se esse inæqualia; siquidem rectitudo & honestas actuum, quibus opponuntur, est inæqualis; alia quippe est honestas in restitutione rei alienæ, cui opponitur ipsemissio, & alia honestas religionis in auditione Sacri, cui opponitur omissionis Sacri.

8. Colliges secundò. Etiam peccatum habituale personale, seu maculam peccati non esse æqualem in omnibus. Nam primò voluntarium terminativum, quod est effectus voluntarii formalis, mensuratur juxta quantitatem voluntarii formalis, à quo causatur: sed, ut suppono, macula peccati est voluntaria terminativa, causata nimirum, & relicta ex actu peccati formaliter vel virtualiter voluntario: ergo mensuratur, & consequenter etiam diversificatur juxta quantitatem & diversitatem actualium peccatorum. Secundò. Quia privationes distinguuntur ad distinctionem formarum oppositarum: sed forma opposita pec-

cato habituali, nempe gratia sanctificans, est inæqualis, in uno intensior, in altero remissior: ergo etiam peccatum habituale, consistens in privatione gratiæ, est inæqualis. Nec refert, quòd peccatum habituale dicatur mors animæ; mors autem est privatio totalis, & æqualis in omnibus. Nam mors corporis ideo est æqualis, quia vita, cujus est privatio, non suscipit magis & minus; at vita animæ, quæ est gratia, suscipit magis & minus: ideoque etiam privatio opposita, nempe peccatum habituale est inæqualis. Si dicas: privatio in facto esse non suscipit magis & minus: sed peccatum habituale est privatio in facto esse, uti mors corporis: ergo.

Respondeo. Privatio in facto esse formæ non recipientis magis & minus, est talis, concedo; formæ recipientis magis & minus, nego. Dicitur nihilominus privatio in facto esse, seu privatio pura, quia tollit totum bonum oppositum gratiæ sanctificantis.

Dixi: peccatum habituale personale, ad excipiendum originale, quod æqualiter reperitur in omnibus hominibus; tum propter unitatem causæ, quæ est inobedientia Adami, tum propter unitatem formæ oppositæ, quæ est iustitia originalis infundenda animæ, si Adam non peccasset. Unde etiam poena damni, quam parvuli sine baptismo mortui patiuntur, est æqualis in omnibus.

## ARTICULUS III.

## Unde desumenda sit gravitas peccatorum?

## SUMMARIUM.

1. Gravitas essentialis peccatorum sumitur ex obiecto.
2. Circumstantie speciem mutantes tribuunt gravitatem essentialem.
3. Peccatum præstantiori virtuti oppositum est absolute gravius.
4. Accidentales circumstantie possunt in moralis estimatione augere gravitatem peccati.
5. Gravitas peccati crescit ex nocuitate.
6. Maxima gravitas in peccatis contra DEUM.
7. Peccata spiritualia graviora carnalibus.
8. Cur peccata contra castitatem sint graviora peccatis contra fortitudinem?
9. Cur odium amici sit peius, quàm odium inimici?
10. Gravitas accidentalium sumitur a circumstantiis speciem non mutantibus.
11. Quid gravitas extensiva?
12. Intensiva crescit ex quantitate obiecti.
13. Item ex intentione peioris finis extrinseci.
14. Et ex dignitate personæ offensæ.
15. Quando nam peccatum aggravetur ex circumstantia personæ peccantis.

## §. I.

## Regula agnoscendi gravitatem essentialem.

1. Alia est peccati gravitas essentialis quoad speciem, alia accidentalis quoad intensiorem, vel extensionem malitiæ moralis. Nunc de gravitate essentiali institutà quæstione, sit

CONCLUSIO. Peccata gravitatem essentialem

lem accipiunt ab obiecto. S. D. q. 73. a. 1. Ratio ex præcedentibus est: Inde peccata accipiunt essentialem gravitatem malitiæ, unde capiunt specificam & essentialem differentiam suæ malitiæ: sed hanc accipiunt ex obiecto, prout dictum: ergo ab obiecto quoque accipiunt gravitatem essentialem, ita ut quanto obiectum in se habetur gravius, tanto gravius quoque sit ipsum peccatum secundum specificam & essentialem rationem malitiæ. Hinc

Colliges primò. Per circumstantias speciem 2. mutantes peccata essentialiter aggravari: quia istæ circumstantiæ transeunt in rationem obiecti, prout dictum in Tr. de Ad. hum. Sed ab obiecto sumitur species essentialis: ergo. Ideo gravius est species adulterii, quàm fornicationis, quia superadditur ad malitiam fornicationis circumstantia injuriæ erga conjugem, quæ speciem mutat, & addit novam oppositionem cum virtute injustitiæ.

Colliges secundò. Illud peccatum esse simpliciter cæteris paribus & quoad speciem gravius, quod præstantiori virtuti opponitur, quia nimirum habet obiectum magis repugnans rectæ rationi. Unde etiam Philosophus 8. Eth. c. 10. dicit, id esse pessimum, quod optimo est contrarium, & corruptio optimi pessima. Quæ tamen regula ne fallat, tres conditiones ad oppositionem cum aliqua virtute debent concurrere. Primò, ut oppositio utriusque peccati, inter quæ instituitur comparatio, in modo opponendi con-

veniat. Ideo omisso Sacri præcepti v. g., est multò levius peccatum, quàm furtum, & homicidium, quia licet habeat oppositionem cum præstantiori virtute, nimirum Religionis, eidem tamen solum indirectè & mediâtè opponitur; immediâtè quippe opponitur determinationi temporis ad DEI cultum ab Ecclesia præscripti: dum econtra furtum & homicidium habent directam oppositionem cum virtute iustitiæ.

Altera conditio est, ut oppositio fiat respectu objecti primarii, & non in uno respectu objecti primarii, in altero respectu secundarii. Ita majus est peccatum infidelitas, quàm odium proximi, quia licet odium proximi habeat oppositionem cum virtute caritatis, quæ est simpliciter præstantior quàm fides, cui infidelitas opponitur: hæc tamen oppositio tantùm est respectu proximi, qui est objectum secundarium caritatis, cum tamen oppositio infidelitatis sit respectu veritatis divinæ, quæ est objectum primum.

Tertia conditio est, ut in oppositione cum virtute inferiori non includatur oppositio cum virtute superiori: sicut enim adulterium est peccatum gravius furto, quia præter oppositionem cum castitate, habet simul oppositionem cum superiori virtute iustitiæ.

4. Dixi tamen, *simpliciter cæteris paribus & quoad speciem* &c. ex quo non impeditur, quin aliquod peccatum ex objecto & specie levius, ex accidentalibus tamen circumstantiis in morali existimatione longè majorem malitiam contrahat, & majori poenâ dignum judicetur: nam sicut magnus cumulus argenti excedit in morali existimatione modicam quantitatem auri, quamvis istud simpliciter sit nobilius argento, ita propter circumstantias moralem existimationem augentes, & damna in bonum commune redundantia, longè gravius censetur peccatum latrocinari, integram villam deprædari, &c. quàm blasphemare, licet hoc simpliciter ex objecto & specie sit gravius. Unde etiam

5. Colliges tertio cum S. D. a. 8. Essentialem gravitatem peccati augeri ex majori nocumento, quia per nocumentum quod proximo per peccatum inferitur, actus peccati trahitur ad novam speciem scandali, injustitiæ, &c. Porro nocumentum tripliciter se habere potest. Primo, ut sit prævisum, non tamen directè intentum: Secundò, ut sit prævisum, & simul intentum: Tertio, ut nec sit prævisum, nec intentum. Primo modo gravitas nocumenti tanquam indirectè, saltem voluntaria indirectè aggravat peccatum. Secundo modo directè, utpote directè voluntaria. In tertio modo distinguendum est: Vel enim nocumentum nec prævisum nec in se intentum per se sequitur aut comitatur actum peccati, veluti scandalum sequitur ex publica fornicatione: & tunc etiam aggravat peccatum: quia, quæ per se sequuntur ad aliquem actum aut continentur in illo, saltem implicite & virtualiter sunt voluntaria, neque respectu ipsorum datur invincibilis ignorantia, siquidem possent & deberent prævideri. Vel nocumentum tantummodo per accidens est conjunctum, ut si puer ex petulantia hominem pilâ petens præter intentionem oculum ipsi excutiat: & tunc ex nocumento pecca-

tum non aggravatur, quippe quod nec in se, nec in causa est voluntarium, nisi cum neglectus debitz considerationis accellit, tunc enim nocumentum fit interpretativè voluntarium, ut si quis explodens bombardam erga fenestram alienæ domus, occidat hominem assidentem.

Colliges quartò. Maximam gravitatem per se loquendo reperiri in peccatis contra DEUM, & primariò in iis, quæ sunt contra DEUM immediâtè, nempe repugnantia virtutibus Theologicis, ut odium DEI, desperatio, & infidelitas. Secundariò in iis, quæ mediâtè sunt contra DEUM, nempe opposita virtutibus Religionis & poenitentia, ut idololatria, blasphemia, impœnitentia, sacrilegium, &c. Proxima his in gravitate sunt illa, quæ pugnant contra proximi bonum, & quidem magis illa, quæ substantiam, quàm quæ externa hominis bona oppugnant. Nam ut S. D. a. 3. illud peccatum est majus, quod opponitur majori bono virtutis: sed peccata contra DEUM opponuntur majori bono virtutis: similiter inter peccata contra proximum, quæ lædunt substantiam hominis ut homicidium, oppugnant ipsum hominem qui est majus bonum, quàm destructio, quæ famam; furtum, quod temporalia & externa hominis bona oppugnat.

Colliges quintò. Peccata spiritualia cæteris paribus esse graviora carnalibus, eò quod pugnant contra morivum virtutis præstantioris, quàm peccata carnalia: siquidem illa infestant bonum DEI vel proximi, ista verò solummodo peccant in corpus proprium. Ubi tamen advertit S. D. è S. Gregorio, quod peccata carnalia sunt majoris infamiae, quàm spiritualia, cum sint circa delectationes homini brutoque communes; adeoque hominem infra naturæ suæ dignitatem deprimentes.

## §. II.

### *Solvuntur Objectiones.*

Obijcies primò. Fortitudo est virtus præstantior, quàm castitas, & tamen timiditas opposita fortitudini est ex genere suo tantùm veniale, econtra peccata contra castitatem sunt ex genere suo mortalia: ergo non bene inferimus in Coroll. 2. quod peccata præstantiori virtuti opposita etiam ipsa sint graviora.

Respondeo, in comparatione timiditatis & peccatorum carnalium deficere tertiam conditionem insinuatam: nimirum, quod in peccatis contra castitatem etiam involvatur repugnantia contra virtutem præstantiorem fortitudinem, nempe iustitiam aut pietatem: nam in adulterio fit simul injuria conjugi; in stupro, aut rapto fit injuria virgini, vel parentibus; in fornicatione simpliciter læditur bonum prolis; in incestu inferitur irreverentia sanguini; in peccatis contra naturam fit injuria ipsi DEO ordinatori naturæ. Ut habet S. D. 2. q. 154. a. 12. ad 1.

Obijcies secundò. Quamvis dilectio inimicorum sit actus perfectior, quàm dilectio amicorum, tamen non sequitur quod odium inimici sit gravius peccatum, quàm odium amici: ergo etiam non sequitur, quod adus oppositus perfectiori virtuti sit gravius peccatum, quàm adus oppositus virtuti minùs perfectæ.

Respond.

Respond. negando consequentiam: quia in actibus, qui diversis virtutibus opponuntur, desumitur gravitas ex diversis motivis & rationibus formalibus virtutum; sed in peccatis quæ intra eandem virtutem, v. g. charitatis, diversis actibus virtutis opponuntur, non semper habetur diversitas ex diversa ratione motivi, sed quandoque solum ex diversitate objecti materialis. Ita fit in proposito instantia: nam odium amici diversificatur ab odio inimici ex diversitate boni creati nobis conjuncti, quod prohibemur odio habere: hoc autem est objectum materiale; cumque bonum amici sit nobis conjunctius, quam bonum inimici, propterea actus iste per se est pejor accidentaliter, quam odium inimici. Sic pariter amor amici ex parte objecti materialis est perfectior, quam amor inimici, quia amicus est bonum magis conjunctum: Nihilominus eam ratio diligendi, quæ est bonitas divina, magis influat in dilectionem inimici, quam amici, sitque illa longè magis ardua, & à proprio amore remotior, propterea est formaliter multò perfectior dilectio inimici, quam amici. Ita S. D. 2. a. q. 27 a. 7.

## §. III.

*Regula agnoscendi gravitatem accidentalem peccati.*

**G**ravitas accidentalis peccatorum consistit in eorum majori intensione, vel extensione, de qua fit

**CONCLUSIO.** *Accidentalis gravitas peccatorum desumitur à circumstantiis speciem non mutantibus.* S. D. a. 7.

Ratio est: Gravitas accidentalis malitiæ moralis accipitur à principio, quod est accidentale respectu actus humani; sed accidentalia actus humani in genere moris sunt circumstantiæ speciem non mutant: [quæ enim speciem mutant, transeunt in conditionem objecti] ideoque vocari solent circumstantiæ merè aggravantes: ergo major minorve gravitas accidentalis malitiæ moralis accipitur à circumstantiis speciem non mutantibus. Unde

**Inferes primò.** Illud peccatum esse gravius extensivè, quòd intra eandem speciem malitiæ afficitur pluribus circumstantiis propriam afferentibus gravitatem, vel quod repugnat pluribus præceptis solum individualiter distinctis. Sic v. g. gravius peccat prodigus, quando sua bona non tantum expendit in fines indebitos, sed etiam cui non debet, ubi non debet, quando non debet, &c. Gravius peccat contra præceptum jejunii, qui comedit carnes in pervigilio S. Matthiæ incidentem feriam 4. temporum Quadragesimæ, quam qui in alio simplici die jejunii carnes comedit.

**Inferes secundò.** Peccati gravitatem non tantum extensivè, sed etiam intensivè augeri ex majori quantitate objecti: unde gravius longè est furtum centum, quam decem aureorum, depredatio integri gregis, quam unius bovis.

**Inferes terriò.** Peccati gravitatem intensivè augeri non tantum ex majori conatu & intentione voluntatis; sed etiam ex intentione pejoris finis extrinseci. Prima pars per se patet: quia peccatum est tantò intensivè gravius, quantò magis est voluntarium: sed quantò intensior est

voluntas peccandi, tantò magis est voluntarium: ergo. Secundæ partis ratio est: quia finis operantis, seu extrinsecus est causa actus humani, & sic quantò est pejor, tantò majorem quoque malitiam influit in actum.

**Inferes quartò.** Quantitatem seu gravitatem peccati crescere secundum conditionem & dignitatem personæ contra quam peccatur. S. D. a. 7.

Ratio est: quòd peccati gravitas augetur juxta majorem quantitatem & gravitatem objecti: sed quando per peccatum aliquod læditur & offenditur persona dignior, tunc objectum peccati seu malitia, objectiva est major, quam cum offenditur & læditur persona minùs digna: ergo. Minor constat: quia læsio personæ seu offensiva activa habet pro objecto personam læsam, unde quò illa persona est major & dignior, tantò obiectum quòque læsionis est majus. Unde habetur *primò*, peccatum mortale contrahere quodammodo infinitam gravitatem in ratione offensivæ, siquidem persona, quæ per illud offenditur, nimirum Dominus DEUS, est infinitæ dignitatis. Habetur *secundò*, peccata, quibus offenduntur personæ sacræ, & DEO vel ratione status, & officii, ut Clerici, Religiosi, Sacerdotes; vel ratione virtutis magis conjunctæ, ut homines sancti; vel quibus personæ publicæ, & Superiores, quæ DEI vice funguntur, læduntur, esse graviora: injuriæ quippe aut læsio ejusmodi personis illata, propter specialem illarum conjunctionem cum DEO, redundat in ipsum DEUM: ideoque Zach. 1. dicitur: *Qui vos tangit, tangit pupillam oculi mei.* Habetur *tertiò*. Etiam illa peccata esse graviora, quibus offendimus personas nobis magis conjunctas, vel ratione sanguinis, vel beneficiorum &c. his enim magis læditur ordo charitatis; sicut enim ordo charitatis præcipit, ut nos ipsos præ aliis rectè diligamus, ita magis vetat, ne nos ipsos, quam alios offendamus: ergo pariter præcipit, ut eos qui nobis sunt magis conjuncti, & quasi aliqua pars nostri, minùs offendamus. Habetur *quartò*. Peccatum tantò esse gravius, quantò priorius tangit: Ita gravius est peccare in personam publicam, quam privatam; in illam, quæ est celebris famæ in aliqua Religione, S. Ordine, quam quæ est exigua, aut nullius, &c. Habetur *quintò*. Si conditio personæ sit impertinens respectu alicujus peccati, peccatum non augetur ex gravitate illius, tunc enim conditio est extræ objectum ipsius: sic furtum v. g. ex eo non aggravatur quòd fiat personæ diviti. Principi, &c. nam conditio personæ non ita propinque attingitur, sicuti per inhonorationem, vulnerationem, homicidium &c.

**Inferes quintò.** Peccata etiam posse aggravari ex circumstantia personæ peccantis, ita quidem, ut peccata ex subreptione, sive infirmitate naturæ provenientia tantò sint minor, quantò persona peccans est major in virtute; peccata verò ex malitia & perfecta deliberatione sint tantò graviora, quantò persona peccans est major in virtute, vel munere accepto à DEO, ut inquit S. D. hic a. 10. Ratio primi est, quòd illud peccatum est levius, quòd fit cum minori negligentia, sed peccatum ex subreptione ab homine virtuoso committitur cum minori negligentia: hoc ipso quippe,



quippe, quòd est virtuosus, adhibet majorem diligentiam ad illa evitanda quàm alius. Ratio secundi est, *primò* ab opposito, quòd homo virtuosus propter majora auxilia & media faciliùs possit evitare peccata, ideoque illa committendo sit negligentior. *Secundò* : quia quantò quis majora accepit beneficia, tantò magis est ingra-

tus deliberatè offendendo suum benefactorem. *Tertiò* : quia ex peccato hominis virtuosus, vel in aliquo majori gradu constitutus plures scandali occasionem accipit. *Quartò*, quia multa sunt peccata, quæ altiori vel sanctiori statui specialius repugnant, sicut injustitia statui Principis, fornicatio statui Religiosi, vel Sacerdotis, &c.

## DISPUTATIO XXI.

DE

### Subiecto peccatorum.

**N**on est sermo de remoto subiecto, quòd haud dubiè est creatura rationalis ; sed de proximo, sive potentiis animæ. Neque loquimur de peccato in esse actûs physici spectato, quo sensu rursus certum est, peccatum in potentiis, imò & membris externis subiectari posse ? quis enim dubitet, impudicum aspectum femine hoc modo consideratum in oculo, illicitam deambulationem in locomotivâ & membris exterioribus residere ? Quæritur ergo cum S. D. hic q. 24. utrùm peccatum moraliter spectatum, partim secundum rationem voluntarii, partim secundum formalem rationem malitiæ, & deformitatis, subiectetur in potentiis à voluntate distinctis, nempe ratione, [æaque superiori vel inferiori] appetitu sensitivo, &c. & quia non minùs utilior, quàm potior quæstio hoc loco movetur de morosa delectatione & consensu in actum, eidem paulò operosiùs immorabimur.

## ARTICULUS I.

*An præter voluntatem detur aliud subiectum formalis peccati ?*

### SUMMARIÆ.

1. Quoad rationem voluntarii omne peccatum est in voluntate.
2. Membra & sensus externi non sunt subiectum peccati formalis.
3. Voluntas est subiectum peccatorum etiam quoad rationem malitiæ.
4. Peccatum formaliter subiectatur etiam in ratione, & appetitu sensitivo.
5. Probat ex habitibus.
6. Objectiones.
7. Solvuntur.

### §. I.

*Subiectum peccati etiam est intellectus & appetitus sensitivus.*

1. **C**ertum est primò, quòd omne peccatum quoad rationem voluntarii intrinsecè subiectetur in voluntate. Cujus ratio est : Omne peccatum in tantum est voluntarium, in quantum elicitivè vel imperativè, directè, vel indirectè est à voluntate : si elicitivè, tunc est ipsemet actus voluntatis ; si imperativè, tunc saltem dependet ab actu practico imperii, in quo actus voluntatis includitur. Item si directè est à voluntate, tunc est propter actum voluntatis formaliter, aut virtualiter influentem ; si indirectè, tunc etiam vel propter aliquem actum voluntatis, qui est causa vel occasio omittendi, vel certè propter liberam cessationem, & dormitationem voluntatis, hic & nunc omittentis actum, quem posset & deberet

ponere ; sed omnibus istis modis voluntarium intrinsecè est in voluntate.

Nec refert, quòd S. D. q. 15. de ver. a. 3. ad 3. dicat : *Peccatum dicitur esse in voluntate non sicut in subiecto, sed sicut in causa*. Nam Resp. mentem S. Doctoris esse, quòd non omne peccatum sit in voluntate secundum rationem deformitatis & malitiæ, bene autem secundum rationem voluntarii ; nam hoc ipso, quòd omne peccatum sit in voluntate tanquam causa, etiam est in ipso subiectivè, quatenus id, ratione cuius causatur & pendet à voluntate, est intrinsecè in voluntate.

Certum est secundò. Membra, vel potentias sensitivas externas non esse subiectum peccati formaliter sumpti : nam ubi nulla reperitur, ne quidem imperfecta & participata indifferentia aut libertas, ibi peccatum formaliter non subiectatur : sed in membris & sensibus nulla ejusmodi libertas vel indifferentia reperitur ; membra quippe tantum sunt organa & instrumenta operandi, serviliter subiecta despotico rationis imperio ; unde nec sunt alicujus habitus virtuosus, vel viriosi capacia. Idem dixeris de potentiis & loco-motiva, quæ sunt determinatæ ad unum, suosque actus ex necessitate producent.

Certum est tertio. Peccata etiam quoad rationem malitiæ formalis & moralis in voluntate subiectari : quia cum voluntati per se primò competat formalis ratio liberi & voluntarii, ipsiusque sit proprium versari circa finem, & quidem ultimum, propterea ratio libera deordinationis à debito

à debito fine, quæ est formalis malitia peccati, maxime in actibus voluntatis, ac eodæ peccata quoad malitiam moralem subiectivè in voluntate reperiuntur.

4. **CONCLUSIO.** *Peccatum quoad rationem malitiæ etiam quandoque in ratione & appetitu sensitivo subiectionatur S. D. a. 2.*

Probatum primò. In iis potentiis peccatum formaliter reperitur, quarum actus ex propria ratione potentie possunt esse inordinati: sed actus intellectus & appetitus sensitivi seu sensualitatis possunt esse inordinati ex propria ratione potentie intellectivæ & appetitivæ: ergo. Major inde patet, quia cum peccata intellectus & sensualitatis sint actus immanentes, si ratio deordinationis potest adscribi principio à quo vitaliter procedunt, non erit major ratio, cur non sint æquæ in suis potentiis, quantum ad rationem deordinationis, quam quantum ad rationem physicæ entitatis. Minor verò probatur. Erroneum dictamen intellectus, vi cuius voluntas deficit à fine ultimo, & lege æternâ, est actus inordinatus ex propria ratione intellectus, quia voluntatem dirigere & esse radicaliter indifferenter, est proprium intellectus ex propria linea & ratione: sed iste actus est inordinatus secundum rationem proximæ directionis radicaliter indifferenter: ergo est inordinatus ex propria ratione intellectus.

Rursus: Turbare iudicium rationis, ejusque imperio oblectari, habetur ex propria ratione appetitus sensitivi, qui freno iustitiæ originalis destitutus inclinatur in obiectum delectabile, etiam non obstante contradictione rationis: sed hæc est quædam inordinatio, quæ reperitur in actu & motu sensualitatis: ergo etiam in actu appetitus sensitivi reperitur inordinatio proveniens ex ratione principii.

5. Probatum secundò. In quo subiecto sunt habitus vitiosi, in eodem sunt actus vitiosi secundum formalem suam malitiam & deformitatem: sed in intellectu & appetitu sensitivo reperiuntur habitus vitiosi; in illo quidem habitus infidelitatis, hæresis, erroris, imprudentiæ, &c. in isto intemperantiæ, iræ &c. Unde etiam in iisdem potentiis reperiuntur virtutes oppositæ, nempe in intellectu fides, scientia, prudentia: in appetitu sensitivo temperantia, mansuetudo, &c. ergo in iis potentiis subiectionatur peccata etiam secundum formalem rationem malitiæ. Major probatur: tum quia non minus habitus sunt moraliter vitiosi, quam actus; unde si habitus secundum moralem vitiositatem sunt in iis subiectis, etiam actus erunt: tum quia habitus vitiosus contrahitur per actus quatenus vitiosos, & expellitur per actus contrarios, ut virtuosos: tum quia habitus vitiosus similes actus vitiosos producit, & per ipsos intenditur.

## § II.

### *Solvuntur Objectiones.*

Obijciunt primò. Si malitia moralis intrinsicè reperitur in potentiis à voluntate distinctis, sequitur, eandem numero malitiam repetiri

in pluribus subiectis: sed hoc est contra doctrinam S. D. in qua idem numero accidens non potest simul esse in pluribus subiectis. Sequela probatur: In peccato v. g. morosæ delectationis peccati malitia simul esset in appetitu sensitivo, in quo oritur delectatio; secundò in voluntate, quæ consentit; tertio in ratione, quæ illis moribus non contradicit.

Secundò. Quæ per analogiam ad aliud denominantur, extrinsecè denominantur: sed actus potentiarum à voluntate distinctarum denominantur peccaminosi per analogiam & ordinem ad actum voluntatis, ideoque secundum doctrinam S. D. actus externi non superaddunt distinctam malitiam ad malitiam actus interioris in voluntate: ergo.

Tertiò. Membra externa non sunt subiectum malitiæ formalis, quia carent libertate: ergoneque potentie internæ à voluntate distinctæ possunt esse subiectum malitiæ formalis, cum similiter careant indifferentiâ & libertate.

Respond. ad 1. negando minorem, quia S. Doct. doctrina tantum negat physicam subiectionem ejusdem accidentis physici in pluribus subiectis, non verò moralem, & accidentis moralis præsertim privati, ut est malitia moralis. Nam accidens morale non necessariò accipit suam individualement unitatem à subiecto; sed eandem potest habere à subordinatione variarum potentiarum vel obiectorum.

Ad 2. Respond. Majorem tantum esse veram de analogis attributionis, non autem proportionalitatis, in quibus omnia analogata intrinsicè genus analogum participant, quemadmodum substantia & accidens participant rationem entis: atqui actus intellectus & voluntatis ita dependent à voluntate denominantur peccata, ut ratio peccati ipsi conveniat secundum analogiam proportionalitatis, non tantum attributionis.

Ad probationem è S. D. & ad 3. Respond. Inter sensus & membra externa [de quorum actibus loquitur S. D.] & ex altera parte intellectum ac appetitum sensitivum hanc esse disparitatem, quod in intellectu detur indifferentia radicalis, & tam in ratione quam appetitu sensitivo quædam saltem participata & imperfecta indifferentia, propter conjunctionem ad rationem: unde etiam appetitus inferior [inquit S. D.] est natus obedire rationi, & non semper ita immobiliter adhæret suo obiecto, ut non ab illo ex imperio rationis quandoque dimoveri se patiatur: quæ causa est, quod tam in intellectu, quam appetitu sensitivo dentur habitus, quibus facilitatur ad suas operationes producendas. Atqui sensus & membra externa ne quidem habent aliquam imperfectam & participatam indifferentiam, suntque subiecta despotico rationis imperio, membra quoque corporis sunt instrumenta & organa ad liberum voluntatis usum ordinata: ideoque nec habituum sunt capacia.



## ARTICULUS II.

*An motus concupiscentiæ sint culpabiles independentes à voluntatis influxu?*

## S U M M A R I A.

1. *Aperitur statim questio.*
2. *Quid veniat nomine sensualitatis?*
3. *Triplex diversitas in moribus concupiscentiæ.*
4. *Motus prævenientes rationem non esse mortale peccatum definitum in Trident.*
5. *Probatnr autoritate S. Script. & SS. P. P.*
6. *Ratio à priori.*
7. *Ratio ab absurdis.*
8. *Authoritates objectæ*
9. *Exponuntur.*
10. *Oppositæ rationes*
11. *Solvuntur.*
12. *Motus concupiscentiæ independentes à voluntatis influxu non sunt veniales.*
13. *Probatnr ratione & authoritate D. Th.*
14. *Ratio ulterior à libertate contrarietatis.*
15. *Responsio Adversar. impugnatur.*
16. *Replica depellitur.*
17. *Authoritas D. Th. objectæ exponitur.*
18. *Argumenta à ratione*
19. *Retorquentur:*
20. *Et solvuntur.*
21. *In quo consistat imperfecta libertas appetitus sensitivi.*
22. *Sensualitas tantum potest esse subiectum peccati venialis.*
23. *Chr non etiam mortalis peccati*

## §. I.

*Præsupposita.*

- C**um ex præcedenti articulo constet, etiam appetitum sensitivum esse subiectum peccati secundum malitiam, quaeritur, utrum in hoc appetitu possit esse peccatum, & an per motum appetitus sensitivi homo peccare possit vel mortaliter, vel venialiter absque actuali vel virtuali voluntatis influxu? Ubi primò hæreticorum nostri temporis error est, quòd motus concupiscentiæ, quos etiam inviti patimur; imò ipse fomes, seu concupiscentia habitualis etiam in baptizatis sint peccata mortalia. Secundò Cajetani, & Gonetii opinio est, motus concupiscentiæ ut prævenientes omnem actualem voluntatis motionem saltem esse peccata venialia, dummodo accedat aliqua advertentia rationis. Prorepositione
1. Notandum est primò. Appetitum sensitivum, quem hic a 3. etiam sensualitatem S. D. appellat, esse vim appetitivam naturæ sensitivæ. Unde nomine sensualitatis & concupiscentiæ non tantum intelliguntur motus libidinosi carnis, sed alii quoque motus iræ, timoris, qui ab appetitu sive concupiscibili, sive irascibili trahunt originem.
  3. Notandum secundò. Istos concupiscentiæ motus esse in triplici differentia: nam aliqui dicuntur primò primi, qui omnem præveniunt advertentiam rationis, ideoque vitari non possunt. Alii dicuntur secundò primi, quorum quidem

inordinationem ratio aliquammodo advertit, ideoque simpliciter potest contradicere, nondum tamen iisdem cum plena deliberatione consentit, vel propter vehementiam passionis, vel distractionem aliquam, &c. Tertiò sunt motus plenè deliberati, quorum malitiam ratio plenè advertit, & sic consentit. His positis sit

## §. II.

*Affertio Catholica.*

**C**ONCLUSIO prima. *Neque fomes concupiscentiæ, h. e. habitualis inclinatio appetitus sensitivi in motus inordinatos, neque ipsi motus concupiscentiæ, qui vel rationem præveniunt, vel quos inviti patimur, sunt peccata mortalia.*

*Est de fide, definitum in Trid. sess. 5. can. 5. his verbis: Manere autem in baptizatu concupiscentiam, vel fomite, hæc S. Synodus facit, & sentit, quæ cum ad agendum relicta sit, nocere non consentienti, sed viriliter per Christi gratiam repugnantibus, non valet. Ubi licet Trident. loquatur de baptizatu, quia de his negotiis erat cum hæreticis, tamen ob rationum subiungendarum identitatem eadem doctrina extendenda est etiam ad infideles, & quoscunque homines.*

Probatnr primò authoritate S. Script. & PP. Nam Matth. 15. & Marci 7. dicitur, quòd illa sola coquinaunt hominem, quæ exeunt ex corde, h. e. voluntate, ac proinde quod voluntarium non est, ut sunt prædicti motus, in peccatum imputari non potest. Apost. Rom. 8. *Nihil ergo damnationis est iis, qui sunt in Christo JESU, qui non secundum carnem ambulant, h. e. non consentiunt tentationibus carnis. Item: Si spiritus facta carnis mortificaveritis, [h. e. resistitis non consentientes] vivebitis.* 1. Cor. 10. dicit Apost. *nos non tentari supra id quod possumus: sed si tentationes & motus carnales, quos dæmon nobis insciis, aut invitis excitare potest, absque voluntatis consensu nobiscum invitis essent peccata, homo tentaretur supra id quod potest; siquidem non est in hominis potestate, semper impedire, ne ejusmodi motus exurgant: ergo. Celebre quoque est illud D. August. l. 1. retract. c. 13. in folatio tentatorum, maximè scrupuloso rum dicentis: Peccatum adeò voluntarium malum est, ut nullo modo sit peccatum, si non sit voluntarium. Et l. de duab. anim. dicit, non nisi voluntate peccatur. Quibus etiam*

Probatnr secundò ratione. Nihil potest esse peccatum, quod non est voluntarium; quia, si non sit voluntarium, non est liberum, non morale; nec proinde cadit sub præcepto, neque capax meriti vel demeriti: sed prædicti motus & fomes concupiscentiæ nobis non sunt voluntarii, imò sæpenumèro involuntarii: ergo peccata esse non possunt.

Probatnr tertiò ab absurdis. Nam sequitur primò,

primò, quòd homo contra suam voluntatem cogi posset ad peccandum, siquidem motus concupiscentiæ etiam à dæmone, & per vim extrinsecus illatam excitari possunt. Sequitur secundò. Simul in eodem supposito meritum, & demeritum, siue peccatum posse consistere: demeritum siue peccatum in motu concupiscentiæ, meritum in voluntate resistente; siquidem resistere ejusmodi tentationibus actus virtutis est, ab auxilio divino supernaturali proveniens.

## §. III.

*Solvuntur Objectiones.*

1. **O**bjicies primò ab autoritate. Quod lege prohibetur est malum: sed concupiscentiæ omnes motus prohibentur per legem & præceptum, *Non concupisces*: ergo isti omnes motus sunt mali. Et confirmatur à D. Augustino, in lib. de sp. & litt. dicente, illum solum satisfacere præcepto, *Non concupisces*, qui nullo patitur motus carnis. Secundò. Apostolus Rom. 7. dicit, illos motus esse contra legem mentis sue: sed quod est contra legem & regulam rationis, peccatum est: ergo. Tertiò. Ibidem concupiscentiam appellat malum & peccatum. Quartò. Joan. ep. 1. c. 2. dicit, concupiscentiam non esse à DEO: sed solum peccatum non esse à DEO: ergo concupiscentia est peccatum.

2. Respond. ad 1. Per præceptum, *Non concupisces*, prohiberi concupiscentiam voluntariam & deliberatam, ut sensus præcepti sit, non consenties male concupiscentiæ. Ideo Eccli. 18. dicitur: *Post concupiscentiam tuam non eas*. Et Rom. 6. *Non regnet peccatum in vestro mortali corpore, ut obediat concupiscentiis ejus*. Unde etiam Pius V. & Gregorius XIII. damnarunt istum articulum. *Prava desideria, quibus homo non consentit, & quæ homo inivitus patitur, sunt prohibita præcepto, Non concupisces*.

Ad confirmationem à D. Aug. Respond. Mentem esse S. Patris, quòd ille qui nullo patitur motus carnis, solus satisfaciât huic præcepto quoad perfectionem & finem legis, non autem quoad obligationem legis, quæ non est nisi de mediis pro consequenda carnis ad spiritum subjectione & obedientia adhibendis.

Ad 2. Respond. motus involuntarios concupiscentiæ esse contra legem mentis, materialiter non formaliter; illud autem tantummodo est peccatum, quod est contra legem & regulam rationis formaliter. Sic pariter concupiscentia vocatur malum & peccatum materialiter & obiectivè, quia est id, quod accedente consensu voluntatis est formaliter malum & prohibitum, vel metonymicè & figuratè, partim in quantum est effectus peccati originalis; partim in quantum est causa & occasio inducens in consensum peccaminosum, ex quo patet solutio ad 3.

Ad 4. nego min. nam non solum peccatum formaliter, sed neque ulla alia inordinatio moralis, etiamsi non sit conjuncta cum peccato, est à DEO. Et sic secundum Apostolum etiam fomes sive concupiscentia, quatenus est vitiosa & inordinata, & rebellis rationi, ut sic non est à DEO, sed est effectus peccati originalis: est tamen à

DEO, quatenus est inclinatio, aut motus in bonum sensibile proportionatum naturæ sensitivæ.

Objicies secundò à ratione. Peccatum originale imputatur parvulis, & si non propriâ voluntate sit contractum: ergo etiam fomes imputatur adultis, & si non sit propriâ voluntate contractus; siquidem est sequela peccati originalis. Secundò. Ad peccandum sufficit voluntarium in causa: sed motus concupiscentiæ sunt voluntarii in causa, nimirum in peccato originali: ergo. Tertiò. Si motus concupiscentiæ primò primi non essent peccata, liceret in illis habere complacentiam, aut illos desiderare: sed neutrum est licitum: ergo sunt peccata.

Respond. ad 1. neg. consequentiam; hoc it. quippe soli peccato originali proprium est, ut ratione pacti cum Adamo initii imputetur posteris peccatum ipsius Adami tanquam moraliter contentis in voluntate primi parentis, & capitis totius humanæ posteritatis: omne autem aliud peccatum propriâ voluntate committitur, ideoque personale dicitur. Ad 2. dist. maj. sufficit voluntarium in causa proxima per propriam voluntatem datâ, concedo; remotâ, per alienam voluntatem datâ, ut est fomes concupiscentiæ, & motus ipsius, nego. Ad 3. nego sequelam; ut enim non liceat illos desiderare, sufficit quòd sint mali malitiâ obiectivâ; nec requiritur, ut sint mali malitiâ formalis.

## §. IV.

*Alterâ pars quesitis resolvitur.*

**CONCLUSIO** secunda. *Motus concupiscentiæ independenter ab omni actuali vel interpretativo consensu voluntatis ne quidem potest esse veniale peccatum*. Ita Alvarez & Medina contra Gonet, & Salmant.

Probat per primò autoritate supra adductâ præsertim Evangelicâ, ubi negatur hominem coquinari, nisi per illa quæ ex corde, h. e. voluntate exeunt. Et D. Aug. affirmans, solâ voluntate peccari. Tridentini sess. 5. in decr. de peccato originali definitis, *concupiscentiam, quæ in baptizatis manet, non nocere non consentientibus*.

Probat per secundò ratione & autoritate S. D. 13. in 2. d. 24. q. 3. a. 2. Omne peccatum commissionis est aliquis actus inordinatus voluntarius & moralis: sed motus appetitus sensitivi absque aliquo voluntatis influxu non est voluntarius & moralis: ergo. Min. prob. partim ex loco citato. ubi dicit S. D. *Ibi incipit genus moris, ubi primò dominium voluntatis invenitur*: partim ex eo quòd idem S. D. definit, actum humanum & morale esse illum, qui ex voluntate deliberata procedit, & quem homo operatur tanquam homo & dominus suorum actuum: sed non nisi per voluntatem homo operatur ut homo & dominus suorum actuum: ergo absque exercitio voluntatis nullus actus est voluntarius & moralis.

Probat per tertiò. Ad omne peccatum etiam veniale requiritur libertas contrarietatis circa bonum & malum morale, h. e. circa honestum, & inhonestum: sed in appetitu sensitivo independentè à voluntate non est libertas circa honestum

Dd 2

stum



stum & inhonestum: ergo etiam in appetitu sensitivo independenter à voluntate non potest esse peccatum veniale. Minor probatur: Ut in appetitu sensitivo esset libertas & indifferentia circa rationem honesti & inhonesti, deberet appetitus regulari per iudicium indifferens, in quo videlicet rationes honesti & inhonesti, liciti & illiciti, indifferentiter proponeretur [hâc quippe de causâ appetitus rationalis habet libertatem contrarietatis circa bonum & malum morale] sed per tale iudicium regulari non potest; nam sicut voluntas per rationem, sic appetitus sensitivus excitatur & regulatur per potentiam cogitativam: sed ratio honesti & inhonesti est extra spheram & objectum potentie cogitativæ, nec ab ipsa apprehendi potest; cum enim sit potentia sensitiva, non est nisi de objecto sensibili, quale non est ratio honesti & inhonesti; ergo.

15. Respondent Adversarii, sufficere, quod motus sensualitatis sit à voluntate tanquam movere potente, non tamen tanquam actu movente, quod sit, quando ratio illos quidem motus avertit, & exinde voluntatem constituit in potentia illos motus reprimendi, voluntas tamen actu neque consentit, nec etiam resistit.

Sed contra est primò. Voluntas ut præcisè potens movere, tantum dicit dominium habituale & potentiale, non autem actuale; sed peccatum seu actus moralis & humanus dicit dominium actuale; ergo ad peccatum non sufficit, præcisè quod voluntas sit potens reprimere motum in appetitu sensitivo.

Contrà est secundò. Si requiritur advertentia rationis, ad hoc ut motus sensualitatis sit peccatum, tunc etiam voluntatis consensus requiritur. Antecedens per adversarios est verum; ergo & consequens. Sequela probatur: Sicuti potentia cogitativa rationi, sic vis appetitiva in homine subordinatur voluntati: ergo sicuti ad peccandum non sufficit cogitativa sine concursu rationis, ita nec sufficit appetitiva sine concursu voluntatis.

Contrà est tertio. Quando voluntas non resistit motibus inordinatis, quibus potest & debet resistere, tunc interpretativè consentit, uti mox dixerit ex instituto: sed juxta Gonetum quando in appetitu sensitivo est peccatum, tunc voluntas potest inordinato ipsius motui resistere, & debet: ergo interpretativè consentit, adeoque nunquam est peccatum in appetitu sensitivo sine interpretativo saltem consensu voluntatis.

16. Replicat Gonet. Istum interpretativum consensum voluntatis non adesse per se formaliter & ex exigentia venialis malitiae, sed tantum per accidens & concomitantem, nimirum ex natura voluntatis, quæ existente cognitione nequit esse suspensa. Sed contra est: quod malitia peccati etiam venialis per se exigit, ut sit voluntaria, moralis, & contrariè libera: atqui ad hoc etiam per se requiritur aliquem consensum voluntatis, vel formalem, vel interpretativum, sufficienter ostensum est: ergo. Præterea. Etiam juxta Gonetum per se requiritur ad malitiam venialem inordinati motus concupiscentie advertentia rationis: ergo etiam per se requiritur consensus aliquis voluntatis. Consequentia probatur: quia ratio

non est immediata regula appetitus sensitivi, sed rationalis: ergo non nisi mediante consensu voluntatis potest concurrere ad malitiam illius motus.

## §. V.

## Solvuntur Objectiones.

Obijcies primò authoritatem S. D. hic a. 3. ad 1. dicentis, *Appetitus sensitivus in nobis prae aliis animalibus habet quandam excellentiam, scilicet quod natus est obedire rationi: & quantum ad hoc potest esse principium actus voluntarii, & per consequens peccati. Ubi, inquit Gonet, S. D. non recurrit ad actualem influxum, quem voluntas vel ratio in appetitum exerceat, sed ad illam excellentiam habitualem, quâ natus est ita in suum objectum tendere, ut tamen valeat cohiberi à voluntate. In q. 7. de malo a. 6. Sensualitas [inquit] quandoque movetur absque imperio rationis & voluntatis, & tunc peccatum dicitur esse in sensualitate: sed tunc peccatum non potest esse mortale, sed veniale tantum.*

Respond ad 1. illam authoritatem magis obesse, quam favere Adversariis; nam ex illa sequitur, quod propter obedientiam ad rationem, cuius appetitus sensitivus hominis solius est capax, etiam sit principium actus voluntarii: sed hanc obedientiam non habet actu, nisi voluntas impetret; nam certè appetitus sensitivus non est principium actus moraliter boni, nisi propter obedientiam actualem & influxum voluntatis: ergo neque est principium actus moraliter mali nisi dependenter ab imperio vel influxu voluntatis.

Ad 2. Respond. *To imperium accipi à S. D. in propria & rigoroſa significatione, in qua, cum sit actus perfecte deliberatus, præceptiva intimatio & impulsus non tantum veniale sed etiam mortale peccatum causat. Nos autem loquimur solum de imperfectè deliberato, aut interpretativo etiam imperio & consensu voluntatis, quem S. D. supponit.*

Instat Gonet à S. D. q. 25. de Ver. a. 5. ad 5. dicente: *Non dicitur peccatum esse in sensualitate propter interpretativum consensum rationis.*

Respond. S. Doctorem hoc velle, quod ratio, cur peccatum sensualitati tanquam principio vel subiecto tribuatur, non sit consensus rationis, sic enim potius tribueretur rationi, sed ipsius imperfecta libertas, seu subijcibilitas ad rationem. Ex quo tamen non sequitur, quod ad impurabilitatem malitiae venialis per se nullus requiratur influxus voluntatis, prout ipse insinuat, ad 9. dicens: *quod omne peccatum imputatur homini, in quantum habet voluntatem, & tamen peccatum dicitur esse aliquo modo in illa potentia, cuius actum contingit esse defectum.*

Obijcies secundò ex ratione: In illa potentia potest esse peccatum veniale, in qua est libertas: sed appetitus sensitivus propter habitualem conjunctionem cum voluntate habet propriam, quamvis minimam & imperfectam libertatem: ergo propter eandem habitualem conjunctionem potest esse subiectum peccati venialis. Minor est certa S. Doctoris inprimis hic a. 2. ad 3. dicentis: *Potentia appetitiva interior comparentur ad rationem quasi libera. Deinde poten-*

vis cogitativa & memorativa in homine propter conjunctionem cum ratione participat vim discurrendi circa singularia, ut habet idem S. D. 1. p. q. 78. a. 4. in c. ergo similiter appetitiva participat libertatem propter conjunctionem cum voluntate. Tandem subiectum virtutis & vitii debet esse intrinsece liberum; sed appetitus sensitivus est subiectum virtutis & vitii; ergo. Ex quo

Confirmatur primò. Subiectum virtutis & vitii etiam potest esse subiectum peccati: sed appetitus sensitivus independenter ab actuali influxu voluntatis est subiectum virtutis & vitii; ergo.

Confirmatur secundò. Ad peccatum mortale, quod est perfectum & maximum in genere peccati, requiritur perfecta libertas, quæ est in voluntate: ergo ad veniale quod est minimum in genere peccati, sufficit libertas minima, quæ reperitur in appetitu sensitivo.

19. Respondeo primò. Si quid hæc argumenta, prout etiam autoritates objectæ, probarent, probarent etiam contra Adversarios, quod motus inordinati concupiscentiæ primò primi prævenientes rationem & advertentiam, vel etiam contradicente ratione elicitii essent peccata venialia, siquidem procedunt à potentia habente imperfectam libertatem, suntque inordinati: hoc autem repugnat Tridentino, & doctrinæ Adversariorum: ergo.

20. Respondeo secundò. In illa potentia potest esse peccatum, in qua est libertas & indifferentia circa bonum & malum morale, concedo; alia quæcunque, & circa bonum sensibile præcise, nego. Atqui independenter à voluntatis influxu & regula rationis non dari in appetitu sensitivo libertatem circa bonum & malum morale, utpote constitutum extra spheram & objectum ipsius, constat ex dictis: Unde, concessis probationibus Minoris, quæ solum probant libertatem imperfectam, non autem quod sufficiat ad peccatum sine motu & consensu voluntatis:

Ad primam Confirmationem nego min. nam virtutes & vitia in appetitu sensitivo non nisi per actus ab intellectu & voluntate regulatos regulantur.

Ad 2. Confirmat. patet ex dictis; nam negatur consequentia: siquidem illa imperfecta libertas sine consensu voluntatis non est circa bonum & malum morale.

## §. VI.

### Corollaria.

21. Colliges ex dictis primò. Imperfectam libertatem appetitus sensitivi maximè in hoc consistere, uti explicat S. D. cit. q. 25. de Verit. quòd

ratio advertens motus in appetitu excitatos ab objecto representatum sub ratione delectabilis, illud objectum representet, & applicet pariter potentiam cogitativam & phantasiam ad illud apprehendendum sub ratione objecti tristabilis, quò factò reprimatur motus concupiscentiæ: quævis è vehementia primæ apprehensionis, quæ ut propius & connaturalius, sic fortius influit in appetitum, &pe contingat, illos motus, etiam ratione in contrarium nitente, continuari: quæ de causâ licet absolute appetitus sit subiectus voluntati, ut avertetur illud objectum, quod ipsi ex impulsu voluntatis ab intellectu tanquam tristabile proponitur; non tamen despicitur, ut vocant, & serviliter subest, sed politicè: quia aliquando fortius trahitur per representationem phantasie, quæ objectum ut delectabile proponitur, quàm per representationem intellectus, quæ objectum ut tristabile representatur: ideoque indiget habitibus facilitantibus ad obediendum rationi.

Colliges secundò. Sensualitatem tantum esse 22. se subiectum peccati venialis, non autem mortalis, ut habet S. D. a. 4. Ratio est: quòd illa solum potentia dici potest subiectum peccati mortalis, cui potest attribui deordinatio ab ultimo fine: sed hæc non potest attribui appetitui sensitivo: ergo. Minor probatur: Illi potentie non potest attribui deordinatio à fine ultimo, cui non potest attribui ordinatio in finem ultimum; oppositorum enim est commune subiectum: sed ordinare in finem ultimum non pertinet ad appetitum, sed ad rationem; ergo.

Colliges tertio. Causam, cur peccatum veniale motus concupiscentiæ tribuatur appetitui sensitivo, non autem mortale, esse, quia perfecta deliberatione deviare & averti à fine ultimo, est maximè vitium rationis & deliberati consensûs, quantumvis motus ab appetitu sensitivo proveniat: atqui complacentia imperfecta, cum semiplena tantum deliberatione potius est ex vitio sensualitatis, suæ passionis vehementia turbantis rationem, & perfectam advertentiam impediens.

Colliges quartò. In ratione seu intellectu 24. subiectari posse peccatum mortale, ob rationem oppositam. Nam in ea potentia potest esse peccatum mortale, in qua potest esse deordinatio circa finem ultimum, sed hæc potest esse in intellectu, & est defecto, quotiescunque intellectus practicus in voluntate regulanda à debito ultimo fine aberrat: Nihilominus non tantum in regulando potentias inferiores, sed etiam in cognoscendo proprio objecto & veritate nunc leviter, nunc graviter ratio errare potest,

## ARTICULUS III.

### An peccatum morosæ delectationis sit in ratione?

#### SUMMARIA.

1. Quid sit morosa delectatio?
2. Quid sit ratio superior, & inferior?
3. Morosa delectatio est in ratione dirigente, & inferiori.
5. Objecta solvuntur.

#### §. I.

##### Prænotanda.

Notandum primò. Morosam delectationem rectè definiri, quòd sit voluntaria delectatio de ali-

de aliqua re inhonestâ, per cogitationem ut præsentem apprehensa. Dicitur primo, voluntaria delectatio, quo indicatur, illam non appellari morosam à mora temporis, quo delectationi inhæret, sed à mora rationis & voluntatis, vetitam delectationem post plenam advertentiam reprimere negligentis, cum tamen posset & deberet reprimere: unde peccatum morosæ delectationis etiam in instanti potest contingere. Dicitur secundo,

*De re inhonestâ*, h. e. de objecto illicito in quacunque materia, quamvis communiori usu intelligatur delectatio de objecto illicito in materia venerea. Hinc excluduntur delectationes de cogitatione, vel aliquo modo & circumstantia rei illicitæ, quæ absolute possunt esse objectum bonum & honestum. Dicitur tertio, *De re ut præsentem apprehensa*; si enim esset de re quatenus futura, vel exequenda, non adesset tantum consensus in delectatione, sed etiam in ipsum opus; quod est longe majus & distinctum peccatum à morosâ delectatione, & solet appellari delectatio operosa. Ita qui habet voluntariam & simplicem complacentiam in fornicatione cum aliqua femina sibi in mente delectabiliter representata, tamen sine voluntate cum illa peccandi, peccat peccato morosæ delectationis; si ulterius progrediatur ad desiderium peccandi, & ad consensum in opus oblatâ occasione exequendum, gravius peccat peccato operosæ delectationis.

2. Notandum secundò. Rationem dividi à S. D. in superiorem & inferiorem, cui respondet ex parte voluntatis portio superior & inferior, quæ distinctio non est in duas potentias, sed tantum in duo munia ejusdem intellectus inadxquatè distincta. Nam eadem ratio quatenus per rationes superiores & æternas procedit ad ferendam sententiam de honestate vel turpitudine actûs, sic dicitur ratio superior; eadem verò quatenus per rationes temporales & humanas judicat de temporalibus bonitate, utilitate, delectabilitate alicujus actûs, sic dicitur ratio inferior; e. g. si conspecto inimico dicatur cogitatio, illum esse occidendum, quia est honorificum vindictam sumere de inimico, dicitur hoc esse iudicium rationis inferioris; si dicatur, illum non esse occidendum, quia lex charitatis imperat etiam inimicis ignoscere, dicitur hoc esse iudicium rationis superioris. Quæritur ergo: an peccatum morosæ delectationis sit in ratione, eâque vel superiori, vel inferiori?

## §. II.

*Assignatur subiectum morosæ delectationis.*

**CONCLUSIO.** Peccatum morosæ delectationis. 1. *Unus est in ratione dirigente, & magis appropriatur rationi inferiori; nec contra consensus in opus magis attribuitur rationi superiori.* S. D. a. 6. & 7.

Ratio 1. partis est: Tunc peccatum est in ratione dirigente, quando motus aliarum potentiarum non corrigit prout potest & debet corrigere; sed tunc contingit peccatum morosæ delectationis, quando ratio est negligens in corrigenda inordinata complacentia & delectatione appetitus sive rationalis sive sensitivi: ergo peccatum morosæ delectationis est in ratione dirigente.

Ratio 2. & 3. partis est ex S. D. citato, quòd 4. iudicium præambulum ad finalem sententiam potius tribuitur iudici inferiori, quàm superiori: uti vice versâ finalis sententia de agendis magis adscribitur iudici superiori, quàm inferiori: atqui consensus in delectationem [quod est peccatum morosæ delectationis] dicit iudicium præambulum ad finalem sententiam, siquidem delectatio præcedit actum, & ad ipsum ordinatur; consensus verò in actum includit finalem sententiam de agendis: ergo peccatum morosæ delectationis magis rationi inferiori; contra consensus in actum magis est tribuendus rationi superiori.

Dices: Nunquam committitur peccatum morosæ delectationis, nisi ratio advertat ad inhonestatem ipsius, quòdque delectatio sit repugnans legi æternæ & rectæ rationi: sed hoc pertinet ad rationem superiorem: ergo etiam ipsum peccatum morosæ delectationis pertinet ad rationem superiorem. Præterea: Equè voluntas ex objecti delectabilitate movetur ad consensum in opus, quàm in delectationem: sed hoc pertinet ad rationem inferiorem: ergo æquè consensus in opus pertinet ad rationem inferiorem, ac consensus in delectationem.

Respondeo: tam consensum in delectationem esse in ratione superiori, quàm consensum in opus in ratione inferiori subiectivè, sed non ita appropriativè: nam ob prædictam rationem congruentiæ per quandam accommodationem magis appropriatur consensus delectationis rationi inferiori ceu præambulum, & quæ proximè trahitur à delectabilitate objecti, quàm consensus in opus, ubi major supponitur advertentia & apparentia legis prohibentis.

## ARTICULUS IV.

*An morosa delectatio, seu consensus in delectationem sit peccatum mortale?*

## SUMMARIA.

1. Distinctio inter delectationem de cogitatione, & de re cogitatâ.
2. Aliquando delectatio est de substantiâ, aliquando de circumstantiâ rei malæ.
3. Regula discernendi delectationem de cogitatione, & de re cogitatâ in materia venerea.
4. Quæstio instituitur etiam de delectatione sistente in voluntate.
5. Licitum est delectari de cogitatione rei malæ.
6. Item de modo artificioso illius.
7. Consensus in delectationem de re mala semper malus, juxta Script. & PP.
8. Ratio D. Thomæ.
9. Consensus in delectationem veneream extra statum matrimonii est mortale peccatum.
10. Objectiones.



11. *Soluntur.*
12. *Oblectatio rei mala extrinsecè non semper est mala.*
13. *Oblectatio de opere malo, ut malo, est mala.*
14. *Non est malum desiderium operis mali sub conditione vere auferente malitiam.*
15. *Est malum sub conditione non vere auferente malitiam.*
16. *Quomodo per morosam delectationem peccat vidua, vel sponsus?*
17. *Quandonam excusentur à peccato.*
18. *Quando conjuges peccant?*

## §. I.

*Prænotanda.*

1. Certum est, quòd consensus in ipsum opus, sit peccatum ejusdem gravitatis & speciei, sicut opus ipsum: solum igitur procedit quæstio de consensu in delectationem. Circa quam

Notandum primò: Delectationem aliquando esse de cogitatione rei malæ, aliquando verò de re mala cogitata. De cogitatione delectamur, quando motivum delectandi non est res cogitata, quam animus abhorret, & detestatur, sed ipsa cognitio veritatis, quam habemus de tali objecto; ita homines iusti & sapientes, Angeli, DEUS ipse complacentiam habent de exacta cognitione etiam gravissimorum peccatorum. De re cogitata delectamur, cum motivum delectandi est delectabilitas ipsius rei & objecti cogitati, ipsaque cogitatio solum est conditio sine qua non.

2. Notandum secundò, Delectationem aliquando esse de substantia operis mali, aliquando verò tantum de aliqua circumstantia, aut modo delectabili ipsius. Sic ridet aliquis casum hominis ebrii, non quòd reverà gaudeat vel de casu vel de ebrietate, sed de modo amentis, quam ebrius exhibet. Ita placent in Comiciis actionibus ingeniosa furta, non quòd ipsum: pus in iustitiam, sed modus furandi ingeniosus, aut mimicum imitandi artificium oblectet. Et ratio est: quòd appetitus sequatur apprehensionem: sed in apprehensione quandoque aliquis modus ac circumstantia ut delectabilis repræsentatur, absque hoc, quòd opus ipsum delectabile appareat: ergo similiter appetitus poterit delectari in aliquo modo & circumstantia sine operis ipsius complacentia.

3. Notandum tamen tertio. Quamvis extra materiam veneream facile sit delectationem de cogitatione rei malæ, aut delectatione ipsius rei distinguere, id tamen esse perquam difficile in cogitatione de objectis venereis, eo quòd propter objecti delectabilitatem vehementem, naturæque vitiatæ lubricam propensionem periculosum sit in solius cogitationis delectatione sistere, quin simul rapiatur appetitus in rei cogitatæ delectationem. Nihilominus signa quædam, è quibus cognosci possit, num de sola cogitatione rei inhonestæ sit delectatio, tradit Castropal. Tr. 2. disp. 2. p. 10. §. 1. primò, si habeas expressam displicentiam operis mali, & interrogatus, an illud opus placeat, mox negativè responderes. Secundò: si cogitatio rei inhonestæ oriatur ex causa vel occasione licita & honesta; v. g. ex auditis confessionibus, lectione, & studio Casuum, rei medicæ &c. Ter-

tiò: si non sit major affectus erga elegantiam, & artificium aliquid, quòd reperitur in turpi objecto, quàm si illud in re indifferenti, vel honesta audires, inspiceres, &c. tunc magis de modo artificioso vel pulchro, quàm de re ipsa delectari præsumeris: e contra si artificium aliquid picturæ, carminis, musicæ, narrationis historiarum, exhibitionis comicæ in objectis turpibus avidè venaris, in aliis verò piis honestive objectis erga illud parum aut nihil afficeris, non tam de modo pulchro & artificioso, quàm ipsa objecti turpitudine convinceris delectari.

Notandum quartò, Quæstionem procedere non tantum de consensu in delectationem sensibilem, quæ nimirum oritur in appetitu sensitivo, sed etiam rationali, quæ est complacentia ipsius voluntatis & appetitus rationalis: nam utraque sufficit ad morosam delectationem. His positis sit

## §. II.

*Statuitur discrimen inter delectationem de cogitatione, & re mala cogitata.*

CONCLUSIO PRIMA. *Per se loquendo nulum est peccatum delectari de cogitatione, vel aliquo modo artificioso & delectabili rei iuncta. Ita communis.*

Ratio est: quia delectatio rei non malæ non est mala; atqui cogitatio rei malæ, vel aliquis modus mirabilis, aut delectabilis ipsius, non est malus: ergo neque de his voluntariè delectari est malum. Unde DEUS & angeli gaudent de facto de perfectâ cognitione, quam habent, non tantum bonorum, sed etiam malorum. Dixi per se loquendo: nam per accidens fieri potest, ut ejusmodi delectatio fiat mala saltem venialiter, vel ex intermissione debite ordinationis in bonum finem, vel ex adjunctione finis indebiti.

Dices: Non licet desiderare & efficaciter vel aliquem modum artificiosum, qui est inseparabilis ab actu malo; ergo etiam tali artificioso modo delectari non licet. Respondendo negando consequentiam: quia simplex complacentia sequitur conditionem objecti, ut est in apprehensione, sed apprehensio aliquando præciudit modum artificiosum ab ipsa malitia operis; estque per accidens, quòd illud artificium in tali materia inhonestæ reperitur. E contra voluntas efficax sequitur conditionem objecti ut est à parte rei, ubi modus artificiosus non est separabilis ab opere malo.

CONCLUSIO SECUNDA. *Consensus in delectationem de re mala cogitata, semper est malus: & pro qualitate objecti vel mortale vel veniale peccatum. Ita communis Catholicorum DD. cum S. D. hæc q. 74. a. 8.*

Probatur primò auctoritate S. Script. & PP. Nam ps. 10. *Qui diligit iniquitatem, odit animam suam.* Et Matth. 5. *Qui viderit mulierem ad concupiscendum eam, jam mæchatus est illam in corde suo.* Qui locus non solum de efficaci appetitu peccandi, sed etiam de simplici & deliberata delectatione fornicandi à SS. PP. exponitur: nam Hilarius in hunc ipsum locum, *In Evangelio, inquit, adulterio motus tantum oculi incidentis aequant, & cum fornicationis opere puniuntur illecebrosa*

TRANS-



*transcurrentis visus affectio.* Ita & Chrysost. hom. 17 in Matth. *Qui sudet, inquit, elegantes facies inspicere, ipse sibi fornicem istius passionis accendit, & captivam faciens animam ad opus quoque celeriter adducit, propterea non dixit, qui concupivit ad adulterandum, sed qui viderit ad concupiscendum.* Ubi S. Pater expresse distinguit inter concupiscere, & videre ad concupiscendum. Item S. Greg. l. 21. Moral. c. 2. *Per Moysen luxuria perpetrata, per aulicem verò mundicia luxuria cogitata damnatur.* D. August. l. 12. de Trin. c. 12. *Nec sanè, inquit, cum sola delectatione mens oblectatur illicitis, non quidem decernens esse faciendā, tenens tamen & voluens libenter, quæ statim ut attingunt animum, respui debuerunt, negandum esse peccatum; sed longe minus, quam si opere statimur implendum.* Et mox, ut ostendat in hac morosa delectatione gravitatem peccati mortalis reperiri, subiicit: *Totus homo damnabitur, nisi hæc, quæ sine voluntate peccandi, sed tamen non sine voluntate talibus animum oblectandi solius cogitationis sentiuntur esse peccata, per Mediatoris gratiam remittantur.*

8. Probatur tertio ratione S. Doctoris. Omnis deliberata voluntas rei malæ, est mala: sed consensus in delectationem rei malæ est deliberata voluntas rei malæ: tum quia delectatio cum consensu iuncta est deliberata ad hæzio & inclinatio in rem malam; tum quia delectatio & operatio reducuntur ad idem genus: e. g. ad iustitiam æque pertinet delectari de operibus iustis, ac operari iusta; ipsæque delectationes sunt propter operationes: ergo, si opus ipsum est malum, etiam deliberatè delectari de tali opere malum est; & consequenter, si opus sit mortaliter malum, etiam delectatio erit mortale peccatum, vel si sit malum venialiter, erit veniale; e. g. si delectationem capias, quod levi mendacio alium deciperis, erit peccatum veniale; si gaudeas de commisso gravi furto, vindicta, &c. erit mortale peccatum.

### §. III.

*Consensus in delectationem veneream damnatur peccati mortalis.*

9. **CONCLUSIO TERTIA.** *Consentire in delectationem veneream extra statum matrimonii semper est mortale peccatum, tametsi delectatio sit in sola voluntate, & non sit in appetitu sensitivo.* Ita Comm.

Et probatur primò suprà adductis auctoritatibus, quæ maxime loquuntur de delectatione venerea; ideoque delectantes condemnant peccati mortalis.

Probatur secundò ratione: Consentire in delectationem, quæ in se gravem deformitatem & repugnantiam habet cum recta ratione, est grave peccatum: sed delectatio venerea sive sit in appetitu sensitivo, sive sit in voluntate, habet gravem deformitatem & repugnantiam cum recta ratione; unde ibi nulla datur parvitas materia: ergo consensus in illam semper est grave peccatum. Minor quoad 1. partem probatur: Venerea delectatio orta in appetitu sensitivo est libidinosa commotio spirituum generationi servientium naturæ suæ tendens ad expulsiōnem se-

minis, seu actum generationis: sed hunc finem querere, & actum generationis inchoare extra statum matrimonii habet gravem deformitatem repugnantem instituto naturæ & regulis rectæ rationis, estque pro varietate objectorum, circa quæ versatur mens veneret se oblectantis, aut inchoata mollietis & peccatum contra naturam, aut fornicatio, &c. ergo hæc delectatio semper habet gravem deformitatem contra rectam rationem. Quoad 2. quoque partem probatur primò: Quia absque gravi necessitate & utilitate dare causam proximam intra genus luxuriæ per se incitativam ad motus libidinosos, est grave peccatum: sed complacentia voluntatis de actu vel objecto venereo est talis causa: ergo. Secundò: quia voluntas & amor operis mortaliter mali est mortaliter malus: sed etiam si delectatio sit in voluntate, est tamen amor operis mortaliter mali: ergo etiam est mortaliter mala.

Dices primò. Si morosa delectatio esset peccat. <sup>10</sup> caminosa, etiam esset prohibita, & quidem præcepto, *Non concupisces*: sed hoc non est prohibita: quia per illud tantum damnatur concupiscentia, quæ est efficax voluntas peccandi carnaliter: at delectatio tantum est simplex complacentia & voluntas inefficax. Secundò. Delectari de actu virtutis non sufficit ad meritum: ergo etiam delectari de opere malo non sufficit ad peccatum. Tertiò. Malitia operis cogitati non semper redundat in delectationem: ergo non sequitur, si opus est malum, etiam delectationem de tali opere esse malam. Antecedens probatur: malitia intrinseca fornicationis consistit in damno prolis: sed hæc non redundat in simplicem delectationem voluntatis, neque enim fornicatio solum cogitata damnum proli inferre potest.

Respond. ad 1. primò, ex 3. D. q. 15. de Ver. a. <sup>11</sup> 4. morosam delectationem etiam prohiberi præcepto, *Non concupisces*. Quia qui voluntariè delectatur de opere illicito, concupiscit illud, non quidem ad efficiendum, quæ esset voluntas efficax, sed tamen ad sese oblectandum per amorem simplicis complacentiæ, adeoque est concupiscentia operis habendi affectivè, & in esse voliti, non executivè, & in esse rei. Respond. 2. Delectationes morosas prohiberi iisdem præceptis, quibus ipsa opera prohibentur; si quidem, ut dictum, delectatio & opera pertinent ad idem genus: Unde delectatio morosa de fornicatione, tactibus, osculis, &c. prohibetur sexto præcepto, quo omnia ad genus fornicationis pertinentia prohibentur. Ad 2. Respond. primò cum S. D. l. c. ad 13. negando consequentiam, quia plus requiritur ad meritum, quam demeritum, cum bonum sit ex toto, malum autem ex quolibet defectu, uti primò in simili casu diximus: Nihilominus

Respond. secundò. Si delectatio de actu virtutis proveniat ex motivo intrinseco honestatis ipsius virtutis cum relatione ad DEUM ut ultimum finem, nihil ipsi deesse, unde à ratione meriti excludi debeat, ideoque nego antecedens. Ad 3. neg. ant. & probationem maj. dist. Malitia fornicationis consistit in damno prolis tantum ut effectivè posito, vel ponendo, nego; etiam ut affectivè volito, concedo. Sed fornicatio tantum

tum cogitata non infert damnum proli effective & in esse rei, concedo; affectivè & in esse voluti, nego min. & consequentiam; nam & ipsum damnum prolis in illa interna oblectatione est interpretativè volutum, non quidem ad commit-tendum, sed tamen ad oblectandum, ideoque tota inordinatio fornicationis [inquit S. D.] re-dundat in delectationem, quæ ex ipsa causatur.

## §. IV.

*Corollaria.*

12. Colliges ex dictis primò. Oblectari absolute & secundum se iis rebus, quæ ideo tantum sunt mala, quia lege positiva, vel voluntario vo-to prohibita, non esse peccatum mortale morosæ delectationis. Ita communis. Ratio est; quia in ejusmodi obiectis tantum extrinsecè malis de-lectatio fertur in substantiam operis, quæ per in-tellectum ab extrinseca prohibitione præcinditur: sed substantia operis sic præcisa nullam ha-bet gravem malitiam; ergo etiam delectatio non est de obiecto graviter illicito. Unde non pec-cabis graviter, die Veneris cum delectatione co-gitando de usu carniū sine tamen proposito il-las comedendi, siquidem ille de se non est illicitus. Dixi absolute: si enim oblecteris de usu car-niū, quatenus repugnat præcepto Ecclesiasti-co, ut fieri solet apud hæreticos, tunc utique de-lectatio fertur in formalem inobedientiam juri naturali repugnantem.

13. Colliges secundò. Jactare se, & gloriari de opere malo, quatenus in se grave malum est, sem-per esse peccatum mortale; non autem esse gra-ve peccatum, gloriari de aliquo peccato sub ali-quâ ratione, vel modo non graviter malo; e. g. si gloriaris de robore & corporis viribus, quibus al-ium superasti in epotandis calicibus, unde ille fuit inebriatus, tunc enim fieri potest, ut non ad-sit approbatio ipsius operis mali, v. g. ebrietatis, in quantum mala est, sed tantum alicujus circum-stantiæ non graviter malæ.

14. Colliges tertio. Non esse mortale peccatum, desiderare aliquod opus hic & nunc prohibitum, vel delectari de illo sub conditione verè auferten-te malitiam operis. Ita communis DD.

Ratio est, quia non nisi voluntas operis mali est mala: sed cum conditio aufert malitiam, non est voluntas operis mali: ergo delectari de obiecto sub conditione verè auferente malitiam, non est malum. Itaque non est grave peccatum, si con-jugatus dicat, Ducerem aliam uxorem, si ista esset mortua: si quis die Veneris cogitet, Quam liben-ter comederem carnes, nisi esset dies Veneris, &c. Dixi sub conditione verè auferente malitiam. Nam

15. Colliges quartò. Si conditio adjecta malitiam tantum ex parte auferat, vel omnino nullam, uti contingit in actibus intrinsecè malis, quæ nullâ circumstantiâ vel conditione cohonestari pos-sunt, tunc esse nihilominus peccatum desiderare tale opus, vel delectari de illo. Ratio primi est, quòd tunc saltem pars operis supponitur esse gra-vider prohibita, e. g. si quis dicat: Vellem furari hunc calicem, nisi esset res sacra; conditio adje-cta aufert quidem malitiam sacrilegii, non autem malitiam furti. Ratio secundi est, quòd con-ditio impossibilis habetur pro non adjecta: sed in

objectis & actibus intrinsecè malis conditio au-ferens malitiam est impossibilis: ergo habetur pro non adjecta. Præterea: Optare, ut mutetur lex naturæ, est malum: sed obiectis intrinsecè malis adicere conditionem auferentem mali-tiam, est velle, ut immutetur lex & ordo naturæ: ergo. Itaque non excusabitur à peccato, qui se-riò dicit, Vellem blasphemare, mentiri, fornicari, me vindicare, si esset licitum, hic enim est affe-ctus simpliciter peccaminosus. Dixi tamen, si seriò dicat: nam aliquando contingit, ut hoc modo loquendi homo tantum significet inter-nam & ordinatam naturæ propensionem, quam tamen recordatione divinæ legis cupit reprimere, & neque habet complacentiam de opere malo: i quo casu non erit grave peccatum: quamvis non sit consultum ejusmodi velleitibus assuescere, cum faciliè transeat in veram & sinceram com-placentiam operis mali, etiam tunc quando adji-ci videtur conditio malitiam auferens.

Colliges quintò. Mortaliter peccare viduum, 16. quæ in præsentia capit venerem delectationem de præterito actu conjugii, quem sibi præsentem imaginatur: & similiter sponsum, qui admittit carnalem voluptatem, excitatam per imaginatio-nem copulæ conjugalis cum legitima spon-sa: quamvis enim objecta istius delectationis sub ra-tione præteriti vel futuri non sint illicita, quate-nus tamen apprehenduntur ut præsentia, sic quæ libidinose delectationem excitant, sic habent gravem turpitudinem rectæ rationi repugnantem ob rationem superius adductam. Quod et-iam de sola rationali delectatione non redun-dante in sensuualitate affirmant probabilius Vasq. Lessius, Castropal. Tr. 2. d. 2. p. 10. §. 2. eò quòd talis delectatio sit per se excitativa mo-tuum impurorum. Sanchez tamen, Tannerus & alii existimant, non esse grave peccatum. Quod equidem speculative loquendo & spectando de-lectationem præcisè ex parte obiecti sine periculo motus libidinosi, probabile est; sed quia tale pe-riculum in causa proxima per se directè inductiva in ejusmodi motus in praxi abesse vix potest, ideo prior sententia Castrop. est prædicè longè pro-babilior. Unde

Si dicat: Operatio & delectatio habent ean-dem bonitatem: sed actus conjugalis præteritus, de quo vidua, & futurus, de quo sponsus dele-ctatur, est licitus: ergo & delectatio. Respon-deo primò. Actus conjugalis est licitus pro sta-tu præterito, vel futuro, concedo; pro statu præ-senti, quem habet in repræsentatione phantasiæ, vel intellectu, sic nego: ergo delectatio de ipso erit licita, quando non repræsentatur sub statu præsentis, concedo; secus, nego min. & conse-quentiam. Respond. secundò. Delectatio ha-bet eandem bonitatem cum operatione, quando non per se causat aliam operationem illicitam, concedo; secus, nego: sed delectatio de copu-la licita causat in præsentem motum illicitum, qui est inchoatio pollutionis, vel copulæ præsentis.

Colliges sextò. Non tamen peccare sponsum vel viduum, si delectatione rationali gaudeant 17. de actu matrimoniali sub formali ratione præ-teriti vel futuri, non imaginando illum ut præsen-tem; vel propter aliquem bonum effectum, v. g. liberorū

liberos procreatos, adeptam hereditatem, &c. quia sub tali circumstantia & conditione obiectum non habet specialem deformitatem, nec est per se excitativum motus libidinosi. Quo modo etiam delectari de pollutione habita, præcisè ad bonum aliquem effectum, v. g. ob sanitatem, sedationem tentationis, &c. non esse peccatum, docent communiter DD.

12. Colliges septimò. Conjuges mortaliter peccare, cum in actu conjugali sibi imaginantur aliam personam, quia tunc delectationi morali applicant obiectum mortaliter malum. Sed peccabuntne etiam, si in absentia comparis se oblectent de copula maritali? si subest periculum

pollutionis, mortaliter peccare, certum est: si non subest, probabile est, non peccare mortaliter, quia status matrimonii sicuti excusat à gravi peccato tamen inhonestos inter conjuges, ad copulam expressà intentione non relatos, ita etiam motus concupiscentiæ, quamvis ad copulam non proximè ordinatos, excusare videtur, cò quòd utrique suà naturà ordinentur ad copulam conjugibus licitam. Ita Sylvius hic quæsit. 3. concl. 3. cum pluribus à se citatis. Quamvis etiam opposita sententia Sylvestri & Navari sit probabilis; quia non satis liquet, quòd matrimonium delectationes carnales, quæ actum matrimoniale nec comitantur, nec ad illum disponunt, excuset à mortali.

## ARTICULUS V.

### Quanta advertentia requiratur ad peccatum morosæ delectationis?

#### SUMMA.

1. Divisio advertentia in plenam & semiplenam:
2. In habitualem, actualem, virtualem, interpretativam.
3. Habitualis advertentia non sufficit ad peccandum.
4. Sufficit autem virtualis,
5. Et interpretativa.
6. Objectiones
7. Solvuntur.

#### §. I.

##### Prænotanda ad statum questionis.

1. Notandum primò. Advertentiam rationis dividi in plenam, & semiplenam. Semiplena & imperfecta est, per quam malitia actus & obiecti tantum imperfectè apprehenditur, & apprehendi potest, prout contingit in semisopitis, vel aliqua vehementi passione, aut occupatione distractis. Plena advertentia est, cum quis malitiam, vel periculum peccati perfectè videt, aut proximè videre potest. Ceterum ad discernendum quandonam sit plena, vel semiplena advertentia, ex sequentibus signis cognosci poterit. Primò, si quis malam suggestionem peccati facillè possit in opus deducere, & tamen pro viribus resistit, ne Dominum DEUM graviter offendant, signum est, ipsum suggestioni plenè non consentisse. Secundò, si quis cogitans insurgentes motus adversari legi divinæ, mox illos averfatur, atque ad DEUM confugit, pariter signum est, quòd tempore antecedenti, quo pravam tentationem sensit, defectu plenæ advertentia eidem non dederit plenum consensum. Tertiò, In dubio, num quis fuerit plenè sibi compos, cum habuit inordinatam delectationem, si sit timorata conscientia, & à gravioribus peccatis ex DEI timore ut plurimum abstinere soleat, potest pro se præsumere: nemo enim præsumitur malus, donec probetur. Contrarium erit dicendum, si passim pravas delectationes amplectatur: præsumptio enim formari solet ex communiter contingentibus.

2. Notandum secundò. Rationis advertentiam rursus dividi in habitualem, actualem, virtualem, & interpretativam. Habitualis est ipsa poten-

tia & facultas, quam habemus ad cognoscendam malitiam. Actualis est expressa applicatio cognitionis ad malitiam actus. Virtualis propriè est, quæ actu præcessit, nunc autem remanet in aliquo suo effectu. Interpretativa est, cum quis proximè potuit, ac debuit advertere ad voluntariam actus, per negligentiam tamen proprià voluntate causatam, actu ad illam non averterit. In qua advertentia interpretativa semper præcedit aliqua saltem suspicio & dubietas de malitià actus. Quæritur ergo, quænam advertentia ex prædictis requiratur, aut sufficiat ad peccatum morosæ delectationis?

#### §. II.

##### Resolutio questionis.

CONCLUSIO. Quamvis ad morosam delectationis peccatum sola advertentia habitualis non sufficit, (2.) tamen sufficit etiam virtualis (1.) vel interpretativa. Ita communis.

Primæ partis, quæ est contra Wendrochium & alios Jansenistas, negantes quòd ad peccandum semper requiratur aliqua advertentia peccati. Ratio est primò: Ubi non est cognitio, non est voluntarium: ergo si nulla sit advertentia & cognitio malitiæ, illa non potest esse voluntaria: sed ubi non est voluntarium, non est peccatum: ergo.

Secundò, Nemo peccat contra legem, nisi legitime promulgatam: sed absque aliqua noticia & intimatione intellectus prædicti lex sive divina, sive naturalis, sive humana non est legitime promulgata, neque advertentia habitualis est ejusmodi promulgatio & noticia: ergo nisi præcedat aliqua noticia & iudicium rationis prædictæ, peccari non potest, & consequenter neque dabitur peccatum morosæ delectationis.

Tertiò, Si non requireretur aliqua noticia peccati, invincibilis ignorantia non causeret involuntarium simpliciter, neque excusaret à peccato: sed hoc est contra communem Catholicorum expositionem in priori Tract. ergo. Cum igitur nihil sit volitum, quin præcognitum, ut malitia delectationis sit volitum, & imputabilis, debet supponi aliquo modo præcognita.

Ratio



4. Ratio secundæ partis est: quia voluntarium, quod sufficit ad actum humanum, etiam sufficit ad peccatum: sed ad actum humanum sufficit voluntarium causatum per virtutalem advertentiam, nec requiritur semper actualis advertentia; nam qui longiori temporis morâ continuat ali- quod peccatum, etiam continuò peccat, quamvis initio tantum ad illius peccati malitiam advertit: cum sepe in ipso flagranti crimine advertentia malitiæ per passionis vehementiam absorbeatur.

5. Ratio tertiæ quoque partis est: Voluntarium interpretativum sufficit ad peccandum: quia in moralibus interpretativum æquivalere formali: sed advertentia interpretativa sufficit ad voluntarium interpretativum: ergo. Min. probatur. Qui voluntarie negligit ponere media ad consequendum aliquem finem necessariam, prudenter censetur nolle ponere ipsum finem, ac proinde neglectus finis fit ipsi interpretativè voluntarius: sed is dicitur habere interpretativam advertentiam ad malitiam morosæ delectationis, qui habet voluntariam negligentiam in investiganda malitia ipsius, quæ tamen investigatio & cognitio debuisse & potuisse ipsum retrahere à consensu: ergo etiam delectatio ex tali neglectu consecuta imputatur ipsi, & censetur interpretativè voluntaria.

## §. III.

*Solvuntur Objectiones.*

6. Dices primò. Multi peccant absque ullo remorsu conscientia, de quibus dicitur Job 15.

quod bibant sicut aquam iniquitatem: ergo ad peccandum non semper concurrat advertentia rationis, ista quippe perlineret ad iudicium conscientia. Imò quantò peccatores sunt magis habituati, & demersi in profundo peccatorum, tantò minus cogitant de malitia peccati, ut experientia docet. Unde Sorbona, teste Wendrochio, hanc propositionem Baunii falsitatem damnavit Anno 1641. *Nunquam peccatur, nisi prævia peccati cognitione animus illustratur.* Secundò persecutores Apostolorum existimabant se obsequium præstare DEO: ergo non habebant notitiam & advertentiam malitiæ: ac tertiò multa committuntur peccata ex ignorantia, h. e. defectu debita advertentia: ergo in iis non adeit advertentia peccati.

Respondeo. Quamvis multi peccent sine remorsu conscientia, in quantum remorsus peccati significat anxietatem & pavorem quandam ex reprehensione gloriæ relicti; non tamen sine remorsu, in quantum iste significat didicim internum, quo ostenditur aliquid contrarium legi divinæ, quod saltem inchoativè reperitur in quovis peccatore, quantumvis habituato. Quæ admonitio conscientia præcessit etiam in persecutoribus Apostolorum, & præcedit in peccantibus ex ignorantia: hi enim licet non semper proximè, saltem tamen remorsu interno stimulo urgentur ad veritatem melius inquirendam; in quo sensu intelligenda est censura Sorbonæ, aliis non magnopere curanda. Ex quo patet solutio ad 2. & 3.

## ARTICULUS VI.

*An peccet mortaliter, qui negativè se habet ad insurgentes carnis tentationes?*

## SUMMARI A.

## §. I.

*Certiora præmittuntur.*

STATUS quæstionis est, an si homo advertat carnales motus, vel sponte, vel ex objecti obsecratione cogitatione aut imaginatione excitatos, teneatur positivè resistere; an verò sufficiat ad excusationem a consensu & mortali peccato morosæ delectationis, ut non quidem positivè approbet illos motus, sed neque positivè improbet, aut efficaciter impedire conetur? Ubi

Notandum primò. Resistentiam aliam esse efficacem, aliam inefficacem. Efficax est, per quam applicatur media ad ejusmodi tentationes reprimendas idonea. Inefficax est sola interna dispendentia, & averlatio voluntatis. Cæterum media alia sunt ordinaria, ut est oratio & animi ac phantasie applicatio ad alia cogitanda; alia extraordinaria & difficilia, ut flagra, cilicia, jejunia.

Notandum secundò. Voluntariam resistentiam omissionem intelligi posse vel omnis tam efficacis, quam inefficacis, vel solum efficacis resistentia. Eamque rursus ex diversis motivis oriri posse, vel propter simplicem complacentiam in illis motibus; vel quia per experientiam prudenter aliquis timet, ne ex conatu resistendi incidat

1. Exponitur status quæstionis.
2. Alia resistentia efficax, alia inefficax.
3. Varia causæ ex quibus potest omitti resistentia.
4. In periculo consensûs requiritur efficax resistentia.
5. Omissio resistentia ex complacentia semper culpabilis.
6. Absque periculo consensûs non est obligatio ponendi impedimenta difficilia, & extraordinaria.
7. Ex causa rationabili possunt permitti motus impuri sine periculo consensûs.
8. Est peccatum mortale omittere omnem etiam simplicem dispendentiam pravorum motuum.
9. Ratio 1. ex proximo periculo consensûs.
10. Ratio 2. ex voluntario interpretativo.
11. Probabilius etiam simplex dispendentia non excusat à gravi peccato.
12. Ratio ex interpretativo consensu.
13. Ostenditur probabilitas sententia contraria.
14. Eius responsio ad fundamenta prioris sententia.
15. Quid prior sententia respondeat ad fundamenta posterioris.
16. Motus inordinati durantes contra resistentiam efficacem nec permissivè sunt voluntarii.



in majores tentationes; vel tertio, quia quis confusus de animi sui constantia contemnit motus sensualitatis. Ut in hac questione certa ab incertis separentur.

4. Certum est primo: Quotiescunque subest proximum periculum consensus in delectationem, toties esse obligationem adhibendi positivam resistantiam applicando media, quæ hic & nunc idonea & moraliter possibilia occurrunt: unde peccat mortaliter, qui stante tali periculo se habet negativè, siquidem committere se proximo periculo peccati semper est peccatum.
5. Certum est secundo: Illum peccare mortaliter, qui ex complacentia istorum motuum negligit illos reprimere: siquidem illa ipsa voluntatis complacentia est positivus consensus in ipsos.
6. Certum est tertio: Si subit periculum consensus, nullam esse obligationem ponendi media extraordinaria & difficilia, ut corporis castigationem per jejunia, cilicia, &c. neque esse obligationem omittendi actiones & studia vel ad spirituale, vel temporale commodum utilia, ut illi motus evitentur, prout in sequenti articulo amplius declarabitur.
7. Certum pariter est quarto: Cessante proximo & probabili periculo consensus, non esse peccatum, si non adhibeas efficacia media ad repressionem illorum motuum, quando habes honestam & rationabilem causam illos permittendi, ut si ex resistantiæ conatu prudenter metus graviores motus & tentationes, nam licet præceptum, *Non concupisces*, sit negativum, quo videtur omnes venereæ delectationes extra matrimonium semper & pro semper prohiberi; nihilominus tamen, in quantum præcipitur positiva resistantia istorum motuum, sic est affirmativum, quod non pro semper, sed pro tunc obligat, quando vel est periculum consensus, vel abique incommodo, & causa exculante servari potest.

Restat dubium inter Autores, an ex sola animi & constantiæ confidentia possit aliquis quasi contemnendo istos motus habere se negativè ad ipsos sine peccato. Et quidem non esse peccatum saltem mortale absente periculo consensus, tenent Alvarez Arauco, Lorca, Castropol. aliique plurimi citati apud Salmanticens. hic disp. 20. dub. 5. cui sententiæ videtur etiam favere Doctor Ang. q. 15. de Ver. 2.4. ad 10. & in 2. dist. 24. q. 3. a. 4. nec non D. Bonaventura in 2. dist. 24. a. 2. q. 2. & Cajetan, in Sum. Damnant peccatū mortalis negativam non resistantiam Martin. Montesin. Curiel. Zumel. Vasq. Valentia, Lessius l. 4. de Jure & Justit. c. 8. n. 17. Sayr. in clavi reg. l. 8. c. 7. Limitant Salmanticenses loc. cit. §. 2. n. 195. & distinguunt, fore peccatum mortale, si delectatio afferat periculum pollutionis, quam vocant gravem ex parte actus; absente hoc periculo, tamen si delectatio foret gravis ex parte objecti, non audent penitus damnare peccatū mortalis: quamvis in hanc sententiam inclinent n. 198. Layman l. 1. tr. 3. c. 6. distinguunt absolute: esse mortale, si nequidem simplici dispendiæ resistantiam adhibeas: non autem si cum simplici dispendiæ solum intermitas efficacem resistantiam, animum v. g. ad alia divertendo.

*Adstruitur necessitas simplici dispendiæ.*

**CONCLUSIO PRIMA.** *Peccat mortaliter, qui neque efficaciter, neque inefficaciter per simplicem dispendiæ resistit inordinatis motibus concupiscentiæ post plenam advertentiam eorundem.* Ita Doctores communiter.

Ratio est primo. Exponere se probabili & proximo periculo consensus in impuros motus, est peccatum mortale: sed qui post plenam advertentiam istiusmodi motuum absque rationabili causa illos permittendi, ne quidem simplicem illorum dispendiæ elicit, exponit se probabili periculo consensus: & quidem mortaliter. Minor probatur: Est difficillimum & rarissimum, ut voluntas circa objectum præsens diu maneat suspensa ab omni actu tam prosecutionis, quam aversionis, cum hoc sit contra naturalem modum & summam ipsius flexibilitatem: at qui motus carnales post plenam advertentiam sunt objectum præsens voluntati, & quidem propositum sub ratione objecti valde delectabilis: ergo vix est moraliter possibile, ut voluntas diu maneat suspensa ab omni actu. Vel ergo est proximè inclinata ad dispendiæ vel complacentiam: atqui, ut supponitur, dispendiæ voluntariè suspendit: ergo erit proximè inclinata ad complacentiam, præsertim cum objectum suū naturā valde delectabile connaturaliter trahat ad sui complacentiam: ergo voluntas suspendens dispendiæ circa motus inordinatos, eo ipso se committit proximo periculo voluntariæ complacentiæ circa illos. Unde malè supponunt Adversarii, quod homo confusus animi sui constantiæ non debeat habere probabile periculum consentiendi, quia in tanta, tanque naturali voluntatis proclivitate sine causa dispendii & dispendiæ retinere, hoc ipsum est probabili consentiendi periculo se committere.

Ratio est secundo. Qui non habet dispendiæ, tiam de objecto, quod tanquam objectum dispendiæ prædicte representatur in intellectu, habet æquivalenter, & interpretativè complacentiam ipsius: sed hæc in materia gravi est grave peccatum: ergo. Major probatur inprimis à paritate omittentis Sacrum, quod tenetur audire: nam ille hoc ipso quod per plenam advertentiam omissioni Sacri ipsi representatur tanquam prohibita, adeoque ut objectum fuge & aversionis, & tamen suspendat & retrahat voluntatem audiendi Sacrum, atque ita permittit currere omissionem Sacri, in prudentem iudicio ita se habet, ac si positivè vellet omissionem Sacri: Ideo que omissioni Sacri dicitur ipsi interpretativè voluntaria; sic pariter cui plena advertentia representat motus inhonestos tanquam graviter inordinatos, atque à voluntate prædicte respondens, si dispendiæ suspendat, hoc ipso interpretativè consentire in illos actus.

Confirmatur primo. Motivum retinendi dispendiæ vel est eorundem inhonestas, vel delectabilitas. Non primum, quia hæc est motivum dispendiæ & aversionis: ergo secundum: sed delectabilitas est ex natura sua motivum complacentiæ: ergo: qui post plenam ad-

vertentiam omittit elicere displicentiam illorum motuum, convincitur habere formalem, vel saltem interpretativam complacentiam, adeoque consensum eorundem.

Confirmatur secundò. Authores, qui à gravi peccato excusant simplicem solum displicentiam illorum motuum, tamen admittunt, saltem venialem malitiam in negligentia efficaciter resistendi: ergo, qui ne quidem conatur elicere simplicem displicentiam, gravius & mortaliter peccat.

## §. III.

*Afirmatur probabilitas sententia requirentis efficacem resistentiam.*

11. **CONCLUSIO SECUNDA.** *Probabilis est illum peccare mortaliter, qui post plenam advertentiam motuum pravorum sine rationabili causa illis permittit nullo adhibito conatu in contrarium, saltem animum ad alia divertendo. Ita illusterrimus Reding hic q. 13. a. 2. controv. cum plurimis sup. allegatis.*

12. Ratio est: Interpretativus consensus in delectationem veneream est peccatum mortale: sed qui post plenam advertentiam non adhibet diligentiam ad reprimendam delectationem veneream, interpretativè consensit in illam: ergo peccat mortaliter. Major probatur. Interpretativus consensus in moralibus æquivalere formali & directo, ut per inductionem ostendi potest: ergo cum formalis consensus in veneream delectationem sit mortale peccatum, etiam interpretativus consensus in illam est peccatum mortale. Minor quoque principalis probatur primò: quia si non adesset consensus saltem interpretativus, tunc ne quidem committeretur veniale peccatum: sed hoc est contra doctrinam Adversariorum: ergo. Secundò. Ille consensit interpretativè in delectationem, qui illam voluntariè non reprimat, cum posset & teneretur reprimere: sed hoc fit in nostra hypothesis: ergo. Minor quoad posse supponitur: quoad alteram partem nimirum quòd negativè se habens etiam teneatur illos motus reprimere, probatur: Est naturalis obligatio in ratione, ut regat potentias inferiores, ac dirigat in bonum rationis, & consequenter ut inordinatos ipsarum motus corrigat, & quantum fieri potest, impediat, quæ obligatio, si fit in materia gravi, est gravis: atqui delectatio venereæ extra statum & finem matrimonii habet gravem inordinationem contra bonum rationis, cum enim ex natura sua tendat ad pollutionem, est illicita in genere peccati mortalis: ergo ratio graviter obligat ad illam delectationem pro posse impediendam, & consequenter si sit negligens in illa passione reprimenda, ipsi illa inordinatio imputabitur, quemadmodum Superiori imputatur peccatum & excessus subditi, quem ille poterat & tenebatur impedire.

Confirmatur primò. Si illa delectatio esset venialiter tantum peccaminosa, vel esset propter parvitatem materiæ, vel propter imperfectam advertentiam. Non illud, quia non datur in hoc genere parvitas materiæ: Non istud, quia supponimus plenam advertentiam rationis.

Confirmatur secundò. Simplex & inefficax

displicentia non impedit voluntarium simpliciter, veluti patet exemplo mercatoris merces in mare cum displicentia projectis: ergo simplex displicentia non impedit, quin delectatio carnalis adhuc sit simpliciter voluntaria, si voluntas, cum facile possit, illam reprimere negligat.

## §. IV.

*Exponitur probabilitas sententia non requirentis efficacem resistentiam.*

**CONCLUSIO TERTIA.** *Est nihilominus 13.*

*practicè probabile, præsertim pro timoratis aut scrupulosi conscientiis, quòd simplex & inefficax displicentia excuset delectationem a gravi saltem peccato. Probatur. Permissio voluntaria rei habentis aliquam, sed non gravem inordinationem, non est grave, sed veniale peccatum: atqui inordinata commotio appetitus sensitivi naturaliter & præter voluntatem exorta sine probabili periculo consensus non videtur esse grave malum: ergo etiam voluntaria permissio ejusmodi motuum non est grave peccatum, & consequenter non est gravis obligatio ejusmodi motibus efficaciter resistendi. Minor probatur: nam istæ commotiones, supposito lapsu originali, ex naturæ infirmitate facillimè oriuntur: nec alià ratione sunt graviter prohibite per præceptum, Non concupisces, nisi quatenus trahunt, aut trahere possunt voluntatem ad consensum: sed stante actuali displicentia voluntatis non trahunt, nec possunt voluntatem trahere ad consensum: siquidem est impossibile simul habere complacentiam & displicentiam ejusdem rei: ergo ut sic non sunt graviter prohibita & mala.*

Confirmatur. Juxta communem sententiam non censetur grave peccatum, aliqua vanà causa venialiter malà, v. g. curioso aspectu, colloquio, lectione de causam istis motibus, in illa actione prævisis, sed non intentis: neque est gravis obligatio removendi illas causas, si quis advertat ex iisdem inordinatam delectationem insurgere: ergo etiam non est gravis obligatio ejusmodi motus tollendi, animum ad alia applicando. Consequentia probatur: cum quia si non est gravis obligatio amovendi omnes causas illorum motuum, etiam non erit gravis obligatio ponendi causas impeditivas ipsorum: tum quia in priori casu ideo non est gravis obligatio, quia illi motus non habeantur pro gravi malo: ergo eadem ratio valet in posteriori casu.

Ad fundamenta prioris sententiæ. Respondet primò, negando min. quia tunc solum effectus ex omissione secutus est interpretativè voluntarius, quando actus oppositus est sub præcepto: sed non videtur esse grave præceptum ponendi causas & media impediendi ejusmodi motus præter intentionem & ex infirmitate naturæ ortos.

Respondet secundò, neg. maj. quòd sit grave peccatum, & æquivalere directo & formali consensui, prout ex eo colligitur, quòd ejusmodi delectatio ex causa honesta quamvis non adeò gravi permitti possit, & qui actione venialiter malà dat causam, tantum censetur communiter venialiter peccare. Et similiter ad probationem

Et 3

Respon-

Respondeo; Quòd illi motus dicant gravem inordinationem, prout connotant formalem consensum voluntatis, non verò prout præter intentionem & ex infirmitate naturæ oriuntur. Ad 1. quoque Confirm. Respond. Non dari parvitatem materiæ in istis delectationibus per ordinem ad voluntatem positivam, & consensum formalem; non autem per ordinem ad voluntatem solum permissivam, respectu cuius aliquando nullum, aliquando leve peccatum reputatur. Ad 2. Confirmationem Resp. Simplex complacentia non impedit voluntarium simpliciter, vel permissivum, vel positivum & formale, concedo; semper positivum & formale, nego. In nostro igitur casu, etsi simplex displicentia non impediatur voluntarium permissivum, sufficit tamen, quòd impediatur formale positivum. Nec est paritas aliarum instantiarum de mercatore merces projiciente in mare, primò, quia ille tantum habet voluntatem conditionatam non projiciendi merces: at in nostro casu negativè se habens ad commotionem appetitus sensitivi habet displicentiam absolutam, & voluntatem non consentiendi; & tantum non habet voluntatem motus reprimendi. Unde secundò, cum illa conditionata voluntate non projiciendi merces fiat absoluta formalis & efficax voluntas illas projiciendi: e contra cum displicentia istorum motuum nequaquam fiat absoluta & efficax voluntas illos habendi. Et hoc ideo, quia projectio mercium fit ex imperio efficaci voluntatis per potentiam eidem despoti-

cè subiectam: at delectatio sensitiva oritur præter imperium voluntatis ex rebellionem fomicis & sensualitatis non nisi civiliter subiectæ rationi.

Hæc sententia partim ex autoritate docentium<sup>15</sup>, partim ex præmissis fundamentis est satis probabilis saltem pro timoratis conscientiiis, quæ sæpe dubitant, an ejusmodi motibus debite resisterint. Nihilominus etiam prior & probabilior sententia ad istius fundamentum negat min. ejusque probationem distinguit: posita simplici displicentia non trahunt ad consensum formalem, concedo; interpretativum, nego min. & consequentiam.

Ad confirmationem Responder, negando consequentiam: quia ut delectationes sint voluntariæ in causa, & ut sic imputabiles in peccatum, vel debent per ipsas causas directè intendi, vel debet esse obligatio ipsas causas, in quibus prævidentur, evitandi, & sic pro qualitate obligationis erit gravitas peccati. Sed ut fiant voluntariæ interpretativè in seipsis, sufficit, quòd addit illarum plena advertentia, & tamen voluntas cum possit, non velit illas reprimere.

Colliges ex dictis: si motus inordinatos quis<sup>16</sup> piam animi ad alia præsertim divina & æterna diversione [quod optimum remedium est & facillimum] reprimere conatus fuit, & illi nihilominus ratione contradicente perdurent, non jam voluntati, sed fomicis rebellionis esse adscribendos, & ne quidem esse permissive voluntarios: neque habendam eorum ampliùs rationem.

## ARTICULUS VII.

### *Quasnam causas venereæ delectationis homo vitare teneatur?*

#### SUMMARI.

1. *Varie cause impurorum motuum.*
2. *Directè intendere, & procurare pollutionem nullo casu licitum.*
3. *Respondetur ad instantiam de procuratore abortivis.*
4. *In periculo consensûs vitanda etiam causa honesta, ad quas sequitur pollutio.*
5. *Turpes motus ex causa mortaliter culpabili in genere luxuria contrahunt gravem malitiam.*
6. 7. 8. *Corollaria ex dictis.*
9. *Nulla est obligatio tollendi causas ex se honestas delectationis venereæ.*
10. *Delectatio ex causa culpabili extra genus luxuria non contrahit gravem malitiam.*
11. *Contrahit tamen venialem.*
12. *Solvitur objecta paritas de homicidio.*
13. *Solvitur paritas de præceptis juris positivi.*
14. *Quale sit debitum vitandi causas indirectas delectationis venereæ?*
15. *Ex obligatione resistendi delectationi venereæ, non rectè inferitur obligatio removendi omnes causas ipsius.*

#### §. I.

##### *Prænotanda.*

<sup>1</sup>Notandum primò. Causas, in quibus prævideri possunt motus obsceni, vel pollutio secutura, esse diversas. Nam aliquæ sunt necessariz, honestæ, utiles, ut est audire confessiones,

mederi corporibus, legere ejusmodi materias præparanda eruditione juvando proximo &c. Aliquæ sunt indifferentes, ut equitare, comedere calida, &c. aliquæ peccaminosæ, & quæ vel mortaliter, vel tantum venialiter tales, & vel extra vel intra genus luxuriæ. Aliquæ sunt causæ proximæ, per se influentes, ut impuri tactus, oscula, & aliz verò remotæ & per accidens concurrunt, ut crapula.

Notandum secundò, tanquam indubitatum. Nullo casu etiam ad vitam servandam esse licitum, directè per quamcunque causam quærere, intendere, vel procurare pollutionem; eamque sic intentam & quæsitam semper esse peccatum mortale contra naturam, siquidem habet intrinsicam repugnantiam cum fine & bono naturæ, quæ in emissionem seminis unicè bonum proles per viam legitimæ generationis intendit. Idem dicendum de venereis motibus extra statum matrimonii, siquidem isti quoque semper sunt inchoata mollicies, vel fornicatio. Intra statum matrimonii verò toties sunt peccata mortalia, quoties voluntariè habentur cum probabilis periculo pollutionis.

Dices: Licet matri pro conservatione vitæ scæ<sup>3</sup> tum nondum animatum directè depellere, quando ex illius retentione de vita periclitatur: ita enim sentit Th. Sanch. l. 9. de matr. disp. 20. n. 9. cum pluribus à se citatis, quem etiam sequuntur Salmant.

Salmant. hic disp. 10. dub. 6. n. 221. dicentes, esse sententiam communissimam & probabilissimam, eamque non comprehendendi in damnatione propositionis 34. ab Innocentio XI. ostendit Cardenos in Crisi Theol. dissert. 22. ergo etiam pro conservatione vitæ aut sanitatis licita erit in aliquo casu directæ expulsio seminis. Ratio paritatis videtur esse clara: quia fœtus, quamvis nondum animatus, propior est humanæ proli, quàm semen: unde si fœtus, seu injustus inuasor vitæ medicamentis depelli potest, cur non & istud?

Respond. primò negando antec. tum quia paritas inter fœtum & semen humanum à Lessio adducta efficaciter probat, neutrum licere: tum quia propter diversas medicorum opiniones, quoniam tempore fœtus accipiat animam rationalem, vel amineatur, ferè semper erit dubium, utrùm fœtus sit animatus, adeoque practicè vix erit probabile, quòd liceat directè fœtum expellere, & abortum procurare. Nihilominus etiam permittà hujus sententiæ probabilitatem

Respondetur secundò, & assignatur disparitas ex Salmant. l. cit. quòd administratio, & actio emissiva seminis à natura unice ordinatur ad copulam conjugalem, & intenditur propter bonum speciei: unde extra istum finem semper est illicita: at fœtus ex semine formatus est speciale individuum, quod si ante animationem vitæ matris oppugnetur, ita ut nulla sit spes, quòd mortuà matrem ad lucem & vitam perveniat, meritò vitæ matris postponi, & tanquam injustus aggressor depelli potest. Ubi nullus intervenit abusus alicujus actionis à natura ordinatæ ad alium finem, sicuti fit in pollutione.

4. Notandum teritiò. Esse obligationem sub peccato mortali vitandi quasunque causas etiam honestas istorum motuum, si subsit probabile & proximum periculum consensus, nisi necessitas excuset: eodem quippe præcepto, quò peccatum prohibetur, prohibetur quoque proximum periculum ipsius. Unde si cui per experientiam constaret, quòd in audiendo confessiones soleat consentire in pravas delectationes, teneretur ab auditione confessionum abstinere. Dixi, nisi gravis necessitas excuset, ut contingit in parcho, qui ex officio obligatur audire confessiones, nec potest illud officium sine gravi suo incommodo deponere. In Chirurgo, qui ex officio aspicit & tangit nuda corpora, nec haberet relicto officio, unde viveret. Isti igitur si suum officium peragant animo ad non consentiendum obfirmato, & invocato divino auxilio, non peccant, neque enim censentur in morale periculum peccati se conjicere, qui non temerè, sed necessitate compulli & ex bono fine ejusmodi occasionibus se committunt. His præsuppositis, sit

## §. II.

*Causa inducentes gravem malitiam.*

1. CONCLUSIO PRIMA. Quoties absque urgenti necessitate exercetur actio ex natura sua turpis, & mortaliter culpabilis in genere luxuria, in qua prævidetur turpis motus, aut pollutio: toties committitur peccatum mortale molliciti indirectè voluntarium.

Ratio est: quia lex naturalis obligans de non procuranda seminis effusione, etiam naturaliter obligat ad non ponendas causas per se & notabiliter influentes absque urgente necessitate: sed actio in genere luxuriæ graviter turpis, est talis causa: ergo. Unde

Inferes primò. Tactus, amplexus, oscula, item 6. aspectus libidinosos, h. e. causæ captandæ delectationis venereæ factos, non enim admodum obscenos, inter solutos esse peccata mortalia, quia sunt causa per se notabiliter excitativa libidinosorum motuum.

Inferes secundò. Non minù ipsos motus, 7. aut pollutionem sive in vigilia sive in somno consequentem ad ejusmodi causas priùs positas esse peccatum mortale, quia sunt effectus voluntarii in causa.

Inferes teritiò. Si tactus, & aspectus non sint 8. obsceni, nec animo libidinoso, sed joco, vel levitate facti, nec sæpiùs repetiti, aut diutius continuati [ nisi sit periculum probabile ne fiant libidinosi] per se loquendo tantùm esse peccata venialia, & sic etiam impuros motus inde consequentes, non majorem, quàm venialem malitiam contrahere. Si verò fiant civilitatis causæ, & ex patriæ consuetudine, aut alia ex rationabili causa, nullam habere malitiam, quia ex causa derivatur malitia in effectum, qui est voluntarius in causa; si ergo causa tantùm est venialiter mala, neque effectus majorem sortietur malitiam, & si omni caret malitia, etiam carebit effectus.

## §. III.

*Causa nullam inducentes malitiam.*

CONCLUSIO SECUNDA. Nullum est peccatum ponere causam, vel ab illa non desistere, ex qua prævidetur præter intentionem & sine consensu impuritas sequutura, si illa causa sit necessaria, vel conveniens corpori, aut animo Ita Sylvius, Isamb. Layman, Rosmer, alijs. Ratio est primò, quia tales motus nec sunt directè, nec indirectè voluntarii. Non directè, quia supponitur esse præter intentionem: non indirectè, quia tunc aliquis effectus censetur indirectè voluntarius in ordine ad imputationem moralem, cum quis omittere impedire vel facere, quod impedire vel facere tenebatur: sed nemo tenetur abstinere ab actibus, è quibus prævidet secuturos motus impuros, quando habet rationabilem causam illos actus ponendi, sique habent suos proprios honestos fines: ergo illos ponendo non peccat: & consequenter neque ipsa impuritas carnalis consecuta imputatur in peccatum; siquidem, ut dictum, ex causa malitia derivatur in effectum; unde, si causa non est culpabilis, neque effectus erit. Ratio est secundò. Jus suum prosequenti non imputatur effectus præter intentionem & per accidens subsecutus: sed, cum quis exercet prædictas actiones, prosequitur jus suum, & effectus sequitur præter intentionem: ergo. Ratio est teritiò. Si esset necessitas vitandi ejusmodi causas, homines in mutua societate plurimim commoderatibus tam spiritualibus, quàm corporalibus privarentur; siquidem multi ab audiendis confessionibus, medendo corporibus, legendis libris, &c. abstinere deberant. Unde Col-



Colliges. Nullam esse obligationem abstinendi à cauta & honesta collocacone cum mulieribus, ab equitacione, aliàve simili causa, nec esse obligationem deferendi locum orationis, studii, somni, alteriusve honestæ & permissæ occupationis, neque teneri mutare corporis situm, quantumvis quis absque data sua causa venereos stimulos sentiat; siquidem prosequitur jus suum, nec adesse supponitur aliqua causa proximè, & notabiliter influens in istum effectum, qui potius ex naturali, impulsu & infirmitate provenire censetur.

## §. IV.

*Causa sufficientes ad malitiam venialem.*

10. **CONCLUSIO TERTIA.** *Delectatio venerea præter intentionem secuta ex causa, quæ extra genus luxuriæ est culpabilis, non imputatur in grave peccatum. Ita Ant. citati.*

Ratio est: quia lex ordinariè non obligat ad vitandas causas quasque remotas & indirectas obiecti prohibiti: præsertim si effectus potius ex infirmitate naturæ, quàm à tali causa proveniat: sed causæ extra genus luxuriæ constitutæ censentur tantùm remotæ & indirectæ, & venerei motus potius ex naturæ infirmitate, quàm ex iis causis proveniunt: ergo propter ejusmodi causas carnalis impuritas in grave peccatum non imputatur: sive illæ causæ sint in suo genere venialia, ut cibis, potusque liberior; sive mortalia, ut ebrietas.

11. Nihilominus imputabitur in veniale peccatum; est enim notabilis inordinatio, naturæ proclivitati fomentum addere ad ejusmodi motus in talibus causis sequi solitos: cumque hæc passio ex sua natura sit incitativa ad malum, habeatque magnam inordinationem, studiosius puritatis conabitur, evitare causas etiam remotas & per accidens istorum motuum, si commodè vitari possint.

## §. V.

*Solvuntur Objectiones.*

12. **Obijciens primò.** Quilibet tenetur vitare causam & actionem, ex qua prævidet securam pollutionem. Consequentia probatur: Non minùs pollutio est intrinsecè mala propter damnum prolis, quod per illam sequitur, quàm homicidium propter damnum & destructionem hominis: ergo par est ratio in utroque.

Respondco primò. Hoc argumento nimium probari; siquidem sequeretur, quòd sicut obligaris omittere actionem honestam, v. g. auditio- nem confessionis, si exinde metuas probabiliter eventurum homicidium, sic easdem actiones honestas teneris omittere, si ex iis prævideas securam pollutionem.

Respondco secundò. Disparitatem esse, quòd damnum ex homicidio proveniens sit certum, proximum, & irrepabile, ideoque extra casum justæ defensionis in extrema necessitate nulli hominum concessum; econtra effusio seminis non

proveniens ex applicatione appetitùs, sed potius à virtute expulsi-va sine voluntaria electione causæ proximæ per se influentis, non sit certum & proximum damnum prolis, ex quo suam intrinsecam malitiam deberet accipere. Unde licet nunquam intendi & queri, tamen ex rationabili causa permitti potest, ejusque occasiones & causas quasque tollendi nulla est gravis obligatio.

Obijciens secundò. In præceptis, quæ tantùm sunt juris positivi, ut jejundandi, audiendi Sacrum, recitandi horas Canonicas, &c. non nisi causa necessaria à transgressione excusat: ergo à fortiori in præcepto naturali vitandi motus inordinatos concupiscentiæ non nisi causa necessaria excusabit.

Respond. primò ut priùs, hoc argumento probari, quòd esset mortale peccatum, equitare, ludere, cum prævisione istorum motuum.

Respondco secundò. Cum isti motus ex infirmitate naturæ, voluntate & ratione nihil cooperante, facillimè insurgant, in ipsis majus voluntarium requiri, ut imputentur in peccatum, quàm requiritur ad alias transgressiones juris positivi, quæ non sunt nisi dependenter à voluntate.

Obijciens tertio. Ad voluntarium interpretativum in causa sufficit, quòd malus effectus prævideatur in causa, quam quis potest & tenetur vitare: sed ebrietatem aliavæ causas peccaminosas remotas venereæ impuritatis quique potest & tenetur vitare: ergo in ipsis & per ipsas venerea impuritas fit interpretativè voluntaria.

Respond. dist. maj. Sufficit, quòd malus effectus prævideatur in causa, quam quis potest & tenetur vitare debito proveniente ex præcepto prohibente talem effectum, concedo; aliunde, nego. Sed ebrietatem v. g. quique tenetur vitare debito proveniente ex præcepto sobrietatis, concedo; ex præcepto castitatis, nego min. & consequentiam. Neque enim videtur præceptum castitatis graviter prohibere causas penitus indirectas, & remotas impurarum commotionum, quæ proinde non statim sunt interpretativè voluntariæ, saltem voluntario positivo & imputabili in gravem culpam.

Obijciens quartò. In probabili opinione, quam si artic. præced. retulimus, tenetur homo impedire exurgentes tentationes carnis, quod si negligat, sunt interpretativè voluntariæ: ergo etiam tenetur abstinere à causis saltem non necessariis, in quibus prævidet ejusmodi tentationes.

Respondco. Antecedens in illa probabili sententia procedere ex hypothesi, quòd illæ tentationes possint formaliter vel interpretativè fieri voluntariæ in seipsis, veluti cum ex impura phantasia naturaliter occurrunt, non autem cum per accidens consequuntur ad aliam causam per se proximè non influentem; tunc enim, etiam si causa non auferatur, non sunt propriè interpretativè voluntariæ.

## ARTICULUS VIII.

*An delectationes morosæ sint ejusdem speciei cum opere externo?*

## SUMMARI A.

1. *Aperitur status questionis.*
2. *Delectatio morosa est ejusdem speciei cum opere externo.*
3. *Cui possit præscindi in delectatione de circumstantia furis, non autem in delectatione alius carnalis aut circumstantia persone.*
4. *In confessione exprimende circumstantia persona, quæ fuit morosa delectationis obiectum.*

## §. I.

*Eligitur sententia affirmans.*

1. **Q**uestio maximè procedit de delectatione morosa in materia venerea: cum enim in peccatis carnalibus plures species inter se distinctæ reperiuntur, quæ non tantum habent oppositionem cum virtute castitatis, sed etiam iustitiæ, pietatis, &c. ut stuprum, incestus, adulterium, &c. queritur, an morosa delectatio de tali opere cogitatur eandem sortiatur speciem, ac ipsum opus cogitatur, & sicut ipsa peccata carnalia, sic morosæ delectationes ipsorum inter se specie distinguantur? Ubi

Certum est primò. Si delectatio sit efficax & conjuncta cum consensu in opus, ut frequentius contingit diu in carnalis peccati delectatione hærentibus, tunc esse ejusdem malitiæ & speciei cum opere externo, quia opus externum ut est à parte rei, sic est obiectum specificativum efficacis voluntatis: adeoque, si ipsum habet diversam malitiam, eandem refundet in efficacem voluntatem peccandi. Sic specie distincta peccata sunt consentire in commercium carnale cum consanguinea, conjugata, sacra, &c.

Certum est secundò. Si quis voto castitatis adstrictus habeat morosam delectationem de quocunque peccato carnali, semper committere peccatum sacrilegii, siquidem votum castitatis emissum prohibet omnem actum repugnantem virtuti & honestati castitatis.

Certum est tertio. Delectationes morosas de peccato sodomitico, bestiali, contra naturam, esse inter se specie distinctas; siquidem immediata objecta harum delectationum specie distinguuntur, & in delectationem refundunt diversas oppositiones cum diversis motivis ipsius castitatis.

Certum est quarto. Si morosa delectatio formaliter feratur in ipsam conditionem & circumstantiam personæ speciem mutantem, ut quia v. g. fœmina est conjugata, consanguinea, &c. hoc ipso sortiri etiam speciem illius circumstantiæ & operis, utpote pertinentis ad obiectum specificativum.

Igitur questio est: an in casu quo delectatio morosa est v. g. de peccato carnali cum fœmina conjugata, non quæ conjugata, sed quæ pulchra & delectabili, sine complacentia de extrinseca conditione & qualitate personæ, quæ ipsum opus trahit ad novam oppositionem cum virtute iustitiæ extra genus castitatis, constituitur in specie adulteriæ, ac proinde specie distinguatur à morosa

delectatione de peccato carnali cum fœmina soluta?

CONCLUSIO. *Probabilius est, delectationem morosam esse ejusdem speciei cum opere externo. Ita Sylvium hic a. 8. q. 7. concl. 3. Antonin. Cajetan. Navarrus, Azor, aliiq.*

Probatur primò autoritate S. D. a. 8. ad 4. dicentis: *Delectatio, quæ habet actum exteriorem pro obiecto, non potest esse absque complacentia alius exterioris secundum se, etiamsi non statimatur implendum &c.* ergo actus exterior secundum se specificat delectationem: sed actus exterior secundum se non præscindit à circumstantiis, sed secundum illarum specificam differentiam etiam ipse specificam induit diversitatem: ergo similiter delectatio specificam accipit differentiam.

Probatur secundò ratione ejusdem S. D. in q. 15. de Ver. a. 5. Non sola voluntas operis, sed etiam delectatio de opere sequitur naturam ipsius operis, quod est finis intrinsecus ipsius: siquidem delectationes sunt propter operationes: ergo si in opere reperiuntur distinctæ malitiæ, etiam in delectatione reperiuntur, & si opus à circumstantiis non præscindit, neque delectatio præscindit.

## §. II.

*Solvuntur Objectiones.*

**O**bjicies: Morosæ delectationes sortiuntur 3. speciem ab obiecto, prout est in apprehensione: sed obiectum apprehensum delectationis morosæ potest esse persona delectabilis sub ratione fœminæ, præcisè aliis omnibus circumstantiis conjugii, voti, consanguinitatis, &c.: ergo potest etiam morosa delectatio ab hac sola ratione obiecti suam malitiam, virtuti castitatis solummodo repugnantem, accipere.

Confirmatur. Potest quis delectari in furto, quæ ingeniosum, non quæ injustum est, de jocis quatenus faceti, non quatenus sunt impuri: ergo similiter poterit delectari de commercio cum fœmina, quatenus fœmina, non quatenus conjugata.

Respond. negando min. Si illæ conditiones & circumstantiæ aliunde sint cognite, nec invincibiliter ignoratæ; nam licet tunc persona explicitè tantum apprehendatur sub ratione fœminæ, nihilominus tamen quia delectans morose personæ circumstantias invincibiliter non ignorat, & tamen magis vult delectari de nefario opere cum persona iis circumstantiis affecta, quàm non obstante illarum notitia à tali delectatione desistere, eadem quoque circumstantiæ implicitè ac interpretativè censentur voluntariæ, atque in obiecto contentæ.

Ad confirmat. disparitas est, quòd tunc delectatio non sit de opere, sed de modo operis, cui planè per accidens est, utrum in hoc, vel illo opere reperiatur: adeoque ab illo faciliè præscindì potest, opus verò ipsum, quod specificat delectationem non præscindit à circumstantiis personæ.

F f

Inferes

4. Inferes ex dictis: In confessione exprimendas esse qualitates personarum, circa quas aliquis fuit morose delectatus, fuerintne solutæ, vel ligatæ, &c. quod non tantum ex nostra sententia manifestè sequitur, sed etiam suadet ab oppositæ sententiæ authoribus: licet enim probabile sit, circumstantias operis cogitati non inducere diversi-

tatem specificam in simplicem complacentiam ipsius nihilominus tamen facillè contingit à consensu in delectationem voluntatem procedere in consensum ipsius operis, quo casu jam est distinctio specifica, & per expressionem qualitatum Confessario major meliorque notitia peccati, statimque peccantis acquiritur.

## DISPUTATIO XXII.

DE

### Causis peccatorum.

Cum duo sint in peccato, materiale & formale, actus & inordinatio, peccatum habet & causam per se, quatenus actus est, & causam per accidens, quatenus est inordinatum. Et cur per accidens? quia inordinatio privatio est. Ita expressè S. D. hic q. 75. a. 1. in c. *Ex parte autem inordinationis, inquit, habet causam eo modo, quo negatio, vel privatio potest habere causam. Sed cum inordinatio peccati, & quolibet malum non sit simplex negatio, sed privatio ejus, quod aliquid natum est, & debet haberi, necesse est quod talis inordinatio habeat causam agentem per accidens.* Hæc porro causa per accidens præcipua est creaturæ rationalis liberum arbitrium deficiens, sive ut S. D. loc. cit. creata voluntas carens directione regulæ rationis, & legis Divinæ, intendens aliquod bonum commutabile. Plures tamen aliæ causæ vel internæ vel externæ possunt ad peccatum proximè, vel remotè concurrere. Externa è mente Catholicorum, & S. D. hic q. 80. a. 1. & 2. Dæmon est; non directæ, sed indirectæ per internam instigationem & tentationem, quæ tamen peccandi nullam inducit necessitatem; unde 1. Petri ult. *Jubemur ei resistere fortes in fide.* Item homo homini potest esse causa peccandi, ut S. D. q. 81. vel per suggestionem, modo diabolico; vel per originem, de quo infrà. Ex blasphemo hæreticorum ore etiam DEUS peccati Author & causa est, quam tamen blasphemiam art. 3. removebimus. Interna causa peccati, quæ in ipso homine reperitur, & vel ex parte intellectûs, estque ignorantia, de qua art. 1. sequenti; vel ex parte voluntatis, & sic non tantum voluntas per modum principii deficientis est causa peccati, sed etiam unum peccatum potest esse causa alterius, S. D. q. 75. a. 4. ut mala intentio malæ electionis, rapina vel furtum homicidii, &c. Vel ex parte appetitûs sensitivi, & sic docet D. Th. hic q. 77. à passione voluntatem indirectè moveri ad peccandum. Unde Dan. 13. dicitur: *Concupiscentia subvertit cor tuum*, & hæc quidem carent difficultate. *Dua sunt quæstiones celebriores. Primò.* An omne peccatum præcedat ignorantia? *Secundo.* An, vel quomodo DEUS concurrat ad actum peccati? Ideo sic

## ARTICULUS I.

### An ignorantia causet, vel sit peccatum?

#### SUMMARIA.

1. Divisio ignorantie.
2. Ignorantia est vera causa peccati.
3. Ignorantia concomitans non causat peccatum.
4. Ignorantia antecedens tantum causat peccatum materialiter.
5. Ignorantia consequens etiam causat peccatum formaliter.
6. Est & ipsa formaliter peccaminosa.
7. Et quandoque speciale peccatum.

#### §. I.

*Ignorantia vincibilis causa peccati formalis.*

1. Suppono primò. Ignorantiam propriè & privativè acceptam pro carentia vel absentia sci-

entia, quam quis natus & aptus est habere, dividi primò, ex parte subjecti in invincibilem & vincibilem: secundò ex parte actûs in antecedentem, consequentem, & concomitantem, de quibus divisionibus in superiori tract. de act. hum. dictum fuit. Tertiò ex parte formæ oppositæ in ignorantiam habitualem, & actualem. Habituaalis est carentia scientiæ habitualis, actualis ex opposito est absentia scientiæ actualis. Actualis rursum dividitur in absentiam scientiæ, h. e. cognitionis speculativæ, velut est ignorantia articulo-rum fidei; vel practicæ de agendis, aut omittendis.

Suppono secundò, è S. D. q. 76. a. 1. Ignorantiam verè esse causam peccati. Ita enim dicitur

citur Levit. 4. *Si peccaverint Principes per ignorantiam.* Et rursus : *Si peccaverit anima per ignorantiam.* Non tamen esse causam directam, sed indirectam peccati, inde constat, quia ignorantia non aliter causat peccatum, quam removendo prohibens, h. e. scientiam ad evitandum peccatum requisitam, quam si quis habuisset, peccatum non commisisset. His positis quaeritur, quænam ignorantia causet peccatum?

3. **CONCLUSIO PRIMA.** *Ignorantia concomitans nullo modo, (2.) antecedens ignorantia peccatum materialiter; (3.) consequens verò etiam formaliter causat.* Ita communis cum S. D. q. 75.

Ratio primæ partis est : Quod actum peccati neque facit voluntarium neque involuntarium, sed merè se habet per accidens ad ipsum, nullo modo potest esse causa peccati : sed ignorantia concomitans est talis, prout loco cit. dictum : ergo. Præterea : In tantum ignorantia causat peccatum, in quantum culpabiliter removet scientiam, quæ si adesset, impediretur peccatum : sed hoc non facit ignorantia concomitans ; nam v. g. Venator suum hostem sclopeti explosione occidens, quem per ignorantiam concomitantem feram esse existimat, illum nihilominus occideret, tamen si sciret ipsum adesse : ergo ignorantia concomitans nullum causat peccatum.

4. Ratio secundæ partis est : Ignorantia, quæ causat involuntarium simpliciter, excusat à peccato formali : sed ignorantia invincibilis five juris, five facti, causat involuntarium simpliciter, prout ibi, contra Jansenium dixi : ergo excusat à peccato formali, & non causat illud. Nihilominus quia hæc quoque ignorantia tollit (quamvis inculpabiliter) scientiam, quæ si adesset, omitteretur actus prohibitus, v. g. comessio carni die prohibito, propterea licet non sit causa peccati formaliter, est tamen illius causa materialiter sumpti.

5. Ratio tertie partis est : quia cum ignorantia consequens sit indirectè, & saltem interpretative voluntaria, non impedit, quo minus actus peccati, qui ex ipsa sequitur, sit saltem interpretative voluntarius : unde illa ignorantia est causa peccati etiam formaliter, quæ est causa, quod actus peccati sit saltem interpretative voluntarius : sed ignorantia consequens est causa, quod actus peccati sit voluntarius saltem interpretative & imputative, ut loco cit. ostensum est : ergo.

## § II.

*Ignorantia invincibilis ipsa met est peccatum.*

6. **CONCLUSIO SECUNDA.** *Ipsa quoque ignorantia vincibilis & actualis alienius rei, quam scire tenemur, est in se ipsa formaliter peccaminosa, idq. ratione negligentia in inquirenda veritate.*

Prima pars est indicata in S. Script. ad Cor. 14. *Si quis ignorat, ignorabitur*, h. e. à regno DEI excludetur. Juxta illud Matth. 23. *Nescio vos, & Os. 4. Quia in scientiam repulisti, repellam te, &c.*

Ratio est : Quod in se habet repugnantiam cum præcepto, & recta ratione, est in se formaliter peccatum : sed ignorantia actualis in se habet repugnantiam cum præcepto, & virtute studiositatis, quo jubetur adhibere debitam diligentiam in negotiis nostræ salutis : ergo.

Ratio secundæ partis est : quam habet S. D. a. 2. In tantum ignorantia est peccatum, in quantum est voluntaria omisso scientiæ debita, seu quam tenemur inquirere : sed est omisso talis, propter voluntariam & culpabilem negligentiam in inquirenda veritate, hæc quippe ratione opponitur virtuti studiositatis, estque voluntaria : ergo.

Dixi primò, *vincibilis*, contra Jansenium, qui invincibilem ignorantiam juris naturalis peccati arguit : hanc quippe, sicuti causat simpliciter involuntarium, sic tollere & non causare rationem peccati, constat ex dictis loco cit. Dixi secundò, *actualis ignorantia* : nam ab habitualis ignorantia non tam est peccatum, quam effectus & vestigium peccati ab actuali ignorantia relictum : siquidem habitibus neque meremur, neque demeremur, nec habitus sed actus prohibentur.

**CONCLUSIO TERTIA.** *Quando scientia præcipitur per se, & propter ipsum scire, sine propinquo ordine ad aliquod opus, tunc est speciale peccatum : non autem quando per accidens præcipitur ratione alterius operis præcepti.* Ratio est : quia oppositio cum aliqua virtute generali non constituit speciale peccatum, nisi cum motivum formale virtutis illius specialiter attingitur, veluti patet in irreverentia & inobedientia erga DEUM : sed oppositio, quam habet ignorantia, est cum generali virtute studiositatis, utpote quæ scientiam prædicam, tanquam regulam ordinariam & necessariam omnium humanarum operationum pro sua materia respicit : ergo nisi ipsum formale motivum studiositatis per se formaliter attingatur, ignorantia non est speciale peccatum. Atque cum scientia præcipitur tanquam necessaria conditio ad implendum aliud opus præceptum, v. g. ad jejunandum, audiendum Sacrum, &c. non per se attingitur formale motivum studiositatis : tunc verò per se formaliter attingitur, cum ipsa cognitio veritatis per se præcipitur : ergo in primo casu ignorantia non est : in secundo verò est speciale peccatum. Et sic scientia alicui statui vel officio specialiter annexa, est specialiter sub præcepto : e. g. notitia non tantum mysteriorum fidei, sed & præceptorum & officiorum hominis Christiani est specialiter annexa statui hominis Christiani, notitia morborum & medicinarum officio medici, peccatorum officio confessorii &c.

## ARTICULUS II.

*An omne peccatum præcedat aliquis error in intellectu?*

### SUMMARIA.

1. *Quid error speculativus & practicus?*

2. *Quid error formalis, & virtualis?*

R. P. Alex. Theol. Schol. Tom. II.

3. *Omni peccato præcurrere aliquem errorem intellectus suadet auctoritas.*

FF 1

4. Et



4. *Erratio à priori.*
5. *Quomodo peccans ex scientia nihilominus habeat errorem?*
6. *Quomodo peccantes contra conscientiam habeant errorem?*
7. *In sensu compositio iudicii recti voluntas non potest errare impotentià consequenti.*
8. *Absurda objecta amoventur.*

## §. I.

*Adstruitur sententia affirmativa D. Thoma.*

1. **N**otandum primò. Errorem dividi in *speculativum & practicum*. Speculativus est, quo quis absolutè & præscindendo ab operis executione iudicat esse licitum, quod est illicitum; vel e contra. Practicus est, quo quis iudicat, hic & nunc aliquid esse faciendum, quod est omittendum, vel e contra.
2. Notandum secundò. Errorem alium esse formalem, alium virtuale. Formalis est iudicium falsum, objectum aliter enuntians quàm est; Error vel ignorantia virtualis est defectus & commissio actualis considerationis, quam quis hic & nunc deberet habere circa objectum à se habitualiter cognitum. His positis sit

**CONCLUSIO.** *Voluntas non potest peccare, nisi aliquis error practicus saltem virtualis præcesserit in intellectu.* S. D. q. 77, a. 2. in c. & 2. 2. q. 53, a. 2. in c.

3. Probat primò autoritate S. Script. & PP. Nam Apostolus Hebr. 3. & 9. peccata generatim vocat *ignorantias*. Matth. 15. & 23. peccatores appellantur cæci. Prov. 14. dicitur: *Errant, qui operantur malum.* D. August. de pecc, merit, & remiss. *Ignorantia & infirmitas vitia sunt, quæ impediunt voluntatem, ne moveatur ad faciendum opus bonum:* ubi vides defectum bonæ operationis refundi in ignorantiam. D. Gregor. 15. moral. c. 23. *Omnis peccator stultus fuit in culpa.* ergo S. P. in quolibet peccante agnoscit errorem rationis: & quem alium, quàm rationis practice dirigentis?
4. Probat secundò ratione: Omne peccatum in voluntate contingit, vel quia voluntas fertur in bonum, quod non est bonum; vel quia fertur in bonum non servato debito modo & ordine in prosecutione boni: sed quocunque modo ex prædictis voluntas peccat, semper præsupponitur aliquis error in intellectu: ergo. Major probatur. Cùm bonum sit adæquatum motivum voluntatis, vel illud bonum, quod prosequendo voluntas peccat, est verum bonum, vel non? Si est verum bonum, tunc voluntas aliter circa illud non peccat, nisi debitum ordinem non servando, quomodo Angelos peccasse dixi in Tr. de Ang. Vel non est verum bonum, & tunc voluntas peccat amplectendo bonum falsum & apparens pro vero bono. Minor etiam probatur: Voluntas tanquam cæca potentia non fertur in bonum, nisi quatenus sibi ab intellectu propositum: ergo si voluntas peccat amplectendo bonum falsum pro vero, debet in intellectu præcedere iudicium practicum, quo iudicetur objectum esse prosequendum, quod tamen non est prosequendum; & hic est error formalis. Si verò prosequatur bonum

sine debito ordine & modo, pariter debet in intellectu præcedere omisio privativa debite considerationis, & attentionis ad illum ordinem, qui est error virtualis: ac consequenter in voluntate nullum est peccatum, quin præcedat in intellectu practico aliquis error sive formalis, sive virtualis, &c.

Confirmatur. Si quis cæcus ex sua natura dependeret ab aliquo ductore, non posset errare in ambulando, nisi errante ipso ductore: ergo cùm voluntas ex sua natura in operando dependat à rationis directione, non potest voluntas errare, nisi ratio in dirigendo aberret.

## §. II.

*Solvuntur objectiones.*

**O**bjicies primò. Qui sciens peccat, non peccat ex ignorantia; neque enim scientia & ignorantia stant simul, sed multi ex malitia peccant, scientes, se malè agere: nam Jac. 4. *Scienti bonum facere, & non facienti peccatum est illi.* Et D. August. enarr. 2. in ps. 68. *Sunt tales, qui iniquitatem suam novērunt, & in ea pertinacissimè perseverant.*

Respondeo, distinguendo majorem. Qui sciens peccat, non peccat per ignorantiam, vel errorem oppositum illi scientiæ, quam habet, concedo; quam non habet, nego. Ad cujus distinctionis explicationem & sensum sciri debet, quòd in peccantibus ex scientia & malitia, scientia diverso modo se habere & considerari possit. Primò potest quis habere scientiam in habitu, h. e. præviè aliquando comparatam, v. g. quòd talis contractus sit usurarius, quam tamen scientiam hic & nunc non applicat, cùm tamen adhibeà sufficienti diligentia de illa cogitare, eamque applicare posset. Secundò, potest habere scientiam etiam actualem, sed in universali, v. g. quòd die jejunii non liceat comedere carnes, ex qua tamen non descendit ad subsumentendam propositionem particularem, quòd hodie sit dies jejunii. Tertiò potest habere scientiam tam universalem, quàm particularem, ita tamen ut in particulari non applicet intellectum ad considerandum debitum modum ac ordinem tendendi ad illud objectum. Cùm igitur dicitur aliquis peccare ex scientia, supponitur scientia vel speculativa in universali; vel etiam practica, sed in habitu; vel denique actualis quoad substantiam, non autem quoad modum vel ordinem, & sic nihilominus erit defectus in ultimato iudicio, quo proximè dicitur aliquid agendum, vel omittendum.

Objicies secundò. Qui peccat contra conscientiam, non habet iudicium erroneum: sed multi peccant contra conscientiam; ergo multi peccantes non habent iudicium erroneum. Major probatur. Qui peccat contra conscientiam, peccat contra iudicium rectum rationis practice: sed hoc non est erroneum; ergo.

Respondeo negando majorem; & probat. distinguo: peccat contra iudicium rectum & non ultimum, concedo; ultimum, & ut vocant practice practicum, nego, & sic distinctà minore nego consequentiam. ut enim Tra&, de consci, dicitur, ipsum conscientiæ dictamen, succedente alio

alio iudicio & dictamine quandoque intervertitur, juxta illud : *Vide meliora, probos, Deteriora sequor.*

7. Obijcies tertio. Posito dictamine rationis practice, quod hic & nunc mentiri sit peccatum, vel potest hoc stante dictamine voluntas facere oppositum, vel non? si non potest, non est formaliter libera; si potest, etiam poterit peccare nullo existente errore in intellectu, siquidem hoc dictamen est rectum.

Respondeo: Stante hoc iudicio practico, & interrupto per alium actum consequentem, non posse voluntatem niti in contrarium, absque tamen præjudicio libertatis, eo quod hæc impotentia tantum sit consequens, non antecedens, utpote ex ipsa voluntatis applicatione descendens.

8. Obijcies quarto varia absurda: primo, quod nullus Angelus potuisset peccare, quia cum haberent plenam notitiam omnium agibilium, nullus error aut ignorantia locum in ipsorum intellectu habere potuit. Secundo, quod nulla amplius foret distinctio inter peccata ex ignorantia, malitia, & infirmitate, cum omnia peccata forent ex ignorantia. Tercio, quod quilibet peccans esset hæreticus; quia iudicare hoc esse eligendum, quod est contrarium rectæ rationi, est iudicium hæreticum: sed quilibet peccans ratione prævii erroris haberet tale iudicium: ergo.

Respondeo negando sequelam triplicem. Et ad 1. dico, non potuit in Angelis esse error formalis, concedo; virtualis nego. de quo ex instructo in Tract. de Angelis dixi.

Ad 2. nego sequelam: nam licet ista peccata conveniant in ultimi iudicii errore, differunt ta-

men in modo inferendi & causis ad illud disponentibus: nam qui peccat ex malitia, differt à peccante per infirmitatem, quod ille cadit impulsus vehementi passione, non ille; à peccante verò per ignorantiam, quod iste caret requisita scientiâ speculativâ & in subsumentio; at verò peccans ex malitia deficit in actuali solum scientia ultimata iudicii: e. g. qui ex ignorantia vincibili frangit jejuniū, peccat in hoc, quod ex negligentia culpabili non subsumit: Hodie est dies jejunii: ergo est jejunandum. Qui verò ex malitia frangit jejuniū, habet iudicium conscientie, quod sit jejunandum: nihilominus tamen à concupiscentia abstractus & illeclus divergit intellectum, & dicit: Non obstante prohibitione legis esse delectabile hic & nunc comedere. Quæ ignorantia vocatur malæ electionis, eo quod ratio dicitur esse eligendum, quod tamen per scientiam præviam scit non esse præ suo opposito eligendum.

Ad tertium quoque negatur sequela & maj. dist. hoc iudicare explicitè, speculative, & in actu signato, est hæreticum, concedo; implicitè, practice, & in actu exercito, seu ex modo operandi, nego maj. & pariter distinctâ min. nego consequentiam. Ordinariè nimirum contingit error in ratione, non quod ex parte objecti intellectus formaliter conjungat prædicatum dissimilitudinis & difformitatis legalis cum eligibilitate; sed quod dicitur objectum delectabile esse amplectendum, neglectâ advertentiâ rationis & admonitione conscientie de illicitate objecti, quod dictamen non est fidei, sed prudentie contrarium.

## ARTICULUS III.

### An DEUS possit esse causa peccati?

#### SUMMA.

1. *Doctrina fidei.*
2. *Ratio impeccabilitatis Divine.*
3. *Rationes, cur a DEO peccatum causari nequeat.*
4. *Testimonia S. Scripti. ab hereticis objecta exponuntur.*
5. *Quomodo DEUS dicatur, creare malum?*
6. *Et vasa facere in contumeliam?*
7. *Præceptum aliquando accipitur pro permissione.*
8. *Quomodo DEUS sit causa obdurationis?*
9. *Objectiones hereticorum.*
10. *Peccata tantum cadunt sub providentiam permittemtem.*
11. *Ex amore penitentia non velle inferni voluntas peccati.*
12. *Peccata nec sunt DEO volente, neque nolente.*
13. *Potentia peccandi quatenus desinit non est a DEO.*

#### §. I.

##### Statuitur negativa.

1. **Q**uestio potest institui, an DEUS sit causa physica, vel moralis peccati: Secundò vel quoad materiale, vel quoad formale peccati: directè, vel indirectè; per se, aut in se, vel per a-

lium, & in alio? Nunc de peccato formaliter, & una cum ratione malitiæ accepto, sit

CONCLUSIO. *DEUS nec ipse peccare, neque in alio peccatum directè, vel indirectè aut per accidens ullâ ratione causare potest.* S. D. q. 79. a. 1. & est de fide ex Deut. 23. *DEUS absque ulla iniquitate iussus & reclusus.* 1. Jo. 1. *Peccatum in eo non est.* Et Ps. 5. *Non DEUS volens iniquitatem me.* Jacobit. *Odio sunt DEO impij, & impletas ejus.* Et alibi passim. Definitio hujus articuli habetur in Trid. Sess. 6. Can. 16.

Ratio primæ partis est primò. Omne peccatum est defectus à prima regula, & ultimo fine: sed est impossibile, ut DEUS in operando deficiat à prima regula, & ultimo fine; deficeret enim à se ipso, cum ipse sit prima morum regula, & finis ultimus. Secundò. Infinitæ bonitati & sanctitati repugnat quodcumque malum morale, & cum infinita perfectione repugnat qualibet imperfectio: sed peccatum quodlibet est defectus moralis: ergo.

Ratio alterius partis est primò. Omne peccatum est aversio à DEO: sed est impossibile ut DEUS ullo modo faciat alicujus voluntatem à se averti: ergo est impossibile, ut DEUS ullo modo

ff 3 causet

causet peccatum. Secundò. Quicquid est à DEO, est ordinabile in DEUM, siquidem rationes primi principii & ultimi finis convertuntur: sed implicat, peccatum ordinari in DEUM: ergo implicat, ut aliquà ratione sit à DEO. Tertio. Infinitè Sanctitati, quà major & melior excogitari non potest, non minùs repugnat omnis directà, vel indirecta malitia, quàm infinitè veracitati repugnet omnis directà vel indirecta falsitas: ergo sicuti DEUS nec directè nec indirectè potest esse causa mendacii, sic neque directè neque indirectè potest esse causa peccati.

## §. II.

*Solvuntur objectiones.*

4. **O**bjicies ex autoritate S. Scripti, primò illa testimonia, in quibus dicitur, quòd DEUS decreverit, vel creaverit mala, ut II. 45. *Faciens pacem, & creans malum.* Gen. 47. ubi Joseph suæ venditionis crimen in Divinam voluntatem refert: *Non vestro consilio, sed DEI voluntate hunc missus sum.* Sicut & Crucifixio Christi A. 2. & 4. illuc refertur: *Convenerunt facere, quæ manumina, & consilium tuum decreverunt fieri.*

Secundò illa loca, in quibus dicitur DEUS creare impios in ostensionem suæ justitiæ ut Prov. 6. & Sap. 14. *Et aliqua vasa facere in contumeliam ut Rom. 9.*

Tertiò illa, in quibus videtur DEUS præcipere, vel instigare ad peccata: ut cùm 2. Reg. c. 16. dicitur. *Dominus præcepit Semei ut malediceret David.* & Jo. 13. Christus ad Judam: *Quod facis, fac citius.*

Quartò. Illa, in quibus dicitur, DEUS homines indurare, vel excæcare, ut Exod. 7. II. 6. & 63. Rom. 9. excæcatio, aut induratio, est ipsum peccatum finalis impenitentia, quo peccatores obliuati reculant penitentiam agere.

5. Respondeo ad primi generis autoritates, eundem DEUS dicitur facere vel creare malum, id intelligi non de malo culpæ, sed pœnæ, quod in se ali-quod bonum, & tantum respectivè malum dicitur, nempe respectu illius, quem privat aliquo bono & commodo. Quod attinet ad Josephi venditionem, & Christi crucifixionem, tunc, si illæ actiones sumantur formaliter, moraliter, & activè, sive ex parte vendentium, & crucifigentium, referuntur in DEI voluntatem permissivam talis peccati in specialem finem prædestinationis providentiæ DEI, prout in prima parte dictum: si verò materialiter sumantur, prout sunt actiones quædam physicae, sic pertinent ad decretum positivum, ut ex sequenti articulo patebit.

6. Ad textus secundi generis Respondeo, sensum esse, quòd DEUS aliquos homines creaverit, quos ob finem ostendendæ suæ justitiæ in extremo die judicii [qui dicitur dies malus] decreto permissivo finit in impietatem labi, & in illà mori. Similiter Apostoli sensus est, quòd ex torà massa generis humani per Adami peccatum vitiatà, & in contumeliam redactà, DEUS aliquos voluerit gratuità misericordià in vasa honoris per prædestinationem assumere, & eligere; alios verò per indubitè beneficii denegationem in eadem massa perditionis relinquere: non verò quòd ob finem

damnationis & contumeliæ voluerit aliquos homines condere.

Ad autoritates tertii generis Respondeo, ibidem Tò præceptum accipi pro permissione, quemadmodum & Marci 10. lex Judæis permittens libellum repudiij præceptum vocatur. Unde illa quoque verba, *quod facis, fac citius*, non sunt voces imperantis, sed permittentis, animique promptitudinem ad parandum ostendentis: prout exponit S. Leo. l. 7. de pass. dicens: *Vox hec non jubentis est, sed scientis, nec trepidi, sed parati, qui habens omnem temporum potestatem, ostendit se moram non facere iradori, & sic ad redemptionem mundi paternam exequi voluntatem, ut facinus, quod à persequentibus parabatur, nec impelleret, nec timeret.*

Ad quarti generis testimonia Respondeo, excæcationem ac indurationem accipi posse in sensu duplici, primò ut excæcatio significet pravum affectum animi, veritatis evidenter manifestæ lumen recipere nolentis; & ut obduratorio significet pravum animi affectum media ad penitentiam & salutem consequendam oblata pertinaciter respuentis. Secundò minùs propriè accipiuntur pro subtractione gratiæ illuminantis, & emollientis cor hominis, ad quam consequitur obliuatio hominis in malo. In primo sensu DEUS non est causa obduratoris & excæcationis, sic enim ipsum ipsum peccatum impenitentia, quod sæpius in S. Scripti, reprehenditur, uti Rom. 2. *Secundum duriciem tuam, & impenitentem cor tuum, thesaurizas tibi iram.* In altera acceptione DEUS dicitur indurare & excæcare indirectè & negativè, non positivè, ut habet S. D. q. 79. a. 3. Et D. Aug. ep. 105. dicens: *Nec obdurat DEUS imperitendo malitiam; sed non imperitendo misericordiam.* Quo modo intelligenda sunt loca S. Scripti, in quibus DEUS obdurare & excæcare dicitur.

Objicies etiam ex ratione primò. Quicquid DEUS vult, hoc causat; nam omnia quæcunque voluit, fecit: sed peccata vult: ergo causat. Minor probatur. Quicquid cadit sub DEI providentià, est aliquo modo volitum à DEO: sed peccata cadunt sub DEI providentià: ergo sunt aliquo modo directè, vel indirectè volita à DEO.

Confirmatur. Peccata aut sunt DEO volente, aut nolente: sed non sunt DEO nolente: nam ejus voluntati quis resistit? ergo sunt DEO volente. Secundò. A quo est potentia operandi, eidem rectè tribuitur operatio; quòd enim est causa causæ, est causa causati; sed potentia peccandi est à DEO: ergo etiam ipsum peccatum. Minor probatur: Potentia peccandi est liberum arbitrium habens indifferentiam contrarietatis ad bonum & malum: sed hoc est à DEO: ergo.

Respondeo ad 1. negando min. nam velle in DEO significat voluntatem positivam, quam DEUS de peccatis non habet. Probationem distinguo: Quicquid cadit sub providentià approbantem, est directè vel indirectè à DEO volitum, concedo; quod cadit sub providentià tantummodò permittentem, nego maj. sed peccata cadunt sub providentià permittentem, conce-

concedo ; sub approbantem nego min. & consequentiam.

Instabis : Pœnitentia cadit sub providentiam approbantem : ergo etiam peccata. Antecedens patet : quia pœnitentia est effectus prædeterminationis. Consequentia probatur : Efficax intentio & amor finis est etiam virtualis amor illorum omnium , quæ sunt necessaria ad positionem & existentiam finis : sed pœnitentia sine peccatis non potest existere , cum sit essentialiter virtus destructiva peccati : ergo cum DEUS efficaciter intendat pœnitentiam , etiam positive vult ipsa peccata.

- II. Respondeo negando consequentiam , ejusque probationem distinguo : Efficax intentio finis est simul amor virtualis eorum , quæ sunt necessaria ad positionem finis , si sunt necessaria tanquam amata propter intrinsecam suam bonitatem , concedo ; si sunt necessaria tanquam permilla solum , nego. Sed peccata sunt necessaria ad positionem & existentiam pœnitentiae , tanquam permilla , concedo ; tanquam amata , nego minorem & consequentiam.

Ratio est : quod tunc solum intentio finis est amor virtualis eorum , quæ sunt necessaria ad positionem finis , quando ista sunt in se amabilia , &

causabilia ab intendente finem , & ex intentione finis non tantum logicè & illative , id est etiam causaliter consequuntur : sed peccata non sunt causabilia à DEO intendente finem , nec amabilia ; neque sequuntur causaliter , sed solum illative ex intentione finis : adeoque efficax intentio pœnitentiae non est simul amor , aut voluntas virtualis peccatorum.

Ad confirmationem nego maj. peccata enim sunt , DEO propriè neque volente , neque nolente , sed permittente : voluntas autem permissionis DEUM non simpliciter volentem denominat. Dixi , *propriè* , nam latius loquendo & cum addito dici potest , peccata fieri DEO volente permittere , seu volente per voluntatem permissionis , & illa fieri DEO nolente , secundum voluntatem signi , in quantum peccata prohibet , odit & puni.

Ad secundum datà , non concessà maj. distinguo 13. min. potentia peccandi , quatenus defectiva & ut formaliter est potentia peccandi , nempe liberum arbitrium , est à DEO , nego : quatenus effectiva , & sic causa illius quod est materiale in peccato , concedo : ergo & peccatum est à DEO , quoad materiale , & quatenus est effectus , concedo ; quoad formale , & quatenus est defectus , nego consequentiam.

## ARTICULUS IV.

### *An materiale peccati physicè , vel moraliter sit à DEO ?*

#### S U M M A R I A.

1. DEUS non est moralis causa peccati materialis.
2. Disparitas , cur physica causalitas DEI possit attingere actum peccati sine malitia , non item causalitas moralis.
3. DEUS physicè insinuat in materiale peccati.
4. Objectiones.
5. Solvuntur.
6. DEUS non propterea est author peccati , quia concurrat ad materiale & actum ipsius.
7. Ille concursus est præviuus.
8. Ratio hujus præmotionis non est virtus præcisi-va Divini concursus.

#### §. I.

*Removetur causalitas moralis.*

1. CONCLUSIO PRIMA. *Actus , seu materiale peccati non est à DEO , tanquam à causa morali*

Ratio est primò. Quia moraliter causare actum peccati , est illum causare per modum suadentis , consentientis , jubentis : sed implicat , hoc modo actum peccati à DEO causari : ergo. Minor probatur : tum quia suadendo inducere ad actum peccati est aliquem tentare & implanare , quò de causa dæmon dicitur homines tentare & causare peccatum : sed DEUS neminem tentat , ac implanat : ut habetur Jac. 1. & Eccles. 1. ergo. Tum quia sequeretur , quòd DEUS in eodem genere causæ , & circa idem objectum haberet duas contrarias voluntates : nam ut causa moralis ex hypothesi suaderet actum peccati , & simul dissuaderet , ac prohiberet , uti constat : ergo.

Ratio est secundò. Si DEUS voluntatem moveret ad actum peccati per modum causæ moralis , moveret ad actum , quatenus modo morali ab ipsa eliciendum : sed hoc modo movere non potest : ergo. Major probatur : quia moralis causa non aliter movet , quàm proponendo agentis objectum , ut circa illud liberè se determinare possit. Minor quoque probatur : Actus peccati quatenus procedit à voluntate moraliter operante , sic defectuose procedit : sed implicat , ut voluntas à DEO moveatur ad actum , quatenus defectuose eliciendum : ergo etiam implicat , voluntatem à DEO moveri ad actum sub ratione principii moralis eliciendum.

Dices : DEUS causalitate physica attingit actum peccati , quin tamen eadem attingat formalem peccati malitiam : ergo pariter moralis causalitas ipsius hoc modo poterit attingere actum , & materiale peccati.

Respondeo negando consequentiam : quia malitia peccati non sequitur ex vi voluntatis , tanquam principii physici , bene autem ex vi voluntatis , tanquam principii moralis defectivi , e.g. blasphemiam in amente , qui non agit ut principii morale , non habet malitiam moralem , habet tamen in alio compote rationis , qui operatur ut agens morale cum defectu regulæ rectæ rationis : sed , ut statim dicemus , DEUS suà physica causalitate voluntatem tantum movet intra lineam physicam , seu quatenus est principium physicum talis actionis , & sic nullo modo attingit malitiam moralem , quæ non sequitur ex vi principii physici operantis : econtra si moveret moral

cau-



causalitate, tunc moveret voluntatem, quatenus est principium morale ejusmodi actus, & consequenter indirecè moveret ad ipsam malitiam, quæ ex voluntate quâ tali nata est sequi.

## §. II.

*Adstruitur causalitas physica.*

3. **CONCLUSIO SECUNDA.** *Actus & materiale peccati in genere natura est a DEO physice infusente, S. D. hic a. 2. cum communi.* Ratio est: Omnis effectus creatus, in quo ratio entis participat, tanquam formalis terminus Divinæ omnipotentiz intrinsicè reperitur, physice dependet ab influxu causæ primæ, primi entis & moventis: sed actus peccati est quidam effectus creatus, & ens participatum: ergo ut sic dependet à physico influxu DEI tanquam causæ & entis primi.

4. **Obijcies:** Si DEUS est causa actus physici in peccato, etiam est causa peccati formaliter: consequens non admitimus: ergo nec antecedens. Sequela probatur: Qui vult & causat antecedens, vult etiam & causat consequens, quod cum antecedente infallibiliter conneditur: sed malitia infallibiliter consequitur ad actum peccati, præsertim intrinsicè mali, ut est v. g. odium DEI: ergo si DEUS vult & causat actum peccati, causat pariter malitiam actus.

Confirmatur primò. Qui est causa formæ, est etiam causa privationis, quæ huic formæ inseparabiliter conneditur, sicut ignis producendo calorem, hoc ipso causat privationem frigoris: ergo si DEUS physice causat actum, etiam causat malitiam, quæ est privatio rectitudinis inseparabiliter conjuncta cum actu.

Confirmatur secundò. Homo ideo peccat, & causat malitiam formalem peccati, quia liberè ponit actum peccati: ergo etiam DEUS causabit malitiam peccati, si liberè concurrat ad physice ponendum actum peccati.

Confirmatur tertio. Si DEUS physice concurreret ad actum peccati, tunc operaretur contra suam propriam voluntatem: consequens est absurdum: ergo. Sequela patet: quia DEUS non tantum prohibet malitiam, sed etiam actum peccati: imò frustra prohiberet malitiam, nisi ipsum quoque actum prohiberet, ex quo malitia necessariò sequitur.

5. **Respondeo** negando sequelam: & maj. prob. vel nego, vel distinguo: qui causat antecedens, causat etiam consequens, quando hoc sequitur ex vi antecedentis, quatenus à tali causa positi, concedo; secus, nego. Sed malitia infallibiliter sequitur ad actum peccati, ex vi ipsius quatenus moraliter defectuose à voluntate creata positi, concedo; quatenus effectivè & physice positi, nego min. & consequentiam. Nam quia peccatum [inquit S. D. citatus] nominat ens cum quodam defectu, defectus ille non refertur in DEUM sicut in causam; sed in liberum arbitrium, in quantum deficit ab ordine primi agentis.

Ad 1. confirmationem est eadem distinctio: qui est causa formæ, est etiam causa privationis, si illa sequatur ex vi formæ quatenus à tali causa posita, concedo; secus, nego. Sed, ut dictum,

malitia non sequitur ex vi actus, quatenus à DEO & voluntate creata physice promanantis, sed ex vi liberi arbitrii defectuose operantis. Ad instantiam de calefactione patet disparitas, quia privatio frigoris sequitur ex vi novi caloris introduci.

Ad 2. Confirmationem nego antec. non enim peccat ideo solum quia liberè, sed quia defectuose ponit. Et si dicas: Ideo defectuose ponit, quia liberè ponit: Respondeo: quia liberè ponit, libertate includente privativum defectum regulæ rectæ rationis, concedo; non includente, nego: adeo ut proxima ratio peccandi non sit libera positio actus prohibiti, sed privativus defectus proximæ regulæ rectæ operandi, ut sæpius antè insinuavimus.

Ad 3. Confirmationem nego sequelam, & antecedens distinguo: DEUS prohibet etiam actum ut est actus & ens nego; ut est malus, deformis, defectuosus, contrarius divinæ legi, peritens ad genus moris, sic concedo. Quemadmodum [ut eleganti exemplo confirmat Sylvius] Christus DEUS vult actionem baptismalem factam ab hæretico, vel peccatore juxta ritum Ecclesiæ; siquidem illam actionem ipse principaliter efficit: Quos baptizavit ebriosus, quos baptizavit adulter, si baptizatus Christi erat, Christus baptizavit, inquit D. August. Tr. 5. in Joan. nec tamen vult illam actionem, quæ ratione est mali & sacrilega; sic enim solum reducit in voluntatem defectuosam Ministri malè operantis.

## §. III.

*Corollaria.*

**Colliges primò.** Quamvis DEUS concurrat ad actum & materiale peccati, non tamen propterea dici posse aut debere causam & auctorem peccati: Quia Tò peccatum supponit pro suo formali significato, & non denotat solum actum in linea naturæ, sed actum cum deformitate morali. Quodcumque autem nomen [inquit S. D. in 2. dist. 37. q. 2. a. 2. deformitatem simul cum actu significat, sive in generali sive in speciali, non potest dici, quod a DEO fit simpliciter.

**Colliges secundò.** Influxum, quo DEUS 7. concurrat ad actum peccati, non esse concurrentem solummodo simultaneum, sed prævium & determinativum; siquidem est actualis causalitas & influxus causæ primæ, de cujus essentia est, ut sit prior prioritate naturæ, quam suis effectus, & omne ens creatum ac participatum.

Neque dicas. Illa motio prævia est longè efficacior, & insuperabilior, quam quævis motio moralis: ergo si ratione motionis moralis DEUS diceretur & esset Auctor peccati, erit etiam ratione præviæ illius physicæ motionis. Nam Respondeo, præterquam quòd hoc argumentum etiam militet contra concurrentem simultaneum, dist. antec. hæc motio est efficacior intensivè, remanendo videlicet intra lineam naturæ, concedo; extensivè, seu attingendo lineam moris, nego antec. & consequentiam. Adde, quòd ratio, cur DEUS esset auctor peccati, si actum ipsius causaret moraliter, non sit efficacia motionis, prout in argumento supponitur, sed modus defectuosus: nam suadere aliquid amplectendum neglecto

neglecto ordine rationis, est motio defectuosa; atqui hoc est moraliter movere; ergo.

8. Colliges Tertio contra Gonet, rationem fundamentalem, cur DEUS physicè præmovendo ad actum peccati non tamen causet formalem malitiam peccati, non esse, quod infinità suā causalitate in nostris actionibus ex duabus formalitatibus inter se identificatis unam ab alia possit præscindere; hujus quippe principii falsitatem jam prius ostendimus; sed istam, quod in ratione a-

ctus reperitur formalis terminus divinæ causalitatis & omnipotentiz, quæ est ratio entis ut sic; non autem reperitur in formalis malitia peccati, quæ extra totum genus entis, solummodo intra genus privativum moralis defectus reperitur. Adeoque est extra totam spheram divinæ causalitatis, à DEO nec emanabit, nec in ipsum ordinabile, sed tantum reducibile in principium privative deficiens, quod est voluntas destituta rectā regulā rationis.

## DISPUTATIO XXIII.

DE

## Macula peccati, sive de peccato habituali personali. ad q. 86.

POST causas peccati personalis [nam de originali postea speciali tractatu] transimus ad expendendos ipsius effectus, & quidem peccati mortalis, qui à S. D. tres præcipui enumerantur: Diminutio inclinationis in bonum naturæ, macula peccati, & reatus pœnæ æternæ. Et de primo quidem effectu non est magna difficultas, nam inclinationem alicujus naturæ in bonum diminui, potest in duplici sensu accipi, primo, ut diminuat intrinsecè & ex parte subjecti, h. e. ut natura vel potentia aliquid amittat de sua intrinseca entitate & intensiva perfectione: Secundò, ut diminuat extrinsecè, & ex parte termini, h. e. acquirendo oppositionem alicujus impedimenti, ex quo fit ut natura vel potentia terminum, ad quem alias inclinatur, non tam faciliè consequatur, quo posito concludit S. D. hic q. 85. a. 1. per peccatum hominis inclinationem in bonum honestum diminui, non quidem intrinsecè; liquidem inclinatio in bonum entitativè non differt ab ipsa animæ substantia ac potentia ipsius, quæ per peccatum non destruitur; bene autem extrinsecè, primò, quia per peccatum generatur prava dispositio, inclinans in bonum delectabile inhonestum, adeoque voluntatem impediens & retrahens à prosecutione honesti: Secundò in quantum per peccatum personale mortale aufertur gratia sanctificationis, & habitus infusi, sepe etiam diminuntur, aut destruitur habitus acquisiti, per quos homo inclinatur in bonum, & retrahitur à malo: sicque minuitur facilitas & promptitudo tendendi in bonum honestum. Major est difficultas de macula peccati, & reatu pœnæ, de quibus erunt duæ sequentes Disputationes.

## ARTICULUS I.

*An peccatum habituale consistat in peccato non retractato?*

## SUMMARIA.

1. Macula peccati est vestigium & terminus peccati actualis.
2. In vestigiata peccatum habituale, & macula peccati non differunt.
3. Cur peccatum habituale dicatur macula?
4. Varie ut Sententiarum.
5. Peccatum habituale non consistit in obligatione ad pœnam.
6. Exponitur locus S. Augustini.
7. Resolvitur sententia non retractationis.
8. Occurrit evasione Adversariorum.
9. Disparitas inter offensam humanam & divinam.
10. Quid dicendum de peccato habituali in statu puræ naturæ.
11. Alium præteritum non nisi connotativè distinguunt peccata habitualia.

R. P. Mezg. Theol. Schol. Tom. II.

## § I.

*Prænotanda.*

NOTandum primò ex S. D. q. 86. a. 2. Post autem quod peccati in anima remanere maculam, quasi vestigium à præterito peccato relictum, ratione cujus homo coram DEO maculatur, im-mundus, invitatus, deformis, &c. denominatur: veluti liquet è plurimis S. Script. locis, Pl. 50. Lavabis me, & super nivem dealbabor. Jer. 2. Maculata es in iniquitate tua &c. Ezech. 36. Effundam super vos aquam mundam, & mundabimini ab omnibus inquinamentis vestris. Quæ peccati macula etiam significatur per formas sacramentales, quibus dicitur ablui, & absolvi à peccato, eaque nobis indulgevi.

Notandum secundò, Maculam peccati &

Gg

pecca-

peccatum habituale, quamvis differant in modo significandi, in quantum macula exprimit animæ immunditiam, eamque significat immundam coram DEO: peccatum verò habituale magis exprimit injuriosum & offensum DEO: tamen in re significat profus convenire, siquidem ex eodem capite, ex quo peccator est immundus & maculatus, est etiam habitualiter offensus & inimicus DEI.

Notandum tertio. Peccatum habituale appellari maculam metaphorice per analogiam ad res corporales; nam sicuti corpus aliquod dicitur maculatum, quando amittit nitorem sibi debitum per contactum alterius corporis sordidi, v. g. luti, vel olei, sic anima dicitur maculata, cum per inordinatum affectum, & adhesionem voluntatis ad sensibilia bona [ qui est quasi virtualis contractus animæ; ] perdit spirituales pulchritudinem, ac nitorem sibi debitum, qui, ut loquitur S. D. hic a. 1. duplex est, unus ex refugentia luminis rationis naturalis, per quam dirigitur in suis actibus; alius ex refugentia luminis supernaturalis, scilicet sapientiæ & gratiæ, per quam mirum perficitur in ordine ad finem supernaturalem.

Notandum quarto. Quamvis etiam peccatum originale sit habituale peccatum, tamen hoc loco agi de solo habituali personali, quod tamdiu animam maculat, quamdiu per gratiam justificationis non deletur, ut sup. ex tract. de grat. De hoc porro quæstio celebris est, in quoniam formaliter consistat. Nam primò Scotus in 4. dist. 14. q. 1. docet, consistere in passivâ ordinatione ad subeundam pœnam, sive in relatione rationis resistentis in anima propter culpam commissam, quæ quatenus connotat animam, eique est disconveniens, vocatur macula; & quatenus refertur ad pœnam, vocatur reatus seu obligatio pœnæ; & quatenus provenit ex actione divinæ voluntatis ordinantis peccatorem ad pœnam, sic vocatur offensâ.

Secundò: Lorea docet, consistere in aliqua entitate positiva habituali inclinate in bonum creatum, tanquam finem ultimum: vel, ut Godoyus sentit, in termino positivo morali, quo peccator manet habitualiter difforsis legi, conversus in ultimum finem creatum, & aversus à DEO. Tertiò: communior RR. cum Vasque docet, consistere in peccato præterito non retractato, seu connotante duplicem privationem, unam condonationis divinæ, & alteram satisfactionis condignæ. Quartò: communior Thomistarum, quam etiam amplectuntur Salmanticenses hic q. 86. a. 2. n. 6. docet, formaliter consistere in privatione gratiæ sanctificantis, quatenus causata per peccatum præteritum.

### § II.

#### Refutatur sententia Scotistica.

5. **CONCLUSIO PRIMA.** Peccatum habituale, seu macula non consistit formaliter in obligatione seu passivâ ordinatione & relatione ad pœnam. Ita communis extra Scholam Scoti.

Probat primò auctoritate SS. PP. Pii V. & Gregorii XIII. qui præter alios etiam hunc ar-

ticulum Michaëlis Bay damnarunt: quòd *ita sentiente actu peccati nihil remaneat, quam reatus & obligatio ad pœnam æternam*: atqui juxta sententiam rejectam post actum peccati mortalis in anima nihil remaneret præterquam obligatio ad pœnam æternam.

Probat secundò ratione: Reatus & deputatio ad pœnam est naturâ posterior, quàm macula peccati: ergo macula peccati formaliter non consistit in deputatione ad pœnam. Antec. est S. D. in 2. dist. 42. in exposit. textus dicentis: *Quòd macula est medium inter actum peccati & reatum: quasi effectus actus, & fundamentum reatus*, & constat hæc ratione: quia peccator non est ideo immundus, quia est obligatus ad subeundam pœnam: sed ideo est obligatus ad subeundam pœnam, quia macula peccati est iniquitatus.

Probat tertio. Reatus pœnæ est separabilis à macula peccati: ergo ista non potest formaliter consistere in reatu, sive ordinatione ad pœnam. Antec. probatur: tum quia ablata macula peccati mortalis etiam si auferatur reatus ad pœnam æternam, manet tamen sæpe reatus ad pœnam temporalem: tum quia damnati in inferno identidem augent culpam & maculam peccati, non tamen augent reatum pœnæ, quòd sint extra statum merendi, vel demerendi: tum quia si DEUS noller peccatorem ordinare ad pœnam æternam, vel temporalem, adhuc ratione peccati habitualis esset immundus, & abominabilis coram DEO.

Oppones auctoritatem D. Augustini in pl. 31. dicentis: *hoc est, DEUM videre peccata, quod punire peccata.* Unde inferes: ergo sublata deputatione ad pœnam DEUS non videt peccata, & consequenter non sunt. Respondeo. Hæc esse idem concomitanter, quia nunquam fit unum sine altero; non autem esse idem formaliter.

### § III.

#### Removetur non retractatio peccati.

**CONCLUSIO SECUNDA.** Macula peccati, sive peccatum habituale pro hoc statu formaliter non consistit in peccato præterito non retractato.

Ratio est. Macula peccati consistit in aliquo, quod est intrinsecum animæ: sed peccatum actuale præteritum non retractatum nihil dicit intrinsecum animæ: ergo non est macula peccati. Major probatur è verbis S. Script. & formis Sacramentorum primò adductis, è quibus constat, sordes, & maculam peccati in nobis permanere, nos ab illa *lavari, purgari, mundari*: quæ omnia secundum proportionem verborum, prout ex communi Theologorum regula verba S. Script. accipi debent, significant aliquid animæ intrinsecum. Minor quoque probatur: quia quicquid in sententia rejecta importat macula in recto, est quid præteritum, nempe actus peccati: sed iste est extrinsecus peccatori: ergo.

Respondent: Tamest peccatum præteritum non sit animæ intrinsecum physicè, esse tamen moraliter intrinsecum, quod sufficit ad explicandos S. Script. textus.

Contrà est primò. Illa moralitas nil potest super-

superaddere ad actum præteritum non condonatum, quam prudens iudicium peccatori imputantis præteritum peccatum, ac si defacto inesset; sed tam istud iudicium quam fundamentum ipsius est quid intrinsecum peccatori: ergo nondum salvatur, quomodo peccator potius per intrinsecam, quam extrinsecam denominationem dicatur maculatus.

Contrà est secundò. Quòd verba S. Script., quamdiu nullum obstat inconveniens, sunt accipiendi in proprio sensu: sed verba prædicta in proportionem verborum significant aliquid non tantum moraliter & æstimate, sed realiter & physice intrinsecum: ergo.

Contrà est tertio. Ex eo, quia Rom. 5. dicitur, quòd *charitas DEI diffundatur in cordibus nostris*, rectè inferitur, quòd gratia sit donum physice & non tantum moraliter in anima receptum: ergo pariter, cum S. Script. dicit, quòd in nobis sit macula peccati, nos à macula peccati lavari, mundari &c. non loquitur tantum de morali, sed physica quoque ipsius inexistencia.

Contrà est quartò. Forma, per quam peccatum habituale formaliter expellitur, nempe gratia sanctificans, animæ est physice intrinseca: ergo etiam peccatum habituale debet physice inesse animæ. Consequentia probatur: forma, quæ per physicam inhærentiam expellit suum oppositum, etiam supponit illius physicam inexistenciam in eodem subiecto, veluti patet philosophicà inductione contrariorum sive positivorum, sive privativorum: sed gratia sanctificans per physicam suam inhærentiam, & informationem animæ expellit habituale peccatum: ergo & oppositum ipsius, nempe macula in anima non tantum moraliter, sed etiam physice inesse debet.

## §. IV.

*Solvuntur objectiones.*

9. **O**bjicies primò. Quo posito, cæterisque omnibus ablatis, intelligitur peccatum habituale, in illo formaliter consistit peccatum habituale: sed posito actu præterito, cum negatione condonationis divinæ, & retractationis seu satisfactionis præstitæ sufficienter intelligitur peccatum habituale: ergo. Minor probatur: Offensa humana, nec non intentio sufficienter intelligitur habitualiter permanere, quamdiu non retractatur: ergo etiam offensæ divinæ, quod est peccatum.

Respondetur negando minorem, & ad probationem assigno disparitatem: nam neque intentio, neque offensæ humana tollit aliquam entitatem in anima intrinsecè & physice inhærentem, sicut facit peccatum mortale, quod tollit amicitiam divinam consistentem in habitu physico

gratiæ & charitatis, ideo offensæ humana habitualis bene potest intelligi ratione actûs præteriti non retractati, non autem offensæ Divinæ habitualis. Rursus intentio & offensæ humana non intrinsecè maculant & sordant animam per oppositionem cum aliquo intrinseco nitore & pulchritudine, quod tamen facit peccatum mortale.

Objicies secundò. Si quis in statu puræ naturæ, h. e. nullis donis supernaturalibus elevatæ ad finem ultimum supernaturalem, peccasset mortaliter, peccatum habituale nihil aliud fuisset, quam actûs præteritus non retractatus: ergo etiam pro statu præteriti essentia peccati habitualis sufficienter salvatur in actu præterito non retractato.

Responderi potest primò negando consequentiam: nam in statu puræ naturæ peccatum habituale fuisset alterius rationis, quam in statu naturæ elevatæ: tunc enim pro forma opposita non habuisset gratiam sanctificantem, & amicitiam intrinsecam, sed tantum favorem DEI extrinsecum: atqui in statu præteriti peccatum habituale opponitur gratiæ sanctificanti, amicitia, & pulchritudini in anima intrinsecè & physice receptæ: neque aliter, quam per ipsius infusio-nem tolli potest. Responderi potest secundò. Cum etiam in statu puræ naturæ peccatum mortale potuisset hominem reddere imundum, adeoque habuisset rationem maculæ, constituendum fore in privatione habitualis conformitatis cum lege, & conversionis habitualis ad ultimum finem; quæ tunc fuisset potissima animæ pulchritudo, & probabiliter fuisset aliquid donum ordinis naturalis, quo homo fuisset habitualiter ordinatus ad DEUM super omnia efficaciter diligendum.

Objicies tertio. Idem est constitutum peccati, quod distinctivum: sed peccata habitualia inter se distinguuntur, non per privationem gratiæ, sed per actûs præteritos: ergo actûs præteritus constituit peccatum habituale.

Respondet distinguendo maj. Idem est constitutum peccati habitualis, quod distinctivum, si sit distinctivum per modum alicujus importati in recto, concedo; per modum alicujus connotati in obliquo nego maj sed unum peccatum habituale ab altero distinguitur ratione actûs præteriti, tamquam connotati in obliquo concedo; tamquam importati in recto, nego min. & consequentiam. Item, non distinguuntur inter se peccata habitualia propter privationem nudè & solitarie acceptam, concedo; propter illam sumptam cum ordine & connotatione ad sui causam, quæ est peccatum actuale, nego.

## ARTICULUS II.

*An macula peccati consistat formaliter in aliquo positivo, vel privativo?*

## SUMMARI A.

1. Excluditur positiva entitas per auctoritatem D. Thomæ.

2. Per rationem.

R. P. Mezg. Theol. Schol. Tom. II.

3. Paritas de peccato actuali retorquetur.

4. Macula, seu peccatum habituale formaliter consistit in privatione gratiæ sanctificantis.

5. Cum connotatione peccati, à quo sanatur.

G g 2

6. Privatio.



6. *Privatio gratia in fallo esse non est prior quam peccatum habituale.*
7. *Privatio gratia naturalis & voluntaria non est à DEO.*
8. *Est semper voluntaria saltem indirectè, & interpretativè.*
9. *Pluralitas peccatorum habitualium oritur à connotatione diversorum peccatorum actualium.*
10. *Peccata possunt remitti per solam infusionem gratiae.*
11. *Non autem per solam condonationem extrinsecam.*
12. *Peccatum habituale reducitur ad speciem peccati actualis.*

## §. I.

*Rejicitur entitas habitualis positiva.*

1. **CONCLUSIO PRIMA.** *Peccatum habituale formaliter non consistit in positiva & habituali entitate hominem convertente in ultimum finem creatum.*

Hanc assertionem probant omnia argumenta, quibus antea probavimus, peccatum actuale formaliter non consistere in positivo. Et ulterius probatur primò luculentà auctoritate Doctoris Angelici, qui hac ipsa quaestione a. 1. ad 3. *Macula*, inquit, *non est aliquid positivè in anima, sed significat privationem quandam nitoris, &c.* Et in 4. dist. 18. q. 1. a. 2. quaestione 1. *Ex peccato non remanet positivè aliquid in anima, nisi dispositio vel habitus, quæ consequuntur peccatum ex parte actus, ex quo aliquid ponit: sed macula non est dispositio ex actu causata, nec habitus: quod patet ex hoc, quod dispositio & habitus possunt sine gratia destrui per contrariam consuetudinem: macula autem sine gratia non auferitur: ergo macula non ponit aliquid positivè in anima.* Quid clarius?

Dices fortè, hunc textum contineri in argumento sed contrà, ex quo nondum sufficienter colligitur mens & sententia S. Doctoris: sed contrà est, quod hoc ipsum repetit in corp. illius quaestione. *Ex hoc*, inquit, *aliquid maculatum dicitur, quia debite pulchritudinis patitur detrimentum, unde macula secundum quod hujusmodi, non habet, quòd aliquid ponat, &c.* & post pauca: *Unde ipsa macula, quantum in se est, non ponit de essentia sua nisi privationem gratiae, &c.* Ex quibus

Probatur secundò ratione. *Habitus viciosi possunt per actus contrarios destrui sine infusione gratiae: sæpe etiam habitus viciosi remanent post infusionem gratiae: ergo non potest in habitu vicioso constitui macula peccati.*

2. Probatur tertio. *Circa finem ultimum peccatoris non est constituendus habitus voluntati superadditus: sed peccatum habituale est circa ultimum finem peccatoris: ergo non est constituendum in habitu voluntati superaddito. Major probatur: Natura ipsa sibi relicta, & gratia supernaturali destituta per seipsam inclinatur in bonum proprium & privatum, quod est ultimus finis peccantis: ipsa quippe est inclinatio totius suppositi: ergo frustraneus est habitus superadditus, qui facilius hanc inclinationem,*

Probatur quarto. *Habitus voluntatis gene-*

rantur per frequentatos actus, & per oppositos corrumpuntur: sed macula peccati per unicum actum generatur, & per infusionem gratiae sanctificantis instantaneè corrumpitur: ergo macula peccati non potest consistere in habitu.

Probatur quinto. *Non minus peccatum omissionis causat maculam, quam peccatum commissionis: sed illa non potest consistere in positivo, uti nec ipsum peccatum omissionis: ergo non est de ratione maculae, quòd sit aliquid positivum. Adde, quòd macula, quæ deletur per gratiam, immediatè subijedetur in anima; quicquid verò positivum resultat ex actu peccati, subijedetur in potentia animæ, adeoque macula, & positiva inclinatio subijedis distinguantur.*

Dices: *Actualis conversio in bonum creatum est quid positivum: ergo etiam habitualis conversio consistit in aliqua inclinatione positiva: atqui peccatum mortale habituale dicit habituale conversionem in bonum commutabile, sicut actuale dicit conversionem actualem: ergo peccatum habituale consistit in inclinatione positiva ad bonum commutabile.*

Respond. dist. consequens: consistit in aliqua inclinatione positiva, quæ sit ipsa voluntas hominis, concedo; quæ sit qualitas aut habitus superadditus, nego consequentiam. Sublumptum distinguo: peccatum mortale habituale dicit habituale conversionem connotativè, & de suo substrato, concedo; formaliter, ergo subsumpt. & consequentiam. Imò retorqueo argumentum: formale peccati actualis non nisi connotativè & de substrato importat conversionem positivam actualem, indistinctam ab ipso actu voluntatis: ergo formale peccati habitualis non nisi connotativè & de substrato importat conversionem habitualem, ab ipsa tamen voluntate indistinctam, erga bonum creatum. Unde hæc paritas illis tantum est solvenda, qui peccatum actuale formaliter in positiva entitate constituent.

## §. II.

*Sententia Thomistica.*

4. **CONCLUSIO SECUNDA.** *Macula peccati mortalis consistit formaliter in privatione gratiae sanctificantis cum ordine ad suam causam, quæ est peccatum præteritum.* Ita Thomistæ communiter.

Prima pars probatur primò rejectione priorum sententiarum sic breviter contractà. *Macula peccati non potest consistere in formalitate animæ peccantis extrinseca, neque moraliter solum intrinseca; ergo in formalitate physice intrinseca: sed hæc non potest esse positiva: ergo privativa.* Si privativa: ergo illius pulchritudinis & nitoris, quo anima constituitur sancta; DEO grata & habitualiter ordinata in finem supernaturalem; sed hæc est gratia sanctificans, nec alia forma est assignabilis. Unde sicut homo per gratiam significantem formaliter denominatur iustus & DEO gratus, sic per oppositum habituale peccatum formaliter denominatur iniustus, DEO offensus, inimicus, &c.

Probatur secundò. *Cùm macula ex ipsa vocis impositione formaliter specificè carentiam debiti*

debiti nitoris seu pulchritudinis, etiam peccati mortalis macula consistere debet in privatione debiti nitoris, & quidem illius, qui est vita animæ, & per peccatum mortale expellitur; ideo quippe mortale dicitur, quia causat mortem & expellit vitam animæ: atqui iste nitor, qui simul est animæ vita, est gratia sanctificans: ergo peccati mortalis macula consistit in privatione gratiæ sanctificantis.

Probaturs tertio. In illo consistit macula peccati mortalis, quod per se primò expellitur per justificationem: sed per hanc per se primò expellitur privatio gratiæ: ergo. Major probatur: quia justificatio est formaliter remissio peccatorum, & per hanc mundari, lavari, regenerari dicimur. Minor quoque probatur: Justificatio formaliter est infusio gratiæ: atqui infusio gratiæ formaliter expellit sui privationem, quemadmodum lux expellit tenebras: ergo per justificationem formaliter per se primò expellitur privatio gratiæ.

Probaturs quartò. Quæcunque prædicata reperiuntur in macula peccati mortalis, illa conveniunt privationi gratiæ: ergo. Antec. probatur: nam est privatio debiti nitoris, & habitualis ordinationis in ultimum finem; reddit hominem DEO odiosum, & detestabilem, formaliter immundum, injustum, estque terminativè voluntaria: ergo.

5. Secundam quoque partem tradit S. D. hæc q. 86. a. 1. ad 3. his verbis: *Macula non est aliquid positivè in anima, nec significat privationem solam, sed significat privationem quandam nitoris anima in ordine ad suam causam, quæ est peccatum, & ideo diversa peccata diversas maculas inducunt.* Ubi ratio à posteriori indicata est primò: si privatio gratiæ non acciperetur cum ordine ad suam causam, non esset ratio diversitatis inter unam, & alteram maculam: consequens est absurdum: ergo.

Ratio est secundo. Privatio gratiæ sanctificantis non aliter potest habere rationem peccati & culpæ, ac denotare hominem immundum, ac offensum coram DEO, nisi quatenus est moralis & voluntaria: sed talis non est nisi per ordinem ad actum peccati præteritum, à quo causatur & relinquitur: ergo debet accipi cum ordine ad peccatum præteritum, ex quo habet quòd sit voluntaria, non quidem per modum voluntarii formalis & actualis, quod non est nisi actus voluntatis elicitus, aut imperatus, sed per modum voluntarii terminativi, quod est terminus & effectus ab actu formaliter voluntario relictus.

### §. III.

#### *Solvuntur objectiones.*

6. Obijcies primò. Privatio gratiæ prius concipitur, quam peccatum habituale: ergo in illa peccatum habituale non rectè constituitur. Antec. probatur: In eodem instanti, in quo est actuale peccatum, jam concipitur privatio gratiæ, siquidem implicat, peccatum, & gratiam esse simul: atqui in illo instanti nondum potest esse & concipi habituale peccatum, quod est terminus & effectus peccati actualis: ergo.

Resp. dist. antec. privatio gratiæ nudè sum-

pta, & ut in fieri, prius concipitur, quam habituale peccatum concedo; privatio gratiæ unà cum ordine ad peccatum præteritum, & ut in facto esse, nego: eodemque modo distinctà probatur, nego consequentiam.

Obijcies secundò: Privatio gratiæ causatur à DEO in pœnam peccati: sed peccatum habituale nullatenus potest causari à DEO: ergo non potest esse privatio gratiæ. Antecedens probatur: quia cum DEUS subtrahit influxum conservativum gratiæ, oritur privatio gratiæ: ergo privatio gratiæ causatur à DEO subtrahente suum influxum.

Confirmatur. Pœna peccati non est ipsum peccatum: atqui privatio gratiæ est pœna peccati: nam ideo homo privatur gratiâ, quia peccat; & ideo DEUS perseverat in subtractione gratiæ, quia homo perseverat in peccato.

Respondeo. Gratiâ sanctificantem spectari posse dupliciter: physicè nimirum, & moraliter. Spectatur physicè, prout est summa animæ perfectio, & participatio divinæ naturæ. Spectatur moraliter, prout est reductio & habitualis subiectio & subordinatio hominis ad DEUM ut ultimum finem supernaturalem. Similiter privatio ipsa gratiæ spectari potest vel physicè, prout est præcisè absentia huius doni supernaturalis causata per subtractionem divini influxus; vel moraliter, prout dependet à voluntate ponente per actuale peccatum ultimam dispositionem expulsiivam gratiæ, & impossibilem cum ipsa. Quo posito distinguo maj. privatio gratiæ causatur à DEO in pœnam peccati, si privatio vel gratia physicè spectatur, concedo; si moraliter, nego: ergo peccatum habituale non est privatio gratiæ, sub physica solum consideratione, concedo; sub morali, nego. Similiter ad Confirmat. privatio gratiæ prout hæc est perfectio animæ, & sub physica consideratione, est pœna peccati, concedo; prout hæc est moralis reductio & subordinatio ad DEUM, ac sub morali consideratione, nego. Nam ut S. D. q. 1. de malo a. 4. ad 1. dicit: *Idem secundum diversa potest esse culpa & pœna, non tamen secundum idem.*

Obijcies tertio. Culpa habitualis debet esse voluntaria: sed privatio gratiæ non semper est voluntaria: ergo. Minor probatur. Quod non est cognitum, non est voluntarium: atqui privatio gratiæ sæpe non est cognita, nempe quoties aliquis negativè infidelis mortaliter peccat, qui habet invincibilem ignorantiam totius legis gratiæ.

Respondeo negando minorem & dico, privationem gratiæ peccato personali causatam semper esse saltem interpretativè & indirectè voluntariam peccanti.

Ad probationem dist. maj. quod non est cognitum nec distinctè, nec confusè, nec in se, nec in alio, non est voluntarium, concedo; quod tantum distinctè & in se non est cognitum, nego. Sed privatio gratiæ non est cognita in se & distinctè ab aliquo negativè infidelis peccante mortaliter, concedo; non confusè & in alio, nego consequentiam; hoc ipso quippe, quòd infidelis mortaliter peccans advertat, se peccando perdere rectitudinem ad legem, finemque sibi debitum, &

interpretativè velit illud amittere, in quo subiectio ad DEUM, ejusque amicitia consistit, etiam implicite & in confuso cognoscit amissionem gratiæ sanctificantis, quæ sub generica ratione rectitudinis & amicitie cum DEO continetur.

## §. IV.

*Corollaria.*

9. **C**olliges ex dictis primò. Causam cur plures maculæ peccatorum sint in homine sæpius peccante mortaliter, quamvis per primum peccatum mortale totius gratiæ privatio sit introducta, esse ipsam connotationem ad novam causam novi videlicet peccati mortalis. Ita S. D. in 4. d. 18. q. 1. ad 2. quæstiunc. 1. ad 1. *Quamvis quantum ad ipsam privationem gratia non differant macula peccatorum, differunt tamen quantum ad causam, ex qua macula consequitur, & secundum hoc etiam quodlibet peccatum unam maculam addit, in quantum novum obstaculum gratiæ ponit.* Ita S. D.

10. Colliges secundò. Possè peccata habitualia per absolutam DEI potentiam remitti absque ullo actu proprio peccatoris, per solam infusionem

gratiæ sanctificantis: quia quævis privatio potest destrui per formam oppositam: sed peccata habitualia formaliter consistunt in privatione gratiæ sanctificantis: ergo si DEUS infundat gratiam sanctificantem [quod potest per absolutam potentiam independentem à dispositione peccatoris] tanquam formam oppositam, eo ipso destruet peccata habitualia, & consequenter remittentur peccata.

Colliges tertio. Nullum peccatum remitti posse etiam per absolutam potentiam saltem in hoc statu [nam quid in statu puræ naturæ, dicitur in Tra&t. de Gratiæ] per solam condonationem extrinsecam: neque enim privatio tolli potest, nisi per formam oppositam: sed saltem in hoc statu naturæ elevatæ in finem supernaturalem peccatum habituale formaliter consistit in privatione gratiæ sanctificantis: ergo non nisi per gratiæ infusionem remitti potest.

Colliges quartò. Peccati maculam reduci-<sup>11</sup> vè pertinere ad speciem peccati actualis; à quo causatur: quia in esse moris & secundum rationem voluntarii dependet à peccato præterito, tanquam causa sua morali: ergo exinde etiam accipit speciem & distinctionem in esse moris.

## DISPUTATIO XXIV.

## DE

## Reatu pœnæ. ad q. 87.

**P**rimo effectui peccati actualis physico-morali, qui est macula peccati, subnectitur alter effectus purè moralis & demeritorius, qui est reatus pœnæ: unde tam de reatu, quam de pœna ipsa hoc loco disputamus.

## ARTICULUS I.

*Quid sit reatus pœnæ?*

## SUMMARIA.

1. *Quid significetur nomine pœna?*
2. *Alius reatus culpe, alius pœnæ.*
3. *Plura concurrentia ad reatum pœnæ.*
4. *Reatus pœnæ est effectus culpe.*
5. *Inchoative consistit in condignitate ad pœnam.*
6. *Indistincta à macula peccati.*
7. *Completive etiam in passiva obligatione ad pœnam.*

## §. I.

*Prænotanda.*

1. **N**otandum primò. Quamvis in latiori sensu quæcunque animi, aut corporis molestiæ etiam in exercitationem humilitatis, patientiæ, &c. immixtæ pœnæ soleant appellari; propriè tamen hoc loco nomen pœnæ significare aliquid incommodum hominis naturali inclinationi contrarium, & in culpæ vindictam inflictum, adeò ut pœna nunquam sit sine connotatione essentiali ad culpam præsuppositam, ratione cujus infligitur.

2. Notandum secundò. Reatum distingui in

reatum culpæ & reatum pœnæ. Reatus culpæ est illa subiectio, quæ peccator post commissum peccatum quasi captivus tenetur sub servitute peccati, & impotens ut ab ejus macula propriis viribus expedire se possit. Quo sensu etiam dici potest reatus culpæ illa necessitas, quam habent posteri Adami, ut in primo conceptionis instanti contrahant originale peccatum. Hoc loco non de reatu culpæ, sed pœnæ sermo est.

Notandum tertio. In reatu pœnæ, qui exin-<sup>3</sup> de dicitur, quòd aliquis est reus pœnæ preferendæ, tria concurrere. Primum est ipsa peccatoris condignitas & proportio ad pœnam ratione culpæ contractæ subeundam: nam, sicuti qui fecit actum meritorium, eo ipso dignus est præmio, ita, qui fecit malum, eo ipso est dignus pœnâ, seu reus pœnæ. Alterum est activa obligatio, seu extrinseca ordinatio peccantis ad pœnam subeundam facta ab eo, cui jus est leges pœnales ferendi, & exequendi. Tertium est passiva obligatio, seu denominatio extrinseca, ab illa extrinseca & activa ordinatione proveniens, per quam



quàm peccator denominatur obligatus ad poenam.

4. Notandum quartò. Esse de fide certum, quòd reatus poenæ sit effectus peccati actualis: ita enim constat ex Script. Pl. 36. *Injusti punientur.* Matth. 5. *Qui dixerit, fratri suo, fatue, reus erit gehennæ ignis.* Ex definitione Trid. Sess. 6. can. 30. & Symbolo Athanasii: *Qui verò mala egesserunt, ibunt in ignem æternum.*

Ratio ex dictis est: Ita se habet proportionaliter in peccato reatus poenæ, sicut in bonis operibus dignitas ad præmium: sed bonum opus est dignum præmio: ergo & malum opus est dignum supplicio: & ideo dicitur Proverb. 13. *Peccatores persequitur malum, & iustis retribuentur bona.* Superest, ut, in quonam formaliter consistat reatus poenæ, determinemus.

## §. II.

*Assertio Thomistica.*

1. **CONCLUSIO.** *Reatus poenæ inchoative consistit in (1) intrinseca condignitate peccantis ad poenam, (2) quæ non nisi ratione ratiocinata distinguitur à macula peccati: (3) completivè tamen consistit in extrinseca denominatione, seu passiva obligatione ad poenam subeundam.* Ita quoad 1. & 2. partem Gonet, & Salmanticenses, quoad 3. Sylvius cum aliis à fecerunt.

Ratio primæ partis est: quia quod primò concipitur in reatu est esse dignum supplicio, nec priùs aliquis deputatur ad poenam, quàm sit dignus poenæ: sicut priùs aliquis in executione supponitur dignus præmio, quàm deputetur ad præmium. Ideoque peccans potest esse dignus poenæ, quantumvis non deputetur ad poenam: & si quis deputaretur ad subeundam supplicium absque sua culpa, non ideo diceretur reus poenæ, siquidem non esset dignus illi supplicio.

2. Ratio secundæ partis est: quia si illa dignitas esset realiter distincta à macula peccati, vel esset relatio realis, vel rationis, vel denominatio extrinseca ab ordinatione divina. Non primum, quia in privativo, qualis est macula peccati, non potest fundari realis relatio: sæpe etiam terminus hujus relationis nempe poenæ realiter non existit. Non secundum, quia reatus poenæ datur nemine cogitante. Non tertium, quia illa denominatio extrinseca, sicut & ordina-

tio activa præsupponit peccatoris intrinsecam condignitatem demeritoriam. Est ergo reatus ipsamet macula peccati, quæ sub ea ratione, quæ connotat animæ supernaturalem pulchritudinem, sibi oppositam, vocatur macula: sub ea ratione, quæ connotat poenam, cui peccatore habitaliter subiectum denominat, sic dicitur reatus. Et hæc diversa connotatio sufficit ad distinctionem rationis ratiocinæ. Unde sicut eadem forma gratiæ sanctificantis primariò facit hominem sanctum, & participem naturæ divinæ, secundariò verò dignum virâ æternâ: sic contra privatio gratiæ sanctificantis primariò reddit hominem maculatum, DEOque infensum, secundariò verò dignum poenâ æternâ.

Ratio tertiæ partis est primò: quia nisi accedat divina deputatio ad poenam, macula peccati non sufficit ad tribuendum effectum reatus: ergo divina ordinatio requiritur per modum conditionis completis reatum & efficaciam demeritoriam peccati: Antec, constat in damnatis, qui licet continuò peccent, non tamen de novo demerentur, nec proinde contrahunt novum reatum poenæ senius, vel damni, defectu divinæ ordinationis solummodo viatorem peccantem, non verò in viâ terminò constitutum deputantis ad poenam: quemadmodum & Beati, quamvis perpetuò versentur in actibus charitatis, non tamen merentur novum præmium, defectu divinæ ordinationis, solos actus viatorum acceptantis ad præmium.

Secundò. Quia deletâ etiam maculâ peccati non eo ipso deletur totus reatus poenæ, quod est evidens signum, quòd adæquata ratio reatus non in sola intrinseca condignitate & macula relicta invenitur. Antec, patet inprimis in peccatore iustificato, qui deletâ maculâ peccati mortalis, quamvis amiserit reatum poenæ æternæ, adhuc tamen manet reus poenæ temporalis subeundæ, adeoque reatus adæquatè in sola macula non salvatur. Deinde deletâ maculâ peccati venialis non statim deletur totus reatus poenæ temporalis, quia nimirum tota poenâ, ad quam peccator, præsuppositâ suâ condignitate per actualem peccatum contractâ, deputatus fuit, nondum fuit perfoluta. Unde multi, quantumvis in viâ exitu omnem peccati maculam exuerint, nihilominus peccatorum poenas in purgatorio exsolvunt,

## ARTICULUS II.

*An unum peccatum possit esse poena alterius?*

## SUMMARIA.

1. Unum peccatum est poena alterius.
2. Non per se,
3. Sed per accidens,
4. Poena non insignitur per voluntatem solùm permittentem,
5. Disparitas cur privatio gratiæ sanctificantis possit habere rationem poenæ, non item privatio velleitudinis moralis.
6. Quandoquid aliò mala sub ratione passionis possit esse à DEO?

## §. 1.

*Statuitur affirmativa cum distinctione.*

**CONCLUSIO.** *Unum peccatum actuale (1) potest esse poena alterius (2) non per se quoad rationem culpæ, (3) sed per accidens.* S. D. hic q. 8. a. 2.

Prima pars constat ex S. Script. Rom. 1. *Qui tum cognovissent DEUM, non sicut DEUM glorificaverunt: propter quod tradidit illos DEUS in desideria cordis eorum, in immunditiam, &c.* 1. Thess. 2. *Qui charitatem veritatis non receperunt, ni salvi*



ut salvi fierent. Ideo mittit illis DEUS operationem erroris, ut credant mendacio, &c.

2. Secundæ partis ratio est primò. Pœna debet esse contra physicam inclinationem peccantis: sed culpa non est contra physicam inclinationem peccantis: licet enim sit contra moralem inclinationem naturæ rationalis quâ talis, non tamen est contra physicam inclinationem naturæ, cum sit actus elicitus, vel imperatus circa objectum delectabile.

Secundò. Pœna peccati debet posse assumi à DEO in emendationem culpæ vel reparationem læsionis per culpam factæ: sed peccatum ad neutrum finem assumi potest à DEO: non ad primum, quia novo peccato augetur culpa; non ad secundum, quia per illud DEUS de novo offenditur.

Tertiò. Pœna propriè dicta infligitur secundum rectam rationem; & est à DEO: peccatum est contra rectam rationem; & non potest esse à DEO: ergo.

3. Ratio tertiæ partis est: quia esse assiduum hominis ratione alicujus annexi, & ex merito præcedentis culpæ, est esse pœnam per accidens: sed hoc modo unum peccatum potest esse pœna alterius: prout habet S. D. in 2. 1. q. 30. a. 1. ad 1. dicens: *Culpa potest aliquo modo esse pœna, in quantum scilicet habet aliquid annexum, quod est contra voluntatem peccantis.*

Cæterum illa connexa possunt esse inprimis subtrahio abundantium & efficacia auxiliorum, quâ factâ in pœnam præcedentis peccati, homo labitur in novum peccatum, quod etiam ab Apostolo significatur. Secundò. Inordinatio & afflictio tum animi, tum corporis, quæ certa quædam peccata iræ, invidiæ, impuri amoris, &c. comitari solet. Tertiò. Effectus afflictivi animi vel corporis, qui è peccatis oriuntur, ut sunt infamia, morbi, paupertas, & præcipue vermis seu remorsus conscientie: Et hoc modo exponendi sunt præallegati textus S. Script. & illud D. August. 2. Conf. c. 12. *Injisti Domine, & sic est, ut pœna sua sit sibi omnis inordinatio animus. Quo sensu quoque Seneca. Maxima peccantium pœna peccasse, & sceleris in scelere supplicium est.*

## §. II.

### Solvuntur Objectiones.

4. Objicies primò. Etiam si peccatum in ratione culpæ non pertineat ad voluntatem positivam beneplaciti; pertinet tamen ad volunta-

tem permissionis: ergo, etsi à DEO non infligatur in pœnam decreto positivo, poterit tamen infligi decreto permisso.

Respondeo negando consequentiam. Nam sicuti voluntas permissionis non sufficit ad hoc, ut DEUS dicatur causare culpam, ita neque sufficit ad hoc, ut dicatur infligere pœnam, cum immisso & infligito pœnæ requirit voluntatem & ordinationem voluntatis positivam.

Objicies secundò. Peccatum habituale consistens in privatione gratiæ sanctificantis, potest habere rationem pœnæ, in quantum per ipsum homo privatur maximâ suâ perfectione: ergo similiter peccatum actuale habens pro formali privationem debitæ rectitudinis propriè potest habere rationem pœnæ, in quantum per illud homo privatur perfectione rectitudinis moralis.

Respondeo negando consequentiam. Quia privatio debitæ rectitudinis, quæ reperitur in actu peccati, est privatio formæ purè moralis, ipsum actum immediatè perficientis in ordine ad legem, & regulam rationis, ipsumque actum in se afficit & absolute malum denominat, quod totum pertinet ad genus culpæ: atqui privatio gratiæ quantumvis libet eationis, quâ tollit habitualem rectitudinem & subjectionem hominis ad DEUM, pertineat ad genus moris & culpæ; quia tamen simul ab anima formaliter tollit physicam perfectionem vitæ supernaturalis, quâ homo in seipso perficitur, eatenus quoque potest pertinere ad genus pœnæ.

Objicies tertiò. Potest aliquid esse à DEO sub ratione passionis, quod non est à DEO sub ratione actionis, veluti patet de passione Christi: ergo licet peccatum non possit esse pœna à DEO infligita sub ratione actionis à voluntate egredientis, potest tamen esse à DEO sub ratione passionis in voluntate receptæ.

Respondeo, antecedens posse verificari de actione transiente, non de actione permanenti: Disparitas est: quod in actione transiente passio est effectus peccati existentis in voluntate, & potest à subiecto in quo recipitur, ejusque acceptativâ voluntate dignificari, quemadmodum passio Christi erat effectus malæ voluntatis Judæorum, & quatenus in corpore Christi recepta, & per ipsius voluntatem meritorie oblata recipiebat infinitam dignitatem. Atqui actio immanens, qualem est peccatum voluntatis, in quo malitia intrinsecè reperitur, in ipsamet voluntatem, in qua recipitur, suam malitiam refundit, eamque commaculat tam ut est in ipsa, quam ut est ab ipsa.

## ARTICULUS III.

### An peccatum mortale ab intrinseco inducat reatum pœnæ æternæ.

#### SUMMARI A.

1. Articulus fidei de æternitate gehennæ.
2. Intelligentiæ secundum legem DEI ordinariam.
3. Peccatum mortale per se inducit reatum pœnæ æternæ.
4. Pœna inferni non est intensivè infinita.
5. Peccatum veniale non inducit reatum pœnæ æternæ, sed temporalis.

6. An sit proportio inter temporale delictum, & pœnam æternam?

#### §. I.

##### Statuitur sententia affirmans.

Suppono primò tanquam de fide certum, pœnæ æternæ damnatorum fore æternas. Ita contra Origene

Originem, qui l. 1. periarcon. c. 6. poenas damnatorum, etiam ipsorum dæmonum aliquando per DEI misericordiam finendas esse asseruit, de finitum est in Conc. Later. c. *firmiter*, de Summ. Trin. Trid. Sess. 6. cap. 14. & 25. Sess. 14. cap. 5. Habetur II. 66. Marci 9. & Matth. 25. *Ibunt hi in supplicium æternum*, sive ut D. August. legit, *in combustionem æternam*. Et Apoc. 14. *Cruentabuntur igne & sulphure in sæcula sæculorum*. Idem habetur in Symbolo Athanasii & passim apud SS. PP.

2. Suppono secundò. Hanc gehennæ & infernalium poenarum æternitatem esse de fide quoad legem DEI ordinariam: quia non obstante valde probabile est, per extraordinariam DEI legem & singularem DEI privilegio de facto aliquos ab inferis revocari. Nam ut relinquamus Trajani Imp. relationem, quem aliqui precibus D. Gregorii ex inferno ereptum tradidere, & tanquam probabile refert S. Th. in 4. d. 45. q. 2. a. 2. quæstiunc. 1. Baronius tamen to. 6. ad an. 604. fabulam reputat, risu potius despiciendam, quam disputatione seriâ confutandam: nec immeritò; cum constet, illum Imperatorem non tantum fuisse crudelissimum Christianorum persecutorem, sed etiam pederastiæ vicio inquinatum, etsi aliàs eximium iustitiæ cultorem: Nihilominus è sacra & Ecclesiastica historia constat, multos à Christo, Apostolis, aliisque Sanctis, tum etiam intercessione Beatissimæ Virginis fuisse miraculose ad vitam revocatos, è quibus aliqui fuere infideles, idololatæ, peccatores, & in eum finem ad vitam revocati, ut converterentur, & poenitentiam agerent, adeoque fuerunt à tormentis infernalibus, sive illa in loco inferni sive in alio juxta Divinæ justitiæ ordinationem paterentur, liberati. His positis, ad quæstionem articuli sit

3. CONCLUSIO. *Peccatum mortale per se, & ex intrinseca sua malitia inducit reatum poenæ æternæ.* S. D. a. 3. & 4.

Ratio est: Peccato ex se habenti inordinationem irreparabilem per se debetur poena æterna, & interminabilis: sed peccatum mortale habet ex sua natura inordinationem irreparabilem, ergo ipsi per se convenit debitum & reatus poenæ æternæ. Major probatur: quia quamdiu manet causa necessaria, tamdiu manet effectus ipsius: sed peccatum est causa necessaria reatus poenæ: ergo quamdiu manet peccatum & culpa, tamdiu manet reatus poenæ: atqui in peccato habente ab intrinseco irreparabilem inordinationem culpa manet interminabiliter: ergo etiam ipsi respondet reatus poenæ interminabilis.

Minor etiam offenditur primò: quia peccatum mortale hominem avertit & deordinat ab ultimo fine ex propria sua ratione: sed deordinatio ab ultimo fine est naturâ suâ irreparabilis: quia ultimus finis in moralibus, est sicut primum principium in speculativis: error autem circa prima principia est irreparabilis. Secundò, quia illa inordinatio est irreparabilis, per quam destruitur principium totius ordinis supernaturalis, nimi-

rum gratia & charitas; sicuti propterea mors & cæcitas sunt naturâ suâ irreparabiles, quia illa destruit principium vitæ, ista verò principium visus: sed per inordinationem peccati mortalis destruitur gratia & charitas, tanquam principium radicale totius ordinis & vitæ supernaturalis: ergo,

## §. II.

## Corollaria.

INferes ex dictis primò. Poenam inferni, etsi sit extensivè seu quoad durationem infinita, utpote interminabilis & sine carens, non tamen esse simpliciter infinitam, nec quoad poenam damni, hoc est privationem visionis beatificæ, nec quoad poenam sensus, h. e. afflictionem dolorosam ab igne extrinsecus illatam, quam in Tract. de Angelis exposui.

Ratio est primò. Malitiæ simpliciter finitæ, non nisi poena finita respondere debet: atqui peccati malitia est simpliciter finita: ergo. Neque dicas, esse infinitam in ratione offensæ: nam offensæ non respondet poena, sed satisfactio; ideoque ad condignè satisfaciendum pro peccato mortali etiam requirebatur infinita satisfactio.

Ratio est secundò. Visio beatifica non est simpliciter & subjective infinita: ergo nec privatio visionis quæ est poena damni, implicat etiam qualitas physica infinitè intensa: sed poena sensus activè consistit in dolorifera qualitate ab igne infernali impressa: ergo non potest esse simpliciter infinita.

Inferes secundò. Peccatum veniale non inducere reatum poenæ æternæ, quia non avertit efficaciter ab ultimo fine, & relinquit principium vitæ ac ordinis supernaturalis, ex quo peccans se ipsum reparare, & veniale peccatum potest extinguere.

Objicies: Poena debet esse proportionata delicto: quia ut dicitur Deut. 25. *Pro mensura peccati erit & plagarum modus*: sed poena æterna nullam habet proportionem cum culpa mortali: ergo culpa mortalis per se non inducit poenam æternam. Minor probatur: quia peccatum mortale est sæpe momentaneum; at poena æterna durat.

Respondeo primò, non esse necessariam proportionem inter durationem poenæ, & culpæ: nam etiam pro brevi delicto mors irreparabilis & exilium perpetuum infligitur.

Respondeo secundò ex S. D. hic q. 87. a. 3. ad 1. quod peccans mortaliter, interpretativè & virtualiter velit æternum peccare, in quantum æternam DEI fruitionem bono creato postponit, & in hoc suum ultimum finem constituit, ponendo inordinationem ab intrinseco irreparabilem, in qua sufficiens fundatur proportio.



## ARTICULUS IV.

*An peccatum veniale per accidens puniatur poenâ aternâ?*

## SUMMARI.

1. *Status questionis.*
2. *Veniale quoad culpam remissum in inferno puni-  
tur temporaliter, ex doctrina D. Th.*
3. *Eratione.*
4. *Peccatum veniale nondum quoad culpam re-  
missum per accidens puniatur aternaliter.*
5. *Ratione D. Thomæ.*
6. *Non ideo DEUS punit ultra condignum.*

## §. I.

*Resolutio negativa pro venialibus quoad cul-  
pam remissis in hac vita.*

1. **S**TATUS questionis est, an, si homo moriens in peccato mortali secum deferat ad infernum venialia peccata nondum expiata in hac vita, ut ferè semper contingit, poenam pro illis peccatis debitam temporaliter exsolvat, vel utrùm illa non quidem perse & ex merito peccati, sed tamen pro accidens propter statum damnationis ex temporali mutetur in aternam? Id porro fieri potest dupliciter, vel ut venialia fuerint quoad culpam remissa in hac vita, nondum verò satis expiata quoad reatum poenæ. Vel secundò, quòd neque fuerint remissa quoad culpam.

2. **CONCLUSIO PRIMA.** Peccatum veniale quoad culpam remissum in hac vita, [idem esto iudicium de peccatis mortalibus quoad culpam remissis] & nondum plene expiatum in inferno non puniatur poenâ aternâ, sed temporali. Ita communiter Thomistæ: cum quibus in hac parte etiam sentit Scotus.

Probatur primò authoritate S. D. in 4. d. 22. q. 1. a. 1. ad 5. ubi rejectâ opinione contrariâ sic resolvit: *Ideo alii dicunt, quòd poena, cujus aliquis est debitor, post culpam remissam in inferno puniatur temporaliter. Nec propter hoc sequitur, quòd in inferno sit redemptio, quia poena, quæ solvitur, non redimitur. Nec est inconveniens, quòd quantum ad aliquid accidentale poena inferni minuatur usque ad diem iudicii, sicut etiam augetur.* Hæc S. D.

3. Probatur secundò ratione: Si post remissam culpam poena temporalis adhuc debita mutaretur in aternam, DEUS puniret ultra condignum: sed hoc repugnat bonitati Divinæ: ergo. Sequela probatur, punire poenâ aternâ, ubi nulla est condignitas ad poenam aternam, est punire ultra condignum: sed peccato semel remisso nulla remanet condignitas ad poenam aternam; si quidem hæc fundatur in culpa mortali: ergo.

Probatur tertio. Si pro peccato mortali remissio sustineri deberet poena aterna, tunc aliqua peccata remissa etiam de lege DEI ordinaria rederent quoad reatum poenæ aternæ: sed hoc est absurdum, ut infra ex Tra&t. de poenit.

Probatur quarto. Nulla est assignabilis ratio, cur poena temporalis pro peccato jam remisso debita mutari deberet in aternam. Non quia damnatus est extra statum viz, & satisfaciendi:

quia ad exsolvendam poenam etiam sufficit satisfactio, quæ in inferno locum habere potest. Non quòd damnatus est obstinatus in malo: quia respectu peccati jam in hac vita retractati & remissi nullam habet obstationem. Non quòd infernalis poena non minuitur: quia hoc est intelligendum de poena essentiali, non accidentali. Non quòd in hac vita nemo constitutus in statu peccati mortalis possit exsolvere poenas pro venialibus, aut mortalibus jam remissis debitas: quia hæc vita est status merendi & satisfaciendi: atqui non acceptatur satisfactio, quæ non est à persona grata & iusta.

## §. II.

*Resolutio affirmativa pro venialibus nondum remissis quoad culpam.*

**CONCLUSIO SECUNDA.** Peccatum veniale nondum remissum in hac vita, in inferno puniatur per accidens poena aterna. Ita contra Scotum in 4. dist. 21. S. D. hic a. 5. ad 3. & q. 7. de malo. 2. 10. ubi hæc habet: *Veniale peccatum non meretur poenam aternam ex specie sua, neque ex parte inhaerentia ad subiectum per se loquendo, quia non privatur gratiâ, sed per accidens fit irremissibile peccato mortali conjunctum, in quantum est in subiecto privato gratiâ, & sic per accidens puniatur poenâ aternâ.* Similia habet q. 5. de malo. a. 2. ad 8. & in 4. dist. 21. q. 1. a. 2. quæstionc. 3.

Ratio jam indicata est primò. Tandiu non exsolvitur poena, quamdiu non remittitur culpa, quæ est causa necessaria reatus poenæ: sed in inferno culpa venialis in aeternum non remittitur: ergo etiam poena in aeternum non exsolvitur. Minor constat: quia nullum peccatum etiam veniale de lege DEI ordinaria remittitur, nisi sit formaliter aut virtualiter retractatum: sed in inferno, ubi est perpetua obstinatio in malo, & negatio omnis auxilii supernaturalis, nulla potest esse peccati retractatio & poenitentia: ergo.

Secundò. Macula peccati venialis sicuti formaliter opponitur extensivo fervori charitatis, ita per eundem tollitur: sed in inferno non potest esse fervor extensivus charitatis, sicut nec ipsa charitas: ergo in inferno macula peccati tolli non potest. Dixi tamen, poenam esse per accidens aternam: quia æternitas poenæ non est ex intrinsicâ condignitate & demerito culpæ venialis, sed ex conjunctione cum peccato mortali, & conditione subiecti, cui in statu damnationis constituto etiam veniale peccatum remitti amplius non potest.

6. Dices: Si DEUS veniale peccatum punit poenâ aternâ, quod tamen meretur solum poenam temporalem, tunc illud punit ultra condignum: sed hoc est absurdum: ergo. Respondeo distinguendo maj. nisi illud veniale fiat per accidens irremissibile, concedo; secus, nego: tunc enim etiam per accidens habet condignitatem ad poenam aternam.

Instabis:

7. Instabis: Ordo Divinæ iustitiæ exigit, ne peccatum puniatur ultra suam exigentiam demeritoriam; sed exigentia demeritoria peccati venialis, etiam ut conjunctum cum peccato mortali tantum est ad poenam temporalem: ergo secundum ordinem Divinæ iustitiæ veniale etiam ut conjunctum cum mortali non nisi poenā temporali punitur. Minor probatur. Conjunctio cum mortali non mutat naturam peccati venialis, nec illud trahit extra suum genus: sed peccatum veniale ex genere suo tantum habet exigentiam demeritoriam ad poenam temporalem: ergo etiam ut conjunctum cum peccato mortali tantum exigit poenam temporalem.

Respondeo negando minorem, ejusque probationem distinguo: peccatum veniale ex genere suo tantum habet exigentiam demeritoriam poenæ temporalis, negativè [hoc est, non exigit majorem poenam, quam temporalem; ita tamen ut ex adjuncta conditione subiecti possit admittere vel positivam exclusionem, vel exigentiam poenæ æternæ] concedo; positivè, nego min: ergo etiam ut conjunctum cum mortali tantum exigit poenam temporalem, quantum est de se ne-

gativè, concedo; quantum est ex conditione subiecti, positivè, nego consequentiam.

Igitur observandum est ex Salmantic. hic disp. 17. n. 74. Peccatum veniale considerari posse in triplici statu. Primò, prout connotat subiectum DEO gratum per gratiam & charitatem, quā ratione determinatè exigit poenam temporalem, & excludit æternam. Secundò, prout connotat subiectum DEO exosum per peccatum mortale, & sic positivè exigit poenam æternam, quia ex conditione talis status sit irremissibile in sensu composito illius status. Tertiò, prout præcendit à connotatione & conditionibus subiecti, & sic non postulat quidem poenam æternam, est tamen indifferens, ut juxta conditionem subiecti vel habeat determinatam exigentiam remissionis, adeoque & temporalis punitionis, si illud sit constitutum in gratia; vel determinatam exigentiam poenæ æternæ, si illud sit constitutum in statu peccati mortalis, eò quòd subiectum DEO exosum in sensu composito illius status, etiam in peccatum veniale refundat tam culpæ, quam poenæ irremissibilitatem.

## DISPUTATIO XXV.

DE

### Peccato veniali. ad q. 89.

**H**Actenus de peccato personali mortali, tanquam principali analogato sub nomine & genere peccati, dictum: nunc peccatum veniale subjungimus; sic appellatum, quòd non destruat principium veniæ, h. e. gratiam & charitatem; quemadmodum ex opposito mortale dicitur, quod destruit gratiam, tanquam principium vitæ supernaturalis.

#### ARTICULUS I.

##### An, & quid sit peccatum veniale?

##### SUMMARIA.

1. Fides docet dari venalia.
2. Quæ sunt talia ex sua natura.
3. Aliia venalia ex genere suo, alia per accidens.
4. Pares differentia inter mortale & veniale.
5. Quid sit adum esse simpliciter contra legem?
6. Primaria differentia inter peccatum mortale & veniale.
7. Objectiones.
8. Solvuntur.
9. Regula discernendi veniale à mortali.

##### §. I.

##### Præsupposita.

1. Suppono primò tanquam de fide certum, dari quædam peccata venalia. Ita definitum est in Concil. Milevit. can. 7. & Trid. Sess. 6. c. 11. deducitur ex S. Script. Matth. 7. ubi aliqua peccata festuque, alia verò trahi comparantur. Item Eccles. 7. Prov. 14. & Jac. 3. ubi dicitur, omnes homines, & quidem quotidie peccare, quod de

peccatis mortalibus non potest intelligi, cum multi reperiantur sancti & iusti, incidentes in omnibus mandatis & justificationibus Domini sine querela, ut constat ex Luca 1. Gen. 6. Job. 1. Dan. 6. igitur tantum intelligi potest de levibus & venialibus peccatis, in quæ etiam iusti cadunt, juxta illud: *Serpies in die cadit iustus*. Ratio congruentiæ est: quia etiam in sacra amicitia & civili societate committuntur offensæ aliquæ graves, aliquæ verò leves: ergo idem contingere potest in amicitia, quæ DEUM inter & hominem intercedit.

Suppono secundò. Dari venalia, quæ non sunt talia propter solam extrinsecam non impurationem DEI, sed ex sua natura intrinseca; nam ita primò definierunt Pius V. & Gregorius XIII. damnantes hanc propositionem Michaelis Bay: *Nullum est peccatum naturā suā veniale*: sed omne peccatum meretur poenam æternam. Secundò: quia sunt aliqua peccata, quæ non feruntur in obiectum repugnans charitati, suntque offen-

H h 2

6005



siones in rebus levissimis, ut verbum otiosum, aspectus curiosus, &c. \* Nec obest primò, quòd Ezech. 28. & Rom. 6. mortis comminatio peccato absolute annectitur: *Stipendium peccati mors*: tunc enim Tò peccatum supponit pro suo significato & analogo principali, quod est peccatum mortale. Nec obest secundo, quod dicitur Matth. 5. *Qui solverit unum de mandatis istis minimis*, [quo videtur indicari peccatum veniale] minimus vocabitur in regno celorum, h. e. in resurrectione computabitur inter minimos, seu reprobos. Non enim Christus per mandata minima intelligit illa, quæ tantum obligant sub veniali, sed quæ juxta vulgi & Phariseorum opinionem habebantur & negligebantur tanquam minima, uti de non irascendo, de non concupiscendo, &c.

3. Suppono tertio. Aliqua peccata esse venialia ex genere suo, h. e. secundum speciem ab objecto delumptam; aliqua vero per accidens tantum, nempe ex defectu deliberationis vel parvitate materiæ: illa specie essentialiter, ista vero accidentaliter distingui à peccato mortali suprà dictum est; in hoc nimirum sensu, quia ex fine proximo operis & meritis objecti peccata, quæ sunt venialia ex defectu deliberationis, vel parvitate materiæ, pertinent ad eandem speciem, ad quam pertinet mortale: sic enim leve furtum æquæ est peccatum iniustitiæ, quàm furtum grave, & semideliberata concupiscentia æquæ est contra castitatem, quàm perfectè deliberata. Quo tamen non obstante spectando habitudinem operantis ad finem ultimum, etiam hæc venialia essentialiter, & quidem toto genere differunt à quolibet peccato mortali.

4. Suppono quarto, complures esse differentias inter peccatum mortale, & veniale: Primò, quòd mortale destruat charitatem & gratiam, non autem veniale. Secundò, quòd per illud homo simpliciter avertatur à DEO, & rationem ultimi finis collocet in creatura; non autem per veniale. Tertiò, quòd mortale inducat mortem animæ, non veniale. Quartò, quòd inordinatio peccati mortalis sit ab intrinseco irreparabilis, quia non relinquit radicem & principium veniæ; veniale ab intrinseco sit reparabile, quia relinquit gratiam & charitatem, quæ est principium veniæ. Quintò, quòd mortale inducat reatum pœnæ æternæ; veniale reatum pœnæ temporalis. Sextò, quòd mortale sit simpliciter contra legem, veniale vero secundum quid.

5. Ubi nota, quòd actus possit dici simpliciter esse contra legem ex duplici capite: primò ex parte legis, cum nempe legis observantia est necessaria ad conservationem charitatis & amicitie cum DEO, quæ est præcipuus effectus legis; Secundò ex parte alius seu tendentis contra legem, quando nimirum actus habet efficacem repugnantiam cum lege, & omnes conditiones ad actum perfectè humanum requisitas. Peccatum mortale utroque modo est contra legem simpliciter; primò ex parte actus, quia est tendentia deliberata in objectum dissonum rectæ rationi; deinde ex parte legis, eo quòd lex, cui adversatur, sit necessaria ad conservandam conjunctionem cum DEO ut fine ultimo. Peccatum vero ve-

niale si sit tale ex parvitate materiæ, aut levitate objecti, non est simpliciter contra legem, Tò simpliciter accipiendo ex parte legis; si sit tale ex defectu deliberationis, non est simpliciter contra legem ex parte actus. His positis quaeritur, quænam ex istis differentiis sit principalior, & radicalior ad distinguendum veniale à mortali?

## §. II.

*Statuitur primaria differentia inter mortale & veniale.*

**CONCLUSIO.** *Præcipua & primaria differentia peccati venialis à mortali est, quòd per veniale homo non simpliciter & efficaciter à DEO ut ultimo fine avertitur, neque per illud divina amicitia destruitur, neque simpliciter contra legem peccatur.*

Ratio est: Illa est primaria differentia inter mortale & veniale peccatum, per quam genus peccati ut sic immediatius dividitur in mortale & veniale: sed per differentias prædictas peccatum ut sic immediatius dividitur: ergo. Minor probatur: Inordinatio & contrarietas ad legem proximè & immediatè dividitur in inordinationem efficacem ab ultimo fine, & inefficacem secundum quid; item contrarietas ad legem dividitur immediatè per hoc, quòd sit simpliciter, vel secundum quid: sed peccatum ut sic est actus inordinatus contra legem DEI: ergo peccatum ut sic per prædictas differentias proximè & immediatè dividitur.

Dices primò. Offensa personæ infinitæ est infinita, siquidem ratio offensus crescit juxta dignitatem personæ offensus: sed quodlibet peccatum est offensa personæ infinitæ: ergo quodlibet peccatum est infinitum: adeoque nulla est ratio distinguendi inter mortale & veniale peccatum. Secundò. Illa culpa est gravis & mortalis, pro qua eligibilior est pœna æterna, sed pœna æterna est eligibilior, quàm quælibet culpa peccati: ergo quælibet culpa peccati est gravis & mortalis.

Respondeo ad 1. si est offensa simpliciter talis, concedo; si offensa secundum quid, nego: sed peccatum veniale est offensa personæ infinitæ, ut tamen sit de genere offensus secundum quid, concedo; simpliciter, nego min. & consequentiam. Ad 2. nego maj. hæc enim major eligibilitas ex eo provenit, quòd pœna quæcumque continetur intra ordinem mali naturalis, & non sit malum DEI, sed malum hominis; e contra quælibet culpa etiam levissima pertinet ad ordinem mali moralis, estque malum ipsi DEO: atqui malum naturale, cum simpliciter possit esse bonum, & in genere moris possit esse causa meriti & virtutis, habet eligibilitatem aliquam, e contra malum morale, cum sit simpliciter & absolute malum, nullam prorsus habet eligibilitatem.

Quæres. Undenam cognosci possit, quòd aliquod peccatum sit mortale, aut veniale?

Respondeo ex Sylvio hic tres regulas & signa observari posse: primò, quæ in sacra Script. vocantur *abominabilia*, *digna morte*, siquæ gravis pœna & comminatio adjungitur, esse mortalia, uti sunt peccata ab Apostolo recensita Gal. 5. quibus adduntur illa verba: *Quoniam qui talia*

agunt, regnum DEI non consequentur. Quæ verò mitioribus terminis notantur, esse venialia, sicuti Prov. 10. In multiloquio non deerit peccatum. Secundò attendi debet ad communem consensum SS. PP. DD. & fidelium, ex quo cognoscimus binam refectionem in diebus jejunii esse peccatum mortale; refectionem verò in-

choatam ante meridiem esse veniale. Tertio: quæ graviter lædunt charitatem DEI, vel proximi, sunt mortalia; quæ verò leviter tantum, sunt venialia. Præterea attendi debet ad quantitatem deliberationis, advertentiæ, & materiæ, genus peccati, tenorem legis, &c.

## ARTICULUS II.

### An ex peccato veniali fieri possit mortale?

#### SUMMA.

1. Status questionis.
2. Idem numero actus moraliter non potest ex veniali fieri peccatum mortale.
3. Nec multa venialia possunt integrare unum mortale.
4. Quid sentiendum de minutis furtulis?
5. Veniale peccatum dispositum ad mortale.
6. Aliquando directè.
7. Aliquando indirectè.

#### §. I.

##### Statuitur negativè.

1. Certum est primò: actum, qui ex objecto spectatus tantum esset venialiter malus, ex fine vel aliâ circumstantiâ habente gravem deformitatem posse effici mortaliter peccaminosum, quemadmodum etiam actus ex objecto bonus per malum finem vel circumstantiam vitiari potest, ut si verba jocosa proferantur in finem furnicandi.

Certum est secundò: actum ex objecto tantum venialiter malum fieri graviter peccaminosum, quando affectus peccantis erga illud objectum adeò est exorbitans, ut quis propter illud sit paratus etiam grave preceptum transgrediendi.

Certum est tertio: peccatum ex levi gravem malitiam contrahere, quando fit cum formali contemptu legis, aut legislatoris; aut quando est occasio proxima incidendi in peccatum mortale, ut est otiosa confabulatio cum persona, cum qua quis scit se sæpius peccasse.

Certum est quartò: Unum eundemque actum in esse physico invariatur posse ex venialiter malo succellivè fieri mortaliter peccaminosum: ita quippe actus voluntatis à principio venialiter malus propter imperfectam deliberationem, accedente plenâ advertentiâ fit peccatum mortale. Triplex igitur superest dubium, primò, an idem numero actus etiam invariatur, in esse moris fieri possit è veniali mortalis? Secundò: An venialia per multiplicationem ita augeri possint, ut tandem pertingant ad malitiam & quantitatem peccati mortalis? Tertio: An veniale possit esse dispositum ad peccatum mortale?

2. CONCLUSIO PRIMA. Non potest idem numero actus in esse moris fieri ex peccato veniali peccatum mortale; neque potest cumulus peccatorum venialium quantumcumque multiplicatus ascendere ad malitiam peccati mortalis. Ratio primæ partis est: Quando mutatur voluntarium, tunc etiam mutatur moralitas actus; siquidem

ista essentialiter radicitur in voluntario libero: sed quotiescunque fit ex veniali mortale, toties mutatur voluntarium; ergo etiam mutatur moralitas actus; & consequenter actus non manet idem numero in esse moris. Min probatur: quia in peccato veniali supponitur tantum adfuisse semiplena libertas, in peccato verò mortali adest libertas plena: sed hæc est diversitas & mutatio voluntarii: ergo.

Confirmatur. Mutato prædicto dictamine, à quo actus dependet in esse moris, mutatur ipsius moralitas: sed aliud est dictamen prædictum, à quo deviat peccatum mortale, aliud à quo deviat veniale: ergo. Min probatur: quia regula, à qua discordat peccatum mortale, est prædictum dictamen de conservanda charitate & conjunctione cum fine ultimo, regula verò à qua discordat veniale, est dictamen de conservando fervore charitatis: sed hæc sunt diversa dictamina: ergo.

Ratio secundæ partis est: Quantumcumque 3. multiplicentur individua unius generis & ordinis, nunquam tamen pertingunt ad individuum ordinis superioris: sicuti quantumcumque multiplicentur accidentia, nunquam tamen pertingunt ad lineam substantiæ: sed peccata venialia pertinent ad genus & ordinem peccati venialis: ergo quantumcumque multiplicentur, nunquam tamen pertingunt ad gravitatem peccati mortalis, quod est in diverso ordine & genere.

Obijcies: Qui sæpius per minuta furta peccat venialiter, tandem perveniendo ad gravem materiam, etiam peccat mortaliter: ergo ex pluribus minutis & venialibus peccatis tandem integrari & resultare potest peccatum mortale.

Respondeo negando consequentiam: nam quando per minuta furtula pervenitur ad notabilem materiam, ex qua grave & notabile damnum proximo inferitur, non ideo peccat mortaliter, quia ex omnibus præcedentibus furtis, tanquam partibus integrantibus, resultat peccatum mortale; sed quia advertens ad gravitatem damni in ultimo furto peccat mortaliter: quod licet seorsim spectatum furum sit rei levis, quantum tamen accipitur cum connotatione ad materiam omnium furorum præcedentium, cum quibus materia ultimi furii grave damnum constituere supponitur, sic habet rationem gravis injuriæ sufficientis ad peccatum mortale.

## §. II.

*Quomodo peccatum veniale sit dispositio ad mortale?*

5. **CONCLUSIO SECUNDA.** *Peccatum veniale potest esse dispositio ad mortale, aliquando directe, aliquando vero indirecte. S. D. a. 3. & seqq. & habetur Eccli. 19. Qui spernit modicam, parvum decidet.*

Ratio primæ partis est: Quod minuit vires ad superandas tentationes & difficultates occurrentes in observantia præceptorum, est aliquo modo dispositio ad mortale: sed peccata venialia has vires minuunt, quippe fervorem charitatis & abundantiam divinorum auxiliorum.

Ratio secundæ partis est: Quia voluntas per actus imperfectos, ob levitatem materiæ vel defectum plenæ advertentiæ, disponitur ad actus perfectos ejusdem generis vel speciei: sed hoc est directe disponi: ergo.

Ratio tertiæ partis est: quia peccata ex genere suo venialia, cum specie sint distincta à mortalibus, nullam habent subordinationem, & inclinationem ad illa: solum ergo disponunt indirecte vel minuendo fervorem charitatis, vel generando habitus vitiosos, vel augendo peccantis affectum erga res creatas, ut tandem non vereatur propter illas graviora etiam præcepta transgredi.

## ARTICULUS III.

*In quo formaliter consistat macula peccati venialis?*

## SUMMARIÆ.

1. Datur macula peccati venialis.
2. Quæ non est simpliciter talis.
3. Fervor charitatis dividitur in intensivum & extensivum.
4. Quodnam sit impedimentum charitatis?
5. In quonam consistat fervor charitatis?
6. Quatuor effectus peccati venialis.
7. Macula peccati venialis non est peccatum non retrahitum.
8. Non etiam positiva adhesio ad res creatas.
9. Neque privatio alius à charitate eliciti, vel imperati.
10. Sed privatio fervoris extensivi.
11. Exponitur locus Angelici Doctoris.
12. Subiectum macula venialis est voluntas.

## §. I.

*Prænotanda.*

1. **NOTANDUM PRIMÒ.** Etiam à veniali peccato aliquam maculam in anima relinqui: Ita enim affirmat S. Script. quòd homines etiam iusti & Sancti non careant omni maculâ. Prov. 20. *Quis potest dicere: Mundum est cor meum?* Job. 15. *Quid est homo, ut immaculatus sit?* Job. 15. *Qui lotus est, non indiget, nisi ut pedes lavet.*
2. **NOTANDUM SECUNDÒ.** Hanc maculam peccati venialis non esse simpliciter sed secundum quid talem; neque per ipsam denominari hominem simpliciter immundum & maculatum, quemadmodum denominatur à macula peccati mortalis: nam per veniale non impeditur habitualis animæ nitor, quem percipit ex gratia & charitate, per quem anima secundum omnes suas vires exornatur & ordinatur in DEUM: magis igitur impedit splendorem adualem, qui provenit ex actibus diversarum virtutum: neque minuit ipsam charitatem, sed fervorem charitatis. De quo
3. **NOTANDUM TERTIÒ.** Fervorem charitatis alium dici intensivum, alium verò extensivum. Intensivus est gradualis perfectio, seu intentio, quæ in habitu, vel actu charitatis reperitur. Extensivus est habitus & promptitudo charitatis, quæ per varios actus, sive elictos sive imperatos, sua-

viter & promptè movetur in DEUM. Cum enim charitas in aliarum virtutum actus tanquam earundem radix & regina imperativè influat, tunc dicitur esse extensivè ferventior, quando non tantum in propriis actibus elicendis, sed etiam in aliarum virtutum & virium inferiorum actibus imperandis ac dirigendis in DEUM nullum patitur impedimentum, ita ut per ejus redundantiam in vires inferiores [inquit S. D. 97. de malo. a. 1.] homo possit dicere illud psalmi 81. *Cor meum & caro mea exultaverunt in DEUM vivum.*

Notandum quartò. Prædictum impedimentum, ne charitas tam expeditè feratur in DEUM, consistere in inclinatione inordinata voluntatis ad aliquid temporale, quæ per veniale peccatum relinquitur, quamdiu enim talis inordinata adhesio durat, vi cuius voluntas offerente se oportunitate circa illud obiectum inordinatè se gereret, tamdiu charitas non ita expeditè circa illud obiectum versari, idve in DEUM ferre potest. Quantò verò quisque à terrenarum rerum affectu est purior: tantò fit cum DEO familiarior. Ideoque S. D. ad remissionem peccati venialis requirit amotionem istius impedimenti 3. p. q. 87. ad 3. dicens: *Ad tollendam maculam venialis peccati requiritur aliquis actus procedens ex gratia, per quam removeatur inordinata adhesio ad rem temporalem.*

Notandum quintò. Fervorem extensivum, seu habitatem prædictam charitatis non consistere in aliqua entitate modali superaddita ad habitum charitatis, ut vult Jo. à S. Th. siquidem has modalitates ut superfluas universim reieciat suppono. Neque in ipso actu charitatis elicto, vel imperato: quia habitus non se actu extendit ad aliquod obiectum, nisi ut potens se extendere, adeoque per prius concipitur habitualis extensio in actu primo, quàm actualis & in actu secundo. Neque tertiò consistit in habitu charitatis prædictæ secundum se spectato, is enim per veniale peccatum non tollitur, aut minuitur: consistit ergo in habitu charitatis, quatenus consonante certa quorundam requisita extrinseca, quæ sunt triplicia. Primò voluntas expedita ab impedimento inordinatæ adhesionis; secundò ob-

jecta & materiae diversarum virtutum; tertiò abundantia & specialia auxilia divinæ gratiæ, quibus mediantibus in suos actus elicitos, vel imperatos suavititer procedat. Hoc ipso quippe quod voluntas careat inordinata adhesionem ad res creatas, charitas divina habet jus acceptabilitatis ad specialiora auxilia divinæ gratiæ pro variarum virtutum actibus imperandis: quæ de causâ rectè ab Esparza vocatur familiaritas cum DEO: nam sicut amicitia simpliciter consistit in charitate: ita familiaritas, quæ est flos amicitiae, & extensiva perfectio ipsius, consistit in amicitabili jure ad abundantiora auxilia divinæ gratiæ pro variarum virtutum actibus exercendis.

6. Notandum sextò. Ex hucusque dictis constare, quatuor effectus à peccato veniali relinqui. Primus est inordinata adhesio ad rem temporalem: Secundus carentia illius nitoris, quem anima habuisset, per actus virtutum, si in ordinatâ illâ adhesionem non posuisset impedimentum. Tertius est carentia acceptabilitatis & juris amicitabilis ad abundantiora gratiæ efficacis auxilia. Et quartus minor facilitas extensiva, seu major tepiditas ad exercendos charitatis, aliarumque virtutum actus. His positis quaeritur, in quoniam istorum formaliter consistat macula peccati venialis?

## §. II.

*Resolutio questionis.*

7. **CONCLUSIO.** *Macula peccati venialis formaliter non consistit in peccato præterito non retractato, (2) neque in passiva inclinatione & adhesionem ad res creatas (3) neque in privatione vel absentia actuum charitatis (4) sed in privatione fervoris extensivi charitatis primum expositi.*

Ratio primæ partis est primò, quia S. Script. dicit, hominem etiam per peccatum veniale maculari: ergo cum hoc sit fundamentum maculam peccati mortalis constituendi in aliquo, quod sit animæ intrinsecum, etiam est fundamentum idem asserendi de macula peccati venialis: sed peccatum præteritum non est intrinsecum animæ: ergo.

Secundò. Macula ut sic significat formaliter privativam carentiam alicujus nitoris debiti: ergo etiam macula peccati venialis. Tertiò. Si macula venialis formaliter consisteret in peccato præterito, tunc non remitteretur formaliter nisi per actum formaliter aut virtualiter oppositum: sed hoc non posse dici constabit ex probatione tertiæ partis.

8. Ratio secundæ partis præter modò dictas ulterius est primò. Conversio habitualis in mortali se habet tanquam materiale: ergo etiam in macula venialis peccati ita se habet. Secundò. Contactus corporeus non est ipsa macula corporea, sed causa & dispositio ad ipsam: ergo etiam inordinata adhesio ad res creatas, quæ est quasi contactus animæ, non est ipsa macula, sed dispositio ad ipsam. Tertiò. Omne ens positivum est à DEO: macula non est à DEO: ergo non potest esse formaliter ens positivum.

9. *Ratio tertiæ partis est: si macula peccati venialis consisteret in privatione actus à charitate eliciti, vel imperati, tunc veniale non posset remitti nisi posito ejusmodi actu: qui privatio*

non tollitur nisi per formam oppositam: sed consequens est falsum: ergo. Minor probatur: Venialia remittuntur in Sacramento ex opere operato per infusionem gratiæ, dummodo saltem per virtutalem attritionem homo sit dispositus ad ipsorum remissionem: sed in eo casu non semper adest actus charitatis: ergo. Majorem habet S. D. in 3. p. q. 87. a. 3. in c. dicens: *Per Sacramenta nova legis remitti peccata venialia, in quantum per illa infunditur gratia.* Minor probatur: partim quia experientiâ constat, in insipiente Sacramento non semper excitari actum charitatis, præsertim si sit distractus, vel ante completum Sacramento incidat in phrenesin, &c: partim quia si remissio venialium in Sacramento fieret per excitatos actus charitatis, remissio magis fieret ex opere operantis, quàm ex opere operato: neque Sacramenta haberent majorem virtutem ad remissionem venialium, quàm habeant sacramentalia, quod est contrarium doctrinæ S. Th. remissionem venialium per Sacramenta expressè distinguens ab illa quæ fit per sacramentalia, dum loco cit. ita loquitur: *Remissio per Sacramenta fit in quantum infunditur gratia & per infusionem gratiæ tolluntur venialia: per sacramentalia verò, in quantum sunt cum aliquo motu deestimationis peccati, vel reverentia in DEUM.*

Ratio quartæ partis est: Macula peccati venialis debet formaliter consistere in defectu & carentia morali alicujus nitoris debiti inesse animæ: sed alius nitor non est assignabilis, quàm ipse fervor & extrinseca perfectio charitatis: ergo. Minor probatur: Ille nitor vel esset ipsa entitas & habitus charitatis, vel actus, vel intensio, vel modalis perfectio, vel tandem extensiva & connotativa perfectio ipsius. Non est ipse habitus vel intensio ipsius, quia per veniale nec amittitur, nec minuitur: non actus, quia iste ad remissionem peccati venialis non requiritur: non modus, quia non datur: superest ergo ut sit connotativa & extensiva perfectio charitatis.

Obijcies auctoritatem S. D. hic q. 89. a. 1. in 1. c. dicens, quod peccatum veniale tantum inducat maculam secundum quid, eò quod non tollat permanentem nitorem gratiæ & charitatis, sed transeuntem, & quasi extrinsecum, qui relucet in actibus charitatis. Ergo videtur D. Th. maculam peccati constituere in privatione ipsorum actuum charitatis.

Respondeo per veniale tolli nitorem ipsorum actuum consecutivè, formalis verò & per prius fervorem extensivum: qui ipse fervor, cum facilis modò minuat, modò recuperetur, non tam habet rationem nitoris permanentis, quàm transeuntis: ideoque privatio ipsius non est macula simpliciter, sed secundum quid; præsertim cum potius sit privatio moralis, quàm physica: sicut & ipse fervor potius est forma moralis, quàm physica.

Colliges ex dictis: sicuti subjectum proximum maculæ peccati mortalis est ipsa animæ substantia, siquidem forma opposita, nempe gratia sanctificans, in ipsa animæ substantia subijciatur; sic ex opposito proximum subjectum maculæ venialis esse voluntatem, quippe in quâ fervor charitatis seu forma opposita subijciatur.



## ARTICULUS IV.

## Quodnam sit subiectum remotum peccati venialis.

## SUMMARI A.

1. Quilibet homo viator potest peccare venialiter in presenti statu.
2. Non autem in termino viae.
3. Homo in statu innocentie non potuit peccare venialiter.
4. Nec Angelus viator potuit peccare venialiter.
5. Disparitas cur in statu innocentie potuerit peccari mortaliter, non autem venialiter?
6. Disparitas inter gratiam naturae reparatam, & integram.
7. Quomodo potuerit Adamo sub veniali prohiberi comestio pomi?
8. Cur Adamus potuerit mereri vitando venialia, non autem illa committere?

## § I.

*An Angelus, vel homo in statu innocentie potuerit peccare venialiter?*

1. Certum est primò. Quemlibet hominem viatorem in presenti statu naturæ lapsum posse peccare venialiter, ut amplius dicitur in Tract. de gr. B. V. exceptâ, quam speciali privilegio à venialibus etiam peccatis preservatam fuisse piè credit tota Ecclesiæ ex communi PP. doctrina.
2. Certum est secundò. Extra statum viæ sive in termino beatitudinis, sive in termino damnationis non esse locum peccato veniali. Non in termino beatitudinis, quia status beatificus essentialiter excludit quamcunque levissimam miseriam, errorem, & offensionem DEI, quandoquidem quæcunque volunt & amant, illa volunt ordine ad DEUM & summum bonum clarè visum. Non in termino damnationis, quia ille status facit, ut damnati quæcunque agant ex odio DEI, adeoque induant mortalem malitiam. Neque refert, quòd legantur Dæmones aliquando ad quasdam levitates & jocos, qui non nisi venialem malitiam continent, homines instigasse: nam & ista non agunt nisi ex pessima intentione, homines à DEO ad suum cultum & familiaritatem abstrahendi. Hoc posito, sit
3. CONCLUSIO PRIMA, *Homo in statu innocentie non potuit peccare venialiter.* S. D. q. 89. a. 3.

Ratio ipsius est primò. In quolibet peccato veniali supponitur defectus debite subordinationis inter vires inferiores & superiores: atqui talis defectus repugnat in statu innocentie: ergo in eodem statu repugnat peccatum veniale. Major probatur. Peccatum veniale vel est tale ex subreptione, & defectu plenæ deliberationis, vel ex genere & conditione objecti, vel ex parvitate materiæ: sed in omnibus istis modis invenitur aliqua turbatio debiti ordinis: nam peccatum ex subreptione ideo contingit, quòd appetitus inferior antevertat deliberationem & perturbet iudicium rationis: si est peccatum veniale ex genere suo, vel parvitate materiæ, tunc ideo fit, quòd ratio inferior, quæ operatur circa mediâ,

non servet debitam subordinationem ad rationem superiorem ultimo fini immobiliter adhaerentem, ut habet S. D. q. 89. a. 3. vel enim ratio inferior fertur in mediâ, ut regulata à ratione superiori firmiter adhærente fini ultimo, aut non. Si primum; non potest esse deordinata circa mediâ, adeoque nec potest esse veniale peccatum: si secundum; ergo non operatur ut subordinata rationi superiori. Minor constat. In hoc quippe status innocentie consistebat, quòd cum esset status naturæ felicitis & integre, ratio superior esset subordinata DEO, ratio inferior superiori; ex qua deinde subordinatione reliquarum etiam virium subiectio & debita subordinatio promanebat.

Ratio est secundò ex arg. *Sed contrâ.* Statui innocentie repugnat quodlibet malum, pœnalitas & miseria: sed peccatum veniale est animæ miseria inducens reatum pœnæ, & per pœnitentiam, quæ est quædam afflictio spiritûs, expiari debet: insuper ex eiusmodi frequentatis actibus potuisset generari habitus vitiosus, qui est miseria naturæ rationalis: ergo peccatum veniale repugnabat pro statu innocentie. Major est communis Theologorum è S. Aug. l. 14. de civit. DEI dicente: *Nec aberat quicquam, quod bona voluntas adipisceretur, nec inerat, quod carnem animusque hominis feliciter viventis offenderet.* Quæ rationes cum procedant ex natura status innocentie, probant, impotentiam peccandi venialiter statui innocentie convenire non tantum ex protectione DEI extrinseca, sed etiam ex intrinseca exigentia status illius.

CONCLUSIO SECUNDA, *Angelus viator non potuit peccare venialiter.* S. D. a. 2. Ratio est primo ex dictis. Major longè fuit perfectio Angeli viatoris, quam hominis in statu innocentie: ergo si iste non potuit peccare venialiter, obstante perfectâ virium subordinatione, multò minùs Angelus potuit venialiter peccare. Ratio est secundò: quia sicut intellectus Angelicus attingit conclusiones in ipsis principiis, sic voluntas ipsius non fertur in mediâ, nisi prout sunt sub ordine finis ultimi: ergo non potest deordinari circa mediâ, nisi hoc ipso deordinetur circa ultimum finem: sed hoc est peccatum mortaliter: ergo.

## § II.

*Solvuntur objectiones.*

Obijcies primò. Iustitia originalis non præservabat hominem à peccatis mortalibus: ergo neque præservasset à venialibus. Consequentia probatur: Mortale peccatum est incomparabiliter majus malum, quam veniale: ergo si ipsius malitia, miseria, & inordinatio non fuit impedita per iustitiam originalem, neque minor longè miseria peccati venialis fuisset impedita.

Respon-

Respondeo negando paritatem, & causalem probationis. Ratio disparitatis est: quia cum status innocentie non esset suâ naturâ inamissibilis, potuit in illo committi peccatum tantæ inordinationis, perquam ipse status perderetur & destrueretur: quia verò non potuit in sensu composito simul consistere cum aliqua miseria, & virium deordinatione, idcirco excludebat peccatum veniale, quippe quod ad destruendam iustitiam originalem non fuisset sufficiens, & tamen suppositus esset inordinationem virium inferiorum cum superioribus statui innocentie repugnantem.

6. Obijcies secundò. Gratia, quam in statu nature reparatæ habemus ex meritis Christi, plus potest ad conjunctionem hominis cum DEO, quàm gratia iustitiæ originalis: sed illa comparitur peccatum veniale: ergo & illa.

Respondeo negando paritatem & causalem ipsius: nam impotentia venialiter peccandi in statu iustitiæ originalis non præcisè oriebatur ex conjunctione rationis superioris ad DEUM, sed ex illa quatenus includente donum integritatis, & subjectionem virium inferiorum ad superiores, & excludente omnem miseriam.

7. Obijcies tertio. Potuit DEUS comestitionem de ligno scientiæ prohibere sub peccato veniali: sed tunc Adamus utique tantum peccasset venialiter: ergo potuit Adamus in statu innocentie

peccare venialiter. Confirmatur. Nulla apparet repugnantia, cur Adamus non potuerit dicere verbum otiosum, quod est ex genere suo veniale: imò fors. n. Adamus defacto peccavit nimis curiosi aspectu pomi, vel Eva otiosa confabulatione cum Serpente? neque enim ista excedunt limites peccati venialis.

Respondeo distinguendo majorem. Potuit DEUS sub peccato veniali prohibere comestitionem, ut incurrendo post suppositam amissionem iustitiæ originalis per mortale peccatum, concedo; antecedenter, nego. Non enim potuisset Adamus errare circa media ad finem, priusquam errasset circa ipsum ultimum finem.

Ad confirmationem eadem est responsio. Nam priusquam Adamus commisisset ejusmodi peccatum leve, jam prius naturâ aberrasset à fine ultimo per mortale peccatum, illa verò curiositas, quâ primi parentes defacto peccarunt, jam supponit finem superbiæ mortaliter malum.

Obijcies quarto. Potuit Adamus mereri vi- 8. tando peccata venialia: ergo etiam poterat illa liberè committere; siquidem meritum est de materia libera.

Respondeo negando consequentiam; quia ad merendum sufficiebat ipsi libera potentia contradictionis, saltem ex suppositione status innocentie [de quo aliàs] non autem ad peccandum venialiter.

## ARTICULUS V.

### *Utrum peccatum veniale possit consistere cum solo originali?*

#### S U M M A R I A.

1. Quid intelligatur per primum instans rationis?
2. Converso in DEUM alia explicite, alia implicita.
3. Probatur obligatio se in primo instanti rationis convertendi in DEUM.
4. Peccatum originale non stat cum solo veniali.
5. Qualis sit imperfectio deliberationis in puero veniente ad usum rationis?
6. 7. Solvuntur objectiones contra obligationem se convertendi in DEUM in primo instanti rationis.
8. An illa conversio effect supernaturalis?
9. Respondetur affirmativè.
10. Adhuc tamen darentur infideles negativè.

#### §. I.

Statuitur obligatio in primo instanti rationis se convertendi in DEUM.

1. **R**ESOLUTIO hujus quæstionis pendet à resolutione alterius; utrum homo in primo instanti usus rationis, sive quo tempore primò potest discernere inter bonum & malum morale, ipsique occurrat occasio sese determinandi ad bonum honestum, vel delectabile, teneatur sub peccato mortali se convertere in DEUM saltem sub confusa ratione boni honesti implicitè cognitum? Pro cuius explicatione

Notandum primo. Per primum instans rationis non intelligi aliquod instans indivisibile & momentaneum temporis, physicum aut mathematicum, sed instans morale, h. e. totum illud

temporis spatium, quo tardius aut citius juxta diversitatem ingeniorum practicus discursus absolvitur, in quo puer deliberat, seque determinat, an bonum honestum, vel præ honesto bonum sensibile & delectabile amplecti debeat? quod proinde instans è pluribus physicis instantibus integratur, in quibus primum vocatur instans initium, ultimum verò completivum, seu terminativum.

Notandum secundò. Hominem vel explicite 2. vel implicitè in DEUM converti posse. Explicitè convertitur, si actu dilectionis fertur in DEUM, vel ut autorem naturalem sub lumine fidei cognitur. Certum est, non esse impositum cunctis hominibus obligationem, sese in primo instanti usus rationis explicitè convertendi in DEUM, cum experientia constat, multos è barbaris, rudibusque hominibus in sylvis vel al- 3. pibus natos & educatos, nullam habere, aut habere posse explicitam cognitionem de DEO, quippe quæ non nisi per auditum, aut longiorem discursum obinetur.

CONCLUSIO PRIMA. Puer in primo instanti usus rationis teneatur se convertere in DEUM ut ultimum finem, eo modo, quo potest; h. e. explicitè, si DEUS ipsi representatur explicitè, [non contingit inter dociliores pueros fideles] implicitè vero, si DEUS tantum confusè & implicitè representatur, ut solet inter barbaros & infideles contingere. S. D. a. 6.

Ratio est primò. Quamprimum homini lex naturalis sufficienter promulgatur, tenetur eandem acceptare sub peccato mortali; sicuti quamprimum homini lex Evangelica sufficienter innotescit, tenetur illam amplecti, proponendo vivere secundum illam: sed quamprimum homo pervenit ad usum rationis, ipsi sufficienter intimatur lex naturalis de sui conversione in debitum finem: ergo tunc sub mortali obligatur illam acceptare. Minor probatur: Quamprimum homini occurrit & proponitur deliberandum, an sequi debeat bonum honestum, vel delectabile, tunc luminis naturalis, & synteresis illustratione ipsi dicitur, bonum honestum sensibili & delectabili esse præponendum: sed quod in primo instanti usus rationis homini occurrit, est, ut deliberet de seipso, num sequi debeat bonum honestum, an delectabile? ergo etiam homini ad usum rationis venienti sufficienter intimatur lex naturalis de proseguendo honesto; adeoque de conversione saltem implicita suis ipsius in DEUM, quam proinde omitendo peccabit mortaliter.

Ratio est secundò. Datur præceptum affirmativum, pro tempore determinato DEUM diligendi super omnia, seque in ipsum ut ultimum finem convertendi: ergo tenetur homo in primo instanti usus rationis DEUM diligere super omnia, eo modo quo potest, nimirum vel explicitè, vel implicitè, juxta mensuram cognitionis. Consequentia probatur. Non est aliud tempus magis conveniens pro hujus præcepti observantia, quam quo homo pervenit ad usum rationis: ergo si unquam est obligatio hujus præcepti, tunc est. Antecedens probatur primò: quia maxime est consentaneum rationi, tunc præfigere viæ terminum, cum viam incipis: sed in primo instanti usus rationis homo incipit propriè esse viator & moraliter ingreditur mundum. Secundò: quia tunc legi naturæ homo actu subjicitur quoad universa præcepta ipsius, inter quæ primum & finis reliquorum est, DEUM diligere. Tertiò: quia alia tempora assignabilia pro observantia hujus præcepti, longè minùs sunt accommodata, vel quia nimis remota & fera, ut tempus mortis; vel quia tantum habent obligationem DEUM diligendi per accidens & commune omnibus, ut tempus gravis tentationis. Quartò: quia Angelus in primo instanti viæ habuit præceptum DEUM super omnia diligendi: ergo & homo in primo morali instanti suæ viæ. Hinc jam facili viâ sequitur præsentis §. resolutio. Unde,

## §. II.

*Resolutio questionis.*

4. CONCLUSIO SECUNDA. Peccatum originale non potest consistere cum solo veniali. S. D. hic a. 6.

Ratio ex doctrina præcedenti deducta est primò: Aut homo in primo instanti usus rationis convertitur in DEUM; & tunc per gratiam consequetur remissionem peccati originalis, inquit S. D. a. 6. in c. quia DEUS vivens quod in se est, non denegat suam gratiam; aut non convertitur in DEUM; nec seipsum ordinat ad debitum finem, secundum quod in illa ætate est capax discretionis,

& tunc peccat mortaliter, non faciens quod in se est ad implendum naturale præceptum seipsum ordinandi in debitum finem ultimum: ergo peccatum veniale nunquam consistit cum solo originali. Consequentia probatur: Homo vel peccaret venialiter ante instantem usum rationis, vel in illo, vel post illud. Non ante: quia tunc supponitur adhuc destitutus facultate moraliter operandi. Non in illo: quia vel justificatur, vel peccat mortaliter, ut ostendimus. Non post illud: quia in ipso instanti usus rationis supponitur vel justificatus, vel actuali peccato mortali inquinatus, quod non nisi unà cum originali remitti potest.

Ratio est secundò ex argum. Sed contrà. Videtur inconveniens, ut homo in præsentī vita talem statum obtineat, cui nullus locus & status respondeat in altera vita: sed habenti simul originale & solum veniale peccatum, nullus responderet status in altera vita. Nam pone, talem hominem mori, is non veniret in infernum: quia hic est locus supplicii æterni pro peccatis mortalibus actualibus. Non in purgatorium, quia hoc est locus supplicii temporalis pro solis venialibus nondum plenè expiatis. Non ad limbum purorum, quia iste deputatus est pro solo originali infectis & cætera innocentibus. Non etiam in cælum, ut per se patet.

## §. III.

*Solvuntur Objectiones.*

Obijcies primò. Priusquam puer habeat judicium perfectum de malitia objecti & perveniat ad statum perfectæ deliberationis, potest habere judicium imperfectum, & imperfectam deliberationem: sed imperfecta advertentia & deliberatio sufficiunt ad peccatum veniale: ergo prius puer poterit peccare venialiter, quam peccet mortaliter. Major probatur: quia ratio in homine successivè expeditur, neque instans usus rationis est mathematicum, sed morale ab actibus imperfectioribus ad perfectiores progrediens: ergo homo prius pervenit ad usum rationis imperfectum, quam ad perfectum.

Confirmatur à paritate adultorum, qui dum excitantur à somno, vel ex ebrietate ad mentem redeunt, aliquando tantum habent usum rationis sufficientem ad peccandum venialiter propter imperfectam cognitionem & deliberationem: ergo idem dicendum de puero veniente ad usum rationis.

Respondeo negando maj. & ratio est, quòd primum instans rationis nihil sit aliud, quam primum discursus practicus, quo puer discernit inter bonum & malum: atqui faciliùs discernit & cognoscit majus malum peccati mortalis, quam minus malum peccati venialis: unde homo perveniens ad hoc ut possit discernere malitiam venialis peccati, multò magis habet potentiam discernendi malitiam peccati mortalis: sicuti qui cognoscit furtum unius oboli esse illicitum, multò magis cognoscit illicitum esse furtum unius ducati, &c.: obiectum quippe quanto magis est disconveniens alicui potentie, tanto facilius ab illa ut tale apprehenditur. Ad probationem nego consequentiam: nam etiam instans usus ratio-

Infra plures actus includat à primo & initiativo instanti usque ad ultimum & consummativum ipsius, tamen usus ipse rationis seu facultas discernendi inter bonum & malum acquiritur in instanti completivo discursus practici, ubi habetur plena cognitio & deliberatio.

Ad confirmationem nego consequentiam: nam cum veniale peccatum committitur ex semiplena liberatione tempore imperfectæ vigiliæ, id non contingit quia tantum habet facultatem ad imperfectè deliberandum, sed quia facultas ad perfectè deliberandum hic & nunc turbatur, & impeditur, ut actu non perfectè deliberet: atqui puer in primo instanti usus rationis primum acquirit potentiam ad perfectè deliberandum; quæ proinde ad imperfectè deliberandum ligata & impedita esse non potest.

6. Obijcies secundò. Si puer in instanti usus rationis se non convertens in DEUM, mortaliter peccaret, esset ideo, quia haberet gravem obligationem seipsum ordinandi in debitum finem, secundum quod in illa ætate est capax discretionis, ut loquitur S. D. citatus: sed talis obligatio non est: ergo. Minor probatur primò: quia tale præceptum neque autoritate Scripti, neque SS. PP. neque ratione constat. Secundò. Nemo est sollicitus, an hoc præceptum impleverit, neque fideles de tali peccato se accusant. Tertiò. Quia parvuli ad usum rationis venientes non habent talis præcepti notitiam, ideoque per invincibilem ignorantiam ab ejus transgressione excusantur, cum de facto nulli sequentes contrariam opinionem habeant istius præcepti invincibilem ignorantiam. Quartò. Pueri baptizati ferè semper amitterent gratiam, cum ad usum rationis perveniunt, quia pauci sunt, qui se per amorem DEI super omnia convertant in debitum finem ultimum.

7. Respondeo, negando minorem, cujus obligationis existentiam ostendimus in §. 1. Unde ad contrarias probationes & ad 1. Respond. Præceptum de diligendo DEUM constare ex Scripti. PP. & ratione; quod autem illud obliget in primo instanti, id probat autoritas S. Doctoris, & Lumen rationis. Ad 1. Respondeo. Id fieri quia fideles adulti se supra talem obligationem non reflectunt, vel oppositè sententiæ probabilitati deferunt. Ad 3. nego antecedens: quia pertinet ad authorem naturæ manifestare obligationem istius præcepti, tanquam omnium primi, & ex quo totus ordo practicus derivatur. Nec est paritas ab adultis viris istud præceptum invincibiliter ignorantibus: nam pueris in primo instanti mediante dictamine synteresis illud præceptum practice & in actu exercitò ita clarè proponitur, ut illud ignorare, aut de illo dubitare non possint. Quia verò hæc propositio & promulgatio præcepti unà cum morali instanti usus rationis finitur & transit, ad novam illius præcepti cognitionem novus etiam discursus requiritur, qui cum passionibus aut variis rationibus dubitandi faciliè turbetur, ideo contingit, multos de hujus obligationis existentia de facto dubitare, qui in ipso instanti usus rationis de illa nequam dubitant.

de multis pueris inter fideles probè educatis contrarium potius præsumi debet.

## § IV.

*Expeditur gravis difficultas ex Tractatu de gratia.*

Sed ex his insurgit nova difficultas ex Tract. de 8. grat. quam pro hujus loci exigentia breviter resolvimus. Etiam si permittatur, in primo instanti usus rationis esse obligationem sese convertendi in DEUM: tamen non sequitur, quòd ille, qui se convertit in DEUM, justificetur à peccato originali: ergo si ille post hanc conversionem peccet venialiter, potest veniale consistere cum solo originali. Antecedens probatur: Huic præcepto & obligationi satisficit per amorem honesti ut sic, si nempe puer fibi proponat honestè & secundum rationem vivere: sed amor honesti ut sic, non sufficit ad justificationem: ergo puer satisfaciendo huic præcepto non ideo justificatur à peccato originali. Major constat in primis, quia puer non potest ad plus obligari, quam ipsi proponitur: sed aliquando tantum proponitur bonum honestum ut sic, in illis nimirum qui inter infideles nati & educati habent invincibilem ignorantiam mysteriorum fidei, ideoque appellantur infideles negativi. Minor etiam constat, quia ad justificationem extra Sacramentum necessarius est amor DEI supernaturalis, præsupponens essentialiter fidem & cognitionem DEI ut auctoris supernaturalis: amor verò honesti ut sic est merè naturalis, & sic insufficiens dispositio ad justificationem.

Ad hanc difficultatem, cujus enucleatam resolutionem remitto ad Tractatum de gratia, relidis variorum intricatis responsionibus. Resp. negando antec. quia juxta Angelici Doctoris axiomata à Theologis communiter receptum, *DEUS homini facienti quod in se est, non denegat suam gratiam*; ideoque si in primo instanti usus rationis homo obliqueretur legi naturali sese convertendi in DEUM, ipsi infunderetur illustratio fidei, & acciperet gratiam justificationis. Ad probat. in contrarium, nego maj. & dico: Cum homo de facto sit in statu naturæ elevatæ in finem supernaturalem, non tantum obligari, ut se convertat in DEUM, ut Authorem & finem ultimum naturalem, sed etiam ut Authorem & finem supernaturalem, adeoque per actum supernaturalem, & virtute auxilii supernaturalis. Quod quidem dupliciter fieri potest, vel explicitè, vel implicitè; juxta modum nimirum, quo DEUS sub ratione ultimi finis magis vel minus explicitè & perfectè representatur. Si ergo prævia fidel illuminatione & instructione DEUS explicitè representetur ut remunerator, seu Author vitæ supernaturalis, tenebitur puer in primo instanti usus rationis se in ipsum explicitè convertere per actum dilectionis DEI super omnia: qui proinde in casu, quo peccatum originale nondum esset extinctum, sufficeret ad ipsius remissionem & justificationem. In casu verò, quo defectu Evangelicæ predicationis ratio finis ultimi tantum confusè representaretur, ita ut puer nec illos qui



quidem articulos, quorum fides in omni statu est necessaria ad salutem, quod nempe *DEUS* sit, & *inquirentibus remunerator* sit, Hebr. 11. distinctè cognosceret, saltem habebit supernaturalem illustrationem & cognitionem honesti supernaturalis, quod nempe detur regula quædam mundo & naturæ superior nostrarum operationum directrix, cujus ductum sequi oporteat. Cui regulæ si se puer supernaturali voluntatis actu conformet, & secundum illam vivere proponat, sicque faciat quod in se est, non quidem vi istius præcisè actus iustificabitur: sed tamen dispositum se faciet, ut *DEUS* ipsi articulos fidei ad salutem explicite credi necessarios revelet, atque ad perfectum sui amorem perducendo gratiam peccati originalis remissivam infundat. Si verò huic supernaturali vocationi & inspirationi non consentiat, peccabit mortaliter, contra præceptum sese convertendi in *DEUM* saltem implicite & confusè sub ratione honesti supernaturalis cognitum.

Dices. Hæc ratione non dabitur ullus infidelis negativè: quia qui resistit illustrationi supernaturali in fide, non est infidelis negativè [h. e. habens quidem carentiam fidei, sed sine sua culpa] sed omnes pueri venientes ad usum rationis habent illustrationem supernaturalem in fide: quia prima illustratio supernaturalis, qualis ista esse supponitur, est illustratio fidei: ergo nullus esset infidelis negativè, quod est contra communem Theologorum acceptam ex D. Augustino.

Respondeo, negando consequentiam; & majorem probationis distinguo: Qui resistit illustrationi distinctè representanti necessariis articulos ad credendum, est infidelis privative concedo; tantum confusè representanti, & ad ulteriorem disponenti, nego: sed omnes pueri habent illustrationem supernaturalem, vel confusè vel distinctè representantem finem supernaturalem, concedo; semper distinctè, nego min. & consequentiam. Vide quæ loco cit. dicimus.



TRA-

# TRACTATUS VII.

DE

## PECCATO ORIGINALI.

### PROLOQUIUM.

**P**ostquam *personalis peccati* stygiam larvam ab oculis tuis removi, Amice Lector, ecce! novum monstrum objicitur, *peccatum originale*; hydra non minùs caudâ, quàm capite metueda: Capite; nam est culpa Capitis, & à capite venenum lethale diffudit in omnia humanæ naturæ membra: Caudâ quoque; non enim tertiam tantum partem, ut ille draco Apocalypticus; sed omne genus humanum (exceptâ illâ, quæ *caput serpentis contrivit*) feralibus, & ineluctabilibus spiris implicuit. Tractatum de hoc originali peccato angelicus Doctor suscepit q. 81. & per tres consequentes quæstiones expedit, cum ageret de causis peccati; ubi post varias peccatorum causas, ostendit, in peccato originali etiam hominem homini lupum esse, quamvis de eodem in 4. contra gentes à c. 50. usque ad 52: & q. 4. & 5. de malo jam priùs disputaverit. Mihi materiæ gravitas & amplitudo persuasit, ut originale peccatum, tanquam personali oppositum in specialem Tractatum digererem. Necessitatem hujus Tractatus agnoscit D. Augustinus eo ex capite, quod tota fermè doctrina fidei & Religionis Christianæ illius notitiam & fidem præsupponat: *In causa duorum hominum* (inquit de peccato originali c. 23.) *per quorum unum venundati sumus sub peccato, per alterum redimimur à peccatis, propriè fides Christiana consistit.* Difficultatem quoque illius ingenuè fatetur l. 3. de peccator. mer. & remiss. c. 4. dicens: *Licet nihil sit hoc peccato ad prædicandum notius, nihil tamen est illo inter fidei nostræ mysteria ad intelligendum secretius.* Quam tamen difficultatem ductu angelici Doctoris superare & eluctari conabimur.

## DISPUTATIO XXVI.

DE

### Existentia peccati originalis.

**N**omine peccati originalis à Catholicis intelligitur quidam defectus moralis, five labes, quæ hominem naturali viâ generationis ex Adamo totius humani generis Capite descendente, ex vi illius peccati, quod primus parens commisit, comitatur & inquinat, ac quamdiu non abluitur, aut remittitur, DEO exosum reddit, eumque ab æterna beatitudine excludit. Dicitur originale, partim quia derivatur ab Adamo, qui est caput & origo naturæ humanæ, partim quia à prima origine & instanti

ti animationis, quo anima corpori infunditur, & vi propagationis seminalis animam maculat, ex quo capite etiam dicitur peccatum naturæ.

## ARTICULUS I.

### *An detur peccatum originale?*

#### SUMMARI A.

1. Quid nominis peccatum originale?
2. Hæreses de peccato originali.
3. Hæreses recentiores.
4. Veritas Catholica ostensa ex Conciliis.
5. Ex S. Scriptura.
6. Ex baptismo infantum.
7. Ex effectu.
8. Exponuntur objecta testimonia S. Script.
9. Exponuntur testimonia.
10. Solvuntur rationes hereticorum.
11. Et ostenditur, honestatem conjugii non violari per translationem peccati originalis.

#### §. I.

##### *Veritas Catholica.*

1. **V**arias hæreses circa peccatum originale ortus evomuit. Ex antiquis fuit in primis hæresis Manichæorum, dicentium, quod Adamus peccando nobis nihil, sed sibi soli nocuerit. Unde etiam negabant mortem corporis, aliasque miseriae esse effectum peccati originalis. Eundem errorem initio tenuere Pelagiani, sed ut habet S. August. l. 3. de peccat. merit. & remiss. c. 6. & l. de hæres. hæz. 88. postea verò, ut satisfacerent objectis, S. Script. autoritatibus, ac definitioni Concilii Palæstini, in quo prædicta hæresis fuit damnata, dixerunt, Adæ peccatum posteris nocuisse non verà propagatione, sed imitatione & exemplo, prout refert idem S. P. lib. de pecc. origin. l. c. 12. usque ad 15. Postremò tandem concesserunt nocuisse quoad mortem ac pœnas corporis, non autem quoad mortem animæ, & verum aliquod peccatum, ut habet S. August. l. 4. contr. 2. epist. Pelag. Accesserunt Armeni VII. sæculo, qui apud Gaulterium, cum baptismum ad salutem necessarium esse dicerent, tamen tollebant originale peccatum, & Sacramentis vim gratiam conferendi adimebant.
3. Hos posterioribus sæculis secuti sunt Albigeneses apud D. Antoninum p. 4. tit. 11. c. 7. §. 5. Abailardus ep. 188. Zwinglius in l. de baptismo dicens: *Peccatum originis non esse peccatum, sed naturæ morbum.* Joannes Westphalus apud eundem Gaulter. ad annum 1600. c. 12. n. 12. dicens: *Non esse peccatum ullum originis, neque S. Augustino, qui id asserat, fidem ullam habendam esse.*
4. Adversus istos hæreticorum errores est inconcussum fidei dogma, peccatum originale habere veram rationem culpæ per naturalem propagationem à primo parente traductæ in posterum. Ita contra Pelagianos definitum est in Concilio Palæstino, cuius meminit D. Augustinus l. 1. contra Julian. c. 2. In Milevitano, can. 2. Arausicano 11. c. 2. iis præcipue verbis: *Injustitiam DEO dare convincitur, qui mortem sine peccato, quod est*

meritum mortis, transire dicitur. Florentino in Decreto Unionis. In Tridentino sess. 5. de pecc. orig. definiens can. 2. *Si quis Adæ prævaricationem sibi soli, & non ejus propagini, asserit nocuisse, & acceptam à DEO sanctitatem & iustitiam, quam perdidit, sibi soli, & non nobis etiam eum perdidisse, aut inquinatum illum per inobedientiam peccatum mortem, & pœnas corporis tantum in omne genus humanum transdidisse, non autem & peccatum, quod mors est anima, anathema sit, &c.*

Deducitur primò ex manifestis S. Scripturæ testimoniis. Et primò ex Job c. 14. v. 4. *Quis potest facere mundum de immundo conceptum semine?* quem textum 70. Interpp. quos sequuntur DD. Augustinus, Cyprianus, Ambros. legunt. *Nemo mundus à sorde, nec infans, cujus est unius diei vita super terram.* Et Hebræi: *Quis dabit mundum ab immundo? non unus, etiamsi breves dies ejus.* Quæ porro ista labe, quæ etiam unius diei infantem polluit, nisi originalis, cum de spiritali labe animæ sermonem esse ostendant verba adjuncta: *Nonne tu, qui solus es?* Et rursus: *Et dignum ducis super hujuscemodi aperire oculos tuos, & adducere eum tecum in iudicium.* Spirituales quippe sordes abluere, proprium DEI munus est: neque pro alia, quàm animæ labe & culpa aliquis adducitur in iudicium.

Secundò in Psal. 50. v. 7. David, *Eccè, inquit, in iniquitatibus conceptus sum,* Hebræicè: *in iniquitate.* Quod cum non possit intelligi de iniquitate parentum, siquidem David ex legitimo fuit toro progenitus, neque de propria personali, solum potest accipi de iniquitate, & peccato originali.

Tertiò, Apostolus ad Rom. c. 5. v. 12. *Per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt.* Ex quibus sic arguitur: Juxta Apost. Unius nempe primi hominis peccatum fuit causa, ut peccatum omnes homines corripere[et] [ideo dicitur, in quo omnes peccaverunt] & obnoxios morti redderet: sed hoc non est peccatum personale, cum pertineat etiam ad infantes peccati personali incapaces: ergo tantum est peccatum originale. Atque ita hunc locum ab Ecclesia semper intellectum testatur Trid. loco cit. Nec quicquam valet responso Pelagianorum dicentium, quod peccatum Adami non propagatione, sed imitatione transierit in posterum. Nam primò dictum Apostoli comprehendit etiam infantes, qui Adamum peccando imitari non potuerunt. Secundò. Hæc ratione Apostolus potius debuisset dicere, quod per diabolum peccatum intraverit in mundum, siquidem ipse primus peccando malum exemplum dedit sui sequacibus. Eandem doctrinam confis-

confirmat Apostoli comparatio sub finem ejusdem cap. inter inobedientiam Adami, & obedientiam Christi, *sicut enim per inobedientiam unius hominis peccatores constituti sunt multi, ita & per unius obedientiam iusti constituentur multi.* Et illa consequentia 2. Cor. 5. *Si unus pro omnibus mortuus est: ergo omnes mortui sunt.* Sed constat, Christum fuisse mortuum pro omnibus hominibus, etiam parvulis: ergo omnes fuere mortui peccato non utique personali: ergo originali.

6. Probatur secundo antiquissima Ecclesiarum consuetudine etiam infantes baptizantis, ad ablutionem in ipsis peccatum originis, prout per formam baptismi significatur. Nec est alicujus momenti responsio Pelagianorum dicentium, non dari parvulis baptismum in remissionem peccati, sed ad aperiendam januam regni celestis. Nam contra est primo: quod primarius finis & effectus, quem baptismus practice significat, est emundatio à peccato, & spiritualis regeneratio, hoc est, justificatio, quæ de causa Tit. 3. vocatur *lavacrum regenerationis.* Et Ephes. 5. dicitur *Christus mundans Ecclesiam lavacro aque.* Unde contra est secundo. Quod cælum non aperitur nisi removendo prohibens iis, qui per peccatum à cælo fuerunt exclusi, unde nisi parvuli haberent peccatum, etiam à cælo non essent exclusi nec illius aperture indigerent.

7. Probatur tertio ratione. Ubi reperitur necessarius effectus alicujus causæ, ibi & ipsam causam reperiri necesse est: sed necessarius moriendi alique miserie corporales sunt necessarii effectus peccati originalis juxta Divinam comminationem. Genes. 2. *In quocunque die comederis ex eo, morte morieris.* Et Apostoli testimonium in cit. Rom. c. 5. dicentis, quod per peccatum primi hominis in omnes homines mors pertransiit. Insuper comitatur hominem à principio suæ conceptionis: ergo eundem etiam ab initio suæ conceptionis comitatur peccatum originale.

## §. II.

## Solvuntur objectiones.

8. Obijciunt primo auctoritatem S. Script. nam Ezech. 18. dicitur, *Anima, qua peccaverit, ipsa morietur, filius non portabit iniquitatem Patris:* atqui si daretur peccatum originale, filius portaret iniquitatem Patris:

Secundo. Rom. 5. dicitur, *Regnavit mors ab Adam usque ad Moysen, etiam in eos, qui non peccaverunt:* ergo licet omnes mortem corporis, non tamen omnes mortem animæ, seu peccatum ab Adam traxerunt.

Tertio ibidem dicit Apostolus: *Per inobedientiam unius hominis peccatores constituti sunt multi:* ergo non omnes per originem, sed multi per imitationem facti sunt peccatores.

Quarto. 1. Cor. 7. ad Christianos Apostolus dicit: *Filii vestri sancti sunt:* ergo non sunt peccatores.

Quinto. Rom. 4. dicitur: *Ubi non est lex, nec pravaricatio:* sed parvuli recens concepti non sunt capaces legis: ergo nec pravaricationis.

Respondeo ad 1. illum locum juxta expositionem S. Hieronymi loqui de pœna spiritali a-

nimæ, non de culpa: atqui peccatum originale non est propriè pœna, sed culpa, & quidem non aliena tantum, sed etiam nostra, ideoque cum propter peccatum originale pœnas tum corporales tum spirituales patimur, non pro aliena, sed pro nostra culpa punimur.

Ad 2. Respondeo per Tò non peccaverunt, intelligi peccatum personale, quod satis intelligitur ex adjunctis verbis: *in quo omnes peccaverunt.* Mens igitur Apostoli est, ostendere, mortem corporis non esse effectum peccati personalis cujusvis hominis; siquidem illi quoque, qui nunquam personaliter peccaverunt, moriuntur.

Ad 3. dico, Tò multi idem significare, quod omnes, cum immediate Apostolus præmiserit illa verba: *Per unius delictum in omnes homines in condemnationem,* quo modo etiam Christus dixit: *qui pro multis effundetur,* hoc est, pro omnibus.

Ad 4. Respondeo Apostolum solum loqui de sanctitate legali, ut idem sit sancti, quod legitimi. Alii exponunt de sanctitate non in actu, sed potentia proximâ, eò quod ob fidem parentum facile possit filiis applicari baptismus.

Ad 5. distingo subsumptum: parvuli in se spectati non sunt capaces legis, concedo; in suo capite, in Adamo spectati, nego: ergo non possunt peccare & pravaricari in se, & peccato personali, concedo; ut contenti in Adamo, & peccato originali, nego.

Obijciunt secundo auctoritatem quorundam SS. PP. in primis Hieronymi, qui super Ezech. c. 19. ait, *Animam infantis esse sine peccato.* Deinde Ambrosii in illud Psal. 48. *Iniquitas calcanei mei,* &c. dicit, nos ex Adam non contraxisse peccatum, sed lubricum delinquendi. Demum Chrysostomi in epist. ad neophytos dicentis: *Hac de causa etiam infantes baptizamus; cum non sint co inquinati peccato, ut eis detur, vel addatur sanctitas, & adoptio,* &c.

Ad hanc objectionem respondit D. Augustinus l. 1. cont. Julianum, vindicans SS. PP. à calumniis hæreticorum, præsertim Chrysostomum, cujus verba ex Græco sic legenda ostendit: ideo & infantes baptizamus, quamvis peccata non habentes, & dicit textum intelligendum esse de peccatis propriis. Mox tacitam adversariorum replicam depelles subjungit: *Ad inquires, cur non ipse addidit propria? Cur petamus, nisi quia disputans in Catholica Ecclesia non se aliter intelligi arbitrabatur, tali questione nullus pulsabatur, vobis nondum litigantibus securus loquebatur.* Quæ responsio etiam satisfacit ad testimonia ex Hieronymo & Ambrosio adducta; nam Ambrosius quoque cum dicit, nos ex Adam non contraxisse peccatum, sed lubricum peccandi, per peccatum intelligit personale, & actuale peccatum, quod propria voluntate committitur; per lubricum verò delinquendi intelligit vel ipsum peccatum originale, tanquam causam & radicem peccandi, vel fomitem concupiscentiæ, qui culpam originalem præsupponit. Dici etiam potest cum Ysamberto ad q. 81. disp. 1. a. 4. commentaria, ex quibus hæc testimonia Hieronymi & Ambrosii assumuntur secundum communem opinionem his SS. PP. falsò adscribi.

Obji-



10. Obijciunt tertio ex ratione. Si peccatum traduceretur ex Adamo, etiam anima traduceretur ex ipso: sed consequens est falsum: anima quippe creando infunditur: ergo. Sequela probatur: Peccatum est subiectivè in anima: ergo cum ipsum non possit seorsim traduci, necesse erit, ut unà cum subiecto suo traducatur, & sic anima humana erit per traducem, quod est falsum.

Secundo, non est assignabilis causa peccati originalis animam actu inficiens: ergo nullum datur. Antecedens probatur. Vel illius causa esset, qui generat, vel qui generatur, vel DEUS infundens animam, vel Adamus. Non qui generat, aliàs damnanda erunt conjugia, quæ per actum generationis transfundunt originale peccatum; non qui generatur, ut per se patet. Non DEUS, quem implicat esse causam peccati; non Adamus, quem probabilius est nullum habuisse peccatum, cum filios cepit generare, primo peccato jam per penitentiam delecto.

Respondeo ad primum, negando sequelam, & consequentiam probationis; sufficit enim, quòd totus homo, qui in lombis Adami peccatis continebatur, vi ultimarum dispositionum, quæ sunt per seminalem propagationem, ex Adamo propagetur, & anima corpori sic ultimè disposito intundatur, ut è sequentibus magis patebit.

Ad 2. nego antecedens: nam causa hujus peccati erat voluntas Adami, quatenus fuit moraliter voluntas omnium posterorum. Probationem in contrarium distinguo, peccatum Adami

cum filios generaret, jam erat per penitentiam delectum, prout erat personale, & ipsi proprium, concedo; prout erat originale, & voluntarium voluntate capitis, nego. Tunc enim, cum penitentiam ageret, jam à capitis dignitate deciderat.

Sed infas: Necdum salvatur honestas conjugii, & commercii maritalis: quia tamen si ab Adamo mediatè & remotè per propagationem seminalem traducatur originale peccatum; ad hanc tamen traductionem proximè & immediatè concurrunt parentes vacando generationi: sed qui cooperatur ad alterius peccatum, & concurrat ad ipsius spirituale nocumentum, peccat: ergo etiam parentes per generationem prolis concurrentes ad ejus nocumentum spirituale, nempe peccatum originale, peccabunt.

Respondeo, negando assumptum, & suppositum probationis, quòd Adamus mediatè, & proximi parentes proximè concurrant ad traductionem peccati originalis: cum enim juxta dicenda in sequenti disputatione, ista traductio fiat propterea, quòd semen humanum habeat privativam carentiam illius vigoris, quo in statu innocentie poterat propagare justitiam originalem; illa verò privativa carentia dependeat à sola voluntate Adami tanquam capitis, ideo proximi parentes nullo modo ad eandem concurrunt, aut cooperantur; sed hæc ipsa carentia privativa in solius Adami voluntatem refunditur, & ad actum generationis non nisi concomitanter, & per accidens se habet,

## ARTICULUS II.

### Quomodo peccatum originale sit voluntarium?

#### SUMMARIÆ.

1. *Propositio difficultatis.*
2. *Aliud voluntarium formale, aliud terminativum.*
3. *Terminativum applicatur parvulis.*
4. *Quid intelligatur nomine patti sum Adamo.*
5. *Ostenditur hujus patti possibilitas.*
6. *Et probatur necessitas.*
7. *Quod debuit esse Adamo revelatum.*
8. *Peccatum originale est parvulis terminativum voluntarium.*
9. *Respondetur ad rationem difficultatis.*
10. *Responso solvitur.*

#### §. I.

##### Prænotanda.

1. **A**d huc superest difficultas, quo pacto originale peccatum possit habere veram rationem culpæ: omnis quippe culpa debet esse voluntaria: atqui macula originalis non est infantibus voluntaria, quæ de causa etiam ante baptismum innocentes vocantur: ergo macula originalis non potest habere veram rationem culpæ. Pro cuius dubii resolutione, prænotanda est in primis diversa acceptio voluntarii. De quo
2. Notandum primò ex alibi dictis, quòd voluntarium sit duplex: unum consistens in actuali voluntatis exercitio, quòd dicitur voluntarium formale, cuius generis sunt omnes actus, & omis-

siones liberæ voluntatis. Aliud voluntarium est terminus & effectus prædicti exercitii, & dicitur voluntarium terminativum, quo modo habituale peccatum diximus esse terminativè voluntarium. Nam & peccatum aliquando sumitur pro actuali voluntatis defectu, quo DEUS offenditur, & aliquando pro sequela & macula à peccato relicta, quæ peccatum habituale dicitur, eo quòd non se habeat transeunt, sed permanent.

Notandum secundò. Habituale peccatum rectè dividi in personale, & originale. Illud est, quòd in anima resultat ex peccato propria voluntate commissio; istud, quòd ex voluntate capitis derivatur. Unde sicut ad personale habituale peccatum non requiritur, ut actualiter à voluntatis influxu procedat, sed sufficit, quòd ab illa per proprium voluntatis influxum processerit; ita peccatum originale, cum non sit propria voluntate commissum, non requirit, quòd à propria parvulorum voluntate processerit, sed sufficit, quòd præcesserit actus voluntatis alienæ, quæ ipsorum voluntas moraliter reputabatur. Quòd quidem voluntarium, etsi non sufficiat, ut peccatum dicatur, & sit parvulis voluntarium physicè; sufficit tamen, ut sit & dicatur ipsis voluntarium moraliter, vi moralis transfusionis ipsorum voluntatis in voluntatem Adami factæ per decretum & pactum Divinum. De quo

## §. II.

*Exponitur pactum DEI cum Adamo.*

1. Notandum primò. Nomine pacti hoc loco nihil aliud intelligi, quàm decretum Divinum Adamo notificatum, quòd si Adam DEO obediens in accepta iustitia perseveraret, eandem quoque iustitiam originalem in omnes suos posteros ex se gignendos propagaret, & quod Adam fecisset, pro tota sua posteritate fecisse censeretur. Quo proinde pacto debebant omnium hominum voluntates moraliter transfundi in voluntatem Adam, ipsiusque voluntas haberi moraliter pro voluntate totius generis humani in ipsis lumbis etiam physicè contenti.

2. Notandum secundò. Ejusmodi decretum seu pactum esse possibile: nam potest homo in hominem, v. g. procuratorem, & mandatarium, suam transfundere voluntatem, ut, quod ille fecerit, suo nomine factum censeatur, eosdemque effectus sortiatur, ac si ipsemet fecisset: potest supremus Princeps voluntatem subditi, non expectato ipsius consensu transfundere in voluntatem alterius, ut voluntatem pupilli in voluntatem tutoris: ergo multò magis DEUS, qui juxta D. August. magis habet in sua potestate voluntates hominum, quàm ipsi suas, potuit omnium nostrum voluntates conjungere cù voluntate unius principii originantis: præsertim cùm nemo nostrum potuisset esse rationabiliter invitus, ubi de summo favore, nempe transfusione præstantissimi doni, iustitiæ originalis naturæ humanæ prorsus indubitatè agebatur: neque alia conditio onerosa fuerit imposita, quàm observantia præceptorum, quæ tunc Adamo propter naturæ integritatem, Divinorumque auxiliorum abundantiam erac facillima. His positis

3. CONCLUSIO PRIMA. *Ejusmodi pactum cum Adamo initium de fultò necessarium est admi-tendum.* Ita comm. Catholicorum.

Ratio est. Peccatum originale debet nobis aliqua ratione esse voluntarium [aliàs enim culpæ & peccati imputabilis rationem habere non posset] non est autem voluntarium voluntate propriâ, cujus nullus adest actualis & personalis influxus: ergo est voluntarium voluntate alienâ ipsius Adæ: sed ex Adami voluntate non potest nobis esse voluntarium, nisi voluntas Adami moraliter habeatur pro nostra voluntate: ergo ut peccatum originale sit nobis voluntarium ex Adami voluntate, debet ipsius voluntas moraliter haberi pro omnium nostrum voluntate. Atqui hoc non habet voluntas Adami ex sua natura, aliàs non tantummodo primum, sed omnia quæcunque Adami peccata debuissent propagari in posteros: ergo hoc habet ex ordinatione Divina Adamo indicata sub illis verbis: *Quocunque die comederis ex eo, morte morieris*: quam Divinam ordinationem ab Adamo acceptatam pactum nominamus indicatum Os. c. 6. *Ipsi sicut Adam transgressi sunt pactum, ubi prævaricati sunt omnes.* Quæ verba de pacto inito cum Adamo in paradi-so interpretatur Hieronymus, Cyrillus, Prosper, aliique.

4. Ex quo intelliges, hoc Divinum decretum, seu pactum necessarium fuisse Adamo manifestatum.

Ratio est. Ut Adami peccatum non tantum esset personale peccatum tanquam hominis privati, sed etiam peccatum capitis, omnes posterorum voluntates in se moraliter complementis, debuisset sic esse ipsi voluntarium: sed nisi fuisset ipsi revelatum, quòd esset consiliculus caput non solum naturale, sed etiam morale totius posteritatis, qui vel perseverando eidem prodesset, vel prævaricando eidem noceret, non fuisset ipsi ut sic voluntarium, quod enim est propriâ voluntate voluntarium, necessarium est præcognitum: ergo oportebat, ejusmodi decretum Adamo esse perspectum, unde etiam pacti denominationem accepit, in quo duorum mutua notitia & voluntas semper intervenit.

## §. III.

*Resolutio questionis.*

CONCLUSIO SECUNDA. *Peccatum originale ut derivatum in posteros, & in ipsis sub-jectum non est formaliter sed terminativè, non physicè sed moraliter voluntarium, per ordinem ad voluntatem Adami tanquam capitis.* Ita Thomistæ.

Ratio ex dictis est. Omne peccatum etiam habituale debet esse voluntarium: sed peccatum originale est veri nominis peccatum, & culpa reddens hominem DEO odiosum: nam ira appellatur Dan. 9. *Ut deleatur iniquitas, & sicem accipiat peccatum.* Et Jo. 1. *Ecce Agnus DEI, qui tollis peccatum mundi*, uti legit D. Augustinus & Venerab. Beda: ergo debet esse voluntarium. Unde etiam D. August. l. 1. Retr. c. 13. etiam de peccato originali dicit intelligendum, quod alibi dixerat, nullo modo esse peccatum, quod non est voluntarium; atqui non est voluntarium formaliter & physicè voluntate propriâ, ut patet; ergo terminativè & moraliter per ordinem ad voluntatem Adami, qui moraliter habebatur pro tota hominum universitate. Quod pulchrè exemplificat S. D. hic q. 81. a. 1. his verbis. *Homines ex Adam derivati sunt tanquam multa membra unius corporis: alius autem unus membrum corporalis, puta manus, non est voluntarius voluntate ipsius manus, sed voluntate anime, quæ primo movet membrum.* Sicigitur inordinatio, quæ est in isto homine ex Adam generato, non est voluntaria voluntate ipsius, sed voluntate primi parentis, qui movet motu generationis omnes, qui ex ejus origine derivantur, sicut voluntas anime movet omnia membra ad actum. Hæc S. D.

Ex quibus patet responsio ad rationem difficultatis. Omnis culpa debet esse voluntaria, vel formaliter, vel terminativè, vel voluntate propriâ, vel alienâ, concedo; tantum formaliter & voluntate propriâ, nego. Sed macula originalis non est voluntaria formaliter, & voluntate propriâ, concedo; terminativè, & voluntate alienâ, nego minorem & consequentiam.

Dices tamen primò. Voluntarium est à principio intrinseco cum cognitione: sed peccatum originale non est in parvulis à principio intrinseco, sed extrinseco, nempe Adamo, & est sine cognitione, cùm usu rationis careant: ergo non potest ipse esse voluntarium.

Secundò : Voluntarium debet esse liberum, & in ejus potestate, cui voluntarium dicitur : sed originale non est in potestate parvulorum, ut sit, vel non sit : ergo non est ipsis voluntarium.

Respondeo ad 1. Voluntarium est à principio intrinsicè cum cognitione, si sit voluntarium physicum & formale, concedo ; si sit terminativum & morale, nego. Vel subdividinguo : Est à principio intrinsicè voluntatis alienæ cum cognitione alienæ rationis, concedo ; propria, ne-

go. Et sic distinctio consequente, nego consequentiam.

Ad 2. distinguo majorem. Voluntarium personale, quod est voluntarium voluntate personæ, debet esse in ejus potestate, concedo ; voluntarium capitale, quod est voluntarium voluntate capitis, nego majorem. Ad hoc enim sufficit, quòd sit in potestate alicujus, qui est caput in natura, inquit S. D. in 2. dist. 30. q. 1. a. 2. ad 1.

## DISPUTATIO XXVII.

DE

### Transfusione peccati originalis.

**C**onclusa peccati originalis existentia, proximè discutienda sunt, quæ ad genus causæ quasi efficientis pertinent ; ubi primò inquiritur, quomodo fiat istius culpe traductio in posteros ; Secundò : quodnam sit illud Adæ peccatum, ex quo tanquam radice morali totius humanæ naturæ originalis infectio sequitur : ubi tam certum quidem est, peccatum originale generatione transfundi in posteros, quàm certum est, illud dari, ita definiente Concil. Milevit. c. 2. *In parvulis regeneratione mundari, quod generatione contraxerunt.* Et Trid. Sess. 6. c. 3. *Nisi ex semine Adæ propagati nascerentur, non nascerentur injusti ; cum eâ propagatione per ipsum, dum concipiuntur, propriam injustitiam contrahant.* Nihilominus magna est utrinque sententiarum diversitas, ad quam dilucidandam sit

## ARTICULUS I.

### Quomodo Adæ peccatum traducatur in posteros ?

#### SUMMARIA.

1. Duplex modus infectionis in natura humana.
2. Refutatur error, quòd anima sit ex traduce.
3. Causa infectionis originalis non est conceptio cum ardore libidinis.
4. Sententia communis, quòd generatio sit conditio sine qua non.
5. Non satisfacit doctrina S. Thoma.
6. Sententia quorundam Thomistarum, statuentium physicam propagationem peccati.
7. Impugnatur.
8. Illius fundamenta solvuntur.
9. Nostra & Thomistica sententia
10. Probatnr auctoritate D. Anselmi :
11. Et D. Thome.
12. Probatnr ratione.
13. Quomodo verificetur comparatio inter virtutem seminis ad producendam naturam, & propagandum peccatum ?
14. Quòd anima fiat una natura cum carne corrupta, est quid morale.
15. Quomodo verificetur illud axioma : Sicut affirmatio est causa affirmationis, sic &c.
16. Rejicitur positiva qualitas morbida in semine.
17. Semen per analogiam ad instrumenta physica dici potest instrumentum peccati originalis improprie.
18. Diversitas, cum qua peccatum originale fuit in Adamo, & est in posteris.
19. Quo sensu omnes in Adamo peccaverint, & Adam peccet in omnibus ?
20. Peccatum Adami est causa moralis, non tamen demeritoria peccati originalis in posteris.
21. Est demeritoria causa respectu pœnalium effectuum.

#### §. I.

Varii modi exponendi referuntur, & refelluntur.

**N**otandum. Naturam humanam esse peccato Adæ infectam, duplici modo posse intelligi, primò quoad sufficientiam, debitum & potentiam. Secundò, actu in se, & quoad efficaciam. Primum contigit, quamprimum Adam, seu caput, in quo totum genus humanum moraliter continebatur, peccavit : tunc enim induda est necessitas ac debitum actu contrahendi peccatum originale omnibus individuis, quæ naturali vi generationis ex Adamo nascerentur : alterum verò tunc contingit, quando individuum naturæ humanæ per actum generationis ab Adamo propagatur, & anima corpori sic ger erato infunditur. Quæstione igitur non in priori sensu quoad sufficientiam, sed in posteriori quoad efficaciam & actualement peccati contradictionem instituta

Censuerunt aliqui primò duce Tertulliano, ut 1. habetur apud S. Augustinum, l. de hæres. 66. & l. 10. de Genes. ad litt. c. 23. ideo à parvulis contrahi peccatum originale, eò quòd eorum anima

anima esset ex traduce, h. e. quod anima filii esset producta, vel ab anima patris, vel virtute feminis. Contra quem errorem pugnat in primis definitio Concilii Lateran. sess. 2. quod singulis hominibus anima à DEO infundatur. Secundò, quod anima tanquam spiritualis substantia sit incapax alterius productionis, quàm creationis ex nihilo. Tertiò, quod in hoc errore necdum salvetur propagatio peccati originalis, siquidem peccatum originale non est productivum alterius peccati, & ex Christianis parentibus, quibus per baptismum jam remissa fuisset culpa originalis, non posset nasci proles infecta illo peccato.

3. Secundò. Quorundam fuit opinio, ex eo capite à parvulis contrahi peccatum originale, quod concipiantur cum ardore libidinis, cujus fundamentum cumpserunt ex dictis D. Augustini l. 1. de nupt. c. 24. & alibi. Item Venerab. Bedæ in l. qq. q. 14. dicentium, prolem contrahere originale peccatum, quia gignitur cum libidine & concupiscentia.

Sed contrà est primò, quod aliqui sancti magis oratione, quàm voluptate concepti legantur. Secundò, quod in illa libidinosa voluptate nulla possit ostendi virtus vel physicè vel moraliter causativa peccati. Tertiò, quod eadem delectatio comiteretur actum generationis, quem multo post tempore primum consequitur infusio animæ rationalis. Sancti PP. adducti non loquuntur de ardore libidinis tanquam causa, sed tanquam signo peccati originalis, ex quo bene colligitur, prolem generatam contrahere peccatum originale.

4. Tertiò, communis apud RR. sententia dicit, peccatum ideo ab Adamo causari, & transfundi in posteros, quod eorum generatio fiat virtute feminis ab Adamo mediata decisi, quâ generatione posita, tanquam conditione sine qua non haberent necessitatem contrahendi originale peccatum, etiam Adæ peccatum moraliter recipiunt.

Prior pars probatur auctoritatibus Tridentini & S. Script. pro exsistentia peccati originalis supra adductis, è quibus habetur, quod homines nisi ex Adamo propagarentur, non nascerentur injusti. Unde & D. August. l. 1. de Gen. ad litt. c. 20. & 21. dicit, Christum non fuisse decimatum in Abraham, quia non processit viâ seminali ab Adam. Et ratio est: In tantum ab Adamo transfunditur originale peccatum in posteros, in quantum Adam erat eorum caput in transfundenda justitia originali: sed ad hoc fuisset necessaria eorum generatio virtute feminis ex Adamo mediata saltem decisi: ut habet S. D. q. 100 a. 1. ergo etiam ad hoc, ut peccatum Adæ causet in posteros originale peccatum, necesse est, ut eorum generatio fiat virtute feminis ex Adamo decisi.

Secunda pars probatur: quia quod applicat subiectum agenti, habet se, ut conditio sine qua non: sed generatio applicat hominem actuali peccato Adæ, tanquam in ipso moraliter causanti originale peccatum: ergo habet se velut conditio sine qua non.

## §. II.

*Sententia Salmanticensium.*

5. Hæc expositio vera quidem est, sed non adæquate satisfactio doctrinæ Doctrinæ Angelici, R. P. Adæg. Theol. Schol. Tom. II.

qui hic q. 83. a. 1. in c. in generatione hominis non solum conditionem sine qua non, sed etiam concursum instrumentalem ad transfundendum originale peccatum agnoscit. Sic enim inquit: Peccatum ergo originale omnium hominum fuit quidem in ipso Adam sicut in prima causa principali, secundum illud ad Rom. 5. In quo omnes peccaverunt. In semine autem corporali est peccatum originale sicut in causa instrumentali: eo quod per virtutem activam seminis traducitur in prolem simul cum naturalibus. Et ad 2. Peccatum originale causatur ex semine, sicut ex causa instrumentali; non autem oportet, quod aliquid sit principalis in causa instrumentali, quam in effectum, sed solum in causa principali, & hoc modo peccatum originale primo modo fuit in Adam, in quo fuit secundum rationem actualis peccati. Ex quo textu inferunt, &

Docent quartò Gonett & Salmantic. tract. 13. 6. de pecc. disp. 14. dub. 3. n. 61. peccatum originale causari, & traduci physicè ab Adamo actualiter peccante principaliter, à semine verò per generationem instrumentaliter, in quam sententiam allegant D. Bonavent. in 1. dist. 3. a. 1. q. 1. Alvarem aliosque

Ratio est primò. Causa, quæ executivè, mediante instrumento, ponit effectum, physicè concurrat ad illum: sed Adamus executivè, mediante instrumento juxta allegata ex S. D. ponit in nobis originale peccatum: ergo physicè ad illud concurrat.

Confirmatur exemplo ejusdem S. D. l. cit. in c. Hoc modo ex voluntate primi parentis peccatum originale traducitur in posteros per quamdam generativam motionem, sicut a voluntate alicujus hominis derivatur peccatum adiale ad alias partes ejus &c. Sublinitur: atqui causalitas voluntatis in derivando peccatum ad alias partes hominis, ut ad appetitum sensitivum &c. non est moralis, sed physica ex vi proprii & realis influxus: ergo similiter causalitas Adami in traducendo ad posteros originale peccatum debet esse physica.

Secundò. Originale peccatum est effectus ex Adami peccato, vel physicè vel moraliter causatus. Non moraliter, quia causa moralis mediante aliena voluntate causat effectum: atqui peccatum Adami nullà alià voluntate, sed solum mediante instrumento producit effectum: ergo peccatum Adami non moraliter sed physicè ponit peccatum originale in posteris.

Tertiò. Eo modo transgressio Adami causat in nobis peccatum originale, quo causavit habituale peccatum in ipso Adamo: sed in ipso causavit physicè: ergo & in nobis. Major constat: quia etiam in nobis peccatum originale est terminativè voluntarium ex transgressione Adami, sicut peccatum habituale resultans in ipso Adamo; & ut dicitur, peccatum originale in nobis non est aliud, quàm peccatum primum habituale Adami. Minor quoque probatur: Causa physica causans actum impossibilem cum aliqua forma, etiam physicè causat privationem illius formæ, sicut ignis physicè causans calorem in aqua, physicè causat privationem frigoris oppositi: sed voluntas Adami physicè causabat actum

incom-

K k a



incompossibilem cum iustitia originali: ergo physicè causabat ejus privationem, quæ in Adamo erat peccatum habituale, in nobis est originale, modò inferius exponendò.

7. Verùm hæc sententia, nisi physicæ causalitatis nomine velit abuti, & facere quæstionem de nomine, sustineri difficilè potest. Contrà enim est primò, quòd peccatum sive actuale sive habituale est extra totam lineam entitatis, & causalitatis physicæ, habetque non principium effectivum, sed defectivum, cùm aliàs necessàriò requireret influxum & concursum causæ primæ, qui implicat; unde nec in Adamo datur virtus physica principalis, nec in semine instrumentalis ad productionem peccati, & sicut peccatum actuale quoad rationem formalem tantùm admittit causam defectivam moralem, sic multò magis peccatum habituale, quod est moralis sequela illius. Idque maximè locum habet in peccato originali; neque enim Adamus actualiter peccando aliter potest esse causa, quòd posteri incurrant originale peccatum, nisi quia ipse erat caput humanæ naturæ continens omnium nostrum voluntates: atqui illa continentia erat merè extrinseca, & moralis, non physica alicujus intrinsecæ virtutis; ergo etiam non nisi moraliter potuit causare peccatum originale in posteris.

Secundò. Ut ab Adæ peccato physicè propagaretur originale peccatum, deberet illud in se, vel in aliqua physica virtute existere: atqui peccatum Adæ non est in seipso, ut patet; non in aliqua virtute physica, neque enim in semine est aliqua virtus physica, quàm ad productionem naturæ; ut tacem, quòd implicet virtus physica productiva peccati formaliter; ergo peccatum originale physicè non propagatur ex Adæ peccato.

Tertiò. Si peccatum Adæ esset causa physica transfusionis culpæ originalis, tunc istud haberet vel ex sua natura, vel ex elevatione Divina, vel vi pacti, quo Adam constitutus est caput totius naturæ humanæ: sed ex nullo horum. Non ex sua natura, ut per se patet; cùm aliàs non esset major ratio de uno peccato, quàm de altero. Non ex elevatione Divina, aliàs DEUS esset specialis causa peccati originalis, quod implicat. Non vi pacti, quia per illud voluntas Adam non physicè fuit immutata, sed moraliter.

8. Neque urgent in contrarium adductæ rationes. Nam ad 1. distinguo majorem: Causa, quæ mediante instrumento physico ponit effectum, causat illum physicè, concedo; instrumentum tantùm morali, nego majorem: sed Adamus mediante semine tanquam instrumento morali, causat peccatum originale, concedo; physico, nego minorem, & consequentiam.

Ad confirmationem, nego subsumptum, & retorqueo: causalitas voluntatis in derivando peccatum ad alias partes, quoad formale, non est physica, & effectiva, sed moralis & defectiva; ergo similiter causalitas Adæ peccantis in derivando peccatum originale in posteris. Quoad formale, inquam, nam si sermo sit de materiali, argumentum vagatur extra scopum.

Ad 2. patet ex dictis: Peccatum originale esse effectum moralem, Ad cujus impugnationem,

nego majorem, quæ tantùm valet in causa morali, positiva & meritoria, vel demeritoria, non alia quacunque defectiva & privativa: unde & respectu puræ omissionis voluntas, nullà alià voluntate mediante, est causa moralis, non physica.

Ad 3. nego minorem, & retorqueo, peccatum habituale formaliter, tanquam sequela actualis peccati formaliter non habet physicam sui causam, sed moralem: ergo multò magis peccatum originale.

### §. III.

#### *Nostri sententia.*

**N**otandum. Angelici Doctoris probabilem doctrinam esse, quòd cum Adamo data fuisset iustitia originalis non tantùm per se, sed etiam pro posteris sub conditione, si in innocentia & observantia legis Divinæ perseveraret, ipsius semini virtutem quoque supernaturalem fuisse inditam, ita ut per ipsam naturalem generationem unà cum natura etiam iustitiam originalem propagare posset: idcirco semen ipsius per supernaturalem virtutem inditam fuisse elevatum, ut non tantùm esset instrumentum naturale in ordine ad communicandam & propagandam naturam, sed etiam supernaturale instrumentum in ordine ad communicandam & propagandam iustitiam originalem: quam virtutem supernaturalem Adamus peccando amisit. Ita indicat S. D. q. 4. de malo a. 1. ad 9. dicens. *Ex peccato primi parentis destituta est caro ejus illa virtute, ut ex ea posset decidi semen, per quod originalis iustitia in aliis propagaretur.* Quo posito fit

**CONCLUSIO.** *Traditio peccati originalis fit per hoc, quòd anima connaturaliter unitur corpori ex corrupto semine descendenti: cujus corruptio formaliter consistit in privatione illius vigoris, quem habuisset ad propagandam iustitiam originalem, si Adam non peccasset.* Videtur esse doctrina D. Anselmi illa verba Psal. 50. *In iniquitatibus conceptus sum &c.* sic explanantis: *Hoc modo de immundo semine, & in iniquitatibus, & peccatis concipi potest homo in utero, non quòd in semine immunditia sit peccati, aut peccatum, sive iniquitas, sed quia ab ipso semine, & ipsa conceptione accepit homo necessitatem, ut, cùm habuerit animam rationalem, habeat peccati immunditiam.*

Ubi nota necessitatem contrahendi immunditiam peccati à S. D. tribui semini tanquam causæ per Tò ab ipso, non utique ut causæ principali, ergo ut instrumentali; non ut physicæ, prout priori §. probavi, ergo ut morali. Sed quomodo ut morali? nisi quia carentia vigoris in semine connotat peccatum Adam tanquam causam moralem, ex quo illa carentia non est tantùm negativa, quæ ipsi physicè etiam in statu puræ naturæ competere, sed insuper privativa, quod tantùm habet in statu naturæ lapsæ.

Prima pars conclusionis habetur ab Angelico Doctore hic a. 1. a. 2. *Ex hoc fit iste, qui nascitur, confors culpa primi parentis, quod naturam ab eo sortitur, per quamdam generativam motionem, q. 3. de pot. a. 9. ad 3. Humana natura traducitur à parente in filium per translationem carnis, cui postmodum anima infunditur, & ex hoc inflectionem incurrit, quòd fit cum carne tradita una natura, &c.*

Secunda

Secundam quoque partem habet primum cit. q. 4. de malo. Hæc subiungens: *Et sic in semine defectus corruptionis moralis, & quædam intentio ejus: sicut dicimus, intentionem coloris esse in aëre, & intentionem animæ esse in semine. Et ex hoc etiam est ibi virtus ad similem imperfectionem, sicut est ibi virtus ad productionem humanæ naturæ in prole generata.*

12. Ratio totius conclusionis est. Ut anima peccatum originale contrahat vi naturalis generationis, prout distinctè S. D. affirmat, non aliter potest verificari, quam quia limitatur ad corpus, & sic forma corporis generati ex infecto semine, ideoque destituti vigore justitiæ originalis: sed corpus ideo est generatum ex infecto semine, quia per peccatum Adami semen destituitur illâ virtute instrumentali unâ cum natura propagandi innocentiam & justitiam originalem, quam habuisset, si Adam non peccasset: ergo propter istum privativum defectum seminis traducitur, & transunditur in posteris peccatum originale. Major inde probatur: quia anima non potest infici à corpore generato, quasi ipsum corpus in animam agendo suam infectionem communicaret: ergo tantum per hoc, quod forma corporis, scilicet anima ad corpus infectum limitetur. Uti docet S. D. in 2. dist. 30. q. 1. a. 2. ad 5, his verbis: *Cum anima non possit infici nisi per infectionem corporis, non quasi corpore agente in animam, sed per quamdam collimitationem unius ad alterum, quia forma recipitur in materia secundum conditionem ipsius materia, cum omne, quod est in altero, sit in altero per modum recipiendi: & ideo ex hoc ipso, quod corpus illa virtute privatur, quæ perfecte erat subijcibile animæ, sequitur etiam, quod anima illâ virtute careat, quæ perfecte corpus subditum regat. Et talis defectus originalis justitiæ est culpa naturæ, prout consideratur conjunctus ex voluntate alienius habentis naturam, ex quâ natura traducta est.* Hæc S. D.

13. Dices. Ex hoc evincitur, vi generationis etiam physicè propagari peccatum originale: nam S. D. cit. ex q. 4. de malo facit comparisonem inter virtutem seminis ad imperfectionem post peccatum Adæ, & inter virtutem ad productionem humanæ naturæ: sed ista est physica: ergo & illa.

Respondeo 1. Illo ipso loco hanc virtutem vocari ab Angelico Doctore *defectum corruptionis moralis*: ergo non est aliquid physicum, sed morale.

Respondeo 2. In hoc esse comparisonem & similitudinem, quod uti necessariò natura sequitur ad virtutem seminis, sic etiam inquinatio naturæ per peccatum originale necessariò sequitur ad corruptionem seminis: in cæteris verò esse latam disparitatem: nam natura sequitur productivè, physicè, positivè ex physica & positiva virtute instrumentali seminis, peccatum verò sequitur privativè per solam resistentiam moralem, ex defectu morali & privativo seminis, qui non nisi æquivocè virtus dicitur.

14. Instas. *Ex hoc anima traductivè in infectionem incurrit, quia sit cum carne traducta una natura, & ad eandem limitatur: sed sit una natura cum*

carne, & ad eandem limitatur physicè: ergo traductiva infectio animæ sit physicè.

Respondeo distinguendo majorem, quia sit cum carne traducta ex semine moraliter corrupto una natura, concedo; cum carne traducta ut sic, nego. Sed physicè sit una natura cum carne traducta ut sic, concedo; ut traductivè dicit defectum corruptionis moralis in semine, nego minorem & consequentiam.

Adhuc inquis cum Gonett. Sicut affirmatio est causa affirmationis, ita negatio est causa negationis: sed vigor, quem Adamus inditum habebat in semine, fuerat physicè productivus justitiæ originalis in posteris: ergo ejus privatio in semine etiam physicè concurret ad privationem justitiæ originalis in posteris.

Respondeo, præscindendo ab illa questione, 15. an ille vigor in semine fuerit physicè productivus justitiæ originalis, hoc negat Consonans non ignobilis Thomista, hoc ipsum argumentum solvendum esse ipsi Gonetto in materia de auxiliis, ubi hoc ipso argumentò Adversarii conantur evertere intrinsecam efficaciam gratiæ, sic enim inquirunt: NEUS per gratiam efficacem est causa actûs boni: ergo per ejus subtrahendum erit causa, quod actûs bonus non eliciatur, vel actûs malus eliciatur, cum sicut affirmatio &c. Quod igitur ipse illo loco, hoc ipse preponimus in præsentia. Et quidem primo. Sicut affirmatio &c. sic negatio est causa negationis, ut est negatio, concedo; ut est privatio, nego: ergo privatio vigoris in semine physicè concurret ad privationem justitiæ originalis, ut est negatio, concedo, hoc ipso quippe, quod nulla addit causa physica producens justitiam, etiam physicè abest ipsa justitia; [quod ipsum tamen potius est non concurrere physicè ad ponendam justitiam, quam physicè concurrere ad ponendum defectum justitiæ] ut est privatio, sic nego; sic enim est absentia purè morales connotans debitum morale inessendi, unâ cum causa morali, voluntate scilicet capitis, & capitali peccato Adami.

Secundo. Sic negatio est causa negationis, si terminus sit capax ejusmodi causalitatis, concedo; si non sit, nego. Justitia quidem originalis est capax productionis physiciæ, cum sit forma physica: atqui privatio illius justitiæ non est capax, cum sit absentia purè morales, prout est privatio.

## § IV.

### Corollaria.

INferes primò, fiditiam esse non solum omnem 16. immodicam qualitatem, sed etiam quamcumque positivam virtutem seu qualitatem instrumentalem fluentem semini superadditam, vi cujus sit traductivum peccati originalis: nam ejusmodi virtus aut qualitas, vel esset naturalis, vel esset supernaturalis. Non naturalis, quia nulla qualitas corporea naturalis in spiritualem animæ substantiam agere potest. Multo minùs supernaturalis, quia implicat, à DEO tanquam principali & speciali agente produci virtutem per se causativam peccati. Adde, quod, cum peccatum originale juxta proximè dicenda formaliter

constat in privativo, non requirit majorem virtutem sui communicativam, quam privativam, qualis ex S. D. est carentia illius vigoris productivi iustitiæ originalis.

17. Inferes secundò. Per analogiam ad instrumentum creata dici posse, quòd semen sit instrumentum peccati originalis: juxta S. D. q. 83. a. 1. in c. quia sicuti propter vigorem propagativum iustitiæ originalis in statu innocentie semen fuisse instrumentum positivum ipsius: sic, quia propter defectum privativum hujus vigoris, homo concipitur peccato originali inquinatus, & originali iustitiâ destitutus, rectè dici potest instrumentum privativum peccati originalis.

18. Inferes tertio. Peccatum originale aliter fuisse in Adamo, aliter in nobis: nam in illo fuit personale, & capitale simul; personale, quatenus propriâ voluntate commissum; capitale, quatenus commissum voluntate capitis, adeòque moraliter voluntate omnium posterorum: quo modo etiam ab aliis vocatur peccatum originis. Prout verò in nobis intrinsecè reperitur, sic propriè originale dicitur: capitale etiam non additè, tanquam in aliis derivabile, sed passivè, tanquam à capite in membra derivatum.

19. Inferes quartò: Quo sensu dicat Apostolus, omnes in Adam peccasse? Non enim significatur omnes homines formaliter in Adamo peccasse; sed Adamo peccante tanquam capite totius generis humani, omnibus membris ejusdem generis humani impositam fuisse necessitatem & debitum in primo instanti suæ originis & conceptionis actu contrahendi eandem libem & maculam, quam Adamus in sua persona contraxerat. Sed etiam rectè dicitur Adam in nobis peccare, quando in originali peccato concipimur? Respondeo affirmativè. Hoc enim loquendi modo utitur S. Ecclesia in approbato officio de Immaculata Conceptione dicens, *Te pulchram ornavit sibi sponsum, in qua Adam non peccavit*: adeòque supponit, in aliis hominibus non exemptis Adamum peccare. Cujus tamen di-

tionis alius sensus esse non potest, quàm quòd primum Adæ peccatum tanquam causa moralis per seminalem propagationem adu applicetur ad producendum effectum moralem culpe originalis in posteris primum conceptis.

Si dicas. Peccatum Adæ jam fuisse remissum, & extinctum: non ergo amplius habere moralem influxum. Respondeo fuisse remissum & extinctum, ut erat personale, non ut erat capitale; sicut enim virtualiter remansit in privatione vigoris, qui prius erat in carne, & semine Adam.

Inferes quintò: Etsi personale peccatum Adæ, seu capitis sit causa moralis respectu peccati originalis in posteris contracti, non tamen esse causam demeritoriam ipsius: quia demeritum correlativè non respicit culpam, sed pœnam: atqui peccatum originale est vera culpa secundum prius dicta, non pœna peccati: ergo à peccato Adam non respicitur, vel causatur demeritorie. Secundò causalitas demeritoria ponit effectum mediante aliqua voluntate, e. g. pœna causatur à peccato demeritorie, quia peccans præbet DEO fundamentum justæ indignationis & punitionis: sed culpa originalis causatur in parvulo nullà mediante alienà voluntate: ergo non demeritorie, quomodo ergo peccatum originale causatur moraliter?

Respondeo, in quantum in ipso conceptionis instanti, quo anima corpori ab Adamo per seminalem propagationem generato infunditur, simul moraliter resultat, seu inest animæ macula peccati, ipsi debita propter Adam peccatum, quod erat peccatum capitis, & totius naturæ.

Fuit tamen Adam peccatum causa demeritoria directa respectu pœnalium effectuum, qui naturam lapsam comitantur, fuit etiam indirecta causa demeritoria plurium peccatorum, in quantum propter originale peccatum subtrahitur abundantia auxiliorum, & gratiarum, quibus hominis voluntas firmaretur in bono, & retraheretur à malo, ex quo per acciden- contingit frequentior lapsus in peccata.

## ARTICULUS II.

### *Quodnam Adæ peccatum sit causa transfusionis in posteror:*

#### SUMMARI A.

1. Plures malitia concurrentes ad peccatum Adami.
2. Peccatum inobedientiæ traducitur in posteror.
3. Quodlibet primum peccatum fuisse transfundendum.
4. Ostenditur ex D. Th. & ratione.
5. Fundamenta sententiæ negantis.
6. Exponitur mens S. Patrum.
7. Communitio mortis implicitè fuit conjuncta etiam transgressionem præceptorum naturalium.
8. Cur communitio mortis explicitè adjuncta commisioni?
9. Peccatum superbiæ fuit prius naturæ, quam peccatum inobedientiæ.
10. Aliæ peccata Adami non transiunt in posteror.
11. Eva sola peccando non nocuisset generi humano.

12. Siqui liberi ab Adamo ante lapsum fuissent geniti, non traxissent originale peccatum.
13. Etiam internum peccatum inobedientiæ fuisse traductum.
14. Peccata proximorum parentum non transfunduntur.
15. Qui miraculosè formaretur ex carne humana, non contraheret originale peccatum.

#### §. I.

##### *Statuitur Sententia Thomistica.*

Suppono primo. In lapsu Adam plures malitia ac deformitates intervenisse, ut habet S. D. q. 82. a. 2. ad 1. puta superbiæ, gulæ, inobedientiæ, quarum tamen præcipua & actu consummata fuit malitia inobedientiæ, ut è Script. & Conciliis constat. Unde

Sup-

4. Suppono secundò. Hoc primum Adæ peccatum, quod erat inobedientiæ contra præceptum positivum DEI, non comediendi de ligno scientiæ boni & mali, esse illud peccatum, quod in posteros traducitur. Ita enim constat ex Apostolo antè citato Rom. 5. *Per unius hominis inobedientiam, &c.* Et ex Trid. Sess. 5. de pecc. orig. ubi decernitur, *peccatum, quo Adam posteritati no- cuit, fuisse pravaricationem, & transgressionem Divini mandati, pro qua DEUS mortem commina- tus fuerat, inobedientia peccatum, &c.*

Quæstio igitur est, an hoc peccatum inobedi- entiæ fuerit originale, & traducendum in poste- ros, quatenus erat inobedientiæ contra præ- ceptum positivum, habens adjunctam comminationem mortis, vel quatenus erat primum peccatum ipsius, ita, ut si alio quocunque peccato sive in- terno sive externo iustitiam amisisset, illud æquè fuisset in posteros transmittendum? Negativam tenent Alenius, Catharinus, Suarez, Amicus, & plures RR. Affirmativa est conformior S. Doctori, quam tenent Gonet, Godoyus, Salmanticenses, & communis Thomistarum. Unde fit

3. CONCLUSIO. *Inobedientia Adami fuit peccatum originis non præcisè quia fuit peccatum inobedientiæ, sed quia primum, ita, ut si aliud prius peccatum commisisset, etiam per illud totam huma- nam naturam vitiaasset.*

Probatur clarè autoritate S. D. in 2. dist. 21. q. 2. a. 2. ad 2. dicentis: *Hoc idem, [nempe cor- ruptionem naturæ] etiam sequentia peccata fecis- sent, si talem naturam [hoc est integram] invenis- sent.* Item dist. 33. in fi. in exposit. litt. inquit: *Quodcumque autem aliud peccatum fuisset hoc mo- do primum, etiam similem effectum habuisset, sive fuisset peccatum operis, sive voluntatis.* Præcipuè ad Annibald. in 2. dist. 21. q. un. a. 4. ad 2. *Quod- cumque peccatum mortale in statu innocentia com- missum fuisset, idem esset secutum, propter hoc, quod tota natura humana erat in primis parentibus, & per primum peccatum mortale corruptio gratia facta fuit.*

4. Probatur secundò ratione in adductis textibus indicatâ. Ideo peccatum inobedientiæ de facto traducitur in posteros, quia per illud facta est cor- ruption gratiæ, & ablatio iustitiæ originalis; sed hoc fuisset factum per quodlibet peccatum, quan- tumvis internum, & solâ mente commissum; ergo.

Probatur tertio. Si Adamus posteris per al- terius peccati commissionem non amisisset iusti- tiam originalem, tunc potuisset illam propagare in posteros; consequens est falsum; ergo. Mi- nor probatur: tum quia non poterat propagare, quod ipse non habuit: tum quia hæc propagatio juxta S. Doctoris doctrinam debuisset fieri per vi- gorem instrumentalem existentem in semine; sed hunc non habuisset, siquidem dependebat à gra- tia & iustitia originali, quam peccando amisit.

## §. II.

### *Solvuntur Objectiones.*

5. **O**bjicies. Illa, quæ dependent à sola volun- tate DEI, non nisi per S. Script. Concilia, & Patrum testimonia nobis innotescunt, quemad-

modum Thomistæ in Tract. de Incar. argumen- tantur: sed S. Script. Concilia, & Patres non lo- quuntur de amissione iustitiæ originalis, & trans- fusione malitiæ propter quodcumque peccatum, sed propter peccatum inobedientiæ in comestio- ne fructus prohibiti: ergo non propter aliud quodcumque peccatum fuisset in posteros trans- fundenda malitia peccati, & perdenda iustitia o- riginalis. Minor probatur, quia decretum Divinum de amissione iustitiæ originalis pro se, suisque posteris Adamo indicatum solum conti- netur in illa comminatione, *Quæcumque die com- deris, morte morieris*; quæ comminatio, ut pater, soli comestioni de ligno vetito fuit conjuncta. Neque Concilia & PP. aliam causam peccati ori- ginalis, quàm inobedientiam Adami allegant.

Confirmatur 1. Illud solum peccatum fuit causa transfusionis culpæ originalis in posteros, quod fuit causa, ut morte corporali morerentur; sed hoc fuit solum peccatum comestioni, quia nulli alteri peccato fuit adjuncta comminatio, & pœna mortis.

Confirmatur 2. Leges odiosæ sunt restrin- gendæ; sed lex de amissione iustitiæ, & trans- fusione peccati in totam posteritatem est odiosa: ergo est restringenda ad solum peccatum, de quo DEUS in S. Script. mentionem facit, non ad alia extendenda.

Confirmatur 3. Illud solum peccatum Ada- mi potuit transfundi in posteros, quod fuit pec- catum capitis, non quod fuit peccatum personæ: sed sola comestio fructus prohibiti fuit peccatum capitis: ergo. Minor probatur: Adamus non habebat ex sua natura, ut esset caput morale to- tius generis humani, sed solum ex pacto, seu de- creto Divino; sed hoc ut antè dictum, tantum e- rat de non comediendo de ligno scientiæ boni & mali: ergo solum circa observantiam, vel trans- gressionem hujus præcepti Adamus habebat rationem capitis: alia verò quæcumque peccata tantum fuissent peccata personæ.

Confirmatur 4. Si primum Adæ peccatum fuisset transfundendum in posteros, tunc non tam peccatum inobedientiæ, quàm superbiæ & gulæ transiret in posteros: sed hoc est contra S. Script. Concilia, & PP: ergo. Sequela probatur. Prius peccavit Adamus inordinato appeti- tu scientiæ, & similitudinis cum DEO, quam Ser- pens promiserat, nec non inordinato appetitu fructus, quem viderat pulchrum & delectabilem ad vescendum, quàm comederit de illo fructu; ergo: si primum peccatum fuit peccatum origi- nis, illud potius fuit peccatum superbiæ, & gulæ, quàm inobedientiæ.

Respondeo, distinguendo minorem, Script. 6. Conc. & PP. loquuntur de transfusione peccati propter inobedientiam, tanquam causam unicam de facto positam, & primum peccatum Ada- mi, concedo; tanquam causam unicam possibili- lem hujus transfusionis secundum præsentem re- rum ordinem, & in casu, quo aliud peccatum fuisset primum, sic nego: ergo solum peccatum Adami poterat esse causa transfusionis de facto, ex suppositione, quod fuerit primum, concedo; de possibili, & ex suppositione, quod aliud ipsius peccatum esset primum, nego consequentiam.

Ad



7. Ad probationem etiam distinguo minorem. Commminatio mortis incurrendæ fuit conjuncta soli commitioni de ligno venito explicitè, concedo; implicitè, nego. Fuit enim ipsi conjuncta, quatenus erat transgressiva mandati. Unde à fortiori etiam non quidem explicitè, sed tamen implicitè fuit conjuncta transgressioni mandatorum naturalium & Divinorum, quæ fortius ligabant. Ita habet S. D. in 2. dist. 33. in expositione textus. *In hoc ostenditur, quòd, etiam si alia peccata commisset, similem penam sustinisset, quasi a minori ad majus: gravius est enim præceptum præterire legis naturalis, quò prohibetur id, quod in se est malum, quàm præterire præceptum discipline, quò prohibetur, quod non est malum, nisi quia prohibuitur.* Ex quo patet responsio ad primam confirmationem; quia etiam aliis peccatis fuit adjuncta comminatio mortis implicitè,

8. Ad 2. confirmationem, distinguo majorem. Lex odiosa est restringenda ab illis, ad quæ intentio legislatoris & ratio legis non se extendit, concedo; ad quæ se extendit, nego. Si petas: cur ergo specialiter & explicitè comminatio mortis fuerit adjuncta commitioni? Respondeo: quia, cum illa de se non esset mala, per adjunctam penam debuit innoscescere, quòd esset mala, & destructiva jultitiz originalis.

Similiter ad 3. confirmationem nego minorem, & probationem distinguo. Decretum Divinum tantum erat de non comedendo explicitè, concedo; implicitè, nego minorem & consequentiam.

9. Ad 4. confirmationem nego sequelam, ejusque probationem distinguo. Adam peccavit peccato superbiæ prius naturâ, concedo; prius tempore, nego. Nam ipsum peccatum inobedientiæ initium sumpfit ab inordinato appetitu excellendi, juxta illud Job. 4. *In ipsa initium sumpfit omnis perditio*, ideoque intentum peccatum superbiæ tanquam motivum in genere causæ finalis præcessit, tota tamen peccati malitia consummata fuit in actu externo inobedientiæ comedendo fructum prohibitum. Unde adhuc primum completum Adami peccatum, quamvis ex variis malitiis partialibus constatum, fuit peccatum inobedientiæ.

### §. III.

#### Corollaria.

10. Inferes ex dictis primò: Alia peccata Adami, quæ post primum lapsum fortè commisit, aut commisset, non transire in posteros: siquidem non sunt amplius peccata capitis, sed personæ.

11. Inferes secundò. Evæ peccatum, quantumvis præcesserit peccatum Adami, non tamen novissè, aut fuisse nocivum generi humano per transfusionem sui, si Adam non peccasset; siquidem non Eva, sed Adamus fuit constitutus caput generis humani: unde ipse peccatum non erat peccatum capitis.

Nec officit, quod Ecclesiastici 25. dicitur: *A muliere initium factum est peccati*; hoc enim intelligendum de initio occasionis & suasionis, non

de principio transfusionis, docet D. Th. 1. Cor. 15. l. 3. & in 4. dist. 1. q. 2. a. 2. quæstioncula 2. ad 1.

Inferes terciò. Siqui liberi ex Adamo ante ipsius lapsum fuissent concepti, vel geniti, illos fuisse accepturos justitiam originalem, neque ex Adami lapsum inficiendos: quia fuissent geniti ex semine habente vigorem productivum jultitiz originalis: & Adamus respectu illorum tantummodo hominum habuit rationem moralem capitis, qui adhuc in ipsius lumbis continebantur, & viâ naturalis generationis ex ipso propagari poterant.

Inferes quartò. Etiam si peccatum inobedientiæ in sola interna voluntate Adami permanisset, & non processisset ad opus externum, eodem modo fuisse propagandum in posteros, sicuti modò est propagatum, cum Adamus comedendo de fructu prohibito inobedientiam opere externo complevit: quia opus externum habet suam malitiam ab actu interno, per quem secundum primum dicta Adamus suam innocentiam perdidisset.

Inferes quintò. Peccata proximorum parentum non transfundi in posteros, unde si Adam in jultitia perseverasset, peccante Caino ipsius filii non contraxissent originale peccatum, prout colligitur ex Apost. ad Rom. 5. *Unius [solius Adæ tanquam capitis] de illo multi mortui sunt, & per inobedientiam unius peccatores constituti sunt multi.* Unde D. Anselmus lib. de Concept. Virg. c. 23. *Quoniam nullus post Adamum potuit filius suis jultitiam servare, nullam video rationem, cur proximorum parentum peccata filiorum debeant animabus imputari.*

Sed opponitur difficilis textus ex D. Th. q. 5. de malo a. 4. ad 8. *Si aliquis ex posteris Adam peccasset, eo non peccante, moreretur quidem propter suum peccatum actuale, sicut Adam mortuus fuit; sed posterius ejus moreretur propter peccatum originale.*

Respondent aliqui, hanc sententiam hic a. 4. fuisse retractatam. Gonett existimat, opinionem D. Thomæ fuisse, quòd DEUS, si nolisset Adami peccatum permittere, alium ex posteris Adami constituisset pro capite morali suorum descendendum, sicque posterius propter originale peccatum fuissent mortui, de quo tamen nihil certi.

Inferes sextò. Si quis hominum ex humana carne miraculosè formaretur, adinstar Evæ, ita ut per seminalem propagationem non descenderet ex Adamo, non contraheretur labem originariam: tunc enim, inquit S. D. hic a. 4. ad 3. *Esset in Adam secundum corpulentiam substantiam non secundum seminalem rationem*: quod etiam extendi debet ad eum, qui nasceretur miraculosè ex solo semine, aut sanguine mulieris: tum quòd illud in plurium sententia tantum passivè, tum quòd saltem minus principaliter concurrat ad generationem prolis. Secus dicendum de prole, quæ ex solius viri semine ad matricem mulieris, vel Divinâ virtute, vel dæmonum operâ delato conciperetur, tunc enim verè ortum traheret ex Adamo.

## DISPUTATIO XXVIII.

DE

## Essentia peccati originalis.

**N**on inñs essentia, quàm existentia peccati originalis est circumscripta difficultatibus; nam existentiam fidei & definitionem limites non aded permittunt obnoxiam vagæ rationis licentiæ; metaphysica verò essentia constitutio, cum parum ad fidem & mores conferat, libertati ingeniorum relinquitur. Igitur examinata prius sententiarum varietate nostram demum mentem explicabimus.

## ARTICULUS I.

*Referuntur & refelluntur diversæ sententiæ de essentia peccati originalis.*

## SUMMARI A.

1. *Hæreses constituentes originale in aliquo substantiali.*
2. *Hæresis constituens in concupiscentia.*
3. *Sententia Ambrosii Catherini, ejusq. fundamenta.*
4. *Responsum.*
5. *Fundamenta solvuntur.*
6. *Referitur sententia Durandi constituens originale in reata ad pœnam.*
7. *Impugnatur.*
8. *Authoritates objecta exponuntur.*
9. *Referitur & exponitur sententia de morali existentia primi peccati.*
10. *Impugnatur.*
11. *Referitur sententia Thomistarum quorundam constituens peccatum originale in aliquo habituali positivo.*
12. *Impugnatur ratio positiva.*
13. *Impugnatur moralis transfusio.*
14. *Ultiores impugnationes.*
15. *Exponuntur testimonia adducta à S. Dottore.*

## §. I.

*Rejiciuntur errores.*

**P**rimò Matthias Illyricus Centuriatorum Princeps in libello de pecc. orig. dicebat, peccatum originale esse ipsammet animæ substantiam, eò quòd Rom. 7. Ephes. 4. Coloss. 3. istud, imò & alia peccata exprimerantur vocibus substantiam significantibus: *Vetus homo, corpus peccati &c.* Cujus delirii absurditas coincidens cum antiquissima hæresi Manichæorum, damnata pridem fuit à Conciliis & Patribus unanimi consensu concludentibus, peccatum non esse substantiam, nullam substantiam esse malam, nullam esse malitiam, omnem substantiam esse à DEO, peccatum verò non esse à DEO. Item à Trid. Sess. 5. de pecc. orig. can. 5. definiente: *Per Sacramentum baptismi tolli ab homine totum id, quod veram & propriam rationem peccati habet.*

Constat etiam ex hac ratione: quòd dæmon non possit esse Author alicujus substantiæ: est verò Author peccati originalis: Nam invidia diaboli peccatum intravit in mundum: ergo pec-

catum originale non potest esse substantia. Porro Apostolus dicens: *Vetus homo*, non significat solum peccatum formaliter, sed subiectum peccatis inquinatum, quemadmodum & novus homo significat subiectum, gratiâ sanctificante præditum. Corpus quoque peccati per metaphoram & allegoriam vocatur multitudo peccatorum: quia sicut ex variis membris confurgit totum corpus, ita ex variis peccatis integra multitudo peccatorum coalescit.

A priori errore parum abludit explodenda Kemnitii insania, asserentis, originale peccatum esse aliquid substantiale corporeum, v. g. cor, hepato, aut totum corpus: hæc enim manent refutata ex dictis: ipsum quoque originale est infectio & mors ipsius animæ, quod de nulla re corporea dici potest.

Tertiò communissimus error est Lutheranorum & Calvinistarum, qui dicunt, peccatum originale esse ipsum fomitem concupiscentiæ, & inclinationem ad malum. Qui error manet confutatus ex præallegata definitione Tridentini, quæ hanc præcipue hæresin tangit, quòd per baptismum tollatur in renatis, quidquid habet veram & propriè dictam rationem peccati, juxta illud Apostoli. Rom. 8.: *Nihil damnationis est iis, qui sunt renati in Christo JESU*: atqui concupiscentia relinquitur post baptismum attestante eodem Apostolo Rom. 7. *Videò aliam legem in membris meis, repugnantem legi mentis meæ*. Nec obest, quòd Apostolus hanc concupiscentiam alicubi appellet peccatum, nam dicitur peccatum metonymicè, non quòd verè & propriè in renatis peccatum sit, sed quia ex peccato est, & ad peccatum inclinât, ut loquitur Tridentin. cit. Can. 5. Manet eadem hæresis refutata ex dictis in priori Tract. ubi ostendimus, motus concupiscentiæ secundum se non esse peccata.

Ex iisdem fundamentis rejicitur opinio, quæ tribuitur Gregorio Arimin. l. 2. sent. dist. 31. q. 1. constituentis peccatum originale in morbida qualitate animæ superaddita, quam Serpens suo sibilo Adamo afflavit: nam primò, si per hanc qualitatem intelligis concupiscentiam, incidis in errorem prioris sententiæ: si distinguas: vel illa

L I

qualitas est spiritualis, vel corporea. Non corporea, quia hæc non potest afficere animam; non spiritualis, quia hujus non est assignabilis causa, cum sibilus Serpentis non cum Adamo, sed cum Eva loquentis illam non potuerit producere; insuper ejusmodi qualitas non ablueretur per baptismum, nec subtraheretur Divinæ causalitati, quorum utrumque repugnat peccato originali.

## §. II.

*Expenditur opinio Catherini.*

3. Ambrosii Catherini, Pighii, & Salmeronis doctrina est, peccatum originale formaliter consistere in præterito actuali peccato Adami parvulus extrinsecè denominante: quæ sententia docet primò peccatum originale nihil esse aliud, quàm primam Adæ inobedientiam. Secundo, hoc originale peccatum esse unum idemque in omnibus, in Adamo quidem reipsa, in cæteris verò imputativè. Tertiò, nihil esse inhærens in parvulis, quod habet rationem peccati. Quartò, privationem justitiæ, reatum, & similia pœnam esse peccati originalis, non culpam.

Fundamentum hujus sententiæ est primò: Illud est originale peccatum, per quod mors intravit in mundum; sed per peccatum Adami personale mors tam animæ, quàm corporis intravit in mundum: ergo ipsum est peccatum originale. Secundo: Illud est peccatum originale, quo in primo instanti conceptionis peccatores constituimur: sed per inobedientiam Adami sic constituimur peccatores, dicente Apostolo: *Per inobedientiam unius hominis peccatores constituti sumus multi*.

Tertiò. Illud est nostrum originale, quod Adam in nos transmisit: sed transmisit suum personale, vel actuale peccatum, non enim aliud transmisit, quàm quod habuit; sed habuit actuale peccatum; ergo.

Quartò. Illud est nostrum originale, quo Adam nobis nocuit: sed per suam actualem inobedientiam nobis nocuit: ergo.

Huc applicant textus SS. PP. cum dicunt: *Quoniam non jejunavimus, exulamus a paradiso*. Basilius hom. 1. de jejun. *In casu primi hominis cecidimus omnes*, Bernard. serm. in Cæna Dom.

4. Contra hanc sententiam est primò: quia Concil. Araus. can. 2. nec non Trid. loco citato, dicunt peccatum transfundi in posteros, & eodem modo loquuntur de peccato, ac de morte; sed peccatum transfundi non est pura denominatio extrinsecæ, uti neque mortem transire in genus humanum: ergo non potest salvari originale peccatum per puram denominationem extrinsecam. Secundo. Idem Trid. sess. 6. c. 3. affirmat, homines dum concipiuntur, propriam injustitiam contrahere, ut licet sit unum origine, sit tamen distinctum in singulis: sed ex mente Pighii & Catherini unum tantummodo esset peccatum originale commune omnibus, cum actuale peccatum Adami tanquam actus immanens ipsius non possit multiplicari in posteris.

Tertiò. Concilium ibidem opponit comparative injustitiam, quam ex Adamo per generationem accepimus, gratiæ & sanctitati, quam à Christi

sto per baptismi regenerationem accepimus; ergo sicut ista est cuiuslibet baptizato propria, intrinsecæ, & distincta à sanctitate Christi, ita & injustitia, quam ex Adamo contrahimus, est cuiuslibet propria, intrinsecæ, & distincta à peccato Adami.

Quartò. Pœna damni, respondens culpæ originali, intrinsecè & sigillatim afficit omnes, qui sine baptismo decedunt: ergo similiter culpa originalis, cui illa proportionatur, debet esse intrinsecè recepta in singulis.

Quintò per baptismum intrinsecè mundamur, & abluimur à peccatis: sed hoc significat in proprietate verborum ablationem alicujus maculæ intrinsecæ; ergo.

Fundamenta contrariæ opinionis peccant in 6, confusione peccati originalis activi originantis cum peccato originali passivo, & sensus causalis cum formali.

Unde ad 1. Respondeo distinguendo majorem: Est peccatum originale originans, concedo; est peccatum originale, originatum, & passive receptum, nego. Hoc enim est ipsa mors animæ: & sic distincta minore, nego consequentiam.

Ad 2. distinguo majorem: Illud est nostrum originale peccatum, quo formaliter & intrinsecè peccatores constituimur, concedo; quo causaliter, & extrinsecè, nego majorem: sed per Adæ actuale peccatum constituimur peccatores causaliter & extrinsecè, concedo; formaliter & intrinsecè, nego minorem & consequentiam.

Ad 3. nego minorem, & probationem distinguo. Illud transmisit, quod habuit causaliter, concedo; formaliter, nego. Peccatum enim, quod formaliter habuit, cum esset actus immanens, transmitti non potuit.

Similiter ad 4. Illud est originale, quo Adam nobis nocuit, & nocet formaliter, concedo; quo necuit causaliter, nego; vel subdistinguo: Est originale originans, & activè, concedo; originatum, & passivè, nego.

Ita & Basilius loquitur in sensu causali, cum exilium à paradiso refundit in comestionem pomi prohibiti. D. verò Bernardus loquitur de casu, quo omnes in Adamo peccante cecidimus, in debito & potentia, non actu; extrinsecè, non intrinsecè.

## §. III.

*Sententia Durandæ rejicitur.*

Durandus in 2. dist. 30. q. 3. dicit, peccatum originale parvulorum formaliter consistere in reatu, seu dignitate carenti jussitū originali, quæ carentia est pœna ipsorum.

Fundamentum habet in autoritate SS. Dionysii & Augustini; nam Dionysius de Div. nom. c. 4. asserit, puniri non esse malum, sed esse pœnā dignum: ergo dignitas pœnæ est moralis malitia, ideoque sufficiens, ut formaliter constituit peccatum originale. D. verò Augustinus disputans contra Pelagianos sæpius meminit, concupiscentiam in non baptizatis esse peccatum originale non ratione sui, sed ratione reatus adjuncti, & idem esse tolli reatum, ac tolli originale peccatum.

*Sed*

7. Sed contra est: Vel perreatum intelligis obligationem ad poenam, vel dignitatem ad illam subeundam: sed neutro modo potest in reatu peccatum originale consistere. Non in obligatione: partim quia hæc est à DEO, culpa non est à DEO; partim quia nemo ad poenam obligatur à DEO, nisi culpabilis & dignus poenâ, adeo, ut obligatio prius culpam & dignitatem poenæ supponat; partim quia potest à DEO tolli obligatio ad poenam, remanente culpâ. Non etiam in ipsa dignitate poenæ, quia & ipsa dignitas poenæ est proprietas culpæ, eandem naturâ & ratione prius supponens, prout dictum in priori Tractatu de peccato personali: non enim ideo aliquis habet culpam, quia est dignus poenâ; sed ideo est dignus poenâ, quia habet culpam. Vel igitur iste reatus resultat in parvulo ex aliqua culpa verè ipsi inexistente, vel tantum, ex culpa extrinseca Adami; si primum, habetur intentum, præter reatum ad poenam admittendam esse veram culpam in parvulis; non utique actualem; ergo originale. Si secundum, incidis in sententiam prioris §. refutatam, nec multum differs à modo loquendi Pelagianorum, qui dicebant, nos solum quoad obligationem luendi poenas Adæ peccatum participare.

8. Ad auctoritatem SS. Dionysii & Augustini Respondeo, poenâ dignum esse malum arguitivè & consecutivè, quia ex hoc arguitur aliquem esse culpabilem, cum poenâ sit effectus & signum peccati; non verò esse malum constitutivè. Item D. Augustinum loqui de reatu radicali, qui est reatus culpæ, non poenæ: nam culpam sæpius hoc modo radicaliter, vel etiam metonymicè sumendo effectum pro causa appellari possum constat ex S. Script. ut Exod. 32. *Perçussit DEUS populum pro reatu vituli*. Et Deut. 2. *Auferetur ab eis reatus sanguinis*, hoc est, culpa homicidii, quo modo loquendi etiam utitur Tridentinum sess. 5. de pecc. orig. can. 5. Verum relicti hisce sententiis jam aniquatis.

## § IV.

*Quadam sententiæ probabiles refelluntur.*

9. Valde communis Recentiorum doctrina & conformis ad ea, quæ tradunt de peccato habituali, est, peccatum originale formaliter esse morale concursum posterorum ad prævaricationem Adæ, iis inexistente & intrinsecum non physicè, sed moraliter: sicut in adulto actus peccati semel commissus manet habitualiter, donec per poenitentiam deleatur. Sic Lugo de poenitentia Disp. 10. c. 7. n. 20. Suar. 1. 2. de pecc. D. 9. sect. 2. Granado, alique plures. In qua sententia duplex est admittenda moralitas; una per quam voluntates posterorum fuerunt transfusæ in voluntatem Adami; ita ut Adamo peccante posteri quoque morale concursum præstiterint, & peccaverint in Adamo. Altera est, quòd sicut personale peccatum Adami post commissionem transit in habituale peccatum, & ipsum moraliter intrinsecè inquinavit; sic etiam ille concursus & actus posterorum, quamdiu per baptismum non remittitur, censetur in illis præsens, & intrinsecus moraliter.

*P. Alex. Theol. Schol. Tom. II.*

Exponitur & probant suam sententiam tum aliarum refutatione, tum paritate peccati habitualis personalis; illud enim consistit in peccato proprio præterito non retrahato, ita ut ex parte voluntatis connotet actum præteritum, ex quo habet quod sit voluntarium, & negationem retractionis; ex alia verò nempe ex parte DEI connotet negationem condonationis: ergo similiter peccatum habituale originale constitutum erit in peccato Adami, non ut præcisè erat Adami personale peccatum, sed ut simul erat peccatum naturæ, & omnium posterorum, ex quo habet, quòd sit voluntarium, simulque in morali inhærentia & præsentia, quæ constituitur ex negatione condonationis & remissionis Divinæ.

Confirmatur. Idem specie est peccatum originale in parvulis, quod erat habituale peccatum in Adamo: sed peccatum habituale in Adamo consistebat in peccato præterito non retrahato: ergo etiam in hoc consistit peccatum originale in parvulis modo explicato.

Sed contra hanc sententiam faciunt ea, quæ de 10. peccato habituali diximus in priori Tractatu, præcipue quòd iuxta Trid. peccatum originale sit macula verè intrinseca, quæ omnibus inest unicuique propria, & quòd parvuli, dum concipiuntur, propriam iniustitiam contrahant ex vi propagationis carnalis, sicut fideles per renascentiam in baptismo gratiam Christi consequuntur: atqui in hac sententia nulla forma verè parvulus intrinseca & inherens ostendi potest, quæ lavacro baptismi verè abluatur: non enim sufficit dicere, esse moraliter intrinsecum; quidquid enim moralitatis assignaveris, est parvulo extrinsecum; videlicet ordinatio Divina de transfusione voluntatum in voluntatem Adami, peccatum ipsius, & negatio condonationis Divinæ: ergo ex nullo capite salvatur, quòd peccatum originale sit parvulis intrinsecum. Adde, quòd verba Concilii, [prout iam sup. tract. indicatum] sint in proprio sensu accipienda.

Inter Thomistas Godoyus cum Martinez aliis. Itaque citatis docet, peccatum originale consistere in aliqua moralitate positiva, quæ sit conversio in bonum commutabile, & averſio ab incommutabili bono.

Fundamentum petunt primò ex D. Th. hic a. 2. ubi cum in tit. art. quæſiſſet, *nirum peccatum originale sit habitus?* resolvit esse habitum, non per modum activæ inclinationis, sed dispositionis, quâ natura bene vel malè se habet, idque comparat cum ægritudine, & in C. vocat languorem animæ, & ad 1. habitum corruptum.

Præterea inf. q. 113 a. 1. dicit, justificationem impij, quæ est transitus à peccato habituali ad gratiam, esse motum: atqui motus est inter terminos positivos.

Tandem q. 24. de Verit. a. 12. inquit: *Homo, qui est in peccato mortali, habitualiter peccato inhaeret, quamvis enim non semper habeat habitum vitii, quia ex uno actu luxuriæ habitus non generatur; voluntas tamen peccatis derelicto incommutabili bono, bono commutabili quasi fini adhæret. Et huiusmodi adhesionis vis & inclinatio in eâ manet, quousque iterato bono incommutabili quasi fini adhæreat.*

LI a

Funda.



Fundamentum à ratione idem ferè est, quod prioris sententiæ: nimirum: Peccatum originale, quod ex Adamo contrahimus, est ejusdem rationis cum illo peccato habituali, quod Adam per actuale inobedientiam contraxit: sed istud consistebat in termino positivo, & habituali conversione, seu adhesionem ad bonum creatum, tanquam ultimum finem [ita nempe docent isti auctores universaliter de omni peccato habituali:] ergo etiam peccatum originale in ejusmodi habituali, & positiva conversione consistit.

12. Contra hanc sententiam est primò: quia illa habitualis & positiva inclinatio in bonum commutabile, vel est aliquid corporeum, vel incorporeum. Non corporeum; primò, quia hoc non potest intrinsecè afficere spiritualem animæ substantiam. Secundò, quia vel esset substantia, vel accidens. Non substantia, hic enim est error Manichæorum; non accidens, quia hoc vel iterum esset concupiscentia, vel qualitas morbida, quorum utrumque Catholica & communis doctrina eliminat. Non incorporeum; primò, quia ipsa voluntas peccantis per peccatum deordinata à DEO est naturalis inclinatio in bonum proprium, tanquam in ultimum finem, unde alia inclinatio superaddita est supervacanea; secundò, quia nulla inclinatio naturalis præter voluntatem pro suo objecto, & termino respicit finem ultimum. Tertiò: quia, ut expressè fatetur S. D. q. 24. de Verit. a. 12. non per quemlibet actum peccaminosum generatur habitus, cum tamen per quodlibet peccatum voluntas peccantis adhæreat bono commutabili. Quartò: quia est inexplicabile, quomodo Adam peccatum mediante generatione transfundat aliquid positivum in posteros, quando ipsum nec in se, nec in virtute aliqua positiva semini impressa, quam finitiam esse ex diâlis constat, existit.

13. Neque dicas: non transfundere physicè, sed moraliter: nam moralis positiva causalitas consistit in motione alienæ voluntatis ad ponendum effectum, adeòque si Adamus moraliter causaret illum terminum positivum, tunc per suam inobedientiam demeritorie moveret Divinam voluntatem ad ponendum illum terminum positivum, cum alia voluntas in illum influens assignari nequeat, quod rursus est magnum absurdum.

Confirmatur. Terminus positivus requirit causam positivam: hæc non est peccatum Adam, non est voluntas Divina, nec alia est assignabilis: ergo nec terminus positivus.

Contra hanc sententiam est secundò, quòd n. 14. tatur falsis oppositio, nempe, quòd tam peccatum actuale, quam habituale formaliter consistat in positivo, quæ tamen ex oppositis fundamentis tum in præfenti, tum in priori Tract. refutavimus quæ hic non sunt repetenda. Ex quibus etiam solum manet fundamentum hujus sententiæ à ratione petitum.

Contrà est tertiò: In illo formaliter consistit culpa originalis, quod tollitur formaliter per gratiam sanctificantem: sed per illam non tollitur aliqua forma positiva, tollitur verò sui privatio, tanquam opposita: ergo culpa originalis non consistit in aliquo positivo. Adde, quòd illa terminus positivus causatus per actum peccaminosum voluntatis esset subjective in voluntate, quam inclinaret in pravam finem ultimum: atqui culpa originalis subjective non est in voluntate, sed in animæ substantia.

Ad testimonium ex S. D. adducta, & ad 1. Re-13. Spondeo cum Salmanticensibus hic disp. 16. dub. 3. §. 5. Peccatum à S. Doctore vocari habitum non propriè, sed similitudinariè, tum ratione suæ permanentiæ, tum ratione male dispositionis, quæ non positivè, quasi per aliquam formam & qualitatem positivam, sed privativè tanquam per privationem justitiæ originalis, anima malè se habet respectu finis ultimi: aliàs quo pacto rationem formalis culpæ originalis potuisset constituere in privatione justitiæ originalis, quod tamen affirmat a. 3. mox referendo.

Ad 2. Respondeo, motum ibidem latè accipì, qui sit inter terminos, vel positivè, vel privativè contrarios. Nisi malis dicere, etiam in justificatione terminum à quo, hoc est, habituale peccatum esse terminum positivum, non quidem formaliter, sed connotativè, videlicet ratione adus peccaminosi, à quo causatur.

Ad 3. Respondeo. Illum locum aliud nihil velle, quam quòd post peccatum relinquatur habitualis adhesio ad bonum commutabile, indistincta tamen partim ab ipsa voluntate, partim à concupiscentia, quæ in peccato originali se habeat non formaliter, sed materialiter.

## ARTICULUS II.

### *In quonam formaliter consistat peccatum originale?*

#### SUMMARIA.

1. Exponitur donum justitiæ originalis.
2. Statuitur formale peccati originalis in privatione justitiæ originalis secundum primum effectum.
3. Probatio ab autoritate.
4. Probatio à ratione.
5. Autoritas D. Thomæ objecta exponitur.
6. Rationes objectæ.
7. Solvuntur.
8. Peccatum originale est idem specie atoma in omnibus hominibus.

#### §. I.

##### *Expositio justitiæ originalis & resolutio questionis.*

Notandum, quòd justitiæ originalis, quam Adamus in paradiso & innocentie statu obtinuit, atque, si in illa perseverasset, etiam in posteros transmisisset, adæquatè sumpta includat plurimum donorum & perfectionum aggregationem, quibus anima DEO, & vires inferiores superiori-  
bus perfectè subiciebantur, corpus quoque à morbis,

morbis, & ipsa morte immune conservabatur: quoad primariam tamen perfectionem, quia nimis anima DEO perfectè subijciebatur, & ex qua tanquam radice alia dona in animam & corpus redundabant, fuisse ipsum habitum gratiæ sanctificantis, prout Salmanticenses tr. de pecc. disp. 16. dub. 1. colligunt è S. D. 1. p. q. 95. a. 1. dicente: *Per gratiam in anima existentem inferiora ei subdebantur.* Et 1. 2. q. 23. a. 2. ad 2. *Originalis iustitia pertinebat primordialiter ad essentiam animæ, erat enim donum divinitus datum humane nature, quam per prius respicit essentia animæ, quam ejus potentia.*

Ex quibus ratio sic deducitur primò. Sola gratia sanctificans pertinet ad essentiam animæ, alia verò dona ad potentias ipsius: sed iustitia originalis pertinet primariò & radicaliter ad essentiam animæ: ergo primariò & radicaliter consistit in gratia sanctificante. Secundò. Tunc iustitia originalis primariò consistit in gratia sanctificante, quando primarius effectus ipsius est formalis effectus ipsius gratiæ sanctificantis: sed est: quia primarius effectus est animam DEO subijcere: sed hoc est munus formale gratiæ sanctificantis: ergo. Neque ex hinc sequitur, quòd restituta per baptismum vel poenitentiam gratià restitatur iustitia originalis: quia iustitia originalis non tantum nominat perfectionem & effectum primarium, sed ut conjunctum cum donis, perfectionibus & effectibus secundariis in ipso radicatis. Unde licet gratia sanctificans cum suo effectu primario, qui est animam DEO subijcere, per baptismum & poenitentiam conferatur, non tamen meretur appellationem iustitiæ originalis ob defectum aliorum donorum & perfectionum, quæ ab originali iustitia includuntur. His prænotatis sit

2. **CONCLUSIO.** *Peccatum originale [intrinsecè contractum à parvulis] formaliter consistit in privatione iustitiæ originalis, hoc est, gratiæ sanctificantis, ex primario sine DEO animam subijcientis, quatenus illa privatio est causata per inobedientiam Adam.*

Ita potior Thomistarum cum S. D. sic habente in terminis hic q. 8. a. 3. in c. *Privatio originalis iustitiæ, per quam voluntas subdebatur DEO, est formale in peccato originali.* Et paulò pòst: *Peccatum originale materialiter quidem est concupiscentia, formaliter verò est defectus originalis iustitiæ.*

3. Probatur primò authoritate cum D. Aüselmi, rum Tridentini. Nam ille l. de Conc. Virg. c. 26. ita loquitur. *Hoc peccatum, quod originale dico, aliud intelligere neque in ipsis infantibus, nisi ipsam, quam supra posui, scilicet per inobedientiam Adæ iustitia debita nuditatem.* Et Trid. sess. 5. in Decr. de pecc. orig. & sess. 6. cap. 3. dicit: *Peccatum originale inesse cuicque proprium, parvulos propagatos ex Adam, dum concipiuntur, propriam iustitiam contrahere, quam regenerationis lavacro necesse fit expiari.* Ex quibus sic inferitur. *Peccatum originale est id, quod inest cuicque proprio, & per gratiam baptismi deletur: sed nihil aliud est assignabile intrinsecum animæ, quod per gratiam baptismi deletur, quàm prædicta privatio iustitiæ originalis: ergo.*

Probatur secundò ratione. Macula, seu peccatum habituale formaliter consistit in privatione gratiæ, quatenus causata, & voluntaria ex actu præterito: sed peccatum originale parvulis intrinsecum est de genere peccati habitualis, ut constat: ergo consistit in privatione gratiæ, secundum primarium effectum, [quem habet tanquam iustitia originalis] animam DEO subijcientis, & in ipsum habitualiter convertentis: atqui non consistit in illa ut causata & voluntaria per actum personale propriæ voluntatis: ergo in illa ut causata per Adami peccatum, quod physicè quidem spectatum erat actus Adamo proprius: moraliter verò erat pariter peccatum totius naturæ in Adamo tanquam capite contentæ. Major probata manet ex iis, quæ de peccati habitualis essentia sup. diximus.

Probatur tertio. Peccatum originale vel consistit formaliter in aliquo positivo, vel privativo. Non in positivo, tum, quia omne ens positivum est à DEO, nec potest habere formaliter rationem defectus: tum quia illud positivum deberet esse intrinsecum animæ secundum doctrinam Trident. atqui ea positiva, quæ sunt intrinseca animæ, non tolluntur per gratiam baptismi, quidem fomes concupiscentiæ remanet in renatis: ergo necesse est, ut formaliter consistat in privativo: sed in nullo alio privativo, quàm iustitiæ originalis secundum primarium suum effectum animam DEO subijcientis, qui est ipsi communis cum gratia sanctificante: ergo.

Confirmatur. Illud peccatum ex Adamo parvuli contrahunt generatione, quod erat in Adamo habituale, & macula relicta ex primo peccato Adami: atqui illud erat privatio gratiæ tanquam iustitiæ originalis: ergo hoc ipsum est originale contractum à parvulis. Major constat: nam peccatum originale est de genere peccati habitualis, ideoque à Trident. vocatur mors animæ: ergo responderet habituali peccato Adami. Minor etiam patet: quia mors animæ in Adamo causata ex primo peccato fuit carentia & privatio iustitiæ originalis, quatenus ex primario effectus animam DEO subijcientis, quo primario effectu sublato, aliæ mox deordinationes fuerunt secutæ.

Probatur 4. Explicata privatio iustitiæ originalis habet omnia requisita ad formale constitutum peccati originalis: ergo. Antecedens probatur. Nam primò est radix omnium aliarum imperfectionum, quæ ad peccatum originale quoquo modo reducuntur, ut explicat S. D. loc. cit. his verbis: *Per iustitiam originalem perfectè ratio continebat inferiores animæ vires, & ipsa ratio à DEO percipiebatur ei subiecta. Hac autem originalis iustitia subvertita est per peccatum primi parentis, & ideo omnes vires animæ remanent quodammodo destituta proprio ordine, quo naturaliter ordinatur ad virtutem, & ipsa destitutio vulneratio dicitur nature.* Item opusc. 192. Quia, inquit, *disti statim iam ordinata integritas tota causabatur ex subjectione humane voluntatis ad DEUM, consequens fuit, ut subdita humana voluntate à voluntate Divina, depriveret illa perfectè subiectio virium inferiorum ad rationem, & corporis ad animam, &c.* Secundò: quia ista privatio est vera animæ macula, & habitualis deforma-

mitas, Tertiò: quia est aversio ab ultimo fine supernaturali, quemadmodum gratia est habitualis conversio in ipsum. Quartò: quia est voluntaria terminativè ex peccato Adami tanquam peccato totius naturæ, *Ac* Quintò: quia est debilis per infusionem gratiæ baptismalis. Sextò: quia est privatio debitz ordinationis habitualis in finem supernaturalem, & habitualis conformitatis cum lege supernaturali, quæ in gratia sanctificante consistit.

## §. II.

*Solvuntur Objectiones.*

5. **O**bjicies primò authoritatem S. D. ad Anni-  
baldum d. 30. a. 2. ubi dicit, quòd peccatum  
originale consummativè est privatio justitiæ. & ori-  
ginaliter consistit in ipsa habitudine ad commutabi-  
le bonum ex peccato primi parentis relicta: ergo  
non consistit formaliter in privatione. Item hæc  
cit. q. a. 1. in c. peccatum originale dicit esse ha-  
bitum, sicut est agritudo. Et ad 1. vocat habi-  
tum corruptum, & languorem naturæ: sed ista  
dicunt aliquid positivum.

Respondeo ad 1. Tò originaliter accipi à S. D.  
pro materialiter & dispositivè. & Tò consumma-  
tivè pro formaliter, ut verba superius allegata cla-  
rè explicant. Et ad alterum dico, ut prius, pec-  
catum originale à S. D. vocari habitum & lan-  
guorem ex triplici causa: primò similitudinè  
propter habitualement permanentiam, quam habet  
in anima ad instar cujuslibet peccati habitualis.  
Secundò causaliter; quia sublatà justitià origi-  
nali consequitur fomes concupiscentiæ, & inor-  
dinatio potentiarum, quæ pertinent ad materiale  
peccati originalis. Tertiò dicitur habitus ma-  
terialiter, in quantum pro materiali habet inor-  
dinatam dispositionem partium animæ; sicuti mor-  
bus corporalis pro materiali dicit ipsos humores  
inordinate dispositos, pro formali autem priva-  
tionem, quâ tollitur æqualitas sanitatis, inquit S.  
D. cit. a. 1. ad 1.

6. **O**bjicies secundò ex ratione, & quidem primò.  
Pœna peccati originalis non est originale pecca-  
tum: sed subtractio justitiæ originalis fuit facta  
in pœnam peccati Adami: ergo non est ipsum  
peccatum originale. Majorem habet S. D. q. 5.  
de malo a. 1. in c. sic concludens: *Conveniens  
pœna peccati originalis est substractio gratiæ, & per  
consequens visionis Divinæ, ad quam homo per gra-  
tiam ordinatur.*

Secundò, Si DEUS parvulum per gratiam u-  
nionis hypostatice sanctificaret, sine infusione  
gratiæ habitualis, eò ipsò deleteretur peccatum o-  
riginale, & tamen non tolleretur privatio gratiæ  
sanctificantis: ergo peccatum originale est sepa-  
rabile à privatione gratiæ, & consequenter non  
potest formaliter in illa consistere.

Tertiò, Si peccatum originale adæquatè sum-  
psum non minùs dicit conversionem ad bonum  
commutabile, quàm aversionem ab ultimo fine:  
ergo adæquatè non consistit in sola privatione.

Respondeo ad 1. ut sup. de peccato habituali, 7.  
Subtractio seu privatio justitiæ originalis facta est  
in pœnam peccati, ut est negatio physice spectata,  
& à DEO per subtractionem influxus, concedo;  
ut privatio moraliter spectata, & causata ex  
peccato Adami, nego. Item: est pœna, quan-  
tum ad effectus secundarios, qui sunt subjectio  
appetitùs inferioris ad superiorem, exemptio à  
morte, & infirmitatibus, concedo; quantum ad  
effectum primum, qui est subjectio animæ ad  
DEUM, nego: eodemque modo distincto con-  
sequente, nego consequentiam.

Ad 2. nego antecedens, etiam si enim in illo  
casu non daretur parvulo gratia sanctificans, ut  
in se, daretur tamen ut eminenter contenta in  
superiori dono gratiæ hypostatice. Unde si di-  
cas: privatio non tollitur nisi per formam op-  
positam: sed forma opposita est gratia: ergo pri-  
vatio non tollitur nisi per infusionem gratiæ; sed  
hæc non infunditur ex hypothesi; ergo. Res-  
pondeo distinguendo Minorem: forma opposita  
est gratia vel formaliter, vel eminenter talis, con-  
cedo; solum formaliter talis, nego: ergo non  
tollitur nisi per infusionem gratiæ, nisi hæc sup-  
pleatur per gratiam superiorem & substantialem,  
concedo; si suppleatur, ut contingit in hypo-  
thesi, nego consequentiam.

Ad 3. distinguo majorem, restitueretur justitia  
originalis, quoad aliquem & primum effe-  
ctum, qui est subjectio mentis ad DEUM, con-  
cedo quoad omnes secundarios effectus, prius me-  
moratos, nego.

Ad 4. distinguo antecedens: peccatum origi-  
nale adæquatè sumptum, hoc est, tam quoad par-  
tem materialem, quàm formalem, dicit habitudi-  
nem ad commutabile bonum, concedo; inadæ-  
quatè sumptum, quantum ad rationem formalem  
constitutivi, nego; & pariter distincto conse-  
quente, etiam nego consequentiam.

Ex dictis colliges, quòd peccatum originale sit  
idem specie atoma, & æquale in omnibus homi-  
nibus, liquidem & causa, nimirum Adami pec-  
catum, & forma huic privationi opposita, videlicet  
justitia originalis, & pœna damni, quæ pro pec-  
cato originali infligitur, eadem specie est in omni-  
bus.



## DISPUTATIO XXIX.

DE

## Subiecto peccati originalis. ad q. 83.

**N**omine subiecti venit tam proximum quam remotum. Remotum dicimus ipsam personam, & suppositum, quod originali peccato inficitur: de quo certum est ex antè dictis, omnes homines ex Adamo per generationem propagatos eodem inquinari, nisi speciali privilegio muniantur: quà occasione quaeritur, an Beatissima Virgo non tam ab ipso peccato originali [ id quippe jam in tota Ecclesia receptissimum est ] quam ab ejus debito proximo incutrendo privilegium obtinuerit. Cum verò persona hominis constet diversis partibus, & substantialibus, puta anima & corpore, & accidentalibus, puta potentiis, quaeritur, secundum quam partem originale peccatum in homine proximè & immediatè subijcitur?

## ARTICULUS I.

*Quodnam sit proximum subiectum peccati originalis;*

## SUMMARIA.

1. *Diversa consideratio peccati originalis.*
2. *Peccati originalis formaliter sumpti immediatum subiectum est anima.*
3. *Quoad effectus & proprietates etiam recipitur in potentiis anima.*
4. *Per iustitiam originalem voluntas DEO subijcitur radicaliter & mediante charitate.*
5. *Peccatum originale integraliter sumptum inficit potentias anima.*
6. *Omnis culpa est voluntaria mediante voluntate tanquam causâ, non semper tanquam subiecto.*

## §. I.

*Sententia D. Thomæ.*

**P**roest peccatum originale considerari vel essentialiter, vel secundum effectum formalem primarium, vel integraliter secundum suas proprietates, & effectus secundarios, quemadmodum & iustitia originalis hoc modo spectari potest. Essentialiter & secundum effectum primarium est privatio gratiæ tanquam habitualis subiectionis ad DEUM, integraliter & secundum suos effectus secundarios, seu ut vocat Angel. Doctor, materialiter importat fomitem concupiscentiæ, & vulnera potentiarum, de quibus in Tract. de gratia. Quo posito sit

2. **CONCLUSIO.** *Peccatum originale secundum suam malitiam essentialiter proximè & immediatè recipitur in ipsa substantia anima: diffusivè tamen secundum suas proprietates, & effectus etiam recipitur proximè in voluntate, & remotius in aliis potentiis. Ita deducitur ex hac quaestione 83. S. D.*

Prima pars probatur primò. In illo subiecto immediatè recipitur peccatum originale quoad suam essentiam, in quo est effectus formalis ipsius: sed ipsius formalis effectus est immediatè & proximè in animæ substantia: ergo & peccatum formale. Minor probatur. Cum juxta præced. disp. peccatum originale formaliter consistat in priva-

tione iustitiæ, sive gratiæ sanctificantis tanquam habitualis subiectionis animæ ad DEUM; ideo ipsius formalis effectus est privare animam formâ gratiæ sanctificantis: sed iste immediatè recipitur in anima, sicut & forma opposita, per quam hæc privatio formaliter expellitur, nempe gratia sanctificans, immediatè recipitur in anima: ergo formalis effectus peccati originalis in anima recipitur.

Probatur secundò ratione Angel. Doctoris. Secundum illam partem anima immediatè recipit culpam originalem, secundum quam immediatè & proximè unitur corpori: sed secundum ipsam substantiam anima immediatè unitur corpori; non enim anima mediantibus potentiis, sed potentiæ mediante substantia animæ corpori uniuntur: ergo anima culpam originalem secundum ipsam suam substantiam immediatè & proximè recipit. Major probatur. Culpâ originalis derivatur in animam per generationem unitivam animæ cum corpore, unde secundum hoc concipitur anima primò receptiva culpæ originalis, secundum quod primò concipitur unita corpori: sed secundum ipsam substantiam, quæ per actionem unitivam immediatè & per se primò intenditur, concipitur anima primò unita corpori: ergo secundum ipsam substantiam primò & immediatè recipit anima culpam originalem.

Secunda pars probatur. Sicut iustitia originalis per virtutes supernaturales tanquam suas proprietates rectificabat animæ potentias, easque DEO subordinabat, & quidem proximè ipsam voluntatem mediante habitu charitatis, quo convertebatur in DEUM ut ultimum finem: appetitum verò sensitivum per specialem vigorem ex se diffusum subieciebat rationi: sic ex opposito peccatum originale, quod primariò & immediatè privet ipsam animam habituali subiectione, & ordinatione ad DEUM, secundariò privat potentias animæ, & maxime voluntatem habituali conversatione



versione ad DEUM ut ultimum finem : ipsum verò appetitum sensitivum illo vigore , quo subieciatur rationi : ergo sicut iustitia originalis primariò & principaliter in animæ substantia , diffusivè verò & quasi integraliter per suas proprietates in animæ potentis recipitur ; ita pariter originale peccatum primariò & immediatè in animæ substantia , diffusivè autem & secundariò secundum suos effectus in animæ potentis recipitur : Unde sunt illa animæ vulnera ; malitia in voluntate , ignorantia in intellectu , fomes concupiscentiæ in appetitu sensitivo. De quibus in Tract. de grat.

## §. II.

*Solvuntur objectiones.*

4. **O**bjicies primò auctoritatem D. Th. hic q. 82. a. 1. in c. dicentis : *Sic ergo privatio originalis iustitiæ per quam voluntas subdebatur DEO, est formale in peccato originali ; omnis autem alia inordinatio virium animæ se habet in peccato originali sicut quoddam materiale.* Ex quo sic arguitur. Iustitia originalis , quatenus voluntatem DEO subiciens est in ipsa voluntate : ergo etiam privatio iustitiæ , quatenus voluntatem DEO subiciens , est in ipsa voluntate : sed juxta D. Th. formale peccati originalis est privatio iustitiæ ut voluntatem DEO subiciens ; ergo formale peccati est in voluntate , non in substantia animæ.

Respondeo. Tò *per quam*, intelligi radicaliter & causaliter , non formaliter ; sicut etiam Tò *subdebatur* intelligendum est consecutivè per modum primæ proprietatis. Unde ad argumentum distinguo antecedens : iustitia originalis quatenus voluntatem DEO subiciens est in ipsa voluntate , est secundum effectum secundarium , & consecutivè concedo ; secundum effectum primarium , nego : eodemque modo distinguo consequens. Subsumptum quoque distinguo. Secundum S. Doctorem formale peccati originalis est privatio iustitiæ , quatenus voluntatem DEO subiciens causaliter & radicaliter per effectum secundarium , concedo ; formaliter & per effectum primarium , nego subsumptum & consequentiam.

5. **O**bjicies secundò eundem S. D. cit. q. a. 2. ad 3. quòd peccatum originale inficit diversas partes animæ , secundum quod sunt partes unius solius. Item & iustitia originalis continebat omnes animæ partes in communi. Ergo sentit S. D. quòd peccatum originale non tantum sit in anima , sed etiam in partibus , hoc est , potentis ipsius.

Respondeo , sensum S. Doctoris sufficienter

colligi ex adjuncta comparatione cum iustitia originali. Itaque sensus est : Peccatum originale integraliter sumptum , tam secundum secundarios , quàm primarios effectus , tam secundum proprietates , quàm secundum essentiam non tantum afficere substantiam animæ , sed etiam potentias ipsius ; sicuti in eodem sensu hoc præstat iustitia originalis , quo non obstante idem peccatum metaphysicè formaliter , & essentialiter sumptum est in sola animæ substantia : unde illo ipso art. in corpore dicit : quòd *omnis alia inordinatio virium animæ [ præter privationem iustitiæ , per quam voluntas DEO subdebatur ] se habet in peccato originali , sicut quoddam materiale.*

Obijctor tertio : Anima non est capax culpæ , nisi mediante voluntate : ergo culpa originalis per prius in voluntate , quàm in anima recipitur. Antecedens probatur. Nullum voluntarium recipitur in anima , nisi mediante voluntate : sed omnis culpa etiam originalis , est voluntaria : ergo nulla culpa nisi mediante voluntate in anima recipitur.

Respondeo , negando antecedens , ejusque probationem distinguo. Nullum voluntarium recipitur in anima , nisi mediante voluntate , tanquam causa quasi efficiente , concedo ; tanquam subiecto , nego : ergo nulla culpa nisi mediante voluntate tanquam causa in anima recipitur , concedo , sic enim voluntate Adami mediante macula originalis contrahitur ; tanquam subiecto , nego consequentiam.

Instas. In causis immanenter operantibus , idem est subiectum termini & operationis : ( sicut ideo verbum mentis est in intellectu , & impulsus in voluntate ) ergo sicut malitia actualis peccati immediatè recipitur in voluntate , sic etiam malitia habitualis peccati tanquam terminus illius ; & consequenter culpa peccati originalis mediante voluntate non solum ut causa , sed etiam ut subiecto in anima recipitur.

Respondeo , distinguendo majorem. In causis immanenter positivè effectivè & directè causantibus terminum , idem est subiectum operationis & termini ( quod probant instantiæ adductæ ) concedo majorem ; privativè , defectivè & indirectè causantibus , nego antecedens & consequentiam : quia per peccatum actuale non nisi defectivè , privativè & indirectè causatur privatio gratiæ sanctificantis , quæ est macula peccati habitualis terminativè voluntaria , in quantum voluntaria aversio ab incommutabili bono ratione directæ oppositionis cum efficaci conversione ad illud habet indirectam , sed tamen metaphysicam repugnantiam & impossibilitatem cum gratia Divina : de quo in Tract. de gratia.

## ARTICULUS II.

*Utrum Beatissima Virgo Maria contraxerit debitum peccati originalis ?*

## SUMMA.

1. Quid intelligendum nomine Immaculata Conceptionis ?
2. Quanta certitudo Immaculata Conceptionis ?
3. Admissendum in B. Virg. aliquid debitum.
4. Divisio debiti in proximum & remotum.
5. Viriisque debiti differentia.
6. Sententia negans debitum probatur auctoritate.
7. Et ratione.

2. *Contraria statuitur, & probatur autoritate.*
9. *Occurritur evasioni Adversariorum.*
10. *Opponitur autoritas SS. PP.*
11. *Mors & propagatio probant debitum proximum.*
12. *Item solus Christi exceptio, & ratio exceptionis.*
13. *Stante pravisione Christi post peccatum non potest negari debitum proximum.*
14. *Sine debito proximo non bene salvatur Christi redemptio.*
15. *Responsio Adversariorum refellitur.*
16. *Debitum proximum probatur ex gratia præservativa.*
17. *Responsio Adversariorum refutatur.*
- 18, 19. *Decretum seu pactum conditionatum sub obligatione meritum Christi est impossibile.*
20. *A posteriori probatur debitum proximum peccati.*
21. *Beatissima Virgo non comprehenditur sub lege communi quoad executionem & actualem contradictionem.*
22. *Opposita auctoritates exponuntur.*
23. *Peccare in Adamo non est vera ininfecmacula.*

## §. I.

## Præsupposita.

1. Suppono primò: Nominè Immaculatæ Conceptionis debere intelligi infusionem animæ B. V. in instanti debite organizationis factam cum omnimoda exclusionè peccati originalis: nam iste sensus DD. de hoc mysterio loquentium in cathedris; iste sensus fidelium illud venerationem in templis; iste Summ. Pontiff. & Ecclesiæ sensus in approbatione officii de Immacul. Concept. ubi habentur hæc verba: *Tota pulchra es amica mea, & macula originalis non est in te.* Item: *In tua conceptione Virgo immaculata fuisti.* Unde etiam Sixtus IV. & Gregor. XV. prohibuerunt uti nomine Sanctificationis, aut alio quocunque, quàm Conceptionis.

2. Suppono secundò: Veritatem Immaculatæ Conceptionis DEI Genitricis tanquam moraliter licetè nondum de fidei certam, quantà nempe certitudinem certum est, Beatissimam Virginem esse in sanctitate natam, & cum corpore in cælum assumptam; siquidem Ecclesia non minùs festum Immaculatæ Conceptionis toto orbe celebrandum festivo cultu proponit, quàm festa Nativitatis & Assumptionis; fuscque in honorem, & sub patrocinio Immaculatæ Conceptionis instituit sacræ familiæ, sodalitates, officia, concessæ pro ipsius Indulgentiæ, &c. ex quo moralis certitudo hujus piz sententiæ deducitur argumento nostri Ludovici Blossii in sac. an. fid. c. 5. *Quidquid Ecclesia Catholica universaliter colendum proponit, est certò verum & sanctum:* sed Ecclesia Catholica Conceptionem B. V. tanquam immaculatam & sanctam universaliter colendam proponit & præcipit, non minùs quàm Nativitatem, ejusque in Cælum Assumptionem: ergo est certò talis. Hujc festo initium dedere in Hispania S. Ildesonus, in festo Inquit Anselmus SS. PP. & Patres Benedictini. Ille in l. de perpet. Virg. pro Immacu-

lata Conceptione sic loquitur: *Maria verò, quia benedicta, culpam corruptionis non habuit, propterea Christum non in dolore, nec sub corruptione genuit.* S. verò Anselmus l. de Conceptu Virg. c. 5. in illud Apostoli Rom. 5. in quo omnes peccaverunt, ista habet: *Vera utique sententia, & cui contradicere nefas esse pronuntio: sed cum emicentiam gratia DEI in te confidero, sicut te non intra omnia, quæ fœlia sunt, inasistibili modo contueor, sic nec lege aliorum in tua formatione demeritam fuisse opinor, singulari & humano intellectu impensabili Divinitatis virtute & operatione ab omni peccati adjunctione liberrima.* Et c. 18. *Quia decebat, ut conceptio purissima foret; nempe decens erat, ut è puritate, quæ major sub DEO nequit intelligi, Virgo illa niteret.* Cum ergo totius Ecclesiæ communis consensus pro veritate Immaculatæ Conceptionis conspiret, luculentè de eadem veritate libri sint editi, & à Summ. Pontiff. impositum contrariæ opinioni silentium: quia nimirum, ut inquit D. August. epist. 118. c. 5. *de eo, quod universa Ecclesia facit, disputare, insolentissima infamia est;* Hinc relicta hujus veritatis ulteriori probatione alteram questionem discutendam suscipimus, an Beatissima V. habuerit debitum contrahendi peccatum originale proximum vel remotum? Ubi

Suppono tertio. Cum sit de fide, Beatissimam 3. Virginem non minùs, quàm alios homines fuisse verè & propriè à Christo redemptam, ipsique omnem sanctitatem & prædestinationem esse fundatam in meritis Christi, ideo necessariò ad mittendum esse aliquid saltem debitum contrahendi peccatum originale, cum hoc sit redemptionis obiectum, & ut inquit S. D. in 4. d. 43. a. 4. ad 3. *dimisso debitorum, & liberatio à malo non possit intelligi, quòd aliquis sine debito, vel immunis à malo nascatur.* Unde etiam in precatone offic. Immacul. Concept. annexa dicitur: *Qui ex morte filii tui prævia eam ab omni labe præservasti.*

Ceterum istud debitum à Recentioribus distingui cepit in debitum proximum & remotum. Proximum ille habere dicitur, qui in Adamo tanquam capite morali totius humanæ naturæ vi patet & decreti Divini contentus, per Adam peccatum jus amisit in sua conceptione recipiendi gratiam & justiciam originalem, & necessitatem contraxit habendi maculam peccati originalis, seu privationem justitiæ originalis, nisi speciali privilegio eximatur, & à tali macula præservetur. Qua de causâ habentes debitum proximum, dicuntur in Adamo peccasse, non quasi in seipsis intrinsecè aliquam peccati maculam contraxerint; sed quia propter primum Adami peccatum tota universalitas hominum fide natura ex Adamo propaganda amisit jus justitiæ originalis, & deberet suo tempore vi naturalis propagationis in omnibus & singulis suis membris concipi intrinsecè inquinata privatione justitiæ originalis. Debitum remotum habere dicitur, qui quidem debuisset includi in generali pacto & decreto de amissione justitiæ originalis, & transfusionè peccati, actu tamen non fuit inclusus, eò quòd sub conditione meritum Christi talis persona fuerit excepta à generalitate legis, quoad partem saltem odiosam de transfusionè peccati.

5. Unde prima differentia inter utramque sententiam est, quòd in prima sensus decreti Divini est iste: Ego te Adame nunc constituo caput totius generis humani, ita, ut non tantum omnes homines à te naturam, sed etiam hanc felicitatem, iustitiamque, in qua te collocavi, & tandem vitam æternam accipiant, si in observantia meorum præceptorum perseveraveris. Si verò præceptum meum prævaricatus fueris, peccatum tuum non tibi tantum, sed & omnibus ex te nascituris sit in ruinam, amissionem huius iustitiæ, felicitatis, immortalitatis atque exclusionem à vita æterna. Altera verò sententia pacto adiecit conditionem, idque sic exponit: Ego volo, ut tua voluntas sit moraliter voluntas omnium posterorum tam in ordine ad transfundendam iustitiam, si perseveraris, quam ad transfundendam malitiam, si peccaveris, excepta hac personà individua, si pro ipsa Christus voluerit offerre sua merita, ubi quidem per generalitatem pacti Beatissima V. fuisse comprehendenda sub Adamo tanquam capite morali quoad partem odiosam de transfusione peccati, si Christus sua merita non obtulisset [quod vocant debitum remotum] ne tamen actu comprehenderetur sub ipso, atque ita cum tota natura haberet necessitatem contrahendi peccatum [quod est debitum proximum] sufficienter cautum fuit in virtute exceptionis & conditionis oppositæ, per quam etiam sufficienter dependebat à meritis & redemptione Christi.

Secunda differentia est, quòd prima sententia admittit, Adamum fuisse caput morale respectu Beatissimæ Virginis, eamque in Adam peccasse; hoc enim non significat aliquem defectum actuali intrinsecè maculantem, aut inhærentem, sed solum potentiam & debitum contrahendi per extrinsecam denominationem à peccato Adami, prævisum in signo antecedente provisionem omnis maculæ actu contrariæ, & intrinsecè receptæ. Unde aliud est dicere, Adamum in Beatissima Virgine non peccasse, & aliud, B. V. in Adamo non peccasse: nam prima propositio tantum significat, quòd B. V. de facto non incurreret labem originale propter Adami prævaricationem, altera verò significat, B. V. ne quidem propter Adami peccatum amisisset jus ad gratiam, aut habuisset debitum incurrendi hanc maculam.

Tertia differentia est, quòd prima sententia admittit, B. V. comprehensam fuisse sub pacto Divino tam quoad partem favorem de transfusione iustitiæ, quam quoad partem odiosam de transfusione peccati: & ideo absolute concedit, B. V. fuisse filiam Adæ tam naturaliter, quam moraliter. At verò secunda sententia admittit fuisse comprehensam sub pacto quoad partem favorem, quoad partem verò odiosam dicit fuisse non actu comprehensam, sed tantum comprehendendam, si Christus sua merita pro B. V. non obtulisset.

Quarta differentia est, quòd secunda sententia necessariò præsupponit Christi existentiam prævisam in Divina scientia, antecedenter ad provisionem peccati Adami, nam prius naturà concipitur pactum cum Adamo initum, quam lapsus Adami: atqui in pacti ipsius condicionali clausula [si Christus sua merita obtulerit] jam suppo-

nitur existentia Christi: ergo hæc etiam supponitur ante provisionem & existentiam peccati. Prima verò sententia hanc prioritatem nequaquam supponit: neque tenetur admittere. His ita positis sit

## §. II.

*Proponitur sententia negans debitum proximum.*

Pro prima & negante sententia, quæ nostrà 6. primum tempestate invaluit, Salmanticenses referunt, Lezanam, Granadum, Penalosam, & quosdam alios. Citantur etiam pro hac sententia Scotistæ in communi; sed an verè? infra videbimus.

Probatur primò: Lex incurrendi peccatum originale non est lata pro Virgine: ergo non habuit debitum proximum. Antecedenter probatur ex quodam Responsorio Officii à Sixto IV. in Extrav. cum præfata de Reliq. & vener. SS. ubi locus Script. Esther 15. *Non pro te, sed pro omnibus hac lex constituta est*; ita Virgini mysticè applicatur: *Omnes moriemini, quia in Adam peccavistis; tu verò ne timeas, ô Maria, invenisti gratiam apud DEUM; non enim pro te, sed pro omnibus hac lex constituta est.* Accedit auctoritas D. Anselmi dicentis: *Sic te nec lege aliorum in tua formatione demeritam fuisse opinor*: ergo fuit exempta à lege.

Secundò. In antiph. superius relata dicitur: *Eam ab omni labe præservasti.* Sed DEUS non præservasset ab omni labe, nisi Virginem præservasset, ne peccaret in Adamo: ergo. Huc pertinet illud D. Anselmi de Concept. Virg. c. 18. *Deipara eâ puritate niteri debet, qua sub DEO major nequit intelligi.* Sed major utique est puritas, si Beatissima Virgo non peccavit in Adamo, adeoque caret debito proximo peccati: ergo, S. Ildefonsus quoque I. de Virg. Mariz dicit: *Eam in totum fuisse extraneam à maledictio prima damnationis*: sed non fuisse in totum extranea, si saltem peccasset in Adamo. D. Cyprianus ferm. de Nativitate Christi inquit: *Innoxiam affligi non decuit; nec sustinebat iustitia, ut illud vas electionis communibus laxaretur injuriis, quoniam plurimum à cæteris differens naturâ communicabat, non culpâ*: ergo debebat eximi à culpa Adami omnibus communi. D. Augustinus I. de nat. & grat. cap. 36. *Excepta itaque S. Virgine MARIA, de qua propter honorem Domini nullam prorsus, cum de peccatis agitur, habere volo questionem; inde enim scimus, quòd ei plus gratiæ collatum fuerit ad vincendum ex omni parte peccatum, qua concipere ac parere meruit enim, quem constat nullum habuisse peccatum.*

Probatur tertio. Maxime decuit Beatissimam Virginem præservari etiam à debito peccati; idque DEUS potuit: ergo præsumendum est, à DEO fuisse præservatam. Antecedens quoad primum membrum probatur primò: quia est magna vilitas habere necessitatem incurrendi peccatum; & quidem major vilitas & turpitudine, quam habere fomitem peccati: quia iste tantum inclinatur in materiale peccati: illa verò etiam necessitat ad formale peccati: ergo sicuti decuit

Beatam

Beatam Virginem liberari à fomite peccati, & ab actuali contradietione peccati originalis, quia utrumque est magna deformitas; ita etiam decuit illam à debito proximo peccati liberari.

Alterum membrum antecedens etiam ostenditur: Siqua foret ratio, cur DEUS juxta ordinem praevisionis Providentiae non potuisset Virginem liberare à debito proximo, esset ista, quod juxta hunc ordinem deberet esse redempta per mortem & Sanguinem Christi; non autem esset redempta, quia pactum Divinum cum Adamo, & praevisione seu permissio peccati originalis est prior praevisione mortis & passionis Christi: Si ergo B. V. fuisset exempta à pacto & peccato Adam, fuisset liberata antecedenter, adeoque independentem ad mortem & passionem Christi, nec proinde propriè foret redempta. Sed hæc ratio nil obest: ergo. Minor probatur. Potuit Decretum Divinum, seu pactum cum Adamo initum esse conditionatum circa personam B. Virginis, hoc modo, ut DEUS diceret: Volo ut Adami voluntas sit moraliter voluntas omnium ipsius posterorum, sive ad transfundendam justitiam, sive ad transfundendam culpam; excepta tamen hac determinatâ personâ, si Christus [qui in ordine intentionis supponitur prius praevisionis & intentus] pro illa sua merita offerre voluerit. Sed hoc casu Virgo Beatissima est propriè redempta, quia quamvis ipsi per appositam conditionem cavebatur, ne actu esset comprehensa in illo pacto, quoad partem odiosam de transfusione peccati: tamen etiam pro illo signo nondum erat actualiter liberata, sed primò pro signo posteriori, quo Christus pro ipsius praeservatione obtulit sua merita, ac proinde fuit dependenter à meritis Christi praeservata.

Si dicas. B. V. pro illo signo, quo pactum cum Adamo fuit praevisionis, & decretum, ab illo non fuit actu exempta: ergo fuit actu comprehensa. Nego consequentiam. Tantum enim sequitur fuisse comprehendendam, nisi Christus sua merita offerret. Cum autem in signo posteriori Christus obtulit sua merita, purificata conditio de praesenti dedit effectum etiam pro praeterito, sive pro illo signo, in quo erat praevisione pacti cum Adamo: ita enim & in humanis contraditionibus, aut pactis usuvenit, ut rati habitio, vel aliqua conditio impleta det effectum praeteriti, & retrahatur ad tempus initii contraditionis, pacti &c. juxta textum in L. potior 1. §. 1. ff. qui potiores in pigore: ubi dicitur: *Cum semel conditio extiterit, perinde habetur, ac si illo tempore, quo stipulatio interposita est, sine conditione facta esset.*

Confirmatur primò: Magis dedecet B. Virginem in Adamo peccasse, quam aliquando peccasse venialiter: ergo si dignitas maternitatis ipsam eximit ab omni culpa veniali; multò magis à peccato in Adam commissio.

Confirmatur secundò. Est offensio piarum aurium, dicere, quod Beatiss. Virgo in Adamo peccaverit, adeoque fuerit peccatrix, maculata, immunda, DEO inimica, &c. sed hæc offensio non aliter evitatur, quam si negetur debitum proximum: ergo non est asserendum.

Confirmatur tertio. Argumenta, quæ probant immunitatem B. V. ab actuali contradietione

peccati originalis, probant etiam immunitatem à debito illius; & contra, quæ oppugnant immunitatem à debito, pueriter oppugnant immunitatem ab ipso peccato originali: ergo pro majori confirmatione pie & receptissimæ sententiae, de Beatissimæ Virginis immunitate à peccato originali, tenendum est, ipsam pariter immunem fuisse à debito peccati originalis.

## §. III.

*Praefertur sententia affirmans debitum proximum.*

**CONCLUSIO.** *Virgo Beatissima non fuit exempta à debito proximo peccati originalis.* Est communissima doctrina tam SS. PP. quam Theologorum, quorum plurimos vide apud Salmanticenses. tr. 13. disp. 15. dub. 4. §. 3. & 4. Ipse etiam Scotus, insignis propugnator Immaculatæ Conceptionis, verbis admodum clavis in nostram concedit sententiam: nam in 3. dist. 3. q. 1. cum Authoritates PP. quæ adversari videntur, retulisset, subiicit: *Ita exponenda sunt auctoritates, quod omnes naturaliter propagati ab Adam sunt peccatores, id est, ex modo, quo habent naturam ab Adam, habent unde careant iustitiâ debita, nisi eis aliunde conferatur.* Hanc quoque sui Subtilis Doctoris mentem fuisse, agnovit ipsius Scholasticus Hugo Cavellus: *Docet, inquit, modum solvendi omnes Sanctorum auctoritates, quæ universaliter neminem excipiunt ab originali, quia intelliguntur quoad debitum: omnes enim naturaliter concepti, habent unde contrahant originale ex vi sua conceptionis, nisi ex privilegio aliquis eximatur, &c.*

Si dicas: Scotum loqui de necessitate contrahendi peccatum originale solum in radice, moves quætionem de nomine: quod enim in radice appellas, hoc ego eodem jure & sensu voco in debito. Et ideo hanc utramque vocem, tanquam synonymam conjunxit ex eadem schola præclarus Doctor, & Ecclesiasticus Didacus de la Vega in Conc. Dom. Pass. dicens: *DE ipsa Virgo MARIA etsi peccatum nullum sive originale, sive actuale habuerit, contraxit tamen illud NB. in radice, & in debito.*

Probatur auctoritate simul & ratione primò. Beatissima Virgo peccavit in Adamo: ergo habuit debitum proximum. Antecedens probatur primò: quia Apostolus eadem universalitate loquitur de morte, & peccato hominum in Adamo, quâ loquitur de reparatione hominum per mortem & redemptionem Christi. Inde enim 2. Corinth. 5. facit hanc consequentiam: *Si unus pro omnibus mortuus est: ergo omnes mortui sunt.* Rom. 3. *Omnes enim peccaverunt, & egent gloriâ DEI.* Ibidem c. 5. *Sicut per unius delictum in omnes homines in condemnationem, sic & per unius iustitiam in omnes homines in justificationem vite &c.*

Secundò, quia teste Jo. à S. Th. Pelagius in Concilio Palæstino fuit iustus abjurare istum articulum, quod per mortem, & praevagationem Adam non omne genus humanum moriatur.

Dices, Sicut est fundamentum excipiendi B. V. ab universalibus locutionibus adfuerunt actuali contradietione peccati originalis; sic



pariter esse fundamentum eandem excipiendi à debito proximo: ideoque sufficere ad veritatem illarum propositionum, quòd B. V. debuisset in Adamo peccare, nisi fuisset excepta in pacto conditionato.

Sed contrà est primò. Quòd fundamentum excimendi B. V. à peccato originali actu contracto præbet ipsemet Apostolus, cum dicit Rom. 5. *In quo* [hoc est Adam] *omnes peccaverunt*. Per quæ expressè significat, se loqui de peccato Adami comprehendente totum genus humanum, quo omnes homines extrinsecè denominantur peccatores in Adamo, & debitores ipsam intrinsecam maculam peccati in sua conceptione contrahendi, adeòque etiam reliqua, quibus affirmat, *omnes esse mortuos*, commodè exponuntur de morte, vel in se, vel in Adamo: Atqui nullum præbet fundamentum excimendi B. V. à debito proximo, siue à morte & peccato in Adamo commissi: imò destruit omne tale fundamentum. Nam primò idem Apostolus Rom. 3. *Iustitia DEI*, inquit, *per fidem Jesu Christi in omnes*, & *super omnes, qui credunt in eum*; non enim est distinctio, omnes enim peccaverunt, & egent glorià DEI, hoc est, interprete D. August. l. 2. hypogr. gratià justificationis. Et c. 5. *Per unum hominem peccatum in hunc mundum intravit*, & *per peccatum mors*, & *ita in omnes homines mors pertransiit, in quo omnes peccaverunt*. Ubi Apostolus negat esse faciendam distinctionem & exceptionem à necessitate salutis, & justificationis accipiendæ per fidem in Christum: eò quòd omnes peccaverint: ergo cum B. V. non excipiatur ab universalitate eorum, qui justificari debent per fidem in Christum, pariter non debet excipi ab universalitate eorum, qui peccaverunt in Adamo: cum aliàs casualis Apostoli non subsisteret. Rursus sicut in priori textu Apostolus conjungit universalitatem salvandorum per fidem in Christum cum universalitate peccantium, sic in secundò conjungit universalitatem morientium, cum universalitate eorum, qui peccaverunt. Unde sicuti nullum est fundamentum excipiendi Beatissimam Virginem ab universalitate morientium, cum adducto subierit mortem, ita neque ab universalitate eorum, qui in Adamo peccaverunt.

Secundò. Eodem c. 5. eadem omnino extensione & universalitate comprehendit peccatores in Adamo, & justificados per Christum, institutà comparatione inter meritum Christi, & peccatum Adami: *Sicut*, inquit, *per unius delictum in omnes homines in condemnationem*; sic & *per unius justitiam in omnes homines in justificationem*: ergo sicuti B. V. non potest excipi ab universalitate secundæ propositionis, ita nec primæ.

Tertiò 1. Corinth. 15. *Per hominem*, inquit, *mors*, & *per hominem resurrectio mortuorum*, & *sicut in Adam omnes moriuntur*, ita & *in Christo omnes vivificabuntur*. Ubi Apostolus de omnibus, qui in Christo sunt resurrecturi, eadem extensione & universalitate in Adamo per peccatum mortuos esse affirmat.

10. Contrà est secundò: quòd in SS. Scripturarum expositione standum est communi doctrinà, & sensu SS. PP. sed isti ab universalitate Apostolicæ doctrinæ de peccato & morte in Adamo so-

lum Christum excipiunt, imò expressè B. V. comprehendunt: ergo B. V. non potest excipi à debito proximo contrahendi peccatum originale. Minor probatur. Nam D. Augustinus exponens textum Apostoli proximè allegatum l. 6. cont. Julianum c. 12. *Omnes ergo*, inquit, *ad mortem per Adam*, omnes ad vitam per Christum; quia sicut in Adam omnes moriuntur, ita in Christo omnes vivificabuntur, id est, ex prima origine generis humani nemo ad mortem, nisi per Adam, & nemo per Adam, nisi ad mortem: & nemo ad vitam, nisi per Christum, & nemo per Christum nisi ad vitam: ergo sicuti Christus omnibus se regenerandis est causa vitæ; sic Adamus omnibus ex suo semine generandis fuit causa mortis. Hæc ipsum colligit præfatus S. Pater ex consequentia, quam habet Apostolus 2. Corinth. 5. *Si unus pro omnibus mortuus est*: ergo omnes mortui sunt, Nam l. 20. de Civit. c. 6. ita exponit: *Omnes mortui sunt in peccato*, nemine prorsus excepto. Et loco cit. c. 1. *Per hoc unus*, inquit, *pro omnibus mortuus est*: ergo omnes mortui sunt, ostendens fieri non potuisse ut moreretur, nisi pro mortuis. Ex hoc enim probavit omnes esse mortuos, quia pro omnibus mortuus est unus. Vide, quia consequens esse voluit; ut intelligantur omnes mortui, si pro omnibus mortuus est, &c.

Idem D. August. sup. psal. 34. cont. 2. ad illa: *Ego autem cum mihi molesti essent &c.* ita loquitur. *MARIA ex Adam mortua propter peccatum Ada*, Adam mortuus propter peccatum, & caro Domini ex Maria mortua est propter delenda peccata. Unde

Probaturs secundò nostra conclusio. Si B. Virgo caruisset debito proximo, tunc fuisset immunis à morte, neque caro ipsius fuisset ex propagatione peccati: consequens est absurdum & repugnat dictis SS. PP.: ergo & antecedena. Sequela quoad primum membrum probatur ex D. Augustino tum in textu primùm adducto, ubi dicit, *Mariam mortuam propter peccatum Ada*, tum in l. 4. cont. 2. epistolas Pelagii c. 4. *Pati mortem sine meritis mortis de uno solo Mediatore DEI & hominum homine Christo JESU Catholica fides novit*. Et l. 2. de pecc. merit. c. 35. *Tenemus inclinabilem fidei confessionem*; *solus unus est, qui sine peccato mortuus est propter nostra peccata*: ergo juxta D. Augustinum præter unicum mediatorem Christum omnes alii, quicunque mortem subeunt, illam subeunt ex meritis mortis. Et quomodo ex meritis, nisi ex peccato Adami tanquam causa demeritoria? adeòque & B. Virgo comprehensa erat in ista causa demeritoria mortis.

Quoad secundum membrum probatur eadem sequela, quia ex nulla alia ratione potest dici caro esse ex propagatione peccati, nisi quia generatur virtute feminis corrupti, & privati vigore propagandi iustitiam originale, vel quia generatio trahit secum inquinamentum peccati, nisi divinitus impediatur: atqui ista privatio dependet à peccato Adami tanquam causa morali: ergo sublato influxu morali ex peccato Adami (uti fit in sententia negante debitum proximum) consequens est, ut etiam caro non generetur ex propagatione peccati. Minor principalis quoad

mortem

mortem est certa : quoad propagationem probatur pariter autoritate D. Augustini l. 10. de Gen. ad litter. c. 18. ubi ait : *Quid coinquinatius illo uero Virginis, cuius caro NB, etiamsi de peccati propagatione venit, non tamen de peccati propagatione concept.* Et S. Fulg. l. de Inc. Chr. c. 6. *Hæc est gratia, quæ factum est, ut DEUS, qui venerat peccata tollere, homo conciperetur, atque nasceretur in similitudine carnis peccati de carne peccati. Caro quippe MARIÆ, quæ in iniquitatibus fuerat humanæ solemnitate concepta, caro fuit utique peccati, quæ Filium DEI genuit in similitudinem carnis peccati.*

12. Roboratur prædictum argumentum primò : Exceptio alicujus à lege communi firmat regulam in contrarium, præcluditque locum, ne quis alius intelligatur exceptus ; ut est receptum juris principium l. *quesitum* 12. §. *idem respondit*. L. *cum de lanionis* 17. §. *si quis fundum*. ff. de fundo instrul. l. *exco* 18. ff. de testibus. Cùm ergo SS. PP. solum Christum excipiant à communi lege peccati, cumque solum immunem asserant ab omni debito peccati, manifestum est, neminem alium ab ipsis excipi.

Secundò. Ratio, cur SS. PP. Christum excipiant à debito omnis peccati, est, quia solus ille virtute Spiritus S. de Virg. MARIA conceptus est absque feminali propagatione ex Adamo : ita sensisse D. Ambrosium testis est ipsemet S. Augustinus l. 2. contr. Julianum c. 9. *Dicit beatus Ambrosius, unum solum hominem mediatorem DEI & hominum, NB, eò quòd sit natus ex Virgine, nec senserit nascendo peccatum, generationis obnoxia vinculis non teneri.* Qui S. P. Augustinus l. 1. de nupt. & concupisc. eadem habet. *Sine carnis concupiscentia nasci voluit, qui futurus erat sine peccato : ut hinc etiam doceret, omnem, quæ de concubitu nascitur, carnem esse peccati : NB, quandoquidem sola, quæ non inde nata est, non fuit caro peccati.* Et S. Leo serm. 1. de Nativit. Cùm sola condito nascendi in cunctis esset ratio peccandi, solus inter filios hominum Dominus JESUS innocens natus est, quia solus sine carnis concupiscentia pollutione conceptus est. Jam verò ad eos tantum exceptio à regula communi pertinet, quos causa & ratio exceptionis comprehendit : atqui hæc solum Christum, non B. Virginem comprehendit, ut certum est : ergo exceptio ad B. V. extendi non debet.

13. Probatur Tertiò. Si B. Virgo fuisset exempta à proximo debito peccati originalis, in virtute pacti conditionati ipsam eximentis & excipientis, si Christus sua merita offerret, tunc Christus fuisset prævisus ante lapsum Adami : sed non fuit prævisus, aliàs contra expressam doctrinam Doct. Angelici, contra Script. quoque & PP. auctoritates, Christus venisset, etiamsi Adam non peccasset, prout ex insituto disputabitur in Tract. de Incarnatione : ergo non potest dici, B. V. fuisset exemptam à debito proximo culpæ originalis.

14. Probatur quartò. Si B. Virgo non habuisset debitum proximum, non fuisset propriè redempta à Christo : consequens est absurdum : ergo. Sequela probatur. Tunc non fuit propriè redempta, quando non comprehendebatur sub ob-

jecto & materia redemptionis : sed si non habuisset debitum proximum, non fuisset comprehensa sub objecto & materia redemptionis : ergo. Minor probatur : Objectum & materia redemptionis est peccatum Adami tanquam peccatum totius naturæ, seu tanquam inducens reatum, & debitum ut singuli ex ipso nascituri concipiantur cum privatione originalis iustitiæ : sed B. V. non fuisset comprehensa sub hoc debito & reatu : ergo non fuisset comprehensa sub objecto & materia redemptionis.

Respondent, B. Virginem non fuisse quidem 15. comprehensam sub objecto redemptionis absolute, bene tamen conditionatè, sub conditione nimirum, nisi Christus in posteriori naturæ pro ipsa sua merita offerret.

Sed contra est primò : quòd ista conditio supponit prævisionem Christi ante lapsum Adami, quod dici non potest.

Contra est secundò : quòd ipsa oblatio meritorum Christi habeat pro objecto naturam habentem reatum incurrendi & contrahendi labem peccati originalis. Unde hæc exceptio à generali pacto sub conditione, si Christus sua merita obtulerit, evertit seipsam, cùm illa oblatio sit pro iis, qui sub generali pacto absolute contrinebantur.

Contra est tertiò : quòd istius conditionati pacti nullum prorsus est fundamentum in S. Script. & PP. bene autem in contrarium, ut latè ostendimus, & mox ulterius deducemus.

Contra est quartò. Po.issimum fundamentum B. Virginem eximendi ab originali peccato, actu contracto, litteraliter indicatur in S. Scr. est Genes. 1. ubi DEUS ad Serpentem dixit : *Inimicitias ponam inter te & mulierem, ipsa conteret caput tuum* : atqui hoc decretum Divinum præsupponit lapsum Adami, adeoque & pactum cum ipso initum : nam pro caulis DEUS præmisit : quia *fecisti hanc rem*, hoc est, quia mediante Eva seduxisti Adamum, & in ipso totum genus humanum.

Probatur quintò : Tunc Beatissima Virgo habuit proximum debitum peccati originalis, quando in primo instanti suæ conceptionis fuisset obnoxia peccato, nisi præservata fuisset per gratiam : sed fuisset : ergo. Minor probatur. Posito, quòd DEUS Beatissimæ Virginis in primo instanti conceptionis non contulisset gratiam impeditivam peccati, vel habuisset puram negationem gratiæ, vel privationem ipsius ? Non secundum, quia hoc ipso habuisset debitum incurrendi privationem, adeoque & culpam originalem. Non primò, quia sic fuisset in statu puræ naturæ, quemadmodum fuisset Adamus, vel Angelus, si fuisset sine gratia : sed hoc admitti non potest : primò, quia hoc est contra legem & providentiam DEI ordinariam, humanam naturam elevantis in finem supernaturalem. Secundò : quia hac ratione gratia B. Virginis in primo instanti collata non esset redemptiva & præservativa ; quemadmodum nec gratia Adamo innocentis & angelo collata est talis, hoc ipso, quia non impedit sui privationem & culpam, sed simplicem negationem.

Tertiò : quia carentia formæ unà cum debito

M m 3

habendi

habendi illam formam est privatio: sed absentia gratiæ in hoc casu in B. V. fuisset conjuncta cum debito habendi illam formam, siquidem hoc debitum pertinet ad perfectionem naturæ elevatæ; cujus utique pars fuit B. V. nec est ullum fundamentum ab illo B. V. excludendi. Quarto: quia aliàs Virgo non fuisset à peccato præservata per gratiam, quæ ipsi fuit data in instanti suæ conceptionis; quia etiam si illa non fuisset data, tamen non fuisset concepta in peccato, sed in puris naturalibus.

17. Respondent in illo casu, quo DEUS in primo instanti animationis gratiam redemptivam animæ B. V. non infudisset, habiturum fuisse privationem gratiæ, & culpam originalem, quia tunc necessarii deberet supponi, quod Christi mors & passio pro B. V. exemptione non fuisset oblatæ, & acceptatæ, adeoque fuisset comprehensa in pacto etiam quoad partem odiosam, & consequenter etiam in peccato Adami.
18. Verùm contra hanc responsionem multa militant. Contrà enim est primò: Vel oblatio meritorum mortis, & passionis Christi debuisset fieri ante, vel post prævisum Adami peccatum. Si ante, tunc peccatus etiam ut passibilis venisset Adamo non peccante: siquidem prævisio passionis fuisset intendens à prævisione peccati, quod nec Adversarii concesserint: si post, tunc sequeretur, quod Christus fuisset author peccati originalis in Beatissima Virgine, si noluisse pro ejus exemptione offerre sua merita: consequens est absurdum: ergo. Sequela probatur: Illa culpa originalis causaretur & resuleret moraliter, vel ex vi primi peccati Adami ceu capitis, vel ex vi denegatæ exemptionis? Non ex vi primi peccati: quia illius moralis influxus & denominatio tantum illos tangebat, respectu quorundam Adamus erat caput morale; non autem erat caput morale; respectu Beatissimæ V. saltem quoad partem odiosam, dum adhuc peccaret, sed neque finito actu peccati, ubi Adam jam desinit esse caput morale pro tota posteritate; ergo si denegato beneficio exemptionis in posteriori instanti B. Virgo contraxisset culpam originalem, illa adscribenda foret ei, per quem sterit, ut conditio in pacto inclusa non impleteretur: sed ex parte Christi sterisset, quò minus poneretur conditio exemptionis inclusa in pacto: ergo ipsi tanquam causæ fuisset adscribenda culpa originalis: sicuti, si, Titio hærede instituto sub conditione si Cajus consenserit, Cajus consensum denegaret, eidem ceu causæ adscriberetur denegatio hereditatis: & tunc haberet locum illud axioma: Sicut affirmatio est causa affirmationis, sic negatio est causa negationis.
- Contrà est secundò: quod istud pactum conditionatum, *Toto ut sis caput morale omnium posterorum excepta hæc determinata persona, si pro illa Christus merita sua passionis obtulerit*, sit abusive fundamento Script. & PP. qui nullam faciunt distinctionem inter caput naturale, & morale gratis excogitatum, imò impossibile. Cujus ratio est primò: quia, ut priùs dicebamus, oblatio meritorum Christi habet pro objecto illos, qui in Adamo peccaverunt; non enim est opus valentibus medicus, sed malis habentibus: sed B. V. in Adamo non peccasset.

Secundò: quia formalis & privativus effectus peccati ab Adamo commissi debuisset manere suspensus respectu B. Virginis, usque dum impleretur conditio oblationis meritorum Christi, ita, ut hæc posita non esset comprehensa moraliter sub peccato Adami, illà non posita esset comprehensa, quod rursus est impossibile; sicut enim moralis intrinseca denominatio peccantis immediate consequitur, & afficit personam Adami, sic etiam extrinsece afficit naturam in Adamo contentam, cum sit impossibile, ut possit ab alia, quàm Adami voluntate dependere.

Tertiò: quia, ut priùs dictum, hoc pactum conditionatum faceret Christum auctorem peccati, nam in pactis conditionatis, in quibus conditio dependet ab alia, quàm paciscentis voluntate, non sequitur effectus, nisi dependenter ab illius voluntate, qui potest ponere & implere conditionem, uti ostensum in priori exemplo; cum ergo pactum cum Adamo inirum de transfusione peccati esset conditionatum, nisi videlicet Christus offerret sua merita, quæ conditio utique non dependebat ab Adami voluntate, sed Christi: etiam transfusio peccati in casu, quo Christus denegaret oblationem meritorum, esset adscribenda voluntati Christi, quod implicat. Imò verò transfusio peccati non fuit objectum DEI paciscentis cum Adamo, cum sit impossibile, illam esse objectum voluntatis positivæ, qualis est decretum de transfusione justitiæ, sed tantum potuerit ex hypothesi, quòd DEUS Adamum consiliaverit caput totius naturæ, etiam in ordine ad transfundendam justitiam originalem, per Adami voluntatem, justitiam peccando destruentis, indirectè causari: quæ igitur ratione potuit DEUS partem odiosam in pacto scernere à parte favorabili, ut deberet, vel non deberet incurrere peccatum, prout Christus sua merita pro B. V. vellet, vel non vellet offerre? Exemplum ab adversariis petita est rebus humanis non sunt ad rem, cum [omissis aliis differentiis] procedant de suspensione alicujus effectus pœnalis, de quo debito illius; non autem de suspensione, vel debito culpæ.

Probatur sextò. Si Adam non peccasset, B. V. habuisset jus in sua conceptione accipiendi justitiam originalem, & nascendi ex semine non corrupto, immunitatem quoque à morbis, miseriis & morte: ergo ex eo, quòd Adam peccaverit, B. V. habuit debitum contrahendi culpam originalem. Consequentia probatur: Sicuti jus habendi justitiam originalem nihil est aliud, quàm denominatio extrinseca proveniens à justitia originali & modo naturali descendendi ex radice & semine instructo vigore justitiæ originalis: ita debitum proximum nihil aliud est, quàm denominatio extrinseca proveniens à peccato Adami, & modo naturali descendendi ex Adami radice infecta, & semine corrupto: nec aliunde magis SS. PP. colligunt necessitatem contrahendi peccatum originale: sed hæc forma denominans reperitur non minus respectu B. V. quàm aliorum hominum, quæ modo naturali fuit genita ex radice infecta, & vera filia Adami, ideoque dicitur ros ex spinis orta, sed sine spina.

Confirmatur. Si B. V. nullo modo fuisset a-

ducom:

actu comprehensa sub lege communi & pacto quoad partem odiosam de transfusione malitiae, non proprie ex privilegio fuisset liberata ab originali, siquidem privilegium quo aliquis eximitur à lege, supponit ipsum prius contentum sub lege. Sed neque esset ratio, cur B. V. subiaceret morti, & corporis passibilitati, siquidem isti sunt effectus ex illa lege & Adami peccato consecuti, excepto Christo Domino, quem solum SS. PP. excipiunt, ut ex SS. PP. antea ostendimus.

## §. IV.

*Solvuntur rationes sententiae oppositae.*

21. **A**D primum prioris sententiae fundamentum Respondeo. Legem de transfusione peccati non fuisse latam pro B. V. quantum ad executionem, & ex vi privilegii derogantis universalitati legis, fuisse verò latam pro omnibus, & sic etiam pro B. V. quantum ad vim obligatoriam legis. Aliàs potius deberet dici, non pro te, sed pro ceteris, quàm pro omnibus, hac lex constituta est. Adde, quod dispensatio & privilegium supponit personam contineri sub lege: cum ergo B. V. indigeret privilegio & dispensatione, etiam contineri debuit sub lege de transfusione peccati.
22. Ad 2. Respondeo, PP. allegatos non loqui de peccato Adami extrinsecè dominante, & de debito peccati, sed de ipso peccato originali intrinsecè contracto, quod ex aliis plurimis ipsorum testimoniis est compertum.

23. Ad 3. Respondeo, negando antecedens quoad utrumque membrum: quoad primum quidem, quia B. Virginem maxime decet, ut habeat suam sanctitatem dependentem à perfecta redemptione, morte & Sanguine Christi, quæ dependentia difficilè salutar in contraria opinione. Præterea ea, quæ decet juxta præsentem DEI legem, ex fundamento S. Script. & PP. colligi debent, sed sicuti nullum est fundamentum ex prædictis asserendum, quòd B. Virginem deceret esse immortalem, & impassibilem, ita nullum est fundamentum grave affirmandi, quòd caruerit debito proximo. Quoad alterum quoque membrum: quia quamvis absolutè DEUS potuisset tale decretum facere, tamen supposito ordine præsentis providentiae id non potuit, prout ex probationibus constare potest. Quod de fomite peccati additur, magnam habet disparitatem: nam is intrinsecè inhaeret supposito, & propter vehementem inclinationem in objectum illicitum, ac rebellionem cum spiritu, magnam importat indecentiam: at illud debitum & necessitas peccati originalis tantum extrinsecè denominat, & quia colligitur per gratiam præservantem, nullo modo actualiter inhaeret supposito.

Ad confirmationem primam, nego antecedens: quia veniale peccatum est vera labe & macula intrinsecè efficiens, & à propria voluntate intrinsecè dependens: debitum verò peccati, quod etiam peccatum in Adamo dicitur, est tantum denominatio extrinseca ab aliena voluntate, & non nisi extrinsecè nostrà, dependens: non autem proprie est labe, vel macula, quæ actu inficit, sed tantum quæ debet inficere; nec potest dici, quòd sit defectus moralis: quia peccato originali nullus defectus moralis præsupponi potest. Unde ad summum dici potest defectus naturalis, ut est, nasci ex parentibus perduellibus, qualis nihil obest sanctitati perfectæ Virg. B. siquidem reverà nata fuit ex radice infecta. Sed neque gloria Filii potest obscurare gloriam Matris: pertinet autem ad gloriam Filii, quòd Beatissima Virgo esset sanctificata per redemptionem perfectam, quæ sine debito proximo salvari commode non potest.

Ad 3. Respondeo: Dicere B. V. fuisse peccatricem, immundam &c. ideo esse offensivum piarum aurium, quia principaliter significatur per ejusmodi terminos, quòd intrinsecè in se ipsa & actu fuerit maculata &c. quod minimè significatur, cum dicitur in Adamo peccasse, vel contraxisse debitum peccati originalis.

Ad 3. confirmationem Respondeo, haberi ex hucusque disputatis fundamentum cum proprietate verborum Scripturas & dicta SS. PP. de peccato loquentium exponendi de peccato in Adamo, in debito, & in potentia, negandi verò de peccato intrinsecè & actualiter contracto. Contra nullum, vel exiguum esse fundamentum negandi hoc debitum, & omnia exponendi de debito solum remoto, quod non est nisi æquivocè debitum, & potius esset, quàm est, debitum, si Christus sua merita non obtulisset. Adde ex Salmanticensibus, longè melius consuli B. V. honori, si illius immaculata Conceptio probetur & confirmetur salvà dependentià à beneficio redemptionis & autoritate S. Script. ac SS. PP. quàm si novitiis inventis exiguà vel nullà autoritate munitis fulciatur: prout Sapientissimus Theologus Franciscus Suar. to. 1. in j. 2. tract. 5. disp. 9. lect. 4. apud Salmanticenses l. cit. dub. 5. n. 183. sese super hoc puncto consulentibus rescriptis his verbis: *Adde, quemlibet prudentem Theologum Domina nostra affectum debere non inclinare ad illud extremum [quòd nempe caruerit debito proximo] quoniam ad honorem Virginis nihil refert, neque Immaculata Conceptionis Veritatem juvat, præbetq, Adversariis occasionem dicendi, non posse nos Immaculatam Conceptionem defendere, nisi declinando ad opinionem, vel censurà dignas, vel diminuentes Christi redemptionem.* Hæc ille.

## DISPUTATIO XXX.

DE

## Effectibus peccati originalis ad q. 85.

**C**Ausarum genus omne, quod ad peccatum originale concurret, discussimus: superest, ut ejus quoque effectus dispiciamus, quorum alii sunt spirituales, alii corporales; ut enim ait Tridentinum *Seff. 5. can. 1. Totus Adam per suam pravaricationis offensam secundum corpus & animam in deterius est commutatus.*



## ARTICULUS I.

## Quinam sint effectus peccati originalis?

## S U M M A R I A.

1. Mors, & defectus corporales sunt effectus peccati originalis.
2. Objectiones solvuntur.
3. Inter effectus originalis peccati est diminutio boni naturæ.
4. Et 4. vulnera animæ.
5. At non ablatio proprii arbitrii.

## §. I.

Effectus & defectus peccati originalis ex parte corporis.

1. **CONCLUSIO PRIMA.** Mors, aliique defectus corporales sunt effectus peccati originalis tanquam per accidens causati. Ita Cathol. DD. cum S. D. hic q. 85. a. 5. & habetur in Tridentino sess. 5. [post definitiones Concil. Milevit. & Arausiaci] dicente: *Primum parentem peccando in se & in omnem suam posteritatem mortem introxisse.* Constat etiam ex Rom. 5. *Per unum hominem peccatum intravit, & per peccatum mors.*

Ratio est. Quod causat aliquem effectum removendo prohibens, dicitur causa per accidens: sed peccatum originale causat mortem, aliasque corporales miseras per remotionem doni integritatis & iustitiæ originalis, per quod illæ fuissent impeditæ: ergo.

2. Dices primò. Mors est homini naturalis, quippe conveniens ex ratione materiz, & pugna primarum qualitatium: ergo non est effectus peccati originalis.

Secundò. Sublatà causà tollitur effectus: sed sublato peccato originali per baptismum, non ideo tollitur necessitas moriendi, aliæque miseriæ corporales: ergo illæ non sunt effectus peccati originalis.

Tertiò. Si peccatum originale esset causa corporalium miserationum, illæ deberent esse æquales in omnibus hominibus, sicuti peccatum originale est æquale in omnibus, æqualis enim causâ parit æqualem effectum: sed consequens est contra experientiam: ergo & antecedens.

3. Respondeo ad 1. distinguendo consequens: ergo non est effectus per se, concedo; per accidens, nego. Nam licet defectus corporales conveniant homini secundum conditionem & dispositionem naturæ: hæc ipsa tamen dispositio fuisset impedita per donum integritatis, quod per peccatum originale removelur: sicuti cum à lapide removelur impedimentum, quo detinebatur, ne secundum connaturalem gravitatem deorsum caderet.

Ad 2. distinguo maiorem: Sublatà causà tollitur effectus, si ab illa causâ per se & unice dependeat tam in fieri, quàm consummari, concedo; secus, nego maiorem: sed miseriæ corporales à peccato dependent tanquam à causâ per accidens tantum, per se verò à conflictu primarum qualitatium, quæ amissâ iustitiâ originali non habent illud temperamentum, quo in æqualitate conser-

ventur, neque illud adiutorium, quo ab extrinseco agente protegantur.

Similiter ad 3. Respondeo: si peccatum originale esset causa per se, concedo; si per accidens, nego sequelam: tunc enim inæqualitas miserationum provenit per se ex inæquali dispositione corporum, quemadmodum remoto impedimento unus lapis per se citius altero deorsum voluit ob intrinsecam inæqualitatem gravitatis.

## §. II.

Effectus peccati originalis ex parte animæ.

- CONCLUSIO SECUNDA.** Per peccatum primi parentis diminuitur bonum naturæ, & infliguntur quatuor vulnera animæ, videlicet ignorantia, malitia, infirmitas, & concupiscentia, S. D. q. 85. a. 1. & 3. Ratio 1. p. est: quòd donum iustitiæ originalis maximum fuit bonum & perfectio totius naturæ humanæ: sed hoc fuit ablatum per peccatum primi parentis: ergo.

Secunda pars constat imprimis ex Evangelica parabola hominis descendentis in Jericho, Luc. 10. qui dicitur acceptis vulneribus relictus semivivus; sub qua parabola SS. PP. intelligunt humanam naturam per primi parentis peccatum sauciata, prout latius exponitur in Tract. de grat. Ratio ex S. D. est: quia vulneratio animæ dicitur destitutio & privatio debiti ordinis, quem deberent habere vires animæ, & quem habuerunt virtute iustitiæ originalis: sed ejusmodi destitutio ordinis est quadruplex. Tot enim sunt destitutiones ordinis, quot sunt vires seu potentie animæ, quæ possunt esse subiecta virtutum, ad quæ ordinabiles in bonum rationis: sed ejusmodi potentie sunt quatuor: Ratio, in qua est prudentia, per quam ordinatur ad verum; Voluntas, in qua est iustitia; Irascibilis, in qua est fortitudo; Concupiscibilis, in qua est temperantia: ergo tot sunt quoque deordinationes & vulnera animæ. Et sic primò in ratione est vulnus ignorantie, in quantum destituitur debito ordine ad verum; in voluntate est vulnus malitiæ, in quantum destituitur ordine ad bonum; vulnus infirmitatis in irascibili, in quantum destituitur suo ordine ad arduum; & in quantum concupiscentia destituitur ordine ad delectabile moderatum ratione, sic in ipsa est vulnus concupiscentiæ.

Ex quo tamen non sequitur, quod affirmant Novatores hæretici, liberum arbitrium peccato Adami fuisse sublatum: cum enim anima rationalis tam secundum se, quàm secundum suas potentias sit spiritalis & immutabilis, ideo quoad liberi arbitrii, hoc est, voluntatis indifferentiæ substantiam corrupti non potuit. Sed neque amplius esset locus vel bonis & meritoriiis, vel malis & peccaminosis operibus, si liberum arbitrium interisisset, quod est hæreticum.



ARTI-

## ARTICULUS II.

*Quas pœnas causet originale peccatum post mortem?*

## SUMMARI A.

1. Peccatum originale causat pœnam damni.
2. Parvuli in peccato originali decedentes non patiuntur beatitudine naturali.
3. Probatur autoritate & ratione.
4. Idem non patiuntur pœnam sensus.
5. Probatur autoritate & ratione.
6. Explicatur Scriptura in oppositum adducta.
7. Disparitas de pœnis huius & alterius vitæ.
8. Ratio, cur infantes potius pœnam damni, quàm sensus patiantur.
9. Originale conjunctum actuali causat majorem pœnam intensivè.
10. Alligatio ad limbum non est pœna sensus.
11. Parvuli propter pœnam damni non patiuntur tristitiam.
12. Quis futurus status Angelorum post extremum iudicium?

## §. I.

*An pœna damni sit effectus peccati originalis?*

1. **CONCLUSIO PRIMA.** Pœna damni est effectus peccati originalis. Est de fide ex definitione Tridentini Sess. 5. can. 4. & 5. de pecc. orig. dicente, quod parvuli sine baptismo morientes in pœnam peccati originalis priventur vitæ æternæ. Et Jo. 3. Nisi quis renatus fuerit ex aqua & Spiritu S., non potest introire in regnum DEI. Sed privari vitæ æternæ, & non posse introire in regnum DEI, est ipsa pœna damni: ergo.

2. Inferes ex dictis contra singularem opinionem Ambrosii Cathedrini, Parvulos absque baptismo mortuos non fore beatos beatitudine naturali, ut sentit communis Catholicorum DD.

Constat in primis ex autoritate. Nam primò in Florentino definitur, illorum animas, qui in actuali mortali peccato, vel in solo originali decedunt, mox in infernum descendere, pœnis tamen imparibus puniendas. Secundò D. Aug. 1. 1. de pecc. merit. c. 16. de istis parvulis: *Multum, inquit, fallit & fallitur, qui eos in condemnatione predicat non futuros, dicente Apostolo, iudicium ex uno delicto in condemnationem, &c.* Tertiò D. Anselmus de Concept. Virg. c. 27. *Si originale peccatum est aliquod peccatum, necesse est, omnem hominem in eo natum, in illo non dimisso damnari, quæ omnia cum beatitudine naturali repugnant.* Unde

3. Ratio corollarij est primò. Beatitudo naturalis non stat cum aversione habituali ab ultimo fine naturali: sed parvuli per originale peccatum sunt habitualiter aversi ab ultimo fine naturali: non enim potuit Adamus per mortale peccatum efficaciter averti à DEO ut ultimo fine supernaturali, quin simul averteretur ab illo ut ultimo fine naturali: ergo.

Secundò. Cùm Beatitudo naturalis sit status omnium bonorum naturalium aggregatione perfectus, non compatitur secum ullam miseriam

R. P. Mezg. Theol. Schol. Tom. II.

naturalem: atqui infantes absque baptismo mortui habent aliquam miseriam, & infelicitatem; nimirum detentionem in limbo subterraneo tenebroso, qui etiam infernus dicitur, & nequaquam convenit cum naturali felicitate: ergo non possunt habere beatitudinem naturalem. Minor habetur primò in Florentino primùm citato, & S. Anselmo l. c. c. 22. dicente: *Post diem iudicii nullus erit Angelus, aut homo, nisi aut in regno DEI, aut in inferno.* Et probatur ulterius ratione; tum quia non est ratio, cur post iudicium universale debeant habere alium locum, quàm obtinuerint in iudicio particulari: sed in hoc obtinuerunt limbum subterraneum: ergo. Tum quia secundum communem sententiam post universale iudicium omnia elementa reducuntur ad suum situm naturalem; sicque terra undequaque erit aquis cooperta; ita ut nullus ibi relinquatur locus humanæ habitationi; adeoque cùm infantes in cælo non sint futuri, neque locum habituri in terris, nec utique instar piscium in aquis nataturi, eundem habebunt locum, quem nunc habent, nimirum limbum subterraneum. Sed nunc ad aliam opinionem discutendam priori à diametro oppositam sit

## §. II.

*An parvuli sine baptismo mortui patiantur pœnam sensus?*

Affirmativam tenent Gregor. Armin. in 2. d. 30. Diedo l. 1. de grat. to. 3. c. 2. Sylvius hic q. 83. a. 6. quæsit. 2. oppositam tenent communiter Thomistæ, aliique DD. cum quibus

**CONCLUSIO** est negativa, & manifesta S. Doctoris in 3. dist. 22. q. 2. a. 1. ad quæst. 2. ubi distinguens infernum in 4. partes, quarum una est infernus damnatorum, altera limbus puerorum, tertia purgatorium, quarta limbus PP. De secunda parte sic dicit: *Alius est infernus supra istum [nempe infernum damnatorum] in quo sunt tenebra, & propter carentiam Divina visionis, & propter carentiam gratiæ; sed non est ibi pœna, ensibilis, & dicitur limbus puerorum.*

Probatur primò ex c. majorem, extra de baptismo, ubi Innocentius III. dicit: *Pœna originalis peccati est carentia visionis DEI: actualis vero peccati pœna, gehenna perpetua cruciatus.* Ubi frustra foret utriusque pœnæ contradistinctio, nisi Summ. Pontifex in priori membro divisionis carentiam visionis accepisset cum exclusione cruciatus; siquidem & pœna peccati actualis non solum gehennæ cruciatum, sed etiam carentiam visionis includit. Item S. Gregor. Nazianz. orat. 40. dicit: *Parvulos decedentes sine baptismo, nec gloriam, nec supplicia habituros.* Gregor. Nyss. orat. de infant. *Immaginæ mors infantium demonstrat, neque in doloribus & mæstitiis futuros esse eos, qui sic vivere deservunt.* Et D. Bernard. serm. 3. de resurrect. *Tolle propriam voluntatem,*

N a

& non

& non erit infernus; nihil ardebit in inferno præter propriam voluntatem: Subsumo: Sed infantes in originali peccato mortui nunquam habuerunt propriam voluntatem: ergo non ardebunt in inferno.

Probatur secundo ratione. Pœna, quæ videtur notabiliter esse improporcionata pro peccato originali, non debet adstrui, nisi ex S. Script. PP. & DD. consensu evidenter colligi posse videatur: sed ex S. Script. PP. & DD. consensu potius contrarium colligitur, quàm quod parvuli puniantur pœnâ sensûs, eaquæ pœna videtur esse notabiliter improporcionata pro peccato originali: ergo non debet adstrui.

Minor quoad 1. p. patet inprimis ex auctoritatibus præmissis, & consensu ferè omnium Theologorum, qui à 500. annis scripserunt, & amplius patebit ex solutione objectionum: quoad secundam quoque partem probatur primò: quia pœna sensûs est passio & cruciatus personalis; peccatum verò originale non est peccatum personæ, sed potius naturæ.

Secundò: quia pœna sensûs infligitur propter inordinatam conversionem ad bonum commutabile, quâ quis propriâ voluntate suam commodum, aut delectationem in bono creato peccando quæsit, juxta illud Apoc. 18. *Quantum glorificavit se, & in deliciis fuit, tantum date illi tormentum & luctum*: sed hoc non reperitur in peccato originali: ergo.

Tertiò. Unde aliquis non redditur dignus vituperio, & reprehensione, inde etiam non redditur dignus pœnâ positivâ cruciatûs infligendi: sed ex peccato originali præcise nemo redditur dignus vituperio & reprehensione, quod adeo cuique notum existimat D. Augustinus l. 2. animabus c. 11. ut dicat, quòd illud decantent & in montibus pastores, & in theatris poëtæ, & indocti in circulis, & docti in bibliothecis, &c. ergo etiam ex solo peccato originali nemo fit dignus pœnâ positivâ sensûs.

Quartò Pœna sensûs est effectus reprobationis positivæ: sed hæc præsupponit prævisionem peccati proprii personalis, prout dictum in Tract. de prædestinat: ergo etiam pœna sensûs illam præsupponit.

### §. III.

#### *Solvuntur objectiones.*

6. **O**bjicies primò. Matth. 25. ad omnes, qui in ultimo judicio futuri sunt à sinistris, dicitur: *Discedite à me maledicti in ignem æternum*. Sed ibi intelligitur pœna sensûs, & decedentes in originali non erunt à dextris: ergo à sinistris.

Confirmatur primò ex Apoc. 20. ubi dicitur, quòd, qui non est inventus in libro vitæ, missus est in stagnum ignis. Sed non baptizati infantes non sunt inscripti in libro vitæ: ergo mittuntur in stagnum ignis, hoc est, tormentum gehennæ.

Confirmatur 2. Scriptura dicit, nos ratione peccati originalis nasci filios iræ: adeoque parvuli sine baptismo mortui sunt filii iræ: sed ira DEI nihil aliud est, quàm pœna damnationis æternæ: ergo.

Respondeo primò: Ibi principaliter esse ser-

monem de adultis. Unde ad illos, qui à dextris sunt, præmittitur: *Esuriivi & dedistis mihi manducare*; ad illos verò, qui à sinistris sunt: *Esuriivi, & non dedistis mihi manducare*: quæ opera non nisi ad adultos pertinere possunt. Nihilominus cum etiam non adulti in extremo judicio sint comparituri juxta generalem modum loquendi, qui habetur eodem capite: *Cum venerit Filius hominis in Majestate sua, congregabuntur ante eum omnes gentes*. Et 2. Corinth. 5. *Omnes nos manifestari oportet ante tribunal Christi*, idcirco

Responderi potest secundò ad mentem S. D. q. 5. de malo. a. 2. ad 1. nomine ignis intelligi etiam pœnam damni: cum sæpius in S. Script. nomine ignis quælibet pœna significari soleat. Utpal. 65. *Transivimus per ignem & aquam &c.* quo modo etiam exponendus est textus D. Fulgentii relatus in can. *firmissime*. de consecr. dist. 4. *Firmissime crede, & nullatenus dubites, non solum homines ratione utentes, verum etiam parvulos, si sine sacramento baptismi de hoc sæculo transierint, ignis æterni supplicio puniendos* Quem textum modò prædictò exponit glossa in c. nulla. de consecr. dist. 4. dicens: *Et hæc carentia [nempe visionis DEI] est pœna ignis, de qua intelligendus est canon firmissime desumptus ex Fulgentio*.

Ad 1. confirmationem Respondeo. Illum locum manifestè loqui de adultis, siquidem præmittit illa verba: *& indicati sunt mortui ex his, quæ scripta erant in libris secundum opera ipsorum* &c. constat autem, quòd nulla sint opera parvulorum. Nec retere, quòd dicat Apostolus, *se vidisse magnos & pusillos*, nam, ut exponit Cornel. à Lapide, illic non intelliguntur ætate & statura, sed gradu & dignitate pusilli.

Ad 2. confirmationem Respondeo, iram DEI non tantum significari & ostendi in inflictione pœnæ sensibilis, sed etiam in æterna excludione à regno cælesti, ex qua parvuli sufficienter appellari possunt Filii iræ.

Objie. 2. Parvuli in hac vita patiuntur pœnam sensûs, consistentem in morte, miseriis & morbis corporalibus: ergo etiam non est absurdum, ut in altera vita pœnam sensûs patiantur: aliàs post mortem essent melioris conditionis, quàm ante mortem.

Respondeo: Patiuntur hanc pœnam tanquam per accidens causatam ad subtractionem doni integritatis seu justitiæ originalis, concedo; per se, nego antecedens & consequentiam: nam in altera vita, ubi cessat virtus agentium naturalium, pœna sensûs ex ordinatione Divina per se deberet infligi. Nec ideo essent melioris conditionis in altera vita, quia præstat infinitis sustinere præsentis miseria cum capacitate visionis beatificæ, quàm iisdem carere cum visionis beatificæ incapacitate in æternum.

Objicitur tertiò. Major est pœna damni secundum communem Theologorum, quàm pœna sensûs: ergo si parvuli propter originale peccatum puniuntur graviori pœnâ damni, etiam puniuntur pœnâ sensûs, quæ levior est.

Confirmatur. Propter veniale peccatum, quod multò levius est, quàm originale, infligitur pœna sensûs in altera vita: ergo etiam infligitur propter originale.

Respon-

Respondco, negando consequentiam. Rationem disparitatis dat S. D. q. 5. de malo a. 2. quod pena sensus sit contraria bonæ habitudini, & integritati, quæ est propria & connaturalis ipsi naturæ; at pena damni sit contraria perfectioni naturæ excedenti ordinem ipsius naturæ: sed non est inconveniens, ut quis detrimentum patiatur in his, quæ sunt supra naturam, propter peccatum alterius, quod tamen aliquo modo ad ipsum pertinebat: est tamen inconveniens ut detrimentum patiatur abique suo personali delicto in his, quæ sunt naturæ suæ propria.

Ad Confirmat. quoque negatur paritas. neque enim gravitas culpæ præcise est ratio, cur infligatur pena sensus; sed quia ipsi propria voluntate inordinatam delectationem, aut commoditatem quærit in bono commutabili, quod cum etiam fiat à peccante venialiter, non autem reperitur in habentibus peccatum originale, pater ratio disparitatis.

9. Obijcies quædò. Sequeretur, quod aliquis habens simul peccatum originale & actuale non majorem poenam in inferno pateretur, quàm habens solum peccatum mortale actuale: nam etiam per quodlibet mortale peccatum inducitur poena damni; sed hoc est absurdum: ergo.

Respondco, poenam spectando physicè & extensivè, non pateretur majorem, concedo; moralitè & intensivè, nego: cum enim habens simul peccatum originale & actuale poenam damni patiatur ex duplici titulo adæquato, habetur pro poena magis moraliter intensa & radicata, quemadmodum is, qui propter plura peccata habentia annexam censuram, est excommunicatus, habetur pro magis excommunicato.

10. Obijcies quædò. Ipsa alligatio parvulorum ad limbum est pena sensus: sed hanc in nostra sententia parvuli patiuntur & patiuntur in æternum: ergo patiuntur poenam sensus. Major probatur: Pena sensus, quam demones & animæ damnatæ patiuntur ab igne infernali juxta nostram sententiam in Tract. de Angelis, consistit in illorum alligatione & detentione ab igne infernali: sed æquè parvuli alligantur & detinentur à limbo: ergo.

Respondco, negando majorem; ad probationem distinguo majorem, consistit in illorum detentione ab igne infernali activa, & contraria, concedo; tantum formalis, vel negativa detentione, nego. Sed parvuli detinentur à limbo formalitè & negativè, concedo; activè & contrariè, nego minorè & consequentiam. Formalitè & negativè, non autem activè detinentur à limbo, quia limbus est illud spatium, extra quod non possunt esse & operari, idque non propterea, quasi limbus aliquâ qualitate productus sibi subjiceret, & à connaturalibus operationibus impediret animas parvulorum, quod modo demones ab igne torqueri loco citato diximus, sed propter subtractionem Divini concursus, ne extra limbum operari possint, qui est modus negativè detinendi in limbo: ideoque potius dici debet, parvulos detineri & alligari in limbo, quàm à limbo. Vide S. D. q. 20. de Verit. 2. 1. ad 12.

## § IV.

*Aliqua quæstia resolvuntur.*  
R. P. Mez. Schol. Tom. II.

Quæres primò: An parvuli propter carentiam visionis patiantur tristitiam, & animi dolorem; quemadmodum adulti sustinent poenam damni, propterea gravissimè affliguntur?

Respondco, negativè. Et probatur primò auctoritate Gregorii Nylli, suprà citati, qui dicit: *Immatura mors infantium demonstrat, neque in doloribus, & miseriis futuros esse eos, qui sic vivere desierunt.*

Probatur secundò ratione; quia non videtur conveniens, ut parvuli sentiant majorem dolorem, quàm sit dolor sensibilibus causatus ab igne infernali, si enim ipsos immunitas à personali peccato eximit à dolore minori, cur non magis eximat à majori? Sed juxta doctrinam D. Chrysostomi ho. 24. in Matth. dolor, quem damnati sentiunt ob amissam beatitudinem, major est dolore sensibili, quem ab igne inferni patiuntur: ergo.

Probatur tertio ratione S. D. in 2. dist. 33. q. 2. a. 2. in arg. Sed contra. Recta ratio non patitur, ut aliquis affligatur de eo, quod suam proportionem excedit, sed tantum de eo, quod caret aliquo bono, ad quod jus, exigentiam, aptitudinem, aut proportionem habuit: sicut nullus sapiens homo affligitur de hoc, quod non possit volare: atqui in parvulis nullum erat jus, aptitudo, & proportio ad æternam gloriam: ergo de ipsis carentia rationabiliter tristari non possunt.

Imò, inquis, habuerunt proportionem, quatenus erant contenti in Adamo. Sed contra occurrit S. D. loco cit. Recta ratio non patitur, ut aliquis perturbetur de eo, quod in ipso non fuit, ut vitaretur: sed in pueris est recta ratio nullo actuali peccato obliquata: ergo non turbantur de hoc, quod talem poenam sustineant, quam vitare nullo modo potuerunt. Hæc S. D. Unde vides, ad tristitiam causandam non sufficere, quod habuerint remotam & moralem capacitatem ad beatitudinem, quatenus contenti erant in suo capite.

Quæres secundò: qualis sit futurus status parvulorum post extremum judicium?

Respondco primò. Illos habituros corpora integra in ea quantitate, quam habuissent, si ad adultam ætatem pervenisissent; prout etiam de damnatis dicit S. D. in 4. d. 44. q. 3. a. 1. q. 1. ex eo, quod perfecta sunt Dei opera: sed resurrectio est opus peculiare Divinæ virtutis.

Secundò. Erunt immortales, incorruptibiles, impossibiles, non ratione alicujus dotis, aut doni intrinseci, sed ex ordinatione Divina, & defectu exterioris agentis, cum post resurrectionem corporum sola detur actio corpora ad puniendum.

Tertiò. Erunt impeccabiles etiam non ab intrinsecò, sed ab extrinsecò, ex Dei providentia subrahente concursus ad omne materiale peccati ratione status, quia nimirum jam sunt in termino viz. ubi non amplius mutatur voluntas à dispositione, quam habuit in via, ut habet S. D. q. 5. de malo a. 3. in c. Unde cum infantes nullum habuerint inordinatum voluntatis actum in via, Divinæ providentiæ dispositione à simili deordinatione præservantur in termino viz.

Quarò. Habebunt aliquam cognitionem, & dilectionem Dei, ut auctoritas naturæ, non tamen amicabilem, & efficacem, quæ cum habituali & efficaci aversione ab ultimo fine naturali non consistit. Præter quas cognitiones habuerunt per species infusas quorundam objectorum naturalium cognitiones, cum hoc sit omnino secundum naturalem exigentiam naturæ rationalis, ut habet

S. D. in 2. d. 33. q. 2. a. 2. in c.

N n 2

TRACTA:





# TRACTATUS VIII.

DE

## LEGIBUS.

### PROLOQUIUM.

**R**ECTO ordine post Tractatum *de vitiis & peccatis* Theologia Scholastica ad normam Doctoris Angelici *de Legibus* tractat, ut nocti diem, tenebris lucem subnectat. Nam *Lex Lux* est, quæ cæcam dissipat vitiorum caliginem: fidum fidus & Cynosura est, quæ in fluctuantis vitæ turbido portum ostendit æternæ felicitatis. Hæc est Theologi Legem tractantis consideratio: nam agit quidem & de Lege Moralis Philosophus, sed tanquam Regulâ morum ad obtinendam naturalem felicitatem: tractant de illa Jurisprudentes, sed in ordine ad politicam gubernationem, & communem Reipublicæ pacem: disputant Juris Canonici Interpretes, sed in ordine ad Ecclesiasticam politiam, moresque convenienter ad obtinendam salutem in foro externo instituendos. Theologus altiori indagine *Leges* examinat, quatenus ab increata Sapientia derivatæ humanas actiones à vitiis avocant, & in conscientie foro ad internam animæ sanctitatem informant, atque ad DEUM ut ultimum finem supernaturalem, in cœlesti quondam Republica consequendum disponunt. Hic nollet in paucis hisce pagellis; hic Tuus, Amice Lector, nunc in intentione, & utinam olim in executione ultimus Finis esto. Vale.

## DISPUTATIO XXXI.

DE

### Lege in communi. ad q. 90.

**L**icet in ampla & metaphorica acceptione inclinatio ac propensio in aliquem finem naturaliter impressa quandoque nomen legis accipiat, quo sensu dicitur Prov. 8. *Legem ponebas aquis, ne transirent fines suos*, & inordinata inclinatio appetitus sensitivi, Rom. 8. *lex membrorum, lex peccati, lex somitis* appellatur; hic tamen legis nomine intelligitur regula humanorum actuum in commune bonum directiva. De qua

### ARTICULUS I.

#### Quid & quotuplex sit Lex?

##### SUMMARIA.

- |                                                                              |                                                                            |
|------------------------------------------------------------------------------|----------------------------------------------------------------------------|
| 1. Existentia & necessitas legis.                                            | 4. Prasupponit tamen actum voluntatis.                                     |
| 2. Varii actus intellectus & voluntatis concurrunt ad constituendam legem.   | 5. Hinc remouetur actus intellectus, qui est iudicium de agendis.          |
| 3. Lex formaliter consistit in imperio, quod est actus intellectus practici. | 6. Exponuntur auctoritates S. Scriptura, qua allegantur pro utraque parte. |

7. Lex

7. *Lex debet esse illius potentia, in qua est dominium quoad vim dirigendi, non quoad vim movendi.*

8. *Finis legis est bonum commune.*

9. *Non est necessario finis operantis, sed operis.*

10. *Ideo fertur ad communitatem.*

11. *Qualis debeat esse communitas?*

12. *Causa legis efficiens.*

13. *Legis definitio.*

14. *Diverse legis divisiones.*

15. *Altus legis.*

16. *Differentia inter legem, præceptum, privilegium, & consilium.*

## §. I.

*Sine Lex formaliter actus rationis, vel voluntatis?*

1. **S**uppono primò, necessarium fuisse hominibus, ut haberent legem, per quam ipsorum actus in proportionatum finem honestatis dirigerentur. Nam primò: Creatura rationalis & ab intrinseco defectibilis in suis operationibus, cum ipsa sibi non possit esse regula suarum operationum, indiget regulâ Superioris, eandem præceptivè & obligatorie adstringente intra limites honestatis, ne ab iis exorbitet: atqui homo est creatura rationalis ab intrinseco defectibilis in suis operationibus: ergo indiget tali regulâ Superioris, h. e. lege, quâ dirigatur in finem honestatis. Secundò. Creatura rationalis essentialiter subiecta jurisdictioni Divinæ, etiam ab illo in suis actibus essentialiter jus & legem accipit: sed homo est ejusmodi creatura: ergo. Tertiò. Necessè fuit, ut homines singuli & privati subordinarentur toti communitati, ac bonum privatorum dependeret à bono communi omnium: sed hoc absque legibus obtineri non posse experientia constat: ergo necesse fuit, leges dari. Quæ rationes probant, in omni statu legem fuisse necessariam. Itaque supposita legis existentia & necessitate

2. **S**uppono secundò, ad condendam legem varios actus tam voluntatis, quam intellectus concurrere. Nam primò post efficacem intentionem boni publici oritur consultatio de utilitate & congruitate legis ad hunc finem condendæ; quam consultationem claudie resolutoria sententia, ac judicium de legis æquitate: mox voluntas legem sic præviè consultatam eligit. & quâ pollet autoritate ac potestate jurisdictionis subditos obligare decernit. Hâc voluntate excitatâ & applicatâ ratio mox per actum imperii eandem voluntatem subditis efficaciter denunciat, vinque obligandi in ipsos moraliter derivat.

Quæritur ergo: In quonam istorum actuum formaliter & secundum metaphysicam suam essentiam lex consistat. Communis Scottistarum & Recentiorum collocat in actu voluntatis, consequenter ad sua principia posita in Tract. de Act. hum. ubi docent imperium formaliter esse actum voluntatis, qui supponat actum intellectus. Alii in utroque actu tam intellectus quam voluntatis ex æquo constituunt. Communis Thomistarum docet formaliter consistere in actu rationis, qui imperium dicitur, necessario tamen præsupponere actum voluntatis.

Cum quâ sentio & probo primam partem assertionis primò ex S. D. hic a. 1. & 1. 2. q. 17. a. 1. Imperium est actus rationis practice, quia est quædam directiva & ordinativa intimatio operis faciendi vel omitendi ad subditos capaces directionis: sed lex formaliter est imperium: ergo formaliter est actus rationis practice. Major supponitur ex Tract. de act. hum. & inde liquet: quia ordinare, dirigere, intimare, loqui sunt actus intellectus: sed hoc est munus proprium imperii: ergo. Minor conceditur ab omnibus; lex quippe est præceptiva ordinatio, efficax & obligatoria, eoque distincta à consilio; *virtus legis est præcipere, vel prohibere l. legis virtus; ff. de leg.*

Probatur secundò. Electio tamen essentialiter prærequirit actum intellectus, à quo habet quoddam sit assumptiva unius mediæ præ altero, tamen formaliter non consistit in actu intellectus, sed voluntatis; neque ex actu intellectus componitur: ergo tamen lex seu imperium essentialiter prærequirit actum voluntatis, & inde accipiat efficaciam morricem, non ideo tamen formaliter consistit in actu voluntatis.

Altera pars probatur: quia vis motiva & libertas in actibus prudentiæ & intellectus practici dependet à voluntate cum primo movente in ordine creato: sed lex & imperium habet vim movendi, estque actus liber pertinet ad prudentiam & intellectum practicum: ergo dependet à prævio actu voluntatis.

Ex quo inferes primò, legem formaliter non consistere in judicio practico intellectus, quod consultationem sequitur, & vocatur dictamen vel sententia de agendis, v. g. *hoc est tibi faciendum*: nam, ut loco cit. diximus, imperium movet ad executionem, quod exprimitur per verba, *fac hoc*, nec ostendit tantum faciendam, sed præcipit: sed lex est imperium: ergo.

Inferes secundò. Cum in Sac. Script. DEI lex vocatur voluntas, ut ps. 72. & 142. id accipiendum esse originativè & præsuppositivè, quia prima & radicalis vis movendi ac obligandi pertinet ad voluntatem: Cum verò vocatur mandatum, judicium, eloquia, sermones DEI, esse accipiendum formaliter. Sic pariter cum Prov. 6. *lex lux & mandatum DEI lucerna* ps. 118. nuncupatur, ad intellectum principaliter pertinere indicatur; illuminatio quippe, sicut & ideatio, exemplatio, &c. directivæ potentie, & oculi intellectualis sunt munia. Nihilominus

Obijcies: In illa potentia residet actus legis, in qua formaliter residet superioritas & dominium: sed hoc formaliter residet in voluntate: ergo & actus legis. Major probatur: quia legislatio est actus Superioris, & provenit ex dominio jurisdictionis.

Respondeo distinguendo majorem: in qua formaliter residet dominium, quoad vim regulandi & dirigendi, concedo; quoad vim movendi, nego: & sic distincta minore, nego consequentiam.

## §. II.

*Legis causa finalis & efficiens.*

**F**inis intrinsecus legis est bonum commune. 3. Lex, inquit Isidorus citatus, est nullo privato commoda,

*commodo, sed pro communi utilitate civium conscripta.* Ratio ex S. D. est primò, quia regula communis pertrahens ad principium humanorum ætuum, debet respicere finem ultimum, tanquam principium primum in operativis : finis quippe & actus debent ad invicem proportionari : sed finis ultimus est felicitas, & eaque communis : siquidem particularis felicitas refertur ad communem, tanquam pars ad totum : ergo lex primariò & intrinsecè intendit communem felicitatem, h. e. bonum commune.

Secundò. Legem ferre est actus potestatis gubernativæ vel Divinæ, vel à DEO in homines derivatæ. Si est ipsius DEI, constat, ab ipso intendi communem hominum beatitudinem : si est actus potestatis ab ipso derivatæ, debet huius potestatis exercitium divinæ intentioni conformari, idque sive illa immediatè à DEO, sive tantum mediatè, & ab hominibus immediatè proveniat : neque enim populus potestatem gubernativam in unum vel plures contulit, ut suis commodis, sed ut publico bono consulerent, nec regnum est propriæ regem, sed rex propriæ regnum, inquit Arist. 3. polit. unde hanc inter regem & tyrannum differentiam agnoscit D. Basil. hom. 12. in Proverb. quòd ille propriam, hic communem in suo regno querat utilitatem.

9. Ista tamen publici boni intentio non est necessariò ex fine operantis, sed sufficit, si sit ex fine operis. Ideoque lex erit valida, si cum voluntate obligandi lata, ex se ad commune bonum sit utilis, quantumvis privatè intentione legislatoris in proprium commodum, aliumve pravum finem detorqueatur : *Est enim ille* [inquit D. Aug. l. 1. de lib. arb. c. 1.] *cum aliqua libidine hoc statuit, non ex eo fit, ut ei legi cum libidine obtemperare necessè sit, & quia bona lex & non bono ferri potest.*

10. Quæ causa est, quòd lex ad communem ferri debeat : *Jura non in singulas personas, sed generaliter constituuntur.* L. jura 8. ff. de leg. Est quippe lex actus prudentiæ gubernativæ & architectonicæ quæ respicit bonum commune, & non nisi in communitate reperitur. Sed qualis illa, & quanta debet esse communitas, ut sit propriæ legis capax ? R. cum Suar. l. 1. c. 6. requiri communitatem perfectam. Talis est, quæ sibi sufficit ad comparandam, & conservandam felicitatem, quatenus mutuo partium subsidio humanitus fieri potest & solet. Dividitur in realem, seu localem, quæ terminis realibus, seu localibus clauditur, ut civitas, regnum, &c. & in personalem, quæ non tam à loco, quàm personis ad se invicem sub perfecto regimine moraliter unitis attenditur, ut est aliquis Ordo Religiosus, Militaris, &c. Imperfecta communitas est congregatio plurium personarum, insufficientis tamen ad efficiendum unum corpus politicum, & felicitatem humanam mutuo partium concursu conservandam : cuiusmodi est qualibet privata domus & familia, quæ non tam communitatem, quàm partem communitatis efficiunt.

11. Non ideo tamen à ratione legis excludimus illa statuta, quæ proximè non totam communitatem, aut singulas illius partes, sed unam aliquam partem, aut societatem in communitate contentam

tam concernunt : uti sunt leges vedigialium pro augendo Principis ærario, leges in favorem Clericorum, Religiosorum, pupillorum, militum, &c. latæ : nam & istæ ultimato, per se, & ab intrinseco bonum commune respiciunt : totiusque communitatis vel maximè interest ejusmodi leges condi & servari.

Causa efficiens legis est una, vel plures personæ habentes auctoritatem publicam, & partem jurisdictionis, ut habet S. D. a. 3. Nimirum qualis est ordo finium, talis est ordo efficientium : cum ergo finis legis sit bonum commune & publicum, etiam ille, qui legem condit, debet polleere potestate publicâ : quam habet vel ipsa communitas, vel unus, aut plures gerentes personam curamque communitatis. Unde non *cujuslibet ratio est falliva legis*, inquit S. D. a. 3. sed ejus, qui habet præceptivam potestatem, & quidem jurisdictionis. Nam potestas præceptiva alia est æconomica & dominativa, alia politica & jurisdictionis. Illa æconomica & dominativa ad præceptum sufficit : ad imponendam verò legem politicam & jurisdictionis requiritur, & quidem, ut dictum, suprema ; siquidem legislatio actus est supremi imperii.

### §. III.

#### *Lex definitio & divisio.*

DEFINITUR Lex à S. D. a. 4. *Lex est ordinatio rationis ad bonum commune, ab eo, qui curam communitatis habet, promulgata.* Cujus definitionis bonitas liquet ex antè dictis, & enumeratione causarum, quæ inibi sufficienter continentur. Dicitur ergo primò *Ordinatio*, quo significantur causa & effectus formalis, qui est subditio dirigere & ordinare in finem ultimum felicitatis, adeoque lex ipsa formaliter consistit in actu ordinativo & intimativo, h. e. imperio : & quidem secundò *rationis prædictæ*, quod indicatur subiectum legis, quod est intellectus practicus : tertio dicitur, *ad bonum commune*, quod est legis causa finalis : & quartò *ab eo qui curam communitatis habet* : ubi denotatur causa efficiens. Denique *promulgata*, iuxta illud Gratiani in c. in istis temporalibus ; dist. 4. *Leges instituntur, cum promulantur.* Nempe Lex publicum & commune præceptum est : sed hoc sine publica intimatione, quam promulgationem vocamus, nequit intelligi. Lex quoque ait S. D. a. 4. imponitur aliis per modum mensuræ & regulæ : sed regula & mensura imponitur, & actu mensuratur & regulatur, in quantum mensuræ applicatur : ergo etiam Lex in tantum aliis imponitur, illosque actu mensurat, in quantum applicatur : sed applicatur promulgando : ergo. Est igitur, quòd priusquam Lex promulgetur, inchoativam quendam, radicalem & incompletam virtutem obligandi ac regulandi à voluntate Legislatoris accipiat, quòd tamen formale & perfectam efficaciam obligandi habeat, hoc promulgatione debet.

Varia sunt legis divisiones ; Primò Lex potest dividi in Divinam & humanam. Divina in æternam, naturalem, & positivam : positiva in veterem & novam : humana in Ecclesiasticam, & Civilem.

vilem. *Lex aeterna*, ut describit S. D. q. 93. a. 1. est ratio divina Sapientia secundum quod est directiva omnium ad bonum & motio in bonum publicum totius universi, quod est gloria DEI. Ubi si totum motuum generatum sumatur cum inclusione motuum irrationalium, lex aeterna in proprio & latiori sensu accipitur: si restringatur ad motus, seu adus liberos creaturas rationalis, qui soli sunt proxima legum materia, tunc in proprio sensu accipitur. *Lex naturalis* Doctori Angelico est impressio divini luminis in creaturas rationales, quo inclinatur in debitum adum & finem. *Lex positiva* est quae ex libera magistratus, determinatione faciendi vel omittendi decernit, & quia lex ab Ecclesiastico magistratu lata per antonomasiam canon dicitur, ideo *lex Ecclesiastica Canonica* dicitur, & Jus Pontificium ex ejusmodi canonibus accervatum Jus Canonicum appellatur. Leges vero magistratuum secularium, tanquam institutae pro bono civium *Civiles* vocantur. Alias legum subdivisiones dabantur sequentia.

Adus legis à S. D. q. 92. a. 1. quatuor numerantur: videlicet imperare, vetare, permittere, punire. Nam duplex est vis & efficacia legis, directiva videlicet & coactiva. Ad primam pertinet aliqua precipere, prohibere, permittere: Ad alteram pertinet, instrictis poenis subditos à legum transgressione prohibere.

Colliges ex dictis differentiam inter *legem*, *praeceptum*, *privilegium*, & *consilium*. Praeceptum à lege differt, quia non per se respicit bonum commune, unde & personis singularibus, & à quolibet superiore, Domino, patrefamilias habente potestatem gubernativam imponi potest, nec est suapte naturae perpetuum, cum per mortem praecipientis expirat. Privilegium quoque differt, quod tangat personas etiam privatas, & in bonum privatum sapius referatur. Ideoque l. 1. ff. de consuet. Princ. privilegium lex personalis vocatur. Consilium manifestè differt, quod detur à privato ad privatum sine respectu ad bonum publicum, & efficacia obligandi.

## ARTICULUS II.

### An & quomodo promulgatio sit de essentia Legis?

#### S U M M A R I A.

1. Promulgatio est necessarium requisitum ad substantiam legis.
2. Aliud est promulgatio, aliud legis divulgatio.
3. Promulgatio aliter activè, aliter passivè accipitur.
4. Promulgatio activa pertinet ad intrinsecam constitutionem legis.
5. Non autem accepta passivè.
6. Unde promulgatio activa non est applicatio legis nisi inadequata accepta.
7. Non omnis alius secundus praesupponit essentiam in actu primo.
8. Lex est alius prudentia alium obligans.
9. Promulgatio licet alium transferat, remanet virtutis.
10. Quomodo verum sit, leges prius conditi, quam promulgari?

#### §. I.

##### Statuitur sententia affirmans.

1. **C**onsilium ex praeced. §. & est certum apud omnes, quod nulla lex habeat in actu secundo efficaciam obligativam subditorum, nisi sit legitime promulgata, ut adeo promulgatio pertineat ad substantiam legis in actu secundo obligantis per modum actualis regulae & mensurae subditis applicatae. Dubium est, idque exigui momenti, an promulgatio pertineat ad formam & intrinsecam constitutionem legis; an verò sit tantummodo complementum ipsius, aut conditio sine qua non? ubi

2. Notandum primò. Longè distare promulgationem à legis divulgatione: nam divulgatio fit per simplicem communicationem notitiae: promulgatio verò per autoritativam intimationem, seu solemnem & publicam legis propositionem.

nem. Ideo licet per notitiam privatim comparatam alicui certò constaret, quòd lex v. g. de frumento exta provinciam non aveniendo esset conscripta, à Principe subscripta, & cras publicanda, is tamen hodie frumentum licitè esseret extra provinciam: cum neque lex defectu promulgationis haberet vim obligandi, neque divulgatio ad solemnem publicationem sufficiat, ut prater alios docet Cailrop, disp. 1. p. 2. n. 2.

Notandum secundò. Promulgationem aliquando accipi passivè, pro signo, in quo relucet imperium, & intimatio obligativa Magistratus, e. g. scriptura publicè affixa, vox praconis &c. aliquando verò activè pro ipso imperio legislatoris, tanquam actu formaliter quidem immanente, virtualiter tamen transeunte, in quantum efficaciter causat, & essentialiter connotat aliquod signum manifestativum legis. Quà prae notatà distinctione sit

**CONCLUSIO.** Promulgatio activè (2) non 4. passivè accepta pertinet ad intrinsecam constitutionem legis. Ita videtur sentire S. D. a. 4.

Ratio 1. partis est primò. Est intrinsecum & essentialia legi, quòd habeat vim obligandi: sed in esse obligatoriae formaliter constituitur per promulgationem, eò quòd in notitiam subditorum deducitur ex ipsa promulgatione, inquit S. D. cit. ergo promulgatio pertinet ad intrinsecam constitutionem legis.

Secundò. Lex essentialiter est intimatio & vox publica Principis, loquentis ut persona publica: sed hoc fit per publicam propositionem: ergo.

Tertio. Lex essentialiter est regula & mensura actualis, in actu secundo mensurans humanas operationes: sed in esse talis constituitur per publicam propositionem & promulgationem: ergo.

Ratio



Ratio secundæ partis est: Lex formaliter & in recto nominat ordinationem & imperium legislatoris: ergo illa, quæ pertinent ad intrinsecam constitutionem legis, debent se tenere ex parte legislatoris: atqui solum activa promulgatio se tenet ex parte legislatoris; passivè verò sumpta pro signo manifestativo legis, sic moraliter recipitur in ipsis subditis: ergo promulgatio non passivè sed activè accepta pertinet ad intrinsecam constitutionem legis. Quo tamen non obstante est requisitum essentialiter connotatum, sine quo activa promulgatio consistere, vel intelligi nequit: prout in simili de revelatione Divina, in Traçtatu de fide dicemus, illam activè sumptam esse formale motivum fidei, illam verò acceptam connotari per modum essentialis requisiti.

## §. II.

*Solvuntur objectiones.*

6. **O**bjicies primò. Applicatio & approximatio causæ non est formale constitutum ipsius: sed promulgatio legis, tanquam causæ obligativæ, est ipsius applicatio ad subditos: ergo non est formale constitutum legis. Minor habetur à S. D., qui legem nuncupat mensuram; promulgationem verò applicationem. Major quoque probatur: Applicatio causæ & mensuræ præsupponit causam & mensuram in sua essentia & actu primo jam constitutam: ergo eandem non constituit.

Respondeo distinguendo min. promulgatio est applicatio legis inchoativè & inadæquatè acceptæ, nempe pro regula solum aptitudinaliter mensurante, concedo; completè & adæquatè acceptæ, pro regula publica actu mensurante, & habente efficaciam formalem actualem obligandi, nego. Sic enim promulgatio non est mera applicatio sed intrinsecum complementum & constitutum legis.

7. **O**bjicies secundò. Actus secundus alicujus essentia præsupponit illam jam constitutam in actu primo: sed promulgatio pertinet ad actum secundum legis, quippe inducens obligationem actualem ipsius: ergo præsupponit essentiam legis, ejusque virtutem obligatoriam in actu primo.

Respondeo negando, vel distinguendo majorem: nisi illa sit de genere actus secundi, concedo; si sit, nego. Nam utique inter rerum essentias continentur actus liberi, vitales, visio, imperium, locutio, consilium, revelatio, &c. quæ omnia consistunt formaliter in actu secundo. Sic

itaque lex completè sumpta non est potentialis sed actualis mensura humanorum actuum, regula & locutio publica & præceptiva Principis, actu obligatoria subditorum, ideoque non per actum primum, sed per actum secundum regulandi, mensurandi, obligandi, ad quod intrinsecè pertinet promulgatio, constituitur.

**O**bjicies tertio. Lex est actus prudentiæ existens in Principe: sed actus prudentiæ secundum suam essentiam & rationem formalem completè habetur in actu intellectus practici didantis aliquid esse faciendum, vel omittendum ante omnem promulgationem: ergo lex secundum suam essentiam completè habetur ante omnem promulgationem.

Respondeo. Lex est actus prudentiæ, qui sit imperium politicum actu obligans subditos, concedo; alius quicunque, nego: sed actus prudentiæ, qui tantum est dictamen judicativum de agendis vel omittendis, completè habetur ante promulgationem, concedo; qui est dictamen imperativum actu obligans, nego min. & consequentiam.

**O**bjicies quartò. Datur lex etiam promulgatione non existente: ergo non constituitur per promulgationem. Antecedens probatur primò, quia promulgatio est actus transiens, quo transactio permanet virtus & efficacia legis. Secundò: quia datur lex æterna, cum tamen promulgatio tam divinæ quam aliarum legum non nisi in tempore cæperit.

Respondeo negando antecedens. Et primam probationem distinguo. Promulgatio est actus transiens actu, concedo; tam actu, quam virtute, nego: remanet quippe in effectu à se relicto, v.g. signo, scripturâ, memoria, moribus hominum. Secundam probationem distinguo. Datur lex æterna ante promulgationem, quæ sit ab æterno sub inadæquata & inchoativa ratione legis, concedo; sub adæquata & completa ratione legis, nego.

Colliges ex dictis. Quomodo concordanda sint duo axiomata in speciem opposita, quorum uno dicitur, *leges prius condi, quam promulgari*; altero, *leges institui, cum promulantur*. Nam primum procedit de lege solum inchoativè & inadæquatè sumpta, pro regula aptitudinali; alterum verò procedit de lege completè & adæquatè sumpta pro regula actuali, habente formalem efficaciam obligandi.

## DISPUTATIO XXXII.

## DE

## Lège æterna, &amp; naturali.

**I**nter prima & potissima membra, quibus Lex dividitur, poni solet lex æterna, & naturalis, quamvis non sint membra secundum philosophicum rigorem usquequaque distincta; eum Lex naturalis, ut in decursu patebit, formaliter accepta à lege æterna non distinguitur. Utriusque in hac Disputatione naturam, subjectum, materiam & proprietates inquirimus,

## ARTICULUS I.

*Quid sit Lex æterna?*

## SUMMARI A.

1. *Legis æternæ latior & strictior acceptio.*
2. *Duo principales actus pertinent ad Legem æternam.*
3. *Subiectum Legis æternæ.*
4. *Illius materia operationes libera creatæ,*
5. *Non divinæ.*
6. *Hinc nulla creatura rationalis legis experta,*

## §. I.

*In quo actu formaliter consistat?*

1. **L**ex æterna quandoque in latiori, quandoque in pressiori significatione accipitur. Latius accepta, ut sit frequenter in sacra pagina, significat rationem Divinæ Sapientię, quatenus directivam omnium motuum & creaturarum in suos fines. Pressius verò accepta denotat rationem ejusdem Divinæ Sapientię actus liberos creaturæ rationalis efficaciter ordinantis in finem ultimum.

2. Unde duos principales actus lex æterna includit. unum præsuppositivè, qui est judicium scientię simplicis intelligentię, quo DEUS cognoscit actus ordinabiles, vel inordinabiles ad se ut ultimum finem: respectu priorum est judicium virtualiter negativum & aversativum, ut optimè advertit Reding, ex quo pariter in voluntate fundatur tum simplex complacentia in actibus ad se ordinabilibus, tum displicentia in actibus inordinabilibus. Secundus actus est scientię visionis, per quem DEUS, supposito decreto, quo vult ut creaturæ rationales per liberos & morales actus in se tendant, tanquam in ultimum finem, efficaciter exprimit, imperat, & causat omnem cujuscunque legis efficaciam.

## §. II.

*Subiectum & materia Legis æternæ.*

1. **L**egis æternæ sub ampla significatione subiectiva sunt omnes creaturæ, siquidem omnes

subjiciuntur rationi directivæ Divinæ Sapientię. Ideo S. D. 2. a. 4. *Quæcunque divinæ gubernationi subduntur, subjiciuntur etiam legi æternæ.* Et D. Aug. l. 19. de Civit. *Nullo modo, inquit, DEI aliquid legibus, ordinationib; subtrahitur, a quo pax universitatis administratur.*

At verò legis æternæ propriè acceptæ materia sunt operationes libere & morales creaturæ rationalis; nam omnes actus liberi sive Angelici sive humani suam moralitatem obtinentur dependentè à conformitate, vel difformitate ad legem. Lex verò vel est ipsum DEI imperium, & lex æterna, vel certè derivatur ab ipsa, ideoque omnes actus humani vel proximè vel remotè ab æterna DEI lege mensurantur.

Etiamne actus DEI liberos ipsius legi subjiciuntur? Nequaquam: tum quia lex non est nisi erga subditum: ac DEUS nec intra nec extra se habet superiorem se: tum quia voluntas divinæ essentialiter recta cum suo intellectu identificata, est ipsamet regula & lex divina: ac lex non datur respectu sui ipsius.

Hinc deduces contra exleges hæreticos, nullam dari creaturam rationalem jugo legis exemptam. Neque obstant Apostoli verba 1. ad Tim. 1. & ad Gal. 5. *Si spiritui ducimini, non estis sub lege.* Nam duplex illorum verborum potest esse sensus, interprete Doct. Angel. q. 93. a. 6. ad. 1. primò quòd iusti non sint sub lege timore supplicii, tanquam inviti & homines servilis ingenii, quia spirituales viri per charitatem, quam spiritus sanctus cordibus eorum infundit, voluntariè id, quod legis est, implent. Secundò, in quantum opera hominis iusti, qui spiritu sancto ducitur, magis dicuntur esse opera spiritus sancti quàm ipsius hominis; ideoque in quantum spiritui sancto tribuuntur, non sunt sub lege: *ubi enim spiritus, ibi libertas* 2. ad Cor. 1.

## ARTICULUS II.

*Quid sit lex naturalis.*

## SUMMARI A.

1. *Existentia legis naturalis.*
2. *Duplex acceptio legis naturalis.*
3. *In quo actu formaliter consistat?*
4. *Est lex necessaria necessitate consequenti.*
5. *Definitio Legis naturalis.*
6. *Est diversò sensu lex una & multiplex.*
7. *Non consistit in ipsa hominis natura.*
8. *Non etiam in aliquo habitu.*
9. *Neque in conscientia.*
10. *Actus aliqui sunt intrinsecè mali fundamentaliter, quia præsuppositivè ad legem repugnant naturæ rationali, non verò formaliter.*
11. *Status questionis de distinctione juris naturalis & gentium.*
12. *Non est accurata divisio juris gentium in primum & secundarium.*
13. *In quibus convenient & differant nimirumque jus?*
14. *Ostenditur differentia in 4. generibus causarum.*
15. *Differit etiam in obligationis universalitate & immutabilitate.*
16. *Jus gentium est jus non scriptum.*
17. *In eodem actu reperitur jus naturale, gentium & civile.*
18. *Quo sensu sœdera belli & pacis sint de jure gentium?*

O o

§. I. Legis

## §. I.

*Legis naturalis definitio & essentia.*

1. **T**Am ex communi hominum consensu, quàm ex fide constat, dari legem naturalem hominibus congenitam, juxta illud ad Rom. 2. 14. *Gentes naturaliter ea, quæ legis sunt, faciunt, & ipsi sibi sunt Lex, qui ostendunt opus legis scriptum in cordibus suis*: quàm enim implantatum est creaturæ rationali, ut per actus humanos & morales capaces bonitatis morales tendat in debitum finem ultimum; tam necesse fuit, eidem præscribi & implantari regulas rationis, quibus in eodem ultimo fine prosequendo dirigeretur, & sine quibus nullus esset conceptus moralitatis, nullus bonitatis aut malitiæ morales, quod ex alibi dictis suppono.

Quæstio igitur principaliter est, in quam entitate formaliter consistat lex naturalis? Vasq. 2. 2. disp. 150. c. 3. existimat legem naturalem esse ipsam naturam rationalem, quatenus est prima regula vel boni convenientis, vel mali disconvenientis. Alensis 3. p. Sum. q. 27. n. 2. tenet consistere in habitu, seu lumine rationis in actu primo manifestativo bonitatis aut malitiæ morales. Quam sententiam etiam amplectitur Suarez 1. 2. c. 5. n. 14. nisi quod præter vim luminis naturalis, etiam in actuali judicio mentis docet propriissime consistere legem naturalem. prout etiam tradunt Gabr. Arimin. & Amicus. Reding. q. 15. a. 1. controv. 2. & Theologi S. Galli sect. 2. q. 2. docent, consistere formaliter in practico dictamine synterefis præceptivæ intimantis media ad finem naturæ rationali consentaneum obtinendum necessaria. Magnif. P. Petschacher q. 3. de lege naturali a. 1. docet, legem naturalem formaliter consistere in lege æterna, & actu rationis Divinæ. Pro cujus quæstionis resolutione

a. Notandum. Legem naturalem aliquando accipi in rigore Theologico, & prout formaliter se tenet ex parte DEI Legislatoris; aliquando secundum vulgarem & communem loquendi modum, prout se tenet ex parte hominis, & remanet virtualiter in aliquo suo effectu, vel signo, quo sensu Theologi morales communiter de lege naturali loquuntur. Quâ distinctione facile in concordiam redigi possunt diversæ Theologorum sententiæ, quorum aliqui in ipso DEI præcepto, alii verò in actu synterefis legem naturalem constituunt.

3. **CONCLUSIO.** *Lex naturalis formaliter consistit in æterna DEI Lege, & imperio præceptivo mediæ habentium necessariam connexionem cum fine natura rationali consentaneo: quod per æternale dictamen synterefis nobis promulgatur, & in illo virtualiter permanet, quemadmodum Scripturæ aliqua significat imperium obligativum ipsius Legislatoris.* Ita sentire videtur S. D. sup. q. 71. a. 6. ad 4. dicens: *Legem naturalem contineri principaliter in lege æterna, & secundario in judicatorio rationis naturalis.* Et D. August. l. 1. de sermone Domini in monte: *Nullam animam esse, quæ rationari possit, in cujus conscientia non loquatur DEUS. Quis enim legem naturalem in cordibus hominum scribit, nisi DEUS?*

Ratio ex fundamentis priori jam Disputatione

positis est. Omnis lex formaliter est ordinatio & imperium Legislatoris subditis promulgatum: sed Lex naturalis est vera lex: ergo formaliter est ordinatio & imperium ipsius Divini Legislatoris, adeoque est lex æterna ipsius, & actus formaliter immanens, virtualiter verò transiens, & median- te actu synterefis nobis impressa, ac promulgata.

Inferes ex dictis primò: Legem naturalem ex parte DEI esse necessariam consequenter; ex suppositione nimirum, quòd decreverit condere naturam rationalem liberè & moraliter operantem: quia facti hâc suppositione necesse fuit naturam rationalem subesse Divinæ jurisdictioni & gubernationi, in cavendis, quæ naturæ rationali quæ tali sunt dissentanea, & in agendis quæ ad finem naturæ rationalis quæ talis consequendum sunt necessaria: sed hoc fit per legem naturalem: ergo.

Inferes secundò. Legem naturalem rectè sic 3. definiti: *Est ordinatio Sapientie Divinæ per dictamen synterefis naturæ rationalis impressum, quâ dirigitur in suum finem ultimum per media necessaria consequendum.* Ubi notatur primò causa formalis, nempe imperium Scientiæ practicæ DEI virtualiter transiens, & in dictamine synterefis virtualiter tanquam in signo remanens: secundò causa subjectiva quæ est natura rationalis: tertio finis, in suum finem, h. e. bonum honestum; denique modus, quo à lege divina positivâ liberâ distinguitur, per media necessaria, est enim de actibus vel intrinsecè bonis, vel intrinsecè malis.

Inferes tertio cum S. D. q. 94. a. 4. Legem 6. naturæ partim esse unam, partim multiplicem. Una est tum unitate principii universalissimi, ad quod cætera præcepta reducuntur, *bonum est sequendum, malum fugiendum*; tum unitate finis, quod est bonum humanæ naturæ. Multiplex est ex pluralitate præceptorum particularium ad diversas virtutes spectantium, quæ rursus ad tria genera revocantur secundum triplicem inclinationem hominis ad bonum: primò ad bonum secundum naturam communem omnibus substantiis, & huc pertinent præcepta de conservatione vitæ; Secundò ad bonum secundum naturam communem cæteris animalibus, & huc pertinent præcepta de educatione proles, &c. Tertiò ad bonum secundum naturam rationalem quæ talem, & huc pertinent præcepta dirigentia actus humanos, quatenus per illos homo honestè se habet tum erga DEUM, tum proximum, tum seipsum.

## §. II.

*Rejectiones aliarum opinionum.*

7. **S**equitur ex dictis primò. Legem naturalem non consistere in ipsa natura rationali, quatenus illi quædam actiones sunt convenientes, ideoque honestæ, quædam disconvenientes, ideoque inhonestæ. Nam primò subjectum legis non est lex: sed natura est subjectum legis naturalis; quippe quæ juxta stylum Apostoli est *inscripta in cordibus nostris*. Secundò: Legis actus proprii & officia sunt ostendere honestatem, illuminare, dirigere, præcipere: sed ista non conveniunt naturæ rationali secundum se spectatæ. Tertiò: Lex est actus superioris erga inferiorem & subditum: natura non est sibi ipsi subdita: ergo. *Rectè*

Rectè igitur advenit Suar. l. 2. c. 5, n. 6, ab Adversis. malè confundi fundamentum honestatis cum lege, cùm plura ad legem, quàm ad fundamentum & radicem bonitatis vel malitiæ moralis requirantur: Unde etiam, licet divina natura sit fundamentum & ratio, quod veritas ipsi sit consentanea, mendacium verò malum & dissentaneum, haud tamen sequitur, quod divina natura sit lex respectu DEL.

8. Sequitur secundò. Legem naturalem sumptam ex parte hominis non consistere in habitu, est quippe participatio divinæ legis actus præcipientis: sed hæc consistit in actu imperii, ergo & Lex naturalis. Nihilominus, quia illo imperio jam transactio non dicitur aboleretur lex naturalis, sed in virtute synteresis habitualiter [ non formaliter ] perseverat, dicitur aliquando nobis inesse per modum habitus.

9. Sequitur tertio. Legem naturalem eodem modo acceptam distinguere à conscientia, quia primò lex naturæ est regula generalis, conscientia est didamen practicum in particulari, prævio discursu formatum. Secundò illa proximè, hæc remotè à synteresi originem trahit. Tertiò conscientia est tum ipsius legis naturalis, tum divinæ, tum humanæ ad operationem particularem applicatio, & quidem non tantum legis veræ, sed etiam existimatae tantum, unde sæpius datur conscientia erronea: Lex verò naturalis est principium applicabile, quod nunquam potest esse erroneum, utpote divinitus impressum.

10. Dices: Actus intrinsicè mali sunt tales, quia independentes à libero decreto & lege DEL repugnant naturæ rationali quæ tali: sed repugnant legi naturali: ergo lex naturalis consistit in ipsa natura rationali quæ tali.

Respondeo. Actus intrinsicè mali sunt tales fundamentaliter, quia independentes &c. concedo; sunt mali formaliter, nego. sed repugnant legi naturali formaliter, concedo; tantum fundamentaliter, nego min. & consequentiam. Formalis quippe malitia cujuscunque actus etiam intrinsicè mali desumitur à repugnantia ad legem æternam, veluti dictum in Tract. de peccato.

## §. II.

### *Distinctio juris naturalis & juris Gentium.*

11. Imperator l. 1. instit. tit. 2. dividit jus in naturalem, gentium, & civile. Cui divisioni litem movet mox subjuncta definitio: *Jus gentium est quod ratio naturalis inter omnes homines constituit*: quod enim naturalis ratio constituit apud omnes homines, pertinet ad jus naturale: ut *servare fidem, honorare parentes &c.* Igitur contra leges dialecticæ unum ex membris dividendis jus in communi, in altero membro includitur, nempe jus gentium in jure naturali. Stac præterea in oppositum autoritas D. Thomæ qui hic q. 95. a. 4. ex Isidoro jus leu legem humanam dividit in jus gentium, & jus civile, in quorum jus gentium proximè derivatur à lege naturæ, sicut conclusio à principiis, continetque generalia præcepta, ut justas emptiones, venditiones, &c. Jus verò civile remotius derivatur à lege naturæ per modum particularis determinationis. Atqui jus humanum adæquatè distinguitur à jure natu-

rali, siquidem lex humana obligatoriam auctoritatem sortitur ex arbitrio hominum: lex verò naturalis à voluntate auctoris naturæ; unde etiam lex universim dividitur in divinam & humanam, tanquam in membra adæquatè opposita.

Ut seu definitionis, seu definitis auctoritati suppetias ferant, dividunt Jurisperiti apud Suarez l. 2. c. 19. jus gentium in primum seu primum & secundarium. Primum vocant, quod naturalis ratio apud omnes primo statim assensu & consensu constituit, quodque nobiscum natum est, & apud omnes gentes per æquè custoditur, ut religio erga DEUM, pietas in parentes, fides in pactis, &c. Jus gentium secundarium est, quod non primo statim assensu, sed necessitate ita exigente, interventu discursus prædici, expensis viæ ac societatis humanæ commodis communi hominum consensu & usu institutum est: ut sunt emptio, venditio, locatio, societates, servitutes, manumissiones, libertas commerciorum, publica securitas legatorum etiam tempore belli, &c. quæ posita distinctione merito dicendum erit cum eodem Suar. Jus gentium primum ad jus naturale, secundarium verò ad jus humanum positivum revocari. Et ratio primæ partis est: Quod omnes homines ex evidenti instinctu luminis naturalis necessariò & æqualiter obligati pertinet ad legem naturæ, siquidem talis instinctus immediatè derivatur ab auctore naturæ, ideoque Isidorus l. 1. c. 4. *Jus naturale, inquit, esse, quod est commune omnium rationum*, eò quod urbi que instinctu naturæ, non constitutione aliquà habeatur: atqui jus gentium primum ita se habet, unde & ejus præcepta Decalogo continentur: ergo. Ratio 2. partis est: Illa lex continetur sub lege humana positiva, quæ hominum moribus & arbitrio constituitur: nam recipere Legatos sub pacto securitatis, rerum divisiones, emptiones, venditiones, commercia & cætera ejusmodi, ad secundarium jus gentium pertinentia, non sunt absolute de necessitate generis humani; cùm sine iis humana societas absolute conservari & gubernari potuisset, & aliquamdiu conservata fuisset. Cùm verò unà cum humano genere etiam malitia cresceret, magistrà necessitate, non unius sed omnium ferè gentium consuetudine sunt introducta: sed quod usus & mores hominum constituerunt, pertinet ad jus humanum positivum: ergo. Inde

Nihilominus, ut optimè observat Clariss. D. Jos. Cletle in selectis qq. ex t. p. ff. q. 2. n. 3. hæc distinctione divisioni juris in naturale & gentium non admodum succurritur: cùm jus gentium primum nihilo distet à jure naturali, nec nisi denominativè & impropiè gentium dici possit, eò quod gentibus commune sit usitatum. Ideoque dimissa hæc distinctione rectius Theologi à formali principio divisionem legis ac juris instituant, & id omne jus sub lege naturali comprehendunt, cujus obligatio vel efficacia ab auctore naturæ profecta subsistit naturali evidenter cognoscitur: illa sub jure gentium comprehenduntur, quæ didante quidem ratione naturali, mediante tamen consuetudine, consensu & arbitrio omnium ferè gentium, non ut absolute, sed ut necessaria ex suppositione moribus hominum intro-



roducunt, servantur. Cætera ex ratione naturali remotiùs derivata, & populorum vel magistratum placito variè instituta sub jus civile redigunt.

13. Quamvis igitur jus gentium quandam affinitatem habeat cum jure & lege naturali, & in aliquibus conveniat, ut quòd utrumque sit commune gentibus, saltem ut plurimum; quòd utrumque habeat actus præceptivos, prohibitivos, permissivos: nihilominus tamen essentialiter discriminantur, primò quòd præcepta juris gentium tam affirmativa quàm negativa non sunt in materia intrinsecè bonà, vel malà, neque sunt ex principiis synterefis evidenter deducta, sed immediatè fundantur in moribus, usu, mutuoque consensu & tacito contractu gentium: qua de causa Imp. §. 4. Instit. de jure natur. &c. vocat jus gentium, *quod in usu gentium introductum est*. Secundo differunt, quòd præcepta juris naturalis sunt de rebus simpliciter necessariis ad finem naturæ rationalis proprium, ut fidem servare, neminem fraudare, colere parentes, &c. dum econtra præcepta juris gentium non sunt de mediis simpliciter necessariis ad obtinendam felicitatem humanæ societatis, sed magis de commoditate, aut necessitate hypothetica fundata in aliqua libera hypothefi, ut est immunitas Legatorum & Fecialium, jura hospitii, captivitates, servitutes, libertas commerciorum, &c. sine quibus absolute humana societas subsistere potuisset.

14. Unde tertio differunt secundum omnia 4. genera causarum: Et de causa materiali constat ex dictis: materia quippe juris & legis naturalis sunt actus intrinsecè boni, vel mali, mediæque necessariò connexa cum fine ultimo: materia verò juris gentium sunt actus habentes solùm magnam commoditatem, aut hypotheticam aliquam necessitatem ad consequendam felicitatem. Item differunt subiecto: nam subiectum juris naturalis sunt omnes & singuli homines: juris verò gentium, sunt aliquæ, & pleræque, non necessariò omnes gentes. Differunt in causa efficiendi, nam lex naturalis imprimitur ab ipso auctore naturæ humanis cordibus: jus gentium descendit ex arbitrio, consuetudine & mutuo consensu gentium, quamvis originetur in lumine synterefis. Differunt in fine intrinsecò, nam finis intrinsecus legis naturalis est felicitas omnium hominum, & singulorum: econtra finis intrinsecus juris gentium est felicitas gentium quæ talium. Differunt proinde causa formali, definitione & differentiâ specificâ; quia jus naturæ est ordinatio Authoris naturæ inscripta cordibus omnium hominum, ad ea agenda, quæ absolute & intrinsecè sunt necessaria ad finem ultimum naturæ rationalis, & ad fugiendum illa, quæ cum ipso intrinsecè repugnant. At verò jus gentium rectè definitur, *Ordinatio communi usu & consuetudine gentium, mutuoq; consensu introducta, ad ea amplectenda sine quibus humana societas ex integris gentibus aggregata, quæ mutuis officiis fovetur & indiget, commode non subsistit*.

15. Unde deduces primò, Jus gentium etiam in effectu multum distare à jure naturali, tum universalitate, tum immutabilitate: quia obligatio, quæ est primarius juris sive legis effectus, in jure

naturali omnes omnino gentes, singulosque homines afficit, estque formaliter immutabilis seu indispensabilis, prout sequenti art. ostendemus, secus in jure gentium, quod neque necessariò suam obligationem in omnes gentes propagat; neque est prorsus immutabile, quia proximè fundatum in arbitrio & consuetudine gentium.

Deduces secundò. Jus gentium scriptum<sup>16</sup> propriè non dari, sed ut docet Suarez loc. cit. illud esse speciem juris non scripti & consuetudinarii, quia, ut loquitur Imperator, *est usu gentium introductum*: sicq; primò dividi potest jus in Divinum & humanum; Divinum in naturale & positivum; Istud in scriptum & non scriptum, h. e. traditione acceptum; Humanum quoque in scriptum & non scriptum. Scriptum; quod scripturâ superioris autoritate confectâ perficitur, est tantummodo civile, cum gentes diversæ nullam agnoscant potestatem humanam superiorem, vi cujus præceptis in certam scripturam redactis arctari possint. Non scriptum verò & consuetudinarium est vel moribus civium unius gentis, populi, civitatis introductum, & illius felicitatem per se primò respicit, estque jus consuetudinarium civile seu politicum; vel est plurium populorum, & gentium moribus introductum, idque propter felicitatem humanæ societatis, non ex una, sed pluribus gentibus diversorum scriptorum, linguarum, rituum constitutæ, tunc propriè est jus gentium. Possunt quippe, ut cum Soar, loc. cit. eleganter exponit Clariss. D. D. Cletle, considerari homines, prout sunt cives alicujus civitatis, provincie, regni: & rursus prout sunt cives vassæ mundi Reipubl. & totius universi; neque enim divisio gentium ita à se invicem homines divisit, ut non in generalibus quibusdam officiis ad universam hominum societatem pertinentibus reciproca quidam colligatione & vinculo, in ipsa naturæ specificæ convenientia, primisq; principii fundato indigeant, ex quo fit, ut in toto ferè mundo quædam consuetudines sint introductæ, quibus nemo se velit esse exemptum, præter admodum paucas & barbaras nationes, quæ ne quidem naturalis rationis præceptis obsestant. Ex quo etiam patet sufficiens distinctio juris gentium à jure civili tam scripto, quàm non scripto.

Deduces tertio. In uno eodemque actu frequenter concurrere jus naturæ, gentium, & civile: ita e. g. in contractu spectari potest in primis specialis modus contrahendi, & isque ordinariè pertinet ad jus civile, vel arbitrium ipsorum contrahentium: alterum est observatio contraactus consummati: & hoc pertinet ad jus naturale, quo dictatur, suum cuique esse reddendum, fidemque servandam: tertium est facultas libera contrahendi, & illa est juris gentium.

Deduces quartò. Quo sensu fœdera belli & pacis inter populos inita sint juris gentium? Nam primò vel sumuntur hæc fœdera pro ipsa pactione fœderis in genere, & sic videntur post diluvium, factâ hominum gentiumque divisione, earundem moribus ita suadente communi utilitate introducta, adeoque esse de jure saltem permissivo gentium; quamvis eandem facultatem DEUS Israelitis restrinxerit, ut patet ex Deuteronomi

nomii cap. 7. Vel secundò, sumuntur fœdera de cœternitate, v. g. pro hac, vel illa pacificatione, Monasteriensi, Neomagenſi, Pyrenæa, &c. & sic sunt juris non gentium, sed civilis: quia ut sic non introducuntur moribus gentium; neque respiciunt per se communem gentium felicitatem, prout illæ humanam societatem constituunt & quasi rempublicam universi, sed constituuntur auctoritate summorum Principum & Magistratum, atque in cujuslibet partis fœderatæ propriam felicitatem referuntur, quod pertinet ad jus civile: neque enim, si Hispanus cum Gallo pacem iniit, ideo vel Hispanus Gallicæ, vel Gal-

lus Hispanicæ gentis felicitatem quærit, sed quælibet gens suam, prout manifestum sit ex punctis in ejusmodi fœdera deductis. Nec refert, quòd plures diversæ gentes populique in ejusmodi fœdera conveniant, uti nunc Anglia, Hispania, Imperium, Belgium, Sabaudia &c. contra Gallos; nam & in istis quolibet pars fœderata proprii statûs & Reipubl. conservationem ac felicitatem principaliter intendit. Vel tertio per fœdera intelligitur ipsa fœderis observandi religio; & hæc procul dubio est juris naturalis, siquidem, fidem esse servandam, ipsa rationis naturalis principia præscribunt,

## ARTICULUS III.

### *An lex naturæ sit immutabilis?*

#### SUMMARI.

1. Quot modis fieri possit legis mutatio?
2. Materialis mutatio legis naturalis fieri potest humanâ potestate.
3. Non tamen in omni præcepto.
4. Quæ sunt de jure naturæ permissiva, humanitus mutari possunt.
5. Nullâ potestate lex naturæ formaliter mutari aut dispensari potest.
6. Objectiones ex S. Scripturæ Auctoritate diluuntur.
7. Ad variarum dispensationum exempla objecta respondetur.

#### §. I.

##### *Præsupposita.*

1. **S**UPPOSITA divisione legis naturalis in præceptivam & permissivam; Notandum est, mutationem legis fieri vel quoad existentiam, vel quoad specificationem: quoad existentiam fit, quando lex in humana mente per invincibilem ignorantiam nullam habet existentiam, vel habitum amittit. Et hoc sensu quæri potest, an lex naturæ invincibiliter ignorari possit? ad quam quæstionem in prioribus responsum est, legem naturalem quoad prima principia moralia ex nullius ratione uteris mente tolli posse, bene autem quoad secundaria, quæ per remotiorem consequentiam ex primis deducuntur. Quoad specificationem lex mutari dicitur, quando id quod per legem præiudicilicium, postea fit licitum, vel econtra, quod quidem fieri potest dupliciter, nempe ab intrinseco, & extrinseco. Ab intrinseco fit, quando mutato fine & ratione legis, cessat etiam obligatio legis, vel in totum, & tunc dicitur cessatio legis, vel in particulari occasione, & tunc dicitur interpretatio legis. Ab extrinseco lex mutatur, quando ab habente potestatem, nempe à legislatoris, revocatur vel in totum, & tunc dicitur abrogari; vel ex parte, & quoad aliquem casum aut personam particularem, & tunc dicitur fieri dispensatio; nam dispensatio dicitur relaxatio juris à superiore facta cum aliquo particulari, remanente vigore juris. Rursus. Mutatio vel dispensatio legis potest esse mutatio legis formaliter & propriè, vel tantum materiali-

ter, & impropiè. Mutatio legis formaliter quam suar, etiam vocat intrinsecam, est, cum legis obligatio definit remanente objecto legis sub iis circumstantiis, sub quibus terminat intentionem legislatoris; & materialiter & impropiè [quod etiam appellant extrinsecè] lex mutatur, quando materia live objectum legis ita mutatur, ut ad illud legislatoris intentio & legis obligatio jam amplius se non extendat. His positis

Certum est primò. Legis naturalis materialem tantum & impropiam mutationem non tantum divinâ, sed etiam humanâ potestate fieri posse, quando nimirum materiæ & objecti mutatio ejusmodi potestati subest; Certum quippe est de facto mutatâ materiâ præcepti naturalis, præceptum naturale non obligare, non quia præceptum ejusve obligatio mutetur, sed quia non invenit objectum, circa quod deberet suam obligationem exercere: ergo si DEUS vel potestas humana possit mutare materiam legis, similiter poterit fieri extrinseca mutatio legis naturalis. Antec, constat in lege naturali reddendi depositum, servandi naturale secretum, quæ præcepta non obligant in casu, quo reddendo depositum, vel servando secretum, damnum Reipubl. sequeretur; hæc quippe præcepta non aliter respiciunt redditionem debiti, & servationem secreti, nisi sub implicitâ conditione boni communis, ad quod omnia tacitè referuntur: quâ deficiente mutatur objectum & materia legis, & consequenter obligatio legis ad talem casum se non extendit, ipso nihilominus vigore legis penitus immutato. Sic pariter, etiamsi sit lex naturalis, ne quis occidat seipsum, si DEUS, qui est Dominus vitæ & mortis, expressâ revelatione & præcepto potestatem homini tradat, licita erit occisio sui ipsius; si creditor faciat donationem mutui, cessabit naturalis obligatio mutuum restituendi, &c.

Certum est secundò. Non omne præceptum legis naturalis etiam materialiter mutari posse: quando nimirum materia legis est simpliciter immutabilis: ita quippe in præcepto non blasphemandi, non mentiendi &c. nulla est mutabilitas, aut dispensabilitas, quia materia prohibita habet intrinsecam & essentialem repugnantiam cum divinis perfectionibus.

Q o ;

Certum

4. Certum est tertiò, ea quæ sunt de jure permisso naturæ, mutari posse: neque enim ratio naturalis dicitur, illa esse necessaria ad conservandam morum honestatem: sed tantum tribuit moralem facultatem illa retinendi, quamdiu legitimam auctoritatem habentibus aliud expedire non videbitur. Sic rerum communitas, & hominum libertas est de jure naturæ permisso, quia natura ex se non præcipit, sed permittit homines gaudere bonis communibus, & possessione suæ libertatis, quamdiu boni communis ratio aliam dispositionem non introduxerit, quæ jure gentium introducta est in servitutibus, & rerum divisionibus. Dubium superest, an jus naturale præceptivum formaliter & propriè mutari, aut dispensari possit, sive per humanam, sive per divinam potestatem? Ubi posse in quibusdam remotioribus conclusionibus, & casibus particularibus jus naturæ Summi Pontif. auctoritate limitari, aut dispensari censuit Angelus V. Papa n. 1. Sench. l. 8. de matr. d. 6. cum pluribus à se relatis. Posse in jure naturæ secundario, & in quibusdam præceptis secundæ tabulæ à DEO propriè dispensari, haud obscurè docet Scotus in 3. d. 37. q. un. à n. 5. cum plerisque suæ scholæ.

## §. II.

*Resolutio quæstionis.*

5. **CONCLUSIO.** *Jus seu lex naturæ præceptiva verè & formaliter neque humanæ, neque Divinæ potestate mutari, aut dispensari potest.* Ita S. D. q. 94. a. 5. & 6.

Ratio est primò. Lex DEI æterna, consistens in actu, partim simpliciter, partim hypotheticè necessario, mutari, & dispensari non potest: atqui lex naturalis ex parte DEI est lex æterna ipsius, consistens in imperio necessario prohibente actus intrinsecè malos, & præscribente ea, quæ necessariam habent convenientiam cum bono naturæ rationalis, ex suppositione quòd decreverit creare naturam rationalem, quæ per liberos actus tendat in suum finem: Item fundatur in actu necessario simplicis intelligentiæ, quo DEUS cognoscit, actus intrinsecè malos esse inordinabiles ad se ut ultimum finem, & esse suis Divinis perfectionibus repugnantes, adeoque impermissibiles: sicut ergo est impossibile istos actus mutari, ita pariter est impossibile mutari legem naturæ.

Unde summopere miror, quānam consequentiā quidam Rec. Scotista in Disp. de Leg. D. 1. q. 5, à n. 9. doceat, posse DEUM propriè dispensare in quibusdam præceptis Decalogi, cum paulò antè eādem distinctione q. 2, n. 18. dixisset, regulam legis naturalis haud esse aliam, quā incommutabilem æternam DEI voluntatem, seu rectius actum Divinæ voluntatis necessarium, quo ab æterno vult obligari quamcunque creaturam rationalem ad faciendum ea, quæ sunt intrinsecè bona, ac omittendum ea, quæ sunt intrinsecè mala: Certè omnis dispensatio est aliqua legis mutatio, quā nempe voluntas legislatoris facit licitum, quod antecedenter faciebat illicitum: sed lex naturalis juxta prædictam Scotistam est necessaria & immutabilis, adeoque incapax mutationis: ergo pariter est indispensabilis.

Ratio est secundò. Lex naturalis fundatur in intrinseca convenientia vel disconvenientia actionis humanæ cum natura rationali [ut admittit prædictus Scotista l. cit. n. 7.] sed ista est intrinsecè immutabilis: ergo.

Confirmatur. Ut fieret aliqua mutatio vel dispensatio in lege naturæ, deberet remanente objecto cum omnibus circumstantiis fieri licitum, quod lege naturæ est illicitum: sed hoc est simpliciter impossibile: ergò. Minor probatur: Est impossibile, ut fiat licitum, quod est disconveniens naturæ rationali quā tali: sed quicquid est lege naturæ illicitum, est disconveniens naturæ rationali quā tali, ideoque etiam inordinabile in debitum finem ultimum: ergo pariter est impossibile, ut, quod lege naturæ est illicitum, fiat aliquando licitum.

Oppones è S. Script. primò. DEUS cum Abrahamo dispensavit in quinto præcepto, *Non occides*, quando ipsi præcepit, ut immolaret filium Gen. 22. Secundò in sexto præcepto cum Osea, quando ipsi præcepit, ut acciperet mulierem fornicariam. Tertiò in septimo præcepto cum Hebræis, quando ipsis concessit spolia Ægyptiorum Exod. 11. Quartò in monogamia & indissolubilitate matrimonii, cum antiquis Patriarchis plures uxores, & Hebræis libellum repudiij permisit. Accedat auctoritas D. Bernardi, qui l. de dispens. & præc. c. 5, ita loquitur de præceptis secundæ tabulæ: *Quæ etsi nullam prorsus humanam dispensationem admittunt, nec cuiquam hominum ex his aliquo modo solvere aut licuit, aut licebit, Dominus tamen horum quod voluit, & quando voluit, solvit.*

Respond. Per adducta exempla nequaquam formalem, & propriè dictam mutationem, vel dispensationem legis evinci, cum per solam materiam & objecti mutationem commodissime explicentur: in quantum nempe DEUS, seu Dominus vitæ & mortis ac universæ creaturæ Abrahamo concessit potestatem in vitam filii, Osea in corpus meretricis, Hebræis in bona Ægyptiorum: quamvis ex DD. Hieronymo, Augustino, Irenæo: aliisque PP. advertat Suarez, exemplum Osea parum vel nihil probare, cum rectè intelligi possit, quòd DEUS præcepit Osea, ut sibi mulierem fornicariam legitimo conjugio sociaret. Sic etiam vi ejusdem supremi domini potuit DEUS marito concedere jus in plures uxores, & tollere jus uxoris in corpus mariti, marito remittere obligationem respectu uxoris, quo casu mutato legis naturalis objecto, neque monogamia, neque indissolubilitas & vinculi lex amplius adstringebat. Ad D. Bernardi auctorit. R. S. Patrem hoc intendere & probare, quòd DEUS aliquas actiones suā lege prohibitas possit efficere licitas, quod tamen nulla posset humana potestas, idque probat adductis Scripturæ exemplis: hoc autem per materiale solum dispensationem sufficienter obtinetur, quippe quæ ex infinito DEI dominio, quod omnem creaturam auctoritatem ac potestatem excedit, derivatur.

Opponuntur etiam quædam humanæ potestatis exempla. Primò. Summi Pontifices sæpius dispensarunt in matrimonio rato, cujus tamen vinculum est de jure naturæ. Secundò, Eccle-

Ga di.

ita dispensat in votis, quorum obligatio est juris tam divini, quam naturalis. Tertio, Lege usucapionis auferuntur & occupantur bona aliena, quod rursus est legi naturali contrarium. Quarto, Jure naturæ mutuo consensu clandestino contractus matrimonialis perficitur, & tamen hunc contractum jus positivum Tridentini invalidat.

Respond. Neque in istis exemplis intervenire aliquam formalem mutationem, aut dispensationem; sed tantum aliquam mutationem materiæ vel objecti. Nam quia fidelium voluntates Summo Pontifici tanquam Christi in terris Vicario moraliter sunt subjectæ, & subordinatæ, potest ille ex gravibus causis illorum consensum morali-

ter immutare, vel irritare, quo facto lex de indissolubilitate matrimonii, de redditione voti, &c. definit obligare, & sic patet responsio ad 1. & 2.

Ad 3. Resp. Lege usucapionis non occupari alienum, sed acquiri proprium, atque dominium ab uno in alterum transferri, quod omnino rationi & æquitati naturali est congruum, quæ dicitur, intuitu boni communis à supremo Magistratu vel alti dominii rerum proprietates & dominia aliquando auferri, vel ab uno in alterum transferri posse & debere.

Ad 3. Resp. Clandestini matrimonii valorem jure naturali tantummodo permittitur esse, cui juri permissivo humanâ potestate aliquid addi, vel detrahi posse extra dubium est.

## DISPUTATIO XXXIII.

DE

### Lege Divina positiva antiqua & nova

ad q. 98. & seqq.

**L**egis Divinæ necessitatem S. D. q. 91. a. 4. probat hæc ratio: Hominem elevatum in finem beatitudinis supernaturalis oportebat dirigi in finem illius beatitudinis: hoc autem non præstabat lex naturalis, quæ nec finem naturalis felicitatis transcendit, neque actiones particulares satis determinat: Neque præstabat lex humana, quippe quæ tantum versatur circa actus externos humanæ cognitioni, & judicio subiectos: neque omnia vitia prohibere, aut punire potest. Debit itaque dari lex Divina, quæ etiam interni actus ad honestatem supernaturalem in particulari dirigerentur, & vitia beatitudini opposita prohiberentur, unde psal. 101. dicitur: *Lex immaculata, testimonium fidele, convertens animas, &c.* Dividitur lex Divina in Veterem & Novam, seu Veteris & Novi Testamenti, de quâ deinceps.

## ARTICULUS I.

### Quenam legis antiquæ, & novæ differentia?

#### SUMMARIA.

1. Quid sit antiquum Testamentum?
2. Quid novum?
3. Omnis causalitas gratia in quocunque statu pertinet ad novum Testamentum.
4. Legis Mosaica & Evangelica præcipua differentia.
5. Aliæ differentia accidentales.
6. Triplicia præcepta legis antiquæ.
7. Cæremonialia & judicialia erant figurativa.
8. Omnia præcepta moralia legis Veteris aliquo modo continebantur in Decalogo.
9. Quâ ratione moralia pertinuerint ad legem Veterem?
10. Quotuplicia fuerint præcepta cæremonialia?
11. Quotuplicia præcepta judicialia?

#### §. I.

##### Differentia antiqui & novi testamenti.

1. Quia lex antiqua etiam appellatur lex antiqui Testamenti, & lex nova novi Testamenti, videndum in primis, quæ sit utriusque Testamenti

motio & distinctio. Igitur Testamentum Divinum, ut docet Illustriss. Reding, q. 15. a. 3. n. 4. significat universum Divinam promissionem & pactum, quo humana communitas sub certis legibus & ritibus aggregatur: idque post eversum primum Testamentum annexum statui Innocentiz, quo promissa fuit posteritati ex Adamo propagandæ justitiæ originalis, sub conditione observandi Divina mandata, præcipue de non comedendo fructu ex ligno scientiæ boni & mali, duplex è S. Script. nobis innotescit, Vetus, & Novum. Vetus est promissio de conferendis temporalibus bonis populo Israelitico, & de Christo ex ipsorum sanguine nascituro, sub conditione præscriptarum & promulgatarum per Moysen legum, cæremoniarum, & Sacrificiorum, quibus ipse Christus, & gratia per ipsum conferenda significabatur. Hoc vetus Testamentum jam sumpsit initium à temporibus Abrahami; ad ipsum quippe primitus facta fuit promissio, quod ejus posteris tribuenda esset terra Chanaan, & quod in ipsius semine, h. e. Christo ex ejus sanguine



guine nascituro, *benedicenda essent omnes gentes.* Ipse quoque primus legem circumcisionis accepit, per quam familia Abrahami ab aliis gentibus discriminata jam in unam quandam Ecclesiam consignabatur: perfectionem verò suam vetus Testamentum accepit primum, quando Moyses assumptum volumen legis, quod tunc dici ceptum *volumen fœderis, legit audiente populo;* illisq; spondentibus: *Omnia qua locutus est Dominus faciemus, & erimus obediētes.* Ille verò sumptum victimarum sanguinem resperis in populum: & ait: *Hic est sanguis fœderis, quod pepigit Dominus vobiscum super cunctis sermonibus his.* Exod. 24.

2. Novi verò Testamenti nomine intelligitur Divina promissio, Christo DEO Homini facta de generis humani reconciliatione, gratia & gloria, tum ex opere operantis, tum ex opere operato hominibus conferenda, sub onerosa conditione mortis & passionis subeundæ, velut indicatur II. 53. *Si posuerit pro peccato animam suam, videbit semen longævum, &c.* Quod testamentum in morte Christi perfectum, & consummatum, virtualiter post lapsum Adami jam inchoatum fuit, juxta doctrinam Angel. Doct. 1. 2. q. 106. a. 1. ad 3. dicentis: *Nullus unquam habuit gratiam Spiritus S. nisi per fidem Christi explicitam, vel implicitam, per fidem autem Christi pertinet homo ad Novum Testamentum.* Unde quibuscumque fuit lex gratia indita, secundum hoc ad Novum Testamentum pertinebant.

3. Ex quibus cognoscēs, omnem causalitatem gratiæ sive in lege non scripta, sive Mosaica, maxime per sacramentum deletivum peccati originalis, pertinere ad novum Testamentum, cui soli annexa est promissio gratiæ: eamque potissimam esse inter utrumque Testamentum differentiam: quod vetus Testamentum contineret promissionem temporalium, umbram, & figuram gratiæ per Christum conferendæ; unde & dicitur Hebr. 7. *Nihil ad perfectum adduxit lex;* Novum verò ipsam exhibeat gratiam & veritatem, juxta illud Jo. 1. *Gratia & veritas per JESUM Christum facta est.*

4. Ipsa lex Mosaica, non quia à Moyse instituta, sed promulgata, ipso DEO auctore & distante per Angelum, prout dicitur Act. 7. *Acceptis legem in dispositione Angelorum,* dicitur lex veteris Testamenti, lex fœderis, imò metonymicè patrum, non quia formaliter erat ipsa Divina promissio, sed quia erat conditio, cui adjuncta erat futurorum bonorum promissio, ut habetur Exod. 19. *Si audieritis vocem meam, & custodieris pactum meum, eritis mihi in peculium de cunctis gentibus; mea est enim omnis terra, &c.* Unde & Arca & Tabernaculum, in quo tabulæ legis asservatæ, dicta sunt arca & tabernaculum testimonii, vel fœderis. Cujus ea quoque est formalis & primaria differentia à lege nova Evangelica, quòd sub ea ratione, quæ erat propria Veteris Testamenti præsertim in sacrificiis & sacramentis, quibus ille populus in unam Ecclesiam aggregabatur, nulla polleret efficaciam causativam gratiæ, sed eandem tantummodo figuraret; aut siquam concomitantè conferendam ex opere operantis significaret, illud ipsum non haberet formaliter & ex me-

ritis veteris testamenti, sed concomitantè & in virtute novi testamenti, ad quod pertinet meritum fidei, sine quo in nullo statu confertur gratia.

Plures accidentales differentias si expositas, differunt præterea, quòd lex antiqua (soli Hebræis data, & per Moysen promulgata; lex nova à Christo toti mundo data & promulgata; illa partim bonorum temporalium pollicitatione, partim poenarum comminatione ad sui observantiam inducebat, ideoque ab Apostolo pædagogus appellatur; lex nova verò trahit amore, & consideratione æternorum bonorum. Illa in præceptis tam ceremonialibus, quàm judicialibus figurabat Christum venturum, & gratiam novi testamenti; ista continet ipsam exercitam veritatem. Unde & Lex antiqua fuit antiquata post passionem Christi: Lex nova verò Evangelica durabit usque ad finem mundi.

## §. II.

### *Quotuplicia præcepta Antiquæ Legis?*

Triplex erant præcepta antiquæ legis: moralia, ceremonialia, & judicialia, velut exprimitur Deut. 5. *Loquar tibi omnia mandata mea, & cævenonia, atque judicia.* Moralia sunt præcepta juris naturalis, decalogo comprehensa, Ceremonialia sunt præcepta, quibus populus Israëliticus specialiter dirigebatur ad cultum divinum; cujus materia fuit quadruplex: primò Sacramenta, ut circumcisio, agnus paschalis, &c. Secundò Sacrificia, ut holocaustum, sacrificium pro peccato. Tertiò sacra, hoc est, res pertinentes ad sacrificia, & cultum DEI, ut tabernaculum, templum, altare, sacra vasa, &c. Quartò peculiares observantiæ, ut erant cæta festa, jejunia, prohibitiones quorundam ciborum, &c. Judicialia sunt illa præcepta, quibus populus Israëliticus ordinabatur ad bonam tum œconomicam, tum politicam gubernationem.

Ex his tam ceremonialia, quàm judicialia præcepta erant figurativa: *Omnia quippe in figura contingebant illis.* 1. Cor. 10. cum hac tamen differentia, quod præcepta judicialia magis ex consequenti & accessoria DEI voluntate essent figurativa, cum principalitè essent ordinata ad rectam gubernationem Reipublicæ; ceremonialia verò licet in universali essent ordinata ad DEI cultum, protestationem internæ fidei, evitacionem idololatriæ, &c. in particulari tamen essent ad mysticas significationes principaliter ordinata: quod enim tale determinatum animal, e. g. hircus, agnus, &c. ad sacrificium deputaretur, non erat alia ratio, quàm figurativa, & significativa mysteriorum novi testamenti. Numerus istorum præceptorum fuit iogens: Guilielmus Parisiensis 613. enumerat apud Suar. Unde non immerito Act. 15. lex antiqua vocatur *jugum importabile.*

Quæres primò. An omnia præcepta moralia veteris testamenti contenta fuerint intra Decalogum? Respondeo: omnia fuisse contenta vel formaliter, vel virtualiter; virtualiter, vel ut principia in conclusionibus; vel ut conclusiones in principis. Sic præceptum de dilectione DEI pro-

& proximi, tametsi expressum non esset formaliter in Decalogo, tamen virtualiter in illo continetur, eo quod omnis lex in DEI & proximi charitate fundetur. Unde D. Gregor. hom. 27. in Evang. *Præcepta Divina sunt quidem multa per diversitatem operis, sunt tamen unum in radice charitatis.* Alia verò præcepta moralia magis particularia, ut quæ spectant ad virtutem Religionis, temperantiz, iustitiz &c. ideo virtualiter continentur in decalogo, quia sunt tanquam conclusiones in suis principiis & fructus in semine.

9. Quæres secundò. Quomodo præcepta moralia pertineant ad legem Veteris Testamenti, cum potius videantur pertinere ad legem naturæ? Respondeo cum Illustriss. Reding loc. cit. n. 8. distinguendum esse in ejusmodi præceptis diversum ordinem. Nam primò per illa homo ordinatur ad honestum naturale tanquam finem naturæ rationali quæ tali proprium, & sic pertinent ad legem naturalem humanis mentibus à DEO auctore impressam. Secundò potest per illa homo sub lumine fidei divinitus revelatæ ordinari ad finem supernaturalem ejusmodi præceptorum observanti meritorie consequendum: & sic pertinent ad novam legem gratiæ. Tertiò per illa ordinabatur populus ad Messiam venturum, ut nempe observanti ejusmodi præceptorum sub promissione temporalium bonorum, majori puncte disponeretur ad Christum ex se nasciturum: ut enim D. Th. hic q. 98. a. 4. ait, *soll Judæorum populo legem dari debuisse, quòd, cum promissiones de Christo Judæorum Patribus factæ sint, decerneret, eum populum, ex quo Christus nasciturus erat, quædam speciali sanctificatione pollere.* Unde etiam Apostolus Rom. 3. docet, illi populo credita fuisse eloquia DEI: & sub hac postrema consideratione præcepta moralia propria sunt veteri testamento.

Quæres tertio. Quotuplicia fuerint præcepta caeremonialia? Respondeo: Illa à D. Th. hic q. 101. & 102. congruè reduci ad quatuor genera, nimirum sacrificia, sacra, sacramenta, & observationes caeremoniales. Cujus numeri rationem dat S. D. cit. q. 101. a. 3. quòd præcepta caeremonialia præcipue fuerint ordinata ad cultum Divinum: ipse porro cultus Divinus principaliter consistebat in sacrificiis, de quo possum in libro Levitici: ipsa sacrificia & cultus Divinus ulterius exigebant certum locum, vasa, & instrumenta sacrificandi, quæ nomine sacrorum comprehenduntur: unde alterum genus præceptorum de sacris, h. e. tabernaculo, arca, altariibus, thuribulis, &c. Secundò exigebant speciale ad DEI cultum, sacrumque ministerium deputatorem, quò pertinebant Sacramenta, & inde tertium genus præceptorum; Ac denique certos ritus, & observantias legales, quibus veri DEI cultores ab aliis discernentur, quò pertinent præcepta caeremonialia de observationibus, quæ quartum genus præceptorum absolvunt. Singulorum mysticas ac symbolicas significationes exponit loc. cit. D. Th. & S. Script. Interpretes.

Quæres quartò. Quotuplicia fuerint præcepta judicialia? Respondeo cum eodem S. D. q. 104. a. 4. juxta quadruplicis ordinis distinctionem judicialia quoque præcepta in quatuor classes posse discesci. Prima est eorum, quibus constituebatur certus ordo inter Principem, seu Magistratum & populum: secunda, quibus ipsi populares inter se; tertia, quibus populus ad extraneos; & quarta eorum, quibus domestici inter se, maritus & uxor, parentes & filii, domus & servus ordinabantur. Prima classis continebat mutua officia Principis & subditorum; Altera officia civium, venditiones, emptiones, &c. Tertia officia versùs extraneos, uti bella, suspensiones peregrinorum, &c. Quarta domesticam conversationem &c.

## ARTICULUS II.

### De abrogatione & cessatione legis antiquæ.

#### SUMMARIA.

1. Lex antiqua abrogata per Christum.
2. Quo sensu dicatur æterna?
3. Non fuit abrogata ante passionem.
4. Sed in ipsa morte Christi.
5. Quo sensu aliqua præcepta antiquæ legis dicantur mortua, vel mortifera?
6. Lex quoad omnia præcepta fuit inæqualiter mortua.
7. Cærimonialia quando cæperint esse mortifera?

#### §. I.

*An & quando lex antiqua fuerit abrogata?*

1. CONCLUSIO PRIMA. Lex antiqua fuit abrogata per Christum. Est certa Catholicorum contra Judæos, ex D. Th. q. 103. a. 3. & 104. a. 3.

Probat primò veteris testamenti auctoritas, ubi Jer. 31. DEUS promittit: *Faciám domui R. P. Adærg. Theol. Schol. Tom. II.*

*Israel, & domui Jacob sedes novum non secundum patrum, quod pepigi cum Patribus eorum, in die quâ apprehendi manus eorum, ut educerem eos de terra Egypti.* Præterea. Ablato & mutato sacerdotio legis antiquæ, non potuit illa salva consistere, siquidem præcepta caeremonialia majori ex parte referuntur ad sacrificia & sacerdotium antiquæ legis: sed fuit ablatum sacrificium & sacerdotium veteris legis, ut habetur apud Danielem c. 9: fuit etiam à Christo mutatum partim per sacrificium crucientium in Cruce, partim per incrementum in ultima cæna, ubi Christus se exhibuit Sacerdotem non juxta ritum & institutionem legis Moisaicæ, sed secundum ordinem Melchisedech, prout de ipso dicitur Pl. 109. *Th es sacerdos in æternum secundum ordinem Melchisedech.*

Probat secundò auctoritate novi testamenti: præterquam enim quòd hæc veritas totâ

P p

epistolâ

epistolâ ad Galatas D. Paulus propugnat, etiam ad Rom. c. 7. dicit: *Pos mortificati estis legi per corpus Christi.* Et Hebr. 7. *Reprobatio quidem fit præcedentis mandati, propter infirmitatem ejus & inutilitatem.* Et S. Petrus Act. 15. *Quid tentatis DEUM imponere jugum [legis] super cervices discipulorum, quod neque patres nostri, neque nos portare potuimus: sed per gratiam Domini nostri JESU Christi credimus salvari, quemadmodum & illi.*

2. Dices, Quod est æternum, non est mutationi & cessationi obnoxium: sed lex antiqua in S. Scriptura sæpius dicitur æterna: ergo non est mutationi & abrogationi subjecta. Secundò, Christus dixit: *Non veni legem solvere, sed adimplere.*

Respondeo ad 1. Vocari æternam, vel primò quoad rem significatam, nempe Christum & Evangelium: vel secundò, quia diutissimè duratura, prout æternitas in S. Script. & apud Hebræos sæpius accipitur juxta SS. Interpretes: vel tertio, quia non habet alium terminum, nisi ipsi legi intrinsicum, & à legislatore intentum, nempe veritatem Evangelicam, quæ per mortem Christi instituta umbratilis illa & figurativa lex veteris testamenti non poterat ulteriorem sui durationem postulare.

Ad 2. Respondeo, sensum esse, quòd Christus non venerit ad tollendam illius legis observantiam, priusquam illius figuræ per suam mortem & passionem impleantur: tunc enim non amplius poterat esse locus umbris & figuris.

3. CONCLUSIO SECUNDA. *Ante Christi passionem lex antiqua non fuit abrogata.* Est contra Scotum, qui in 4. dist. 3. q. 4. §. quantum ergo, docet, saltem præceptum circumcissionis [quod facile extenditur etiam ad alia præcepta] fuisse mortuum statim ab institutione baptismi.

Ratio juncta auctoritati est: Tunc solùm lex vetus cæpit abrogari, quando lex nova cæpit obligare, novumque testamentum fuit conditum: sed novum testamentum non fuit conditum nisi in sanguine & morte Christi, neque ante ipsius mortem cæpit obligare lex Evangelica: ergo ante mortem Christi lex vetus non potuit abrogari. Minorem tradit Apostolus Hebr. c. 9. *Ideo, inquit, novi testamenti mediator est, ut morte intercedente &c. Testamentum enim in mortuis confirmatum est, alioquin nondum valei, dum vivit, qui testatus est.* Rursus de tabernaculo, id est, sacerdotio & religione veteris testamenti loquens significat illud durasse usque dum Christus sanguinem fudit: *Præ, inquit, tabernaculum habes statum, & offeruntur munera & hostia, donec propalata fuit Sacramentorum via, & Christus per propriam sanguinem inivit semel in sancta æternâ redemptione inventâ.*

4. CONCLUSIO TERTIA. *Tota lex antiqua fuit mortua, consummata per mortem Christi sacrificio in ara Crucis.* Ratio est: quia lex antiqua fuit alligata statui veteris Testamenti, quo proinde sublato etiam illa suam amisit efficaciam: atqui in morte Christi sublato est testamentum vetus, confirmato jam per mortem testatoris novo Testamento Hebr. 9. translatò à Synagoga sacer-

dotio, impletis præcedentibus varietatibus & figuris, consummata per crucis sacrificium omnium sacrificiis, in cuius signum statim post mortem Christi scissum est templum velum. Lucæ 23. ergo etiam lex antiqua in morte Christi mortua fuit & antiquata.

## §. II.

*An tota lex antiqua æqualiter sit mortua?*

Nota. Aliud esse præcepta antiquæ legis esse mortua, aliud esse mortificera. Mortua ex eo dicuntur, quòd careant efficaciaci obligandi ad sui observantiam; mortificera verò, quòd sine gravi peccato observari non possint; adeoque sui observatoribus animæ mortem inferant. Quoposito sit

CONCLUSIO QUARTA. *Lex Moisaica, quantum ad omnia præcepta non fuit æqualiter mortua.* Unde præcepta moralia quoad antiquæ legis titulum, & quasdam circumstantias isti statui proprias, ut est v. g. cultus Sabbati, fuerunt mortua; vigent tamen etiamnum quoad substantiam; siquidem ut sic pertinent ad legem naturæ, sunt confirmata per Evangelium.

Præcepta ceremonialia ita quoad substantiam sunt mortua, ut etiam sint observantibus mortificera, quia illius legis ceremoniæ erant umbræ, protestationes, annunciationes Christi venturi: sed manifestatâ jam Dominici adventus, & Redemptionis veritate, non amplius est licitum prædicare vel annunciare adventum Christi futurum: ergo.

Præcepta demum judicialia sunt quidem quoad substantiam mortua, non tamen sunt per se mortificera. Sunt mortua quoad substantiam, quia non inabaturum ad bonum politicum Republicæ Israeliticæ, cum ad Christum figurandum: sed tam figuræ Christi, quàm Respublicæ Israeliticæ expirant: ergo. Non tamen per se sunt mortificera, quia multa continent ex æquitate naturali deducta, publicæque tranquillitati accommodata, neque ad annunciandum Christi adventum præcisè ordinata.

CONCLUSIO QUINTA. *Præcepta ceremonialia antiquæ legis à passione Christi usque ad divulgationem Evangelii fuisse mortua, non mortificera: ab hujus vero divulgatione etiam mortificera.* S. D. q. 103. a. 4. ad 1. Et quidem prior pars habetur exemplis S. Script. nam & Timotheus ab Apostolo Paulo post Christi passionem fuit circumcissus. Et Act. 19. Apostoli fidelibus præceperunt, ut abstinerent à suffocatis, quorum utrumque pertinebat ad ceremonias antiquæ legis. Ratio totius responsionis est: quòd post istam toto orbe promulgationem, & divulgationem legis Evangelicæ, non sit conveniens, amplius exerceri ritus Judaicæ genti proprios, & Christi venturi protestativos; initio vero prædicationis Evangelicæ, ut facilius esset Judæorum conversio, & in unam Ecclesiam unâ cum gentilibus adunato, poterant aliqui ritus Judaici ab Apostolis permitti, & bonâ intentione exerceri, dummodo non fierent ut signa protestativa Christi venturi, aut ut media necessaria ad salutem.

## ARTICULUS III.

## De lege Evangelica.

## SUMMARI A.

1. Lex Evangelica habet formalem rationem legis,
2. Materia legis Evangelica.
3. Subiectum illius sunt omnes homines.
4. Initium legis Evangelicae.
5. Scriptura non est de ipsius essentia.
6. Durabit usque ad finem mundi.
7. Sitne a Summo Pontifice dispensabilis?
8. Rationes in contrarium.
9. Fundamenta opposita solvuntur.

## §. I.

## Causa Legis Evangelicae.

1. CONCLUSIO PRIMA. Lex Evangelica habet formalem rationem legis vere & proprie dicta, cuius legislator est Christus Dominus.

Est de fide contra Sectarios nostri temporis, qui nihil volunt esse sub praecepto praeter fidem. Constat primò ex variis Scriptis, ut Is. 33. Dominus Iudex noster, Dominus Legisfer noster, Dominus Rex noster. Ubi sermo est de Messia, seu Christo, unde praemisit: Domine miserere nostri, te enim expellavimus, & Ipse salvabis nos. Item Ps. 71. DEUS iudicium tuum regi da, &c. Is. 1. De Sion exiit lex. Jer. 31. Ecce dies venient, dicit Dominus, & feriam domui Israel, & domui Iuda fœdus novum: & Iabo legem meam in visceribus eorum. Jac. 4. Unus est legislator & Index, qui potest perdere, & salvare.

Constat secundò, quòd ipse Christus quoque potestatem istam legislativam sapius ostendit & usurpavit in praecepto charitatis Jo. 14. Mandatum novum do vobis. Et: Hoc est praeceptum meum, ut diligatis invicem. In praecepto baptismi Jo. 3. Nisi quis renatus fuerit, &c. In praecepto Eucharistiae Jo. 6. Nisi manducaveritis carnem filii hominis, &c. Confessionis Jo. 10. Quorum remisistis peccata, &c. Et generaliter Matth. ult. Euntes docete omnes gentes, baptizantes eos in nomine Patris, & Filii, & Spiritus S. docentes eos servare omnia, quaecunque mandavi vobis.

2. CONCLUSIO SECUNDA. Materia legis Evangelicae sunt actus tam interni, quam externi in materia virtutum moralium, fidei, & Sacramentorum.

De materia moralium virtutum constat; quia lex naturalis de actibus istarum virtutum fuit per Evangelium magis confirmata, uti cum Matth. 7. Christus dixit: Omnia quaecunque vultis, ut faciant homines, & vos facite illis. De fide & Sacramentis, ubi etiam comprehenditur Sacrificium novae legis patet, quia novum Sacrificium, nova Sacramenta, & plurium articulorum explicita fides in novo Testamento fuit determinata & praescripta.

Unde patet primò. In lege nova divina contineri solum praecepta fidei moralia & caeremonialia, non etiam judicialia: prout expresse tradit S. D. quodl. 4. a. 13 dicens: Legem novam

R. P. Meig. Schol. Tom. II.

esse contentam praeceptis moralibus naturalis legis, & articulis fidei, & Sacramentis gratiae. Patet secundò. Quomodo intelligendum sit antiquum axioma Theologorum dicentium, in nova lege nulla esse praecepta nisi fidei & sacramentorum. Sensus enim est, non quòd lex nova nulla habeat praecepta moralia, sed quòd peculiaria praecepta distincta à praeceptis naturalis & Moisaicæ legis alia non habeat, quàm praecepta fidei, & sacramentorum: unde in moralibus lex tantummodo fuit confirmata.

## CONCLUSIO TERTIA. Subiectum legis

Evangelicae sunt omnes homines. Est de fide ex Matth. ult. Data est mihi omnis potestas in caelo & in terra. Euntes ergo docete omnes gentes &c. Docentes eos servare omnia, quaecunque mandavi vobis. Marci ult. Euntes in mundum universum praedicate Evangelium omni creaturae.

## §. II.

## Legis Evangelicae duratio &amp; dispensabilitas.

Quæres primò. Quandonam coeperit lex Evangelica.

Respondet. Lex Evangelica in morte Christi accepit efficaciam radicale obligandi, formalis verò respectu totius mundi cum fuit promulgata in die Pentecostes, quæ tamen ipsa virtus obligatoris ut redigeretur in actum exercitum, requirebatur prædicatio Apostolorum, per quam tolleretur invincibilis istius legis ignorantia. Ratio 1. p. est, quia Testamentum accepit suum robur ex morte testatoris: sed Christus erat testator seu conditor novi Testamenti: ergo ipsius morte novum Testamentum & fœdus cum Patre initum accepit suum robur: sed in hoc Testamento etiam continebantur leges, sub quibus esset etigendus Ecclesiae status: ergo eadem leges jam tunc in morte Christi acceperunt suum robur; Robur, inquam, non formale, sed radicale, quia tunc lex nondum erat promulgata.

Unde ratio 2. partis est: Tunc lex accepit virtutem suam formaliter obligatoriam, quando promulgabatur: sed fuit promulgata in die Pentecostes Hierosolymis. quando & Petrus ad Iudæos dixit, Act. 2. Penitentiam agite, & baptizetur unusquisque vestrum in nomine IESU Christi in remissionem peccatorum vestrorum, &c. Sicut ergo lex Pontificis Romæ publicata accipit formalem virtutem obligandi pro tota Ecclesia, ita jam tunc lex Evangelica habebat completam rationem legis illius, ad quorum noticiam hæc promulgatio pervenerat, actu obligantis. Quia tamen hæc ipsa promulgatio non poterat simul & semel omnibus tum Iudæis, tum Gentilibus innotescere, eorumque invincibilem ignorantiam discutere, propterea, ut affirmat 3. p. nostræ responsionis, tunc successivè reliquas etiam non tantum Iudææ, sed etiam Gentilitatis, & totius orbis partes actu obligavit, cum remoto invinci-

P p 2

bilis



bilis ignorantie impedimento in audientium mentes promulgatio cepit influere.

5. Quares secundò. Sine de ratione legis Evangelicæ quod sit scripta?

Respondeo negativè. Quia ante inscriptionem Evangeliorum lex Evangelica erat sufficienter promulgata & obligatoria, quatenus fuit cordibus inscripta per iudicium pradicum intellectus non merè naturale sicut lex naturalis, sed spiritu gratiæ Divinæ elevatum; veluti indicatur Jer. 31. *Dabo legem meam in visceribus eorum, & in cordibus eorum scribam eam.* Et 2. ad Cor. 3. *Epistola estis Christi ministrata à nobis non atramento, sed spiritu DEI vivi, non in tabulis lapideis, sed in tabulis cordis carnalibus.*

6. Quares tertio. Quanto tempore lex Evangelica sic duratura?

Respondeo, Esse duraturam usque ad finem mundi. Et clarè deducitur ex Matth. 28. primum allegato; ubi cum Christus mandasset *Apóstolos, docere & baptizare omnes gentes*, subiunxit: *Ecce ego vobiscum sum usque ad consummationem sæculi.* Et adhuc manifestius Matth. 24. *Prædicabitur hoc Evangelium Regni in universo orbe, in testimonium omnibus Gentibus, & tunc veniet consummatio.* Ubi exponente D. Th. q. 106. a. 4. ad 4. Christus loquitur de prædicatione Evangelii cù pleno effectu, *ita scilicet quod in quolibet Gente fundetur Ecclesia*; quo facto Christus dicit venturam consummationem, nempe sæculi, ut intelligit D. Hier. ibid. & S. Chryl. ho. 49. in Matth. Idcirco frequenter in sero textu regno, sacerdotio, testamento Christi tribuitur æternitas, quia nimirum durabit usque ad finem mundi in Ecclesia militante, & consummabitur in triumphante. Hebr. 11. *Apostolus sanguinem Christi, sanguinem testamenti æterni vocat.* Pl. 109. Christus vocatur *sacerdos in æternum.* Lucæ 1. *Regnabit in domo Jacob in æternum.* Mich. 4. *Regnabit Dominus super eos in monte Sion, ex hoc nunc & usque in æternum. Potestas ejus potestas æterna.* Dan. 7.

Ratio quoque est: Illa lex debet esse ultima, quæ immediatè conjungit fini ultimo, nullà alià mediante; sed lex Evangelica immediatè conjungit fini ultimo, siquidem vita & gloria æterna dantur intuitu fidei, sacramentorum, & bonorum operum, quæ per istam legem, & Christum ipsius autorem traduntur.

7. Quares quartò. Utrum lex ista saltem in uno alterove præcepto [nam in totum mutari non posse manifestum est] per Summi Pontif. dispensationem mutari possit?

Fuit quorundam Canonistarum opinio, posse Summ. Pontif. autoritate non quidem humanà, sed Divinà & supernaturali extra materiam fidei dispensare in jure divino. Pro qua Suarez refert Panormit. in c. *proposuit, de concess. præbend.* & Felin. in c. *quæ Ecclesiæ sunt*, de consuet. è quibus ista concedit, posse Sum. Pontif. ex causa commutare in istam: *Ego te baptizo in nomine Trinitatis.* Item, posse unico verbo consecrare Sacerdotem & Episcopum: Quibus ex parte accedunt Canus Relect. de prænit. p. 5. & Sanch. l. 8. de matrim. disp. 6. n. 6. docentes, quod in iis præceptis, quorum observatio in particulari casu

potest impedire majus bonum spirituale, uti contingit in voto & juramento, Summus Pontifex dispensare possit. Pro fundamento adducunt primò, quòd Christus Matth. 16. dederit Petro amplissimam potestatem, cum dixit: *Quodcumque ligaveris super terram, erit ligatum & in calis, & quodcumque solveris super terram, erit solutum & in calis.* Ex quibus verbis colligitur, Summum Pontificem posse dispensare in voto, juramento, matrimonio rato, in vinculo spirituali inter Episcopum & Ecclesiam sponsam suam, in professione religiòsà, quamvis hæc omnia in multorum sententia sint juris Divini. Secundò jure Divino solus Episcopus est Minister sacramenti Confirmationis, & tamen ex gravi causa Summus Pontifex committit hoc ministerium simplici sacerdoti. Præterea refert Onuphrius in Chronico anni 1490. ex Volaterrano quòd Innocentius VIII. cum Saxonibus [dicendum erat, Norwegis; nam Saxones abundant vino, & in hunc diem in sua cœna Lutherana tenacissimè servent usum calicis] propter vini inopiam dispensaverit, ut in solo pane conficerent Eucharistiæ sacramentum; cum tamen sit juris Divini, ut Eucharistia conficiatur, & sacrificium fiat in utraque specie.

Respondendum tamen est cum S. D. in quodl. 4. a. 13. Suarez l. 10. c. 6. Reding q. 15. a. 9. n. 7. cum communi tam Theologorum, quàm Canonistarum, Summum Pontificem in lege Divina etiam positiva dispensare non posse.

Ratio est primò, quia inferior non potest validè dispensare in lege Superioris sine justa & rationabili causa: sed homo non potest habere justam & rationabilem causam dispensandi in lege Divina: ergo. Minor probatur. Tunc datur rationabilis causa dispensandi in lege Superioris, quando casus emergit, in quo superior legislator legis obligationem remitteret, si illum prævidisset: sed hoc de DEO dici non potest: quia infinita sua scientia penetravit omnes casus & causas.

Ratio est secundò, vel Divina voluntas vult, alicujus legis obligationem se extendere ad talem casum, vel non vult? si vult; non potest inferior inde dispensare, siquidem omnis efficacia præceptiva & legislativa hominum à Divina voluntate derivari debet. Si non vult, eo ipso nullà opus est dispensatione.

Ratio est tertio à posteriori: quia si daretur locus mutationi & dispensationi in lege Divina positiva, præsertim circa materiam & formam sacramentorum, Ecclesia DEI non haberet necessariam unitatem seu uniformitatem, quæ non in sola fide, sed vel maxime in exteriori quoque DEI cultu, Religione, Sacramentis ritibusque substantialibus fundatur: hoc autem repugnat intentioni & providentiæ Divini legislatoris, per suam Evangelicam legem unam, sanctam, & æternam Ecclesiam erigentis.

Ad 1. fundamentum contrariæ sententiæ Respond. id nimirum probare, nam ex illius textus amplitudine inferri posset, Summum Pontificem æquè in uno ac altero præcepto juris Divini dispensare posse, quod traditioni & doctrinæ totius Ecclesiæ adversatur. Exponendus igitur est ille locus de iis omnibus, quæ Petri clavibus & jurisdictioni

ditioni subiecta sunt, inter quæ non est lex & potestas ipsius Christi Divini legislatoris. Quod additur de voto, & juramento, matrimonio rato, non est ad rem, quia hæc sunt juris Divini naturalis, de quo jam in Disputatione dictum, non esse formalem dispensationem sed tantum materiale, ex morali immutatione voluntatum, quæ Summo Pontifici tanquam Supremo Pastori sunt subdita.

Ad 1. optima est responsio Augusti, à V. M. disp. 6. q. 2. Volaterranum, ex quo desumpta est illius dispensationis fabula, sic habere: Nor-

vegæ Innocentii VIII Pontificis concessione permissam sine calice vino sacrificare, quod ob immensa frigora vinum in ea regione importatum acescat. Ubi non dicitur sine vino, sed sine calice; imò supponitur consecratio cum vino; ideoque exponi potest, concessam Norvegis facultatem in aliquo vase clauso vinum consecrandi, ne de facili congelari possit: néve vinum mediante congelatione à frigore acedinem patiatur. Quicquid sit, una hirundo non facit ver, & unius scriptoris autoritas tanti non est, ut ipsi omnium ferè Doctorem cætus assurgat.

## DISPUTATIO XXXIV.

DE

### Lege humana positiva & scripta secundum se.

ad q. 95.

Cùm plurima sint in moribus humanis, quæ lex naturalis & Divina positiva indeterminata relinquit, humanæ communitati necesse fuit, ut per leges positivas ulteriorem morum disciplinam obtineret, quæ circa particulares actus dirigeretur, earumque metu malorum coerceretur audacia, & tuta esset inter improbos innocentia, ut inquit Ildorus relatus à S. D. q. 95. a. 1. Hanc legislativam potestatem hominibus à DEO datam frequenter contra Hæreticos testatur sacra Pagina Prov. 8. *Per me Reges regnant, & legum conditores iusta decernunt.* Rom. 13. *Qui potestati resistit, Dei ordinationi resistit, &c.* Eandem à lege naturæ derivatam & dependentem agnoscit S. D. citat. a. 2. Cùm enim omnis lex humana debeat esse iusta & rationalis, etiam debet esse conformis ad regulas rationis, quas inter eminet lex naturæ. Dividitur hæc potestas in Ecclesiasticam, & Civilem, seu politicam, juxta duplicem hominum communitatem: cùm enim sit duplex finis, in quem homines oportet dirigi: unus felicitatis temporalis, & naturalis; alter spiritualis, æternæ, & supernaturalis; ita duplex est hominum communitas, una politica & Civilis, altera Ecclesiastica; illam Civilibus, hanc Ecclesiasticis legibus oportet dirigi; nam ubi non est gubernator, populus corrumpit. Prov. 11.

## ARTICULUS I.

### In quibus resideat potestas condendi leges?

#### SUMMARIÆ.

1. Dividitur lex in generalem & particularem.
2. In præceptivam & penalem.
3. In favorabilem & odiosam.
4. In Ecclesiasticam & civilem.
5. Potestas legislativa non est in aliquo homine ex natura rei.
6. Data fuit ab auctore natura integris communitatibus.
7. Ab istis translata in supremos Magistratus.
8. Imperator potest leges facere pro toto & solo Imperio.
9. Summus Pontifex potest ferre leges civiles pro suo statu Ecclesiastico.
10. Quæ potestate Sum. Pont. deroget legibus Imperatoris, vel disponat de regnis.
11. Etiam semina legitima hæres regni gaudet potestate legislativa.
12. Summus Pontif. habet potestatem legislativam Ecclesiasticam jure Divino.
13. Similiter Concilium Oecumenicum.
14. Sed quid, Sede vacante, vel tempore schismatis?
15. Episcopis competit potestas legislativa dependenter à Summo Pontif.
16. Exponuntur textus S. Scriptura in speciem contrarii.
17. Potestas legislativa etiam competit Prælati habentibus jurisdictionem quasi episcopalem.
18. Qualis potestas leges ferendi conveniat Concilio Nationali?
19. Qualis legato, vel Nuncio Apostolico?
20. Qualis Cardinalibus?
21. Qualis Capitulo Sede vacante.

#### §. I.

##### Varie divisiones legis Scriptæ.

Lex scripta, quæ est constitutio, dicitur, estque 1. imperium, seu ordinatio rationalis ab habente legitime.

legitimam potestatem pro bono communi edita, dividi potest primò in *generalem*, & *particularem*. Illa est, quæ fertur à Summo Principe, puta Summo Pontifici Imperatore, vel Rege. Particularis, quæ fertur ab inferiori & subalterno Prelato vel Principe.

2. Dividitur secundò in *præceptivam*, & *pœnalem*. Præceptiva est, quæ aliquid absolute præcipitur, vel prohibetur absque adjunctione alicujus pœnæ in transgressores statuitur, ut est v. g. præceptum Ecclesiasticum diebus festis audienti Sacrum.

Pœnalis est, quæ transgressori pœna vel multa injungitur, quæ pœna si sit capitalis, specialiter *Sanctio* nominatur: l. 41. ff. de *pœnis*. Hæc rursus subdividitur in purè pœnalem & mixtam. Purè pœnalis est, per quam sub conditione alicujus actus positi directè pœna vel multa injungitur, ut si lex dicat: Qui frumentum à provinciâ eveserit, solvat 20. solidos. Mixta est, quæ simul actum prohibet, & pœnam taxat, eaque rursus subdividitur in copulativè & disjunctivè mixtam. Disjunctivè, cum sub disjunctiōe aut actus prohibetur, aut pœna imponitur, e. g. aut frumentum non eveschito, aut 20. solidos pendito. Copulativè, cum actui prohibito sine disjunctiōe pœna jungitur, ut frumentum provinciâ non eveschito sub pœna 20. solidorum.

3. Rursus dividitur lex in *favorabilem* & *odiosam*. Favorabilis est, quæ principaliter fertur in alicujus favorem, licet in alterius odium redundet: odiosa est, quæ principaliter fertur in alicujus odium, vel pœnam, quamvis etiam cedat in alterius favorem, de quibus est regula Juris §. 1. in 6. quod leges favorabiles ampliam, odiosæ strictam patiuntur interpretationem.

4. Porro cum genus humanum non solum indigeat directione in ordine ad bonum honestum contentum intra limites rationis naturalis, vel ad externam & temporalem felicitatem; sed etiam ad bonum honestum ordinis supernaturalis, ad spirituales animæ salutem, æternamque felicitatem comparandam, ideo lex, & eique correspondens potestas legislativa dividitur præcipuè in *Ecclesiasticam*, & *Politicam*, seu Civilem; quarum ista temporalem, illa spirituales & æternam subditorum felicitatem primariò intendit. Utraque suas habet subdivisiones, de quibus Canonice Tit. 2. de Constitut.

## §. II.

### *Potestas ferendi leges Civiles.*

5. Quæres primò: An civilis potestas legislativa ex natura rei existat in aliquo homine, vel tamalia singulari.

Respond. negativè. Nam naturæ indulto omnis homo liber nascitur: ipseque Adamus, tamen quoad propagationem esset caput naturale omnium hominum, non tamen majorem, quàm œconomicam potestatem habuit in suos descendentes, neque enim fuit ipsi dictum, ut præfesset hominibus, sed *piscibus maris*, & *volatilibus cæli*, ac *bestiis terre*. Cumque eadem sint in cunctis hominibus naturæ principia, non esset major ratio, cur ejusmodi potestas uni potius, quàm alteri competere.

Est tamen hæc potestas data integris communitatibus ab autore naturæ, per modum proprietatis moralis politicæ communitatem consequentis. Cum enim naturalis instinctus hominibus disideret, ne pecorù ritu solitarii & vagi, sed in communem societatem adunari conviverent, idque sine legum adminiculo obtineri, ac retineri non possit; consequens erat, ut hominibus inter se aggregatis potestas fieret certis legibus communitatem stabiliendi, & felicitatem communem tuendi; siquidem DEUS & natura in necessariis nunquam deficiunt.

Quam potestatem quia populus in unum aut plures à se transferre potuit, & ita suadente experientiâ ac necessitate modò liberaliùs, modò limitatiùs actu transiit, hinc legislativa potestas modò in uno, modò in pluribus juxta statûs Monarchici & Aristocratici diversitatem residet, non immediatè, sed mediante populi consensu à DEO concessa. Nec refert, quòd aliquando Monarchicum regimen à tyrannicæ invasionis [ut in Nemrodo] vel armorum violentiâ initium sumperit: nam & regimen tyrannicè ceptum tractu temporis, unanimi subditorum consensu, in justam Monarchiam mutari, & jure belli integri populi sub jugum mitteri poterunt.

- Quæres secundò. Quanta sit Imperatoris potestas ferendi leges?

Respond. Quemadmodum Principibus ac Rebus publicis supremam Jurisdictionem habentibus competit potestas tantum in regnis & provinciis sibi subiectis ferendi leges, extra quas neminem ligant; [nam *extra territorium jus dicenti non paretur impune*, l. ult. ff. de *jurisd.*] sic posse Imperatorem leges ferre pro toto imperio, non verò pro toto orbe, & provinciis in petio non subiectis: neque enim amplius est, qui velit ire in tententiam Bartoli, Aominium totius orbis Imperatori adulatori assentientis. Siquando igitur Imperator leges etiam extra imperium observantur, uti de regno Lusitanie testatur Castropol. p. 22. §. 1. obligatio non est illarum, sed propriarum regni constitutionum virtute nascitur.

- Quæres terciò. An Summus Pontifex habeat potestatem leges civiles ferendi? Certum est Summum Pontificem habere potestatem ferendi leges civiles in statu Ecclesiastico, seu terris Romanæ Ecclesiæ ex Principum donatione subiectis: in has quippe ditiones temporales Principis auctoritate fungitur. De aliis verò terris & provinciis

Respond. Summus Pontifex non habet potestatem leges Civiles extra statum Ecclesiasticum ferendi. Ita Suar. Bellarm. & communis DD. Ratio est, quòd jurisdictione, quam Sum. Pont. à Christo accepit, est potestas clavium regni cælestis, quæ per se & directè tantum extenditur ad bonum spirituale fidelium: adeoque directè se non extendit ad bonum temporale & politicum, nec proinde extra suum territorium de illa potest disponere, ut ipsi Summorum Pontific. confessione offendit Clariss. Lombardus in Sacerdot. Reg. l. 1. §. 5.

Nec obstat, quòd Sum. Pont. quandoque per legem contrariam derogat legibus Imperatoris, quate-

quatenus animarum saluti adversantibus: ita quippe in *e. vigilat. & c. fin. de praeser. abrogavit legem civilem permittentem praescriptionem cum mala fide. in e. cum haberet, de eo, qui duxit in matrimonium*, praecipit, illegitimis liberis alimentum praebere, quae per leges civiles denegantur; imò sapienter de integris regnis disponit; ita Zacharias Pont. Childericum III. Regi ex auctoritate ad ipsorum Francorum preces Pipinum substituit. Leo III. in Carolum M. jus Occidentalis Imperii transfudit. Innocentius IV. in Concilio Lugdunensi Fridericum II. Imperio deiecit. [Vide plurima exempla in citato Regali Sacerdot.]

Respondeo. Haec omnia à Summo Pontifici fieri non ex vi potestatis directae, sed indirectae in jura & bona temporalia: nam imperia, regna & reges, quatenus ad finem salutis aeternae subordinantur, etiam Ecclesiasticae potestati, quae aliter fidelium salutem non posset prospicere, subjiunguntur.

11. Quaes quæto. An etiam in fœmina seu Regina hærede regni legislativa potestas locum habeat?

Respondeo affirmative. Cùm enim supremam potestatem & Regis jurisdictioni annexa sit legislativa potestas, si fœmina Regis successione & gubernationis, pariter & legislativæ potestatis erit capax. Nec obstat, quòd Apostolus 1. Tim. 2. *Mulierem docere non permittit. Et in l. fœmina ff. de R. I. dicitur: Fœminas ab omnibus officiis civilibus vel publicis remotas esse. & ideo nec Judices esse posse, nec magistratus gerere.* Nam Apostolus loquitur de publica & concionatoria doctrina fidei in Ecclesia, lex verò loquitur de fœminis fortis inferioris, non de præcellentibus, & in summo regimine constitutis. V. Suar. l. 3. c. 9.

### § III.

#### *Potestas ferendi leges Ecclesiasticas.*

12. Quæres primò. An potestas legislativa in Ecclesia sit juris Divini?

Respondeo primò. Potestas legislativa pro tota Ecclesia est in Summo Pontifice immediate collata à Christo. Ita DD. Catholici. Ratio est: Christi in terris Vicarius habet supremam jurisdictionem & potestatem gubernativam, ad eoque & legislativam in Ecclesiam, & quidem jure Divino, seu immediate à Christo: sed Sum. Pont. legitime in Cathedra Romana succedens Petro est Christi interitis Vicarius: ergo jure Divino habet potestatem legislativam in totam Ecclesiam. Major fundatur in duplici loco Evangelii, uno quo Christus potestatem gubernativam Petro promisit, Matth. 16. *Tu es Petrus, & super hanc petram ædificabo Ecclesiam meam. Et tibi dabo claves regni caelorum.* In altero, quo tradidit Jo. 21. *Pasce oves meas,* quo verbo pascentis supremum Ecclesiae regimen & cura pastoralis designatur, Quemadmodum 2. Reg. 5. indicatur: *Tu pasces populum meum Israël, & eris Princeps super eum.* Minor pariter ostenditur: Per hæc verba suprema potestas in Ecclesiam eo sine Petro fuit tradita, ut Ecclesia in ipso tanquam petra solidata contra persecutiones invicta pe-

rennaret: atqui hoc non obtrineretur, nisi una cum Ecclesia etiam officium supremi hi rarchatus perennaret. Unde Adrianus Papa in Epistola ad Imp. quæ refertur in 7. synod. act. 2. *Ab ipso, inquit, Redemptore mundi B. Petro Apostolo principatus ac potestas data est, & per eundem Apostolum Catholica & Apostolica Ecclesia Romana usque hactenus tenet principatum, & potestatis auctoritatem.* Et in *e. novis, de judiciis dicitur: Potestas nostra non ex homine, sed ex DEO est.* Neque tæret quòd electio ad Papatum fiat ab hominibus: quia cùm legitima successio non fiat jure sanguinis, aut modo hæreditario, sed vi electionis designationis: idcirco electores designant quidem personam, quæ Petro succedat, non tamen tribuunt jurisdictionem, quam ipsemet nunquam habuerunt: sed posita hæc designatione tanquam necessaria conditione, potestatis jurisdictionis supremæ immediate confertur à Christo.

Respond. secundò. Potestas ferendi leges universales pro tota Ecclesia eodem jure competit Concilio œcumenico, quia illud representat totum corpus Ecclesie, habetque influxum auctoritatis à præsentia Romani Pontificis, tanquam Capitis, cujus munus est Generalia Concilia convocare, præsidere, approbare, confirmare. Unde si Concilium sit accephalum, & Papæ auctoritate destitutum, nullà potitur potestatem legislativā, quippe carens jurisdictione requisita.

Sed quid si Concilium congregetur Sede vacante, vel tempore schismatis?

Respondeo: Posse quidem leges universales condere, in quantum exigit temporum necessitas; quæ tamen non aliter sunt habituræ efficaciam, nisi cùm à sequenti Romano Pontifice fuerint approbatæ, vel ab Episcopis congregatis pro singulis suis diocæbus acceptatæ, in iisque promulgatæ. Ratio est: quòd tale Concilium jurisdictionem pro tota Ecclesia nec habet à Summo Pontifice ut supponitur, neque à jure Divino, de quo nec scripto, nec traditione constat. Plus ergo potestatis non habet quam quæ cuilibet corpori myltico jure naturæ competit, ut in defectu capitis per Principes congregatos possit se gubernare, iueque bono prospicere, quousque legitimum caput obtinuerit. Ita Suar. l. 4. c. 6.

Respondeo tertio. Episcopi obtinent potestatem legislativam pro suis diocæbus, non quidem immediate, sed mediatè à Christo acceptam. Et primæ quidem partis ratio est: quia intantum habent potestatem condendi leges, in quantum sunt Pastores & Rectores Ecclesiarum: sed sunt Rectores Ecclesiarum, non quidem universales sed quilibet suæ particularis Diocæsanæ, juxta illud D. Pauli Ad. 20. *Vos Spiritus S. possit regere Ecclesiam DEI:* ergo quilibet respectu suæ Ecclesiarum diocæsanæ habet auctoritatem leges ferendi. Ita habetur c. 2. de major. & obed. c. 2. de constitution.

Secundæ partis, quam contra Vasq. tietur Suarez cum communi, Ratio est: quia jurisdictio Episcopalis, cujus pars est legislatio, per Summum Pontif. expelimitatur, ampliatur, auferitur, non habentibus ordinem Episcopalem confertur, ab Episcopis non consecratis & solum confirmatis exercetur, quod evidens signum est, potestatem jurisdictionis à Summo Pontif. in Episcopos immediate



mediate derivari; unde & D. Gregorius in c. decreto 2. q. 6. dicit: *Episcopus esse vocatus in partem sollicitudinis, non in plenitudinem potestatis.* Et S. Leo *serm. 3. de Assumpti.* *Si quid cum eo [Summo Pontifice] commune ceteris voluit esse Principibus, nunquam nisi per ipsum dedit, quicquid aliis non negavit.* Congruentiam dat Ang. Doctor in 4. cont. gent. c. 76. quod sic magis consulari ordini hierarchico, & unioni Ecclesie; unde & Christus soli Petro dixit: *Tibi dabo claves, &c.* ut ostenderetur potestas clavium per eum ad alios derivanda ad conservandam Ecclesie unitatem.

16. Si dicas primò: Etiam munus Episcopale est juris Divini juxta illud Apostoli: *Vos Spiritus S. possunt regere Ecclesiam DEI.* Secundò. Sicut Pontifex Romanus Petro, sic Episcopi succedunt aliis Apostolis: ergo sicut & ceteri Apostoli habuerunt potestatem gubernativam immediate à Christo, sic & Episcopi. Tertiò. Matth. 18. *Apostolis eorumque Successoribus promissit Christus, Quaecunque ligaveritis super terram, erunt ligata & in calis.*

Respond. ad 1. Est juris divini quoad potestatem ordinis, concedo; jurisdictionis, nego, vel subdistinguo: est juris divini, radicaliter, & in genere, in quantum est divinum preceptum, ut instituantur Pastores etiam particularium Ecclesiarum, concedo; formaliter, & in particulari, in quantum alicui confertur potestas in determinatam partem populi Christiani, sic nego.

Ad secundam distingo antec. succedunt ceteris Apostolis in Episcopatu, concedo; in Apostolatu, nego antec. & consequentiam.

Ad tertium. Respond. Salvà illorum verborum veritate & proprietate, potestatem ligandi in Successore Petri esse principaliter, in ceteris Ecclesie Pastoribus participativè.

17. Respondeo quartò. Eandem potestatem leges ferendi, quam habent Episcopi, etiam obtinent Prælati habentes jurisdictionem quasi Episcopalem, intra terminos suæ quasi Diocesis: siquidem jurisdictione Episcopalis fuit in ipsos translata, ipsique sunt veri Ordinarii suarum Ecclesiarum.

18. Quæres secundò. Quam potestatem habeant Synodi minores, Cardinales, & Capitula?

Respondeo primò. Nationale Concilium, quod sub uno Patriarcha, vel Primæ archiepiscopis & Episcopis integræ nationis congre-

gatur, pro sola & tota natione: Concilium metropolitico seu provinciale, quod sub Archiepiscopo seu Metropolitano ex Episcopis Suffraganeis congregatur, pro sola & tota provincia: Diocesanicum, quod sub uno Episcopo seu Ordinario ex Prælatibus, Pastoribus, Rectoribus Ecclesiarum, & Superioribus Regularium congregatur, pro tota & sola Diocesi habet auctoritatem ferendi leges: cum enim hæc potestas conveniat Episcopis Clero non congregato, quanto magis conveniet cum unanimi Cleri consensu & acceptatione? Specialiter tamen statutum est per c. nullus *Primas* 9. q. 3. ne quis Primas, vel Metropolitanus leges ferat pro tota natione, aut provincia, nisi in nationali, aut provinciali Concilio de consensu suorum comprovincialium.

Respondeo secundò. Legatus, & Nuncius Apostolicus possunt leges ferre pro tota provincia, ad quam mittuntur, quia in illa habent jurisdictionem ordinariam, per c. ult. de offic. Legati. Et c. 2. de offic. Legati in 6.

Respondeo tertio. Carpinales nullam potestatem habent in Ecclesia ferendi leges, nisi respectu suarum Ecclesiarum, in quibus exercent jurisdictionem Episcopalem; vel enim hæc potestas ipsis conveniret jure Divino vel Pontificio? Non divino, cum nec ipsum Collegium Cardinalium sit juris Divini; non Pontificio, quia oppositum statuitur in *Clement. ne Romani. de elect.*

Respondeo quartò. Sede vacante Capitulum Cathedrali eadem compatitur potestas ferendi leges respectu subditorum, quam habet illius Ecclesie Episcopus, quæ tamdiu obligabunt, donec à Summo Pontifici vel Successore revocentur, quia Capitulum Sede vacante succedit Episcopo in omni jurisdictione tam voluntaria, quam contentiosa, exceptis casibus in jure prohibitis, per c. unicuique de majori. & obed. in 6.

Respondeo quinto. Abbatibus, non autem Abbatissis competit potestas legislativa: quia illi habent jurisdictionem spirituales & ordinariam in suos Religiosos. Unde etiam Prælati Ecclesie in SS. Canonibus appellantur c. *de cernimus, de Judic.* At licet in jurisdictionis spiritualis & Ecclesiasticæ, jure ordinario non sunt capaces, unde nec possunt imponere præcepta spiritualia, sed tantum civilia, tanquam matresfamilias œconomicam potestatem habentes. Ita cum S. D. in 4. d. 19. q. 1. o. 1. quæstione, 3. ad 4. controversi. 2. cum pluribus citatis.

## ARTICULUS II.

### Quenam sit legis humanæ materia?

#### SUMMARIA.

1. Lex humana versatur circa omnes virtutum actus, non tamen omnes præcipit.
2. Quadruplex modus actus interni.
3. Actus purè internus nullà humanà lege potest directe præcipi.
4. Ecclesia intendit spirituale bonum subditorum, ut humano modo procurrandum.
5. Objectiones.
6. Solvuntur.
7. Actus internus per accidentem externum conjunctus non cadit sub præceptum.
8. Impletur præceptum, etiamsi intentio & finis operantis sit malus.
9. Non requiritur signata & reflexa intentio præceptum implendi.
10. Requiritur tamen ut opus voluntariè ponatur.
11. Diffa procedunt in præceptis affirmativis.

## §. I.

*An actus interni sint legis humane materia?*

**S**uppono : Legem humanam circa omnium quidem virtutum actus versari ; non tamen omnes virtutum actus præcipere , uti nec omnes oppositorum vitiorum actus prohibere posse. *Ratio primi est :* quòd nulla sit virtus , cuius actus ad bonum commune vel mediato , vel immediate ordinari non possint. *Ratio secundi est :* quia aliqua virtutum opera tam sunt ardua , ut præstet esse opera consilii , quàm præcepti , neque eorundem observatio toti communitati foret expediens , ut est perpetua virginitas , paupertas , abstinentia , &c. *Ratio tertiæ est :* quia omnium malorum prohibitio plus incommodi , quàm commodi afferret Reipublicæ , eùm plerumque in communitate major sit numerus imperfectorum : unde prudentia subinde dicat , permittenda esse mala minora , ut evitentur maiora. Ubi tamen rectè advertit P. Engel tit. 2. §. 2. n. 11. hanc permissionem non esse approbativam , quo modo actiones honestæ , vel indifferentes , tanquam bono communi utiles positivè permittuntur , sed tantum pœnæ dissimulativam , quâ positiva prohibitio & pœnalis coercitio negativè intermittitur. Questio possibillimum veritur , an materialia legum humanarum possint esse non tantum actus liberi externi , qui sunt extra controversiam , sed etiam interni ?

**Ubi nota.** Actum internum quatuor modis se habere posse. Primò , ut sit planè internus , velut est mentalis oratio : secundò , ut per se conjungatur cum actu externo , vel infallibiliter inferatur ex ipso , veluti ex actu externo liberè posito inferatur voluntas tanquam causa ipsius. Tertiò , ut conjungatur cum opere externo ex villegis divine , vel naturalis , tale actum internum ad moralem substantiam operis illius requirerentis , sicuti ex villegis divinæ ad substantiam confessionis sacramentalis requiritur internus dolor tanquam pars ipsius , & ad Sacramenti administracionem intentio Ministri , quamvis utraque actio externa materialiter spectata sine illis actibus internis fieri posset. Quartò , ut actus internus prorsus per accidens & disparatè se habeat ad substantiam operis externi , ut est intentio orandi , communicandi , &c. in satisfactionem pro peccatis , vel ex fine vanæ gloriæ , &c. Quibus positis sit

**CONCLUSIO PRIMA.** *Nulla lex humana , sive Ecclesiastica , sive civilis potest directe præcipere , vel prohibere actum purè internum.* Ita com. eum S. D. q. 91. a. 4. in c. & q. 100. a. 9. Constat ex utroque jure : nam in c. *Tua nos* , de simonia ; Innocentius III. dicit : *Nobis datum est de manifestis tantummodo indicare.* Et l. 18. ff. de panis habetur : *Cogitationis poenam nemo patitur.* Et ratio est primò. Lex humana debet esse proportionata humanæ communitati , quatenus per actus sensibiles inter se communicant membra ipsius : sed membra communitatis inter se , & eum Superioribus communicant per actus sensibiles ; & actus merè spirituales potius angelicæ , quàm humanæ societati conveniunt : ergo & lex humana [idem dixeris de præcepto] debet versari

*R. P. Alex. Theol. Schol. Tom. II.*

circa actus sensibiles & externos. Secundò. De quo humana potestas non potest cognoscere & judicare , de illo quoque non potest legem condere : sed de actibus internis humana potestas non potest cognoscere & judicare , ut certum est , & dicitur 1. Reg. 16. *Homines vident ea , quæ parent , DEUS autem intuetur cor :* ergo potestas humana non potest de actibus merè internis legem condere. Major probatur : quia potestatis legislativæ partes sunt vis directiva , & coactiva : coactiva autem & punitiva judicium requirit.

Neque refert , quòd potestas Ecclesiastica intendat spirituale bonum & salutem subditorum : intendit enim illam ut humano modo , & per actus , quibus membra Ecclesiæ inter se communicant , procurandam. Unde licet Christus potuisset Ecclesiæ dare potestatem præcipiendi actus internos , quo casu vel sibi reservasset iudicium & punctionem transgressionis , vel pena latæ sententiæ per modum legis transgressoribus potuisset imponi , tamen secundum præsentem providentiam id factum non fuisse praxis Ecclesiæ testatur.

Oppones primò 1. Divus , ff. de ficiariis. In 5. *maleficus voluntas spectatur , non exitus.* Et 1. quisquis C. ad l. Jul. Majestatis : *Eadem severitate voluntatem sceleris , quâ effectum puniri jura voluerunt.* Secundò. Leges humanæ statuunt de actibus occultis , v. g. de hæresi occulta : ergo etiam de internis. Tertiò. Ecclesiæ remittit interiores culpas per absolutionem sacramentalem. Quartò. Reservat peccata merè interna. Quintò. Dispensat in votis solâ mente emissis. Sextò. In Concilio Toletano 1. dicitur anathema non solum dicentibus , sed etiam credentibus contrariis fidei Catholicæ. Septimò. In c. *commissa* §. *ceterum ; de elect.* in 6. privatur fructibus beneficii , qui illud recepit absque intentione intra annum suscipiendi Sacerdotium , &c.

6. Respondeo ad 1. Ibidem per ly *voluntatem* intelligi conatum corporeum , & intentionem externe manifestatam.

Ad 2. nego consequentiam. Nam actus interni sunt per se tales , ut homo de iis judicare non possit : sed actus externi in oculo commissi cum simpliciter humanæ noscibilitati subijciuntur , tantum per accidens , nimirum defectu sufficientis testimonii iudicii humani rigorem effugiunt.

Ad 3. Respondeo. Absolutionem sacramentalem pertinere ad forum internum , in quo Sacerdos se gerit tanquam minister Christi , & attendit propriam & particularem cuiusque salutem.

Ad 4. eadem dari potest responsio , quòd reservatio sit ordinata ad forum poenitentiae , cui etiam interna peccata subijciuntur. Deinde reservare , nec est præcipere , nec prohibere aliquid actum , sed potestatem absolvendi restringere , & in ordine ad aliquem actum internum deneigare.

Ad 5. Respond. Dispensationem votorum tantum esse actum voluntariæ jurisdictionis , cui se vovens per externam manifestationem submisit.

Ad 6. Respond. *anathema dici* in Conciliis idem esse , ac hæreticum declarari , atque hoc ipso ab Ecclesiæ communione secludum.

Qq

Ad

Ad 7. Respond. primò. Ibidem directè præcipi susceptionem Sacerdotii, & indirectè intentionem illud recipiendi. Secundo dici potest, concessionem beneficii esse conditionatam, nimirum sub conditione habendi intentionem Sacerdotii intra annum recipiendi: in cuius proinde conditionis defectu etiam dominium fructuum non acquiritur.

7. CONCLUSIO SECUNDA. *Quandocunque actus internus per se connectitur cum externo, vel ad ipsius valorem & moralem substantiam ex lege Divina, aut naturali requiritur, toties indirectè præcipitur à lege humana etiam actus internus.* Ita Suar, Reding, Layman, & comm. Ratio est: Quia lege præcipitur aliquis actus, eadem præcipiuntur omnia requisita ad talem actum legitime & verè ponendum: ergo si actus internus pertinet ad veritatem operis, quatenus à lege intenti, etiam actus internus indirectè cadit sub præceptum. Unde non satisfacit præcepto confessio- nis, qui negligit internum dolorem; neque communio- nis, qui Corpus Domini sacrilegè accipit: cum vera sacramentalis confessio internum dolorem, vera Communio munditiem conscientie ex divina lege requirant.

8. CONCLUSIO TERTIA. *Actus internus tantum per accidens conjunctus cum externo per legem humanam præcipi, aut prohiberi non potest: quia talis actus internus non innoscitur ex vi actus externi, adeoq; humana nascibilitati & iudicio non subijcitur.*

## § II.

### Corollaria.

9. Colliges primò. Si quis impleat opus præceptum, ex specie sua bonum vel indifferens, satisfacere præcepto, quantumvis habeat malum finem, & intentionem discordantem ab intentione legislatoris, ita ut aliqua viciosa circumstantia destruat moralem operis honestatem. Unde satisfacit Ecclesiastico præcepto audiendi Sacrum, qui illud audit ex fine vanæ gloriæ. Ra-

tio est: quòd finis & intentio legislatoris non cadit sub præcepto, siquidem modus agendi ex proposito virtutis & honestatis omnino est intrinsecus & latens. Ita Sotus, Navar. Castropal. & Commun.

Colliges secundo. Satisfieri præcepto, si opus præceptum quoad substantiam voluntariè impleatur, quantumvis non habeatur expressa voluntas, & intentio satisfaciendi præcepto: quia lex non plus præcipit, quàm voluntariam operis executionem: sed hæc habetur absque signata & reflexa intentione obediendi præcepto, quæ planè mentalis est, & interna, nec pertinet ad substantiam operis præcepti. Unde si die festivo audires Sacrum ad satisfaciendum voto, cum animo alterum Sacrum audiendi ad satisfaciendum præcepto Ecclesiæ, tamen satisficisci præcepto Ecclesiæ, tametsi alterum Sacrum non audias.

Colliges tertio. Nihilominus requiri voluntatem & intentionem saltem exercitam ipsius operis ponendi, quod sub præceptum cadit: quia non satisfacit præcepto, nisi ponendo illam substantiam & quidditatem actus, quæ sub præceptum cadit: sed sub præceptum cadunt actus humani liberi morales, qui absque aliqua intentione & voluntate operis tales esse non possunt: ergo si nè aliqua operis intentione & voluntate præcepto non satisfacit. Unde qui prorsus involuntarie interesset Sacro, non satisfacit præcepto illud audiendi, neque in ebrietate recitans aliquam orationem, præcepto vel voto debitam, satisfaceret suæ obligationi. Ita communiter tradunt DD.

Colliges quarto. Necessitatem prædicam intentionis esse in præceptis affirmativis: quia præcepta negativa pro objecto non habent actum moralem & humanum, sed solà omissione implentur. Unde præceptum abstinendi à carnalibus impleres solà non comestione carnum, nullà licet accedente intentione abstinendi, aut præcepto obediendi. Castrop. in præf. p. 17. n. 4. Reding q. 16. controver. 3. n. 5.

## ARTICULUS III.

### Quæ pertineant ad formam legis humanæ.

#### SUMMARIA.

1. Forma legis interna & externa.
2. Ratio legis non est forma intrinseca legis humanæ.
3. Promulgatio debet esse sollemnis & publica.
4. Non necessario su per scripturam.
5. Prævia cum ultatio non est de ratione legis.
6. Leges requirunt verba significativa obligationis.
7. Ad valorem legis Imperialis requiritur promulgatio in singulis provinciis;
8. Non ad valorem aliarum legum.
9. Controversia de legibus Pontificiis.
10. Leges Pontificie non necessario requirunt publicationem in partibus.
11. Solvuntur objectiones.
12. Aliquando ex privilegio, vel consuetudine requiritur publicatio in partibus.
13. Ad obligationem requiritur bimestre tempus, nisi aliud exprimitur.
14. Solvuntur objectiones.
15. Quid sentiendum de Pontificiis damnationibus sententiarum?
16. Ad nullius legis Ecclesiasticæ valorem per se requiritur acceptatio populi.
17. Neque ad valorem legis Civilis.
18. Exponitur axioma Gratiani.

## §. I.

### Requisita Generalia.

A Legis materia ad ejus formam transgredimur, quæ vel est intrinseca, vel extrinseca. Intrinseca est juxta sup. dicta imperium legislatoris, quod præsupponit includit intentionem & voluntatem subditos obligandi, quæ si absit, legis substantia non subsistit, quantumvis omnia alia

alia requisita externa ponereatur; quemadmodum in simili sublatâ intentione se obligandi neque votum, neque contractus subsistit. Forma externa sunt solemnitates extrinsecæ, præcipue circa promulgationem, ad legis valorem requisitæ. De his

1. Quæres primò. An ratio legis, sit forma intrinseca legis humanæ?

Respondeo negativè cum Suarez l. 3. c. 10. & dico, habere se per modum motivi & principii tenentis se ex parte objecti, quo nempe voluntas Superioris movetur adferendam legem. Ratio est: quia stante ratione legis fieri potest, ut Superior nolit legem condere, adeoque ratio legis ab ipsa lege separari potest; non verò potest Superior habere efficaciam imperium, signo exteriori sese insinuans in animos subditorum, quin hoc ipso addit legis substantia; unde hoc quidem legis formam constituit, non verò ratio legis. Sic in aliis quoque humanis actibus & moralibus quibusdam compositis evenire cernimus, ut ratio actus non constituit actum formaliter, e. g. ratio contrahendi non constituit contractum, nec ratio vivendi votum &c.

3. Quæres secundò. An promulgatio legis debeat esse solennis & publica?

Respond. affirmativè; nam lex est regula communis & publica, quæ ad totam communitatem publicâ authoritate dirigitur: unde Imperator in l. *leges sacratissima*, C. de legibus. *Leges sacratissime intelligi ab hominibus debent, ut universi præscripto earum manifestus intellectus, prohibita declinent.* Ad quod tamen non requiritur, ut in omnium & singulorum aures vel oculos insinuetur, sed ut juxta consuetudinem locorum modo quodam publico, vel scripto, vel voce præconis intimetur, ut majori parti communitatis sufficenter innotescere, & ad aures singulorum decursu temporis diffundi possit. per c. 1. de postulat. Prælator, ubi Sum. Pont. dicit: *Nec sit necessarium, cum constituto solenniter editur, aut publice promulgatur, ipsius notitiam singulorum auribus per speciale mandatum, vel literas inculcare; sed id solum sufficit, ut ad ejus observantiam teneatur, qui noverit cum solenniter editam, aut publice promulgatam.* Sed

4. Quæres tertio. An promulgatio necessàriò per scripturam fieri debeat?

Respondeo negativè, cum communi Theologorum & Canonitarum. Atque ita habetur expressum c. *institutionis* 18. q. 1. *Institutionis nostre decreta, sive que scripto decrevimus, sive que in nostra presentia videntur esse disposita, nolumus ex quavis occasione convelli ac irritari.* Et in §. *Sed & quod consuetum est.* Infit. de jure nat. gent. & civ. Quodcumque ergo Imperator per epistolam constituit, vel cognoscens decrevit, vel edito præcipit, legem esse constat.

Dices: Lex humana dividitur in scriptam & non scriptam, ubi nomine legis non scriptæ intelligitur consuetudo: juxta §. *sine scripto*. l. c. ibi: *sine scripto jus venit, quod usus approbavit.* Et in c. *Jus generale*, dist. 1. dicitur: *Lex est consuetudo scripta*; ergo omnis alia lex debet esse scripta.

Respond. Illam divisionem fieri per hoc, quod

R. P. Mezz. Schol. Tom. 11.

& frequentius & convenientius, non quod necessàriò sit; cum enim lex sit regula publica & stabilis pro tota communitate, difficulter obtineret suum effectum solâ præconis proclamatione, nisi etiam in scriptum & tabulas redacta omnium oculis obijceretur.

Quæres quartò. An ad legis Civiles valorem requiratur prævia consultatio Principis cum suis proceribus?

Respondeo negativè, nisi speciale statutum alicujus regni, vel provinciæ potestatem legislativam Principis limitet ad suffragia statuum, vel procerum: quamvis enim fit de decentia, ejusmodi consultationem præmitti, cum tamen vis legislativa in solo Principe resideat, idcirco à sola ipsius voluntate, non ab aliorum suffragiis dependet.

Quæres quintò. An & quanam verborum expressio ad legis valorem requiratur?

Respondeo. Ad legis valorem requiruntur verba obligatoria Superioris voluntatem exprimentia, qualia esse solent, *præcipio, jubeo, impero, veto, prohibeo, interdico.* Ita Suar. loc. cit. n. 15. cum communi. Ratio est: De substantia legis est, ut sit subditis debet promulgata sub ratione legis, tanquam regulæ obligantis, & distinctæ à puro consilio, & admonitione: sed ejusmodi promulgatio non fit nisi per verba, eaque exprimentia imperium, & mandatum; sine his quippe potius censetur habere rationem consilii, quàm legis, vel præcepti, cum in dubiis benignior interpretatio sit facienda.

## §. II.

### Quantitas promulgationis ad leges Civiles requisita.

Quantitas promulgationis consideratur vel ex parte locorum, vel ex parte temporis, & sic

Quæres sextò. In quibus locis leges Civiles promulgari debeant, vel quantus temporis lapsus requiratur, ut subditos obligent?

Respondeo primò. Lex Imperialis, ut habeat vim obligandi, promulgari debet in singulis provinciis imperio subiectis, neque obligat ante lapsum duorum mensum à factâ publicatione. Ita habetur in Nov. 66. & ex illa docent jurisperiti communiter. Quod ob paritatem rationis & æquitatis naturalis, in qua fundatur Imperatoria constitutio, meritò extenditur ad aliorum Regum & Monarcharum leges, qui regna & provincias gubernant diversis moribus & legibus, priusquam ejusmodi sceptro unirentur, institutas; veluti & praxis regnorum confirmat: de regno Galliarum testatur Augustinus à V. M. in præf. disp. 1. q. 4.

Respondeo secundò. Ad efficaciam obligatoriam legis humanæ in regnis & provinciis imperio non subiectis per se sufficit, ut promulgetur in metropoli, nisi ipsemet legislator certum modum obligationi præfixerit, vel aliud particularis consuetudo obtineat. Tunc enim lex accipit efficaciam obligatoriam, quando nihil ipsi deest ex omnibus sive de jure naturæ, sive positivo requisitis: sed legi in metropoli promulgatæ nihil deest: ergo. Minor prob. nam requisita

Q q 2

naturalia



naturalia sunt adus legis, & voluntas obligandi in legislatore, ac publica intimatio: sed hæc omnia adfunt, neque ex jure positivo aliquid ob stare supponitur: ergo. Unde ejusmodi lex statim suos fortitur effectus, ut nimirum subditi illa obligentur, cum in ipsorum notitiam venerit, & adus per legem irritati sint invalidi.

## §. III.

*Quantitas promulgationis requisita ad leges Pontificias.*

¶ Certum est, leges Episcopales ad sui valorem non requirere majorem solennitatem, quam ut in Ecclesia matrice promulgentur, quo facto statim incipiunt obligare dioecesanos, ad quorum notitiam pervenerunt. De Pontificiis igitur & universaliibus constitutionibus, quibus tota Ecclesia obligatur,

Quæres primò. An constitutiones Pontificiæ Romæ promulgatæ habeant vim obligandi in totâ Ecclesia sine ulteriori publicatione? De hoc diversâ sunt Authorum placita: nam primò necessariam esse promulgationem in singulis provinciis & Episcopatibus, & lapsum saltem duorum mensium, ut leges Pontificiæ obligare censeantur, sentit Medina l. 2. q. 50. a. 4: utrumque negat Suarez l. 4. c. 15. Azor to. 1. l. 5. c. 3. q. 3. cum Vasq. Sylv. Menochio, aliisque: Salmanticenses hic cap. 1. punct. 2. quamvis admittant, ad obligationem inducendam sufficere promulgationem in curia, tamen tempus bimestre requirunt à facta publicatione quam sententiam tenent Menoch. de arbit. l. 2. casu 185. n. 19. Diana, Tabiena, Miranda, Valent. to. 2. disp. 7. q. 1. p. 5. Soto l. 5. de Just. q. 1. a. 4.

10. Respondeo & dico primò. Leges Pontificiæ Romæ promulgatæ probabiliter habent vim obligandi pro tota Ecclesia absque ulteriori publicatione, nisi aliud exprimat, vel alicubi privilegium, aut consuetudo sit in contrarium, aut ipsa lex aliud exprimat. Ita Palau Tr. 3. disp. 1. p. 11. Suarez l. 3. c. 16. alique quos referunt & sequuntur Salmant. citati. Ratio est primò. Si requireretur major promulgatio, id vel esset ex natura rei, vel ex jure positivo: non ex natura rei, quia natura legis nonnisi authenticam & solemnem promulgationem exigit, quæ tractu temporis singulis possit innotescere: unde leges regię & dioecesanę per se nonnisi in curia & Ecclesia matrice exigunt promulgari. Non etiam ex jure positivo: hoc enim esset constitutio Novellæ 66. sed illa tantum disponit in terris & provinciis Imperii.

*Nec refert: quod in cap. 1. de novi op. nuntiati. dicatur: Quemadmodum leges non dedignantur sacros Canones imitari, ita SS. statuta Canonum Principum constitutionibus adjuvantur.* Ex quo inferunt aliqui: cum ergo SS. Canones de modo ferendi leges nihil statuerint, juris civilis constitutio observanda erit. Nam Respond. negando consequentiam. Juxta communem quippe interpretationem sensus illius capit. est, quòd in causis, judiciis & sententiis particularibus, ubi Canonice leges deficiunt; non autem in ipso exercitio potestatis legislativæ servandæ sint le-

ges Civiles, per imitationem & congruitatem, non per obligationem & necessitatem, ut bene exponunt Salmant. hic c. 1. puncto 2. n. 88.

Accedit secundò praxis Curie Romanæ, ubi causæ ex toto orbe illuc devolutæ judicantur secundum Bullas Romæ publicatas, quantumvis nec sint insertæ corpori juris, nec in partibus publicatæ, quod absque injustitia fieri non posset, si illarum publicatio in partibus ad earum obligationem & valorem foret necessaria. Bulla quoque Cœnæ Domini, alique Bullario contentæ per solam publicationem Romæ factam obligare censentur.

Tertiò. Frustrâ Summi Pontiff. volentes suas leges publicari in partibus & singulis Episcopatibus, illam suam voluntatem specialiter exprimerent, & significarent, si esset conditio essentialis & per se necessaria: atqui specialiter exprimunt: ut patet ex c. 13. de penit. & remiss. & bulla Pii V. de obligatione Concilii Trident.

Dices tamen primò. Jus Civile solet observari ab Ecclesia circa materias, in quibus nihil speciale determinatum est à Jure Canonico: sed circa modum promulgandi leges Ecclesiasticas nihil est specialiter determinatum à Jure Canonico: ergo. Major constat ex cap. 1. de novi op. denunt. ubi dicitur: *Quemadmodum leges non dedignantur SS. Canones imitari, ita SS. statuta Canonum Principum constitutionibus adjuvantur.* Minor etiam videtur certa, cum nihil clari juris à SS. Canonibus de modo promulgandi possit asserri.

Secundò est contentaneum aquirati naturali, ne leges prius obligent, quam debitè veniant in notitiam subditorum, ne ignorantes peccari arguantur, & periculum ainnarum causetur. arg. c. cum infirmitas de penit. Sed leges Romæ publicatæ non possunt moraliter venire in notitiam remotarum & ultimontanarum regionum & provinciarum sine speciali promulgatione: ergo.

Tertiò constat experientia, quòd Bullæ Romæ promulgatæ etiam promulgantur in partibus, quod frustrâ feret, si promulgatio Romæ facta ad obligationem sufficeret.

Quartò in c. 13. de penit. & remiss. decernitur, quòd constitutio, quâ Medici incurrunt poenam excommunicationis, nisi infirmos, ad quos fuerint vocati, ante omnia inducant ad S. confessionem &c. non prius obliget, quam prius fuerit à Prælati locorum promulgata: ergo hoc ipsum propter identitatem rationis erit extendendum ad alias constitutiones arg. l. 12. & 13. ff. de LL. sicut & nos constitutionem Novellæ 66. ob eandem causam ad alias leges Imperatorias extendimus. Et sanè si leges Imperatoriæ propter validitatem Imperii exigunt promulgationem in singulis provinciis, cur non & leges Ecclesiasticæ, cum Ecclesia sit longè magis per totum orbem dilatata.

Respondeo ad 1. Solet ab Ecclesia observari jus Civile in modo ferendi leges, & per eas fideles obligandi, nego; in causis & judiciis forensibus, ubi Canonice leges deficiunt, concedo: hoc enim & non plus ex cit. c. 1. eruitur, alias certè etiam duorum mensium tempus, quod per eandem authenticam præscribitur, ad Ecclesiasticæ legis obligationem requireretur, quod tamen est contra praxin Curie Romanæ.

Ad 2. nego minor. Siquidem Catholici Principes & Metropolitani Romæ habent suos Legatos & Agentes, per quos omnia, quæ Romæ emanant, iisdem communicantur, unde & ipsi suis subditis communicare possunt.

Ad 3. Respondeo. Illam promulgationem non esse de necessitate simpliciter sed ad melius esse, ut nempe leges, quæ per promulgationem Romæ factam acceperunt virtutem intensivam obligandi totam Ecclesiam, etiam extensivam seu diffusivam obligandi efficaciam per ignorantiam remotionem in ultramontanis partibus sortiantur, quæ tamdiu impeditur, quamdiu lex invincibiliter ignoratur.

Ad 4. Respondeo primò negando suppositum consequentis, quòd sit identitas rationis inter hanc aliasque Pontificias constitutiones, cum enim Summus Pont. causam & rationem requisitæ publicationis per Prælatos locorum non expresserit, gratis dicitur inter hanc aliasque constitutiones esse rationem identitatis; quam Curie Romanæ contraria praxis evertit.

Respondeo secundò negando antec. non enim ibi Pontifex suspendit obligationem suæ constitutionis usque ad publicationem, sed tantummodo executionem gravis poenæ, nempe exclusionem ab ingressu Ecclesiæ. Verba sunt: *Si quis autem medicorum hujus nostræ constitutionis, postquam per Prælatos locorum fuerit publicata, transgressus extiterit, tamdiu ab ingressu Ecclesiæ arceatur, donec per transgressionem hujusmodi satisfecerit competenter.*

Ubi vides, publicationem Prælatorum non requiri, quasi ante ipsam medicus non possit esse transgressor constitutionis, sed ne possit ad evitandam poenam censuræ Ecclesiasticæ legis ignorantiam allegare. Quæ ratio non ubique militat. Paritas objecta de legibus Imperatoris nihil evincit, primò, quia [ut habet Clarius P. Robertus König. l. 1. tit. 2. §. 9. n. 20.] Novellæ 66. extensio ad alias leges Imperatorias non tantum habet pro causa rationem paritatis, sed præcipuè verba ipsius rubricæ, ac cituli, quæ sunt generalia pro omnibus legibus: *Ut factæ novæ constitutiones post insinuationes earum post duos menses valeant.* est autem receptum dogma apud Juristas, quòd quando rubrica prædictum sensum reddit, habeat authoritatem textus in his, in quibus nigro, seu textui non repugnat.

Insuper in tota Ecclesiâ magna est circa mores, & Ecclesiasticas observationes conformitas, quæ non habetur in diversis provinciis, regnis, nationibus Imperio Romano subiectis: unde non est tanta ratio in singulis Episcopatibus universales Ecclesiæ leges promulgandi, quanta est diversis provinciis promulgandi leges imperiales.

12. Dixi tamen notanter in conclusione: nisi alicubi privilegium, vel consuetudo sit in contrarium: nam haberi à Rege Hispaniæ, auctores Hispani; à Rege Galliæ, auctores Galli testantur, simile privilegium, quo Pontificia diplomata non solum absque publicatione in ipsorum ditionibus facta non obligant, sed neque sine Regio consensu publicari possunt. Pariter videtur esse consuetudo nostræ Germaniæ, vel, ut loquitur Layman, l. 1. tract. 4. c. 2, benigna interpretatio,

ut Pontificiæ Bullæ præferri irritatoriae, abrogatoriae, censuræ Ecclesiasticas, & jurisdictionem fori poenitentialis concernentes, &c. ante publicationem in diocesi factam obligare non censentur, ut nec Tridentinum [extra materiam fidei] obligare cernimus in iis partibus, ubi non est promulgatum.

Respondeo & Dico secundò. Quando lex 13. Canonica vel Civilis nullum tempus pro inducenda obligatione determinat, nullam neque respectu præsentium in curia, neque respectu absentium & distantium parit obligationem ante lapsum duorum mensium à facta publicatione. Ita Salmantic. hic cap. 1. punct. 2. cum Authoribus sup. allegatis. Ratio est: quia facta publicatione requiritur aliquod tempus, quo lex publicata moraliter venire possit in notitiam subditorum & per communicationem in toto corpore communicatis divulgari. Ut habetur c. 1. de concess. prob. in 6. eisque jure naturæ requisitum ex sententia S. D. I. 2. q. 90. a. 4. ad 2. sed quando in lege non assignatur determinatum tempus, quo lex humano modo ad subditorum aures perveniat, illud taxandum est juxta æstimationem & arbitrium prudentum: si ergo prudenti arbitrio tale tempus jam fuerit taxatum, & terminus positus; etiam ejusmodi taxationi & determinationi standum erit. Atqui in auctor. ut supra nova constitutiones collat. r. prudentissimorum virorum judicio pro legibus imperialibus determinatum est tempus duorum mensium à facta publicatione, quanquam minimè ignorarent, quòd lex celsius in præsentium, quàm distantium notitiam perveniret: ergo juxta hanc prudentem æstimationem tempus obligationis mensurandum erit.

Roboratur nostra sententia ex Bulla Pii IV. sicut ad factorum. Ubi ad propositam quaestionem, ex quo tempore coeperint obligare decreta Tridentini ad jus positum pertinentia, respondet: *Quia jure etiam communi sancitum est, ut constitutiones novæ vim non nisi post certum tempus obtineant, æquum nobis & justum visum est, prædicta decreta à Calendis Maji proximè præteritis omnes obligare curasse.* Quibus verbis Summus Pontifex dispositionem juris communis de requisito temporis tractu ad legis obligationem approbat, justam & æquam esse declarat, etiam pro legibus Ecclesiasticis.

Dices primò. Eorundem Jurisperitorum judicio prudenter requiritur publicatio in singulis provinciis, nec illa tamen est necessaria in legibus Canonicis, aut terris Imperio non subiectis: ergo neque temporis determinatio ab ipsidem facta ad obligationem inducendam observanda erit.

Secundò. Causa debite applicata, & positis omnibus requisitis ad agendum, operatur suum effectum: sed lex in Curia promulgata jam est debite applicata respectu præsentium, habetque omnia requisita necessaria ad pariendam obligationem: ergo non est cur non dicatur subditos præsentibus obligare.

Respond. ad r. Discremen esse, quòd ad cujuscunque humanæ legis obligationem inducendam ex natura rei requiritur aliquis tractus temporis, quem

quem si lex ipsa non exprimat, hoc ipso præsumitur tacite illum requirere, qui prudentum iudicio pro sufficiente agnoscitur: atqui ad obligationem inducendam ex natura rei non requiritur publicatio in omnibus provinciis subjectis, cum modus leges in Curia promulgatas divulgandi aliis viis obtineri possit.

Ad 2. nego min. nam ut efficacia obligatoria quam lex per promulgationem formaliter obtinet, operetur suum effectum in subditis, per modum conditionis requiritur notitiam in majori parte communitatis, quæ non habetur statim post promulgationem præsentibus factam.

15. Quæres octavo. Utrum Bullæ Pontificiæ, quibus aliquæ sententiæ Authorum tanquam scandalosæ, & temerariæ damnantur, & prædicari prohibentur, obligent ante publicationem in diocesis factam, dummodo aliis sufficienter innotescant?

Respond. affirmativè: Nam ejusmodi Bullæ Apostolicæ non tantum sunt præceptivæ, sed etiam declaratoriarum veritatis, neque statuunt aliud jus novum, sed, quid sit juris Divini, vel naturalis, exponunt, & roborant. Atqui fideles tenentur se conformare Summi Pontificis definitivæ declarationi, independentes à facta speciali publicatione, quotiescunque aliquid è Cathedra definit atque declarat tanquam viva fidei & morum regula: siquidem [ut specialiter dicitur in Tract. de fide] Sum. Pont. è cathedra loquens non potest errare, sive proponat credenda, sive agenda: cum enim Ecclesia DEI æquè indigeat morum sanctitate, quam fidei unitate, tam esset absurdum, si caput Ecclesiæ approbaret turpia pro honestis, vel damnet honesta pro turpibus, quam si approbaret falsa pro veris, vel damnet vera pro falsis: sicut ergo factâ Romæ solemnisatione alicujus Sancti, teneor ipsū habere pro Sancto, quamprimum mihi illa canonizatio sufficienter innotescit, etiam non factâ promulgatione in partibus, sic teneor illam opinionem habere pro falsâ, quam Sum. Pont. veluti falsam, scandalosam &c. publicè ex cathedra declaravit, quantumvis nulla specialis promulgatio in partibus accesserit.

#### §. IV.

*An requiratur acceptatio populi?*

16. Respondeo & dico primò. Nec leges Pontificiæ nec alterius Ecclesiasticæ valor dependet ab acceptance populi. Suarez l. 4. c. 16. cum communi. Et ratio primi est, quod Summus Pontif. plenariam potestatem legislativam acceperit immediatè à Christo per illa verba: *Pasce oves meas. Quodcumque ligaveris super terram &c.* Unde in exercitio hujus potestatis non ipse à populi consensu pendere, sed populus ad legem acceptandam ab ipso obligari potest. Ratio secundæ est, quod neque Prælati Ecclesiastici à populo, sed immediatè à Summo Pont. vel Episcopis, &

mediatè à Christo potestatem leges ferendi acceperint: unde à populi acceptance in illa non dependent.

17. Respondeo, & dico secundò. Neque leges civiles summorum Magistratum à populi acceptance dependent: Nam primò: In ejus potestate non est legem acceptare, vel rejicere, quæ tam in foro externo, quam interno tenetur legi obedire: sed populus tenetur obedire legi justæ & rationabili: ergo. Secundò. Si obligatio legis penderet ab acceptance subditorum, tunc potestas legislativa magis esset in populo & subditis, quam in Principe & legislatore: quia ille habet auctoritatem legislativam, à quo dependet, ut lex obliget & executioni mandetur: sed hoc penderet à populo: ergo. Tertiò. Si populus transfudit in Principem absolutam potestatem gubernandi, & leges ferendi, tunc etiam se abdicavit omni illâ potestate: ergo illa potestas non amplius dependet à placito populi. Quartò. Si Principi legem justam condenti populus justè posset resistere, utrinque daretur bellum justum: sed hoc est absurdum: ergo.

18. Nec obstat primò textus Gratiani ex D. Augustino c. *ipsi §. leges. dist. 4. leges insinuantur, cum promulantur; firmanantur, cum moribus mentium comprobantur*: sensus enim est, leges firmari per usum & acceptance populi firmitate facti, non juris, & secundum perfectionem accidentalem, quam lex ab exercitio & usu subditorum accipit, ne vigor ex ipsius non usu, vel contraria consuetudine enervetur.

Nec obstat secundò, quod multæ leges etiam Ecclesiasticæ dicantur non esse receptæ: Nam sensus non est, quod arbitrio populi legum obligatio fuerit excussa, earumque valor abiat; sed quod, cum continerent notabile gravamen, neque de Legislatore prudenter præsumeretur, quod grave onus populo voluerit imponere, illæ leges in provinciis, aut diocesis non fuerint promulgatæ, & sic cum tacita consensu & consensu Legislatoris earundem executione suspensâ, contra ipsas denique præscriptum fuerit.

Quo sensu etiam interpretandus est textus c. 6. de Clericis conjugatis, ubi Sum. Pont. pro sufficienti causa Græcos Sacerdotes excusante à voto continentis agnoscit, quod Orientalis Ecclesiæ votum continentia non admisserit.

Ubi tamen observandum, in pluribus regnis & conditione habenas regni Principibus à populo delatas fuisse, ut ipsorum leges & statuta non nisi addito populi consensu obligarent, quo casu omnino ad legis valorem populi consensus requiritur, prout in regno Aragonis & Lusitanis prædicari testantur Palas, Granado, & alii. Rectè tamen advertunt Salmanticenses, tunc non esse dependentiam Principis à populo in acceptanda lege condita, sed in ipsa lege condenda, eò quod populus in translatione suæ potestatis mix-

turam à Monarchico, & Aristocratico, vel Democratico statu elegerit.

## DISPUTATIO XXXV.

DE

## Obligatione legis:

ad q. 96.

**P**recipuum legis effectus seu proprietas est, subditos obligare ad sui executionem & obedientiam, prout ipsum legis nomen à ligando dictum significat. Ubi certum est, lege naturali & divinâ induci obligationem in conscientia, ita ut ejus transgressores in gravi materia peccati mortalis gehennæ reatum incurrant. Dubium est, an eadem sit vis legis humanæ, ut sub reatu peccati transgressorem obliget in conscientia. Ubi recolenda est divisio legis humanæ sup. exposita in præceptivam, penalem, mixtam &c.

## ARTICULUS I.

*An leges humanæ obligent in conscientia?*

## SUMMARI A.

1. *Lex humana obligat in conscientia.*
2. *Depellitur objectio.*
3. *Obligatio legis vel est ad actum, vel ad penam.*
4. *Leges penales vel disjunctivæ mixtæ non obligant ad actum determinatè.*
5. *Item sententia obligandi ad actum non satis exprimitur.*
6. *Sanctiones, quæ volunt subditos gravare in conscientia, non sunt propriæ leges.*
7. *Solvuntur objectiones.*
8. *Leges tributorum obligant in conscientia.*
9. *Multa Regula SS. Ordinum non obligant ad actum.*
10. *Possunt tamen obligare indirectè, & per accidens.*

## §. I.

*Statuitur affirmativa.*

- I. CONCLUSIO PRIMA.** *Lex humana tam civilis, quam Ecclesiastica potest obligare subditum in conscientia.* S. D. q. 96. a. 4. estque tam certa, ut plures Auctores asserant esse de fide: nam Lucæ 10. dicitur: *Qui vos audit, me audit.* Rom. 13. *Omnis anima potestatibus sublimioribus subdita sit, non enim est potestas, nisi à DEO: quæ autem sunt, à DEO ordinata sunt.* Itaque qui resistit potestati, DEI ordinationi resistit, qui autem resistunt, ipsi sibi damnationem acquirunt, &c. Ideo necessitate subditi estote, non solum propter iram, sed etiam propter conscientiam, &c. Act. 13. Apostoli Ecclesiis impulerunt præceptum abstinendi à sanguine & suffocato, quod ibidem vocatur necessarium, non aliâ de causâ, quàm quia obligans in conscientia. Accedit Ecclesiæ praxis, quâ fideles sese obligatos agnoscunt ad servanda præcepta Ecclesiæ de jejunio, sacro diebus festivis audiendo, &c.

Probaturretiam ratione. Qui legis æternæ & naturalis obligationem determinat ad novam materiam, in qua antea non obligabat, ille causat novam obligationem in conscientia: sed quilibet lex humana justa & rationabilis facit, ut

aliqua materia de novo cadat sub universalitate illius legis & præcepti tam Divini, quàm naturalis, quod potestati legitime præcipienti sit obediendum: ergo. Adde, quod absque obligatione in conscientia potestas legislativa uplurimum foret inutilis, & inefficax, neque bono communi consuleretur, dum vi, vel fraude pœnas impositas plerique effugerent.

Dices. Judex inferior nil potest in foro judicis superioris: sed forum conscientiæ pertinet ad DEUM, unde dicitur forum poli: ergo potestas humana non potest inducere obligationem in conscientia. Respondeo: Nil potest in foro Superioris, nisi ad hoc ipsum potestatem acceperit à judice superiori, concedo; secus, nego. Sed, ut dictum, Legislator humanus hanc potestatem habet à DEO, à cujus æterna lege quilibet lex justa derivatur.

**CONCLUSIO.** *Quilibet lex humana, si verè habeat rationem legis, obligat in conscientia, vel ad actum de quo primò disponit, vel ad subeundam penam, quam adjicit.* Ita Sotus l. 1. q. 6. a. 3. Suar. l. 3. c. 20. cum communi. Ratio est: quia licet pendeat à voluntate legislatoris, ut lex naturæ jubens superiori legitime præcipienti parendum esse, applicetur, vel non applicetur determinatæ materiæ; non tamen pender ex ejus intentione, ut illa semel applicata non obliget: sed per quamcunque justam legem applicatur prædicta lex naturæ ad determinatam materiam, & quidem ad actum, si lex sit præceptiva, vel mixta copulativè; ad penam, si sit pœnalis; ad alterutrum, si sit mixta disjunctivè. Ergo darà quacunque lege humanâ semper est obligatio in conscientia vel ad actum, de quo lex primò disponit, vel ad penam. Unde

Inferes ex dictis primò. Leges purè pœnales, & disjunctivè mixtas non obligare ad actum, quia pender à voluntate legislatoris, ut obligationem naturalem applicet vel ad actum, vel ad penam: sed in lege purè pœnali eandem applicat tantum ad penam; in lege disjunctivè mixta indeter-



nino cit.] in fronte Prologi S. Reg. S. P. Benedi-  
ctus, postquam dixit: *Ausculat o fili precepta Ma-*  
*gistri*, subiunxit: & *admonitionem pii Patris li-*  
*benter exipe*. Atqui neque ordinationes & sta-  
tuta, neque admonitiones & consilia per se obli-  
gant sub peccato, cum non habeant vim precepti.  
Unde *stultum esset putare*, [inquit S. D. cit.] *quod*  
*Monachus frangens silentium post Completo-*  
*rium peccaret mortaliter*, nisi forte faceret hoc  
contra preceptum Prelati, vel ex contemptu Regu-  
la: ergo illa solum, quæ in Regula continentur  
per modum precepti, obligant sub peccato. Sub-  
sumtum probatur ex citato S. D. Si Regula ex-  
tra materiam voti haberet rationem precepti,  
tunc Monachus illam transgrediens in gravi ma-  
teria, peccaret mortaliter; siquidem preceptum  
in materia gravi obligat sub culpa mortali: sed  
non peccat mortaliter: nam, ut habet D. Tho. in  
init. praeleg. art. 20. *Nihil est peccatum mortale*  
*Monacho, vel Religioso cuiusque per se loquen-*  
*do, quod non sit peccatum mortale contrarium ei,*  
*ad quod se obligavit voto Professionis.*

Confirmatur primò. Si extra materiam vo-  
torum Regula haberet rationem precepti, tunc  
maximè in præscripta abstinencia à carnibus tan-  
quam gravi materia: sed in hac non habet ratio-  
nem precepti, uti rursus agnoscit expressè D. Tho.  
ita loquens loc. cit. *Abstinere à carnibus non po-*  
*nitur in Regula B. Benedicti ut preceptum, sed ut*  
*statutum quoddam*. Confirmatur secundò: *In*  
*obscuris minimum est sequendum*. h. e. cum est  
dubium de voluntate obligandi, benignior est in-  
terpretatio faciendi juxta præcitam Reg. Juris  
in 6: sed non liquet, utrum Regula S. P. Benedi-  
cti extra materiam votorum sit potius præcepti-

va, quam purè ordinativa & statutoria: ergo po-  
tius præsumi debet, esse directivam, quam præ-  
ceptivam.

Dixi tamen primò, *per se loquendo, & ex vi Re-*  
*gula*, quia per accidens, & ex directâ vel indire-  
ctâ oppositione cum aliquo voto Professionis fi-  
eri potest, ut Benedictinus in transgressione Regu-  
la peccet venialiter, vel mortaliter. Et sic pri-  
mò peccabit mortaliter, si transgrediatur Regu-  
lare statutum in gravi materia à Superiore præce-  
ptum in virtute Sanctæ obedientiæ: vel si trans-  
grediatur ex contemptu formali vel virtuali Re-  
gularium statutorum, tunc enim peccat contra  
statum Religiosum, & votum conversionis mo-  
rum secundum Regulam, quo voto etsi Religio-  
sus non se obligat ad faciendam omnia, quæ præ-  
scribuntur in Regula [hoc enim esset onus impor-  
tabile] obligat se tamen ad habendam volunta-  
tem suos mores ad normam Regulæ conforman-  
di, cui voluntati directè contrariatur formalis vo-  
luntas Regulæ se non subijciendi. Secundò pec-  
cat Religiosus Benedictinus venialiter, quoties-  
cunque statutum Regulare sine aliqua rationabili  
causa & altioris virtutis dictamine transgredi-  
tur; tum quia talis transgressio est actus otiosus  
& hoc ipso inordinatus; tum quia remotè sal-  
tem disponit ad contemptum Regulæ, sicque re-  
motè & indirectè adversatur voto Conversionis  
morum secundum Regulam.

Dixi secundò. *Habere in plerisque rationem*  
*legis pœnalis, vel &c.* in eo quippe assimilatur le-  
gi pœnali, quòd pro transgressionibus & culpa  
Regularibus pœnas & expiationes præscribat,  
quas si Superior transgressori imponat, iste ur-  
gente obedientiæ voto subire tenebitur.

## ARTICULUS II.

*Quando & quomodo obligent leges pœnales ad subeundam pœnam?*

### S U M M A R I A.

1. *Alia pœna lata, alia ferenda sententia.*
2. *Aliqua pœna positiva, aliqua negativa.*
3. *Quanam leges pœnales obligent ante Judicis sen-*  
*tentiam?*
4. *Pœna privantes jure jam acquiri cæpto non ob-*  
*ligant ante sententiam declaratoriam criminis.*
5. *Quomodo post sententiam Judicis teneatur rem*  
*subire pœnam?*
6. *Inferior judex non potest remittere pœnam lege*  
*taxatam.*

#### §. I.

*Quid sentiendum de lege illativa pœna spiri-*  
*tualis, & privativa juris acquirendi?*

**N**otandum primò. Pœnam lege statutam a-  
liam dici ferendam, aliam lata sententia. Pœ-  
na ferendæ sententiæ est, cum transgressor obli-  
gatur a lege ad sustinendam pœnam post judicis  
sententiam, quæ sententia dupliciter se habere  
potest; ut vel sit declaratoria tam criminis quam  
pœnæ, vel solum sit declaratoria criminis. Pœ-  
na lata sententiæ est, quam lex infert, & ad quam  
obligat, non expectatâ judicis sententiâ. Pœna

lata sententiæ colligitur ex verbis legis, si dicat,  
*pœnam ipso facto, ipso jure incurrat*: Pœna feren-  
dæ sententiæ colligitur, si verba legis loquantur  
in tempore futuro, modo imperativo, v. g. *su-*  
*spendatur, excommunicabitur*; aut sint commina-  
toria, sub pœna interdicti, excommunicationis, &c.  
tunc enim nisi jungantur illæ voces *ipso facto in-*  
*currenda* lex censetur statuere pœnam ferendam  
sententiæ.

Notandum secundò. In ipsâ pœnis aliquas  
dici positivas, quæ ad sui executionem indi-  
gent ulteriori actione, ut solutio pecuniæ,  
fossio metalli, &c: aliquam privativam, quæ  
nimirum privat aliquam re, fructu, jure, vel  
quærendo, vel quæsito, sine ulteriori actione,  
ut Censuræ Ecclesiasticæ, privatio vocis activæ  
& passivæ &c: aliquæ pœnæ sunt conditionales,  
quia non tam sunt pœnæ, quam carentia benefi-  
cii, quòd legislator non nisi sub certa conditio-  
ne dare voluit. Sic Clericus beneficiatus habi-  
tum non deferens privatur privilegio fori, quia  
privilegium datur sub conditione habitum defe-  
rendi. His positâs, cum certum sit, pœnas feren-  
dæ sententiæ non obligare ante judicis senten-  
tiam

riam, superest quaestio de pœnis latae sententiæ. Unde sit

3. **CONCLUSIO PRIMA.** *Leges pœnales, quæ inferunt pœnas spirituales excommunicationis, suspensionis, &c. ipso facto incurrendas, vel privant jure acquirendo, redduntq. transgressorem inhabilem ad aliquod jus vel ætium, vel imponunt pœnam conditionalem, obligant ante judicis sententiam.* Ita Salmantic. hic c. 2. punct. 3. cum communi DD. & quoad pœnas spirituales constat ex c. non dubium de sent. excomm. c. 2. de Cler. non ordinato ministr. Sic etiam incurritur Canonici impedimentum matrimonii ex crimine; sic beneficiarius non recitantis officium divinum imponitur restitutio fructuum pro rata in Conc. Lateran. I. can. 10. & non residentibus in suis Ecclesiis in Trid. sess. 23. de reform. c. 1. Sic per c. licet de elect. in 6. habens beneficium curatum illo privatur, si intra annum non ordinetur Presbyter &c.

Quoad censuras Ecclesiasticas ratio est, quòd cum lex dicat, delinquentem ipso facto incurere ejusmodi pœnas, illæque utplurimum sint medicinales, & non excedant suavitatem & æquitatem humanam, ideo censendum est, quòd legislator velit uti sua potestate ad illas infligendas, non expectatà judicis sententiâ. Quoad pœnas inhabilitantes & conditionales ratio est: quia cum Ecclesiæ & Respublica sit domina suorum bonorum, justè potest habilitatem ad illa percipiendâ alligare certis conditionibus, quibus non impletis hoc ipso cessabit habilitas ad illa percipiendâ, sicuti si testator Bertæ fecisset legatum percipiendum sub conditione, si castè vivat, hoc ipso quòd non verificaretur conditio, etiam ipsa privaretur legato. Itarursus in pœnam certi delicti potest eidem alligare inhabilitatem ad aliqua jura, bona, vel fructus à legis transgressoribus incurrendam. Unde posità transgressione, delicto, crimine, eo ipso cessabit habilitas.

### §. II.

*Quid de lege privatiua juris acquisiti?*

4. **CONCLUSIO SECUNDA.** *Pœna temporales consistentes in privatione juris jam acquisiti, vel quod acquiri caprum est, non obligant ante judicis sententiam illamque declaratoriam criminis, quamvis verba legis significant pœnam latae sententiæ.* Ita Layman l. 1. rr. 4. c. 15. cum pluribus aliis. Quorum ratio est, quòd lex non debet esse nimis rigida, sed humano modo observabilis: sed est ab hominum natura & moribus alienum, ut quis seipsum spoliare debeat rebus jam possessis, aut juribus acquisitis. Et Confirmatur ex c. cum secundum leges, de hæreticis in 6. ubi licet hæretici priventur ipso jure bonis à se possessis à die commissi criminis, tamen non tenentur bona tra-

dere ante judicis sententiam. Quod ad alias quoque & ges pœnales [præter sup. n. 3. expressas] quasunque probabiliter extendunt Salmanticenses unà cum Sanchez, & Covarr. à se citatis, quia in rigoribus & obligationibus benignior est interpretatio faciendâ: cum ergo lex dicens: *Ipso facto, nullâ aliâ declaratione expectatâ*, commodè possit exponi de declaratione novæ pœnæ à judice impositæ, non negatà declaratione criminis, huic interpretationi inhærendum erit.

**CONCLUSIO TERTIA.** *Quamvis nemo tenetur (1) ante judicis sententiam subire pœnam graviter corporis afflictivam, ut est exilium, carcer, &c. post judicis tamen sententiam (2) reus tenetur per seipsum exequi pœnam honestam non nimis acerbam: (3) ad gravissimam verò & infamem pœnam tenetur saltem indirecè cooperari, quatenus ad ejus executionem est necessarium & conveniens.* Ita comm.

Ratio primi modò indicata est, quia talis executio propriâ sponte suscepta nimis acerba, & ab humanis moribus est aliena. Ratio secundi est: quòd quisque tenetur obedire Superiori justâ & possibilis præcipienti: unde tenetur reus solvere multam pecuniariam, intrare carcerem, abire in exilium &c. Ratio tertii est, quia reus tenetur justæ judicis sententiæ non resistere: sed si aliquando nollet indirecè cooperari ad pœnam à judice inflictam, tunc ipsi resisteret, e.g. si fuit damnatus ad furcam nollet scalam ascendere, damnatus ad mutilationem nollet manum porrigere, &c. ergo tenetur indirecè cooperari.

Quæres etiam, num possit iudex reo pœnam remittere in lege taxatam? Respondeo, si est supremus, potest; nam potest vel propriam legem abrogare, vel in illa dispensare: quamvis id sine legitima causa faciendo peccet vel venialiter, quando nullum inde grave damnum in Rempublicam redundat; vel mortaliter, si redundat. Cæterum in superiori iudice sufficere causam benignitatis, intercessionem alicujus Magnatis, gratificationem præteritorum obsequiorum, docent cum aliis Snar. l. 5. c. 11. n. 9. & Palao tr. 3. disp. 2. p. 5. Si verò non est supremus iudex, non potest illam pœnam remittere, vel majorem imponere. Unde etiam tenebitur ad restitutionem excessus, si punierit ultra pœnam ex lege debitam. Non verò teneri ad restitutionem, si pœnam pecuniariam minuat, vel omnino remittat, rectè docet Greg. Martin. q. 96. a. 4. dub. 14. quia cum ante sententiam judicis nullus ad talia bona jus acquisiverit, non est peccatum violatium justitiæ commutativæ, sed legalis: quamvis ex alio capite possit oriri obligatio restitutionis erga rempublicam, si nimirum ex remissione pœnæ respublica damnum patiarur, quod iudex ex officio per pœnæ inflectionem avertere debuisset.

## ARTICULUS III.

*De obligatione legis irritantis, & in præsumptione fundatæ.*

### SUMMARIA.

1. Datur lex irritatoria.
2. Duplex modus irritandi actum.

3. Aliquando actus irritatur civiliter, aliquando etiam naturaliter.

#### 4. Lex

4. *Lex reddens actum illicitum, non hoc ipso facit invalidum.*
5. *Lex irritatoria alia pœnalis, alia purè irritatoria.*
6. *Lex irritatoria non semper obligat ad omissionem actus invalidati.*
7. *Lex irritatoria obligat, ne ex tali actu quarantur fructus & effectus.*
8. *Irritatio pœnalis saepe fortitur effectum primum post iudicis sententiam.*
9. *Lex purè irritatoria habet effectum ante iudicis sententiam.*
10. *Præsumptio alia periculi, alia facti.*
11. *Etiamsi præsumptio juris in particulari casu fallat, non obest legi.*
12. *Demonstratur exemplis.*
13. *Leges in præsumptione facti fundatæ non obligant, si fallat præsumptio.*
14. *Corollaria.*

## § I.

## Prænotanda.

1. **N**otandum primò. Intuitu boni publici pos-  
se per humanam legem adimi liberam pote-  
statem ad faciendum aliquid actum; ita ut talis  
actus pro invalido habeatur: libertas quippe si-  
potestas homini competens ad quosdam actus iure  
naturæ non imperatos, sed duntaxat permittos,  
lege humana limitari, vel adimi potest, prout  
communi bono expediens visum fuerit, veluti  
contingit in impedimentis matrimonii, & con-  
tractu pupilli, ubi pupillus ad contrahendum, &  
certæ personæ inhabiles redduntur ad matrimo-  
nium; & ejusmodi lex vocatur irritatoria.
2. **N**otandum secundò. Actum à lege dupliciter  
irritari posse: primò, ut lex decernat actum à  
iudice irritandum, quod fit, cum verba irritato-  
ria ponuntur in futuro, vel imperativo: e. g. *re-  
scindatur, infirmetur* &c., cujus exemplum habetur  
in l. 2. & 5. C. de *rescind. vend.* & hoc casu  
effectus ex ejusmodi actu consequentes solum  
causantur à die datæ sententiæ. Secundò, ut lex  
per semetipsam actum irritet, prout fit à Tridenti-  
no, cum matrimonium sine paracho & testibus  
etiam contractum declarat nullum; cum Religio-  
sa professio facta ante expletum probationis an-  
num declaratur nulla: quæ irritatio colligitur  
ex verbis de præsentī, quibus actus non tantum  
prohibetur, sed etiam irritatur, v. g. *actus sit ipso  
jure nullus, ipso facto irritus*, &c. nuda quippe  
prohibitio actum solummodo reddit illicitum,  
non etiam invalidum, per c. ad *Apostolicam*, de  
*Regular.* Ubi Innocentius III. dicit: *Multa fieri  
prohibentur, quæ, si facta fuerint, obviunt fir-  
mitatem.*
3. **N**otandum tertio. Actum à lege aliquando  
tantum civiliter, aliquando etiam naturaliter ir-  
ritari. Civiliter tantum irritatur, quando tolli-  
tur omnis obligatio & actio, quæ ex illo actu ori-  
ri possit in foro externo, acsi actus foret naturali-  
ter nullus: quantumvis in foro conscientiæ ni-  
hilominus remaneat validitas, & obligatio natu-  
ralis cum effectibus, ex ejusmodi actu, vel contra-  
ctu oriundis: quo modo in jure invalidatur lu-  
sus alearum, & in multorum sententia testamen-

*R. P. Ales. Schol. Tom. II.*

tum carnis debitis sollicitatibus. Naturaliter  
etiam invalidatur actus, quando ipse valor ita  
per legem destruitur, ut neque in foro conscien-  
tiæ aliquam obligationem & effectum possit pa-  
rere, velut est irritatio matrimonii cum impedi-  
mento dirimente contrahendi, professio emissæ  
ante completum 16. ætatis annum, &c.

Notandum quariò. Non eo ipso, quòd lex  
actum aliquem prohibeat & reddat illicitum, e-  
undem etiam irritare & invalidum reddere; sed  
hoc esse specialiter exprimerendum per clausulam  
irritantem: nam rationes illiciti & invalidi sunt  
à se mutuo separabiles: unde in c. ad *Apostoli-  
cam* de *Regularibus*, dicitur: *Multa fieri pro-  
hibentur, quæ tamen sacra tenent.* Sicut matri-  
monium cum simplici voto castitatis contractum  
licet sit illicitum, est tamen validum.

Nec obstat in contrarium l. non dubium. C. de  
leg. & Constitut. Principum. Ea, quæ lege fieri  
prohibentur, si fuerint facta, non solum inuita, sed  
pro infestis etiam habeantur &c. Et l. 6. C. de pa-  
pulis. Palla, quæ contra leges constitutionesq., vel  
contra bonos mores sunt, nullam vim habere, indu-  
bitati juris est. Nam Respondeo, plus ex his  
non inferri aut significari, quàm actus contra le-  
gem factos esse annullandos per iudicis senten-  
tiam, juxta c. vides. dist. 10. ibi: *Quicquid contra  
legem accipitur, per legem dissolvitur.* Item,  
ejusmodi actus dicuntur infestis, in quantum post  
declaratoriam iudicis sententiam habendi sunt  
pro nullis non tantum à tempore latæ sententiæ,  
sed etiam criminis vel transgressionis commissæ,  
ut tradunt Molina to. 1. de iust. tract. 2. disp. 88.  
Salas disp. 16. sect. 8. Suar. l. 5. c. 28. h. 7.

Notandum quintò. Inter leges irritantes a-  
liam esse pœnalem, aliam verò purè irritativam.  
Pœnalis est, quando irritatio statuitur in odium  
transgressoris, quemadmodum lex irritans matri-  
monium ob uxoricidium, vel adulterium cum  
promissione futuri conjugii, & collationem be-  
neficii ob simoniam commissam: Alia est purè ir-  
ritativa, quæ non necessariò supponit actum ma-  
lum, sed potius intendit favorem boni commu-  
nis, aut privati: ut quando irritantur testamen-  
ta facta sine certa solennitate, professio emissæ an-  
te completos 16. annos, contractus pupillorum  
&c. Quibus positis sit

## § II.

## Resolutio de lege irritante.

**CONCLUSIO PRIMA.** *Lex purè irritatoria non obligat in conscientia ad omissionem actus invalidati, nisi cum vel à legislatore expresse intenditur, vel supposita ejusmodi irritatione, actus specialem induit turpitudinem.* Ita Suar. l. 5. c. 20. Aug. à V. M. disp. 4. q. 4.

Ratio primi est: quia legislator generalem &  
naturalem obligationem ad sibi præcipienti pa-  
tendum potest determinare vel ad actus omissionem,  
vel ad irritationem, vel ad alterutrum dis-  
junctivè, prout in simili dictum est de lege pœna-  
li: nisi igitur de ipsius intentione expresse con-  
stet, præsumitur id, quod est minus & favorabi-  
lius, nempe quòd solum voluerit irritare actum,  
non etiam facere illicitum: cum esse illicitum &

R. 2

invali

invalidum sint rationes ab invicem mutuò separabiles.

Secunda pars patet in contrahente matrimonio cum impedimento dirimente: ubi in contractu per legem invalidato specialiter resultat deformitas, quod nempe materia incapax subternatur formæ sacramentali, & subeat proximum periculum fornicationis. Ita docent Suar, l. 5. c. 20. & August à V. M. d. 4. q. 4.

7. CONCLUSIO SECUNDA. *Omnis lex irritatoria in eo genere, in quo irritat, obligat subditum in conscientia, ne quærat fructus vel effectus ex tali actu, quos aliquin haberet, si legis irritatio non obstitet.* Ita Authores citati.

Ratio est. Quia ratione lex irritans actum invalidat, eadem obligat, ne quis utatur illo actu tanquam valido: sed qui quærit, & percipit fructus ex illo actu ut valido sequi solitos, ille utitur actu tanquam valido: ergo lex irritans actum in eo genere & ratione, quâ irritat, obligat, ne quis ex illo actu fructus, vel effectus quærat, qui aliâ ex ipso provenirent, si in suo valore persisteret. Unde vel actus irritatur à lege dependenter à sententia Judicis: & tunc potest quis ante sententiam Judicis fructus ex illo actu tanquam valido percipere: obligabitur tamen in conscientia, partim ut post latam sententiam à fructibus ex illo actu percipiendis abstineat; partim ne alium, cujus interest, ab actione civili & processu ad irrationem impediatur. Vel secundò lex est ipso facto irritans, & tunc vel tantum civiliter, vel tantum naturaliter. Si tantum civiliter, & in foro externo, erit tantum obligatio conscientia, ne quis media civilia & in foro externo apponet, ad fructum ex tali actu percipiendum: deinde ne impediatur illum, cujus interest, à civili actione, effectuum ex actu civiliter irritato consequentium, impeditivâ: cum enim civilis irritatio auferat potestatem civilem, pariter vetat media civilia ad sustinendum valorem actus. Si vero lex est simpliciter, adeoque & naturaliter irritans, tunc obligaberis in conscientia abstinere ab omnibus mediis tam naturalibus, quàm civilibus ad tales fructus percipiendos, hoc ipso quod per illam irrationem auferatur omnis potestas tam civilis, quàm naturalis ad sustinendum valorem illius actus.

8. CONCLUSIO TERTIA. *Quando irritatio legis est pœnalis, supponens alicujus actus substantiam, tunc actum non facit irritum, sed irritandum per Judicis sententiam, (1) nisi cum actus sit incapax irrationis per Judicis sententiam, quo casu statim ac ponitur, redditur invalidus.* Ita Suar, l. 5. c. 3. Sanch. de matrim. l. 3. disp. 4. n. 9. Palaus tr. 3. disp. 2. punct. 10. & 19. Salmantic. hic c. 2. punct. 5. n. 101. 102.

Ratio primi est: quia irritatio pœnalis sequitur conditiones legis pœnalis: sed ista ordinariè, nisi aliud expresse statuatur, non obligat nisi post Judicis sententiam: ergo & ista irritatio pœnalis. Unde si lex aliqua irritet contractum venditionis mercium aliquarum, de quibus gabella non fuerit soluta, manebit contractus in suo robore, donec à Judice rescindatur; quia pœna hujus legis propriè intendit jus quæsitum tollere.

Ratio secundi est: quia irritatio legis, quan-

tumvis sit pœnalis, debet habere effectum, vel cum ipse actus ponitur, vel post ipsius positionem per sententiam Judicis: atqui hoc secundo modo habere non potest, ut supponitur: ergo in ipsa positione actus redditur ipsum invalidum: atque ita contingit in matrimonio contracto ab uxoricida, vel adultero cum promissione matrimonii futuri.

CONCLUSIO QUARTA. *Lex purè irritatoria, ubi irritatio vel antecedit, vel comitatur actum, statim sortitur effectum, & actum reddit invalidum absque sententia Judicis, ut in testamento absque debita solennitate, matrimonio clandestino, professione ante 16. annum ætatis, &c. tunc enim lex præscribit formam actui, quâ non servatâ ipso jure sit nullus.* Ita Salmantic. loc. cit.

### §. III.

#### *Resolutio de lege in presumptione fundata.*

NOTA ex dictis, Præsumptionem, in qua lex fundatur, aliam dici præsumptionem juris, vel periculi, aliam dici præsumptionem facti. Illa est, quæ non fundatur in aliquibus indicis, sed in judicio moraliter certo, quod ex tali actu vel contractu non quidem in omni particulari casu, sed tamen regulariter & ut plurimum fraus, vel damnum eveniat, ideoque per illam non præsumitur aliquod factum, sed periculum fraudis, vel damni. Præsumptio facti, & propriè facti, est, quæ fundatur in judicio ex certis indicis deficiente, factum hoc & hoc modo se habere. Unde & lex in tali præsumptione fundata est conditio-nata, si videlicet factum ita se habeat, sicut à legistatore, vel præcipiente [nam quæ de lege hic dicuntur, eadem de præcepto velim intelligas] judicatur. Quo posito sit

CONCLUSIO QUINTA. *Lex fundata in præsumptione juris habet suum effectum, etiamsi falsificetur præsumpta fraus, vel damnum in aliquo casu particulari.*

Ratio est: quia cum finis & motivum principale legislatoris subsistit, manet legis obligatio: sed etiamsi præsumptio falsificetur in uno alterove particulari casu, adhuc tamen motivum principale legislatoris subsistit: nempe bonum Reipubl., periculum moraliter certum, & evitatio incommodorum, scandalorum &c. quæ ut plurimum evenire solent: ergo manet legis obligatio. Ideo lex irritans votum solenne ante annos pubertatis emissum, fundata in præsumptione, quod ante illam ætatem desit iudicii requisita maturitas, ideoque gravia scandala oriuntur, etiam in illo locum habet, qui sufficiens iudicium non deficit: præsumptio quippe legis non est de iudicii defectu in singulis, sed in plerisque; & de scandalis quæ exinde oriuntur.

Confirmatur exemplis: Lex Tridentini, quâ irritantur matrimonia clandestina, innititur præsumptioni fallaciarum, quæ ejusmodi matrimoniis miseri solent; nec ideo amittit robur, quantumvis in casu particulari nulla intercedat fallacia. Lex irritans professionem ante completum 16., & matrimonialem contractum ex parte maris ante 14. annum, & ex parte femine ante 2. ætatis annum, præsumit defectum sufficientis iudicii & pru-



& prudentiæ ante illum annum ætatis, nec tamen suo frustratur effectu, si in casu particulari oppositum invenitur. Lex irritans testamenta sine substantiali solennitate facta, tenet, tametsi in casu aliquo absit fraus quam præsumit: & lex irritans contractus pupillares absque autoritate tutorum initos, retinet suum vigorem, tametsi in aliquo casu nollum pupillo damnum imminet, in cuius præsumptione illa fundatur.

13. **CONCLUSIO SEXTA.** *Leges & præcepta in præsumptione facti fundata non obligant in conscientia, quando fallit præsumptio.* Ita Suar. l. 3. c. 23. Sotus de Just. l. 1. q. 6. a. 4. Paluas tract. 3. disp. 1. punct. 14. cum communi.

Ratio est primò: Præsumptio legis vel ideo est falsa, quia lex præsumit aliquem actum esse licitum, qui tamen jure naturali, vel divino esse illicitus; vel quia lex præcipit aliquem actum licitum, sed tamen propter præsumptum aliquod factum, quod à parte rei non invenitur. Si primo modo præsumptio est falsa, per se clarum est, quòd tunc lex humana vigorem legis amittit, cum nulla possit dari obligatio ad peccandum, legisque Divinæ & naturalis vinculum longè fortius stringat, quàm ullius legis humanæ. Et patet ex c. inquisitione, de sent. excomm. ubi præcipitur, quòd si quis sciens in contraxisse matrimonium, per sententiam iudicis sub pœna excommunicationis cogatur ad cohabitandum, & utendum matrimonio, debeat potius sententiam excommunicationis humiliter sustinere,

quàm per carnale commercium peccatum operari mortale. Si secundo modo, rursus nulla est legis obligatio, hæc quippe non intendit obligare, quando fallit præsumptio, eò quòd recta ratio dicit, veritatem falsæ præsumptioni debere præferri, c. veritatem. dist. 8. ideoque in foro externo admittitur probatio contra præsumptionem.

Ratio est secundò. Deficiente motivo & intentione obligandi, nulla est legis obligatio: sed si præsumptio facti est falsa, deficit motivum & intentio obligandi: ergo tunc nulla est legis obligatio. Minor probatur. In lege conditionata, deficiente conditione etiam deficit legis motivum, & intentio obligandi: sed lex in facti præsumptione fundata, est saltem tacite conditionata, si nimirum veritas facti ita se habeat, sicut præsumitur: ergo fallente hac conditione deficit legis motivum & intentio obligandi.

Ex quibus deduces primò: Illum, qui per iudicis sententiam condemnatur solvere pecunias alteri, qui per falsos testes probavit, ipsum esse debitorem, non teneri solvere; & si cogatur, posse uti occultâ compensatione, si sciat, se non esse debitorem. Secundò. Illum, qui scit se alterius bona malâ fide, & sine legitimo titulo possidere, non posse illa titulo præscriptionis retinere, si altera pars in probanda malâ fide deficiat, quia lex præscriptionis præsumit bonam fidem, & legitimum titulum possidentis. Ita Salmantic. loc. cit. cum DD. à se citatis.

## ARTICULUS IV.

### Quanta sit legis humanæ obligatio?

#### SUMMARIA.

1. Potest lex humana inducere obligationem sub mortali.
2. Transgressio legis ex contemptu est peccatum mortale.
3. Ideo proponens committere omnia venialia peccaret mortaliter.
4. Obligatio colligenda ex verbis legis.
5. Gravitas obligationis bene colligitur ex gravitate pœne adjectæ.
6. Non potest dari gravis obligatio in materia levi.
7. Ad eruendam gravem obligationem consideranda est gravitas materie.
8. Unde attendenda gravitas, vel levitas materie.
9. Sententia negantis gravi levem obligationem in gravi materia primum & secundum fundamentum discutitur.
10. Responsio contrarie partis examinatur.
11. Alia & vera responsio.
12. Tertia ratio à paritate levis materie petita dissolvitur.
13. 14. 15. Sententia affirmantis rationes ponderantur.
16. Resolutio pro parte affirmante cum distinctione.
17. Disparitas inter gravem & levem materiam.
18. Si exprimeretur gravis obligatio in materia manifeste levi, foret levis obligatio.
19. Lex humana per se ordinariè non obligat cum vitæ discrimine.

20. Subinde tamen per accidens;
21. Et aliquando per se.

#### §. I.

##### Gravitas obligationis ex gravitate materie.

Quod lex humana possit inducere obligationem sub mortali, jam ex præmissis constare potest: idque probat primò autoritas S. Scripte, ubi præceptum de abstinendo à suffocatis Act. 15. vocatur necessarium. Matth. 15. dicitur: *Qui Ecclesiam non audierit, sit tibi sicut ethnicus & publicanus.* Rom. 13. *Qui autem resistunt, ipsi sibi damnationem acquirunt.* Ratio sæpius indicata est, quòd obligatio manans ex lege æterna DEI & naturali potest esse gravis & sub mortali, si materie gravitas patiatur: sed efficacia obligandi in lege humana dimanat ex lege æterna DEI, & naturali, quâ jubemur obedire potestatibus superioribus: ergo.

Certum est ex S. D. 2. 2. q. 105. a. 1. & 186. a. 9. & comm. DD. Toties committi mortale peccatum, quoties sit transgressio legis ex perfecto & formali contemptu illius, quamvis fiat in materia levi. Ratio est: quia per verum ac formalem contemptum læditur graviter charitas, & gravis infertur injuria legislatori. Cæterum formalis & perfectus contemptus legis non cen-

Rr 3

setur

setur esse, quando quis in particulari casu non vult parere Superiori, cò quòd res ipsa in se si levis, vel cùm pessime, aut consuetudine inducitur ad transgressionem præcepti: sed cùm ex malitia præcepto adversatur, ut nempe contrario adu vel omissione adus præcepti offendat, se nolle subijci suo legitimo Superiori.

3. Ex quo infero, illum, qui proponeret, omnia peccata venialia committere, non venialiter, sed mortaliter peccaturum: nam esto, quòd omnia venialia simul sumpta non constituent in seipsis peccatum mortale; cùm tamen ejusmodi propositum non posset capere, ex motivo delectabilitatis reperiatur in objectis omnium peccatorum venialium, sed ex pura malitia & libidine transgrediendi præceptum divinum, quo venialia prohibentur, ejusmodi propositum gravem contemptum Divinæ autoritatis, & læsionem charitatis in se includeret, ut rectam, cumulum omnium peccatorum venialium in se claudere proximas occasione etiam peccandi mortaliter, sub mortali prohibitas.

4. Certum est secundò, obligationem legis dependere ex voluntate legislatoris, qui si utatur verbis non solum voluntatem, sed etiam præceptum significantibus, ut *jubeo, impero, præcipio, prohibeo, nemini liceat*, &c. tametsi nullam faciat expressam mentionem obligationis in conscientia, nihilominus obligare censetur. Quando nam verò hæc obligatio sit gravis, aut levis, est quæstio difficultioris indaginis, quæ Authores in diversas spargit sententias. De quo

5. Certum est tertio. Nisi constet ex tenore legis, ipsam esse purè poenalem, tunc ex gravitate poenæ adjunctæ transgressionis præcepti rectè colligi gravitatem obligationis. Ita Suar. l. 3. c. 26. & Clariss. D. Clette in qq. seledis q. 3. n. 13. cum pluribus citatis. Ratio est primò: quia de legislatore præsumi debet, quòd legem prudenter considerit: atqui levi culpæ prudenter non adjicitur gravis poena, sed culpæ gravi: ergo si gravis poena adjicitur delicto, non potest præsumi quòd sub levi culpa sit obligatio. Secundò: quia secundum S. August. l. 2. de bapt. c. 6. in lictera legis antiquæ divinæ, ex adjunctione gravis poenæ rectè colligebatur gravitas culpæ & transgressionis, cùm lex dicebat: *Peribit anima illa de populo suo*: ergo similiter ex gravitate poenæ à lege humana impostæ rectè colligitur gravitas obligationis.

6. Certum est quarto. Quantitatem & gravitatem obligationis non dependere à sola intentione legislatoris, sed etiam à quantitate materiæ, cui applicatur obligatio: nam gravis obligatio necessariò requirit gravitatem materiæ; ita ut non sit in potestate legislatoris humani obligare sub mortali in materia levi: nam primò fundamentum hujus obligationis est materiæ capacitas: atqui materia levis est incapax gravis obligationis: ergo illi gravis obligatio non potest imponi. Secundò, quia ejusmodi lex seu præceptum foret irrationabile & injustum: irrationabile, quia pro re levi obligaret ad poenam æternam; & necessitatem consequendæ salutis ac conservandæ Divinæ amicitia in re levi constitueret: Esset injustum, quia *alligaret onera pro-*

*via & importabilia*, Matth. 23. Tertio: hæc neque lex naturalis, neque Divina in re levi graviter obligant. Quarto: quia talis lex non esset in edificationem, sed destructionem, venenum boni communis, non antidotum. Quintò. Quis toleret à Principe poenam mortis imponi pro levi transgressionem? quantò ergo iniquius imponitur per gravem obligationem reatus poenæ æternæ? Quæ obijci possunt, in decursu diluentur.

Certum est quintò. Si legislator suam intentionem graviter vel leviter obligandi sufficienter non explicet, considerandam esse quantitatem materiæ, ita ut leges humanæ in gravi materia graviter, in levi leviter obligent: quia in omni lege requiritur aliquod determinativum, quo in particulari determinetur, an obligatio legi intrinseca, simulque imbibita lex naturæ, quæ jubemur obedire Superioribus jussu præcipientibus, sit gravis & sub peccato mortali; an levis, & sub peccato veniali. Cum ergo in hac hypothesis nihil aliud adsit determinativum, recurrendum est ad gravitatem materiæ. Præterea legislator humanus, nisi aliud exprimat, præsumitur efficaciam legis ad mensuram capacitatis materiæ: sed materia est capax gravis obligationis.

Dices: In dubio benignior interpretatio est facienda: ergo si non constet de mente legislatoris, potius præsumendum est, leviter voluisse obligare, quàm graviter.

Respondeo negando suppositum: non enim hoc casu est propriè dubium de voluntate graviter obligandi: voluntas quippe absolute obligandi non supponit pro voluntate obligandi secundum quid, qualis est obligatio sub veniali; sed pro voluntate obligandi simpliciter. Causa quoque sufficienter applicata in materia capaci, operatur effectum, quantum potest, nisi aliunde ipsius activitas limitetur: atqui lex applicatur materiæ capaci gravis obligationis, neque limitatur à voluntate legislatoris, cui soli subest ipsius activitas: ergo producit moralem suum effectum obligationis, quantum potest; adeoque graviter obligat.

Ceterum levitas aut gravitas materiæ non semper attenditur penes intrinsecam prædicatam, quæ sub præceptum cadit: potest enim in ipsa legis materiæ alia reperiri gravitas vel levitas materialis, alia formalis. Materialis est, quæ accipitur ex latitudine proprii generis & objecti, sub quo materia præcepta vel prohibita continetur, e.g. comestio pomi intra genus comestionis, mixtio aquæ modicillimæ cum vino in calice, intra genus mixtionis; brevis frequentatio alicujus personæ in genere familiaritatis & conversationis sunt levis materia. Formalis est, quæ sumitur ex habitudine, connexione, & necessitate ad virtutem, vel finem à legislatore per se intentum: cùm enim materia præcepta à legislatore assumatur tanquam medium ad obtinendum finem à se intentum: idcirco, sicut bonitas mediorum formaliter est respectiva per ordinem & habitudinem ad finem; sic etiam gravitas & levitas materiæ formaliter desumenda est per ordinem ad finem à legislatore intentum, ut proinde materia, in se gravis materialiter, fieri possit levis formaliter.

ter, cò quòd non habeat magnam & necessariam connexionem cum fine à legislatore per se intento. Ut si in aliqua Religione sit præceptum jejunandi in certis profectis, vicissim quoque materia levis fieri possit gravis formaliter ob magnam connexionem cum fine per se intento: unde comestio pomi prohibita Adamo non erat levis materia, quia abstinencia ab illo pomo erat imperata in protestationem debitæ subjectionis ad voluntatem Divinam, quo modo erat materia gravis formaliter. In sacrificio Missæ infusio aquæ non est levis materia, quia ordinatur ad tremendum Sacrificium & Sacramentum Corporis Christi, mysticamque significationem ipsius: Frequentatio alicujus domus vel personæ non est levis materia, quando prohibetur ad evitandum grave peccatum, vel scandalum, cujus probabile periculum vel proxima occasio exinde incurritur.

Porro triplex est finis præcipuus & ultimus legislatoris humani, ut observant Salmantic. hic c. 2. p. 2. n. 24. Ecclesia per suas leges & canones præcipue intendit salutem animarum. Prælati Regulares per se primò intendunt observantiam votorum & studium perfectionis. Magistratus politici pacem, bonam conservationem & communem tranquillitatem Reipublicæ. Ideo præcepta valde necessaria ad virtutem charitatis, Religionis, iustitiæ, votorumque observantiam, plerumque supponuntur habere gravem materiam, quæ verò non valde necessariò, sed remotè, & ad melius esse conducunt, censentur habere materiam levem.

## §. II.

*Possitne in gravi materia dari levis obligatio.*

**H**is positis adhuc dubitatur, possitne legislator humanus in materia gravi inducere obligationem levem sub culpa veniali, si illud sufficienter exprimat? Et quidem negativam tenent Tapia, Montesin. Bellarmin. Reginaldus, Azor, Vasquez, Becanus apud Salmantic. loc. cit. n. 19. Theologi S. Galli sect. 3. q. 1. & Augustinus à V. M. quam tenui in Theob. de legibus c. 5. §. 4. Et ratio est primò. Non est in potestate legislatoris humani restringere obligationem juris naturalis: sed ex hypothesi, quòd legislator humanus prohibeat vel imperet materiam gravem, lex naturalis, quæ jubet obedire Superioribus iusta præcipientibus, concomitanter obligat in materia gravi: ergo legislator humanus non potest restringere obligationem juris naturalis: atqui ista in materia gravi est lex gravis: ergo non potest ab humano legislatore impediri quo minus sit obligatio gravis in materia gravi.

Sed huic argumento à contraria parte occurritur: Estlo, obligationem remotè radicari in lege naturæ; proxima tamen causa ipsius est voluntas præcipientis in materia ex se indifferente, & capaci vel nullius, vel gravis, vel levis obligationis. Sicut ergo lex naturalis nullo modo obligat, v.g. ad abstinendum à carnibus, quando legislator non vult obligare ad abstinendum, ita nec graviter obligabit, quando Superior non vult graviter, sed tantum leviter obligare: non enim lex naturalis graviter obligat ad parendum Superio-

ribus graviter non obligantibus. In forma igitur distinguitur major. Non est in potestate legislatoris humani restringere obligationem juris naturalis immediatè influentem, & independenter à voluntate præcipientis, concedo majorem; tantum remotè & mediatè influentem, ac dependenter ab intentione præcipientis, nego majorem: Et sic distinctà minore, negatur consequentia.

Ratio est secundò. Radix malitiæ mortalis, aut venialis non est voluntas Legislatoris, sed natura objecti, quæ si dicat gravem repugnantiam cum charitate & lege, fundat mortalem; si levem, fundat venialem malitiam. Unde nec Divina voluntas, quamvis liberrima in ferendis legibus, potest esse causa, ut in materia gravi potius sit levis, quam gravis obligatio: quia gravitas vel levitas malitiæ formaliter provenit ex gravi vel levi repugnantia cum recta ratione: sed transgressio Legis Divinæ in gravi materia habet gravem repugnantiam cum recta ratione: ergo transgressio legis Divinæ in gravi materia hoc ipso non potest prohiberi sub veniali peccato tantum.

Huic argumento obviat Clariss. D. Cleto loc. cit. negando, quòd in materia indifferente radix malitiæ mortalis, aut venialis unicè fundetur in natura objecti, sed tantum quòd habeat capacitatem gravis repugnantia cum lege & recta ratione, quòd autem actu graviter repugnet, id pendere ex arbitrio Legislatoris, quia materia indifferens ex objecto non est mala, nisi quia prohibita.

Verum non enervat vim argumenti responsio: quia tamen antecedenter ad obligationem materia legis sit indifferens, ut recipiat obligationem, vel non: non tamen est indifferens consequenter, ut recipiat gravem, vel levem obligationem, quia obligatio recipitur juxta modum objecti, quòd cum sit materia gravis, fit etiam obligatio gravis. Unde consequenter ad positam legis obligationem in materia gravi, eo ipso est obligatio gravis. Idque roboratur hac ratione. Proxima radix malitiæ in transgressione legis est ipsius inordinatio & repugnantia objectiva cum lege, sed posita obligatione in materia gravi non potest non resultare gravis inordinatio objectiva contra legem & rectam rationem: ergo eo ipso quòd imponatur materiæ gravi obligatio, exinde resultat proxima radix gravis malitiæ, & consequenter est obligatio sub mortali. Si respondeas: Minorem esse veram, posità gravi obligatione, non autem posità non gravi, respondes per id quòd est in questione: quid enim aliud controuertitur, quàm utrùm sit in potestate Legislatoris in materia gravi levem obligationem imponere? Neque placet, quòd admittit Suar. cit. c. 27. n. 10. *In his, quæ tantum sunt mala, quia prohibita, rationem peccati mortalis, aut venialis remotè pendere à voluntate hominis, in quantum à voluntate hominis pendet ponere, vel non ponere præceptum prohibens, & ponere tale, vel tale præceptum*: etsi enim obligatio ad aliquem actum ponendum, vel omittendum pendeat à voluntate hominis tanquam causà, ipsa tamen inordinatio & repugnantia objectiva cum recta ratione, quæ reperitur in materia prohibita, estque radix proxima



xima formalis malitiæ mortalis, aut venialis, non pendet neq; remotè ab hominis præcipientis voluntate, sed connaturaliter consequitur & refultat in materia prohibita, posita prohibitionem solum tanquam conditione, non verò tanquam causâ. Aliàs concedendum erit, rationem malitiæ mortalis & venialis remotè pendere à Divina voluntate, quia nisi esset Divina lex, nullum esset peccatum, ut probavimus in Tract. de pecc. personali. Sic pariter peccabilitas hominis dependeret à voluntate Divina: quia à DEI voluntate dependet creare vel non creare hominem, quâ creatione supposita necessarium est hominem esse peccabilem, ut dictum in Tract. de Ang.

11. Ideo responderetur ad argumentum, permissio primo membro antecedentis, distinguendo alterum: Radix malitiæ mortalis aut venialis est natura objecti &c. ita tamen, ut in materia extrinsecè tantum & ideo mala, quia prohibita, habeat latitudinem & capacitatem majoris vel minoris inordinationis dependenter ab intentione Legislatoris, concedo; ut non habeat talem capacitatem, nego.

Unde, inquis, habet istam capacitatem? Ex eo, inquam, quia materia indifferens, quantumcunque in suo genere & materialiter gravis, ut est perpetua abstinencia à carnibus, & per aliquam legem præcipiatur, induit rationem mediæ ad finem à Legislatore intentum, unde si Legislator judicet, se melius assequi finem v. g. perfectionis & charitatis, non constituendo abstinenciam in ratione mediæ necessariæ ad finem intentum per gravem obligationem, sed tantum assumendo ut medium rationabile, & status Religiosi perfectioni valde accommodum per levem obligationem, abstinencia à carnibus non erit amplius materia gravis formaliter & in ratione mediæ, neque ipsius violatio continebit gravem, sed levem inordinationem & declinationem à charitate & amicitia Divina; quo modo vix unquam contingit alicui statuti & regulæ voluntaria transgressio absque causa rationabili, quæ non sit culpa venialis.

12. Ratio deductur tertiò ex paritate levis materiæ: Non potest Legislator imponere gravem obligationem in materia levi juxta prius dicta: ergo neque levem obligationem in materia gravi: æquè enim est improporatio inter levem materiam & gravem obligationem, quàm inter materiam gravem & levem obligationem; & sicut materia levis parit levem, sic materia gravis parit gravem deordinationem & repugnantiam cum rectatione.

Respondetur communiter, in eo esse disparitatem, quòd materia parva non habeat capacitatem gravis obligationis, habeat autem gravis materia capacitatem etiam levis obligationis. Contra tamen datam responsionem militat, quòd etiam materia parva potest cadere sub gravem obligationem, uti patet in exemplis supra positis de pomo Adami &c. Si dicas: tunc non esse materiam parvam formaliter; idem ego dicam de materia gravi non esse gravem formaliter. Ideoque

Respondet secundò distinguendo consequens: ergo non potest Legislator imponere levem obli-

gationem in materia formaliter & aqualiter gravi, concedo; in materia tantum materialiter & potentialiter gravi, nego consequens: formale enim gravitatem non habet ab intrinseco & ex natura rei, sed ab extrinseco, & ab intentione Legislatoris, illam connectente cum suo fine vel ut medium necessarium, vel ut medium non necessarium, illud per gravem, istud per levem obligationem, & sic erit materia formaliter vel gravis, vel levis.

Pro sententia affirmativa, quam tenent Suarez 13. & Salmantic. citati, item Magnif. P. Pertschacher & Clariss. D. Cletle II. cc. cum communiori, posse à Legislatore in gravem materiam induci levem obligationem, militat plures rationes. Primò adducitur praxis variarum Religionum, quarum regulæ & statuta etiam in gravi materia, ut est abstinencia perpetua à carnibus apud PP. Carmelitas Discalc. frequenter tantum obligant sub veniali. Communis tamen est responsio. Regulas in isto casu non esse propriè præceptivas, sed simpliciter directivas, quæ tamen ratione adjunctæ negligentiz vix unquam sine veniali peccato deliberatè violantur.

Neque urget, quod replicant Salmantic. ejusmodi statuta fieri ab habente jurisdictionem & potestatem præceptivam, & esse confirmata à Sede Apostolica. Nam potestas præceptiva non insert præceptum, nisi exprimat, & confirmatio Sedis Apostolicæ præcisè non imponit novam obligationem, sed tribuit solummodo robur auctoritatis, juxta statum, in quo Regulæ reperiuntur. Vel melius responderi potest secundò. In tali casu, si præcepto leviter obligante constet, materiam præceptam non esse gravem formaliter, sed tantum materialiter, modo primò exposito.

Ratio est secundò. Nulla est repugnantia neque ex parte materiæ, neque ex parte præcipientis, ut materia gravis & de se indifferens recipiat levem obligationem: ergo illam potest recipere. Antec. quoad 1. partem probatur: Materia gravis ideo est indifferens, quia ab intrinseco non exigit esse prohibita sub gravi obligatione, imò nullo modo petit esse prohibita, vel præcepta: ergo sicuti non repugnat ipsi, nullo modo esse prohibitam, sic etiam non repugnat, non esse prohibitam sub gravi obligatione: ergo potest esse prohibita sub minori & levi obligatione. Quoad secundam partem probatur: Quia causa moralis libera non habet necessitatem explicandi totam adivitatem, quam potest: sed Legislator est causa moralis & libera obligationis per suam voluntatem: ergo non habet necessitatem explicandi totam virtutem obligatoriam: ideo primò potest omnino cohibere virtutem obligatoriam, proponendo materiam gravem solum per modum consilii: potest secundò obligationem derivare ad solam pœnam, vel disjunctivè ad adum, vel pœnam: potest tertiò gravem materiam prohibere vel præcipere sub pœna levi, cujus omisio tantum sit venialis, quamvis potuisset prohibere sub pœna gravi: cur ergo non etiam sub levi culpa?

Respondet prior sententia, esse repugnantiam ex parte utriusque: ex parte materiæ, quia illa licet



licet antecedenter ad legem sit indifferens, supposita tamen obligatione legis connaturaliter parit gravem inordinationem objectivam, aliàs esset, & non esset gravis materia. Item ex parte præcipientis, quia supposita per ejus præceptum applicatione legis naturalis ad materiam gravem, non est in ejus manu, ut impediatur, quin resulet gravis deordinatio & repugnantia ad rectam rationem. Ad 1. partis probatur in contrarium distinguitur antecedit. Materia gravis est indifferens, quia ab intrinseco non exigit esse prohibita sub gravi obligatione, antecedenter ad præceptum, concedo; consequenter, nego. Ad 2. partis probationem distinguitur major: non habet necessitatem explicandi totam activitatem in iis quæ simpliciter dependent ab ejus voluntate, concedo; quæ non simpliciter dependent, nego. Quamvis igitur pendeat ab intentione ferentis legem, ut obligatio applicetur huic determinatæ materiæ; semel tamen applicata recipitur ad modum recipientis, unde in materia gravi parit gravem obligationem, in levi levem. Unde adductæ instantiæ nihil evincunt. Non prima, quia in illo casu nulla obligatio applicatur materiæ, quod est in potestate obligantis: non autem est in potestate limitare magnitudinem obligationis. Neque secunda, quia rursus est in potestate præcipientis huic, vel illi materiæ, ad cui vel pœnæ applicare obligationem. Non tertia, quia pœna tanquam aliud bonum potest esse effectus dependens à voluntate præcipientis, quem proinde potest moderari: at culpa aliena non potest esse effectus dependens à voluntate Legislatoris: cum habeat solum causam deficientem, adeoque nec gravitas vel levitas ipsius potest taxari à Legislatore.

15. Contra prædictas tamen responsiones proponitur Ratio ulterior tertiò. Effectus moralis non potest poni sine consensu voluntatis: sed cum Legislator in gravi materia vult leviter obligare, nullus adest consensus ipsius, ut oriatur gravis obligatio; imò non vult graviter obligare: ergo neque potest oriri gravis obligatio: Vel ergo oritur levis tantum obligatio, vel nulla. Non nulla, quia Legislator intendit obligare, idque potest; quis enim ligat liberam voluntatem præcipientis, cum materia quoque capax gravis obligationis, non idcirco efficiatur incapax levis obligationis? ergo oritur levis tantum obligatio.

16. Huic posteriori tanquam probabiliori sententiæ assentior. Adverto tamen, ex hypothesi, quod Legislator leviter obliget in materia gravi, tunc materiam non esse gravem formaliter & in ratione medii, sed tantum materialiter & in esse rei. Quo sensu primæ sententiæ fundamenta subsistunt: Posterior verò sententia loquitur de materia gravi materialiter & in esse rei. Ratio hujus est, quod materia indifferens accipiat rationem medii à libera subordinatione præcipientis ad finem per se intentum: si ergo per levem obligationem velit hanc materiam non esse medium necessarium ad obtinendum suum finem, eo ipso non erit materia formaliter gravis; fin verò per gravem obligationem velit esse necessarium connexionem, erit formaliter gravis.

R. P. Mexg. Schol. Tom. II.

Colliges primò. Inter gravem & levem materiam hanc esse disparitatem, quod etiam si levis materia per extrinsecam connexionem cum fine operantis possit aliquando gravitatem formalem inducere, hæc tamen non præsumitur, nisi illam Legislator sufficienter significet: e contra nisi Legislator exprimat se nolle graviter obligare in materia materialiter gravi, semper præsumitur graviter obligare, siquidem talis materia habet intrinsecam capacitatem, ut assumatur pro medio necessario ad conservationem amicitiz Divinæ, vel alterius finis per se intenti, quam ab intrinseco non habet materia levis.

Colliges secundò. Posito quod Legislator exprimeret, gravem obligationem circa materiam manifeste levem, v. g. levitatem in risu, somnolentiam voluntariam tempore meditandi, non fore obligationem gravem, sed levem; quia tunc impeditur gravitate obligationis, cujus materia non est capax, non ideo impeditur omnis & levis obligatio, cujus materia est capax, adeoque saltem erit levis obligatio sub veniali peccato.

### §. III.

*An, & quando sit obligatio legis humana cum periculo vitæ?*

Quæstioni propositæ satisfacimus triplici assertionione.

CONCLUSIO PRIMA. *Lex humana secus scandalum & contemptum per se ordinari non obligat, quando ex ejus observatione imminet periculum mortis, vel alterius gravis damni, e. g. morbi, infamiae, &c.* Ita communis DD.

Ratio est primò. Lex Divina & naturalis non semper obligat cum vitæ periculo, ergo multò minus lex humana. Antec. quoad legem naturalem patet; quia nemo tenetur reddere depositum, restituere famam, tenere naturale secretum, quando exinde probabiliter mors imminet. De Divina lege constat ex 1. Reg. 21: ubi David famis necessitate coactus comedit panes propositionis alioquin Laicis interdictos. Secundò in c. consilium de observ. jejun. declaratur, quod lex humana in gravi necessitate non obliget. Tertiò. Legis obligatio est propter bonum commune: sed sæpe magis confert ad bonum commune, ne pars communitatis morietur, aut aliud grave malum patiatur, quam ut lex observetur: ergo lex in tali periculo ad sui observationem sæpe non obligat.

CONCLUSIO SECUNDA. *Lex humana subinde per accidens obligat sub discrimine vitæ, aut alterius gravis damni.* Est communis DD.

Ratio est: Lex humana tunc ita obligat, quando ex ejus transgressione sequitur, aut cum illa conneditur alterius præcepti naturalis vel divini gravis transgressio: sed hoc quandoque contingit, ut si ex comestione carnis die Veneris inter Catholicos daretur grave scandalum, aut contemptus Religionis Summive Pontificis apud hæreticos oriretur, deberes sub mortali abstinere non obstante periculo gravis morbi, vel mortis ipsius.

CONCLUSIO TERTIA. *Lex humana etiam si per se obligat cum vitæ & gravis damni discrimine,*

21

[21] que-

[2.] quotiescunque boni communis magis interest observatio legis, quam vita subditi.

Ratio 1. partis est: Potestas Legislativa ordinatur ad conservationem totius communitatis: sed aliquando nequit conservari tota communitas, nisi pars exponatur periculo vitæ pro bono totius, veluti cum in bello milites, cum tempore pestis medici ad curanda corpora, Sacerdotes ad ministranda Sacramenta exponuntur: ergo lex hoc potest præcipere.

Secunda pars, quæ explicat, undenam dignosci possit, quando lex humana obliget cum vitæ discrimine, probatur: Cum finis primarius legis sit bonum commune, tamdiu viget legis obligatio, quamdiu ipsius observatio est necessaria pro bono communi: sed in casu, quo boni communis magis interest observatio legis, quam vita

subditi, legis observatio est necessaria pro bono communi, non obstante vitæ periculo: ergo etiam hoc non obstante viget ipsius obligatio.

Hinc optimè colligit Magnif. P. Perschacher discrimen inter legem Divinam, & humanam; quod cum lex Divina non obligat cum vitæ aut alterius gravis boni dispendio, id tribuendum sit Divinæ benignitati, temperantis usum suæ supremæ potestatis & dominii in nostram vitam & corpora: cum verò lex humana non obligat cum ejusmodi dispendio, id sit adscribendum defectui potestatis, quia legislator humanus ab auctore naturæ mediante communitate non accipit potestatem disponendi de vita & bonis subditorum nisi in ordine ad salutem, & bonum communitatis.

## ARTICULUS V.

### Quinam obligentur lege humanâ?

#### SUMMARIA.

1. *Alia via legis directiva, alia coactiva.*
2. *In statu Aristocratico quilibet ex Optimatibus directè obligatur.*
3. *In materia dedecente statum Principis, ipse non obligatur suâ lege.*
4. *Neque obligatur suâ lege quoad vim coactivam.*
5. *Tenetur Princeps lege, quæ tantum est suâ quoad modum.*
6. *Tenetur suâ lege per accidens ratione scandali, vel pælli.*
7. *Princeps quoad vim directivam tenetur suis legibus.*
8. *Non directè. 9. Sed indirectè.*
10. *Quomodo teneatur Princeps lege irritatoriâ?*
11. *Obligatio Principis non est ex sola decencia naturali.*
12. *Transgrediendo suam legem in gravi materia peccat mortaliter contra illam virtutem, ad quam materia præcepta pertinet.*
13. *Objectiones solvuntur.*
14. *Indirecta obligatio Principis non nascitur ex pælli.*
15. *Princeps per se non obligatur lege municipali.*
16. *Ecclesiastica persona neque directè, neque quoad vim coactivam obligantur per leges civiles.*
17. *Neque obligantur legibus suum statum dedecentibus.*
18. *Clerici indirectè obligantur legibus civilibus commune concernentibus.*
19. *Argumentum oppositum diluitur.*
20. *Infantes & amentes non obligantur humanis legibus.*
21. *Pueri post usum rationis subjunguntur legibus humanis juxta ætatis capacitatem.*
22. *Et incurrunt censuras annexas.*
23. *Præsentia subditi alia physica, alia moralis.*
24. *Subditi etiam moraliter absens non tenentur lege sui territorii.*
25. *Disparitas inter legem & præceptum.*
26. *Non obest, tamen si subditi excedat territorio ad evitandam obligationem legis.*

27. 28. *Corollaria practica.*
29. *Peregrinus per animum permanendi in aliquo loco acquirit ibi domicilium, & tenetur legibus loci.*
30. *Advene volentes longo tempore habitare subjunguntur loci legibus.*
31. *Peregrini transientes tenentur legibus communibus.*
32. *Et necessarii ad conservationem boni publici:*
33. *Isq. quibus prescribitur forma contractibus.*
34. *Legibus particularibus non tenentur.*
35. *Solvuntur Objectiones.*
36. *Vagi subjunguntur legibus loci.*

#### §. I.

##### An Princeps teneatur suis Legibus?

Nota, vim & efficaciam legis esse duplicem, 1. directivam, & coactivam. Illa est, quæ obligationem inducit in conscientia; ista, quæ transgressorem penâ impositâ coercet, eique reddit obnoxium. Rursus: obligatio in conscientia potest à vi directiva provenire vel directè, vel indirectè. Directè, si causa obligandi sit ipsa lex & voluntas Legislatoris; indirectè, si lex & voluntas Legislatoris tantum sit occasio, ut obligatio aliunde resulter. E. g. subditi directè obligantur lege territorii, quia subjunguntur jurisdictioni Principis legem ferentis; non subditi jurans se servaturos leges territorii, indirectè obligantur, quia lex est ipsi occasio, ut juramento ligentur. Hoc posito

Certum est primò, quod, in statu Aristocratico, ubi Optimates dominantur, & in statu Democratico, ubi summa potestas est penes cœterum populi, quilibet ex Optimatibus, & ex populo directè obligetur publicatis legibus, quæ in prioribus statu senatûs consulta, in posteriori plebiscita vocantur; quia quilibet ex Optimatibus & popularibus est verus subditus respectu totius cœtus, tum optimatum in statu Aristocratico, tum populi in statu Democratico, adeoque directè obli-

uari potest. Igitur questio procedit de Legislatore Monarchico, h. e. Principe Ecclesiastico, vel seculari, de quo

3. Certum est secundò. Si lex contineat materiam subditis propriam, cujus observatio dedecet dignitatem & statum Principis, tunc eundem suâ lege nullatenus obligari, ut si lex jubeat, ne quis gladius incedat, &c. Unde rursus procedit questio in materia Principi civibusque communis, ut si sit lex de servando jejuniis, certo rerum pretio, &c.

4. Certum est tertio. Principem non obligari suâ lege quoad vim coactivam, quia cogere, & penas infligere est actus extrinsecus à Superiore procedens: sed Princeps Monarchicus non habet se Superiorem: ergo. Igitur loquendo solum de efficacia & vi legis directivæ:

5. Certum est quarto. Principem teneri suâ lege, quæ tantum est humana quoad modum, & quandam materiale determinationem; est verò Divina vel naturalis quoad substantiam: huic enim non minus ipse subijcitur, quam subditi. Sic suppositâ lege taxante valorem monetæ, vel pretium rerum, jure naturali princeps obligatur servare ejusmodi pretium in contradibus. Suppositâ determinatione juris Divini, quo S. Communio præcipitur, ad tempus Paschale, etiam Sum. Pontifex obligatur, &c.

6. Certum est quinto. Principem Legislatorem, quoad vim directivam obligari posse per accedens, nimirum ratione scandali, vel pacti intervenientis, si videlicet pactio se obliget erga suos subditos, eâque conditione principatum suscipiat, quod nullam velit legem ferre, nisi quam ipsemet observet. Ulterius ergo quaeritur: An etiam per se Princeps obligetur suâ lege quoad vim directivam? De quo triplex potissimum est sententia. Prima negat, Principem directè, vel indirectè quoad vim directivam obligari suis legibus, quam tenent Salas disp. 14. sect. 2. Azor l. 1. c. 11. Sangallenses sect. 3. q. 2. Suarez l. cit. aliique censent, obligari directè; communior sententia quam docent Salmanticæ, agnoscit in Superiore obligationem, sed indirectam, in cujus tamen sententiæ explicatione non omnes conveniunt.

7. CONCLUSIO. *Princeps Legislator quoad vim directivam tenetur suis legibus in materia communi, & accommodata tam Principi, quam subditis.* Ita Reding. a. 3. contrav. 3. conformiter ad mentem S. Doct. q. 96. a. 1. ad 3.

Prima pars probatur: nam primò Christus Matth. 23. reprehendit Prælatos, qui multa jubeant, & non faciunt. *Alligant, inquit, onera, & digito suo nolant illa movere.* Secundò, in c. Cum omnes. de constitut. quod D. Th. adducit loc. cit. dicitur: *cum, quod quisque juris in alterum statuit, ipse eodem uti debeat, & Sapientis (Catonis) dicat auctoritas: Patere legem, quam in ipse tuleris, &c. In c. Justum est Princeps legibus obtemperare suis: tunc enim jura sua ab omnibus custodienda existimet, quando & ipse illis reverentiam præbet.* Et ne ista consilii tantum causâ dicta existimetur, ibidem subjungitur: *Principes legibus teneri suis, nec in se posse damnare jura, quæ in subiectis constitunt, justum est* R. P. Mez. Theol. Schol. Tom. II.

*enim vocis auctoritas eorum, si, quod populis prohibent, sibi licere non patiantur.* Unde D. Ambrosi, ep. 32. ad Valentin. Imp. *Cum præscripsisti aliis, præscripsisti etiam tibi, leges enim Imperator fert, quas primus ipse custodiat.* In l. digna vox. C. de legibus. *Digna vox est majestate regnantis, legibus alligatum se Principem profiteri, &c.* Denique D. Th. loc. cit. quantum ad DEI judicium [h. e. in foro conscientiæ] princeps non est solutus à lege, quantum ad vim directivam ejus.

CONCLUSIO SECUNDA. *Hæc obligatio in Principe non provenit directè à propria ipsius lege.*

Ratio est primò. Lex principis, prout habet vim directè obligandi, est ipsius imperium politicum versùs subditos: sed Princeps non est respectu sui ipsius Superior aut Subditi: ergo lex respectu ipsius Principis non habet rationem legis directè obligantis. Secundò. Directa obligatio pendet ex voluntate & intentione Principis: sed Princeps in condenda & publicanda lege intendit alios, non seipsum obstringere: ergo. Nihilominus sit

CONCLUSIO TERTIA. *Princeps indirectè tenetur suis legibus.*

Ratio est: Principem indirectè obligari suâ lege, aliud nihil est, quam ipsum directè obligari à lege naturali, ut se conformet suis subditis in observantia suæ legis, ex hypothesi, quod illam rationabiliter tulerit: sed ita obligatur: ergo. Minor probatur: nam lex naturæ obligat Principem ad procuracionem boni communis: sed hoc maxime pendet à bono exemplo Principis, & conformitate omnium membrorum: nam ut D. Aug. l. 3. confess. c. 8. *turpis est omnis pars suo universo non congruens:* ergo ex suppositione legis rationabiliter promulgatæ, ex consequenti lex naturæ Principem obligat ad observantiam suæ legis. Cum itaque dicitur Princeps esse solutus legibus, & esse supra leges, id intelligendum est de potestate directæ, & coactivæ, non autem de potestate indirectæ; item in hoc sensu, quod leges ex rationabili causa mutare, abrogare, & in iis dispensare possit, non verò quod sit ab omni obligatione immunis, ut habet S. D. loc. cit. Ita docent præter citatos clarissimus D. Cleric. Jurispr. Fundam. l. 1. Tit. 11. §. 5. & Clariss. P. König. Jur. Can. l. 1. Tit. 2.

Colliges secundo. Principem indirectè obligari per legem irritatoriam, in quantum illa inducit obligationem omittendi actum: nam hic militat eadem ratio, quæ in aliis legibus: in quantum verò tollit valorem actus, sic verius non obligatur: cum enim princeps possit in lege dispensare, præsumendum erit, quod in tali casu & puncto secum dispensare voluerit, si contra legem egerit.

Colliges secundo. Contra Salmanticenses, pluresque alios, prædictam obligationem non oriri ex sola honestate & decencia naturali, ut Princeps se conformet suis subditis, ne illas suis subditis reddat suspectas, duras & odiosas; sed etiam quia dicitur lex DEI æterna & naturalis, ut Princeps in materia virtutis, quam pro bono communi necessariam determinaverit, ipse hoc agat exemplativè, quod subditi agunt subjective: non enim minus ipse lege naturæ obligatur suò exemplo,

exemplò, quàm suà lege prospicere bono publico; si ergo iudicet necessarium, suà lege determinare subditis observantiam certæ virtutis, v. g. jejuniis, vel abstinentiæ intra motivum & virtutem temperantiæ; aperiitionem horreorum ad sublevationem pauperum, ex motivo & virtute misericordiæ, observantiam alicujus festi, recitationem Breviarii, frequentationem Sacramenti, &c. ex motivo & virtute Religionis, quod subditi tenentur facere subjective, h. e. vi subjectionis, quâ obligantur obedire Superiori præcipienti, Princeps tenetur facere exemplativè, h. e. ex ratione capitis, quâ non minùs tenetur suò exemplò prospicere bono publico, quàm subditi suò obsequiò. Ex quo ulterius

12. Colliges tertio. Principem transgrediendo suas leges in gravi materia, non tantum peccare venialiter contra honestatem & decentiam conformitatis cum reliquis membris Reipubl. sed etiam mortaliter contra illam ipsam virtutem, cujus materiam suo præcepto observandam determinat. E. g. si tulerit legem propter necessitatem patriæ, ne frumentum efferatur, ne arma, vel equi hostibus vendantur, peccabit contra pietatem in patriam, frumentum efferendo, & arma vendendo, &c. nam suppositâ determinatione certæ materiæ sub motivo alicujus virtutis, non minùs Princeps obligatur lege & dictamine naturali, per conscientiam imperante: *Patere legem, quam ipse tuleris*; quàm subditi, lege & dictamine naturali: *Obediendum est Superiori jussu imperanti*: sed isti fi obligantur, ut peccent contra virtutem, sub cujus motivo materia per legem determinatur: ergo & Princeps suæ legi contrariando hoc modo peccabit.

13. Sed opponunt Theologi S. Galli primò. Neque ex moralibus Principis per se notis, neque ex ulla positiva lege constat, Principem obligari in conscientia ad servandas leges proprias: ergo gratis asseritur. Secundò sequeretur legislatorem strictiori jure obligari ad servandas suas leges, quàm obligantur subditi: illi quippe humano solum vinculo stringuntur facili dispensabili, ille verò tenetur adamantino vinculo legis naturalis, vel divinæ: quod est absurdum.

Respond. ad 1. ex lege tam Civili quàm Canonica, & autoritate Angelici Doctoris, quas n. 7. adduximus, sufficenter constare, dari legem æternam & naturalem, quâ Princeps tenetur, in materia sibi & subditis communi, ea agere per modum capitis, quæ subditi agunt tanquam membra inferiora Reipublicæ.

Ad 2. Respondeo primò. Non esse tantum absurdum, ut Adversariis apparet, quòd gravius in judicio DEI imputetur Principi transgressio suæ legis, quàm subditi; cum Principum transgressiones sint suapte natura scandalosæ, & perniciosæ bono publico, cum *magnis animos subeant autoribus*. Neque est hoc scandalum per accidens, sed quasi per se conjunctum, si Princeps legem à se rationabiliter latam primus non servet. Respond. secundò negando antec. nam in hoc est paritas inter Principem & subditos, quòd utramque partem stringat legis naturalis obligatio: hæc tamen differentiâ, quòd subditos obliget radicaliter & remotè, mediante nimirum

voluntate & lege Principis; Principi verò proximè, sed tamen ex hypothese legis à se rationabiliter latæ. Quâ proinde rem dispensationem, etiam cessabit influxus legalis naturalis.

Colliges quartò. Obligationem inditam Legislatoris non nasci ex virtuali pacto inter Rempublicam & Principem, eâ conditione accipiendi potestatem ferendi leges, ut iis & iis foret obstrictus: Neque ex pacto & conditione sub quâ DEUS potestatem legislatori dedit ferendi leges universales, ut scilicet, ita ex necessitate boni communis totiusque corporis, etiam Princeps tanquam Reipubl. caput obligetur. Nam primum quidem minimè sufficit: tum quia id pactum gratis & sine fundamento fingitur: tum quia non erat in potestate Reipubl. Principem absolvendi ab ista obligatione: tum quia fallit in legibus Summi Pontif. qui suâ jurisdictionem immediatè habet à DEO. Secundum quoque, quod Suarez affirmat cit. c. 3 §. n. 11. non stat solido fundamento: cum enim sit tunc Suarez necessitas boni communis exigat hanc obligationem, quid opus est aliquo pacto speciali & libero DEI? cum lex naturæ dicat, *Patere legem, quam tuleris*, adimplante communi consensu legum & Sapientium; è quibus Aristoteles 3. Polit. c. 7. docet, *Legem debere in Reipublica dominari*; & Josephus l. 17. antiq. c. 10. Tyranni characterem in Herode agnovit, quod esset *juri Dominus, sed ira servus*.

Colliges quintò. Per se loquendo Principem non obligari lege municipalis, remoto videlicet periculo scandalis, vel injustitiæ & inæqualitate in contractibus: nam Princeps obligatur tanquam caput & membrum Reipubl: est autem caput non tantum respectu hujus civitatis, & provinciæ, sed respectu plurium. Ita Haunold. Palaus, Suarez l. cit. & P. Peteschacher q. 4. a. 11.

## §. II.

### An Clerici teneantur Legibus Civilibus?

Suppono primò. Clericos & Regulares neque vi coactivâ legum civilium, [2] neque directivâ directè obligari: uterque enim modus obligandi supponit in obligante jus & potestatem supra personam obligatam, quæ nulla est in magistratu civili supra personas ecclesiasticas, utpote in eminentiori statu, & gradu vitæ constitutas, uti constat ex c. *Ecclesia de constitut.* ubi dicitur: *Quòd Laici super Ecclesiis & personis Ecclesiasticis nulla sit attributa facultas: quos obsequendi manet necessitas, non auctoritas imperandi* &c. Et Concil. Later. Sess. 9. *Cum à jure tam Divino, quàm humano laici nulla potestas in Ecclesiasticas personas attributa sit.*

Suppono secundò. Quando leges civiles dicitur imponi de personis, aut rebus Ecclesiasticis vel de materia & objecto statum Ecclesiasticum dedecente, neque directè, neque indirectè extendi ad personas Ecclesiasticas; tunc quippe legum valori quoad Ecclesiasticos resistit tam jus Divinum, quàm Canonicum, quòd Ecclesiasticum statum supra laicalem exeat. Igitur questio est, de legibus Civilibus, quæ ad communem Reipublicæ felicitatem ordinantur, statui Ecclesiastico



Rico non indecoræ, neque ipsius immunitati noxia. De quo sit

18. **CONCLUSIO.** Clerici obligantur ejusmodi prædictis legibus (2.) indirectè, inquantum obligatio eisdem servandi paritè à jure naturæ, paritè à Pontificio dimanat: quales leges sunt, quæ prohibent nollu arma portari, bombardas in civitate explodi, merces extrahi, & accedi loca contagiosa, &c. Ita quoad 1. p. omnes: quoad 2. p. Azor, Vasquez, Engel, Clariss. D. Doctòr Cletle loc. cit. aliique.

Primæ partis ratio est; quia Clerici sunt veri cives & membra Reipubl. adeoque obligantur ut etiam ex sua parte concurrant ad ejusdem communem felicitatem: sed absque conformitate inter membra communitatis in servandis legibus totam communitatem concernentibus nequit obtineri salus publica: ergo ad hanc conformitatem servandam etiam Clerici tenentur. Secundò, per Reg. 55. juris in 8. qui sentit commodum, etiam debet sentire onus: Cum igitur Clerici sentiant commoda Reipublicæ, æquum est, ut etiam sentiant communia onera ipsorum statui, & immunitati non repugnantia. Terriò, Quia Ecclesiæ leges Civiles non reipuit, sed potiùs admittit per c. 1. de novi op. nuntiatur.

Ratio 2. p. est: nam primò lex naturæ dicitur, ut membra concurrant ad conservationem totius corporis, nève cives impediunt bonam gubernationem Reipubl. sed ista conservatio & bona gubernatio necessariò requirit conformationem membrorum & civium: ergo cum Clerici sint membra & cives Reipubl. necessariò tenentur se conformare aliis civibus, sub prædicta limitatione. Ex quo ruit fundamentum à Clariss. D. P. Petschacher oppositum, quòd lex naturalis de servanda conformitate ad summum obliget solùm sub venialì, cum solùm sit honestatis & decentiæ, adeoque gravis obligatio Clericorum ad servandas leges civiles ex jure naturæ nequeat derivari: Nam Respondeo: Quando conformitas est necessaria ad bonum statum & felicitatem publicam, ejus obligationem non esse tantùm decentiæ, sed etiam necessitatis, prout primùm de obligatione Principis in simili didim. Secundò ex jure quoque Pontificio hæc obligatio derivatur: cum enim Sum. Pontif. approbet, quòd Clerici fiant partes & membra Reipubl. & passim in corpore Juris Canonici approbet leges civiles immunitati Ecclesiasticæ non adversas, ut c. 1. de novi op. nunt. c. 28. de privi. c. 12. in fin. de Arbitr. c. de capitulis 9. dist. 10. &c. etiam ex Summi Pontif. voluntate Clerici ejusmodi legibus obligantur.

19. Contrarium sentit, & opponit Clariss. P. Ilfing de Legibus c. 2. §. 3. n. 28. Legislator civilis habet directam potestatem legislativam in omnia membra Reipubl. sed Clerici sunt membra Reipubl: ergo gubernator Civilis habet in ipsos directam potestatem legislativam: ergo directè, non indirectè obligantur, præsertim cum nulla sit lex Divina vel humana, quæ Clericos eximat à directa jurisdictione in rebus civilibus.

Resp. dist. maj: in omnia membra Reipubl. sibi subdita, & non privilegiata, concedo; non subdita & privilegiata, ut sunt Clerici, nego maj. & sic distinctà minore, nego consequentiam. privilegiata veteri Clericali status exemptio patet ex allegatis textibus, iisque plurimis.

## §. III.

An & quomodo legibus teneantur infantes, pueri, amentes, ebrii?

**CONCLUSIO PRIMA.** Infantes & perpe- 10.  
tuo amentes non obligantur humanis legibus. Ita omnes.

Et ratio est manifesta: quia lex est rationalis regula humanorum actuum: ergo ubi non est capacitas rationis, & humanorum actuum, ibi non est subiectum legis: ideoque ejusmodi personis in Quadragesima licitè apponuntur carnes: Unde tamen non sequitur, quòd ad blasphemias, ad verbera infligenda aliæ opera ex se intrinsecè mala amentes licitè infliguntur: nam quia instigator ad similes actus utitur amentibus tanquam instrumentis, idcirco ipsi tanquam causæ principali operum deformitas imputatur.

Dixi primò, *perpetuò amentes*; nam si tantùm per intervallum delirent, non desinunt lege obligari, quantumvis legis transgressio, quæ tempore amentiz contingit, ob impedimentum rationis usum in culpam ipsis nequeat imputari, ideoque tantùm sit materialis, non autem formalis transgressio.

Dixi secundò, *humanis legibus*; nam sub lege naturali, quæ cum ortum trahat cum ipsa natura intellectuallì rationis capaci, etiam pueri ante completum septennium, à quo primùm leges humanæ obligare incipiunt, & amentes sub lege naturali comprehenduntur, ut advertit Magnif. P. Petschacher loc. cit. Ex quo fit, ut si malicia suppleat ætatem, etiam infantes seu pueri ante completum septennium contra legem naturæ peccare possint: & qui amentes instigat ad actus intrinsecè malos, peccet cooperando ad actus verè prohibitos: quamvis per accidens amentibus in culpam non imputentur.

Postquam pueri pervenerunt ad usum rationis, & 1.  
qui post septennium adesse præsumitur, subji-  
ciuntur non tantùm divinis, sed etiam humanis  
legibus, quatenus præcepta materia congruit ip-  
sorum ætati, quia lex est generale mandatum,  
quod omnes obligat, qui sunt capaces obligatio-  
nis: sed pueri cum pervenerunt ad annos discre-  
tionis, sunt capaces obligationis, unde in c. omnis  
utrinque sexus, de penit. & remiss. omnibus fi-  
delibus, cum ad annos discretionis pervenerint,  
præceptum annuæ confessionis imponitur: ergo  
tunc humanis legibus obligantur. Dixi, quate-  
nus ætati congruit; nam præcepto paschalis  
communio, & jejunii non statim adstringun-  
tur, quia hæc eorundem ætati non congruunt.  
Ita Palas tr. 3. disp. 1. puncto. 24. Layman tr. 4.  
c. 10. n. 4. & alii.

Inferes ex didis. Pueros post annos discre- 11.  
tionis incurrere censuras & pœnas, delictis à se  
commisissis impositas. Ita Hannold tr. 1. c. 1.  
conr. ult. §. 5. Suar., & DD. communiter: quia  
in c. ult. de sent. excomm. Ubi pueri percussores  
Clerici ab Episcopo jubentur absolvi, Sum. Pon-  
tifax supponit pueros incurrisse excommunica-  
tionem canonis: Si quis suadente 17. q. 4. quam-  
vis nullibi jura directè statuunt, quòd pueri pœ-  
nam excommunicationis incurrant. Unde nec  
est ratio pueros eximendi ab iis pœnis & censuris

late sententiæ, ut contra Palaum advertit Magnif. P. Peteschacher loc. cit.

## §. IV.

*Quomodo obligentur subditi existentes extra territorium?*

23. **N**otandum : Subditum dupliciter posse territorio esse præsentem ; physice, h. e. secundum suam personam, & moraliter, h. e. secundum aliquam suam actionem, omissionem, vel datum à se causatum intra territorium. Quo posito fit

24. **CONCLUSIO PRIMA.** *Subditi tam physice, quam moraliter constituti extra suum territorium non tenentur lege sui territorii.* Suar. l. 3. c. 32. cum communi. Constat ex c. 2. de constitut. in 6. & l. ult. ff. de jurisd. Ubi dicitur : *Extra territorium jus dicenti non potest imponere.* Ratio est : quia cessante causâ subjectionis cessat legis obligatio : sed extra territorium cessat causa subjectionis ; ergo. Minor probatur : Causa subjectionis erga hunc vel illum legislatorem est territorium (h. e. districtus alicujus jurisdictioni subiectus) nam acquisitione vel mutatione territorii acquiritur, vel mutatur subiectio : sed hæc causa cessat extra territorium : ergo. Ideo qui extra territorium, in quo furtum est effectum poenæ excommunicationis non incurrit, ut dicitur in cit. c. *animatum.*

25. **Dixi, tam physice, quam moraliter ;** nam si sit præsens moraliter, & si absit secundum suam personam, legibus territorii sui subiacebit obligatio quippe legum tangit personas propter operationes, intra territorium exercendas, vel omitendas : unde si persona secundum possessionem & actionem, vel omissionem aliquam sit præsens, illa præsentia ad obligationem contrahendam sufficiens erit : aliàs quippe male consultum foret bono publico, quod sæpe plus nocementi patitur à causis moralibus, quam physicis. Ideo Parochus extra diocesim vagans, si omittit agere, quæ ipsi ex officio parochiali incumbunt, peccabit contra leges diocesanas, ab Episcopo puniendus, nam omissionis culpa & effectus intra territorium consummantur. Sic obligant statuta prohibentia exercitium mercatorum extra territorium, quia datum quod ab ejusmodi exercitio Respublica patitur, intra territorium peragitur.

26. **Dices :** Præceptum comitatur personam etiam è territorio discedentem : ergo lex quoque obstringit personam extra territorium constitutam. Respondeo negando consequentiam : quia præceptum primariò respicit privatam utilitatem subditi, cui expedit ubique terrarum posse obligari : Lex verò per se respicit publicam utilitatem territorii, cujus haud interest, quid subditi extra illud agant per suo arbitrio.

27. **Colliges ex dictis primò.** Etiam si quis eâ intentione transiret ad aliud territorium, ut se eximeret à lege jejunii, effugere reservationem casuum, quæ viget intra suum territorium, posse secum comedere carnes, absolvi à casibus reservationis, &c. quia utitur jure suo : nec verè agit in fraudem legis, quia nullus videtur dolose facere, qui jure suo utitur, per Reg. 55. ff. de Reg. Jur. uti do-

cent Palao, Sanchez, Salmantic. aliisque, sed etiamne valebit matrimonium sine Parocho & testibus contractum ab eo, qui ex industria & hoc ipso sine extra territorium abiit in terras, ubi Decreta Tridentini Concilii non sunt promulgata? Affirmant Th. Sanch. l. 3. de matrimonio, disp. 18. n. 29. & Pontius l. 1. de matr. c. 9. Negativa tamen præferenda est ; nam & Congregatio Cardinalium interpretationi Concilii Tridentini præposita, & Urbanus VIII. in speciali rescripto & Brevis Apostolico ad Archiepiscopum Coloniensem dato 14. Augusti anno 1617. hujusmodi matrimonia seu fraude contracta invalida esse declararunt, ut refert *Lugo in respons. moral. l. 1. dub. 37.*

Colliges secundò. Si Cajus Salisburgi exiens in festo S. Virgillii, quod est sub præcepto pro solâ civitate, non verò pro diocesi, cogitet à prandio discedere extra civitatem, obligari ad Sacrum audiendum, & ad abstinendum ab opere servili, pro solo matutino tempore, quo adhuc existit Salisburgi, non autem pro tempore vespertino, quo existit in loco immuni hujus obligationis. Ratio est : quia præceptum servandi dies festos est duplex ; unum, quo præcipitur auditio Sacri, alterum, quo præcipitur abstinencia ab opere servili. Obligatio prioris præcepti extenditur ad solum tempus matutinam, eoquæ finitur : Cum igitur toto illo tempore Cajus existat Salisburgi, ubi urget obligatio, etiam Cajus tenebitur audire Sacrum. Alterius verò præcepti obligatio urget divisibiliter pro qualibet parte notabili rotis diei. Cum ergo Cajus mediam diem partem in loco obligationi subiecto, alteram verò in loco non subiecto transigat, in priori quidem parte tenebitur, in altera verò non tenebitur abstinere ab opere servili. Sed quid si adhuc matutino tempore Cajus discederet ab aliquo loco, ubi est dies festus, ad locum ubi non est festus, essetne nihilominus obligatus ad Sacrum audiendum ? Respondeo, esse distinguendum : Vel enim Sacrum unicâ determinatâ horâ celebratur, uti fit in parochiis, vel plura invicem succedunt, uti plerumque fit in civitatibus & Ecclesiis collegiatis. Si primum : Communis est DD. sententia, quod lex obliget ante discessum : quia lex affirmativa obligans pro determinato tempore, pariter obligat ad præveniendum impedimentum illius obligationis : sed in hoc casu lex obligat pro determinato tempore, v. g. horâ sextâ, & discessus est certum impedimentum legem implendi : ergo Cajus obligabitur ad audiendum Sacrum pro illo determinato tempore. Si secundum : attendendum est, ex mente Haunoldi hic tr. 1. controv. 6. an Cajus ingreditur alienum territorium tempore, quo legem audiendi Sacrum implere posset, vel tempore, quo domi existens amplius implere non posset. Si secundum, tenebitur ante discessum implere legem, quia impedimentum supervenit adhuc obligato & existenti in proprio territorio ; Si primum, non tenebitur audire Sacrum, quia tempore discessus vel egressus è territorio nondum habet proximam obligationem implendi legem. Est tamen etiam multorum probabilis sententia, in hoc casu absolutè de obligantium ab implenda lege, eò quod impossibilitas

tentia illam implendi adveniat obligatione jam extinctâ per ingressum alterius territorii. Ita D. Petschacher loc. cit.

29. Colliges tertio. Quid dicendum, si è loco ubi urget lex jejunii, cogites transire ad locum ubi non est ejusmodi præceptum. E.g. sit Salisburgi dies jejunii, si vespere cogites venire Hallam, ubi non est dies jejunii, poteris manè horâ septimâ Salisburgi sumere jentaculum, quia jejunii obligatio completur tempore vespertino, pro quo tempore scis te fore deobligatum. Non tamen licebit Salisburgi comedere carnes, quia præceptum abstinentiæ obligat pro qualibet hora diei divisibiliter. Sed quid si è loco ubi non est lex jejunii, v.g. Hallâ transeas Salisburgum, ubi est lex jejunii? teneberisne Salisburgi servare jejunium? Respond. cum distinctione: Vel enim Hallâ jejunium fregisti per duplicem refectiõnem, vel comestionem carniũ, vel non? si primum, non tenebris jejunare, quia observatio jejunii facta est impossibilis. Si secundum, teneberis ob præsentem obligationem. Ita Sanch. Less. Suar. Petschacher, aliiq̃ue.

### §. V.

#### *Quomodo obligentur peregrini, advena, vagi?*

30. Certum est primò. Quamprimum peregrinus accedit alicum locum animo ibidem perpetuò manendi, statim subjici legibus illius loci, quia jam ibidem nactus est domicilium, per l. domicilium. ff. ad municipalem, & l. 7. C. De incol. 30.

Certum est secundò, idem dicendum de advenis, qui animo ad longum tempus habitandi morantur in loco alieno: Ita studiosi ad Academijs commigrantes tenentur legibus & consuetudinibus illius loci, quia ibidem quasi domicilium figunt, quod Layman probabiliter extendit etiam ad illos, qui animo alicujus negotii tractandi sibi fixam habitationem ad aliquot menses vel septimanas alicubi conducunt. Quod tamen nolim extendas ad illas leges, quibus præscribuntur onera propriè dictam subjectionem supponentia; tunc quippe non nisi subditos propriè tales onerant. Sic studiosi, aliæve id genus personæ non tenentur suscipere tutelas, aliæve Reip. munera subire, cum non veniant in censum subditorum propriè talium, neque in loco studiorum domicilium propriè dictum obtineant. l. 2. & 3. C. De incol. ut observat D. Cletle loc. cit. n. 19.

31. Certum est tertio. Advenas & peregrinos, quamvis tantum ad breve tempus hospitaturi, vel transitori, teneri nihilominus legibus communibus & generalibus, à quibus in sua patria forent immunes. E.g. civis Mediolanensis extra patriam proficiscens primis 4. diebus Quadragesimæ tenetur ad jejunium, à quò Mediolani esset absolutus. Layman l. 1. tr. 4. c. 12. cum alijs. Ratio est, quòd consuetudines & privilegia ejusmodi communibus legibus, quibus omnes obligantur, derogantia, sunt localia, & hoc ipso ad loci terminos restringenda, quòd à jure communi exorbitent.

32. Certum est quartò. Peregrinos & advenas teneri illis legibus municipalibus & particulari-

bus extra domicilium, quarum observantia tam respectu advenarum, quàm incolarum necessaria est ad conservationem, & cavenda damna boni publici: nam potestas legislativa data est ab auctore naturæ in finem conservandi communis boni. Si igitur istud dependeat ab obligatione tam advenarum, quàm incolarum, lex æquè advenas obstringet, ac incolas. Unde etiam pro solis advenis leges ferri videmus; ne v.g. inferant hujus generis libros, merces, arma, &c.

Certum est quintò. Teneri advenam ad servandas conditiones & solennitates contractui præscriptas in illo loco, ubi contrahit: quia ratione contractus ibidem sortitur forum. c. fin. de foro compet. l. 19. §. 1. & 2. ff. de Jud. Restat igitur dubium primò. An peregrini teneantur particularibus legibus locorum, quæ transeunt, extra casus jam recensitos? Affirmativam propugnant Palao, Navarrus, Salas, Suarez l. 3. c. 33. n. 33. Contra quos

Respondeo. Advenæ & peregrini in alieno territorio constituti non animo habitandi, sed ad breve tempus hospitandi, vel transeundi, non obligantur legibus & statutis particularibus illi loco propriis: sic studiosi Salisburgensis Diocesis Passaviensem transiens [remoto scandalo] non tenetur in festo S. Gregorii audire Sacrum: & Sacerdos Latinus transiens per Ecclesiam Græcam, & vice versâ Græcus per Latinam, potest pro suo libitu vel in azymo, vel infermentato consecrare, seque vel suæ, vel illius per quam transit, Ecclesiæ ritibus conformare, Layman l. cit. Engel tit. 2. §. 3. Sanchez l. 3. de Matr. Disp. 18. Lessius l. 4. c. 2. dub. 7. Haunoldus tr. 1. de Just. c. 1. controver. 6. Clariss. D. Cletle l. 1. fundam. Jurispr. tit. 2. §. 3. n. 23. Et ratio est primò, quòd, ut quis obligetur legibus alicujus loci, debet subjici illius jurisdictioni, ibidemque forum acquirere: sed peregrinus ob brevem hospitij moram non subjicitur Jurisdictioni alieni loci, neque forum ibidem acquirit: vel enim ex c. ult. de foro competenti, acquiritur forum ratione domicilii, vel ratione contractus, vel delicti: sed nihil horum supponitur: ergo.

Ratio est secundò. In dubio præferenda est pars benignior: l. 9. l. 56. & 192. ff. de Reg. Jur. sed dubium est, utrum particularibus territorii legibus adstringantur advenæ: ergo sentiendum est, illos neutiquam obligari; præsertim cum nullo jure exprimatur ejusmodi obligatio, neque publici boni necessitas requirat ejusmodi obligationem, si scandalum ab sit: nam in periculo scandali erit obligatio juris naturalis, ut advenæ sese incolas conforment.

Obijcies primò auctoritatem D. Ambrosij re-35. latam in c. illa, dist. 12. Cum Romam venero, Sabbatum jejunio; cum Mediolani sum, non jejunio: sic & in ad quamcumque Ecclesiam veneris, ejus morem serva, si cuiquam non vis esse scandalo, neque quenquam tibi. Ex quo, inquit Glossa ibidem, trivialis ille versus initium duxit:

*Si fueris Roma Romano vivito more,  
Si fueris alibi, vivito sicut ibi.*

Secundò. Advena punitur, ubicunque deliquit, per anthem. qua in provinciæ ubi de criminibus

*bus agi oporteat* : ergo subicitur jurisdictioni & legibus illius loci. Tertiò. Sequeretur, peregrinos esse omnino exleges, non enim obligantur proprii territorii legibus, ut ante dictum, nec legibus illius ad quod veniunt : ergo nullis : atqui hoc est contra rectam gubernationem. Quartò. Qui sentit commodum, debet etiam sentire onus, sed peregrini sentiunt commodum, in quantum sunt soluti propriis legibus : ergo etiam debent sentire onus, ut sint ligati legibus alienis. Quintò. Advenæ tenentur se conformare consuetudini & legibus loci in celebrandis contractibus : ergo & in cæteris.

Respondeo ad 1. Ibidem contineri consilium, non præceptum ; vel esse accipienda verba in casu scandalii, quod supponere videtur Ambrosius, vel certè si commoratio fiat per notabilem partem anni. Ad 2. Resp. Ratione delicti à peregrino acquiri forum : at nos loquimur extra calum delicti. Ad 3. *negò sequelam* : nam in primis obligatur legibus generalibus, & communibus suæ patriæ, secundo etiam particularibus & municipalibus, quando specialem reipubl. utilitatem, & pacificam exterorum cum incolis communicationem concernunt, e. g. ut solvant vectigalia, frumentum non extrahant, &c. tunc enim magistratus sub hac conditione peregrinis transitum videtur concedere, ut & ipsi leges pro boni communis conservatione introducas ob-

servent. Ad 4. Resp. Illi axiomati locum esse, quando onus habet quandam connexionem cum commodo, sicuti beneficiarius meritò sentit onus obligationis ad recitandas horas Canonicas, quia etiam sentit commodum beneficii ; non autem cum onus & commodum sunt disparata, ut hic contingit. Ad 5. Resp. quòd etiam per contractum peregrinus sortiatur forum in loco, in quo contrahit, ideoque legibus loci subicitur *l. si fundus. ff. de viell.*

Dubium est secundo. An vagi, hoc est, qui nullibi certam sedem, & domicilium habent, teneantur legibus illius loci, ad quem veniunt ? Respondeo. Quamvis Lessius l. 4. de Just. c. 2. dub. 7. n. 49. Jo. Sanch. Sairus, Layman tr. 4. c. 12. n. 6. ea, quæ de peregrinis diximus, probabiliter extendant etiam ad vagos, communior tamen & probabilior est sententia, vagos à peregrinis distinguendum, & legibus locorum ad quæ deveniunt, subicientium ; cum enim sit recta gubernationi dissentaneum, ut aliquis nullis legibus particularibus sit adstrictus, ipsique alibi nullum habeant fixum domicilium, ideo solà præsentaneà habitatione sibi domicilium comparant, ratione cujus præsentis loci legibus subiciuntur : quod etiam communis consilio comprobatur, quâ vagi puniri solent in loco, ubi comprehenduntur, etiam ratione delicti in alio territorio commissi.

## DISPUTATIO XXXVI.

DE

### Interpretatione, cessatione, & mutatione legis humanæ. ad q. 103.

**H**Actenus vigorem legis inspeximus ; nunc quibus modis temperari, aut omnino encrvari & cessare possit, inquiremus : Legis quippe vigor & obligatio vel cessat universim, vel pro casu particulari. Universim cessat vel per cessationem causæ finalis, vel per legis abrogationem, quæ rursus fit vel ab ipso Legislatore, vel à contraria consuetudine. Pro casu verò particulari vigor legis infringitur aut temperatur partim interpretatione & epikia, partim dispensatione. Nunc de singulis.

## ARTICULUS I.

### De cessatione & abrogatione legis.

#### SUMMARIA.

1. *Leges humana mutabiles.*
2. *Finis legum alius extrinsecus, alius intrinsecus.*
3. *Potest cessare adequatè, vel inadequatè, contrariè, vel negativè.*
4. *Fine adequato legum cessante, cessat legis obligatio.*
5. *Non si cesset inadequatè.*
6. *Cessante fine legis negativè in particulari, non cessat legis obligatio.*
7. *Tollitur obligatio, sine cessante contrariè.*
8. *Quid abrogatio, derogatio?*
9. *Legislator potest abrogare legem.*
10. *Item Successor, vel Superior ipsius.*
11. *Non inferior, per se loquendo.*
12. *Abrogatio legis sine iusta causa est valida, quamvis illicita.*

#### §. I.

##### Cessatio legis intrinseca ex cessatione finis.

**C**um res humanæ, circa quas lex humana occupatur, sint mutabiles, ipsas quoque leges mutationibus subiectas esse necesse est, prout indicatur Esther c. 16. ubi Artaxerxes seu Assuerus ita scribens introducit : *Nec putare debetis, si diversa jubemus, ex animi nostri venire levitate, sed*



*sed pro qualitate & necessitate temporum, ut Reip. possit utilitas, ferre sententiam, &c.* Hanc mutationem aliquando ab intrinseco fieri posse jam supra indicatum est. Fit ab intrinseco, cum definit finis intrinsecus & adæquata ratio legis, ut si lex incipiat fieri manifestè nociva, vel impeditiva majoris boni, vel ad finem intentum inutilis. Fit ab extrinseco, quando lex vel à Legislatore, vel à contraria consuetudine abrogatur.

Porro finis legis alius est intrinsecus, qui est honestas ipsius rei præceptæ; alius extrinsecus, qui est honestas à Legislatore intenta, & distincta ab honestate materiæ præceptæ. Finis intrinsecus reperitur, quovissemque lex cadit super actum alicujus virtutis; sic in lege jejunii finis intrinsecus est honestas temperantiæ, in lege Sacerdotii audiendi, recitandi Breviarii, honestas Religionis. Finis extrinsecus est aliquando conjunctus cum fine intrinseco, ut in præmissis exemplis honestas actuum intenditur à Legislatore ad bonum commune, DEUM placandum, avertendas calamitates, &c. aliquando non est conjunctus, uti cum materiæ præcepta vel prohibita est actus indifferens, v. g. ingressus alicujus domus, gestatio armorum &c.

Rursus finis legis potest cessare adæquatè, vel inadæquatè, idque vel ex parte motivi, vel ex parte subiecti. Ex parte motivi cessat lex adæquatè, quando cessat tota ratio & causa, propter quam Legislator judicavit materiæ legis esse expedientem bono publico. Cessat inadæquatè, si concurrentibus ad unum finem totalem pluribus particularibus motivis, unum quidem cesset, non tamen cessante altero. Ex parte subiecti, finis legis cessat adæquatè, quando ratio legis cessat pro tota communitate; inadæquatè, quando cessat tantum pro una vel altera parte, & persona communitatis in particulari. Tandem finis & ratio legis in casu particulari potest cessare, vel positivè & contrariè, vel negativè. Contrariè, quando propter mutationem circumstantiarum materiæ legis in casu particulari fit iniqua, impossibilis, vel nimis ardua & difficilis. Negativè cessat, quando ratio legis respectu particularis casus & personæ non militat. Quibus prænotatis sit

**CONCLUSIO PRIMA.** *Legis causâ finali adæquatâ universaliter cessante, siue sit intrinseca, siue extrinseca, cessat legis obligatio.* Ita D. Th. 1. 2. q. 101. a. 4. ad 3. Suar de LL. l. 6. c. 9. cum communi DD. Ratio est primò, Lex obligat, in quantum ejus materiæ judicatur expediens & necessaria pro bono publico: sed cessante in universum causâ finali legis adæquatâ tam ex parte motivi, quam ex parte subiecti, materiæ præcepta jam non judicatur expediens, vel necessaria pro bono publico: ergo tunc non amplius obligat.

Secundò à paritate voti: Cessante adæquatâ causâ voti cessat ejus obligatio; Unde si voto te obligasti ad abstinendum ingressu alicujus domus, ubi ex fœmina ibidem commorante imminet periculum fornicationis, cessabit obligatio, si illa locum mutaverit: ergo idem dicendum de obligatione legis in casu quo cessat adæquatâ finis ipsius; nam sicut intentio votantis erat alligata ad evitacionem peccati, sic intentio

Legislatoris erat adstricta ad utilitatem vel necessitatem boni publici; unde sicut in uno casu tollitur intentio votantis, sic in altero intentio Legislatoris.

Pater exemplis. Lex primitivæ Ecclesiæ præcipiebat abstinere ab immolatis, sanguine, & suffocatis, cujus motivum erat, ut Judæi ab his abhorrentes tantò faciliùs in fide & religione cum Gentilibus jungerentur. Quâ ratione successu temporis cessante, antiquata fuit illa lex abstinentiæ. Item: Lex prohibens commercia cum iniquis alterius provincie, vel regni, ob intercedentes utrinque inimicitias & bella, expirans redintegratâ pace & amicitia &c.

Dixi tamen primò. *Causâ finali adæquatâ &c.* Nam si solum cesset particulare motivum, non ideo legis vigor obtunditur. Ita Israëlitz, quantumvis aliâ viâ fuissent ab originali peccato mundari, nihilominus tenebantur lege circumcissionis, quia finis ipsius non erat solum peccati originalis extinctio, & justificatio, sed etiam distinctio à Gentilibus.

Dixi secundò. *Fine legis siue intrinseco, siue extrinseco:* Nam finis intrinsecus legis non aliter cessat, nisi quando propter mutationem circumstantiarum illud fit illicitum, quod prius erat honestum, & materiæ determinatæ virtutis: sed in hoc casu cessat legis obligatio: Ut primò redemptio mutui, vel depositi est actus iustitiæ jure naturæ debitus; si verò redundet in damnum boni communis, ut fieri potest tempore belli, si videlicet hosti Reipubl. reddas pecuniam debitam; tempore contagionis, si depositum ex loco infecto mittas ad non infectum, cessat intrinsecus finis legis, qui erat honestas iustitiæ ut subordinata bono communi patriæ. Similiter jure naturæ teneris obedire Superiori legitimo: qui tamen si propter aliquod crimen v. g. lapsum in hæresin à suo supremo Principe, vel Summo Pontifice declaratur excidisse suo jure & dignitate, cessat intrinseca ratio & obligatio legis: ubi tamen non tam cessat obligatio legis, quam suspensio pro certo casu determinato, ut cum Suare rectè advertit Reding n. 3. Finis verò extrinsecus legis tunc adæquatè desinit, quando materiæ præcepta, quæ de se fuerat indifferens, sit inutilis ad finem à Legislatore intentum: quo casu non amplius comprehenditur sub intentione Legislatoris, quæ solum attingebat hanc materiæ, in quantum deserviebat ad finem intentum: ergo perditâ hâc extrinsecâ relatione non est amplius obligans. e. g. prohibetur tempore belli inventio frumenti in alienam & hostilem provinciam, quia cederet in detrimentum Reipubl., restituta pace cessat obligatio, si inventio & venditio frumenti cedat in manifestam utilitatem Reipubl.

**CONCLUSIO SECUNDA.** *Si finis legis in particulari cesset solum negativè, non cessat legis obligatio.* Ita Salmantic, cit. Reding. n. 12. juxta doctrinam D. Th. 2. q. 154. a. 2. & 3. & tenent Sotus, Salas, Layman tr. 4. c. 21. aliiq. plurimi contra Granad. Henriq. Dianam & plures alios.

Ratio est: Remanente fine legis in communi, non tollitur adæquata ratio legis in particulari: sed quando ratio legis non militat pro aliquo casu particulari, non ideo tollitur adæquata ratio

legis

legis in communi: ergo neque tunc tollitur ad-  
 æquata ratio legis in particulari; & consequen-  
 ter non tollitur obligatio. E. g. si lex, quæ pro-  
 hibet noctu arma ferre, finis ipsius non est evita-  
 tio cuiuslibet rixæ in particulari, sed periculum  
 rixarum & tumultuum, qui ex gestatione noctur-  
 narum armorum evenire solent: lex quippe per se re-  
 spicit bonum commune omnium, non singulo-  
 rum; unde tametsi in particulari casu ex gesta-  
 tione armorum non foret periculum rixæ, non  
 ideo cessat periculum in communi, quod ad-  
 æquate intenditur. Ideo & simplex fornicatio  
 semper est lethale peccatum propter damnum  
 proles, quia licet in aliquo casu particulari edu-  
 cationi proles satis provideri possit, communiter  
 tamen non providetur, neque ex hoc evitatur pe-  
 riculum damni in communi: lex autem non re-  
 spicit casus particulares, sed ea quæ communiter  
 contingunt. l. i. inra. ff. de legibus.

7. Dixi, si finis cesset negativè; nam si cesset posi-  
 tivè, seu contrariè, certum est, respectu personæ  
 etiam particularis cessare legem: non enim ali-  
 ter cessat finis legis contrariè & positivè, nisi cum  
 materia & objectum legis propter mutationem  
 circumstantiarum sit illicitum, impossibile, aut  
 nimis difficile; unde si hoc fiat respectu totius  
 communis vel majoris partis, lex generaliter  
 cessabit; si respectu unius, vel alterius membri  
 tantum, cessabit particulariter.

### §. II.

#### *Cessatio legis extrinseca per abrogationem.*

8. Ex potest cessare vel in totum, vel quoad par-  
 tem. Si in totum enervatur vis legis & obli-  
 gatio, dicitur abrogatio; si quoad partem, di-  
 citur derogatio; arg. l. 102. ff. de V. S. Unde quæ  
 de abrogatione dicimus, proportionaliter intel-  
 ligenda sunt etiam de derogatione: de qua quæ-  
 ritur primò, quisnam legem abrogare possit?  
 Secundò, An non tantum ad licitam, sed etiam  
 ad validam legis abrogationem requiratur iusta  
 causa abrogandi?

9. CONCLUSIO PRIMA. *Legem potest abro-  
 gare Legislator, ejusq; in officio Successor, vel in ju-  
 risdictione Superior.*

Ratio 1. p. est primò, quia omnis res per quas-  
 cunque causas nascitur, per easdem dissolvitur  
 c. 1. de R. l. sed obligatio legis nascitur ex vo-  
 luntate Legislatoris: ergo sublata voluntate obli-  
 gandi ex parte Legislatoris etiam cessat obliga-  
 tio legis. Secundò, Contingit, ut mutatis re-  
 temporumque circumstantiis lex non am-

plius appareat utilis, aut conveniens bono com-  
 muni, quæ antea talis videbatur: ergo necessa-  
 rium est, ut in Republica detur autoritas, quæ  
 perejusmodi legum mutationem bono communi  
 possit prospicere.

Dices: Hoc ipso, quòd lex fiat inutilis, aut  
 nociva, per seipsam ab intrinseco definit: ergo  
 non opus est autoritate extrinsecâ abrogationis.

Resp. Antecedens esse verum, quando legi  
 nocivitas, vel inutilitas ita est manifesta, ut qui-  
 liber de illa judicare, seque sine altioris autori-  
 tatis accessu legis obligationi subducere possit:  
 quia tamen non semper legis inutilitas ita est ma-  
 nifesta, sæpe etiam ratio commerciorum & con-  
 tractuum non permittit, ut sine Superioris autho-  
 ritate quilibet possit jugum legis excutere, velu-  
 ti patet in legibus monetæ valorem concernenti-  
 bus, propterea Principis quoque autoritas acce-  
 dato oportet.

Ratio secundæ & tertię partis est: quia volun-  
 tas successoris æquivalens in jurisdictione volun-  
 tati antecessoris: voluntas verò superioris etiam  
 prævalet: unde quod in jurisdictione licuit ante-  
 cessori, vel inferiori, etiam fas est successori,  
 vel superiori. Ex quo pariter

Colliges: Inferiorem non posse abrogare le-  
 gem superioris, eò quòd voluntas inferioris nul-  
 lum habeat jus & eminentiam supra voluntatem  
 superioris; nisi forte ex privilegio, vel præscripta  
 consuetudine: de quibus infra arg. c. 4. dist. 21.  
 c. 16. de major. & obed.

CONCLUSIO SECUNDA. *Abrogatio legis  
 à superiore ordinario sine iusta causa est quidem il-  
 licita, sed tamen valida: ab inferiore Legislatore  
 facta est etiam invalida.*

Ratio 1. p. est: Legislator peccat agendo con-  
 tra exigentiam boni publici: sed mutare & ab-  
 rogare leges sine rationabili causa, est contra exi-  
 gentiam boni publici; aut enim lex abrogata  
 fuit utilis, aut inutilis Reipublicæ; si inutilis,  
 jam erat rationabilis causa abrogandi; si utilis,  
 ergo sine rationabili causa illam abrogans agit  
 contra rationem statûs & boni publici. Ratio 2.  
 p. est: quia sublata adæquatâ causâ, à qua effe-  
 ctus dependet tam in fieri, quàm conservari, tol-  
 litur etiam ipse effectus: atqui obligatio legis de-  
 pendet à voluntate Legislatoris, tanquam causa  
 adæquata: ergo sublata hæc voluntate peribit obli-  
 gatio legis; & consequenter abrogatio erit va-  
 lida.

Cæterum, quia leges etiam in totum abrogan-  
 tur per præscriptam consuetudinem, ideo sit

## ARTICULUS II.

### *De consuetudine.*

#### S U M M A R I A.

1. Consuetudo alia facti, alia juris.
2. Consuetudo dividitur in secundum legem, præ-  
 ter legem, contra legem.
3. Potest introduci consuetudo habens vim legis.
4. Primò requiritur ætuum frequentia.
5. Secundò voluntas inducendi obligationem.
6. Tertio tacitus consensus Superioris.
7. Hinc nulla datur consuetudo contra immunita-  
 tem Ecclesiasticam.
8. Consensu Principis alius personalis, alius legalis.
9. Quamvis requiritur notabilis temporis duratio.
10. Quinid.

10. *Quinid, Ut consuetudo sit rationabilis.*
11. *Lex abrogatur per consuetudinem.*
12. *Obijciunt irrationabilitatem actum contra legem obligantem.*
13. *Sententia docens consuetudinem introduci per actum formaliter peccaminosus rejicitur.*
14. *Argumenta contraria solvuntur.*

## §. I.

*Requisita ad introducendam consuetudinem.*

1. **N**otandum, Consuetudinem dividi primò in consuetudinem facti & juris. Illa ex D. Th. in 1. d. 23. q. 1. a. 4. est frequentia operandi liberè eodem modo. Ista, quæ ex præcedenti oritur, definitur ab Isidoro in c. consuetudo. 5. dist. 1. *jus quoddam moribus institutum, quod pro lege suscipitur, cum deficit lex.* Quæ tamen definitio cum neque diuturnitatem & tacitum populi consensum, potissimum consuetudinis requisita, explicet, neque consuetudini contra legem conveniat, relictis aliis ex §. sine scripto 9. *Instit. de jure nat. gent. & civ. & l. de quibus ff. de legibus* definiunt consuetudinem, quod sit *jus diuturnis moribus, & tacito populi consensu introductum.* Solet etiam appellari *jus non scriptum*; non, quasi omne aliud in scripturis necessariò redigatur, sed quia omne aliud *jus legale* Magistratus potestatem legislativam habentis expressâ functione statuitur.

2. Dividitur præterea consuetudo in consuetudinem secundum legem, præter legem, & contra legem. Ubi rursus consuetudo secundum legem minus propriè pro consuetudine facti, non juris accipitur; cum non significet *jus novum* moribus introductum, sed solum observantiam & executionem legis scriptæ; habet tamen & ipsa suos effectus & vires, tum ut legem obscuriorem declaret, unde optima legum interpretis appellatur: tum ut illam firmiorem, & à contraria consuetudine securiorem efficiat, quo sensu Gratianus dixit, *leges firmari, cum moribus consentium comprobantur.* c. in istis. 3. dist. 4. consuetudo præter & contra legem majoris sunt efficaciz, de quibus sit

3. **CONCLUSIO.** *Potest in communitate introduci consuetudo, quæ habeat vim legis.* S. D. q. 97. a. 3. Suar. l. 7. c. 14. alique omnes. Constat primò ex l. de quibus & seq. ff. de legibus. §. sine scripto. *Instit. de jure naturali.* Et secundò ratione expressâ l. cit. de quibus. Potest communitas per mutuum consensum majoris partis, & ipsius Principis sese obligare ad aliquod observandum: sed ille consensus populi potest sufficienter moribus & factis declarari, sicut & consensus Principis per taciturnitatem ipsius: ergo potest propriis factis & moribus communitas aliquod *jus* & obligationem inducere. Cæterum ad novæ legis & juris consuetudinariæ introductionem quinque conditiones sunt requisitæ.

4. Requiritur primò actum frequentia publica, libera, non interrupta. Frequentia ex l. 1. C. quæ sit longa consuetudo. Nam consuetudo vocatur, quòd in communi sit usu. c. 5. dist. 1. sed unus actus non probat communem usum. Quotnam verò actus ad inducendam consuetudinem requirantur, nec jura determinant, nec facile determi-

nari potest. Tanta saltem frequentia requiritur, quanta ad manifestandum firimum populi consensum prudentum judicio sufficit. Publica requiritur, nam *jus consuetudinarium* cum aliâ promulgatione non egeat, per actus notorios publicæ & communis regulæ rationem sortiri debet. Libera sit oportet, quia communem & tacitum populi consensum indicat; unde etiam actus vi vel gravi metu extorti, probabiliter ad inducendam consuetudinem non sufficiunt, licet enim tales actus non sint simpliciter involuntarii, non tamen videntur sufficere ad significandum liberum populi consensum, & animum inducendi *jus legale*, cum ipsa populi renitentia potius significet animum faciendi oppositum. Non interrupta sit necesse est, ut nempe communitas offerente se occasione semper operetur eodem modo, aliàs legitime præscribi aut uniformem, stabilemque populi consensum significare non poterit, si vel tota communitas, vel major pars ipsius actum contrarium interponat.

Requiritur secundò in frequentatione actuum [quo nomine etiam comprehendimus omissiones] saltem interpretativa voluntas inducendi *jus* vel obligationem. Suar. l. 7. c. 14. Layman cit. c. 24. ubi distinguendum est inter consuetudinem, quæ tendit ad liberandum, & quæ tendit ad obligandum. Consuetudo tendens ad liberandum à legis obligatione inducitur per omissiones, vel actus legi contrarios, & in iis requiritur voluntas abrogandi obligationem legis, seu inducendi *jus* contra legem. Consuetudo tendens ad obligandum, seu inducendum novum *jus* præter legem, requirit voluntatem obligandi, & includit tacitum judicium populi existimantis, talem obligationem esse sibi convenientem. *Actum enim agentium non operantur ultra intentionem eorum.* c. fin. de præbendis. Unde ut *jus*, vel obligatio inducatur, etiam intentio saltem implicita & interpretativa requiritur. Quæ de causâ multi actus publice frequentati, nullam tamen legis necessitatem inducunt, quia ex mera devotione peraguntur: ut Salutatio Anglicæ ad tærum campanæ pulsus, aspersio aquæ benedictæ in ingressu Ecclesiæ, &c. Signa aliqua obligationis intentæ, vel inducæ tradit Suarez cit. Si res ex se difficilis nihilominus à plerisque à communitate fervetur, si sit bono communi valde expediens: si populus malè sentiat de contrâ agentibus: si Superiores in transgressores severiùs animadvertant, &c. In dubio tamen, an consuetudo ex animo se obligandi sit introducta, pro devotione & gratuito affectu potius præsumendum erit: non enim lex præsumitur, nisi præbetur, & nisi manifestè constet, nemo præsumitur sibi ipsi velle onus imponere. Palaus, Suarez, Salmanticenses, alique communiter.

Requiritur terciò Tacitus saltem consensus illius magistratus, penes quem est potestas ferendi leges, si illa non sit penes communitatem: ex l. de quibus. l. sed & ea. ff. de legibus & tradit D. Th. q. 97. a. 3. ad 3. & DD. commun. Ratio est: quia æquè *jus* non scriptum, quàm scriptum à potestate legislativa descendit: ergo, si isti non est penes communitatem sed magistratum, illius quoque autoritas interponi debet: sed hoc fit

per consensum saltem tacitum, qualis est tolerantia Principis, cum facile posset consuetudinem impedire, eivē resistere: ergo.

7. Illic infero cum Salmanticensibus, nullam posse dari consuetudinem, quæ adversus immunitatem Ecclesiasticam prævaleat, tametsi sit immemorialis; siquidem Summus Pontifex quotannis in Bulla Coenæ ejusmodi consuetudinem seu corruptelam damnat, & improbat. Neque refert, quod Summus Pontifex, sciat, in multis locis contrarium praticari; nam multa, quæ per patientiam tolerantur (ut evitentur majora mala) non hoc ipso comprobantur, præsertim dum contraria protestatio singulis annis renovatur, per *c. cum jam dudum, de præbendis, c. denique, dist. 4.*
8. Porro prædictus consensus Principis, sive magistratū dividitur in *personalem*, & *legalem* seu *generalem*. *Personalis* est, qui provenit à persona Principis, consuetudinis notitiam in specie habentis, eamque vel expressè vel tacitè applicantis. *Legalis* seu *generalis* est consensus in jure communi generaliter expressus pro omni consuetudine legitime introducta: qualis à Superiore Ecclesiastico habetur in *c. finali, de consuetud.* & à Civili in *l. de quibus. ff. de legibus dicente: Rectissime etiam illud receptum est, ut leges non solum jussu legislatoris, sed etiam tacito consensu omnium per de suetudinem abrogentur*. Prior consensus adeoque & specifica notitia consuetudinis requiritur, quando nondum adest tempus ad præscribendum sufficiens: tunc enim ad inducendum jus aliunde robur habere non potest. Legalis verò consensus ad consuetudinem tam præter, quam contra legem sufficit, quando expletus est temporis lapsus ad præscriptionem requisitus; cum jura plūs non requirant, quam ut consuetudo sit rationabilis, & legitime præscripta. Unde
9. Requiritur quartò notabilis temporis diuturnitas: sed quanta illa? Variant Auctores. Et quidem si consuetudo introducatur sciente & connivente Principe, verisimile est juxta prius dicta, minorem temporis tractum, & illum quidem sufficere, ex quo prudenter colligi potest, Principem in novi juris introductionem, vel propriæ legis abrogationem consentire. Verum quia & hoc nimis incertum est, ideo regulariter ad consuetudinem tam præter, quam contra legem requiritur decennium: Nam jura ad introductionem consuetudinis requirunt longum tempus: sed eadem jura continuatum decennium reputant longum tempus, *l. ult. C. de præscript. §. 1. in fin. de usucapion.* Ergo illud regulariter ad consuetudinem requiritur. Quia tamen adversus Ecclesiam non nisi post quadraginta annos præscribitur, *c. de quar. c. ad aures. de præscript.* ideo ad inducendam consuetudinem adversus leges Ecclesiasticas quadraginta annos requirunt Layman tr. 4. c. 24. n. 5. Suar. l. 6. c. 8. Alii vero non minus probabiliter cum Haenoldo etiam ad consuetudinem præscribendam contra leges Canonicas decennium sufficere affirmant; tum quia consuetudinis præscriptio non est rigorose sed tantum quasi præscriptio; tum quia consuetudo contra legem Ecclesiasticam

non infert aliquod damnum in bona & dominia Ecclesiæ, cui præcavendo longius tempus ad præscribendum contra Ecclesiam jura requirunt.

Requiritur quintò. Ut consuetudo sit rationabilis per *c. ult. de consuetud.* ibi: licet longæ consuetudinis non sit vilis auctoritas; non tamen est usque adeo valitura, ut juri positivo debeat præjudicium generare, nisi fuerit rationabilis, & legitime sit præscripta. Cum enim consuetudo vim legis à potestate legislativa accipiat; ideo sicut ista ad actum leges ferendi prudens & rationabile judicium supponit, sic etiam consuetudo requirit. Nec tamen, ut consuetudo sit rationabilis, oportet, ut semper positivè conferat ad boni communis utilitatem [quod est esse rationabilem positivè] sed sufficit, si publicæ utilitati non adversetur, [quod est esse rationabilem negativè] ut observat P. Engel l. 1. r. 4. §. 4. neque juri Divino & naturali repugnet, neque sit jure Canonico reprobata; nam si lex ipsa obstat consuetudini inducendæ, eamque corruptelam esse declarat, veluti in *c. quod super his, de consanguinit. & affinit.*, non poterit præsumi consensus legalis Principis, ut tradit Aug. à V. M. disp. 5. q. 10. quamvis clausulæ reprobativæ consuetudinis tam in præteritum, quam in futurum e. g. *nulla in posterum valitura consuetudine*, non impediunt, quò minus variatis circumstantiis ex nova rationabili causa consuetudo legi contraria introduci possit; cum illæ ipsæ clausulæ juris humani & positivi efficaciam, contra quam rationabilis consuetudo admittitur, non excedant: veluti cum Panormit. tradunt P. Engel l. 1. c. n. 15. & Reverendiss. D. Rup. Kimpfner parte 4. §. 1. n. 4. in Thel. de consuetud.

## §. II.

*Quomodo possit introduci consuetudo contra legem?*

EX præmissis facile deducitur, posse legem abrogari per consuetudinem: nam potest lex abrogari per consensum & voluntatem legislatoris: sed consuetudo contra legem habet efficaciam ex inclusio consensu & voluntate legislatoris: ergo potest legem contrariam abrogare, dummodo habeat requisita primū exposita.

Verum hic non levis difficultas insurgit: Nam ut introducatur consuetudo juris, debet esse rationabilis: sed contra legem sub peccato obligantem consuetudo non potest esse rationabilis; ex actibus quippe peccaminosis & contra legem, adeoque & rectam rationem commissis non potest constari rationabilis consuetudo & bonæ fide præscripta; æqui talis est consuetudo quæ contra legem inducitur: ergo. Respondenti graves Auctores, Suarez l. 7. c. 1. Palau disp. 3. punct. 2. §. 1. Haunold de 1. & 1. 10. 1. c. 3. contr. 2. & nuper Clariss. D. Cletie in assert. juridicis. assert. 3. p. 8. posse introduci consuetudinem contra legem per actus etiam illicitos & formaliter peccaminosos, quæ tamen erit rationabilis, in quantum non est contra legem naturalem vel divinam, neque aliter incommodum bono publico. Moventur primò: quia consuetudo contra legem introducitur vel per actus formaliter, vel non forma-



formaliter peccaminosos. Non secundum: ergo primum. Minor probatur: Consuetudo non introducitur contra legem, nisi cum scientia legis contrariæ & animo abjiciendi illam, atque jus contrarium inducendi: sed hoc non fit nisi per actus vel omissiones formaliter peccaminosas: ergo. *Secundò*. Ad inducendam consuetudinem præter legem, requiritur ex parte introducentium animus introducendi obligationem legis, & ideo quidem, quia actus ex errore gesti non præbent sufficiens argumentum liberi & voluntarii consensûs in obligationem legis: ergo ex eodem capite ad inducendam consuetudinem contra legem requiritur animus se deobligandi à lege, quod non fit nisi per actus vel omissiones scienter & malâ fide contra legem exercitas: nam actus bonâ fide elicitî supponunt ignorantiam obligationis, & erroneam opinionem, quod antecessores ex iusta causa legem non servarint.

13. His tamen non obstantibus adhæreo sententiæ Laymanni 1. Theol. mor. tr. 4. c. 24. P. Engel Colleg. Juris C. tit. 4. de consuet. §. 4. Reverendiss. D. Ruperti Kimpfler in *Disp. de consuetud.* part. 2. §. 4. n. 9. p. 17. per actus formaliter malos, & peccaminosos consuetudinem non introduci: neque illos actus in introductione consuetudinis esse computandos. Nam primò jus consuetudinarium cum sit regula legitima humanorum actuum moraliter bona, honesta, recta, rationabilis, non potest consurgere ex causa formaliter inhonesta, & à rectâ ratione devia, quales sunt omnes actus formaliter mali & peccaminosi. Secundò, neque potest indicare rationabilem consensum, sed potius corruptelam, quod contra rectam rationem in contumeliam Creatoris committitur. Tertiò, neque potest legislator in ejusmodi actus vel personaliter vel legaliter consentire. Quartò, neque debent subditi ex transgressione legis præmium & exemptionem à vinculo legis reportare, arg. c. fin. de præscript. Quintò, neque capio, quomodo dici possit consuetudo legitime præscripta [esto non sit adæquatâ paritas cum præscriptione contra bona & dominia] cui neque lex, neque bona fides suffragatur: neque enim solus temporis tractus sufficit, ut aliquid sit legitime præscriptum.

14. Debet igitur consuetudo in triplici statu considerari. Primus est quasi dispositivus, quo popu-

lus malâ fide scienter & peccaminosè contra legem operatur; ubi licet consuetudinis præscriptio nondum incipiat defectu rationabilitatis & bonæ fidei, fiunt tamen quasi dispositiones, ut successores de consuetudine jam præscripta, & sufficienti consensu tum populi, tum legislatoris bonâ fide præsumere & licitè contra legem operari possint, qui est status secundus consuetudinis in fieri, quo nempe consuetudo lapsu temporis decennalis introducitur, & tertius est status ipsius in facto esse, quo consuetudo per actus non jam formaliter, sed materialiter tantum contra legem elicitos legitime præscripta, legis contrariæ obligationem extinguit.

Unde jam ad 1. argumentum in contrarium Respondeo, consuetudinem introduci per actus non formaliter peccaminosos, sed tantum materialiter, & cum ignorantia obligationis contra legem elicitos. Probationem distinguo dupliciter: Consuetudo introducitur contra legem cum scientia legis contrariæ, & animo abjiciendi illam materialiter [h. e. faciendi id quod à parte rei est lege prohibitum, cum inculpabili tamen ignorantia obligationis] concedo, formaliter, nego: & sic dist. min. nego consequentiam. Secundò: Introducitur cum animo abjiciendi etiam formaliter, tanquam per actus quasi remote dispositivos, instar conditionis sine qua non, concedo; tanquam per actus proxime causativos, nego consequ. Ad 2. nego consequ. & paritatem; quia non tam faciliè præsumi potest liber consensus populi ad imponendam sibi obligationem, quam ad amovendam. Quia igitur in introductione consuetudinis præter legem agitur de imponenda obligatione, actus ignoranter elicitî non præbent sufficiens argumentum consensûs liberi: quia verò in consuetudine contra legem agitur de favore, de obligatione, libertate, ad quam populus suoapte genio inclinatur, sufficiens argumentum consensûs præbent actus cum scientia quidem legis, sed tamen cum probabili ignorantia obligationis elicitî: quæ quidem probabilis ignorantia consuetudini contra leges est propria, & necessaria, ut per illam rationabilis causa saltem putativa contra leges agendi detur, & actuum malitia bonæ fidei adminiculò abstergetur, prout tradit cit. Clariss. Kimpfler p. 43. n. 3.

## ARTICULUS III.

### De legum interpretatione, & epikia.

#### SUMMARIA.

1. Definitio & divisio interpretationis.
2. Interpretationem doctrinalem patitur etiam lex Divina, & naturalis.
3. Divisio interpretatoris doctrinalis.
4. Extensiva interpretatio alia comprehensiva ob identitatem rationis:
5. Alia purè extensiva: ob paritatem rationis.
6. Quid interpretatio restrictiva, & epikia?
7. Datur epikia.
8. Etiam in lege Divina & naturali.
9. Excipiuntur leges irritantes.

#### §. I.

##### De legum interpretatione, & epikia.

Interpretatio est explicatio verborum legis, ordinata ad concipiendum verum legis sensum & significationem à legislatore intentam. Est triplex juxta glossam in l. 37. ff. de LL. Authentica, quæ est ab ipso Principe & legislatore, ejusque Successore vel Superiore, non autem ab inferiore, nisi ad hoc ipsum à Superiore potestatem acceperit, habet auctoritatem & efficaciam legis,

T 3

per

per e. inter alia, de sent. excomm. ibi: unde jus prodiit, interpretatio quoque procedat. & L. ult. C. de leg. Definimus autem, omnem Imperatorum legum interpretationem, five in precibus, five in iudiciis, five alio quocunque modo factam, ratam & in dubitatis haberi, &c.

Altera est interpretatio *usualis*, quæ sumitur ab usu & consuetudine moribus recepta: nam optima legum interpretes est consuetudo. *c. cum dilectus, de consuetud.* Imò & ipsa consuetudo legum præscripta habet vim legis juxta prius dicta.

Tertia demum dicitur interpretatio *doctrinalis*, seu *scholastica*, quæ nimirum à Doctoribus traditur: & hæc per se loquendo non inducit obligationem, sed probabilitatem.

2. Interpretatio doctrinalis locum obtinet non solum in lege humana, sed etiam divina & naturalis, quæ præcepta legis dubium, vel obscurum sensum præ se ferunt. Ad illam reducit interpretatio consuetudinis non præscriptæ, item interpretatio iudicialis facta à iudicibus inferioribus, nec non interpretatio facta ab ipso Legislatore, tanquam à Doctore privato, & opinativè scribente.

3. Interpretatio doctrinalis rursus dividitur in declarativam, extensivam, & restrictivam. *Declarativa* est congrua dubiorum, vel obscurorum verborum expolitio, quæ ut rectè instituat, observandæ sunt sequentes regulæ: Primò investiganda est mens & intentio Legislatoris, quam habuit, dum legem conderet; hæc quippe est anima legis; ideoque si de hac constet, illi adhærendum est, quicquid aliud verba sonare videantur: nam ut dicitur l. 17. ff. de L.L. *scire leges non est earum verba tenere, sed vim & potestatem.* Et l. non dubium. eod. In legem committit, qui verba legis amplectens contra legem nititur voluntatem. Et eleganter D. Hilarius l. 4. de Trinit. *Intelligentia ditorum ex causis est assumenda dicendi: quia non sermonis res, sed rei debet esse sermo subiectus.* Ita post Suarez l. 6. c. 1. Sanchez, Layman, Salmantic. hic punct. 3. n. 24.

Secundò. Attendenda est legis ratio, quæ perit in præmio, & initio legis ponitur, quia exinde potissimum finis & intentio Legislatoris elucet: præsertim, si ratio legis comparetur cum aliis legibus: debet quippe præsumi mens Legislatoris sibi suisque legibus consona, si nulla sit iusta & sufficiens oppositio, quam in legibus, quantum fieri potest, vitari oportet.

Tertiò. Attendenda est verborum proprietates, five lex sit favorabilis, five odiosa, prout docet Layman tr. 4. c. 18. Palao tr. 3. disp. 5. p. 3. §. 3. alias quippe nulla foret legibus firmitas, sed omnes forent illusioni & confusioni obnoxie. Igitur per se loquendo talis præsumitur fuisse Legislatoris intentio, qualem verba in proprio sensu, & communi usu accepta significant. Quod si verba admittant duplicem sensum, naturalem [h. e. qui communi hominum impositione & acceptione convenit] simul & civilem [h. e. qui est proprius arti politicæ, & convenit rebus per fictionem iuris] distinguunt præcitat DD. Vel enim lex est odiosa, vel favorabilis; si odiosa, five de in præceptiva, five poenalis, restringi de-

bet, ad eoque verba in proprio & naturali sensu accipienda: unde leges latæ de filiis, de filiis legitimis sunt intelligendæ, non de legitimis per favorem Principis. Si verò lex sit favorabilis, etiam sensus civilis admittitur: juxta regulam iur. *favores sunt ampliandi*, & sic sub nomine filii venit etiam adoptatus, legitimatus, nepos: sub nomine nobilis, non solum qui talis est iure sanguinis, sed etiam beneficium Principis. Dixi tamen *per se loquendo*, quia, ut communiter notant DD. si ex proprio sensu legis aliqua sequeretur iniquitas, aut damnum innocentis, vel lex redderetur inutilis & illusoria, à proprio sensu etiam ad improprium declinandum foret: quia, ut dicitur in c. *secundò requir.* 41. de appellat. *Verba intentioni deserviant, & non intentioni verbis.* Non potest autem præsumi de Legislatore, quod in lege condenda iniquitatem intenderit.

Extensiva legis interpretatio dividitur in comprehensivam, & merè extensivam. *Comprehensiva* est, quæ lex extenditur ad personam vel casum verbis quidem non expressum, mente tamen Legislatoris comprehensum ob adequatam rationis identitatem: quæ secundum communem DD. nominatim Layman tr. 4. c. 18. Suar. l. 6. c. 3. n. 16. Pyrhing l. 1. Tit. 11. de constitut. n. 112. Clariss. P. König ibid. §. 12. n. 27. locum habet in lege non tantum favorabili, sed etiam odiosa, & præceptiva. Hujus probationem supeditat ultima Reg. l. in 6. quod possit esse sub mente legis id, quod non comprehenditur sub verbis legis; quod aliud esse non potest, quam id, in quo currit adequata ratio Legislatoris, motiva ad ferendam legem: cum prudenter præsumi possit, voluisse Legislatorem suâ lege comprehendere omnes casus, in quibus ipsius adequata ratio reperitur, nisi de contrario aliunde constet. Et sic primò præsumitur extensio comprehensiva esse de mente Legislatoris in correlativis, ubi, quod disponitur de uno, dispositum censetur de altero: ita si vir eximitur ab obligatione reddendi debitum uxori adulteræ, etiam uxor deobligabitur respectu mariti adulteri: ita licet in c. *illius, de sponsalibus*, dicatur, quod sponsa liberetur ab obligatione sponsalium propter absentiam sponsi sine sua licentia factam; tamen ob adequatam rationis identitatem dicendum erit, etiam sponsum deobligari propter absentiam sponsæ factam sine sua licentia. Secundò in æquiparatis, subordinatis, & connexis; ideo, cui lex concedit facere testamentum, etiam concedit facere codicillum; cui prohibet codicillum, à fortiori prohibet testamentum. Cui conceditur usus carni, etiam conceditur usus laudiciorum; & concessio principali concedi, censetur accessorium. Nec refert, quod lex agat de persona vel casu particulari, dummodo non velit ad illum restringere legis decisionem: sic decisores Pontificum & Imperatorum Corpori Juris insertæ obligant in communi, & casus particulares continent tanquam exempla legis declaratoria, non limitantia, aut restrictiva.

Dixi tamen primò, ob adequatam identitatem rationis, nam si identitas sit inadæquata, casus sub lege comprehendi non censetur, neque si tantum sit paritas vel similisudo rationis, quia tunc cur-

rit altera juris Regula, quod si *Legislator idem fieri voluisset, poterat exprimere. c. 8. de Translat. Episcop.* ergo si non expressit, ejusmodi casus in lege non comprehenditur, juxta illud Gloss. in l. 1. §. ff. de L.L. *Exceptio a regula firmat regulam in contrarium.*

Dixi Secundò, *Locum habere in lege etiam præceptiva*: nam in lege pœnali non datur extensio comprehensiva ad casus non expressos, neque quoad pœnam, neque quoad vinculum obligationis, tamen videatur esse rationis identitas, nam leges odiosæ sunt restringendæ. Et l. 42. ff. de pœn. *Interpretatione legum pœne molliende potius, quam exasperanda.* Ratio quoque est: quia tota vis obligandi tam quoad culpam, quàm quoad pœnam, dependet à voluntate Legislatoris; si ergo ipse noluit legem extendi ad alium casum quoad pœnam, verisimile est, etiam noluisse extendi quoad culpam & obligationem: siquidem pœna infligitur propter culpam: ideo quamvis in jure æquiparentur consulentes, mandantes, facientes; si tamen excommunicatio lata sit adversus facientes, non extenditur ad consulentes. Irregularitas lata contra rebaptizantes non extenditur ad iterantes Sacramentum Ordinis, vel Confirmationis, quamvis nulla appareat diversitas rationis. Ita Layman tract. 4. c. 18. n. 2. & 7. Sanch. l. 10. de matrim. disp. 4. Salmantic. loc. cit. n. 40.

5. Interpretatio merè extensiva est, per quam dispositio legis ob paritatem, vel similitudinem rationis extenditur ad personam, vel calum, neque verbis, neque mente Legislatoris comprehensum. Huic nulla est vis & efficacia extra judicium & in foro conscientie, quia ad hoc lex non obligat, quod est extra intentionem Legislatoris: sed quod neque verbis neque mente Legislatoris continetur, est extra ejus intentionem: ergo ad id extensionis legis non obligat. Extra judicium, inquam, quia in judicio ad decisionem causarum forensium etiam huic extensioni est locus: cum enim nequeant omnes casus legibus comprehendi, prudentia dicat, ut in casu non expresso procedatur ad normam expressi, per l. 13. ff. de L.L. imò Judices quoque obligari, ut deficiente legum evidentia, jus dicant secundum similia, probabiliter docet Haunold, de Jure & Just. tr. 1. c. 5. contr. 2. n. 284.

6. Restrictiva interpretatio est, quâ interpretatur aliquem casum particularem propter certas circumstantias sub lege & intentione Legislatoris non contineri, eaque peculiari nomine dicitur epikia. Sitigitur

### §. II. Epikia.

**H**æc ab Aristotele l. 1. Ethic. & Doctore Angel. ibidem l. 16. describitur, quod sit *emendatio legis, quâ parte deficit propter universalitatem.* Sive benigna interpretatio & restrictio legis secundum æquum & bonum, eo sensu, quem in fine præced. §. diximus.

7. Datur itaque Epikia: quia leges feruntur universaliter cum reflexione, quid in pluribus, non quid in singulis casibus particulibus contingere possit, & soleat. Ideoque nonnunquam opus

est exceptione alicujus casus & personæ particularis, cum æquitas naturalis dicat, legis universalitatem & Legislatoris intentionem ad ejusmodi casum se non extendere: quâ ratione personæ debiles, & magno labore fatigatæ excusantur à lege jejuni. Neque sic præjudicium infertur potestati legislativæ, cum præsumatur Legislator in simili casu eadem fuisse dicturus, ut colligitur ex l. nulla juris. ff. de leg. ubi habetur: *Nulla juris ratio, aut æquitatis benignitas patitur, ut, quæ salubriter pro utilitate hominum introducuntur, ea nos durior interpretatione contra ipsorum commodum producimus ad severitatem.*

Cæterum, ut datur locus epikie, non necesse est, ut legis observatio in particulari casu efficiatur iniqua & damnosa bono publico, sicuti si in obsecra civitate esset præceptum, ne portæ aperirentur, liceret tamen illas aperire civibus ab hoste ad civitatem compulsi, quia tunc præcepti observatio esset iniqua & damnosa ipsi civitati; sed sufficit, quod sit valde onerosa, & difficilis observatu: cum enim jugum Christi sit suave, & onus leve, lex quoque debet esse suavis, ut humano modo & sine magna difficultate possit servari. Unde si casus occurrat magnò incommodò vestitus, præsumi potest, quod Legislator illum sub rigore legis noluerit comprehendere. Sic communiter excusatur mulier ab auditione Sacri, si inde honoris, sanitatis, rei familiaris jacturam aut damnum metuat. Suar. l. 6. c. 7. Palaus tr. 3. disp. 5. punct. 3. Imò quotiescunque moraliter constat, & prudenter præsumitur, quod Legislator noluerit aliquem casum comprehendere, quantumvis verba legis sint generalia, licitum erit oppositum operari, juxta ea, quæ tradit Suar. cit. n. 6.

Neque excipitur ab epikia lex Divina & naturalis, nisi cum prohibent actus intrinsecè malos, qui per nullam circumstantiam à malitia depurari possunt, ut sunt mendacium, fornicatio; nam ab istarum etiam legum universalitate plures casus singulares possunt deficere. Sic jure naturali prohibetur occisio hominis, quem tamen justè occido, si mihi necem injustè intenter. Secretum servare, extremè indigentem subvenire, sunt juris naturalis, dantur tamen casus, in quibus istæ leges non obligant. David per epikiam urgente famis necessitate judicavit sibi licitum comedere panes propositionis, aliquin lege divinâ vetitos; & Machabæi, licitum esse die Sabbathi hosti resistere.

Excipiuntur tamen leges irritantes, & quæ formas substantiales actibus præscribunt: in his quippe, secundum commune DD. sententiam epikia contra verba & formam legis non admittitur, eo quod rigor istarum legum & forma opposita actibus, vel contradicibus, concernat bonum publicum, nisi aliter mens Legislatoris colligi possit. Ideo non obstante quâcunque necessitate irritum est matrimonium sine parcho & testibus contractum, neque valent testamenta, contractus aliique actus sine præscripta forma celebrati, extra casus specialiter exceptos. ut tradit Layman de leg. c. 19. n. 2. Barb. ad Concil. Trid. Sess. 24. c. 1. Sanch. de matr. l. 3. disp. 17. P. Engel Tit. II. §. 4. n. 78. P. König ibid. §. 12. in fine.

ARTI-

## ARTICULUS IV.

## De dispensatione legis humanæ.

## SUMMARI A.

1. *Definitio dispensationis.*
2. *Datur potestas dispensandi.*
3. *Dividitur dispensatio in particularem & totalem.*
4. *In tacitam & expressam.*
5. *In directam & indirectam.*
6. *Dispensatio est stricta interpretationis, non potestas dispensandi.*
7. *Superior sine justa causa validè quidem, sed non licitè dispensat.*
8. *Inferior & delegatus invalidè.*
9. *Varia causa, ut inferior dispense in lege Superioris.*
10. *Quæ potestas dispensandi est ordinaria.*
11. *Corollaria.*
12. *Potest Prælati secum dispensare indirectè.*
13. *Potest dispensare cum viciis.*
14. *Cum forensibus secundum theoriam probabiliter non potest.*
15. *Secundum praxin potest.*

## §. I.

*Quid & quotuplex sit dispensatio?*

1. **D**ispensatio est relaxatio legis pro aliquo, vel pluribus personis, aut casibus facta ab habente legitimam potestatem, manente vigore legis ex parte materia. Dicitur primò, *relaxatio legis*; quia formalis effectus ipsius est, eximere subditum à vinculo, & rigore legis, ideoque à D. August. relato in c. ipsa pietas. 23. q. 4. vocatur vulnus contra integritatem severitatis. Secundò, *pro aliquo, vel pluribus*; quia si sit pro omni persona, & casu, non erit dispensatio, sed abrogatio legis. Tertiò, *ab habente legitimam potestatem*; quia est actus jurisdictionis, ex quo distinguitur ab interpretatione & epikia. Quartò, *manente vigore legis ex parte materia*; hoc quippe ablato, & mutata materia, legis obligatio non amplius ad illum casum extenditur, vel per epikiam ad illum se non extendere declaratur.

2. Dari potestatem iuste & licitè dispensandi in lege humana, docet D. Th. q. 97. a. 4. & demonstrat praxin quotidiana; insuper suadet ratio: nam datur potestas legem totam abrogandi quoad omnes: ergo etiam eandem remittendi quoad aliquos. Sed neque leges, neque senatusconsulta ita scribi possunt, ut omnes casus, & qui quandoque inciderent, comprehendantur, sed sufficit, ea, quæ plerumque accidunt, contineri. l. 10. ff. de leg. unde variè dari possunt causæ rationabiles unum alterumve à generali legis vinculo eximendi: ut, aliqua legem servandi difficultas, non tamen adeò magna vel evidens, ut quis per seipsum epikià uti possit, vel dignitas personæ, ejusve erga Rempubl. merita & obsequia, quorum intuitu æquum est eandem à communibus oneribus eximi, ut habetur in c. de multa, de prebendis.

3. Dispensatio dividitur primò in *particularem & totalem*. Totalis est, quæ obligationem legis

ex toto; particularis, quæ illam tantum ex parte relaxat: ut si dispensetur tam quoad obligationem culpæ quàm pœnæ, erit totalis; si tantum quoad obligationem pœnæ remanente obligatione culpæ, erit particularis dispensatio.

Secundò dividitur in *tacitam & expressam*. Tacita est, quæ signis obscurioribus; expressa verò, quæ signis evidentibus exhibetur, putà per verba sufficienter significantia voluntatem dispensandi, quæ non sunt in jure determinata, neque necessarii dantur in scripto, nisi id jure expressè statuatur. Tacite dispensationis exemplum habes, si Prælati sciens se lege impeditum, aliquid injungat, vel concedat, quod impossibile sit cum lege: e. g. si sciens te irregulare, concedat dimissiones ad suscipiendos SS. Ordines, vel beneficium conferat, censetur tacite dispensare in irregularitate, eò quod non possit prudenter præsumi, velle Superiorem, ut subditus agat contra legem. Gordon. l. 2. q. 13. n. 4. Palao disp. 6. punct. 12. Sanch. l. 8. de matrim. disp. 4. à n. 2. Merito tamen communi DD. calculò removeretur à dispensatione tacita præsumpta voluntas, vel ratihabitio superioris de futuro, quia dispensatio à lege deobligans est voluntas Superioris præsens, vel antecedens actum, non quæ tantum esset, vel erit. Sic ut aliquis in verito gradu cum consanguine legitime contrahat, non sufficit quod præsumat à Pontifice obtinendam dispensationem &c. Ita Salmantic. c. 5. punct. 2. n. 12.

Tertiò. Dividitur in *directam seu immediatam, & in indirectam seu mediatam*. Directa est, quæ dispensat Prælati cum subditis; indirecta, quæ secum ipse dispensat: idque duobus modis contingit; primò quando cum tota communitate dispensans v. g. in lege jejunii, vel festi, hoc ipso à lege naturali ad observantiam suæ legis non amplius obligatur. Secundò, quando dat alteri, v. g. Confessario facultatem dispensandi cum sua persona.

## §. II.

*Quibus, & cum quibus conveniat potestas dispensandi?*

**A**liud est dispensatio, aliud potestas dispensandi. Illa tanquam vulnus legis, eoque odiosa restringi debet, quæ enim à jure communi exorbitant, nequaquam ad consequentiam sunt trahenda per Reg. 28. potestas verò dispensandi, tanquam concessa in favorem dispensantis ampliori gaudet. Potestas dispensandi alia est ordinaria, alia delegata, Ordinaria competit Legislatori, ejusque Successori, aut utriusque Superiori; delegata convenit inferioribus, qui illam sibi à Superioribus commissam accipiunt. Ratio est clara; quia dispensare est actus jurisdictionis voluntariæ, quo tollitur legis obligatio; ergo ordinaria potestas dispensandi competit habentibus jurisdictionem ordinariam; delegata habentibus delegatam.

Unde



7. Unde infero, Superiorem in sua lege etiam sine iusta causa cum subditis valide dispensare posse: quia cum valor & efficacia legis pendeat ex voluntate Legislatoris; ideo sicut illam sine iusta causa, ut prius dictum, in totum valide auferre, sic pariter restringere, & in illa dispensare potest; atque hoc modo dispensatus sua dispensatione licite uti poterit, nisi forte per occidens inde scandalum, vel damnum tertii sequatur, cuius causam vitare tenetur. Ita Suar. l. 6. c. 19. Layman, aliique. Ipsa tamen dispensatio, tanquam imprudenter, & absque boni publici consideratione facta, non carebit peccato, & quidem ex genere suo lethali, nisi per materiam parvitatem excusetur; siquidem intra suam speciem admittit materiam gravitatem, seu grave damnum boni communis ad lethale peccatum sufficiens. Ita Reding. q. 17. a. 2. contr. 3. n. 6. citans Covarruv. & Rodriq.
8. At si Juxta delegatus & inferior sine expressa vel tacita licentia Superioris sine causa dispenfet in lege Ordinarii & Superioris, invalidè dispensat, per c. ad Monasterium. 4. de statu Monachorum. tunc enim delegatus excedit limites sue potestatis, cum Ordinarius non presumatur ipsi dedisse potestatem dispensandi nisi sub conditione iustæ causæ: Inferior quoque Juxta præcisâ omni Superioris licentiâ nihil potest in lege Superioris.
9. Dantur nihilominus variz causæ, propter quas Prælatus inferior in lege superioris ex tacita vel expressa concessione dispensare potest. Ita dispensant primò Episcopi in irregularitatibus occultis, exceptâ bigamiâ & homicidio voluntario, per concessionem Trid. Sess. 24. c. 6. Secundò in negotiis exigui ponderis & momenti & quæ frequenter occurrere solent, ut dispensatio in jejuniis, festis, &c. Ita Haunold, hic. c. 6. contr. 1. Palao, Goner, Salmanticæ, & DD. communiter. Tertiò in dubio an casus indigeat dispensatione Superioris. Quartò dum urget dispensandi necessitas, & nimis difficilis est recursus ad Superiorem, &c. tunc enim per episcopiam Episcopis tacitè & virtualiter est concessa facultas dispensandi, quæ etiam alicubi per consuetudinem potest esse præscripta.
10. Hæc porro potestas dispensandi in legibus Superioris de jure tacitè, vel expressè, sive de consuetudine Prælati inferioribus concessa, non est delegata, sed ordinaria. Suar. l. 6. c. 15. Sanch. l. 2. de matrim. disp. 40. n. 4. quia nimirum est annexa dignitati & officio, ideoque & transit in successores, & aliis delegari potest.
11. Colliges primò Episcopum posse dispensare in irregularitate cum corpore vitiatâ, si defectus non sit valde magnus, ut inde scandalum timeri possit. Ita Haunold, cit. n. 312. Secundò in votis non reservatis. Vota porro reservata Summo Pontifici recensentur: Votum Religionis, perpetuæ castitatis, peregrinationis in terram sanctam, ad limina Apostolorum, & ad D. Jacobum Compostellam. Ita Magnif. D. Petschacher, q. 7. §. 4. qui ulterius observat ex Suarez, Haunoldo, Palao, votum Religionis esse summo

Pontifici reservatum quoddam genus, non quoddam speciem; Unde potest Episcopus dispensare, ut vovens ingredi Religionem strictiorem, ingrediatur laxiorem. Tertiò in irregularitatibus & suspensionibus ex occulto delicto provenientibus [exceptis, quæ oriuntur ex homicidio voluntario, causisque ad forum contentiosum deductis] aliisque quibuscumque casibus occultis, ex Trid. Sess. 24. c. 6. de Reform.

Potest non tantum Prælatus Superior indirectè, sed etiam inferior [nisi à superiore prohibeatur] quando accepit potestatem dispensandi pro tota communitate; quæ tamen dispensatio non est actus jurisdictionis, respectu sui ipsius, sed simplex exceptio à lege facta in virtute Prælati Superioris, qui cum dat inferiori expressam vel tacitam facultatem cum subditis dispensandi, hoc ipso non vult inferiorem Prælatum esse deterioris conditionis: neque illum vult diutius obligatum lege, nisi quamdiu ipse se non voluerit esse exemptum.

Præterea, suppositis fundamentis superioris doctrinæ, loci Ordinarius potest dispensare cum vagis. siquidem ipsi per præsentaneam habitationem forum non tantum consentiunt, fed etiam externum fortiuntur; non item cum forensibus & peregrinis alibi habentibus domicilium, prout declarat v. S. Congregatio Concilii, Trid. Sess. 24. c. 6. n. 4. & §. & refertur apud Garziam de benefic. p. 2. c. 10. n. 139. dicentem, forenses & peregrinos posse absolvi ab Ordinario loci, quâ transeunt, non autem dispensari. Et quidem licet majori parte anni ibidem commorari decreverint, tamen Ordinarium non posse cum forensibus dispensare in votis v. g., & juramentis, exinde videtur evinci, quia nec potest illos Ordinare absque licentia proprii sui Ordinarii ex c. cum nullus de temp. Ord. in 6. Ita Reding. l. c. contr. 2. n. 6.

Et hæc quidem theoricè vera. Pro praxi ta-  
men observandum primò, Superiorem loci cum forensibus diuturno tempore commorantibus posse dispensare in legibus sui territorii; nam qui potestatem habet ligandi, etiam habet potestatem solvendi: sed ex dictis Superior territorii potest ligare suis legibus advenas ad longum tempus commorantes: ergo etiam per dispensationem potest solvere à vinculo suarum legum.

Secundò videtur consuetudine introductum, ut Ordinarius loci dispensare possit cum advenis sive permanentibus, sive transeuntibus in territorio commorantibus in legibus communibus, seu Pontificiis. Ita quippe testatur hodierna praxis, quâ in jejuniis & festorum observantia dispensatur cum mercatoribus solum transeuntibus in nudinis commorantibus. Et videtur ejusmodi potestas esse concessa Superiori loci à supremo Principe, ut suum territorium debito modo possit gubernare, ut docet Haunold. cit. n. 316. Et cit. P. Petschacher §. 6. Plura de his recurrent infra de privilegiis, quæ cum persæpe legi communi derogent, ita de ipsis quoque quæstiones scitu dignas & necessarias subnectimus.

## DISPUTATIO XXXVII.

DE

Natura, essentia & causis privilegii  
in genere.

**A**D calcem tractatus de Legibus, disputandum est de privilegiis, quippe pertinentibus ad modos, quibus legi juriq; communi derogari solet. Priusquam tamen de privilegiis certo hominum generi concessis in particulari dicuramus, pramittimus unam, alteramque Disputationem de privilegiis in communi, & primò quidem examinamus privilegii naturam, definitionem, & divisionem: exinde illius causas extrinsecas, & proprietates inspicimus.

ARTICULUS I.  
*Quid sit privilegium?*

## SUMMARI A.

1. *Privilegii definitio.*
2. *In quo privilegium cum lege conveniat?*
3. *In quo a lege differat?*
4. *Cur dicatur Lex privata?*
5. *Cur speciale beneficium concedens?*
6. *Differentia privilegii à gratia Principis.*
7. *Ejus differentia à dispensatione & rescritto.*
8. *Leges pœnales pro tuenda quorundam immunitate non sunt privilegia.*
9. *Non obest privilegio, quòd sit insertum juri communi.*
10. *Nova concessio gratia, jam prius jure communi obiecta, aliquo sensu est privilegium.*
11. *Duplex effectus privilegii.*
12. *Privilegium debet esse notificatum privilegiato, & ab illo acceptatum.*
13. *Debet etiam esse sufficienter manifestatum iis, qui obligantur, ne impediant.*
14. *Rationabilis causa est aliquando de valore privilegii.*
15. *Absolutè non requiritur ad valorem privilegii contra jus clausula derogans juri communi.*
16. *Requiruntur tamen, si juri communi clausula resistat privilegio.*
17. *Saltem quoad privilegia antecedentia.*
18. *Ad valorem privilegii contra consuetudinem & jura particulare requiritur clausula derogans.*
19. *Diverse gratia ad sui valorem scripturam exigunt.*
20. *Gratia Pontificia ante expeditionem litterarum dicitur informis quoad iudicium externum, non quoad forum conscientia.*

## §. I.

*Definitio privilegii.*

1. **R**Ecepta privilegii definitio est ex Isidoro c. privilegia. dist. 3. & c. Abbati de V. S. est lex privata speciale beneficium concedens.
2. **D**icitur primò Lex, non univocè, quasi omnes legis condiciones participet, sed minùs pro-

priè, & secundùm quid: quia quoad modum aliquem legis naturam imitatur, & adumbrat. Primò: quia ex parte formæ requirit voluntatem Superioris concedentis, à qua ipsius vis & vigor adinstar legis dependet. Secundò: quia pro forma extrinseca requirit signum, quo Principis voluntas privilegiato manifestetur, sive illud consistat in viva voce, sive in scripto. Tertiò: quia materia privilegii debet esse honesta, & rationalis juri Divino, vel naturali non adversans. Quartò: quia privilegium, etsi non exigat, admittit tamen perpetuitatem, quæ legi est propria.

Differt tamen privilegium à lege primò: quia non ligat privilegium ad utendum suo privilegio, uti econtrà lex stringit subditum: & tamen tertius teneatur non impedire privilegium ab usu sui privilegii, illa tamen obligatio directè non oritur ex privilegio, cujus objectum est favor privilegiato concessus; sed ex ipso jure naturæ quemlibet obligante, ne alium in jure quæsito impediatur. Differt secundò: quia lex ad sui valorem requirit causam justam & rationabilem, non item privilegium, quamvis ad licitam ejus concessionem aliqua causa rationalis [quales sunt bonum etiam privatum privilegiati, ejus scientiæ, virtutis, bonorum remuneratio, &c. juxta Salmantic. c. 1. p. 1. n. 6.] requiratur. Tertiò: quia lex fertur pro tota communitate, habetque pro fine intrinseco bonum commune, adeò, ut illo ablato totus vigor legis cadat: at privilegium respicit particulare bonum privilegiati. Unde

Dicitur secundò. Lex privata: partim quia concedit aliquod privatum, hoc est, particulare beneficium, partim quia illud concedit non omnibus, sed privatis & particularibus. Neque refert, quòd privilegia dentur etiam integris communitatibus, v. g. Clericis, Religiosis, Studiosis, militibus &c. nam & isti accipiunt privilegia, prout sunt pars aliquæ superioris communitatis, à qua in usu privilegiorum fecernuntur.

Dicitur

5. Dicitur tertiò: *speciale beneficium concedens*, nam de ratione privilegii est, ut ejus materia sit favorabilis, utque per illud concedatur facultas aliquid agendi, vel non agendi, recipiendi, vel non recipiendi, quæ de jure communi non competebar.
6. Ex his deduces primò. Privilegium differre à gratia & beneficio Principis, tanquam speciem à genere, & inclusum ab includente: nam omne quidem privilegium est favor, gratia, beneficium Principis; at non omnis gratia est privilegium; uti patet in collatione alicujus beneficii Ecclesiastici, absolutione à censura, dispensatione, &c.
7. Deduces secundò. Privilegium differre à dispensatione & rescripto; ab illa, quòd illa semper sit contra legem, legis vulnus, & relaxatio, neque sit naturæ suæ stabilis & permanens; At privilegium possit etiam esse præter legem, & suapte naturæ stabilitatem amere & permanentiam. Illo non semper sit perpetuum. A rescripto differt, partim quia rescriptum etiam continet gratias & beneficia Principis, quæ non sunt privilegium; partim quia rescriptum semper datur in scripto; cum privilegium dari possit etiam vivæ vocis oraculo.
8. Deduces tertiò. Leges pœnales, quibus cavetur inimunitati quarundam personarum, non esse privilegia: quia directè non favoris concessionem, sed onerosam aliquorum obligationem concernunt.
9. Deduces quartò. Favores certò personarum generi in jure communi concessos, non ideo amittere naturam privilegii; cum nihilominus contineant specialem gratiam aliis eodem jure communi non concessam.
10. Deduces quintò. Novam concessionem alicujus gratiæ jam antea à jure communi concessæ, eatenus dici posse privilegium, novumque favorem tribuere, in quantum supposita tali concessionem teneatur Superiores privilegium speciali assistentiâ in usu sui privilegii defendere, & per simplicem revocationem juris communis ejusmodi gratia concessa revocata non censetur, nisi fiat specialis in usus mentio, ut habent Suarez, Salas, Hinnoldus, Petschacher, &c.
11. Deduces sextò. Privilegium potissimum duplicem operari effectum: unum directum respectu privilegiati, nempe jus utendi suo privilegio; alium indirectum respectu aliorum, qui est obligatio ejusmodi privilegio non obstitendi.

## §. II.

*Requisita substantialia ad privilegium.*

**D**ictum fuit in priori §. ad valorem privilegii ex parte formæ requiri voluntatem privilegiantis, seu habentis potestatem conferendi privilegium; ex parte verò materiæ, ut res concessa sit materia honesta, Juri Divino & naturali non repugnans, sitque favorabilis privilegiato. Ulteriùs

Quæres primò. An ad valorem privilegii requiratur, ut sit suo modo publicatum, seu intimatum, & acceptatum à privilegiato?

12. Respondet. Ut Privilegium tribuat privilegiato jus exercendi actus per privilegium concessos.

*P. Alexp. Schol. Tom. II.*

fos, oportet, ut sit ipsi notificatum, & acceptatum. Ita videtur supponi in c. 1. de concess. prebend. & habet Glossa in c. quia cunctis. Suarez lib. 8. c. 25. n. 15. Sanch. l. 2. de matr. disp. 6. n. 10. Reding q. 18. a. 2. contrrov. 1. n. 2.

Ratio est primò: quia privilegium est quædam liberalis donatio; sed ista non habet effectum, priusquam sit notificata & acceptata à donatario; ergo nec illa. Unde secundò: Libertas non acquiritur per rescriptum manumissionis, donec servus sciat & acceptet *l. qui absenti, ff. de acquir. possess.* Neque tertiò legitimitas per auctent. quibus modis naturales &c. §. illud tamen. Et quartò, quamdiu quis ignorat, le habere jurisdictionem, non tenet actus; neque enim actus jurisdictionis conceditur ignoranti: *L. hæc auctem. §. non defendi, ff. ex quibus causis in possess.*

Quæres secundò. An etiam privilegium debeat esse aliis publicatum, qui obligantur, ne privilegio contraveniant?

Respondet. Ut privilegium pariat secundarium & indirectum effectum obligandi alios in conscientia, ne privilegii usum impediatur, sufficit, ut tantam habeant illius privilegii notitiam, quanta requiritur ad moralem ejus certitudinem, vel fidem prudentem habendam; hoc ipso quippe jus naturale incipit obligare, ne privilegiatus in jure quæsito impediatur. Ut verò etiam obliget in foro externo, requiritur illius manifestatio per ostensionem instrumenti, vel testis legitimos, qui de concessione privilegii, aut publico ipsius usu fidem faciant. Suar. cit. c. 24. n. 10.

Quæres tertiò. An aliquando ad valorem privilegii justa & rationabilis causa requiratur?

Respondet. Etsi juxta prius dicta defectus juris & rationabilis causæ privilegii concessionem non reddat invalidam, sed duntaxat illicitam; cum nempe materia privilegii penitus subest jurisdictioni concedentis, si tamen privilegium datur in bonis, quæ non omnimodè, sed tantum secundum rationabilem dispensationem Principi subjiiciuntur, ad ejus valorem etiam rationabilem causam requiri, uti contingit in concessione Indulgentiarum ex meritis Christi & Sanctorum, in quibus summus Pontifex disponit Christi nomine, quæ proinde si fieret sine justa & rationabili causa [quod tamen difficulter præsumi potest] Christus illam ratam non haberet. Reding. cit. n. 10.

Quæres quartò. An ad valorem privilegii contra jus requiratur clausula expressè derogans Juri communi?

Respondet negativè; si privilegium non potest habere effectum, nisi derogando juri communi, & nisi jus commune sit qualificatum per clausulam resistentem privilegio, nempe *non obstantibus quibuscunque privilegiis in contrarium*.

Ratio primæ partis est: quia Principes non præsumitur ignorare jus commune, c. 1. de consuet. in 6., aut velle concessionem inutilem facere. Ideoque dans privilegium, in actu exercitio juri communi derogat: & constat ex c. in his, de privilegiis. ubi rejicitur quædam interpretatio privilegii, per quam istud inutile reddebatur.

Ratio 2. partis est: quia si nudò privilegio derogaretur juri communi qualificato per clausulam

Vv 2

lam

iam resistentem privilegio, illa clausula foret inanis & nullius roboris, adeoque ut privilegium juri communi prævaleat, necesse erit adjungi clausulam derogatoriam: *Non obstante quacun- que lege in contrarium*, uti tradunt Suarez c. 14. n. 16. Palao n. 10. aliique.

17. Quam tamen doctrinam non improbabili- ter limitari posse ad privilegia legem clausulatam tantum antecedentia, quippe quæ per talem clau- sulam revocata censentur, non autem ad conse- quentia, quippe quæ nullum aliàs effectum pro- ducerent, tenent Salmantic. cit. n. 9.

18. Quæres quintò. An ad valorem privilegii contra consuetudinem, vel legem particularem requiratur clausula derogans: *Non obstante quacun- que consuetudine, vel statuto in contrarium?*

Respondéo affirmativè. Quia Princeps non præsumitur leges particulares aut consuetudines scire, per c. 1. de consit. in 6. unde requiritur ex- pressa clausula significans voluntatem derogandi etiam consuetudini, vel statuto particulari. Ita Authores citati.

19. Quæres sextò. An aliquando scriptura sit ne- cessaria ad valorem privilegii.

Respondéo. Et si juxta superiùs dicta regu- lariter non sit necessaria scriptura ad valorem privilegii, siquidem ille dependet à voluntate

concedentis, quæ non minùs vivà voce, quàm scripto potest innoscere; tamen ad quãdam gratias (potiùs quàm privilegia) per speciale exceptionem scripturam esse necessariam, prout est facultas non residendi in beneficiis curam ani- marum habentibus; & facultas ingrediendi in- tra septa Monasterii Monialium: per Tridenti- num Sess. 25. de Reform. c. 1. & c. 5. Palao p. 3. §. 1. ubi plura refert exempla ejusmodi gratiarum.

Dices. Ante expeditionem litterarum gratia censetur informis, ut colligitur ex Reg. Cancell. 25.: ergo, ut sit perfectum & consummatum pri- vilegium, requirit scripturam.

Respondéo. Gratiam à Summo Pontifice con- cessam dici informem in ordine ad judicium & forum externum, ubi deest ipsi perfectio sufficiens ad ferendum judicium; non autem in ordine ad forum internum conscientie, ubi gratia vivà vo- ce concessa jam est perfecta & formata, ut jus im- petranti acquirat, ex c. si probè de rescriptis in 6. c. fin. de concess. præbend. in 6. Palao loco cit. n. 2. qui etiam observat, gratias ab aliis Principibus concessas non tantum in foro conscientie, sed etiam externo suffragari, si per testes sufficienter probentur, cum nullo jure cautum sit opposi- tum, uti tenet Mascardus de probar. conclus. 845. n. 11.

## ARTICULUS II.

### Quotuplex sit privilegium?

#### SUMMARI A.

1. Exponitur divisio privilegii in reale, & perso- nale.
2. Res, cui privilegium annectitur, alia corporea, alia incorporea.
3. Exempla privilegiorum realium.
4. Pleraque privilegia Regularium sunt realia.
5. In dubio unde discernendum, sine privilegium reale, vel personale?
6. Privilegium causa pia concessum in dubio ha- bendum est pro reali.
7. Divisio privilegii in contra, vel ultra jus.
8. In gratiosum, & remuneratorium.
9. In perpetuum & temporale.
10. In affirmativum, & negativum.
11. In commune & singulare.
12. In favorabile & odiosum.
13. In scriptum, & non scriptum.
14. In privilegium pro foro conscientie tantum, & pro foro externo.
15. Licet aliquando privilegio dato pro foro peni- tentiæ uti extra Sacramentum ænit Penitæ.
16. Quid sit privilegium ad instar?
17. Exponitur clausula Motus proprii.
18. Quando nam tollat vitium subreptionis?
19. Quid sit & operetur clausula ex certa scientia, & de plenitudine potestatis?
20. Exponitur clausula: quatenus SS. Canonibus & Decretis, &c.

#### §. I.

*Divisio privilegii in reale & personale.*

1. **M**ultæ sunt privilegiorum divisiones & spe- cies, quarum potiores hoc articulo exponi-

mus: & in primis divisionem privilegii in reale, & personale. ex c. privilegia. ff. de Regul. Juris. & c. mandata. de presumpt. Nam licet omne pri- vilegium personam respiciat, quippe quia sola est ipsius capax: aliud tamen confertur personæ ra- tione & intuitu ipsius individue personæ; aliud verò intuitu rei, quæ personæ annectitur, puta, loci, officii, dignitatis, alteriusve qualitatibus, &c. prius dicitur personale, posteriùs reale. Perso- nale sequitur personam, & cum ea expirat c. pri- vilegium de R. l. in 6. Reale sequitur rem, & transit ad omnes, in quibus res invenitur, l. Impe- ratores. ff. de publicanis.

Porro res, cui privilegium annectitur, alia est corporea, ut Ecclesia, Monasterium, &c. Alia incorporea, ut Episcopatus, Doctoratus, Cleri- catus, Monachatus, &c. Unde omne privi- legium alicui communitati concessum est reale, & perpetuum. Reale, quia tamen si singula commu- nitatis membra, & individue illius personæ pri- vilegio gaudeant; ideo tamen gaudent, non quia sunt singulares personæ, sed quia sunt affe- ctæ qualitate totius communitatis: Perpetuum est: quia communitas & certum genus hominum in communi durat perpetuò, & fictione juris ha- betur quasi pro persona perpetua, l. proponebatur 76. ff. de judiciis. Suarez l. 8. c. 3. Pal. p. 2. §. 1.

Unde colliges primò, privilegium concessum filiis familias, ne in tutò; sœminis, ne fidejussione obligentur; privilegium militum in faciendis testamentis sine solemnitatibus; restitutionis in integrum concessum minorænnibus Reipubl. cau- sâ absentibus, esse privilegia realia, quia conceduntur



duntur ejusmodi personis quatenus affectis aliqua communi qualitate certi generis hominum perpetuò duraturi. Suarez, Haunold, cum communibus.

4. Colliges secundò. Ferè omnia privilegia concessa Regularibus esse realia; quia conceduntur toti alicui Religioni, Provincia, Ecclesie, etiam si concedantur pro certis membris communitatis v. g. Confessariis, Concionatoribus, Lectoribus &c. nam & his conceduntur intuitu communitatis, & quatenus sunt membra ipsius, ideoque sunt perpetua, & transeunt de persona in personam. Bordon. tr. 2. resolut. 52. Salmanticenses l. c. n. 19.

5. Sed quid si dubitetur, utrum privilegium sit reale, an personale?

Respondeo: in primis attendendam esse formam verborum, quæ si dirigantur potius in officium, conditionem, & dignitatem personæ, erit reale; si verò ad individuum personam, ipsam nominando, erit privilegium personale; e. g. si in privilegio dicatur, Tibi Archiepiscopo Salisburgensi, Tibi Rectori Universitatis &c. erit signum realis privilegii. Si dicatur, Tibi Francisco, Joanni, &c. erit personale.

Secundò. Si significetur privilegium concedi ob speciales qualitates personæ, v. g. ob scientiam, prudentiam, sanctitatem, meritum in mittendis subsidii &c. erit personale; si verò exprimat perpetuitas, & propegatio in hæredes v. g. in perpetuum, vel materia concessa sit talis, quæ etiam Successoribus concedi solet, erit privilegium reale. Tertiò. Si neque ex his satis liqueat, attendendum est, an privilegium sit *odiosum*, quia nempe, vel juri communi, vel alterius tertii adversum, vel an sit *favorabile*, continens meram gratiam citra alterius præjudicium. Si primum, judicandum est esse personale, quia, quæ à jure exorbitant, non debent trahi in consequentiam, suntque strictiori interpretationis c. odia 15. & quæ à jure 28. de R. l. in 6. Si secundum, judicari debet esse reale, quia decet concessum à Principe beneficium esse manurum. c. 16. de R. l. in 6. & l. 1. ff. de Constit. Principum dicitur, beneficium Principis quam plenissimè interpretari debere. Ita Sanchez, Suar. Palao cit. Engel l. 5. Tit. 33 n. 4. Salmanticenses n. 20.

6. Si privilegium in tali dubio foret in favorem Religionis, vel causæ piz expeditum, tametsi juri communi derogaretur, nihilominus habendum est pro privilegio reali, & latè interpretandum: quia summi in jus est, quod pro Religione facit. l. si persona. ff. de relig. & sumpt. Si demum possidenti privilegium ut reale, oriatur dubium, sitne reale, an personale? merito poterit illud habere pro reali, eo quòd in dubio melior sit conditio possidentis. Salmanticens. ibidem n. 21.

## §. II.

### Exponuntur aliæ complures divisiones privilegii.

7. Communissima divisio privilegii est in privilegium contra jus, & ultra, vel præter jus. Contra jus, quo juri communi derogatur, estque proinde strictè interpretationis, ut exemptio à

decimis solvendis &c. Ultra jus, cujus adus vel materia non est quidem jure prohibita, sed tamen nonnisi certis personis concessa, ut potestas dispensandi, absolvendi à reservatis &c.

Dividitur tertiò: in *gratiosum* & *remuneratorium*. Gratiosum est, quod etsi non excludat omnem respectum ad merita privilegiati, ceu causam impulsivam; datur tamen ex pura gratia, & non per modum præmii, vel satisfactionis pro obsequiis, aut meritis præstitis. Remuneratorium est, quod datur in compensationem pro meritis exhibitis, ideoque in sua concessione requirit specialem mentionem meritorum, e. g. ob hæc & illa merita concedimus tibi præsentis privilegium &c. Quò reducitur altera divisio in privilegium *purum* & *conventionale* illud sine, istud verò datur cum conditione, vel obligatione alicujus operis onerosi. Remuneratoria [qualia esse omnia privilegia Regularibus in communi concessa ex Summ. Penult. Bullis ostendunt & decent Rodriq. qq Reg. to. 1. q. 6. a. 6. Bordon. to. 2. resolut. 52. n. 26. Peyrinis to. 3. c. 4. n. 24. aliique communiter] & maxime conventionalia sunt plerumque perpetua adinstar contrahum, & non nisi ex urgentissima causa bonum publicum concernente revocantur. Engel l. 5. Tit. 35. n. 5.

Ex his colligitur quarta divisio privilegii in *perpetuum* & *temporale*. Perpetuum est, quod ex vi concessionis, & rei cui conceditur, potens est perpetuò durare. Temporale, quod ex vi concessionis tempore limitato finitur: idque tripliciter fieri potest: primò ex parte concedentis, si nempe concedatur duntaxat pro ejus vita, vel pro alio tempore limitato, siquidem existentia & duratio privilegii à concedentis intentione dependet. Secundò ex parte privilegiati, si nempe concedatur soli personæ, cum qua extinguitur per c. privilegia de R. l. in 6. Tertiò ex parte ipsius privilegii, si detur sub tali conditione, quæ tractu temporis finitur, aut suapte naturâ nequit perpetuò durare, ut ex Haunoldo Magnif. P. Peteschacher cit. §. 2.

Quintò privilegium dividitur in *affirmativum* & *negativum*. Affirmativum est, quo conceditur facultas aliquid faciendi; negativum, quo conceditur facultas aliquid omitendi. Affirmativum potest ex se esse præter, vel contra jus; quippe & actio concessa per privilegium potest esse contra vel præter jus; contra, ut facultas die jejunii comedendi carnes; præter jus, ut facultas eligendi Confessarium &c. Negativum semper est contra jus vel certum, vel saltem dubium, quia aliàs per illud nihil concederetur, cum quilibet possit emittere, quæ agere non tenetur.

Sextò dividitur privilegium in *commune* & *singulare*. Commune est, quod directe & immediate in bonum commune conceditur, ideoque per se primò pro aliqua communitate expeditur, tametsi mediatè cedat in bonum singulorum, qui sunt membra illius communitatis, ut est privilegium fori concessum Clericis. Cui privilegio nemo particularis renuntiare potest c. si diligenti, de foro competenti. c. si contingat de sentent. excommunicat. Nemo quippe renuntiare potest, quod sibi directe non conceditur. Singulare est, quod

quod ob commodum singularis personæ conceditur, ideoque ad singulares personas quæ tales dirigitur, ut privilegia Bullæ Cruciatæ, idque a privilegiato renunciari potest, per c. ad Apostolicam, de regular. l. si quis in conscribendo, c. de pallis. tum quia non decet beneficium invito concedi; tum quia privilegiatus efficitur Dominus privilegii in suum favorem concessi, nisi illud simul cedat in alterius favorem, neque utriusque favor ab invicem separari possit; in qua hypothefi absque alterius consensu renunciare non potest, quemadmodum uxor sine mariti consensu Senatusconsulto Vellejano non potest renunciare. Suar. l. 8. c. 6. Salmanticenf. n. 25.

12. Septimò dividitur in *favorabile* & *odiosum*. Illud est, quod in nullius gravamen redundat, sive siculera, sive contra jus, ut privilegium faciendi testamentum sine solemnitatibus, celebrandi Missam tempore interdicti, &c. Odiosum est, quod ita faver privilegiato, ut terro gravamen aut nocumentum inferat, ut privilegium non solvendi decimas, exemptionis à jurisdictione, &c. Ubi tamen advertunt Salmanticenf. cit. n. 28. quando per privilegium principaliter favor intenditur, tamen si per accidens & ex consequenti sequatur alterius damnum, privilegium esse simpliciter favorabile, & late interpretationis, sicut est privilegium canonis concessum Ecclesiasticis, quantumvis percutientibus sit odiosum. Et ita sentiunt Sanchez, Tamburinus, Azor, Palao, Laymann, Suarez, quos vide apud prædictos Salmanticenses.

13. Octavò dividitur in *scriptum* & *non scriptum*. Scriptum est, quod per scripturam conceditur, sive illa sit corpori juris inserta, sive alio modo authentica, eaque requiritur pro foro externo: nam in foro conscientie non requiri patet ex dictis. Non scriptum, vel est oreteus à Superiore concessum, & dicitur *viva vocis oraculo*, vel per consuetudinem, legitimamve præscriptionem introductum: Cui hoc est speciale, quod si privilegia rescripto Principis revocentur, privilegia tamen per consuetudinem obtenuta, nisi illorum specialis fiat expressio, revocata non censeantur. Haunold n. 170. Palao n. 3. Suarez l. 8. c. 7.

14. Nonò dividitur in privilegium *pro foro conscientie tantum*, & *pro foro externo*, ubi privilegium pro foro conscientie est, quod solum prodest, ut quis salvâ conscientia illo uti possit, non verò ut quis exterius, & in foro contentioso pro privilegiato agnoscat. Pro foro externo est, quod non tantum prodest in conscientia, sed etiam in iudicio externo: qualia sunt omnia privilegia Regularium, ut constat ex Bullis Summ. Pontific. & tradunt Bordon. to. 2. resolut. 52. Salmanticenses hic n. 32.

15. Dubium est, an si privilegium concedatur pro foro pœnitentiali, liceat illo uti extra Sacramentum pœnitentie? Multi probabiliter negant: nihilominus probabilis etiam est illorum sententia, qui distinguunt: Vel actus concessus in privilegio, est absolutio à malo culpæ, quod non nisi per sacramentalem absolutionem tollitur; & tunc privilegium extra Sacramentum pœnitentie exerceri non potest, ut per se patet: Vel

est à malo pœnæ, ut sunt pœnitentia, censura, excommunicatio &c. quæ extra Sacramentum Pœnitentie imponi & auferri solent: & tunc datur exercitium privilegii etiam extra forū sacramentale: quia cum talis absolutio sit verè pœnitentialis, datur in foro conscientie pœnitentiali, licet non sit in foro sacramentali, quod strictè appellatur pœnitentiale. Ita cum Sylvest. Rossella, Tabiena docet Suarez cit. c. 6. n. 15. Palao traçt. 3. disp. 4. p. 2. §. 5.

### §. III.

#### *Exponuntur quadam Clausule privilegiorum.*

Solent aliquando Pontifices concedere privilegium ad similitudinem & exemplum alterius, quod vocatur privilegium *adinftar*, & duplici modo concedi potest: primò, nihil exprimendo de punctis contentis in privilegio: ut si dicatur, *concedo tibi privilegium, quod Petro concessi*. Et tunc ad valorem privilegii requiritur, ut privilegium, quod tanquam exemplar supponitur, ab initio habuerit effectum & valorem. Secundò, ut expresse in privilegio exponat beneficium, quod concedit, e. g. *concedo tibi facultatem carnes comedendi, sicuti concessi Petro*: & tunc privilegium concessum non irritatur, tamen Petri privilegium ab initio fuisse nullum: quia tunc in concessione privilegii particula ad similitudinem non apponitur ut conditio, sed tantum exempli gratia. Ita Suar. c. 15. Palao p. 2. §. 8. Garc. traçt. 8. diff. 1. qui addunt, privilegium *adinftar*, tamen tantum generaliter & absque explicatione materie concessum, non vitari, si privilegium exemplare ab initio validum, postea fuerit amissum, diminutum, vel renunciatum, quia non in conservari, sed in fieri tantum dependet à privilegio exemplari. Ex quo rectè inferunt Salmant. n. 39. Si qua Religio extingueretur, non ideo extinctum iri illa privilegia, quæ adinstar illius, & per communicationem alteri Religioni fuissent concessa. Sed de communicatione privilegiorum infra ex instituto.

Clausula *ex motu proprio* facit differre privilegium ab eo, quod conceditur *ad instantiam partitis*: istud enim habet pro suo motivo petitionem, vel instantiam privilegiati, seu alterius ipsius partes gerentis, aliàs non concedendum. Quod verò conceditur ex motu proprio, datur à Principe solum à se moto independentè à qualibet petitione; licet fortè petiti præcesserit; non enim datur, quia petitur, sed sicut petitur est. Porro nunquam præsumitur gratia concedi ex motu proprio, nisi hæc clausula exprimat: quia continet in se exclusionem, & negationem universalem omnis alterius motivi, quæ non nisi ex terminis illam exprimentibus constare, aut probari potest, ut constat ex c. *si motu proprio, de prebendis* in 6. & tenent Sanch. l. 8. de matrim. disp. 1. n. 6. Suar. c. 12. n. 6. Laymann l. 1. traçt. 4. c. 23. n. 8. Palao traçt. 3. d. 4. p. 2. §. 6.

Effectus motus proprii est, quod tollat vitium subreptionis, si istud proveniat ex ratiocinatione veritatis, quæ explicanda fuisset, sive nulla præcesserit supplicatio, ut habent DD. communiter ex cit.

ex cit. c. si motu proprio, si ve præcesserit supplicatio, sed defectuosa, & non omnem exprimens veritatem, quæ si fuisset cognita, privilegium à Principe concessum non fuisset: quia per clausulam ex motu proprio censetur Princeps supplere velle defectum ex parte informationis diminutæ. Ita Palao & Sanch. citati. Salmant. n. 41.

Erīt tamen privilegium ex motu proprio invalidum, si huic causam dedit error causæ finalis, ut si falsā causa exprimat in supplicatione; non enim Princeps intendit concedere privilegium, nisi subsistente causā, à qua finaliter moveatur. Rursus invalidatur motus proprius, si concedatur inhabili, non prius obtentā dispensatione: vel si sit contra consuetudinem, ac legem particularem. Ita Suarez cit. c. 12, n. 14. Menoch. l. 2. de arbitr. centur. 3. casu 201. n. 30. Sanchez, Palao, Laymann citati.

19. Clausulæ ex certa scientia, & plenitudine potestatis, addi solent in confirmatione privilegii jam antè concessi, eumque habent effectum, ut novum addant robur, valorem & solemnitatem privilegio, si illud fortè imminutum, revocatum, vel alio modo fuisset extinctum; quod non efficit confirmationis privilegii expedita in forma communis; hæc enim relinquit privilegium in antiquo suo statu, utpote non supponens Pontificem de negotio plene informatum: cūm contra in con-

firimatione ex certa scientia Sum. Pont. præsumatur procedere ex plena notitia negotii.

Dixi. Si illud fortè imminutum, &c. nam si privilegium, quod confirmatur, ab initio fuit invalidum, subreptitium, persequentem confirmationem ejusmodi clausulis munitam non cancellatur, nisi expressè inferatur. Non obstante falsitate, & subreptione.

Clausula adjuncta in confirmatione, vel communicatione privilegiorum: quatenus SS. Canonibus & Decretis Concilii Tridentini non adversantur, accipienda est collectivè, ita, ut sub nomine SS. Canonum non veniant inserti in Corpore Juris, sed in ipso Concilio Tridentino, ut cum Barbosa in Tract. de Claus. 124. n. 2. docet Reding de privilegiis q. 18. a. 2. controvers. 3. n. 2. Si verò habeatur clausula: Dummodo decretis Concilii Tridentini contraria non sint; illa solum excepta censentur, quæ decretis Tridentini specialiter, & per clausulam, non obstantibus privilegiis, sunt contraria, cætera verò in suo vigore relicta censentur, uti est privilegium suscipiendi SS. Ordines extra tempora, quod per Trident. Sess. 13. de Reformatione c. 8. non est iublatur, probant Emmanuel Rodriq Reg. qq. 10. l. q. 8. n. 6. & 7. Palao n. 9. Petschacher a. 2. in fine.

Plures alias Rescriptorum clausulas, earumque effectus vide apud Canonistas ad Tit. de Rescriptis, quò pertinent, & Salmantic. hic c. 1. p. 4.

## ARTICULUS III. De Interpretatione privilegii.

### S U M M A R I A.

1. Regula pro facienda interpretatione privilegiorum.
2. Quis habeat facultatem privilegia doctrinaliter, vel authentice interpretandi.
3. Privilegium contra jus commune regulariter est strictæ interpretationis.
4. Ubi & privilegium contra specialem consuetudinem, & jus particulare.
5. Excipiuntur primò privilegia in favorem cause piæ.
6. Secundo inserta corpori Juris.
7. Tertiò privilegia ex motu proprio, vel ex certa scientia.
8. Privilegium contra jus tertii strictè interpretandum.
9. Nisi per talem interpretationem redderetur inutile.
10. Privilegium nemini præjudiciosum est amplæ interpretationis.
11. Potestas dispensandi indefinitè concessa est amplæ interpretationis.
12. Diversitas inter actum & potestatem dispensandi.
13. Potestas Episcopis per Tridentinum concessa est late interpretationis.
14. Potestas eligendi Confessarium aliquando lata;
15. Aliquando est strictæ interpretationis.
16. Privilegia Religiosorum ordinariè sunt amplæ interpretationis.

### §. I.

#### A quo & quomodo facienda privilegii interpretatio?

Cūm privilegium sit quædam privata lex, & in 1. pluribus legem imitetur, ideo multa, quæ prius de Legum interpretatione dixi, etiam privilegiis sunt accommodanda. Ideoque primò: Tunc solum datur interpretatio privilegii, quando verba & tenor privilegii intentionem privilegiantis non satis dilucidè proponit. Secundò: Sicuti lex est interpretanda, ne reddatur inutilis. l. non dubium C. de L. L. sic & privilegium nec dici potest privilegium, quod nihil operatur, nihilque concedit præter id, quod prius jure concessum est. c. si Papa. de privileg. in 6. c. Ab. 25. de V. S. Tertiò: Ubi lex non distinguit, neque nos debemus distinguere. l. non distinguimus. ff. de rescriptis arbitr. c. quia circa. 22. de Privilegiis. Idem dicendum de privilegio. Quartò. Sicut lex non includit, ad quod mens & ratio Authoris se non extendit. l. cūm prator. §. dolo ff. de legatis, sic verba privilegii sunt interpretanda juxta intentionem concedentis. Et quintò, cūm concedens præsumatur se conformare ad mentem & petitionem supplicantis l. si preses. ff. de pænis c. cūm dilectos §. ceterum de fide instrumentorum, ideo privilegia mensuram interpretationis etiam accipiunt à mente & precibus supplicantis. Suarez, & Palao citati. Sextò inspicienda materia & motiva concessionis, item pro-

proceum, in quo plerumque intentio Principis exponitur, si fieri possit, consulendus Princeps; demum attendenda proprietas verborum juxta sylum concedentis; nempe si privilegium est Pontificium, juxta sylum curiæ Romanæ; si Cæsareum, juxta sylum curiæ Cæsareæ. Sanchez, Haunold, Palao, aliique.

2. Causa efficiens interpretationis doctrinalis [suppono ex priori Tractatu aliam esse interpretationem doctrinalem, aliam authenticam] posunt esse viri docti exponentes privilegia secundum jura, & regulas Juris. Authenticæ verò nemo nisi Princeps, qui dedit privilegium; ejus quippe est juridicè & authenticè interpretari actum, cujus est condere actum, *l. favorabilissima. C. de l. l.* unde privilegia à Sum. Pontif. concessa, inferiores Prælati non possunt judicialiter interpretari. Salmanticens. hic cum plurius à se relatis.

Generalibus tamen Religionum, & respectivè Provincialibus dubia privilegia non tantum doctrinaliter, sed etiam juridicè & authenticè interpretari, concessum esse, ex concessione à Julio II. facta Generali Ordinis Prædicatorum, probant Salmanticenses ibidem num. 75. ubi etiam potestatem limitandi, restringendi, imò etiam pro suis subditis tollendi usum privilegiorum ab Apostolica sede promanantium è Summ. Pontific. Leonis X. Clementis IV. & Gregorii XIII. concessionibus probant Miranda to. 2. q. 43. a. 4. Lezana to. 1. c. 7. Suarez de Relig. to. 4. tra. 8. l. 2. c. 22. aliique.

## §. II.

*Quanam privilegia requirant amplam, vel strictam interpretationem?*

- Suppositis, quæ in priori articulo dixi de divitione privilegii in favorabile & odiosum:
3. Dicendum primò: Privilegium contra jus commune est regulariter strictè interpretandum, *per c. sanè. & c. foris de privilegiis.* Ratio est primò: quia quâ parte derogat juri communi, continet dispensationem, quæ est strictæ interpretationis juxta dicta in præcedentibus. Secundò, quia favor communis boni præpollet favori boni particularis: sed jus commune favor bono communi, uti privilegium bono particulari: ergo. Ideo si illegitimè concedatur privilegium ad Ordines suscipiendos, de minoribus Ordinibus accipiendum esse tradit Palao cum Authoribus à se relatis puncto 10. n. 3.
4. Ex quo infertur, præmissam doctrinam etiam habere locum in privilegio contra specialem consuetudinem, & jus particulare, quando illa juri communi non adversantur: sunt enim instar juris communis, eandemque obtinent efficaciam, adeoque juri specialis privilegii præferri merentur. Dixi tamen, quando juri communi non adversantur: si enim adversantur, tunc privilegium lata explicatio faveret juri communi, ideoque amplexanda. Salas disp. 20. sect. 10. n. 70. Sanch. l. 8. disp. 1. n. 12. aliique.
5. Dixi in assertionem, regulariter: nam excipitur primò privilegium cedens in favorem Religionis & causæ piæ, tunc enim latè explicandum est,

tamet si aliquo modo derogat juri communi, quia summum jus est, quod pro Religione facit *l. sunt persona. ff. de Religios. & sumpt. fun.* Ideo privilegia concessa Religiosis, militibus, studiosis sunt amplæ interpretationis; interest quippe totius Reipublicæ, Religionis, & boni communis, ut ejusmodi personis faveatur; quâ de causâ licet privilegium concessum filiis familias contra jus commune strictè sit interpretandum; ita ut solum de filiis legitimis intelligatur, *per l. ult. C. de his, qui veniam atat.* accedente tamen favore Religionis & piæ causæ etiam extenditur ad legitimatos, prout docent Suarez l. 8. c. 27. n. 7. Salas disp. 17. sect. 6. Palao cit. n. 5.

Excipitur secundò privilegium insertum juri communi, quia tunc non derogat juri communi, sed ipsius partem constituit. Suar. cit. n. 8. unde Sanch. l. 8. de matrim. c. 27. n. 8. & Henricus. l. 7. de Indulgent. c. 22. inferunt, privilegia omnia Religiosis in perpetuum concessa esse latè explicanda non tantum propter favorem Religionis, de quo prius, sed etiam propter perpetuitatem, per quam reputantur, ac si forent corpori juris inserta.

Excipitur tertio privilegium ex motu proprio, vel certâ scientiâ concessum, quod latam petit explicationem, quantumvis juri communi adversetur, tunc quippe est proprium Principis beneficium, ad cujus honoris & authoritatis favorem pertinet, ut ipsius liberalitas latè explicetur. Suarez cit. n. 8. Sanchez n. 5. & 6. aliique.

Dicendum secundò. Privilegium derogans particulari juri alterius strictam requirit interpretationem, quantum patitur verborum proprietas: quia non præsumitur Princeps velle derogare ejusmodi juri quæsito, nisi illud expresserit, *ex l. 2. §. 1. ff. ne quid in loco publico. c. licet in corrigendo de offic. ordin. c. ex inavum, de auctoritat. & usu pallii, & communi DD.* unde infertur privilegium concessum ad plura beneficia obtinenda esse interpretandum de beneficiis non curatis, quia cum ferè semper derogat non tantum juri communi, sed etiam juri tertii, strictè est explicandum, nisi aliud exprimat. Sanch. l. 9. disp. 2. n. 3.

Excipitur, si privilegium per strictiorem interpretationem redderetur inutile: non enim voluntas Principis frustrari debet, juxta dicta in priori §. n. 1.

Dicendum tertio. Privilegium, quod in nullius cedit præjudicium, est amplè interpretandum; nam & est purum beneficium Principis, quod latam petit explicationem, *l. beneficium. ff. de constitut. Princ. & favores sunt ampliandi. ex R. l. 1. §. in 6.*

## §. III.

### Corollaria.

Inferes ex dictis primò: potestatem dispensandi & absolvendi à reservatis concessam sine expressione personæ dispensandæ, vel absolvendæ esse latè interpretandum; tum quia talis concessio maxime conducit ad sublevandas multorum necessitates, neque refragatur juri communi; tum quia in nullius cedit præjudicium; si enim aliquod



aliquod esset, tunc esset iudicis ordinarii: sed huius præjudicium non est, cum delegatio ab ipso procedat, ejusque nomine exercentur. Ita communis.

Dixi notanter, *sine expressione* &c. nam si deur pro determinata persona, sive sit in favorem dispensandi, sive dispensandi, strictè interpretandam esse, probabilius docent Suarez l. 6. de LL. c. 17. n. 7. Sayr. to. 1. c. 11. n. 8. Palaohic puncto 11. n. 5. tunc enim facultas dispensandi censetur virtualiter esse inchoata dispensatio, quæ est strictæ interpretationis.

21. Sed, inquis: Cum dispensatio sit strictæ interpretationis, cur non & facultas dispensandi, cum potentia & facultas sit propter actum? Respondet, dispensationem in particulari esse vulnus legis, ideoque strictè interpretandam; non verò dispensationem in communi, sub qua multe continentur bono communi, rectæque gubernationi necessariae. Unde cum potestas dispensandi absolute data non respiciat aliquam dispensationem determinatè, sed indeterminatè quancunque utilem & necessariam pro bono communi, ideo est beneficium Reipublicæ, bonoq. & communi necessarium, ac proficuum, estque non minus amplæ interpretationis, quàm potestas ordinaria dispensandi. Hinc
23. Inferes secundò. Potestatem Episcopis concessam in Trid. Sess. 24. c. 6. de reform. esse latè interpretandam, quia est facultas data indefinitè pro bono communi Ecclesiæ, atque inclusa in corpore Juris. Palao n. 6. cum Sanch. aliisque.
24. Inferes tertio. Potestatem eligendi Confessarium, qui absolvat à reservatis, vel dispenset in

votis, aliisque canonicis impedimentis, concessam per Jubilæum, vel Bullam Cruciatæ, esse latè interpretandam ex duplici causa; primò, quia datur ad bonum commune Ecclesiæ, & subvenendum publicis ipsius necessitatibus, adeoque continet favorem Religionis, & pie causæ, secundò, quia datur ad obtinendam efficacius Indulgentiam & remissionem peccatorum, quæ est purus favor, nec in juris communis, nec in ullius alterius cedens præjudicium. Ita Suar. l. 6. de Voto c. 16. n. 3. Palao cit. n. 7. Petichacher de Leg. q. 8. a. 6.

Inferes quartò. Potestatem alicui in particulari, & in bonum privatum ipsius concessam, eligendi Confessarium, qui ipsum absolvat à censuris, & calibus reservatis, esse strictè interpretandam, quia continet exceptionem à jure communi, quo omnes alii tenentur pro absolutione accedere iudicem superiorem, neque ampliùs militat favor boni communis, religionis & pie causæ. Ita AA. citati.

Inferes quintò. Privilegia Religionum ali- cui S. Ordini, Provinciæ, Monasterio sive directè sive per communicationem concessa regulariter habere istam interpretationem: quia sunt purus favor, & beneficium Principis, & quidem favor religionis & pie causæ, quo nulli infertur injuria, aut præjudicium à Summo Pontifice, uti habet in terminis D. Thomas in 4. dist. 17. q. 3. a. 3. quæstione. 5. ad 1. & in opus. 19. contra impugnatores Religion. c. 4. prope finem, & tenent Palaus tract. 3. disp. 4. puncto 10. n. 6. Azor 1. part. 5. c. 23. q. 2. Laymann l. 1. tract. 4. c. 23. n. 6. Bordon. to. 2. resolut. 32. Salmantic. hic puncto 6. n. 86. aliique complures.

## ARTICULUS IV.

### *De extensione & communicatione privilegiorum.*

#### SUMMARI A.

1. Privilegium non extenditur nisi ad casus formaliter, aut virtualiter expressos.
2. Similitudo, aut paritas rationis, non sufficit ad extensionem.
3. Objectiones solvuntur.
4. Quid sit, & quot modis fiat communicatio privilegiorum?
5. Per communicationem non tribuitur usus, sed juri utendi.
6. Potest extendi ad privilegia concedenda.
7. Clausula restringens quandoque impedit communicationem.
8. Effectus communicationis.
9. Omnes Religiosi Ordines probabiliter communicant in privilegio.
10. Etiam in concedendis.
11. An privilegium uni Ordini vel loco concessum extendatur ad omnes?
12. Ratio in contrarium.
13. Resolutio cum limitatione.
14. Concessa Officialibus unius ordinis ratione officii communicantur Officialibus alterius Ordinis.
15. Privilegia Prelatorum non sunt communicata inferioribus.
16. Privilegia alicujus Religionis statim adversantia illi non communicantur.
17. Privilegia derogantia juri tertii non communicantur.
18. In communicatione non comprehenduntur gratia pravo examine Cardinalium particulariter concessa.
19. Privilegia Societatis Jesu communicantur sine dependentia à Generali Ordinis.

#### • §. I.

##### *De extensione privilegiorum.*

Dicendum primò. Privilegium non extenditur, nisi ad casus & personas formaliter, aut virtualiter in privilegio expressos. Ratio est, quod privilegium unicè dependeat à voluntate privilegiantis, quæ non nisi verborum expressione sit manifesta. Unde communiter dicitur, privilegia tantum valere, quantum sonant. Dixi tamen formaliter & virtualiter: nam illa dicuntur exprimi virtualiter, sine quibus privilegium inutile redderetur, nullumque commodum afferret privilegiato; cum igitur Princeps in privilegio inten-

intendat commodum & favorem privilegiati, etiam illa, sine quibus commodum non subsistit, expressisse censetur. Ideo privilegium concessum Sacerdoti celebrandi tempore interdicti, censetur etiam concessum ministro, sine quo non celebraret; concessum Domino etiam censetur concessum servo, sine quo Sacrum non accederet.

Dices. Privilegium nobilitatis concessum marito vel patri, etiam extenditur ad uxorem & liberos, nec tamen mariti nomine uxor, nec patris nomine comprehenduntur filii. Respondeo cum Palao punct. 12. n. 2. Hanc extensionem non fieri ex vi privilegii, quo maritus & pater nobilitantur, sed ex distincta juris dispositione, quâ uxor & liberi admittuntur in participationem nobilitatis, quoties illâ maritus & pater decorantur.

2. Dicendum secundò. Privilegium non extenditur ad alios in privilegio non expressos propter similitudinem, paritatem, vel majoritatem rationis Suarez l. 8. c. 28. n. 11. Palao, Petfchacher citati.

Ratio inprimis est eadem, quæ priùs; quia privilegium pendet à voluntate concedentis; si ergo uni potius concedatur, quàm alteri, non est causa illud ad alterum extendendi. Præterea privilegium est lex privata & particularis, quâ Princeps beneficium alicui ex speciali ratione concedit: ergo tamen si eadem, vel efficacior ratio in alio, non tamen bene inferitur, quòd eidem Princeps beneficium conferre voluerit. Tandem si valeret ista extensio, nihil esset in privilegiis solidum & firmum, multique etiam invito Principe privilegio gauderent. Ita AA. citati.

3. Objic. primò *c. per venerabilem, qui filii sunt legitimi*: ubi Pontifex argumento à majori ad minus probare videtur, dispensationem concessam illegitimo ad actus spirituales etiam extendi ad temporales.

Secundò in *c. ex parte tua, 22. de decimis*, privilegium concessum Abbati percipiendi decimas de laboribus terræ suarum parochiarum extenditur ad novalia. Tertiò. Privilegium dispensandi in votis etiam extenditur ad vota jurata, & facultas concessa beneficiato ad percipiendos fructus in absentia, causâ studii Theologici, etiam extenditur ad absentiam causâ studii Juris Canonici.

Respondeo ad 1. illam probationem non esse ipsius Pontificis Innocentii III. sed partis sollicitantis dispensationem pro filiis illegitimis. Ad 2. Respondeo, quia novalia pertinebant ad terram Abbatis, de cujus frugibus concedebantur decimæ, ideo hæc non est extensio, sed tantum latior privilegii interpretatio. Ad 3. eadem est responsio, quia vota jurata per accessionem voti non extrahuntur à ratione voti; unde in dispensatione voti sufficienter comprehensa intelliguntur.

### §. II.

*Quomodo tribuatur privilegium per communicationem?*

4. Communicari privilegium, est, jus per privilegium concessum uni, etiam concedi alteri,

quod tripliciter fieri posse rectè advertit Palao citatus. Primò per applicationem ejusdem privilegii ad plura subjecta æquè principaliter siue nova concessione: quemadmodum privilegium concessum Religiosis existentibus tempore concessionis, successivè extenditur & applicatur ad alios, qui sunt membra Religionis. Secundò per extensionem ad aliqua subjecta secundariò & accessoriè: sicuti privilegium concessum domino, secundariò, & accessoriè extenditur ad servum ipsius. Utriusque privilegii hæc est affectio, ut illo aucto, vel diminuto respectu illius, cui primò aut principaliter est concessum, etiam auctum & diminutum censetur respectu illorum, ad quos extenditur. Tertiò propriè privilegium communicatur per novam concessionem, quando privilegium ejusdem rationis conceditur ad imitationem alterius jam priùs alteri subjecto concessi; idque reipsâ parum differt à privilegio *adinstrat*, antea expposito. Hinc

Inferes primò, per communicationem privilegiorum non communicari usum privilegii, sed jus illo utendi; unde licet unus non utatur privilegio per communicationem pluitibus concessio, nullum exinde præjudicium generatur aliis talis privilegii communicationem habentibus, ut habet Panormitanus in *c. cum accessisset de constitut.* & Sylvest. verbo *privilegium* §. 11.

Inferes secundò. Quamvis absolute communicatio privilegiorum non extendatur ad concedenda de futuro, sed solum complectatur concessa juxta statum, in quo privilegium tempore communicationis invenitur; tamen si hanc concedentis intentionem verba expriment, etiam extendi ad concedenda de futuro, prout de facto omnes Religiones gaudere communicatione privilegiorum tam concessorum, quàm concedendorum docent Pellizar. tra&. 8. c. 1. n. 42. Joannes à Cruce l. 2. c. 4. conclus. 3. Reding controvers. 3. n. 2.

Inferes tertiò. Si in ipsa communicatione privilegiorum addatur clausula restringens: *Ne censeantur alii communicari, qui privilegio communicationis gaudent*: tunc non censeantur privilegium aliis communicari, nisi per specialem clausulam ejusmodi prohibitioni derogetur: quia privilegia operantur juxta intentionem concedentis verbis expressam; atqui per talem clausulam sufficienter declaratur, non fuisse intentionem Principis, hæc aut illa privilegia in specie sub generali communicatione privilegiorum comprehendendi. Et suffragatur illud vulgatum: *generi per speciem derogari, & sub generali clausula non venire, quâ Princeps non esset in specie verisimiliter concessurus*, Petfchacher q. ultima, a. 1. §. 13.

Inferes quartò. Effectum communicationis esse primò, quòd privilegium communicatum fiat æquè proprium illi, cui communicatur, quàm cui erat originariè concessum, ita ut illo quilibet independenter ab altero uti possit, & si forte contingat, uni ipsorum privilegium restringi, vel ablatum auferri, non ideo alteri sit restrictum, vel ablatum, sed is, cui fuit communicatum, illo secundum statum, quem habebat tempore communicationis, uti possit: quia licet privilegium communicatum in ipsa concessione & communicatione

eratione suam efficaciam obtineat juxta modum, limitationem, & restrictionem, quā fuit originariē concessum, cūm sit privilegium adinstar, neque communicari possit, quod non præexistit: tamen in facto esse, & in conservari non amplius dependet à privilegio originariē concessio, unde tamen integer Ordo extingueretur, qui privilegio originariē gaudebat; nihilominus alius Ordo habens communicationem, nullum privilegii detrimentum pateretur.

## §. III.

*De Communicatione Privilegiorum inter Religiosos.*

9. **D**ubitarur primò. An omnes Religiones Mendicantium & non Mendicantium communicent in privilegiis? hoc est, an, sicut Religioni conceditur privilegium, illud etiam aliis Religionibus censetur concessum?

Respondeo primò. Probabile est, omnes Religiones etiam non mendicantes communicare in privilegiis. Ita Joannes de Cruce loc. cit. concl. 1. Salmantic. c. 1. de privileg. punct. 7. n. 90. Pellizar. cit. n. 41. Petrus ab Ang. in spec. privileg. disp. 2. sect. 1. Rodriq. to. 3. q. 10. a. 1. Tamburinus to. 1. disp. 17. q. 1. n. 12. Lezana to. 1. c. 3. n. 17. Miranda to. 2. q. 46. a. 3. quorum fundamentum est. Si Summi Pontifices variis Ordinibus Mendicantium dederunt communicationem privilegiorum, aliis Ordinibus tam Mendicantium, quam non Mendicantium concessum; ac rursus eandem communicationem tribuerunt Religiosis non mendicantibus, tunc rectè inferitur, quòd omnes Religiones tam mendicantium, quam non mendicantium acceperint ejusmodi communicationem privilegiorum: atqui Summi Pontifices ejusmodi communicationem tribuerunt, prout ostendunt præcitati AA. ex plurimis Bullis Summ. Pontificum, Ordinumque Bullariis, quæ videre est apud eosdem.

10. **D**ubitarur secundò. An Religiones habeant communicationem in privilegiis tantum concessis, vel etiam in concedendis, quando Pontifex in concessione communicationis non facit specialem mentionem etiam de privilegiis futuris & concedendis?

Negativam tenent Basilius V. privileg. n. 11. Suar. c. 1. n. 8. Palao tract. 3. disp. 4. p. 2. §. 9. n. 7. Affirmativam non minùs probabiliter tueritur Emmanuel Rodriq. qq. reg. to. 3. q. 10. a. 1. Miranda to. 2. q. 46. a. 5. Hier. Garcia tract. 8. diff. 1. dub. 4. n. 3. Salmantic. cit. n. 98. Ratio est: Quælibet Religio communicat cum aliis Religionibus in privilegiis concessis: sed sunt plures Religiones quibus concessa est participatio & communicatio in privilegiis etiam concedendis, prout Leo X. concessit Dominicanis & Minoribus, Clemens VII. Carmelitibus, Gregorius XIII. Cisterciensibus, Paulus V. Societati: ergo Religio communicans cum altera in privilegiis concessis, etiam communicat in concedendis.

11. **D**ubitarur tertio. An privilegium uni Ordini vel Monasterio concessum, per communicationem extendatur ad totum Ordinem, vel alias Religiones? Affirmativam cum pluribus ample-

*P. Meuz. Schol. Tom. II.*

aitur Joannes de la Cruz l. 2. c. 4. conclus. 3. ex ea ratione, quia Clemens VIII. in Bulla 21. & 22., gralias & privilegia concessa Monasterio montis Serrati communicavit toti Ordini S. Benedicti, sicut de privilegiis concessis Monasterio Vallisoleto D. Ben. testantur Salmantic. citati n. 108. & de Monasteriis Minimorum, ac Prædicatorum affirmat præcitus de la Cruz. Cūm igitur Summi Pontifices Ordinibus præcipuè Mendicantium amplissimam facultatem tribuerint communicandi privilegia quibusvis Congregationibus, Societatibus, piisq; locis concessa, videtur privilegia uni Monasterio concessa, ad integros, imò ad omnes SS. Ordines per communicationem extendenda.

Verum, ut optimè advertunt Salmanticenses l. 2. loco citato, hæc sententia in tanta amplitudine accepta non potest subsistere, tanquam aliena à mente Summorum Pontiff. nimio pere exorbitans à jure communi, & patens multarum confusio; quis enim credat, privilegia concessa alicui Conventui in partibus Infidelium propter inopiam SS. ministrorum, etiam concessa aliis Provinciis inter medios fideles absque simili difficultate constitutis, aut privilegia & indulgentias concessas alicui monasterio propter aliquam celebrem peregrinationem, corpus alicujus sancti, miraculosam imaginem &c. per communicationem extendendas esse ad alia monasteria, & pia loca, ubi ejusmodi motiva deficiunt?

Respondeo igitur. Privilegia & gratiæ uni loco concessæ tunc per communicationem extenduntur etiam ad alia Monasteria, & Religiones, quando motivum concedendi est idem, simile vel æquivalens in omnibus, ut titulus Religionis, doctrinæ &c., secus si motivum sit alicui loco singulare, & quasi personale. Suarez de leg. l. 8. c. 28. Lezana to. 2. c. 1. n. 52. Salmantic. cit. n. 115. Secunda pars liquet ex difficultatibus primùm numero præcedenti oppositis. Prior pars assertionis inferitur ex amplissima concessione communicationis facta per Summ. Pontiff. & num. 11. exposita, quæ sub modò dicta limitatione sufficientem sortitur effectum.

## §. IV.

*Corollarium.*

**C**olliges primò: Privilegia concessa Generali Præfidenti, Abbati, Provinciali, Confessoribus, Concionatoribus, Doctoribus, Lectoribus unius Ordinis censeri communicata Generali, Abbati, &c. alterius Ordinis, supposito, quòd propter superioritatem, aut ministerium concedantur, quòd & aliis Ordinibus est commune. Similiter Indulgentiæ concessæ uni Religioni pro festis sui Ordinis, censentur communicatæ aliis Religionibus pro suis festis & Patronis, non obstante, quòd plurium Sanctorum festa in uno, quàm in alio ordine celebrantur, sic declaravit & concessit Ordini Prædicatorum Jul. 2. Bull. 18. & Sixtus IV. Bull. 33. apud de la Cruz citatum n. 2.

Colliges secundò. Privilegia Prælati concessa non communicari inferioribus; e.g. quæ dantur Provinciali non censentur communicata Priori,

Priori, quæ Priori, non sunt communicata Conventuali, quia superioritas, propter quam concessa fuisse suppono, non reperitur in inferioribus: Unde nec privilegia concessa Abbati Cassinensi, tanquam Patri & Abbati Abbatum, ob singularem & characteristicam proprietatem ipsi soli competentem, ad alios Abbates extendi possunt. Privilegia tamen Religiosis in commune concessa, etiam concessa sunt Superioribus; neque enim per prælationem desinunt esse Religiosi, sed in favorabilibus cum subditis Religiosis participant.

16. Colliges tertio. Privilegia alicujus Religionis statui, statutis, legibusque adversantia illi non communicari: nam prout opponuntur regulæ & legibus, sunt odiosa & restringi debent, & quod in favorem conceditur, non debet detorqueri in odium; neque potest præsumi de universali Pastore, quod intendat regularem observantiam relaxare. Pellizar, cum communi. Et ita licet Mendicantes per communicationem habeant privilegia non Mendicantium, non tamen possunt celebrare Divina in Pontificalibus, quia hoc repugnat ipsorum statui, sicuti nec privilegia Ordinibus Militaribus concessa aliis Religiosis communicantur.
17. Colliges quarto. Non esse locum communicationi in privilegiis, quæ dantur alicui Ordini contra jus tertii: quia per generalem concessionem sine clausulis derogantibus non censetur Princeps derogare velle alterius juri quæsito. Unde licet Dominicani habeant privilegium non solvendi quartam funeralem, non sequitur, quod alii Religiosi per communicationem gaudeant eodem privilegio, quia est contra jus Ec-

clesiarum parochialium, pro qua sententia duas declarationes Cardinalium allegat Barbosa. de offic. & potest. P. c. 25. n. 9.

Colliges quinto. Sub communicatione privilegiorum non comprehendit illas gratias, quæ per Brevia particularia præcedente examine & decreto alicujus Congregationis alicui monasterio, vel Religioni conceduntur; quia computantur inter illa, quæ raro & difficulter conceduntur, sapiuntque propterea naturam singularem gratiarum: qualis est facultas celebrandi de aliquo Sancto, reducendi numerum Missarum, alienandi bona, &c. Ita Lezana to. 3. V. Missa n. 51. Petrus ab Ang. disp. 2. sect. 2. n. 17. aliique.

Colliges sexto. Illam restrictionem, quæ Gregorius XIII. voluit, ne Religiosi Societatis Jesu suis, aut aliorum communicatis privilegiis uterentur, nisi in quantum sunt ab ipsorum Generali communicata, non obesse aliis Religionibus, quin communicatis privilegiis Soc. Jesu etiam independentem à suo Generali uti possint: quia illa restrictio non est privilegii, sed usus, in quo voluit S. Pontif. Religiosos Societatis à suo Generali dependere, eò quod hoc sit proprium statui Societatis, ut tota ipsius gubernatio à primo Capite dependeat. Unde in Bulla dicitur: *propter instituti ipsius ab aliis Religionibus diversitatem*. Quæ ratio cum non militet in aliis Religionibus, & aliis non onera & odia, sed favores communicentur, non est ratio, cur ejusmodi restrictio ad alios Ordines extendi debeat. Ita Palao tract. 3. disp. 4. p. a. §. 9. n. 4. cum Pellizar. Rodriq. aliisque plurimis.

## ARTICULUS V.

### *De causa efficiente & subjectiva privilegiorum;*

#### SUMMARIA.

1. *Legislator est causa efficiens privilegii.*
2. *Conferitur subditis & non subditis.*
3. *Desertores Religionum & expulsi privantur privilegiis.*
4. *Illimitatio privilegii licet uti ubique.*
5. *Item si nulli juri adversetur.*
6. *Item tamen si adversetur juri communi.*
7. *Non licet uti privilegio contra leges municipales, quibus etiam peregrini ligantur.*
8. *Licet uti privilegio contra pariter privilegiantum.*
9. *Regula in privilegiis inaequalibus observanda.*
10. *Exponitur axioma juris: Privilegiatus non gaudet privilegio contra pariter privilegiantum.*
11. *Quandonam sufficiat privilegium à superiore Principe contra præceptum Principis inferioris particulare.*

#### §. I.

*A quo, & cui privilegium concedi possit?*

1. *Quæres primò, Quis possit privilegium concedere? Respondeo. Privilegium conce-*

dere potest solus Legislator. Nam vel privilegium est contra jus, adeoque includit dispensationem & derogationem legis; & hoc clarum est soli Legislatori competere, aut est præter jus commune, vel municipale, & tunc saltem obligat subditos, ne privilegium impediatur in usu sui privilegii, quem esse indirectum effectum privilegii initio dictum est: sed etiam illud nemo potest nisi Legislator. Atque ita docent Suarez l. 8. c. 8. n. 1. Salas disp. 17. sect. 3. Palao tract. 3. disp. 4. p. 4. n. 1. Potest igitur Pontifex & Imperator concedere privilegium derogans juri communi, Episcopus legi Diocesanae: omnes tamen in materia sibi subiecta, in qua subditos obligare possunt.

Quæres secundò. Cuiam possit concedi privilegium? Respondeo, si privilegium est dispensativum legis, tunc solum conferitur subditis, ut patet ex dictis, soli quippe subditi lege stringuntur. Si privilegium est purè concessivum favoris, etiam conferri potest non subditis: non enim privilegiatus obligatur ad usum sui privilegii, sed illud accipit per modum liberæ donationis, & sic Princeps potest forensibus concedere facultatem



tatem è suo regno extrahendi arma, frumentum, merces, quas alioquin subditis extra provinciam vendere non liceret. Ita Palao loc. cit. aliiq̃ue.

3. Quæres tertio: Quibus personis usus privilegiorum alicui S. Ordini concessorum sit interdictus? Respondeo. Privantur usu privilegiorum S. Ordini concessorum apostatæ, & desertores Religionis, qui habitum dimittunt prætextu Professionis nulliter emissæ: nec non, qui ex Ordine legitime sunt ejecti. Prior pars constat ex Tridentino Sess. 15. de Regular. c. 19. sic statuerit. *Quod si antea habitum sponte dimiserit, tanquam apostata puniatur; interim verò nullo privilegio sua Religioni utatur.*

Altera pars, quam cum Suare & Pellizario tradit Reding l. cit. contròv. 49., ex eo probatur; quòd ejusmodi ejecti nullis renentur amplius observantiis regularibus: adeòque nec frui debeant commodis & privilegiis Religionis, cum juxta vulgatam Juris regulam, non sentiens onus neque commodum sentire, debeat: Sic neque Clericus ab ordine Clericali depositus, amplius gaudet privilegio fori, vel Canonis.

## §. II.

*Quomodo aliquis privilegio uti possit aut debeat?*

4. Quæres quartò. An quis possit uti privilegio extra territorium concedentis?

Certum est primò. Possè te uti privilegio illimitatè concessio, in omni loco contento sub territorio concedentis; uti contrà non potes in omni eo loco uti, si privilegii concessio limitetur ad determinatum locum: quia potestas utendi privilegio pendet à voluntate & intentione privilegiantis; unde si illa nihil limitet, poteris uti illimitatè; si quid limitet, debebis uti limitatè.

5. Certum est secundò. Si privilegii usus neque juri communi, neque particulari alicujus loci adversetur, possè te ubique locorum illo liberè uti: nam sicut privilegium concessum absque determinatione temporis est perpetuum, ita & concessum absque determinatione loci deservit pro omni loco: neque sequitur locum, sed personam, si sit personale; vel qualitatem personæ, si sit reale: ideo dispensatus ab Episcopo à jejunio, abstinencia carnum, irregularitate, &c. ubivis locorum potest uti suo privilegio.

6. Certum est tertio. Si privilegium sit contra jus commune, licitum esse ipsius usum extra territorium concedentis, quia jus commune non est magis uni, quàm alteri loco affixum. Unde simpliciter solutus à vinculo juris communis, solutus est pro omni loco. His suppositis ad quæsitum

7. Respondeo. Si privilegium adversetur legibus municipalibus & particularibus locorum, quibus etiam peregrini & forenses adstringuntur [quales dari suppono ex prius dictis in Tractatu de LL.] non potes illo uti in tali loco extra territorium concedentis; quia concessor privilegii vel non voluit per generalem illius concessionem, vel si sit Legislator inferior, aut æqualis conditionis cum Principe loci, non potuit te absolvere à jurisdictione Principis aut Magistratus

illius loci, per quem transis. Unde tametsi generali concessione à Principe tuo habeas privilegium gestandi arma, si tamen venias ad locum, ubi speciali lege propter bonum commune vetitum est gestare, vel inferre arma, teneberis abstinere ab armis, uti fit in Universitate Lovaniensi, & nostra Juvaviensi. Si verò leges municipales & particulares tuo privilegio contrariæ sint ejus conditionis, ut illis peregrini transientes non stringantur [ut itidem suppono ex dictis in hoc Tractatu de LL.] poteris uti privilegio, si ab his scandalum, quia tunc non es subiectus jurisdictioni illius loci, quæ transis. Ita Magnif. P. Pet-schacher cit. a. 5.

Quæres quintò: An liceat uti privilegio adversus alium æqualiter privilegiatum?

Nota. Concursum privilegiatorum contingere aliquando in privilegiis æqualibus: uti si duo monasteria habeant jus non solvendi decimas; aliquando in privilegiis oppositis, uti si habeas privilegium ab omnibus in tuo territorio existentibus accipiendi decimas; alius verò habeat privilegium nullas decimas solvendi. Quo posito

Respondeo primò: Licet uti privilegio adversus alium æqualiter privilegiatum. Suarez citat. c. 23. n. 3. Palao loc. cit. Pelliz. n. 78. Reding contròv. 4. n. 13. & desumitur ex *L. ult. ff. ex quibus causis majores*. Ratio est, quia cum privilegia sint æqualia, non est major ratio, cur unus utatur suo privilegio, quàm alius. Ideo si duo Monasteria vicina habeant privilegium non solvendi decimas, neutrum poterit ab altero decimas exigere. Et Clericus tenetur servare privilegium Canonis respectu alterius Clerici.

Respondeo secundò. In privilegiis inæqualibus aut oppositis sequentes regulæ ex Pellizario n. 78. observari possunt. Primò: in privilegiis imparibus majus præfertur minori. Secundò dupliciter privilegiatus præfertur simpliciter privilegiato. Tertiò: quando ex una parte agitur de damno vitando; ex altera parte de lucro acquirendo, præferendus est, qui agit de damno vitando. Quartò: Habens privilegium speciale, præfertur habenti privilegium generale: quia generi derogatur per speciem ex *R. I.* 34. ita Petrus habens privilegium speciale non solvendi decimas, præfertur Joanni habenti privilegium generale exigendi decimas. Quintò: Privilegium, cui assistit jus commune, præfertur alteri non habenti assistentiam juris; juxta Covarr. præf. qq. c. 7. §. 6. Sextò: Antiquius privilegium prævalet recentiori, quia Princeps non censetur velle alterius juri quæsito derogare, nisi exprimat. Unde si cui Monasterio competat privilegium, nequa fabrica intra mille passus ædificetur, & aliud monasterium habeat privilegium intra totidem passus ædificandi, attendendum est, quodnam ex his privilegiis sit antiquius; & ab antiquiori standum.

Oppones vulgatum axioma Juris: *Privilegium 10. tu non gaudet privilegio adversus pariter privilegiatum*: ergo in concursu duorum privilegiorum non datur usus privilegii contra pariter privilegiatum. Respondeo cum Magnif. P. Pet-schacher loc. cit. illud axioma intelligendum esse,

esse, quod privilegiatus non gaudeat privilegio contra fortius privilegiatum: quia, ut advertit Palao n. 3. fortius privilegium subintelligitur exceptum in opposito debiliore; unde nec propriè sunt opposita.

11. *Quæresextò, An, ut possis agere contra particulare præceptum dispensationis à Principe superiore, vel supremo? v. g. an, ut excuseris à particulari jejuniò Diocesano ab Episcopo indicto, aut introducto, sufficiat privilegium simpliciter non jejunandi, impetratum à Summo Pontifice? Videri potest, quòd non: quia ut antecedenter dictum, non præsumitur per generalem privilegii concessionem voluisse supremus Princeps derogare legi particulari, nisi exprimat. Nihilominus censeo cum Salmanticensibus, & Salas de Leg. disp. 17. sect. 10. n. 56: Habentem à summo Pontifice privilegium absolutum non jejunandi, etiam non teneri ad jejunia diocesana: quia non præsumitur in ejusmodi præcepto Episcopus voluisse fortiozem obligationem inducere, quàm sit illa, quæ ab ipsis Apostolis est deriva-*

ta & accepta: sed præceptum non jejunandi in Quadragesima, & feriis sextis est ab ipsis Apostolis acceptum & derivatum: ergo cum per absolutum privilegium non jejunandi aliquis à tam urgenti & sacra obligatione sit solutus, meritò etiam ab Episcopali lege absolutus à fortiori censetur.

Ad rationem dubitandi respondent Salmantic. Non præsumi, quòd in generali concessione dispensetur in lege vel præcepto particulari, quando materia præcepti particularis non frequenter solet cadere sub jure commut: atqui materia jejunii majori ex parte cadit sub jure communi, & quidem sub fortiori & sacratiori obligatione: adeoque factà dispensatione circa materiam jejunii absolutè, circa jejunium quadragesimale, Vigiliarum, 4. temporum, &c. censetur etiam facta circa jejunium particulare, nisi fortè tale jejunium in calu extraordinario & causà publici boni, avertendæ calamitatis, &c. sit introductum; ad quem casum mens sum. Pontificis sese extendere utique non præsumitur.

## DISPUTATIO XXXVIII.

DE

### Cessatione privilegiorum.

**P**rivilegia variis modis cessare & amitti possunt, quorum aliqui considerantur ex parte ipsius privilegii, ut est tempus, conditio, & causà finalis ipsius: alii ex parte concedentis, ut est mors, & revocatio concedentis: alii ex parte privilegiati, quales sunt, non usus, abusus, renuntiatio. Nunc de singulis agendum.

## ARTICULUS I.

### *De modis, quibus cessant privilegia ex parte ipsius privilegii.*

#### SUMMARIA.

1. *Privilegium expirat post præscriptum temporis terminum.*
2. *Privilegium in materia favorabili non finitur unico actu.*
3. *Finitur in materia odiosa.*
4. *Privilegium conditionatum cessat ablata conditione.*
5. *Deficiente causà finali ante privilegium integrè concessum, cessat privilegium.*
6. *Sufficit causam existere tempore concessionis, quando solo concedentis actu perficitur.*
7. *Cessat privilegium, cum ipsius usus sit illicitus.*
8. *Cum privilegium in executione pendet à mandatario, causà debet existere etiam tempore executionis.*
9. *Impenditur privilegium cessante causà, qua habet aliquem temporis tractum.*
10. *Nisi cum causæ suæ naturæ stabilitè inharer.*

#### §. I.

##### *Lapsus temporis.*

1. **C**um privilegium dependeat ab intentione & voluntate concedentis, certum est, expirare

privilegium, quando ex verbis ipsius sufficienter colligitur, illud pro determinato tempore, quod nunc præterit, fuisse concessum. Igitur

Quæritur primò. An privilegium sine clausula ad certum tempus limitante concessum (quales sunt, *pro hac vice, semel in vita, in anno, in mortuæ articulo, &c.*) lapsu temporis vel unico actu expiret?

Respondeo primò. Privilegium absolutè concessum non finitur unico actu in materia favorabili, nisi ex circumstantiis & materia subjecta aliud inferatur, quia est favor Principis, qui amplam exigit interpretationem, & comparatur liberali donationi, quæ suapte naturâ perennat. Ideo dispensatus ad obtinendum beneficium, potest uno dimisso aliud acquirere: dispensatus in voto castitatis potest mortuà conjuge aliam ducere, dispensatus in recitatione Breviarii, in jejuniò &c. semper potest uti dispensatione &c.

Dixi primò: in materia favorabili: nam excipiunt dispensationes in materiis odiosis, quæ restringuntur ad unum & primum actum, ut tradit Felinus in c. 1. *de treuga & pace*. Unde secun-

ritas veniendi bannito data intelligenda est pro prima vice ex Bartol. in l. 1. ff. ad Legem Jul. Dispensatio ad duo beneficia curata intelligitur de duobus primis. ex e. nam potest. §. 1. de prebend. in 6.

Dixi secundò: nisi ex circumstantiis, &c. nam aliquando datur dispensatio pro uno solum actu, ut si quis petierit dispensationem in voto castitatis ad contrahendum matrimonium cum foramina à se deflorata, illà mortuà non potest aliam ducere; siquidem illa determinata persona pertinet ad causam finalem privilegii. Item, dispensatus ad contrahendum cum confanguinea, tantum censetur dispensatus pro una.

4. Respondeo secundò. Privilegium conditionate concessum, sublata conditione cessat: quia hæc est natura omnis concessionis, gratiæ, donationis, obligationis. Ubi tamen advertas velim, conditionem triplici modo habere se posse. Primò ex parte ipsius concessionis, ut si Princeps dicat: *Concedo tibi privilegium, si Episcopus consensiat*: quo modo privilegium à conditione & consensu Episcopi dependet in fieri, non autem in conservari: unde si Episcopus primitus non consentiat, nullum erit privilegium: si verò consenserit, perennabit privilegium, etiamsi Episcopus ex postfacto dissentiat. Secundò ex parte ipsius privilegii, ut si dicat: *Concedo tibi privilegium, quamdiu Episcopus consenserit*, quo casu privilegium dependet à conditione tam in fieri, quam in conservari: ita ut, quodcumque Episcopus dissenserit, etiam privilegium exspiret. Tertiò conditio potest pertinere ad solum usum privilegii, ut si Pontifex dicat: *Concedo tibi facultatem sub myra celebrandi, consentiente Episcopo: vel quoties Episcopus consenserit*: & tunc deficiente conditione non deficit privilegium quoad substantiam, sed tantum quoad usum & exercitium, qui usus suspenditur, quousque conditio & consensus reparatur. Salmantic. tr. 18. c. 2. n. 4.

## §. II.

*Quando cessante causa finali cesset privilegium?*

5. Sermo est non de causa quacunque impulsiva, sed de causa finali & motiva, quâ Princeps movetur ad tribuendum privilegium. Ubi

Certum est primò apud DD. si, antequam privilegium integrè sit concessum, totaliter cesset causa finalis, privilegium non subsistere: actus enim non operantur ultra intentionem agentium: cum igitur privilegiantis vel dispensantis intentio sit dare privilegium propter hanc determinatam causam, si illa deficiat, etiam deficit intentio, & consequenter concessio privilegii.

6. Certum est secundò. Si privilegium vel dispensatio perficiatur, & sortiatur effectum solo actu concedentis, ita, ut nullum habeat, aut requirat successivum tractum temporis, sufficere, quòd causa existat tempore ipsius concessionis, uti fit, cum Summ. Pontifex dispensat in voto, excommunicatione, irregularitate, &c. Unde tametsi ex postfacto mutetur rerum status, non tamen reddit obligatio voti, irregularitas, excommunicatio, &c. prout docet Menoch. l. 4. de

presumpt. 189. n. 197. cum Suarez, Sanchez, Palao, & communi, conformiter ad regulam Juris in 6: *Fallum legitime, retractari non debere, licet casus postea eveniat, quo non poterit inchoari.*

Certum est tertio. Quodcumque per cessationem causæ finalis, aut mutationem circumstantiarum usus privilegii sit illicitus, toties usum privilegii amitti vel suspendi, donec iterum fiat licitus: quia non potest dari privilegium ad illicitum.

Quæritur ergo primò. An, si privilegium, vel dispensatio ex sola Principis voluntate non integrum sortiatum effectum, sed pendeat ab executione, Ordinario aut Confessario commissa, sufficiat causam existisse, quando privilegium vel dispensatio fuit impetrata, quantumvis tempore executionis non amplius existat? Respondeo. In hoc casu probabilius requiritur ad valorem privilegii, ut causa existat, non solum quando conceditur, & v. g. Romæ dispensatio ad matrimonium contrahendum impetratur, sed etiam quando expeditur à Confessario, vel Ordinario: quia ante executionem nondum est propriè dispensatio, sed mandatum dispensandi: atqui mandatum cessat, cessante causâ finali ex c. si pauper, de prebend. in 6. Major colligitur ex ipsis verbis indulti, quæ ita poni solent: *Si preces veritati mirantur, cum illo dispenfes*. Ita Covarr. 4. Decret. 2. p. c. 6. §. 9. Sanch. l. 8. disp. 30. n. 12. Palao p. 15. n. 2. Reding n. 12. aliique.

Quæres secundò. An cessante causâ cesset privilegium, quando usus & causa privilegii requirunt successivum temporis tractum?

Notandum. Materiam privilegii, vel dispensationis aliquando esse individuum, quæ nullum requirit tractum temporis, ut si dispensetur ad contrahendum matrimonium propter legitimationem prolis; aliquando verò esse divivum, h. e. quòd causa & usus privilegii non simul existat, sed secundum diversas & successivas partes temporis, ut si dispensetur in recitatione Breviarii propter nimias occupationes, in observantia jejunii propter periculum infirmitatis; tam causæ dispensandi, quæ sunt nimis occupationes, & periculum infirmitatis, quàm materia nempe recitatione Breviarii, observatio jejunii, successione plurium dierum, hebdomadarum, mensium, &c. admittunt. Quo posito

Respondeo. Privilegium aut dispensatio ex causa, & in materia divivua, quæ non integrè existit tempore concessionis, regulariter cessat, vel suspenditur, cessante causâ: unde dispensatus in jejunio propter periculum infirmitatis, cessante illo periculo tenetur ad jejunandum, donec illud periculum redeat. Et ratio est: quia Princeps non præsumitur largiri indulgere privilegium, nisi quantum est necessarium ad obtinendum finem propter quem petitur: sed sine cessante non est amplius necessarium privilegium ad illum finem, uti patet ex terminis. Sed neque ad dispensandum in jejunio pro hoc mensè movetur Princeps à morbo dubio alterius sequentis, sed hujus mensis præsentis, unde si sequenti mense cesset periculum morbi, ad illum mensem intentio dispensantis non extenditur. Ita Palao cit. n. 6. Reding n. 11.

Dixi,

10. Dixi, *regulariter* : nam si causa concedendi privilegium, per se loquendo radicatur in communi hominum conditione, aut ex ejus suspensione nasci potest incommodum moraliter æquale illi, quod per privilegium evitari intenditur, tunc privilegium non cessat, cessante causâ, tamen illa tractum temporis admittat : ideo cessante periculo & tentatione incontinentiæ,

non tamen cessat dispensatio obtenta ad matrimonium contrahendum propter periculum incontinentiæ ; quia periculum per se loquendo est stabile, ejusque cessatio per accidens evenit. Dispensans autem censetur intentionem suam conformare causâ stabili, & juxta statum, quem per se loquendo & in pluribus obtinere solet. Ita cum Haunoldo Magnif. P. Petſchacher 2. §. 2.

## ARTICULUS II.

### *De modis, quibus cessant privilegia ex parte concedentis.*

#### SUMMARI A.

1. Gratia dividitur in factam & faciendam.
2. Gratia tota consistens in concessionis actu, est facta.
3. Item gratia consistens in concessione facultatis in favorem tertii indeterminatæ.
4. Si determinatæ, est gratia faciendæ.
5. Gratia facta illimitatè non expirat morte concedentis ; expirat facta limitatè.
6. Sententia opposita probabiliter defenditur.
7. Gratia directe data privilegiato est gratia facta, etsi requiratur cooperationem delegati.
8. Ad gratiam factam non requiritur acceptatio.
9. Privilegium cum clausula ad beneplacitum, probabiliter expirat morte concedentis.
10. Pariformiter sentiendum de expiratione privilegii per mortem, & cessationem jurisdictionis.
11. Privilegium concessum ad annum non expirat per mortem privilegiantis intra annum.
12. Privilegium gratiis delegativum alicujus actus revocari potest sine causa valide, sed non licitè.
13. Privilegium concessum alicujus juris, vel domini sine causa valide non revocatur.
14. Privilegium onerosum & remunerativum sine causa valide non revocatur.
15. Dispensationes ad contrahendum matrimonium in gradibus prohibitis ad revocationem requirunt causam & compensationem.
16. Inferior sine causa invalidè revocat dispensationem in lege Superioris.
17. Nec potest Superior validè revocare privilegium ab inferiori concessum.
18. Ad expressam revocationem absolutè sufficit clausula generalis.
19. Variæ exceptiones.
20. Revocatio privilegii requirit publicationem.

#### §. I.

#### *Quomodo cessent privilegia per mortem privilegiantis?*

1. **N**Otandum. Privilegium seu gratiam, distinguimus in factam, hoc est, completam, & in faciendam hoc est inchoatam, sed nondum completam ; Item aliam esse gratiam, quæ illum solum concernit, cui confertur ; aliam esse, quæ etiam concernit tertium, in cujus favorem confertur. Primi generis est, v. g. dispensatio alicui facta in jejuniis, voto, eligendo Confessario &c. Secundi generis concessio facultatis ad alium dispensandum, absolvendum, &c.

Quæres igitur primò. Quandomam censi debeat gratia facta, vel faciendæ ? Respondeo primò. Gratia privilegii tota consistens in prima concessione, ut est dispensatio in voto, in lege jejunii &c. & non in concessione alicujus facultatis, neque cum respectu ad tertium est gratia facta. Ita communis DD. apud Suarez l. 8. c. 3 t. Laymann l. 1. trac 4. c. 23. aliosque.

Respondeo secundò. Gratia privilegii consistens in concessione facultatis exercendæ in favorem tertii indefinitè, & sine determinatione certæ personæ, est gratia facta. Ita pariter communis DD. in c. si cui de prebendis in 6. Et ratio est : quando alicui conceditur, & delegatur facultas, ut illâ liberè uti possit erga quemcumque voluerit, gratia primariò fit ipsi delegato, adeoque est gratia facta ; sed ita se res habet in præsentem : ergo est gratia facta.

Respondeo tertio. Ex opposito, si facultas delegata sit in favorem determinatæ & nominatæ personæ, sive sit liberè, sive necessariò, & cum obligatione exercenda, non est gratia facta, sed faciendæ. Ratio est : quòd tunc favor non fiat ipsi delegato, sed determinatæ & designatæ personæ, respectu cujus primùm debet in actum reduci, & ita colligitur ex cap. si cui citat. & mox referendo.

Quæres secundò. Quænam ex his gratiis seu privilegiis expiret morte concedentis ?

Respondeo. Privilegium & gratia jam facta illimitatè, non expirat morte concedentis, tamen res sit integra : expirat verò gratia faciendæ, si res sit integra, hoc est, si gratia nondum sit in exercitium deducta, vel applicata tertie personæ. Ita Suar. Haunold, Petſchacher, aliique.

Prima pars habetur in c. si super gratia. de offic. & pot. Jud. delegati in 6. ibi, sicut ipsa gratia (licet nondum sit in ejus executione processum) morte non perimitur concedentis. Utraque verò pars habetur expressa in c. si cui de prebendis, in 6. ita habente : Si cui [nullâ factâ personarum expressione] sit gratis concessa facultas, ut auctoritate Apostolica possit aliquibus personis idoneis in certa Ecclesia providere, vel beneficia [quorum collatio est ad sedem Apostolicam legitimè devoluta] conferre &c. non expirat etiam re integrâ per obitum concedentis. Causa additur : quia hujusmodi concessionem, cum speciale gratiam contineat, deesse esse mansuram. Subjungitur : Secus si super provisione certa persona faciendæ sit data potestas eadem,



dem, non ob suam, sed ejus, cui provideri mandatur, gratiam, vel favorem: illa quidem expirat omnino, si concedens integrè moriatur.

6. Nihilominus Sanchez de matrim. l. 8. d. 8. n. 80. & Palao p. 16. §. 4. n. 6. satis probabile censent, quamlibet facultatem datam alicui ad effectum causandum in alio, esse gratiam factam illi, cui data est talis facultas, licet speciali intentione ad alium referatur: ideoque non perire morte concedentis, exceptà materià beneficiorum, de qua exponunt *cap. sicut nulla*, præallegatum, & fori contentiosi, de qua agitur l. *inter causas* 26. ff. *mandati. c. gratum. c. relatum de offic. deleg.* quam sententiam in foro pœnitentiæ amplectuntur Suarez, & Haunoldus cum aliis, ita ut facultas absolvendi concessa, siue dirigatur ad Confessarium, siue ad determinatum pœnitentem, semper habenda sit pro gratia facta, propter favorem iudicii pœnitentialis, quod magis est gratiæ, quam iustitiæ.

7. Inferes ex dictis primò. Privilegium, quo per verba directè alloquentia privilegiato conceditur alicui favor, esse gratiam factam, non faciendam, nec proinde expirare morte concedentis, quantumvis ipsius executio sine alterius delegati cooperatione obtineri non possit: ut si privilegium dicat: *Concedimus tibi facultatem suscipiendi Ordines à quocunque, vel ab hoc determinato Episcopo, eligendi Confessarium* &c. quia tunc facultas non directè fertur ad delegatum, qui se habet per modum accessorii; sed ad privilegiatum, in quo cum concedens suam gratiam velit esse firmam, & factam, ex consequenti vult etiam esse talem in delegato, prout expressum videtur in cir. c. *si super gratia, de off. deleg. in 6.* & tenent præter Palao cit. Suarez, Haunoldus, Petschacher, q. ult. a. 7. §. 3. aliique.

8. Quæres terciò. Utrum requiratur acceptatio privilegiati, ad hoc, ut censeatur gratia facta, quæ morte privilegiantis non expirat?

Respondeo cum communi negative: nam gratiam absolutè factam decet esse mansuram, neque expirat illa morte concedentis ex c. *si super gratia*, cit. & habet se instar donationis, quæ tametsi ante acceptationem revocari possit, non tamen abruptum morte donantis: ideo & privilegium absolutè concessum etiam post mortem privilegiantis acceptari potest. Ita AA. citati.

9. Quæres quartò. An privilegium concessum cum clausula *ad beneplacitum meum*, vel, *quandiu voluero*, expirat morte concedentis?

Respondeo, probabilis expirare: quia per mortem definit omnis voluntas & beneplacitum, à quo tamen tale privilegium dependet in conservari. Ita communior, quem tenet Palao §. 5. n. 4. qui tamen etiam oppositam censet esse probabilem, eo quod istæ clausulæ, interpretatione per usum & consuetudinem Ordinariorum approbatæ videantur æquivalere huic, *donec revocavero, vel aliter ordinavero*: privilegia autem & gratiæ sub hac clausula collatz, uti cum Ordinarii tribuunt Religiosis facultatem Sacramenta administrandi, non expirant morte concedentis.

10. Inferes ex dictis primò. Quemadmodum privilegia & gratiæ expirant morte concedentis; ita pariter expirare finitâ jurisdictione conce-

dentis, prout colligitur ex præciratis Canon. *si super gratia*, &c. si eni nulla, quia quo modo privilegia dependent in fieri & conservari à voluntate & vita, ita à jurisdictione concedentis.

Inferes secundò. Si gratia privilegii fuerit concessa ad tempus limitatum, v. g. ad annum, non propterea expirare, si concedens intra illum annum moriatur: nam illà limitatio non facit, quòd gratia potius sit faciendâ, quàm facta; unde si alionde non evincatur, quòd gratia sit faciendâ, habebit suum effectum intra illius temporis limitationem non obstante morte concedentis. Ita Palao citatus.

## §. II.

### Quomodo cessent privilegia per revocationem?

Privilegium hoc loco sub triplici differentia considerari potest: primò potest esse purè gratuitum instar liberalis donationis; secundò onerosum, quando nimirum datur sub onere alicujus actus præstandi, vel pecuniæ solvendæ. Tertiò remuneratorium, cum datur in præmium meritorum à privilegiario præstitorum.

Quæres igitur primò: An privilegium gratuitum sine rationabili causâ à Principe revocari possit?

Respondeo primò. Si per privilegium tantummodo confirmatur alicujus actus delegatio sine translatione alicujus juris, aut domini, tunc revocari posse validè, sed non licitè: validè, quia tale privilegium habetur tanquam precario concessum, ideoque revocationi obnoxium; non licitè, quia sine rationabili causâ mutare voluntatem, & alium privare commodo, ad minus est actus otiosus, imprudens, occasio murmurationum, ab animi levitate procedens: ergo saltem erit actus venialiter malus.

Respondeo secundò. Si per privilegium alteri jus, aut dominium acquiritur, non potest à Principe validè revocari sine causâ. Ita Felinus in c. *novit. de judic. Sanch. l. 8. de matrim. disp. 33. n. 2.* quia Princeps non nisi ex dominio alto potest subditos privare re suâ: sed actus domini alti ad sui valorem requirit causam publicæ utilitatis; ergo.

Quæres secundò. Possintne validè revocari si: 1. 14. nê causa privilegium onerosum, aut remuneratorium? Respondeo ad utrumque probabiliter negativè. Et quidem ratio primi est; quòd Princeps teneatur servare pacta, etiam facta cum subditis: sed in privilegio oneroso includitur pactum: ergo nisi publicæ utilitatis ratio aliud suadeat, Princeps illi privilegio stare tenetur, uti tradunt Suarez c. 37. n. 5. Palao p. 11 §. 2. cum plurimis ibidem relatis. Ratio secundi est, quia privilegium remuneratorium aut datur ex iustitia, aut ex gratitudine; si ex iustitia, parit in privilegiato jus rigorosum, & ad sui mutationem non tantum causam, sed etiam compensationem requirit, prout sentiunt DD. communiter. Si ex gratitudine, tunc etiam privilegium transita in contrarium, eo quod propter privilegium privilegiatus cedat prætentione suorum meritorum, quæ est pretio æstimabilis, prout tradit Palao lo-

## §. II.

*Origo status Ecclesiastici & privilegiorum Clericalium.*

*de transact.*] est status Clericalis, seu Clericatus; hæc quippe deputantur in *sortem Domini*, unde Clerico nomen in *c. 1. dist. 21.* Si per deputationem, puta indumentum habitus religiosi & receptionem solemnem Professionis, est Monachus, seu status Regularis & Religiosus: Omnes quippe Regulares sub hoc nomine comprehenduntur. Unde patet, omnem quidem Clericum, vel Regularem esse personam Ecclesiasticam, non autem omnem personam Ecclesiasticam, esse Clericalem, cum detur bona illatio à specie ad genus, non item à genere ad speciem.

4. Cæterum dixi in definitione status Ecclesiastici, per *Ecclesiasticum Ministrum*. Cum enim nemo det, quod non habet, nemo etiam potest in statu Ecclesiastico quempiam collocare, qui non ipse sit in eodem gradu constitutus: ut est Episcopus respectu Clericorum ordinandorum, & Superior Regularis respectu status Regularis.

5. Ex quo intelliges primò: Eremitas, qui de licentia Episcopi, vel Superioris Regularis ejus Ordinis gestant habitum Religiosum, & sub ejus obedientia à secularibus curis segregati vitæ solitarie exercitiis vacant, esse personas Ecclesiasticas contentas nomine Monachorum, eorumque privilegij gaudere; non autem illos, qui absque Superioris Ecclesiastici Autoritate proprio libitu ejusmodi habitum gestant, vitamque exercent, uti cum Navarro docet Engel l. 5. tit. 39. n. 130. Bordonus de privileg. Cler. c. 1. n. 31.

6. Intelliges secundò. Inter personas Ecclesiasticas computari Ordines militares, quippe Ecclesiasticâ Autoritate deputatos ad DEO serviendum per impugnationem infidelium. Item Moniales, Oblatos, Novitios & Novitias ac Tertiarios Ordinis S. Francisci, Gordon. ibidem. n. 28.

7. Intelliges tertio. Cum agitur de privilegijs, nomine Clericorum venire omnes Religiosos utriusque sexus, non tantum Professos, sed etiam Novitios, ita ut dicta de privilegijs Clericorum etiam sint intelligenda de Religiosis, quantumvis in odiosis non veniant nomine Clericorum: favores quippe sunt ampliandi, odia restringenda. Ita omnes cum Navar. Layman, Diana.

STATUS Ecclesiasticus tam quoad Clericatum, 8. quam Monachatum, in nova lege à Christo sumpsit originem; Clericatus quidem, nunquid enim ipse est institutus à Patre æterno *Sacerdos in æternum secundum Ordinem Melchisedech*? Ps. 109. Monachatus verò; quia quamvis sine voto, tria tamen vota Religiosa obedientiæ, paupertatis, & virginæ castitatis servavit usque ad mortem: cumque utrumque statum non ab homine sed à DEO *Patre luminum* acceperit, a quo est omne datum optimum, & omne donum perfectum, Jac. 1. v. 17., uterque status est juris Divini. Ipse porro seu Summus Sacerdos & Episcopus Caputque Ecclesie, Apostolos, tanquam prima in statu Clericali membra instituit, ipsosque in Clericos, Sacerdotes, Episcopos ordinavit, atque ad Divina mysteria populis ministranda deputavit. Neque dubites, eosdem Apostolos etiam statum Religiosum sub Christo Capite fuisse professos, cum dicerent: *Ecce nos reliquimus omnia, & secuti sumus te.* Matth. 19. Ita enim sentit D. Thomas. 2. 2. q. 88. a. 4. ad 3. dicens: *Apostoli autem intelliguntur voluisse pertinentiam ad perfectionis statum, quando reliquit omnibus secuti sunt eum.*

Duplex est præcipue privilegium Clericorum: 9. Canonis, & fori. Privilegium Canonis est, quo à jure Canonico seu Ecclesiastico cavetur Clericis, ne à quoquam injuriosè percutiantur sub pœna excommunicationis latæ sententiæ, reservatæ extra articulum mortis, in Concilio Lateranensi, celebrato sub Innocentio II. anno 1139. & refertur in *c. si quis.* 29. 17. q. 4. Ex quo patet constare, hoc privilegium esse juris humani. Privilegium fori est, quo persona Ecclesiastica eximitur à seculari jurisdictione; tam in civilibus, quam criminalibus, simulque ab omnibus oneribus personalibus & realibus Laicorum, & vocatur immunitas Ecclesiastica. De qua celebris questio est, utrum sit juris Divini, vel humani? Unde sit

## ARTICULUS II.

*An privilegium fori, & immunitas Ecclesiastica formaliter sit juris divini?*

## S U M M A R I A.

1. Munia spiritualia Clericis competunt jure Divino.
2. Quicquid Laici obtinent in spiritualibus, habent beneficio Ecclesie.
3. Immunitas Ecclesiastica originaliter est juris Divini.
4. Immunitas Ecclesiastica spectari potest in communi, & in particulari.
5. Immunitas Ecclesiastica secundum se est juris Divini.
6. Est ex antiquissimo usu gentium, distans naturâ, teste Scriptura.
7. Insistens in antiquo testamento.

8. Non antiquatum; 9. sed reboratum in novo.
10. Ut agnoscunt Concilia & SS. Canones.
11. Adversariorum evasio depellitur.
12. Fundamentum ex ratione.
13. Extenditur immunitas juris Divini etiam ad bona Ecclesiasticorum.
14. 15. 16. Rationes pro hac sententia.
17. Immunitas Ecclesiastica quoad applicationem in particulari est juris Pontificii.
18. Objectioni prima, quod immunitas Ecclesiastica non sit juris Divini naturalis. 19. nec positivæ.
20. Immunitas est juris Divini naturalis, ideoque formaliter invariabilis.

Yy 3

21. Est

10. *Ufu contrario labefactatur privilegium quoad illum actum.*
11. *Triplex abusus privilegii.*
12. *Si abusus per modum conditionis dissolutiva sit insertus privilegio, amittitur privilegium post sententiam declaratoriam abusus.*
13. *Si abusus sit contra finem privilegii, perit ipso facto.*
14. *Per abusum regulariter amittitur privilegium post sententiam iudicis.*

## §. I.

*Quomodo cesset privilegium per renuntiationem?*

1. **L**oquimur de renuntiatione non improprie sumpta, qualis est etiam voluntas non utendi privilegio, sed de proprie accepta, quæ est voluntaria cessio & abdicatio juris ad utendum privilegio, quæ dividitur in expressam & tacitam. De tacita & interpretativa, quæ non distinguitur à non usu vel abusu, §. sequenti; de expressa & formali hoc loco.

Quæres primò: An & quando per renuntiationem amittatur privilegium?

2. **R**espondeo. Quando privilegium solummodo respicit favorem privilegiati sine præjudicio tertii, tunc per renuntiationem potest amitti privilegium: quia sicut quilibet suâ voluntate potest subire onus & obligationem, quâ prius non tenebatur, ita potest cedere juri suo, commodo & favori. ex c. ad Apostolicam, de Regularibus. l. si Judex. ff. de minoribus, l. quod favore. C. de leg.

3. **U**nde Inferes. Non valide renuntiari à persona particulari, nec proinde amitti privilegium, quod non in solius renuntiantis personâ, sed etiam in alterius, vel plurium favorem concessum est: quo fit, ut nec Clericus privilegio fori, nec Religiosus privilegiis suæ Religionis, Monasterio, Communitati concessis, nec filiusfamilias sub patria potestate constitutus Senatû consulto Macedoniano in boni publici, & parentum quoque favorem concessio valide renuntiet. ex c. si diligenti, de foro competentis. C. l. cum publicum. ff. de passis.

4. **D**ixi notanter in responsione, posse amitti privilegium; nam

Quæres secundò. Utrum requiratur acceptatio concedentis privilegium ad hoc, ut actu amittatur? Respondeo affirmative: quia quamdiu concedens privilegium ipsius renuntiationem non acceptat, moraliter & habitualiter perseverat voluntas illud conferendi; sed hæc subsistente privilegiatus semper potest illud sibi appropriare, & priorem voluntatem renuntiandi retractare: quemadmodum & donatarius manente voluntate donantis potest acceptare prius relictam donationem, procurator constitutus, qui prius noluit acceptare mandatum, potest illud acceptare, quodcumque placuerit, si constitutus in sua permanferit voluntate; electus, qui noluit consentire electioni, adhuc potest consentire, quamdiu eligentes in sua voluntate persistint: beneficiarius repudiât prius collationem præsentatâ beneficii, potest in illud consentire, permanente voluntate conferentis. per c. licet de

R. P. Alex. g. Schol. Tom. II.

Procuratoribus in 6. Ita Sanchez, Suarez, Reding, aliique.

Quæres tertio. An, ut per renuntiationem actu amittatur privilegium odiosum cedens in præjudicium tertii, prærequiratur acceptatio tertii, cuius interest? c. g. an, si renuntias privilegio non solvendi decimas, prærequiratur acceptatio illius, cui de jure forent solvenda?

**R**espondeo, ejusmodi renuntiationem semper revocari posse, quamdiu is, in cuius favorem cedit, nondum acceptavit; eò quòd talis renuntiatio æquiparetur donationi, quæ tamdiu est revocabilis, quamdiu non fuit acceptata à donatario. ex glossa, in c. cum venissent. Verb. obinli. de eo, qui mittitur in possessionem. Sic Suarez, cit. l. 8. c. 33. Castropal, cit. p. 17. n. 6.

## §. II.

*Quomodo amittatur privilegium per non usum, vel abusum?*

**Q**uæres primò. Quomodo amittantur privilegia per non usum?

**R**espondeo primò. Privilegium, quod in nullo cedit præjudicium, uti est privilegium administrandi Sacramenta, non amittitur solum per non usum, quancumque tempore continuetur, sive fuerit, sive non fuerit occasio illo utendi. Suarez, Castropal. aliique.

**R**atio est: quia usus est in libera potestate & jure utentis, libera autem omisso non præjudicat juri & potestati. Habetur in l. unus ex sociis, §. ult. de servit. rust. præd. Nec obstat in contrarium. l. 1. ff. de nundinis, ubi statuitur, privilegia amitti per non usum, quia loquitur de privilegiis cedentibus in aliorum gravamen ac præjudicium. Unde.

**R**espondeo secundò. Privilegia cedentia in alterius gravamen amittuntur per non usum, quando gravatus adversus privilegium legitime præscribit. Suarez, Palao citati, aliique: quia actus contra privilegium à tertio exercitus inchoat in ipso possessionem, cui si privilegiatus intra tempus præscriptioni præfinitum non contradicat, valebit præscriptio, & perimet privilegium, quemadmodum & juri communi potest derogare.

**I**nteres ex dictis primò. Etiam privilegia negativa nullum gravantia, v. g. non jejunandi, non recitandi horas Canonicas, &c. non amitti per actum contrarium. Ratio est eadem, quæ de privilegio positivo; cum liberum sit privilegiato, uti vel non uti suo privilegio: atqui in istis privilegiis non usus consistit in actu contrario.

**I**nteres secundò. Ad legitimam præscriptionem contra privilegium habens tractum successivum temporis, sufficere unicum actum contrarium non retractatum. Ita Haunold, Palao, Suarez, Petshacher cit. aliique. Ratio est: quia possessio bonâ fide inchoata, & legitimo tempore continuata parit præscriptionem contra jus: sed per unicum actum potest bonâ fide inchoata possessio, eaque quamdiu non retractatur per protestationem, vel alium actum oppositum, moraliter continuatur; ergo si elabatur tempus præscriptioni præfinitum, per unicum actum poterit præ-

Y y 2

præ-

novæ Legis Sacerdotium: hoc tamen in illius vicem substituto & in maiore perfectionem evecto, etiam præceptum Ecclesiasticæ immunitatis non antiquari, sed magis perfici, ac roborari oportuit.

9. Probatur secundo auctoritate Novi Testamenti. Et primò ex Matth. c. 17. v. 24. ubi cum Christus Petrum interrogasset: *Reges terre a quibus accipiunt tributum, vel censum? a filiis suis, an ab alienis?* Petro respondente, *ab alienis*, Christus intulit: *ergo liberi sunt filii.* & mox tantum ad evitandum scandalum jubet pro ea vice tributum pendere: *ut autem non scandalizemus eos, da pro me, & te &c.* Hic Petrus, in cujus persona representabatur status Ecclesiasticus, [cujus membra rectè dicuntur filii, & esse de familia Christi, utpote in *DEI* sortem specialiter assumpti, unde & Clerici dicuntur] liber à solvendo tributo pronuntiatur.

Rursum Aët. 10. v. 28. Episcopi & Prælati dicuntur per Spiritum S. constituti *Rectores*, adedque Superiores & Judices Ecclesiarum. Et Petro dictum Jo. 21. 17. *Pasce oves meas.* Quibus verbis ipse supremus, & alii participatâ jurisdictione subordinati pastores supra fideles sunt constituti: ergo eodem ore et jure Divino Episcopi & Prælati sunt Judices personarum ad se pertinentium, & Laici non sunt pastores sed oves respectu Ecclesiasticorum. Quis autem non palpet, [inquit noster P. Engel hoc tit. §. 2.] summam inconvenientiam, ut Pastores regantur & judicentur ab ovibus? & ut secularis & mundana potestas circa idem objectum sese immisceat in potestatem toto ordine sublimiorem? Cùm & perpetua Ecclesiæ consuetudo, interpretis optima, præter SS. Canonum, quos mox referemus, auctoritatem hanc Divino jure fundatam jurisdictionem diversitatem confirmet.

10. Probatur tertio auctoritate SS. Canonum & Conciliorum. Nam Leo X. in Concilio Lateranensi sess. 9. dicit: *Et cum a jure tam Divino, quam humano Laici nulla potestas in Ecclesiasticas personas attributa sit.* quod ipsum habetur in c. non minus. de immunit. & c. quanquam 4. de Cenfib. in 6. his verbis: *Cum igitur Ecclesia Ecclesiasticæq; persona & res ipsarum non solum jure humano, quin imò & Divino, a secularium personarum exactionibus sint immunes.*

11. Respondent Adversarii *Tu jure Divino accipi pro canonico, & jure humano pro Civili*, sed huic frigida expositioni, alienæ à stylo & consuetudine SS. Canonum obstat primò Concilium Trident. sess. 25. cap. 10. dicens: *Personarum Ecclesiasticarum immunitatem DEI ordinatione & canonicis sanctionibus constitutam.* Ubi vides canonicum jus à Divina ordinatione seu jure distinctum. Obstat c. si Imperator. 11. dist. 96. ubi habetur: *Non à legibus publicis, non à potestatibus sæculi, sed à Pontificibus & Sacerdotibus [NB] Omnipotentem DEUM voluisse Clericos & Sacerdotes ordinari, & discenti, h. e. judicari. per c. discute 6. 3. q. 6. & c. judicantem 11. 30. q. 5.* Obstat auctoritas Constantini M. qui in Concilio Nicæno, cùm ipsi Clericorum accusationes offerrentur, vocatis reis, libellos incendit, & dixit: *vos à nemine judicari potestis, quia soli DEI*

*judicio reservamini. Dii enim vocati estis. Ite, & inter vos causas vestras disponite, quia dignum non est, ut nos judicemus DEOS.* Cujus sententiæ fuerunt ejusdem quoque Successores Valentinianus, Theodosius, Arcadius, relati in c. in continua. 5. 11. q. 1.

Quòd porro jure Canonico personis Ecclesiasticis cautum sit de Immunitate, constat ex integritutis juris de judic. & de foro compes. vel maxime verò ex Bulla Cœnæ D. quotannis promulgari solita, in qua censurâ excommunicationis fulminantur omnes Ecclesiasticæ immunitatis violatores.

Probatur quarto ratione. Si jure Divino institutum est regimen Ecclesiasticum, multò eminentius regimine politico, & ab illo distinctum, tunc etiam jure Divino status Ecclesiasticus non est subiectus jurisdictioni regiminis politici; atque antecedens est verum: ergo & consequens. Sequela liquet: quia jurisdictio non se extendit ultra limites sui objecti & fori; & potissimum inferior non potest se intrudere intra limites fori Superioris. Minorex dictis patet: quia Christus instituit Rectores & Pastores Ecclesiæ; adedque & regimen Ecclesiasticum, ita ut eodem jure hierarchia & regimen Ecclesiæ sit institutum, quo ipsa Ecclesia, cùm unum sine altero non possit subsistere.

Neque existimes, ista pertinere solummodo ad exemptionem & immunitatem personalem, non item realem. Nam præcitati Canones & Concilia etiam res tum Ecclesiarum, tum personarum Ecclesiasticarum ab exactionibus jure Divino immunes pronuntiant. Unde Azorius to. 1. l. 5. c. 12. q. 1. cùm Recentiores quosdam Theologos pro contraria sententia retulisset; rectè Subjicit: *Debet tamen majoris ponderis & firmitati esse, quod in jure Canonico decisum legitur, quam quod in contrarium prædicti recentiores Theologi docuerunt: illorum enim auctoritas privata est, & solummodò tantum probat, quantum ratione [nisi jus resistat] convincunt: SS. autem Canonum auctoritas publica est, & authentica, à qua non licet sine piaculo recedere.*

Et ratio est primò: quia magis dignum trahit ad se minus dignum, c. quòd in dubis 3. de consecr. Ecclesiæ & quæ Religiosis adherent, religiosa cententur, L. quæ Religiosis 43. ff. de Rei vindicatione. Res quoque Clericorum & res Ecclesiasticæ quantum ad evitandam secularium jurisdictionem purificantur; eo quòd hoc ipso persona Clerici traheretur in judicium & sententiam Judicis Laici, si de bonis ipsius in judicio Laicali agi posset, ut docet P. Engel. loc. cit.

Ratio est secundò. Clerici novæ Legis non sunt deterioris conditionis, quàm Sacerdotes & Levitæ antiquæ Legis, quibus omnia solum in figura contingebant, erantque solum umbra quædam nostri Sacerdotii: sed illi jure Divino erant in suis bonis immunes ab exactionibus & tributis: ergo & Clerici novæ Legis. Et certè apud profanas quoque & veri Numinis ignaras gentes, non solum personas sed etiam bona ipsorum fuisse à vestigalibus immunia, testantur Authores primitus allegati.

Ratio est tertio, Bona Clericorum, præfer. 16. tim



tim prospectu Ecclesie acquisita, sunt de patrimonio Christi, atque ex bonis DEO oblatis pro ejus honore, sustentatione Ministrorum, & pauperum: sed ista jure Divino sunt exempta à potestate Laicorum: Nam tributa & exactiones sunt signa ac protestationes subjectionis, ut innuit Apostolus Rom. 13. 6. dicens: *ideo & tributis prestatis*. Sed bona DEO oblata, & ad patrimonium Christi pertinentia, cujus administratio Ecclesie competit, non sunt capacia subjectionis erga potestatem laicalem: ergo super illis non possunt imponi tributa, & exactiones. Vide *expedit* 13. 12. q. 1. c. cum ex eo. 34. de elect. in 6.

17. Dixi tamen in conclusione: immunitatem Ecclesiasticam formaliter secundum se, & in genere esse juris Divini; nam quoad executionem & applicationem determinatam in particulari & ad singulare individuum est juris humani Pontificii: e. g. quod prima Tonfura iniciatur, quod Novitius, quod Tertiarius &c. inter Ecclesiasticas personas annumeretur & gaudeat fori privilegio, S. Canonici Ecclesia, & SS. Pontificum dispositioni debet, quibus ejusmodi particularem determinationem ac dispensationem DEUS in pluribus reliquit; uti determinationem diei Dominicæ pro cultu Divino, determinationem Decimarum &c. quod notanter expresse Tridentinum, cum dixit: *Ecclesiasticarum personarum exemptionem DE I ordinatione, & Ecclesiasticis sanctionibus esse constitutam*. Cujus quidem signum manifestum est, quod multi extor SS. Canones, quibus in specie definitum est, quibus personis, quibus casibus, & quousque hæc immunitas Ecclesiastica competat, quando mutetur, auferatur, &c.

## §. III.

## Solvuntur Objectiones.

18. Obijciens primò. Si immunitas Clericorum torer juris Divini, vel foret juris Divini naturalis, vel positivi: neutrum potest dici. Non quòd sit juris Divini naturalis: primò, quia hoc est invariabile: atqui immunitas Ecclesiastica est variabilis, patiturque se restringi ac minui, quod ostendunt complures variationes per SS. Canones expressæ. Secundò; quia natura characteris & status Clericalis non excludit subjectionem ad forum sæculare: neque enim repugnat, eandem personam esse addictam Divino cultui, simulque subditam foro & jurisdictioni Principis sæcularis. Inò tertio: De factò in primitiva Ecclesia, & posterioribus sæculis non tantum Paganis sed etiam Catholicis Imperatoribus Clerici paruerunt: Unde & D. Paulus appellavit ad Cæsarem, & constat ex Act. 25. & toto tit. C. de Sacerd. Eccles. Et quarto: Juris naturalis nullum datur initium; sed privilegium fori initium agnoscit & originem ab Imperatoribus, præsertim Justiniano constit. 83. qui tamen privilegium fori Clericalis tantum in civilibus concessit; in criminalibus verò sub sæculari potestate reliquit. Quinò: Adhuc Clerici sunt subiecti quandoque potestati Laicali, uti patet in Clerico, qui Minoribus iniciatus caret beneficio, juxta Trident. Sess. 23. c. 6. item in causa reconventionis, in causa

feudi, in causa fævis delicti, ratione cujus traditur curi sæculari.

Quod neque sit de Jure Divino positivo, pro- batur, quia nullus est assignabilis clarus S. Scripture textus, qui non in alium sensum facile explicari possit. Et quamvis textus Marth. 17. favet exemptioni D. Petri, tamen nullum est fundamentum, exemptionem Petro ex speciali ipsius prærogativa concessam extendendi ad omnes Ecclesiasticos: Et tamen dicis, Ecclesiasticos esse de familia Petri, vel Christi, hoc tamen nil probat: nam omnes Christiani & baptizati possunt dici de familia Christi & Petri: siquidem per baptismum intrant in Ecclesiam, cui Petrus præest: ex hoc tamen minimè sequitur, quòd sint exempti à jurisdictione fori sæcularis.

Respondeo. Esse de jure Divino tam natura- li, quàm positivo. Ad primam impugnationem distingo majorem, jus naturale est invariabile, formaliter & intrinsecè, concedo; materialiter & extrinsecè, nego: sed immunitas Ecclesiastica variatur formaliter intrinsecè nego; materialiter extrinsecè, concedo; vel subdistinguo: quoad exercitium seu executionem in particulari concedo, [quod est immunitati materiali:] quoad ipsam immunitatem secundum se & in communi, nego: ergo immunitas non est juris Divini sed humani, quantum ad executionem & applicationem in particulari, concedo; quoad ipsam immunitatem secundum se, nego consequentiam.

Ad 2. nego antecedens, cujus oppositum in nostris fundamentis ostendimus. Et ad tertiam probationem, quæ priori succollat, dico, id totum de factò, non de jure contigisse, sicut si nunc quoque Clerici jurisdictioni sæculari parere cogantur, non juri, sed facti violentiæ adscribendum erit.

Appellatio D. Pauli ad Cæsarem nihil probat: quia non appellavit ad Cæsarem tanquam ad suum, sed tanquam ad judicem & Superiorem Officialium Cæsareorum, à quibus injulte vexabatur; actor autem sequitur forum rei, per c. si Clericus. §. de foro compes. Alii dicunt, Paulum appellasse appellatione naturali, seu facti, non appellatione legali, seu juris: h. e. in defectu alterius auxilii, quo se posset adversus injuriam, tueri, Cæsaris auxilium, qui juvare posset, implorasse, quod est juris naturalis remedium unicuique concessum.

Ad 4. Respondeo. Immunitatem Ecclesiasticam ab Imperatoribus non accepisse initium, sed robur; eosque non novum jus statuisse, sed jus Divinum declarasse, ejusque exercitium autoritate legum firmasse: quod pridem ante Justinianum à Constantino M. præstitum, constat ex §. precedenti. Si qua porrò huic Clericorum privilegio contraria Principum edicta & constitutiones reperiuntur, tanquam Divino & Canonico juri contrariæ, sunt habenda pro nullis.

Ad 5. Respondeo: Clericum in Minoribus constitutum & beneficio carentem, tunc solum jurisdictioni fori sæcularis subesse, quando caret requisitis à Tridentino cit. Sess. 23. c. 6. præscriptis: quorum defectu probato non agnoscitur esse & statu Clericali, nec proinde gaudere privilegio

gio Clericali. Ad alterum, quod additur de conventionione & feudo: quicquid sit, an Clericus coram Iudice seculari conveniri possit, de quo disceptant Auctores? Respondeo, utrinque Iudicem laicum procedere, tanquam jure Ecclesiastico delegatum, ut colligi potest ex c. 1. de mut. petis. ex c. ceterum. §. de judic. & c. verum. 7. de foro compet. Bordon. de privil. Cleric. c. 2. n. 50. Adde ex P. Engel l. 3. tit. 49. n. 24. bona feudalia non transire pleno jure ad Clericum, sed Dominum, qui ea concedit, certas sibi condiciones, & jura reservare, ideoque Clericos in istis bonis judicium Domini secularis declinare non posse. Nostra verò assertio procedit de bonis allodialibus & patrimonialibus. In causa verò delicti tunc primum Clericus traditur brachio seculari puniendus, quando à statu Clericali dejectus, & in laicalem redactus, privilegiis quoque Clericalibus est exutus.

24. Ad alteram partem cornutæ objectionis Respondeo, neque hoc cornu ferire: nam primò tametsi immunitas non esset de jure divino scripto, sufficeret quòd esset de jure Divino tradito & definito, quorum utrumque satis aperte constat ex præallegatis auctoritatibus Conciliorum

& SS. Canonum. Insuper esse de jure Divino scripto, & ex eo per evidentem consequentiam deduci ex verbis Christi: *ergo sunt liberi, Pasce oves meas*, &c. §. priori ostentum est.

Obijciunt tamen secundò. Decet ut concives 25. & unius Reip. membra conveniant sub jurisdictione unius capituli, & turpis est omnis pars discordans à suo toto: sed Clerici sunt concives unius Reip. cum secularibus, gaudentque communibus favoribus: ergo æquum est, ut etiam sub sint jurisdictioni Civili, & in suis bonis portent onera, quæ portant sæculares: nam qui sentit commodum: sentiat etiam onus.

Respondeo distinguendo majorem: si non sunt membra & Cives privilegiati, concedo; si sunt privilegiati non subditi, & habentes proprium forum, nego maj. & sic distingua minor, nego consequentiam. Ad hoc porro, ut non discordent ab aliis membris, & præter commodum etiam onus sentiant, nequaquam necesse est, ut cum aliis civibus habeant eundem judicem & jurisdictionem, sed sufficit, quòd teneantur saltem indirectè se conformare aliis membris in legibus ad communem tranquillitatem pertinentibus, uti prius dictum Disp. 35. Art. 5. §. 5.

## ARTICULUS III.

### Quomodo acquiratur, amittatur, & mutetur privilegium fori?

#### SUMMARI A.

##### §. I.

##### Acquisitio fori.

1. Privilegium fori acquiritur Ordinatione, & collatione habitus Religiosi.

2. Invalida ordinatio non confert privilegium.

3. Confert autem illicita.

4. Illicite ordinatus privatur privilegio per sententiam judicis.

5. Ordinatus per saltum acquirit privilegium Clericorum.

6. Gaudent privilegio Novitii, Moniales, Novitia.

7. Conditiones à Tridentino præscriptæ consuevit, & in Minoribus constituitur, ut gaudeant privilegio.

8. Illæ conditiones collectivæ sunt intelligendæ.

9. Religiosi non tenentur ad illas conditiones.

10. Tenentur verò Clerici scholares excepto servitio Ecclesiæ.

11. Servitium Ecclesiæ debet esse spirituale, quæ non requirit expressum mandatum Episcopi.

12. Debet habere moralem perseverantiam.

13. Potest contra conditiones Tridentini præscribi.

14. Concilia æquiparantur SS. Evangelii in materia fidei.

15. Per clausulam Tridentini derogatur tantum præteritis contrariis consuetudinibus.

16. Immunitas Ecclesiastica nec à S. Ponti, nec contrariis consuetudinibus tolli potest.

17. SS. Canones circa immunitatem nil mutant formaliter, sed tantum materialiter.

18. Clericus non potest renunciare privilegio fori.

19. Quanta depositio habitus sufficiat ad amittendum privilegium fori?

20. Ad amittendum privilegium defectu 3. conditionum non prærequiritur trina motivatio.

21. Prærequiritur tamen sententia declaratoria, R. P. Mezger, Theol. Schol. Tom. II.

Privilegium fori acquiritur iis modis, quibus aliqua persona in statum Ecclesiasticum cooptatur: Is modus in genere, ut dixi initio hujus Disputationis, est destinatio personæ ad speciale DEI servitium, quæ si fiat per ordinationem, constituit personam in statu Clericali; si per collationem habitus Religiosi, constituit in statu Religioso. Cum igitur privilegium fori acquiratur per assumptionem ad statum Ecclesiasticum, duplex etiam est modus specificus, quo privilegium fori acquiritur. Primus est Ordinatio, quæ incipit à prima Tonsura, quamvis illa non sit nisi præambulum ad SS. Ordines, neque imprimat intrinsecum characterem, ut suo loco dicetur; per primam quippe Tonsuram persona jam discriminatur ab aliis Christianis, atque in sortem Domini assumpta disponitur ad SS. Ordines suscipiendos: Ideoque Episcopus post collatam primam Tonsuram, sic Neoclericos alloquitur: *Filii charissimi animadvertite debetis, quòd hodie de foro Ecclesiæ facti estis, & privilegia Clericalia sortiti estis. Cavete igitur, ne propter culpas vestras illa perdati, &c.* Secundò, collatio habitus Religiosi facta à superiore habente potestatem conferendi ejusmodi habitum, per hanc quippe persona specialiter DEO dedicatur, & collocatur in statu Ecclesiastico juxta Auth. post. l. 12. c. de SS. Eccles. Ingressi Monasteria ipso ingressu se suaque dedicant DEO.

2. Quæres primò. An invalidè tonsuratus, vel ordinatus accipiat privilegium fori?
- Respondeo negativè: quia privilegium fori præsupponit statum Ecclesiasticum, sed per invalidam tonsurationem, vel ordinationem non acquiritur status Ecclesiasticus & Clericalis: nam nullitas causæ infert nullitatem effectus: ergo per invalidam tonsurationem vel ordinationem non acquiritur privilegium fori. Donatus p. 4. tr. 2. q. 9.
3. Quæres secundò. An illicitè tonsuratus vel ordinatus acquirat privilegium fori?
- Respondeo affirmativè, quamvis per sententiam declaratoriam Judicis Ecclesiastici ejusmodi privilegio privari possit. Probatur ex responso S. Congregationis dato apud Fagnanum ad c. *um contingat, de atate, n. 118.* quo declaratur, quendam Abbatem validè contulisse primam tonsuram, & characterem impressisse (intellige morealem tantum) cuidam sibi non subdito, adeoque illi privilegia Clericalia contulisse.
4. Nec obstat Trident. c. 10. Sess. 7. de ordinatis ab alieno Episcopo sede vacante ita statuens: *Et sic ordinati si in Minoribus fuerint Ordinibus constituti nullo privilegio Clericali præsertim in criminalibus gaudeant.* Nam rō non gaudeant solum importat poenam comminatoriam, & privationem privilegii post sententiam Ecclesiastici Judicis, adeoque præsupponit acquisitionem privilegii, prout pluribus declarat Bordonus de privil. Cler. cap. 4. n. 13. 14. 15. & seqq. Ex quibus
5. Inferes: Ordinatam omisā primā Tonsurā, vel per saltum, item ante annos discretionis, seu legitimam ætatem, acquirere privilegia clericalia: quia talis ordinatio vālet, & imprimit characterem, ut constat ex c. *un, de Clerico per saltum promotio, & tradunt DD. ibidem.*
6. Quæres tertio. Utrum Novitii Religionum etiam militarium; item Moniales tam Professæ, quàm Novitiæ gaudeant privilegiis clericalibus?
- Respondeo affirmativè: nam omnes istæ personæ per suspensionem habitus Religiosi transierunt ad statum Ecclesiasticum, & cum favores sint ampliandi, in favorabilibus cum veris Religiosis communicant, esto nondum per Professionem perfectè & ultimè ingressi sint Religionem.
7. Quæres quartò. An requirantur certæ conditiones, ut aliquis possit gaudere privilegio fori? Respondeo. Pro iis, qui solum primā Tonsurā vel Minoribus Ordinibus sunt initiati, Jure novo Tridentini præscribuntur certæ conditiones, ut possint gaudere privilegio fori [h. e. impedite frui exercitio sui privilegii] Sess. 23. c. 6. his verbis expressæ: *Nullus primā Tonsurā initiatus, aut etiam in Minoribus constitutus ante decimum quartum annum beneficium possit obtinere. Is etiam privilegio fori non gaudeat, nisi beneficium Ecclesiasticum habeat, aut Clericalem habitum & tonsuram deferens alicui Ecclesiæ ex mandato Episcopi inserviat, vel in Seminario Clericorum, aut in aliqua Schola, vel in Universitate de licentia Episcopi, quasi in via ad Majores Ordines suscipiendos versetur.* Ergo solum Clerico tonsurato, vel in Minoribus constituto (de his enim loquitur Trident. non de iis, qui jam in sacris

constituti ad statum laicalem redire non possunt, adeoque etiam non servatis hisce conditionibus manent Clerici) præscriptæ sunt conditiones, ut vel habeat beneficium cui capiendo præfigitur ætas completa 13. annorum, cum antea septennium suffecerit, vel portet habitum, tonsuram, serviatque Ecclesiæ: cui servituti æquiparatur Seminarium, & studium in Schola, vel Universitate. Unde

Quæres quintò. An illæ tres conditiones habitus, tonsuræ, servitutis, collectivè vel disjunctivè sint accipiendæ?

Respondeo. Sunt accipiendæ collectivè; id quippe sufficienter exprimitur per vocem copulativam: Unde unā ex istis deficiente amittitur privilegium fori, ut habet Castropal. p. 2. n. 7. Bordon. c. 6. n. 6. sed

Quæres sextò. An etiam Religiosi Professi, vel Novitii ad retinendum privilegium fori teneantur ad prædictas conditiones?

Respondeo negativè. Nam lex Tridentini est odiosa, utpote Clericos subjiciens novis oneribus, à quibus antehac jure communi erant liberi: ergo non ampliari, sed restringi debet.

Quæres septimò. An Clerici Scholares præter studium, vel Seminarium debeant habere memorata requisita?

Respondeo affirmativè: quia Concilium præter habitum & tonsuram requirit disjunctivè vel servitium Ecclesiæ, vel studium, vel Seminarium: ergo sicuti præter servitium Ecclesiæ necessariò requiritur habitus & tonsura Clericalis; sic etiam præter Seminarium, vel studium. Et sic S. Congreg. declarasse refert Fagnan. in c. *si quis de foro compet. n. 19.*

Quæres octavò. Qualis & quanta debeat esse servitus Ecclesiæ, ut satisfiat intentioni Tridentini?

Respondeo primò: Servitium à Tridentino requisitum est spirituale, non determinatum ad certam Ecclesiam, Bordon. loc. cit. à n. 20. Requiritur enim tanquam *via ad Majores Ordines suscipiendos*, hoc autem solum præstat servitium spirituale, id potissimum quod ex officio sacrorum Ordinum exercetur: quò pertinet etiam cantus in Ecclesia, servitium Missæ, frequentatio processionum, &c.

Hinc primò. Non acquirit privilegium fori, qui servit Ecclesiæ pro Advocato, vel Notario, quia hoc non est servitium spirituale, ut habet Covarruv. l. 2. var. c. 1. Secundò sufficit servitium præstitum Ecclesiæ Regulari etiam non parochiali, quia cum Tridentinum indeterminatè dicat, *alicui Ecclesiæ inserviat*, non est cur Ecclesiarum limitatio fieri debeat. Unde tertio, etsi Clericus sine aliquo mandato Episcopi, vel alteri Ecclesiæ quàm Episcopus mandavit, serviat, satisfiat Tridentino in ordine ad immunitatem fori; ita quippe respondisse S. Congregationem refert Fagnanus p. 3. ad c. *si quis, de foro compet. n. 23.* Neque refert, quòd Tridentinum velit, ut inserviat Ecclesiæ ex mandato Episcopi; non enim requiritur mandatum expresse, sed sufficit implicitum, quod in ipsa executione & exercitio servitii per Tridentinum requisito includitur.

Respondeo secundò. Ut Clericus satisficiat requi-

requisito servitii, sufficit, quod per aliquot vices illud exerceat, ita ut exinde frequens & perseverans in Ecclesiæ servitio prudenter judicari possit. Unde non est opus, ut singulis festis & Dominicis diebus sacris officiis intersit, dummodo aliquoties id faciat, prout cum Barbosa & Delbene docet Bordonus cit. c. 6. n. 24.

13. Quæres nono. Utrum contra unam ex istis conditionibus à Tridentino requisitis, præscribi possit per contrariam consuetudinem?

Respondeo affirmative: nam primò leges Concilii non sunt majoris roboris, quàm leges Pontificiæ: sed contrarias potest induci contraria & rationabilis consuetudo: ergo etiam contra illas. Secundò. Ipsum Concilium Trident. loc. cit. fustulit omnes consuetudines etiam immemorales, quæ obstant legibus indicatis in c. un. de Cleric. conjug. in 6. sed illæ leges erant Concilii Lateranensis: ergo Concilium agnoscit posse introduci consuetudinem præscriptam contra ipsum Concilium, cum illæ quoque consuetudines in suo robore persisterent, nisi à Tridentino abrogatæ fuissent.

14. Nec obest primò, quod Fagnanus opponit, Conciliis œcumenicis deberi reverentiam & observantiam, sicut Sanctis Dei Evangelii; hoc enim conceditur in his, quæ ad fidem pertinent, in reliquis verò leges Conciliorum humanæ legis naturam sequuntur, ideoque contraria consuetudine aboliri possunt.

15. Nec obest secundò clausula derogatoria: *Nemini quoad hoc privilegio, vel consuetudine etiam immemoriali suffragante*. Nam per ejusmodi clausulam præteritas tantum consuetudines, non etiam futuras abrogari docet Suarez l. 7. de leg. c. 7. & colligitur ex verbo *suffragante*; neque enim consuetudo suffragari poterat, quæ nondum existeret, adeoque tantum intelligebatur consuetudo præterita, vel existens tempore conditi decreti.

## §. II.

### *Amissio, & mutatio fori.*

16. Quæres primo. Utrum immunitas Ecclesiastica constitutione Summi Pontificis, aut consuetudine contraria mutari, aut tolli possit?

Respondeo negativè. Nam humana potestas in lege Divina præsertim naturali formaliter mutare nihil potest: sed immunitas Ecclesiastica, ut dictum, est juris Divini: ergo humanâ potestate Summi Pontificis formaliter mutari aut tolli non potest.

17. Inquis: cur ergo tot reperiuntur Canones, quibus certis personis aufertur privilegium fori & canonis, quando non implent præscriptas conditiones, si immunitas jure Ecclesiastico tolli, aut mutari non potest? Respondeo, hanc mutationem non esse formalem, sed materialem. unde notanter dictum, *formaliter mutari non posse*.

Esset formalis mutatio, si à persona Ecclesiastica in sensu composito status Ecclesiastici, & quamdium illa pro tali agnosceretur, auferretur immunitas. Materialis mutatio est, quæ fit circa ipsam personam, eandem acceptando ad statum Ecclesiasticum, eique applicando privilegium fori. Quod cum Ecclesia possit facere sub certis conditionibus, quid mirum, si persona quæ iis servatis in statu Ecclesiastico recenferi, & privilegio fori gaudere potuisset, iis non servatis à statu Ecclesiastico & consequenter à privilegio fori excidat?

Colliges: Clericum non posse renunciare privilegio fori, quamdium manet Clericus: quia non potest juri Divino, Ecclesiastico, totique statui Ecclesiastico inferre præjudicium, de quo jam aliàs dictum priori Disp. art. 3. §. 1. n. 3.

- Quæres secundò. Quanta debeat esse depositio habitus Clericalis, ut ratione ipsius Clericus perdat privilegium fori?

Certum est, non amitti privilegium, quando habitus deponitur ex certa causa, sive honesta, sive peccaminosa, cum intentione iterum resumendi; E. g. si Clericus in domo, si in lecto, si laboris, pificationis, luitis, joci &c. causâ habitum deponat, postea resumatur in publico.

Respondeo igitur. Quando Clericus ita deponit habitum, ut ex ejus depositione prudenter colligatur, renunciâsse statui Clericali, tunc Clericus amittit privilegium fori. Hoc porro dupliciter contingit, vel quod cum depositione habitus conjungatur actum statui Clericali adversantem, ut si ducat uxorem, fiat miles, &c. vel quod per tam notabile tempus habitum gestare intermitat, ut publicè existimetur Laicus, ad quod Barbosa censet sufficere octo menses, Delbene part. 1. c. 4. dub. 8. in Hispania & Gallia, acquiri quadriennium, communior cum Farinacio q. 8. n. 63. Mascardo de General. statutorum interp. concl. 1. annum sufficere existimant.

- Quæres tertio. An, ut Clericus amittat privilegium fori, præter defectum requisitarum conditionum prærequiratur trina admonitio, de qua dicitur in c. fin. de vita & honest. Clericor. c. contingit 45. de sent. excomm.

Respondeo negativè, prout Fagnanus refert decisum à S. Congregatione, eod quod Tridentinum nullâ factâ mentione trine monitionis ad amissionem privilegii solummodo requirit neglectum unius ex prædictis conditionibus.

- Quæres quarto. An saltem requiratur sententia declaratoria Judicis Ecclesiastici, ut propter omissionem unius ex præscriptis conditionibus Clericus amittat privilegium fori?

Respondeo affirmative, quia est lex pœnalis & strictæ interpretationis: leges autem pœnales privantes jure quæsito, non obligant ante sententiam judicis, saltem declaratoriam criminis, prout de lege pœnali cum Layman, Castropal. Salmantic. superius dixi.





## ARTICULUS IV.

## De privilegio Canonis.

## SUMMARI A.

1. Exponitur privilegium Canonis.
2. Privilegium Canonis perditur à Clerico consurato, non servante præscriptas condiciones Tridentini.
3. Quinam criminosi gaudeant, vel non gaudeant privilegio canonis?
4. Clericus conjugatus cum unica virgine gaudet privil. can. non bigamus.
5. Omnes Regulares etiam Novitii & Conversi veniunt in Canone nomine Monachorum.
6. Nec excluduntur apostata, vel ejecti.
7. Per vocem si quis etiam intelliguntur mandantes, consulentes &c.
8. Nisi mandatum fuerit revocatum.
9. Percussor Clerici consentientis non evadit censuram.
10. Ad incurrendam censuram requiritur actio mortaliter injuriosa, & corporis afflictiva.
11. Parvitas externa læsionis aliquando excusat.
12. Non semper necessaria est gravis læsio in corpore.
13. Varia causa percussorem excusantes à censurâ.
14. Triplex differentia in percussione Clerici.
15. Absolvere possunt à censura cum diversitate Legatus à Latere, Nuncius, Legatus nativ.
16. Quibus casibus absolvat Episcopus?
17. Regulares absolvuntur a suis Prelatis.
18. An etiam percussor Religiosi alterius Ordinis, vel Monasterii?

## §. I.

## Quinam gaudeant privilegio Canonis?

1. Privilegium Canonis, cujus definitionem dedi art. 1. n. 9. continetur in c. si quis suadente 29. 16. q. 4. his verbis: Si quis suadente Diabolo hujus sacrilegii reatum incurrit, quod in Clericum, vel Monachum violentas manus injeceris, anathematis vinculo subjaceat, & nullum Episcoporum illum presumat absolvere, nisi mortis urgente periculo, donec Apostolico conspectui præsentetur, & ejus mandatum suscipiat. Ex quo constat, hoc privilegium non esse juris Divini, sed humani, quippe quod originem trahit à Concilio Lateranensi, celebrato sub Innocentio II. anno 1139.

Quæres primò, An Clericus solum consuratus, aut minoribus initiatus gaudeat privilegio Canonis?

Respondeo affirmativè, si servet tria requisita Tridentini, de quibus art. præced. tunc enim est verè Clericus & persona Ecclesiastica gaudens privilegio fori, ut habetur ex eod. Trident. &c. ex litteris 6. de transact. c. cum contingat. ij. de arate: sed personæ Ecclesiasticæ & Clericales gaudent privilegio Canonis: ergo & Clericus solum consuratus, aut minoribus Ordinibus initiatus gaudet privilegio Canonis. Sed

2. Quæres secundò, Quid si non servet unum ex requisitis, v. g. non deferat habitum Clericalem? perdatne privilegium canonis.

Negativam tenet Bordonus citans Gonzal. glos. §. 5. Castropal. Dianam, aliosque, & colligitur ex c. si vero, 4. de sent. excomm. ubi percutiens Clericum comam nutrientem dicitur incurrisse excommunicationem, si sciebat esse Clericum. Ratio quoque est: quòd Tridentinum non loquatur de privilegio canonis, sed de privilegio fori: nulla est autem dependentia inter privilegium fori & canonis: neque in pœnalibus licet facere extensionem ab uno ad aliud.

Affirmativam tuncur Suarez de cens. disp. 14 dub. 15. Bannez 2. 2. q. 12. a. 1. Engel de sent. excomm. §. 4. n. 127. quam immeritò improbabilitatis censurâ notat Bordonus loc. cit. Huic subscribo: & Ratio est: Nemo gaudet privilegio Canonis, nisi sit in statu Clericali, vel Monachali: sed Clericus consuratus aut in minoribus constitutus non servans requisita Tridentini post sententiam declaratoriam Judicis non ampliùs censetur esse de statu Clericali, sed ad Laicalem redigitur: ergo neque gaudet privilegio Canonis. Quamvis igitur non sit omni-moda & convertibilis connexio inter privilegium fori & canonis, unde non licet ab amissione privilegii canonis inferre amissionem privilegii fori & immunitatis, cum ista sit de jure Divino, illa de humano: nihilominus ab amisso privilegio fori tanquam à majori ad minus bene inferatur amissum privilegium canonis, subtrahenda namque radice status Ecclesiastici, in qua fundatur. Ad c. si vero. Respond. ejus dispositionem obtinuisse locum ante Trident. ubi nondum erant necessaria illa requisita: neque supponitur facta judicis declaratio, quam etiam post Tridentinum necessariam esse dixi art. præced. Ad rationem Bordonii Respond. non fieri extensionem, sed esse sequelam infallibilem propter translationem consurati à statu Clericali ad Laicalem, quam etiam agnoscit ipse Bordonus n. 12.

Quæres terciò, An gaudeant privilegio canonis Clerici criminosi, & censuris innodati?

Respondeo primò. Gaudent privilegio canonis omnes Clerici quantumvis excommunicati, suspensi, depositi, irregulares, quia effectus censuræ non est privare privilegio canonis, & ita censent DD. communiter cum Abb. in c. Ecclesie de immuni. Ecclesie.

Respondeo secundò. Non gaudent privilegio canonis [1] degradati, cum proprius effectus degradationis sit dejicere à dignitate status Ecclesiastici ad statum laicalem, ac degradatum exuere non tantum privilegio canonis, sed etiam fori, [2] qui se immiscet enormibus delictis, c. cum non ab homine, 14. & c. perpendimus, 23. de sent. excomm. censentur porro enormis delicta, homicidium, commotio seditionis & belli, aggressiones, furtum, aliaque, quæ infamiam pariunt, cap. infames 3. q. 7. [3] qui dimisso habitu, vel consurâ negotiis secularibus se immiscant

ſcent, hiſtrioniam exercent, macellarios, tabernarios agunt, & ab Epifcopo po tertio moniti non emendantur. *c. in audientia, 25. & c. contingit. 45. de ſent. excom.*

4. Quæres quartò. An Clericus conjugatus gaudeat privilegio Canonis?

Reſpondeo. Clerici conjugati, qui cum unica & virgine contraxerunt, habitum quoque & conſuram deferunt, atque Eccleſiæ alicui inferviunt, gaudent privilegio canonis & fori per *c. un. de Cler. conjug. in 6. & Trident. cit. ſeſſ. 23. c. 6.* Secus dicendum, ſi fuerint bigami, aut viduas, vel corruptas duxerint, tunc enim ipſo jure privantur privilegiis Clericalibus & prohibentur geſtare habitum Clericalem, *c. un. de bigamis in 6. c. quisquis 3. diſt. 84.*

5. Quæres quintò. Quinam in *c. ſi quis* intelligantur nomine Monachorum?

Reſpondeo: Omnes Ordinum approbatorum Regulares, etiam Novitios, Converſos, ſeu Laicos, & Moniales, per *c. non dubium 5. c. de Monialibus. 33. de ſent. excom.* Ad quos reducuntur Eremitæ, qui ſub obedientia Epifcopi vel Prælati vitam religioſam imitantur, quamvis 3. vota ſubſtantialia non emittant: tunc enim ſunt perſonæ Eccleſiaſticæ juxta ſuperius dicta. Engel citat, cum Sylveſtro & Navarro.

6. Quæres ſextò. An Religioſi apoſtatz, vel ejec- ti gaudeant privilegio Canonis?

Reſpondeo affirmativè cum Diana p. 9. tr. 4. reſol. 12. Bordonò de privileg. Cler. c. 21. n. 48. etiamſi conſuram & habitum dimiſerint, quia privato privilegiorum Clericalium reſpectu Religioſorum apoſtatarum, vel ejec- torum nullo jure habetur expreſſa. & cap. 1. de apoſtatis. quod apoſtatis à Clericatu præter alias penas admittit privilegium Canonis, eſt ſtrictè interpretandum, neque in odioſis ſub nomine Clerici, de quibus illud capitulum loquitur, veniunt Religioſi, uti habet Abbas in *c. 1. Ne Clerici, vel Mon.* Inſuper privilegium fori & Canonis competit Regularibus Profeſſis ratione Profeſſionis religioſæ, quæ ipſis inſeparabiliter adhæret, neque pro luti- bitu excuſi poſſeſt.

## §. II.

*A quibus, & quâ actione incurratuſ cenſura excommunicationis inſiſſa per c. ſi quis?*

7. Quæres primò. Quinam intelligantur in Canone per particulam *ſi quis*?

Reſpondeo, intelligi quemcumque percuſſorem utriuſque ſexus, doli & cenſuræ capacem, Quò pertinent etiam mandantes, conſulentes, conſentientes, ratum habentes & non impedi- entes, ſi tenebantur ex officio impedire. Suarez diſp. 22. de Cenſur. ſeſſ. 1. Sayr. l. 3. c. 26. Caſtrop. diſp. 3. p. 23 §. 2. nam ut habetur in *c. quanta. 47. de ſent. excomm.* agentes & conſentientes pari poenâ puniuntur, eſſique Canon iſte favorabilis pro honore ſtatûs Eccleſiaſtici.

8. Inferes primò. Si mandans aut conſulens percuſſionem ſeriò revocaverit, & notificaverit revocationem mandatario, non incurſſe excommunicationem, quantumvis ſequatur percuſſio, non enim ampliùs inſluit mortaliter in percuſſionem, ut docent DD. communiter.

Inferes ſecundò. Qui Clericum conſentientem percuſit, incurſſe excommunicationem, quia Clericus ſuo conſenſu non poſuit cedere & derogare favori ſtatûs Eccleſiaſtici, ac dignitatì Ordinis, quem Canon principaliter reſpicit. Suar. Caſtrop. cum communio. eſſique clarè deciſum in *c. contingit; 36. de ſent. excom.*

Quæres ſecundò. Qualis requiratur adio, ut incurratuſ poena Canonis?

Reſpondeo primò. Requiritur adio in genere injuriæ mortaliter peccaminosa, & corporaliter aſſiſſiva, Dixi mortaliter peccaminosa; nam cenſura excommunicationis ſupponit culpam mortalem in genere ſacrilegii, eaque indicatur per verba: *Suadente diabolo, & violenta manuum injeſſio.* Dixi ſecundò, corporaliter aſſiſſiva, nam per manuum injeſſionem ſignificatur externa læſio corporalis, ſive immediata, puta manibus, dentibus, pedibus &c. ſive mediata, h. e. mediante aliquo iſtrumento, ſcolpeto, baculo, enſe, ſcabello &c. ſive in ipſo corpore, ſive in adjacentibus, puta veſtibus, equo &c. proximè recepta, non enim iſta læſio vel aſſiſſio requirit percuſſionem, aut phyſicum contactum corporis, dummodo ſit injurioſa corporalis aſſiſſio, quæ etiam contingit, ſi Clericus aut Religioſus arreptâ veſte violentè expellatur, aut trahatur ad aliquem locum, ſi violentè veſtibus exuatur, ſi in cuſtodia teneatur, ſi violentè perſecutione adaſtus in foveam vel fluvium incidat, &c. hæc omnia quippe continentur in violenta manuum injeſſione. P. Engel loc. cit. n. 135. & DD. in *c. nuper. 29. de ſent. excom.*

Inferes primò. Si percuſiens Clericum animò 1. graviter cum lædendi valde levem externam percuſſionem inferat, non incurſſe excommunicationem: quia utique etiam in hac materia datur parvitas materiæ; & excommunicationis tanquam gravis poena ſupponit, adionem externam eſſe mortaliter peccaminosa, non præciſè ratione actûs interni & prævæ voluntatis, ſed etiam ratione actûs externi, pro quo fertur, non enim Eccleſia judicat de occultis. Ita Suar. diſp. 22. ſe. 1. Sanch. l. 2. c. 8. n. 7. Sayr. l. 3. c. 27. n. 33. Bordonus cap. 11. n. 49.

Inferes ſecundò. Qui pulverem, aquam, alia. 14. ve levia ſpargit in Clericum, qui lædit equum, cui inſidet, præcidit habenas &c. incurſſe excommunicationem: nam eſto per ſimiles actiones non graviter lædatur in corpore, gravem tamen patitur violentiam & injuriam circa ſuam perſonam, quam ad incurrendam poenam Canonis ſufficere conſtat ex *c. nuper* præcitato ibi: *quamvis per eorum factum corporalis læſio non fuerit ſubſe- cuta, circa quam violentia ſæpius circa Clericos perpe- ratuſ.*

Quæres tertio. Quanam cauſæ excuſent ab 13. incurſu cenſuræ?

Reſpondeo. Excuſantur primò percuſſores Clerici ſeſe enormitatibus immiſcentis *c. cum non ab homine 14. de ſent. excomm.* quò pertinet ſi quis violentas manus inſiciat in Clericum cum matre, ſore, aut filia turpiter deprehenſum. Engel. n. 126. Secundò excuſat caſus, error, & ignorantia; ut ſi quid incurſi domo eſectum incidat in Clericum; ſi percuſas Clerico, invincibiliter

existimans esse Laicum: utrobique enim deest voluntarium, sine quo gravis & formalis injuria non subsistit. Sed quid si percussus Cajum Clericum, existimans te percutere Titium Clericum? erisne liber à censura, siquidem illa percussio respectu Titii nulla est, & respectu Caji non est voluntaria. Respondeo. Si casu facta est illa percussio, ut si lapide in Titium misso aberrans, fortuito percussus Cajum, nulla est excommunicatio; siquidem ille effectus planè præter intentionem sequitur: Si verò sciens Cajum esse Clericum, illum percussit, non evadis censuram, tamen si existimaveris esse Titium: quia tunc error non cadit super circumstantiam & statum Clericalem, sed solummodo circa individuales conditiones Caji: excommunicatio vero lata est super percussorem Clerici, non circa percussorem Titii, vel Caji ut sit, quò facit textus in l. cum, qui nolem. 18. §. si injuria; ff. de injuriis. ubi l. c. dicit: si injuria mihi fiat ab eo, cui sum ignotus, aut si quis putet me esse Laicum, cum si n. Cajus, pravalet quod principale est, injuriam mihi facere velle, & ideo injuriarum habeo actionem.

Tertiò, excusatur Magister, vel Præceptor disciplinae causâ moderate castigans discipulum Clericum, cap. 1. ex tenore, 10. c. cum voluntate 54. de sent. excomm. quod intelligendum de Clerico in Minoribus constituto. Quartò Prælatus Ecclesiasticus correctionis causâ & ratione officii ac jurisdictionis Clericum, vel Monachum corporali castigatione juxta culpæ gravitatem afficiens, sive perse, sive per aliam personam Clericalem d. c. ex tenore, &c. Quintò excusatur ebrietas, quæ aufert sufficientem usum rationis, nisi quis eo sine se inebriasset, ut tantò animò in Clericum insurgeret. P. Engel cit. n. 142. Sextò excusatur defensio vitæ, honoris, pudicitie, bonorum, servatò tamen moderamine inculpate tutelæ, ex c. si verò, 3. cit. & ex tenore 10. de sent. excomm. tunc enim percussio non fit iuvadente diabolo, sed ex permisso juris naturalis, quo cuivis licet vim vi repellere. Suar. disp. 22. sect. 1. Castrop. disp. 3. de Cens. p. 23. §. 3.

## §. III.

## De absolutione à censura Canonis.

14. **N**otandum. Percussione Clerici, quâ Canonis censura incurritur, esse in triplici differentia: est levis percussio, gravis seu mediocris, & enormis. Levis dicitur non absolutè, quia supponitur esse mortaliter peccaminosa, alioquin non esset capax excommunicationis, sed comparatione cæterarum. Enormis describitur in c. cum illorum 12. de sent. excomm. his verbis: Enormis, utpote si ad mutilationem membri, vel effusionem sanguinis [intellige ex vulnere inflato] est processus, aut in Episcopum, aut Abbatem violentas manus injectas, cum excessus tales & similes nequeant sine scandalo præteriri. Gravis seu mediocris est, quæ de utraque aliquid participat, e. g. si copia capillorum evellatur, si colaphus dens frangatur, &c. Erit igitur levis percussio, si simpliciter Clerico alapam impingas, si verò illa sit tanta, ut exinde nares multum sanguinis effundant, vel vultus tumorem & livorem contrahat, dens excutiat &c. erit percussio gravis; si per-

cussus velut exanimis concidat, aut periculum vitæ incurrat, erit enormis: Imò sola etiam personæ percussus circumstantia potest levem percussionem vertere in enormem, e. g. si quis suo Superiiori, Prælato, Episcopo, alapam infligeret, eumve capillis traheret. Porro in dubio, si ne levis, gravis, an enormis percussio, determinatio pertinet ad Episcopum, qui consideratis personæ læsæ, temporis & loci circumstantiis judicabit, an à tali percussione possit absolvere: & in dubio potius declarabit, percussionem non esse, quàm esse enormem: quia in obscuris minimum est sequendum per Reg. 30. in 6 l. semper 9. ff. de R. l. in dubiis quoque magis favendum est reo, quam actori, Reg. 11. in 6. Prælatus quoque in dubio non debet se spoliare suo jure, cum in dubiis melior sit conditio possidentis suam jurisdictionem. Ita Bordonus c. 21. n. 270. Layman l. 1. tract. 1. c. 5. §. 4. contra Suarez & Castrop. His prænotatis

Quæres primò. Quis possit percussorem à censura excommunicationis absolvere?

Respondeo primò. Præter Summum Pontificem potest absolvere omnes undecunque advenientes, etiam si percussio sit enormis, Legatus à Latere à die dictellus, usque ad diem sui redditus. c. ad eminentiam; 20. & c. quamvis 58. de sent. excomm. Nuncius verò Apostolicus, sive Legatus missus, tantum potest absolvere ab excommunicatione etiam ex enormi percussione contracta subditos existentes in provincia suæ Legationis; c. excommunicationis 9. de offic. Legati. Legatus verò Natus circa absolutionem plus non possunt, quàm alii Ordinarii, nisi speciale privilegium à Summo Pontifice obtineant. P. Engel cit. n. 143.

Respondeo secundò. Episcopus absolvit à excommunicatione [1] quandocunque percussio est levis; c. percutus, 17. de sent. excomm. [2] quandocunque adest rationale impedimentum accedendi Summo Pontifici, vel Legatum ipsius, quod impedimentum vel est perpetuum, vel temporale. Si perpetuum, percussus simpliciter absolvitur ab Episcopo, præstitâ cautione, de satisfaciendo mandatis Ecclesiæ, & parri læse; si est impedimentum temporale, insuper requiritur cautio, ut absolutus, cessante impedimento, sed à Apostolica se præsentare velit, quod si negligat, ipso jure reincidit in censuram. c. de cetero 11. c. quamvis; 58. de sent. excomm. [3] quandocunque percussio est occulta, tamen si forte enormis, Episcopus potest absolvere subditos, ex Tridentino sess. 24. c. 6. [4] Episcopus potest absolvere mulieres, vel Moniales; c. mulieres 6. c. de monialibus; 33. cod. [5] si percussor sit impubes, tamen post pubertatem petat absolvi. c. ult. cod. 1. [6] Si Clerici in commune viventes se invicem percusserint; c. quoniam, 9. de vit. & bon. Cler. [7] Religiosum, qui Clericum sæcularem non enormiter percussit; c. Religioso, 21. de sent. excomm. in 6. [8] Viro magnæ potentie, postquam eorum status Summ. Pontif. intimatus fuerit, cap. mulieres; 6. cod.

Respondeo tertiò. Regulares se invicem percipientes, vel qui ante Religionis ingressum censuram canonis incurrerunt, absolventur à Prælato sui Ordinis, vel Monasterii, nisi excellus sit enormis, ut si in Episcopum, vel Abbatem violenta



- lenta manus fuisset injecta, quo casu absoluto Summo Pontifici est reservata; c. cum illorum 32. c. Canonica, 70. eod. Habent nihilominus Regulatum Prælati & Superiores extra jus commune specialia privilegia, per quæ etiam ab enormi percussione live Religiosi, live Clerici suos Religiosos possunt absolvere, de quo multa Bordonus de privileg. Cler. c. 21. à n. 327.
18. Quares secundum. A quo sit absolvendus Religiosus percussor, quando percussus subest alteri Superiori? Videtur dicendum, quod absolute

sit danda per utriusque Religiosi Prælatum, ex c. cum illorum 32. de sent. excomm. ubi dicitur: *Per Abbatem proprium & ejus, qui passus est injuriam, absolvatur*: quæ tamen ita esse intelligenda docet Molina de l. & Just. tr. 3. disp. 60. n. 5. ut absolutio à censura detur à Superiore percipientis, utpote iudice ordinario, supposito tamen consensu & præmissâ satisfactione Prælati alterius, qui est Superior Religiosi percussus, & injuriatus; cum ipse sit actor, & jus habeat persequendi injuriam suo Religioso illatam.

## ARTICULUS V.

## De privilegiis Religiosorum.

## S U M M A R I A.

1. Religiosa Professio tollit omnia peccata quoad culpam & penam.
2. Testimonia SS. PP. & DD. de Religiosa Professionis præstantia.
3. In susceptione habitus Religiosi datur plenaria Indulgentia.
4. Etiam in renovatione votorum acquiri potest Indulgentia plenaria.
5. S. Prof. & exinguit alia vota.
6. Purgat maculas legales, & irregularitatem ad
7. Ordines suscipiendos.
8. Probabiliter extenditur ad susceptionem habitus.
9. Dissolvit matrimonium ratum.
10. Absolvit à patria potestate.
11. Facit participes omnium causarum piarum.
12. Limitationes pro communicatione privilegiorum.
13. An totus Ordo Benedictinus in privilegiis communicet cum aliis Congregationibus & Monasteriis?
14. Communicatio Benedictinorum in privilegiis est in jure fundata.
15. Privilegia corpori juris inserta, iisq. equiparata, admittunt extensionem ob identitatem vel paritatem rationis.
16. Exempla præcedentis doctrina ex Jure.
17. Argumentum à paritate PP. Capucinatorum.
18. Probabilitas extrinseca nostra doctrina ab auctoritate DD.
19. Ratio reflexa & indirecta communicationis.
20. Ordo S. Benedicti indirectè communicat omnia privilegia Mendicantium.

## S. I.

## Privilegia &amp; favores communes statui Religioso.

Personæ Religiosæ, tanquam selectior pars Christiani gregis, à nos Ecclesiastici germinis, singulare decus & ornamentum S. Ecclesiæ, in quibus Evangelicæ perfectionis norma resplendet, à quibus Apostolicæ prædicationis gratiam & S. fidei veritatem innumeræ gentes acceperunt, semper dignæ videbantur Summis Pontificibus, ut ipsas diversis favoribus, gratiis ac privilegiis decorent: quæ quidem singulatim prosequi non est propositum; ne tamen filialis erga Ma-

terem Religionem observantiæ immemor videar, aut ingratitude labem incurram, pauca in communi, & certiora delibo.

Præter Canonis & fori, aliaque Clericorum privilegia etiam Regularibus competentiâ, de quibus in præcedentibus dictum. Primò non tam privilegium, quàm gratia totitatu Religioso communis & propria est, quòd per Religiosam Professionem seu emissionem votorum conferatur instar Jubilæi perfectissima remissio omnium peccatorum, tam quoad culpam, quàm quoad penam: quæ quidem Indulgentia tamen fuerit à Sum. Pont. Paulo V. concessa, tamen etiam independentè ab illa concessione est ex natura rei annexa ipsius professionis dignitati, quippe in qua homo omnia sua, suamque voluntatem, quæ nihil habetur præstantius, DEO offert. Ita docent D. Th. 2. 2. q. ult. a. 3. ad 3. [Th. Waldens. de Sacr. tit. 9. c. 80. Hieron. Platus de bono stat. Rel. l. 1. c. 15. Layman l. 5. c. 10. Azor, Barthol. à S. Fausto, Gregorius Giesler, aliique.

In quorum probationem facit primò, quòd in authent. de Monachis Imperator affirmat, quòd vitæ Monasticæ ingressus omnem criminum maculam abstergat. Secundò, quòd SS. PP. & Doctores tam Alceitici, quàm Scholastici Professionem Religiosam alterum Baptismum appellent. Sic loquuntur S. Hieron. ep. 25. Petrus Dam. op. 16. c. 8. S. Bern. in Serm. de S. Bened. S. Anselmus c. final. de Similit. D. Jo. Damasc. in histor. S. Jolaphat. c. 12. Etenim divinam hanc professionem peccatum propulsare, atque incorruptionis per divinum Baptismum nobis concessæ sociam & opitulatricem esse perspectum habemus. D. Antonin. in Sum. 3. p. tit. 16. c. 3. §. 3. D. Th. lo. cit. Bellarminus, Sanchez, Rodriguez, Hæftenius, aliique. Tertio ex authenticis Patrum historiciis, nominatim apud Rosweydem l. 1. n. 9. ubi quidam vir sanctus dixit: *Virtutem, quam vidi facere super Baptisma, vidi etiam super vestimentum Monachi, quando accepit habitum spiritualem. Quarto ex ratione Angelici Doctoris in 2. dist. 4. q. 3. a. 2. sic proposita: Cum prestens voluntatem suam cæteris rebus chariorem in perpetuam DEI servituti redigat, jam plenissime pro omnibus anteactis vitæ delictis satisfecisse censetur, utpote qui id dat, quo nihil majus dare poterat.*

Plenaria hæc peccatorum remissio per Indulgentiam



gentiam Pauli V. etiam concessa est tironibus S. Religionis in prima Religiosi habitus susceptione, ut est videre apud Gobat, Bonagratia aliosque: quæ de causa Tirones laudabili consuetudine per præviam generalem exomologesin ad hanc Indulgentiam lucranda disponi solent.

4. Insuper ad magnum solatium Religiosorum D. Bernardinus Sen. in Quadrag. tr. 2. ser. 23. a. 1. asseruit, toties prædictam Indulgentiam renovari, quoties seriâ voluntate renovatur sacra Professio. Ejus verba sunt: *Hæc libertas non solum datur in illa hora, quâ ipsum votum emittitur, sed etiam in omni tempore, quo sibi novisse placeat, & in quo cum hac complacentia votum implet.* Ad stipulantur Carthus. in opus. de profess. mon. Hyac. Casal. in cens. Christ. in monit. ad Relig. n. 4. & probabile agnoscit Laym. loc. cit. Multæ sunt præterea Indulgentiæ plenariæ quas Religiosi consequuntur, modò in primo Sacro, quod Neomystra offerunt, modò in articulo mortis, modò in principalibus festis sui S. Ordinis, modò in sacra exercitiorum solitudine. Illas studiose collegit in fasciculo SS. deliciarum R. P. Antonius Maria de Rheita Capuc. & speciatim pro Benedictinorum usu P. Georgius Geissler in privilegiis Ord. S. Benedicti. Notabilis est illa & plena solatii, quâ post suam generalem renovationem Indulgentiarum quoad Religiosos Paulus V. denuo concessit, ut quilibet approbatæ Religionis Professus & Professæ Regularis in clausura vivens, & propriam suam Ecclesiam visitans, ibidemque dicendo in diebus stationum 6. *Pater & Ave*, & in fine ad quodlibet, *Gloria Patri* [ ut Urbanus VIII. declaravit ] devotè ad Pontificis intentionem, S. Matris Ecclesiæ exaltationem, &c. orans, lucrari possit omnes Indulgentias stationum urbis, & orbis, ac si præsens Romæ, & alibi visitaret, &c. Rheita prædictus in fine præfat.

5. Alterum statûs Religiosi privilegium est, quod per S. professionem aliorum præcedentium voto obligatio velut absorpta tollatur, non quod commutata, sed quod per suimetipsius totalem oblationem, quâ homo simul & semel facit, quantum successivâ votorum impletionem facere non potuisset, impleta censeantur, uti communiter docent DD. in c. scripturæ, de vot. & c. qui post votum; de regul. in 6. & præter D. Antonin. & Palud. citatos à Sylvest. V. votum. 4. n. 7. tradit noster S. Anselmus l. 3. ep. 13. ad Richard. Mon. sollicitum de adimplentione alicujus voti ante monachalem professionem emissi post plura præmissa, scribens: *certus enim esse debes, quia cum te totum DEO devovisti, & reddidisti per Professionem monachicam, solvisti omnia vota minora quatuorlibet actionum, quæ prius sine iurejurando, & fidei obligatione promissisti.* Rursus ep. 154. ad Wilhelm. Abbat. *De voto Monachi, de quo nostrum vultis audire consilium, qui antequam ad nostrum Ordinem veniret, vovit, se nunquam amplius vinum bibiturum, hoc videtur mihi faciendum, quod sit a maioribus nostri Ordinis, & precipue apud Cluniensem. Ut videt. ejusmodi vota, quæ sunt sine promissione fidei, & sacramento, in voto Monachici Ordinis, in quo homo, quidquid ad se pertinet & se totum DEO offert, judicentur esse completa.*

Tertium privilegium statûs Religiosi est, quod 6. purget maculas legales, ortas ex actibus civilibus, per auct. de Mon. coll. 1. & Gloss. ca. 2. de Apost. Sic primò damnatus crimine furti, perjurii, falsi &c. si Religionem professus fuerit, absolvitur ab infamia, recipi potest in testem, aliosque actus civiles. Secundò. Ingressus Religionem purgatur à macula ingratitude, ut ratione ipsius nequeat exheredari, ut communiter docent Canonistæ in c. quantumlibet dist. 46. c. non liceat; 19. q. 3. ubi Gratianus refert verba Justiniani, quibus hoc privilegium concessit, cujus veritatem contra quosdam impugnatores solidè probat P. Engel de privil. & Jurib. Monast. privil. 13.

Sed etiamne status Religiosus purgat maculas 7. Canonicas, nempe irregularitates? Etiam istas per S. Professionem universim tolli censet Sor. in 4. d. 25. q. 1. a. 3. exceptâ illâ, quæ provenit ex bigamia, vel homicidio. Sed dicendum est cum P. Engel loc. cit. priv. 4. illam irregularitatem tolli, quæ oritur ex defectu natalium in ordine ad suscipiendos SS. Ordines tantum, ita ut illegitimi, quibus alioquin vetita erant susceptio SS. Ordinum toto 1. de filiis presb. non ord., tamen ex c. 1. eod. tit. Monasterium ingressi habilitentur ad sacros Ordines suscipiendos, eorumque usum; non tamen ad prælaturas, administrationes, & beneficia curata, uti præter cit. Engel tradunt Tambur. de J. Abb. to. 1. disp. 5. q. 14. n. 3. Azor. 1. p. inst. l. 12. c. 5. q. 12. Layman, aliique. Rario est: quia irregularitates, quæ solum continentur intra sphaeram Juris Canonici, sicuti non inducuntur nisi constitutione Canonum, ita non sine illorum autoritate tolluntur: atqui Jure Canonico non significatur tolli alia irregularitas nisi quæ oritur ex defectu natalium, neque per alium respectum, nisi ad susceptionem SS. Ordinum: ergo hoc solum modo & respectu in Professis irregularitas tollitur.

Nihilominus prædictam ablationem irregularitatis, à Religiosa professione, etiam ad habitus susceptionem probabiliter extendit, quamvis non pauci DD. stent in oppositum. Sanch. in præcept. Decal. to. 1. l. 5. c. 5. n. 14. ita, ut professione etiam non secutâ, irregularitas tamen ablata censeatur, eò quod in favorabilibus nomine Monachi vel Religiosi veniant etiam Novitii, neque jura expressè requirant Professionem.

Quartò. Professio Religiosa dissolvit matrimonium ratum quoad vinculum. c. 1. de convers. conjug. Trident. sess. 24. can. 6. sed quoniam, ais, privilegium Divino, ad humano? sunt, qui cum Paludano & Covarruvia existimant, dissolvi ex natura Professionis, eò quod ista sit quædam mors civilis & spiritalis. Privilegium Ecclesiastico & Pontificio adscribit Lessius, l. 2. de Just. c. 41. dub. 8. Coninck de matrim. d. 26. dub. 3. Medina, Engel, aliique. Præparent, qui Juri Divino direptionem matrimonii rati per religiosam Professionem tribuunt: ita quippe observatum fuit ab initio nascentis Ecclesiæ, quod in fallibile signum est, quod Apostoli hunc sanctioris & Religiosæ vitæ favorem ab ipsius Christi ore acceperint, idque indicat Alex. III. inc. ex publico, de convers. conjug. dicens, istud deduci ex interpretatione sacri eloquii. Atque ita docent Sorus in 4. dist. 27.

*disp. 27. q. 1. a. 4. Sanch. l. 7. d. 26. n. 4. Salmantic. to. 4. tr. 4. disp. 1. d. 5. §. 2. n. 70. sed de hoc ex instituto in Tract. de Matrim.*

- 10 Quinto status Religiosus absolvit Professum à patria potestate. *auth. ingress. & auth. si qua mulier. C. de SS. Eccles. & glossa ibid. quod tamen intelligendum esse quoad effectus patris potestatis Monasterio & Religioni onerosos, non quoad favorabiles, optimè monet P. Engel privil. 12.*

- 11 Tandem amplissimum privilegium Religiosorum est, quod gaudeant privilegiis & participatione omnium piarum causarum fisci, minorcenium, nobilium, militum dummodo casus sint Religiosis & Monasteriis applicabiles, prout latè deducit Clarif. P. Engel loc. cit. & Virg. Aluifer sed. 2. De communicatione privilegiorum, quæ gaudent Religiosi, vid. quæ dixi Disp. 37. a. 4. §. 11.

*Dubium de privilegiis S. ordinis Benedictini resolvitur.*

**Q**uæres primò. An totus Ordo S. Benedicti gaudeat communicatione privilegiorum, aliis Monasteriis, aut integris Congregationibus, putà Cassinensi, Vallisoletanæ, S. Mauri, &c. concessorum?

- 12 Respondeo juxta limitationem præced. disp. 37. a. 4. propositam, distinguendum esse inter gratias & privilegia: nam vel sunt onerosa, & cedentia in gravamen tertii, ut exemptio à jurisdictione, quæ non communicantur, nisi exprimentur, quia sunt stricte interpretationis, nec præsumitur Princeps velle alterius juri quæsito derogare, nisi exprimat. Vel secundò habent pro suo motivo specialem prærogativam loco, Monasterio, Congregationi propriam. Vel tertio restringuntur per clausulas speciales, & exclusivas aliorum locorum, ut sunt multa privilegia Abbati & Monasterio Cassinensi ob prærogativam primatus in toto S. Ordine concessa eaque utpote localia non solum à toto ordine, sed nec ab ipsa Congregatione Cassinensi participantur: Vel quartò sunt gratiæ exorbitantes, quæ rarò & difficulter, aut nonnisi prævio examine & Decreto S. Congregationis alicui Monasterio, vel Congregationi conceduntur, & necesse communicantur, cum sapiant naturam singularium gratiarum, juxta Tamb. de J. Abb. to. 1. d. 17. q. 2. Lezanan to. 3. V. Missa. n. 21.

- 13 Vel quintò motivum privilegii est universale, nempe merita, & dignitas S. Ordinis, & tunc valde probabiliter totus S. Ordo Benedictinus in privilegiis cuivis alteri Congregationi, aut Monasterio indultis nemini onerosis communicat. Sequitur ex dictis præcit. disp. 37. a. 4. n. 12. & 13. & ulterius Probatur rationibus directis primò. Non est præsumendum, quòd Sum. Pontif. voverit in communicationem privilegiorum variis Congregationibus & Monasteriis Ord. S. Benedicti concessorum admittere extraneos & alienos Ordines, exclusis domesticis & membris ejusdem S. Ordinis de universa Ecclesia tot sæculis meritisimi: atqui Sum. Pontif. varios extraneos Ordines admisit in communicationem privi-

*R. P. Mezger, Theol. Schol. Tom. II.*

legiorum Congregationibus Benedictinis concessorum: ergo præsumi non potest, quòd voverit Benedictinos ipsos ab eorum participatione excludere. Major probatur, quia exclusis domesticis alienos admittere in participationem favorum, non habet ratione innumerorum meritum, pugnant in super rationis non tantum identitate sed etiam majoritate, alienum est à justitiæ distributivæ æquitate non minus, quàm à paternæ pietatis liberalitate; quod de Sum. Pontifice clementissimo ovium Pastore præsumi nequaquam potest, ideo in interpretatione privilegiorum non nuda ipsius verba, sed vel maxime mens ex adductis motivis debet inspicere: unde sapienter Philosophus à Lessio citatur, æquitatem, ait, esse *quandam justitiam, & justitiæ legali meliorem*. Et revera: *longè major est Officiorum, quàm juris regula*. Mentem porro Summ. Pontif. luculenter expressit Sixtus IV. in mari magno Augustinianorum dicens: *Conveniebat, ut, quos par labor, & paria merita conjungunt, paria conjungerent privilegia & favores*. Minorem ex Summ. Pontif. Bullis ostendunt Rodrig. qq. regul. to. 1. q. 55. a. 2. Miranda to. 2. q. 46. a. 5. Tambur. Pellizar. aliique citati à Salmantic. to. 4. tr. 18. de privil. c. 1. p. 7. n. 90.

Probatur secundò. Extensio privilegiorum à per communicationem ab una Congregatione vel Monasterio ad totum Ordinem S. Benedicti sub præmissa limitatione est in jure fundata: ergo non est deneganda toti S. Ordini. Antecedens probatur primò. Privilegia faventia Religionis & causæ piæ, recipiunt amplam interpretationem ex juris dispositione; cum beneficium Principis sit latissime interpretandum l. 3. ff. de constit. Princ. & cum communi DD. docet P. Engel in Coll. Jur. Can. Tit. 4. §. 1. n. 4. Sed privilegia Religiosis concessa, quæ nemini sunt onerosa, sunt talia: ergo admittunt amplam & latissimam interpretationem: ergo pariter interpretatio, quæ DD. privilegiis uni Congregationi & loco concessa judicant esse extendenda, est conformis dispositioni juris.

Nec refert, quòd juxta sup. dicta, privilegium 1<sup>o</sup> ordinariè ob paritatem & identitatem rationis non extendatur à persona ad personam, à loco ad locum, &c. nam id obtinet quidem in privilegiis, *quæ sunt extra Corpus Juris*; ea quippe (inquit Engel loc. cit.) *plerumque sunt temporalia, & stricte interpretationis, nec extenduntur ultra personas, quibus concessa sunt: privilegia verò clausa in Corpore Juris ordinariè sunt perpetua, & recipiunt interpretationem, ac aliquando ex paritate rationis extensionem, sicut ipse egres communes*, unde nostra resolutio

Probatur tertio. Privilegia Corpori Juris inserta iisve in jure æquiparata admittunt extensionem, prout cum communi docent Suar. de leg. l. 8. c. 27. n. 7. & Hannoldus de Jur. & Just. to. 1. tr. 1. de Leg. c. 4. n. 20. sed privilegia Religiosorum æquiparantur privilegiis Corpori Juris insertis, ut iidem Authores docent: ergo admittunt extensionem ex identitate vel paritate rationis,

A a a

Proba-

16 Probatur quartò. *A privilegio uni cause pia concessa, recte potest deduci argumentum ad aliam similem causam ex communi DD.* inquit cit. P. Engel: sed quis negaverit, privilegia Religioforum esse concessa in favorem causæ piæ: ergo rectè deducitur ab iis argumentum ad similem, imò non ad similem causam, sed ad membra & partes ejusdem Religionis sub una S. Regula & Instituto intimâ unione moraliter connexas, militantibus iisdem motivis & rationibus. Major variis exemplis roboratur. 1. Privilegia maritis concessa, communicantur uxoris, quia conjuges constituunt unum morale compositum æconomicum: cur ergo non etiam privilegia concessa Congregationibus, sint communicata cæteris Monasteriis, quæ sub una S. Regula unâ cum illis unum S. Ordinis Corp<sup>9</sup> constituunt. 2. Summi Pontif. privilegio istarum Congregationum, imò & cæterorum Ordinum, ad remunerationem meritorum, conservationem pacis & conformitatis, voluerunt esse communicata Mendicantibus, qui non sunt membra ejusdem Ordinis, cur ergo non Monasteriis, quæ sunt membra ejusdem Ordinis? cùm istud æquè conducatur ad promotionem cultûs Divini remunerationem meritorum, conformitatem, &c. 3. Leo X. in Bullâ, *Dudum per nos accepta*, datâ 19. Dec. an. 1519. apud Lud. Mirandam in Man. Præl. to. 1. q. 21. omnia privilegia cuicunque Ordini mendicantium, vel domui ejusd. Ordinis concessa, omnibus & singulis ejusdem Conventibus, Domibus, Ecclesiis, personis &c. juxta cujuslibet capacitatem voluit esse communicata; cur ergo non Benedictinis quoque Monasteriis sint communicata privilegia, quæ ipsorum Congregationibus, aut quibusdam Monasteriis ex communi titulo & causa concessa inveniuntur? 4. Privilegia concessa studiosis Theologiæ, extenduntur ad studiosos SS. Canonum ut habet Burgos in *c. Canonum. de constit.* 5. Privilegia concessa Ecclesiis, extenduntur ad Hospitalia. 6. Concessa pupillis ad minores. 7. Concessa nuptis, ad Virgines Christo nuptas, eò quod istud sit matrimonium spirituale. 8. Concessa militibus, ad Clericos & Doctores. 9. Concessa Clericis, Nobilibus, militibus ad Regulares, Viris Regularibus ad Moniales ejusdem Ordinis, &c. ergo multò magis concessa certis Congregationibus & Monasteriis Benedictinis ad omnes Benedictinos: cùm utique major sit connexio inter Benedictinum & Benedictinum, quàm inter Ecclesiam & Hospitale, uxorem & filium, militem & Clericum, &c. prout latè & doctè expendit Georgius Geisser in lib. de Privilegiis Benedict. q. 1. n. 25.

17 Confirmatur: RR. PP. Capuccini teste P. Bonagratia participant omnia privilegia aliorum Ordinum S. Francisci, quia vivunt sub eadem Regula & Fundatore, quantumvis sint Superioribus & privatis constitutionibus divisi; ergo &

Benedictini participant privilegia Benedictinarum Congregationum ob unitatem S. Regulæ & Fundatoris.

Probatur etiam nostra responsio ratione indirectâ, & reflexâ. Illis privilegiis gaudet, & bonâ conscientia utitur, fruiturq; S. Ordo Benedictinus, quæ ipsi à gravissimis Doctoribus in publicis voluminibus, Legislatore non contradicente, asseruntur: sed toti Ordini Benedictino per communicationem asseruntur à gravissimis DD. privilegia alicui Congregationi, aut Monasterio concessa sub præmissis limitationibus: ergo iisdem privilegiis totus Ordo gaudet. Minor constat: sic enim è diversis Ordinibus sentiunt & docent Emanuel, & Hieron. Rodrig. Jo. de la Cruz in Comp. pract. l. 2. c. 4. Anton. Diana tract. 2. dub. Regul. resol. 81. Marchin. de sacr. Ord. tract. 1. part. 7. c. 2. & 7. Bonagratia in Summula qq. regul. V. privilegium. n. 402. Franciscus Bonæ spei to 3. Commentar. tt. 3. de leg. disp. 11. dub. 4. n. 17. Tambur. de J. Abb. to. 1. disp. 17. q. 2. & disp. 25. q. 9. Ang. Manriquez cit. à Caramuele in Theol. Reg. disp. 131. a. 1. Miranda to. 1. Manual. q. 46. a. 7. Basszus in flor. Theol. V. Privilegium. Salamanca. to. 4. Moral. tr. 18. c. 1. puncto. 7. §. 1.

Præterea: Juxta Authores modò allegatos, 19 omnes non mendicantes, adeoque & Benedictini gaudent per communicationem privilegiis omnium mendicantium Religionum: sed mendicantes gaudent communicatione omnium privilegiorum cuicunque suorum Conventuum & Domuum concessorum, juxta præallegatam Bullam Leonis X. ergo etiam Benedictini gaudent ejusmodi communicatione.

Infero ex dictis: Totum Ordinem S. Benedicti communicare saltem indirectè privilegia omnium Ordinum mendicantium: nam totus Ordo S. Benedicti communicat directè privilegia particularibus Congregationibus concessa; sed inter privilegia Cassinensibus, Vallisolecanis, & recenter ab Urbano VIII. Congregationi S. Mauri in Gallia concessa per Bullam in *supereminenti*, continetur communicatio omnium priorum privilegiorum, quæcunque fuerunt ulli Regulari Ordini concessa. Ipsas porrò Bullas SS. Pontificum authenticè relatas videre est apud Cornel. Margarin. in Bullario Cassinensi, Rodriguezium, Cherubinum, & Augustinum à V. M. Carmelitam, Cæterùm, quænam privilegia in specie competant tum Regularibus in communi, tum Benedictinis in specie, videri possunt, qui de illis fuscè & ex instituto scripserunt, Salmanticenses, Rodriguez, Virginius Aluise, Augustinus à V. Maria, Georgius Geisser de privilegiis Ord. S. Benedicti, P. Yso Pfavv in Summario privilegiorum, &c.

# INDEX ALPHABETICUS

## Rerum & Verborum

### TOMI SECUNDI.

#### A.

##### *Abbas.*

De Abbatum potestate legislativa, V. Potestas legislativa Ecclesiastica.

##### *Abbatissa.*

Abbatissis non competit potestas legislativa Ecclesiastica. Tract. 8. Disp. 34. a. 1. §. 3. n. 22. p. 306.

##### *Academici.*

Academicorum probabilitas multum distat à practica probabilitate. Tract. 5. Disp. 14. a. 7. n. 43. 14. pag. 152.

##### *Accidens.*

Accidens morale suam individuale unitatem non necessario accipit à subiecto. Tract. 6. Disp. 21. a. 1. n. 7. pag. 211.

##### *Actus humanus.*

Quid sit actus humanus? Tract. 4. Disp. 1. a. 1. n. 6. pag. 2.

Alius actus humanus quoad modum, alius quoad substantiam, ibidem.

Alius elicitus, alius imperatus. ibid. n. 7.

Omnes actus humani sunt propter aliquem ultimum finem. a. 2. n. 1. pag. 1.

Actus necessarii voluntatis comprehensorum sunt formaliter propter finem. n. 6. V. Finis.

Actus peccatoris moraliter bonus refertur inefficaciter in DEUM, ut finem ultimum. Disp. 2. a. 3. n. 11. pag. 16.

Omnis actus humanus refertur in finem ultimum formalem, etiam formaliter vel virtualiter intentum. a. 4. n. 1. §. 3. pag. 16.

Actus vitiosus est, qui ad nullum finem honestum proximum ordinatur. n. 1. pag. 17.

In omni actu humano intenditur aliquis finis ultimus materialis, seu determinatus. n. 6.

Actus imperati & coacti quomodo nihilominus sint à principio intrinseco. Disp. 7. a. 1. n. 9. p. 71.

Actus coacti neque valent ad meritum, neque ad demeritum. n. 11.

Actus deliberati requirunt iudicium rationis. Disp. 8. a. 1. n. 2. pag. 82.

Actus voluntatis circa finem sunt tres. Simplex volitio, intentio, ruitio. Disp. 16. a. 4. n. 1. pag. 83.

Totidem actus sunt circa media ad finem, nempe consensus, electio, & usus. n. 2.

Eodem actu possunt attingi finis & media. n. 16. pag. 84. Varia prædicata reperiuntur in actu morali. Disp. 2. a. 1. n. 2.

Actuum humanorum est duplex regula. n. 22. pag. 22. Actus humani essentiali speciem moralitatis capiunt ab objecto. Disp. 9. a. 2. n. 3. pag. 93.

R. P. Alex. Theol. Schol. Tom. II.

Actus indifferens ex objecto habet speciem essentiali indifferentia. n. 5.

Actus externus accipit speciem bonitatis ab interno, prout est in executione. n. 7.

In eodem actu humano dantur plures species bonitatis, vel malitiae. n. 15.

Actus indifferentes secundum speciem dantur, non autem indifferentes in individuo. a. 3. n. 1. & seqq.

Idem numero actus non potest transire de bono in malum. a. 4. n. 2. pag. 27.

Actus necessarius potest transire in liberum. n. 5. pag. 28. Potest probabiliter actus verus transire in falsum. n. 7.

Actus externus moraliter semper mutatur, quoties sit ex bono malus. n. 8.

Non potest idem numero actus simul esse moraliter bonus, aut malus. a. 1. n. 2. pag. 29.

Actus induit honestatem ex directo, non indirecto amore honestatis. a. 6. n. 2. & seqq.

Actus exterior intrinseco non superaddit novam bonitatem, vel malitiam moralem essentiali. pag. 101. a. 7. n. 2. & seqq. Valet tamen ad augmentum præmij accidentalis. n. 6.

Actus distincti divinis perfectionibus præsuppositivè ad legem concipiuntur mali non formaliter, sed fundamentaliter. Tract. 6. Disp. 16. a. 2. n. 8. pag. 181.

Actus internus 4. modis se habere potest. Tract. 8. Disp. 34. a. 2. §. 1. n. 2. pag. 307.

Actus purè internus nulla lege humana potest præcipi vel prohiberi. l. c. n. 3. Solvuntur textus & argumenta contraria, ubi specialiter de absolutione sacramentali, & reservatione casuum. l. c. n. 6.

Actus internus per se connexus cum externo potest indirectè præcipi vel prohiberi. l. c. n. 7. 308.

Actus interni tantum per accidens externo conjuncti non cadunt sub potestate legis humanæ. l. c. n. 8. V. Præceptum.

Actus aliqui possunt à lege humana irritari, V. lex.

Actus potest à lege dupliciter irritari: civiliter pro foro externo tantum; & naturaliter etiam pro foro conscientie. Tract. 2. Disp. 35. a. 2. §. 1. n. 3. pag. 117. Item ut ipsa lex irritet, vel à Iudice irritandum actum decernat. l. c. n. 2.

##### *Adam.*

Ex Adami lapsu non rectè impugnatur sequela sententiæ minds probabilis. Tract. 5. Disp. 14. a. 7. n. 5. pag. 161.

Pañum DEI cum Adamo circa originale peccatum. Tract. 7. Disp. 26. a. 2. §. 2. n. 6. pag. 259.

##### *Advena.*

Advenæ quomodo obligentur legibus, V. lex.

A a a z

Ad



# Index Alphabeticus

## Advertentia.

Advertentia dividitur in plenam, & semiplenam. Tract. 6. Disp. 21. a. 5. n. 1. pag. 220. in habitualem, actualem, virtutalem, interpretativam. n. 2.

Habitualis advertentia non sufficit ad peccandum, n. 3. Sufficit verò virtualis, n. 4. & interpretativa, n. 5.

## Advocatus.

Advocatus potest patrocinari causæ minùs probabili, Tract. 5. Disp. 14. a. 10. n. 16. pag. 171.

## Affectus.

Affectus exorbitans erga aliquem finem reddit intentionem vitiosam, Tract. 4. Disp. 9. a. 5. n. 14. pag. 99.

## Amens.

Amentes an teneantur legibus? V. lex.

## Amor.

Amor Christi diverso respectu fuit simul liber & necessarius, Disp. 4. a. 1. n. 7. pag. 29. & Disp. 6. a. 1. n. 11. pag. 54.

Amor Beatorum tam concupiscentiæ, quàm benevolentæ est necessarius quoad exercitium, Disp. 4. art. 1. n. 2. & seq.

Amor amicitie & concupiscentiæ in Beatis non distinguuntur, Disp. 4. a. 4. n. 2. pag. 15.

Amor concupiscentiæ in hac vita pertinet ad virtutem speciei, n. 4.

Amor mysticus non est sine operatione intellectus, Disp. 8. a. 1. n. 8. pag. 80.

## Angelus.

Angelus non potuit in primo instanti peccare per puram omissionem, Disp. 5. a. 2. n. 21. pag. 47.

Angelis convenit consilium in supernaturalibus quoad inquisitionem, non quoad discursum, Disp. 8. a. 4. n. 1. pag. 84.

## Anima.

Animæ substantia est mediâtè beatificabilis, Tract. 4. Disp. 3. a. 2. n. 11. pag. 22.

Anima hominis non est ex traduce, l. c. Disp. 27. a. 1. §. 1. n. 2.

## Appetitus.

Appetitus sensitivus subijcitur voluntati politice non despotice, Disp. 8. a. 3. n. 6. pag. 81.

Appetitus sensitivus, prout natus subijci imperio rationis, opponitur vicio; non prout est homini, brutisquæ communis, Tract. 6. Disp. 15. a. 2. n. 2. 10. 11. pag. 177.

Non est bona paritas inter intellectum conjunctum luminis gloriæ, & inter appetitum conjunctum rationi, n. 12.

Appetitus sensitivi imperfecta libertas in quo consistat? Tract. 6. Disp. 21. a. 2. n. 21. pag. 215.

## S. Augustinus.

S. Augustinus disputans contra Academicos non oppugnat veram probabilitatem, Tract. 5. Disp. 14. a. 7. n. 13. 14. pag. 162.

## Aureola.

Aureola quid sit? Tract. 4. Disp. 4. a. 5. n. 15. pag. 38.

Ternarius aureolarum numerus expenditur, n. 16. Cur voluntariæ paupertati non respondeat aureola, sicut virginitati, n. 17.

Requisita ad aureolam Virginitatis, & Doctus, & Martyrii, n. 18. & seqq.

Aureola principaliter subijcitur in voluntate, n. 23. pag. 40.

Christus circa aureolis, n. 24. uti & Angeli, n. 25.

# B.

## Baptismus.

Baptismus adulto collatus per violentiam, est invalidus, Disp. 7. a. 1. n. 12. pag. 71.

## Beatitudo.

Beatitudo objectiva hominis tantum potest consistere in bono increato, Disp. 3. a. 1. n. 1. p. 18.

Divinæ relationes essentialiter pertinent ad objectum beatificum, n. 3. & seqq. V. Relatio.

Beatitudo non dicit perfectionem secundum omnia sibi intrinseca, n. 2.

Beatitudo formalis non consistit in increata DEI visione, a. 2. n. 5. pag. 20. Neque in illapsu divinitatis intra animam, n. 6. pag. 21. Neque in aliquo dono habituali, n. 7. Sed in ipsius Beati elicitæ operatione, n. 2. et quæ rationali, n. 3.

Beatitudo formalis est maxima perfectio, a. 2. n. 12. pag. 22.

Beatorum plures actus circa objectum beatificum, a. 2. n. 1. pag. 23.

Beatitudo potest accipi formaliter & integraliter, n. 2. ibid.

Beatitudo formalis in actu voluntatis nec adæquate nec inadæquate consistit, n. 4.

Consistit inadæquate in solâ visione, n. 9. p. 14.

Beatitudinis formalis essentialia requisitum est primordialis possessio summi boni, n. 10.

Est primò distinctiva patriæ à riâ, n. 11. pag. 25.

Est intima unio cum DEO consecutiva, non prosequitiva, n. 15.

Adæquate satiat omnes potentias vel formaliter vel radicaliter, n. 16.

Tener & assequitur DEUM sub ratione Summi Boni, n. 17. 18. pag. 26.

In statu puræ naturæ beatitudo formalis consistet in solâ contemplatione DEI, ut authoris naturæ, n. 20. pag. 27.

Beatitudo Evangelica est beatitudo causalis & in spec. n. 21.

Beati sunt quoad exercitium necessitati ad amandum DEUM, Disp. 4. n. 2. pag. 27.

Beato non potest imponi præceptum desistendi ab amore beatifico, Disp. 4. a. 1. n. 4. pag. 28.

Beatorum amor tam concupiscentiæ, quàm benevolentæ est necessarius, n. 8. pag. 29.

Beati sunt impeccabiles tam de potentia ordinaria, quàm absoluta, a. 2. n. 1. & seq. V. Visio.

Beatitudinis essentialia prædicatum est perpetuitas, a. 3. n. 11.

Beatitudo contingenter prædicatur de creatura, n. 12.

Ad accidentalem & extensivam perfectionem beatitudinis pertinet reunio, seu resurrectio corporum, a. 5. n. 27. pag. 40.

## Benedicti.

Limitationes observandæ pro communicatione privilegiorum in Ordine S. Benedicti, Tract. 8. Disp. 39. a. 5. n. 12.

## Rerum & Verborum.

Totus Ordo S. Benedicti probabiliter communi-  
cat in privilegiis, alicui Congregationi vel  
Monasterio concessis, si motivum concedendi  
sit universale, & omnibus commune. n. 13.  
Communicatio Benedictinorum in privilegiis est  
in jure fundata. n. 14. & seq.

Ordo S. Benedicti indirecè communicat omnia  
privilegia Mendicantium. n. 20.

*S. Bernardus.*

S. Bernardi mens de secula opinionis probabilis  
expenditur. Tract. 5. Disp. 14. a. 7. n. 12. p. 162.

*Bonitas. Bonum.*

Bonitas reperitur in fine & mediis secundum ana-  
logiam proportionalitatis. Tract. 1. Disp. 2.  
a. 3. n. 22. pag. 1. V. *Finis, Medium.*

Bonum esse diffusivum sui, in triplici sensu accipi-  
tur. Disp. 2. a. 1. n. 11. pag. 10.

Bonum creatum est finis simpliciter ultimus pec-  
cantis mortaliter. a. 2. n. 1. pag. 11. quod est  
proprium commodum peccantis. n. 2. idque  
inordinatum. n. 11. V. *Finis, Peccatum.*

Bonitas & malitia concretè sumptæ dividunt ge-  
nus moralitatis. Tract. 6. Disp. 17. a. 2. n. 8.  
pag. 194. quo modo etiam sunt sibi contrariè  
oppositæ. n. 11.

Bonorum distractio, quæ sunt obnoxia restitutioni-  
ni, est speciale peccatum contra præceptum re-  
stituendi. Tract. 6. Disp. 18. a. 1. n. 11. pag. 197.

*Bruta.*

Bruta æquè carent intentione ac consilio, & ele-  
ctione. Disp. 8. a. 4. n. 11. pag. 84.

## C.

*Calvinus.*

Calvinismus toto cælo distat à Thomistica do-  
ctrina prædeterminationis. Disp. 6. a. 2. n. 18.  
pag. 18.

Calvinus ineptè insert necessitatem ex inimpedi-  
bilitate divinæ causalitatis. a. 3. n. 13. pag. 66.

*SS. Canones.*

SS. Canones contra usum sententiæ minùs proba-  
bilis adducti expenduntur & exponuntur. D.  
12. a. 4.

De Privilegio Canonis. V. *Privilegium.*

*Capitulum.*

De potestate legislativa Capitulorum. V. *Potestas  
legislativa Ecclesiastica.*

*Cardinales.*

De potestate legislativa Cardinalium. V. *Potestas  
legislativa Ecclesiastica.*

*Causa.*

Quomodo verum sit: quod est causa anteceden-  
tis, est etiam causa consequentis. Tr. 6. D. 22.  
a. 4. §. 2. n. 5. p. 234.

*Censura.*

De censura Canonis, Si quis. V. *Privilegium,  
Christus.*

Christi humanitas formaliter non beatificatur  
per unionem hypostaticam. Tr. 4. D. 3. a. 2.  
n. 4. p. 20. & n. 15. p. 22.

*Chrysostomus.*

S. Chrysostomi autoritas circa sequelam opinio-

nis probabilis expenditur. Tr. 5. D. 14. a. 7. n. 12.  
p. 162.

*Circumstantia.*

Circumstantiæ actus humani quæ & quot sint?  
D. a. 2. n. 9. p. 93.

Semper tribuunt aliquam bonitatem, vel mali-  
tiam, morale. n. 10. p. 94.

Circumstantiæ afferentes novam conformitatem,  
vel difformitatem cum objecto tribuunt novam  
speciem moralitatis n. 11. & tunc transeunt in  
conditionem objecti. n. 12.

*Clausula.*

De clausulis *privilegiorum.* V. *Privilegium,  
Clericus.*

De Immunitate, quæ gaudent Clerici. V. *Privilegiū.  
Clerici an & quomodo obligentur legibus civili-  
bus?* V. *lex.*

De privilegiis Clericorum. V. *Privilegium, Status,  
Commodum.*

Commodum proprium peccatoris inordinatum  
est ipsius finis ultimus. Tr. 4. D. 1. a. 2. n. 2. &  
seqq. p. 11.

*Communicatio.*

De communicatione privilegiorum. V. *Privile-  
gium.*

*Comprehensio*

Quo sensu comprehensio pertineat ad voluntatem  
Tr. 4. D. 3. a. 3. n. 13. p. 25.

*Communitas.*

Communitas alia perfecta, eaq; vel realis vel per-  
sonalis: alia imperfecta. Tr. 2. D. 3. a. 1. §. 2.  
n. 10. p. 238.

*Conceptio.*

Conceptio immaculata Beatissimæ Virginis. V.  
*Maria.*

*Concilium.*

De potestate Conciliorum in ferendis legibus Ec-  
clesiasticis. V. *Potestas legislativa Ecclesiastica,  
Concupiscentia.*

Quid & quoruplex sit concupiscentia? D. 7. a. 3.  
n. 1. p. 75.

Concupiscentia quandoque minuit, & tollit vo-  
luntarium imperfectum. n. 2. augeat tamen vo-  
luntarium imperfectum. n. 3.

Nunquam per se causat involuntarium. n. 4.  
quamvis aliquando causet per accidens. n. 5.

Diversitas inter passionem concupiscentiæ & me-  
tus. n. 7.

Triplex reperitur diversitas in motibus concupi-  
scentiæ. Tr. 6. D. 21. a. 2. n. 1. p. 211.

Motus concupiscentiæ prævolentes rationem  
non sunt mortale peccatum. n. 4. & seqq.

Independenter ab influxu voluntatis, neq; sunt  
peccata venialia. n. 12.

Quanta sit adhibenda resistentia adversus pravorum  
motus concupiscentiæ? D. 21. a. 2. n. 1. pag.  
221. V. Resistentia.

Motus inordinati durantes contra resistentiam ef-  
ficacem ne quidem permixti sunt voluntarii.  
n. 16.

Motus impuri ex causa mortaliter culpabili in ge-  
nere luxuriæ contrahunt gravem malitiam. a. 7.  
n. 5. p. 225.

## Index Alphabeticus

### Concursus.

Concursus indifferens in Deo est inutilis & implicatorius, D. 6. a. 2. n. 19. p. 159.  
Concursus moralis non salvat efficaciam divinæ causalitatis. a. 2. n. 11. p. 62.

### Conformitas.

Conformitas eum voluntate divina potest haberi tripliciter. Tr. 4. D. 9. a. 7. n. 1. p. 103.  
Tenetur humana voluntas se conformare divinæ voluntati in volitio formali, non materiali. p. 104. à n. 5.

### Conscientia.

Conscientia dicitur quasi cordis scientia, vel concludens scientia, vel eum alio scientia. Tr. 5. D. 10. a. 1. in procem. p. 105. 106.  
Conscientia quid sit? ibid. n. 1. & 2.  
Conscientia formaliter non consistit in aliquo habitu. n. 4.  
Neque in actu synteresis, aut scientiæ moralis. n. 5.  
Neque in actu imperii practici, sed iudicii practici. n. 6. p. 107.  
Conscientia non tantum respicit actus futuros, sed etiam præsentis, & præteritis. n. 7.  
Conscientiæ dictamen pertinet ad habitum prudentiæ vel imprudentiæ. n. 8.  
Ad formandum conscientiæ dictamen concurrunt varii habitus. n. 10.  
Iudicium de formali malitia, vel bonitate actuum formari debet per respectum ad conscientiam. p. 108. n. 11.  
Conscientiæ vulgaris divisio est in rectam, erroneam, dubiam, probabilem, & scrupulosam. a. 2. n. 1.  
Conscientia certa, vera, erronea & probabilis possunt accipi in duplici sensu. n. 2.  
Conscientiæ appellatio & divisio potest accipi vel ex objecto, vel modo assentiendi, vel ex iudicio præsupposito. n. 3.  
Conscientia ex objecto adæquatè dividitur in bonam & malam. n. 4.  
Ex modo assentiendi dividitur in certam & opinativam. n. 5.  
Conscientia intrinsecè & adæquatè dividitur in veram & falsam. n. 6.  
Conscientia dubia non est formaliter conscientia. n. 7.  
Deposito dubio, vel formidine conscientia tantum extrinsecè potest dici dubia, vel probabilis. n. 8.  
Conscientia timorata, suspiciosa, scrupulosa reducuntur ad conscientiam dubiam vel erroneam. n. 9.  
Conscientia proximè dirigens honestatem operationis moralis debet esse certa. D. 11. a. 1. n. 1. p. 119. cum sit participatio legis divinæ. n. 2.  
Certitudo conscientiæ non debet esse metaphysica, vel physica, sed moralis. n. 3.  
Veritatem & certitudinem conscientiæ aliqui desumunt ab objecto. n. 4. alii ab habitudine ad appetitum rectum. n. 5.  
Actus conscientiæ potest considerari, ut est enunciativus, & ut est regula. n. 6. p. 111.  
Accioit suam rectitudinem & certitudinem ab objecto considerato in esse regulabilis. n. 2.

Conscientia invincibiliter erronea est etiam certa. n. 11. p. 112.

Conscientia vincibiliter & invincibiliter erronea exponitur, D. 11. toto a. 2. V. Ignorantia.

Conscientia semper obligat negativè. a. 3. n. 1. p. 116.

Conscientia erronea obligat per accidens. n. 2.  
Invincibiliter erronea positivè, vincibiliter erronea tantum obligat negativè. n. 3. 4.

Perplexitas orra è conscientia vincibiliter erronea non excusat à peccato. n. 5. excusat si sit ex conscientia invincibiliter erronea. n. 10.

Agere contra conscientiam non est speciale peccatum. n. 7.

Conscientia invincibiliter proponens obligationem sub veniali, excusat à peccato moralis. n. 8.

Quandam sit grave peccatum operari cum conscientia representante objectum sub generali ratione prohibiti, non determinando sitne mortaliter, vel venialiter malum? D. 11. a. 3. n. 9. p. 118.

In casu perplexitatis, quo utraque pars contradictionis iudicatur esse illicita, minus malum est eligendum. n. 10.

Agere contra conscientiam non est divinitus dispensabile. n. 11 p. 118.

Conscientia absolute prævalet præcepto Superioris. n. 11.

Cum conscientia speculative dubia licet operari. D. 12. a. 1. n. 6. p. 119. non autem cum practice dubia. n. 6.

Possessio est legitimus titulus deponendi conscientiam dubiam tam intra, quam extra materiam iustitiæ. D. 12. a. 3. & 3. p. 122. 123. & seqq. V. *Unum. Possessio*.

Conscientia scrupulosa quomodo differat à dubia. D. 13. a. 1. n. 2. p. 112. V. *Scrupulus*.

Potest opinione verè probabili formari prudens ac certum iudicium rectæ conscientiæ. D. 14. a. 3. n. 6. p. 144 & seqq.

Quando ex principiis probabilibus formatur conscientia, interveniunt plures assensus. n. 11. p. 146.

Ex conscientia extrinsecè & originativè probabiliter operamur, non autem ex conscientia intrinsecè & formaliter probabili. n. 12.

Non potest formari certa conscientia ex opinione tantum probabiliter probabili. n. 13.

Non sufficit ad formandam rectam conscientiam quilibet gradus probabilitatis. n. 14. p. 147.

Ut ex opinione probabili formetur conscientia recta, debet iudicio opinativo accedere novatio, quæ persuadeat operationem esse licitam. n. 16. p. 147.

Conscientiæ forum, & iudicium, ejusque analogia cum foro externo exponitur. D. 12. a. 3. n. 7.

### Consensus.

Consensus est acceptatio mediorem conducendum ad finem præintendum. D. 8. a. 4. n. 6. p. 84.

### Consilium.

Consilium est discursus rationis practiciæ inquirentis media ad obtinendum finem. D. 8. a. 4. n. 5. p. 84.

Complectum consilium etiam includit sententiam de agendis.

Con-



## Rerum & Verborum.

Consilium in DEO tantum datur quoad sententiam de agendis. n. 14. p. 84.  
 Angelis convenit consilium quoad inquisitionem in supernaturalibus. n. 15.  
 De speculabilibus non est consilium. n. 12. neque de certis. n. 11.

### Consuetudo.

Consuetudo alia juris, alia facti, alia secundum legem, propter legem, contra legem. Tr. 8. D. 36. a. 2. §. 1. n. 1. & 2. p. 333.

Potest consuetudo in communitate introduci, quæ habeat vim legis. l. c. n. 3.

Requisita ad consuetudinem sunt. I. Frequentia actuum publica, libera, non interrupta. II. Voluntas saltem interpretativa introducendi Jus vel obligationem, vel abrogandi obligationem. III. Tacitus consensus Superioris legislatoris, isque vel personalis vel legis. IV. Temporis diuturnitas: probabiliter decennium, etiam contra legem Ecclesiasticam. V. Ut sit rationalis; id est, publicæ utilitati non advesetur, neque Jure Divino, naturali vel Canonico reprobetur. l. c. a. n. 4. usque ad 11.

Quomodo possit consuetudo contra legem introduci? l. c. n. 12. p. 334. non per actus formaliter malos. n. 11.

Consuetudo in triplici statu, dispositivè, in fieri & facto esse, considerari potest. n. 14.

V. Interpretatio. Epikia.

### Contractus.

Contractus & vota ex metu facta non sunt irrita defectu voluntarii. D. 7. a. 2. n. 8. p. 73.

### Conversio.

Converti ad Deum tenetur puer in primo instanti rationis vel explicitè vel implicitè. Tr. 6. D. 25. a. 5. n. 3.

### Creatura.

Creaturæ quomodo habeant rationem mediæ respectu DEI. Tr. 4. D. 1. a. 2. n. 11. p. 5.

Sunt propriè media ex parte voliti, non ex parte voluntatis Divinæ. n. 14. V. DEUS.

## D.

### Delectatio.

Delectatio morosa est voluntaria delectatio de aliqua re inhonesta, ut præsentis apprehensio. Tr. 6. D. 21. a. 3. n. 1. p. 215.

Morosa delectatio est in ratione dirigente. n. 3. & inferiori. n. 4. p. 216.

Aliud est delectari de cogitatione, aliud de re cogitata. a. 4. n. 1. p. 217.

Delectatio aliquando est de substantia, aliquando de circumstantia rei malæ. D. 21. a. 4. n. 2. p. 217.

Regulæ discernendi delectationem de cogitatione, & de re cogitata in re venerea. n. 1.

Licet delectari de cogitatione rei malæ. n. 5. & modo artificioso ipsius. n. 6.

Consensus in delectationem de re mala semper est malus. n. 7. 8.

Consensus in delectationem veneream extra statum matrimonii est mortale peccatum. n. 9. p. 218.

Delectatio de re extrinsecè mala, non semper est peccatum. n. 12. de re mala, ut malà, semper est mala. n. 13.

Non est malum desiderium operis mali sub conditione verè auferente malitiam. n. 15. est malum sub conditione non verè auferente malitiam. n. 15.

Quomodo per morosam delectationem peccent, vel non peccent vidua, sponsus, conjuges? n. 16. 17. 18. p. 219. 220.

Nullum est peccatum ponere, vel non tollere causam ex se honestam, vel necessariam, ex qua præter intentionem & citra consensum prævidetur secutura delectatio venerea. a. 7. n. 9. p. 225. V. Pollutio, Concupiscentia.

Delectatio venerea præter intentionem secuta ex causa culpabili extra genus luxuriz, non est mortaliter, sed venialiter culpabilis. n. 10. p. 226.

Delectatio morosa est ejusdem speciei cum opere externo. a. 2. n. 2. p. 227.

Ideo in confessione exprimendæ sunt circumstantiæ personæ, quæ fuit objectum morosæ delectationis. n. 4. p. 228.

### Deliberatio.

Alia est strictè, alia latè accepta; alia formalis, alia virtualis. tr. 4. D. 1. a. 1. n. 2. p. 2.

### Deus.

Deus ex parte sui non habet causam, sed rationem finalem. tr. 4. D. 1. a. 2. n. 10. p. 4.

Nulla creatura est ipsi finis. n. 11. p. 5.

Datur in DEO ratio finalis amoris essentialis, non autem notionalis. n. 12.

In Deo alia est ratio primi principii, & finis ultimi. tr. 4. D. 3. a. 1. n. 6. p. 19.

Si per impossibile DEUS non esset trinus, foret alterius rationis objectum beatificum, quàm nunc est. n. 10.

In DEO absoluta sunt priora relativis solà virtuali prioritate à quo. n. 8.

DEUS non offenditur materiali tantum legis transgressione. tr. 5. D. 14. a. 6. n. 2. p. 159.

### Dispensatio.

Potest Summus Pontifex propriè dispensare in lege divina positiva. Quomodo intelligenda dispensatio in votis & juramentis. tr. 8. D. 33. a. 3. §. 2. n. 8. p. 302. & 303.

An dispensaverit cum Norwegis ad consecrandum in solo pane sine vino. l. c. n. 9. p. 303.

Dispensatio in lege quid sit? tr. 8. D. 36. a. 4. §. 1. n. 1. p. 338.

Datur potestas dispensandi. l. c. n. 2. Dispensatio dividitur in particularem & totalem. l. c. n. 3.

In tacitam & expressam. n. 4. In directam seu immediatam, & indirectam seu mediatam. n. 5.

Dispensatio est odiosa & restringenda: potestas dispensandi favorabilis & amplianda. l. c. n. 6. Hæc alia est ordinaria, alia delegata. l. c. V. Lex.

Quomodo possit inferior secum dispensare in lege superioris? l. c. n. 12. p. 339.

Loci Ordinarius potest dispensare cum vagis. l. c. n. 13.

Praxis circa dispensationem Ordinarii cum cum advenis diu commorantibus, vel egiæ trans-euntibus. l. c. n. 14.

Dispensatio.



## Index Alphabeticus

Dispensationes circa matrimonium in gradibus prohibitis non possunt à Papa revocari nisi ex iusta causa, & restituto pretio. Tr. 8. D. 18. a. 2. §. 2. n. 15. p. 356. V. *Privilegium.*

### *Doctoratus.*

Doctoratus Laureola quænam habeat requisita? D. 4. a. 5. n. 22. p. 40.

### *Dos.*

Dos animæ in patria quid sit? tr. 4. D. 4. a. 5. n. 1. & 2. p. 36. Et cur tribuatur?

Numerus dotium. n. 1. Non consistunt in operatione, sed habitu. n. 4. p. 37. Non sunt in Angelis. n. 7. Neque in Christo. n. 8.

Dotes corporis gloriosi quid, & quæ sint? n. 9. & seqq. Redundant ex gloria animæ. n. 14.

### *Dubium.*

Dividitur dubium in negativum & positivum; speculativum & practicum; juris & facti; vincibile & invincibile. tr. 5. D. 12. a. 1. n. 1. & seqq. p. 119.

Dubium practicum obest, speculativum non obest licitæ operationi. n. 5. 6.

Practice dubitans vel debet abstinere ab operatione, vel deponere dubium. n. 8. p. 120. V. *Conscientia. Possessio.*

Negligentia in deponendo dubio parit obligationem restitutionis. a. 2. n. 9. p. 121.

Regula 1. Can. quod in dubio pars tutior sit eligenda, est de præcepto sub certis limitationibus. a. 4. n. 1. 2. & seq. p. 129.

Cur dubius, an ex sua percussione sit secuta mors percussus, teneatur se gerere tanquam irregularem? n. 3.

Exponuntur varia Juris capitula, ubi requiritur sequela partis tutoris. n. 4. & seqq.

Dubitans de existentia legis & præcepti, illo non tenetur. n. 9. p. 130.

Debitur incertus de solutione, tenetur solvere. n. 10.

Beneficiarius dubitans, an teneatur recitare Divinum Officium, propter tenuitatem beneficii, tenetur recitare. n. 11.

Dubitans, an 21. ætatis annum impleverit, obligatur abstinere à SS. Ordinibus, non autem obligatur jejunare. n. 13. p. 131.

In dubio, an quis sit legitimus, habendus est pro legitimo exceptis expositis infantibus. n. 14.

In dubio, an beneficium vacaverit mense Papali, standum est pro possessore mensis exeuntis. n. 12. p. 130.

Quid dicendum, in dubio temporis pro inchoando vel finiando jejunio. n. 15. p. 131.

Tam in dubio confessionis, quam commissionis, est obligatio confitendi peccata dubia. n. 16.

In dubio, an peccatum reservatum sit commissum, non est adeundus Superior. n. 17.

Confessararius dubitans de reservatione peccati, potest absolvere, ibid.

Dubitans de suâ jurisdictione, non potest absolvere, ibid.

Quid dicendum in dubio Baptismi, Ordinationis, Consecrationis? n. 18.

Quid resolvendum in dubio impediendi matrimonii? n. 19. p. 132.

## E.

### *Ebrii.*

An teneantur legibus? V. *Lex.*

### *Efficacia.*

Efficacia intentionis aliquando sumitur pro vi determinativa ad applicationem mediorum pro consequendo fine; aliquando pro vi appetitiva super omnia. Tr. 4. D. 2. a. 4. n. 7. pag. 17.

### *Electio.*

Electio est effectus rationalis, quo voluntas unum medium præ alio acceptat in ordine ad finem. D. 8. a. 4. n. 7. p. 84.

Voluntas non potest ex duobus æqualibus mediis alterutrum, aut ex inæqualibus minus bonum eligere. a. 5. n. 2. p. 85.

Bona intentio viciatur per malam electionem per se conjunctam. D. 2. a. 5. n. 10. p. 100. & electio bona per malam intentionem. n. 11. mala electio per accidens conjuncta non viciatur bonam intentionem n. 12.

### *Epikia.*

Epikia est benigna legis interpretatio & restrictio secundum æquum & bonum. Tr. 8. D. 36. a. 3. §. 2. n. 6. p. 337.

Habet locum etiam in lege divina & naturali, exceptis actibus intrinsecè malis. l. c. n. 8.

Excipiuntur leges irritantes formam substantialem actibus præscribentes. l. c. n. 9.

### *Episcopus.*

In quibus casibus possit dispensare Episcopus? cit. D. 36. a. 4. n. 11. p. 339.

*Eremita.* V. *Status.*

### *Error.*

Error dividitur in speculativum & practicum. Tr. 6. D. 22. a. 2. n. 1. p. 230. In formalem & virtualem. n. 2.

Omni peccato præcurrit aliquis error in intellectu. n. 3.

### *Essentia.*

Essentia visa parit connaturale desiderium videndi necessaria adjuncta. Tr. 4. D. 3. a. 1. n. 4. pag. 18.

## F.

### *Femina.*

Femina quomodo prohibetur ab Apostolo docere. Tr. 8. D. 34. a. 1. n. 11. p. 305.

Quomodo capax sit potestatis legislativæ. l. c. V. *Lex.*

Quænam feminae arceantur ab officiis publicis. l. c.

### *Fervor.*

Fervor charitatis quid & quoruplex? V. *peccatum veniale.*

### *Fides.*

Tantum una fides est evidenter credibilis & probabilis. Tr. 5. D. 14. a. 6. n. 7. p. 158.

*Finis.*

*Finis.*

**Causalitas finis est appeti.** *tr. 4. D. 1. p. 1.*

Varie finis divisiones in finem cui, & cuius gratia: qui, & quo, operis & operantis, ultimum & intermedium, principalem & secundarium, ibid. a. 1. p. 2.

Finis adæquata causalitas non in hoc consistit, quod alia amentur propter ipsum, a. 2. n. 2. p. 3.

Amor finis alius est causalis, alius formalis. *n. 3.*

Quomodo actus fugæ & imperati sint propter finem? *n. 4. V. Actus humanus. Fruitio.*

Creaturæ irrationales non agunt formaliter propter finem. *n. 7.*

Quomodo finis & delectatio de fine non distinguantur? *n. 8. p. 4.*

Ut finis ad actum determinet, per se non requiritur libertas motionis. *n. 9.*

Dantur fines intermedii. a. 7. *n. 1. p. 6.* & movent in virtute finis ultimi. *n. 4.*

Non est idem appeti ut finem, & ut ultimum finem. *n. 5.*

Potest simul consistere movere propter se, & propter alium. *n. 6.*

Finis omnes actus voluntatis specificat vel ut quod, vel ut quo.

Finis simpliciter ultimus variè dividitur. *D. 2. a. 2. n. 1.* & seqq. *p. 9.*

Varij sunt modi tendendi in finem ultimum. *n. 4.* & seqq.

Plures ultimi fines in communi, non possunt appeti. *n. 2.*

Necessitas finis ultimi respectu humanæ operationis demonstratur. *n. 10.*

Potest voluntas successivè habere plures fines ultimos. *n. 12.*

Non potest simul efficaciter tendere in duos fines totaliter ultimos. *n. 13.* Neque copulativè, neque disjunctivè. *n. 13.* neque in unum actualiter, & in alterum habitualiter. *n. 15.*

sunt in unum positivè, in alterum negativè ultimum. *n. 16.* Nec in unum formaliter, in alterum ut virtualiter intentum. *n. 17.*

Potest voluntas simul habere duos fines ultimos, quorum unus sit efficaciter, alter tantum inefficaciter volitus. *n. 18. p. 10.*

Finis ultimus peccantis mortaliter est proprium commodum inordinatum. a. 2. p. 11. *n. 2.* & seqq.

Finis ultimus peccantis venialiter est proprium commodum inordinatum inefficaciter intentum. a. 3. *n. 4. p. 14.*

Quid sit omnia habitu referri in finem ultimum. *n. 3.*

In omni operatione humana intenditur ultimus finis formalis. *a. 4. n. 1. p. 16.* Etiam formaliter, vel virtualiter. *n. 3.* insuper in omni actu humano intenditur aliquis ultimus finis determinatus. *n. 6.*

Finis semper tribuit aliquam speciem moralitatis, aliquando essentialem, aliquando accidentalem. *D. 2. a. 2. n. 13. 14. p. 24.*

Finis amittit bonitatem ex malitia objecti, & vicissim objectum ex malitia finis. *D. 2. a. 5. n. 3. 4. p. 92.*

Finis aliquando significat quietem in re possessa. *tr. 4. D. 3. a. 3. n. 12. p. 25.*

Finis legis alius internus, alius externus. *Tr. 8. D. 36. a. 1. §. 1. n. 2. p. 131.*

*Fœdus.*

Fœdera belli & pacis sub diverso respectu possunt dici esse juris naturalis, gentium & civilis. *Tr. 8. D. 32. a. 2. §. 3. n. 18. p. 294.*

*Fortitudo.*

Quodnam sit objectum fortitudinis? *Tr. 4. D. 9. a. 2. n. 6. p. 21.*

*Forum.*

De privilegio fori. *V. Privilegium.*

*Fruitio.*

Fruitio finis etiam est propter finem. *Tr. 4. D. 1. a. 2. n. 5. p. 3.*

**G.**

*Gaudium.*

Gaudium Beatorum est duplex, de bono Divino, ut est bonum DEI, & ut est bonum ipsius Beati. *D. 4. a. 4. n. 1. p. 35.*

Procedit ab habitu charitatis. *n. 3.*

Objectum primarium ipsius est solus DEUS. *n. 5.*

*Genus.*

Genus quoad rationem generis æqualiter participatur ab inferioribus. *Tr. 6. D. 20. a. 2. n. 4. p. 206.*

*Gentiles.*

Gentiles non coluerunt plures DEOS tanquam fines simpliciter ultimos. *Tr. 4. D. 2. a. 1. n. 19. p. 11.*

*Gratia.*

Gratia sanctificans est summa perfectio in ratione entitatis. *Tr. 4. D. 3. a. 2. n. 12. p. 22.*

Quid sit gratia consummata. *n. 13.*

Gratia. *V. Privilegium.*

**H.**

*Homo.*

Homo obligatur omnia sua opera ordinare in finem honestum. *Tr. 4. D. 9. a. 3. n. 4. p. 96.*

Non item in finem supernaturalem. *n. 5. V. Actus humanus. Indifferentia.*

*Honestas.*

Honestas objectiva directe debet amari, ut honestatem formalem refundat in actum. *Tr. 4. D. 9. a. 4. n. 2. & seq. p. 101.*

**I.**

*Ignis.*

Igni Babylonico non fuit violenta subtractio divini concursus ad comburendum. *D. 7. a. 1. n. 8. p. 71.*

*Ignorantia.*

Ignorantia invincibilis juris naturalis culpa vacat. *Tr. 5. D. 11. a. 2. n. 10. p. 114.*

Impugnatur causalis Jansenii quod ideo ignorantia juris naturalis sit peccatum, quia est poena peccati originalis. *n. 12. p. 115.*

*Ignorantia.*

Ignorantia aliquando metonymicè appellatur peccatum, n. 13.

Cum SS. PP. ignorantiam damnant, loquuntur de vincibili, n. 14. & seqq.

Ignorantia est verè causa peccati. Tr. 6. D. 22. a. 1. n. 2. p. 228.

Ignorantia concomitans non causat peccatum. n. 3. p. 229.

Ignorantia antecedens tantum causat peccatum materialiter, n. 4. consequens verò etiam formaliter, n. 5. estque ipsa formaliter peccaminosa. n. 6. & quandoque est speciale peccatum.

Ignorantia dividitur in antecedentem, consequentem, & concomitantem. Tr. 4. D. 7. a. 4. n. 1. 2. 3. p. 76.

Ignorantia antecedens causat involuntarium simpliciter, n. 4. consequens non causat involuntarium simpliciter, sed secundum quid, n. 5. 6. Concomitans causat non voluntarium. n. 8.

Ignorantia consequens alleviat gravitatem peccati. n. 10. p. 77.

Omnis ignorantia invincibilis excusat à culpa. n. 11.

Ignorantia invincibilis requirit inculpabilem oblivionem, vel inadvertentiam. n. 12.

Aliquando contractus & vota reddiguntur invalida, n. 13.

Ignorantia alia est juris: alia facti, a. 1. n. 1. p. 77. quarum utraque potest esse invincibilis & excusare à peccato. n. 2. Tr. 5. D. 11. a. 2. n. 2. p. 112.

Datur invincibilis ignorantia juris Divini, n. 3. juris naturalis non datur quoad universalissima morum principia, n. 4. bene quoad secundaria.

n. 5. quæ excusat à peccato. n. 6. 7. p. 113, 114.

Non datur invincibilis ignorantia obligationis, quæ ad alicujus officium pertinet, n. 8. p. 79.

*Imperator.*

Quousque se extendat Imperatoris potestas legislativa. V. Lex.

*Imperium.*

Imperium rationis est præceptiva intimatio operis faciendi cum motione quadam. Tr. 4. D. 2. a. 4. n. 2. p. 84. est in intellectu, & principiat ordinem executionis. ibid. & a. 7. n. 1. & seqq. p. 87. 88.

Imperium est actus intellectus practici distinctus ab actu iudicii, D. 8. a. 4. n. 8. p. 84.

*Immunitas.*

De immunitate Ecclesiastica. V. Privilegium.

*Indifferentia.*

Alia est indifferentia contrarietatis, alia contradictionis. Tr. 5. D. 6. a. 1. n. 2. p. 51.

Quid sit indifferentia privativa & negativa, potentialis & actualis? n. 3. 4.

De essentiali libertatis non est indifferentia passiva, sed activa. n. 5.

Indifferentia est species moralitatis. D. 9. a. 1. n. 21. p. 92.

Dantur actus indifferentes secundum speciem, a. 3. n. 1. p. 95. non autem in individuo, n. 2.

Actus indifferens ex objecto habet speciem essentialem indifferentem, a. 2. n. 5. p. 93.

*Indulgentia.*

Indulgentiæ plenariæ in Professione Religiosa. Tr. 2. D. 39. a. 5. s. 1. n. 3. p. 369.

Aliæ à Summis Pontificibus Religiosis concessæ. l. c. n. 4. p. 370.

*Infantes.*

Infantes an teneantur legibus? V. Lex.

*Intellectus.*

In intellectu non dantur plura principia simpliciter prima, Tr. 4. D. 2. a. 1. n. 20. p. 11.

*Intentio.*

Intentio suscipiendi Sacramentum ex fine venialiter malo, non est moraliter bona. Tr. 4. D. 9. a. 5. n. 8. p. 99.

Intentio bona vitatur per malam electionem per se conjunctam, n. 10. p. 100. non autem per electionem conjunctam per accidens, n. 12.

Intentio boni finis diminuit malitiam pravi electionis, n. 13.

Efficax intentio finalis est actus voluntatis tendens in finem prout est ratio volendi media, D. 8. a. 4. n. 4. p. 83.

Intentio efficitur vitiosa per exorbitantem effectum erga aliquem finem, n. 14.

*Interpretatio.*

Interpretatio legis triplex: authentica, usualis & doctrinalis. Tr. 8. D. 16. a. 2. n. 1. p. 339.

Ultima dividitur in declarativam, in qua tria advertenda: mens legislatoris, legis ratio, & verborum proprietas. In extensivam & restrictivam, quæ etiam vocatur epikia, l. c. a. n. 3. usque ad n. 7. p. 336. & 337.

Interpretatio privilegii. V. Privilegium.

*Involuntarium.*

Involuntarium aliud simpliciter, & aliud secundum quid, D. 7. a. 1. n. 2. p. 70.

Violentia simpliciter causat involuntarium, n. 10. p. 71. V. Violentia.

Merus causac in voluntarium secundum quid, a. 2. n. 5. p. 72. V. Merus.

Concupiscentia nunquam per se causat involuntarium, a. 2. n. 4. p. 75. V. Concupiscentia.

Ignorantia antecedens causat involuntarium simpliciter, a. 4. n. 4. p. 75. V. Ignorantia.

*Irregularitas.*

An & quæ irregularitas tollatur per Professionem Religiosam? V. Professio.

*Irritatio.*

Irritatio actuum per legem, V. Actus, Lex.

*Judex.*

Licet Judicii amplecti sententiam minus probabilem faventem jurisdictioni, Tr. 5. D. 14. a. 10. n. 2. p. 170. Et reo faventem in causa criminali, n. 10.

Non licet Judici sequi sententiam minus probabilem circa questionem facti, n. 11. Neque circa questionem juris, n. 12. & seqq.

In iurium æqualitate tenetur partes ad compositionem inducere, vel rem, de qua litigatur, inter partes dividere, n. 15. n. 171.

*Judicium.*

Judicium practicum pendet à libera applicatione & intentione voluntatis, D. 8. a. 5. n. 6. p. 86.



*Jus.*

Divisio in Jus naturale, gentium & civile parum accurata. Tr. 8. D. 32. a. 2. §. 3. n. 11. p. 293. V. *Lex*.

Item in Jus gentium primum & secundarium. I. c. statuitur differentia essentialis inter Jus naturale & gentium. I. c. n. 12. & n. 13. pag. 294.

Differunt tum secundum omnia 4. causarum genera, tum in effectu.

Jus gentium scriptum non datur. I. c. n. 16. sed pertinet ad Jus consuetudinarium. I. c.

Jus naturale, gentium & civile in eodem actu concurrere possunt. I. c. n. 17. V. *Fœdus*.

*Justitia originalis.*

Justitia originalis in quo consistat. Tr. 7. D. 28. a. 2. §. 1. n. 1. p. 270.

*Infernus.*

Potest aliquis de absoluta DEI potentia ex inferno liberari. Tr. 6. D. 24. a. 3. §. 1. n. 2. p. 243.

## L.

*Legati.*

Legatorum Apostolicorum potestas legislativa? V. *Potestas legislativa Ecclesiastica*.

*Lex.*

Legis divisio in æternam, naturalem & positivam &c. Tr. 6. D. 16. a. 2. n. 2. p. 180.

Quo sensu lex Divina & humana sint specie diversæ. D. 19. a. 1. n. 2. p. 201.

Necessarium fuit hominibus legem aliquam dari. Tr. 8. D. 31. a. 1. §. 1. n. 1. p. 237.

Quinam actus ad condendam legem concurrant. I. c. n. 2.

Lex formaliter consistit in imperio, quod est actus intellectus: præsuppositivè seu originativè in actu voluntatis tanquam movente. I. c. n. 3. & seqq.

Finis intrinsecus legis est bonum commune. I. c. n. 8.

Satis est ad legem, ut ipsa per se sit ad hunc finem utilis, licet ex fine operantis aliud intendatur. I. c. n. 9. p. 288.

Lex ferri debet ad communiter perfectam vel partem ejus. I. c. n. 10. & 11.

Causa efficiens legis sunt illi, qui habent auctoritatem publicam vel potestatem jurisdictionis. I. c. n. 12.

Legis definitio traditur & explicatur. I. c. n. 13.

Lex dividitur in Divinam & humanam; illa in æternam, naturalem & positivam. Hæc in Canonicam seu Ecclesiasticam, & civilem I. c. n. 14.

Legis quatuor sunt actus. Imperare, vetare, permittere, punire. I. c. n. 15. p. 282.

Differentia inter legem, præceptum & consilium. I. c. n. 16. V. *Jus*.

Nulla lex habet efficaciam obligandi in actu secundo sine promulgatione. I. c. a. 2. §. 1. n. 1.

Promulgatio activè accepta est de essentia legis. I. c. n. 4.

Lex est de genere actuum secundorum: sumitur vel inchoativè & inadæquatè, vel completè & adæquatè in posteriori acceptione includit essentialiter promulgationem saltem virtute permanentem. I. c. n. 6. & seqq. p. 270.

Lex æterna includit duos actus: simplicis scilicet intelligentiæ præsuppositivè & scientiæ visivis formaliter. I. c. D. 3. a. 1. §. 1. n. p. 291.

Lex æterna sumitur latè & strictè. I. c. n. 1.

Subjectum legis æternæ latè sumptæ sunt omnes creaturæ; strictè, solæ creaturæ rationales. I. c. n. 3.

Materia legis æternæ latè acceptæ sunt omnes operationes; strictè, solæ libere & morales. I. c. n. 4.

Nulla creatura rationalis datur ex lex, contra hæreticos. I. c. n. 6. explicatur locus Apostoli.

Datur lex naturalis homini congenita. I. c. a. 2. n. 1.

Lex naturalis consistit essentialiter in lege DEI æterna per synteresin promulgata. I. c. n. 3. pag. 292.

Lex naturalis ex parte DEI est consequenter & ex suppositione necessaria. I. c. n. 4.

Lex naturalis definitur. I. c. n. 5.

Lex naturalis partim una ratione principii & finis, partim multiplex propter diversa præcepta virtutum. I. c. n. 6.

Rejiciuntur variae opiniones circa essentiam legis naturalis. I. c. n. 7. & seqq.

Lex naturalis quomodo distinguitur a conscientia. I. c. n. 9. p. 283.

Mutatio legis potest contingere vel quoad existentiam vel quoad specificationem, & hoc vel ab intrinseco vel ab extrinseco. Item vel formaliter vel materialiter. I. c. a. 3. n. 1. p. 295.

Legis naturalis mutatio potest fieri tam à potestate Divina, quam humana. I. c. n. 2.

Nisi materia sit simpliciter immutabilis. I. c. n. 3.

Lex naturalis permissiva mutari potest. I. c. n. 4. pag. 276.

Lex naturalis præceptiva formaliter nullo modo mutari aut dispensari potest. I. c. n. 5.

Solvuntur instantiæ & exempla è sacra scriptura & humana potestate petita. I. c. n. 6. & 7.

Legis antiquæ & novæ differentia. D. 31. a. 1. n. 3. 4. & 5. V. *Testamentum*.

Inter quas potissima est illa, quod lex vetus tantum continuerit figuram gratiæ, nova verò ipsam gratiam contineat; & polleat efficaciâ causativâ gratiæ, non verò vetus. I. c. n. 3. & 4. pag. 298.

Legis veteris triplicia fuisse præcepta; moralia, ceremonialia & judicialia. I. c. n. 6.

Legis veteris præcepta tam judicialia quam ceremonialia erant figurativa: sed illa ex consequenti, hoc principaliter. I. c. n. 7.

Omnia præcepta moralia veteris legis continentur in Decalogo, vel formaliter vel virtualiter. I. c. n. 8.

Præcepta moralia sub diverso respectu pertinent ad legem naturalem, vetus & novum testamentum, ad primum, in quantum per illa homo ordinatur ad honestum naturale: ad secundum, in quantum disponebatur homo ad Messiam



## Index Alphabeticus

- venturam, ad tertium in quantum ordinatur ad finem supernatoralem meritorie consequendum, l. c. **n. 9.** p. 299.
- Præcepta ceremonialia fuerunt quadruplicia in lege veteri: circa sacrificia, sacra, sacramenta, & observationes ceremoniales. l. c. **n. 10.**
- Præcepta judicialia fuerunt quadruplicia: 1. ad constituendum ordinem inter Principem & subditos. 2. inter ipsos subditos. 3. ad extraneos. 4. inter domesticos. **l. c. n. 11.**
- Lex antiqua fuit per Christum abrogata. l. c. **n. 2.** **n. 1.**
- Quomodo lex antiqua dicta sit æterna? **n. 2.** pag. 300.
- Ante passionem Christi lex antiqua non fuit abrogata, **n. 3.**
- Tota lex antiqua fuit mortua consummato in cruce per mortem Christi sacrificio. **n. 4.** cuius signum fuit scissio veli, **luc. 23.**
- Lex Mosaica à promulgante Moyse sic dicta, in præceptis moralibus fuit mortua, id est amisit efficaciam obligandi, quantum ad legis antiquæ titulum & quasdam circumstantias illi statui proprias: non verò quoad substantiam. **n. 6.**
- In præceptis ceremonialibus est etiam facta mortificatio, ut ea observantes graviter peccent, in judicialibus facta est mortua non mortificatio per loquendo. **n. 7. 6.**
- Præcepta ceremonialia à Passione Christi usque ad divulgationem Evangelii fuerunt mortua non mortificatio. **n. 7.**
- Lex Evangelica habet rationem formalem legis veræ & propriè dictæ, cuius legislator est Christus Dominus. **n. 1.** **n. 1.** p. 301.
- Materia legis Evangelicæ sunt actus tam interni, quam externi in materia Virtutum moralium fidei & Sacramentorum. **n. 2.** Nulla habet præcepta judicialia lex Evangelica, alia præcepta distincta à præceptis legis naturalis & Mosaicæ non habet nisi in materia fidei & Sacramentorum. l. c. subiectum legis Evangelicæ sunt omnes homines. **n. 1.**
- Lex Evangelica accepit vim obligandi radicalem in morte Christi, formalem, quando in Pentecoste promulgata fuit, quæ virtus ut redigeretur in exercitium, requirebatur prædicatio Apostolorum. **n. 4.**
- Non est de ratione legis Evangelicæ, quòd sit scripta. **n. 5.** p. 302.
- Lex Evangelica durabit usque ad finem mundi: **n. 6.**
- Summus Pontifex in nullo præcepto legis Evangelicæ propriè dispensare potest. **n. 2.**
- Quomodo intelligendum illud Matth. quodcumque ligaveris &c. **n. 9.**
- Potestatem legislativam à DEO hominibus datam ostenditur ex scriptura contra Hæreticos. Tr. **2.** **D. 34.** p. 31.
- Legis scriptæ, quæ etiam constitutio dicitur, descriptio & variz divisiones, **a. 1.** pag. 303. & 304.
- Potestas legislativa civilis non existit ex natura rei in aliquo homine vel familia singulari: est tamen ab Authore naturæ data integris communitatibus per modum proprietatis moralis, politicæ communitatem consequentis. **n. 9.** & 6. **pag. 304.**
- Hæc potestas per consensum populi in unum vel plures transferri potest: etiam in imperio per tyrannidem excepto, juxta quam potestas illa limitatur. **n. 7.**
- Imperator non potest ferre leges extra imperium. **n. 8.**
- Papa potest ferre leges civiles in terris, in quibus habet Dominium temporale: non autem extra illas. **n. 9.**
- Papa circa regna & aliorum bona temporalia non nisi indirectè disponere potest, in quantum subordinantur **fini** salutis æternæ. **n. 10.** p. 305. **V. Papa.**
- Potestas legislativa civilis habet etiam locum in **Re** Regni hæredes, non obstante Apostolorum litteris docere Concionatoriè nempe prohibentes & jure civili eas inferioris nempe conditionis ab officiis publicis & civilibus removen-  
**te. n. 11.** **pag. 307.**
- Potestas legislativa Ecclesiastica in quibus & quomodo reperitur? **V. Papa. Concilium. Potestas legislativa.**
- Legis forma alia intrinseca; alia extrinseca l. c. **n. 3.** **n. 1.** p. 308.
- Ratio legis non constituit intrinsece legem. **n. 2.** **p. 309.**
- Promulgatio legis debet esse solennis & publica. **n. 3.**
- Ad legis valorem non requiritur promulgatio Principis cum Proceribus. **n. 5.**
- Ad legis valorem requiruntur verba voluntatem obligatoriam exprimentia. **n. 6.**
- Nullius legis valor dependet ab acceptance populi. **n. 15.** p. 312.
- Quomodo intelligendum: leges alicubi non esse receptas? & quomodo earum valor possit à populi consensu dependere? **n. 18.**
- Lex humana etiam civilis potest subditum obligare in conscientia. **D. 35.** **a. 1.** **n. 1.** p. 313. **pag. 314.**
- Idemque vel ad actum, de quo primò disponit, vel ad subeundam poenam, quam adjicit. l. c. **n. 1.**
- Leges purè poenales & disjunctivè mixtæ non obligant determinatè ad actum: sed priores tantum ad poenam; posteriores indeterminatè ad alterutrum. **n. 2.**
- Si lex non satis clarè per verba obligatoris obligat ad actum: præsumenda est esse disjunctivè mixta. **n. 5.** p. 314.
- Ex quibus agnoscatur obligatio ad actum? I. c. sanctiones verbis præceptivis sed sine intentione obligandi latæ, nec sunt propriè leges, nec consilia, sed ordinationes directivæ. **n. 6.**
- Lex fundata in præsumptione est conditionata. **n. 7.**
- Leges tributorum & vestigialium, si habeant debitas condiciones, obligant in conscientia. **n. 2.** ubi videantur etiam causæ excusantes.
- Leges Regulares. **V. Regula.**
- Leges poenales, quæ inferunt poenas spirituales excommunicationis &c. ipso facto incurrendas, vel pri-

privant Jure acquirendo, redduntque transgressorem inhabilem ad aliquod Jus vel actum, vel imponunt pœnam conditionalem, obligant ante Judicii sententiam, a. 2. n. 3. pag. 316.

Lex pœnalis privativa Juris jam acquisiti vel acquiri cœpti non obligat ante Judicii sententiam saltem declaratoriam criminis, quamvis verba legis significant pœnam latæ sententiæ, n. 4. p. 316.

Quamvis non teneatur ante judicii sententiam subire pœnam corporis graviter afflictivam, post judicis tamen sententiam reus tenetur per se ipsum exsequi pœnam honestam non nimis acerbam; ad gravissimam verò & infamem pœnam tenetur saltem indirectè cooperari, quatenus ad ejus executionem est necessarium & conveniens n. 5.

Lex humana potest ob bonum publicum adimere potestatem faciendi aliquem actum, Jure naturæ tantum permisum, a. 3. p. 317. V. *Altit. Irritatio*.

Nuda prohibitio legis, si verbis aliis non exprimitur actum, non irritat. Explicatur L. non dubium. 6. de LL. & L. 6. C. de pact. n. 4.

Lex irritans alia est pœnalis in odium sceleris: alia pure irritativa favore boni communis vel privati intendens, n. 5.

Lex pure irritatoria non obligat in conscientia ad omissionem actus invalidati, nisi id exprimat, vel actus specialem inducat turpitudinem, n. 6.

Omnis lex irritatoria in eo genere, in quo irritat, obligat subditum in conscientia, ne quærat fructus vel effectus ex tali actu tanquam valido, n. 7. p. 318.

Quando irritatio legis est pœnalis, supponens aliquam actus substantiam, tunc actum non facit irritum, sed irritandum, nisi cum actus sit incapax irritationis per sententiam, quo casu statim ac ponitur, est invalidus, n. 8.

Lex pure irritatoria, ubi irritatio antecedit vel committitur actum, statim sine sententia sortitur effectum, n. 9.

Lex fundata in præsumptione Juris habet suum effectum, etiamsi falsificetur præsumpta fraus vel dampnum in casu particulari. §. 3. n. 11.

Leges & præcepta fundata in præsumptione facti, hæc non subiectis non obligant in conscientia, n. 13. p. 310.

Ex gravitate pœnæ læsi adjunctæ rectè colligitur gravitas obligationis, nisi constet legem esse pure pœnalem. 2. 4. n. 5. p. 325.

Quantitas obligationis etiam dependet à quantitate materiæ, n. 6. quæ vel est materialis ex proprio genere, vel formalis per ordinem ad finem à legislatore intentum, n. 6. & 2.

In dubio obligationis circa materiam gravem, censenda est gravis, n. 7.

Triplex finis legislatoris humani, Ecclesiastici, salus animarum, Regularis, observantia votorum & studium perfectionis, Politici, bonum Reipublicæ, n. 8. p. 321.

An in materia gravi possit legislator obligare

leviter, argumenta in utramque partem referuntur & solvuntur, §. 2. p. 321, 322. Conciliantur per distinctionem inter materiam materialiter seu formaliter gravem vel levem, n. 16. pag. 323.

In materia materialiter levi non præsumitur gravitas formalis, nisi exprimatur; bene autem in materia materialiter gravi, l. c. n. 17.

Lex graviter obligans in materia manifeste levi nonnisi levem obligationem parit, n. 18.

Lex humana per se ordinariè non obligat cum periculo vel alterius gravi damno, n. 19. bene tamen subinde per accidens, n. 20.

Lex humana etiam per se obligat cum discrimine vitæ & gravis damni, quando boni communis plus interest obligatio legis, quam tale damnum, n. 21.

Discrimen inter legem Divinam & humanam, quantum ad ejusmodi obligationem, p. 324.

Vis legis alia directiva; alia coactiva. a. 5. n. 1.

In statu Aristocratico & Democratico Optimates & populus respectivè obligantur senatus consultis & plebiscitis, n. 2.

Princeps non tenetur legibus populo propriis, suoque statui non convenientibus, n. 3. p. 325.

Neque etiam sua lege vi coactiva, n. 4. nisi sit licet quoad substantiam naturalis vel divina, & tantum humana quoad modum & determinationem, n. 5.

Potest obligari Princeps etiam vi directivæ sua lege per accidens, ratione scandalii vel pacti, n. 6.

Princeps vi directiva obligatur suis legibus in materia sibi & subditis communi, n. 7. ita ut lege naturali directè, suâ verè indirectè adstringatur, n. 9. adeoque non ex sola honestate & decencia naturali, n. 11. neque ex pacto aliquo, n. 13.

Obligatur lege irritatoria quoad omittendum actum, non quoad invaliditatem, n. 10.

Princeps transgrediendo suam legem in re gravi peccat mortaliter, n. 12. p. 326.

Princeps lege municipali per se non obligatur, n. 15.

Legibus civilibus Clerici & Regulares non obligantur coactivè sed directivè; idque non directè sed indirectè, obligant Jure naturali & Canonico, n. 16. & seqq. p. 326. & 327.

Infantes & perpetuò amentes non obligantur legibus humanis, bene tamen naturalibus; quamvis ipsis harum transgressio non imputetur, bene tamen illis, qui tales ad eam incitant, n. 20. p. 327.

Pueri tenentur lege naturali: post septennium etiam humanâ, quatenus hoc eorum ætati convenit, incurruntque censuras & pœnas delictis ab eis commissis impositas, n. 21. & 22.

Subditus tam physice quam moraliter extra suum territorium existens non tenetur illis legibus, n. 24. p. 328. sola tamen absentia physica non excusat, n. 24. Inferuntur corollaria, n. 27. & seqq.

Peregrini statim tenentur legibus loci, ubi volunt perpetuò manere, n. 30. p. 329.

## Index Alphabeticus

Etiā advenz ad longum tempus manentes, exceptis oneribus propriè dictam subjectionem supponentibus; etiā ad breve tempus hospitaturi vel transitori legibus communibus omnium locorum, quamvis per privilegium domi essent exempti. n. 31. Item legibus particularibus conservationem & averrenda damna Republicæ concernentibus. n. 32.

Tenetur servare conditionem contractus loci, in quo contrahunt. n. 33.

Advenz & peregrini hospites tantum, vel transeuntes non tenentur legibus particularibus illius loci. n. 34.

Explicatur S. Ambrosius in c. illa.

Vagi tenentur legibus particularibus loci, quò veniunt. n. 36. p. 310.

Legis causā finali ad quā universaliter cessante sive sit intrinseca, sive extrinseca, cessat legis obligatio. D. 36. a. 1. n. 4. p. 311.

Cessante fine legis in particulari tantum negativè, non cessat obligatio. n. 6. secus si esset positivè & contrariè. n. 7. p. 312.

Legem potest abrogare legislator vel ejus successor, vel in jurisdictione superior. n. 9.

Abrogatio legis à superiore ordinario sine justa causa est valida, sed illicita: ab inferiore etiā invalida. n. 12.

Superior in sua lege etiā sine justa causa validè dispensat: atque hac dispensatione subditi licitè utitur, cessante scandalo & damno tertii. n. 4. n. 7. p. 319.

Inferioris dispensatio in lege superioris sine causa est invalida. n. 8.

Causa in quibus inferior potest dispensare in lege superioris, l. c. n. 9. & seqq.

Hæc potestas à jure concessa non est delegata sed ordinaria, l. c. n. 10. V. Episcopus.

### Libertas.

Libertas tripliciter accipitur juxta triplicem oppositionem cum servitute, coactione, necessitate. Tr. 4. D. 6. a. 1. n. 1. p. 32.

De essentia libertatis non est indifferentia passiva, sed activa. n. 5.

Datur liberum arbitrium. n. 6.

Libertas formaliter est in sola voluntate, & radicaliter in intellectu. n. 7. & 8. p. 33. est etiā formaliter in actu voluntatis. n. 9.

Libertas potentialis ad quātē identificatur cum voluntate. n. 10.

Libertas actualis est ad quātē intrinseca actui voluntatis. n. 11. & cum illo identificatur. n. 12. p. 34.

Definitio libertatis. n. 15.

Libertatis nostræ radix remota, & proxima exponitur. a. 3. n. 6. p. 62.

Ratio libertatis non exigit, ut cum omnibus requisitis ad agendum voluntas possit componere actum, vel negationem oppositam. a. 4. n. 4. p. 67. sed ut cum omnibus requisitis ad operandum possit non agere in sensu diviso. n. 6. p. 68.

### Lumen gloriæ.

Lumen gloriæ non est ipsa beatitudo formalis. Tr. 4. D. 3. a. 2. n. 7. p. 20.

## M.

### Malitia.

Malitia moralis accipienda est concretè, quando dividit moralitatem in genere. Tr. 6. D. 17. a. 2. n. 20. p. 187.

Malitia moralis nunquam sequitur ex vi entitatis positivæ. a. 3. n. 5. p. 189.

### Maria.

Quid nomine immaculatæ conceptionis Beatissimæ Virginis intelligatur. Tr. 7. D. 29. a. 1. n. 1. p. 275.

Ejus veritas est moraliter certa. n. 2.

Quia à Christo redempta debuit necessario contraxisse debitum aliquid incurrendi peccatum originale. n. 3.

Tale debitum aliud proximum, aliud remotum. n. 4.

Differentia inter sententiam affirmantem debitum proximum, & illud negantem. n. 5. p. 276.

Fundamenta sententiæ negantis debitum proximum. n. 6. & seqq. p. 277.

Eligitur sententia affirmans & probatur. n. 3. pag. 277. & seqq.

Solvuntur authoritares & argumenta in contrarium adducta. p. 281.

### Martyrium.

Martyrii aureola quænam habeat requisita? D. 4. a. 5. n. 20. p. 39.

### Matrimonium.

Matrimonii indissolubilitas, & monogamia quomodo à Deo mutabilis? Tr. 8. D. 32. a. 5. n. 6. p. 296.

### Media.

Media habent intrinsecam bonitatem, non tamen pertinent ad obiectum formale, sed materiale voluntatis. Tr. 4. D. 1. a. 1. n. 8. & 12. p. 7.

Mediorum bonitas specificat virtutes morales, non ipsam voluntatem. n. 19. p. 8.

Mediorum appetibiles non est de primaria intentione voluntatis. n. 20.

Bonitas finis & mediis competit analogicè. n. 22.

### Medius.

Medicus per se obligatur a groro adhibere remedia certiora. Tr. 5. D. 11. a. 10. n. 6. p. 170.

In casu desperatæ salutis licitè potest adhibere medium dubium. n. 7.

### Meritum.

Ad meritum non sufficit indirecta libertas, quæ tamen sufficit ad peccatum. Tr. 6. D. 18. a. 2. n. 2. p. 199.

### Metus.

Metus definitio. Tr. 4. D. 7. a. 2. n. 1. divisio. n. 2. p. 72.

Actio ex metu facta est simpliciter voluntaria. n. 5. & involuntaria secundum quid. n. 4. p. 73.

Metus gravis sæpè excusat à transgressionem legis humane. n. 2. p. 74. n. 13. p. 74.

Metus non impedit valorem de jure naturali in matrimonii, promissionibus, votis. n. 10. quæ tamen jure positivo irritantur. n. 11.

Metus



Metus aliquando per accidens excusat à peccato.  
n. 12.

*Minister.*

Minister Sacramenti extra casum necessitatis circa substantiam & ritum Sacramentorum tenetur sequi sententiam tutiorem. Tr. V. D. 14. a. 10. n. 2. p. 169.

Non tenetur sequi probabiliorē in controversia jurisdictionis. n. 5.

*Moniales.*

Moniales pertinent ad statum Ecclesiasticum. Tr. 8. D. 39. a. 1. n. 6. p. 359.

*Monogamia.*

De dispensatione in monogamia. V. *Matrimonium.*

*Moralitas.*

Varie acceptiones moralitatis exponuntur. Tr. 4. D. 9. a. 1. n. 1. p. 82.

Moralitas non constituitur per libertatem, quæ ipsi præsupponitur. n. 3. & seqq.

Non est denominatio extrinseca. n. 7. p. 90. neq; relatio rationis. n. 8.

Neque relatio prædicamentalis. n. 9. nec entitas modalis. n. 10. neque consistit in habitudine ad voluntatem. n. 13. sed in actuali tendentia voluntatis ad objectum, subiectum regulis morum, indistincta ab actu. n. 14. 19.

Moralitas objectiva in quo consistat. n. 20. p. 92. Divisio moralitatis in bonitatem & malitiam, non est adæquata. n. 21.

Malitia moralis concretè sumpta est species moralitatis. n. 15. p. 91.

*Motus.*

Motus primò primi non sunt peccaminosi. D. 7. a. 3. n. 6. p. 75.

*Mulier.*

Mulier. V. *Femina.*

**N.**

*Natura.*

Natura rationalis tantum est radicalis morum regula. Tr. 4. D. 9. a. 1. n. 23. p. 92.

*Necessitas.*

Duplex necessitas, specificationis & exercitii. D. 4. a. 1. n. 1. p. 28.

Utræque datur in Beatis respectu amoris beatifici. n. 2.

Necessitas alia absoluta, alia conditionalis. D. 6. a. 3. n. 1. p. 63.

Necessitas suppositionis non semper obest libertati. n. 3.

Quid S. Anselmus intellexerit nomine necessitatis antecedentis? n. 4. & 12.

Non semper infertur necessitas ex inimpedibilitate antecedente. n. 12.

Calvinus ineptè infert necessitatem ex inimpedibilitate Divinæ causalitatis. n. 13.

*Novitius.*

Novitii in favorabilibus habentur pro Religiosis. Tr. 8. D. 39. a. 1. n. 6. p. 359.

*Nuncios.*

Nunciorum Apostolicorum potestas legislativa quanta? V. *Potestas legislativa Ecclesiastica.*

**O.**

*Objectum.*

Objectum non specificat actum humanum, nisi prout subest iudicio pratico rationis. Tr. 4. Disp. 9. a. 2. n. 2. p. 21.

Dat actibus humanis essentialē speciem moralitatis. n. 3. & 4.

*Oblati.*

Oblati sunt personæ Ecclesiasticæ. Tract. 8. D. 39. a. 1. n. 6. p. 359.

*Obligatio.*

Obligatio legis. V. *Lex.*

*Odiū.*

Odiū propriū esse potest fieri voluntarium. Tr. 4. Disp. 7. a. 1. n. 6. p. 71.

Odiū amici peius est, quàm odiū inimici, quamvis dilectio inimici sit præstantior, quàm dilectio amici. Tr. 6. D. 20. a. 3. n. 9. p. 209.

*Omissio.*

Pura ommissio negativa circa aliquos actus datur in voluntate. Tract. 4. Disp. 5. a. 2. n. 2. p. 43. Non datur libera ommissio omnium actuum collectivè. n. 3.

Rationes & auctoritates pro sententia negantē puram omissionem liberam. n. 8. & seqq. p. 43. Probabilius datur pura ommissio libera. n. 17. & seqq. p. 45.

Non datur pura ommissio meritoria. n. 31. pag. 46. neque indifferens in individuo. n. 22.

Angelus in primo instanti non potuit peccare per puram omissionem. n. 23.

Pura ommissio potest esse exercitium vitale morale. n. 26. p. 47.

Ut ommissio sit imputabilis in culpam, requiritur obligatio agendi. a. 3. n. 8. p. 49. ut sit purè voluntaria, non requiritur obligatio. n. 3.

Nulla ommissio est voluntaria, nisi cuius datur advertentia. n. 6. p. 50.

Ut effectus ex omissionē secutus sit voluntarius, in omittente requiritur obligatio ad actum. n. 7. & seqq.

Omissio vitiat actum, qui est causa, vel occasio illius. Tract. 6. Disp. 18. a. 1. n. 1. p. 195.

Actus tantum concomitanter conjunctus omissioni, per illam non vitiatur. n. 2.

Quomodo actus omissioni concomitanter junctus fiat tempore inaddebito? n. 5. p. 196.

Actus tantum concomitans omissionem, est impedimentum naturale, non morale, actus præcepti. n. 5.

Actus causans omissionem culpabilem, per se contrahit solius omissionis malitiam. n. 6.

Quandonam in confessione debeat exprimi actus conjunctus omissioni? n. 9. p. 197.

Externa ommissio præcepti est culpabilis, manentē potentia desistendi ab actu impeditivo. a. 2. n. 1. p. 197. Non est peccatum, si voluntas ponens impotentiam implendi præceptum, fuerit retractata. n. 2. bene autem, si non sit retractata. n. 3.

Quomo-



## Index Alphabeticus

Quomodo omiffio fit in fe libera, & peccaminofa?

n. 74. p. 198.

In omiffione terminatur & completur voluntarium. n. 10. p. 199. ficut etiam in effectibus, qui funt voluntarii in caufa, n. 14.

Omittere Sacrum, & contemnere, funt peccata fpecie diftincta. Diff. 19. a. 1. n. 14. p. 202.

Omiffio voluntaria eft interpretativa tendentia voluntatis in obiectum. Diff. 9. a. 1. n. 16. pag. 21.

### Operatio.

Operatio hominis. V. *Actus humanus.*

### Opinio.

Opinio probabilis definitur, quæ citra certitudinem rationabili fundamento nititur. Tract. 5. Diff. 14. a. 1. n. 3. p. 139.

Dividitur in speculative, & practicè probabilem. n. 2.

Opinio tantùm probabiliter probabilis non fundat honeftatem operationis. a. 3. n. 13. p. 146. V. Probabilitas.

### Ordo militaris.

Ordo militaris. V. *Status.*

## P.

### Paftum.

Paftum DEI cum Adamo. V. *Adam.*

### Papa.

De potestate Papæ difpenfandi in lege divina. V. *Difpenfatio.*

De ejus potestate in ferendis legibus civilibus. V. *Lex. Potestas legislativa Ecclefiaftica.*

### Parvuli.

Parvuli fine baptifmo decedentes non funt beati beatitudine naturali. Tr. 7. D. 30. a. 2. n. 2.

Non patiuntur poenam fenfus. §. 2. n. 4. Explicatur textus Matth. 25. Difcedite à me &c. §. 1. n. 6. p. 284.

Parvuli fine baptifmo decedentes non sentiunt triftitiam vel dolorem. n. 11. p. 285.

Eorum futurus ftatus. n. 12.

### Pater.

Pater æternus quomodo habeat à fe ipfo beatitudinem? Tract. 4. Diff. 3. a. 1. n. 12. p. 17.

### Peccatum.

Peccans mortaliter habet pro fine fimplici- ter ultimo bonum creatum. Tract. 4. Diff. 2. a. 1. n. 1. & quidem proprium commodum inordinatum. n. 2. & feqq.

Peccatum ex indifcreto zelo, vel ignorantia vincibili, non habet DEUM pro ultimo fine fim- pliciter. n. 6.

Peccans venialiter habet pro fine ultimo fecun- dum quid & inefficaciter intento commodum proprium inordinatum. a. 2. n. 4. p. 14.

Potentia peccandi non probat inclinationem natu- ræ ad peccandum. Tract. 6. Diff. 15. a. 2. n. 5. p. 177.

Peccatum in genere moris eft pejus, quàm vitium. n. 13. p. 178.

Variz acceptiones peccati. Tract. 6. Diff. 16. a. 1. n. 1. p. 179. Dividitur in actuale, & habitu- ale. n. 2.

Peccati definitio ex D. Auguftino exponitur, & applicatur tam peccato veniali, quam omiffio- nis. n. 4. & feqq.

Varia peccati nomina exponuntur. n. 7. p. 180.

Omne peccatum ideo formaliter eft peccatum, quia lege prohibitum. n. 3.

Quo fenfu actus intrinfece mali funt prohibiti, quia mali. n. 7.

Actus diftincti divinis perfectionibus præfup- pofitive ad legem concipiuntur mali funda- mentaliter, non formaliter. n. 8. Non tamen poteft DEUS iniis difpenfare. n. 9.

In peccato commiffionis datur privatio debite rectitudinis. Diff. 17. a. 1. n. 1. & feqq. quæ eft debita inefle adui, non debito naturali, fed morali. n. 7. p. 183. tamen actus fit intrinfe- ce malus. n. 8.

Plures privationes comitantur peccatum. n. 9.

Sententia negans, formalem malitiam peccati con- ftitui per privationem debite rectitudinis, ha- bet multos Patronos in fchola D. Thomæ. a. 2. n. 1. & probatur ex S. Script. Patribus, & D. Th. n. 3. 3. p. 184.

Ex autoritate probabilius eft, formalem mali- tiam peccati conftitui per privationem debite rectitudinis. n. 4. & feqq. p. 184. & feqq.

Quando D. Th. admittit formam pofitivam in peccato, loquitur de illo concretè & fpecifica- tive fumpto. n. 23. p. 187.

Ordo pofitivus ad obiectum pertinet ad formale peccati concretè, & in efle talis peccati, non in efle peccati ut fic, & abftractè. n. 22. pag. 188.

Intrinfece natura defectûs probat peccatum for- maliter conftitui in privativo. a. 3. n. 1. & feqq. item paritas peccati habitualis. n. 3.

A principio privativè defectivo quâ tali fequitur effectus privativè defectivus. n. 4. p. 189.

Malitia peccati non poteft fequi ex vi alicujus en- titatis pofitivæ. n. 5.

Si formalis malitia peccati conftiteret in pofitivo, DEUS eflet *caufa peccati formalis*. n. 6. & feqq.

In actu peccati pofitiva tendentia in obiectum non eft malitia fundamentalis. n. 13. a. 4. n. 4. p. 139.

Quomodo malitia peccati contrarietur legi? n. 11. p. 194.

Peccatum omiffionis. V. *Omiffio.*

Exponitur divifio peccati in originale, persona- le, actuale, habituale, mortale, veniale, commiffionis, omiffionis. Diff. 19. a. 1. n. 1. p. 200.

Divifio peccati in carnalia, fpiritualia, cordis, oris, & operis. n. 2. In peccata contra DEUM, proximum, & feipfum. n. 3. In ea, quæ funt ex infirmitate, ignorantia, & malitia, in pro- pria, & aliena. n. 4.

Peccatorum diftinctio fpecifica fumitur ab ob- jectis fpecie diftinctis. n. 5. & ex formali di- verfitate præceptorum. n. 6. pag. 207.

Malitia

Malitia privativa peccati in concreto potest specificari ab objecto. n. 8.  
 Peccata omissionis indirecte accipiunt speciem ab objectis. n. 10.  
10 eodem physice actu reperiuntur distinctæ species peccatorum. n. 11.  
 Divisio peccati in mortale, & veniale non semper est essentialis. n. 12.  
 Peccata commissionis & omissionis in genere moris non semper essentialiter distinguuntur. n. 13.  
 Peccata per excessum & defectum opposita specie distinguuntur. n. 15. p. 202. 1.  
 Divisio in peccata spiritualia & carnalia est adæquata, & essentialis. n. 16.  
 Circumstantiæ speciem mutant transiunt in conditionem objecti. n. 17.  
 Quandonam pluralitas objectorum causet numericam pluralitatem peccatorum? a. 2. n. 1. 2. p. 202.  
 Interruptio moralis causat individualem distinctionem in peccatis. n. 3. p. 203.  
 Regulæ cognoscendi moralem interruptionem. n. 4.  
 Sola non-retractatio non sufficit ad constituendam unitatem inter actum internum & opus externum. n. 5. p. 204.  
 Quomodo poenitens in confessione exponere debeat numerum peccatorum frequentissimorum? n. 7.  
 Quandonam in confessione exponenda sit mora temporis? n. 7.  
 Explicanda est probabilis pluralitas objectorum. n. 8.  
 Plures actus externi subordinati intra unam speciem non necessarii exponuntur in confessione. n. 9.  
 Sacerdos in statu peccati plures absolvens committit plura peccata. n. 10.  
 Quandonam diuturna detentio rei alienæ sit unum numero peccatum? n. 12.  
 Non est ea peccatorum connexio, ut qui unum commisit, sit reus cæterorum. Disp. 20. a. 1. n. 1. & seqq.  
 Ubi discrimen est inter virtutes & vicia. n. 4. pag. 205.  
 Irremissibilitas unius peccati sine altero tantum probat similitudinariam connexionem. n. 5. p. 206.  
 Peccata inter se sunt inæqualia, propter inæqualem repugnantiam cum bono naturali. a. 2. n. 1. 2. p. 206. etiam si sint peccata omissionis. n. 7. & habitualia. n. 8.  
 Peccatum non est infinitum in ratione malitiæ. n. 5  
 Peccatum actuale causaliter est mors animæ. n. 6.  
 Essentialis gravitas peccatorum sumitur ex objecto. a. 3. n. 1. p. 207. & à circumstantiis speciem mutantibus n. 2.  
 Peccatum præstantiori virtuti oppositum, absolute est gravius. n. 3.  
 Accidentales circumstantiæ possunt augere gravitatem peccati. n. 4.  
 Peccati gravitas crescit ex nocumeto. n. 5. p. 208.  
 Maxima est gravitas in peccatis contra Deum. n. 6  
 Spiritualia peccata sunt graviora carnalibus. n. 7.  
 R. P. Metz. Theol. Schol. Tom. II,

Peccata contra castitatem cur sint graviora peccatis contra fortitudinem. n. 8.  
 Gravitas accidentalis sumitur à circumstantiis speciem non mutantibus. n. 10. p. 209.  
 Quid sit gravitas extensiva peccati? n. 11.  
 Intensiva crescit ex quantitate objecti. n. 12. item ex intentione peioris finis extrinseci. n. 13. & ex dignitate personæ offensæ. n. 14.  
 Quandonam peccatum aggravetur ex circumstantia personæ peccantis? n. 15.  
 Omne peccatum quoad fatiorem voluntatem est in voluntate. Disp. 27. a. 7. n. 1. p. 210.  
 Membra & sensus externi non sunt subiectum peccati. n. 2.  
 Voluntas est subiectum peccatorum etiam quoad rationem malitiæ. n. 3. p. 111.  
 Peccatum formaliter subiectatur tam in ratione, quam appetitu sensitivo. n. 4.  
 Ad peccandum sufficit advertentia virtualis, & interpretativa, non autem habitualis. Tract. 6. Disp. 21. a. 5. n. 3. 4. & c. p. 220.  
 Omne peccatum præcedit aliquis error in intellectu. Disp. 22. a. 2. n. 3. p. 230.  
 Peccans ex scientia nihilominus habet errorem. Disp. 22. a. 2. n. 5. p. 230.  
 Etiam peccantes contra conscientiam non carent errore. n. 6.  
 Peccatum à DEO causari non potest. Tract. 6. Disp. 22. a. 3. n. 3. p. 231.  
 Peccata tantum cadunt sub providentiam DEI permittentem. n. 10. p. 232.  
 Voluntas peccati non recte infertur ex voluntate poenitendi. n. 11.  
 Peccata neq; sunt DEO volente, neque nolente. n. 12.  
 Potentia peccandi quatenus defectiva non est à DEO. n. 13.  
 Peccatum materiale non potest esse à DEO, ut causa morali. a. 4. n. 1. & a. 2. p. 233. est tamen à DEO ut physice influente. n. 3. & quidem privative. n. 7. non propterea DEUS est author peccati. n. 6.  
 Materiale peccati non est à DEO ut à causa morali. Tract. 6. Disp. 22. a. 4. n. 1. p. 233.  
 Cur DEUS possit attingere materiale peccati physice quin attingat ejus formale, non autem moraliter? n. 2.  
 Actus & materiale peccati in genere naturæ est à physice influente. n. 3. p. 234.  
 Quomodo verum sit, qui causat antecedens, causat & consequens? V. Causa. n. 1. p. 234.  
 Quomodo DEUS causet ipsum actum peccati, si in fine. Ex hoc quod DEUS physice causet materiale peccati, non dicitur author peccati. n. 6.  
 Influxus DEI in materiale peccati est etiam præviuus. n. 7. est efficacior motione morali intensivè, non extensivè. ibid.  
 Ratio cur DEUS esset author peccati, si causaret moraliter, est modus causandi defectuosus, non efficacia motionis. ibid.  
 Ratio cur physice causando non sit author, est quod in ratione actus invenitur formalis terminus divinæ omnipotentis, non autem in formali malitia. l. c. n. 8. p. 235.

## Index Alphabeticus

Post peccatum actuale remanet macula, Tract. 6.  
 Disp. 21, a. 1. [n. 1. n. 215.](#)  
 Macula peccati quomodo differat à peccato habituali? *ibid.* pag. 216.  
 Peccatum habituale seu macula formaliter non consistit in obligatione, seu passiva ordinatione & relatione ad poenam, [n. 2.](#)  
 Neque in peccato non retractato, [n. 7.](#)  
 Disparitas inter offensam humanam & divinam, [n. 9. p. 237.](#)  
 Peccatum habituale non consistit in positiva & habituali entitate hominem convertente in ultimum finem creatum, [a. 2. n. 1. p. 238.](#)  
 Macula peccati habitualis consistit formaliter in privatione gratiae sanctificantis, cum ordine ad suam causam seu peccatum praeiteritum, [n. 4.](#)  
 Causa, cur in homine sint plures maculae peccati, est connotatio plurium peccatorum actualium, [n. 9. p. 240.](#)  
 Peccatum habituale potest per absolutam potentiam remitti sine actu peccatoris, [n. 10.](#)  
 In hoc statu nullum peccatum potest remitti, per solam condonationem extrinsecam, [n. 11.](#)  
 Peccati macula reducitur ad speciem peccati actualis, [n. 12.](#)  
*Peccatum veniale.*  
 Peccatum veniale potest concipi in triplici statu, [n. 7. p. 245.](#)  
 Dari peccata venialia est de fide, Disp. 25, a. 1. [n. 1. pag. 245.](#) & quidem ab intrinseco talia, [n. 2.](#)  
 Alia venialia sunt talia ex genere suo, alia per accidens, [n. 3. pag. 246.](#) V. *Propositum.*  
 Differentia variae inter peccatum mortale & veniale, [n. 4.](#)  
 Primaria differentia inter utrumque statuitur: quia per mortale homo simpliciter à DEO avertitur, amicitia cum eo destruitur, & simpliciter contra legem peccatur; non verò per veniale, [n. 6.](#)  
 Regulae, è quibus cognosci potest, utrum peccatum aliquod sit mortale, vel veniale, [n. 9.](#)  
 Idem actus ex se non nisi venialiter malus, potest fieri mortaliter malus ob novam circumstantiam, [a. 2. n. 1. pag. 247.](#)  
 Idem actus omnino invariatus non potest ex venialiter malo fieri mortaliter malus, [n. 2.](#) Nec plura venialia fieri *mortale*, [l. c.](#) ubi de pluribus furtis minutis, [n. 4.](#)  
 Peccatum veniale potest esse dispositio ad mortale, [n. 5. p. 248.](#)  
 Peccatum veniale relinquit maculam secundum quid, [a. 3. n. 1.](#)  
 Minuit fervorem charitatis, [n. 2.](#) Explicatur quid sit iste fervor, & quotuplex, [n. 3. & seqq.](#) quatuor effectus, quos peccatum veniale post se relinquit, [n. 6. p. 249.](#)  
 Macula peccati venialis consistit formaliter in sola privatione fervoris extensivi charitatis, [n. 7.](#)  
 Subiectum praeipuum huius maculae est voluntas, [n. 12.](#)

Subiectum remotum peccati venialis est omnis homo viator in statu naturae lapsae, excepta Beatissima Virgine, [a. 1. n. 1. p. 250.](#)  
 Homo in statu innocentiae non potuit peccare venialiter, [n. 3.](#)  
 Neque Angelus viator, [n. 4.](#)  
 Poruisset DEUS prohibere esum pomi sub veniali, supposito mortali, [n. 7. p. 251.](#)  
 Primi parentes non peccarunt venialiter, nisi post amissum per mortale statum innocentiae, *ibid.*  
 De peccato in primo instanti usus rationis, V. *Converso ad DEUM.*  
 Puer post primum instanti usus rationis non se convertens in DEUM, peccat mortaliter, [l. c. n. 4. n. 9. p. 254.](#)  
*Peccatum originale.*  
 Peccatum originale non potest stare cum solo veniali, [l. c. n. 2. n. 4. p. 252.](#)  
 Haeresis circa peccatum originale, Tract. 7, D. 26, [n. 1. n. 1. & 2. p. 256.](#)  
 Dari peccatum originale est de fide, [n. 2. & seqq.](#)  
 Solvuntur objectiones, & explicantur textus Ezech. & D. Pauli, [s. 2. n. 2. p. 257.](#)  
 Explicatur *SS. Patres*, [n. 9.](#)  
 Quomodo peccatum originale traducatur, salva matrimonii honestate, [n. 10. & 11. pag. 254.](#)  
 Quomodo peccatum originale parvulis sit voluntarium? [a. 1. n. 3. V. Adam.](#)  
 Nimirum non physice & formaliter, sed moraliter & terminative, [n. 8. p. 259.](#)  
 Variae opiniones circa translationem peccati originalis in posterius, Disp. 47, [a. 1. n. 2. & seqq. p. 260. & 261.](#)  
 Non contrahitur propter translationem animae, [n. 2. p. 261.](#)  
 Neque propter conceptionem cum ardore libidinis, [n. 3.](#) Neque propter solam generationem, tanquam conditionem sine qua non, [n. 4. & s. 2. n. 3.](#)  
 Neque per virtutem seminis instrumentalem physicam, [s. 2. n. 6. & seqq. p. 261. & 262.](#)  
 Sed per hoc quod anima uniatur corpori ex corrupto semine descendente, [s. 3. n. 10. pag. 262.](#)  
 Non datur qualitas morbida seu virtus physica & instrumentalis femini superaddita, [s. 4. n. 16. p. 263.](#)  
 Semen potest dici instrumentum privativum peccati originalis, [n. 17. p. 264.](#)  
 Peccatum originale aliter in Adamo, aliter in nobis, [n. 18.](#)  
 An & quomodo peccatum Adam sit causa demeritoria respectu peccati originalis in posteris, [n. 20.](#)  
 Quomodo intelligendum illud Apostoli: omnes in Adam peccarunt; & quomodo Adam in nobis peccet? [n. 19.](#)  
 Peccatum inobedientiae in Adamo, non quia tale, sed quia primum peccatum (si transgressio legis conplere spectetur) fuit peccatum originis: adeoque potuisset aliud peccatum, si tempore praecessisset, etiam habere rationem originis, [a. 2. s. 1. n. 3. & seq. p. 265.](#)



Peccata Adæ posteriora, sicuti & Evæ, & postero-  
rum, si Adam non peccasset, humani generi ui-  
hil nocuissent. l. c. §. 1. n. 3. & seqq. p. 266.

Respondetur ad difficilem textum S. Thomæ ex  
aliorum sententia. n. 14.

Homo non ex femine virili natus non contraheret  
peccatum originale. n. 15.

Errores circa essentiam peccati originalis refutan-  
tur. Disp. 28. a. 1. n. 1. & seqq. pag. 267.

Rejiciuntur aliz sententiæ circa eandem essen-  
tiam. §. 2. 3. & 4. p. 268. 269. & 270.

Explicantur textus S. Thomæ, qui videntur pro-  
bare, essentiam peccati originalis consistere in  
positivo. §. 4. n. 15. p. 270.

Peccatum originale consistit formaliter in priva-  
tione iustitiæ originalis. a. 2. n. 2. p. 271.

Peccatum originale est idem specie infirmum in  
omnibus. n. 8. p. 272.

Peccatum originale potest accipi vel essentialiter  
vel integraliter. Disp. 29. 4. 1. n. 1. pag.

273.

Peccatum originale quoad suam essentiam sub-  
iactatur in anima: quoad proprietates & effe-  
ctus se diffundit etiam in alias potentias, im-  
mediatius tamen est in voluntate. n. 2. Ex-  
plicatur S. Thomas: & datur disparitas inter  
causas immanenter effectivas & defectivas  
quoad idem subiectum termini, & operatio-  
nis. §. 2. p. 274.

An Beatissima Virgo contraxerit debitum peccati  
originalis? V. Maria.

Mors aliique defectus corporales sunt effectus  
peccati originalis per accidens. Disp. 30. a. 1.

n. 2. p. 282.

Effectus peccati originalis in anima sunt dimi-  
nutio naturæ, & 4. vulnera in potentiis. §. 2.

n. 4.

Per peccatum originale liberum arbitrium non est  
ablatum. n. 6.

#### Percussio.

De percussione Clerici. V. Privilegium.

#### Peregrini.

Peregrini quomodo obligentur legibus? V. Lex.

#### Perfectio.

Perfectiones vitalitatis, & libertatis, etiam quæ  
tales, sunt à DEO. Tract. 6. Disp. 17. a. 3. n. 15.

p. 121.

#### Pœna.

Quid sit propriè pœna. Tract. 6. Disp. 24. 2. 1.

n. 1. p. 240.

Ad reatum pœnæ tria concurrunt. n. 3.

Reatum pœnæ esse effectum peccati actualis, est de  
fide. n. 4. p. 241.

Reatus pœnæ consistit inchoativè in intrinsecâ  
condignitate peccantis ad pœnam, quæ  
non nisi ratione ratiocinatâ distinguitur à ma-  
cula peccati: completivè tamen consistit in  
extrinsecâ denominatione seu passiva obliga-  
tione ad pœnam subeundam. n. 5.

Unum peccatum actuale potest esse pœna alterius  
per accidens. a. 2. n. 1.

Quenam ita sint connexa, ut unum peccatum  
possit esse pœna alterius? n. 3. p. 242.

Pœnas damnatorum esse æternas, est de fide. a. 3.

§. 1. n. 1. loquendo de lege DEI ordinaria.

n. 2. p. 243.

Potest aliquis per absolutam DEI potentiam à  
pœna æterna, adeoque inferno liberari, ibid.

Peccatum mortale per se & ab intrinseco inducit  
reatum pœnæ æternæ. n. 3.

Pœna inferni est tantum infinita secundum du-  
rationem, non secundum intensiorem. n. 4.

Qualis sit proportio inter peccatum, & pœnam  
æternam? n. 6.

Pœna damni est effectus peccati originalis. a. 2.

n. 1. p. 283.

Pœna quomodo supponat culpam, & qualem?  
Tract. 8. Disp. 35. a. 1. n. 7. p. 314.

Pœna alia est ferenda, alia lata sententiæ. a. 2.

n. 1. pag. 315. quibus verbis soleant exprimi?  
l. c. Item alia est positiva, alia privativa.

n. 2.

Pœna ferendæ sententiæ non obligat ante iudicii  
sententiam. V. Lex penalis.

Pœna in lege taxata à quo possit remitti, vel mi-  
nui? n. 6. p. 316.

#### Pœnitentia.

Quomodo pœnitentia ex metu gehennæ non sit  
involuntaria secundum quid? Disp. 7. a. 3.

n. 7. p. 73.

#### Pollutio.

Directè intendere, vel procurare pollutionem  
nullo casu est licitum. Tract. 6. Disp. 21. a. 7.

n. 2. p. 224. Instantia de licita depulsione for-  
tius nondum animati solvitur. n. 3.

Probabilius nunquam licet matri pro conserva-  
tione suæ vitæ torum depellere. n. 3. p. 225.

In periculo consensus sunt vitandæ etiam causæ  
honestæ pollutionis. n. 4. p. 225.

Quoties absque urgente necessitate exercetur  
actio ex natura sua turpis & mortaliter cul-  
pabilis in genere luxuriæ, in qua prævidetur  
secutura pollutio, toties peccatur mortaliter.

n. 5.

Non est peccatum ponere causam necessariam,  
vel honestam, si præter intentionem & sine pe-  
riculo consensus pollutio secutura prævidea-  
tur. n. 9.

#### Possessio.

Possessio est detentio rei corporis & animi, juris-  
que adminiculo suffulta. Tract. 5. Disp. 12.

a. 2. n. 7. p. 121.

Iusta possessio requirit bonam fidem. ibid. Posses-  
sio legitima intra materiam iustitiæ, est suffi-  
ciens ritulus deponendi conscientiam dubiam.

n. 3. p. 122. etiam pro foro externo. n. 7. 4.

Possessor dubius, quando sit obligatus abstinere  
ab usu rei possessæ? n. 10. p. 123.

Vox possessionis rectè applicatur libertati, & in-  
nocentiæ. a. 3. n. 9. p. 126.

Possidentis conditio est melior etiam extra mate-  
riam iustitiæ. n. 10. p. 126. & seqq.



## Index Alphabeticus

Regulæ cognoscendi pro quo stet possessio. n. 13. p. 127.  
 Possessio strictè accepta reperitur in rebus, quæ patiuntur dominium strictè acceptum, communiter sumpta in rebus, quæ admittunt dominium latius acceptum. n. 16. p. 127.  
 Pars, pro qua stat possessio, non est minus tuta aduersativè. n. 17. p. 128.  
 Jura loquentia de possessione, rectè extenduntur ad forum internum. n. 19.  
 Idem est allegare præsumptionem, ac possessionem innocentiz. n. 20.

### *Potentia.*

Triplex differentia potentiarum in subiectione ad voluntatem. Tr. 6. Disp. 8. a. 2. n. 2. & seqq. p. 21.

### *Potestas.*

Potestas alia æconomica & dominativa, quæ satis est ad ferendum præceptum: alia politica & jurisdictionis, quæ requiritur ad condendam legem. Tract. 2. Disp. 31. a. 1. n. 12. pag. 238.

De potestate ferendi leges Civiles & Ecclesiasticas. V. *Lex.*

Potestas ferendi leges Ecclesiasticas in Papa est immediatè à Christo. Disp. 34. a. 1. n. 12. p. 309.

Potestas ferendi leges Ecclesiasticas pro tota Ecclesia competit jure divino Concilio œcumenico. n. 13.

Sede papali vacante potest Concilium ferre leges, non tamen obligatorias, nisi à sequenti Papa vel Episcopis congregatis pro suis diocæsis approbentur. n. 14.

Episcopi habent potestatem legislativam Ecclesiasticam pro suis diocæsis immediatè à Papa, mediatè à Christo. n. 15.

Similem habent Prælati alii, jurisdictionem quasi Episcopalem sortiti. n. 17. p. 306.

Concilia non œcumenica sive Synodi minores & Cardinales, habent potestatem legislativam respectivè, quousque se eorum jurisdictione extendit, n. 18. & 20. circa Primates & Metropolitanos notabilis restrictio, ex C. *Nullus* *Primas*. IX. q. 3.

Legati & Nuntii Apostolici gaudent hac potestate respectu suarum provinciarum. l. c. n. 19.

Capitulum sede vacante habet eandem potestatem, quam habuit Episcopus. l. c. n. 21.

Abbatibus competit potestas legislativa Ecclesiastica, non Abbatissis. n. 22.

### *Præceptum.*

Præcepta humana plerumque non obligant in gravi metu. Tract. 4. Disp. 7. a. 2. n. 13. p. 74.

Præcepta naturalia negativa obligant etiam in gravi metu. n. 14.

Præcepta naturalia positiva aliquando probabiliter non obligant in gravi metu. n. 15.

Præcepta divina positiva, quandonam obligant in gravi metu. n. 16.

Præceptum potest impleri per actum externum tantum materialiter bonum, D. 9. a. 5. n. 9. p. 100.

Quid sit diversitas præceptorum ex parte rei præceptæ. Tract. 6. D. 19. a. 1. n. 7. p. 201.

Præceptum quomodo differat à lege. Tract. 8. Disp. 31. a. 1. n. 16. p. 229.

Præcepta veteris legis. V. *Lex.*

Præceptum in plebure etiam cum circumstantia honestatem operis destruentem, & intentione legislatoris menti contraria. a. 2. n. 2. p. 308.

Etiam sine expressa intentione satisfaciendi. n. 10.

Requiritur tamen ut adsit saltem voluntas in actu exercito faciendi opus quoad substantiam. n. 11.

Quæ solum in præceptis affirmativis reperitur. n. 12. Nam præcepta negativa solà omissione implentur.

Præcepti gravitas unde desumatur? V. *Lex.*

### *Præcisio.*

Præcisio divinæ causalitatis ad extra impugnatur tanquam fictitia. Tract. 6. Disp. 17. a. 1. n. 16. p. 191.

### *Prædeterminatio.*

Prædeterminatio physica exponitur. Tr. 4. D. 6. a. 2. n. 2. p. 55. asseruitur & probatur tam auctoritate, quam ratione. n. 3. & seqq.

Prædeterminationis fundamentum est essentialis & physica dependentia omnis entis creati à causa prima, & causalitas physica causæ primæ. n. 12. & 13. p. 58.

Item certitudo prædestinationis, & efficacia gratiæ. n. 14.

Prædeterminatio se habet per modum qualitatis fluentis. 17.

Ejus doctrina Thomistica toto cœlo differt à Calvinismo. n. 18.

Non obstat divinis exhortationibus. n. 23. p. 61.

Nec est causa desperationis. n. 29. Est causaliter voluntaria. n. 30.

Prædeterminatio concordat cum libertate, eamque non tollit, sed causat. a. 3. n. 2. p. 64.

Tollit indifferentiam potentialem, non actualem. n. 14. p. 66.

Prædeterminatio non pertinet ad actum primum. a. 4. n. 10.

### *Præsumptio.*

Præsumptio alia juris, alia facti. Tr. 8. Disp. 35. a. 3. n. 10. p. 318.

De lege in præsumptione fundata. V. *Lex.*

### *Princeps.*

Princeps quomodo teneatur legibus? V. *Lex.*

### *Prioritas.*

Prioritas dignitatis & universalitatis non salvant dependentiam causæ secundæ à prima. Tract. 4.

Disp. 6. a. 2. n. 12. p. 18.

### *Privatio.*

Positiva tendentia in objectum prohibitum non fundat privationem peccati. Tr. 6. D. 17. a. 3. n. 3. p. 190. Privatio debet rectitudinis in actu peccati ideo pro accidens causatur, quia sequitur præter intentionem operantis. n. 14.

Privatio gratiæ sanctificantis sub diverso respectu potest esse culpa & poena. Tract. 6. Disp. 23. a. 2. n. 7. p. 239.

*Privi-*

*Privilegium.*

Privilegii definitio. Tract. 8. Disp. 37. a. 1. n. 1.  
p. 340.

Quomodo privilegium differat à lege, gratia, & beneficio principis, dispensatione, & rescripto? n. 3. 6. & 7. p. 340. & 341.

Privilegii effectus alius directus, alius indirectus. n. 11. p. 341.

Qualis publicatio & acceptatio ad privilegium requiratur, tam ex parte privilegiati, quam aliorum. n. 12. & 13.

Quando ad valorem privilegii requiratur iusta causa. n. 14.

Quando requiratur clausula expresse derogans juri communi. l. c. n. 15. & seqq.

Ad valorem privilegii per se non requiritur scriptura: excipiuntur aliqui casus. n. 19. p. 342.

Privilegium aliud reale, aliud personale. n. 2. n. 1.  
In dubio, unde agnoscendum sitne reale vel personale? n. 2. & seqq.

Privilegium aliud contra, aliud ultra, aliud præter tempus. n. 7.

Dividitur etiam in gratiosum & remuneratorium: purum & conventionale: affirmativum & negativum: perpetuum & temporale: commune & singulare: favorabile & odiosum: scriptum & non scriptum: pro foro conscientie tantum, & pro foro externo. n. 8. & seqq. p. 343. & 344.

Explicantur quædam clausulæ privilegiorum. n. 16.

Convenientia inter legem & privilegium quoad interpretationem. a. 3. n. 1. p. 345.

Superiores Ordinum quomodo habeant potestatem interpretandi sua privilegia? n. 2. p. 345.

Quænam privilegia sint latè vel strictè interpretanda: §. 3. n. 3. & seqq.

Inferuntur corollaria. n. 11. & seqq.

Privilegium non extenditur nisi ad casus & personas formaliter aut virtualiter in eo expressos. a. 4. n. 1. p. 347.

Sola similitudo, paritas aut majoritas rationis ad extensionem privilegii non sufficit. n. 2. p. 348.

Communicatio privilegiorum tripliciter fieri potest. §. 2. n. 4. quænam communicentur? n. 5. & seqq. Effectus communicationis. n. 8.

Omnes Ordines tam mendicantium quam non mendicantium communicant in privilegiis. §. 3. n. 9. probabiliter etiam in concedendis. n. 10. p. 349.

Privilegia uni loco concessa, extenduntur etiam ad totum Ordinem, &c. nisi sit specialis ratio concedendi. n. 13.

Inferuntur corollaria. §. 4. n. 14. & seqq.

Solus legislator privilegium dare potest. a. 5. n. 1. p. 350.

Privilegium dispensativum legis tantum conferitur subditis: purè favorabile etiam non subditis. n. 2.

Quinam priventur privilegiis Religionis seu Ordinis alicujus? n. 3. p. 351.

Quando quis possit uti privilegio concessio extra territorium concedentis. n. 4.

An & quando liceat uti privilegio adversus alium privilegiatum? n. 8.

*R. P. Mezg. Theol. Schol. Tom. II.*

Regulæ pro concursu duorum privilegiorum inæqualium, & oppositorum. n. 2.

Quomodo intelligendum: Privilegiatus non gaudet privilegio contra alium paniter privilegiatum? n. 10.

Quando privilegiatus, de non jejunando, à Papa, non teneatur jejunio diocesano? n. 11. pag. 352.

Privilegium absolutè concessum non finitur unico actu in materia favorabili; tamen in odiosa. Disp. 38. a. 1. n. 2. p. 352.

Privilegium conditionatum, cessante conditione, cessat, quæ conditio tripliciter se habere potest. n. 4. p. 353.

Quando privilegium cesset ex defectu causæ finalis principaliter moventis: & quando hæc existere debeat? §. 2. n. 5. & seqq.

Privilegium ex causa & in materia dividua, quæ non tota existit tempore concessionis, illà cessante regulariter cessat, vel suspenditur. l. c. n. 2.

Privilegium, seu gratia, aliud factum, aliud faciendum: illud est completum, hoc incompletum. Item aliud concernens solum privilegiatum; aliud quod concernit favorem tertii. a. 2. n. 1. p. 354.

Quando censetur esse gratia facta vel facienda. n. 2. 3. & 4.

Privilegium seu gratia jam facta non expirat morte concedentis, etiam re integra: bene tamen gratia facienda. n. 5.

Probabile est, privilegium datum alicui ad causandum effectum in alio esse gratiam factam, saltem in his quæ concernunt forum poenitentiale. n. 6. p. 355.

Verba directè alloquentia privilegiatum tribuunt gratiam factam. n. 7.

Non requiritur acceptatio privilegiati, ut censetur gratia facta. n. 8.

Quid dicendum de clausula ad beneplacitum meum? n. 9.

Privilegia expirant etiam cum jurisdictione concedentis, sicut expirant cum morte ipsius. n. 10.

Privilegium concessum ad certum tempus non expirat, si prius concedens moriatur. l. c. n. 11.

Privilegia in triplici sunt differentia: alia merè gratuita: alia onerosa: alia remuneratoria. n. 2.

Privilegium merè gratuitum sine translatione juris vel domini potest sine causa validè, sed non licitè revocari. §. 2. n. 12. cum translatione nec validè. n. 13.

Privilegium onerosum vel remunerativum probabiliter validè revocari non potest. n. 14.

In illo tenetur revocans compensationem: in hoc teneri & non teneri, utrumque probabile est: posterius approbat praxis Romana. l. c. & pag. 356. V. Dispensatio.

Inferior habens potestatem dispensandi in lege superioris, non potest dispensationem validè sine iusta causa revocare. n. 16.

Superior non potest validè sine iusta causa revocare privilegium ab inferiori absolutè concessum. n. 17.

## Index Alphabeticus

Revocatio privilegii alia tacita, alia expressa: & hæc vel generalis, vel specialis. n. 18.  
 Quænam privilegii non revocentur per clausulam generalem? n. 19.  
 Ut revocatio privilegii sortiatur effectum, requiritur competens publicatio. n. 20.  
 Renuntiatio privilegii propriè, est voluntaria cessio & abdicatio juris ad utendum privilegio. Estque alia tacita, alia expressa. a. 3. n. 1. pag. 357.  
 Per renuntiationem potest amitti privilegium in solius privilegiati favorem concessum. n. 2.  
 Si verò in plurium favorem concessum est, ab una particulari persona nequit renunciari. n. 3.  
 Ut actus amittatur privilegium, requiritur acceptatio concedentis. n. 4.  
 Ut amittatur privilegium odiosum cedens in præjudicium Tertii, requiritur istius acceptatio. n. 5.  
 Privilegium, quod in nullius præjudicium cedit, non amittitur per non usum. §. 2. n. 6.  
 Privilegium cedens in alterius gravamen, amittitur per non usum, si hic legitime præscribat. n. 7.  
 Privilegia negativa nullum gravantia, non perduntur per actum contrarium. n. 8.  
 Ad legitimam præscriptionem contra privilegium, habens tractum successivum temporis, sufficit unus actus contrarius non retractatus. n. 9.  
 Ufu contrario labefactatur privilegium habens tractum temporis successivum, tantum quoad illum actum contrarium. n. 10. p. 358.  
 Abusus privilegii potest tripliciter fieri: nimirum extendendo, occasionem delinquendi inde sumendo, non utendo ad finem debitum; vel finem alium illi contrarium. n. 11.  
 Quando his tribus casibus privilegium amittatur? n. 12. 13. & 14.  
 Privilegium Clericorum præcipue duplex; canonicis & fori. Disp. 39. a. 1. n. 9. p. 359.  
 Privilegium canonicis est juris humani. l. c. Immunitas Ecclesiastica competens Clericis quoad jurisdictionem & onera laicalia, est secundum se & in genere juris divini. a. 2. §. 2. n. 1. & seqq. p. 360. & 361.  
 Quoad applicationem tamen ad certa individua, est juris positivè humani. n. 17. p. 362.  
 Solvantur objectiones, ubi de appellatione S. Pauli ad Cæsarem. §. 3.  
 Privilegium fori acquiritur per Ordinationem, (etiam primam tonsuram) & per collationem habitus Religiosi. a. 7. n. 1. p. 163.  
 Ordinatio valida, etsi illicita, tribuit privilegia clericalia. n. 2. & seqq. p. 364.  
 Novitii & Moniales gaudent privilegiis clericalibus. l. c. n. 6.  
 Tonsurati & Minoritæ ut gaudeant privilegiis clericalibus, requiruntur 13. anni completi. Item ut beneficium Ecclesiasticum habeant, vel portantes habitum & tonsuram alicuius Ecclesiæ deserviant, &c. atque hæc tria, habitus, tonsura, & servitium collectivè requiruntur. n. 7. & 8.  
 Hæ conditiones non concernunt Religiosos & Novitios. n. 9.  
 Servitium Ecclesiæ debet esse spirituale. n. 11.

Contra has condiciones potest præscribi. n. 13. p. 365.  
 Immunitas Ecclesiastica formaliter non potest tolli constitutione Pontificis, vel contrariâ consuetudine. n. 16. bene tamen materialiter. l. c. n. 17.  
 Clericus non potest renunciare privilegio fori. n. 18.  
 Qualis depositio habitus perdat privilegium fori? n. 19.  
 Ut ex defectu trium illarum conditionum Clericus perdat privilegium fori, non prærequiritur trina admonitio. n. 20. bene tamen sententia declaratoria iudicis Ecclesiastici. n. 21.  
 Quid sit privilegium canonicis. a. 4. n. 1. p. 366.  
 Ut quis gaudeat privilegio canonicis, requiruntur tres condiciones suprà positæ. n. 2.  
 Hoc privilegio gaudent Clerici etiam censurati & criminosi. Excipiuntur tamen aliqui casus. n. 3.  
 Etiam conjugati cum unica virgine, habentes tres supradictos condiciones. n. 4. p. 357.  
 Gaudent omnes Religiosi, gaudentes privilegio fori. n. 5.  
 Etiam Religiosi apostatæ, & ejectionis cap. de apostasia tantum de Clericis loquitur. n. 6.  
 Quisnam intelligantur sub nomine percutientis? §. 2. n. 7.  
 De revocatione mandati & consilii. n. 8.  
 Qualis requiratur actio, ut incutatur poena canonis? n. 10. & seqq.  
 Quænam causæ exculant à censura canonis. n. 13.  
 Quisnam ab hac censura absolvere possit? n. 15. & seqq. p. 368.  
 De privilegiis Religiosorum. V. *Religiosi. Professio.*  
*Probabilitas.*  
 Opinio probabilis est, quæ citra certitudinem rationabilis fundamentum nititur. Tract. 5. Disp. 14. a. 1. n. 3. 4. & c. p. 139.  
 Dantur diverſi gradus probabilitatis. n. 7. p. 140.  
 Aliud est probabile quoad nos, aliud quoad se. n. 9.  
 Alia probabilitas directa, alia indirecta. n. 10.  
 Loci intrinsecæ probabilitatis declarantur. a. 2. n. 1. p. 141.  
 Argumentum à pari improbat, & inutil: ad conciliandam probabilitatem esse ostenditur. n. 2.  
 In materia nondum ventilata potest unius Doctoris autoritas conferre extrinsecam probabilitatem. n. 7.  
 Item pro homine indocto. n. 8. pag. 142.  
 Non verò pro omni casu & contra Communionem aliorum. n. 9. & 10. p. 143.  
 Pœniteutes ordinariè possunt acquiescere consilio Confessarii. n. 11.  
 Fundamenta negantium, cum probabilitate consistere certitudinem de honestate actionis, referuntur, & refelluntur. a. 3. à n. 2. p. 144.  
 Potest formari recta & certa conscientia ex iudicio probabili. n. 6. & seqq.  
 Opinionis tantum probabiliter probabilis usus non est licitus. n. 13. p. 146.

Neque



## Rerum & Verborum.

Neq; sufficit quantumcunque tenuis gradus probabilitatis. n. 14.  
 Operans ex opinione probabili tantum habet formidinem ex parte iudicii remoti, & speculativi. n. 15. p. 147.  
 Iudicio opinativo accedit nova ratio persuadens operationem esse licitam. n. 16.  
 Probabilitas regulata per prudentiam est regula remota humanæ operationis. n. 17.  
 Qui errat in sequela sententiæ probabilis, habet invincibilem ignorantiam. n. 18.  
 Potest eligi opinio probabilis in concursu æque, vel magis probabilis. a. 4. n. 1. p. 130.  
 Quid intelligatur nomine sententiæ magis tutæ? a. 5. n. 1.  
 Cum opinionibus contrariæ versantur circa valorem rei, & quæstionem facti, tenemur sequi partem tutiorem. n. 3. cum verò est quæstio de honestate actionis, prudenter & licite sequimur sententiam verè probabilem, etiam in concursu probabilioris & tutioris. a. 5. n. 4. & seqq. pag. 152. & seqq.  
 Major probabilitas alterius, non tollit oppositæ sententiæ probabilitatem. n. 2. p. 154.  
 Omnis sententia vetè probabilis in aliquo sensu est æqualiter tuta. n. 18. p. 156.  
 In praxi semper sequimur probabiliorē. n. 19.  
 In conscientia probabili formido & incertitudo se tantum tenet ex parte iudicii speculativi. a. 6. n. 2. neque in illa est periculum peccati formalis. n. 4. p. 157. 158.  
 Nemo potest sequi sententiam, quam putat erroneam, in iudicio proximo, & in sensu compositio ipsius, bene autem in sensu diviso. n. 2.  
 An in materia fidei liceat sequi sententiam solum probabilem? n. 7. p. 158.  
 Probabilitas non adversatur legi charitatis, nec DEUS offenditur per materiale legis transgressionem. n. 8. 9.  
 Auctoritates sacræ Scripturæ, SS. PP. & SS. canonum contra usum sententiæ probabilis ineffaciter allegantur. a. 7. & n. 1. p. 160.  
 Probabilitas defensiva plurimum distat ab opinabilitate academica, quàm S. Augustinus impugnat. n. 14.  
 Sequela probabilitatis non est contra, sed juxta mentem D. Thomæ, & Antiquiorum Thomistarum. a. 8. & n. 1. p. 163. & seqq.  
 Sententia benigna probabilitatis etiam juxta Adversariorum principia est secuta in praxi. n. 10. p. 166. & licita in articulo mortis. n. 11. & est à Spiritu S. n. 12.  
 Etiam contra propriam sententiam licet sequi oppositam probabilem. a. 9. n. 1. pag. 167.  
 Non ideo stant in eodem intellectu duo judicia contradictoria. n. 2. p. 168.  
 Datur licite consilium secundum alienam sententiam probabilem. n. 3. & seqq.  
 Pœnitenti contrariam sententiam probabilem tenenti non potest denegari absolutio. n. 7.  
 Iudex licite sequitur alienam sententiam, quæ ipsi æquior apparet. n. 8. p. 169.  
 Professio religiosa.

culpam & pœnam. Tract. 8. Disp. 32. a. 1. n. 1. p. 369.  
 Elogia Patrum de Professione Religiosa. n. 2.  
 In Professione Religiosa, eiusque renovatione datur plenaria indulgentia. n. 3. & 4.  
 Per illam tolluntur omnia vora prius emissæ. n. 5.  
 Tollit maculas legales ex actibus civilibus ortas, Item ingratitudinis. n. 6. p. 370.  
 Sola irregularitas ad Ordines suscipiendos tollitur per Professionem. Imò etiam per habitus susceptionem. n. 7. & 8.  
 Professio religiosa dissolvit matrimonium ratum quoad vinculum, idque jure divino. n. 9.  
 Absolvit Religiosum à patria potestate. n. 10.

### Promulgatio.

Promulgatio legis dupliciter accipitur, activè & passivè. Tract. 8. Disp. 31. a. 2. n. 2. pag. 189.  
 Non est mera applicatio legis adzquate sumptæ. 5. 2. n. 6. p. 290.  
 Promulgatio legis debet esse solemnis & publica. a. 3. n. 3. p. 309.  
 Non debet necessariò fieri per scripturam. n. 4.  
 Divisio in legem scriptam & non scriptam fit per hoc, quod frequentius, non quod necessariò fit. l. c.  
 Promulgatio legis Imperialis ut obliget, debet fieri in singulis Provinciis Imperio subiectis, neque obligat ante duos menses à facta promulgatione; per se sufficit promulgationem fieri in metropoli. n. 7. & 8.  
 Ad leges Episcopales satis est, ut in Ecclesia Matrice promulgentur. n. 9. p. 310.  
 Constitutiones Pontificiæ Romæ promulgatz statim habent vim obligandi totam Ecclesiam. n. 10.  
 Per privilegium vel consuetudinem fieri potest, ut leges Pontificæ absque promulgatione in provinciis non obligent. n. 12. p. 311.  
 Quando lex nullum tempus pro obligatione determinat, requiritur lapsus duorum mensium. n. 13.  
 Solvuntur argumenta contraria & ostenditur disparitas inter taxationem temporis & promulgationem in singulis provinciis. n. 14.  
 Bullæ Pontificiæ condemnantes sententias aliquas ut temerarias &c. statim obligant. n. 15. p. 312.

### Propositum.

Propositum committendi omnia venialia est peccatum mortale. Tract. 8. Disp. 35. a. 4. n. 3. p. 320.

### Prudentia.

Dictamen morale Prudentiæ tunc solum habet rationem conscientiæ, quando præscribit agenda, vel omitenda. Tract. 5. Disp. 10. a. 1. n. 9. p. 107.

### Pueri.

Pueri à teneantur legibus. V. Lex.

## R.

### Ratio.

Ratio dividitur in superiorem, quæ procedit per rationes æternas, & inferiorem, quæ procedit per



## Index Alphabeticus

per rationes humanas & temporales. Tract. 6.  
Disp. 21. n. 3. n. 2. p. 216.

*Reatus.*

Reatus alius culpæ, alius pœnæ. Tract. 6. Disp. 24.  
a. 1. n. 2. p. 240.

*Restitudo.*

Restitudo moralis est debita inesse aâui, debito  
 morali, non naturali. Tr. 6. Disp. 17. a. 1. n. 7.  
p. 183.

*Regula.*

Datur duplex Regula humanorum aâuum, re-  
 mota & proxima, quarum illa est lex Dei æter-  
 na, ista est propria conscientia. Disp. 2. a. 1.  
n. 22. p. 92.

Plurimæ Constitutiones & Regulæ SS. Religio-  
 num & Ordinum Regularium non obligant in  
 conscientia ad aâum : quia aliquæ sunt tan-  
 tum pœnales, aliquæ verò tantum se habent  
 per modum simplicis statuti, & regulæ diri-  
 gentis. Tract. 8. Disp. 35. a. 1. n. 9. p. 314.

Regula S. Benedicti extra materiam votorum non  
 obligat ad aâum, sed in pluribus habet ratio-  
 nem legis pœnalis, vel simplicis statuti, ibid.  
p. 315. nisi directè vel indirectè opponatur ali-  
 cui voto. n. 10.

*Regulares, Religiosi.*

Regulares an & quomodo teneantur legibus civi-  
 libus? V. *Lex*

De Privilegiis Regularium & Religiosorum. V.  
*Privilegium, Status, Professio, Benedictini.*

Religiosi gaudent privilegiis minorennum, nobi-  
 liliū, piarum causarum. Tract. 8. Disp. 39.  
a. 5. n. 11.

*Relatio.*

Relativæ subsistentiæ intrinsicè pertinent ad con-  
 stitutionem objecti beatifici. Tract. 4. Disp. 3.  
a. 1. n. 3. p. 18.

*Resistentia.*

Regula ad dignoscendum, quanta sit adhibenda  
 resistentia, ut aâus intentatus violentus habeat-  
 ur. Tr. 4. D. 7. a. 1. n. 14. p. 72.

Resistentia contra pravos motus concupiscentiæ  
 alia est efficax, alia inefficax. Tr. 6. Disp. 21.  
a. 6. n. 2. p. 221.

Varie causæ omittendi resistentiam. n. 3.

In periculo consensus requiritur efficax resistentia.  
n. 4. p. 222.

Omissio resistentiæ ex complacentia moruum sem-  
 per est culpabilis. n. 5.

Abque periculo consensus non est obligatio po-  
 nendi impedimenta difficilia & extraordinaria.  
n. 6.

Ex causa rationabili possunt permitti motus im-  
 perii sine periculo consensus. n. 7.

Est peccatum mortale omittere omnem etiam sim-  
 plicem displicentiam pravorum moruum. n. 8.

Probabilius sola simplex displicentia non excusat  
 à gravi peccato. n. 11. p. 223. quamvis etiam op-  
 posita sententia sit probabilis. n. 13.

*Roboam.*

Roboam sequendo consilium juvenum non est se-  
 cutus sententiam probabilem. Tr. 5. D. 14. a. 7.  
n. 7. p. 161.

## S.

*Sacerdos.*

Sacerdos in statu peccati plures pœnitentes absol-  
 vens committit plura numero peccata. Tr. 6.  
Disp. 19. a. 2. n. 10. p. 241. non tamen plures  
 hostias consecrans, aut dilpensans. n. 11.

*Saul.*

Saul pariendo Regi Amalec non est secutus sen-  
 tentiam probabilem. Tr. 5. Disp. 14. a. 7.  
n. 6. p. 161.

*Scrupulus, Scrupulosus.*

Quis discursus sufficiat scrupuloso ad deponen-  
 dum scrupulum. Tr. 5. D. 12. a. 1. n. 9. p. 121.  
 Scrupulus est suspicio orta ex levi fundamento,  
 quâ cum animi anxietate timetur, vel creditur  
 alicui subesse peccatum, ubi nullum subest.  
Tr. 5. Disp. 13. a. 1. n. 1. p. 132. Quomodo  
 differat à dubio, à conscientia & fide. n. 2. & 3.

Potest scrupulus consistere cum conscientia certa  
 & probabili. n. 4. p. 133.

Est tam de præteritis, quàm futuris. n. 5.

Indicia, è quibus scrupulosus agnoscitur, expo-  
 nuntur. n. 6.

Radices scrupulorum aliz sunt intrinsicæ, aliz  
 extrinsecæ. n. 7. p. 133. quænam sint intrinsicæ  
 ex parte animæ? ibidem. & ex parte corporis.  
n. 8.

Causæ scrupulorum extrinsecæ enumerantur. n. 9.

Primum remedium scrupulorum oratio. a. 2. n. 1.

Primum remedium scrupulorum oratio. a. 2. n. 1.  
p. 134. Alterum, obsequi prudentum consiliis.

n. 2. Tertium, rejicere scrupulum in primis  
 initiis. n. 3. Quartum, credere, quod debeat  
 contra scrupulum sequi sententiam minùs tu-  
 tam, vel probabilem. n. 4. Quintum, In dubio  
 an aliquid sit scrupulus, vel dubium, præsume-  
 re, quod tantum sit scrupulus. n. 5. Sextum, me-  
 ditatio objectorum consolationem afferentium.  
n. 6. Septimum, cogitare, quid ipsemet aliis in  
 simili suaderet? n. 7.

Quænam sint observanda à confessorio scrupuloso?  
n. 8.

Remedia pro anxii, an peccata fuerint ritè con-  
 fessi? n. 9. p. 135.

Remedia pro anxii de recitatione Horar. Canon.  
&c. n. 11.

Sentiendum de Domino in bonitate. n. 12.

Remedia pro anxii de consensu dato in tentatio-  
 ne. n. 2.

*Sensualitas.*

Nomine sensualitatis intelligitur vis appetitiva  
 naturæ sensitivæ. Tr. 6. D. 21. a. 2. n. 2. p. 212.

Sensualitas tantum potest esse subiectum peccati  
 venialis, non mortalis. n. 2. 2. 3. p. 215.

*Sensus compositus.*

Sensus compositi & divisi genuina explicatio.  
 juxta mentem & doctrinam Thomistarum. Tr. 4.

Disp. 6. a. 4. n. 2. p. 66.

Negatio sensus compositi non tollit similitudinem  
 potentiz, sed potentiam similitatis. n. 3. p. 67.

*Somnus.*

Somnus conjunctus omissioni culpabili aliquando  
 non

## Rerum & Verborum.

non est peccatum, Tr. 6. Disp. 18. a. 1. n. 10. p. 197.

### Species.

Quomodo species salvari debeat in individuo? Disp. 2. a. 3. n. 3. p. 96.

### Sponsus.

Sponsus admittens carnalem delectationem ex imaginatione copulæ conjugalis cum legitima sponsa peccat mortaliter, Tr. 6. D. 21. a. 4. n. 16. p. 219. non tamen peccat, si rationali delectatione gaudeat de actu matrimoniali sub formali ratione futuri, n. 17.

### Status.

Status est quidam permanens vivendi modus humane naturæ accommodatus, Tr. 8. D. 39. a. 1. n. 1. p. 358.

Status Christianorum, qui per baptismum ingressi sunt in Ecclesiam, alius laicalis, inter secularia negotia viventium: alius Ecclesiasticus, ad specialis Dei servitium per Ministrum Ecclesiasticum destinatorum, quæ destinatio fit vel per ordinationem, & habetur status clericalis: vel per deputationem, & est status Religiosorum, n. 2. V. *Eremita. Ordo Militaris.*

Quales Eremitæ pertineant ad statum Monachorum? n. 5. p. 359.

Ad statum Ecclesiasticum pertinent Moniales, Ordines militares, Eremitæ aliqui, Oblati, Novitii in favorabilibus, Tertiarii. a. 1. n. 5. 6. & 7.

Status Ecclesiasticus habet originem ab ipso Christo, s. 2. n. 8.

### Subditus.

Subditus ad extra suum Territorium illis legibus tenetur, V. *Lex.*

## T.

### Tertiarii.

Tertiarii S. Francisci sunt personæ Ecclesiasticæ, Tr. 2. Disp. 19. a. 1. n. 6. p. 359.

### Testamentum.

Testamentum divinum universum est divina promissio & pactum, quo humana communitas sub certis legibus & ritibus congregatur, Tract. 2. Disp. 33. a. 1. n. 1. p. 297.

Aliud vetus, aliud novum, ibid.

Vetus Testamentum quid contineat? 1. c. Ejus initium à tempore Abrahami: perfectionem accepit, quando Moyses populo volumen foderis legit, p. 297. & 298.

Novum Testamentum quid contineat? virtualiter fuit inchoatum post lapsum Adam; perfectum in morte Christi, n. 2. p. 298. V. *Lex*

### Tributa.

De legibus tributorum, V. *Lex.*

### Trinitas.

Trinitas personarum pertinet intrinsece ad obiectum beatificum, Tract. 4. Disp. 3. a. 1. n. 3. seqq. p. 18.

## V.

### Vagi.

Vagi quomodo teneantur legibus, V. *Lex. Dispensatio.*

### Vestigal.

De legibus vestigalium, V. *Lex.*

### Veniale peccatum.

Venialiter peccans inhæret bono temporali, non ut fruens, sed utens, Tr. 4. Disp. 2. a. 3. n. 9. p. 14.

Veniale peccatum non recte dicitur fieri propter DEUM, n. 8. V. *Peccator.*

Quo sensu veniale peccatum non sit contra Deum? n. 10. V. *Peccator.*

### Violentum.

Violentum est à principio extrinseco, passio renitente, Tr. 4. Disp. 7. a. 1. n. 1. p. 70.

Datur violentia in actibus imperatis, n. 3. non in elicitis, n. 4.

Violentia causat involuntarium simpliciter, n. 10. p. 71.

Vis illata ad extorquendum aliquid illicitum non est moraliter violentia, si non adhibeatur debita resistencia, n. 11. p. 72.

### Virginitas.

Virginicatis aureola quam habet requisita? Disp. 4. a. 5. n. 17. p. 38.

### Virtus.

Quomodo virtus sit in medio? Tr. 6. Disp. 15. a. 1. n. 2. p. 174.

Virtutes infusæ sunt perfectiones naturæ, a. 2. n. 6. p. 177.

### Visio.

In sola visione divinæ essentia adæquate consistit beatitudo formalis, Disp. 1. a. 1. n. 2. p. 24.

Visio assequitur DEUM in ratione summi Boni, ib. n. 18. Est perfectissima operatio, n. 19. p. 26.

Visio beatifica ab intrinseco excludit omne peccatum tam mortale, quam veniale, tam actuale, quam habituale, Disp. 4. a. 2. n. 6. 7. 8. non tantum causaliter, sed etiam formaliter, n. 9. tametsi sit visio transiens, n. 10.

Excludit etiam proximam potentiam peccandi, n. 12. p. 30. & 31.

Modus oppositiones inter visionem & peccatum exponitur, n. 14. pag. 31.

Visionis beatificæ intrinseca inamissibilitas ex ejus virtute satiatiæ & judicativæ deducitur, a. 3. n. 23. p. 33.

Visionis perpetuæ & non perpetuæ differentia, n. 4.

Visioni tantum repugnat anxietas circa partem essentialem beatitudinis, n. 5.

Debet ratione sui ab intrinseco satiare appetitum, n. 6.

De Essentia Visionis beatificæ, quæ talis, est, ut representet, & judicet se duraturam in æternum, n. 10. p. 34.

Visio divinæ essentia est contingenter beatifica, n. 12.

Visio

## Index Alphabeticus Rerum & Verborum.

**V**iso beatifica est intrinsecè indestructibilis in sensu reduplicativo, non in specificativo.

Visionis iudicium virtuale est infalsificabile, n. 11.  
**DEUS** tenetur necessitate consequente visionem beatificam conservare in æternum, n. 16.

Viso beatifica necessariò videt aliquam creaturam in divina essentia, n. 17. V. *Beatitudo, Candium, Amor.*

### Vitium.

Vitium dictum à vitiando, vel vitoperando, Tr. 6. Disp. 15. a. 1. in præmio, p. 173.

Vitium opponitur virtuti propriè dictà contrarietate, n. 1. p. 174.

Vitium indirectè contrariatur virtuti infusæ, n. 6. 7.

Vitium est contra naturam hominis ut homo est, a. 2. n. 2. p. 176. Etiam cum opponitur virtuti infusæ, n. 3.

Ut aliqua vitia sint contra naturam, non requiritur innata aversio, n. 7. p. 177.

Actus vitiosus potest cum virtute consistere in statu imperfecto, n. 14. p. 178.

### Unio hypostatica.

Unio hypostatica Christum non beatificat, Disp. 3. a. 2. n. 15. p. 22.

### Voluntarium.

Voluntarium quomodo accipiat, Tr. 4. D. 5. a. 1. n. 1. p. 41.

Definitur, quòd est à principio intrinseco cum cognitione finis, n. 2.

Motus naturales cognitionis expertes, & primò primi non sunt voluntarii, n. 3. 4.

Voluntarium perfectum etiam datur in actibus necessariis, n. 5.

Voluntarium imperfectum causatur ab imperfecta cognitione, n. 7.

Voluntarii variae divisiones, n. 8. & seqq.

Voluntarium indirectum sine omni actu dari potest, a. 2. n. 17. pag. 45. V. *Omissio, Voluntas.*

Voluntas per puram omissionem mutat ultimum finem negativè, & interpretativè, ipsaque mutatur theologicè, Tract. 4. Disp. 5. n. 26. p. 47.

Voluntas per puram omissionem moraliter transit ab actu primo ad actum secundum, n. 28. & habet se humano modo.

Voluntas præmota ad amorem est æquè potens ad odium, quàm ad amorem, Disp. 6. a. 4. n. 2. p. 68.

Non omne voluntarium positivè procedit à voluntate, n. 29. p. 48. V. *Libertas.*

Voluntarium in causa non ideo dicitur, quòd tota ratio voluntarii absolvetur in causa, sed quia à causa derivatur in effectum, Disp. 12. a. 2. n. 10. p. 199.

Quomodo voluntarium habeat esse à principio intrinseco cum cognitione? Tract. 7. Disp. 26. a. 2. n. 10. p. 260.

### Voluntas.

Voluntas non potest appetere malum sub ratione mali, Tract. 4. Disp. 8. a. 1. n. 1. p. 79.

Non datur in voluntate affectus neuter, n. 2.

Voluntas movetur ab intellectu in genere causæ finalis, & formalis extrinsecè, n. 3.

Appetitus sensitivus indirectè influat in voluntatem, n. 5. p. 80.

Implicat voluntatem ferri in incognitum, n. 7.

Voluntas executivè & variè movet potentias sibi subiectas, a. 2. n. 1. & seqq. pag. 81. imò & seipsam, n. 8. pag. 82. Influxus voluntatis in alias potentias non est ab ipsius actibus distinctus, n. 10.

Voluntas non potest physicè moveri à principio creato, a. 3. n. 2. p. 82. movetur à DEO physicè ad primum actum, n. 3. 4. concursu non tantum generali, sed etiam speciali, n. 5. p. 83.

Primus voluntatis actus semper est bonus, n. 6.

Volitionis primæ obiectum est bonum ut sic, n. 7. V. *Actus voluntatis.*

Voluntas non potest ex duobus bonis æqualiter propositis alterutrum eligere; aut è duobus bonis minus bonum, Disp. 8. a. 5. n. 2. & seqq. pag. 85. absque præiudicio suæ libertatis, n. 4. 5.

Voluntas necessitatur ad eligendum medium unitè necessarium ad finem efficaciter intentum, a. 6. n. 2. p. 87. quæ necessitas non impedit libertatem meritoriam, n. 4.

Voluntas etià absolute non possit necessitari à bono creato; bene tamen ex suppositione connexionis cum altero bono efficaciter intento, n. 5. p. 87.

Voluntas humana licetè dissentit à voluntate Divina in voluto materiali, non autem formali, Disp. 9. a. 2. p. 104.

Voluntas Divina aliquando eligit media minus bona materialiter, & ex parte rei volente, non formaliter & ex motivo volendi, Disp. 8. a. 5. n. 8. p. 86.

Voluntas est subiectum omnium peccatorum, quoad rationem voluntarii, Tract. 6. Disp. 21. a. 1. n. 1. p. 210. & quoad rationem malitiae, n. 3.

### Votum.

Vota ex metu facta non sunt irrita defectu voluntarii, Tract. 4. Disp. 7. a. 2. n. 8. p. 72.

### Ufus.

Ufus est actus quo voluntas applicat & movet subiectas potentias ad executionem mediorum, Disp. 8. a. 4. n. 9. p. 84.

# F I N I S.



Errata Tomi Secundi sic corrigenda.

Ex Tra&. De Actibus Humanis.

ERRATA. CORRIGE.

Pag. N. Lin.

Pag.	N.	Lin.	prol. a to.	ter.
1	2	7.	electivē, electiva.	elicitivē, elicitiva.
3	1	1	Questio.	Questione.
4	10	2	transcensum, ad extra.	transcensum ad extra
5	10	14	voluntas eius.	voluntatis eius.
12	1	1	formalem.	finalem.
13	3	3	habet.	habent.
11	11	11	amore affectum.	amore affectivo.
6	1	7	& alius.	& alium.
8	18	15	formale quod.	formale quo.
10	16	ult.	n. 3. 5. 6.	n. 10. 3. 4.
12	3	9	præmotz.	peccaminosæ.
6	17	1	in partem.	in potestatem.
7	7	1	diligunt.	diligit.
17	17	17	impetratum, tunc.	impetratum) tunc.
8	8	3	finis ultimus formalis.	finis ultimus deter-
			minatus. sed formalis &c.	
10	10	10	est.	&c.
16	16	16	arquet.	arqui.
13	11	6	22.	2. 2.
14	7	7	moralis.	moraliter.
14	3	17	amissuram.	amissurum.
18	18	18	amat.	amat.
17	col. 1.	9	finis in communi.	finis: sed à DEO mo-
			vetur ad volitionem finis in communi:	
18	Summar.	3	substantiz.	substantiæ.
19	col. 1.	1	cum Divinz essentiz	cum Divina essentia.
n. 6.	23	23	R. neg. majorem :	R. neg. majorem
			Probationis :	
20	8	26	seq. 3.	seq. 2.
21	8	38	tam.	quam
9	10	10	quomodo.	hoc modo.
22	14	10	Præmium, ut quod.	Præmium ut quo.
13	13	13	ut quo.	ut quod.
24	6	6	non obtrinet.	obtrinet.
25	Tit.	1	objectivæ.	objectæ.
n. 16.	4	4	adæquaræ.	adæquaræ.
26	col. 2.	26	prosecutionem.	possessionem.
39	39	39	alias modus.	alias movens.
46. 66. 69.	46. 66. 69.	46. 66. 69.	qui denotatur.	qui denominatur.
61. 66. 69.	61. 66. 69.	61. 66. 69.	specialiter.	simpliciter.
27	col. 1.	16	denotationes.	denominaciones.
n. 21.	13	13	non intuitam, sed	non intuitivam, sed
			abstractam.	abstractivam.
28	Tit.	8	Disp. VI.	Disp. IV.
29	col. 2.	8	secundo ad 3. nego.	secundo, negando.
14	14	14	viam	omnia.
31	11	7	tam proximā, quam	proximā, non remo-
13	13	13	remotā.	ratā.
13	13	13	tetractio.	tetractatio.
14	14	14	Ennate.	humanitate.
13	13	13	privaciones verò non destruentur.	privaciones enim non destruentur.
32	15	4	dicendum ergo etiam.	ergo etiam.
33	3	10	judicii, nisi.	judici: sed non fatiat per
			modum judicii, nisi &c.	
35	1	8	Hoc.	Hæc.
3	3	12	assignabilis.	assignabilis.
16	16	16	termino atque.	termino: atqui.
4	4	1	amor concupiscentiz: quam.	amor concupiscentiz: quem.
2	2	2	Speci. Respondeo.	Speci: ergo etiam amor
			concupiscentiz in patria. Respondeo.	
5	14	14	visionem.	non visionem.
2. & 4.	14	14	divinum.	claritum.
36	Summar.	13	charitatis.	claritatis.
n. 2.	23	23	volunt illas in actu.	volunt illas consistere in actu.
37	5	4	pertineant.	pertinent.
11	11	11	per nostram operationem significativam.	lege: per nomina operationem
			significantis.	

ERRATA. CORRIGE.

Pag.	N.	Lin.	per nostram.	per nomina.
37	5	13	habebunt.	habent.
38	col. 1.	2	imò.	primò.
n. 13.	9	9	eiustæ.	erustæ.
14	13	13	materialis.	materialæ.
15	7	7	Triu. 4.	1. Tim. 4.
12	12	12	tum.	ramen.
15	15	15	contra.	cujus.
16	7	7	supponi.	superposit.
39	16	26. & 29.	si etiam.	hoc est.
17	10	10	tolatur.	toleratur.
19	34	34	quo.	quia.
20	26	26	voluntariam.	violentam.
40	21	19	gratia secundum.	gratia, nisi secundum.
			dilectione vivacissima.	dilectione, & vivacissima.
22	15	15	incomparabilitatem.	incompatibiles.
24	3	3	diminutum.	diminutum.
41	col. 2.	12	propositionem.	propensionem.
n. 8.	2	2	dividi.	dividitur.
42	col. 1.	3	interrupta.	interrupta.
n. 11.	24	24	allicendum.	allicandam.
11	11	11	relaxentur.	relaxetur.
43	4	10	in surum documentum.	in seram noctem.
5	5	12	peccaret.	peccet.
16	16	16	supposito.	supposito.
19	19	19	quia reperitur.	reperiuntur.
47	col. 1.	3	tantum.	bene.
n. 24.	13	13	nec & sua.	nec se, & sua
21	21	21	actum præceptum.	actum præceptum.
48	col. 1.	13	voluntate omittendi.	voluntate omittendi
19	19	19	motivum.	motivum.
n. 29.	18	18	à principis.	ac principis.
30	30	30	non.	nam.
4	4	4	non omittendo.	omittendo.
19	19	19	proinde.	inde.
49	4	26	rationaliter: ergo.	rationaliter: sed
			purè omittendo non agit rationa-	
			bilitate: ergo.	
48	48	48	impossibilem.	impossibilem.
51	9	7	malus, nisi.	malus: nec potest con-
53	col. 1.	12	cipi bonus, vel malus, nisi &c.	
54	n. 12.	3	dicere.	dicere.
55	3	12	omnimodum.	omnimodam.
56	col. 2.	2	enitularum (quam.	enitularum mo-
57	n. 2.	9	dalium (quam	
58	col. 2.	2	Consilium.	Consilium.
59	col. 2.	2	examinare.	examinare.
60	n. 2.	23	p. 109.	p. 109.
61	29	15	Thomistæ.	Thomistæ.
62	col. 1.	13	perveniri.	perveniri.
63	col. 1.	13	causaliter, & ut quod.	causaliter, & ut
64	col. 1.	13	quo concedo: tantum formaliter.	
65	n. 10.	22	bonitatis.	Bonitas.
71	10	3	propositione, quæ.	propositione (quæ
72	Summar.	10	cognitione: non enim.	cognitione: sed
n. 2.	9	9	non dirigeretur aliqua cognitione:	
74	col. 1.	27	non enim.	non enim.
30	30	30	ex dictis quidem est.	ex dictis est: quod
n. 14.	3	3	est à principio.	
15	15	15	permissionibus.	promissionibus.
75	Summar.	8	pro illo.	præ illo.
76	col. 1.	27	p. l. dolo.	per l. dolo.
77	n. 13.	6	per doli.	per doli.
78	col. 1.	2	Obligare.	obligare.
n. 4.	5	5	metum mortis incutientis.	metu mortis
79	col. 1.	5	promittit.	permittit.
80	col. 1.	5	voluntarium.	involuntarium.
81	col. 1.	5	involuntarium.	non voluntarium.
82	col. 1.	5	Si existimas.	Si existimas.
83	col. 1.	5	Mich. David.	Mich. Baïum.
84	col. 1.	5	partialiter directis.	partialiter directis



## ERRATA. CORRIGE.

Pag.	N.	Lin.		
79	col. 1.	1	quem.	quod.
80	n. 5.	ult.	de objecto indirecte	de ob- jecto judicare.
-	6	3	abstractam,	abstractivam,
81	Summar.	9	directe.	directivè.
-	n. 6.	3	non subiiciuntur,	non subiiciuntur,
82	9	8	directe.	directivè.
83	6	6	initiatio.	initiativo.
-	11	8	sui.	termini.
87	col. 1.	3	voluntas.	utilitas.
89	n. 1.	ult.	de moralitate.	De moralitate actûs hu- mani.
91	col. 2.	8	abstractivè.	abstractè.
92	n. 21.	2	in bonum. & malitiam.	in bonitatem & malitiam.
-	-	15	regulis morum : quia.	regulis morum ; sed actus indifferens secundum se libere tendit in objectum substant regulis morum : quia.
93	8	4	naturæ rationali quatenus rationali quæ tali, vel bonum ho- nestum supernaturale, conveni- ens naturæ rationali quatenus.	naturæ rationali quæ tali, vel bonum ho- nestum supernaturale, conveni- ens naturæ rationali quatenus.
-	9	16	ceu.	seu
94	14	14	inducit.	inducit.
-	15	3	posse. Hoc.	posse, hoc
95	col. 1.	2	quadruplex bonitas naturalis, quadruplex bonitas in uno actu reperiri por- est. Prima est bonitas naturalis.	quadruplex bonitas naturalis, quadruplex bonitas in uno actu reperiri por- est. Prima est bonitas naturalis.
96	col. 2.	2	per conventionem,	per intentionem,
98	n. 4.	14	habebat se.	habebat se.
-	7	19	aut.	autem.
100	7	7	per quam.	per quem.
104	7	12	proximam,	paternam.
Ex Tract. De Conscientia.				
108	Summar.	7	conscientia.	conscientia.
-	n. 3.	18	in qua.	in quo.
116	1	10	sive per se.	sive in per se.
-	-	22	Divus de.	Divus Paulus de.
119	1	9	probabilis est ex.	probabilis ex.
120	6	35	esset planè	esset bona ex objecto, tamen bonitas respectu voluntatis dubie operantis esset planè,
-	7	14	licita.	illicita.
121	col. 2.	7	constat, me consensisse.	constat me fecis- se : sed ex nullo fundamento mihi constat, me consensisse.
124	2	43	violendæ.	violandæ.
127	12	13	obscuræ.	obscuræ.
128	col. 1.	10	consequetur.	consequitur.
-	n. 22.	23	ad opere.	ab opere.
-	-	35	ex quid.	& quid.
129	1	4	a. disp.	a. s. disp.
139	3	305	citra.	citra.
145	9	1	deponit.	deponit.
-	10	13	in eo.	in eo.
146	11	7	prudenter.	prudenter.
-	-	14	Hic.	Hic.

## ERRATA. CORRIGE.

Pag.	N.	Lin.		
147	18	3	vincibili, qui.	vincibili, quia is peccat ex ignorantia vincibili, qui.
156	19	2	probabilem, quam.	probabilem, quæ spe- ctat omnibus motivis, tam in- tinctis, quam
-	20	4	suam.	suam.
-	-	9	fecit.	facit.
157	Summar.	9	venialem.	materialem.
165	n. 5.	27	assensu.	assensu.
Ex Tract. De Peccato Personali.				
176	1	10	debita.	debita.
179	1	7	idololatria:	idololatriæ.
-	-	7.		6.
-	6	13	DDI.	DEL.
-	-	23	aversiones,	aversionis,
180	7	24	ostendit.	ostendit.
188	23	12	physicam.	physicum.
193	3	antepon	explicitam.	explicitam.
194	9	5	prohibito.	positivo.
195	Summar.	2	viratur.	viratur.
197	Tit.		quodam.	quodam.
202	Summar.	5	internam, &c.	inter actum internum, &c.
205	1	2	connexio, qui.	connexio, ut qui.
229	n. 6.	27	nam ab habitualis.	nam habitualis.
231	7	9	interrupto.	non interrupto.
-	3	14	indirecta.	indirectè.
233	2	19	u	ut
235	Summar.	7	non retractationis.	non retractationis.
236	3	9	contractus.	contractus.
237	8	10	intrinsecum.	extrinsecum.
238	4	17	significanrem.	sanctificanrem.
241	5	16	subeundem.	subeundum.
244	3	10	remissio.	remissio.
249	6	5	in ordinatâ.	inordinatâ.
Ex Tract. De Peccato Originali.				
262	9	3	per	pro
-	8	27	magis.	magis.
2	11	2	a.	ad.
Ex Tract. De Legibus.				
279	col. 1.	3	quid coinquinatus, quid incoinquinatus	quid coinquinatus, quid incoinquinatus
284	6	46	indicati.	judicati.
291	2	6	virtualiter negativum.	virtualiter affir- mativum respectu posteriorum.
299	8	15	temperantiæ.	temperantiæ.
304	4	4	externam.	externam.
306	20	1	Carpinales.	Cardinales.
312	16	1	leges.	leges.
318	11	16	ideque.	ideque.
322	13	24	si præcepto.	si de præcepto.
329	29	17	tenebris.	tenebris.
-	34	7	Gregorii.	Georgii.
337	8	13	aliqua.	aliqua.
342	Summar.	15	penitentiæ.	penitentiæ.
348	8	2	esse primum, quodd.	esse, quodd.
369	Summar.	14	Benedictionum.	Benedictionum.







10

55  
20  
120



